

24

5



Ex Bibliotheca
majori Coll. Rom.
Societ. Jesu

14-22.6.95

~~59.~~ ~~55~~
~~f~~
~~59.~~ ~~55~~
46







LIBRARY OF THE
VITTORIO EMANUELE
ROMA



HIERON. VITALIS.C.R.
QUADRIVM SCIENTIARVM
LEXICON siue MATHEMATICVM

Joseph Facciolus F. 1690

LEXICON MATHEMATICVM.





LEXICON MATHEMATICVM.

H O C E S T

Rerum omnium ad vniuersam planè Mathesim
quoquo modo, directè, vel indirectè
spectantium,

COLLECTIO, ET EXPLICATIO.

*Continens Terminorum; præsertim exoticorum, dilucidationem,
Nominis rationem, atque Etymologiam, Principia, Præcepta
communia, Axiomata, &c. ac breuem, & exactam,
Doctrinam traditionem; adiectis, ubi opus est,
schematibus, ad pleniorum Tyronum
intelligentiam.*



Vt non immeritò

QVADRIVIVM SCIENTIARVM,

Ac totius MATHESIS PROMPTVARIVM dici possit,

AVTHORE

HIERONYMO VITALI
CLERICO REGVLARI.



ROMAE, TYPIS ET IMPENSIS IOSEPHI VANNACCII:
ANNO MDCXC.

SVPERIORVM PERMISSV.

100
THE
OF
THE

THE
OF
THE

THE
OF
THE

THE
OF
THE

THE
OF
THE

THE
OF
THE

THE
OF
THE

THE
OF
THE



MO

MO

ILLVSTRIS. AC REVER. DOMINO

**D. FRANCISCO
PIGNATELLO.**TARENTINORVM ARCHIEPISCOPO,
REGIO CONSILIARIO, &c.

Ex Clericis Regularibus Assumpto.

Hieronimus Vitalis Clericus item Regularis F.

AVD equidem extra
Domum, Præsul Am-
plissime, mihi quæren-
dus Heros, cui conue-
nientiùs, & auspiciatùs
Opus hoc dubiæ cæte-
róqui fortis, nuncuparem; quando in-

trà Domesticos Lares, atque in Homini-
bus nostri Ordinis & Instituti, Tu mihi
occurris, qui cuncta magnarum virtu-
tum, & gloriosi nominis decora, quæ
de foris per partes in alijs dispiciuntur,
& emicant; in Te vno bellè complecte-
ris, & exæquas. Nominis claritas, Na-
taliū splendor, Insulæ Dignitas, Ani-
mi magnitudo, Munificentia, Comi-
tas, Variæ eruditio, Litterarum amor, &
in earum Cultores impensissimum stu-
dium; quæ singula per se satis essent ad
Scriptores alliciendos, vt vni eorum
suas lucubrationes alte locatas dicarent;
omnia, inquam, in Te vno, mirabili ne-
xu coadunata, comperiuntur. Quid,
quod Religionis vinculum, & com-
munis olim viuendi ratio, id sibi arctius
vendicat, atque in ius vocat quod hæ-
reditario iure, cœ Naturæ vectigal, in
quoddam municipale ius venit? Ete-
nim nostra, longè fortius stringunt,
quam extera; & felicius exsurgunt ger-
mina,

mina, quæ ex vno, eodemque caudice
pullulant, quàm insititij furculi, in
alienam, quamvis generosissimam arbo-
rem, implantati. Accedit singularis in
me Tuus, in meaue omnia, iamdiù ex-
pertus amor: vt non nisi turpissimæ in-
gratitudinis notam subirem, si quæ, Te
suasore ac promotore, magna ex parte
parauì, non Tui nominis honorificen-
tià insignirem, & publicæ luci da-
rem: vt profectò priuatæ necessitudi-
nis iusta repensio, æternùm extet publi-
cæ confessionis stabile Monumentum.
Accipe ergò, illà eadem, qua me sem-
per prosequutus es, benignitate, hoc
qualecumque sit, meæ veteris obser-
uantia pignus; nomenque Tuum in
fronte, veluti quamdam immuni-
tatis tesseram ambitiosè portare,
æquo animo sustine. Namque, cùm
eius conditionis sit, vt vniuersum
Orbem Litterarum, incognitum &
solitarium, atque in peregrino ha-
bi-

bitu , (vt materies postulat ,) de-
beat peragrarè; cultus, & visus aspe-
ritatem Tua insignia leniant, æstima-
tionem , & curiositatem concilient;
sicque apud ingenuos saltem eruditos-
que Lectores, hospitio recipiatur, suas
peregrinas merces gratis, (haud tamen
ingratis & auersantibus) elargiturum:
scientibus, in nudis alpestribus, &
inaccessis montibus, sæpè aurum ab-
scondi; sub aspero, & durissimo cor-
tice suauem nucleum contineri; atque
in Sacratissimæ Tibi barbaræ Philosophiæ
Antris, latitare posse Silenos.



P R A E F A T I O

Ad Beneuolum, ac benè affectum

In Mathematicas Facultates, Lectorem .



EN tibi tandem, humanissime Lector, Lexicon Mathematicum latius extensum, omnesque Mathematicas facultates complectens, quale iam diù promiseram, quale tu ardenti studio expetieras, figuris apposis, plurimisque numeris auctum, confidentius sisto. Sed quantum mutatum ab illo quod pridem typis Parisiensibus dederam! Vt, prater titulum, & prima delineamenta, nihil penè in isto inuenias, quod sit illi commune; ac proinde non idem secundis curis elaboratum, ut in conceptis erat, sed planè aliud iure dixeris. At enim ut Operis dignitati, votisque doctiorum hominum responderem, aliam mihi eius instituendi ineundam viam, seriùs ac sanius intellexi: ut quæ in illo, ex nimia festinatione & iuuenili ardore, peccaram; hìc senili cunctatione, & supercilio cassigare, indigesta recoguere, lacunas implere, sentes, innatasque in serendo, inutiles herbulas rescare, eaque tantùm reponere, qua Lectorum profectum in Mathematicis, materiei amplitudo, & suscepta scriptionis grauitas postulabat. Id ergò magnis ausibus animo voluens, atque argumento tumidus, manum operi admouì, nec quantum mihi superesset in prosecutione, laboris, nec iussè vires meas emensus, nec quam tandem itineris metam apprehensurus essem attendens, imprudens
inccr-

incerto, vastissimoque me pelago, rectore, velo, ac remige destitutus, exposui. Cum ecce ad inhospitas, horridas, & intentatas haecenas oras, expani; fluctibus penèmersus, pedem retrahere, & litus tenere, si quā possem, seriō cogitavi.

- 2 Sed cunctantem redarguit pudor, & fidei oppignoratio desperationem iniecit, desperatioque animos addidit, ut non in regressu minùs, quam in capiti persecutione, periculorum, ac certi naufragij aleam persentirem. Namque (ut prudenter aduertit Seneca,) Crescit animus, quoties capiti magnitudinem attendit, & cogitat quantum propositi, non quantum sibi supersit. Eapropter nullam emergendi facultatem dispiciens, mihiq; ipsi irascens, quod intentatam ab alijs doctissimis viris provinciam, incausè mihi assumpserim perscrutandam; atque iniquam nobilissimarum disciplinarum sortem simul condolens; quod, cum alias reliqua inferiores facultates suas explicationes, suos Canones, sua Lexica absolutissima habeant; ipsa contrà, inculta, abiecta, desolata, atque ignota, sub barbaris & exoticis vocabulis iaceant, nullo ordine, nullo ornatu; (quandoquidem, ut inquit Hortensius apud Hugonem Grotium, Sacra ista sine vlla pompa tractari amant; & Mathesis ipsa per se ornari negat, contenta doceri; Satis sibi complacens de ingenita maiestate, solis cum vera sapientia amatoribus conuersari;) enimuero id magnum Reip. detrimentum reputans, si sola sibi saperent, atque in desertis, horrifonis, prae-rumptisque cautibus, ac dumetis obsitis penetrabilibus, degerent inhospite, inaccessa; earum praestantiam, vilitatem, diuinitas persequi aggressus sum, & quā potui facilitate, ordine ac methodo, amplissimam viam sternere, & eradicatis spinis ac sentibus, complanare.

- 3 Quare, improbo suscepto labore, non iam Quadriuium principiarum Mathesis facultatum, ut olim; sed unicam, Regalem ac maximam viam, quæ ad omnes vel minimas, ac subiectas artes aditum aperiret, latè constravi, eamque nedum permeabilem, sed & iucundam amœnamque studiosè feci, Vniuersalè Lexicon adornando; in quo, nedum voces omnes exoticas, bar-

In Præfat.
ad Lib. 4.
Q. Q. Na-
tural,

De Studijs
instituen-
dis.

Vide in-
frà, in V.
Quadri-
uium,

*barbaras, peregrinas, improprias, & ineptias, cœu asperrimas
 cautes perpolinè, atque ex etymo, detensa scabritie, dedolauì;
 sed & penitissimum doctrinæ nucleum atque medullam deprom-
 psi, communiora axiomata tradidi, Canonesque breuiter dilu-
 sidaui: ut iam nil *Matheſis* Candidato desit, quod non felici-
 ter, (ausim dicere, suauiter & iucundè) inuitet, ac manu-
 ducat ad hæc studia alacriter capeſſenda, fructumque ex ijs
 uberrimum, citrà laborem fastidiumque, legendum, ac degu-
 ſtandum. Ad hæc figuras ex ære incisas, ad oculorum illece-
 bram, & animi lenamentum appoſui; instrumenta, machinas-
 que descripsi; *Architettura* tùm *Ciuilis* tùm *Militaris* præcepta
 collegi, Opera insignia recitauì. Denique, eisi pedem extrà *Or-
 bitam* figere, nefas duxi; sistere tamen tantisper in limite æquum
 habui, manum foras extendere ad circumſeptos flosculos decerpèn-
 dos, aspectumque ad circumſtantes aliarum ſcièntiarum amanita-
 tes conuertere, atque ab ſeuerioribus studijs oppreſſum recreare, non
 indignum putauì. Etenim verè dixit *Plinius*. Magna pars, stu-
 diorum amœnitates quærimus: Quæ verò ab alijs tractata
 dicuntur, immenſæ ſubtilitatis, obſcuris rerum tenebris
 premuntur. Siet ſua laus, & grauitas primis *Matheſis* Pro-
 feſſoribus; noſtris Tyronibus; vſpote delicatulis atque in tanta
 ſtudioꝝum varietate naſcantibus, oportet non rugoſam, non
 aſperam, non ſeueram *Matheſis* frontem exhibere; ſed libera-
 lem, facilem, promptam, diuitem, ut eius amore atque ille-
 cebris capti generoſi lnuenes, ſublimiora ſtudia, quibus *Reipubli-
 cæ* proſint, ſeiſpoſos ditent, cateris præluceant, proſequantur:
 ut iure mihi per iocum illud *Apellis* dictum obiectare poſſis.
 Non valuisti facere pulchram, fecisti diuitem. Ita planè:
 cùm proprijs lintamentis iuxtà verum, & ut rei dignitas po-
 ſtulabat, eam ad vinum figurare, impotem me agnoſcerem, varijs
 monilibus exornaui, ut natura defectum ſuppleret ubertas, &
 qua in proprio ſolo ſata vix germinarent, in alieno in magnam
 ſegetem adoleſcerent, ac ſub mitiore calo, conſtarum circa
 domeſticarum ſtirpium, pulchritudinem, ac dulcedinem parti-
 ciparent.*

*In Prefat.
 ad Veſpaſ.
 Cæſarem.*

4 Ad hunc finem omnium Mathematicarum Disciplinarum semina, quin & Artium ipsas subalternarum surculos & genuinas voces, in hoc Lexicon, cœu in spatiosum & variantem hortum, nullo delectu, nullo ordine, nulla textura, (nisi quantum Alphabeti processio postulat) confertim coadunavi, & in totidem veluti areolas ab invicem seiunctas dispersiui, ut animus per eum liberè expatiari queat, & ubi libuerit immorari, vel aliò diuerſi; aut defatigatus pedem sistere, nec ultra progredi sit coactus ex connexione materiei aut verborum; propterea & paragrapha ipsa disperiui, ut lector intelligat, se solis, singula capita stare, nec ullam cum precedentibus, aut subsequētibz habere connexionem. Itaque habebunt studiosi quique in hoc opere locum, & spatiosum campum varia literaturà, (nec necessariò continuanda,) animum imbuendi pro suo cuiusque genio, capto, ac libertate. Neque enim Mathematicis tantum scribo: habebunt ipsi solidam, copiosam ac placidam doctrinam traditionem, ut nil planè desit, quod non eos ad uniuersam Mathesim erudiat ac manuducat; nec deerit alijs aliarum scientiarum cultoribus, varia in omni genere eruditionum messis, quibus sua desideria expleant, & simul, velint noli, Mathematici fiant, ut saltem sine horrore Mathematica dogmata voluant, in ijs aliquid, quod suo genio arrideat conspiciantur; ac tandem ità hisce studijs afficiantur, ut gratum habeant inter Mathematicos conuersari; inde in Mathematicis congressibus aliquid de suo expromere delectari, adeo ut sapè quis de repente Mathematicus inter philosophos se factum stupeat.

Virgil.
Georg. 2.

5 Mireturque nouas frondes, & non sua poma.
Enimuerò in curiosa Operis excursionē plus foris ostendet Lector, quam simplex titulus præsēfert, & ex institutio hoc irrunco suauissimos quandoque fructus educi. Videbit quippe, me non purum compilatorem Mathematicorum terminorum agere; sed, ubi res postulat, & nexus quem cum Mathesi habet Philosophia, suprà quam veluti basim fundatur illa, plurimas, easque iucundas & curiosas quæstiones exsuscitare, discurre, ac definire; quæ etsi non in eo certitudinis, & enidentia

gra-

gradu posita sunt, quo solum scientia Mathematica gloriantur; attamen ijs stabiliendis magno adiumento esse possunt, atque ab ijs vicissim robur & fortitudinem nanciscuntur: ut iam multe veritates olim in Natura maiestate latentes, circa quas Philosophia discurrens decepta est, postea ex principijs Mathematicis è tenebris eruta, novos Philosophos, antiquos, & magnos errores deducere; proindeque nunquam has nobilissimas facultates se solis incedere tuto posse, sed alteram alterius auxilium manu egere. Eiusmodi sunt varia Mundi excogitata Systemata ad salvandos Celestes motus, & apparentias; Media Zona præ nimio ardore inhabitabilis; & passim multa, quæ iam falsitatis redarguuntur, & antiquos philosophos, Chronologos, Geographos, & Astrologos, uno tantum pede gradientes, lapsos ostenderunt, afferentes non causam pro causa: atque adeo nil mirum, si à verò longissimè aberrarunt. Sed in his Geographia tutior ac felicior porro est, quæ post compertam rerum veritatem incedit; & nihil admittit, quod non manu, & sensibus antè tennuerit. Propterea nil mihi, vel valde parum de ea hic differendum fuit, & solum ad operis complementum summa capita ac terminos generales exponere, ratum habui; tantumque ut innotesceret, & ipsam venire in cæterarum Mathematicarum facultatum consortium, nec infimum sibi locum deberi. Cæterum si Locorum omnium, Regionum, Prævinciarum, Climatum, Marium, descriptiones assumpsissem, profectò in immensum scriptio excrevisset, Lectoremque grandi mole territum à lectione abalienasset. Eo maximè, quod cupienti non deerunt in hoc genere sua Lexica Geographica, Theatra, Thesauri, Atlantes, atque Tabulae Uniuersales, à Ptolemaeo, Mercatore, Ortelio, Magino, Ferrario, alijsque confectas; ac nouissimè Antonino Baudrando, qui duobus magnis Tomis, Ferrarij Lexicon Geographicum ampliavit, (quod utinam in alijs sublimioribus utique Mathematicis facultatibus, alijs præstisissent!) ut propterea acta agere, & doctissimorum hominum labores sibi assumere, operosum valdè, superfluum, & criminofum foret. In alijs verò disciplinis suis vocabularijs destitutis, lar-

gior fui, & fortè profusior, atque audentior; quippe non intrā
earum tantummodò terminos me continui, sed aliquantulum
pratergressus, ad confinia pedem extendi, & florida quadam,
ac iucunda libando, ut Lectorum diuersis genijs morem gere-
rem, sèueriora studia blandis enagationibus delinui.

6 In his, data opera, Astronomiam, eiusque vocabula expō-
siturus, Astrologiam eius filiam, sed plerumque ab malis Phi-
losophis Vanis obseruationibus, ac iudicijs temeratam, intexo:
idque, ut bonam frugem à vitiosa secernerem, putaque acnu-
da Astrologia nauos, & mendicitatem ostenderem: quandoqui-
dem ea inter Mathematicas disciplinas, quin & inter natu-
rales scientias computanda non est, sed inter enatos, ut ita
dicam, è putri ob nimiam pinguadinem, gleba fungos, qui viplu-
rimum noxij & venenati noscuntur, quamquam deprauato
gustui sapidissimi. Propterea eius effata suspecta sunt: & ne-
dum quā diuinatariam respicit, & futurorum liberorum, aut
fortuitorum præscientiam, quæ vulgò Iudiciaria audis, & Sa-
crorum Canonum pariter, & secularium Principum decretis
damnata est; sed etiam quæ in naturalibus tantum causis, &
necessariò operantibus sistit, quæ sapè fallax, incerta, atque
euanida innenitur. Non quòd ea in se falsa sit, & cause
superiores suo effectù priuentur; sed quòd non plenè ab ho-
minibus teneatur, cum nequeant tot infinita propemodum cau-
sa ad eundem effectum concurrentes, in indiuiduo definiri, aut
saltem in specie determinari, eoquod ille æquiuoca sint, sibi
ipsi obstantes, ac repugnantes, monstrososque sapè partus ex
conflictu parturientes; quò sit, ut inter tot disparatas, va-
rias, & non semper recurrentes easdem siderum configurationes,
discernere haud valeat humanum ingenium, neque ex ingi expe-
rimento colligere, quæ verè influant in effectum, quæue ex
contrariorum obstitentia, frustranea, vel impotentes inuenian-
tur. Nì forè talis sit Calorum constitutio, tam manifesta,
concors, & præpotens siderum combinatio, subiecti passibilis
dispositio, nullo obice interueniente, ut notā iam eorum na-
tura, respondentibus semper effectibus, & nunquam fallante
ex-

experientiâ, prudens ac rectum argumentum induci possit, talem effectum à tali causarum concursu, ortum habere & recurrentibus causis, necessario expectandum. Tales sunt Maxima, & prapotentissima Superiorum Coniunctiones, quæ naturam sublunarem concutiunt, & magnis alterationibus reddunt obnoxiam, ut semper experimur. In eodem genere sunt Luminarium Eclipses, maximè si à Maleficis sint obfesa, & Beneficarum auxilijs destituta: quæ non modò in seipsis quando accidunt, prævideri possunt, sed in ipsarum effectibus, quibus nunquam vacuas præterire videmus. Similiter exortus aliquorum siderum cum luminaribus, & planetis: Ingressus Solis in puncta Cardinalia, ubi fit nova combinatio, & immutatio primarum qualitatum in hisce inferioribus, & experimur summum calorem, aut frigus in Solstitijs, & magnam temperiem in Aequinoctijs, & magis aut minus, prout Sol plus minusve ad nostrum verticem accedit, &c. Quibus manifestis, semperque in idem recidentibus constitutionibus exceptis, reliqua sunt in ancipiti, obscura nec satis comperta, facili effectû carentes, & ab contrarijs causis prævalentibus interturbanda; ut non nisi à purgato & expertissimo intellectu rectum iudicium iniri possit, qualis effectus ex sanitarum, ac dissitarum naturâ causarum concursu, sit proditurus, quanam prævaleant, quanam obsistant & earum vires infringere aptæ sint.

Quodideo, etsi de purè naturalibus effectibus, necessario à suis 7 causis proximè ad operandum dispositis sit coniectatio, nullo iure prohibita; non tamen semper ad scopum collimat, immò verò multoties fallit, quia fallitur intellectus in causarum examine, scrutinio, & delectu; ut in longè magis perspecta natura elementari euenire passim videmus, ubi plures, sibi-que obsistentes causæ in eundem effectum concurrunt; prodire nimirum monstra, & varias aborsiones, quas nunquam suspicareris. Est tamen innocens, nec planè inutilis talium perquisitio, maximè post effectum sequutum; quia per frequentatos actus comparatur habitus, & scientia experimentalis, at-

que ex eodem effectu pluries repetito, denenitur in agnitionem genuina causa, unde naturaliter prodeat. Et ideo communiter admittuntur, & permittuntur ab Ecclesia Astrologica predi-
 ctiones, que concernunt Agriculturam, Nauticam, & Artem medicam; quia, etsi sæpè non congruant, & fallaces in-
 ueniantur; plurima tamen, que in occulto erant, manifesta fiunt,
 & errando cautiores, & sapientiores efficiuntur. Id quod non
 obscure insinuant Angelicus Doctor, & expressit in sua Con-
 stitutione Sixtus V. aduersus Astrologos iudiciarios edita, ubi
 hac de Astrologicis predi-ctionibus pronunciat. Neque verò
 ad futuros, & fortuitos casus (futuris euentibus ex cau-
 sis naturalibus necessariò, vel frequenter prouenientibus,
 quæ ad diuinationem non pertinent, dumtaxat exceptis) ullæ sunt veræ artes aut disciplinæ. Et mox infra, circa
 purè naturalia, clariùs mentem suam exponit in hac verba:
 Permissis tamen iudicijs, & naturalibus obseruationibus,
 quæ Nauigationis, Agriculturæ, siuè Medicæ artis iuuan-
 di gratia, conscripta fuissent. Etenim, quauquam in huiusmo-
 di iudicijs aliquando internenit error, & inscitia professò-
 rum, nihilominùs lapsibus via sternitur, & ipsi errores de-
 lecti ad latentem veritatem conscrunt, si postmodum celestes
 causa intimiùs perscrutentur, & ad quantum earum actiuitas
 se extendat, agnoscatur. Id quod in omnibus facultatibus, &
 scientijs præsertim coniecturalibus, locum habet, & valet oppi-
 dò ad firmandam stabiliendamque earum vniuersalem Theo-
 riam.

- 8 Sic passim praticari conspiciunt in Medicina, circa morbos
 extraordinarios grauissimos & occultos, ubi ars desipit, & sa-
 pientissimi etiam Medici hallucinantur, & confunduntur in
 eorum principijs eruendis; unde, est quod agri miserè pereunt
 ex defectu scientiæ, vel præpostera applicatione medicamen-
 torum. Quare laudabiliter introductum est, dissectari corpora;
 ut ex partibus lesis, origo morbi, qualitas, & processus com-
 periat: qua notitia ex repetitis actibus comparata, ipsi in
 posterum experientiores fiant in eiusmodi morbis iudicandis
 as-

atque ad contraria remedia salubriter applicanda . Est ergò omnis Astrologica coniectatio purè coniecturalis; eaque aut rationabilis, aut presumptuosa & fallax; adeoque, aut vero accedens, aut errores inuoluens, atque perniciofa . Verosimilis, & rationabilis est, qua veras causas attingit, atque ex rationabili discursu procedit; colligens ex naturalibus causis effectus, aut ex effectibus genuinas causas . Temeraria autem, falsa, & Reip. perniciofa, qua vltro se extendit ad diiudicandos effectus, qui nequaquam ex tali causa prodire possunt, ut est de actibus liberis, ac fortuitis: pro quibus necessario falsum assumitur, & superstitio in animarum perniciem propagatur . Quæ inuat hic luculentius explicasse, ad laruam nobilissimis atque innocentissimis alioqui disciplinis, tollendam; & puræ Mathematicis professorum cautionem .

Cæterum hæc lacinia sunt nostri Operis, & Mathematicæ reie- 9
ctamenta, quæ intrâ sinum suum excipere dignatur . Solidiora ipsa exquirat: firmissima & certa, quæ ex demonstratis principijs feliciter eruantur; quibus nos insistimus, ac toti sumus . At enim de illis etiam aliquid dicere coacti sumus ex colligantia, & necessaria dependentia, quam habent à vera Astronomia, & demonstrationibus Mathematicis, neque enim iam subsistere queunt quæ falsis aut malè acceptis è Mathematicis principijs innituntur . Cuiusmodi sunt de Antiscijs, atque Lunari Horoscopo (quem Partem Fortune nominant) Antiqui tradiderunt, constituentes ea in locis, quæ Astronomica demonstratio repugnat admittere . Similiter quæ de signorum natura, ac proprijs fixarum influxibus, tum ex seipsis tum ex congressis cum Planetis, dixere . Quæ modò ex recessu Octauæ spheræ à Primo Mobili, veritati minùs congruunt, ut in loco ostendimus . Quæ verò de earum significatis in Horoscopo aut in Occasu ex Manilio, Arato, Firmico, & Pontano, audentiùs dicta adduxi, ea vel philosophicis rationibus, ac repetitis experimentis comprobo; vel, ut non satis concocta, rejicio; vel sanè, ut Poetarum lusus, ad ornatum, & lectoris oblectamentum appono; cum cæteroqui non tanti sint, quæ valeant Legen-

gentem in errores abducere, & viceversa ob styli elegantiam
& poeticam festiuitatem in astimatione sunt.

- 10 Igitur Mathematica serietati necitimus iucundiores è philo-
sophia petitas Quaestiones, atque ex arido, & salebroso solo
dulces aquas elicimus; Ut defatigatus ex longo itinere animus
sedeat, & quæ circa sunt, tantisper inspectando, recreetur. Neque
verò Regia Dignitati detrahitis cultus exterior, & auro gemmisque
intexta clamys, augeat obsequium & maiestatem. Quocirca Qua-
stionum curiosarum, & extrà vagantium Indicem, in Lecto-
rum gratiam, præfixi Operi, ut vel Mathesecos granitatis fa-
stidiosus osor, in ipso non nihil suæ frugis inueniat; & subli-
mioribus illis disciplinis addicti, habeant quò animum exple-
ant sine multà defatigatione, imò cum ingenti gaudio, & vo-
luptate. Quæ verò in omni genere eruditionis speciali obser-
uatione digna cognoui, hoc signo **G** ad marginem annotaui.
- Rom. 1. Quid facias? Sapientibus, & insipientibus debitor sum;
Inquit Apostolus, Doctis, & indoctis morem gerere, & pro-
desse satègi; tantum ut bono affectu Volumen euoluant, non
ut maligni, quidquid ipsis non arriserit, carpant, sed quod
ipso in re litteraria inuare queat, eligant, quæ infrà eorum
captum, aut summam perspicacitatem sunt, prætermittant.
Neque enim ambitiosus sum, nec multum aueo, hæc quæ de
rebus Mathematicis, nouà methòdo scripsi, omnium manibus
indifferenter teri: inuat enim in præsentem id usurpare, quod
de suis scriptis dicere solebat Romana eloquentiæ ac pruden-
tiæ princeps Tullius, referente Lucullo, lib. 2. de Orat. Quæ
scriberet, neque à doctissimis legi velle, neque ab in-
doctissimis: quod hi nihil intelligerent; illi plus fortas-
se, quam ipse de se. Ita planè, prorsus indocti nihil inue-
nient in hisce elucubrationibus, quod ipso erudire valeat,
aut innatam insentiam defricare: quinimò ad titulum perhor-
rescent; & si opus euoluet sciolus quis, geometricas figuras
magicos caractères dicet; ac barbara verba, Demonum nomina
reputabit. At nimium docti, & in omni scientia, ac litte-
rarum varietate probè exerciti, nil offendent, quod ipsis sit

novum: & forte naus notabunt, doctrina pauperiem, & scriptoris infelicitatem.

Ast mihi porro, ex varia & saepius repetita omnis generis lectione librorum; tum in dubijs, ex doctissimorum virorum eruditis conferentijs, plurimum lucri accessisse, pretiosissimasque gazas in hoc Lexicon adportasse, invidus sim, si difficear. Equidem benignum est (ut inquit antiquus ille) Plin. in-
Prof. ad
Histor.
natur.
& plenum ingenui pudoris, fateri per quos profeceris. Propterea ad eius, aliorumque Recentiorum Scriptorum imitationem; alium indicem Operi praefixi, Authorum ex quibus licuit aliquid excerpere ad eius conformationem: In quibus qui de Mathematicis disciplinis luculenter, & ex professo scripserunt, diverso & grandiori charactere notati sunt; ut ex ijs possit studiosus Tyro, si velit, iustam, & satis conferentiam sibi Bibliothecam comparare. Tum honoris, & grati animi repensu, eos hic nominare placet, quos viva voce consulere, sors, & eorum comitas dedit, quique propositis argumentis, ac suppeditatis, quos non habebam libris, magnam partem, & meritum locupletati Operis sibi vendicant. In his praecipui fuerunt duo Illustrissimi atque eruditissimi Aula Romana Proceres, Franciscus Maria Victorius, & Ioannes Ciampinus, ambo virisque, ut vocant, Signatura Referendarij: duo item è Socijs, in Collegio Romano Mathesis Professores, Franciscus Eschinardus, & Antonius Baldigianus: ex nostris, Guarinus Guarinus, meus olim Connovitijs, & cum primis amicus: atque ex exteris, Vitalis Iordanus, in Romano Sapientia Archigymnasio Mathematicarum publicus Explanator. Nec sua laude fraudandus est optima spei Iuvenis, Carolus Boursaler, in Geometricis, & Mechanicis, non leuiter versatus; qui mihi sedulam operam praestitit, & magno adiumento fuit, ad figuras designandas atque in laminis incidendas.

Hac sunt, humanissime Lector, quae te praemonuisse in vestibulo Operis duxi: nec dubito, quin ea animi promptitudine atque alacritate, secundas has curas excepturus sis, quae informi Lexicon Mathematicum, festinatum, & imperfectum opus,

II

opus, & adhuc, ob mei absentiam, infinitis propemodum mendiscatens, Interianis epis cufum, vigintitribus ab hinc annis, cum gaudio fufcepifti. Cuius rei luculentum teftimonium habeo, & ciffam librorum diftractionem, & tuas benigniffimas litteras, quibus me harentem & cunctabundum, ad prosequendum opus, adactis ftimulis, animafli: ac fubminiitratè ampliore nouorum vocabulorum fupellectile, ultro caput fubmittere coëgiffi. En tibi obsequens fidem foluo; quaque de tuo peno magnam partem, accepta funt; in omnium ftudioforum commodum, grandi fiducia reddo. Si qua verò minùs accuratè, minùs aptè tradidi, prudens excufa, & amice mone, ut corrigam: fiquidem ad fcribendum me induxi, non tam, ut alios doceam; quàm, ut ipfe res meas alijs ultro communicando, fapientumque caftigationibus exponas, fi quid malè dixi, dedoccar, & fapientior fiam. Quocircà quacumque fcripfi, nedum S. R. E. quà decet reuerentia, & humili affectu; fed & tuæ, amice Lector, correktioni lubens fubijcio.

12 Tandem ad Operis fauftrum ingreffum, & grande utique authoramentum, placuit nobile Anagramma eidem prefigere, quo olim, non tam genere quàm eruditione excellentiffima, in nomen meum & librum, lufu ingeniofa puella, vix tertium luftrum egreffa, cum Meffanà iter agentem, ibique per dies aliquot fufiftentem, parentum fuorum nutu, me accerfit, gratulata eft aduentum; & fui ingenij partibus nil tale ambientem, gratiofè voluit honorare. Porrò, ut grati animi hoc qualecumque rependerem monumentum, aquum duxi id publici iuris facere; non ut plaufum operi, & gloriam meam captem; fed ut nofcas Litteratorum Republica, quam vberem ingeniorum fegetem educas facunda in omnibus femper Trinacria tellus, quæ in molli sexu, & in Virgine, intrà domesticos lares in delicijs innutrita; tam fapidos, fuccofos, & fententia pondere graues fruftus, edere natfa fit. Quandoquidem in hoc Annagrammate, fubieftoque ad maiorem eius dilucidationem Oëtaftico, mirari non fatis eft elegantiam, puritatem, verborum proprietatem, quà fermo fe explicat, alias

*tot duris legibus coarctatus, nihil puerile, nil flaccidum, nil
 contorsum aut humi repens, in hoc scribendi genere ultrò per-
 missum, admissum; sed pari severitate, ac venustate proce-
 dens, ne unâ quidem litterula præterita, aut commutata,
 habitâ etiam exactissimâ metri & syllabarum ratione: ut non
 tam liberius securus & ornatiùs ambularet vaga, solutaque
 oratio: adeò perspicua, gravis & mascula est Verborum ex-
 pressio. Ut meritò dixeris Apollinem, & Minervam suas di-
 vinitas omnes & munera, in hac nobili Alumna reposuisse; quan-
 do aliàs severioribus studijs, quibus sedulo incumbit, intento
 animo applicata, Poeticam, & Musicam miscet, &
 per osium internectis: iure inter Pierias Virgi-
 nes decima, sed Principe loco adnumeran-
 da. Sed iam Lectorum admira-
 tioni, & plausui hoc felicitis
 ingenij specimen est
 exponendum.*



Admodum Reuerendus Pater
DON HIERONYMVS
V I T A L I
INSIGNIS MATEMATICVS.

Anagramma Litterale, Purissimum:

Ab Illustrissima, & Ornatissima Virgine
D. ANNA ARDVINO,
ET FORNARI.
Excellentissimi Palizzi in Sicilia Principis Filia
Disticho comprehensum.



Hoc enodantur Mundi nitidissima gesta;
Empyreum vadis lumine terra suo!

EPIGRAMMA

O Mnia, quæ cunctis fuerant abscondita mundi,
Hoc enodantur, sæ manifesta viris.
Quàm benè describens nitidissima gesta Tonantis,
Omni bus ostendit, quæ petit astra, viam!
Fortunata micans tanto Virtutis alumno,
Nobilis, ò Tellus gaudia vera capis!
Aurea Terra, suo virtutum lumine vadis,
Empyreum, qualis sæcla beata ferens.

IN-

INDICVLVS

LOCORVM ET VERBORVM,

Qua in hoc opere examinantur.

A Littera.	Aliquòta pars.	Anisòcycla.
Abacus.	Alpes.	Anser Americanus.
Abaton.	Alterna ratio.	Antecedens.
Abscissa.	Ambo.	Antèrides.
Accessus obfidio-	Ambulacrum.	Anteparistatis.
nales.	Ambulacrum valli.	Antepilani.
Acidoides.	Amphipròstylos.	Antibòrcum.
Acies. (chinæ.	Amphithàlamus.	Antiquum opus.
Acrobàticæ ma-	Amphicheàtrum.	Antlia.
Acrotèria.	Amùsium.	Antòche.
Aëtus.	Amusscàtum opus.	Aoristæ.
Aëuarij.	Amygdalàrum.	Apodixis.
Adiàmeter.	Anaglyphicum.	Apophyges.
Acolipylæ.	Anàbathra.	Apothelèsma.
Aequatio.	Analèmma.	Apothèsis.
Aequipòndium.	Analogia.	Apòtome.
Aera.	Anapòrica.	Applicatio.
Aërostatica.	Ancònes.	Applicatæ.
Agger.	Andrònes.	Ap̄sis, & Absida.
Agmen.	Anemographia.	Aquæductus.
Albàrium.	Anemoscòpium.	Aquilègia.
Alæ.	Angiportus.	Arachne.
Algebra.	Angon.	Arca.
Alhabor.	Anguli.	Arca.

Area.	Basilica.	Caput porcinum.
Areòstýlos.	Basiliscus.	Carcamùsa.
Arenatum opus.	Bellum.	Carchesium.
Arganum.	Benacus.	Cartibus, seu Carti- bulum.
Argumentum.	Bes.	Caryatides.
Aries.	Biblia petraria.	Casamatta.
Antemo.	Biclinium.	Cassis.
Arx.	Biffæ.	Cassides.
As.	Biforum.	Castella.
Asaròtum.	Bilanx.	Castrum.
Ascendes machina.	Binòmium.	Castra.
Ascij.	Blindes.	Castramentatio.
Ascriptæ.	Bòlides.	Casus.
Astragalus.	Bolis.	Catapulta.
Asymptòti.	Bombæ.	Cataracta.
Atrium.	Bombarda.	Catenæ.
Atticùrges.	Boristhenes.	Cathetus.
Aula.	Bòsphorus.	Catogeum.
Auricula.	Botontini.	Catòptrica.
Auxilia.	Breuiarium.	Catti.
Axis.	Breuiissima.	Cauædium.
	Briccolæ.	Cauliculi.
	Buccina.	Caurus.
	Bùcula.	Causiæ.
Ballista.		Cella.
Balnæ.	Calathòides.	Centrobaryca.
Baltheus.	Càlathus.	Centrum.
Balùstria.	Cancer.	Centrù grauitatis.
Banchus.	Candelabrum.	Centuria.
Baptistèrium.	Canon.	Ceròstrota.
Barbacànum.	Cantèrij.	Cerui.
Bareodæsia.	Capitòlium.	Chalcidicum opus.
Bareocolimbica.	Capitellum.	Character.
Bàryca &	Capitulum.	Chamæleon.
Barycèphalæ.	Caprèoli.	Char-
Basamentum.		
Basis.		

Charnelli.	Còmmata.	Crates vimineæ.
Chelo.	Compàctiles tra-	Craticij parietes.
Chelònia.	bes.	Crepido.
Chòdaces.	Complementa.	Cryptæ.
Choràgium.	Compluvium.	Ctesibia machina.
Chorèa.	Compositio geo-	Cubus.
Coròbates.	metrica.	Culmen.
Chorographia.	Compositus ordo.	Cultelli lignei.
Chors.	Còmputus.	Ad cultrum.
Chroma.	Concameratio.	CùnCUS.
Ciclica linea.	Concentus.	Cunetta.
Ciligònia.	Conchòis linea.	Cuniculus.
Cìmbia.	Conclaue.	Cymàtium.
Circitòres.	Conclufiones.	Cymbalum.
Circumuallatio.	Conferta sedes.	
Circus.	Cònfequens.	Data.
Cifsòides.	Confonària locorù.	Decani.
Classis.	Constructio.	Decuriones.
Clatri, &	Contignatio.	Decretorij dies.
Clatràta opera.	Còntinens.	Decùbitus.
Claues.	Contràfortia.	Deductio mathe-
Climacis.	Contubèrnium.	matica.
Cnòdaces.	Conuèrgere ac di-	Deformatio.
Coaffatio.	uèrgere.	Degradatio.
Còchlea.	Conus.	Delphinos.
Cœmeterium.	Corax.	Demonstratio ma-
Cohòrs.	Coriceum.	thematica.
Collicia.	Corinthus ordo.	Denticulus.
Colloròbi.	Còrium.	Depalationes.
Collyria.	Corona.	Designatio.
Columbàtia.	Corpora regularia.	Detractiones.
Còlumen.	Corsa.	Diàbathra.
Columna.	Cortina.	Diabète.
Columnaria.	Corus.	Diachisma.
Comma.	Coruus.	Diàcopi.

Diæ.

Diæta .	Ecclesiastèrium .	Erisma .
Diaglyphicum opus .	Echèa .	Erogatòrium .
Diagonalis linea .	Echinus .	Eunoplia .
Diagramma .	Echinatum tectum .	Euripi .
Diapason .	Echinomètræ .	Eurythmia .
Diastylon .	Ecphoræ .	Eùstylos .
Diathesis .	Effigiare .	Euthygrammus .
Diathyra .	Elcothèsium .	Euthymetria .
Diàtonus .	Ellypsis .	Exàmilon .
Diaulos .	Elix .	Exaètrum .
Diazomata .	Embater .	Excubiæ .
Diayorhècon .	Emboli .	Exedra .
Dicfis .	Emissarium .	Exercitus .
Dicta .	Emplecton .	Exòstra .
Diczèugmenon .	Encarpus .	Expediitio militaris .
Digitus .	Engibata .	Exploratores .
Diplècton .	Engyscòpium :	
Diprèros .	Enoplia .	Fabrica .
Directionis motus .	Entatis .	Facies .
Disdiapason .	Epàgon .	Falx .
Dispanfa ades .	Ephebæum .	Falæ .
Displuviata tecta .	Epibathra .	Falera .
Dispositio .	Episcènum .	Farctura .
Disgegia .	Epistylum .	Fàscia .
Distributio .	Epistòmium .	Fastigium .
Diuèrgere .	Epitagma .	Fauces .
Dodrans .	Epitècticum .	Fauis .
Dòlicus .	Epithides .	Fèmora .
Dolon .	Epitòxis .	Festones .
Doma .	Epizygis .	Fibula .
Dorica ratio .	Epocha .	Fistùca .
Dracònes .	Equi frisij .	Flexæ .
Drungi .	Equitatus .	Flos .
Duellum .	Egata .	Focus .
	Ericius .	Forfex .

For-

Forficæ.	Grus fidus.	Hyalostrotum.
Forcipula.	Gula.	Hybernacula.
Fornix.	Guttæ, & Guttulæ.	Hydra.
Fortalitiū.	Gymnasium.	Hydrographia.
Forum.	Gynæceum.	Hydrothologia.
Fossa.		Histiiodromica.
Fossula.	Halorromètrum.	Hydraulæ.
Fretum.	Halon, seu halò-	Hydrus.
Frons.	Hàlysis. (nes.	Hygrometrum.
Frontones.	Hædi.	Hylegialia loca.
Fultura.	Hamatæ tegulæ.	Hypate.
Fundamentum.	Harmonia.	Hypaugus.
Funda.	Harpaginetuli.	Hyperbola.
Fundulæ.	Harpagones.	Hyperthyrum.
Fustibalus.	Hastati milites.	Hypetræ.
	Hectamoria.	Hypocaustum.
Galàxia.	Hegira.	Hypomochlium.
Gàlea.	Heleciaria ars.	Hypothenusa.
Garittæ.	Helepolis.	Hypothyrum.
Geodæsia.	Helix.	Hypotrachelium.
Gestatorix scalæ.	Helices.	
Glossocomum.	Hemicylindrus.	Iactatoria.
Glottologia.	Hercius.	Ianua.
Gnoma.	Hexamilon.	Iapix.
Gnomon.	Histiiodromica.	Iconographia.
Gnomonica.	Holometrum.	Icosaëdram.
Gonàrche.	Homogenea.	Imbolus.
Gradatio.	Homæmomeria.	Imbricatum opus.
Grâphice.	Homologum.	Immissarium.
Groma.	Horizon.	Impàges.
Gromatica.	Horologia.	Imperantia signa.
Grumæ.	Horoscopa.	Implèola.
Grumus.	Horoscopus.	Impluuium.
Grundæ.	Horoscopus Luna-	Incile.
Grus.	Hostorium.	(ris, Inconiuncta signa.
		Incum-

Incumbæ.	Lacòtromus.	Longitudo Geo-
Indiuidua corpora.	Lacunar.	graph:
Indiuisibilia.	Lacus.	Lorica.
Indus.	Lambàuras.	Loxodròmica.
Infarcinatio.	Lare. (nom:	Lumen.
Ingenia.	Latitudo Astro-	Lumina.
Insula.	Latitudo Geo-	Lunatio.
Interlunium.	graph:	Lupus sidus:
Intermissione.	Latitudo ortiua.	Lupus machina.
Interpensiua.	Latus.	Lux.
Interlectio.	Latus rectum.	Lysis.
Intertignia.	Lemma.	
Intervallum.	Lepus.	Machina.
Intestinum opus.	Lesæ.	Maleficæ.
Intuèntia signa.	Lèsbia regula.	Mallèoli.
Inuersuræ.	Libella.	Mànacus.
Ionicus ordo.	Libra.	Mànganum.
Irruptiones.	Lilium.	Manipulus.
Isòdomum. (ræ.	Limen.	Mantellum.
Isoperimètræ figu-	Liminàre.	Manùcla.
Istropostatica.	Limenèuritica.	Manucodiàta.
Isthmus.	Limes, & limites.	Manus ferrea.
Iùgerum.	Limitàtij.	Mappæ.
Iugum.	Limbus.	Marcha.
	Linda.	Marchàb.
Kàbala.	Linea.	Marchèb.
Kalendæ.	Lineamenta.	Margo.
Kalendarium.	Lingua.	Maritimæ.
Kosmon.	Lingula.	Marmoratū opus.
Krage.	Linum.	Mathematica.
Kus.	Lithòbatos:	Mechanica.
	Lithòstotros.	Mediana. (nalis.
Làbarum.	Litus.	Media proportio-
Labdarèi.	Loci Geometrici.	Medium cœli.
Lacònicum.	Longitudo Astron:	Medusæ caput.
		Me-

Megalographia .	Monotriglyphus .	Notæ .
Meniæna .	Monoxila .	Nôtius piscis .
Meniscus .	Monubile .	Nouenariæ .
Menſa .	Motus .	Nouilunium .
Mênſula .	Primum Mobile .	Nucleus .
Mensûla .	Mûrices .	Numerus .
Mentum .	Mus, & musculus .	Nux .
Meridianus .	Musæum .	Nymphæa .
Mesaquilo .	Musca .	Nymphæum .
Mesaula .	Muscarij .	
Mese, & meson .	Musuaria .	Obedientia signa .
Mesolabium .	Muta Musica .	Obeliscus .
Meta .	Muta signa .	Obliqua signa .
Metatores .	Mutilata signa .	Obliquatio .
Metoche .	Mûtuli .	Obscuræ stellæ .
Metopæ .	Myôparo .	Obsessio militaris .
Microcôsmus .		Obsessio planetar .
Micromêga .	Nadir .	Occidens . (mus .
Microscôpium .	Nahar Alcharnèr .	Occidentales do-
Militaris ars .	Nares .	Occidentalis pla-
Miles .	Naris ceti .	Occursantes . (acta
Milliarium .	Nauis in Architect.	Oâædram .
Mina .	Nauis sidus .	Oâæstylos .
Minutiaria .	Nauale .	Oâæta sphæra .
Missilia .	Nebulosæ stellæ .	Oculus .
Mobilia signa .	Nete .	Odèum .
Moderatores .	Nèuma .	Oeci .
Mòdulus .	Nili .	Olympiades .
Moduli Aquarij .	Nocturnum signum .	Onager .
Moduli Musici .	Nodus in .Acie .	Opæ .
Mœnia .	Nodi in Astronom .	Ophæucus .
Momentum .	Nodi in Architect.	Ophthalmia .
Monangon .	Nodi Constellatio .	Oppositio .
Monochòrdum .	Nona sphæra .	Optica .
Monoprèros .	Norma .	Orbis in Astron .

Orbis in Acie.	Paradisus Terre-	Pènula .
Orbita .	stris .	Penumbra .
Ordinatio in Architec- tura .	Paradisus in Ar- chitect .	Peregrinus .
Ordinatio in re mi-	Paradròmides .	Pèrgula .
Organum. (litari.	Paràllage .	Periàsti .
Oriens .	Parallaxis .	Peribolus .
Orion .	Paralleli circuli .	Peridromus .
Orthodròmica .	Parallelogràmmũ .	Perigèum .
Orthogònius .	Parallelopèura .	Perimètros .
Orthogònale .	Parallelopipèdum .	Periodus .
Orthographia .	Paramèse , & Pata-	Periceci .
Orthòstrota .	nète .	Periphèria .
Osculana pugna .	Paràmeter .	Periphrafsis .
Ostenfor .	Parapègmata .	Peripteros .
Ostium .	Pararythmus .	Periscij .
Ostia in Geographi.	Paràstata .	Peristylum .
Ouàlis figura .	Parauogèl .	Peritòmidæ .
Ouium , & ouicu-	Parhypate .	Peritritos .
Ouum . (lum .	Paries .	Peritròchium .
Oxygònium .	Parigium .	Perpendicularum .
	Parmæ , & parmula .	Perseus .
Pagmentum .	Partilis radius .	Persona .
Palæstra .	Partitiones .	Perspectiua .
Palatio .	Passer .	Pes .
Palatium .	Pavimentum .	Phalæ .
Palilitium .	Pauo sidus .	Phalarica .
Paliofa .	Pauonacea tecta .	Phalanx .
Pallandræ .	Pedatura .	Pharetra .
Palma .	Pèdites .	Phasèlus .
Palman-Mensura .	Pegàsus .	Phases .
Pansèlene .	Pegma .	Phellos .
Pantòmetrum .	Pelècion .	Phoenix .
Paràbola .	Peltæ .	Phœnicopterus .
Parabolismus .	Peninsula .	Phœnòmena .
		Phonocamptica .

Pho-

Photonomia.	Ponderosi planetæ.	Propugnaculum.
Pica Brasiliæ.	Pons.	Propus.
Pictura.	Porisma.	Proplasma.
Pilæ in Architec.	Poristmon.	Propylæum.
Pilæ.	Porta.	Prorogatores.
Pilum.	Porticus.	Proscenium.
Pinacotheca.	Portus.	Proslambamenos.
Pinnæ.	Postulata.	Prostades.
Planetæ.	Posse. Potentia.	Prosthapheresis.
Planum.	Potestas.	Prostmos.
Planiforme propu-	Præcinctiones.	Prostylos.
gnac.	Præsepe.	Protygeter.
Planisphærium.	Præsidium.	Pròthyra.
Planta:	Prætentura.	Prothyrides.
Plastice.	Prætorium.	Pròtypon.
Platea.	Prætoriana cohors.	Pseudo-castellum.
Platea armorum.	Præuentionale.	Pseudo-somum.
Platicus.	Primum mobile.	Pseudo-dipteros.
Platonica.	Principia, & Prin-	Pseudo-stella.
Plèiades.	Principatus. (ceps.	Pseudotyrum.
Plenilunium.	Prisma.	Ptera, pteros.
Pleura.	Problema.	Pulpitum.
Pleura, & Pleuritis.	Processio.	Pulsatio.
Plinthus.	Procœtion.	Puluinus.
Plinthium.	Procyon.	Puncta terræ.
Plumbatæ.	Profectiones.	Punctum.
Pluteus. (na.	Progressus.	Puteus.
Pneumatica orga-	Prohibitio luminis.	Pycnostylos.
Podismus.	Proiectura.	Pylocлаstrum.
Podium.	Promissores.	Pyrobola.
Poetica.	Promontorium.	
Polemica.	Promuralia.	Quadra.
Poliorectica.	Pronaum.	Quadrantal.
Poli.	Propnigæum.	Quadrangulus.
Polichronium.	Proportionalitas.	Quadrans.

Quadrans instrum.	Refractiones.	Sagitta telum.
Quadratus.	Refrenatio.	Sagitta Geom.
Quadrataria ars.	Regiæ stellæ.	Sagitta fidus.
Quadratrix linea.	Regio.	Sagittarius.
Quadrigæ falcata.	Regimentum.	Sagma.
Quadrivium.	Regula. (test.	Saltatio.
Quantitas.	Regulæ in Archi-	Saltator.
Quarnellus.	Regula Lesbia.	Sambuca.
Quarteria.	Regula aurea.	Sappa.
Quintana.	Regula falsi.	Satellitium.
Quintilis radius.	Regulare.	Saturnus.
Quotiens.	Regulus Stella.	Scabellum.
Quotus.	Remuneratio.	Scala.
	Replum.	Scala altimetra.
Rabdologia. (met.	Rescissiones.	Scala geometrica.
Radius apud Geo-	Resolutio.	Scala musica.
Radius apud Astr.	Rete.	Scalenum.
Radius Geometr.	Reticulatum opus;	Scamilli. (chi.
Radius Latinus.	Retinacula.	Scamna, & ban-
Radix.	Retractiones.	Scamnum.
Radix quadrata.	Retrogradus.	Scandulæ.
Ras.	Reuolutio.	Scapus.
Ratio.	Rhombus.	Scena.
Rationalis.	Rhomboides.	Scenographia.
Rationalia signa.	Rhombus.	Scheat.
Rauelinus.	Rigor.	Scheder.
Receptio. (tari.	Rosa nautica.	Schedir.
Receptus in mili-	Ruderatio.	Schisma.
Rèchamus.	Rugæ.	Sciather.
Recinctum.	Ruminantia signa.	Scintillatio.
Rectum.	Rythmus.	Sciomachia.
Rectangulum.		Scola.
Rectilineum.	Saburra.	Scorpio machina.
Reductus.	Sàcoma.	Scorpio signum.
Reflexio.	Sacrarium.	Scorpiones.

Sco-

Scotia.	Silens Luna.	Spòrades.
Scotomènia.	Sima.	Spranga.
Sculptura.	Similitudo.	Springalla.
Scùtula.	Sinus.	Squadra.
Scutum.	Siparum.	Stadium.
Secans.	Sirius.	Statèra.
Secretarium.	Sistroides.	Stàtica.
Sectio.	Smaltum.	Statio.
Sectio equi.	Sol.	Stationarij.
Sector circuli.	Solidum.	Statuaria.
Secundi mobiles.	Solidus numerus.	Statumen.
Seles armorum.	Solstitium.	Stega.
Semiquadratus.	Spaltum.	Stelæ.
Sesquiquadratus.	Spaliones.	Stella.
Simitonium.	Sparæ.	Stella iunior.
Sparatio.	Spari.	StenterophònicaTuba.
Sptentriones.	Specula.	Stereòbata.
Sptentrionale.	Speculum.	Stereometria.
Sptizonium.	Specula vistoria.	Stratagèma.
Spens fidus.	Specus.	Stratagèum.
Sptentarius.	Sphænisus.	Striæ.
Sra.	Sphæra.	Strigæ, vel striges.
Srratile corpus.	Sphæræ.	Stròbilus.
Ssquiquadratus.	Sphæristerium.	Structura.
Sragenaria. (mic.	Sphæridides.	Stuccum.
stans Astrono-	Sphæroma.	Stylòbata.
stèràda.	Sphæropèia.	Subconferta.
stilis radius.	Spinòides.	Subdispanfa.
us.	Spica Virginis.	Subcuneati postes.
Sra discurrentia.	Spicarum manipul.	Subgrundæ.
na.	Spicatum opus.	Sùblica.
Sifer in Zodiac.	Spiculum.	Sublunaria.
Sifer in re milit.	Spingarda.	Subscudes.
Sifex.	Spira.	Subsecium.
Sinographia.	Splendor.	Subsidia.

Sub-

Subſtruſtio.	Tèrebra.	Tonus.
Subtenſa.	Termini.	Topiaria.
Sibula.	Terra.	Topographia.
Subulo.	Terrea ſigna.	Tormenta.
Succedens.	Tertiarium.	Torneamenta.
Sùcula.	Teſſera.	Torquètum.
Suculæ.	Teſtudo machina.	Torus.
Sudationes.	Teſtudo ſidus.	Trabs,&Trabeatio.
Suggrundæ.	Tetrachordum.	Trabucus.
Supercilium.	Tetradòron.	Trabucètum.
Superficies.	Tetraèdram.	Tractoriæ machi-
Superiores.	Tetrans.	næ.
Superliminare.	Tèxtrina.	Transitus.
Suppetiæ.	Thalamus.	Translatio luminis.
Symmetria.	Theatrum.	Transſra.
Symptòma.	Amphitheatrum.	Transuerſa.
Synodus.	Theorèma.	Transuerſaria.
Syſtèma.	Thermæ.	Trapanum.
Systemata muſici.	Thermomètum.	Trapèzia.
Syſtylos.	Thermòpilæ.	Trapezoides.
Syzigia.	Theſmophoria.	Trauacha.
	Tholus.	Triangulus.
Tablinum.	Thoracium.	Triarij.
Tabula.	Thoracòmachus.	Tribucèta.
Tàctica.	Thorax.	Tribuli.
Tænia.	Thronum.	Tribuna.
Talcæ.	Thyròmata.	Tribùni.
Tangens.	Tibia.	Triches.
Tectum.	Tibialia.	Trichoris.
Telamones.	Tibicen.	Tricinctum.
Teleſcopium.	Tichòdrifus.	Triclinium.
Telum.	Tigillus.	Triforium.
Templum.	Tiranni.	Triglyphus.
Tentorium.	Tòlleno.	Trigonum.
Tepidarium.	Tonſillæ.	Trigonocràtor.

Tri-

Trigonometria.	Valuarum aperitio.	Vmbo.
Trinus radius.	Vapor.	Vmbra.
Tripanum.	Vaporarium.	Vmbrago.
Triporticus.	Vestis.	Vnda.
Triquetrum.	Vela.	Vngula.
Trispassum.	Velamen.	Voluta.
Tròchlea.	Vèlites.	Vraniscos.
Tròchilus.	Velitatio.	Vraniscus.
Troia.	Velox.	Vultur cadens.
Tropæophori.	Venter.	Vulpes machinæ.
Tropici.	Ventus.	Vultur volans.
Trullus.	Venus.	Vvactæ.
Truncus.	Vergiliæ.	Vvega.
Trutina.	Versura.	
Tuba.	Vertex.	Xiphias.
Tubus opticus.	Vespertinus.	Xyflus.
Turma.	Vestibulum.	
Tuscanum opus.	Vestigium.	Ypolypsis.
Tylum.	Vexillum.	Ypsometria.
Tympanum.	Via combusta.	
Tympana.	Via lactea.	Zenith.
Tyrsis.	Vigiles.	Zeta.
	Vindemiator.	Zetèma.
	Vinex.	Zodiacus.
Vacuum.	Violenta signa.	Zona.
Vacuus curso. (e.	Vmbilicus.	Zòphorus.
Vallum obsidiona-	VmbilicusAndrom.	
vaia.		



ELENCHVS AVTHORVM

E' quorum Monumentis nostra hæc
illustrauimus.

*Vbi, Qui de Mathematicis ex professo scripsere ;
grandiori charactere notantur .*



Abdiz Babylonij Hi-
storia Ecclesiast.
Abalphati Persæ ,
Asphahanensis Pa-
raphrasis , & Notæ in po-
steriores lib. Conicor. A-
pollonij.
Abraham Auenarve . Iudæi
Director, Astronom.
Abraham Auenezra . De Iu-
dicij Signor.
Abraham Bzouij Annales Ec-
clesiastici.
Abraham Echellens. Maronita
in Apollon. Conic.
Abraham Zacusi Iudæi, Al-
manach.
Abraham Ortellij . Thesaur.
Geograph.
Achilles Marozius . De Arte

Militari.
Achilles Statius. In Arati Phæ-
non.
Adami Fritsch . Architectura
Militaris.
Adami Reisneri . Descriptio
Vrbis Hierosolymitanæ.
Adam Vrsinus. De noua Stel-
la Cassiopeæ.
Adrian. Metius . De vsu Glo-
bi &c.
Adrian. Romæus . De Trian-
gulis Sphæricis.
Adriani Vlacq . Tabulæ Si-
num , cum Logarithm.
Item & Quæstiones Astro-
nomicæ .
Adriani Turnebi, Aduersaria.
Aegidius Columna, de Regim.
Principum.

Aegid.

gid. de Costinges . Logistica,
&c.

gid. Tiscudi . Prisca Rhetia.

ELIANVS . De Instruend.

Aciebus .

ius Lampridius .

ius Spartianus .

ilius Probus .

ea Gazci Sophista, Ta-
tica .

as Siluius .

hias .

in Manesson Malles Galli,

Trauaux de Mars, hoc

Architect. Milit.

egnius .

ici de Rosate, Dictionar.

is .

ti Curtij . Magnum Cæ.

ystema .

Abb. Fuldenf. Chroni-

i Dureri . Geometria.

i Lincmanni . Obseruat.

ronom.

i Pighij . Varia Astro-

nica .

us de Saxonia . De Cæ-

& Mundo .

zel Arabs, de Stellar.

n.

MASAR . De magnis

iunctionibus.

Stadenf. Abb. Chroni-

Alexander Achillinus . De
Orbib. Cælest.

Alexand. de Ales, in lib. senten-
tiar.

Alexand. de Alexandro, dies Ge-
niales.

Alexand. Aphrodisæus, in Arist.
lib. Meteor.

Alexand. Piccolominens . De
Orbib. Cælestib. & de Cer-
titud. scientiar. Mathem.

ALFARABIVS.

Alhaazel de Optica, & Cre-
pusculis.

Alkabitiij . Elementa Astrolo-
gica .

Aoysius Lillius. De Correctio-
ne Kalendar.

Alpetragius .

ALPHRAGANVS . De Octu,
& Occasu Siderum .

ALPHONSI Castellæ Regis .
Tabulæ Alphonsinæ .

Alphonf. Tostatus Ep. Abulenf.
in Genes.

Aluarus Thomas, de Triplic.
Motu.

Alphonfi Zoboli . Prosthema,
ad Tabul. Geograph.

D. Ambrosius.

Ambrosius Calepinus.

Ammianus Marcellinus .

Anastasius Bibliothecarius.

ANAXAGORAS.

Anaximander.

Andreas Alciatus . De verbor.
significatione .

Andrea Argoli . Ephemerid.
& alia.

Andrea Arzet . Clavis Ma-
thematica.

Andreas Baccius de Thermis.

Andreas Palladius . De Archi-
tectura.

Andreas Scottus . De Geome-
tria, &c.

Andrea Stiborij . Epitome Al-
bategnij.

Andreas Tiraquellus.

Angeli Abb.de Nuce , Notæ in
Leon.Ostiensẽm.

Annales Francici.

Annales Laudenses.

Anonimi . Rudimenta Geo-
graphiæ .

Anonimi . Tactica .

Antolysi : Liber de Sphæra.

S.Antonini Chronicon.

Antonij Bonfinij, Histor. Vnga-
rica.

Anton.Caraccioli C. R. Monum.
Ecclesiæ.Neapol.

Anton. Gallonius de Cruciat.
SS.Martyr.

Anton. Le Grand. Historia Na-
turæ.

Anton.Mizaldi Centuriæ, &c.

Anton.Possuini, Moscouia, & Bi-
bliotheca.

Anton. Maria Reyta Capucci-
ni, Opera Optica, & Me-
chan.

Apollodori . Poliorcetica.

APOLLONII . Pergei Coni-
cor.lib.VII.

APPIANVS.

Apulcius.

ARATI . Phænomena .

Archilochi . Liber de Tem-
poribus.

ARCHIMEDES.

Ariel Richardi . Quæstiones
in Sphæram .

ARISTARCHVS .

ARISTOTELIS.QQ.Mecha-
nicæ, & alia .

Arnobius.

Arrianus.

Arthemidorus.

Ascanij Centorij . Discursus
Bellici .

Ascan.Martinengus.

Asconius.

Athanas. Kircheri Opera
omnia .

Athenæus.

Auerroes.

S.Augustinus.

Augustinus Nyphus .

Augustinus Riccius .

Aulus Gellius.

Aurel.Cassiodorus.

Aurelius Symmachus.

Aurelij Cicuta, Disciplina Mi-
litaris.

Balthassar Capra. Tyrocinium
Astronom.

Balthassar Conradi . Nouæ
Ta-

Tabulæ Cosmograph.
 ptilia Mantuanus .
 ptilia Codroncus, de annis
 Climactericis.
 tholomzi Cassanei, Catal.
 Glor.Mundj.
 tholom. à Clinolo, de Bal-
 near.Natural.viribus.
 tholomai Crescentij. Nau-
 ca .
 tholomzi Sybillæ, Specul.
 Q. Peregrin.
 tholom. Pitiſci. Varia Pro-
 em.Mathem.
 tholom. Reifacheni.) Obser.
 tholom. Sculteti.)
 tronom. apud Tycho-
 m .
 tholus de Saxoferrato. De
 lunionibus .
 tius Magnus.
 Valentinus.
 Presbyter .
 iſt. Pererius, de Magia, &
 Genes.
 iſti Herbeſti . Arithm.
 pearis & Figurata.
 iſtus Teleſius.
 iſti Varchij Leſiones.
 iſtus Caſtellus . De li-
 nd.aquis.
 ardi Abb.Opera.
 di Sacchi,Hiftor.
 rdi Valtheri. Obserua-
 nes apud Tychonem.

Bernardini Baldi . Lexicon.
 Vitruvian.
Bernardini de Mendoza . Mo-
 nita Militaria ad Philipp.
 Hispaniæ Principem.
Bernardin. Salini, Problem.
 Astronomica M.S.
 Bernardin. Teleſius, de Rerum
 Natura.
Bernardini Longi . De Co-
 metis.
 Blondi Foroliuienſ. Italia Illu-
 strata.
BEROSVS Chaldeus :
 Bodini Theatrum .
 S.Bonauentura.
Bonauentura Cawalerj. Trigo-
 nometia, &c.
Brocardi . Descriptio Terræ
 Sanctæ .
 Buridanus.
 Caij Iul.Cæſaris, Commentar. ;
 Cæſar Baronius.
Cæſar Dominicus . De alluio-
 nibus Tiberis , & de litte-
 ris Roman.maiusculis .
 Cæſaris Ripæ, Iconologia.
Cæſarianus , In Vitruuium.
CALLIPPVS .
 Campanus .
 Capreolus in lib. Sententiarum.
Caroli Anton. Manzini. Ta-
 bulæ Direction.
Caroli Bouilli. Opuscula Ma-
 themat.

- Caroli du-Fresne, Dñ. du-Cange* Glossarium.
Caroli Malapertij. Arithmetica, & alia.
Carol. Maria Carafa. De Horologijs.
Carolus Sigonius de Regno Italiæ, &c.
Carolus Testi. Architectura Militaris.
Cassiodorus.
Catullus.
Censorinus. De die Natali.
Christiani Adricomij. Theatr. Terræ Sanctæ.
Christiani Molitoris. Opusc. Astrologica.
Christian. Seuerini Longomontani, Tabulæ.
Christian. Valsirius, in Theor. Planetar.
Christophori Clauij. Opera omnia.
Christophori Griembengeri. Catalogus fixarum.
Christoph. Rotmanni. Observat. apud Tychonem.
Christophori Scheineri. Opera. Chronicon Leodicense.
Claudius Midorgius, in Conic. Apollon.
Claudij Richardi. Nouus Ordo Tabular. Sin. Tangent. & Secant.
Claudij Salmasij, Plinianæ Exercitationes.
Claudij PTOLEMAEI. Vide Ptolemæi.
Claudianus.
Clementis Alexandrini, Stromata.
Codex Iustinianus.
Codex Theodosij.
Cælius Rhodiginus.
Columella.
Constantinus Cesar. De Agricultura.
Cornelius Celsus.
Cornelius Gemma, de Diuinis Naturæ Characterismis.
Cornelius à Lapide.
Cornelius Nepos.
Cornelius Tacitus.
Cosmi Bartoli. Varia Geometrica.
Curionis damn. memor. Chronicon.
S. Cyprianus.
Cypriani Leonitij. Observat. Astronomicæ, cum Iudicijs.
S. Cyrillus Alexandrinus.
S. Cyrill. Hierosolymitanus.
Dalechampius, in Plin. observat.
Danielis Barbari. Comment. in Vitruu.
Danielis Santhei. Problem. Astronom. & Geometr.
David Fabricij. Astronomia vetus instaurata.

Dida.

Didaci Pererij. Geometr. Pra-
ctic. & Aors nāuigatoria.
emocritus.
Iodorus Siculus.
io Cassius.
io Chrysostomus.
Ionif. Niczi Epit. Rer. Roma-
nar.
Dionysius Arcopagita.
onysf. Alexandrin. de Situ
Orbis.
onysf. Cognom. Exigui, Epo-
cha.
onysius Halicarnasseus.
onysij Petauij. Rationale
tempor. &c.
onysij Poeta. Descriptio
Orbis.
onysij Sophistæ Epistolæ.
corides.
onari Episc. Chronicon.
onici Maria Nouara. Ob-
seruationes, apud Copern.
onici Macri Hiero-Lexicon.
onirius Calderinus.
ondus.
onardi Ratisponens. Chroni-
onopus.
onij Dantes. Varia Mathe-
matica.
on Leuitæ, Lexicon Hebrai-
on.
onantonis Veneti. Scho-
on in Sphæram.
oniel Diaz. Tract. de Co-
onitis.

Emmanuel Maignan. Philoso-
phia Mathem.
Erasmii Reinoldi. Mathe-
matica.
Erasmii Roterodami, Adagia.
Etotiani, Lexicon Medicum.
Etymologicum Græcum.
Euagrius.
EVCLIDIS. Megarens. Elem.
EVDOXI Phænomena.
Eudoxia Augustæ, Homero-Cen-
tones.
Euripides.
Eusebij Cæsariens. Chronicon.
D. Eusebius Emisenus.
Eustachij de Dinis. Notæ in
Systema Saturnium.
Eustathius.
Eutoxius Ascalonita. In Apol-
lon. Cohic.
Eutropius.

Fabij Quintiliani Institut. Ora-
toria.
Falconij Probe, Cētones ex Vir-
gilio.
Famianus Nardinus, de Antiqua
Roma.
Famianus Strada, de Bello Bel-
gico.
Federicus Bonauentura, de Octi-
mestri Partu.
Federici Commandini. Com-
ment. in Euclid. & alia.
Federicus Pendasius. De Na-
tura Corporum Cælest.
Felici Felici, Onomasticum Ro-
man.

Fe-

- Feneſſella*,
Fellus Pompeius, de Verborum
 ſignificat.
Flauij Iosephi Hebraei, Antiquit.
 Iudaicæ.
FLAVIUS VEGETIVS. De
 re Militari.
Flavius Vopiscus.
Fortunius Licetus . De Co-
 metis, & alia.
Franciſci Anguilloni . Opti-
 ca.
Franciſci Barocij . Scholia in
 Heronem .
Franciſci Eſchinardi . Centur.
 Optica , & alia.
Franc. Feliciani . Arithmet.
 & Geometr.
Franciſci Georgij . Harmonia
 Mundi .
Franciſci Iunctini . Specul.
 Astrologicum.
Franciſc. Iunius , De Pictura
 veterum .
Franciſci Maurolyſi . Opera
 Mathematica:
Franc. Milliet de Chales. Curſ.
 Mathematic.
Franciſci Modij, Notæ in Ve-
 get. & Frontin.
Franciſei Montebruni. Ephe-
 merides.
Franc. Marj Gropaldi . De
 partib. Aedium.
Franc. Paulin. De reformat.
 Kalendar.
Franc. Sirigattus . De Ortu, &
 Occaſu ſignor.
Franc. Vieta . Harmoni cum
 Cæleſte.
Franc. Valeſius, de Sacra Philo-
 ſoph.
Fulcherius Carnotensis, Hiſtor.
 Hieroſolymit.
Gabriel Naudæus, de Studio Mi-
 litari .
Galenus .
Galileus Galilæi . Nuncius ſi-
 dereus , & alia.
Gasparis Scotti . Curſus Ma-
 themat. & alia.
Gasparis Varesij . Cenſura
 in Pſeudo-Beroſum .
GEBER Arabs. Varia Astro-
 nomica, quæ latinè vertit
 Gerardus Cremonenſis.
Gemma Friſius .
Georg. Agricola . De Ponde-
 ribus, & Menſuris.
Georgij Cedreni, Hiſtoria.
Georgij Furnerij . Hydrogra-
 phia .
Georgius Heniſchius, in Sphæ-
 ram Procli .
Georg. Lapazaia . Arithm. &
 Geometria .
Georg. Peurbachij . Theoricæ
 Planetar.
Georgij Polanchi . Anticoper-
 nicus.
Georg. Vallę Opuſcula.
Georg.

Georg. Schombergeri. Ploble-
mata optica.

Georg. Trapezuntius in Pto-
lom. Quadrip.

Gerard. Io. Vossius.

Gerardi Cremonens. Theoricę
Planetarum.

Germanici Cæs. Phænom.

Geruati Dorobernens. Descript.

Eccel. Cantuariens.

Germani Chronologia.

Glossarium Vetus.

Guelfridi Franckerij. Optica
Ptolemaica.

Guelfalvi Steunenby Notæ
in Vegetium.

Guelfridi Vandellini. Geogra-
phia.

Gregorius Magnus.

Gregor. Nyssenus.

Gregorius Carafa C. R. de
Mello.

Gregorius Turonensis.

Gregorius à S. Vincentio. De
Optica.

Guini Guarini C. R. Euclid.
lauctus, &c.

Guarini Aretinus. Monachus
Musica.

Guarini Bentiuolus Card. de Bel-
elgico.

Guarini de Marchion. Mon-
opera Geometr.

Guarini Bonatus Astrologus.

Guarini Panziroli, notitiæ vtriuf-
que Imperij.

Guarini Bellet. Disciplina
taris.

Guilielm. Bleau. Athlas maior
Geograph.

Guilielm. Koul. Disciplina Mi-
litar.

Guilielmi Ianfoni. Orbis Mari-
timis.

Guilielmus Budæus, in Pande-
ctas.

Guilielmus Tyrius.

Halî Aben Ragel.

Halî Aben Rodan. Comment.
in Quadripart.

Harpocratonis, Lexicon decem
Orator. Græcorum M. S.

Haymonis Albeſtratenſ. Historia.

Hegesippus, de Bello Iudaico.

Helisæi Kelin, Theor. Planetar.

Helisæi Roeslin. Cælest. Phæ-
nom. Theorica.

Henrici Blaten. Errores Ta-
bular. Alphonsin.

Henrici Brigij. Notæ in Cal-
cul. Nepetianum.

Henrici Canisij, Antiquæ Lectio-
nes.

Henrici Glareani. Geogra-
phia.

Henrici à Lindhout, Speculum
Astrolog.

HERMETIS Astrologi, Cen-
tiloquium.

Hermes Trismegistus.

Hermolaus Barbarus.

HERO Mechanicus. De Me-
chanic. Bellicis.

Hero

Hera Alexandrinus. De Spiritibus.

Herodianus.

Herodotus.

S. Hieronymus.

Hieronymus Cardanus. De Subtilit. Exercitationes, &c.

Hieronym. Castriota. De Fortificationibus.

Hieronym. Dandinus.

Hieron. Francafortij. Homocentrica, &c.

Hieron. Girana. Geographia noui Orbis.

Hieronymi Magij. Miscellanea.

Hieron. Mercurialis. Ars Gymnastica, &c.

Hieron. Cattaneus. De Fortificationibus.

Hieronym. Vitalis. Absolut. Tabul. Primi Mob.

S. Hilarius.

Hilarij Altobelli. Tabulæ Ptolemaicæ.

HIPPARCHVS.

Hippocrates.

Hippolyti de Marsilijs.

Hippolyti Thebani Chronicon.

Historia Hierosolymitana.

Homerus.

Horatius Flaccus.

Horatij Crassi. Libra Astronomica.

Huberti de Linz. Canon Sinuum, Tangentium, & Secantium.

Hugonis Grotij. de Stud. insti-

tutendis.

Hugonis Simplij. siue Simplej, Summa Disciplinarum.

Mathemat. Edidisse quoque tradunt Dictionarium Mathematicum. Quod tamen hactenus videre mihi non licuit.

Hygenus. Liber de Agrimensur.

HYGINVS Astronomus. De Mundo, & Sphæra.

Iabolenus I. C.

Iacobi Barozij de Vignola. Architectura.

Iacobus Barfchius.

Iacobus Faber Stapulens. in Sphæram.

Iacobi Honorati Durandi. Trigonometria

Iacobi Kristmanni. Elementa Astronom.

Iacobus Purlilianus. De re Militari.

Iacobus de Saà. De Nauigatione ex Mathesi.

Iacobus Sirmondus. in Sidon. &c.

Iacobus Vfanus. de Tormentis bellicis.

Iacobi de Vitriaco Histor. Hierosolymit.

Iacobi Ziegleri. De Sphære solidæ construct.

Iani Lascari. De re Militari.

Iani Laurembergij. Antiquarius.

Ioachim Fortius. de Mathemat.

*Aloysij Confalonierij . Arith-
metica-speciosa.*

*Antonij Magini Astrono-
mica , & Geograph.*

*Atenstaig, Lexicon Theolo-
gicum.*

*Blanchini . Tabulæ Astro-
nomicae .*

*Alphonſi Borrelli . Notæ in
Apollonij tres posteriores
Conicor. libros.*

*Bapt. Armenini . Vera præ-
cepta Picturæ .*

Bapt. Capuanus in Sphæram.

*Bapt. Caporalis . In sex prio-
res libros Vitruui.*

Bapt. Carelli Ephemeridés.

*Bapt. Cysati Mathematica,
Cosmograph. & Astrono-
mica.*

*Bapt. Hodierna . Varia
Astronomica.*

Bapt. Lauri, Rom. Orchestra .

Bapt. Longus . De Cometis.

*Bapt. Morini . Astrologia
Moralis.*

Bapt. Portæ, Magia Naturalis.

*Bapt. Riccioli . Almagestum
restitutum.*

*Bapt. Ferrarius, de Cultura
Arborum.*

*Bapt. Trotta . Praxis Horo-
logiorum.*

*Bapt. Villalpandus in Eze-
chiel.*

Io: Bapt. Venetini. De Cometis.
Ioan. Barclai Argenis.

*Io: Bernardi Fidati Isagoge ad
Architect. Militarem.*

*Ioan. Ep. Cantuariens. Perspe-
ctiua.*

*Io: Camilli Gloriosi. Varia Ma-
thematica.*

*Io: Carolus de la Faille, Centro-
barica.*

S. Io: Chrysostomus.

Io: Ciampinus, de Azimo &c.

*Io: Ciermas, Positiones Mathe-
maticæ.*

*Io: Dominici Cassini Obserua-
tiones-Cælestes.*

*Io: Driens . Doctrina Lumi-
narium.*

*Io: de Egmunda . Tabulæ mo-
tuû Planetarum, & Eclips.*

Io: Ester . Speculum Astrolog.
Io: Euseb. Nierembergenſ. Histor.

*Io: Fernelij: Cosmotheoria , &
de Abditis rerum causis.*

Io: Garcçi, Tract. de Globo, & alia.

Io: Ganiueti, Medica.

Io: Garedi Mathematica.

Io: Henelij Selenographia.

*Io: Hieronym. Kinich. Modus
conſtruendi Horologia per
numeros.*

Io: Iouiniani Pontani . Vrania.

Io: Kepleri . Opera omnia.

*Io: Laucheromius. Selectæ Pro-
positiones ex tota Mathem.*

Ioan. Lucidus Samofatenus . De
Emend. Temporum.

Io: Marla Cattaneus in Plin. II.

Io: Mariana . De ponderibus,
& menfur. & Hiftor. Hispanica. (metis.

Io: Maria Fiarnouellus. De Co-
Io: Meurfij Gloffarium.

Io: Muntz Prognostica ex
Stellis.

Io: Paduani Viridarium.

Io: Royas Astrolabium.

Io: Tulpini, Vita Caroli Magni.

Io: Passeratij Auftar. Calepini.

Io: Pauli Gallucij . Varia Ma-
themat.

Io: Pauli Lomazj , Triumphus
Picturæ.

Io: Petri Maffei, Historia Indica.

Io: Riche. Compend Tempor.

Io: Schoneri. Tabulæ refolutæ.

Io: Picus Mirandulanus in Astro-
logos, &c.

Io: Franc. Nepos.

Io: Phocyllides, Examen Astro-
nomiæ Reformatæ.

Io: Neperi . Logarithm.

Io: Stoflerini. Astrolabium.

Io: Stephani Durant, de Sac. Ritib.

Io: de Sacro boscho in Sphæram.

Io: Stadij, Ephemer.

Io: Stobzij, Sententiæ.

Io: Vergerus. De motu octauæ
Sphæræ, & Geographia.

Io: Regiomontani Tabulæ.

Io: Bayeri Vranometria.

Io: Ant. Valirinus. De Re Mi-
litari Roman.

Io: Zonara, Historia.

Iordani Episcopi Rauenn. Pla-
nispheerium.

Ioseph Blancanus in Sphæram.

Iosephi Laurentij , Amalthæa,
Onomastica.

Ioseph Langj, Elem. Geometr.
Astronom. & Cosmograph.

Iosephi Molesi . Ephemerides.

Ioseph. Zanini Viola, Archite-
ctura.

Iosephi Zarlini . Institutiones
Harmonicæ.

Iosephi Scaligeri Cyclometria,
& alia.

S. Isidori Hispalens. Opera.

Ismaelis Bulliardi . Astrono-
mia Philolaica.

Iulius Africanus.

Iulius Capitolinus.

Iul. Cæsar Bulengerus.

Iul. Cæsar la Galla . De nouis
Phænom.

Iul. Cæsar. Scaligeri, Exercitat. ad
Cardan. & in Manilium.

Iul. Firmicus Maternus.

Iulj Frontini, Stratagemata.

Iul. Pollucis Onomasticon.

Iul. Schilleri , Cælum Chri-
stianum.

Iul. Solinus. De Situ Orbis.

Iulianus Martyr.

Iustus Lipsius.

Ius Canonicum.

Ius Civile.

genalis.
 uencus Presbyter.
 stantius Firmianus.
 mberti Danai. Aphorismi
 Militares.
 ini Latini Bibliotheca, &c.
 arentij Boninconsij. De
 creta Planetarum metro
 scripta.
 arus Baysius. De re Nau-
 ca.
 dri Alberti. Descriptio
 alia.
 Magnus.
 is Allatij. Mensura Tem-
 porum antiquorum, atque
 Eustathium Notæ.
 apt. Albertus. De re ædi-
 toria.
 reg. Giraldi, de Dijs Gen-
 n.
 Sannuti Geographia.
 s Ostiensis Chronicon.
 s Sanctij Florida.
 ldus de Austria cum Io:
 Saxonia, Præcepta
 rologica.
 n Philologicum Michrelij.
 Gauricus. De Laudi-
 Astrologiæ, &c.
 Pasus. De Ponderibus,
 mensuris.
 de Penna I. C. in rit. de
 aculis.
 us.
 s.

Luc. Annæus Seneca.
 Lucius Bellancius. Contra
 Astrologos.
 Lucius Florus.
 Lucretius de Rerum Natura.
 Ludonici Bæza, Numerandi
 Doctrina.
 Ludouicus Vives in lib. August.
 de Ciuit. Dei.
 Macrobij Saturnalia.
 Manuel Chrysoloras de Veteri, &
 Noua Roma.
 Manuelis Palæologi Præcepta E-
 ducat. Regia.
 Marcellini Comitis Chronicon.
 Marci Anton. Bonciarij Epistola.
 Marc. Anton. Sabellici. Car-
 men Genthliac, & Histor.
 Veneta.
 Marci Ant. Zimara, Theoremata.
 Marcus Beneuetan. de motu octa-
 uæ Sphæra.
 Marcus Cato, de re Rustica.
 Marci Manlij, Astronomicon.
 Marci Verri Flacci, de Verborum
 significat.
 Marij Bettini. Apiaria &c.
 Marij Nizolij, Thesaurus Ciceron-
 nianus.
 Marini Merseny. Perspectiua.
 Marsilij Ficini Opera.
 Martialis.
 Martianus Capella. De Musica,
 Geometria, & Astronomiâ.
 Martini Bellaij Histor. Francor.
 Martini Cromeri Histor. Polon.
 Martini Poloni Chronicon.
 Martin. del Rio in Senec. Tragic.

- Matthia Dogen*. Architectura
 - Militaris.
Mattheus de Oddis. Aphorism.
 Militares.
Matthei Raderi Comment. in Q.
 Curtium.
Matthei Ricci. Astrologica, &
 Geograph. Præceptiones.
Matthiolus in Dioscoridem.
Mauritius Imperator.
Maximus Tyrius.
Messahala Arabs. De Ratio-
 ne Circuli.
Metrodorus. De Ratione Zo-
 narum.
Michael Angel. Blondus. De
 Anticipatione Fixarum, ac
 de diebus Criticis.
Michaelis Florentij Langreni,
 Selenographia Langraui-
 na, seu de Luminar. Phasib.
Michaelis Mastlini. Damn-
 mem. Ephemerides.
Michaelis Monachi Sanctuar. Ca-
 puanum.
Michaelis Neandri. Elementa
 Doctrin. Sphæric. & Com-
 puti Ecclesiast.
Michaelis Scori. Quæstiones
 de Sphæra.
Mutius de Oddis, de Horolog.
Næuius, de verbor. signific.
Natalis Comitis Mythologia.
Nicanor Samius. de Fluminib.
Nicætas Siracusanus.
Nicephoras.
Nicolaus Cabanus, de Meteoris.
Nicolaus Cabasila in Magn.
 Ptolem. Syntaxim.
Nicolai Causini. Domus Dei,
 & Ephemerides Astrolo-
 gica, & Histor.
Nicolaus Copernicus. Mundi
 Systema, & alia.
Nicolaus de Cusa Card. de Fi-
 xar. Canone, & Mathematic.
 complementis.
Nicolai Dorbelli. Mathemat:
Nicolai Erythraei Schol. in Vir-
 giliū. (ra.
Nicolai Golmanti. Architectu-
Nicolai Muleri. Tabulæ Frisig.
Nicolai Peroti Cornucopia.
Nicolaus Tertalea in Euclid.
Nicolaus Vvincklerus. De
 Cometa 1577.
Nicolai Zucchi. Optica Philo-
 sophica.
Nicomachi Gerasini. Arithme-
 tica, Græcè.
Nonnius Marcellus, de proprie-
 tate verborum.
Nonnius Marcell. Sasia. Discurs.
 in Sphæram Ital.
 Notitia vtriusque Imperij.
Odonis Malcosij. Tractat. de
 Astrolabij vsu.
Olaus Magnus.
Omar Arabs. De Natiuitatib;
Onuphrius Panvinus, de Ludis
 Circens. &c.
Oribasius.
Ordetici Vitalis, Historica, &c.
 Ori-

genes.
 nithus de verbis Atticis.
 lo Romanus.
ntij Finai, Geographia.
ualdi Kruger. Parrallela
 Horoscopa.
 onis Frisingens. Chronicon.
o Brunfelsius, de Termi-
 is Astrologicis.
 dius,
adius. De re Rustica.
 æ, Dictionar.
 nij Statij Sylux, &c.
i Alexandrini. Collect.
 Mathematicæ.
s de Puteo. De re Mili-
 ri.
basij Hæmelij Perspectiua.
 is Aegineta.
Alexandrini. Isagoge
 philosoph. Astronom.
 is Archius C.R. de Generat.
 Corrupt.
 Ionij Histor.
s Guldin. De Centro
 ruitatis.
 Manutij, Adagia.
 is Orosius.
 nias.
 s.
s Aaron. De Musica.
 de Aliaco Card. Opera.
Apiani. Cosmographia.
s Catena. De Sphæra.
 Ciacconius, de Triclinio.
Crinelli. Defensio sa-
 Astrologiæ.

Petri Crescentij, Agricultura.
Petri Crugeri. Astronomia
 Dantilcana.
 B. Petrus Damiani.
Petri Gassendi. Opera Astro-
 nomica.
Petri Herigonij. Cursus Ma-
 thematicus.
 Petri Io: Fabri, Anatome Vni-
 uersi.
 Petri Iustiniani Historia Veneta.
Petri Montauri. Comm. in
 Euclidem.
Petri Nonnij. Problemata
 Astronomica, ac de re na-
 uigatoria.
Petri Pitati, Isagoge in Ephe-
 merid.
Petri Pomponasij, Meteorolog.
Petrus Ramus, de Geome-
 tria, & Arithmetica.
Petri Sardi, Architectura Mi-
 litaris.
 Petri Victorij Varia.
 Philippi Beroaldi, Opuscula.
 Philippi Brietij, Annales Mundi.
 Philippi Camerarij Meditatio-
 nes Historicæ.
Philippij Cluuerij. Introdu-
 ctio ad Geographiam, &
 Sicilia vetus.
 PHILIPPI FERRARIJ. Le-
 xicon Geographicum.
Philippi Lansbergij. Tabulæ
 Astronomicæ.
 Philo Iudæus.

Phi-

Philolaus Astronom.
Philostratus Iunior.
Phorij Bibliotheca.
Placidi de Titiis. De Diebus
Decretorijs.

PLATO.

Plautus.

Plinius Senior.

Plinius Iunior.

Plutarchus.

(norum.

Polybius, de Castramet. Roma.

Polydor. Virgilius, de rerum in-
uentoribus.

POMPONIVS MELA. De
situ Orbis.

Pomponij Læti Compend. Hist.
Roman.

Possidonius.

Prinneus de Libertat. Ecclef.
Gallicanæ.

Proclus in Euclidem.

Procopius.

Propertius.

Prosdocimi de Beldomando. Cõ-
ment. in Sphæram.

Prosper Aquitan. de Cyclo Pa-
schali.

CL. PTOLOMAEI, Almage-
stum, & Geographia.

Publius Victor.

Pythagoras.

Pytheas Massiliens. de Ambitu
Terræ, apud Strabonem.

Fab. Quintilianus Instit. Orator.

Quintus Bonatius, de Naturæ,
Principijs.

Quintus Curtius, de Reb. Alexād.

Quintus Fab. Victor, de Orig. Vr-
bis Romæ.

Quinti Iul. Hilarionis, Chro-
nologia.

Quintus Rhem. Fannius, de
Ponderibus, & Mensuris.

Quintini Hedui, Melitæ de-
scriptio.

Rabi Abraham Iudeus, de Sphæ-
ra.

Rabi Moses, de dupl. motu
oçtaui O. bis.

Rabi Tisbi Dictionar. Hebraicū.

Raphael Auerfæ, Philosophia.

Raphael Volaterranus. Com-
mentar. Urban.

Redempti Baranzani, Vrano-
scopia.

Roberti Dudlai, Arcana Maris.

Roberti Linconiens. Compend.
Sphærx.

Robertus Vulturius, de re Mi-
litari.

Rodulphi Goclenij, Vrania.

Rogerij Baconis, de Potest. Ar-
tis, & Naturæ.

Rolandini Chronicon.

Rutilij Numatiani, Itinerarium.

Sacræ Paginæ passim.

Saluianus Massiliensis.

Sallustius.

Sannutus, de Nauigatoria.

Saxo Grammaticus.

Scipio Claramontius.

Scotus Io: Duns Theologus, in
lib. Sentent.

Sebastiani Munsteri, Notæ in
Geograph. Ptolom.

Seba-

Castiani Serlij, Archite&ura.
Castiani Verronii, Chron. Ec-
clesiæ & Monarchiar. ab Orbe
condito.

ecce vterque.

ius in Virgilium.

Avienus Ruffus, in Ara-
bi Phœnom.

Avienus Empyricus in Astrologos.

Jul. Frontini, Stratage-
mata.

Flaccus, de Re agraria.

Apollinaris.

Gemblacensis, Chro-
nographia.

Berent. Opuscula mu-
calia.

Majoli, Dies Canicular.

Marius, de Iouis Co-
stitibus.

Portius, de Fato.

Steuini, Tabulæ Cæ-
lest. motuum.

Strauolscius, de Bello.

Philosophus.

ab Heminga, contrâ va-
ritatem Astrologiæ Iudi-
cariæ.

Pythagorici Sententiæ.

Genensis, Bibliotheca.

de Situ Orbis.

Anticles.

Anticles.

Aqueus in Plinium.

Rosini, Tabulæ de-

Fixarum cum progno-

stis.

Strabonis Geographia. D.H.T.G.
Suetonii Cætares. D.H.T.G.

Suidas.

Symmachi Epistolæ.

Tabularium Abbat. Bellilorenfis.

Tabula Alphonsina.

TABVLAE PERSICAE.

Taciti Annales.

Terentius.

Tertullianus.

THALES MILESIVS, pri-
mus Eclipsium obseruator
apud Apollodorum.

THEBIT Ben-Cora, de mo-
tu Trepidation. & alia.

Theodati Orij, Nouar. Senten-
tiar. Sylua.

Theodori Morati, Proposit.
Mathem. de Celeri, & Tar-
do, &c.

Theodoretus.

Theodor. Gaza, de Mensibus,
& anno, Astronomicè.

Theodorus Gramineus, de Stel-
la noua Cassiopeæ.

Theodorus Baisamon.

Theodorici Baecck, Tubus Op-
tico-Geometric. Item de
Archite&. Militari.

THEODOSII Sphærica.

THEON Alexandrinus, in
Ptolem. Almagest.

Theophrastus.

Theophrastus Paracelsus.

Theodori Zuingeri Theatr. Vitæ
Humanæ, necnon Laurentij
Beyerlink. D.THO-

D. THOMAS Doctor Angelicus.
Thomæ de Vio Caietani in illum
Commentar.

Thomas Campanella, de Ma-
gia, & sensu rerum, & alia.

Thoma Finkij, Epist. apud
Maginum.

Thoma Diggeſci, Alæ Mathe-
maticæ, apud Tychon.

Titus à Popma Friſius, Elem.
Astronomiæ.

Tibullus.

Timotheus Astronomus, primus
Fixarum obseruator. apud
Ptolem.

Thucydides.

M. Tullius Cicero.

TYCHO BRAHE DANVS,
Astronomiæ Restaurator e-
gregius. Epistolæ, & Pro-
gymnasmata.

Valentini Naiboda, Astrono-
micæ Institutiones.

Valerius Maximus.

Valfrid. Strabo, de Ritib. Eccle-
siæ.

Vannocci Biringucci, Pyro-
technica.

Varro, de lingua Latina.

Vespasianus Amphiaræus, de

Litteris formand.

Vgutionis Pisanî, Glossarium.

Vincensius Danſes, de Propor-
tione Linearum in Pictura.

Vincensius Leutaudus Geometr.

Vincensius Mutus, de Sole Al-
phonſino.

Vincensij Scamozzi, Archite-
ctura.

Vitalis Iordani, Euclides Re-
stitutus, & alia.

VITELLIONIS Optica.

VITRVVII Pollionis, Archi-
tectura.

Vlpianus I. C.

Vvenceslai Pantaleonis, Obser-
uat. Cælestes.

Vvillielmi Brito Philippica.

Vvillielmi Schickardi, Astro-
scopium.

Vvillebrordus Snellius, de do-
ctrin. Triangulor. &c.

Vvolfangi Schonckedri, Musi-
ca Architectonica Vniuer-
ſalis.

Vvolfgangi Schuleri de Stella
noua Cassiopez, apud Tycho-
nem.

Xenophon.

Zaël Arabs, de Electionibus.

SELECTVS INDEX

Curiosarum amœniorumque Quaestionum

in Opere, extrâ Mathematicam Aleam, & Carptim & perfunctoriè agitantur.

A *BATON*, execrationis olim atque horroris nomen, quomodò in Religionem, successu temporis abiit. pag. 10. num. 8.

Acies, qua potissimùm forma & ordine disponenda, ad certam ex hoste victoriam reportandam. pag. 7. & 14.

in Architectura militari quos partes comprehendat. 21.

athia, & Sympathie prima femina, unde originem trahant. 370. num. 13.

Architectura rudimenta, quomodo à Natura petita. 52. 281. 169. 848, & sæpè alibi.

Architectura, qua via fabricari debeant, ut euadant durissima, & ferè impenetrabilia. 939.

Architectura præludio quantum valeat ad virtutem, & fortitudinem bellicam comparandam. 800. & 952. num. 71.

Architectura Naturæ molimina præuertere, promouere, perficere, aut in totum impedire queat. 214. & 956. & 997.

Architectura Naturæ concursus & emulatio in Topiarijs, Speculis, Tormenfulminarijs, & scutulis. Vide sub his V.V.

Architectura mechanicæ, & liberales, quomodò ab uno principio prodeant, profectæ sint. 808.

Architectura quomodò inuicem connexa, & sibi mutuo opitulentur. 631. 639. 808.

Architectura partes liberales, quarum potior, ac diuinijs. 630. & 807. num. 57.

Architectura cosmicæ in Astronomia, an & quando efficaciores sint ijs qui

contrahuntur in Zodiaco. 593.

In Aspectu partili, an & quomodo habenda est ratio latitudinis siderum. 592.

Utrum in Aspectu platico validior sit Applicatio, an Defluxus. 591.

Opportuni Aspectus electio, quanti intersit in adificijs ponendis. 275.

Astrologica prædictiones etiam de rebus naturalibus, & necessariis aliis secuturis, quam ob causam sæpenumerò fallaces comperiantur. in Praef. num. 6. & 9.

Atrium quid in adificijs, & in quo differat à vestibulo 86. & 1018.

Atria, & Cameteria in Sacris adibus, quare Paradisi nomine olim insignita fuisse. 572.

Atticus Ordo in Architectura, qualis apud Græcos olim fuerit. 87.

An à quinque Ordinibus communiter admissis, diuersus. ibid.

Aulici, qua ratione nominati, qui Principum obsequijs alligantur. 88.

Auxilia in Re militari, in quo differant à suppetijs, & subsidijs. 90. & 881.

Baptisteria cur olim extrà Ecclesiam constituerentur. 99. num. 10.

Qua ratione postea intrà Ecclesiam, & in primo aditu ad sinistram sint collocata. 100.

Basilica nomen, an propriè, & quibus Sacris adibus competat. 104.

Bellum, Utrum Natura inoleuerit, an vitia hominum fuerit introductum. 105. & sequ.

Bellica virtus, & fortitudo, an ex accessu fulminarium tormentorum perfectionem vel ignauiam comparauerit. 952.

Bombardarum inuentio & usus, num laude digna, an execratione, & vituperio. 115. & 562. num. 8. & sequ.

Breuissima, nomine, cur signatè ab Geometris appellata sit linea recta.

Brenia & Syrtis, an æquè in Terra ac in Mari, hisque longè periculosiores. 793.

Canicula nomen, utri ex sidereis Canibus competat. 67. & 671.

Canones cur audiant Scita, Constitutionesque Apostolicae, ac Summorum Pontificum. 126.

Caryatidum, Telamonum, & similium ornamentorum adiectio in opere architectonico, unde originem sumpserit. 130. & 901.

Catacumba & Catogea, qua partes adificiorum sint. 142.

Concilia Martyrum & receptacula Christianorum cur aliquando extiterint. ibid. num. 32.

Eorum multitudo, amplitudo, & celebritas quanta. 143.

Centrum Mundi, qua ratione sub diuersis considerationibus sit Sol simul, & Tellus. 910.

Centrum gravitatis in rebus, quid & unde proveniat. 149. & 479.

Cera-

rostra quid propriè sint in Opere architectonico . 151.
 lorum motus quotuplex p. 493. à num. 34. & sequ.
 Geli per motum vocalem sonum edant . 177.
 lorum influxus an à Sapiente Philosopho prauerti quandoque possint ,
 declinari, corroborari, aut etiam penitus dissipari . 997. & in Prae-
 fat. num. 6.
 An eorum substantia sit eiusdem rationis cum sublunaribus . 839.
 An in ijs locum habeat alteratio , generatio , & corruptio . 624. &
 sequ.
 rographia in quo differat à Topographia . 949.
 yria in Opere architectonico quid . 166. & sequ.
 entus , & Harmoniae ratio, quomodo ex vocibus consonis simul , &
 dissonis coalescat . 176.
 e ad rationem caelestium radiorum ac distantiarum respondeat . ibid.
 num. 94. Vide etiam in V. Monochordum .
 uantia , & resonantia locorum in Architectura , unde procedat .
 181. num. 102.
 ra regularia , an plura quàm quinque effingi , aut excogitari que-
 ant . 193.
 orum dicrum ratio , & recursus in morbis , in quo fundetur . 109.
 & sequ.
 quam in Deceptione, fraude , & mandacio sit laus, virtus, & asti-
 ratio . 630. & 871.
 itus agrorum, utrum computari debeat à die & puncto incipientis
 uiter morbi , an à quo vires deficiunt , & ab actuali decubitu .
 13. à num. 8. & sequ.
 la maior huius veritatis ostensio , quàm ab observatione recursus
 erum Indicantium, & Criticorum . 214. num. 10. & 12.
 ulus in Architectura, quod genus ornamenti sit, & nùm stare possit
 in Mutulis . 223.
 iones, & adiectiones arbitraria in Opere architectonico, quam ne-
 ssaria . 225.
 nis motus in Astronomicis , utrum realis sit an fictitius . 236.
 modo intelligatur post longum tempus Promissor réaliter ad Signi-
 atorem deuolutus . 237. num. 47.
 ria Luminarium, seu Satellitium plenum, qualis prerogatiua sit ,
 quid requirat, ut sit omnibus numeris absoluta . 781.
 um Ordo in acie militari, quis olim apud Romanos, & quod genus
 litum comprehendat in presenti militia . 244.
 an & quando licitum , & honestum . 245.
 ca, & pluries resonantia, quae arte in aedificijs constitui possint . 248.

In Eclipsi Lunari, unde est, ut Luna in tenebris videatur luce aliqua superfus. Cur item in Nouilunio, quâ parte à Sole est auersa. 911. n. 19.
Emissarium in Aquaductis quæ pars sit, & in quo differat ab Erogatorio, & Immissario. 256. & 365.

* *Exercitus robur & neruus, utrum in Pedatus repositus sit, an in Equitatu.* 600.

Falsa positio, quo modo vnicè faciat, & infallibiliter ducat ad verum & tenebris eruendum. 749. & 992.

Fenestrarum, aliarumque aperitionum ratio in edificijs, quanta sedulitate disponenda est, ut opus æternum maneat firmum. 275.

Fixæ stellæ, an verè fixæ in Firmamento, itaut nullam prorsus motionem habeant. 1023.

Vnde est, ut earum aliqua magis, aliqua minùs scintillent. 799. n. 47.

An à Sole habeant influendi vim, vel potiùs ab insita cuiusque natura, & virtute. 30. & 1023.

Fori nomen, cur est quod aliquibus Oppidis datum est. 293.

Fortunæ Pars, seu Horoscopus Lunaræ, an quicquam æstuitatis habeat; & Vtrum in Astronomicis constituenda sit in Zodiaco, an præcisè in situ cosmico, immobilis. 339. & sequ.

Fossa in Regalibus Munitionibus, ad maiorem tuitionem loci, Vtrum præstet relinqui sicca, an aquis oppleri. 294.

Quomodo superari, & transuehi ab aggressoribus facile possit. 780. n. 14.
Fundamentum, quomodo ad rationem exurgentis edificiij altius excavandum. 293. num. 42.

In quo discriminetur à Pedamento. ibid. num. 43.

Galeas imponendi consuetudo, in Equitum & nobiliorum hominum stemmatibus, unde ortum duxerit. 304.

Geodæsia, quæ pars Geometria sit, & an ad metiendâ corpora se extendat. 305.

Glottologia, quæ pars est Anatomæ, qua ratione ad Mathematicam considerationem pertineat. 309.

Gula quid denotet in Architectura ciuili, quid in militari. 314.

Guttarum effusio, Turbinum, campanularum, & similium, in Opere architectonico, & constitutio sub triglyphis, unde emanauerit. 314. num. 27.

Gymnasium in quo olim disiterit à Palastris. 315. num. 29.

Harmonia, & Eurythmia, qua ratione in vniuerso Orbe, & in singulis eius partibus reperiatur. 324.

Harpaginetuli, quid rei apud Vitruuium, indecens in Opere architectonico. 326.

Hegira Turcarum quando incaperit, & qua ratione respondeat ad nostras Epochas. 328. n. 21.

horizon qualis in Astronomicis, qualis in Opticis. 335. & seq. n. 35.
 horizonis tam Orientalis, quam Occidui, quanta vis ad qualificandos
 astrorum influxus in hac inferiora. 339.
 oroscopus Solaris, seu Ascendens, qua ratione habeatur ut naturalis
 vita, & productionis rerum significator. ibid. num. 39.
 oroscopus Lunaris quid sit, & ubi astronomice constituendus. 340.
 & sequ.
 An necessarium & ad amissum, eundem positum servare ad Lunam de-
 beat, quem habet Ascendens ad Solem 348, num. 49.
 legalium locorum prerogativa, an aliquando competat subterraneis
 domibus ad horoscopus configuratis. 356.
 bale nomine quid proprie & legitime veniat. 390.
 Quomodo universaliter ad artificiosam arcanorum intelligentiam ini-
 pie traducta. ibid.
 n genuina à Deo revelata, ullum manserit apud Hebraeos vesti-
 gium. 396.
 ad eiusdem normam effingi possit, qua ex numeris, litterarum, &
 nominum transmutatione, naturalem habeat vim ad occulta aperien-
 da. 393. num. 7. & seq.
 his, quam artificiosa & captiosa sit, qua verò execrabilis, &
 superstitiosa. 396. num. 11.
 in Opere architectonico, quid proprie indicet. 363.
 ssarium in Aqueductis, an idem cum Emissario. 365. num. 6.
 uum quid in Opere architectonico, & in quo discrepet à Complu-
 io. 367.
 sibilis an dentur in continuo physico. 374.
 a ratione ut inextensa admittantur à Mathematicis. ibid. num. 21.
 num in ratione Geographica, dicenda sit Continens, vel Peninsu-
 . 183.
 dis umbra, cur sub ea cubantibus euadat noxia; Platani verò, alia-
 que arborum salutaris. 1032.
 vsus pro vexillo in re militari, an ante Constantinum extite-
 . 403.
 ratione deflexerit ad sacros ritus, in Ecclesiasticis processioni-
 s. 404.
 ualiter Insularum vicem in terra suppleant, & compensent. 406.
 n magno aestu (uti stagna flumina, & paludes) non minuantur,
 econtra in tanta imbrum copia, & annuum in eos influentium,
 a redundant. 407. num. 8.
 est, ut ubique terrarum aëris rigidi, vel nimium aestuantis, inle-
 ntiam temperent. 408. num. 10.

An Larix lignum, perinde ac lapis Anabestinus, in igne non comburatur. 886.

Laterum sexdecim figura, quam super egrotos inspiciendam præcipit Auctor Centiloquij, & secundum eam de agritudine diiudicandum, quæ esse intelligatur. 213.

Lesbia Regula, celebre adagium de legum contorsione, unde originem traxerit. 416.

Liber iste, qualiter iuxta Cabalistarum sensa, libros omnes de quacumque materia, in qualibet fabulæ scribi possunt, in se actu contineat. 395.

Ligna ad nauigia compingenda, & ad domos adificandas, quo tempore cadi debeant. 379.

Lilia in opere architectonico aut in Mechanico, in quo genere ornamenta apud Veteres haberentur. 419.

Linea meridiana, qua via ubique locorum, absque ullo instrumento venari queat & internosci. 36.

Linea recta, cur à Geometris agnominetur Breuissima. 120.

Lingua in Geographicis quem propriè terra tractum in mare proiecsum signet. 425.

Longitudo Geographica, unde primum auspiciari debeat. 430.

Quid intersit inter Lumen, & Lucem. 439.

Lumina in aedificijs ubi aperienda, ut salubris, & commoda euadat inhabitatio. 435.

Lumina in Pictura quæ sint. 436. num. 57.

Luna inter Planetas, num dicenda sit cursu velox vel tarda. 494.

Quid sit lumen illud suboscuro, quod in eius Eclipsi, aut in congressu cum Sole, apparet in eius disco. 911. num. 19.

Nona Lunatio à quo mense denominetur. 437.

Lux in mundi creatione primo die genita, & quarto in Solem adunata; an substantiale quid fuerit, vel qualitas accidentalis. 439.

Maris profunditas, an tanta sit, quanta summa montium altitudo. 909. num. 17.

An ex sui natura ingiter affectet terram supergredi. 910.

Eius fluxum, & refluxum, quoto die, quonam pacto commensurare, ac dignoscere valeamus. 319.

Mars, an suos stipitatores habeat, quemadmodum Saturnus, & Iupiter. 782.

Mathesis nomen, unde est, ut ex æquiuocatione malè audiat apud quosdam scriptores. 452.

Mathematica Disciplina, in quo supra reliquas scientias principatum teneant. 450. & alibi sæpè.

Medium Cæli, an iure ab Astronomis fiatatur Principatus, Magisterij,
at-

aque Allionum significator . 355.
 eduse Caput, stella fixa perniciosissima, quid portendat congregiens cum
 Luminaribus, & Maleficis . Quid eadem alicui Provinciæ ver-
 ticalis . 356.
 enianorum adiectio in edificijs, unde occasionem sumpserit, & ini-
 tium . 457.
 edia proportionalis quàm difficilis olim, quàm facilis hodie apud Geo-
 metras inuentio . 454. & 462.
 ndacium ac deceptio, an aliquando innocens, & commendabilis .
 630. & sequ.
 ridiane linea ubique locorum quàm facilis indagatio . 36.
 itaris ars, an sine peritia Mathematicarum facultatum exerceri im-
 punè possit . 469.
 um deterior facta sit an solertior, ex usu fulminarium tormento-
 rum . 952.
 cula, & vera prodigia suprà Naturam, an aliquando in Ethnicismo
 extiterint . 386.
 Moderatores in Astrologicis coniectionibus, an assumi possint cum
 fructu reliqui Planctæ, & Cardines, præter quinque à Ptolemæo
 assignatos . 475.
 ile corpus, quid signatà appellet in opere architectonico . 489.
 quoruplex in Cælestibus Orbibus . 493. à n. 85. & 516. n. 19.
 uplex item in Planetis, & Fixis . 495.
 perpetuus in artefactis, un vlllo ingenio parari possit . 56.
 an in Cælestibus . 177.
 modo ad Musicam consonantiam faciant etiam dissonantia . 185.
 m. 34.
 semitonia in Musicis, an sint due æquales eiusdem toni partiti-
 o . 817. num. 71.
 sa Musicum an intret in rationem toni . 819. num. 72.
 usica quid . 502. n. 96.
 uid, & ad quid, in Opere architectonico, præsertim in Aquadu-
 . 507.
 o, quando & à quibus inuenta . 509. & 1004.
 um commodi præset humanis commercijs, atque omnium terra-
 communicationi . ibid. & 1004. 21.
 terrestribus edificijs quæ pars intelligatur . 510. n. 8.
 stellæ cum Luminaribus, an semper, & qua ratione vitium in-
 nt in oculis . 512.
 n usus in Cantu Gregoriano, ad quid, & quando introdu-
 513.

Nodi Planetarum, an ab ijs sui similem qualitatem participant. 345. n. 32.
Notariatus nomen & officium, unde defluxerit. 518. num. 21.
An in Notis arithmeticijs, & verborum initialibus litteris, ullum mysterium lateat. 193. d. num. 7.
An ex ijs, aliqua fausta sint, alia infausta, & ominosa. 397.
Nonilunij momentum observari, quàm facile ex lixio possit. 521.
Numeralis scientia quàm Reip. necessaria. 522.
An in numeris pronicis, ulla virtus naturalis absconsa sit. 393. & 521.
Obsidio Frbium quotupliciter iniri consueverit. 529.
Quæ tutior & sine sanguine. 530. n. 9.
Verum Occidens à Modernis Geographis ubi constituatur. 531.
Ollimestris partus cur non superuiuat. 371. n. 15.
Oculi mira fabricatio à Natura sedulò instituta. 288.
Quomodo per eam edocti simus speonlorum efformationem. 845. num. 117.
Quot tunica ad visiuam potentiam constituendam concurrant. 288.
Oculus quid in Opere architectonico. 1039. & sequ.
Olympiadum ratio unde habita, & quo tempore cæperit. 537.
Oppositio in Astronomicis, quare absolutè hostilis radius sit, & infestus. 974.
An aliquando in fortunis numerari debeat. 541.
In Oppidorum fundatione quanam cautiones potissimum observanda. 137.
Oracula Dæmonum an semper falsa extiterint ex Idolis, delusoria, & captiosa. 387.
Ouum in Architectura quid & quotuplex sit. 555.
Vnde emerfit fabula, quod ab ovo è calo delapso, Elena sit exclusa. 556.
Palatia, cur agnominate sint Principum Mansiones. 560.
Palationes in edificijs maritimis, & locis stagnantibus ac paludosis, quomodo ineunda sint, ut diù consistant atque in æternum durent. 559.
Paradisus ubi terrarum sit, an ex scripturis, & Geographica peragratione colligi possit. 571.
Paradisi nomine cur olim appellata fuerint Cameteria; & Atria Basilicarum. 572. n. 19.
Paralleli cosmici & ascensionales in Astronomicis qui sint, & an parem cum Antiscijs habeant efficaciam. 578. d. n. 25.
Parameter in sectionibus Conicis, quo modo facile inueniatur. 584.
Parigium in Hydrographia quid, & ubi dicatur esse. 588.
Partilis radius in Astronomicis, ut efficax sit, quid requiratur. 590. n. 40.
Pes in Nauigijs, quam præcisè partem appellet. 617. n. 81.
Nona Phænomena in Cælo apparentia, nùm ex materia elementari, an ex ætherea coalescant. 624.

iectura, quomodo ad Mathematicas facultates pertineat. 629. n. 101.

An suprà Sculpturam aliasque liberales artes praemineat. 630.

Platonica quid sit in opere architectonico. 640.

Leiadum sidus quot stellis constet. 626. & 642.

Vnde est, ut aliquando sex, aliquando septem, clara luce dispiciantur. 303. n. 2. & 625. n. 91.

Pleuritidum nomen, quomobrem ad regulas seu registra musicalium organorum à Mechanicis applicetur. 644.

Poetica, qua ratione Mathesis partus sit & discipula. 650.

Pontium quanta utilitas & necessitas in operibus pacis simul & belli. 657. & seqn.

Eorum subiecti arcus, quare impares semper constituantur. ibid. n. 139.

*Porticus ample, cur magnis Basilicis, Gymnasijs, & publicis adibus ady-
ciantur. 658. n. 146.*

*Processionum ritus in Ecclesià in publicis supplicationibus, unde proces-
serit. 570.*

*Promuralia (vulgò False brache) ad quid moribus apponantur. 677. Item
Propugnacula plana (vulgò Piataforina) in Regalibus Munimentis
ad quid deferantur. 635. n. 110.*

*Vtraque adiectio, an periculi plus habeant, quam muniminis. 636.
& 678.*

Puteorum effossio, quam necessaria in pacis otio, & in bello. 697.

*Quantum faciant in Architectura, ad aedificia firmiter statuenda. ibid,
num. 207.*

Quibus cautionibus aperiendi. ibid.

Quadratus aspectus cur hostilis, Trinus autem & Sextilis benignus. 974.

Quadratrix linea qua apud Geometras audiat. 708.

Quantum luminis conferat ad Circuli Quadraturam inveniendam, ibid.

*Quadrinium Scientiarum, cur dicta quatuor primaria Mathesis Disci-
plina. 712.*

*Quomodo in Astronomicis, planeta in locis, ubi in radice constituuntur,
intelligentur imprimere sui participem qualitatem. 345.*

*Qualitas aeris, an sit salubris vel tabidus, qua arte dignosci possit in Oppi-
dis & Castris ponendis. 137.*

Quintana nomen & decursio, unde ortum sumpsit. 726.

*Quomodo ad ornatos sacellorum cancellos in Ecclesijs, vox derivauerit.
ibid. n. 23.*

Quintilis & Biquintilis radius in Astronomicis, an admittendus. 717.

*Radius, in quo differat à splendore & lumine. 724. num. 7. & 857.
num. 138.*

An diffundatur per modum Coni, aut per lineam rectam. ibid. & n. 9.

Radix Quadrata & Cuba in Arithmetice qua. 727. n. 13.

Ad utramque certè & facile extrahendam, qua methodus ab Algebricis tradatur. 728. n. 15.

Rationalia Signa, an iure, & quâ ratione denominata sint in Cælestibus quadam Constellationes, uti & ferina, ruminantia, muta, &c. 733. à num. 21.

In Reflexione radij & repercussione, qua virtute augeatur, & conduplicetur immissa vis & effectus emanans; cum aliâ à passo impediri videatur atque refringi. 742. n. 35.

Quot bona & miri effectus ex reflexione promanent. 7. ibid.

Regionis nomine quid veniat in Geographia, quid in Topographia. 745.

Regulus, stella fixa in corde Leonis, quam ob rem tanta efficacia præ ceteris fixis sit, cum magnitudine, & viuidate luminis à plerisque superetur. 753.

Retrogradatio ab Astronomis in planetis asserta, an verè in ipsis reperitur. 762.

Quid in ipsis hæc passio operetur. 761. n. 70.

An Malefici per eam insensiores fiant. n. 69.

Reuolutio annua ab Astrologis asserta, & obseruata, an quidquam soliditatis habeat in natura. 763.

Quomodo ad naturâ, & verâ philosophiâ principia corrigi, & reuocari cum lucro possit. 764. n. 73.

In Rore, quomodo fructus omnes Calisimul, & terra epilogentur, ac benedictio Dei sita sit. 998. n. 12. & 13.

Ruga quid in Opere architectonico. 769. n. 85. & sequ.

Sigma nomine, quid intelligant Architecti, & Perspectiui. 775. & sequ.
Saltatio ad numeros, an natura inducta sit, proindeque laudabilis in se & virtuosa. 776. n. 8.

In quot species diuidatur. 777. à n. 9.

In Sacris potissimum adhibita, tam apud Ethnicos, quam in Populo Israelitico. ibid.

Qua ratione spiriens adeo releuet, & exhilaret, ut quandoque proxima dispositio extiterit ad prophetandum. ibid.

Satellitium quid in Luminaribus. 780. n. 15. & 16.

An & quomodo suos satellites habeant tres planeta superiores. 782. num. 17.

Saturnus, ut perhibeatur ab Astrologis vitæ hominum inimicus. 783.

An Insectis saltem, & aliquibus plantis vitam tribuat, & conseruet. 785. n. 21.

An propterea dicendus sit pollere qualitatibus calidis, & humidis. ibid.

*calarum in opere architectonico quanta necessitas, sed quàm difficilis po-
situs. 786. n. 23.*

*Quanta earum diuersitas, & usus, cùm in pacis otio, tum in bello.
788. à n. 25.*

Scala nautica ad ascensum, quo iure Diabatra dicta sint. 226. n. 36.

Scintillatio in fixis, quam diuersa; & unde in ipsis proueniat. 798.

*Scola, & Schola, quam diuersa sint, & valde disparata indicent in opere
architectonico. p. 802.*

Scorpio fidus, quam fallax, malignum, & insidum. 805.

*Quantam connexionem, & præpollentiam habeat cum scorpionibus
terrestribus. ibid.*

*Scorpionis vocabuli varia acceptio in re militari, atque Agricultura.
803. n. 52. & 54.*

Sculptura, an Pictura ingeniosior ac mirabilior. 807. n. 57.

*Quomodo nullis adminiculis egeat, sed in egestate, & priuatione sit
ditior. ibid.*

Sectio quid in Conicis, & in opere architectonico. 187. & 813.

*Sectio cadauerum an laudabilis, & quid prosit in Medicina. In Pra-
fat. num. 8.*

*Secretarium quid loci olim in Tribunalibus, quid postea in Sacris adibus.
812. & sequ.*

*Semiquadratus, & sesquiquadratus aspectus in Astronomicis, an admit-
tendi. 816.*

Semitonium in Musicis, cur non appelletur & esse queat dimidium toni. 817.

*Signorum aqua distinctio in Zodiaco in XII. partes, quàm appositè ini-
ta. 829.*

Solan & quomodo Mundi Centrum. 910. & 839. n. 105.

*Qua ratione Vas admirabile, & Natura Administer dicatur. 838.
num. 103.*

Solstitium num duplex, an unum tantummodò admitterendum. 842. & seq.

*Specula in adificijs, quomodo commodum præsent, & venustatem adij-
ciant. 844.*

*Speculorum inuentio, an arte habita, vel potiùs à Natura operibus compa-
rata. 845. n. 117.*

Specula vteriora, qua arte formentur. 846. n. 119.

*Specus, & Antra, quomodo prima Architectura lineamenta à Natura no-
bis exhibita. 848. n. 120.*

*Quàm opportuna ad pietatem concipiendam atque firmandam. ibid. n.
121. & sequ.*

*Sublunaria, quare dicta sint inferiora hæc, celestibus influentijs obnoxia.
878. n. 177.*

Subsidia in re militari, in quo differant à suppetijs, & auxilijs. 880. n.
180. & 888. n. 194.

Tecti quanta necessitas in structuris, ut sint eo etiam fundamenta satisfiant.
900. & 323. n. 9.

Telescopij inuentio, quo tempore, & cui potissimum eius continendi laus
steterit. 982. n. 115.

In quo consistat eius artificium. 984. à n. 117.

An & quomodo fabricari queat amplius, & binoculum. 985.

Templum originariè quid propriè signet in opere architectonico. 902. n. 9.

Vnde postea ad denotandum totum ædificium, & Sacras potissimum
ades, est dilatatum. n. 11.

Termini Planetarum qua ratione ab Astronomis asserti, & quinque Erra-
ticis distributi. 908.

Quare ab eorum presidentia Luminaria excludantur. ibid. n. 16.

Qua distributio ipsorum sit magis rationi consona, Ptolemaica, an
Aegyptiorum. ibid.

Terra, in quo sensu sit Mundi Centrum. 910. n. 18.

An illamineatur à Sole, ac suas phases obeat, perinde ac Luna. 911.
num. 19.

An affeget æquabilitatem, & ire sub aquis. 909. n. 17.

Textrina, quem locum teneat inter liberales artes. 921. à n. 34.

Quantum cum omnibus mechanicis, quin & sublimioribus Mathe-
maticis disciplinis, necessitudinem habeat. ibid.

Quam varia & locuples sit, & ad quantum ambitiosè se extendat.
922. & sequ.

Cur à viris inuentoribus derelicta, & ad feminas amandata. 923.
& sequ.

Thermæ quid propriè indicent. 930.

Quomodo ex necessitate natura, ad luxum, & vitiorum incitamen-
tum transferint. 931. à n. 43. Vide etiam in V. Balnea.

Tolleso, an idem ac Manus ferrea Antiquorum.

Tormenta fulminalia, an truculentiora, ac terribiora Cæli fulmini-
bus. 951.

An in perniciem Nature magis, quam in lenamen & subsidium, sint
inuenta. ibid. n. 69. Vide etiam in VV. Bombarda, Pallandre,
Pyroclastrum, &c.

Transitus Planetarum per loca hylegalia, apud Astronomos, quante sint
efficaciæ. 956.

Triangulum cur dictum basis & cardo totius Geometria. 961.

Quomodo in illud omnes figura geometrica resoluantur. ibid. & p.
48. n. 69.

- Quomodo omne parallelogrammum in Triangulum converteri possit, & econtrà.* 739. n. 31.
- Trichora loca in Opere architeſtonico, quæ apud antiquos scriptores.* 968.
- Triclinia, cur dicta loca Cœnationibus destinata.* 970.
- Tuba vocalis, qua arte parari queat ad multam distantiam exaudienda.* 866. à n. 158. & sequ.
- An eiusmodi fuerit Cornu Alexandri Magni, è diffitis valdè locis exercitum convocantis.* 869. n. 161.
- Eiusdem cum Tubo optico convenientia, & affinitas.* 868.
- Tubus Opticus, Vide Telescopium.*
- Vacuum, an aded Natura inimicum, ut Philosophi depradicant.* p. 992. & p. 53. n. 77.
- An Natura ab eo aversio & contranitentia emincatur ex motu verum contrà suam naturalem inclinationem ad omnem vacuitatem implendam.* ibid.
- Quomodò à Mathematicis ultrò admittatur, & in eo fundent suas demonstrationes.* 993. n. 2.
- Vapor, qua ratione fructus siderum vocitetur, & basis omnium meteoron.* 998. l. 12.
- Vestis potentia quàm mirabilis.* p. 1000. n. 15.
- Vnde eius tanta vis.* ibid. n. 16. & 17.
- In eo fundantur omnes operationes mechanica, & instrumenta statica, & statica.* p. 1001. n. 17.
- Ventorum qua natura, diversitas & generatio.* p. 1011. n. 33. & sequ.
- Cur, cum è terra prosiliant, non sursum, sed per latera disperguntur, & perflant.* n. 33.
- Vmbilicus quid in Geographicis, quid in Architectura, quid in Sectionibus Conicis.* 1028. Vide etiam in *V. Focus.*
- Qualis fuerit Vmbilici forma, ad cuius rationem efformata perhibentur aliquorum Deorum Idola.* ibid. n. 54.
- Vmbra, quid in recto dicat, lucem, an tenebras.* 131. n. 59.
- Vnde aliquarum arborum umbra salutes sunt, aliarum venefica ac morboſæ.* 1032.
- Quid intersit in opere architeſtonico, Xyſſos inter, & Xyſſa.*
- Zodiacus quatuorplex.* 1056.
- An sapienter, & cum fundamento in Natura, cum Astronomi in duodecim signa dispertierint.* 1057. n. 9.
- Zonæ, an omnes commodè habitabiles.* p. 1065. à n. 27.
- Zophorus, quem locum sibi vendicet in opere architeſtonico.* 1066. n. 28.
- Eius laudes, ac dignitas.* n. 29.
- Quam variè pro ratione operis exornetur.* n. 30.

**Grauiora, quæ sensum turbare possunt,
Errata sic Corrige.**

Pag. 59. v. 15.	Aitruuius.	Vitruuius.
66. v. 33.	tumultum.	tumulum.
99. v. 19.	sec.	sed.
111. v. 6.	erat.	erant.
122. v. 14.	quæ	qua.
188. v. 10.	reliqua.	reliquæ.
192. v. 34.	remansio.	remansit.
205. v. 8.	non figuram.	dele non.
226. v. 28.	rideretur.	viderentur.
242. v. 25.	albi.	alibi.
249. v. 2.	filium.	filum.
ibid. v. 25.	alius.	altiùs.
257. v. 33.	concerto.	concreto.
261. v. 22.	exprobratis.	ex probatis.
370. v. 4.	Pluto.	Plato.
470. v. 18.	Mathematicani.	Mathematicarum.
490. v. 21.	roti.	roti.
509. v. 11.	Suburra.	Saburra.
745. v. 34. & 38.	Virgilium.	Vigilum.
794. v. 3.	minas.	ruinas.
893. v. penult.	longum.	longas.
901. v. 27.	pra.	pro.
904. v. 11.	manificentiz.	magnificentiz.
910. v. 32.	computat.	competat.
916. v. 39.	ferris.	fertis.
921. v. 32.	quia.	quin.
939. v. 31.	offensiuâ.	defensiuâ.
964. v. 28.	delatz.	deletz.
977. v. 36.	inferior emtorum.	inferiorem torum.
981. v. 18.	ratione.	rationem.
986. v. 11.	quem.	quâm.
987. v. 25.	debant.	debeant.
990. v. 21.	<i>γίγαντες.</i>	<i>γίγαντες.</i>
993. v. 17.	vel similia.	vel dissimilia.

Reliqua minutiora per se patent: eaque Lectoris
prudentia excusabit.

Censura Deputatorum Ordinis.

[Vssu Adm. Reu. Patris D. Caietani Pagani, nostræ Congregationis Præpositi Generalis, legimus, & accuratè examinamus Librum inscriptum *Lexicon Mathematicum*, &c. à P. D. Hieronymo Vitali eiusdem nostræ Congregationis Theologo: ac non modò nihil offendimus Catholicæ Fidei, aut bonis moribus contrarium; sed potius reperimus plurima eruditione refertum, optimo ordine, & summa claritate dispositum, vt proinde non tam rerum Mathematicarum studiosis, quàm variæ, & amœnæ litteraturæ cupidis, maximopere gratum atque proficuum fore confidimus. Quapropter publica luce dignum existimamus. Romæ in Aedibus S. Siluestri Montis Quirinalis decimo Kal. Ianuar. Ann. 1685.

*D. Caietanus de Andrea, Consultor Clericorum
Regularium, S. Theologiæ Professor.*

*D. Ioseph Maria Arrigonius, Consultor Clericorum
Regularium, Sac. Theologiæ Professor.*

A P P R O B A T I O

*D. Caietanus Paganus Congregationis Clericorum
Regularium Præpositus Generalis.*

Hoc opus inscriptum *Lexicon Mathematicum* &c. à Patre D. Hieronymo Vitali nostræ Congregationis Theologo scriptum, atque omnium reliquarum Scientiarum, quæ Mathematicæ subternuntur, terminis, illustrationibusque ad complementum Operis locupletatum: quum duobus è nostris P. P. Consultoribus, eruditis viris, atque in materia versatis, specialiter dedimus examinandum: ijque acuratè reuissum, in lucem edi posse, probauerint: Quod ad nos spectat, vt typis mandari possit, facul- tatem facimus. In quorum fidem præsentem litteras manu nostra subscriptas, & nostri muneris sigillo munitas damus. Romæ in Aedibus nostris Quirinalibus S. Siluestri die 14. Februarij. 1685.

D. Caietanus Præpositus Generalis.

loco †. Sigilli.


D. Michael Barbi Secretarius Clericorum Regularium.

Im-

Imprimatur,

Si videbitur Reuerendiss. Patri Mag. Sac. Pal.
Apost.

*Stephanus Ioseph Menassus Episc.
Cyrenen. Vicesg.*



31. Octobris Annō 1689.

E Go Franciscus Eschinardus Societatis Iesu, legi Lexicon
Mathematicum admodum Reuerendi Patris D. Hieronymi
Vitalis Clerici Regularis; & nihil inueni in ipso vel contra
Fidem, vel contra Bullas, vel contra bonos mores: Ma-
nu propria.

*Franciscus Eschinardus
qui supra.*



Imprimatur,

Fr. Thomas Maria Ferrari, Ord. Prædicat. Sac.
Apost. Pal. Magist.



HIERONYMI VITALIS
CLERICI REGVLARIS

LEXICON
MATHEMATICVM

Alphabetico ordine digestum,
& concinnatum.

A.



, FIGVRAE, quæ est initialis Littera, primumque literalium characterum, secundum ordinem Alphabeticum, (quem in nostro LEXICO sequimur.) Elementum, explicandis nobilissimarum scientiarum Mathematicarum vocibus, principiisque tradendis, fortuito, opportunoque occurfu, aditum aperimus: siquidem vel ipsa eius inspectio, & nuda formæ consideratio animum prorit, ingeniumque acuit ad inte-


tiora, quæ latent mysteria curiosius inuestiganda: proindeque planam, facilem, iucundam, ac spatiosam viam sternit ad vniuersam, quæ latè patet, Mathesim comparandam. In ea enim basis est, ac dicendorum exemplar & summa: quodque Euclides Geometrarum,

A

Prin.

Princeps, totis scx primis Elementorum libris, longo circuito, ap-
positisque figuris, per varias Definitiones, Pronunciata, Theorema-
ta, demonstrare nititur, hoc vna A figura, ictu oculi exhibet, ex-
hibendo docet, docendo allectat simul, & instruit: atque allicien-
do, & instruendo, Tyronem propé Magistrum insensibiliter facit.
Itaque eius formam, & partes curiosè examinemus.


- 2 Constat, A, ex tribus lineis se inuicem contingentibus, atque in
angulos terminantibus: ex quibus duæ adhuc vltius progrediuntur;
vt intelligas, & oculis simul vsurpes Lineæ rationem, & angulorum
naturam, & puncti terminantis, omnisque dimensionis expertis, con-
ditionem. Etenim summus apex punctum refert: quod siingas
præterfluere, lineæ successionem concipies, longitudinis quidem
compositis, sed non latitudinis. At verò spatium, quod intrâ lineas
continetur, tibi Superficiem exhibebit, quæ longa & lata est: & in-
telligitur esse fluxus lineæ lateraliter incedentis: quæ, si vndique li-
neis concludatur, appellatur etiam in figuris, Area, longitudine, &
latitudine prædita, sed non profunditate, quarum collectiue habe-
tur omnis, & trina dimensio: quæ conuenit corporibus solidis.
Cæterum quæ hucusq; diximus, in subiecto schemate demonstrantur.



Vbi A. punctum denotat: A.B., B.D. progressionem lineæ ab A.
in D. Anguli sunt D. D. D. ex quibus duo inferiores alios duos
habent conterminos, & externos. Area autem scû superficies, spatio
per C. notato præfiguratur.


- 3 Porro ex diuersa linearum adinuicem habitudine, & coitionis
modo, diuersæ angulorum, indeque geometricarum figurarum spe-
cies, vt triangularium, simul & trilaterum; quadrangulorum, penta-
gonarum, &c. exhibentur. Si enim tribus lineis superficies aliqua
terminatur, ea figura trilatera, ac triangularis est: si quatuor,
quadrilatera: si quinque, pentagona, &c. Item omnis figura, quot
latera,

latera habet, totidem similiter angulos cōplecti necesse est: & ubi latera cōiuncta æqualia sunt, æquales, hoc est eiusdem prorsus rationis angulos, efformabunt. Namque omnis angulorum ratio ad tres species reuocatur: Aut enim erunt Acuti, aut Obtusi, aut Recti. Rectus est qui rectā cadit, hoc est qui à perpendiculari in planum & rectam lineam incidēte formatur: Acutus minor est recto, seu minus spatium occupat: Obtusus est maior, quia maius spatium comprehendit. Inde ex varia angulorum affectione, numero, & qualitate, variaz triangulorum, (& si figuræ pluribus, quam tribus angulis constent) quadrangulorum, & quarumvis figurarum Isoperimetrarum, vel Trapeziorum species innascuntur, de quibus singillatim infra, suis in locis. Nunc autem de solis Triangulis, & Quadrangulis, quæ tantummodò suscepta figura exhibet contemplanda, aliquid strictim dicamus. Ergò Triangulum A.B.C. quod aream superiorem concludit, tribus angulis acutis, ipsque inter se æqualibus necessario constare debet, totidemque lateribus item æqualibus: quod ideo absolutè Triangulum Aequilaterum audit, Si verò duo tantum latera sint æqualia, tertium, autem utrius, aut maius, aut minus. Triangulum prodibit, quod vocatur *Isosceles*, habens necessario duos angulos acutos, & reliquum aut obtusum, aut acutiorem, aut sanè rectum, iuxta maiorem aut minorem eiusdem lateris longitudinem. At si latera discordabunt, & omnia inæqualia erunt; tunc Triangulum illud vocabitur *Scalenum*. Et in his omnibus, si vel unus angulus erit rectus, totum triangulum denominabit rectum, atq; Rectangulum. Hæc omnia ex Euclide primo Elementor. Horum varietatem ac singulorum nomenclaturam in subiectis figuris exhibemus.



Ex his Prima Figura in punctis a. a. a. dabit videre triangulum æquilaterum æqualium angulorum, eorundemque acutorum. Infra; quadratum ex quatuor lateribus æqualibus, ac totidem angulis

lis rectis constans. In secunda triangulum Amblygonium exhibetur; quod habet vnum angulum obtusum, reliquos duos acutos. In Tertia, triangulum rectangulum: & hæc omnia conueniunt in vna ratione Isosceles, quia habent duo saltem latera æqualia. Reliqui trianguli sunt Scaleni, quod omnia latera sunt inæqualia, & consequenter inæquales anguli, quorum vnus necessariò erit rectus, aut obtusus, reliqui duo acuti. Porro vnumquodque latus protractum, vbi cum altero latere coit, dat intelligi duos angulos inde exortos, quorum alter dicitur internus, pertinens ad ipsum triangulum, alter ab extrâ, dictus propterea externus: qui simul iuncti, aut sunt, aut æquivalent duobus angulis rectis, itaut si alter acutus sit, alterum consequenter obtusum esse necesse est: quantumque in vno à recto detrahitur, tantundem ad alterum accessionis fieri, vt sit magis, aut minus obtusus. Et quod de rectilineis diximus, de Curuilineis, etiam, ac Mixtis intelligendum est. Sunt autem Figuræ Curuilineæ quæ omnia latera habent curua, seu arcuata, vt sunt triangula sphærica: Mixtæ verò quæ lateribus partim rectis, partim arcuatis constant: vt infra videre est.



4

Sed enim quod diuersis, & infinitis propemodum figuris, suæ sub oculis positis, suæ mente conceptis exprimitur; id totum in se vno continet & repræsentat vulgare illud Instrumentum ad A, litteræ similitudinem efformatum, quod nos Normam, Libellam & Squadræ communiter appellamus. Hoc enim vno se solo, totius Geometriæ Summa, & singulare Geometrarum subsidium, atque ad complendas omnes geometricas operationes confugium, iure vocari poterit. Cuius specimen hic exhibere, operæ pretium erit.

In hoc igitur instrumento tota triangulorū ratio Theoricæ, & Practicæ fundatur: omnis dimensionum habitudo conspicitur, & perpendiculari ope in eius supremo apice appensi, declinationes à recto, & quantæ sint interceptæ partes indagantur: diuersi generis triangula expen-


expenduntur: Rhombi, Rhomboides, Quadrata, Parallelogramma, Trapezia, exhibentur; locorum distantie, longitudo, latitudo, montium altitudo, vallium profunditas dignoscitur: & quidquid Astronomi, Geometrae, Architecti, Gromatici, Statuarij, Pictores, tormentorum Libratores, Caelo, terrae, siue in bello, siue in pace, meditantur, ac moliantur, hoc veluti directore, ac duce peragunt, atque perficiunt. Sed quorsum amplificandi mirae huius figurae magnalia, me nimius ardor abduxit? Longius quam par est, in primo ingressu huius vastissimi maris, a littore soluimus; & plusquam simplex adumbratio exigebat, progressi sumus. Colligamus hic vela: sat est Nouitijs ad hae studia animandis, id summis labijs tetigisse. Cæterum suis in locis amplior erit diuagandi materia, & sermo profusior. Schema prædicti Instrumenti exhibemus.



Verum in A, literæ commendationem prætereundum non erit, quod, præcisè etiam Mathematicis obseruationibus, vel in eo quod pura, putaque litera est, adhuc ut ritè delineetur, mathematicis regulis, & commensurationibus opus habet, quemadmodum & reliqui literarij characteres. Siquidem apud accuratiores Architecturæ Scriptores, non minus exactas inuenies leges, ac præcepta probè literas efformandi, quam de ædificio magnificè erigendo. In cuius rei gratiam, placet hic circa literam A, tantummodò (quando de ea sermo est) duplicem describendi rationem; ex duobus auctoribus excerpere; quorum alter insignis in scribendo magister est, alter nobilis Architectus, vterque ex Ordine Minorum, hicque oculis exhibere.

Prima est Fr. Vespasiani Amphiarei Ferrariensis, qui in libello, quem de varijs characterum formis, ac ritè scribendi modulis, in lucem edidit, hanc præ alijs maiuscularum, ut vocant, seu Romanarum

rum scribendi methodum tradit. Igitur intra septa perfecti Quadrati in area descripti, literas omnes concludit, ea lege, vt primum area ipsa in octo æquales partes tribuatur: tum octona pars assumitur pro regula maioris amplitudinis, quam in suo corpore habere debet quauis litera describenda: tertia verò istius particula est mensura, & proportio, quam seruare conueniens est minor literæ terminus, & amplitudo. Et in A, quidem sinistra pars, seu crus, amplitudine sua, octonam, vt dixi, partem debet implere: sinistrum verò, eiusdem tertiam solummodò partem. Hinc à basi ad verticem, ex vtriusque angulis duæ transuersæ in rectum lineæ ducendæ sunt, quæ quidem non in puncto se contingant, sed tantumdem spatij post se relinquant, quantum latioris crutis est amplitudo; cæterum ab angulis respondentibus æquæ altera distet. Et vt tandem coeant extrâ aream, angulum non rectilineum, sed mixtum ex recta sinistrorsum protensa, & semicirculo vtramque partem neciente, elegantissimè efforment. Quod similiter in pedum basi compleri debet, vt tantumdem extrâ aream prodeant, quantum desuper cuspis. Tum introrsum duæ item his parallelæ, ad distantiam à sinistris per octonam quadrati partem, à dextris per eiusdem partis trientem, vt supra dictum est, ducuntur, quæ in medio ad extremum quadrati angulum terminent. Tandem in media distantia duabus lineis itidem parallelis in amplitudinem dextri cruris, hastam, quam, & transuersam vocant, locabis: ex quo in area, hinc à superiori parte triangulum æquilaterum, inde ex inferiori genus quoddam trapezij, seu parallelopeuræ ritè efformatum videbis, vt in subiecta prima figura.



Secunda delineatio paulò operosior, est iuxta methodum, quam tradit Lucas Burgensis in suo *Divina Proportionis* libro, atque elegant-

gantissimis characteribus expressit A. Paganinus ibidem. Inscribe enim in area quadrata circulum: tùm ad angulos oppositos ducit duas diagonales sese in centro interfecantes, & alias duas in rectum sese itidem decussantes. Quibus positis, super eas, literas delineari mandat, hoc videlicet ritu, vt sinistrum crus nona parte amplitudinem areæ præhendant, dextrum verò, eiusdem partis medietatem. Denique transuersum tertiâ eiusdem parte sit minus: itaut tota amplitudo characteris, circa centrum, & intersectionem diametrorum versetur: ac tandem intrâ quinque idoneos circulos anguli tùm baseos, tùm verticis includantur. Quod longè clariùs oculus obseruabit, quàm calamus exarare possit.


Quid superest? Etiam in militari Architectura, A literæ figura 6
auspicata est, ac perutilis, in proba videlicet, ac tuta aciei explanatione, in ordine ad prælium feliciter ineundum. Author est mihi Vegetius lib. 3. cap. 20. vbi proponens, quoniam pacto is qui inferior & numero & viribus est exercitus, valeat in conspectu victoriam reportare; postquam de instructa in, quadratum acie multa disseruit, difficultatesque, & pericula censuit, quæ in eâ sic disposita sæpius inueniuntur, vti & in alijs milites ordinandi formis, quas successiue refert, cum earum commodis, & incommodis; tandem hanc quam secundo loco examinat, cæteris, vt tutissimam anteponit: ait enim. *Secunda depugnatio est obliqua, quæ plurimis melior. In qua (nota) si paucos strenuos loco idoneo ordinaueris, etiamsi multitudinem hostium, & virtuteturberis, tamen poteris reportare victoriam.* Ecqualis est ista tam felix, & auspicata militum ordinatio? Sequitur. *Cùm instructæ acies ad congressum veniunt, tunc tu sinistram alam tuam, à dextrâ aduersarij longius separabis, ne vel missilia ad eam, vel sagittæ perueniant: dextram autem alam tuam sinistra ale illius iunge, & ibi primùm inchoa prælium; itaut cum equitibus optimis, & probatissimis peditibus sinistram partem illius, ad quam te iunxeris, aggrediaris, atque circum-eas: & detrudendo, atque supercurrendo, ad hostium terga peruenias. Quod si semel aduersarios exinde pellere caperis, accedentibus tuis, in dubitatum victoriam consequeris, & pars exercitus tui, quam ab hoste submoueris, secura durabit. Ad similitudinem autem A, litteræ, vel libella fabrilis, acies in hoc dimicandi genere constituitur.* Hæc Vegetius. Adeò non minùs in armorum, quàm in literarum exercitio valet, & primas tenet A. felicissima littera, quæ non in pacis artibus modò, & ciuili Reip. institutione, in disciplinis promouendis aptissima est; verùm etiam in ipso belli discrimine, & periculoso conspectu valde opportuna, perutilis, ac propè dixerim, necessaria est ad victoriam reportandam. Quæ omnia bellè cadunt in commendatio-

tionem pulcherrimæ huius literæ, atque ad ornatum primi aditus nostri Lexici Mathematici. Quod ideo huius alphabeticam coordinationem strenuè prosequamur.

A B

- 7 ABACVS ad varias significandas res communiter vsurpatur. Nos ijs neglectis quæ ad rem nostram non faciunt, in quo sensu ab Mathematicis accipiatursolummodò explicabimus. Ergò vox ista in opere architectonico denotat partem illam, quæ in Columnatis Ordinis Ionici, & Corinthij summum Columnæ Capitulum complet, & veluti operculum ad instar quadratæ tabulæ, resimatis tamen ad maiorem venustatem lateribus, illud contegit, & exornat. De eo hæc præcepta tradit Vitruuius lib. 4. cap. 1. *Abaci latitudo ita habeat rationem, ut quanta fuerit altitudo, bis tanta sit diagonis ab angulo ad angulum.* Et mox infra. *Abaci crassitudo* (subdit,) *septima capituli altitudinis.* Quare malè nonnulli Columnæ basim intelligunt, æquiuocatione facta ab Italica appellatione *Dado*, ex forma videlicet cuba, seu quadrangulari, quæ Nostrates ob maximam similitudinem, quæ inter vtramque partem intercedit, promiscuè nominant: sed ea proprio nomine *Plinthus*, hæc *Abacus* latinè dicitur. Cæterum silentio prætereundum non est, quod quamquam hoc loco Vitruu. signatè de Columnæ Corinthiæ Capitulo tantum loquitur, & abaci ritè deformandi præcepta docet, non tamen, propterea in alijs aliorum ordinum Capitulis non admittit, quin potius probat, & de omnibus vniuersaliter procedit; cum reuerà hoc membrum in omnibus requiratur, & sit totius operis complementum: Vnde iure ab Leone Baptista Alberto in lib. de Re Aedificatoria, hæc pars non alio nomine, quàm operculi præsignatur. In alia etiam significatione sumitur à Vitruu. hoc vocabulū lib. 7. cap. 3. ubi ait: *Itaque veteribus parietibus nonnulli crustas excidentes, pro abacis vtuntur; ipsaque tectoria abacorum, & speculorum diuisionibus circa se prominentes habent expressiones.* Et cap. 4. idipsum ferè habet. *Supra podia, inquit, abaci ex atramento sunt subigendi, & poliendi, cumeis silaceis, seu miniaceis interpositis.* Hic autem manifestum est, ipsum loqui de opere tectorio: quod ideo inepta est, ac præpostera Philandri, & Barbari (magnorum cæteroqui virorum) huius loci interpretatio, asserentium, in eodem sensu loquutum fuisse vtrobi- que Vitruuium, & nomine abaci, hæc accepisse mensas, seu tabulas, quas vocant, rationum, eoquod quadratæ erant, & in nihilo à columnarum operculis discrepabant. Quam loquendi formam sequutus est etiam Sidonius Apollinaris in Ep. 2. dicens. *Stibadio enim, siue abaco fulti conuiua discumbebant.* Sed enim in Vitruuio loc.

loc. cit. nulla sessionis mentio fit, aut mentionandi datur occasio, sed tantum ratio traditur parietes incrustandi, vel picturandi. Magis ad rem, & vero propius discurrit Abbas Guastallensis Bernardinus Baldus in Lexico Vitruuiano, (quod de obscuris & controuersis Vitruuij vocabulis doctissime conpilauit) docens locum intelligendum esse de Quadratis pictis, quibus Noliri Architecti varijs interpositis intercisuris, vel coloribus, parietes exornant, quosque *Compartimentos*, & *Repartimentos* appellant. Concordat Martianus Capella lib. de Geometria (immerito à Philandro irrisus, ac reiectus,) dùm dicit: *Abacus res est depingendis, designandisque opportuna formis. hoc est,* (vt ipse Philander explicat) *Mensula hyalini pulueris, (is est ex contuso, & viridi vitro confectus) respersione colorata, ubi vel lineares ductus, vel circulares flexus, vel triangulares anfractus radio describuntur.* Ad quæ confirmanda optimè faciunt quæ modò ex cap. 4. textus Vitruuiani subiecimus. *Abaci ex atramento sunt subigendi, & poliendi, cuneis silaceis, seu miniaceis interpositis.* Ceterùm, vt ad Columnarum Abacum reuertamur, de cuius dimensione, & symmetria ad reliquas partes, agit Vitruu. primo loco citatus, vtique feliciter & plausibiliter rem explicat Philander ipse, adiecta etiam figura. Si imam, inquit, crassitudinem columnæ quadrato clausam circulo cinxeris, eumque ipsum alio quadrato includas; quæ ad angulos ducuntur lineæ, duplò maiores erunt imi scapi diametro; eaque erit iusta abaci latitudo. Tùm diuersas eiusdem deformandi, sinuandique, ab alijs traditas rationes examinans, suam tandem, vt aptiorem obtrudit, concludens, nil aliud in eo attendendum esse, præter sinuationem, & quod cornua in angulum terminent: prout videre est in subiecta figura.



- 8 ABATON, Græcè, teste Vitruuio lib. 2. cap. 8. locus erat olim in ædibus ab alijs segregatus, & sanctior, ad quem nullis, aut sanè insignibus dignitate hominibus, vtpote Regibus, & Sacerdotibus fas erat accedere. Originem habuit ab Rhodijs, qui (referente ipso Vitruuio) captà ab Regina Aegypti Artemisia earum Vrbe, locum, vbi hæc, veluti trophæum suæ victoriæ constituerat duas videlicet Statuas ex ære, alteram sui, alteram Ciuitatis subactæ speciem referentem, cui illa stigmata inurebat, *Abaton*, seu infaustum, & execrabilem nominarunt. *Postea autem* (subdit Vitruu.) *Rhodijs religione impediti, quod nefas est trophæa dedicata remouere; circa eum locum adificium struxerunt, & id erecta Graia statione texerunt, ne quis posset aspicere: & id Abaton vocitari iusserunt.* Forte id ad Anathéma obliuionis factum, vt locus esset occultior, ad iniuriam, ac dedecus minuendum. Sed quod tùm fuit in opprobrium, & horrorem abominationis factum, postea in religionem, & sacrum horrorem transijt, vt locus aliquantò remotior ac sacratior in Aedibus Sacris constitueretur, cui aditus non pateret, nisi summis viris, & Sacerdotibus. Hinc Hierosolymis, in Templo, vbi verus Deus colebatur, locus erat sacratior *Sancta Sanctorum* appellatus, quem soli Summo Sacerdoti licitum erat ingredi, quique ad maiorem venerationem magno velo contegebatur, ne quod intus erat, aut fiebat, à prophanis oculis temerè inspiceretur. Quod postea velum, consummata per Dei filium, hominum redemptione, & abscedentibus vmbis, in duas partes scissum est à summo vsque deorsum: idque in Mysterij aperitionem inquit S. Leo Papa, *vt figura in veritatem, prophetia in manifestationem, & lex in Euangelium verteretur.*

- 9 ABSCISSA ab Geometris, proprio nomine appellatur in Sectionibus Conicis, lineæ portio, in quam cadunt perpendiculares ductæ ab extremo Sectionis ac radijs, qui ab vno aliquo puncto axis circumcircà ducuntur. Portio igitur axis intercepta inter verticem Sectionis, ac terminos prædictarum perpendicularium ad axem, (quæ potentes vocantur) dicitur abscissa, eoquod abscinditur à tota longitudine ipsius axis. Sed hæc melius intelligentur in explicatione aliorum terminorum, quibus reliquæ partes Sectionis Conicæ denominantur, quod potissimum fit in delineatione ipsius sectionis Coni.

A C

- 10 ACCESSVS OBSIDIONALES apud bellicos architectos sunt cæci quidam anfractus, atque occultæ viæ in campi planitie oblique aper-

apertæ circa obsessam urbem, aut arcem, subducta inde humo, atque erecta pro vallo, aggere, & lorica, ad eam partem, quæ loco obsessio aduersa est, vt per hos meatus occultè, ac tuti possint fossiores ad muros appropinquare, eosque aut scalis conscendere, aut machinamentis subruere. *Approcci à Nostratibus audiunt, quasi sensatæ approximationes: vt & Contrapprocci, haud absimiles molitiones, ac tentamenta, quæ contrà obsessi faciunt ad hæc aliaque obsidentium opera interceptiunda, ac perturbanda. Quorum ritè ineundorum ratio sic se habet, vt in subiecta figura expressum est.*

Decreta obsidione, hostis in A. mille circiter passus distante ab loco obsessio, designat, & effodi imperat ductum A. B. terrâ effossâ versùs illum aggestâ: idque non rectâ, sed obliquè fit, vt fossiores obsessorum ictus declinent: qui ductus, cùm eò peruenerit, vt obseruari possit, in eoque regi, & occultari iam amplius nequeant operarij; in aliam aduersam partem insectitur, nouo effosso canali, qui magis ad locum obsessum appropiet, in quem primus aditus habeat, qui sit B. C. ac successiue alij, atque alij aperiantur, semper obiectâ in hostes terrâ effossâ, quoad vsque perueniatur ad locum;



huiusmodi meatus ad lorica horizontalem continuando. Vbi autem accessus terminant, longioribus ductis E.G. & H.I. Arx premitur, & media hinc inde constituitur, & stipatur, constitutis in eorum extremitate Castellis D. Id autem semper cautè obseruandum est, vt isti meatus ità ordinentur, vt nulla ratione intercepti possint,

possint: ac propterea ab loco obsessio linea recta duci debet, quæ eorum longitudinem stringat, tormentorumque ictibus frangat. Meatum latitudo, seu fossa inferior dilatetur ad pedes sex; superioris autem marginis, sit duodecim: cui scabellum vnum, duo, vel tres, prout opus requirit, addendi sunt; ad hoc, vt fossores inibi campi aream, & hostium molimina possint inspicere. Eiusdem fossæ profunditas ab Militaris Architecturæ peritis statuitur varia, prout soli conditio, tempus, & necessitas patitur: Concordant omnes, vt ad minimum tanta sit, quæ cum terra reiecta, erectum hominem tegat, & occulet. Latitudo etiam augenda est, quando materia ad erigendam firmandamque loriciam necessaria, curribus aduehenda est per ipsam fossam. Quò propius ad arcem itur, eò lorica sit altior, & fossa profundior: quæ proinde lorica propè aream, vnde imperi potest, corbibus inpositis custoditur, atque firmatur. Singulis verò linearum terminis, vt iam supra tactum est, Reductus, vt vocant, (Castella nimirum campestria quadrati operis) excitandi sunt, ducentorum circiter bellatorum capaces, in quos, erumpentibus subito in ipsos hostibus, sese identidem recipere possint, ac fossoribus opitulari, donec auxiliares cum manu validiori adueniant, & illos reijciant. Optimus horum Reductuum situs videtur esse, si utrunque Accessuum latus stringant, vt in A.B., E.F. Cùm iam propter nimiam vicinitatem ad locum obsessum huiusmodi meatus absque fossorum periculo ulterius duci non possunt; vnica linea recta I.H. (quam *Sappam* dicunt) ita est desuper operienda, vt qui inferius ambulant occultentur assatim, & vallum hostile non ijs appareat. Interim ad loriciam ipsam Suggestus M. constituitur, vt liberior sit Sappæ constructio. Porro vltimus Accessus nunquam ad cortinam Arcis dirigi debet, quæ supponitur reliquorum operum tutior, & fortissima, utpote quæ à duobus propugnaculis hinc inde positis, probe stringitur ac defenditur. Sed neque ad angulum propugnaculi, qui etiam, tùm ab alijs propugnaculis, tùm à paruius intermedijs contutatur. Vtilius ergò dirigitur ad faciem propugnaculi, quæ cæteris est infirmior, quòd vnâ tantum & simplicem habeat defensionem: quæ erecto ad M. tormentario suggestu, faciliè impeditur, aut sanè multùm debilitari potest. Cætera, vide in V.V. *Parmula*, ac *Reductus*.

II ACCESSVS etiam antonomastice dicitur à Vitruvio Ascensoria quædam Machina, quâ mediante, feliciter obsessores accedunt ad muros obsessæ Arcis. Hæc olim apud Græcos maxime in vsu erat, & *Epibathra* dicebatur. Tali enim arte confecta erat, vt sensim in
subli-

sublime excreſceret, atque ubi ſat erat ad explorandum, ſeu etiam interturbandum hoſtium, quæ intus fiebant, molitiones, mox cedebat, & retinaculis ad certam meſuram agebatur, & firmabatur. Oculatiſſimus Lipſius putat mendum irrepſiſſe in Codicem, ubi Vitruv. lib. 10. cap. 19. ait, *De Acceſſu, qui Epibatra græcè dicitur, &c.* Atque vnius literulæ inmutatiōe ſcriptum eſſe *Acceſſu* pro *Aſcenſu*: Sed Bernardinus Baldus locum defendens, ſic explicat. *Erat proculdubio Epibathra obſidionalis machina ſcanſoria, per quam ad murum, pede plano erat tranſitus. Quare & optimè Acceſſus ſtare, & nominari poteſt: ſiquidem tanta fiebat per eam ad murum acceſſio, ut commodè in eo miles pedem figere poſſet.* Sed enim utrumque benè cadit in rem: nam verè ad accedendum, & aſcendendum, ubi opus foret, erat eiufmodi machina inſtituta; unde & nomen hauſit à munere.

ACIDOIDES figura in Geometricis appellatur Triangulus conſtans quatuor lateribus, quæ coeunt in tres nihilominus angulos, eoſdemque neceſſariò acutos. Verum tamen eſt, quod admittit etiam alium angulum, ſed externum, in quem terminant duo incluſa latera: qui proinde ſine lege incedit, & poteſt eſſe tùm rectus, tùm acutus, & obtuſus, ut videre eſt in ſubiecta figura.

Quæ, quoniam ſua cavitare ad inferiorem partem reſert cuspideſ iaculi, ſeu ſagittæ in extremo haſtæ impoſitam, iure ab ea apud Græcos nomen obtinuit. Eſt in genere Figurarum, Ciligoniarum (de quibus infrà) quarum ea vniuerſim natura eſt, ut præter angulos internos, quibus conſtituuntur, admittant etiam vnum, duos, vel plures angulos cauos externos. Quod idè non veniunt ſub generalibus præceptis, quæ tradit Euclides de proportione laterum ad ſe, & ad angulos, in Triangulis, aliſque figuris Iſoperimetris planis, quæ in his ſæpè fallunt, ſicut etiam in curvis; ut acutè obſervat Marius Bettinus in Apiarijs.



ACIES, in re militari, dicitur Exercitus probè inſtructus, & proximè ad inuicendum prælium comparatus; itaut ſingulæ eius partes, & agmina, ſuo loco contineantur, ac terminis; æquè, & gradatim incedant, ac debita intervalla ſeruent, certamque in formam expli-centur, modò in latum, modò in longum, modo in orbem, aut

cuneum, prout res postulat; sicque aduentantem hostem excipiat, seu stantem, vel retrocedentem aggrediatur. Ex qua sanè dispositione exercitus, ritè, ex peritia rerum mathematicarum ab Ducore imperata, magna ex parte pendet felix pugnae exitus, ac sperata de hoste victoria. Siquidem, vt aduertit Vegetius de aciei instructione loquens lib. 3. cap. 14. *Hac, si sapienter disponitur, plurimum iuuat: si imperitè, quamuis optimi bellatores sint, mala ordinatione, franguntur.* Porro ordo iste seruandus in acie, diuersimodè olim, pro diuersa loci, temporis, nationis, & instantis praelij conditione à Ducibus præcipiebatur. Nos obuijs, & communibus prætermis- sis, quæ videri possunt apud Cæsarem, Polybium, aliotque Histo- ricos, aut artis militaris Scriptores, præcipuè Aelianum, qui in- tegrum opus de instruendis aciebus conspilaui; ea trademus, quæ nunc temporis in vsu sunt, atque à Romanis (qui præ omnibus nationi- bus, optimi semper ac felicissimi belli moderatores fuere) profes- sa, adhuc in nostra ætate vigent, atque à Modernis Scriptoribus hausimus.

- I 4** Igitur apud Romanos totus Exercitus in tres partes tribuebatur. *Cornua* duo, quæ ex solis Equitibus hinc inde, ad totum robur pecu- natus astantibus, formabantur; erant veluti Alæ tegentes, & prote- gentes: Ipsum corpus, seu potior vis bellatorum in medio consistebat, & peculiari appellatione *Acies* verius dicebatur: de hinc numeraban- tur *Subsidia*, inde dicta, quod subsidebant, ac seruabantur ad opem periclitantibus, aut in prælio succumbentibus, opportune ferendam: quorum locus posterior erat, & ultimi omnium succedebant. Hinc *Pedites*, (quos, vt dicebamus, media acies, ac totum robur exer- citus componebat) & ipsi in tres itidem ordines distincti erant. Pri- mus ordo, (vel inde dictus *Frons*, apud Nos *la Vanguardia*) con- stabat ex militibus, qui vt plurimum ex flore pubescentium, & be- nè complexorum iuuenum deligebatur, & *Hastati* audiebant, eo quod hastis solum, pro armis utebantur. Post succedebant *Principes*, ita dicti, quod ex Optimatibus, ac nobilibus erant, implebantque se- cundas partes, probè armis instructi, ac scutis testæ; qui idcirco apud quosdam Scriptores, veniunt nomine *Scutatorum*, ab alijs com- munitè vocantur *Antepilani*, eo quod *Pilanos*, de quibus mox infra, antecedeabant. Postremam aciem complebant *Triarii*, veterani nem- pè milites multum exerciti, probataque vsu virtutis, qui pilis ar- mati, & in vnum consipati, in loco firmi, pro muro stabant; atque, vbi socios periclitari cernerent, illico accurrentes, se illis iungebant, ac prælium redintegrabant. Ex quo ortum Adagium, *Rem ad Triari- os*

rios abſiſſe, pro eo quod ſummum inſtaret periculum, proindeque ventum eſſet ad extrema auxilia imploranda, vt malis ingruentibus occurrī poſſit, ac res in integro reponatur. His ergo ita diſpoſitis inuendi mox prælii rationem, his deſcribit Liuius lib. 8. *Hæſtati*, inquit, *omnium primi pugnam inibant. Si hæſtati proſtigare hoſtem non poſſent, pede preſſo, eos recedentes in intervallo Ordinum, Principes recipiebant. Tūc principum pugna erat: hæſtati ſequebantur. Triarii ſub vexillis conſiſtebant, ſiniſtro crure porrecto, ſcuta innixa humeris, hæſtas ſub erecta cuspide in terra fixas, haud ſecus, quam vallo ſepta inhorreret acies, tenentes. Si apud Principes quoque haud ſatis proſperè pugnatum eſſet; à prima acie ad Triarios ſenſim referebatur: inde ad Triarios rediſſe cū laboratur, proverbio increbuit. Triarii conſurgentes, ubi in intervallo Ordinum ſuorum Principes, & Hæſtatos recepiſſent; exemplò compreſſis Ordinibus, velut clauderant vias, unoque continenti agmine, iam nulla ſpe poſt reſiſta, in hoſtem incedebant. Id erat formidoliſſimam hoſti, cum velut viſtos inſequuti, novam repente aciem exurgentem, auſtam numero cernebant. Hæc Liuius.*

Verum id aliter explicat Vegetius lib. 2. cap. 15. quippe qui primo I 5 loco Principes collocat, ſecundo Hæſtatos. Et lib. 1. cap. 20. de ritu bellandi Romanorum, ait: *In prima acie pugnantes Principes: in ſecunda Hæſtati: in tertia Triarii vocabantur.* Et quidem id ratio ſuadet, & neceſſitas poſtulat, vt fortiores milites, & armis benè inſtructi primò hoſtibus occurrant, dehinc infirmiores, ac nullis, vel ſane leuioribus armis teſti. Id quod notauit etiam Xenophon, docens. *In bello, illos primò, & vltimò ordinare oportet, qui fortitudine excellunt: in medio verò peiores, vt à primis ducantur, ab vltimis verò impellantur.* Hanc ordinandæ aciei contrarietatem expendens eruditiffimus Lipſius lib. 4. de Militia Rom. cenſet, aut corrigendum, Liuij locum ab cuiuſpiam improvida peritia deprauatum, aut alio ſenſu, & ſine alicubi ſcriptum, & uſurpatum: præſertim, cum non vnus Liuius, ſed & Polybius, & Appianus primum locum hæſtatoribus dederint; ſecundum Principibus, poſtremum Triarijs. Equidem, ſi quid iudicij, in re à mea profeſſione aliena, valeo; exiſtimo Auctores iſtos in factò non diſſidere, neque vnquam pro varietate, temporum & bellatorum fuiſſe vllam variationem locorum in Ordinibus. Nam conſtat, & apud omnes in conſeſſo eſt, quod ingruente prælio, Principes, & grauis armaturæ milites cæteros præcedebant: poſt ſequebantur Hæſtati: inde aciem complebant Triarii. Aſt antequam manus conſererentur, ante aciem erat locus pro leuiſ armaturæ militibus, & hæſtatis, qui leuibus excuſſionibus hoſtem prouo-

prouocabant, & sic bellum inibant. Quod si pugnandi ardor hisce initijs incalcesceret; à toto exercitu tunc ad prælium descendebatur, & sic istis initiatoribus post Principes sese recipientibus, pugna ab illis primum, mox ab alijs in suo ordine stantibus, committebatur: vbi quisque pro rerum summa pugnabat, & ordinatim pugnando suas partes implebat. Id quod & ipse Vegetius non abnuuit, & vltro probat lib. eod. cap. 17. Ait enim. *Ferentarij autem, & levis armatura scutatores, sagitarij, funditores, aduersarios prouocabant ante aciem procedentes: si hostem fugare poterant, sequebantur: Si eorum virtute, & multitudine premebantur, reuertebantur ad suos, & post eos stabant. Excipiebat autem prælium gravis armatura (Principes) quæ tanquam murus (ut ita dicam) ferreus stabat; & non solum missilibus, sed etiam gladijs cominij dimicabat. Et si hostes fugasset, non sequebatur gravis armatura, ne aciem suam ordinemque turbaret; Et ad dispositos reuertentes hostes, incompósitos opprimeret; sed levis armatura cum funditoribus, sagitarijs, & equitibus, fugientes sequebantur inimicos.* Quod ideo isti, qui leuibus velitationibus hostem lacebabant, & prælij veluti præcursores erant, Rorarij appellabantur: eo quod, inquit Festus, ut ante imbrem, rorare solet; sic illi ante prælium rorare incipiebant. Et hæc quidem vulgaris, & vsitata erat tunc apud Romanos, & nunc temporis est apud omnes ferè Nationes, rata aciei ad prælium dispositio: quam sequebantur Subsidia, fonebant à lateribus hinc inde Equitum turmæ, seu alæ, quæ Cornua dicebantur: ac tandem sepositis quidam electorum militum numerus rem obseruabat, & vbi opus erat, confestim in globum, cuneum, serratim, prout magis expediebat, se colligebat; atque opportunè accurrebat ad opem laborantibus focijs ferendam. De quibus omnibus variè conglobandorum agminum, sicque ordinandæ aciei formis, distinctius suo loco. Cæterum præstare hic ad ornatum, diuersimodè instructæ aciei Iconisnum exponere: sed is passim prostat apud omnes ferè rei militaris Scriptores: in quibus absolutissimus est Lipsius in libro, quem scripsit de *Militia Romanorum*.

- 16 ACROBATICAE Machinæ, teste Vitruuius lib. 10. cap. 1. græcè audiunt vniuersaliter quouis scausfortiorum genera per vim acta, siue bello, siue in pace adhibeantur, prout à pneumaticis ac tractorijs contradistinguntur: Et quidem iure optimo, nam græcum vocabulum nil aliud sonat, quam summa loca vi & arte conscendere. Turnebus autem lib. 9. cap. 20. vult eas solas à Vitruuius designari, quæ in bello ad hostium consilia exploranda, attolli momentò solent, ac deprimi. *Quæ, inquit, altissimis signis in terra defixis, aut ad eam*
alitiu-

altitudinem, quæ urbis muros superet, erectis, speculatorem, aut exploratorem ita attollunt in fastigium scandentem, ut velut in specula collocatus, ex edito spectet in obsidione quid Oppidani aduersus obsessores parent. Nec sanè aliud à Vitruuij contextu colligitur. Cum enim ad earum usum, descriptionemque descendit, ad bellicas tantum se contraxisse videtur. Etenim sic prosequitur. *Scansoria ratio non arte, sed audacia gloriatur; & catenationibus, & transuersarijs, & plexis colligationibus, & Erismatum fulturis continetur.* Quæ verba, non satis intelligo, quomodo Baldus ad eas lignorum substructiones, & pegmata accommodet, quæ appositis ad pedes rotis, circumaguntur ad faciliem usum pictorum, tectorumque in pingendis, tergendis, dealbandisque Templorum editis, ac fornicibus, & Castella portatilia, apud nos vocitantur. Do, quidem, ex etymo græcanicæ notionis benè illis aptari; at non in eo sensu accepit Vitruuius, cum dixit in his, non *artem*, sed *audaciam gloriari*. Quæ enim audacia in ciuilibus, atque operibus pacis, vbi nulla fortitudo, nulla contentio, nullum ab hoste periculum imminet? Cæterum, quæcunque hæ sint, siue in bello, siue in pace adhibeantur, æquè benè *Acrobatica*, generali, & satis expressiuo vocabulo nominari possunt, quia semper, & utrobique id præcisè habent, quod sonant; nempe ad editiora loca conscendere. Barbarus pro Tollenone accipit, & in hac explanatione quiescit. Sed de hoc fusè suo loco.

ACROTERIA sunt in Architectura ciuili, Arulæ quædam, minoresque, ut ita dicam, stylobatæ, qui in summis Templorum fastigijs collocati, Statuas, Vrnas, aliaue id genus ornamenta sustinent, & attollunt. Barbarus *Quadricellos* vocat, Nostri communiter *Zoccolos*. De his Vitruuius præcipit lib. 3. cap. 3. *acroteria angularia tam alta, quantum est tympanum medium; mediana altiora octaua parte, quam angularia.* Loquitur de his quæ in fronte ædis constituntur ad rationem altitudinis prospectus. Hæc itaque sicut & alia membra, quæ suprà columnarum capitula imponuntur, monet inclinari debere in frontis suæ cuiusque altitudine duodecima parte; quia in tali positione cadunt sub oculum ad normam, & perpendicularum. Et rationem reddens, subdit: *quia cum steterimus contra frontes, ab oculo lineæ duæ si extensa fuerint, & una tetigerit imam operis partem, altera summam; quæ summam tetigerit longior fiet: ita quò longior visus lineæ in superiorem partem procedit, resupinatam facit eius speciem.* Hanc visus varietatem optimè expressit Baldus in schemate quod apposuit ad V. *Scamillus*. Cæterum in alio diuerso sensu vititur hoc vocabulo Vitruu. lib. 5. cap. 12. vbi cum de portubus

agit, hæc habet. *Hi autem naturaliter si sint positi, habeantque acroteria, siue promontoria procurrentia, ex quibus introrsus curuatura, siue uersura ex locis naturâ fuerint conformata, maximas utilitates videntur habere.* Sunt ergò Acroteria in portubus, brachia, seu sinus quidam terræ ingeniti, quibus litus maris clauditur, & à fluctuatione siue à ventis, siue ab continua fluctuum reciprocatione exsuscitata defenditur: ex quo Naues ibi in statione postæ tutò consistere possunt, neutiquam agitationi obnoxia. Quales sunt Portus Lunensis in Liguria, & Messanensis in Sicilia, toto Orbe celeberrimi.

- 18 ACTVS in Gromaticis est quoddam mensuræ genus, qua olim agri definiebantur, ac sic diuisis, vnusquisque citrà lites, & iurgia, pacificè domino suo stabat, apposis etiam limitarijs signis ad cognoscendum. Aliquando pro ipsis limitibus sumitur; ac sæpè pro toto spatio fundi, quod limitibus clauditur. Vnde Quadratus actus, & simplex; Simplex 120. pedes extendebatur in longum, in latum, quatuor tantum pedes comprehendebat. At Quadratus, seu duplex in quadrum positus erat, & vndique 120. pedibus concludebatur; itaut duo quadrati actus Iugerum constituerent, quod est tantum terræ spatium, quantum vna die arare possunt duo iugati boues, vnde & nomen emerfit, atque ideò ab Gallis, & Bæticis, Isidoro teste, Aripennis, siue Arpennum vocatur. De quo suo loco. Porro ab *Actu*

- 19 ACTVARIUM nomen deriuauit: quo veniunt non tantum Agri-
mensores ipsi, qui actus huiusmodi metiuntur, limitibusque definiunt; sed potissimè agrorum limites alicubi constituti. Vnde Hyginus in libro, quem scripsit de Limit. Constituend. hæc docet. *Primus actus est ab eo quintus quisque, quem si numeres cum primo, erit sextus, quoniam quinque Centurias seu limites cludunt. Actuarij autem extra maritimos D. & K. latitudinem habent pedum XII.* Per hos iter populo per viam publicam debetur. Ita enim est Lege Sempronia, & LL. Cornelia, & Iulia. *Quidam ex his latiores sunt pedibus XII. & hi qui sunt per viam publicam militarem acti: habent enim latitudines viae publicæ.* Hæc Hyginus. Verum de terminis hisce Viarum, itinerum, & Aqueductuum, ne definias videre Alexan. ab Alexandro lib. 1. cap. 20. Dier. genial. vbi ex legum præscripto rem omnem exequitur, & enarrat.

AD

- 20 ADIAMETER apud Geometras appellatur linea recta circulo inscripta ab extremo ad extremum, quæ sit diametro parallela, adeoque

que ipsa necessariò minor, & circulum ipsi in duas areas, seu partes inæquales secans, quarum quæ ipsam diametrum comprehendit maior est, quæ in aliam partem vergit ab hac lineâ separatam, minor: unde & nomen lineæ sumpsit, Ex hac multa: vtilitares, & commoda eruuntur in perficiendis demonstrationibus geometricis, vt videre est apud Euclidem, toto fere tertio Elementor. libro.

21

ADIECTA, seu *Adiectiones* passim dicuntur in opere architectonico illa membra, & prominentiæ, quæ addi solent ab Architectis in structuris vltra regulas artis, ad visum complendum. Eiusmodi sunt exuberantiæ, quæ fiunt in medio columnarum, abruptæ bases, quæ stylobatis supponuntur, resimaciones in acroterijs, &c. A' nostris Materiarijs, *Aggesti*, & *Sporti* appellantur. De quibus aptè, & ex optima ratione locandis, ne simul aut opus deturpent, aut linearum prospectum impediant, varia præcepta tradit Vitruu. lib. 3. toto cap. 2. In his, illud præcipuum & generale est; vt, *Si propter altitudinis interuallum scandentis oculi speciem fallunt, adiciantur crassitudinibus temperaturæ.* Et dicti rationem reddens, subdit: *Venuslatem enim persequitur visus: Cuius, si non blandimur voluptati, proportionē, & modulorum adiectionibus, vti id in quo fallitur, temperatione adaugeatur, vastus, & inuenustus conspicientibus remittetur aspectus.* Et in hoc consistit laus artificis, & pulchra species ædificij, quæ in praxi, non nisi ingenio, & ritè actis commensurationibus perfici potest. Promiserat ille quidem in extremo libro, quem conscripturus erat, methodum tradere, ac deformationibus explicare rationem & commodum huiusmodi adiectionum. Verùm rei postea difficultate pressus, atque exanimatus, non fecit; vel si fecit, id certè magna, cum architectonicæ artis iactura, aut obrectatorum inuidia, aut temporum iniuria periit. Sed in hoc vicem vtrumque supplēuit Scamozius, atque Serlius.

A E

22

AEOLIPYLAE, seu *Aeolipila*, ex Græco dicta, quasi *Venti Porte*, sunt Organa quædam Pneumatica, quæ aërem in se inclusum continent, & seruata, illum cum inpetu eijcientia, speciem; quandam venti exsuffantis efformant. Horum descriptionem, & mirum vsum incidenter tradit Vitruu. vbi de Ventorum natura agit, lib. 1. cap. 6. Quam enim, quid sit ventus, & unde ortum habeat, ante præmiserit, id ex horum effectuum comparatione confirmat, subdens. *Nascentur cum feruor offendit humorem, & impetus feruoris exprimit vim spiritus flantis.* Id autem verum esse ex *Aeolipilis* areis licet aspicere, & de latentibus calidioribus artificiosis rerum inuentionibus, Diuinitatis

C 2

ex-

exprimere veritatem. Tùm descendens ad artificium harum Aeolipilarum, sic inquit: *Fiunt enim Aeolipila aræ caua: hæ habent punctum angustissimumquo aqua infunditur, collocanturque ad ignem; & antequam calefiant, non habent ullū spiritum: simul ac autem feruere caperint, efficiunt ad ignem vehementem flatum*. Ita scire & indicare licet è parvulo, breuissimoque spectaculo, de magnis, & immanibus Cali, Ventorumque natura rationibus. His accenseri possunt similem operationem habentia Thermoscopia, hoc est vitreæ quædam phialæ, & ampullæ, non ita pridem inuentæ ad explorandam æris temperiem, calorisque in ætate intensiorem, aut remissionem. Fiunt enim corpore paruo, & collo oblongo, sed augustissimo, ad quod exterius per minima, & paria interualla signantur gradus ascensus, ac descensus aquæ intus consistentis, cuius orificium diligentissimè obturari debet, ne vi exuberantis aquæ, reliquus relictus aër extrusus euaporet. Vbi aqua per calorem rarefit, & ascendit ad collum, ad numerum graduum in quibus sistit, agnoscitur maior ac maior intensio caloris: cùm decrescit, indicat maiorem ac maiorem remissionem. Sed de hac re fusiùs & philosophicè agemus suo loco, in *V. Thermometrum*.

- 23 **AEQVATIO** ab Astronomis appellari consuevit artificiosa correctio ad propè verum motum Planetarum, atque Stellati Orbis, quando videlicet in eorum motus inquisitione, medio motui (qui effingitur inter duo extrema, quæ exploratum non transiliunt), aliquid additur, vel detrahitur, ut verus motus eliciatur: græcè *Prosthapheresis*. Quam dictionem, rationemque huius veri motus venandi, passim reperies apud Maginum, aliosque Calculatores Secundorum Mobilium.

- 24 **AEQVIPONDIVM** latinè dici potest certum mensuræ pondus vtrò citròque ductile in Statera, ad ouera quævis examinanda: vbi enim circumductum, sistit in æquilibrio; signat quantum onus illud pendat. Græcis *Spharoma*: Nostri *Romanum* dicunt. De quo fusiùs in *Statera*.

- 25 **AERA** apud Chronologos est initium temporis, ex quo supputationes annorum, ab memorabili quodam facto, quod in eo contigit, fieri incipiunt; vnde Bodinus in *Method. Radicem temporum* nominat. De etymo, nihil certum: dictum tamen aliqui autumant ab ære, seu pecunia numeratâ, quæ ijs temporibus solui militibus solebat. Usurpatur etiam sæptimè à Scriptoribus, præsertim Ecclesiasticis,


sticis, pro integro certorum annorum curriculo, & quandoque pro
 ipsis Epochis. Sed reipsa, Aera, vt obseruat Petauius, longè ante-
 rior fuit. Et prima cadit in annum septimum conditæ Urbis, hoc est,
 circa annos Mundi, 3307. ante Christum natum, 746. & consequen-
 ter longè ante Nabonassarem, à quo Epochæ inuētæ sunt. Vide ip-
 sum Petauium in Doctrina Temporum, & in Rational. par. 2. lib. 3.
 cap. 3.

AEROSTATICA pars est, & subdiuisio Staticæ facultatis ad 26
 Mechanicam pertinentis: quæ singulariter agit de libratione corpo-
 rum grauium in aëre libero, nullo impedimēto interueniente. Quem-
 admodum *Hydrostatica* est de libratione grauium, in aqua exi-
 stentium, vel de demersis in Mari, quæ aut pertingunt ad fundum,
 & in eo sistant immota, aut mox resiliunt, & in supremâ aquæ su-
 perficie quiescunt, ac fluitant. De quibus, alijsque differentiis li-
 brandi corpora grauiâ, siue plana, siue solida, in ambiente fluido, vide
 quæ dicemus in V. *Statica*.

AG

AGGER indefinitè, & in ampliote sensu acceptus, significat Mili- 27
 tare sepimentum, & Collectionem integram operum, quæ sunt siue
 in Castris ad propriam defensionem, ac tutamentum, siue circa
 Urbem obsessam, ad offensionem, atque accessum, aut recessum,
 ab illa impediendum: & communiter vocatur *Vallum*, & *Linea*
Circumvallationis: aliquandò autem pressius accipitur pro muro ag-
 gestitio ex effossa humo, ac stirpibus in terra defixis: & utroque
 modo acceptus *Trincea* à viris militaribus appellatur. Sed nudo
 Aggeris nomine, communiter venit simplex septum ad intercluden-
 dum factum, siue è terra, aut lapidibus coaceruatis, siue ex arbori-
 bus, ac stirpibus intertextis, vt maceræ in vineis; siue in vallis in
 terra defixis, vt in hostili aggressione; siue tandem in fluminibus,
 eorum alueum restringendo palationibus, & alijs interiectis obici-
 bus: quæ omnia communi Aggeris nomine appellantur. Sed in re
 militari, quæcumque terra, & fascium aggestiones, quæ in operibus
 sunt ad altitudinem hominis, ad milites & operarios regendos, quæ
 alio nomine *Loricæ* appellari solent, à nostris *Parapetis*, in genere
 Aggerum sunt. At Septum Castrorum, quod etiam Agger à Cæsare,
 Polybio, & alijs Scriptoribus vocatur, comprehendit, & alia mino-
 ra munimenta, quæ statis in locis eriguntur ad commune tutamen,
 & ad insultus hostium sustinendos, vt *Castella campestris*, *Redu-*
 ctus, *Propugnacula*, seu integra, seu dimidiata, *Fossa*, & cætera,
 quæ aliàs obsessi ad urbis maiorem securitatem addere solent exte-
 rius, & Prætenturæ audiunt.


Por-



28

Porro antiquitus quàm militia rudis erat, & bellandi vsus simplicior, tanta custodiendorum Castrorum, diuerso operum apparatu cura non erat: quando virtus bellica in sola manuum conferratione, & fortitudine consistebat: vnde Aggeres in Castris ex solis Vinetis & eratibus vimineis palo terræ infixis, & firmatis fiebant, vel etiam ex terra, saxis, & arboribus comportatis: & vtrumque simul erectis, quò subitarij hostis irruptio sustineretur. Id quod factum in obsidione vrbs Hierosolymitanæ, refert Iosephus de Bello Iudaico. *Ingenti, inquit, copia lignorum, saxorumque collecta; cratibus etiam oppansis contrà venientia tela, aggerem struebant, quibus alij colles diruentes terram sine intermissione suggerebant. & Cæsar de se ipso lib. 2. Belli ciuilis. Vimina, materiemque comportari iubet: quibus comportatis rebus aggerem extruxit. Nunc autem mutata est belli gerendi facies, & arte plus, ac Scientiarum Mathematicarum peritiâ, quàm vitibus corporis dimicatur. Nam pro telis, & sagittis, ignei globi; pro Ballistis, & Catapultis, Bombardæ; pro gladijs cominûs ferientibus, fistulæ, & sclopi cladem cminûs importantes inucêi sunt, & loco aggeris ex viminibus & aggesta terrâ, Prætenturæ: in quibus & suggestus, & tumuli additi sunt ad tormenta locanda, ac liberaliter explodenda. Sed iam noui huius Aggeris specimen exhibeamus.*

*Dimidiati Aggeris cum suis operibus
adumbratio*



Ut iam Veterum Munimenta, nisi sublimioris Architecturæ directionibus stabiliantur, inutilia sint, & despecta. Atque insuper in Castris vniuersa Circumvallationis Linea, obliquè per angulos ducatur, ac statis in locis Munitiunculis firmetur, quæ se inuicem respiciant & contutentur; valeantque subitis hostium inuasionibus obistere, & eos crebris explosionibus tormentorum de longè tenere.

AGMEN in re militari denotat Exercitum, seu partem eius ad 29 expeditionem instructam, atque ad ineundum prælium proficiscentem: ab agendo (vt placet Isidoro) hoc est, eundo, dictum. In quo quidem sensu, latius patet, quam Acies: siquidem illa militum distributionem, & ordinem seruandum in præliando significat; hoc autem ipsam expeditionem, cum toto apparatu militari probè instructam. Vnde Seruius duplicis Agminis mentionem facit: Confusi, quod Quadratum appellat, à quadrata, quâ incedebat forma, concludens in medio impedimenta, & sarcinas cum victualibus; vt ubi milites ex itinere laxarentur, tutò possent consilire, atque à superuenientibus hostibus se tutari. Et Distinctum, quod vocat *Pilatum* à pilis, quibus armati proficiscebantur, relictis post terga impedimentis, quò expeditiores, per aspera, auia, & iniqua loca transirent. Sed longè diuersus ordo, & facies erat Agminis incedentis ad pugnam, quam eiusdem iam ad pugnandum accincti, & in aciem explicati. Quandoquidem, vt ait Vegetius lib. 3. cap. 6. *In consiliu armati sunt, & hostem cominus vident, & ad pugnandum, animo veniunt preparato: In itinere minus armatus, minusque attentus est miles, & superueniente impetu, vel fraude repente turbatur.* Etenim benè obseruat Naudæus de Studio Militari lib. 1. §. 23. num. 4. *Quia multi coire inter se propter viarum angustiam, & impedimenta, sepius non possunt, & unicuique tantum ferendum est, quantum ab hoste imminet periculi; multaque insuper sunt, quæ seiunctos ab alijs, faciliùs in discrimen adducunt, vt via iniuria, vada fluminum ignota, loca ardua, & montosa; sylvarum ambages: & in his aut alibi, hostium insidia, prædonum latibula, rusticorum furentium turba, cohortesque armata ad vindictam, &c.* At Pugna, & conflictus in aperto Marte fit, atque in spatiosa vt plurimum planitie, ubi sola virtus, robur & fortitudo dimicat, & in maximum consertatione dignoscitur: atque adeò tota in inijs sistit, & in optima totius agminis explicatione, locorum pugne idoneorum electione, ac probè aciei in ipsa pugna instructione, quæ multum confert ad victoriam reportandam. Hunc porò totius Exercitus in varios ordines, & agmina distributionem, diuersimodè fieri, pro diuersa belli alea, ac moderatorum iudicio subeunda consuetum est,

atque omnium Nationum experientia introductum . Quod ideo Agminis nomen generaliter habet delecto cuidam , ac seiuncto bel-latorum numero , qui in certam formam coeant , & ad aliquid sin-gulariter , vnanimenterque agendum , sint destinati . Phalaugem Ma-cedones appellauere , auctore Q. Curtio , de gestis Alexandri . *Pha-laugem* , inquit , *vocant peditum stabile agmen* . Idem lib. 3. Cornua dixit à dextris , & à sinistris collocata agmina . *Dextrum Cornu Ni-canor Parmenionis filius tuebatur : huic proximi stabant Canos , & Per-diccas , & Meleager , & Ptolemaus , & Amyntas , sui quisque agminis Du-ces* . Nostri *Militum Squadram* vulgariter nominant . Hinc pro diuersa forma quam ineunt , diuersa nomina huiusmodi agmina sunt sortita : Frons , Cuneus , Globus , Serra , Forceps , Cornua , Alæ , Tutres , &c. *Vocabula sunt* (inquit Gellius) *militaria , quibus instructa certo modo Acies appellari solet* . Et facta eorum numeratione , subdit . *Trans-lata sunt autem ab ipsis rebus , quæ ita nominantur ; earumque rerum in acie instruenda , sui cuiusque vocabuli imagines ostenduntur* . De quibus omnibus , cum locus occurret , redibit sermo .

AL

- 30 ALBARIVM Opus antonomasticè ab albedine dicitur , in re-
ædificatoria , quod pura & sola calce tegitur , & incrustatur : quod
ideo *Tectorium* item absolutè audit apud Vitruuium , lib. 5. cap. 10.
Primum , inquit , *testa cum calce trullissetur : deinde opere albario ,*
sive tectorio poliatur . Aduertit autem acutè Salmasius in *domum* ,
latius patere tectorium , quam albarium : nam id , de quouis integu-
mento & crusta , siue gypso , siue calce , siue marmore , siue versico-
lore lapide perficiatur , dici promiscuè solet : hoc autem , quod ex so-
la calce , immixto non nihil de contuso marmore , fit : ex quo verè de-
nominatur Albarium : à Nostreis autem vulgò *Stuccum* vocatur .

- 31 ALAE simpliciter , in Architectura , nuncupantur partes illæ ædi-
ficij , quæ hinc inde , à dextris & à sinistris eius , reliquo corpori ap-
ponuntur , atque adijciuntur , ad maiorem firmitudinem , captandæ
lucis commodo , vel etiam ad venustatem . Hinc in militaribus Mu-
nimentis , ac propugnaculis , quæ membra introrsum respiciunt ,
versus cortinam , eiq; in angulum vniuntur , *Alæ* audiunt . Similiter in
acie explicata , atque ad pugnandum accincta , duo agmina , quæ late-
ra interioris aciei ambiunt , & custodiunt , *Alæ* dicuntur , quasi vola-
tile alis suis expansis incedat , ac totum corpus protegat , & defen-
dat . Quæ de re , atque earum usu , vide quæ doctè scripsit Valtri-
nus *De Militia Romana* .

ALGEBRA, quæ & *Analytica* græcè audit, Regula est certa & infallibilis, quâ per viam resolutiuam, ex datis duabus quantitatibus, quantumvis diffitis, & extremis, beneficio æquationis, peruenitur ad agnitionem alicuius quantitatæ ignotæ: & inde ad progressum in infinitum cuiuscumque determinationis quantitatæ. Quod, etsi per notas & characteres numerales fiat, æquè tamen Arithmeticæ ac Geometriæ inseruit, & omnibus quantitatibus, siue continuis, siue discretis accommodatur. *Logisticam*, nomine Latinis expressiore, aliqui nominant: quia est Scientia Logico niore discurrens, non per syllogismos, & enthymemata, sed per Theorematum, & Problemata procedendo, ea legitime construendo, quibus demonstrationes mathematicæ perficiuntur. Adeo ut nullum sit problema siue in Arithmetica, siue in Geometria, quod ea non solui possit, si quidem solubile sit: sin secus, eorum impossibilitatem demonstrat, adeoque per oppositum peruenitur ad agnitionem veritatis.

Porro duplex est Algebra: Numerosa, quam dicunt, vna; Speciosa altera. Numerosa est, in qua solum numeri ignoti exprimiuntur speciali nota, & characterè signati: quibus mediantibus soluit omnia problemata, quæ de numerorum progressibus, & collationibus ad inuicem excogitari possunt. Speciosa verò est, quæ vtriusque quantitatæ tam continuæ, quàm discretæ, seu notæ, siue ignotæ, passiones per numeros exprimit signatos alphabeticis litteris; soluit omnia problemata arithmetica, & geometrica; præbet medium terminum, & modum demonstrandi Problema solutum, via compositiua, & ostendit Theorematum veritatem. Numeri denominati sunt, quorum posse in processu solutionis cum aliis sit nobis ignotum, idcirco signamus illos certis characteribus, & signis: vt x. y. z. &c. & si characteres isti habent significationem rei, dicuntur numeri Cossici,

Scala Potestatum est series quantitatum incedentium progressionem geometricam, semper ascendendo per multiplicationem primi termini. Ea autem est.

$$\begin{matrix} 1. & 2. & 3. & 4. & 5. & 6. & 7. & 8. & 9. & 10. \\ X & X & X & X & X & X & X & X & X & X \end{matrix} \text{ \&c.}$$

Sic in exposita scala, ex multiplicatione primi termini in seipsum; producit terminus X^2 ex multiplicatione eiusdem primi termini in secundum, producit tertius: ex ductu primi termini in tertium, producit quartus, & sic in infinitum, accepto quocumque alio termino, pro subsequenti progressionem. Et ex his accepto primo termino, qui assumitur ad progressum, diciturque ideo Ra-

dix, & Latus, reliqui termini nuncupatur *Potestates*. Numeri appo-
 siti suprà dictas potestates, qui sunt in naturali progressionem nume-
 rorum, dicuntur *Exponentes*, & *Pronici*, quique in Algebrae exer-
 citio habent mirabiles vsus.

Aequatio est comparatio æqualitatis, seu æquipotentia, quæ sit
 inter notam, & ignotam quantitatem. hinc.

Antithesis est reductio, & translatio terminorum alicuius quanti-
 tatis ex vna parte æquationis ad partem oppositam, sed sub contra-
 rio signo; itaut termini, in quibus inuolutæ sunt quantitates igno-
 tæ, reducantur omnes ad vnam partem æquationis; & ad aliam
 partem omnes quantitates iam cognitæ.

Hypolibasmus græca vox, quæ nil aliud sonat, quam æqualem
 degradationem dignitatum in terminos æquationis, quod sic expli-
 co. Quando in omnibus terminis æquationis inuenitur inuoluta
 ignota quantitas; tunc diuiduntur omnes termini per characterem
 denotantem quantitatem ignotam, idest per illum, qui habet mi-
 norem exponentem, ac talis diuisio, quæ repræsentat æquæ proce-
 dentem degradationem potestatis, dicitur græcè *Hypolibasmus*. At
 contrâ.

Parabolismus nil aliud sonat, quàm applicatio, seu diuisio ter-
 mini producti in omnes terminos æquationis, per numerum, aut
 aliam quantitatem cognitam, quæ inuenitur inuoluta in pura Po-
 testate maioris Exponentis.

Præterea *Aequatio*, alia dicitur *Simplex*, quæ versatur inter duos
 numeros simplices, hoc est quod singuli constant vnicò membro.
 Alia *Composita*, quæ intercedit inter duos numeros compositos,
 quorum videlicet singuli constant pluribus, saltim duobus membris.
 Facile autem reduci potest æquatio composita, ad simplicem, vel
 simpliciore, vt in exemplis patebit. Resoluere autem æquatio-
 nem, nihil aliud est, quàm ex cognito valore vnus ex duobus nu-
 meris, inter quos consistit æquatio, inuenire valorem cuiuslibet al-
 terius numeri, qui sit ei similis, vel eiusdem classis, aut ordinis cum
 aliquo numero, qui inuenitur in altera æquationis parte. Porro
 æquatio legitima illa est, quæ determinat valorem numeri ex se in-
 determinati. Quæ verò non determinat valorem numeri ex se in-
 determinati, frustratoria est & vana, atque adeò dicitur *Illegi-
 tima*.

34 Sunt etiam alij termini, notæ & characteres, quibus Algebra
 vtitur in suis operationibus breuiter expendendis, quos item bre-
 uiter hîc explicare operæ pretium erit. Itaque *Dignitas* frequens est
 in ore Algebraicorum, quæ assumitur, ac determinatur per aliquam
 Alpha-

Alphabeti litteram repræsentantem aliquam determinatam quantitatem: è quarum censu excluditur Littera R. assumpta, & reservata ad repræsentandam Radicem.

Radix autem dicitur quantitas, quæ in se ducta producit numerum, cuius ipsa est radix: vt, ex. gr. numeri 9. radix est num. 3. qui in se ter ductus constat num. 9. Num. 16. radix est 4. num. 25. radix est 5. & sic de reliquis. de qua re alibi. Nunc autem ex his, *Numeratores* appellantur ij numeri, ac notæ, quæ vnitates continent & numerant, quique in serie numerorum apponuntur ad læuam numeri apposti alicui dignitati, & vocantur *Numeratores dignitatum*: si verò apponatur Radici, appellatur *Numerator Radicis*: eodem prorsus modo, ac fit numeratio in vulgari serie numerorum in vulgari Arithmetica. Hique per voces exprimuntur. Vnum, duo, tres, &c. hoc est, ille numerus continet, & numerat tot vnitates post se sequentes, quantum ipse valet.

Numerus Denominator est qui denominat quantitatem, quæ in dignitatibus, & radicibus est, apponiturque ponè illam dextrorsum.

Numerus Denominatus est Complexum ex Numeratore; Dignitate, & Denominatore. Vbi aduertendum, quod Dignitati non, semper explicite apponitur Numerator, vel Denominator, sed superintelligitur: vnde quotiescumque aliqua dignitas inuenitur expressè numeratorem, vel denominatorem non habere, intelligitur pro illis assumere unitatem.

Numerus radicalis est complexus ex Numeratore, Radice, Denominatore, & alio numero post asterisum scripto.

Numerus vulgaris est is, qui sine nota speciali Dignitatis, aut Radicis exprimitur, sed per simplices figuras 1. 2. 3. &c. in ordinaria Arithmetica communiter vsitatus. In Algebra autem, numerus aut determinatus est, aut indeterminatus: Determinatus est, cuius valor est cognitus, cuiusmodi sunt omnes numeri vulgares per se sumpti. Econtra numerus indeterminatus dicitur absolute, cuius valor non est per se cognitus, sed determinari petit ab alio. Tales sunt omnes numeri denominati, & radicales, quorum valor, quando nescitur numerus vulgaris cui æquantur, restat indefinitus, & indeterminatus.

Item numerus Simplex est, qui nullum inuoluit characterem compositionis, vt infra: numerus autem Compositus est qui inuoluit aliquem characterem signantem aliquam compositionem ex his, quæ mox exponentur, si modo hoc vnum præmonuero: scilicet quod quod dantur signa & characteres exprimentia numerum posituum,

& numerum negatiuum, qui scilicet ab alio subducitur, & separatur. Itaque cum Algebra munus sit, generaliter procedere ad inquisitionem cuiuscumque quantitatis per generales operationes, quæ transcendunt per omnes quantitates regulares, & irregulares, determinatas & indeterminatas, quæ quidem eadem practicè sunt, ac quibus procedit communis Arithmetica; necessum fuit, ut aliqua speciali nota signarentur eius operationes ab illa, quæ ad determinatas tantum & certas restringitur: idque semel, & fixè atque breuissimis terminis, coarctatum, ne sæpius, ut opus erat, verborum circuitu explicatæ operationis cursum remorarentur, ac memoriam operantis confunderent, mentemque turbarent. Quocirca in comparatione duarum quantitarum ad inuicem, quando in ascensu naturalis progressionis, & Scalæ potestatum, exprimi debet valor ingenere, & excessus vnius super alteram; id fit per hanc interiectam notam †. ut $3 \dagger 2$. intelligendum est, Tria plus duo; seu plus duobus, itaut †. nota sit semper excessus.

37 Vbi intet duos numeros apponitur Nota —, signat semper minus, ut $3 - 2$. dicit, tria minus duo, hoc est detractis è tribus duo.

Nota = superaddita, signat æquationem. Ut $3 \dagger 2 = 5$. indicare vult, quod tria plus duo, æquatur quinque. Econtrà, si positum sit $3 - 2 = 1$. denotat quod tria minus duo, hoc est, si à tribus minuantur duo, tunc æquatur vni.

Nota Δ significat repetitam æquationem, ac perinde est, ac si dicas insuper, ut $10 = 6. \dagger 4 \Delta 8 \dagger 2$. indicat, decem æquari sex plus quatuor: & insuper quod decem, aut sex plus quatuor, æquatur 8, plus duo. Hic autem modus scribendi adhibetur, quando successiue ponuntur plusquam duæ quantitates, de quibus constat, primam, secundæ, & insuper secundam esse æqualem tertiæ, ut inde inferri possit, etiam primam æquari tertiæ.

38 Parentesis () apposita includens aliquem numerum, ipsum numerum inclusum denotat; ac perinde est, ac si dicas, inclusus. Ut 1 R. 2. * (64. a 3); lege, Vna radix secunda sexaginta quatuor tertiorum, atque inclusorum. Similiter 1. R. 2. (64 a 3.) lege, Vna radix sexaginta quatuor A. tertiorum habentium numeratorem inclusum, ac denique 1 R. 2 * 64. a (3), lege, vna radix secunda sexaginta quatuor A. tertiorum habentium denominatorem inclusum. Etenim, ut intelligatur, quid significant duæ illæ scriptiones, atque ut habeatur valor numeri radicalis, duo debent fieri. Primò, ex numero post Asterismum scripto, extrahenda est radix indicata à denominatore, qui asterismum præcedit; Secundò, inuenta radix multiplicari debet per numeratorem numeri radicalis. Exempli gratia. Sit numerus radi-

radicalis 3. R 2. * 8. vt huius numeri valor habeatur, primò extrahenda est secunda radix ex num. 8. quæ radix & 2. deinde 2. debet duci in numeratorem, qui est 3. ex quo ductu producitur 6. qui est valor numeri radicalis propositi, &c. Quandoquidem ex duobus quæ faciendæ erant ad reperiendum valorem numeri radicalis, iam primum factum esse, indicat parenthesis, nempe pars inclusa exhibet id quod habetur ex prædicta prima operatione: pars non inclusa exhibet id, circa quod prior ex prædictis operationibus adhuc remanet faciendæ.

Cæterum in operationibus Algebraicis, eadem notæ vulgares adhibentur, quæ in communi Arithmetica, ac Geometria, ad significandas numerorum, & quantitatum singulares passionēs, & proprietates: itaut Littera R. vbi apponitur denotet Radicem. Aliæ litteræ Alphabeti, siue maiusculæ A. B. C. D. &c. siue minusculæ, denotent numeros, aut lineas, aut angulos, pro quibus, ex facta suppositione, seu hypothesi, substituuntur. Vt facta hypothesi, quod A, supponat pro num. 10. aut quantitate continua decem vlnarum, & B. pro 9. vel nouem vlnarum longitudine: proponatur duplex inscriptio, quarum prima sit $A + B = 19$. secunda sit, $10 + 9 = 19$. perinde est, ac si dicas: Quantitas A. plus B. seu vna ad alteram accedens quantitas, & num. 10. plus 9. æquatur num. 19. & quantitati nouemdecim vlnarum.

39

Similiter, vbi inter duos numeros vel quantitates, inuenies particulam (in) intellige in productione arithmetica, vnam ductam in aliam, itaut si postea addatur nota æquationis =, nota illa, in, interposita inter multiplicatorem, & numerum multiplicandum, indicet, facta multiplicatione, resultare in numerum æqualem adscripto ad = notam æquationis, vt 3. in 5. = 15. sensus est, tria ducta in quinque, æquiparantur quindecim.

40

Item lineola — interposita inter duas quantitates vel numeros alterum infra vt $\frac{A}{B}$ vel $\frac{3^4}{5}$ est indicatiua diuisionis, denotans A. diuisam per B. vel tria plus 4. diuisum per quinque; itaut superior quantitas vel numerus supponat pro quantitate vel numero diuidentdo; inferior pro quotiente. Quæ etiam in communi arithmetica exprimi solet per particulam per. Aliquando etiam quando numerus superior est minor inferiore sub lineola posito, significat illum, in totidem partes sectum, quot inferior numerus exhibet, qui est fractionum, vt $\frac{1}{2}$ dicit quatuor diuisum per octo: vel etiam vice versâ, quatuor partes octauæ. De quibus fusè Arithmetici practici.

Et hi sunt Canones vniuersales, & vsus Algebra, complectens om-

41

nes

nes propositiones, & discursus tam Arithmeticos, quam Geometricos, prout ab utraque facultate præscindit; seu æquè per ambas transcendit: itaut propositio vniuersalis æquè aptari possit ad quantitatem continuam, ac discretam: & operationes perficiuntur per Theoremata, & Problemata. Illis quidem, in quibus proponitur aliqua veritas speculatiua; his, quibus aliquid faciendum proponitur. Hæc strictim pro modulo nostro, de Algebra, quæ sparsim ex Logistica Aegydiij de Gortignies deproinde sunt: qui in laudem huius nobilissimæ facultatis, hoc elogio eam decorat in Epistola ad Lectorem; nempe per ipsius Regulam, *Mathematicum nullum Problema insolubile, nullum Theorema indemonstrabile inueniri*. Sed quoad pleniorē intelligentiam, & praxim, vide quæ habent Vieta, Scotus, & De-Chales, de Algebra ex professo tractantes.

- 42 ALHABOR lingua Arabica apud Astronomos appellatur Sidus in Cælo maximæ actiuitatis, aliàs Canis maior Sirius, ad Australem plagam locatum, constans stellis duodeuiginti, vitra informes, quæ circa ipsum sunt, quarum præcipua est, (cuique propriè nomen aptatum est) fulgentissima in ore posita, de natura Iouis, & Martis quam in colore idemidem variante, & modò subrubro, modo subalbido coruscante, manifestissimè refert, & in effectibus complet. Hanc aliqui Soli in potentia adæquant; quinimò, ratione à parallaxi desumpta, ipso duplò maiorem faciunt. De eius effectibus in hæc sublunaria mira refert Plinius lib. 2. cap. 4. & quotidiana experientia probat, & patitur. Quare nimis absonum, & singulare est dicere Antonij Le Grand. in *Histor. Natura*, parte 3. art. 12. nu. 5. ascendentis, neq; hanc, neq; ullam stellam in Cælo habere vim ad calorem in terris augendum, motusque diuersos in inferioribus hisce ciendos; sed (quod mireris) frigida nimis, & insulsa argumentatione id euicisse se credit. Ait enim. *Intensum illum calorem, non à Canicula proficisci, quasi vis quedam illi insit calidissimis spiribus excitandis, quibus corpora illa inflammentur, aut temerentur. Sed quod hæc stella eo tempore oriatur, quo Sol terra vicinus maximè illam exsiccatur, exhalationesque educit, quæ vitiatò primùm aëre labem corporibus inferunt, & contagio corrumpunt. Hinc Calum Romanum circa id tempus insalubre, maximèque hominis sanitati noxium est, quòd in Romano agro plurimæ cryptæ, specusque existant, è quibus educti calore Solis halitus, corporum harmoniam deprauant, morbosque generant. Hos autem effectus frustra quis Canicula assignauerit, cum illa, dum astus potissimùm viget, non tam ad nostrum, quam ad Antipodum verticem vergat; ac proinde illas potius quam nos acrius ferire deberet: omnibus enim sideribus commune*

nunc est, ut illa plus afficiant, in qua directius lumen suum remittunt, & in qua radios acrius iaculantur. Quod cum in Canicula non contingat, imò potius Antipodes frigore premantur, dum Calum nostrum ardet; credendum est, calores non à Canicula provenire, & aliud esse astus nostri principium. Hæc prædictus Author: quibus (sibi complacens) rem confecisse visus, tanquam de victoriâ parâ, tumidus infert. Concludendum est igitur, emanidos esse siderum influxus, & Sole excepto, qui per lumen, caloremque suum operatur, nullam in Astris inesse in inferiora potestatem. At bonus homo in multis, canctos, ut aiunt, præhendit, & nimis fidenter, contrâ omnium philosophorum assurgit auctoritatem: in eo inprimis quod vult, calores in æstate valde, intendi, quia Sol terræ vicinus maxime illam exsiciat. Quid intelligis, quæso, per illam Solis ad terram vicinitatem? An quod reuera sit terræ proximior, & in minori distantia? At id falsum est, imò totum oppositum: cum Sol in æstate sit in suo Apogæo, ubi; ut alibi diximus, valde à terra elongatur: sicut econtrâ, cum est in bruthali Solstitio, hiemis tempore in Perigæo existens, sit terræ, quâ maxime potest, vicinior. An quia in æstate ad verticem nostrum magis accedens, inde directis radijs terram potentiùs verberat, ut subinde, ipse mox de alijs Sideribus autumat, & nos non imus inficias? Verum id maxime præstare deberet in primis partibus Cancrî, ubi Apogæum obtinet, & propius quam unquam, ad nostrum verticem accedit, suosque radios directius eiacularur, & vibrat. Sed tunc temporis, augefcit quidem calor, at non ita, ut non ardentius æstuet in Leoné sensim vb Apogæo recedens, & subinde obliquiores radios emittens. Id quod à congressu cum Canicula (quæcum exoriens, vtendi vim, vnit, & duplicat), ortum habet. Fatendum est igitur, verè huiusmodi siderum congressum, & mixtionem virtutis, magnos miroscque effectus in hisce inferioribus gignere, maxime si cætera adstipulentur. Stat ergo tam propudiosè agere, & labi cum qui nimis, quàm qui nihil, acceptum fert reliquorum siderum ætîuitati: & aliàs Sol, quippe solus, absque aliorum luminum concursu, & commixtione non est potis tam varios, sibi que sæpè contrarios effectus educere. At quid dixeris, si ipsemet *Le Grand* sibi non constans, & suæ huius sententiæ immemor, alibi hanc vltro veritatem fatetur? Nam in libro, quem inscribit *Curiosus Naturæ Arcanorum Perscrutator* pag. 188. de hac feruentissima Sirij stella, hæc habet. Oriente Sirio tantum aëris concipitur incendium, ut humana corpora præ ardore languescant, canes in rabiem trahuntur, furunt vipera, & serpentes, æstuant maria, aër occultam nocendi qualitatem recipit, semina iacta sub tali sidere, minime nascuntur. Et indubitanter ac rectè concludit: **TALIS PROPECTO**

EST SIRII NATYRA . Ecce quomodo idem ipse hic admittit , & approbat, quod alibi vniuersè reiecit; nempe hanc Stellam, vti & reliquas , pro sua quæque natura, siue se sola, siue cum Solis, aliarumque erraticarum participatione, miros effectus, gignere in illhæc inferiora . Sed de hoc argumento , alio in loco fufius .

- 43 ALIQVOTA PARS alicuius magnitudinis, aut numeri ; dicitur apud Arithmeticos , & Geometras , ea quæ respondet æqualiter , & metitur suum totum præcisè, absque vllò segmento , aut fractione ; vt in figuris Isoperimetris, quodlibet latus ; in corporibus Regularibus, quælibet area ; & Radix quadrata, & cuba in numeris : namque in se ducta producit numerum quadratum , & cubum . Sic aliquota pars summæ 9. est 3. numeri 16. est 4. & sic de reliquis . Quæ de re, vide quæ eruditè habet Clavius in Euclidem .

- 44 ALPES communi, & generali vocabulo, appellantur Montes altissimi & lapidei, ex cautibus, siue ex candore niuium, quibus perpetuò in summitatibus candicant, sumpta denominatione : vnde Silius Italicus lib. 3. de Bello Pun.

Nos Clausæ niuib. rupes, suppositæque Cælo. Saxa manent.

Et expressiùs Bapt. Mantuan. lib. 1.

Hic alba ducta à niuium candoribus Alpes.

Apud Geographos verò audiunt continuata eorum iuga per longum porrecta, quibus aliqua regio, aut Prouincia ab alia determinatur : quales sunt Pyrenæi, qui Galliam ab Hispania separant; Alpes Cottiz inter Italiam, & Germaniam; Celticæ, quæ interponuntur inter Galliam, & Italiam; Apenninus, qui mediam Italiam per longum secat, ac dirimit, &c. Absolutè autem, & sine adiuncto, eorum nomine veniunt Montes Galliz, quos Allobroges incolunt, quosque Annibal Fœnus, aceto, igne, & ferro aperuit, vt in Italiam cum exercitu commearet. Vnde Festus, & Isidorus lib. 4. cap. 8. *Alpes*, inquit, *proprie montes Galliarum sunt, de quibus Virgilius ait, Aëreas Alpes, & dicendo Aëreas Alpes, verbum expressit à verbo; nam Galliarum lingua Alpes alti montes vocantur.* Aëreas autem poëticè nominauit Virgilius, ab altitudine: quasi contrà aërem insurgentes.

- 45 Porro per vniversum penè Orbem eiusmodi Montes continuato tramite excurrunt; qui ab locorum confinijis, siue à populis, à quibus inhabitantur, siue ab insigni aliquo facinore in ijs patrato, nomen trahunt. Sic Alpes Rhæthicæ, quæ Rhætos populos ab Insu-
libris separant; Iuliz (quæ & Carniz à Ptolemæo dicuntur) ab Iu-

lio Cæsare, siue à Carnibus, quos à Noricis diuidunt: & aliæ, quæ à Ferrario in Lexico Geographico enumerantur. Sed & Alpium nomine quandoque veniunt ipsæ valles illis subiectæ, in quibus passua frequentantur, vt aduertit Auctor *Glossarij Mediae, & Infimæ Latinitatis*. Nec desunt qui ijs magis, quam montibus conuenire hoc nomen contendant, quando ex græca notione collium angustias designari, author est Procopius lib. 1. de bello Gothico. Consonat & vocis vsurpatione apud Scriptores superioris æui, indifferenter, tam pro montibus quam pro conuallibus; quorum longam seriem texit idem Author *Glossarij*, sub hoc Verbo.

ALTERNA RATIO apud Mathematicos, est peculiaris modus in demonstrationibus, colligendi vnum ex alio ipsi prorsus consimili: vt cum assumitur vnum Antecedens, pro demonstrando aliud Antecedens in eadem materia, & vnum Consequens pro alio Consequente. Sicut e contra, *Inuersa ratio* dicitur quando sumitur Consequens ad Antecedens probandū; & Problema construitur eo ordine, ac si foret Antecedens ad Consequens. Sic, exempli gratia; sint quatuor quantitates A. 8. B. 4. C. 6. ac D. 3. ex quibus facta iam fuerit comparatio Antecedentis A, ad Consequens B; & Antecedentis C, ad Consequens D. Demus nunc casum, quod fieret comparatio Consequentis B. ad Antecedens A, & similiter Consequentis D. ad Antecedens C: hæc utique construendi problematis ratio appellatur *Inuersa*, quia nimirum assumitur, vnum ad demonstrandum aliud, ordine præpositero, & inuerso. Non sic Altera, quæ proceditur ad demonstrandam proportionem, quam habet C. ad D. per eam, quæ est inter A. & B. Verum de his clariùs suo loco, cum de proportionalitatibus differemus.

A M

AMBO locus est in Sacris Aedibus ad concionandum destinatus: quod ideo cunctis eminentior, & populo conspicuus esse debet, vt Dei Verbum commodè audire possit, & concionantem aspicere, *Ab ambiendo*, vt placet Valfrido, dictus, quia *intransem ambit*. Sed alij ab scalis deriuatum volunt, quæ duplices olim apponebantur, (vt videre est in plerisque antiquis Basilicis,) alteræ ad ascendendum, alteræ ad descendendum, vnde Ambo dicebatur, qui in medio stabat, quasi ambas respiciens, & amplectens. *Pulpitum* nos vocamus, & Italicè *Pergamo*. In eo etiam Ecclesiasticæ Sanctiones indicebantur, ac Diaconus Euangelium legere, & Paschale Præconium decantare solitus erat, vt refert Steph. Durant. De Sacr. Rit. Quare inter præclara Architecturæ opera, non leuiss est Ambonis

apra constructio, & prudens situs electio: ubi & maiestas desplendet, toti Ecclesie symmetria respondens, & in omnium prospectu sit, atque ita dispositus, ut vox inde procedens uniuersimode intercipiatur. Ad quam rem, eadem fere precepta sunt, quae alias tradit Vitruuius lib. 5. cap. 8. de constitutione Theatri: ubi inter alia, hoc habet: *Diligentius est animaduertendum, uti sit electus locus, in quo leniter applicet se vox, neque repulsa resiliens incertae auribus referat significationes.*

- 48 **AMBVLACRVM** communiter audit in Ciuilibus, via plana, spatiosa, libera, & amœna in ædibus, siue ponè, siue intrà, siue in pomerijs, locum apertum, ad deambulandum facta. Ambulationes vocat huiusmodi vias Vitruuius pluribus in locis, praesertim lib. 5. cap. 9. ubi earum commoda, & utilitates enarrat, ac modum tradit, quo loco, & siquæ sint constituendæ, atque hypethras maximè commendat, hoc est, sub dio apertas, & sine tegmine. *Quæ erunt sub diuo (inquit) inter porticus (spatia) adomanda viridibus videntur, quod hypethra ambulationes habent magnam salubritatem: & sub finem Capi-pitijs, concludit. Ità duas egregias res hypethra ambulationes præstant, unam in pace salubritatis, alteram in bello, salutis.* Namque dantur etiam ambulationes, quas vocant hypogæas, hoc est tectas, subterraneas, vndique videlicet parietibus, & tecto conclusas; quarum meminisse Egesippus, in quibus pluuio tempore, ac uersoso spatiabantur, ad exercitium corporis, atque ad animi subleuandum. Hypethras nos Itali *Viales* dicimus. Sed & in bello, ac militaribus munimentis dantur, etiam suæ ambulationes, quæ appellantur

- 49 **AMBVLACRVM VALLI**, hoc est via operta, & strata ab obsidium sustinentibus, trans fossæ marginem, ea parte, qua hostes prospectat, vallo, & loriculis ad staturam hominis, tecta, per quam tutò, & libere possint Circitores discurrere, hostium molimina persequi, socios milites, cum opus est, protinus aduocare, atque intrà vallum admittere, quò illa disturbent, & progressum ulterius intercludant, erectis, si res postulet, tumultuarijs parmuilis, & suggestis, ut ex his aggressores, missilibus impetant, ac tormentis infestent, sicque de longè detineant. *Chemin de Ronde* appellatur à Gallis: A nostris verò *Contrascarpa*. Vide eius situm, & delinationem in *V. Arx*.

- 50 **AMPHIPROSTYLOS** græcè significat in Opere architectonico, Aedem duplici columnarum ordine insurgentem; uno in fronte, altero ad posticum constituto. Sicut Prostylos sine adiecto, eam denotat,

eat, quæ frontem tantummodò, & primum adicium habet, iusta columnarum serie condecoratam. De his ritè constituendis, multa præcepta tradit Vitruv. lib. 2. quæ nos passim in loco, ubi recurret sermo, referemus atque examinabimus. Similiter.

AMPITHALAMVS, &

AMPHITHEATRVM. De quibus require in V. V. *Thalamus, & Theatrum.*

AMVSIVM Geographis, & Nauigantibus valde familiare instrumentum est, ad plagas Orbis noscendas, discernendisq; Ventis idoneum: cuius partes, & vsu explicat fusè Vitruuius lib. 2. cap. 6. ubi, postquam recensuit plagas mundi, unde venti exsuffiant, sic viam docet ad eas medio hoc instrumento explorandas. Collocatur, ait, ad libellam marmoream Amusium medijs manibus, aut locus ita expoliatur ad regulam, & libellam, ut Amusium non desideatur: supràque eius loci centrum collocetur æneus gnomon indagator umbra. Huius autè meridianam circiter horam quintam, sumenda est extrema gnomonis umbra, & puncto signanda. Deinde circino diducto ad punctum, quod est gnomonis umbra longitudinis signum; ex eoque à centro circumagenda linea rotundationis: itemque obseruanda postmeridiana istius gnomonis crescens umbra; & cum tetigerit circinationis lineam, & fecerit parem, antemeridiana umbra postmeridianam, signanda puncto. Ex his duobus signis circino decussatim describendum: & per decussationem, & medium centrum lineæ perducenda ad extremum, ut habeatur Meridiana, & Septentrionalis Regio. Sequitur postea explicare, quonam pacto indagari possit aspectus reliquarum regionum, & consequenter ventorum, qui illinc spirant. Sed inanis, & planè superuacaneus est hic labor, quando semel compertà lineà meridianā (quæ, ut aduertit etiam Plinius lib. 18. cap. 34. semper eadem, & constans est in omni loco, tam de æstate quàm hyemis tempore) eo ipso habentur reliquæ diuisiones ad horizontis ratam distributionem. Nam lineæ hæc meridiana per longum in plano descripta, secetur ad angulos rectos, alià lineà consimili, quæ transeat per idem centrum, ac feratur ad circumferentiam, & ubi terminat, ibi erunt puncta Orientalis, & Occidentis, atque insimul plagæ, unde spirant Subsolanus, & Zephus. Tum in media utrinque distantia ducantur aliæ duæ lineæ rectæ sese decussantes in centro ad angulos rectos; & innotescunt plagæ ventorum intermediarum; Magistralis, & Syrochi; Græci, & Lybici, seu Garbini, ex oppositis locis in æquā distantia spirantium

tium: & sic de reliquis collateralibus vsque ad minimas quārtas. Porro ad inueniendam lineam meridianam, quæ vnica omnium directrix est, benè aduertit Philander, non multum referre, vtrum quarta, quinta, aut alia quauis hora, ante, & post mediem obseruetur; sed satis est, si accipiat in punctis, vbi terminant vmbra, par vtrinque distantia; præstat tamen eam sumere propius quam fieri pōtēst, ad tempus meridiæ. Vitruuius autem idē quintam potius ante meridianam, & primam post meridiem elegit, quia tunc Sol propius ad nostrum verticem tendens, altior est, ac proinde breuiorēs vmbra proijcit ex gnomone; quarum extrema puncta facilius, & citrà errorem notari possunt in circumferentia circuli, quam alias, si eligeretur secunda ante, & quinta ab meridiæ, & sic de alijs proportionalibus; eoquod inde iacitur vmbra prolixior, cuius extremitas possit commodè in circulum contrahi. Hæc in gratiam tyronum, vt nullo prope labore ac studio venari possint lineam meridianam; ex eaque mundi plagas, vnde singuli venti spirant, nosce res; atque adeo, & Anemoscopium, & horologia Horizontalia suo Marte conficere.

52 **AMVSSEATVM OPVS** in Architectura, est pauimentorum stratum, & summum corium inductum ex tessæris, ac scedilibus lapillis versicoloribus, & auratis, certo ordine dispositis, vt in figuram aliquam geometricam, aut quamuis spectabilem imaginem cecinerint. Qualia olim fiebant, & etiam nūm visuntur in Sacris Aedibus, & antiquis Deorum Templis, vt in Pantheo, Fortunæ fano, atque in Basilicis Romanis S. Pauli Via Ostiensis, à Constantino Magno adificata; S. Crucis ad Hierusalem; S. Laurentij extrā muros; & alibi passim: vbi variz huiusmodi figuræ tam geometricæ, quàm naturales, & historicæ, per vitreas tesseras, & lapillos aptè dispositos, & connexos, ad stuporem effigiatæ sunt, & *Graphico tevos* (vt Philander aduertit) exquisitissime imitantur. At non in solis pauimentis stetit hoc opus, sed inde ad parietes, & fornices exornandos superbis assurrexit: nisi quod hic exactius, ac delicatius sit ex vitro, aut nobilioribus lapillis minutissime scedis; in pauimentis verò crassius ex solo marmore aut duriore lapide, vt possit calcantium pressuræ obfistere, diutiusque durare. Cæterum nostra ætate antiquata, & penè abolita est nobilis ars: sed in extrema agone adeo ingenio, & viribus valuit, vt picuram facessete coegerit rubore suffusam, adeo illi præstat & solidatæ, & viuacitate colorum, & operis maiestætē nulla temporum iniuria depetendis. Sed proh dolor! periit cum suo auctore pericia; stat tamen opus, atque æternum stabit Sacrarum Aedium laus, & decor, ac sui Artificis stabile monumentum: ex

qui.

quibus, duo post se reliquit, Alterum Romæ in Basilica Vaticana ad Sacellum, quod ex imagine vocant Sancti Michaelis Archangeli, è regione Aræ maxime, sub qua iacent sacratissima corpora Principum Apostolorum, à sinistris: alterum Neapoli in Noltratum-Templo SS. Apostolorum à dextris, vbi magnificentissimum Sacellum posuit Cardinalis Ascanius Philamarinus, Urbis eiusdem Archiepiscopus. Ibi inter alia architecturæ miracula videre est, ac mirari quinque omnino è prædicto Opere tabulas, tam solide, tam concinne elaboratas, vt vnum planum integrumque vitrum, aut ChrySTALLINUM amplissimum speculum videatur: ac proinde tam viuidum, molle, varium, expressum, vt nulla ei comparari possit pictura.


Porrò Amusicato operi valde affine est, sed longe rudius

AMYGDALATVM, quod *Reticulatum* nominat Vitruuius, in parietibus erigendis, atque interioribus structuris conformandis, in re ædificatoria vsurpatur: per illud enim, quoniam laterculi in amygdalarum speciem abeuntes in ordinem disponuntur, atque etiam opus assurgens per eosdem, non supine aut directe sed oblique, & in larus cadentes, extruitur, (quo fit vt veluti rete expansum oculis re-presenteret) Amygdalatum, & reticulatum opus dictum est. Et quidem duo sunt genera componendi lapides in structuris: apud Architecturæ peritos, alterum, quo temerè lapides, & cæmenta, prout cadunt, in structuram iniiciuntur, quod propterea vocatur *Incertum*: Alterum, quo lapides certa connexionè, & ordine disponuntur, & est hoc, de quo loquimur, *Reticulatum*, aut simile.

De isto perhibet Vitruuius lib. 2. cap. 8. quod suo tempore frequentissima erat, & libentissime ab Architectis eligebatur, vt pote rarius, & venustius; sed illi in soliditate præfert Incertum, eoquod per ipsum tenacius sibi saxa cohærent: illud autem, etsi pulchrum, ad rimas contrahendas sit valde procliuè, & ideo non multum durabile. Quid autem hac in re statuendum sit, dicemus in V. *Reticulatum*. Certè de operis consistentia, ac diuturnitate hæc habet Philander ad hunc locum Vitruuij. *Eiusmodi, Romæ, & extra Urbem videntur in multis ruinis ex tophe, parte tantum qua extaret, sine testorio proxima esset, speciosa, & quadrata: quæ autem in interiorem structuram inderetur, temerè, & vulgariter ducta, aut casa. Non igitur operis exterior dispositio in retis figuram, illud rimis, & aperturis faciebat obnoxium, sed interior materia temere, & sine lege coagmentata, cum aliàs reticulata laterum dispositio, præsertim in in angulis, ad æternitatem perennet. Sed de hoc argumento enucleatius, citato loco.*

- ANAGLYPHICVM OPVS econtrà, Sculptorum, ac Statu-
 55 rum proprium est; quò vntur in exterioribus ædificij ornamento:
 quando ex eadem materia, siue fusili; vt ex ære, aurichalco, argen-
 to &c. siue lapide solido, formantur tabulæ aliquid representantes,
 quæ medium quid sunt inter scalptas, & pictas imagines; adeoque
 picturæ simul, & sculpturæ leges obseruant. Quippe nec omnino
 planæ sunt, neque omni ex parte protuberantes, & exportectæ; sed
 aliquas habent foras exeuntes, aliquas introrsum contractas, ac
 scalpro, perinde ac si pennicillo fieret, leniter excavatas, vt iure du-
 bites, an Sculptura magis in hoc opere adlaboret, quàm Pictura.
 Nos vulgò; vocabulo satis expressiuo, nominamus *Basso Rilieno*. Est
 57 que nostris temporibus celebratissimum, & magna in æstimatione,
 ac pretio, cum representandæ sunt in marmore, aut ære, integræ hi-
 storiz, plures personas ac facta comprehendentes, vt in vtraque mate-
 ria vidimus celeberrimas in hoc genere tabulas, Patavij in mirabilis
 structuræ Templo D. Antonij tutelaris vrbis; vbi in marmore cer-
 nuntur ad viuum expressa huius Sancti gesta, in sex tabulis peram-
 plis quæ circum exornant sacrum eius sarcophagum. Nec mino-
 ris æstimationis, ac laudis sunt, quæ extant Romæ in magnifi-
 centissimis Sacellis Sixti V. ac Pauli V. Pontificum; ad S. Ma-
 riam Maiorem in Basilica Vaticana ad Altam D. Leoni Magno di-
 catam; ad D. Agneris in Agone, sub quatuor angulis supremum
 Tholum sustentibus; & alibi passim. Sed hæc omnia opera quan-
 tumuis egregia, cedant necesse est antiquorum inuentis, quæ adhuc
 59 integra manent, & vt artis miracula conspiciuntur in famosis illis
 Columnis cochlidibus Traiana, & Antoniana; atque in rudetibus ac
 fragmentis, quæ tanquam gemmæ asseruantur, & exposita sunt ad
 spectandum in aliquibus Villis, præsertim Medicea in Monte Pin-
 cio, ac Farnesiana in Foro Boario; e quibus, si quid boni nostri tem-
 poris tabulæ Anaglyphicæ habent, ideam, ac normam sumplere.
 Porro huic & directo oppositum est Opus *Diaglyphicum*, quod in-
 cauitate consistit, & formas ac modulus effingit introrsum receden-
 tes in quas postea æra fusilia immittuntur, vt in Statuas, & Simu-
 lachra momentò abeant, non dedolata, sed sua sponte surgentia.
 ANABATHRA audiunt Pensiles Scalæ, Pulpita, & Subsellia in
 Theatris; de qua re, vide in V. *Diabathra*.

- 56 ANALEMMA sic definit Vitruv. lib. 9. cap. 4. Est ratio conqui-
 sita Solis cursu, & umbra crescentis, à Bruma obseruatione inuenta; &
 qua

quæ, per rationes Archiæctonicas circinque descriptiones est inventus esse
 in mundo. Sumit effectum pro causa, & vice instrumenti, id
 quod operatur, ostendit. Verum alterutrum est satis obscura descri-
 ptio; ex qua male intellecta, aliqui ansam sumptere dicendi, ipsum
 aliud planè non esse, quam horologium solare in plano delineatum.
 Sed, vtrectè notat Salmastius, longè ante horologiorum in-
 ventionem Analemmata extiterè, multumque ab illis discrepant. 
 Siquidem Veteres Astronomi, qui olim Solstitiorum, Aequinoctio-
 rumque momenta, ope gnomonum, aliorumque similium instru-
 mentorum, observare studebant; ad hoc facilius obtinendum, Ana-
 lemma adiuverunt, quò umbrarum deprehenderent projecturas,
 dictumque, dum Sol à tropico ad tropicum excurrit, succedens va-
 riaro annotaretur. Inde ab extremis linearum punctis, atque in-
 ternis, quotidiano usu iisdem semper compertis, facta est occasio
 ulterius procedendi, & acuenter ingenium, vti sunt lineis ipsis per
 diem in horas æqualiter dispartitis ad Sciographia, etiam medio ana-
 lemmate, designanda. Verum hoc id ex se præcisè non habet, ut
 videre est in subiecto schemate; vbi vides illud non esse aliud, quam
 figuram circularem in plano meridiani, seu alius circuli maximi
 transeuntis per polos mundi descriptam, continentem commu-
 nes sectiones, quas plana aliorum circularum sphaeræ, in hoc vel
 alio quouis assumpto circulo faciunt, quæ satis hic elucescunt. Por-
 ro huius instrumenti vsum in horologijs delineandis tum ad alia in
 Astronomicis auspicanda, longè abstrusiora, acque utiliora, habes
 apud Claviu in Gnomonica, & in explicatione Astrolabij lib. 1.
 lemm. 19. Nobis tetigisse sat est.



57 ANALOGIA in Geometricis; idem est, ac regularis proportio inter duas quantitates similes, & sibi mutuò respondentes: Quæ quidem in duplici genere est. Altera, quæ dicitur *Ordinata*: & hæc interuenit inter plures quantitates assumptas, ex vna parte (non minus tamen tribus), & alias numero pares, aut certe extensione certo ordine dispositas, & inuicem comparatas: itaut quam proportionem in vnis seruant, prima v. g. ad secundam, secunda ad tertiam, tertia ad quartam, &c. ita eandem proportionem sit reperire in alteris, nempe quod eodem modo se habeat prima ad secundam, secunda ad tertiam, &c. Vt, si fuerint ex vna parte A. B. C. D. quatuor quantitates, valentes A. 12. B. 9. C. 6. D. 3. inde ex altera parte sint aliz quatuor E. F. G. H. valentes itidem E. 4. F. 3. G. 2. & H. 1. tunc, quia eandem proportionem, quam habet A. ad B. inuenitur habere E. ad F. & quam proportionem habet B. ad C. eam etiam habet F. ad G. & sic de reliquis; ideo hæc proportio, & Analogia dicitur *Ordinata*, quia ordinate procedit, & eundem ordinem seruat. At si contrà tres quantitates sint ex vna parte, totidemque ex altera, quæ tamen non isto, sed alio diuerso ordine procederent, siueque eam proportionem quam habet hic prima ad secundam, non seruaret illuc prima ad secundam, sed bene prima ad tertiam, secunda ad quartam, vel aliter: ita tamen, vt omnes simul sumptæ, comparatiue tandem conuenirent, & proportionem regularem haberent utcumque; tunc hæc proportio, & Analogia diceretur *perturbata*, quia inordinate procedit. De his omniibus clariùs in *Proportionalitatibus*, & fusè agit Euclides lib. 9. atque inter eius *Commentatores*, exquisitissimè Clavius, & Iordanus.

58 ANAPORICA, teste Vitruuio, sunt quædam Sciotheria, quæ ipse vocat hyberna, representantia cursum Solis in Signifero: quorum descriptionem, & vsum latè prosequitur lib. 9. cap. 9. Aduertit tamen Baldus in *Lexico Vitruuiano*, *Anaphorica* potiùs scribi debere ex Ptolemæo lib. 2. *Almagesti*. Quæ de controuersia, eorumque vfu, vide quæ eruditè habet Salmasius in lib. de *Annis Climactericis*, & *Astronomia Veterum*.

59 ANCONES in duplici significatione ab Architectis vsurpantur. Nam primò, conflexus illos, & coitiones denotant, qui utcumque in angulos rectos abeunt, vt vidimus in Normâ: tum sumpti in ampliore sensu, stant pro ipsis normæ lateribus, seu regulis, quatenus tamen illas easdem partes respiciunt, quæ ipsum angulum formant. Et in hac acceptione vtitur hoc vocabulo Vitruu. lib. 3. cap. 3.

Vbi modum tradit, qua ratione, adhibita normali regulâ, dirigenda sint striz in Columna Ionica. Secundo pressius in ipso Opere architectonico, binos illos conflexus significant, qui hinc inde ad ostiorum supercilia pendent ab imâ corona secundum antepagmenta, in S. figuram inuersam ad libramentum imi supercilij; & communione vocabulo mensulæ audiunt. Ita etiam Vitruu. lib. 4. cap. 6. Quorum emendatam ex veterum monumentis affigurationem, exhibet Philander in schemate Ostij, ad hunc locum. Nostri vulgariter ex forma, quam referunt, *Cartellonos* appellant.

ANDRONES in ædificijs vocantur atria illa, seu media itinera 60 interposita inter duas aulas: vnde & *Mesaulæ* etiam communiter audiunt apud Vitruu. qui post eorum mentionem, hæc habet lib. 6. cap. 10. *Nostri autem eas Andronas appellant. Cuius appellationis originem, & etymon non plenè intelligens, subdit mox. Sed hoc est valdè mirandum, nec enim Græcè nec Latine potest id conuenire.* At Philander ad hæc benè aduertit ex Sexto Pompeio, quod *Andron Græcis locus est domicilij longitudine angustior, in quo viri plurimi morabantur.* Vt ut sit, certè hodie vsus communis apud vulgum obtinuit, ut hæc, & similia loca *Andita* vocitentur: quin & in plerisque Italiæ prouincijs, viam vtcunque arctam, & breuem, qua ad proximum conclaue in iisdem ædibus, itur; *Andronem* nominant. Aliàs Andron nostra tempestate apud Latinos audit locus sub dio vndique parietibus conclusus, & in plana area ædificij situs, vulgò *Cortile*.

ANEMOGRAPHIA idem græcè sonat, ac *Doftrina Ventorum.* 61 Tradit enim naturam, ortum, causas ventorum, ac subinde qualitates quas induunt, ac successiuè commutant pro ratione plagarum, vnde exsufflant, & locorum per quæ pertranseunt. Agit quoque, consequenter de ipsis plagis Mundi, ex natura Cæli cui subiectæ sunt. Quare non tam ad Physicam spectat, quam ad Astronomiam, estque vtilis, inò & absolute necessaria Naucleris, Geographis, & Architectis: illis quidem ad nauigationem feliciter incundam; his ut in ædificiorum collocatione, & constructione, eligant situs, & aspectus idoneos, ad hoc ut inhabitatio euadat innoxia & salubris. Etenim, ut acutè aduertit Vitruu. lib. 1. cap. 6. *Diriguntur hæc rebus, si exclusi erunt ex angiporis venti prudenter: qui si frigidi sunt, ledunt: si calidi, viciant: si humidi nocent.* Quare vitandum videtur hoc vitium, & aduertendum, ne fiat quod in multis Ciuitatibus vsu solè euenire. Et ponit in exemplum urbem Mitilensem in Insula Lesbos,

cæteroqui eleganter , & splendide ædificatam , sed quia ventis quibusque expositum , eorumque immodicis , ac pestilentibus flatibus , idè non prudenter . Oportet igitur prouidum Architectum , antequam ad eligendum situm ædificandæ domus descendat , probè Anemographiam callere , seduloque examinare aspectuum varietatem , & conditiones , quisnam sit , & pro quo tempore cuique ad commodè ibi manendum , opportunus , vt laudem ex opere consequatur , atque ædificium diu maneat in fama salubritatis , & commodi . Ad quam rem iuuat sibi comparare

- 62 ANEMOSCOPIVM , instrumentum ad ventorum indagationem factum , quasi diceret *Ventorum inspector* . Quod iam pridem ab Antiquis , magno Reip. commodò excogitatum , nescio , qua nostræ ætatis segnitie , in desuetudinem iuit . Illud summopere commendat , & accuratè describit Vitruu. loco proximè citato , eius inuentorem faciens Andronicum quendam Cyrthesten : *Qui etiam , inquit , exemplum collocauit Athenis , Turrim marmoream octogonon , & in singulis lateribus octogoni , singulorum ventorum imagines exsculptas , contra suos cuiusque status designauit : Supràque eam turrim , metam marmoream perfecit , & insuper Tritonem æreum collocauit dexterà manu virgam porrigentem . Et ita est machinatus , uti vento circumageretur , & semper contra flatum consisteret , supraque imaginem flantis venti indicem virgam teneret .*

Hec itaque est constructio , & commodus vsus Anemoscopij admirabilis instrumenti , quod nulla ferè opera , & leui impensa potest vbique locorum ad publicam populi vtilitatem parari . Et idè e re fore duxi , si illud hic eleganter delineatum oculis exhiberem , doceremque subinde eius erigendi artem , vt vsum : qui iam quidem in plerisque Italiæ , Germaniæ , & Galliæ , vt audio , Urbibus viget , sed in eo deficiens , quod ibi plebs ignara non habet exactam ventorum seriem , & nomenclaturam expositam .

- 63 Igitur in excelsa quadam turri , aut , vt fieri assolet , in Templorum tholis , vbi collocatam videmus Crucem , atque ad eius inferiorem hastam affixum verforium , seu pinnacidium ad flantem ventum versatile , collocetur , non tam pro ornamento , quam pro necessitate , supra marmoream tabulam , quæ sit vndique spectabilis , & ad perpendicularum complanata , constitutaque supra columellam , cuius abacus in capitello sit adunus octangulus , aut , si vis , sexdecim etiam latera habeat , ad rationem totidem omnino ventorum , qui in eius margine sint descripti . Deinde , expiscata lineà meridianà , hæc latera constituentur ad plagas , vnde singuli venti originem habent .



habent. Tandem mediæ colu-
mellæ canaliculo perforatæ in-
datur ferreus, teres, & facile
volubilis axis, qui tabulæ præ-
dictæ marmoreæ insistant & inni-
tatur, transeatque profundius
per mediam scrobiculam in cen-
tro effossam, usque ab basim:
desuper autem, & in apice fer-
rei styli infixæ sit ærea statua
Tritonis, seu mauis ad Chri-
stianum usum, & pietatem ser-
uandam, Angeli magnis alis
ad volandum extensis, quæ pro
flabello deferuiant, ac pennu-
cellis: in cuius profectio sinistra è
regione alarum porrecta (ne
forte impetum venti flantis di-
sturbet) emineat crux adorabi-
lis: atque ad dexteram habeat
virgam pendentem, & inclina-
tam, quæ versatione statuz ad
partem obuersam plagæ, unde
ventus exufflat, indicet qualis
ille sit, ex nomine singulorum
ibi in margine iam antè escul-
pto, vt videre est in præsentî fi-
gura.

Aliud Anemoscopium ma-
gneticum ad ventos auspican-
dos, rude satis exposuit P.
Milliet De-Cales è Soc. Iesu, in
suo Mundo Mathematico Tom.
1. traç. 9. lib. 3. sed oppidò ope-
rosum, incertum, & non ita fa-
cile practicabile. Continet enim
duos erectos versatiles axes,
quorum vnus giratur à vento
perflante medijs pinnacidij:
alter in aduersum agitur per-
petuo fune per trochleas indi-
F 2 tas,

tas, & infixas in imo duorum ad continuam vertiginem expostorum axium; quorum posterior habet in apice infixum magnetem, & desuper imminentem mensam cum Rosa nautica, phiala, & ventorum indiculo. Sed audiamus illum sic discurrentem. *Potest, inquit, exhiberi intra phialam, statua ventum indicans, artificium facile. In summitate turris aptetur pinnacidium ad ventum mobile, quod axem habeat, seu virgam cum illo volubilem, cui inseratur trochlea. Sit sub mensa alia aequalis trochlea, & funis infinitus ab una ad aliam, magnetem ferens; & supra mensam phiala, in cuius superficie sint descripta ventorum nomina cum statua mobili in medio phialæ. Dum ventus pinnacidium movebit, simul cum illo voluetur trochlea, (utraque videlicet, altera ipsi infixæ, altera axi sustinenti magnetem) & impositus magnes, cuius motum sequetur statua. Vides quàm operosum sit, quam ægrè ad praxim reducibile machinamentum? Sed nec satis dilucida, & exacta descriptio, cùm deficiat in eo quod maximè desideratur, & alias mancum, & inutile linqueret opus, nempe basis, aut id quo pendulum sustentetur, & cui adhuc axes versatiles innitantur, vt consistere vnâ possint, sibi mutuo respondere, & liberè excurrere. Tùm mensæ fulcrum inueniendum est, quod magnetis versationi non sit impedimento, & viceversa, ità libratam teneat mensam, vt phialam in medio magneti imminentem, tali libratione contineat, & hic suam virtutem in illam absque impedimento possit transfundere. Quare ab antiqua, & ex parte recepta communi methodo indagandi, ac pernoscenti ventum spirantem, haud recedendum censeo; cum ea facilis sit, plana, inuariabilis, & expedita; & aliàs non magna in ea requiratur impensa. Alia etiam Anemoscopia habet Kircher. in Arte Magnetica. Sed non minus dubia, & fallacia; vt cuique experimentum ex ijs sumere cupienti, in praxi constare poterit.*

69

ANGIPORTVS nominantur communiter ab Architectis, spatia, seu areæ, ante ædificij ostium strata, nullum alium exitum habentes, quasi angustæ ante portam viæ. Siue, vt placet Vlprano I. C. ab angendo dicti, addito portus nomine, ad specificationem: Nam eo vniuersaliter venit locus vndique conclusus, ac terminatus. In ijs quippe appendi, & collocari olim solebant Maiorum Imagines, & simulacra ad familiæ decus, & ædium ostentandam in primo aditu, magnificentiam. Id quod in Verre, vtpote nimio, & supra æquitatem ambitioso, detestatur & sugillat Cicero, in Verrina 4. *Vt omnibus, inquit, angiportis prædonis improbißimi statua ponuntur.* Porro non Imaginibus solùm, sed & præclaris gestis clarorum

viro-

ditorum, atque Inſcriptionibus eorum facta narrantibus, ſolitos eſſe ornari Angiportus, author eſt Philander in Notis ad Vitruuium, id quod, prolatis multis veterum monumentis confirmat: Sed hæc obiter. Interim quoad angiportuum conſtitutionem, & aſpectuum poſitum, monet prouidè Vitruu. lib. 1. cap. 6. ità eos diſponi debere, vt moleſtis ventorum flatibus hauſint obnoxij: ac datis præceptis, tandem concludit. *His enim rationibus, & ea diuiſione excluſa erit ex habitationibus, ac vicis, ventorum vis moleſta. Cum enim platea contrà directos ventos erunt conformata, ex aperto Cali ſpatio impetus, ac ſtatus frequens concluſus in faucibus angiportorum vehementibus viribus peruagabitur. Quas ob res conuertenda ſunt ab regionibus vicorum, uti aduenientes ad angulos inſularum frangantur, repulſique diſſipentur. Hæc Vitruuius. Quid autem intelligat hic per angulos Inſularum, dicemus in V. Inſula.*

ANGON, & Monangon apud Heronem de Machinis bellicis, obſcura ſunt, & hæcenus incomperta quorundam miſſilium organorum nomina, quæ non ità facile apud alios Scriptores, antè ipſum reperies. Sed neq; Hero, quid in re ſint, explicat: namque ea tantum tangit, nimisque perfunctoriè, & obſcurè: quippe aliud agens, quaſi de obliquo, cum de ſcalis nauticis loquitur, eorum mentionem facit, ſupponens id ſatis Lectoribus notum. Ait enim cap. 17. *Conſtituendum eſſe in earum medio, è robuſtioribus chordis pendens lignum longum interpoſitum, in figuram reflexi Angonis. Econtrario retrorſus conuerſum, & iuncturam retinens, quales ſunt ij qui lapides iaciunt, Monangones, quos nonnulli fundas appellant. Et ſequenti capite de Monangone ſermonem inſtituens, hæc addit: Ipſa Monangonis conſtructio ad Catapulticam etiam contemplationem volentes inſtituet. En quantum de his instrumentis perhibet præſatus Author. E cuius verbis, & contextu, id ſolum colligi poteſt, quod Catapultis, & Balliſtis ſint quodammodo affinia. Cæterum Baroccius eius Interpret rem explicare aggreſſus in Scholijs, lectoris curioſitatem proritat magis, quam exſatiat. Sic quippe diſcribit. *Angon eſt ſpecies quadam arcus reflexi, qui, cum chordam non habeat, è contrario retrorſum conuertitur, cuiusmodi arcus ij ſunt, quibus nunc Græci, Turcæque Sagitarij vtuntur. Atqui hi arcus diuerſam formam, & uſum habent, tantum ad eiacularandas ſagittas: Et inſuper fundæ, (vt vult ab alijs nomine appellari) ne umbratilem quidem ſimilitudinem habere queunt. In Monangone autem idem auctor longe parcius eſt. Monangon, ait, eſt quoddam iaculatorium instrumentum balliſta ſimile, cuius exquisitam conſtructionem Athenæus tradit. Ieiunus ipſe**


ipse, ad ieiunum fame pressum amandat, ut alios spe explendę impro-
bę auditiatis detineat, fatigetque. Saltem locum indicasset ad leuan-
dum laborem. Ast ego, ostenso eminüs cibo, & retracta postea
manu, incitator factus, totum Athenzum à capite ad calcem, Sa-
turninā equidem cunctatione, & patientiā excurri, ac nusquam in
toto codice eiusmodi Machinę vllām mentionem, aut adumbratio-
nem reperij. Sed neque librorum helluo Lipsius, curiosissimus re-
rum peregrinarum indagator: qui tandem cum suo Furio, quem
sibi colloquentem lepidę introducit, protinüs infert, quando aliud
non habeatur, nisi quod Angones cum Catapultis conueniant, pro-
fecto ab ijs non nisi nomine tenüs discrepare. Et alibi obseruat re-
periri in alijs Scriptoribus *Margas, Mangana, Mangas, Mangonalia,*
& *Mangonella*; ac per eas voces, ballistam & Catapultam indubi-
tantly significari, quę proinde, pro varia temporum, & idiomatum
differentia diuersimodę nuncupantur, & sæpe ijsdem nominibus,
sed (ut ab infcia plebe plerumque fit) decurtatis, incompectis, aut
etiam enormiter deprauatis. Ad quam rem affert testimonium
Othonis Frisingensis, qui in Actis Friderici Imper. lib. 2. cap. 16.
hęc habet: *Ferunt quodam die, lapidem, vi tormenti ex ballista,*
quam modò Margam vulgò dicere solent, propulsum, ad superiora loca
conscendisse. Ecce quomodo quę ballista olim audiebat, postmo-
dum productiore æuo, ab Germanis *Marga* appellata est. Idipsum
de similibus barbaris, & peregrinis vocabulis coniectari licet; quo-
rum origo, & etymon ignoratur, quęque in Scriptoribus haud sanę
vulgaribus passim inueniuntur. Eiusmodi sunt *Biblia petraria,*
Troia, Margatelli, apud Turpinum in Vita Caroli Magni: uti &
Manganalia, & Fustibula, & Tribuceta, & Catti versatiles: item *Sues,*
& *Springalla,* in Chronicis Leodiensibus. Quę omnia propria cuius-
que gentis nomina, & idiotismi fuisse credenda sunt, atque à ple-
bis communi vsu loquendi, Scriptores accepisse. Quod ideo quę non
satis comperta sunt, lubens prætereo, ac in sua obscuritate re-
linquo, vltro asserens me nescire, ut de se fatetur eruditissimus
Lipsius.

- 67 Post hęc scripta, Angonum memoriam inueni apud Suidam,
Meursium, & Pachimerem, qui se referunt ad Agathiam, eos sic
describentem lib. 1. *Brenia tela sunt quę ipsi, Franci nempe, apud*
quos esse in vsum perhibet) Angones vocant: cuius pars maior ferro
obducta est, itaut ex ligno aliquid præter membrum vix extet: in supe-
riori ferro, tanquam hami utrinque sunt, & deorsum vergunt. Si sic
est; non multum in re distant à nobis bipennibus, vulgò Alabarde,
nisi quod hęc, successu temporis, longioribus hastis infixę sunt.

Cæterum forma valde assimilantur, præsertim ijs, quæ tribus, cuspidibus constant ad modum Lilij, vnâ erecta, reliquis duabus hinc inde contortis, atque arcuatis. Verùm hæ Helueticorum potius, quam Gallorum arma sunt, quibus communiter vtuntur milites Prætoriani Principem præcedentes, & constipantes; quasque in manibus gestant non ad offensam, sed ad muneris decus, atque insigne.

ANGVLI definitionem, naturam, & proprietates alibi ex Euclide, & hic in vestibulo operis, obiter & ex occasione tradidimus. Nunc autem Angulorum in vnâ figurâ proportio, & habitudo quam ad se habent, & ad latera, explicanda est. Quorum conditio prima hæc est, vt cum plures figuræ conueniunt, & contiguæ sunt, quilibet angulus internus figuram claudens, habeat alterum externum sibi correspondentem: vt ex 32. Primi Euclidis. Quæ omnia in subiectis figuris manifesta sunt.

68



Nam si latus quodlibet figuræ producatnr extrâ illam, hoc productum cum alio latere angulum efformante, producet alium angulum, qui respectu illius vocatur externus, quique æqualis est duobus oppositis, & internis: simulque omnes tres interni æquantur duobus rectis. Secundò cum duo anguli, internus, & externus se mutuo contingunt, suntque eiusdem rationis, (vt fit per decussationem duarum linearum ad inuicem) illi duo anguli dicuntur ad verticem, eoquod ad verticem opponuntur. Qui autem eiusdem rationis sunt, & ex aduerso consistunt, appellantur alterni; quia alternatiui sibi respondent. Denique cuiuscunque figuræ triangulæ duo latera alteri insistentia, basim efformant; & basis est quoduis


ele-

electum ē tribus: communiter autem erit quod maius: & tunc angulus, qui basi opponitur, seu subtenditur, dicitur Verticalis.

Sic in prima, & secunda figura, Angulus A. obtusus, si modò alterutrum latus illum efformans ulterius producat, habebit alium angulum D. vel C. sibi conterminum, ac necessàriò acutum: sique hic erit internus, ille profectò dicetur externus, & econtrà. Qui proinde collectivè, internus, & externus, æquales sunt duobus angulis rectis. Denique in tertia figura, in triangulo A. B. C. angulus A. dicitur verticalis, quia subtenditur maiori lateri B. C. quod supponit pro basi. Angulus verò E. C. D. dicitur externus ad angulum A. C. B. producta basi B. C. in D. qui æquiparatur duobus internis A. & B. sibi oppositis. Omnes autem anguli interni trianguli A. B. C. simul sumpti, æquales sunt duobus angulis rectis, qui formantur à perpendiculari cadente in C. atque in rectam B. D.

- 69 Hinc deducitur (ut notat Proclus) quod non solum angulus cuiusvis trianguli exterioris, maior est singulis internis, & oppositis; sed etiam quantò maior est singulis (eoquod æquiparatur ambobus) tantò maior erit conflato ex alterutro ipsorum, & reliquo: & exinde etiam tantò maior, quantò singuli ipsorum seorsim minores sunt recto. Sed id ex hac demonstratione resultat potissimùm, quod in omni figura, triangulari, quadrangula, pentagona, exagona, &c. colligi clarè potest, quot rectis omnes anguli eam complentes simul sumpti, æquiparentur, quod multum valet ad figuras rationales ab irrationalibus discernendas. Quippe omnis figura rectilinea resolvitur in Triangula, eoquod Trianguli singularis prærogativa est, quod sit cardo, & fundamentum omnis constructionis. Nunc autem in tot triangula quovis figura resolvui potest, quot latera in se continet, si modo duo latera angulo propiora reijcias: equidem ab angulo ad angulum proximum non potest efformari figura. Ut si, exempli gratia, figura sit Quadrilatera, ea non nisi in duo tantum triangula resolvui potest: Si Pentagona, soluitur in tria: si Exagona, in quatuor: si Epitagona, in quinque, & sic de reliquis. Quod ideo cum tres anguli interiores cuiusvis trianguli æquiparentur duobus rectis; consequens est, ut in quot triangula dispersitur unaquæque figura, si ea duplicentur, ostendant numerum rectorum in eam convenientium. Vnde, cum figura tetragona componatur ex duobus triangularis, clarè euincitur, quod habeat quatuor angulos rectos. Sic pentagona, quæ in tria triangula resolvitur, anguli quibus concluditur,

tur, æquales sunt sex angulis rectis. Eodem modo discurrendum de alijs figuris rationalibus, vtpote Exagona, Eptagona, &c. vt videre est in subiectis figuris.



ANISOCYCLA sunt organa quædam mechanica, non tam bellicis, quam ciuilibus pacis artibus inservientia: quæ, vt ex Budæo refert Turnebus, pluribus orbibus, seu circulis sibi succedentibus constant, quibusdam minoribus, quibusdam maioribus, vtfacili nisu maioribus agitatis, minores vicissim quodam impetu impellantur; sicque eorum ordinato motu, alicuius rei molitio fiat, aut expulsio. Ex græca notione deriuatum nomen, qua plures circuli sibi ordine respondentes significantur. Horum meminit Vitruu. lib. 10. cap. 1. ea inter organa computans, quatenus à Machinarum ratione discriminantur. *Organa*, inquit, *vnus operâ, prudenti tactu perficiunt quod propositum est, vt Scorpionis, seu Anisocyclorum versationes.* Vbi videtur ea ab Scorpionibus non distinguere. Sed Baldus adhuc sic coniectatur. *Quid si de instrumento dixeris, cuius versatione scorpiones intentantur, quod nostri Molinellum dicunt?* Daniel Barbarus ad Helicam, Cochleamque refert, quam nos *Vitam*, seu *Vidam* nuncupamus. At non in ea circuli minores à maioribus impetu agitantur, vel extruduntur, qui ibi æquales omnino sunt, & sine impetu incedunt ad opus, licet in conspectu aliquatenus, ac suauiter inflectant ad spiram. Melius est, quod postea adijcit, nempe. *Anisocycla faciunt mulieres, cum crines contorquent:* nam bene intelligitur, quonam pacto ea pluribus circulationibus componantur, atque impetu maiores minores impellere, & vi aliquid attrahere, aut detrudere; id quod in laminis chilibæis videre est, quæ in gyrum actæ & contractæ, ad explicationem, seu sui dilationem, semper annituntur, atque adspirant: quibus potissimum vtimur in

70



horologijs manualibus ad lentum, & regulatum motum rotis impertinendum, & *Mollas* vernaculè appellamus.

ANSER AMERICANVS. Vide *Toucan*.

71. ANTECEDES in Mathematicis dicitur primus terminus assumptus in aliquo Theoremate ad demonstrationes construendas circa aliquem notum numerum, aut magnitudinem, ad cuius rationem initur proportio, & procedit constructio suprà aliam consimilem, sed hæcenus ignotam quantitatem. Vt si consideranda sit proportio, quam habent v. g. quatuor ad duo; primus terminus assumptus ad construendum, nempe quatuor, dicitur *Antecedens* proportionis. Is autem ad quem alia quantitas refertur, vt sunt duo, dicitur *Consequens*. Et quidem, quando ambo termini sunt æquales; habitudo, quæ inter ipsos intercedit, vocatur Proportio æqualitatis: si verò fuerint difformes, & inæquales, appellatur Proportio inæqualitatis. Insuper quando proportio ista potest exprimi numeris, dicitur Rationalis; sin secus, erit irrationalis.

72. ANTERIDES in opere architectonico sunt fulturæ, & sustentacula, vt ita dicam, in frontibus ædificiorum, præsertim verò in angulis apposita, vt structura subsistat, neque parietes onere grauati inclinentur, & ruant. *Erisma* etiam appellantur à Vitruu. lib. 6. cap. 11. monetque quod ea inter se distent tanto spatio, quanta altitudo substructionis est futura; crassitudine eadem, qua substructio. Ex quibus apertè liquet, eas diuersas esse ab *Antis*, idest pilis, quæ ostiorum latera firmant, aliquantulum exprorectæ, & supremum supercellium sustinent. Vnde hallucinatur Barbarus, *Antas* cum *Anteribus* confundens ac dicens, illas *Contrafortia* & *Pilastros* à Nostreis vocari, & in angulis partium collocari certum esse. Nam *Anta* vnice, & semper ad Ostium pertinent, & binæ sunt, ac lapideæ: *Anterides* verò, quæ & *Antes*, contracto nomine, à plerisque, præsertim à Salmasio vocitantur, generaliter pro omni fultura, siue ex structura lapideâ in decliuè protracta, accipiuntur. Sunt enim, ait Salmasius, cuiusque rei ordines anteriores, & qui frontem spectant, atque inde distanti. Quibus profectò bene conuenit nomen *Contrafortium* ab Gallis & Nostreis inditum ab officio, quasi contranitantur ad fortitudinem, seu firmitudinem muris stabiliendam. Multò magis fallitur Philander, qui *Antas*, & *Antepagmenta*, eandem rem esse dicit: quandoquidem *Antepagmenta* ad valuas pertinent, *Antæ* ad ostium: & hæc quidem, vt suprà dixi, semper lapideæ sunt, illa verò semper lignea, sunt.

suntque (inquit Festus) *Valuarum ornamenta, quæ Antis adpanguntur*. Ergo diuerſa omnino ſunt Antæ, Antes; ſiue Anterides, & Antepagmenta. Benè verò *Antes* in maſculino genere dicuntur columnæ quadratæ, ſiue ex integro lapide, ſiue materiæ, quibus arcus ædificij inniuntur, ac tota moles, veluti pendula ſuſtinetur: quas *Paraſtatas* Græci nominant, vnde fortaſſis, corrupto vocabulo, *Pilaſtrorum* ad nos nomen effluxit. Id quod aduertere æquum fuit: nam nominum ſimilitudo, & diuerſitas officiorum, quam ſæpè in Vitruuio, alijsque Scriptoribus inter legendum offendimus, poſſet mentem Lectoris confundere, & pro re, quam nullo pacto deſignant, imponere; quemadmodum videmus, & magnos alioqui viros fuiſſe hallucinatos.

ANTEPARISTASIS græcè, circumſeſſionem, luſtam & mutuam obſiſtentiam, latinè ſignificare poſeſt: cum videlicet duæ res contrariæ qualitatæ ſimul coeunt, & vna ab alia obſidetur. In quo conſictu, qualitas, quæ ab altera circumuenitur, ſeſe intendit, & totas vires ſuas in vnum colligit, & exerit, vt fortiùs aduerſus alteram inſurgat, atque obſiſtat: vnde enatum Axioma *Virtus vnita fortior*. Sic videmus, cum calor vndique frigidos humores ambit, frigus illud ſic conſtipatur, intenditur, & ſuprà vires ſuas, audentiùs nititur illatam vim, vi propulſare. Huic Arcano, & mirifico Naturæ motui tribuunt Philoſophi, & Aſtronomi (ex quo diſcunt Mechanici, & Architec-ti ſuis operibus vires refundere) plures effectus meteorologicos in aëre, & ſubtràs terram, vi frigoris, aut caloris ambientis producos, vt grandines, niues, coruſcationes, fulmina, & tonitrua: de quibus fuſè Philoſophus in *Meteoris*.

ANTEPILANI antiquitùs dicebantur in acie militari, qui in primo ordine haſtati, Pilanos, ſeu Triarios antecebant, & à Velitibus primam pugnam incuntibus, ad iuſti prælij primam aleam ſubeundam, excitabantur. Vnde Liuius lib. 8. *Rorarij*, inquit, *percurrabant inter Antepilanos, addebantque vires haſtatis atque Principibus*. De qua re vide quæ diximus in V. Acies.

ANTIBOREVM appellatur à Vitruuio lib. 9. cap. 9. genus quoddam horologii ſolaris, ſiue ſciotherij, de quo nihil explicat: Sed Daniel Barbarus coniectatur, ita fuiſſe diſpoſitum, atque delineatum, vt obverſum ad aliquod ſidus vmbram faciens, contrà boream etiam de nocte horas ſignaret, vel eius declinationem, motum, & ſummam altitudinem deprehenderet. Baldus autem vero.

similius credit, id fuisse simplex horoscopium in plano Aequatoris descriptum, ex aduerso Poli Borei; vt ex nominis coniugatione colligi potest. Accedat Lector cui mauult.

76

ANTIQUVM OPVS, quod & TVSCANVM dicitur à Tuscis, à quibus creditur iuuentum, & certè apud eos fuit multum in vsu, in re ædificatoria est Constructio, seu ratio constructionis simplex quidem & rusticana, sed cæteris, quibus vtitur Architectura, solidior ac robustior. Assimilatur enim, inquit Vitruuius, viro ætate pro- uecto, benè formato, artubus firnis, ac robustis, val certè vili amictu, & grossè induto, qui durabilitatem in vestimentis quærit non elegantiam. Et idèò Antiquum opus attendit in ædificijs firmi- tatem, & commodum potius, quam speciem exteriorem: &, si ali- quod ornamentum admittit, vt in columnis, ostijs, ac trabeatione, id est simplex, & planum, quod maiorem firmitatem addat, atque ad æternandum opus adspiret, non oculis blandiatur. Tale potis- simum eligitur ab Architectis in ædificijs ruralibus, vel quæ solida- tem, consistentiam, & benè obfirmatas partes requirunt; cuius- modi sunt Carceres, Aerarium, Portæ Ciuitatis, Pontes, Arces, Arcus triumphales, Theatralia, & vniuersim publica Aedificia. In his ratio symmetriæ petit, vt omnia ex æquo ad durabilitatem res- pondeant, atque adèò in columnis, vt monet Vitruu. initio lib. 3. longitudo non excedant sex diametros crassitie scapi inferioris, quæ est omnium proportionum mensura, & maximè ad naturam acce- dit. Nam in formatione hominis, inquit, videmus, quod pes sit sexta pars longitudinis totius corporis in ordinaria dimensione; & homo ipse secundum Protagoram, est quasi prototypus omnis sym- metriæ: igitur (concludit Vitruu. *Si ita Natura composuit corpus ho- minis, vti proportionibus membra ad summam figurationem eius respon- deant; eum causâ constituisse videntur antiqui, vt etiam in operum per- fectioribus, singulorum membrorum ad vniuersam figuræ speciem habe- ant commensus exactionem.* Similiter Intercolumnium (quo nomine appellant spatium inter vnâ columnam, & aliam) non plùs dila- tari debet, quàm ad quatuor circiter diametros ipsarum columnarum. Etenim cum super eas constitui debeat Epistylum, & ipsæ vtplurimum fiant ex materia latericia, non ex integro lapide; spis- siores vtique esse debeant, vt impositum opus sustineant, nec facilè vtrumque, aut alterutrum dehiscat. Capitulum quoque simplex, ha- bens tantummodò plinthum cum medio Echino, & subtrâs hypotrachelium, & regulam. In Epistylis, seu Coronis non admittit, nisi duplex cymatium; alterum suprâ Coronam, Zophorum, & vnâ

teniam pro Architrabe; eaque omnia plana, & simplicia absque, vlla sculptura. Cæterum hunc ordinem lib. 6. cap. 6. non distinguit à Dorico Leo Albertus, qui tres tantum enumerat, Doricum, Ionium, & Corinthium; aitque *hunc ipsum* (nempe Doricum) *apud vetustissimos Etruscos fuisse*, se ex multis antiquissimis monumentis illum ipsum cum Tuscano esse, pro comperto habuisse: ideoque præ cæteris eum laudat, suadetque, cæteris paribus, semper in ædificijs æternum mansuris, eligendum; vt pote firmiorem, ac stabilem. In eandem sententiam venit etiam Serlius, & confirmat communis vsus omnium Nationum.

ANTLIA, ex græca notione, iam ad nos deducto vocabulo, Instrumentum hydraulicum est, quo aqua in profundis cavitatibus, & puteis manens, sursum attrahitur, nullo vase recepta, sed sua sponte saliens, vi emboli è medio instrumenti in aquæ superficiem, inclinati, indeque mox impetu attracti, & sursum elati: quem motum sequitur aqua suprà superficiem surgens, quoad emboli motus sistit. In Italia, & Germania, in locis, vbi fontes superni non sunt, neque aqueductus extructi ad deportandam, deriuandamque aquam è superiori scaturigine, fræquens eius vsus est, & apud nos vulgò appellatur: *Tromba dà canar acqua*. Vnde autem arcanum hoc proueniat, vt aqua, sua naturâ in imis locis quiescens, & motu semper deorsum ferri affectans, tunc, nullo vase excepta, nulloque adminiculo sustentata, aut sursum detrusa, protinus exiliat, supraque se attollatur; magna est hodie inter philosophos disceptatio, & adhuc vera causa est incomperta. Communis ratio, quæ adducitur, fundatur in illo celebri axioma, *Ne detur vacuum in Natura*, quod hæc adeò horret, & fugit. Cum enim Vniuersum hoc Summus Artifex ita constituerit, vt partes inuicem cohærent, & perpetuam continuitatem seruarent; tum, vt fortius connecterentur, & sibi inuicem laborantibus auxilio esse possint, tum ad Cælorum influxus vsquequaque diffusos excipiendos, qui continuatim per rectam lineam de vna in aliam transeunt; necesse fuit excludi vacuum, vt pote huius communicationis impeditium, ac propterea vnaquæque pro suo modulo, etiam contrâ suam naturalem inclinationem, conniteretur ad illud expellendum, seruaretque sedulò hanc partium continuitatem, totiusque repletionem. Id quod, non in Antlia solum, de qua nunc sermo est, sed in alijs rebus quotidie, infinitis propemodum experimentis, obseruatur. Nam primò. Si caux fistulæ vtrinq; perux alterum extremum os in aquam liberam immergatur, alterumque ori tuo applicaueris, inde aërem at-

trahens ; statim ac aër vi attractus recedit è partibus fistulæ inferioribus, subsilit aqua ad locum replendum , vnde aër inuitus retrahitur. Et hoc ipsi perficit Antlia : nam , si eius cavititas embolo recurrente , hinc inde impediatur ; atque interim altera eius extremitas aquæ superficiem tangat , ex altera embolus retrahatur : mox aqua eundem motum sequens sursum ascendit in fistulæ cavitatem , quæ prius inclusum aërem detinebat .

Secundò folles contracti , si obstructo canali , per quem aër ingreditur , ac simul ostiolo laterali , per quod refundi possit ; nunquam , quantavīs adhibita vi , inflati explicabuntur , sed potius eos dirumpi videbis , quam distendi .

78 Tertiò si scyphus vitreus , aut ex quacunque solidâ materiâ , aqua plenus , in aliud aquæ receptaculum magis amplum immerferis ; inuersoque situ extraxeris directè ex parte supra superficiem aquæ inuase liberè diuagantis ; sit , vt aqua intrâ ipsius cavitatem existens , hæreat maneatque suspensa , & eleuata supra superficiem aquæ in vase existentis , quâ-cum communicat , atque continuatur : vtique , quia non habet , vnde aërem ad implendum locum recipiat , quæ aquam sinat è fistula ad suum alueum cadere vnique cum reliquâ . Quod si è superiori parte spiraculum habeat , per quod aër intrare possit , eo detecto , statim aqua in inum alueum decidit , mox clauso , sistit , & manet intrâ scyphum suspensa . Id quod videre est passim in hortis , in irrigatorio , seu vase illo , subtus ad modum cribri pertuso , quod superius conicè desinit , atque ibi habet os , vnde infundatur aqua ; quo vti solent agricolæ ad irrigandos flores , & herbulas primò nascentes : nimirum , si aperto spiraculo in aquam immergatur , eam exhaurit vsque ad summum : impacto obturaculo , & extracto vase aqua pleno ex alueo , vnde hæc exhauritur , etiam si mille foramina subtus aperta habeat , per quæ aqua dilabi possit , ne gutta quidem exinde cadit , sed tota manet suspensa intrâ vasis aluum : & remoto impedimento subintrandi desuper aëris , confestim tota quanta est , è vase dilabitur , & in imbrem artificiosum conuertitur . Et alia sexcenta eiusmodi experimenta possent adduci in huius rei comprobationem : quorum omnium vna & sola ratio est , impedimentum aut appositum , aut remotum ad implendam alio corpore vacuitatem ab vno relictam , per recessum , aut condensationem ipsius : idque totum ad vitandum vacuum Naturæ inimicum , & eius operum destructorem : quod item accidit in aqua per Aneliam sursum attractâ .

79 His ita constitutis , & apud omnes hucusque pro indubitato receptis , insurrexit nostra ætate P. Enmanuel Maignan Gallus , è sacra

crà Minimorum familia, vir in perscrutandis Naturæ arcanis sagacissimus, atque experientissimus, qui nouam philosophiam in ueram causam mirabilis huius aquæ ascensus per antliam innehens, negat id fieri per nifum naturæ reformidantis vacuum, sed simplici pressione aëris incumbentis aquæ, quæ antliam circumambit.

Id autem probat vniuersali principio, quod graua omnia propria quæque conditione, naturali impetu in commune centrum trahuntur, & in eo tandem quiescunt: atque ad id assequendum, adeo cæco, ut ita dicam, ductu feruntur, ut nisi impediuntur, ad certam distantiam maiorem, aut minorem, prout vniuscuiusque natura, exigit, ad illud, certo quodam libramento se sistant. Hoc equidem ostendit ingeniosus vir, & explicat apertius euenire in fluidis. Si duo, inquit, graua fluida non commiscibilia, & inaequalem habentia grauitatem in specie, ut sunt aqua, & Mercurius: mittas vnum hinc, & aliud inde, in duo crura syphonis erecti, ac liberè utrinque aperti; illa quidem initio, dum certatim nituntur ad grauium commune centrum accedere, pellunt se, & repellunt, alternis vibrationibus paulatim minuendis, donec tandem conquiescant. Sed nimirum ita quiescent, ut suprema superficies grauioris, minus à grauium centro distet, quam suprema alterius, pro ratione inaequalitatis inter grauitates. Ad hoc ponit exemplum in figura, à qua, ne morosus sim in alieno, supersedeo. Id etiam manifestat in solidis: Nam si plurimum, addit, rudetis in fundamentis ingeras, aut in fossam; ruunt illa quidem temerè injecta nutu suo, moxque alia alijs insident: & si forte quod inferius cadit, inde submoueris, statim alterum irruit, & locum præripit: Omnia enim toto se grauitatis molimine premunt; urgentque deorsum. Attamen, si propter angulosam, aut aliàs minusabilem formam, siue ob situm tumultuario casu arreptum, non ita sibi proximè cohærent, ut fossæ totum totaliter spatium compleant, sed spaciola relinquunt inter se multa; si glaream & arenam superinijcias, insinuabunt se illa usque ad solum, quantum poterunt, inter saxa, ac testas, omnesque replebunt cavitates. Tandem quia fieri non potest, quin & ipsa relinquunt etiam aliquod vacuum, quod non sit oppletum; præstabit id quidem aqua, si super hanc congeriem infundas; quæ ratione suæ subtilitatis, & fluoris, insinuabit se, & penetrabit ad cuiusque spatij relictam capedinem, & formam. Ex quo clara luce patet, grauitatis beneficium esse, quod locus omnis in ea fossa compleatur. Si enim id non agit grauitas, quæ vi pellitur inde, & ab his omnibus, aër leuior, qui nihilominus per se prius omne æquè locum complebat? Eodem modo cum proportione fit à grauibz omnibus intra totam grauium sphaeram, ac præ-

fertim in Antlia, aëre vi extruso aquam premente, ac propellente.

81 Hæc Maignanus, subtili quidem discurfu, & experientis oppidò conuincentibus; sed non admittitur à Gaspare Scoto in *sua Magia Aërotechnica* cap. 2. Nam exinde, ait, tantum inferri potest, graui tunc sibi cohærere, & implere locum in Vniuerso, quando reipsa feruntur ad centrum, non quando ex ipso vi aliqua feruntur sursum, & ab ipso recedunt, vt succedit in Antlia, etiamsi minus grauiæ sint quæ illa repellunt, vt est aër respectu aquæ.

82 Nolo ipse hanc nobilissimam litem calculo meo dirimere, sed alijs lubens relinquo dijudicandum, quinam propius ad veritatem collineet. Solum hoc obiter addo ex eodem Scoto in *Magia Hydrotechnica*, curiosissimam quæstionem, An videlicet per agitationem Antliæ, produci possit motus perpetuus, quemadmodum vnâ similiten machinam perpetui motus initiatricem compegit, & ordinauit P. Achanasius Kircherus Romæ in Collegio Romano, quam probè descriptam atque delineatam postea exhibuit in *Arte Magnetica* secundæ editionis, in Appendice post cap. 3. lib. 3. par. 2. Aliam conuinilem Machinam, ipso Scoto teste, ac referente, insignis Mathematicus, Valentinus Stransel conspicatus est; cuius Ideam proposuit Præge, ac doctissimorum virorum examini, censuræq; subiecit, qui erant publici Professores in eâ Vniuersitate. Quâ nimirum se putat inuenisse artificium perpetui motus, atque obtineri posse per Antliam, si vis impressi motus pensetur, & omnis discursus à materia abstrahatur. Si nimirum excogitetur, vt tantum aquæ ascendat per Antliam, quantum exinde fingatur defluere in rotam, quæ Antliam agit (id quod exemplo commoustrat, ac delineauit Scottus in lamina) Hoc autem pendere ait, à proportionem vectis primi generis, siue radiorum vectis ad pondera. Nam si id tandem obtineatur, non dubitat quin excitari, & continuari per longum tempus queat motus perpetuus. Hanc machinam mente solum ab authore conceptam, ad opus redegit, & compingere nifus est Iacobus Dobrzensis de Nigro Ponte, Medicus Pragensis cuius schema exhibuit in Opere quod *De Admirando fontium genio* inscripsit, ex quo exemplar desumpsit Scottus, ac retulit loco cit. Addit demum Author, artificum sagacitate, & Mathematicorum directione, facilitari aded posse motum rotæ, & Antliæ, vt exigua aqua quantitas sufficiat ad motum illi imprimendum. Vnde, si temporis tarditas compensaretur eleuatione aquæ, vel per plures tubos, vel per vnum tubum capaciorem, posse utique tantum aqua continuè eleuari, quantum interim eodem tempore decidit. Id quod fieri posse autumat vniuersali principio, ex Aristotele, Archimede,

mede, Stevvino, Guidobaldo, ab alijs Mathematicis conmuniter admissio, atque irrefragabili experientia comprobato; quod, Si potenti à velli applicata, eandem ad applicatum pondus proportionem habeat, quam distantia ponderis ab hypomochlio, ad distantiam potentie ab eodem, sit æquilibrium, seu quies; & potentia sustinet pondus. Si vero in velle distantia potentia à fulcimento ad distantiam ponderis ab eodem, habuerit maiorem proportionem, quam pondus ad potentiam, tunc potentia mouet pondus. Hæc præfatus Author. Quæ vera sunt, & infallibilia, si diuisim, & per partes hi motus perficiantur; collectiue autem, & in pluribus contrarietibus motibus, harmoniam, hanc seruare, & assequi, est impossibile: quoniam quod vnus incipit, alter abruptit, & potentie vis semper lentescit, atque attenuatur contrariorum nisu, & ponderum grauitate: quod fieri nequit, vt veniant ad æquilibrium, & multò minùs, vt ex maiori distantia à pondere, obtineatur maior proportio velli ad pondus, in ordine ad illud trahendum. Quare meritò, qualiscumque sit effectus qui ex tali artificio prodire potest, eum vt frustratorium, & vanum, reijcit idem Scottus loc. cit. quia nunquam viam parare potest ad motum perpetuum.

ANTOCHE, græcè idem sonat ac coherentia, siue mutus nexus duorum, qui sibi inuicem opulentur. Assumitur sæpius hoc vocabulum ab Aedificatoris artis Scriptoribus, ad significandas in ædificijs appositæ ad angulos ferreas clauës & fascias, quæ duos conuenientes parietes mutuò nectant, ac firmant: vt sunt etiam longi stipites, qui subtus fornices, vtpurimum apponi solent ab angulo in angulum excurrentes, capitibus hinc inde parietibus infixi, & benè veltibus obfirmati, vt structura consistat, ac terræmotibus, alijsque violentis concussionibus, ne facillè cedat. Hos nos Catenas vocamus.

A O

AORISTAE, græco vocabulo, nominantur à Mathematicis Scriptoribus, quantitates, quæ magnitudine, aut numero, in infinitum excreſcunt. Non quòd actu dari supponant; sed quòd potentia sint, & mente concipiantur: quas potius indefinitas dixeris. Vt cum dicitur in Postulatis: *Datam lineam in infinitum protrahere*. Euclid. lib. 1. Aut de linea Conchoide, vel Asymptotis, quòd, etiamsi in infinitum producantur, atque ad hyperbolicam sectionem hæ semper magis ac magis accedant; numquam tamen fiet, vt conuenire possint, & in angulum vniantur. Hæ, inquam lineæ, aut magnitudines, aut numeri in infinitum procurrare, saltem mente conce-

H

pta,

pta, *Arista* apud Græcos Scriptores audiunt.

AP

- 85 APODIXIS græcè idem valet ac Demonstratio: unde *Syllogismus Apodicticus*, *Propositio Apodictica*, atque etiam *Principia Apodictica* communiter apud Philosophos, & Mathematicos audiunt: quæ nimirum ex terminis per se notis, aut ex præmissis concessis, & euidenter probatis, necessariò consequuntur. Sed specialiter Mathematici, qui per certas, & euidentes demonstrationes in suis Problematibus, & Theorematibus procedunt, hunc sibi proprium concludendi modum, *Apodixim* dixere. Hæc autem sex partibus integratur: namque primò in eam conuenit simplex propositio rei demonstrandæ, quæ *Protesis* dicitur, hoc est, *Praambulum*: sitque aut per Theorema assumptum ad construendum, aut per per Problema; quæ ambo habent suum subiectum, & prædicatum; seu, vt ipsi loquuntur, *Datum*, & *Quæsitum*: vt exempli gratia. *Datam lineam in duas aequales partes secare*, quod est id, quod ad demonstrandum proponitur. Secundò constat Expositione subiecti; vt disponantur, & præparentur necessaria ad constructionem perageudam. Tertiò, de terminatione, & applicatione prædicati ad subiectum, seu affectio nis quæsitæ. Quartò, Præparatione subiecti ad inuestigandam rationem quæsitæ, per certa assumpta principia per se nota, & ab omnibus admissa. Quintò id fit per veritatis, & assertionis comprobationem. Sextò tandem clauditur Demonstratio *Conclusione*, in qua repetitur propositionis affirmatio, tanquam iam ostensa, & comprobata: vt si dicas. *Hoc præstito*, iam *Restat linea in duas partes aequalis est sexta*. Et in fine semper additur: *Quod demonstrandum, vel faciendum erat*. De quibus omnibus membris, distinctè agit Clavius in Euclidem, datis exemplis ad praxim, & nouissime Vitalis Iordanus, in suo *Euclide Restituto*, in Prologomenis.

- 86 APOPHYGES in Architectura, ex Vitruuij directione, pars est extrema Columnæ, quæ aut immediate subest capitello desuper imposito, aut adiacet basi, seu spiræ, quæ illam sustentat. Sed qualis ea propriè, & signanter sit, Interpretes non conueniunt. Siquidem Vitruuius ipse, cum de ea parte, præcepta tradit; modò confundit, & miscet cum Toro; modo cum Hypotrachelio; sic enim loquitur lib. 4. cap. 7. *agens de basi. Torum insuper cum Apophygi crassum quantum plinius*. At de superiore, quæ infra capitellum est, ita habet: *Capituli crassitudo dinidatur in tres partes; è quibus una plinbo, quæ est pro abaco, detur: altera Ecchino, tertia hypotrachelio cum astragalo, & Apophyge*. Ecce quomodo non distinguunt, sed partem

tem hanc cum alijs miscet. Philander in hunc locum, *Apophyges*, inquit, cum quadra referi scotia partem dimidiam inferiorem, siquidem, in imo scapo nominantur, aut basi, ut in hoc loco. Cum verò in superiore scapo dicitur, refert scotia cum sua quadra partem superiorem, ut paulò post: vocaturque *Apothesis*. Aliunde in Notis ad cap. I. eiusdem libri, *Apophygem* solummodo pro ipso complexu partium interpretatus fuit. Nam ex conflexibus, ait, tantum columnarum crassitudinem intelligendam arbitramur, non ex calce, aut summo astragalo. Baldus e contra negat *Apothesis*, *Apophygem*que denotare conflexum, contracturæ scapi, sed vult ad eam tantummodo partem denotandam referri, quæ ad modum annuli, imam summamque partem columnarum reuincit. Et idè, ait, *Annulus à Nostri vel Cimbria pro cingia appellatur*. Et paulò post ad nominis etymon recurrens, subiicit: *Vtrumque vocabulum à Græcia oriundum Apophyges, & Apothesis: quanquam declinatione mutata Aitruuius Apophygym dixerit. Primum, Effugium valet, Remedium, Euitatio: Secundum, Remotio. Sed quorsum hæc? inquit: ipsemet sibi obiecit, & responder addens puichram, rei que ex intimo explicandæ accommodam eruditio-nem. Veteres Architecti, ait, Philandro teste, ex roboribus perpetuis, & non dolatis columnas fecere: quarum capitibus, ne ad pondus sinderentur, ferreos annulos addidèrunt. Postea marmorearum in calce, latum annulum sinxerunt, quem Vitruuius, ut ipse inquit, *Apophygem* nominavit. Qua cum ita sint (concludit) putamus, fieri posse, idè annulum, illud nomen sortitum, quòd contra diètas scissionses fissionesque esset remedium, & effugium, hoc est *Apophygi*. Hucusque Baldus: qui certè, meo iudicio, rem intrà cutem tetigit, aut saltem propius ad Scopum collineauit. Sed vide quæ mox dicemus in V. *Apothesis*.*

APOTHELESMA, celebre, atque vsitatissimum Ptolemæo, eiusque sectatoribus, vocabulum: significat autem ex græca origine, simpliciter sententiam aliquam indubitatam, quæ ex certis principijs euidenter concluditur: vade inter Aphorismos, & admissa ab omnibus Axiomata computatur. Abusiue tamen & pressius ab Astrologis accipitur pro effectu horoscopi, seu iudicio, quod resultat ex constitutione Cælesti, & habitu siderum ad se, & ad horoscopum, in alicuius Natiuitate. Ex quo Astrologia Iudiciaria in multis temeraria, mendax, & damnata, honestiore vocabulo *Astronomia Apothelesmatica* à plerisque nuncupari solita est. Reipsa tamen, *Apothelesmatis* notio aliud non indicat, quam perfectiones, & consummationes effectuum naturalium, necessario procedentium, ex naturali cursu, atque idè cum suis causis cælestibus, colligato-

rum, & aliquando earum significatis, suo tempore respondentium.

88

APOTHESES apud Græcos, idem valet, ac si diceret, *Repositio*. Architecturæ tamen vocabulum à Vitruvio ad significandum in Opere architectonico, eam Columnæ partem, quæ immediatè subest Capitello, ut modo in *Apophyge* diximus. Quam, quia aliquandò confundit cum Apothèsi idem Vitruvius; bene Philander rem enunciat, ac distinguit; demonstrans ex Vitruvio, Apophygem vocari promiscuè utramque scapi terminationem; summam, & imam; Apothèsim verò singulariter denotare eam partem, quæ iungitur Capitello. Sed dictum probare aggressus, contrà mentem Vitruvii, ad aliud sermonem inflectit, & vult, Apothèsim significare supremam partem Scotiæ, ut clarè apparet ex eius verbis; quæ in Apophygi paulò antè retulimus: & concludit: *Vocaturque Apothesis*. Placet quidem discursus, sed non placet assertum; quia non ad partes columnæ refert, ad quas alligat huiusmodi voces Vitruvius, sed ad Scotiam, quæ ab eà distincta, & seiuncta res est. Quod est directè contra mentem Vitruvii, qui absolute in imo, ac summo scapo columnæ, Apophygin, Apothèsimque constituit: quod ideo ad ipsum corpus Columnæ, non ad partem ab ea diuisam & disparatam, referri debent. Id quod ipsemet Philander alibi annotavit, & eam partem vocavit annulum; quia antiquitatis, cum adhuc columnæ non essent marmoreæ, sed ligneæ, ex vno continuato trunco; ad earum extremitates, ne ponderes fingerentur, apponebantur annuli ferrei, qui necessariò prominere aliquantulum requirebant: quo firmamento, Columna lignea aduersus scissuras remanebat optimè munita. In cuius postea locum succedente marmoreâ, visum est, hoc, non tam animen, quam ornamentum in eà relinquare, ut ex quo, & ad quid primitus institutum fuerit, indicaret; uti, & triglyphi, & metopæ, & ceteri, & alia id genus, in Coronis, & Supercilijs ædificij prominentia, ex simili ratione originem traxere. Ergò, ut ad caput redeam, Apophygis promiscuè pro utraque Columnæ parte, in quam terminat, quæque annulum refert, accipienda est; Apothèsis rigorosius pro parte superiore, quæ immediatè à Capitulo premittitur. Et hanc vocabulorum distinctionem circâ vnam eandemque rem, quæ per ea significetur, non oscitanter à Vitruvio factam crediderim: quandoquidem eiusdem membri, quod in basi consideratur, facta postmodum in Capitulo, seu verius in summo Columnæ scapo, replicatio; & distinguit officia, & verè ad effectum responderet, græcicæque

que notionis expreſſionem, quā hæc replicata Columnæ pars, ſignatè dicitur *Apotheſis*, hoc eſt *Repoſitio*.

APOTOME, Græcè idem ſonat, ac Latinis *Abſciſſum*. Ab Euclide, & cæteris Geometris preſſius accipitur, arque adaptatur ad ſignificandam figuram aliquam, aut lineam irrationalem, quæ reſultet, & reliqua ſit, ex abſciſſione vnius partis rationalis, ab tota quadam rationali, quæ, vt & abſciſſa, ſit potentiâ tantum commenſurabilis. Hæc, inquam, quæ ex facta reſciſſione remanet, erit ſemper abſolute irrationalis, nè potentiâ quidem commenſurabilis, vocaturque *Apotome*. Sicut econtrâ, quæ ex duabus potentiâ ſolùm commenſurabilibus, coaleſcit in vnâ, erit ſimiliter irrationalis; & appellatur *Binomium*, hoc eſt compoſitum ex binis nominibus; (quæ, ſingulæ ſeorſim ſumptæ, ſecundum propriam cuiuſque conditionem obtineant) coaleſcit. At de hac, ſuo loco. Nunc autem, quia ſex modis concipi poteſt hæc abſciſſio lineæ, vel figuræ commenſurabilis ab integra aliqua, item potentiâ commenſurabili, ita ut quæ ex abſciſſione ſuperet, maneat proſus cum verâuis incommenſurabilis; ſex ſpecies Apotomarum aſſignantur, vt & Binomiorum, in compoſitione duarum potentiâ tantum commenſurabilium. Aut enim maior ex his potentiâ tantum commenſurabilibus, plûs poteſt, quàm minor; adeoque differentia potentialis, eſt Quadratum, cuius latus lateri maioris eſt menſurable: & hoc genus parit tres ſpecies Apotomarum, prout cum alia quadam rationali, vt mox dicemus: Aut ſanè vna poteſt magis, quàm alia; & differentia potentialis eſt Quadratum, cuius latus eſt incommenſurable lateri maioris: & hoc item diuiditur in tres ſpecies Apotomas, eodem ordine, ac primæ. Nam, ſi maior ſit rationali commenſurabilis, & illa tantum plûs poſſit ſuprà adiunctam, quantum eſt Quadratum rectæ alicuius eidem commenſurabilis etiam longitudine; ac tota etiam ſit commenſurabilis longitudine, propoſitæ rationali; quod reſiduum eſt, vocatur *Apotome prima*. Si autem adiuncta ſit commenſurabilis longitudine propoſitæ rationali, ac tota ſimul, plûs poſſit ſuprà adiunctam, quantum eſt Quadratum lineæ rectæ eidem longitudine commenſurabilis; dicitur *Apotome ſecunda*. Si verò neutra ſit longitudine commenſurabilis propoſitæ rationali; ac tota plûs poſſit, quàm adiecta, quantum eſt Quadratum eidem rectæ longitudine commenſurabile; quod reſiduum erit, appellabitur *Apotome tertia*. Quodſi tota tantum plûs poſſit, quàm adiecta, quantum eſt Quadratum lineæ rectæ ipſi incommenſurabilis longitudine; ac tota ſimul commenſurabilis longitudine propoſitæ

fixa rationali; exinde *Quarta* exurget *Apotome*. Præterea, si adiuncta commensurabilis est longitudine rationali propositæ; quod residuum est, dicitur *Apotome quinta*. Tandem si neutra ex his fuerit commensurabilis longitudine rationali propositæ; segmentum illud ex scissione vnius partis ab tota, dicitur *Apotome sexta*. Et hæc quidem est tota doctrina, & expansio quantitatum Apotomarum. Quæ fortè Tyronibus, & alijs ad alia studia applicatis, videbitur discursus de Umbra Asini, aut de Lana Caprina, ex qua nil tandem utilitatis capteret, uti Diogenes Cynicus æstinavit, ac derisit geometricas quasdam operationes à non nemine sibi ad informationem, ostensas. At non profectò his, qui rem medullitis penetrant, quique his ad praxim utuntur in Geometria, in quantitatum proportionalitatibus discernendis, in Arithmetica, in additionibus, ac subtractionibus faciendis: in Architectura, in dispositione ac distributione partium in ordine ad totum ædificium ritè constituendum, &c. uti etiam in Musica, quæ dulcisonè auribus insonat,

90. *Apotome* appellatur *Semitonium* cum commate in superpartiente proportionem observatum. Quæ de re, uti & de consonantia, ac dissonantia ex integritate, aut rescissione tonorum simul concurrentium resultantibus, perindè ac practicatur in lineis rationalibus, & irrationalibus, commensurabilibus, & incommensurabilibus à Geometris, vide quæ elegantur habet *Barbarus* in *Vitruv.* lib. 5. cap. 4.

91. **APPLICATIO** apud Geometras audit adaptatio vnius quantitatis ad alteram, quæ sit eiusdem ambitus, aut magnitudinis, licet non æqualis figuræ: Ut, cum proponitur ab *Euclide* lib. 6. probl. 8. *Ad datam rectam lineam, dato rectilineo æquale parallelogrammum applicare.* Et propof. 29. *Ad similiter datam rectam lineam applicare parallelogrammum æquale rectilineo, quod tamen in figura parallelogramma, simile alteri dato parallelogrammo.* Hæc inquam, artificiosa transmissio vnius figuræ in aliam diuersi generis, (ita tamen ut vnius area alterius aream, aut magnitudinem non excedat, sed omninò æquales inueniantur) in geometricis operationibus; *Applicatio* appellatur.

92. **APPLICATAE** eodem modo nominatæ sunt in Sectionibus Conicis ab *Apollonio*, lineæ parallelæ perpendiculariter, seu orthogonaliter cadentes ad axem Sectionis, quæcunque ea sit, siue Parabola, siue Hyperbola, siue Ellipsis; itaut axis æqualiter eas per medium dirimat, atque earum extrema incidant in eandem Sectionem,

gem, & terminentur in punctis sibi inuicem oppositis. Est autem, Axis sectionis conicæ, linea recta à vertice ipsius Sectionis in centrum basis immissa, qui, si dictas applicatas bifariam secet ad angulos rectos, dicitur etiam *Diameter sectionis*; ipsæ verò parallele ab extremo ad extremum sectionis transversaliter ductæ, dicuntur *Ordinatae*, siue *ordinatim ad Diametrum applicatae*; vti etiam earum senissis, quæ intercipitur inter axem & sectionem. Partes autem axis, quæ intercipiuntur inter applicatas, & verticem sectionis, dicuntur *segmenta axis*, seu partes interceptæ. Sed de his clariùs, cum de Sectionibus Conicis.

APSIDIS, & ABSIDA in Architectura, est species quædam seu potius pars ædificij arcuata, cum fornice desuper item in conchâ formatam extructo, quæ in Templis ac Sacris potissimum Aedibus ap-
poni solet, & est ea signatè, quam nos *Tribunam* vocitamus, in digniore loco ad Aram maximam, quæ in medio sita est, circumple-
stendam, atque ad finem presbyterij terminatur, & claudi vt pluri-
mum solet cancellis, ad maiorem venerationem, vetandumque pro-
phanis ingressum. Nomen hausit ex græca notione (inquit Isidor. lib. 5. cap. 8.) quæ latine interpretatur *Luciada*. Benè verò ei aptatur hoc epitheton, quod lumen simul & arcum sonat, eoquod; (vt obseruat Valfridus Strabo de Reb. Ecclesiast. lib. cap. 6.) *lumine accepto per arcum resplendeat*. Solet enim desuper plurimis fenestris illustrari, vt lumen non solum ipsi apside, sed & toti corpori Ecclesiæ inde reflexum impertiant. Hic sisti alicubi solet psallentium Chorus, vbi Horæ Canonicæ decantantur, ac Missæ Conventionali, quæ in Ara maxima celebratur, ab vniuerso Clero assistitur, & ideo circuitum, stallis, & subsellijs ornatur ad assistentium seruandum ordinem, ac maiestatem. Cuiusmodi ornatissimam, si vlla est, vidi Patavijs in celebri Templo S. Iustinæ, vbi, distinctis in loculis, ora vita Saluatoris nostri in nuce, anaglyphico opere exsculpta est.

A Q

AQVAEDVCTVS, vt nominis complexio præsert, in Architectura dicitur artificiosa constructio, per quam aqua ex sua scaturigine, de longè deducitur in urbem, aut locum, vbi eà opus est, id operariorum, acciuium commoditatem: idque siue per subterraneos cuniculos in canalibus ritè dispositis, & inter se coaxatis; siue per superstructam longo, & sæpè flexuoso itinere, viam, opere cuncto. In quo quidem negotio summa Architecti peritia, & diligentia requiritur, non minùs, quam in magnis ædificijs construendis, pro librandâ benè aqua, vt liberum cursum habeat, & nullum

offendat impedimentum, puta, loci supereminentiam, quæ forte remoretur. De hac re, ac vario ducendi modo, luculenter agit Vitruv. lib. 8. cap. 7. & ante ipsum, Frontinus, integro tractatu de *Aquaductibus*. Vbi tria distinguit deducendarum aquarum genera, pro locorum qualitate, per quæ aquam traducere necesse est: aut per *Canales struiles*, hoc est arcuatum opus, supra quod canalium ductus constituitur, ut explicat Philander: aut *fistulis plumbeis* sub terram dispositis: aut *tabulis fistilibus*. Palladius addit quartum, nempe per canales ligneos; ubi de singulis præcepta tradit. Quod si montes interiecti, aut aliz quævis prominentiæ cursum aquæ præpediunt; tunc præcipit, effodi specus sub terra, librarique ad fastigium: & si *tophus*, addit; erit, aut *saxum*, in suo sibi canalis excidatur. Sin autem terrenum, aut arenosum erit solum, parietes cum camera in specu styuantur, & ita producat; puteique ita sint facti, uti inter duos sint altus. Puteos autem hic vocat æluaria, siue spiramenta, interposita, quò aër inclusus ab aqua propulsus spirare queat, & foras exire; sicque aqua eo impedimento soluta, liberè currat. Palladius verò lib. 9. cap. 2. ad id aliter, & melius fortè providit. Si quis mons, ait, interiectus occurrerit; aut per latera eius aquam ducemus obliquam, aut ad aquæ caput speluncas librabimus, per quarum strucluram perveniat. Sed in libranda aqua tota res est, quæ in eo consistit, ut conferatur altitudo loci, unde illa primum emergit, cum eo ad quem deducenda est; siue id fiat lineis rectis, siue obliquis: Aqua enim ex insitâ naturâ, tantum ascendit, quantum est eius descensus; ita ut respondere debeat ad parem altitudinem terminus cursus, ad initium motus, ac referantur pedes ad caput. Quod pluribus modis perfici potest, quos videre licet apud eosdem auctores, Vitruvium, & Palladium. Hinc

AQVILEGIA vulgò dicitur Ars, seu doctrina colligendi, librandique aquam in canalibus, quæ alio nomine dicitur *Hydrotholia*.

A R

96 ARACHNE apud Vitruv. lib. 9. cap. 9. dicitur species quædam horologii solaris, quod, quibusdam lineis interstinctis, quæ circulos verticales, seu altitudinum Solis signant, spatia horarum habet distincta, & suis terminis coarctata. Quod, quoniam araneæ opus ad captandas muscas, imitatur; *Aranea* nomen accepit. Eius speciem affabre delineatum habes in Kircheri Arte Magnetica, & apud Scotum in Cursu Mathematico.

97 ARCA, propria notione (quoniam inquit Varro ab *arcendo* dicta) in

In genere Architectonico, apud Vitruuium, est quoddam Aquarium septum, quod nos *Cataractam* vocamus. Fit enim statis in locis, ad retinendum aquæ fluentis impetum, vel etiam inundantium, fluminum dilatationem, ne aliâs, aut campos obruant, aut ne præterfluens supra modum aqua, locum vadusum relinquat, ac propterea nauigiorum permeationem impediât. Quamquam Vitruuius de his sepimentis, & repagulis agit, quæ portibus maris superstruuntur ad continendas aquas: ait enim. *Sin autem propter fluctus aut impetum aperti pelagi, destinata arca non potuerint contineri; tunc ab ipsa terra, siue crepidine, puluinus quam firmissimè struatur.* Cæterum, de vtriusque eadem est ratio, & idem struendi modus: quem latè explicat Philander in hunc locum. *Figuntur, inquit, excavata, & sulcata à summo ad imum, tigna pari inter se spatio: vbi obfirmata sunt tam longa, quam magnum est intervallum, & aliquantò plus, sed proportionè caui, crassæ comparata tabulæ induntur in summis canalibus, adiungunturque, ut ad infimas usque partes descendant, induntur alia supra alias, ut benè cohæreant dum ad eam altitudinem septum erectum sit, quæ est necessaria.* In alio sensu aliquantum diuerso, *Arca* nomen vñt. panit idem Vitruu. lib. 6. cap. 3. vbi de Cauis ædium agens, dicit: *Displuniata autem sunt, in quibus deliquit arcam sustinentes stillicidia reijciunt.* Videtur enim hic pro *Arca* intelligere vas quoddam, aut canalem, in quem diffuens è stillicidio aqua, recipiatur: licet Philander suspicetur mendum irrepsisse, eoquod in aliquibus exemplaribus, aquam pro *arca* scriptum inuenerit.

ARCA etiam apud Agrimensores, & Gromaticos accipitur pro 98 limitibus, ac terminis agrorum, quibus vnus ab alio separetur, atque ab ijs confinij, vnusquisque suam possessionem discernat, ac publico iure possideat. Sic Frontinus de Colonij: *Limitum*, inquit, *delineatio est per rationem arcarum.* Et alibi, in definiendo agro Adriano; *Finitur*, ait, *per rationem arcarum, riparum, &c.* & Papias impositi iure nominis, rationem reddens, inquit. *Fines enim agri custodit, eosque adiri prohibet.* Ex quo benè aduertit Carolus du Fresne, in suo Glossario, quod *Arca* est nomen genericum, quo termini omnes significantur. Vnde latius patet *Arca*, quam *Actus*, (de quo supra) nam hic certum ac definitum spatium in longum, & latum definit, *Arca* verò transcendit per omnia genera limitum: Quod si intrâ breues limites agrum claudit, *Arcella* nomine sæpè indigitatur, vt videre est apud eundem Du-Fresne. Cassiodorus autem ex Theodorici Regis mandato, circa agrorum diuisionem, in iudicio contradictorio sententiam proferens, *Arcam* nominat, lib. 3.

Varior. cap. 52. *Miramur*, ait, *tanta animositate fuisse ligatum, quod, aut terminis testibus, aut fluminum ripis, aut arcaturis construdis, alijsque signis evidentibus constat esse definitum.* Atque ideo Hyginus, ubi agit de limit. constituend. Arcam diuissoriam repræsentat formâ quadratâ, atque intus cauâ, ad modum arcæ penuariæ, in qua vestes, opes, & alia reponuntur, & occluduntur ad custodiam; & inde vult esse derivatum nomen ad has limitares, & aruales Arcas, seu Arcellas. Sed vide Salmasium in exercitationibus Plinianis ad Solinum, ubi doctè, ut in alijs solet, rem istam examinat, & profequitur.

99

ARCAE similiter in re militari appellantur certæ rescissiones, seu valla humiliora, quæ sunt ponè muros vrbis obsessæ, quibus tegitur miles prædiciarius, & tutò consistit, ut possit ibi latitans, fossam defendere, & transmeantem hostem armis impetere, longiusque tenere. *Caponerias* nostri vocant. Et sanè, ubi locus non admittit promuralia, quas *Falsas-Bracas* vulgò nominant, vtilis oppidò sunt huiusmodi Arcæ: quinimò in Urbibus, & Regalibus munitis, quæ muros habent lapideos, ubi incommoda sunt promuralia, opportune admodum sunt huiusmodi Arcæ, quæ momentò excitantur, & sine periculo fiunt: At ubi locus est aggestitius, plùs damni ex his vallis depressioribus obuenit, quam emolumenti: idque ob cadentem materiam ad hostium ictus, quæ subiectum militem, nequicquam evadere valentem, impune opprimeret. Nihilominus, si necessitas urgeat, & hostis insistat, poterit statio fixa in ijs poni, & contegi crassioribus tabulis, quæ cadentem materiam recipiant, & sustentent; quæ proinde ad vnum, aut alterum pedem terræ operiri debet, quæ molliter, cadentem ruinam excipiat, sicque tutò possit prædiciarius in ijs stare.

100

Locus autem, ubi huiusmodi Arcæ debeant collocari, est præcipue ante alam Cortinæ, seu propugnaculi, quod hostis impetit. Modus verò easdem excavandi, hic est. Fiat fossa lata septeni, aut octo pedes, profunda quatuor, aut quinque; ex qua terra effossa cumuletur in tumultum ad eam partem quæ hostes spectat, itaut sit ad modum aggeris, duos pedes supra planum soli eleuatum. Hæc demum fossa, ubi opus est, tabulis, ut supra, crassioribus tegitur, fiuntque fenestellæ in erecta lorica, ad prospectandum quid ab hostibus moliatur: sicque, & aggressores, si quid attentent, facile opprimi possint, aut saltem repelli; & defensores sine offensa suam stationem seruare. Hæc omnia ex Milliet De-Cales tom. 2. lib. 6.

AREA, teste Valla, dicitur Campus, seu planities, nullo ædium, aut arborum altitudine impedita, quæ oculis circumquaque spectari possit, & liberè peruagari. Simpliciter autem accipitur in Geometricis, pro spatio quod concluditur intrâ latera alicuius figuræ planæ, quibus terminatur, & circumscribitur. Quæ, si fuerit angularis, plura habebit latera ad numerum Angulorum respondentia, ut aliàs dictum est; utpote triangularis, quadrilatera, pentagona, &c. Si verò hæc fuerit vnica lineâ comprehensa, quæ ad caput redeat, nullum admittens angulum, tunc erit circularis, aut oualis, atque ideo Area ipsius, erit spatium illud, quod à tali lineâ comprehenditur. De quarum omnium dimensione, ad rationem laterum, & angulorum, vel peripheriæ, quæ illam includit, diligentissimè agit Proclus in Commentar. ad primum librum Elementorum. Pari ratione

AREAM vocant Architecti locum in ædificijs, in ima planitie, Aratum sub dio, vndique parietibus clausum: ceterà, spatiosum & cælo apertum, per quem homines discurrere possint, & liberè deambulare. Id quod in Architectura militari maxime obseruatur in constitutione Munimentorum, vbi Area in medio arcis, in propugnaculis, & alibi, probo loco disponitur, ut eò se colligere miles possit, & ad opus, ad quod aduocatur, accurrere. De Arearum forma, amplitudine aut breuitate, ordine, dispositione, ac symmetrijs, tam in ciuilibus ædificijs, quàm in bellicis munimentis, agemus in loco, vbi recurrit sermo. Interim vide quæ generaliter habet Leo Bapt. Albertus, de re ædificatoria, lib. 9. cap. 6.

AREOSTYLOS nominantur à Vitruuio magnifica ædes, cuius facies, & prospectus, nimia, quam par est, aperturâ, & intercolumnio exinanitur, rarasque ac diductas valdè admittit columnas; quod vitio Architecturæ vertit. Ut autem rectam rationem eas optimè, & secundum Eurythmiæ leges architectandi traderet, ex Antiquorum vario eas ponendi vsu, quinque species ædium memorat, quas & suis nominibus ex Græca notione desumptis, ad maiorem expressionem, & grandiloquentiam insigniuit: sic enim habet lib. 3. cap. 2. Species ædium sunt quinque, quarum ea sunt vocabula: Pycnostylos, idest crebris columnis; Systylos, paulò remissioribus; Diastylos, amplius patentibus; Areostylos, rariùs quam oportet, inter se diductis, & Eustylos, internallorum iustâ distributione. Post quæ, doctè discurrens, tradit singularum à spatio intercolumnij rationem; siquidem ab intercolumnio singulæ natæ sunt proprias notio-

- nes, id quod explicat eruditè Philander. Nam, cuius intercolumnium (inquit) non amplius quam unius, & dimidiata columna erit, ab earum frequentia, *Pychnostylos* vocatur. Cùm due crassitudines dabuntur, *Systylos* erit. Si tres, *Diastylos*. Si superabit intervallum tres crassitudines, *Areostylos* vocatur ades. Qua maxime probatur in adibus species, nominatur *Eustylos*: quasi diceret, *Decenter*, & probè Columnata: quæ ita se habet, ut intercolumnium æquet spatium duarum Columnarum, & quarta partis unius crassitudinis. Hæc Philander. Ac nè nominiū græcanicorum, & exoticorum novitas, Lectoris confundat mentem, Leo Albertus opportunè in Latinum: sermonem vertit: *Confertam*, *Subconfertam*, *Subdispansam*, *Dispansam*, & *Elegantem*. *Confertam* vocat, quæ crebris; *Subconfertam*, quæ crebris quidem, sed remissioribus; *Subdispansam*, latè dispositis; *Dispansam*, quæ rarissimis; *Elegantem*, quæ, iustà proportionē, distantibus columnis, constabit. Quod ideo omnium incompactior, ac deterior, quæque ruinam minatur, est *Dispansa*, seu *Areostylos*, (de qua locus in præsentī) utpote, quæ immoderatè ietercapidine columnarum, facit ut *Epistylia* diu consistere nequeant, ac tandem fatiscant. E contrà *Conferta*, seu *Pychnostylos* id habet incommodi, quod brevibus intervallis, ictiones, & liber prospectus impediuntur. Reliquæ tres ad venustatem, & consistentiam factæ; sed omnibus præstantior est, dicta *Elegans*, siue *Eustylos*.

- 105 **ARENATVM OPVS** in Architectura, dicitur prima inductio, seu, ut vocant, *Incrustatura*, quæ parietibus, & fornicibus suprà eandem structuram inditur, dehinc albario, aut leuigato marmore terminata: De hoc ita loquitur Vitruv. lib. 7. cap. 3. *Cameris dispositis, & intextis, imum Calum earum trullissetur; deinde arenâ dirigatur: postea aut creta, aut marmore poliat. Ad quem locum Philander: Testoria, inquit, quæ illinimenta sunt quadam parietum, & quasi panimenta, atque incrustatio; aut calce purâ sunt; & Albarium opus vocatur: aut gypso; & fortasse non sine ratione, Gypsatum appellari possit: aut calce, & arena, & dicitur Arenatum: aut demum marmore, & calce, & Marmoratum nominatur. Ad maiorem intelligentiam, videt quæ diximus in V. Albarium, & alibi.*

- 106 **ARGANVM**, proprio Italicorum nomine, dicitur Machina quædam tractoria, quæ & Ergata communiter nuncupatur: & constat axe erecto, seu simplice, seu qui tympano, in medio, ad facilitorem vertiginem, constituto, sit compactum, hinc inde probè fulturis innixio, versatili; cuius ad caput duo vectes decussatim ad crucis modum

dam traijeiuntur; quorum ductu per gyrum circumagitur ipse axis cum tympano, si aliud habet; & funis eidem applicitus, & conuolutus eius agitatione trahitur, & simul ipse trahit secum pondera illigata, & annexa: itaque facillimè, & leni operà comportentur, aut in altum extollantur. De cuius agendi vi philosophicè inquit Aristoteles in Mechanicis quæst. 13. nosque fuscè dicemus in V. Ergata.

ARGVMENTVM variè audit. Nos, quæ ad Mathesim faciunt, explicabimus. Primò igitur signat initium, seu radicem, unde aliquid demonstrandum assumitur; quæ sunt semper principia per se nota, aut aliàs conprobata. Secundò, id ex quo, seu analogiam, proportionalitatis; uti cum in Trigonometria, lateris alicuius, aut arcus quantitatem quærimus ex notitia angulorum, aut ex comparatione maioris ad minus, inter quæ illud mediat. Tertiò, in Astronomicis, eadem ratione, cum colligitur verus motus & medius planetarum per respectum ad augem eorum, & æquationem apparentis motus, qui terminat ad lineam medij motus; tunc igitur, quod intercipitur intrà duos hos terminos, dicitur Argumentum. Sed de hac re, vide quæ fuscè habet Clavius in Sphæram, & Maginus in Tabulis Secundorum Mobilium.

ARIES, olim in re bellica, celebre erat ac præcipuum in Castris tormentum, ad quatendos muros urbis obsessæ; cuius in locum hodie feliciore ne dicam, an luctuosiore effectû, ænea tormenta, & bombardæ substitutæ sunt, ab orco potius prodeuntes, quam ab ingenio humano, Mathematicis rationibus adinuentæ. Quæ quidem ferreis globis, & pulcre pyrio grauidæ; admotoque igne, plûs damni, explosæ emindis inferunt moenibus, atque hostium cuneis, quàm centum Arietes, similesque machinæ cominûs applicatæ: quod idè, nostris temporibus in desuetudinem abiit. Erat igitur Aries signum, seu trabs firmissima, & oblonga, similis Nauali malo, in cuius extremitate ferreum caput extabat, inflexis cornibus horridum, & ricu ad formam Arietis pecudis, solido & præacuto; quo impetuosè ad murum impacto, mirum in modum, huius compages dissiliebat, & soluebatur in rudera: unde Lucanus appositè cecinit,

..... Nunc Aries, suspensio fortior iclu

Incussus, densi compagem soluere muri

Tentat, & impossitiis vnum subducere saxis.

Et quia, ut dixi, capite acuminato procedebat, aduncisque hinc inde

inde mucronibus ad reuellendos lapides, ceu intortis cornibus, arietis speciem referebat; siue quod ad opus applicitus, modò impellebatur, modò (vt validiorem impressionem faceret) identidem retraheretur, eo ritu, quo se pugnantes arietes impetunt, hoc ei nomen adhaesit. Porro à prima eius inuentione (quam Troianis tribuit Plinius, Tyrijs verò, suisque Carthagenensibus; Tertullianus, aliique emundæ naris Scriptores) rudis admodum, erat, & nuda trabs, ferrea cuspide in capite munita, quæ militum manibus agebatur, ac laceis sustentabatur: at quoniam tali modo adhibitus sæpe effectum carebat, & simplex, & intectus, non tam hostium despectui, quam furori in comportantes insilientium se exponebat, excogitata sunt postea, & adiecta alia adiumenta, quibus & regeretur, & armaretur, atque eleuatus in altum suspensusque ductarijs funibus; & agilius tractaretur, & validius ad impressionem faciendam adigeretur. Ad hunc modum illum describit Iosephus de Bello Iudaico lib. 3. *Est, inquit, Arietis trabs prægrandis, quæ malum navis assimilat. Is solidatur in capite graui ferro in arietis formam, vnde & nomen assumpsit. Dependet medijs funibus suspensus ex alia trabe, velut trutina, quæ trabs tignis utrinque firmis munita est, & sulta. Repulsus verò magna virorum manu retrorsum, iisdemque extorsum statim, & cum impetu reflectentibus, quatit muros prominulo ferro; neque est vlla turris tam valida, aut mania tam lata, quæ, vt primas maximè plagas tulerit, sustinere, & subsistere assiduas res possint. Et hunc, Compositum nominat Lipsius in Poliorceticis; cuius, & alterius imaginem eleganter delineatam exponit pag. mihi 117. & 109.*

109 Verum ego Compositum potiùs dixerim illum, qui habet testudinem, seu ligneam turrinam adnexam, in quam milites recipiuntur, atque vndique recti, tuti possent illum agere, retrahere, & ad opus in tempore admoovere. Quæ idcirco Turris & Testudo Arietaria dicta est; ad differentiam aliarum testudinum, & machinarum, quæ ad alios usus in bellico apparatu comportabantur. Hoc nobile, præsigneque Cetræ cuiusdam Chalcedonenfis inuentum, bellè describit, oculisque spectandum exhibet Hero lib. de Machinis bellicis. *Helicas, inquit, ferreas quatuor, quæ sese in longitudinem usque ad decem cubitos extendant, in anteriori parte clavis affigentes, totumque Arietem tribus funibus, oculo iuxta crassitudinem circumquaque digitorum existentibus succingentes, ac loris eum circulariter ligantes iuxta medium, tribus quidem interuallis, quatuor vero sustentaculis constringebant. Funes verò, qui ab alijs cannabinis funibus ab Arietaria machina pendentibus, Arietem ipsum sustinent, atque inferunt, à ferreis contextis catenis initia sumebant. Pergit postea explicare rationem ipsius*

machinæ Testudinalis Arietem sustentantis, quod nos ad V. Testudo, consultius referuamus. Interim iuuat hic partes enumerare, quæ Arietem componebant, ne singulatim suis locis remissæ, tanquam in frusta sectæ, depereant, interruptoque, vbi magis calet, sermone, Lectoris mens plenâ earum intelligentiâ defrauderetur.

Igitur partes, quæ Arietem integrant, quasque non incongruè membra appellat Hero, sunt imprimis duo ligna, quæ dicantur *Iuga*, eoque iustar bouini iugi coniuncta sunt, eaque vnâ cum alijs duobus ad calcem appositis, & pari modo coniunctis Basim constituunt. Secundò veniunt *Peritomidæ*, quæ sunt duo item ligna transversa, à quibus retinentur iuga, ne diuaricent, aut dissiliant. Quæ proinde duo ligna, docet Heron, esse mediûm dissecanda (instar quorundam pugillorum iuga ipsa veluti apprehendendum), in anterioribus nempe, & extremis partibus; in lateribus verò, instar cheloniorum, ijs similibus, quibus valuarum cardines inniuntur. Sunt etiam quas vocat *Syngiptas*, ac si diceres, sinuul incuruuantia: ligna videlicet quædam incurua, ac dedolata, in eorum morem, quibus nauium carina compingitur: quæ profectò deseruiunt ad sustinendam contignationem dorsi testudinis arietariæ, & cum depressior fuerit, exiipiat, & resistat iaculatorum ictibus. Tandem concludunt Machinam *Monoxyla*, hoc est sustentacula, quæ ad superius memorata secunda iuga apponuntur, ad arietem sustentandum, & cum opus fuerit attollendum, deprimendum, agendum, aut retrahendum. Cætera, quæ machinam testudinelem componunt, quæque longiore explicatione indigent, nè lectori hic tædio finis, ad sua loca remittimus.

ARPAGINETVLI. Vide *Harpaginetuli*.

ARTEMO, siue *Artemon* quid propriè denotet in Architecturæ operibus, non satis constat inter eruditos Scriptores. Quod ad rem attinet, Vitruuius lib. 10. cap. 5. vbi *Polispaston*, tractoriam quandam Machinam enucleatè describens, de Artemone mentionem facit; ait, eum esse tertiam trochleam (tribus enim instruitur *Polispaston*, totidemque à mator orbiculis, vt suo loco dicemus) quæ in imo Machinæ sita est, habens tres item orbiculos, per quos traiectiones funes, ab hominibus ad agendam machinam arripiuntur: quod fit, vt tali artificio multiplicatæ potentix, sibi que inuicem quasi manum dantes, facillimè, & quàm celerrimè onus ad superna perducant. Ita Vitruuius, addens, eam à Græcis *Epagonia* dici, à Nostris autem *Artemonem*. Quia verò ratione hoc ei nomen sit inditum, hoc

hoc equidem ignoratur. Scio, quod in Actis Apostolorum cap. 7. de Artemone sit mentio; sed longe in alio significatū. Est enim Sacro Scriptori (ut ex contextu euincitur) quoddam veli genus factum, ad captandum opportunè ventum, quo naus recto tramite propellatur ad litus. Sed, quod mireris, neque hic conueniunt Sacri Expositores. Nam alij antennam; sed citrà verum, interpretantur: alij velum magnum intelligunt, aliàs dictum *Acacium*: Alij verosimilius, paruum arcumque velum; cui congruit græca notio Ἀγκυρα, quod est, suspendo: in quibus Iulius Pollux, & Isidorus: quod profectò dirigendæ potiùs naui, quam colligendo vento, præsertim cum violenter exufflat, ut esset in casu nostro, idoneum inuenitur. Hoc nos *Trinchettum* vocamus. Et sanè id ipsum absque dubio fuisse, quod Scriptura, Artemonis nomine memorat, vel ex eo colligit eruditissimus Cornelius à Lapide, *Quod Naus* (verba ipsius sunt) *properabat ad litus, & quia Nausa in tempestate magnum velum deponebat, paruumque exponunt, ne vi ventorum abripantur, & agantur in exitum.*

112 . ARX, iam nunc generaliter dicitur de quocumque fixo, & stabili Munimento, quod, siue ad Regionis confinia ab externorum hostili aggressione, atque inuasionem contutanda; siue ad Ciuitatis, cui adiacet tutelam & fidam custodiam, tum ab externis hostibus, cum ab internis, hoc est ciuibus rebellantibus, perpetuò habendam, erigitur, & iuxta Architecturæ militaris præcepta, necessarijs operibus probè instruitur, & munitur. *Castello, Fortezza, Cittadella*, apud nos audit. Olim pro Arce, in propria, & strictà significatione, intelligebatur locus fortis in edito positus, vel in montis cacumine, vel in prærupta rupe, quæ immineat Ciuitati; ad cuius tutamen & confugium, in tempore repentinae inuasionis, construitur; ita ut ad illum difficilis sit hosti accessus, ac multò difficilior oppugnatio, paucique præsidarij ad illum custodiendum, & contutandum sint satis, ideoque ab arcendo nomen acceperit. Hæc propriè, & in sensu rigoroso, Arx dicitur, & ab Nostratibus, *Rocca*. Verum tamen nos in ampliori significatione accipimus pro quacumque forti, firma, ac perpetuò stabili Munitione, secundum regulas artis extructa, siue regulari, siue irregulari; dicitur autem Irregularis, quæ ratione situs, in quo collocari opus fuit, à communibus Architecturæ præceptis discedere necesse habeat, neque ita disposita, & ordinata, ut omnes defensiones, & cautiones sibi ex assè respondentes admittat: at nihilominus talis sit, ut sua fortitudine, ac prætenturis adiectis, diu duram obsidionem sustinere queat, & repetitos

titos hostium assultus, & conatus frangere, irritosque reddere. Huius nos constructionem, membrorumque diuersitates, formam, conditiones, atque officia, pro virili, saltem quantum Lectori ad comparandam superficialeam quamdam notitiam sufficit, explicabimus; plenior, atque exacta, ad Auctores, qui de Architectura militari ex professo scripsere, libentius remittentes. In qua quidem re, longè felicior est nostra ætas Antiquorum temporibus; quando post tot clades, errores, calamitatesque in bello perpessas, ac præcipue, post nouum belligerandi modum, per muralia tormenta, fistulasque pyrio puluere grauidas, eminens mortes, murorumque ruinas inferentes, cautior facta est, proindeque solertior: Unde multa excogitauit, experientiaque docta est ad ritè oppugnandum, propugnandumque quodlibet vel debile, vel fortissimum Munimentum, quæ priscis ignota: quorum quamquam verior, ac secundum virtutem inita, bellandi ratio, si nunc teneretur, profectò inutilis euaderet, & exitiosa.

Ergo, vt Munimentum aliquod sit probè instructum, omnibusque numeris absolutum, non tam ad sui tutelam, ac securitatem, quam ad hostium; si fortè illud aggredi audeant, repressionem; oportet primùm, vt situm occupet idoneum, & ad rem natum: non illum quidem adeò amplum (nam alias multos exposceret præfidiarios, immensasque opes, & opera ad illud custodiendum, hosque alendos, aliosque, vbi deficient isti, protinus submittendos, & subrogandos) neque adeò arctum, vt milites intrà eum constipentur, nec valeant singuli in sua statione consistere, opera custodire, & in promptu esse, illuc accurrere, vbi eos loci defensio vocat: sed satis capacem, quantum operum qualitas, ac iusta tutela requirit, nec sit in eo pars, quæ incommodet, aut reddatur inutilis. Ad quam rem maxime probatur Circularis forma; non quòd sit omnino rotundum (nam hoc habet sua incommoda, & disponendis ad hæc tempora suis necessarijs defensionibus, & receptibus foret inopportunum) sed tale, vt ad circularem formam magis accedat, & alioquin Circulo contineatur. Eapropter & Trigona, & purè Quadrata minimè probantur; non tam quod ab ea formæ, quæ vires in vnum colligere nata est, recedat, adeoque paucas defensiones admittere queat; quam ob ineptitudinem angulorum, qui necessariò acuti forent, & sustinendis tormentorum ictibus impotentes: Econtrà laudantur Poligona, quæ pluribus, quam quatuor propugnaculis consistant, vt Pentagona, Exagona, Eptagona, quinque, sex, aut septem propugnaculis defensa, ac roborata. Quæ plura habent, vt Octagona, Decangula, &c. immensarum expensarum sunt,

sunt, & incommoda in praxi euadunt, tùm propter illorum frustra-
neam multiplicationem, tum ob Cortinæ consequentem ideò bre-
uitatem, quæ necessarijs, iustis, ac ritè distantibus defensionibus
careret.

- 114 Deinde, ita designata, ac disposita Arces opus, est vt vallo, & am-
pla fossa cingatur, quò hosti inaccessa fiat, & multum sanguinis
perdat in ijs superandis. Atque interim, si locus, & tempus permi-
serit, adijciantur prouidè prætenturæ, seu opera exteriora, quæ prin-
cipalem munitionem protegant, ac hostes insultantes distineant; qui
in ijs, quæ primùm occurrunt occupandis, plurimum temporis, ac
virium insumant, ac tandem desperatà operà, finem pro lucro, stra-
gem reportent, & recedant inglorij cum impensarum damno, &
suorum propudiosa amissione. Sed præstat ipsius Arcis ad nouæ ra-
tionis formam extructæ, delineationem, primò Orthographicam, mox
Ichnographicam, cum suorum Operum sectione, oculis exhibere, vt
ipsius ordinatio, & rata partium distributio melius intelligatur.


Arcis Regularis Orthographia.



C.D.B. Sculp.

Hæc igitur est deformatio vnius Pōligoni, sex propugnaculis pro-
minentibus communiti: cuius quidem media pars spectabilis exhi-
betur, cum reliqua faciliè ad eandem rationem concipi possit. Sunt
itaque litteræ A. prænotatæ, sex propugnacula in pentagoni formam,
extrâ murorum ambitum angulariter in hostilem campum abscen-
dencia: singulis apertus aditus inter duos interiores angulos, vbi
Gula, vel Collum propugnaculi dicitur, & propriè signatur A. Op-
positus hisce angulus exterior ad hostes obuersus, vocatur Apex, seu
Rostrum. Latera C. C. appellantur Alæ, Francis Esplanè. D. D.
Frons, seu Facies. B. D. muri altitudo: & B. quidem eius decli-
uitatem denotat, D. verò eius erectionem, cuius latitudo signat
Lori-

cam. E. Media fascia circumcurrentens aliquantulum exposita, dicitur *Tornus*, Nostri *Cordone*, & sic de cæteris membris, prout in sequenti eiusdem Arcis Ichnographia vberius explicabitur.



*Explicatio terminorum, & partium
præfati Polygoni.*

1. Angulus exterior & prominens, a, dictus *Rostum*, vulgò *Punta del Baluardo*.
2. Front, seu Facies propugnaculi a b. hostibus aduersa.
3. Alz, seu latera primaria b d., vulgò *Fianco primiero*.
4. Eadem Ala prolongata, b. h. Nostri *Trauersa*.
5. Alz secundariæ, c. f. quæ proinde de Curtina participant.
6. Linea Colli, c. d. vel c. e. vulgò *Recinto*.
7. Angulus interior, qui est centrum cuiusque propugnaculi, e.
8. Linea Capitalis, a. c. sic dicta, quia à capite protenditur vsque ad centrum Polygoni.

9. Linea, ec. latus poligoni internum, in quo
10. Cortina, d.e. hoc est murorum pars protensa, & media inter duo propugnacula.
11. Linea defensionis, & *figens* dicta, a.d. vel a.e., ab extremo apice propugnaculi, ad vsque alterius initium ducta, vbi Cortina terminat, & duæ Alz iunguntur.
12. Linea defensionis minor, ac *strigens* dicta, a.f. vel b.f. ex qua propugnaculi frons deformatur.
13. Forceps, vulgò *Tenaglia*, g. hoc est angulus defensionum deenfiatarum, dictus *Defendens*, eo quod efformatur à duabus figentibus, ac sese inuicem defendendo interfecantibus.
14. Angulus faciei dictus, seu humeri propugnaculi, b. inter c. & a.
15. Angulus dictus determinationis, c. qui semper est rectus, inter a. & b.
16. Angulus interior formatus ab ala primaria, & secundaria, c. qui similiter in Munimentis Hollandicis semper est rectus.
17. Latus exterior Poligoni, a.a. estque linea ab extremo apice vnus propugnaculi porrecta ad alterum alterius sibi propinqui, & succedentis.
18. Angulus dictus inuinnatus a.a.e. qui formatur à linea Capitali, & prædicto latere exteriore poligoni.
19. Complementum Anguli defensionis c. inter a. & f. qui efformatur à linea Capitali, & latere interiore poligoni, estque semper æqualis angulo diminuto.
20. O. Centrum vniuersale Poligoni, & omnium Propugnaculorum.

115

Præterea in Propugnaculis alicubi addi solent *Auriculæ*, Vulgò *Orecchione*; Sic dictæ, quod ad auris formam accedunt. Suntque alarum incuruationes, ac subinde dilatationes, quæ ea multum, roborant, protegunt, ac defendunt; quæque in locandis apto loco tormentis, liberatoribusque obtegendis, aptissimæ inueniuntur. Formantur autem sic: Alz primariæ, quæ aliàs foret simplex, & recta, dentur duæ partes, e tribus, in quas totam diuidi conuenit, ac tertia relinquatur pro tormentis constituendis. Ducatur itaque perpendicularis A. O. ad Alam, (vt infra) quæ sit lata, quantum tertia pars ipsius Alz: tum à puncto O. producat alia, quæ sit parallela Alz, vsque ad N. quod obtinebitur, prolongando frontem propugnaculi ad punctum N. vbi ambæ angulum obtusum efformant. Quo præstito, ducatur item linea occulta A. N. quæ transeat per aliam lineam perpendicularem, atque in æquidistantia duarum partium Alz, iam Auriculæ tributarum: vbi etiam lineæ istæ se interfecant, Centrum Auriculæ est; in quo, fixo altero circini pede, describatur arcus O. N. qui est terminus, & complementum Auriculæ, prout in subiecta figura.

Item



Item ad maiorem loci tutelam, & hostilium operum perturbationem, erigi solent intrâ mœnia, statim in locis, potissimè verò è regione Cortinæ, Suggestus, & Tumuli ex aggestitia terra, quos vulgò *Canalerios* nominant, quia, quasi equites, muris tanquam equis insident: qui ad id facti sunt, vt supersedeant ac dominantur planities Campi subiecti; ad finem obseruandi aduersariorum molimina, & ea validiore tormentorum explosione destruendi, & conquassandi; præsertim, si suprà Planiforme propugnaculum extollatur. Est autem hoc ex aggesta item terra factum, forma plana, seu maius dicam, obtusior: ad rectam lineam inter arcis propugnacula constitutum, quod ideo expressiore vocabulo ab Nostreis *Piattaforma* vocatur. Cuius plurima commoda afferuntur; præcipuè cum Cortinæ in Munimentis irregularibus, aut aliàs æquo longiores sunt: firmant enim eas, & roborant, iustamque distantiam defensionibus tribuunt, quamquam in breuibis Cortinis locum inutiliter occupant, & potius propugnaculorum officium interrumpunt, ac turbant, & insuper ipsa ruinis, vel occupationi hostium subiecta sunt. Sed in his adiiciendis, aut omitendis, loco, & tempori standum est, ac multum præualeat periti Architectoris iudicium, sumptaque experientia.

116

Additur etiam ad murorum firmitudinem, & consistentiam *Valum* ex aggestitia terra: quod ideo ab Nostreis dicitur *Terrapieno*, à Francis verò *Rampar*: in eoque occultæ cameræ subextrui solent, quas iure dixeris *excas cryptas*. Nostreis *Casematte*, vt inibi latentes milites tutò possint per murorū hiatus ad hanc rem facios, ex impro-

117

uiso

uiso foras exire, & aggressores iam fossæ incumbentes, sclopiis impetere, detrudere, ac transitu prohibere.

- 118 Denique *Fossa* circum ipsum Munimentum excavanda est, ad distinendos hostes, accessumque ad muri confinia recludendum: quò profundior, eò utilior: cuius latitudo nec præstat, ut sit minima, neque æquo maior; ne aliàs nimium lata, ultra defensionem, & ictus tormentorum abscedat; sicque animos faciat aggressoribus eam impunè intrandi. An verò aquis opplenda sit, vel in sicco relinquenda, magna est inter Architecturæ militaris professores controuersia. Nam, etsi eam plurimum securitatis obsessis addere, nulli dubium est, si aquis oppleatur; tamen id incommodi prædialiis affert, ut non tam prompti, expediti, & faciles sint ad excursiones adornandas, vel ad suppetias, & auxilia accipienda, vel etiam ad aufugiendum, si res in arcto posita est, ut nulla iam sustinendi obsidij spes relicta sit. Concordant tamen in hoc omnes, quòd ubi miles prædialius multus est, iuuat relinquere fossam siccam, & permeabilem, ut possit expedite excursiones in tempore facere, & identidem se intra muros recipere: At quando vix sufficit ad arcem custodiendam, melius est sese in tuto ponere, & fossam aquis opplerè. Præterquam quòd ad excursiones, & ad alia molimina intendenda, facile potest aquæ impedimento occurrì, per ligneos pontes sub ea paululum latitantes, qui hostibus ignoti sint, & imperuij. Cæterum potissimè commendatur ea Arcis constitutio, & instructio, quæ ad omnem rerum mutationem, apta sit repentinis malis occurrere, & independentia præcauere.

- 119 Atque hæc sunt membra, & partes principales, quibus Arx bene instructa munitur, atque ita stabilitur, ut quenuis hostium impetum, & conatum sustinere, & infringere possit. Attamen ad maiorem custodiam, & securitatem, ubi tempus, & locus permittunt, adijci solent opera exteriora, quæ interius munimentum tegant, ac in ijs superandis, multum temporis hostis terat, multum sudoris, & sanguinis fundat. Sunt autem hæc, *Antemuralia* ante muros digesta & terra aggestitia, alta plus minus, quantum iusta statura hominis attollitur; vulgò *Falsa Brachia*. Agger ultra fossam erectus. Via operata, seu Ambulacrum valli, Gallis *Chemin de Ronde*, per quam Circitores liberè, ac tutè discurrere possint. Decliuitas duplex in fossæ margine, vulgò *Scarpa*, & *Contrascarpa*. Opera Transuersa, Cornuta, & Coronata; seu eorum loco Forcipulæ, vulgò *Tenaglie*: ac tandem, statim in locis, Loriculæ, vulgò *Parapetti*, & alia minutiora, de quibus singulis peculiaris erit mentio, suis locis. Interim huiusmodi Arcis secundum Militaris Archi-

chitecturæ præcepta, cum omnibus præfatis adminiculis probè in-
structæ, specimen damus.



ed. b. xulp

Et

Explicatio Partium Superioris Poligoni.

4. Tumulus ex aggestitia terra, & fascibus, pro *Platформа*, vel *Caualerio*.
 A. Parmulæ, seu *Rauelini*, è regione Cortinæ, illam tegentes.
 B. Cassides, seu *Semiluna*, frontem propugnaculorum munientes.
 C. Fossa maior, Arcis inuentia circum-ambiens.
 D. Ultima Decliuitas post Ambulacrum Valli, in Campi planitiem terminant.
 E. Opus Cornutum cum Semipropugnaculis. [Nostris *Spaldo*.]
 F. Forcipula simplex. *Tenaglia*.
 G. Forcipula Duplieata.
 H. Opus Coronatum adiectum.
 I. Aqua Opera exteriora circumfluens.
 K. Platea Armorum, seu Circitorum Statio.

¶ Earundem partium Sectionem vide suprâ, ad *Calcem*, figuræ *Iconographicæ Munimenti*, num. 114. expositæ.

A S

120

AS, communi antiquorum vocabulo, apud Mathematicos vñtato, dicebatur olim *Libra*; non quâ Mechanicum instrumentum, quo pondera æstimantur, sed quâ prima radiæ mensuræ, & cardo, non secus ac vnitas in numeris, ex quo omnes aliæ mensuræ pendent, & denominationem accipiunt. Græcis *Mna*. Siquidem Romani Legislatores omnis mensuræ rationem in *Asse* constituerunt. *Assem* verò in XII. æquas, & vltimas partes dissecuere, quarum singulæ, quasi vna, *Vncia* dicebantur. Et hanc diuisionem religiosè sequuti sunt omnes, præsertim Iuris Consulti: qui proinde, *Hæredem ex asse* pronunciant, qui totam hæreditatem, ne asse quidem præterito, ex Testatoris vltima voluntate, præhendit. Hinc singularum diuisionum simul sumptarum, quæ tamen *Assem* non compleant, in vnum collectio, aut ab se seiunctio, suas particulares denominationes obtinuit. Et quidem vltima, & minima portio, vt diximus, *Vncia* est: Duz simul collectæ, *Sextans*, quia sexta pars *Assis*: Tres, *Quadrans* appellatur, quia quarta pars. Quatuor, *Triens*, quia tertia. Quinque, ex vnciarum numero, *Quincunx*. Sex, quia dimidium *assis*, *Semis*. Septem, *Septunx*. Octo, *Bes*, quasi bis triens. Nouem, *Dodrans*, eo quia ad integrum *assem*, deficit *quadrans*. Decem, *Decuns*, à numero vnciarum; aut *Dextans*, vt pote à quo deficit *Sextans*. Vndecim, *Deunx*, quoniam ab asse vna vncia minuitur, aliàs

La-

Labus. Tandem *As*, & *Libra* dicta est collectio omnium duodecim portionum, quam iustam mensuram constituebat. *Mathematici* vero (observatio est Vitruvii lib. 3. cap. 1.) contra disputantes, ea re perfectum esse dixerunt numerum, qui *Sex* dicitur; quod is numerus habet partitiones eorum rationibus sex numero convenientes. Sic *Sextantem*, unum: *Tridentem*, duo: *Semisse*, tria: *Besse*, quatuor: *Quintarium* dicunt quinque: *Perfectum*, sex. Cæterum hac diuisione non contenti Posteriores, ipsam duodecimam partem, seu vnciam, in alias minutias dissecuere, & Mathematici in suis computationibus, senarium numerum, utpote sibi commodum, semper etiam in minutijs retinuerunt: ita ut quælibet pars diuisionis, aut subdivisionis, in sexagenas etiam particulas, idque in infinitum, tribueretur. Similiter *Asles* plures in vnum collecti, diuersas fortiuntur appellationes; quas, ne longius ab instituto diuagetur, omittimus; & curiosum Lectorem ad *Lexicon Philologicum Michælij*, amandamus; qui in ijs referendis diligentissimus fuit.

ASAROTVM in re Architectonica, est quoddam Pavimenti genus, quod olim, Plinio teste, apud Græcos maxime in usu erat, & utique celebratissimum vel suo ipso nomine, quod prohibet verti: constat enim ex *A*, græcis priuatiua, & *σαρο*, quod est Verro. Opus autem componebatur ex varijs lapillis, ac testulis versicoloribus, quæ ciborum reliquias, quæ à mensa cadebant, representabant. Quoniam (inquit Plin. de primo eius inuentore apud Pergamum, lib. 36. cap. 25.) *purgamenta cæna in pavimento, quæque euerri solent, relicta, parvis è testulis, tinctisque in varios colores constituit.* Ideoque ne scopis diuellerentur, aut deturparentur, *Asarota* nominauit. Sed, & si quæ erant purganda, manibus colligebant, vel spongijs emundabant. Porro non video hic, in quo antiqua Græcorum *Asarota* ab nostris *Lichostrotis* differant, ut de ijs dixerit Plinius, tandiù perdurasse, donec & *Lichostrota expulere.* Quandoquidem utraque ex scetili lapide, colorum varietate distincto, & in varias figuras composito sternebantur: vnde venustè Papin. lib. 1. Siluar.

*Monstrauere solum, varias ubi picta per arteis
Gaudet humus, suberantque nouis, Asarota figuris.*

Videntur etiamnum Venetijs in cubiculis, ac donibus cultioribus pavimenta, quæ *Asarota* iure dixeris, quoniam verti nefas est, sed tantum spongijs detergantur, adhibito postea oleo ad illustrandum. Quæ licet in varias figuras non abeant, (sunt enim è simplici crusta bene pavita, & in rubrum tendente) tamen fulgore suo,

tanquam in speculo, omnes expositas figuras excipiunt, & identidem variant, ac reflectunt, magna cum exterorum admiratione, & astantium voluptate. De Lithostrotis erit mentio suo loco.

- 122** ASCENDENS MACHINA. Vide in V. *Accessus*, & in Græco verbo *Epibasthra*. Hanc, ut id obiter dicam, suspicatur Philander, fuisse ita dispositam, quæ expeditis rotis, occulto quodam artificio in sublime cresceret, ac subinde deprimeretur. Alij opinantur fuisse Tollenonem à nostris etiam visitatum. Lipsius ad Scalas nauticas refert. Nos in prædictis locis.


- 123** ASCII in Geographia dicuntur Populi, & Reglones, in quibus corporum umbræ nullæ sunt, sole ad meridiem constituto, quoniam ibi est illis verticalis, atque adeo perpendiculariter eos ferit, & umbra sub pedibus latet. Tales sunt ferè omnes, qui zonam torridam inhabitant, quæ concluditur intra tropicos; quippe in ijs regionibus sol ab uno in alterum excurrens, aliquando medium cali tenens, fit necessariò verticalis; cum hac differentia, quod qui immediate sub tropicis manent, sunt etiam heteroscij, quia citrà momentum meridiei, atque in alijs diebus, in quibus sol recedit ab eorum vertice, umbra semper ad unum polum desceat, ad alterum nunquam. At qui intrà Tropicos habitant, sunt simul aliquando Ascij, & semper Amphiscij: Ascij quidem, cum sol est in meridie verticalis; Amphiscij, quoniam extrà tempus meridiei, eorum umbra amphiscia est, nam manè inclinat ad polum Australem, Vespere ad Borealem, prout experimentum sumere, & colligere, licet in Mappis Mundi. De Amphiscijs, & Heteroscijs abundè diximus suo loco.

- 124** ASCRIPTAE dicuntur absolutè ab Geometris, illæ figuræ, aut magnitudines, quæ sibi inuicem cohærent, & quarum termini alterius terminis concluduntur. Harum duæ sunt species, æquibus vix alias intrà se continent, & circumscribunt, & ideo audiunt *Circumscripta*: Alteræ, quæ ab alijs intrà se concluduntur, & vocantur *Inscripta*. Id quod in utrisque ità intelligendum est, ut per omnes angulos, & latera quæ obtineant, sese alicubi tangerent, firmiterque cohæreant. Alioquin circulus alio maiore comprehensus nullo modo diceretur ascriptus, aut circumscriptus. Et Polygonus qui non omnibus angulis circuli peripheriam tangit, nunquam diceretur inscriptus. Lineæ verò simplices, quæ intrà circulum sunt, eæ quidem dicuntur inscriptæ seu potius applicatæ, & adaptatæ, quæ utroque

que extremo circuli peripheriam tangunt: at quæ alterutro tantum extremo, aut neutiquam illam contingunt, ab hac ratione excluduntur, nec sunt in consideratione in Geometria.

Ita Euclid. in Definitionibus. Sic in subiecta prima figura Triangulum. A. B. C. circulo inclusum, bene vocatur inscriptum, & Circulus circumscriptus: uti, & Quadratum C. D. E. F. contentum, in eodem Triangulo dicitur inscriptum: Ipsum autem Triangulum dicitur circumscriptum, & verumuis indiscriminatim alteri ascriptum.

At in secunda figura, in Sexagono A. B. C. D. E. F. circulus maior omnia illius latera contingens, dicitur inscriptus, & ipsum Hexagonum circumscriptum: minor autem G. & Triangulum H. nequaquam, & si ex parte tangant & ipsum circulum, & aliquod latus trianguli. Similiter duæ lineæ I. & K. neque dicuntur inscriptæ, atque adaptatæ, bene vero tertia L. M. quia hæc utrisque suis extremis tangit circulum, illæ, tantum uno, vel nullo: & ideo extrâ legem sunt, nec cadunt in considerationem Geometrix. Hæc autem nosse, plurimum valet ad omnem dimensionem in figuris habendam, internoscendumque cuiusque arcum, quem comprehendit, necnon & angulos, & latera, si quæ habeant: nam id obtineri non potest nisi in Ascriptis; siue Inscriptæ sint, siue Circumscriptæ, ut vides.




ASTRAGALVS in Architectura indicat partem illam circularem in spiris columnarum, quam nos ideo *Tondinum* vulgò dicimus. Sed iam ab Architectis promiscuè non tam in spiris, seu basibus columnarum, quam in earum capitulis atque in Epistylis admittitur, & eodem vocabulo insignitur. Verumtamen in Basi duo interno-

scuntur Astragali; alter, qui inferioris Trochili, seu Scotiæ supercilium premit; alter qui superiorem plinthum, & quadram sustinet. Hunc Veteres teretem, & simplicem scalpere consueuerant, ac *veluti torquem*, ut loquitur Philander, *annulo addiderunt*; quod satis illis erat referre columnarum primitiis lignearum, per annulos fereos in capite positos, firmitudinem: At posteriores Architecti, & Sculptores eundem in summis scapis columnarum, præsertim Ionici, & Corinthij ordinis constituerunt, atque ad fascias epistyliorum deriuarunt, eosque non simplices modò, sed & scalptos, referentes baccas & frondes arborum, & verticillos filo infutos, aut his similia. Quæ inuentio, quia à Lesbo Insula prodijt, *Astragalum Lesbium* appellarunt, ut notat Vitruu. lib. 4. cap. 6. collocandum videlicet in Supercilio hyperthyri sculptum *Cymatium Doricum*, & *Astragalum Lesbium sima sculptura*. Quod ideo apud nos noua, & satis accommoda notione, *Fusciolo* dicitur, ab infutis verticillis, nentium feminarum, qui fufis appingi solent ad faciliorem vertiginem.

Atque hinc arbitror nomen ab Græcia deriuasse, non à talo, ut aliqui volunt, hoc est, officulo, qui in pede animantis imam partem, quæ solum premit, collo tibiæ iungit; sed à vertebis, & officulis, qui ad spinam dorsi concurrunt, & seriatim nectuntur, quosque etiam Græci nominant Astragalos, & Spondylos. Etenim bacce illæ & verticilli Astragalo additi, huiusmodi vertebrae, & spondylos quodammodo imitantur. Sed de his redibit sermo, cum de Epistyllo, ac de partibus columnarum agemus.

126 ASYMPTOTI, & ASYMPTOTAE appellantur singulari vocabulo à Græcis assumpto, lineæ duæ, vel plures simul concurrentes, siue sint omnes rectæ, siue curuæ, siue vna curua, & altera recta, quæ, cum non sint inter se parallelæ, adeoque necessario altera ad alteram inclinata, & semper quò longius protrahentur, eò ad se propius semper accedunt, & nihilominus, etiamsi in infinitum vitrò procedant, nunquam tamen eueniet, ut se contingant, & in angulum coeant. Hoc enim uero paradoxo simili, nihil est in tota Geometria euidentius, nihil admirabilius. Id quod in Parabolis, & Hyperbolis congruentibus in eodem plano sub eodem dimetiente, cum rectis ibidem ascriptis, atque in Conchoide celeberrima Nicomedis, passim videre est, ut suo loco ostendemus. Præstat autem hic, ne Lector offenso eminens cibo, famelicus ac ieiunus, abscedat, vnâ tantum demonstrationem asserre, desumptam ex Bertino in Aparijs, & quidem omnium mirabiliorem, nempe rectarum cum rectis.

In præfenti schemate, daris duabus rectis A. G. & A. H., in angulum rectum A. coëuntibus, circa diametrum A. G. describatur tres circuli, seu arcus, A. B. C., A. D. E., A. F. G. qui ad angulum contactus A. conueniant, & se mutuo cum recta A. H. contingant: Tum ex communis diametri A. G. quouis puncto ad libitum electo, intrà arcum minimum, à puncto v. g. I. producat recta I. F. quæ secet versus H. duos alios arcus maiores, & consequenter in I. faciat angulum acutum, vt citrà dubium videatur semper magis, ac magis conuergere, & appropinquare ad lineam A. H. Similiter ab eodem angulo contactus A. concipiantur exire maiores, ac maiores semper arcus, & circuli, ad quorum circumferentiam intelligatur extendi in rectum prædicta linea I. F. Nunc quia spatium anguli maximi contactus, B. A. H. semper coarctatur, & imminuitur, quò maiores, ac maiores Circuli superadduntur; erit consequenter angulus



F. A. H., minor, & pars respectu anguli D. A. H. & angulus F. A. H. adhuc minor, & pars respectu eiusdem anguli B. A. H., & alterius, D. A. H. & sic in reliquis, quò maiores & maiores arcus concipiantur à puncto contactus A. initium sumere, per quos transversim incedat lin. I. F. Quare linea I. F. in D. accedit versùs A. H., magis quam in D. Ex alia parte ostenditur Lineam I. F. nunquam posse eòsque extendi, vt tandem perueniat, & contingat lineam A. H., Si enim aliquando contingeret; oporteret, vt arcus ille extremus, ad quem producta esset ipsa linea A. F., futurus esset propinquior, & ipse prius veniret ad contactum lineæ A. H., quam linea illa I. F. identidem simul accedens, sed retrò ad ipsum circulum, seu arcum. Contingeret, inquam, circulus prædictus lineam A. H. in aliquo alio puncto, præter ipsum punctum contactus A, quod est contrà euentiam, & proposit. 16. lib. III. Euclidis, & eius Corollarium. Sic aliæ, rectæ in quibusuis punctis diametri A. C. versùs A.

A. H. possunt educi, secantes, & tangentes diuersos circulos minores, quæ omnes forent ad præfatam lineam A. H. Asymptotæ.

- 127 Aliunde verò, si infrà lineam A. H. ducas aliam rectam K. L. secantes diuersos circulos, & quolibet alias, siue eæ sint cum illa parallelæ, siue non (quod parum refert) tunc ad eas vergens linea I. F. vtiq; cum illis aliquando occurret, & in angulos coibit, quia nihil aliud concursum obstat. Et quamquam ad viciniam A. H. atque ad alias supra illam conceptas, nunquam adeò approximat, vt ad contactum perueniat, sitque Asymptota respectu illarum, tamen alijs infrà A. H. descriptis, semper magis approximabit, itaut cum illis aliquando concurrat; eo quia, cum linea I. F. non procedat versus A. H. nisi per circulorum sectiones; ad puncta verò sectionum earum (quoniam duci non possunt secantes infrà A. H. consequense est, vt sic ductis occurrat ad punctum commune, vbi illæ, circulum secabunt. Alias non minus claras, & conuincentes demonstrationes in lineis curuis, & rectis adinuicem, habebis in Conchoide, & in Sectionibus Conicis, vbi de illis agemus.

A T

- 128 ATRIUM in ædificijs ritè ordinatis, est prima pars Domus, quæ mox illam intrantibus occurrit, continens arcem subdiualem, in quam Collecta, (inquit Festus) ex omni tecto aqua pluuialis, descendit. Ab Atrij Hetruriz populis, qui eo primum vsi sunt (si vlla fides Varro- ni) nomen accepit. Ab nostris vernaculè Corte, & Cortile dicitur. In eo Veteres aperto domicilij ostio, ad ventum vtrinque flantem excipiendum stabant, & sæpè conuiuabantur, ministrantibus honoratioribus famulis, qui proinde Cortegiani à nobis ex illo dicti sunt. Refert Gellius lib. 16. cap. 6. nonnullos æstimasse, primorem ædificij partem, quam modò Atrium nuncupari diximus, nil aliud esse quam Vestibulum. Verùm hoc erat locus forinsecus ante ostium, domus apertus, ac stratus, vt suo loco dicemus; Atrium verò appellat quid intrà, quod in partitione domus in partibus computetur. Vnde Vitruu. lib. 6. cap. 8. distinguit apertè Atrium à Vestibulo; atque in priuatorum domibus, neque magnifica Vestibula nec Tablina, neque Atria esse dicit. Sed ad Nobiliorum habitationes descendens, subdit: Nobilibus verò, qui honores, magistratusque gerendo præstare debent officia ciuibus, facienda sunt vestibula regalia, alta Atria, & peristylia amplissima. Tandem de suburbanis villis loquens, ait. Earum autem rerum, non solum erunt in vrbe adificiorum rationes, sed etiam ruri: præterquam quod in vrbe Atria proxima ianuis solent esse, ruri verò pseudo-urbanis, statim peristylia; deinde tunc Atria habentia circum porticus pauimentatas, &c. Igitur ex mente Vitruuij
fatis

fatis liquet, quod Attia diuersa omnino sint à Vestibulis: Siquidem hæc aperta, & indefinita, illa porticibus circumsepta: hæc plana, illa eleuata & alta, ac multoties operta, vt supponit cap. 3. vbi dicit, quod Trabes in Attij altitudine traiectæ habeant intempestiua, & colliquias. Denique sequenti cap. 4. docet, quæ ratione longitudo, & latitudo Atriorum sumenda sit, vt habeant respondentiam, & symmetriam ad totum ædificium: quod de Vestibulo verificari non potest, vt videbimus, cum de eo verba faciemus.

ATTICVRGES in Architectura, genus est elaborandi, ac dedolandi columnas, ab Attica, vbi primum prodijt, mutuatum: quod in quatuor latera illas distendit, æqualibus inter se spatijs mensuratas. Huius meminit Vitruu. lib. 3. cap. 3. ad quem locum Philander; *Existimo*, ait, *esse columnarum earum altitudinem*, (de qua Vitruu. præcepta tradit) *quas Plinius lib. 36. cap. 23. Atticas appellat, quaternis angulis, pari laterum intervallo*. Alioquin Atticurges eas habet partes, *quas, quæ hodie Dorica vocatur*. Barbarus distinctum ordinem putat, & cæteris antiquiorem: proindeque diuersum à Ionico, Dorico, Tuscano, & Corinthio. Baldus econtrâ negat Atticum ordinem vllum fuisse proprium in Architectura, quin potius, ex contextu Vitruuiano iudicat, illum confundi cum Corinthio. Et quidem, si basim contempleris, eam habet Attica columna pulcherrimam, & cæteris omnibus venustior, qualem spectamus hodie in Amphitheatro Romano, quod vulgò nunc Colosseum appellant, vbi columnæ erectæ sunt Attico more, quamuis non sint parium laterum, vt volebat Plinius, sed tantum adaptæ, & quota solummodo parte foras extantes: in reliquis omnes omnino partes habet, quas Dorica. Veruntamen, quia Antiquiorum autoritas magis præualet, in his maximè, quæ nobis obscura sunt, & plura exempla non suppetunt; deferendum magis est Plinio, qui absolutè Atticum ordinem ab alijs distinguit, ac diuersæ rationis facit. Cum enim, prius quatuor genera columnarum enumerasset, Doricas, Ionicas, Tuscanicas, & Corinthias; in finem addit: *Præter has, sunt quæ vocantur Attica columnæ, quaternis angulis, pari laterum intervallo*. Quamquam Vitruuius ætate posterior, & qui Plinium vidisse censendus est, tria tantum genera memorat lib. 4. cap. 1. 2. & 3. Ionicum, Doricum, & Corinthium. Vt vt sit, prudens lector ei opinioni adhæreat, quæ sibi magis videtur ad verum accedere.

A V

AVLA multifariam accipitur in Architectura, in denotandis partibus ædificij. Aliquando pro ampliore, & quæ primò aduentantibus

bus occurrit, & magis obuia; vnde postea ad secretiora fit aditus; vulgò *Sala*: aliquando solitariè, pro amplo quopiam fornice ad ciuium receptum, sub quo & publica negocia pertractantur, & rationcinia exercentur: cuiusmodi est amplissimus locus Neapoli ad hoc deputatus, qui vulgò dicitur *La Vicaria*: vel qualis est magnificentissimè extructus Venetijs, dictus *Le Sale del gran Consiglio*, ac Patavij, & Vincentiæ, ponè aliam Rationum Domum, qui vulgò audit: *Il Gran Salone*. Sed originariè ac propriè venit eo nomine locus apertus in primo aditu domus, qui sit vento perflabilis, & amœnus; in quem conuentores se recipiant, ac Domini audientiam opperiantur. Hac notione vsus est Homerus, vt notauit Athenæus, ad denotanda loca subdualia, & ampla, quæ aliàs appellantur Hypæthra, vt paulò antè cum Vitruuio vidimus. Et quia Principum, & Magnatum potissimum ædificia, habere solent amplissimas porticus, & subdualia isthæc Hypæthra inibi superstructa, quæ libero aëri & ventorum flatibus patent; inde factum est, vt Regiæ, & magnorum Principum Palatia, Aulæ vocitarentur. Quod postea ad idealem Regiam Domum, & eos qui Principum obsequijs astant, varijsque muneribus appliciti, significandum, hoc vocabulum deriuauit, & illa absolute *Aula*, isti *Aulici* sunt appellati. Vnde est illud Lucani: *Exeat Aula, qui vult esse pius*. Et Seneca lib. 2. de Ira, introducit quandam aulicum, qui interrogatus aliquando, quonam pacto rarissimam rem nactus esset in Aula, Senectutem: argutè respondit: *Iniuurias accipiendo, & gratias semper agendo*. Cæterum, (vt ad Aulam struibilem reuertamur) quas conditiones habere debeat, vt ex Architecturæ præceptis ritè ponatur, ac cæteris ædificij partibus apprimè respondeat, fusè tradit Vitruu. lib. 1. cap. 6. & lib. 3. cap. 2. Ad quem proinde lectorem remitto.

132 AVRICVLA in Militari Architectura, appellari non ità pridem cepit in propugnaculis Arcium, & regularium munimentorum, pars quædam in Alis contracta, rursusque foras paululum exprorecta; quæ, eoquod, aliquo modo auris humanæ formam præferre videtur, festiuo ac populari vocabulo, Magnæ auris nomen adepta est, Gallis *Orillon*, nostris *Orecchione*, quamquam Latinis placuit vel diminutione vocis, rem eleuare. Id aurem commodi atque vtilitatis habet huiusmodi additamentum in propugnaculis, vt suggestus tormentorum tegantur, & libratores amplius spatium, & probè rectorum à latere inuerso habeant ad consistendum; vltra varia alia emolumenta, & fructus operis, quos in dies experientia colligit, & subinde ingeniosus Architectus in facto experiri poterit, de quibus fusè,

scē, & ex professo agunt Recentiores, qui de Architectura Militari scribere: quos int. r, primas tulerunt Petrus Sardus Italus, & Antonius de Ville Gallus: qui etiam docent rationem commodē illam ponendi, atque vtiliter ad vsum adducendi: quam proinde hic afferre, eiusque imaginem exhibere, non erit lectoribus iniucundum.

Solent igitur huiusmodi exporrectiones, & auriculæ ad propugnaculorum latera fieri, aut quad-ata forma, aut arcuali; & utroque modo eadem est ratio designandi. Itaque tota latitudo lateris, seu alæ primariæ C. E, vel D. F, diuidatur in tres partes æquales, nempe C. H, H. L, L. E; vel D. G, G. I, I. F: quarum duæ dentur situi, & superstructioni Auriculæ; tertia versus Cortinam referretur pro suggestu tormentorum, & cryptis cæcis subtilis struendis: & hoc dicitur Latus opertum; eoquod, ea parte, quæ hostilem campum respicit, opertum est, & ab exporrecta auricula tegitur. His ita constitutis, Facies Propugnaculorum lineis occultis extendantur vsque ad cortinam vt E. R, & F. S, atque ab apice ipsorum duæ aliæ lineæ occultæ, quæ se intersecant in X, ac terminent in punctis H. & G. Hæ porro lineæ secabunt se in punctis T. & B. Igitur in lineis E. R, & H. X, sumantur partes E. M, & H. N, æquales vni ex tribus partibus sectionis alæ, & ducatur parallela M. N. & habebis Auriculam quadratam. Si autem ampliorem, & rotundam velis (quæ hac in re magis probatur, ad euitanda incommoda angulorum;) puncto P. constituto altero circini pede, duc arcum à G. in F; cuius chorda sit G. F; in cuius medio in puncto O, facto centro, ducatur alius arcus minor versus P. & habebis auriculam rotundam. En, demonstratio.

133

Descriptio Propugnaculorum cum Auriculis



Alij non rotundant, sed Ellipticam ducunt. Alij, quia minoris impenitæ est, diuidunt bifariam totam latitudinem alæ, dantes vnam

134

M

par-

partem lateri cooperto, alteram dilatant in arcam trianguli scaleni rectanguli; cuius alterum crus sit parallelum cortinæ, & æquale parti relicte alæ, conuenientique cum ea ad angulum rectum in M. Basis autem, seu hypothenusa ducatur ab altero angulo propugnaculi N. in O. extremum eiusdem cruris O. M. prout apparet in altera fronte eiusdem propugnaculi. In altero propugnaculo L. Auricula K. est efformata ad normam quam dedimus in V. *Arx*. Vnius autem Propugnaculi orthographiam omnibus numeris absoluti, cum suis auriculis, suggestibus, ac sub co apertis cryptis cæcis, vide in V. *Propugnaculum* pag. 686.

- 135 **AVXILIA** in re militari, antonomastice dici solent auxiliares Copiæ, quæ, vel ab alienigenis conducuntur, vel à fœderatis populis, & amicis submituntur ad augendum hostem, vnde vocabulum prodijisse opinatur Varro lib. 4. de Lingua lat. *Auxilium*, inquit, appellatur ab auxilio, cum accesserint qui adiumento essent, alienigenæ. Ea cum Suppetijs confundit Valla: Re tamen ipsa, in multis discrepant; nam Suppetiæ adueniunt immixtæ ab ipso Duce exercitus, aut alio quouis bellum inferente, vel sustinente, qui suos videt ab acceptis cladibus fractos, & imminutos; vnde è suis stipendiarijs illico comparantur nouæ copiæ, quæ in cæsorum locum subintrent, bellumque restaurent: ac propterea vocantur *Suppetiæ*, quasi ad suppetendum factæ; à nostris autem *Soccorso*: At *Auxilia* ab exteris aduocantur priusquam prælium iniatur, ad iustum bellatorum numerum comparandum, qui par sit bello inferendo, vel sustinendo, cum alijs diuersa omnino sit incedendi ratio, diuersus ordo, diuersus finis. Id quod scitè notauit Vegetius lib. 2. cap. 2. *Auxiliares Copiæ*, inquit, conducuntur ad prælium ex diuersis locis, ex diuersis muneribus venientes; nec disciplina inter se, nec notitia, nec affectione consentiunt: alia instituta, alius inter eos est usus armorum. Et Polybius apud Lipsium lib. de Romana Militia, de his loquens, ait: Sub hoc ipsum tempus, Consules denunciant Magistratibus sociarum in Italia Ciuitatum, è quibus auxilia, & commilitium habere volunt; significantque ijs & numerum, & diem, & locum, in quem conuenire debeant quos legent. At verò Ciuitates similem facientes iam dicto delectum, itemque iuramentum adigentes, mittunt eos, Præfectum constituentes, & *Quastorem*, &c.

- 136 Itaque duplex erat delectus, & Ciuium, & Sociorum: & illi quidem, vt aduertit idem Lipsius, intelligebantur subditi, Romanorum mercede conducti; vnde & Stipendiarij dicebantur; Socij autem gratis militabant, hoc est, sine impendio Romani Acuarij; nisi quod

quod ab his, ad quorum auxilium accutrebant, frumentum in quādam speciem subuentionis, & honorarij, non in pretium recipiebant: Hoc autem solum cum socijs, ac fæderatis Ciuitatibus praticabatur; nam de his, qui nullo fædere iuncti inuitabantur ad auxiliares manus ferendas, aliter vsitatum inuenio apud Zonaram, vbi de primo bello Punico agit, quod Carthaginenses Siculis intenterunt. *Deficientes*, ait, à Carthaginensibus Gallos, & alios quosdam Sociorum, Romani stipendio conduxerunt; non autē peregrinum militem soliti alere. Cæterum Auxiliarium Copiarum, maior habebatur ratio, quam de alijs: Locus honoratior inter leuis armaturæ ordines, exiguus labor, ampliora præmia: & quando Ciues exacto bello argenteis solum torquibus donabantur; Auxiliares, aureos accipiebant: Plinium habeo testem lib. 33. cap. 2. hoc tamen aduertit, quod armillas insuper habebant Ciues, quæ negabantur externis. Sed quid mirum, si ex his, non pauci propudiosè militiam deferabant, quò tiebat, vt passim legiones attenuarentur, & illorum vitio, summa rerum in discrimine poneretur? Causa autem abscedendi erat, vt refert Veger. cap. 3. *Magnus labor militandi; grauiora arma, fera munera, seuerior disciplina: quod vitantes plerique in auxilijs festinant militia sacramenta percipere, vbi & minor sudor, & maturiora sunt præmia.* Quod sanè primitus ex Romanorum instituto non erat, de quibus auxiliares copiarum optimè merebant, & ideò fideliter, ac fortiter suas partes implebant; sed successu temporis auaritia, simultates, & odia inter socios præualere, quibus alienigenæ ciuibz posthaberentur, despicerentur, (quod semper in omni diuersarum nationum communione accidit) vt propterea non prorsus ingrati fædus soluerent, militiamque defererent. Hæc obiter ad ornatum, & plenam noticiam militarium Auxiliorum.

AX

AXIOMATA in Mathematicis disciplinis tradendis (vti in omnibus plane scientijs sublimioribus) sunt indubitata quædam sententia, & prima principia ab omnibus admissa, quæ non indigent probatione: sunt enim ita per se nota, vt eo ipso quod proferuntur, & perpenduntur, intellectus assensum ijs negare non possit. Vt cum dicitur: *Omne totum maius est sua parte.* Vel *Omnes anguli recti sunt inter se aequales*, aut illud: *Quæ seorsim æquantur vni tertio, æquantur & inter se*, &c. De his multa habet sparsim Euclides in Elementis, Apollonius in Conicis, Archimedes, & alij.

AXIS vninerſaliter audit, quod inter duo extrema in longum immobiliter sistit, & per quod aliquid continuè volutatur: vnde &

Axis mundi dicitur ab Astronomis, linea à polo ad polum porrecta, circa quam intelligitur Primum Mobile ferri. Vnde festiue Lucanus dixit.

*Aetheris immensi partem, si presseris unam,
Sentiet axis onus.*

Et Axis appellatur in Mechanicis lignum in medio Ergata, cui funis obuoluitur; & in Curribus, id circa quod conuolutatur rota, &c. quò factum est, vt omne id quod, siue in artefactis, siue in naturalibus, est cardo, & reductorium, vt ita dictam, alicuius motus aut operis, aut actionis, Axis vniversaliter diceretur, *ab agendo*, inquit Festus. Hinc axis in Sectionibus conicis dicitur diameter, quæ sectionem mediat, & æqualiter illam in duo diuidit, à vertice ad basim, de qua re fuse in Sectionibus. Sic etiam.

140 **AXIS IN PERITROCHIO**, peculiari nomine nuncupatur Instrumentum Mechanicum, vnum ex quinque tractorijs, quòd principaliter in axe fundatur. Est enim ad modum tympani, aut magnæ rotæ, quæ axi imponitur, & coaptatur, itaut eius volutatione per radios, & vestes in rotæ peripheria prominentes, & funem tympano circumpositum, magna pondera leui negotio attrahantur, vel in altum subleuentur. Et quidem Axis in medio Peritrochio (qua appellatione tympanum ipsum venit) figitur ita congruens, vt eodem tempore, simul & semel, tum axis tum peritrochium moueatur: quod ideo totum Organum, non Peritrochium simpliciter, sed Axis in Peritrochio dictum est. Cuius constructionem, & varium usum, adiecto schemate, docet inter alios, Pappus lib. 8. Collect.

Mathemat. Porro vestes ipsos, qui motum Machinæ tribuunt, *Callopes* vocat Aristoteles in Mechanicis. Alij *Scytalas*. Quod inuat monuisse, ne frustra, & cum lectoris tedio ea repetamus in loco.

* * *





BA



BALISTA, seu, (vt alij rectius scribunt,) *Ballista* ;
 tormenti genus est, seu Organum iaciendis in-
 hostes telis ac saxis) factum ; atque in priscorum
 bellis frequentissime practicum : quod postea,
 duobus circiter abhinc sæculis, inuentis bombar-
 dis, apud nos viluit, & in desuetudinem abiit :
 non tamen, vt eius nomen, & aliquis vsus non
 manserit, & à nostris aucupatoribus vsurpetur ad altilia impe-
 tenda, ac præferim Anates in lacubus innatantes. Cæterum ad eius
 rationem, eiusdemque effectum in bello, aduersus hostes fortius
 obtinendum, Bombardæ ac Tormenta ænea confecta sunt, quæ,
 concepto igne, lapides & ferreas pilas iaciunt : quodque, illa contor-
 tis, laxatisque nervis agit, hoc ista validius, sola vi conclusi aëris,
 per incensum nitratum puluerem dilatati, adeoque foras cum impe-
 tu exire nitentis, saxa & quicquid ad exeundum obstat, detrudunt,
 & in hostes immittunt. Sed iam ad Ballistam conuertamus sermo-
 nem : de cuius compositione & vsu, hæc habet Vitruu. lib. 10.
 cap. 16. *Nulla balista perficitur, nisi ad propositam magnitudinem
 ponderis saxi, quod in organum mittere debet. Igitur de ratione earum
 non est omnibus expeditum, nisi qui arithmeticis rationibus, numeros, &
 multiplicationes habet notas. Namque sunt in capitibus foramina, per
 quorum spatia contenduntur capillo maximè muliebri, vel nerno funes,
 qui magnitudine ponderis lapidis, quem debet ea balista mittere, ex ra-
 tione gravitatis proportionem suanunt ; quemadmodum Catapultis de lon-
 gitudine sagittarum. Id quod & in Tormentis æneis locum habet,
 simili ratione librandis, attemperandisque ad proportionem ponde-
 ris pilarum inde eiiculandarum, vt suo loco dicemus : quod ideo
 pergit postea Vitruu. cap. 17. tradere proportionem, quam habere
 debent lapides emittendi, ad ballistam eiiculantem, vti modo fit
 in ipsis bombardis : ac propterea, quemadmodum Catapultæ erat
 pro-*

proprium, sagittas emittere; quæ attemperabatur ad rationem longitudinis sagittæ, quam admittebat, modò fortius, modò remissius; sic in præparatione ballistæ, arcus, & nerui tendi debent ad rationem lapidis iaciendi: Namque, ut notat Vegetius lib. 4. cap. 22. *Ballista, quantò prolixiora brachiola habuerit; hoc est, quantò maior fuerit, tantò spicula longius emittit: quæ, si iuxta artem Mechanicam temperetur, & ab exercitatus hominibus, qui mensuram eius antè collegerint, dirigatur; penetrat quodcumque percusserit. Sed longè diuersam esse in Catapultis rationem ostendit Vitruv. lib. cie.*

2 cap. 15. nempe, in istis, breuitatem & arcitudinem brachiorum efficere, ut longiores, validioresque faciant emissiones: sicut econtrà longitudinem, causam potius esse segnitiei, ictusque remissioris: ait enim: *Brachij breuitas plagam facit vehementiorem; brachia longiora faciliùs ducuntur. Nam, quemadmodum vestis, cum est longitudine pedum quatuor, quod onus quinque hominibus extollitur; is, si est pedum octo, à duobus eleuatur; eodem modo brachia, quæ longiora sunt molliùs, quò breuiora, durius ducuntur. Cæterùm, etli Ballistæ oim, à Catapultis, & quoad effectum mittendorum solummodò lapidum discernebatur; postea tamen successu temporis, ut notat acutissimus Lipsius, quoad vtrumque promiscuè accepta sunt, ac de Ballistæ, non modò lapides, sed & sagittas, & iacula emitti consueuisse, Scriptores, qui post Cæsarem de his mentionem faciunt, litteris testantur: ut non mirum sit, si Vegetius suprâ, è Ballistâ, quò maior fuerit, eò longius spicula mitti dixerit: uti viceuersâ de Catapulta, nullibi signatè meminisse videbis, eoquod cum Ballistâ confuderit. Sed hic iuuat exactissimam Ballistæ descriptionem, eiusque artem parandæ modum, ex Ammiano referre, qui in hoc scribendi genere nulli secundus fuit. Sic igitur loquitur lib. 23. *Ferrum inter axiculos duos firmum compaginatur, & vastum, in modum regulæ maioris extensum: cuius ex volumine tereti, quod in medio ars polita componit, quadratus eminet stylus erecto canalis angustî meatu canatus: & hæc multiplici chorda neruorum tortilium illigatus, eique cochlea due lignæ coniunguntur aptissimè: quarum propè vnâ assistit artifex contemplabilis, & subtiliter apponit in temonis cauamine sagittam ligneam spiculo maiore conglutinatam: Hocque factò, hinc inde validi iuuenes versant agiler rotabilem flexum: cum ad extremitatem neruorum acumen venerit summum, percussa interno pulsu, à Ballistâ ex oculis aolat, interdum nimio ardore scintillans: & euenit sapiùs, ut antequam telum cernatur, dolor lethale vulnus agnoscat. Quæ descriptione nihil expressius, nihil venustius. Ad cuius ideam licet aspicere Ballistæ imaginem elegantissimè delineatam apud Lipsium in Po-*
lior-*

liorcer. lib. 3. vii & antiquiorum ballistarum lapides emittentium, plures formas, è vetustis monumentis depromptas, infrà; dialogo 3. ad quem proinde Lectorem curiosum remitto.

BALNEAE, vel *Balnea*, publica sunt opera architectonicè facta, 3
viris, feminisque ad lauandum aperta, omnibusque tum ad luxum, tum ad sanitatem conseruandam, splendidissimè exornata. Quà in re, inquit Varro, *Balnea* erant bina *Aedificia coniuncta*; alterum ubi viri, alterū ubi mulieres publicè lauabantur. Namque mulieres ad pudicitiae custodiam, habebant lauaciones suas viris imperuias, ac seiunctas. Quæ ratio fuit, vt *Balnea* in plurali dicerentur. Habebant enim ad lauandum plura diuerticula, distinctis cellis, pro ratione lauantiū per ordinem procedentia; propèque hypocaustum, vt ex eo omnes calorem participare possent, communi foco. Eteum qui domi priuatim lauabantur locum, vtrumque ad meridiem versum habebant ad hoc referuatum, isque *Balneum* in singulari audiebat. Ex quo colligere poteris, quid sibi velint Scriptores inter se varij, modo *Balneum*, modò *Balnea*, modò *Balneas* exprimentes, pro diuersa nimirum lauationum, & lauantium conditione. Sunt igitur *Balnea*, patentiora, & publica ædificia, non tam ad lauandum, quàm ad sudandum, aliasque corporis exercitationes habendas destinata: ubi & commessabatur, & compotabatur hilariter, & ad omnes honestas animi remissiones, omnibus promiscuè aditus erat. *Balnea* solum ad lauandum factæ. *Balneum* verò priuatum, & cuique proprium domi extructum. Et illa quidem magnificentiora, à Principibus & Magnatibus posita, ad pompam & famam munificentiae comparandam, Thermæque antonomastice, ab eorum nomine appellata. Quamquam reipsa, Thermæ, ex originaria notione græca, naturales aquarum scaruriges denotant, vt plurimum calidas, ad varias morborum affectiones curandas; quales sunt quas propè Neapolim, Puteolis, & in Insula Aenaria experimur, & vbiuis locorum extantes, singulari Naturæ prouidentia apertas, & ad commune beneficium datas. Nihilominus ab effectuum similitudine, & factitiæ, *Therma* item denominatæ sunt, mansitque ijs nomen in suorum Auctorum laudem, operisque celebritatem. Hinc in Vrbe fuere *Therma* Neronis, in suo Palatio ædificatæ, dictæ propterea *Palatina*; *Thermæ* Agrippinæ, ab Agrippina eius matre, in Colle Viminali extructæ: Pauli Aemilij, in clui Quirinali, quæ denominationem loco, *Bagnanapoli* reliquere: Diocletiani, ad viam Nonientanam, magna nunc ex parte superstites, atque à Carthusiensibus Patribus, ab temporum iniuria vindicatæ, sacratiorique vsui, ad diuinum cultum in-

4 magnificum Templum conuersæ, sunt destinatæ, ac magnificentius instauratæ: & aliz plures, quas per longum recenset Philander in Vitruu. lib. 5. cap. 10. Qui proinde quod ad Architecturam attinet, ex eiusdem Vitruuij mente copiosè de ijs agit, docens qualiter locus eligendus sit salubris, & commodus ad ea extruenda, membraque ædificij sint partienda. Primum inquit, eligendus locus est quam calidissimus, id est auersus à Septentrione, & Aquilone; ipsa autem Caldaria, Tepidariaque lumen habeant ab Occidente hiberno. Sin autem natura loci impederit; utique à meridie: quod tempus lauandi à meridiano ad Vesperum est constitutum. Et item est animaduertendum, uti Caldaria muliebria, virilæque coniuncta, & in iisdem regionibus sint usus eorum utrisque. Et infra: Magnitudines autem Balnearum videntur fieri pro copia hominum. Hæc Vitruuius. Sed longè melius & elegantius id prosequitur Plinius Iun. in Epistola quam dedit ad Apollinarem, lib. 5. In cornu, ait, Porticus, amplissimum cubiculum à triclinio occurrit, aliz fenestris, Xystum; alij d. spicij præium: sed ante Piscina, quæ fenestris seruit, ac subintrat, strepitum, visuque iucunda. Nam ex edito desiliens aqua, suscepta ma. more albescit. Idem cubiculum lumine tepidissimum, quia plurimo sole perfunditur. Cohæret Hypocaustum, & si dies nubilus, immisso vapore, Solis vicem supplet. Inde Apoditerium balinei laxum, & bilare excipit cella frigidaria, in qua baptisterium amplum, atque opacum. Si natare latius ac tepidiùs velis, in area piscina est: in proximo puteus, ex quo possis rursus astringi si paniteat teporis. Frigidaria cella connectitur media, cui Sol benignissime præstò est, Caldaria magis: prominent enim in hac tres descensiones, duæ in sole, tertia à sole longiùs, in luce non longiùs. Apoditerio superpositum est Spharisterium, quod plura genera exercitationis, pluresque circulos capit. En tibi ad oculos totius balneationis iniago, omniumque locorum ad singulas exercitationes faciendas, situs, ordo, & circumscriptio. Interim ex Galeno lib. 10. Methodi meden. placet adnotare, quatuor esse præcipuas Balnei partes, quæ corporum purgationibus datæ sunt. Primam, in qua primò ingredientibus subsisterent, atque aëre recrearentur calido: quem locum ipse alibi Promalasterion appellat, quòd in eo corpora præmolliri soleant. Secundam, quòd ex prima in calentem aquam descenditur: hanc appropriato vocabulo, Lutron nominat. Ab hac digressi, mox respiraturi in Tertiam ibant, quæ frigida. Tandem in Quarta sudorem abstergebant. Vides, quantà curà, ordine, & locorum distributione, singulorum necessitatibus prospicebatur in Balneis? ut taceam de ijs, quæ ad animi remissiones, ac luxus delicias, peculiariter deputata erant. Ut profectò Balnearum usus, & rata extructio, inter

publica ædificia in Repub. plurimi haberetur; eaque non tam Cuium incolumitatis, atque honestæ recreationis esset confugium, quàm publicæ magnificentiæ, ac splendoris nobile Monumentum.

BALTHEVS, seu *Baltens*, propriè, & originariè, Cingulum militare significat, eratque virtutis honestamentum, quo generosi belatores munerabantur, tum ad commodum vsusque appendendi in eo arma, ut vult Isidorus; tum ad decus, & præferendum probatæ strenuitatis insigne. Quod ideò eo priuari, valde ignominiosum erat apud Romanos, pœna commissi criminis, & missionis præambula significatio. Et quoniam è corio erat, varijsque bullis aureis, vel argenteis, ac gemmis etiam cohonestatum, pro conditione, & gradu eius à quo gestabatur, ideò Baltheus (inquit Varro) dictus, eo quod hæc vox, Tuscorum lingua, zonam coriaceam sonat. Eius loco gestari nunc solet à nostris militibus Zona item Coriacea à dextro humero ad sinistrum femur, transversaliter pendula, quæ gladium suspensum ad manus promptum sustinet, & *Tracollam* vulgò dicimus. Pro Balteo autem Antiquorum, quod pro honestamento dabatur, substituta est nunc latior, & longior fascia, seu velamen, ex serico simbris auro intextis, quod gestare solent Duces, & Centuriones ad gradus militaris insigne. Nostris *Banda*.

Sed & *Baltei* nomen in Architectura, per quamdam analogiam vsurpari solet ad significandum cingulum, seu corrigiam illam, quæ fingitur esse in summo Capituli columnarum ordinis Ionici, & eas concluduntur, ac terminantur Volutæ in angulis positæ. De quibus Vitruv. lib. 3. cap. 3. *Pulvinorum baltei*, inquit, *ab abaco hanc habent proiecturam, ut circini centrum unum, cum sit positum in Capituli tetrante, & alterum diducatur ad extremum Cymacium, circumactum, balteorum extremas partes tangat.* Simili ratione Manilius, Zodiaci latam fasciam stellis ornatam, quod Aequatorem per transversum, secaret, Balteum dixit: ex quo occasionem arripuisse sculptores, in balteis columnarum stellas inferendi ad maiorem ornatum, refert Cælius Rhodiginus lib. 22. cap. 19.

BALVSTRIA seu **BALAVSTRI** appellari solent in Opere Architectonico columellæ in seriem per longum dispositæ, atque vtpurimum resupinatæ, quæ in Xystis, Ambulacris, Menianis, & Intercolumnijs ponuntur, atque infixæ hincinde basi, & coronici, vt firmiter hæreant, & simul cum illis concurrant ad formandum nobile quoddam Septum, quod & decori sit operis, & commodo inambulantium inseruire possit, ignotosque aditu prohibere, Hæc singilla-

gillatim totidem veluti columnarum, suo modo, gerunt officium, suum habent paruum stylobatam, cui videntur insistere, desuperque capitellum, & abacum, ac denique nudum, & parum epistylum, quod opus claudit & terminat: ipsæ autem columnulæ non teretes sunt, in longum abeuntes, & simplices, sed varix; & modò referunt speciem phialæ, cum suo operculo; modò duos vrceos ad se inuersos, ac sese quodammodò exosculantes; modò helicam, modò candelabrum, modò flosculorum, aut spicarum sertum, molliter prominentium, & quidquid rari, quidquid venusti ex Architectonis idea potest exire, ut videre est in plerisque Italix ædificijs. Vbi obseruabis, non in plano tantum hæc balaustria collocari, sed in editis, summoque fastigio, circumcirca deambulationes claudentia: idque valde appositè, nedum ad visum complendum, sed ad securitatem inambulantium, ne qui ad crepidines accedunt animi gratia, ad spectandam subiectam arcem, lapsibus exponantur, aut aliàs caput periculi imaginatione nutet, ideoque pedes vacillent. Locari etiam solent exurgentia vsque ad medietatem apertionum, quæ necessariò fiant ad lumen recipiendum, ad corrigendam earum nimiam longitudinem, aut laxitatem. Alij ea interponunt ad implendam inanitatem intercolumniorum, præsertim si vasta, & abrupta sint, sibi-que minime respondentia. Alij denum ijs potissimum vtuntur in Ecclesijs in occludendis aditis facellorum, ad loci venerationem, & ad arcendos laicos altaribus non ministrantes; tum etiam ad horum commodum, ut foris morantes ad stare sacris possint, ac genuflectentes habeant fulcrum cui innitantur, ad diutinam consistentiam, & ad promptam debiliū erectionem. Quare semper ad proportionem geometricam erigi debent, ut tantum assurgant quantum Parastadum aut Columnarum hinc inde dispositarum stylobata, & lato claudantur desuper Epistylis. Cæterum hæc, & id genus adiecta, in Architecturam inuecta sunt, ad ornamentum potius, quam ad operis necessitatem.

BANCHVS, Vide *Scannum*.

8

BAPTISTERIVM locus erat olim in Balneis, lauationibus vnice destinatus, uti & Apoditerium, & Sphæristerium, & Laconicum, pro alijs vñibus, ut suo loco dicemus. Hoc autem lapide constrabatur in piscinæ formam cauum, & descensurus accominodum, nec cuique è plebe dabatur accessus, sed solum nobilioribus, & honestioribus: quod ideo constituebatur in abdito, ac dispersitis cellulis ob modestiam, & verecundiam nuditatis. E quibus alix Frigidariæ

dariz dictæ, quod frigidis lauacrioribus inferuebant; aliæ Caldariæ, ubi aqua calida infundebatur: aliæ Tepidariæ, pro ablutionibus tepidis, prout cuique opus erat, & commodum. Hæc ex Vitruvio lib. 5. cap. 10. De hoc loco Plin. Iunior in Epist. ad Apollinarem lib. 5. ubi de suæ Villæ apta dispositione mentionem facit, hæc habet. *Cohæret hypocauston; & si dies nubilus, immisso vapore, solis vicem supplet. Inde Apoditerium balinei laxum, & hilare excipit cella frigidaria, in qua Baptisterium amplum, atque opacum. Si natare latius, aut tepidius velis, in area piscina est; in proximo puteus ex quo possis rursus astringi, si paniteat teporis.*

Hodie Baptisterij nomen, & vsus cessit in Sacris, & Lauacrum regenerationis audit inter Christi fideles, ubi omnes à sordibus peccati originalis, & alijs ante acceptum baptismum contractis, abluimur, & sit, *ut filij Dei nominemur, & simus*, pristinam innocentiam adepti, factique Cælestis gloriæ Candidati. Quod ideo in singulis Parochialibus Baptisterium constitutum est ad baptizandos recens natos infantes, necnon Cathecumenos ex Infidelibus in Ecclesiæ gremium venire cupientes. Olim tamen non intra Ecclesiam ubi sacra fiebant, erectum erat, sed foras ponè ipsam Ecclesiam in sacello ad hoc specialiter extructo: quemadmodum etiamnum videre est, & prædicatur Florentiæ, ubi non longe à Cathedrali asurgit nobile ædificium Præcursori Domini dedicatum, valuis ex ære, anaplyphico opere elaboratis, semperque clausis, nec nisi cum alicui baptismum conferendum sit, aperiendis: ad quod omnes è Ciuitate baptizandi confluunt ad illud recipiendum, quod est Ianua Sacramentorum. Aliud etiam visitur Romæ propè Basilicam Lateranensem, magnificum Baptisterium, à Constantino dictum, eoquod inibi pijsissimus Imperator à S. Siluestro Papa baptismum recepisse fertur: ubi & vrna, in qua ablutio facta est, visitur è porphyrite lapide, in medio, sub tholo collocata, cum arcis statuis supra operculum fixis, quæ factum repræsentant: quod nuper Urbanus VIII. ad ingerendam venerationem, ac maiestatem, magnificentissimè exornauit, adiectis circà magnis propheticis columnis tholum sustentibus, & ad latera elegantes picturas fieri curauit, quæ idem, factum luculentius exprimant. Ad quem fontem mos est quotannis ex Infidelibus ad catholicam fidem conuersos solemniter baptizare.

Nec vacat mysterio, quod huiusmodi Baptisteria, non intra Ecclesias, sed extrâ collocantur; ut innueretur (inquit Durant. lib. 1. cap. 19.) homines aliàs extrâ Ecclesiæ gremium degentes, per baptismum in eam recipi, ac Deo reconciliari. Sed post, tempo-

re Clodouei Francorum Regis, qui solemniter à S. Remigio, honoris causa, in Ecclesia baptizatus est, & Rex inunctus, oleo miraculosè cælitus in ampulla delapso; factum est, vt Baptisteria in Ecclesias inferrentur, sed in primo aditu ad sinistram partem, vt habet Gregor. Turonen. in Vita S. Martini. Refert autem idem Turonenfis in lib. de gloria Martyrum, cap. 24. quod in Lusitania locus est, vbi quotannis fons miraculosus egurgitat ad replendum, baptismale vas, quod in Ecclesia ad hunc effectum collocatum est, à quo, peracto baptisinate, *populus pro deuotione haurit* (verba prædicti auctoris sunt) & *vas plenum domi pro saluatione reportat, agros, vineasque aspersione saluberrima tutaturus. Et cum exinde multitudo amphorarum sine collecto numero hauritur; nunquam tamen vel cumulum minuit, licet ubi infans primus intinctus fuerit, mox aqua reducitur, & baptizatis omnibus, lymphis in se reuersis, vt initio produntur nescio; ita & sine clauduntur ignaro.* Hucusque Gregorius. Quæ à nobis etfi extrâ institutum, non tamen extra orbitam, in gloriam nostri Baptismatis; Sacrarumque Ecclesiæ Catholicæ Balnearum, dicta, esse volo, ex occasione nominis & vsus varij *Baptisterij*, longè celebrioris facti, ex quo ex prophanis Gentilium purgationibus ad Sacramentum transijt internæ, ac spiritualis Animæ ablutionis.

I I BARBACANVM barbarè dicitur à nostris Militaribus Architectis (nescimus quâ ratione) genus quoddam aggeris, in speciem Anteridis, ad promuralia exsuscitati ad ea sustinenda, ne faciliè ruant: cum enim è terra aggestitia facta sint, opus habent aliquo fulcimento, vtistant, vti & in muris sit anteridibus, sed aliqua decliuitate abscedentibus ne incuruentur. Eandem rationem habet, quam ipsa Anteris, nisi quod studiosius poni debet, ne opus incommodet, & sit potius proficuum hosti, superata iam fossa, ad muri ascensum properanti. De qua re alibi, præcipuè, cum de *promuralibus*.

I 2 BAREODAESIA apud Scottû in Synopsi adiecta suo Cursui Mathematico, est facultas, quæ agit de his, quæ merguntur in aquis, & sub eis mouentur. Vbi specialiter tractat de *Urinatoribus*, deque illorum agilitate, & arte, quæ se præcauere debent ad respirandum: multaque curiosa exquirat, rimaturque aquæ naturam, & qualitatem, ex se habentis vim reiectandi corpora in altum: ideoque qualiter diù ac tutò homines consistere possint in imo, ad legendas margaritas, corallios &c. Id quod philosophicè probat, Mathematicè discunt, & conquisitis vndique exemplis confirmat. Sicut econtrâ.

BAREOCOLIMBICA pertractat de his quæ supernant, & vehuntur supra superficiem aquæ: unde eueniat, quod quandoque mergantur: qui fieri possit, vt periculum emittent, &c. quod maxime ad Nauigatoriam inuat. Vtraque autem pertinet ad *Scaticam*, de qua suo loco.

BARYCAE, & BARYCEPHALAE, obscura, barbara, & iam obsoleta vocabula: quibus tamen fidenter vtitur Vitruuius ad significandas, & prænotandas species quasdam ædium Aræostylarum, quæ inconcinno columnarum ordine sunt dispositæ, ac latiore, quàm par est, intercolumnio diuicicatæ. Sic enim placuit eiusmodi ædes emphatico Scriptori, & nimium græcanici sermonis affectatori, denominare: siue à *Barris*, hoc est Elephantis, accepta similitudine, quod grossiores, & minime eleuatas columnas habeant, vt coniectatur Barbarus; siue à græca notione *Βαρυς*, quæ grauosum quid indicat, atque *Κεφαλή*, quicum componitur, quod significat caput, quasi mole prægrauas, & onerosum caput habentes, vt placet Baldo in huius vocabuli explanatione; id quod ita explicat. *Dicuntur autem grani capite, non quidem simpliciter, sed respectu infimarum partium.* Vt vt sit, certè, vti turpes, incommodas, & inordinatas vult taxare Vitruuius. Cui malo vt occurratur, præcipit apponi lignea ex trabibus epistylia, supplerique defectum laxitatis, adiectis, & ornamentorum varietate. Sic enim loquitur lib. 3: cap. 2. *Ipsarum ædium species sunt Baryca, & Barycephala, humiles, lata: Postea, quid, post factum, ad remedium fecisse antiquos perhibet: ornantque, subdit, signis fidelibus aut areis auratis earum fastigia Tuscanico more: uti est ad Circum maximum, Cereris, & Herculis, Pompeiani item Capitolij.* Debiles utique, nimis laxæ, turpes, & inconcinne compositæ fuerunt postmodum huiusmodi ædes ob rariores columnas, quibus ægrè superimposita moles sustineretur: quapropter consultum fuit, vt, ne nimio pondere grauarentur, ruinæque essent obnoxie, ex leui materia epistylia formarentur, ac laxitas, & turpitudinem, ornamentorum adiectione corrigeretur.

BASAMENTVM, grosso quidem vocabulo, sed oppidò expressiuo, appellant nostri Architectones, & Materiarij stabilimentum, structuræ, & firmam constitutionem baseos, in erectione alicuius ædificij; ipsum namque substructionis opus, quod ex iactis fundamentis exurgit, & solo æquatur, *Basamentum* signatè dicitur; quasi firma, & solida constitutio Basis. Vnde Vitruu. de eo ritè constituen-

tuendo præcepta tradens, quamuis hoc nomine non veatur, ita tamen rem ob oculos ponit, ut Interpretibus locum dederit, ad expressionem muneris ad quod factum est, hoc vocabulum, quale quale sit, obtrudendi. Hæc sunt verba Vitruu. lib. 1: cap. 5. *Fundamenta sic sunt faciendæ, uti fodiantur, si queant inueniri ad solidum, & in solido, quantum ex amplitudine operis pro ratione videatur, crassitudine ampliore quam parietum, qui supra terram sunt futuri, & ea impleantur quam solidissima structura.* Et lib. 3. cap. 3. ita incipit: *Substructionis fundationes eorum operum fodiantur, si queant inueniri ab solido, & in solidum, quantum ex amplitudine operis pro ratione videbitur, extruantur: quæ structura per totum solum quam solidissima fiat.* Ad quæ acutè aduertit Barbarus, aliam esse rationem adoriendi hanc substructionem, cum solum est molle, fluxum, & aliàs iam emotum, ac quando de sui natura est solidum, in sui primigenia qualitate consistens, & adhuc immotum: quod ideo substructio hæc faciendæ est proctiusque soli conditione, ac tantò amplior, & profundior, quanta futura est altitudo fabricæ erigendæ: quod ideo addit, peritiores Architectos sui temporis, basamentum hoc latius extendere consueuisse quàm superimponendæ molis parietes futuri erant: idque non ad perpendicularum, nec in acclue ductis fundationibus, sed per adiectos gradulos maiores, & maiores, quò magis ad imum descenderent. At quando mollis est humus, aut congelititia, aut palustris, ut in Hollandia, & Venetijs; tunc, ex directione ipsius Vitruuij, res fistucatione est peragenda. Sequitur enim: *Sin autem solidum non inuenietur, sed locus erit congestitius ad imum, aut paluster: tunc is locus fodiatur, exiniaturque, & palis alneis aut oleagenis ustulatis configatur, publicæque machinis adigantur quam creberrimæ, carbonibusque expleantur internalla palorum.* Porro in Basamento isthoc etiam Stereobata, quod Latini Podium nominant, comprehenditur, estque pars illa structuræ, quæ mox exurgit, & supra terram se extollit iam visibilis, à fundamentis: quippe hæc verius, quàm quæ latet, basis nomen, & officium sustinet: quod nonnotat etiam Philander, in hunc Vitruuij locum, ubi dicit: *Non negauerim Stereobatam posse vocari ædificij basim, quod Basamentum vulgus dicit, sicut stylobatam propriè columna fulcimentum.* Sed tamen

16

BASIS, nomen est communale, & obuium, usurpaturque indifferenter ab omnibus ferè, cum Græcis, tum Latinis Scriptoribus, præsertim Mathematicis. Verum aliud audit in Architectura, aliud in Arithmetica, aliud in Geometria. Et quidem ex sua primaria notio-

tione & etymo, simpliciter idem sonat Græcis ac Latinis, nempe, profundum, hoc est imam partem rei, cui alia membra insident, & innituntur. Hinc pro suo quisque genio, & ad rationem obiecti, circa quod sua facultas versatur, hoc nomen applicat, ad significandum id quod in suo genere imum est, & reliquis partibus subternitur. Sic in Architectura, ut modò dictum est, denotat basamentum, & sulcrum, cui parietes, columnæ, vel stylobatæ insistant. In Arithmetica, numerus planus, quem communiter vocant *Radicem Quadratam* vel *Cubam*, Basis dicitur. In Geometria quævis linea, vel superficies, quæ in imo figuræ iacet, cuique reliquæ partes & latera inniti concipiuntur, basis etiam appellatur. Quæ omnia per se satis patent, & manifesta sunt. Cæterum in Triangulis quæ pars est latior, absolutè vocatur basis, reliquæ latera, aut crura. In triangulo verò rectangulo, latus subtendens angulum rectum, specialiter appellatur *Hypothenusa*; & si in imo iaceat, etiam, & magis propriè Basis. Sed de his clariùs suo loco.

BASILICA ex græca notione *Regia domus* audit, hoc est magnificè extructa, & quâ Regem habitorem decet, omni magnificentiæ, amplitudinis, singularitatis, cura, & studio architectata. Etenim quum Regibus, & Magistratibus incumbat ius populis dicere, proindeque multus, & continuus sit ad eos accessus, æquum est, ut eam habitationem firmiter habeant, quæ simul, & maiestatem redoleat, & sit tantæ multitudinis capax. Propterea olim Basilicæ nomen non tam Principum sedem notabat, quam Publicum Auditorium, ad quod Magistratus, & populus ad contestandas, ac dirimendas lites vnice convenirent: postea tributis officiis factum est, ut Regia, quæ staret Regibus, diceretur; quæ Magistratibus & ius dicentibus, Tribunal; quæ verò publicis conuentibus, negotijs, & ciuium contractibus, Basilica. Ad quam rem appositè Vitruuius lib. 5. cap. 1. ait. *Basilicarum loca adiuncta Foris, quam calidissimis partibus oportet constitui, ut per hyemem, sine molestia tempestatum se conferre in eas negotiatores possint, & infra cum de Tribunalibus agit, in hemicycli formam ea præcipit poni: uti eos (subdit) qui apud Magistratum starent, negotiatores in Basilicâ ne impedirent.* Igitur alia est architectandarum Basilicarum, seu publicarum ædium ratio; alia Tribunalium; alia Regiæ domus. Sed de hac alibi. De Tribunalibus verò, ijs nempe, quas Curias vocant, nam eo nomine veniunt quandoque etiam Sacella, & Apfides templorum, ut in loco diximus) hæc habet Leo Albertus lib. 5. cap. 9. *Media in vrbe Curiam Senatoriam locauere; eique iudiciariam, & templum proximè adiun-*

adtingendum putarunt: non ea tantum re, ut ambulationibus detenti, & causis forensibus occupati, commodius, non intermisso aut studio, aut officio, utrisque satisfacerent; verum etiam, ut Patres ipsi, salutatis *Dij*, non intermissa opera, à templo ad negotium se possint transferre opportunè. At in Basilicis, quoniam, ut inquit Væro, Romani duorum generum Curias habuerunt, alteram ubi Sacerdotes rem curarent *Diuinam*; alteram, ubi Senatus humanas moderaretur; capropter, subiungit Albertus; quid cuique proprium sit, nihil habeo certi, sed sic possumus interpretari, hanc Templo, illam Basilica similiorem futuram, esse. Quò factum esse reor, ut successu temporis Basilicæ in Tempora Diuorum, & sacras ædes abierint, ut iam modo Basilicæ, ac Templi nomina conuertantur. Sed adhuc aliquid pressius, & singularius signat Basilica, ut non quodlibet Templum utcumque, sed quod dignitate, splendore, ac magnificentia cæteris communibus anteciret. Atque adeò, ut Basilicæ nomen promereatur, & ei benè stet, oportet, ut amplissima sit, magnificentius assurgens, deforis porticibus, columnationibus, atrijs, & conducentibus aris; intrinsecus, aris ad maiestatem positis, circumque columnis, elegantibus epistyljs, statuis, picturisque ad pietatem simul, & admirationem excitantibus exornata; & super omnia, (concludit Albertus) ut sit per totum rectitudinata, tum ad decorem, & symmetriam operis, tum ad perpetuitatem. Quales profectò plurimas, & magnificentissimas habet nostra ætas, præsertim Romæ, Principem Vaticanam D. Petro Apostolo sacram, quæ omnem captum superat, plurium Summorum Pontificum cura, & totius Orbis impensis ædificata: alias item minores, sed non minùs in suo ordine splendidas ac magnificas, à priuatis viris, pietate, ac munificentia Regibus æquiparandis, excitatas, & ad ultimam perfectionem perductas, uti Vallicellanam dictam; Farnesianam, Ludouisianam, & Quirinalen S. Andreæ à Patribus Iesuitis cultas, & summo splendore detentas; nostram S. item Andreæ, dictam de Valle; D. Agnetis in Agone, Pamphilianæ munificentia Augustissimum Monumentum; & alias, quas breuitatis gratia missas facio. Porro, ut ad Basilicæ nomen redeam, eoque sermonem concludam, id nominis non in Ecclesiâ nouum, ut signanter sacris ædibus detur; quamquam noua, & recens Basilicarum ad omnes Architecturæ leges ædificatio, & constructionis perfectio, ut iam nil sit ampliùs ac magnificentius desiderandum. Tamen in Antiquis, quæ aliquo modo cæteris eminebant, Basilicas dictas inuenio apud Augustinum, Ambrosium, Paulinum, Hieronymum, atque alios SS. Patres, & alioqui in Ecclesiæ primordijs, eius loco antiquissimum *Dominici* Titulum usurpatum, quod in idem recidit.

BASILISCVS tormenti genus Vide, Bombarda.

BE

BELLVM, quasi *Non Bellum* per antithesin dictum, (vt nomnis etymon explicant Priscianus, Augustinus, & alij, ad eleuandam forte pulchrâ, blandâque expressione, rei significatâ atrocitatem:) siue à Belo originem traxerit, primo nimirum ferrei gladij inuentore, & bellici furoris excitatore, vt placet Cassiodoro. Horribile enimuerò, ac nefandum monstrum est, ab humana feritate conceptum, violentia obstetricante natum, & rapinis ac sanguine enutritum, ad Naturæ exterminium. *Quid enim discrepat à peccante* (rem abominans, & zelo iusto flagrans, pronunciat Theodoricus Rex apud Cassiodorum lib. 1. ep. 30.) *qui se per excessum nititur vindicare?* Impanitenda est ultio, quæ de legibus venit: & excellenter de pulsatō triumphasse, qui victor pronunciat à Iudice. Inter ipsos quoque aduersarios, vt scitis, non erant prius armata certamina, sed pugnis se quamlibet feruida lacebbat intentio: unde & pugna nomen accepit. Postea Belus ferreum gladium primus produxit, à quo Bellum placuit nominare. Consilium atrox: crudele præsidium: serina certatio. Verum enimuerò, & si contentiones, rixæ, & bellum, hominum perniciaciâ, & Naturâ utique repugnantem succrebuit, dehinc necessitate seruandæ æquitatis aduersus eos qui publicæ pacis forent ofores, ac refractarij legum, iure gentium bellum inualuit, & tanquam postremum remedium, ac perfugium, omnium consensione receptum est. Nam neque Iudicium, aut Lex ipsa foret, ni vindicandi peccati necessitas poposcisset. *Bella gerimus vt in pace viuamus*, inquit Philosophus 10. Ethicor. Et Apostolus Paulus ad Romanos scribens, appositam rationem reddit in hæc verba. *Cum enim*, ait, *gentes, quæ legem non habent, naturaliter ea, quæ legis sunt faciunt, eiusmodi legem non habentes, ipsi sibi sunt Lex, qui ostendunt opus legis scriptum in cordibus suis: testimonium reddente illis conscientia ipsorum, & inter se inuicem cogitationum accusantium.* Et cap. 7. addit. *Peccatum non noui, nisi per legem: nam concupiscentiam nesciebam, nisi lex diceret, Non concupisces.* *Occasione autem accepta, peccatum per mandatum operatum est in me omnem concupiscentiam: sine lege enim peccatum mortuum erat.* Tolle peccatum, tolle rixas, tolle discordias, lex otatur, triumphat æquitas, bellum quid sit, ignoratur. Atqui dato peccato, iniuria succrescente, ad eorum vindictam, & castigationem lex posita est, & praualente legibus peccantium perniciaciâ, ea vi & armis obtundenda erat ad sanctarum legum iusticiam asserendam, in suoque iure, ac maiestate seruandam: quod ideo, & ipsæ leges ad sui, & publicæ pacis conseruationem,

O

nem,

20 neni, bello locum dedere, & arma militibus subministrarunt. Ergò, deducit inde Vegetius in procem. lib. 3. *Qui desiderat pacem, præparet bellum; qui victoriam cupit, milites imbuat diligenter; qui secundos optat eventus, dimicet arte, non casu. Nemo audet offendere, quem intelliget superiorem esse pugnaturum.* Quamobrem Legum consensione, & Natura ipsa dicente, Bellum introductum est, quod vnice pacis, & æquitatis est custos, & bellica fortitudo, quæ in armorum tractatione consistit, in virtutum numero computatur. Quippe Bellum est instum (obseruat Liuius lib. 9. *quod necessarium est; & arma sunt pia, quibus nulla, nisi in armis relinquitur spes.* Quinimò (subinfert Cicero Orat. pro Murena) *Rei militaris virtus præstat cæteris virtutibus: omnia nostra studia, & hæc forensis laus latet in tutela ac præsidio bellica virtutis: & simul ac increpuit tumultus, artes illicò nostra conticescunt.* Quod ideo bellicam hanc virtutem vnice exquirat Plato in sua Republica: hæc pueros præcipit imbui ab infantia. Hanc Lacedæmones primùm, mox Athenienses, & Romani, vti necessariam, præ cæteris coluere, eiusque peritiam vsu, & arte, apprimè ediscere curauerunt; ad quod constituerunt Magistros, qui *Tacticam*, hoc est bellandi artem, ex Arithmeticæ, & Geometriæ principijs, milites edocerent. Hanc sæpius in Sacris Paginis. Deus ipse commendat, & præcipit, nec dedignatur exemplo præire, se Regum bellantium doctorem constituere, atque Exercituum Domini, sæpius id attestante in Psalmis Dauide, nominare. Faceßat igitur & in orcum vadat impius ille belli hostis, & scientiarum omnium osor C. Agrippa, qui in detestando libro *De Scientiarum vanitate*, has deridet, & bello bellum indicit, acriter in illud inuehens, ac militarem artem ex orco prodijße obgannit. Nimirum stare non poterant artes Magicæ cum salutaribus, & innoxijs disciplinis, quas ipse damnauerat, vt illis totam operam daret, de quibus perniciossimum volumen edidit *Trinum Magicum* prænotatum, meritò ab Ecclesia, vt & antè præfatum librum, vtrumque æquè noxium interdictum. Sed hæc obiter.

21 Est igitur Ars militaris Theatrum omnium Scientiarum, & Palæstra, in quam omnes confluunt, & suppetias dare contendunt, præcipuè verò Mathematicæ: namque vt bellum, iustè, & feliciter iniatur, non serino more gerendum, sed arte, ac prolusione virtutis. Quippe in omni pralio (scitè monet Veget. lib. 1. cap.) *non tam multitudo, & virtus indocila, quam ars, & exercitium solent præstare victoriam.* Et infra: *Nemo facere metuit, qui se bene didicisse confidit.* Cui adstipulatur Senator Cassiodorus lib. 1. Epist. 40. ita in pace differens: *Ars bellandi, si non præluditur, cum necessaria fuerit,*

non

non habetur. Fida Reip. salus est defensor armatus: discat miles in otio quod proficere possit in bello: animos subito ad arma non erigunt, nisi qui se ad ipsa idoneos, præmissa exercitatione confidunt.

Itaque bellator ab Geometria discit ordinare acies, metare Ca- 22
stra, ponere Munimenta. A Geographia, locorum distantias venari, notare situs, trānare amnes, angustias deuitare. Ab Arithmetica, agmina distribuere, numerare capita, in ordinem dirigere, atque expensarum computum, & rationem habere. Ex Optica directionum lineas trahere, Munimentorum Orthographiam delineare, tormenta ad scopum explodere, atque ad amussim librare. Ab Astronomia congruum tempus eligere ad bellum inferendum, tempestates præuidere, climata noscere, & cæli faciem in qua versatur, & ad quam tendit Exercitus, obseruare. Sed in Architectura tota consistit laus militaris peritiæ, in excitandis nempe benè instructis arcibus, in propugnaculis ritè distribuendis, in Valli efformatione, in prætenturarum loco, & tempore congruentium adiectione: cui subfamulatur Mechanica in Machinarum compositione. Stat igitur Artem militarem esse Disciplinarum omnium Mathematicarum compendium; & bellum, earum praxim, & scholam, cui Mars præsidet, & fortitudinis lauream merentibus præbet, gloriæ, virtutis, & præmij incitamentum.

Et hanc profectò scholam omnibus artibus instructissimam aperuisse videtur in Belgio, vniuerso Orbi ad eam frequentandam aduolanti, superiori sæculo, vt acutissimè obseruat Famianus Strada initio suæ disertissimæ Historiæ de Bello Belgico. Quippè, ait, tot gentium aut armis aut pecunia, certè animis & consilijs, etiam nūm geri videmus, quasi in vno Belgio de Europa imperio dimicetur. Et infra Planè, vt in alias terras peregrinari Mars, ac circumferre bellum; hic armorum sedem fixisse videatur.

Quocircà manifestè euincitur, Bellum virtutis incitamentum esse, 23
Iustitiæ propugnatorem, atque assertorem, discor diarum disceptorem, fidamque Pacis custodiam, atque adeò iustum, sanctum, Deo acceptum, si pro eius honore, aut zelo iustitiæ, aut tandem ad propulsandam illatam iniuriam suscipiatur: econtrā iniquum, barbarum, ferinum, quod adornat ambitio, furor excitat, aut priuatum odium, & consummat rapacitas, truculentia, atque alienæ pacis inuidia. Cæterum ad vtrumque requiri artem, & studium: in Milite quidem gregario robur, audaciam, hilaritatem, sustinentiam, & promptitudinem: in Duce verò solertiam, peritiā, experientiam, in aduersis constantiam, virtutis æstimationem, ac nominis celebritatem.

- 24 BENACVS *Lacus* (sit mihi concessum è tot celebratissimis, quos in toto terrarum Orbe Geographia enumerat, vnum in Italix nostræ confinijs positum, speciali nota dignum commemorare) *Vrbis Veronæ Venetæ Ditionis laus est, decus, & opulencia, ad tredecim milliaria ab ea distans, singulari cæli clementia gaudens, riparum amœnitate, & vberrentia lectissimaque piscatione clarus, quo Ciuitas alioqui illustrissima, illustrior redditur, ac suprà cæteras Italix vrbes extollitur, vnde Distichon illud emerfit:*

*Vrbibus Italicis præstat Verona superbis,
Aedibus, Ingenijs, Flumine, Monte, Lacu.*

- Nec immeritò: nam si ædes, seu publicas, seu priuatas, consideres, nullibi tam frequentes, ornatas, magnificas, posuit Architectura. Sat pro cunctis decantatissimum Amphitheatrum vulgò *Arena*, adhuc integrum manens, è secto, & variegato lapide quem *Mandulatum* vocant, ex ipsius agri Veronensis fodinis eruto, quo tota ingens hæc moles exsurgit, atque ad æternitatem tendit, quæque antiquum splendorem seruat, & etiam nùm in ludis, & spectaculis, & lucro, & oblectamento Vrbi est, ac Romanorum Amphitheatro penè exciso, & ad omnia inualido, superbè illudit. Si ingenia; nullibi in omnibus disciplinis, & fræquentiora, & clariora inuenies. In Architectura, sat vnum pro mille, Vitruuium memorate. Si Flumen Athesim, non aliorum annium accessione, sed suis limpidissimis aquis tumidum, longè lateque æquali incessu permeans, stratisque suprà, quatuor amplissimis è marmore pontibus, superbiens, singulare. Si Montem Baldum, eò Natura sæcundior, & ornatior non habet; fodinis, pascuis, lectissimis floribus, medicinalium herbarum varietate, copia & præstantia, vt vnus tot in Europa Pharmacæorum officinas oppleat, cunctaque abundanter suppeditet. Sed redeamus ad Lacum à quo paululum digressi sumus. Est quidem ille non vastus, sed moderatæ amplitudinis, in longum se extendens ad triginta citè quinq; millia passuum, vsque ad Riuam, Tridentini Principatus Oppidum, vbilimes, qui Italiam determinat à Germania. In latum varius est; alicubi sex, alibi duodecim; & vbi maior amplitudo inter Sirmionem & Gardam, vnde agnomen lacui stetit, ad decem & octo milliaria se extendit.
- 25 Huic ad Ortum imminet laudatus Mons Baldus, & veluti circumcingit, nisi quod ad Austrum amœna sinit frui planitie eius ripas, quæ tantà soli sæcunditate congaudet, tantà lectissimorum fructuum vbertate, præsertim limonum, atque aurantiorum, vt sub rigidissimo cæteroqui Cælo, aër lacui incubans circumquaque repescat, ripas-

pasque permixtat impunè huiusmodi plantis frigoris intolerantibus conueltiri: quæ tam secundæ sunt, fructuumque feraces, vt de ijs latè finitimis vrbibus prouideat, ac Germanis ad delicias subministrer. Sed & piscibus scatet longe lectissimis, & gustui suauissimis, vti cum comederis, obstupescas, & dixeris hos, ab alijs aliorum lacuum, specie esse diuersos, & longè sapidiore. Habet insuper Carpiones sibi tantum à Natura concessos, omnibus absque hyperbolè piscibus Maris, amnium, & lacuum, sanitate, & præstantia antefereandos; quos ferunt auro, vesci, eoquod in visceribus exenteratis non inueniunt curiosi indagatores, nisi arenulam flauam, & fulgidam. Vt vt sit, certè non vana est Veronensium gloriatio, quæ abiit in prouerbiū. Si tantum telluris haberent, quantum lacus hic latè paret, quæ auro seminata, fructum alijs frugibus parem proferret, non vtique tantum emolumentum inde caperent, quantum expiscium copia, & præstantia Benacus suppeditat, vel ipsis Comæclentibus vallibus inuidendus. Verum enimuero non adeo mitis, amœnus, placidus, diues ac liberalis est, vt non aliquando fluctibus ferus exæstuet, irascatur, procellas vltro commoueat, & integras naues absorbeat. Vt discas in ipsis vltroceis Naturæ donis, non fidere, non superbire, non insolenter extolli, sed parcè, sed cautè vtī, atque ad ea capeſſenda, cum timore ac moderamine intrā modestiæ fines te continere.

BES apud Geometras est ratio quædam mensuræ, quæ continet duas è tribus partibus Assis: quod idè Festus exinde dictum putat, quod bis triens sit. Sed contra Varrò ab Assè nomen deriuatum existimat, quia vt integrum assen compleat, triente minus est. At quod ad rem attinet, Antiqui Pedem pro asse sumebant, quem pro radice, & fundamento, siue prima mensura constituerunt, ideoque illum, vtī & omne quid totum in duodecim partes dissecuerunt: quarum vnā partem Vnciam dixerunt, duas, sextantem: trēs Quadrantem: quatuor Trientem; quinque Quincuncem: sex semissem, quasi semiassem: Septem, Septuncem: Octo, Bessum nominarunt: quocirca benè stat octo partibus bessis nomen, quod ad integrum assen è totis duodecim tertia parte deficeret: vnde apud Columellam habes lib. 5. cap. 1. quod Bes, octo partes iugeri sunt, in duodecim partes diuisi. Verum posterioris xui computatores, & Mathematici, quia ad perfectam, ordinatamque diuisionem suarum quantitarum, Senatium numerum inuenerunt suis operationibus valde accommodum & opportunum; ex quo statuerunt, integrum assen non ex duodenario numero, sed ex senario coalescentem concipiendum esse.

esse. Sicque in posterum Bessis haberi capit, ac signari pro quatuor Vncijs, seu duabus, è tribus partibus Assis; atque ad eundem modum, Bes alterum vocabatur alius bes ad totum assem adiunctus. Quæ appellatione veniebant totæ decem vnciæ, hoc est aliæ quatuor ad integrum assem adiectæ. Hæc omnia enucleatè Vitruv. lib. 3. cap. 1. dictorum, ac factæ mutationis rationem reddens, his verbis. *Mathematici verò contrà disputantes, ea re perfectiorem asse dixerunt numerum, qui sex dicitur, quod is numerus habet partitiones eorum rationibus sex numero convenientes.* Et postquam singulas partitiones suis nominibus græcè & latinè vsque ad fastidium compellauit, de Bessè, altero, siue decem partibus in vnum collectis ita concludit: *Duabus partibus additis, & decussis factis Bes alterum, quod Epidimoron vocant.* Sed de his relege quæ diximus in V. As.

B I

- 27 BIBLIA PETRARIA, vt notat eruditissimus Lipsius in Poliorcet. erat olim Germanis species quædam machinæ seu tormenti iaculatorij, Catapultæ haud multum absimilis. Nam in Chronico quodam, ait, Leodiensi, ad ann. 1313. (antequam nempe tormenta ænea, seu bombardæ inuenirentur) Episcopus quidam illius temporis, nescio quo bello implicitus, misit Leodium; inter alias machinas iaculatorias, *Biblias Petrarias, seu Catos versatiles, nescio quæ ex his ingenijs, in signum quod intendeat castra solo æquare.* Et in alio Chronico, quod idem Lipsius citat, habetur: *Bibliam petrarianam, & cætera bellica instrumenta.* Sed quæ ea fuerint, & cuius vsus, modò subtilius inquirere, otiosum, & superuacaneum foret; quando habemus ipsis Germanis inuentoribus, alia tormenta longè validiora, ac terribiora, quorum vsus probè nouimus, & quæ istiusmodi, & si quæ alia sunt, vsus, & memoriæ abolerunt, vt vix nudum nomen apud paucos Scriptores residuum sit.

- 28 BICLINIVM, vti & *Triclinium* locus erat antiquitus vnicè conmessationibus destinatus in accommoda satis ædium parte: atque ideo inter præcipuas Architecturæ curas veniebat, vt foret amplum, hilare, luminosum, semotum, atque accumbentium conuiuiarum conditioni, & numero accommodatum: Et quoniam lectisternijs locus distinctus, & completus erat, eoque veteres inclinati ad mensam cænant, atque adeo accumbentes in lectis; ideo ab eorum numero, Biclinium, Triclinium, *Quadriclinium*, &c. Conclauem, vbi tandem lectisternia parabantur, denominabant. Verùm quia communis vsus (siue commodum, siue religio introduxerit) erat, vt tribus tantummodò lectis sterneretur, qui essent capaces plurimum

con-

conuiuiarum, omnibus promiscuè Triclinij nomen mansit, etiam si vnus tantum ad mensam accumberet, aut vnus, vel plures, vltra tres lecti in Cœnaculis adhiberentur, vt notat Seruius in Aeneid. lib. 1. Cæterum Biclinij mentio frequens est apud Plautum. Sed vide quæ dicemus in V. Triclinium.

BIFFAE Machinæ erat Lithobotæ trecentis ab hinc annis maxime vsitatæ; quarum descriptionem satis exactam inuenio apud Aegidium Roman. in lib. de Regim. Princip. 3. parte, lib. 3. cap. 18. in hæc verba: *Aliud genus Machinarum habet contrapondus mobiliter adharens circa flagellum, vel circa virgam ipsius Machinæ, vertens se circa huiusmodi virgam. Et hoc genus Machina Romani pugnatōres appellauerunt Biffam.* Fortè eadem, quæ alias Briccola; de qua infra.

BIFORVM, in arte Architectonica dicitur Ostium, quod binis foribus clauditur. Sicut Quadriforum, quod quatuor fores habet ad elegantiam, & maiorem commoditatem. Nostates vniuersaliter appellant *Porte spezzate*: siue etiam *Le Partite delle Porte*. De vtriusque mentionem facit Vitruu. de quibus ritè aptandis, vtilia præcepta tradit lib. 4. cap. 6. Vbi Barbarus notat Bifores, & quadrifores portas intelligi non omnino seiunctas, & singulas suis cardinibus inhærentes, sed eas, quæ vnâ, aut duas flexuras habent; hoc est totidem partibus ab se distinctis, sed tamen inter se connexis constarent; itaut leui negotio explicari, & contrahi pro libito possent: ne aliàs, si integræ, & exporrectæ relinquerentur, operis symmetriam, & internæ domus liberio rem prospectum turbaret. Ad quod facit illud Ouid. 2. de Ponto.

Bifores intrabat Luna fenestras.

BILANX notum, ac triuium, quod manibus omnium teritur, instrumentum, ad æstimanda pondera factum; à bina lance, quæ hinc inde pendet à trutina, denominatum. De eius ratione fusè agit Philoſophus in Mechan. quæst. 20. Cuius virtutem positam esse, inquit, in æquilibrio; quod signat lingula, seu examen in medio scapi constitutum, quod Græcè dicitur *Canon*, quoniam ratio est sistendi ponderis ad æquilibrium: & si quidem æqua sint pondera, lingula in medio ansæ persistit immota; atque indifferens, neque ad dexteram neque ad sinistram declinans; sin autem ad vnâ partem vergit, indicio est, illud pondus aduerso ponderosius esse, tantòque plus excedere, quantò profundius inclinatur. Huic affinis est *Statera*, quæ ex vna parte scapi, quæ per ansam separatur ab alia ha-

habet lancem, seu pro lance vncum, cui appenditur pondus, cui in proximo est axiculus diuidens ac suscipiens in extremitatibus ansam, quæ scapum eleuat ad librandum: reliquum verò scapi, quod est protensus lineolis, seu denticulis interdistinguitur, numeris librarum, & partium, quot vnaquæque res ponderanda pendet, correspondentibus, & ibidem signatis, per quod proinde liberum *Sacoma*, seu æquipondium (*Romanum* nostri nominant) excurrit, & ubi tandem sistit in æquilibrio, signum est tanti pendere pondus appositum, quantum numerus denticulorum prætercursorum demonstrat. Sed de hac fusius suo loco.

- 32 BINOMIVM appellant Geometræ quantitatem illam siue lineam irrationalem, quæ resultat ex binis nominibus, hoc est ex duabus quantitatibus simul acceptis, quæ seorsim sunt in seipsis rationales, ideoque saltem potentia, seu in suis Quadratis commensurabiles. Quæ de re fusè Euclid. lib. 10. Algebriçi tamen ad maiorem distinctionem, absolute omnes numeros, irracionales constantes duabus particulis, & signo \pm indicante nexum inter eas, vocant Binomia: sicut econtrà omnes irracionales abscissas, seu quæ ex rationali in plures partes dissecta, supersunt nulli rationali commensurabiles, appellant Apotomas. Porro sex Binomiorum, atque Apotomiarum species distinguit Euclides. Tres, quas vocat priores, quando videlicet Quadratum maioris nominis (sic nominat maiorem portionem quantitatis, quæ utique sit cum alia, saltem potentia; commensurabilis) ad excessum minoris supra quadratum, est ut numerus quadratus ad alium numerum quadratum. Tres verò species posteriores sunt, quando quadratum maioris nominis ad dictum excessum, non est ut numerus quadratus ad alium numerum quadratum; id quod in singulis speciebus tripliciter etiam euenire potest, ut exemplis probat Euclides & commonstrant adhuc luculentius cius Commentatores, Commandinus, Clavius, & nouissimè Vitalis Iordanus à proposito. 48. vñque ad finem.

Extractio autem Radicum ex Binomijs atque Apotomis, hoc modo fit. Primò accipe differentiam quadratorum vtriusque nominis, & ex vtraque extrahe radicem quadratam. Secundò radicem inuentam adde maiori nomini, ac deinde ab illo conflato similiter subtrahere. Tertiò, radicem quadratam semissis illius summe iunge radici quadratæ semissis illius relictæ per signum coniunctionis \pm . si propositum sit Binomium, vel absconde per signum $-$, & habebis residuum, seu quæsitam Apotomen. Sed de hac re enucleatius in V. Apotome.

BLINDES in re militari vocantur opera quædam in genere Vinearum, quæ sunt ex lignis, ramalibus, & cannis palustribus simul dispositis & contextis. Quæ potissimum apponuntur ad suggestus tormentorum, tum ad hæc hostibus occultanda, tum ad milites, libratoresque simul regendos. Sæpè etiam adhibentur ad opplendos hiatus in vallo ab hostibus apertos, atque ad reparandas loricarum ruinas: & in summa semper in manu sunt, ac præstò oportet esse ad reparandas scissuras, & ruinas, quæ vbique & quomodo libet fiunt, quotiescumque alia via non suppetit, ac non permittit tempus, loca infracta & conquassata, firmitus communire, ut sæpe euenit in subitis aggressionibus, quæ arripiuntur ab hostibus hinc inde, siue in Arcibus, siue in Castris. Nouum, ac salutare sanè inuentum à Gallis excogitatum, & primò inuectum, ad occurrendum subitis casibus, qui cunctationem, & firmiorem operam non admittunt. Quod ideo, ut dixi, ab inferentibus æquè, ac sustentibus bellum, semper parata, & continuo ad manus haberi conuenit.

BOLIDES olim dici consueuerunt certa missilia ad modum hastæ, telum & ignem circumferentia, quæ apud Veteres maxime in usu erant, (nec tamen hodie vsquequaque in consiliis, præsertim à Gallis intermissa,) ut mihi in quibusdam Armamentarijs videre licuit. Hæc habent in medio speciem quandam coli muliebris ad recipiendam nitrata stupam, & alia ignis conceptacula, in apice verò peracutum spiculum. Igitur eiulatæ igneque admoto, eoque per motum accenso, rapidiore cursu ferebantur ad naues, ligneas turres, vineas, & alia id genus, ad quæ directæ erant, iisque adeò tenaciter adhærebant, ut tandem conflagrantes flammam in adiecta transmitterent, & magnum incendium excitarent. Sed de his clariùs suo loco in V. *Phalarica*.

BOLIS etiam, in re nauigatoria dicitur plumbum, seu perpendiculum, quo Nautæ in incerto positi, maris altitudinem explorant; ut Sirtes, voragines, & alia incommoda euitent. De qua re fusè alibi.

BOMBAE, grosso quidem vocabulo, sed satis ad rem explicandam idoneo, vocantur ab Machinatoribus bellicis, ænei quidam globi non ita pridem inuenti, qui intus, & nitrato puluere, plumbeis globulis, lapillis, clauis & catenarum fragmentis oppleti, è mortarijs, (Carcassas vocant,) vi similiter accensu pulueris, &

libramento facto, in altum attolluntur, vbi, admoto priùs ad funiculum igne, ad latentem intùs materiam sensim, & dato tempore processuro, in obsessam urbem, vel hostium munimenta cadunt, ac mox igne angustiarum impatiente, magno impetu, & fragore (ex quo nomen accepere) disrupti, latentem pestem, & ipsa eorum frustra hanc illac furiosè circumferunt, & quò isthac peruenierint, magnam cladem & irreparabile excidium important. Sed militaris solertia, & acumen id etiam adinuenit, vt hisce machinamentis, non tam in ruinam, & inferendam hostibus perniciem vterentur, quam ad proprium commodum, & ad importandam socijs annonam, nitratum puluerem, & alia minutiora, quibus ad sustinendam obsidionem, maximè opus habent: & quando non aliud, salubriora consilia in litteris consignata, quibus certiores fiant, in quo statu res sit, & quatione, aut fortiter resistendum, aut cum hoste ad deditionem æquis conditionibus paciscendum. Id quod semper cum prospero euentu accidit, absque eo quod ab aduersarijs impediri, aut intercipi possit. Adeò ad summum perfectionis apicem euecta est, mathematicarum scientiarum subsidio militaris ars, vt quæ aliàs in damnum & exterminium inimicorum facta sunt, etiam in proprium commodum, & sociorum leuamen vertantur. Pari etiam ratione

- 36 BOMBARDA exterminatorium verè tormentum, nomen accipit à bombo, à strepitu, & fragore, quem in explosione sua edit, adeò vehementi, vt & turres tremere faciat & aues exanimatas, vel stupidas in terram decidere. Tartareum sanè inuentum ex orco potius, quàm ex humano, Germani cuiusdam ingenio proditum, ad naturæ humanique generis exterminium. Eo nomine veniunt omnes huiusmodi machinæ fulminatorix, tam maiores quæ ad quatienda mœnia adhibentur, & pro sui magnitudine, & ponderositate curribus aduehuntur, & vocantur Cannones, Colubrinæ, Artillarix, Basiliscai, Mortaria, quæ applicantur ad portas, Falconetti breuiore, &c. quàm minores, quæ manibus gestantur ad feras hominesque eminus iaculandos, & occidendos; quarum aliæ habent tubum, oblongum, vt Sclopi, Mosqueti, Arcobusij, aliæ breues, quas vocamus Terzettas Pistolas &c. & hæ omnes præparantur ad opus pulvere nitrato, ad certam portionem, & pila ferrea, vel plumbea quæ fortiter detrusa penetrat vbi impingit, vulnus infert, & plagam fæpè mortalem & irreparabilem facit, quod ideo vt ad scopum collineet, debet proportionari tormento à quo eiacularur (quemadmodum de Catapulta diximus, ac Ballista) ita ut tantum pondo sit, quantum tormenti qualitas patitur, orique eius respondeat. Vbi bene

benè stipata adiecta stupa, vel macerata charta, mox vt leuiter ignis admoueat paruo foramini, quod ad internam tubi cauitatem respondet, incendit puluerem ibi clausum, qui conuersus in flammam, tanta vi se dilatate connititur, atque impactam pilam detrudit, tanto impetu & fragore compulsum, vt vix violentius agant fulmina, & tonitrua, quæ è dilaceratis nubibus erumpunt, ac turres, & montium cacumina impetunt, & collidunt. Sed audiamus pulchram huius machinamenti descriptionem apud Philippum Camerarium in Meditationibus Historicis, Centur. 4. cap. 18. à Stephano Forcatulo eius auctore depromptam. *Germanis, inquit, tribuitur inuentum machina expugnatricis, globos igneos eiuculantis impulsu incensi pulueris, tonitru quoddam terrestre simulantis: nisi quod non tantum terret, vt tonitru, sed etiam perimit, conuellit, destruit: Aded nil pestilentius Urbibus est obfessis, vel salutaris, dum obsidentes arcentur, & missilis ignis regeritur. Quid enim boni Natura dedit hominibus sine aliquo malo? Duo præcipue elementa, ignis & aqua, hoc patefaciunt, quibus vita maxime fouetur, & maxime perditur, absorptis orbibus, nedum hominibus; quibus etiam constat exitialis ille puluis, concinnato nitro, sulphure, aqua vitali, & quod caput est, saligno carbone. Et paucis interiectis: Verisimile est, subdit, Deum singulari quodam iudicio misisse tam perniciosum tormentum recenter reperiri; idque à Christiano homine; vt mutuo terrore affecti mortales, nec viribus confidentes, facilius alerent concordiam, & bella detestarentur, incerti, & mortiferi ictus timentes aleam. Sedet de eius prima inuentione, hæc habet Polydor. Virgilius lib. 2. cap. 6. Fertur homo ad exitium humanum natus seruasse aliquando domi in Mortario puluerem sulphureum, cuiusdam medicina facienda causa, illudque texisse lapide; ac inde contigisse, vt dum ignem è silice propè excuteret, scintilla intrò inciderit, subitoque flamma eruperit, atque lapidem in altum tulerit. Et illum eius rei casu edoctum, postea facta ferrea fistula, & puluere confecto, machinam reperisse. Et hoc quidem fuit primum pyrij pulueris rudimentum, & machinarum postea ænearum adumbratio, quam contigisse, memorant anno Domini M.CCCXXX. Quarum artificium, vsumque edocti Veneti, in memorabili illo cum Genuensibus bello, ad Fossas Clodias facile hostes, alioqui victorijs insolentes, rei nouitate territos, & circumuentos vicerunt: indeque rescita ratione consiendi, & probe vtendi huiusmodi machinamentis, reiectis, & contemptis antiquioribus, promiscue adhiberi cæperunt. Licet nonnulli ad anteriora tempora referant, vt videre est in Theatro Vitæ Humanæ V. Bombarda. Et alioqui Crantzius in Histor. Vvandal. aperte scribit Christophorum Danorum Regem, sub anno Domini M.CCLXXX. ictu Bom-*

bardæ sublatum . Item qui de Rebus Sinicis Commentaria edidere , testantur apud illas gentes Bombardarum vsum , earumque multiplicem formam , & magnitudinem ; longe antequam in Europa noscerentur , inclaruisse . Vt vt sit ; illud cum eruditissimo Nau-dzo existimauerim , quod quàm in Artis æquè ac Naturæ operibus ab exiguis , & rudibus principijs , ad maiora , & perfectiora sensim , deueniatur ; ità & in his machinis enenisse , vt primò rudes , & informes , mox perfectiores , & perfectiores , ex humani ingenij acumine , & Mathematicarum artium pcnu identidem prodijisse , vt iam ad istam & vltimam perfectionem peruenierint .

- 38 Nam ex Optica , easdem ad scopum collimandi peritia ; ab Geometria , congruas locorum distantias mensurandi , & colligendi ; Ex Statica , potentiz obtudentis vim , cum globorum pondere conferendi ratio comperitur ; ex Arithmetica , ad longitudinem tubi quantum pulueris admittere queat vnumquodque tormentum , vt iustum ictum faciat , quantumque pondo pilam patiatur , calculatione dignoscitur . Ab Architectura demum desumitur ratio ijs prouidè occurrendi , ad frustrandos , aut leniendos ictus , excitatis aggeribus propugnaculis , vallis , antemuralibus , prætenturis &c. Atque ex eo in tantam claritudinem Ars militaris euecta est , vt antiquorum munimenta , cèn pueriles ludos derideat , hastas , fundas , arietes , scorpiões , & alia id genus contempserit , & missa faceret , nouamque inierit bellandi rationem , in qua minus quidem elucet roboris , & fortitudinis , sed longè plus ingenij , dexteritatis , & artis : itaut omnem humanum captum transcendere videatur , quàm appositè omnia in finem cedant , quam peritè machinarum istarum libratores eas dirigant , & attemperant , ad duo , vel tria etiam milliaria , vt in caput hominis directus globus ad vnguem cadat , & quod magis mirere , in ipsas hostiles machinas , ac tormenta tam directè , tam exquisitè globi eiaculentur , vt in eorum orificia , rarò fallente ictu , sese immittant , internæque canitati se potenter obtendant , tam valideque adhæreant , vt penè agglutinentur , ac proinde , nulla vi , nulla arte , inde diuelli possint , absque fracturæ discrimine : quò fit , vt inutilis postea eiusmodi machinæ inimicis reddantur , impedimento potius , & nulli vsui accommodatæ . Cuius arcani rationem ex intimis Philosophiæ , & Mathematicæ , sibi mutuò manus dantium , penetralibus erutam , vti & circà modum onerandi , librandi , explodendique tormenta , huiusmodi subtilitates adhuc inuentas , & in dies magis , ac magis inueniendas , lege in Thaumaturgo Mathematico à problem. 91. & ex professio , in lib. cui titulus *Les Travaux de Mars.* à Mallet nobili Gallo , Lusitanæ Regis Armorum Præfecto , non ità pridèna in lucem edito .

BOMISCOS græcè appellat Pappus Alexandrinus, genus quoddam Porismatis ab se demonstrati lib.7. Collect. Mathem. propos. 34. in quo positus ex vna parte duabus parallelis iacentibus, & transuersis; & ex altera; duabus itidem eiusmodi parallelis, ad prædictarum singulas inclinatis; ostendit, necessariò sequi, ex aduerso ductas alias similiter inclinatas, fore similiter parallelas. Quod, ideo peculiari nomine, Bomiscos placuit præsignare, quia (vt ait Comandinus interpres, in dictum locum) *Parui alteras imaginem referat*. Sunt qui hanc figuram appellant Cuneolum, vel Sphænisfeum; de qua suo loco. Videbis figuram, & desuper factam demonstrationem, loco citato.

39

BORISTHENES, seu, vt habet Ptolemæus in Geographia; *Borysthenes* aut *Borysthenes* fluuius olim Scythiæ, nunc Sarmatiæ Europææ, celeberrimus secundum Istrum, omnium planè quotquot Orbis terrarum enumerat, maximus, & longissimus, ad sexcenta stadia nauigabilis, ac totas fere Septentrionales regiones circumiens, latè permeans, & complectens, ideoque speciali nota dignus, vt non cum cæteris, iniurioso silentio obuoluatur. Is inter alia mirabilia, id habet (vt refert Strabo) quod in ostio vnde emergit, ingens vis salis enascitur; & tamen aquas habet dulcissimas, & pisces producit singulares, & varios, gustuique sapidissimos, in quibus nulla internoscitur spina. Ab Incolis Neper dictus. Ortum habet à montibus Venedicis in Russia, non longe à Moskoa Metropoli, iuxta pagum ab eo Dnepersko, denominatum, sub longitud. grad. 52. latit. 53. ac longo tractu incedens, diuidit Russiam à Lithuania, atque adeò plures Ciuitates & Oppida alluit, sua nauigatione communicabile reddit, & circumductis mercimonijs ditat. Tandem ad Pontum Euxinum se exonerat, tam vasto aluico, vt procul aspicientibus, freti formam exhibeat. Labitur autem flexuoso cursu; primò quidem vergens ad Meridiem; tùm siccitur ad Ortum, Smoleskum, & alia non ignobilia Oppida stringens. Inde rursum ad meridiem se conuertit, Kiouiam Russiæ olim Metropolim, Circassorumque oras lambens, ac simul sæcundans: ac tandem per campestria deserta fluens Oczacouiam Tartarorum Percopensium Oppidum, XL. Milliarijs à Circassis distans, attingit, & vt dixi, in Mare Ponticum finit, medius inter Asianum, & Hypanem fluuios Sarmatiæ celebres, sub eleuat. poli gr. 49. ac longitud. gr. 58. Eius nauigatio plurimum commodi affert, non modò regionibus quas abluit, sed & finitimis, alias desertis, & nimio frigoris rigore squalentibus ac sterilibus.

40

BOS-

- 41 BOSPHORVS, seu vt alij rectius scribunt, *Bosporus*, iam modò apud Geographos indifferenter audiunt quæcumque maris angustia inter duas continentes positæ. Originariè tamen, primariò & absolute eo nomine intelligitur Hellesponticum Fretum, quod Os Bizanthiacum vocant, eo quod Bizantio proximum sit, & per quod Pontus Euxinus, dictus Mare Nigrum, cum Aegæo Mari albo communicat, indeque in Mediterraneum illabitur. Nos vulgo vocamus *Lo Stretto di Costantinopoli*. Cæterum Bosporus dictus est græcè quasi *Bonis transitus*. Perhibent enim Fabulæ, Iolem Virginem in bouem à Iunone mutatam è Thraciæ sinibus in oppositum Asiæ litus, per hanc maris angustiam transiisse; ideoque ex hoc transitu, Fretum tale nomen sortitum esse. Porro Bosphori nomen æquè alteri celeberrimo Fretò inditum nansit; idque non tam ob similitudinem, quam ad æmulationem, qui ad distinctionem, Bosphorus Cimmerius dictus est, ille vero Thracius. Et Cimmerius quidem appellat strictum illum sinum, per quem Mæotica Palus ex altera parte, Euxino se iungit: atque duobus hisce celeberrimis Bosphoris Europa per longum ab Asia separatur; itaut ipsi simul, & Tanais amnis sint eius diuisionis limites distantes ab inuicem milliarijs quingentis. Ex his duobus, Cimmerius latior est, nam vbi se magis coarctat, excedit milliæ, Germanicum, hoc est quinque ad minus è nostris. Thracius autem ad Gallipoliæ adeò angustus est, vt canum latratus, & gallorum cantus, ab vna in altera ripa exaudiatur. Ad fances verò, vbi Sestum, & Abydum Oppida, hinc inde Veteres in limite constituerunt; nunc sunt duæ munitissimæ Arces à Turcis excitæ ac sedula vigilantia custoditæ in vnus milliarijs distantia, quas *Dardanellos* nuncupant. Sed & Ossium istud ponte clausisse Xersem Persarum, ac Mædorum Regem, ferunt Historici; qui tamen pons ob maris æstum non diù fuit durabilis. Porro hi duo Bosphori magno sunt
- 42 Turcis commodo, atque vtilitati, suntque Constantinopolitanæ vrbi duo veluti vbera, salus & incrementum. Namque duo opposita, & seiuncta maria vniunt, ac breui tramite adinuicem sibi permeabilia faciunt: ex quo hinc cum tota Asia, inde cum Africa, ac reliquo tractu Entropæ conimune commercium perquam facile, & lucrosissimum aperitur. Ob id immensæ opes Turcarum Tyranno, & Regiæ vrbi quotidie accrescant, mercibus, tributis, copijs, vndique è tam vasti corporis membris, ceu ad cor, assidue confluentibus, & iterum tanquam circulator sanguis, è corde ad membra iugiter remeantibus. Sed si conferuntur simul commoda, & incommoda, non minor sollicitudo, & cura Turcas vrit in ijs custodiendis, & eorum liberum

berum commeatum ab insidiantibus hostibus asserendum, & con-
tutandum. Quandoquidem eadem felicitate Arces occupari pos-
sunt, ac transitus intercludi, quàm manet apertus: idque haud ma-
gna parata Classe quæ ad fauces stataria sit, quæ accessum prohibent
atque vltro citroque remeantes naues, aut intercipere, aut in fun-
dum demergere: vti non semel audiuius factitatum proximis an-
nis à Venetorum Classe, dum fureret Creticum bellum: adeò vt,
si auxiliares copiarum opem ferentes in tempore accessissent; quò Ve-
netis aliunde bene protectis, stationem inibi diuturniorem figere,
datum fuisset, proculdubiò ex his angustiis in vltimas angu-
stias reductum foret Othomanum Imperium. Et, o vtinam hoc in-
telligerent Christiani Principes, vt fœderati simul, in rabidissimum
hostem, Occidentis etiam Imperio inhiantem, insurgerent; profectò
leui opera, hinc à mari vndique circumfesso, nauigationis vsu prohi-
bito, illinc terrestri itinere ex Hungaria, & Polonia numerosus
exercitus Vrbum improuisus inuaderet, non fossa, non vallo, non
artibus communitam; vtique truculentissimæ, & insatiabilis bellarum
facili negotio, cornua infringere possent, ac fame hinc premente,
commeatu præcluso, illinc ad portas hoste viso, Turcicum robur san-
guine haud per venas meante, languesceret, inque vltimum exitium
properaret. Nec res vacat exemplo: nam quandiu alter Bosphorus,
nempe Cimmerius, in Christianorum Genuensium potestate fuit,
haud ita viguit Turcarum potentia, nec vllos vnquam memorabi-
les progressus fecit: namque erat illis frænum ad os Theodosia Ciui-
tas in eius ostio ad Tauricæ Chersonesi limitem, portu & commer-
cio nulli secunda, vbi & hosti transitus, & accessus omninò interclu-
deatur, & amicis accurrentibus cum copijs, & commeatu, liber
erat: At postquam Græcorum inuidia, & Principum Christiano-
rum discordia, suppetias in tempore non ferentium, in manus Tur-
carum venit, Christianorum vires elanguere: mox dominium, &
existimatio periit, amissa Græcia, portubusque omnibus, & arcibus
quas in Oriente habebant, subito occupatis; & econtrà Turcarum
Tartarorumque potentia ad summum euecta est. Hæc obiter, at fa-
ne non absone nec inutiliter dicta sint, ex occasione Bosphori Thra-
cij, qui considerandus occurrit.



43

BOTONTINI, limitarij agrorum termini. Vide *Scorpiones*:

BR

BREVIARIUM, & BREVE, ab rei militaris Scriptoribus fræ-
quentissimè vsurpatur, accipiturque pro Albo, in quo stipendiarij
milites inscribuntur, ad eorum computum in promptu halendum,

44

at-

atque ad præsidia, complendasque acies destinandos. Vnde Suetonius in Octauio dicit, quod *Fecit Breuiarium totius Imperij, quantum militum sub signis ubique esset*. Et Lampridius in Alexandro; *Milites, inquit, suos sic ubique scivit, ut in cubiculo haberet Breues, & numerum, & tempora militantium*. Hinc Vegetius lib. 2. cap. 19. notat, quod ijs, qui militiæ nomen darent, in quibusdam, notarum pericia, calculandi, computandique usus exigitur. Et rationem reddens, subdit: *Totius enim Legionis ratio, siue obsequiorum, siue militarium numerorum, siue pecunia, quotidie ascribitur actis, maiore prope diligentia, quam res annonaria vel ciuilis polipticis annotatur: ut ne quis contra iustitiam prægraueretur, aut alicui præstetur immunitas, nomina eorum, qui vices suas fecerunt, breuibus inseruntur: quando quis commeatum acceperit, vel quot dierum, annotatur in breuibus*. Hinc Breuiaria, Breues, & Breuia, in eadem significatione passim reperies in Iure Ciuili, & Iuris Consultis,

- 45 BREVISSIMA ab Geometris antonomastice, atque, ut vno verbo exprimatur eius conditio, agnominatur linea recta, quantumuis alioqui longissima, & in infinitum protensa. Quia nimirum in comparatione aliarum quomodolibet flexarum, utputa Circularium, Conicarum, Conchilium, Ciclicarum, &c. Semper breuior inuenitur, & absolute breuissima: hoc est, si ambæ diuidantur in partes, utique semper pauciores habere linea recta comperietur, quam quælibet linea curva, adeoque nulli illarum æquabilis. Quod ideo vel ex hoc capite, nonnulli, tum ex Philosophis, tum ex Mathematicis concludunt, practicam Circuli Quadraturam impossibilem esse, quoniam recta in nullo vnquam casu potest cum linea curva congruere, & conuenire. Nam si rectum vnquam foret commensurabile curuo, iam non esset rectum, sed indueret naturam, & conditionem curui: ut notauit etiam Aristoteles, 7. Physicor. textu 23. Porro hoc vocabulo sæpissimè vtitur Apollonius in Sectionibus Conicis.

- 46 BRICCOLAE machinæ sunt militares, quæ tempore Philippi Pulchri Francorum Regis, maxime in usu erant in oppugnationibus Urbium, antequam Bombardæ inuenirentur. Sed adhuc post illas inductas, non subito has desuisse inuenio apud posteriores Historicos. Nam eas adhibuisse habemus Mahumethem II. Turcarum Principem in expugnatione Eubææ, quibus prægrandia saxa & equorum cadauera in urbem inmittere solitus erat, ut domos subuerteret, & simul, putrescentibus cadaueribus aërem inficeret, ac ciues tantis angustiis oppressos, ad deditionem angariaret: cum tamen tormentis
ancis

neis non parceret, sed illorum iugi explosione, moenia impotenter subrueret, vt ei ex sententia cessit; nam per eorum ruinas apertoaditu, urbem furiosus inuadens, nullo negotio in duram seruitutem redegit. Sunt autem Briccolæ haud Ballistis dissimiles; quamquam Aegydius Columna tempore Philippi viuens, & Parisijs degens, sacrarum Litterarum Interpretes constitutus, atque ideo (vt coniectari licet,) eius rei ocularis testis, eas in diuerso genere fuisse autumat. Sic enim scribit in lib. De Regim. Princip. cap. 18. tertix partis, ab ovo rem exordiens. *Machina autem lapidaria, quasi ad quatuor genera reducuntur. Nam in omni tali Machina est dare aliquid trahens, & eleuans virgam machina, ad quam coniuncta est funda qua lapides iaciuntur. Huiusmodi autem eleuatio virga aliquando fit per contrapondus; aliquando autem non sufficit contrapondus, sed ulterius cum funibus eleuatur Virga machina, qua eleuata iaciuntur lapides. Si autem per solum contrapondus fit huiusmodi proiectio; contrapondus illud, vel est fixum, vel est mobile, vel est compositum ex utroque. Quibus positis, si Machina contrapondus fixum habeat, eam Trabutium dicit fuisse à veteribus nominatam. Si verò mobile, Briccolam, quam alio nomine Bissam vocat ex Romanorum appellatione: & hanc dicit habere contrapondium mobiliter adharens circa flagellum, vel circa virgam ipsius machina: in quo consistere ait differentiam à Trabutio. Verum Hieronymus Magius accuratissimus harum rerum inuestigator, in Micellan. lib. 1. cap. 1. eas omnino cum Trabuchis confundit, testaturque aliquot eiusmodi machinamenta adhuc extantia, vidisse clarissimum virum Thomam Contarenum Venetarum Copiarum ductorem, dum Alexandriæ Aegypti sisteret, hyemandi gratia, atque ex eius ore accepisse. Vt vt sit, certum est huiusmodi Machinas, quales, quales ille extiterint, non subito cessasse ad bombardarum aduentum, eoquod, & certior erat effectus, minor impensa, expeditiorque vsus, & adportatio in bellico apparatu. Vnde addit: *Briccolas ex editioribus locis, turribusque ipsis saxa eiaculari consueuisse. Cum tamen tormenta muralia, ex nimia ponderositate difficilia sint ad comportandum, & non nisi ex imo, aut è suggestibus explodantur. Ad quam rem allegat prædictus Author Ius municipale Florentinorum, quo cauetur, ne ciues priuati Briccolas in suis turribus habeant. Manifestissimum argumentum, eas leuioris negotij esse, & domestici vsus.**

B V

BVCCINA militare Instrumentum ad arma milites prouocans, & suo grato clangore, bellantibus animos quodammodo addens. Est enim canorum instrumentum ex are retorto, vnde & Buccinatores,

Q

&

& Aeneatores sunt dicti qui Classicum canunt, & milites ad conferendas manus accendunt, id quod expressit Poëta Aeneid. 6.

Aere ciere viros, Martemque accendere cantu.

Differt à Tuba, quod hæc, inquit Veget. lib. 3. cap. 5. *directa est; Buccina, qua in semetipsam aëro circulo flectitur.* Quamquam alij, inter quos Lucanus tubam ex aëre recuruo compactam dicunt. Sic ille lib. 1.

Quos aëre recuruo, Stridentes acnere Tuba.

Attamen vniuersalior tubæ nomen, & vsus est, ac non tam in bello, quam in pacis operibus, festis nempe acclamationibus, triumphis, ac ludis equestribus continuè adhibetur. Atque in præliis tum ad arma vocat, tum receptui sonat, tum milites docet, quomodò fugientem hostem insequi debeant, aut sinere inultum abire. Buccina verò solum pugnam adornat, ac bellatores ad fortiter agendum inflamat. Sed id officij, militaris artis magister Vegetius, æquè Buccinatoribus, Cornicinis, ac Tubicinis tribuit lib. 2. cap. 7. *Qui vel tuba, inquit, vel aëre curuo, vel buccina committere prælum solent.* Ni fortè in Tubicinis nomine fiat æquiuocatio, immutata literula in Tibicine, quod nomen, aliud diuersum sonat, ac tibiæ inflatorem, quæ vtique longe distat à tuba. Siquidem illa rusticale instrumentum est, oblongum, ac teres varijsque foraminibus perforatùm, quod digitis in oculis modo pressum, modo patens relictum, atque ore inflatum, gratam, & variam efficit symphoniam: & quoniam olim ex tibijs aridis grauium confectum erat, tibiæ nomen obtinuit. At Tuba æreum instrumentum est, subtilius, & incuruum, graue sonans, atque adeo ad bellum magis accommodum, quo equi pariter, ac milites animantur ad pugnam. Vnde Cicero ad Herennium, *In concione, inquit, de virtute loqueris, in prælio per ignauiam tuba sonitum perferre non potes.* Est & Lituus, auctore Festo, Buccinæ species, gracilem formam, & sonum habens, quòd etiam ad bellum erat, & est etiam nùm incitamentum, vnde Ouid. Factor. 3.

Iam lituus Pugna signa daturus erat.

Forte idem est, ac quod ab Gallis vocatur *Cleron* à nostris autem *Fischietto*.

- 48 BVCVLA apud viros militares supponit pro illa parte Cassidis quæ circa os est, per quam respirat armatus: quamuis ego non irrationabiliter ipsam Cassidem signatè Buculani dixerim, non quidem, quæ denotat totum capitis integumentum, (hoc enim propriè Galea dicitur), sed ea pars, quæ nunc inducitur ad os, nunc su-

suprà frontem erigitur, ad liberaliter respirandum aperto penitus ore. Consonat Cassidis nomen à Cassâ profectum, quod rete interpretatur: etenim ipsa pars galeæ, quæ ori adinuetur alias mobilis, verè cassâ est, & reticulata, vt per eam respirare queat bellator ori superinductam, dum actu pugnat, & cum cessauerit concertatio, eam protinùs eleuat ad aurâ excipiendam, ac libere prospectandum. Vnde aliqui apud Stevvech. Supremam galeæ partem esse volunt, quæ galeæ obducta superimponitur, in eaque cristæ & plumæ figuntur, quæ bellatores indicant, & sunt militaris virtutis insigne, & ornamentum. Accedit, & Nostratium nomenclatura, qua partem hanc *Elmetum* vocant quasi paruum elum, maiori impositum, quod Elum dicunt. *Bucula* autem non incongrue nominatur, quasi parua bucca, quæ buccam tegit, eique, apertis rimis responderet. Hæc pro meo modulo; nam nolim nouum quid, & hætenùs inauditum in medium ferre.

Cæterum Bucculæ nomine vititur Vitruu. lib. 10. cap. 15. ad significandum orificium Canalis, in quem immittitur telum in Catapulta: ita tamen, vt eo veniant tantum regulæ, seu ferreæ laminæ, quæ arcum tendunt, ac dextrâ, sinistraque ad canalis os infiguntur. Ita enim loquitur. *Regularum, quas nonnulli bucculas appellant quæ dextrâ ac sinistra canalem figuntur, foraminum XIX. &c.* Et infra: *affiguntur regulæ duæ, in quas inditur fucula habens longitud. foraminum trium, latitudinem dimidium foraminis: crassitudo buccula quæ affigitur vocatur Camillus.* Verum quid sibi velit hic author in tam subtili, & nihilominus obscurissima Catapultæ descriptione, non satis constat, cum nec exemplum, vt solet, adducat, nec dictum cohzreat cum præceptis, & schematibus ab Herone, Lipsio, & Stevvechio, ex antiquis monumentis depromptis, & ad spectandum exhibitis. Vnde nil mirum est, si Interpretes in hunc locum impingentes, silent. Quin & Barbarus ingenuè fatetur, sibi adhuc explicandum, opus esse directoris Dei manu; ac tandem desperans dicit se, quouis conatu adhibito, semper magis implicitum, & nunquam potuisse collimare ad verum.



CA

CABALA. Vide KABALA.

I



CALATHOIDES figura apud Opticos appellatur umbra, quæ projicitur à corpore opaco: ex interuentu alterius corporis luminosi, quod sit illo minus, atque in illud rectà radios mittat: tunc quippè ipsum corpus opacum in aduersum maiorem umbram spargit; quæ, quò magis ab eo deflectit, & elongatur, eò maior euadit, sed rarior; quoadusque sensim attenuata ab aëre ambiente, qui aliqua luce aliunde participata, præditus est, dissipetur, ac penitus euanescat: longè diuersa habitudine, quæ procedit umbra, transmissa à corpore item opaco, sed quod minus sit corpore luminoso eidem obuerso, quæ semper minuitur, quoadusque terminetur in conum, seu pyramidem; semper tamen magis, ac magis intensa, & hæc dicitur *Conoides*. Hanc autem, de qua in præsentī loquimur, ideò Calathoidem appellauere, quia in formam calathi cuiusdam abit; cuius basis ipsi corpori adhareat, à quo projicitur. Id autem, qua ratione fiat, vide in *V. Umbra*. Vbi etiam eius figuram exhibebimus.

2

CALATHVS, in Architectura dicitur interior pars, seu, ut nos communiter vocitamus, *Anima Capituli Columnæ Corinthiæ*, circum quam, ornamenti gratia, tanquam spontè surgentia insculpuntur Achanti folia, & clauiculi molliter curui, & sese demittentes ad pressuram abaci. Hæc autem pars à forma calathi nomen hausit, seu potius traxit originem, quoniam eius inuectio in Capitulum à Calathō sumpsit exordium. Rem narrat Vitruu. lib. 4. cap. 1. in hæc verba. *Virgo cuius Corinthia, iam matura nuptijs implicita morbo, decessit. Post sepulturam eius, quibus vina poculis delectabatur, nutrix collecta, & composita in calathō pertulit ad monumentum, & in summo col-*

collocavit. & uti ea permanerent diutius sub dino, tegula textit. Is calathus fortuito supra acanthi radicem fuerat collocatus: Interim pondere pressa radix Achanti, media folia cauliculos circa vernum tempus profudit; cuius cauliculi secundum calathi latera crescentes, & ab angulis tegula ponderis necessitate expressi, flexuras in extremas partes volutarum facere sunt coacti. Tunc Callimachus, qui propter elegantiam, & subtilitatem artis marmorea, ab Atheniensibus Cathesos, fuerat nominatus; prateriens hoc monumentum, animaduertit eum calathum, & circa foliorum nascentem tenuitatem; delectatusque genere, & formae nouitate, ad id exemplar Columnas apud Corinthios fecit, symmetriasque constituit; ex eoque in operum perfectionibus Corinthij generis distribuit rationes. Itaque Calathus iuit in corpus, seu substratum Capituli; Tegula, seu operculum, in Abachum: Achanti folia in ornamentum, & cauliculorum flexio in Volutas, Atque ex his exsurrexit æternum mansura forma, decus, & maiestas Capituli Corinthij, quam postea retinuit, & adauxit Ordo Compositus, & ex parte mutuati sunt alij etiam Ordines, vt suo loco dicemus.

CANCER in re bellica, dictus est aliquando, (teste Lipsio) **3**
Aries, siue alia, non multum ab similibus, Machina oppugnatoria, quæ mœnia quatiebantur, ob quamdam forte analogiam cum Cancro fluuiatili, eoquod post impactam vim, identidem retrocederet. Eo præsertim agnomine utitur Procopius lib. 1. & posteriore æuo, Chronicon Colmariense: nec nisi de Ariete potest intelligi quod ibi dicitur. Post hæc Cancrum ad Ciuitatem perduxerunt. Fuit autem Cancer instrumentum magnum, forte pariter, & ponderosum, in eo erat trabs magna pariter longa, in una parte grossa, & in altera parte parua. In grossiore parte, siue in capite, fuit ferro forti circumdata, & in fronte ipsius Cancri fortissimè colligata. De qua, & similibus machinis, vide quæ abundè diximus in V. Aries.

CANDELABRVM, Militaribus Architectis est quoddam genus velaminis, seu munimenti tectorij, ex lignorum strue, vel ramalium fascibus, & intertextura factum, quod obici, & impedimento futurum esset hosti, ne obseruaret quæ intrò fierent, & machinarentur ad eius damnum. Alio nomine dici solet *Velamen*, sed à forma & modo, quo erectum per se manet, magis ei Candelabri cognomen congruit. In modernis obsidionibus maximè est in vsu, sed diuersimodè, prout diuersarum Nationum praxis fert, & loci opportunitas postulat. De eius utilitate, compositione, forma, & erigendi modo, consule librum Gallicè scriptum, cui titulus *Le*

Trauaux de Mars. Vbi eiusmodi machinamenta bellica, eorumque vsum perbellè descripta, ac delineata videbis.

5 CANON græcè idem quod Regula, Norma, Libella: estque Instrumentum, quo Geometræ, Architecti, & Mechanici sua opera dirigunt, quantitatesque inuicem comparant, componunt, adquant, ac metiuntur. De qua re alibi. Sed adhuc aliquid amplius, ac nobilius sonat Canon: nam transcendit etiam ad res non quantas, & insensibiles, easque ad rectam vtriusque, siue morum disciplinam, siue Scientiarum comparisonem ordinat, ac perfectè informat. Vnde in Mathematicis præsertim præceptis tradendis, quibus docemur Theoremata, & Problemata ritè construere, conclusiones deducere, principia applicare, &c. Canonum nomine insigniuntur: Et in Moralibus, Leges, & Instituta, quibus rectè viuendi forma Fidelibus traditur, toto Orbe Christiano seruanda, cum à Sacrosanctis Concilijs Oecumenicis, tum à Summis Pontificibus, & scripto lata, vt perpetua sint, ideoque inserta in Corpore Iuris; Canones appellantur. Hinc *Canones Apostolorum* olim, & antonomastice postmodum *Sacri Canones* dicti sunt, vt præ alijs notat Isidor. lib. 6. cap. 16. Ad quam rem comprobandum, appositè cadit quod rescribit S. Leo Papa IV in Epist. ad Britannix Episcopos, cap. 6. *Quam ob causam, inquit, luculentius, & magna voce pronunciare non timeo, quia illa, quæ diximus, Sanctorum Patrum Statuta, quæ apud nos Canones pratitulantur, siue sit Episcopus, siue Clericus, siue Laicus, non indifferenter receperit; ipse se conuincit, nec Catholicam, & Apostolicam fidem, nec Sancta vera Christi Evangelia quatuor, vtiliter & efficaciter, & ad effectum suum retinere, vel credere. Quæ omnes, & similes loquendi formulæ, per quandam analogiam, ad Canonem, & Normam Geometricam, vsurpantur.*

6 CANTERII in Architectura, apud Vitruuium dicuntur Ligna quædam oblonga, à culmine ædificij ad extremam subgrundationem protensa. Noltrates Materiarij, inquit Baldus, *Caballos* appellant, nec ab re; pondera enim Templorum, & vniuersæ contignationis opus, quasi Caballi onus, supra se recipiunt, & fortiter sustinent. Quid, si & ipsi Caballi onerarij (ij præsertim quibus testes exsecti sunt) à Poterio Catone, apud Philandrum in Notis ad cap. 2. lib. 4. Vitruu. Canterij singulariter appellantur? Sed & Plinius & Columella, in Agricultura, Canterios accipiunt pro simplici iugo Vineæ, vnde Canteriatis vocant vites; ad differentiam (subdit idem Philander,) earum, quæ in longitudinem, & latitudinem iugata sunt, quæ compluuiat-

ta dicuntur . Cæterum illæ trabeationes , quæ tranſitro , archarioque , & duobus Canterijs ſuſtinentur , rectè ab Vrbinaribus , eodem Baldo teſte , ad diſtinctionem , *Biſcanteriatæ* nominantur .


CAPITOLIVM , Prima , quæ viſa eſt Romæ Arx , ſeu , vt alij ⁷ malunt , Primum Dijs poſitum Fanum , celebre ſemper toto Orbe , fuit , cui documento eſſet , alia ſimilia in ſuis Prouincijs erigendi , quæ , & ijs forent tutelare præſidium , & accolis ad pietatem incitamentum . Sed id nominis Romano ſingulariter , & antonomatiſticè ſtetit , duratque in nobiliſſimo Aedificio , tametiſi ſæpiùs bellorum , furore euerſo , & ſubinde anguſtiùs reſtituto , auita Maieſtas & nomen ; ac non eadem forma , & uſus , qui pridem fuit . Et nunc quidem venerationi maximè eſt , quòd in eo ſedes Imperij , ſaltem ad ſpecimen ſita eſt ; & Curia Senatus , Populique Romani dicta , vbi ſtatis temporibus conueniunt ad ius dicendum , & ſua ratiocinia , ineunda . Quod vetuſtate iam pridem fatiſcens , & magna ex parte , dirutum , exacto ſæculo , ſedente Gregorio XIII. ad priſtinæ gloriæ retinendam memoriam , atque ad Urbis ornatum , reſtauratum vt cumque fuit , nouis ædibus adiectis , ac ſtatuis , aliſque veteris Architecturæ monumentis inter rudera repertis , cohoneſtatum , nouaque ac magnifica Campanarum Turri , ad conuocandum populum , in medio ædificij ſuperbiùs aſſurgente , condecoratum . Cui proſectò hoc Elogium poſuit

S. P. Q. R.

Capitolium præcipuè Ioui olim commendatum ;
Nunc Deo vero cunctorum bonorum Auſtori ,
cum ſalute communi ſupplex tuendum tradit .

Anno poſt Salutis initium

M. D. LXVIII.

Huic ad complementum operis , & Maieſtatem adaugendam , temporibus noſtris , Innocentius X. alteram à ſiniſtris addidit ædium  alam ei , quæ à dextris pridem erat , aduerſam , reſpondentem , & proſus conſimilem , relicta in medio ampliſſima arca , ad Circularem , ſive Ellipticam formam : cuius in centro eminet ſuper excelsam Baſim M. Aurelij Imp. Equeſtris Statua ex ære , quæ prius deaurata erat ,

erat, nobile artis opus, & antiquæ perfectionis insigne, quod tantum à Veneris, æquis rerum æstimatoribus (sic fama est,) habitum fuit, ut ad illud obtinendum, atque in suo magnificentissimo Senatus Foro locandum, tantumdem pondo auri obtulerint. Circa verò, & in ascensu, plurimæ è vario marmore antiquorum Heroum Statuæ prostant, ut ex eius introitu, & ascensu, ac per totam latissimam viam, quæ eidem subiecta est, iucundissimum latè spectaculum exhibeatur. Sed de his, alijsque loci prærogatiuis, videsis quæ non ita pridem collegit, vulgauitque Cl. vir Iustus Ricquius, in *Commentario de Romano Capitolio*: ubi quicquid memoria dignum, quicquid à Scriptoribus tam veteribus, quam recentioribus recensitum, aut præteritum fuit, amplexus est.

8 Nunc verò ad antiqui Capitolij considerationem, atque inditi nominis rationem, stylus est reuocandus. Quod ad rem attinet, humile illud quidem ab incunabulis fuit, ac ferè pastoritia casa, quam sibi Romulus à Pastore exceptus, & educatus, rudi opere architectauit, & ex cespite ac lignis struxit; quæ postea futura esset conceptæ urbis prototypum, & firmissimum Propugnaculum. Ad quem finem & in excello colle posuit, ad prospectum, ut incitamentum spectantibus esset ad sedem ibi figendam, urbemque exædificandam. Quod ut promptius faciliusque obtineret; in eo loco Asylum statuit, & confugium faciuerosorum, qui alias in vicinis pagis, ob patrata crimina, tuti non essent. Ergo effossa terra pro fundamentis, inuentum est caput hominis, cui nomen *Olli*, inquit Arnobius; ex quo omen accepit, quod & Aruspicum responsis confirmatum est, electum locum, proindeque ipsam Romam, cui dedit exordium, Caput Urbium futurum esse, ac propterea ab inuento capite, *Capitolium* nuncupauit. Tum insurgentibus in ipsum Cæcinenſibus, partaque mox de illis victoria, spolijs occisi Ducis onustus, ea in Capitolium ouans detulit, designatoque inibi, ac Sacrato Ioui Fano, cui à ferendo spolia, *Feretrij* agnomen adiunxit, locum à Religione, ac spolijs feliciter comparatis, celebrem fecit, totique vicinæ timendum, ac venerandum. Verùm quæ nimis prosperè cedunt, & gloriose assurgunt, in omnium semper oculis sunt, & inuidiæ exponuntur; inde insurrexere aduersus locum, Romulum & Romanos, omnium ferè gentium odia, contentiones, & bella, quibus sæpè Capitolium incensum, euersum, dirutumque; sempertamen è ruinis, & incendijs, gloriose emerſit, & pridem deiecto augustius est restitutum. Et primò quidem Tarquinius dictus superbus, qui fuit Regum postremus, id ipsum, quod ante ipsum Tarquinius Priscus ædificare iam cæperat, finiuit, & iactis amplissimo circuitu fundamen-

tis

tis ædificium longè magnificentius excitauit, factis ex quadrato lapide substructionibus ad maiorem firmitudinem, & operis æternitatem. Porro in solis hisce substructionibus, quas *insanas ex senum indicio* appellatas, perhibet Plinius lib. 36. cap. 15. tota auri pondo, quadraginta millia profusa fuisse, testis est Plutarcus in Publicola. Quid in superstructione, & corpore ipsius ædificij? Quid in ornatu, tecto, columnis, peristylis, statuisque, quæ solæ, Deorum omnium, ut ait Publius Victor, numerum exæquabant? Et in Tecto quidem, ut de alijs taceam, quod auratis æreis regulis opertum erat, & infra laquearia continebat auro gemmisque fulgentia, in solam inaurationem (inquit Plutarchus) priuatum omnem modum excedentes operas impensas, supra duodecim millia talentorum: hoc est, ut in moneta nostra computat Lipsius, supra septem milliones Coronatorum. Sed de reliquo ornatu, & amplitudine molis, audiamus Dionysium Halicarnasseum apud eundem Lipsium, sic discurrentem, *Situm est*, inquit, in alta crepidine, habetque in ambitu octo iugera (hoc est octingentos pedes) sic, ut latera singula ducentorum ferè pedum sint, exigua latitudinis, & longitudinis differentia, nisi quod ista illam vincit vix pedibus quindecim. Qua parte frons eius meridiem spectat, triplici columnarum ordine circumcingitur; ab alijs lateribus, duplici. Sed hæc dicta crediderim, non de Capitolio, quod Tarquinius ampliavit, post captam ab Gallis Urbem, neque de eo, quod postea Vespasianus ex integro restituit, & mox incendio absumptum, Titus filius ad eandem formam reposuit; & sacrauit; sed quod Domitianus huius successor ad hanc magnificentiam redegit anno à Christo nato 88. atque ab Urbe condita, 839. quodque à Barbaris omni extrinsecus ornamento spoliatum, truncum, & inane spectaculum relictum fuit, pretiosis quibusque in suas prouincias asportatis; ex quibus miri operis columnas è marmore Panteliaco, se vidisse Athenis, testatur Plutarchus, oppidò deformatas, quas Architecturæ miracula nominat, eiusdemque deperditæ lachrimabilia Monumenta. Adeò semper non tam fortitudine, & nominis claritate, Roma, supra omnes Orbis Ciuitates, superbum extulit caput, & in suo Capitolio se ipsam vicit, ac de cæteris omni tempore triumphauit! ut non immeritò Orbis Miraculum apud Scriptores audierit Romanum hoc Capitolium, & reliquis septem, quæ censentur, admirabilius; queniadmodum affirmare non dubitat Ammianus quem testem profert omni exceptione maiorem, Rhodiginus lib. 23. cap. 6. in hæc verba; *Inueni*, inquit, *qui Urbis Roma Capitolium hisce inseruerint miraculis: cuius excellentiam mirè effert Ammianus lib. 22. ubi ait,* (commendans aliàs Serapidis Fanum) *Serapium Alexandria, atrijs, & columnis amplissimis,*

ac spirantibus signorum figmentis, & reliqua operum multitudine; ut post Capitolium, quo se venerabilis Roma in æternum extollit, nihil Orbis terrarum ambiciosius cerneret. Id quod non adulandi astu, neque imponendi posteris ambizioso affectu, dictum vult castigatissimus Cassiodorus, qui rem expendens, & iura vtrunque discutiens, verissimè, ac iustissimè hæc pronunciat lib. 7. Variar. ep. 15. *Sed quis illa (Orbis Septem Miracula) ulterius præcipua putabit, cum in una Roma tot stupenda conspexerit? Habuerunt honores, quia præcesserunt tempore; & in rudi sæculo quidquid emerisset nouum, per ora hominum iure ferebatur eximium: Nunc autem potest esse veridicum, si vniuersa ROMA dicatur esse MIRACVLVM.*

10 CAPITELLVM vulgò dicitur, quod à cultioris linguæ Architectis *Capitulum* nominatur, supremum videlicet Columnæ operimentum, quod eam complet, & veluti corona exornat, ac protegit: debet enim in summo habere quandam proportionem, & firmitudinem, cui Epistylum, ac tota moles ædificij inde exurgens, innitatur, & ad decorem respondeat. Porro quot sunt ordines Columnarum, tot sunt genera Capitellorum, quorum singula suas peculiâres directiones habent, de quibus fusè in V. Columna.

11 CAPITVLVM item nuncupatur in Belopæicis transuersarius vectis, seu trabs, quæ in Ballistis, & Catapultis, est cardo, & firmamentum Organi; in qua duo, vel plura foramina extant, per quæ traijciuntur nerui intendentes, & laxantes brachia instrumenti ad recipiendos, & iactandos lapides, ac sagittas. De hoc ritè aptando, agit Hero de Machinis bellicis, *Peritritam* appellans, hoc est Perforatam, ab ipsis foraminibus deriuato vocabulo. Meminit eius etiam Vitruu. lib. 1. cap. 1. & lib. 10. cap. 17.

12 CAPREOLI vocantur in Architectura, proclinata hincinde tigna in summitate ædificij, quæ Canterios sustinent: de quibus Vitruu. lib. 4. cap. 2. Sextus autem Pompeius vult esse trabes, quæ rectà à pariete, in parietem porriguntur, quas nos potius Catenas nominamus: de quibus alibi. Cæterum Vitruuius in alia longè diuersa significatione sumit Capreolos lib. 10. cap. 15. vbi loquens de basi, sulcroque Catapultæ, dicit, quod tres sunt in ea Capreoli, quorum longitudo foraminum nouem, latitudo dimidij foraminis sit. Quem locum expendens Turnebus, hæc habet. *Capreoli tigilla sunt fastigiata, & in columella suis capitibus nitentia, atque hinc inde firmantia, ne nutent, aut vasillent.*

CAPVT PORCINVM, militari licentia, ac festiuitate, (accepto ex similitudine, & Castrensi immoratione vocabulo,) appellata est pars illa exercitus in aciem explicati, quæ in cunei formam abit, & quodammodò Porci furentis speciem repræsentat. Hæc utique est, quæ prima hostem laceffit, prima animosè aggreditur, eiisque inuertit, ac dissipat ordines. Cuius habitudinis, atque adeò adiecti nominis testimonium reddit Ammianus lib. 17. suæ Historiæ, hæc scribens, de nescio cuius temeritate, atque ignauia. *Cuius amentiam Exercitus ita ferre non potuit, eosque Imperatori acriter imminentes, desinente in angustum fronte (quem habitum Caput Porcinum simplicitas militaris appellat, impetu dissecit ardenti. Qualis autem fuerit huius agminis forma, & ordinatio, vide in V. Cuneus.*

CARCAMVSA, barbaro sanè, ridiculo, & satis grosso vocabulo, appellatum est, sequiori sæculo, (nescimus qua ratione) Bellicum instrumentum, quod postea eruditissimus Lipsius opinatur Arietis, politiori, quidem, sed non aptiori nomine fuisse insignitum. Fortè, ut hic à forma, & modo impetendi mœnia, Arietis; ita olim, ab sono horribili & obtuso, quem idem instrumentum ad opus admotum edebat, Carcamusa dictum est. In quem sensum videtur trahere eius nominis notionem Abbo Viennensis, in descriptione, obsidionis Parisiorum: iungit enim nomenclaturas, & addit epithetum *Resonantes. Arietes*, inquit, *Carcamusas, vulgò resonatas.* Aptius, & grauius idipsum vocat Paulus Diaconus Exterminatorium instrumentum. *Exterminatorio* (ait lib. 17. *instrumento facto, quod Arietem vocant, Ciuitatem adeptus est.* De eo abunde dictum, in V. Arietis.

CARCHESIVM in re Nautica audit trabs illa in medio Nauigij erecta, vndique reuincta ferreis annulis; cætera à Malo non multum discrepans, sed in cuius superiori parte alia trabs ferreæ item fibulæ inserta in transuersum, agitur, itaut hinc inde in alterutram partem possit quàm facillimè inclinari. Eius imaginem expressam habemus in litteris græcis T. vel Ψ. Qua in re id aduertendum venit, quod Carchesium propriè non appellatur ipsum tignum erectum, seu maioris dicam, Malum; neque eidem impendens transuersa trabs, quæ sursum onera eleuantur; sed quod Malo adiungitur, tanquam vectis, ut eo mediante superior trabs circumagi possit, aptarique ad onera accipienda, vel deponenda; quod ideo versatiles Carchesios vocat Vitruuius, ubi de Machinis tractorijs agit, lib. 10. cap. 5. de quibus

intet alia, hæc dicit: *Alia erecta, alia plana in Carchesijs versatilibus collocata sint.* Et idipsum repetit cap. ultimo. Alij pro Carchesio ipsam summam Mali partem intelligi volunt; in qua speculatores consistunt, & Caueam communiter dicunt; nos autem Itali *Gabbiam*. Galenus autem in Comment. 5. de artic. vult verius funes summo malo applicitos, qui circumaguntur ad directionem navis, Carchesios nominari. De qua Controuersia, Vide Philandrum in notis ad cap. 5. & 8. Vitruu.

- 16** **CARTIBVS**, siue **CARTIBVLVM**, Latinum vocabulum est, inquit Cæsarianus, & eo sæpe vitur Vitruu. præsertim lib. 10. cap. 15. sed in aliquibus codicibus variat, nam alicubi habetur. *Tracheli Sucularum*, alibi *Carchebi*, & *Cartibi*. Vt sit de ratione, & varietate nominis; certè eo loco denotat mensam lapideam quadratam altera parte longiorem, ut vocem explicat Varro lib. 4. de Lingua. Lat. At in Vitruu. aliud esse non possunt Carcheli, & Tracheli, quam ad eius similitudinem conformati asseres, mensulæ quæ in Catapulta (quam ibi ex professo describit) prouidè apponuntur ad continendum minores succulas, quæ deseruiunt ad attemperandam Machinam, modò eleuando, modò deprimendo: Cum enim ea ingens sit, & opus habeat magna vi ad extrudendos lapides, & longas hastas; haud facile manibus tractari posset, sine earum adminiculo; & ideo Trachelis, & suculis armatur, ut agilius, & fortius exerat suam vim. Vide quæ habet in hac re Baldus in Lexico Vitruuiano, V. *Trachelos*.

- 17** **CARYATIDES**, celebre in Architectura nomen, & operis adjectio in elegantioribus ædificijs, quæ maiestatem ac decorem apporret, & memorandæ historię expressam habeat veritatem. Sunt enim Simulacra Mulierum, Columnarum & Parastatum loco, epistylijs, ac supercilijs ostiorum supposita, quæ ea fortiter sustentando, Caryatidum Matronarum speciem referant, & earum miseram seruitutem memoriæ quodammodo ingerere videantur. Factum perbellè describit Vitruuius in aditu sui operis de Architectura, ut eius professorem moncat, debere esse in omnibus scientijs benè instructum, ac nedum in Geometria, Optica, Arithmetica &c. sed & potissimum in Historia. Ait enim: *Historias autem plures nouisse oportet, quod multa ornamenta sæpe in operibus Architectelli designent, de quibus argumentis, rationem, cur fecerint, quaerentibus reddere debent. Quemadmodum, si quis Statuas marmoreas, mulieres solatas, & quæ Caryatides dicuntur, pro columnis in opere statueris, & insuper mutulos, & coro-*

nas collocauerit; percontantibus ita reddetratationem. Tum factum referens, subdit. *Carya* Ciuitas Peloponneſi, cum Perſis hoſtibus contra Graciam conſenſit: poſtea Graci per victoriam glorioſè bello liberati, communi conſilio *Caryatibus* bellum indixerunt. Itaque Oppido capto, uiris interfectis, Ciuitate deleta; Matronas eorum in ſeruitutem abduxerunt; nec ſunt paſſi ſolus, neque ornatus matronales deponere, uti non uno triumpho ducerentur, ſed aeterno ſeruitutis exemplo, graui contumelia preſſa, pœnas pendere uiderentur pro Ciuitate. Ideò, qui tunc *Architecti* fuerunt, adificijs publicis designauerunt earum imagines oneri ſeruando collocatas, ut etiam poſteris nota pœna peccati, *Caryatium* memoria traderetur. Hæc ille, Qui poſtea pergit referre, quomodo eadem, prorsus ratione, ex victoria ab *Laconibus*, *Pauſania* duce, de Perſis reportata; factum ſit, ut exinde ad poſteriorum memoriam, *Porticus Perſica*, ex manubijs ac ſpolijs captiuorum, in trophæum, & indice in victoriæ erigeretur, ubi Captiuorum ſimulacra barbarico ritu ornata, (ſuperbia meritis contumelijs punita,) ſuſtinentia tectum collocarentur.


Iraque eiufmodi inuenta, & ſtatuz, viroꝝ quidem barbarico 18
ornatu præſignium, fœminarum uerò in Matronarum ſpeciem demiſſo habitu, ac ſolis circumamictarum, in præſatis hiſtorijs fundata ſunt, à quibus originem traxere, & hæc notat acutè *Philander*, ad horum imitationem Romanos, (nam facile eſt inuentis addere,) ut ſuperbiũs ædificium ſurgeret, & rerum uarietas opus redderet elegantius, *Sphinges*, & *Saryros*, & varia monſtra, & quicquid noui ac peregrini, mens ſuggereret, effuſiſſe, ad inanitates implendas, vel onera ſuſtentanda; prout in antiquis monumentis uidere eſt, quæque apud Barbarum inuenias ad uium delineata.

CASAMATTA, genus ſubterranei ædificij in Munitionibus. Vide in *V. Arx*, & in *V. Crypta caca*.

CASSIS, militare capitis integumentum eſt: quæ, quid propriè denoter, uide in *V. Buccula*.

CASSIDES etiam in Architectura militari, ſunt quædam munimenta parua, & accessoria, in genere prætenturarum, quæ ad tegmen propugnaculorum ut plurimum uſurpantur, ducta in ſpeciem, Lunæ diuidiatæ, quod ideò uulgariter *Semilunas* appellant. Caſſidum uerò nomen apud Latinos Scriptores ſortita ſunt, quia eundem effectum in munitionibus habent, quem *Cassis* in milite; regunt 19
enim

enim propugnaculorum frontem, & insuper vltra fossam in hostes obiecta, excitatis inibi suggestibus tormentorum, eos iugi explosione impetere possunt, & nil mali, vel sanè valde leue, & contemnendum ex eorum incurfionibus reportare: quippe è terra aggestitia sunt, in quam impacti hostiles globi, ceu in molli franguntur.

 Aliqui has Semilunas confundunt cum Parmulis, seu Ravelinis; renèrã tamen aliud sunt, & diuersum officium sortiuntur: Etenim, isti ad Cortinam protegendam sunt facti, ideoque è regione illius constituuntur; Cassides verò seu Semilunæ ad propugnaculi defensionem, vnde & arcuatæ ad eam partem sunt, quã propugnaculi rostrum foràs porrigitur, ad illud excipiendum, & cuneatæ ex parte hostium, ac ab illis, nisi tantum obliquè, & consequenter incasum, damnum recipiant: præterquamquod illi vallo, & lorica cinguntur, quæ Cassides non admittunt, ne fortè in potestatem hostium deuenientes, ijs in firmamentum, ac tutelam vertantur, quando latera haberent, quibus illi contegerentur. Earum delineationem dedimus sub V. Arx: vbi, & reliquorum operum exteriorum formas, & situs, in quibus locari debeant, designauimus. Rata semilunaris munimenti constructio hæc est. Fiat eius amplitudo ex ductu duarum linearum ex puncto mediz alæ duorum propugnaculorum, quæ tandem abeant in Conum, vbi definit Semiluna, & intrã eas facies eius, seu alæ constituentur: tùm ex lineã capitali producta, sit centrum in apice propugnaculi; & interuallo marginum fossæ, describatur arcus claudens vtrinque latera semilunæ, & erit illa perfecta. Alij facies semilunæ ex collis Rauelinorum determinant, & inde lineas rectas ducunt, quæ vbi sese interfecant, ibi angulum formant, & statuunt longitudinem, & latitudinem Semilunæ. Quæ de re multi eruditè scripserunt, in primis Dogen, Fritach, & Herigonius.

20

CASTELLA in Aqueductis sunt quædam Receptacula communis aquæ, in quæ primò collecta ex ipso fonte, & scaturigine vnde profluit, postea deriuatur in priuatos cuiusque fundos. Nostri *Conseruas* appellant. Olim apud Romanos lege cautum erat, ne quisquam priuatus, aquam publicam, seu ad publicum vsuñ conductam, in suam priuatam domum, & conimodum verteret: idque, ne iugi deriuatione deficeret publico, nequè riui, aut fistulæ publicæ dilacerarentur. De qua re extat Senatus-Consultum apud Vlpianum in Pandectis lib. 43. cuius meminit etiam Frontinus de Aquæd. lib. 2. quod postea moderatum fuit, & concessum, vt, vbi locis publicis sufficienter esset prouisum, & aliàs aqua superabundans fuerit, possent etiam priuati de

de ea participare, & in domos suas deriuare; verum non nisi de loco publico sumendam: quod ideo introducta sunt Castella, in quibus reciperetur, & contineretur hæc aqua superabundans, diuertenda postmodum, & partienda ex Principis indultu ciuibus, prout quisque opus haberet, atque ad hoc fistulam haustoriam traducere, quâ possent absque vllius incommodo, è castellis eam in suas domos, & prædia deriuare, vt habetur ex eodem Vlpiano. Hæc igitur publica aquæ receptacula, & Castella, quo loco, & quo artificio extrui debeant, docet Vitruuius lib. 8. cap. 7. de aqua publica loquens: Cum venerit, inquit ad mania, efficiatur Castellum, & Castello coniunctum, ad recipiendam aquam, triplex immissarium; collocenturque in Castello tres fistula aequaliter diuisa intra receptacula coniuncta; uti cum abundauerit, ab extremis in medium receptaculum redundet. Ita in medio ponantur fistula in omnes lacus, & salientes; ex altero in balneas, vt vestigal quotannis populo præsent: ex quibus tertio in domos priuatas: ita ne desit in publico, non enim poterunt auertere, habuerint à capitibus proprias ductiones. Hæc Vitruuius de Castellis in usum ciuilem acceptis. Sed

CASTELLA etiam, & potissimum in re militari, dicta sunt, statim in locis erecta, opera & munitiones ad Confinium, & viarum securitatem, in quibus milites stationes habeant, & locum custodiant, ac tutentur. Nam, vt bene ait Veget. lib. 3. cap. 8. Inter præcipua, conuenit Ducem prouidere, siue in Castris, siue in Ciuitate consistat, vt animalium pascua, subuectio frumenti, cæterarumque specierum, aquatio, lignatio, pabulatio, secuta ab hostium incursum reddatur: quod aliter non potest euenire, nisi per loca idonea, quâ nostrorum ambulat commeatibus, præsidia disponatur; siue illa Ciuitates sint, siue Castella murata. Quodsi non reperitur antiqua munitio opportunis locis, circumdata maioribus fossis, tumultuaria Castella firmanur: nam in Castris, diminuto vocabulo, sunt nuncupata Castella, intra quæ in angarijs aliquanti pedites, equitesque degentes tutum iter commeatibus præstant. Sunt autem hæc vltimum è terra aggestitia confecta, suis etiam fossis & vallo circumdata, & propugnaculis aut integris, aut dimidiatis communita: quorum plures species & formas exhibent Fritach, & auctor libri Galli, qui inscribitur le Trauaux de Mars, seu Agones Martis. Apud Nostrates vulgò appellantur Forti, & Fortini. Porro quis modus fuerit eiusmodi Castellorum, quantum inter se interualli habere debeant, & quibus in locis potissimum, siue in limitibus Ditionis siue in Castris, expediat collocari; adest prudens præceptum incerti Auctoris in libello de reb. bellic. apud Stevvechium, in hæc Verba.

Est

Est, inquit, præterea inter commoda Reip. utilis limitum cura, ambientium ubique latus Imperij, quorum tutela assidua melius castella prospicient; itaut millenis interiecta passibus, hostili muro, & firmissimis turribus erigantur: quas quidem munitiones possessorum distributa sollicitudo, sine publico sumptu constituat: vigilijs in his, & agrarijs exercendis; ut provinciarum quies circumdata quodam præsidij cingulo, illasa requiescat. Hinc

22 CASTRUM in singulari, appellatur grandior quædam, & perpetuò stabilis Munio, probè propugnaculis, alijsque operibus ad defensionem, necnon ad offensionem, instructa; quæ possit diù resistere quibuscumque inuasionibus hostis, & ubi opus sit, longam, acremque obsidionem fortiter sustinere. De qua re vide iam dicta in Verbo *Arx*.

23 CASTRA in plurali, dictæ etiam sunt firmæ Stationes Militum, ad bellandum accinctorum, ubi tentoria figunt, & mansiones habent, perinde ac domi; prompti, & expediti ad pugnam incundam, ac procedendum quò Dux imperauerit: à Castro nomine deriuato, quasi quoddam subitarium, ac mobile Castrum, cuius similitudinem retinent in eo quod aggere, & fossa vallata sint, alijsque operibus intrinsecus, & extrinsecus, communita. Aliter eorum nomen ab etymo colligit Isidorus lib. 9. Etymolog. *Castra sunt*, ait, *ubi miles steterit: dicta autem Castra quasi casta, quod ibi castraretur libido.* Nimis dura, & extorta per vim deductio. Sed vel inde documentum pro militibus sumi licet, quanta disciplina, & continentia ab ijs in Castris seruanda sit. In quo quidem Romani prudentes, & felicissimi bellatores, cæteris Nationibus palmam proripuerunt, ac summis laudibus extolluntur à Polybio, & eisdem, alias in Iosepho Historico, lib. de bello Iudaico. Adeò, ut Philippus Macedo, referente Liuiο lib. 31. qui cæteros aspernatus, virtutem bellicam, exactamque disciplinam apud solos Macedonas esse falsò arbitrabatur; obseruans postea Romanæ Caltræ, eorum partitionem, ordinem, ac disciplinam, demiratus, ac tumido animo cedens, exclamasse dicitur, *Non eam Barbarorum Castrorum dispositionem videri posse.* Eodem modo

24 CASTRAMETATIO appellatur ipsa Castrorum prudens positio, & rara partium distributio. Quæ in eo consistit, ut primò eligatur locus idoneus ad figenda tentoria: is nimirum, qui totum Exercitum capere commodè valeat, cum suis impedimentis; itaut & locus multu-

titudini, ac multitudo loco respondeat, & par sit: ne amplior ducatur recinctus, quàm multitudo pugnantium petit, & intrà iustos limites contineri possit; neque adeò constipatus, & arctus, vt non expeditus ac liber remaneat militibus accessus, & commodum huc illucque accurrendi, vbi opus fuerit, sicque suas partes implendi. Tùm loci salubritas expendatur; ne iuxta Paludes, quas Morbosas meritiò appellat Vitruu. lib. 3. cap. 2, neque vbi aër grauis, & pestilens, Statua præsertim constituantur; ex quo miles tabem, aut vllam noxam contrahat: multum enim nobis aëris qualicatem, aut prodesse, aut officere, in manifesto est; quando experimur illum nostrum præcipuum alimentum esse, illum perpetuò respirare, atque intrà nos agere, reciprocari, perinde, ac si nobiscum esset innatus. Id quod in tanta erat Veterum Ducum cura, & sollicitudine, vt antequam castra ponerent, ad explorandam loci temperiem, foret ne salubris, an noxius; hac vterentur arte, quam latè exponit Vitruuius lib. 1. cap. 4. in hæc verba. *Maiores, inquit, è pecoribus immolatis, quæ pascebantur in ijs locis, quibus aut Oppida, aut Castra statua constituebantur, inspiciebant iecinora; & si erant liuida, & vitiosa prima, alia immolabant, dubitantes, vtrum morbo, aut pabuli vitio lasa essent. Cum pluribus experti erant, & probauerant integram, & solidam naturam iecinorum ex aqua, & pabulo, ibi constituebant Munitiones: sin autem vitiosa inueniebant, indicio transferebant. Item in humanis corporibus pestilentem futuram nascentem in ijs locis aqua, cibique copiam; & ità transmigrabant, ac mutabant regiones, quærentes omnibus rebus salubritatem. Quod sanè de Statiis solummodò intelligendum est: non de temporarijs Castris, & quæ subito ob imminentem hostem, figi, aut alio transponi necessitas vrgeat, ratio habenda non est soli, sed vnicè stationem assecurandi: & ideo pro vltima, & præstantissima cautione, attendenda maximè est forma, & dispositio Castrorum, itaut facile penetrari aut impeti ab hostibus haud queant, sed ad eorum aduentum fortiter obstant, ac malè multatos retrocedere cogant. In quo genere quadratam formam Castrorum commendant Polybius, & Iosephus. Vegetius adhuc triplicem Castrorum locationem proponit lib. 1. cap. 23. *Quadratam, Trigonam, & quam Semirotundam appellat; eaque est, ad quam vltra latitudinis sumptæ spatium, tertia pars longitudinis additur. Ex ijsque, eam pro tempore eligendam suadet, quæ sit rebus accommoda, hostique, Copiarum magnam ostentationem exhibere sit apta. Nam si exiguas Copias tuas (addit prudenter Stevvechius in hunc locum) videri velis, Circulari forma opus est Castra disponere; Quadrata, si magna; Triangulari, si Maiores. Quartam adijcit lib. 3.**

cap. 8. quæ videlicet sit perfectè rotunda : nam ex eo quod est cunctis capacior , cæteris paribus , iure perfectior censenda est . Et hæc tandem est omnis ratio , scitè Castra metandi : quæ , vt obseruat Naudæus de Studio Milit. lib. 1. num. 7. non minore diligentia in itinere , quam in Acie , aut Statione , seruanda est ; Quia , inquit , non satis est illa tuto , & opportuno situ locari , fossis , aggeribusque muniri , & apta dimensione , ac Podismo designata , ex Gromaticæ disciplinæ regulis ; vias suas , portas , & fora obtinere , esseque velut ad formam munitæ Urbis composita , vt sint Victori receptaculum , victo autem persurgiam : nisi in illis pro gradu , & conditione singulorum , Legionibus , Auxilijs , Equitibus , Peditibusque loca propria deputentur . Quocirca , ab hac potissimum arte , & peritiâ figendorum Castrorum , quàm cæteris anteibat Messala , eum meritò laudat , & ad cælos euehit Tibullus cum cecinit .

*Nam te non alius belli tenet aptius arteis ,
Quà deceat tantam Castris præducere fossam ,
Qualiter aduersos hosti defigere Cernos :
Quemue locum ducto melius sit claudere vallo ,
Fontibus vt dulces erumpat terra liquores ,
Vt facilisque tuis aditus sit , & arduus Hosti .*

Plura de hac re , apud ipsum Naudæum , & Valtrinum , lib. 3. cap. 5.

- 25 CASVS in Geometricis Theorematum solutionibus , est quædam transpositio Constructionis , in Demonstrationibus peragendis ; eoquod euenire potest , vt multoties aliqua propositio bifariam accipiat : atque adeò , iuxta vnum modum sit demonstratio , & consequenter Constructio quæ exquiritur ; & iterum iuxta alium modum sit diuersa Constructio , & demonstratio . Sicque accidit , vt multifariam demonstratio peragatur eius , quod vnice propositum fuit , secundum diuersos Casus , quos contingit occurrere . Hi igitur varij modi construendi Theoremata , & Problemata , Casus simpliciter à Mathematicis nominantur . Vide exempla in Clauio , & Vitale Iordano in Commentar. ad Euclidem .

- 26 CATAPULTA , Bellicum olim Organum , & Instrumentum à Veteribus , in oppugnandis Urbibus , atque in ipsis prælijs sæpissimè usurpatum , non longè distans à Ballista ; nisi quod hæc lapides , illa hastas , & iacula emitteret , quemadmodum græca notione significatur . Atque idèò vsus erat in apparatu bellico , tam Ballistas , quam Catapultas , in magno numero congestas inuichere , vt pro qualita-

litate loci, & occasione conferendi manus, quæ se offerebat, præ-
stò essent ad opus, prò cuiusque diuerso effectû ad rem appposito,
quam inferentes, aut sustinentes bellum moliebantur: vt clarè vide-
re est apud Liuium, lib. 26. qui captæ ab Hoste Carthaginis spolia,
& bellica impedimenta describens, hæc habet: *Captus & apparatus*
ingens Belli, Catapulta maxima forma, Centum viginti; Minores du-
centæ octogintaunam: Ballistæ maiores triginta tres; Minores, quinquaginta
duæ. Idipsum habet Iosephus lib. 5. de bello Iudaico, loquens de ex-
cidio Hierosolymitano: vbi de Romanis ait. *Habebant Catapultas*
trecentas, Ballistas verò quadraginta; Ex quorum testimonijs colligit
sensatè Lipsius, maioris vtique molis & operis, fuisse Ballistas, quam
Catapultas, quippe hæc leuiores erant, adeoque crebriores, ac magis in
vfu. Cæterum non me latet, à plerisque Scriptoribus sæpè hæc duo
machinamenta confundi, & promiscuè nominari. Vnde & Cæsar lib.
1. de Bello Ciuili, è Catapulta saxa eijscribit; & Vegetius, vt in lo-
co diximus, è Ballistis immitti tela commemorat, nullam de Catapul-
tis noticiam habuisse, aut diuersitatè muneris, ac nominis ignorasse,
suspicionem faciens. Similiter Ammianus lib. 23. de Scorpionibus sa-
xa, de Ballistis verò tela maiora iactata fuisse testatur. Vt vt res se ha-
beat, crediderim, successu temporis, vtraque ad idem officium emic-
tendi modo saxa, modo sagittas, prout necessitas cogeat, fuisse
adhibita; ac tandem Catapultæ vsum, & iaculorum emissionem,
sensim desuicisse; Ballistæ verò aliquam speciem, & vsum, non ad
bellicum opus, sed ad aucupium apud nos vsque hodie remansisse.
Porro in vtriusque organi temperatura, vt benè cedat effectus, mis-
silium proportionem ad ipsa, iuxta Architectonicæ, ac Geometriæ
leges maximè attendendam esse, docet Vitruuius, & luculenter ex-
plicat lib. 10. cap. 17. & 18. vbi ait: *De Ballistis & Catapultis sym-*
metrias quàm maximè expeditas putauimus, exposui. Et cap. 16. ratio-
nem suscepti non frustra ab se laboris reddens, iam dixerat: *Itaque*
vt etiam, qui Geometria Arithmeticaque rationes non nouerint, habeant
expeditum, ne in periculo bellico cogitationibus detineantur; quæ ipse
faciendo certa cognoui, quæque ex parte accepi à præceptoribus finita ex-
ponam, &c. Qui eius rei cupidus fuerit, adeat ipsum, finè, ac ex
regulis proportionum omnia explicantem, integris tribus capitibus:
quique formam spectare cupit, voti compos erit in Notis Stevvechij
ad cap. 22. lib. 4. Vegetij, vbi elegantem Catapultæ delineationem
& Lypsius, atque in ære incisam exposuit lib. 3. Poliorcet.

CATARACTA apud Architectos præsertim militares, dicitur
S 2 mu-

munimenti tectorij quoddam genus, quod ad portam Urbis applicitum, habet in subitis casibus, apertis etiam foribus, eam obserare, & hostibus aditum impedire, quippe tenet desuper suspensam clathram pensilem, è firmis pilis ad extremitates acuminatis, contextam; quæ catenis, & funibus continetur, ne cadat; at, cum periculum adest, mox laxatis retinaculis, magno impetu sese inde demittit, ac solo scrobiculis præptato firmiter insiluit. Eiusmodi passim videmus in omnium fere Arcium, aut Oppidorum limitarium aditu, ad tutelam, & ad reddendas vanas hostium fraudes, & clancularias irruptiones. Nos vulgo *Saracinescam* vocamus. Eius usum, & omnimodam appositionem in portis, maximè laudat, & probat Vegetius lib. 4. cap. 4. non tam ad hostes intercipiendos aut propulsandos, quàm ad immittendum faciliè ignem, vel ad extinguendum, si forte ab illis immissus foret. Cum enim ad hoc, usum coriorum, & clatras ferreas ante proposuisset, subdit mox quod pro aggressis, aduersus hostes iam porta potitos, facit. *Sed ampliùs prodest quod inuenit Antiquitas, ut ante portam addatur propugnaculum, in cuius ingressu ponitur Cataracta, qua annulis ferreis, & funibus pendet: ut si hostes intrauerint, demissa eadem extinguantur inclusi: ita tamen supra portam murus est ordinandus, ut accipiat foramina, per quæ de superiori parte effusa aqua, subiectum restinguat incendium.* Itaque duplici negotio inseruit hæc moles supra portam extructa, & ut hostibus aditum intercludat, & ut officium quodammodo aquarij septi identidem subeat; atque adeo & ipsum septum, exinde comunime *Cataractæ* nomen accepit: ut etiam ad continendos amnes, ne nimis interfluant, huiusmodi repagula, statim in locis in alueo interponuntur, quæ cursum aquæ impediunt, ac postea suspensis per cerros rotarum tractus, aqua, quò continentior ante, tantò post incitior fluat. Id quod, ipsa Natura magistra, didicit Architectus, id demonstrante in famosis Angustijs Nili, quas itidem *Cataractas* dixere, ab græca notione sumpto vniuersali vocabulo, quod idem sonat ac cum magno impetu cadere. Cæterum, ut ad militares *Cataractas* reuertamur, earum opportunitatem in portarum aditu, ad intercipiendos præcipuè hostes iam ingressos, etiam Romani suo utique malo didicerunt: cum enim eorum aliqui, aliàs perfugæ Salapinos hostes fraude interposita, supplantare & intercipere niterentur, ipsi econtrà decepti, & interclusi, immissa *Cataracta*, fuere. Rem narrat Livius lib. 16. ab Urbe condita, sic: *Porta, Cataracta deiecta, clausa erat: Eam partim vestibus leuant, partim funibus subducunt in tantum altitudinis, ut subire recti possent. Vix dum satis patebat iter, cum perfuga certatim ruit per portam; & cum sexcenti ferme intrassent,*

remisso fune, quo suspensa erat cataracta magno impetu decidit. At
 contra accidit Gallis anteaſto ſæculo, in eorum Ciuitate Ambia- 28
 neniſi callidè ab Hiſpanis occupata; nam Cataractæ demiſſio malè
 illis ceſſit. Factum refert Philippus Briet, & ipſe Gallus, in Annali-
 bus Mundi, ad annum Chriſti. 1597. Hoc anno, inquit, Ferdinan-
 dus Tellius Portocarrerus Dulendi præſectus, admonitus à quodam Du-
 molino exule, interditi ſeruari negligentius Ambianum, id magna auda-
 cia, ac penè temeritate, occupauit. Uſus eſt Carris, quos pomis, & nuci-
 bus onerauit; & hos fortiffimi milites aurigarum loco deducebant: Eo-
 rum unum ſupponunt penſili clathro, loris equorum reſciſſis: alterius ef-
 fundunt nuces, & poma, qua dum colligunt præſidiarij cines, trucidati
 ab aurigis probe armatis, portam patentem reliquerunt ſequentibus copijs.
 Sic vrbs nobilis capta eſt, &c. Adeò nil tam tutum, tam ingenioſe
 ad cuſtodiam factum, quod non, perperam, & ſupinè admotum,
 in perniciem propriam conuertatur.

CATENAE in Opere architectonico, communiter audiunt tigna 29
 quædam oblonga, quibus tota contignatio continetur, ac duo ad-
 uerſi parietes eam deſuper ſuſtinentes, ne nimio ponderi cedant, &
 hiſcant, ſimul colligantur, ac ſibi inuicem fulcimento ſunt. Tiran-
 tes noſtri Cæmentarij nominant, quaſi trahentes, ab effectu quem
 habent. De his præcipit Vitruu. lib. 7. cap. 3. quod ex ea materia
 comparari conuenit, cui nec caries, nec vetuſtas, nec humor poſſit no-
 cere. Sed ad hoc optimè prouidit noſtra ætas, quæ ferreis trabi-
 bus miniis craſſis, ſed fortioribus vitur, quas præcipuè ſub fornici-
 bus, & arcubus, in periftylijs, & ſuſtinentibus pilis apponit, nulli
 vnquam, cariei, vetuſtatis, aut contraſti humoris vitio obnoxias, &
 æternum duraturas.

CATHETVS, inquit Baldus in Lexico Vitruuiano, vox eſt Geo- 30
 metris familiaris, & frequens, per quam denotant, ac intelligi vo-
 lunt lineam perpendicularem à ſummo vertice, rectà in inum dedu-
 ctam, ex græco, quaſi dimiſſam diceret. Hinc Euclides lib. 1. pro-
 poſ. 7. docet, quomodo Cathetus, linea videlicet perpendicularis
 præſata, ad rectam lineam in plano extenſam ſit deducenda. Et Vi-
 truius lib. 3. cap. 3. de eſſormatione Volutarum in Capitulis, lo-
 quens, ait: In quatuor partibus volutarum, ſecundum extremi abaci
 quadram, linea demittenda, quæ Catheti dicuntur. Apud Aſtronomos,
 & Opticos ſunt frequenter in ore, Cathetus incidentiæ, & Cathetus
 reflexionis, qui indicant lineas rectas à quouis puncto radij inciden-
 tis, aut reflexi, procedentes ad planum, ſiue incidentiæ, ſiue refle-
 xio-

xionis in speculo. De qua re fusè Ricciolus in *Almagesto nouo*, lib. 10. sect. 6. cap. 2. Vide etiam quæ mox infra dicemus in V. *Catoptrica*.

- 31 CATOGAEVM græcè audit subterranea Domus, quam nos cum Plinio II. *Cryptoporticum* diceremus. Hæc Antiquis maximè in vſu erat, & nullum ferè extruebatur nobile ædificium, quod non ſuas cameras, & porticus circūi & infra planum ſolum haberet, tūc ad morandum inibi in æſtate, ardente maximè ſole, captandi frigoris gratia, vti erat de qua Plinius loquitur in deſcriptione iucundiffimæ ſuæ villæ in Epist. ad Gallum, lib. 2. tūc ad ſeruanda frumenta, fructus, vinum, & alia comestibilia, quæ calore nimio corrumpuntur: id quod ſignificare forte intendit Vitruu. lib. 6. cap. 3. cum ait. *Qui autem fructibus ruſticis ſeruunt, in eorum Veſtibus tabula, taberna, in adibus cryptæ, horrea, apotheca, ceteraque quæ ad fructus ſeruandos, magis quam ad elegantia decorem poſſunt eſſe. Quamquam reuera non nihil differunt, & altiùs aſſurgunt huiuſmodi Cryptoporticus à Catogeis ſimpliciter ſumptis: nam hæc propriè ſignant rudem aliquem ſpecum ſub terra, ſiue à natura factum, ſiue manu excauatum, ad ſeras magis quam homines recipiendos; illæ autem ſpatioſæ, illuſtres, amplæ, concameratæ, ad delicias potius factæ, quam ad deliteſcendum: qualis erat laudata Plinij, de qua ſcribit: Hinc Cryptoporticus, propè publici operis inſtar, extenditur. Et infra. Ipſa verò Cryptoporticus tunc maximè caret ſole, cū ardentiffimus culmini eiſ inſiſtit: ad hoc patentibus fenestris fauonios accipit, tranſmittitque, nec vnquam aëre pigro, & manente ingraueſcit. Vtriſque abundat præ cæteris Roma, quæ tūc in Palatijs huiuſmodi cryptoporticus ampliſſimas habet ad inhabitandum in æſtate; vel ſi ſub terram ſint, ad vina, præcipuè continenda: tūc extrâ Vrbe in interiecta planitie, excauata ſub terram plurima Catogea, famoſæ olim Chriſtianorum, perſecutionis tempore, habitationes, & diuerticula, quæ quânto tūc obſcuriora, & fama, & luce ſolis deſtituta erant, tantò poſt clariora, & venerabiliora facta ſunt, ſanguine Martyrum reſperſa, eorumque ſacris corporibus, quæ ibi depoſita iacent, omnibus quibuſque ſuperbiſſimis ædificijs illuſtriora: quæ proinde nomine *Catacumba* ſunt appellata. Hæc nimirum *Concilia Martyrum* audiebant, quoniam in ijs & conſultationes habebant, & ſacra myſteria celebrabant, aliasque Eccleſiaſticas functiones peragebant: nunc ab eorum ſepultura *Cameteria* communiter nominantur: & aliud quidem Calliſti, ab S. Calliſto Papa adornatum, aut reſtitutum; aliud Calepodij, aliud Priſcillæ, aliud Prætextati, & alia*
- 32

alia sub alijs agnominibus, eorum nempe sub quorum prædijs erant cauata: de quibus omaibus mentionem facit Turigius in *Cryptis Vaticanis*, & eorum longum censum facit Antonius Bosius in *sua Roma subterranea*, adiiciens etiam singulorum plantas in ære incisas: vbi iucundari potest oculus, & animus ad pietatem excitari in tanta recessuum varietate, ordine, architectura & partium respondentia, ac symmetria, vt *subterranea* potius *Cinitates* præ amplitudine, & apta dispositione, dici possint, quàm Mortuorum Martyrum *Cameteria*. Sed de his hæcenus, ex occasione nominis *Catoptri*.

CATOPTRICA, vna est ex facultatibus Mathematicis, Geometrix subalterna, quæ specialiter agit de lineis incidentiæ, ac directis radijs luminis, in aliquo corpore opaco receptis, atque ab eo in aduersum reflexis: quò fit, vt lumen sui aliàs diffusum, & extensum per medium, quod fit ipsius receptium, (qualis est aër, & omne aliud corpus tenue, vel diaphanum) si obicem aliquem inueniat, qui ipsius vltiorem diffusionem impediat, aut vtrò quanta est sphaera suæ diffusionis, propagari non sinat, seu omninò, seu partialiter; mox resilit à corpore opaco in quod impingit, atque in oppositam partem conuertitur. Cuius etiam rationem, visio, quæ radijs visualibus directis fit, æquè participat, & in oculo miros effectus producit, qui non tantum à directo radio, sed & reflexo, ac refractione, vt videre est in speculo, & subtus aquam, eodem modo proficiscuntur. Hinc *Optica* exurgit, cuius est consideratio radiorum directorum; *Catoptrica*, quæ agit de iisdem reflexis; *Dioptrica*, quæ de refractis: qui nimirum per aliquod corpus diaphanum transeunt, sicque franguntur, & aliquo modo præpediuntur, & alterantur: idque magis, ac minus, pro diuersa eorum situatione, distantia, & crassitudine. Hinc *Ocularia*, & *specilla*, quæ pro diuersa conformatione, luminis qualitate, occurſu & concurrentia plurimorum in vnum, diuersimode obiecta repræsentant. Hæc autem, communiter nominantur *Lentes*, eo quod ad modum lenticulæ, orbiculares sunt, & siue planæ, siue concauæ, siue conuexæ, siue etiam mixtæ, lucem diuersimodè recipiunt; sicque alteratis speciebus, aut vtrà adhuc transmittunt, aut reieciunt. Et quidem, quando de *Lentibus* sermo incidit, operæ pretium est earum species, ac diuersitates hic in vnum colligere, persequi, & explicare.

Igitur alia *Lens* dicitur *Simplex*, & hæc ea esse intelligitur, quæ ex altera tantum, facie conuexa est, ex altera, purè plana. Alia *Duplex*, seu *Composita*, quæ est ex vtraque parte conuexa. Alia *Mix-*

Mixta, quæ ex vna parte conuexa est, ex altera concava: hæc proprio nomine signatur, dicta ex græca notione *Menisens*, hoc est Lunatus, ob similitudinem, quam habet cum Luna falcata. Item *Concavum* dicitur vitrum, seu lens vtrinque concava: sicut econtrâ *Convexo-Convexum*, vtrinque convexum. At quod est ex vna parte planum, ex altera concavum dicitur *Plano-Concavum*, & *Plano-Convexum*, quod ex vna parte sit planum, ex altera convexum. Atque hæc omnia ex sua quæque forma, & ratione excipiendo immisos radios, vel species obiectorum, mirè alterant, & mutant eorundem cursum, aut istorum repræsentationem. Nam, quamquam omnis radius ex obiecto luminoso procedens, quantum est ex se, concipiat incidere per lineam rectam, adeoque sine ulla dilatactione, ac latitudine; attamen, quia species obiectorum, & lumen à corpore lucido exiens, diffunditur orbiculariter, ad modum coni, cuius basis sit in ipso obiecto lumen transfundente, aut alias visioni exposito, apex verò terminetur ad oculum, seu punctum reflexionis; hinc est, ut ocularia ista orbiculariter construuntur; nempe, ut lux per orbem diffusa in sua amplitudine excipiat, & in punctum incidentiæ adunetur. Punctum igitur Incidentiæ, quod item est punctum Reflexionis, intelligitur esse pars illa speculi, seu ocularis, in quam incidit radius, & à qua iterum remittitur, & repercutitur. *Angulus* autem *Incidentiæ*, est quem efformat radius linealiter immittens lucem in speculum, concurrrens simul cum lineis in plano ductis: *Angulus* verò *Reflexionis*, est ille, ad quem lineæ perquam lumen transfunditur, concurrunt, & inclinatur ad planum, seu superficiem speculi. *Cathetus* item *incidentiæ*, est linea ab corpore luminoso perpendiculariter proiecta in superficiem planam, itaut cum illa faciat angulum rectum. *Cathetus Reflexionis*, est similiter linea perpendicularis cadens à puncto reflexionis in idem planum, faciens angulum item rectum æquè distantem ab eo quem efformat in eodem plano cathetus incidentiæ: itaut inclinatio vtriusque radij, tam incidentis, quam reflexi, cadat in punctum intermedium, ubi ambo concurrunt ad efformandum angulum rectum: & linea perpendicularis in illud descendens fortiat, ut æquè distet à Catheto incidentiæ, & Catheto reflexionis.

- 35 CATTI in re militari, apud Scriptores, præsertim rerum Germanicarum, sunt organa quædam, seu instrumenta bellica ad modum testudinis compacta, quibus milites procedentes ad opus, teguntur, ne à missilibus hostium impetantur, aut quovis modo infestentur. Hoc nomine specialiter notata sunt, quia sub ijs milites quasi Cati,

& feles in insidijs sunt, & mox exiliunt ad capiendum. Hos *Cattos* diuersos omnino esse ab *ijs*, qui suo tempore ad eundem effectum, in modum tumuli è terra aggestitia erigi solebant, testatur eruditissimos *Lipsius*, *Cattos* similiter appellatos. Siquidem isti in edito, & super mœnia collocabantur; illi in imo consistebant, & mobiles erant; ut conuincitur ex *Chronico Colonienſi*, ubi hæc, & similia machinamenta, eorumque vsus, propè ad oculum, licet grossè nimis, & barbarè describuntur. Ibi igitur scriptum est: *Expugnauit Rex Cinitatem per duo vasa concava*, (huiuscemodi machinas intellige) quæ faciebant artifices sapientes: *Vnum vas Cattus vocabatur, aliud Cancer*. Erant hæc vasa longa, quadrata, ex omni parte laterum clausa: versùs terram nullum munimen habebant, sed versùs calum de tabulis fortibus, ac spissis testum: machinarum lapides minimè metuebatur. *Cattus* leue vas erat, & facilius trahabatur. Cum hoc vas fuisset ad Cinitatem perductum, ligna quadam pro pedibus sibi fecerunt; ut ad murum, per fossatum faciliùs possent peruenire. Cum ad murum peruenissent, iuuenes de Cinitate egressi succiderunt *Catto* pedes, & in fossatum cadere coegerunt. Caterum hos ipsos *Cattos* memorat *Vegetius* lib. 4. cap. 15. & *Causias*, barbaro item vocabulo, testatur à milicibus dici, esseque in genere *Vinearum*; quorum descriptio non multum ab allata *Catti* adumbratione discordat. Ait enim: *E lignis leuioribus machina colligatur, alta pedibus octo, lata pedibus septem, longa pedibus sex*. Huius testum munitione duplici, tabulatis, cratibusque contexitur: latera quoque vimine sepiuntur, ne saxorum telorumque impetu penetrentur. Hæc *Vegetius*. Sed vide quæ mox dicemus in V. *Causia*.

CAVAEDIVM, per contractionem, sub vno vocabulo, appellatur ab Architectis, & Materiarijs, *Cauum adium*: hoc est pars illa, quæ inter duos, aut plures parietes, vel porticus, relinquitur patula, & sub dio; cætera vndiquè interclusa. Hanc perbellè describit *Leo Albertus* lib. 5. cap. 17. de Re ædificatoria, in hunc modum. *Cauum adium*, inquit, pars est primaria; in quam, tanquam in forum commune alia minora adium membra concurrunt: & quemadmodum in vrbe *Forum*, porticus foro coniunctæ priores sunt, quæ ad aspectum quarantur; ita in ade, (qua tanquam parua Ciuitas est) primò ad Cohortem, & *Cauedium* respicimus. Similiter ante ipsum *Vitruuius* lib. 6. cap. 3. qui ea, exhibitis schematibus in quinque ordines tribuit, *Tuscanicum*, *Corinthium*, *Tetrastylon*, *Displuuiatum*, ac *Testudinatum*: & omnia in medio constituit totius ædificij. At contrà *Plinius* Iunior, eius locum statuit à tergo domus. (*Atergo* (inquit. Ep. 4.) Ca-

medium, Porticus, & Area. Nostri certè Architecti, in ipso aditu; & sanè, quantum fieri potest, peramplum. Et si quidem compluuiatum fuerit, hoc est in aperto aëre, & sub dio, *Area* simpliciter vocatur, vulgò *Cortile*. Sin verò Testudinatum sit opus, *Atrium*, aut *Porticus*. Quamquam alij, quos inter præfatus Plinius, diuersum faciunt Atrium, à Cauædio: & ipse Vitruuius, vt vidimus, vel inde distincta, ac diuersæ rationis supponit, quod Cauædij quinque ordines tribuit, Atrijs verò tres, vt videre est lib. eod. cap. 4. Attamen Barbarus benè obseruat, ea inter se esse connexa; & de ipsius Vitruuij mente, ostendit, non diuersificari, nisi penes genus, & speciem, seu quatenus includens, & inclusum. Quandoquidem Cauædia, re ipsa vniuersaliora sunt, & comprehendunt tam apertas sub dio areas, quàm testas, ac testudinatas. Atria verò, & Porticus partes sunt ab ipsa area subdiuali seiunctæ, & sub tecto latentes: quemadmodum Pinacotheca, & Tablinum, partes Atrij sunt; nihilominus sub eius generali appellatione comprehenduntur. De quibus singulis, suo loco.

- 36 *CAULICVLI* communiter audiunt teneriores illi caules, & ramusculi in herbis, & fruticibus consistentes, qui ex fuste, seu stipite pullulant, & ratione teneritudinis ad omnem flexuram aptantur. Hinc in Architectura deriuatum est nomen ad significandas illas complicationes, & flexuras, quæ in capitulis columnarum, præsertim ordinis Ionici, & Corinthij, in superiori parte, veluti ad sustentandum impositum desuper abacum, conspiciuntur, & quasi premi videntur, adeoque circumuolui, & recedere. De quibus Vitruuius lib. 4. cap. 1. *Cauliculi*, inquit, *eandem habeant altitudinem, & quibus folia nascuntur proiecta, vti abacum excipiunt*. Sed de his fusiùs cum de *Voluta*.

- 37 *CAVRVS*, qui & *Cornus*, Ventus est Occidentalis, collateralis Fauonio, spirans ab Occasu æstiuiali, medius inter Borrolybicum, seu Magistralem, & ipsum Fauonium, directè aduersus Eurum. Nomen hausit à siccitate, quæ ab initio multus est; licet postea sensim degeneret in frigidum, & humidum. Flare vtplurimum solet in Aequinoctio autumnali, cum magno fragore & impetu, adducens procellas, & grandines, quandoque etiam fulgura, & tonitrua: Et si spirauerit sereno Cælo, nubila plerumque speñantur in Oriente. Hoc vento potissimum infestatur Apulia. A Græcis nominantur *Argetes*, à procellis quas excitat, & *Sciron* à rupe vnde exit, necnon *Olympius* ab Olympo monte, per quem transit: in-

Italia, eadem ratione; Iapyx à Iapygia regione, quæ, ut modo diximus, illic est valde obnoxia; nihilominus est illi commodissimus ad nauigandum in Græciam: vnde Horatius illum apprecatur suo Virgilio in Græciam tendenti. lib. 1. Ode 3.

. Ventorumque regat Pater,
Obstriclis alijs, præter Iapyga.

CAVSIAE, teste Vegetio lib. 4. cap. 15. vocabantur olim militari vocabulo, Machinæ quædam tectoriæ in genere Vincarum, sub quibus fossores, & milites latentes, ad suffodienda hostium mœnia, procedebant. Sic enim ait: *Vineas dixerunt Veteres, quas nunc militari, barbaroque usu, Causias vocant.* Verum Stevvechius in hunc locum, existimat, librorum incuria *Causias* scriptum, eo maxime, quod exemplaria Manuscripta, quæ ipse euoluit, variant, & alia habent *Cautias*, alia *Caucias*, alia demùm *Cattos*. Et auget suspicionem Lipsius in Poliorceticis: *Qua enim, ait, similitudo Causia cum Vineæ?* Ex alia parte, subdit, *Causia* græcè, bonum vocabulum est, & significat Macedonicum quoddam capitis integumentum, quo nihil minùs ad rem. Quapropter concludit, *Cattos* fore legendum. Hoc quippe nomine frequenter vtuntur Historici, quod non ineptè machinamenti huius partes, & officium representat. Nam sicut *Catti*, & feles domestici, inteni ad capturam, in insidijs latent, & absconduntur, vt mox repente insilientes, incautos mures adorsæ subuertere cogitantes, sub vineis incedunt, & hoste improvido, nil tale metuente, muris approximant, eosque tutò, & impunè suffodiunt. Has *Cautibulas*, & *Chartos* appellat in Speculo Historiæ, Vincentius Beluacensis.

C E

CELLA, generali notione, secretum quoddam receptaculum sonat, à celando dicta: Vnde, vt notat Calep. ferè semper cum adiectiuis vsurpari solet, & pro eorum ratione, ad varia repositoria, quæ ad aliquid specialiter asseruandum deputata sunt, significanda, vocabulum assumitur, & coarctatur. Sic dicitur *Cella Vinaria*, in qua Vinum: *Frumentaria*, in qua frumentum: *Lignaria*, in qua ligna; &c. ac de ijs sæpè agit Vitruu. sparsim in suis locis, identidem docens, quæ arte singulæ construendæ sint, quibus adminiculis adornandæ. Quando verò *Cellæ* nomen solitariè vsorpatur, præsertim à Scriptoribus Architectis; ea denotat sacratiorem Templi partem, in quam ingredi, olim cuius hominum nefas erat, sed solum seruabatur Sacerdotibus, quibus liber patebat accessus, vt habemus in

Sacris Paginis, quæ etiam per antonomasiam, *Sancta Sanctorum* nuncupabatur. Hodie, quoniam apud Christianos, vsus hic ex parte exoleuit, Cellæ nomen, abditam quandam, & interstinctam ædificij partem significat. In Aedibus autem Sacris per amplam, magnificam, cunctis conspicuam, & permeabilem partem denotat, quam vulgò Templi Corpus nominant, & Medianam Nauem. Quo sensu accipit eam Vitruuius de Fanis Deorum loquens, lib. 3. cap. 1. ubi ait: *In antis erit ades, cum habeat à fronte antas parietum, qui Cellam circumcludunt: & inter antas, in medio columnas duas, supraque fastigium symmetria eà collocatum, quæ in hoc libro fuerit præscripta.* Capite autem quarto Libri 4. agit de interiori Cellæ prædictæ, & Pronai distributione. Quod ideo aduertit Salmasius in Solinum, apud Græcos in Aedibus Sacris, has esse partes præcipuas, quas modò videntur, nostros Architectos in Basilicis extruendis, in primis respicere, ac summo studio ordinare: *Pronaum*, qui erat exterior ædis prospectus, & facies, ad omnes Architecturæ leges dispositum & ornatum, (hodie apud nos vulgò dicitur: *La Facciata*.) cui intorsum correspondebat ad æquam amplitudinem, ac iustam longitudinem, Cellæ quam nos Medianam Nauem dicimus. Post hanc erat *Posticum*, Græcis *Epistodomas*, ad eandem fere rationem, licet non adeò ornatum, *Prodomas*, seu *Pronaum*. Sequebantur inde à latera, *Propylææ*, quibus aliæ cellæ minores ex eodem conspecto adnectebantur, præsertim, si pluribus Dijs, una eademque ædes parata erat. Hoc similiter in nostris Templis habetur, in quibus variæ Aræ diuersis Sanctis excitatæ, ubi Sacerdotes rem diuinam faciunt, & communiter Sacella, seu Cappellæ nuncupantur. Tandem circa latera ædis extrorsum erant spatiosæ deambulationes, quas *Peridromos* appellabant, varijs columnarum ordinibus interstinctas: & has item in plerisque nostris Templis aspicimus: vt proinde de istis, eadē fere sit architectandi ratio, quam Vitruuius tradit de Gentilium Templis. Sed iam multum à Cellæ consideratione, quæ nobis ex ordine contigit, ad alia digressi sumus, Hic sistamus: cætera suo loco ex professo, & luculentius examinanda.

40

CENTROBARYCA in Mathematicis disciplinis, est Facultas Staticæ subalterna: quæ agit de Centro gravitatis, tum linearum, superficiesierum, & corporum solidorum. Item de Centro gravitatis segmentorum alicuius magnitudinis, necnon de variatione ipsius Centri ad mutationem figuræ, cuius est consideratio. De hac re fufè Gaspar Scottus in *Cursu Mathem.* lib. 28. cap. 4.

CEN-

CENTRVM cōmūniter, & apud Mathematicos præsertim, est 41
id quod in medio vniuscuiusque rei, magnitudinis, aut figuræ, quæ
consideranda venit, intelligitur collocatum; vt punctum in circulo,
Infernus in Orbe terrarum, Terraqueus Globus respectu Calorum,
&c. De qua re fusè alibi dictum.

CENTRVM GRAVITATIS in corporibus, inquit Pappus lib. 8. 42
colleçt. Mathem. est punctum intra corpus conceptum; à quo, si gra-
ue appensum mente concipiatur; circumactum postea seruat omni-
no eam, quam prius habebat positionem, nec proinde in ipsa corpo-
ris latione mouetur. Ad quæ addit Comandinus, quod vndique
æqualium momentorum partes circa illud consistunt. Si enim, in-
quit, pertale centrum ducantur planum, figuram quodammodo secans, 44
semper in partes æquiponderantes ipsum diuidet. Ex quo sequitur pri-
mò quod vnius corporis, vnum tantummodò est, grauitatis Cen-
trum. Secundò; Quod idem Centrum semper in eodan situ est sui
corporis. Tertiò, quod secundum Centrum hoc grauitatis, omnia,
corpōra ponderosa deorsum feruntur: & alia, quæ melius intelli-
gentur, cum de Momentis erit sermo.

CENTVRIA, ex primigenia etymy notione, verbum Gromaticum, 43
est: significat enim centum iugerum dimensionem, quæ postea, vt
mox dicemus, ad tota ducenta iugera est extensa; vnde, Isti,
dorus lib. 15. cap. 151. Ager, inquit, est ducentorum iugerum, qui
apud antiquos à centum iugeribus vocabatur: sed postea duplicata est,
nomenque pristinum retinuit. Causa autem duplandi fuit, eoquod,
vt habet Hyginus de limite constt. Agri ex hoste capti diuisi sint per
Centurias, vt assignarentur militibus. Singulis autem militibus duo
iugera assignabantur. Hinc ad ipsos milites quatenus centenarium
numèrum sub vno Ductore constituunt, nomen est accommodatius,
deriuatum; itaut vna collectio centum militum, quibus vna iuge-
rum Centuria deputata erat, absolute Centuria diceretur. Porro,
in plures Centurias totus exercitus distribuendorum munierum, ac
distinguendorum agnitionum gratia, dispositus bat, & etià munim ta-
lem distributionem retinet. Quod ideo tota vna Legio sexaginta
quinque Centurias continet, sub vno Tribuno præstantes: singula au-
tem Centuria, quas vulgò Societates, & Compagnias vocamus,
singulis Centurionibus subsunt, ac disceptant, quibus præfectio, 44
eoquod Capita essentiarum Centuriarum, Capitaneis nomen acce-
sit. Nam cum Veteres (auctor mihi est Plinius) in ipso prælii an-
dore

14 dore acies confusas, & alias confundi posse, atque hostibus committeri; ut huic malo prouideretur, Cohortes dehinc in Centurias diuisere, singulisque Centurionibus suas proprias Centurias assignare. Ex quibus, qui primæ Cohortis ductor erat, *Primipilus* appellabatur, quod eius Centuria inter Pilanos sub signis grauis armaturæ, quæ cæteras Centurias anteibant, constituta erat. Hinc *Centuriare*, ac *succenturiare*, apud rei militaris Scriptores, nil aliud est, nisi Milites in Centurias ordinare, aut alios in defectum occisorum, vulneratorum, aut quouis modo exauthoratorum, vel fugitiuorum sufficere, ad complendas utique, & integrandas diminutas Centurias. Qua de re, vide quæ eruditè satis congerit Aulus Gellius lib. 16. cap. 4. Noctium *Acicarum*.

44 CEROSTRATA, seu CEROSTROTA, in re ædificatoria, dicuntur opera artificiosè contexta. In quo autem consistat huiusmodi artificium, non satis clarè explicat Vitruuius. Vbi de ijs agit, lib. 4. cap. 6. Sed tantum improbat ea adhiberi in forium ornamentis; ait enim: *Ipsaque forium ornamenta non fiant Cerostrota, neque bifora, sed valuata*. Obscurissima in omnibus propositio; in qua enodanda, multum desudant Interpretes. Philander ex Plinij verbis, & contextu, suspicatur, Vitruuium intelligi voluisse de opere tessellato; quod nos *Tarsiam*, seu *Opus Intersatum* vocamus; esseque compositum ex plurimis particulis conuuium, ligno, & tabulis insertorum, eo modo; quo *Lithostrota* appellantur pauimenta scætilibus lapillis versicoloribus variegata. Barbarus, ex quodam veteri Codice Vitruuiano pro *Cerostrota* legit *Clatrata*. Sunt autem clatrata opera composita ex regulis ferreis, vel ligneis, inuicem contextis, ac decussatis, quæ modicis intervallis, instar retis, in transuersum relictis, id præstant commodi, ut sub ijs latentes, & non visi, ea quæ in prospectu sunt, liberè conspiciamus: qualia sunt, quæ passim ad fenestras seminarum, & claustralium virorum apponi solent, & vulgò *Gelosias* vocamus. Igitur vult Vitruuius, ut ornamenta foribus apponenda non sint clatrata, neque bifora, sed valuata: hoc est integra, plaua, & liberè excurrentia: id enim ad perennitatem, & firmitudinem inuat, ac decorem, grauitatemque ostijs confert: bene autem valuata, quoniam quò pluribus valuis compingitur, eo commodiorem aditum præbet, & ipsas fores reddit venustiores.

46 CERVI in re militari appellari solent ramalia, & arborum bifidi trunci, quibus valla, hinc inde dispersitis atque vnà intextis, construuntur, & firmantur: ita tamen ut ramalia, quæ interseruntur ad con-

continendam aggestam terram, cespites constringendos, dicantur *Cernoli*; ipsi tamen stipites interiecti, utpote grandiores, *Cerni*; & similitudine cornuum *Cerni* (inquit Varro de lingua lat. lib. 4.) Hi autem in vallo Castrensi per spatia figebantur, quæ proinde ab distantia, quæ erat ab uno ad alium Cernuum, Intervalla vniuersaliter nominari cæpere. Porro utrorumque frequens mentio est apud Historicos, & Poetas, ut videre est apud Lipsium in Poliorceticis. Et quidem de Cernis, maioribus sudibus, qui aggeribus, & vallis constituendis adhibebantur, hæc habet Cæsar, describens vallum quod circa obsestanti ab se Aleriam obduxerat ad eam arctius stringendam. Post eas (fossas indicat duas, quindecim pedes latas, & altas, quas interposuit ad intercludendum hosti aditum, quasque aqua, à flumine deriuata opplcuit) aggerem & vallum (sequitur) duodecim pedum extruxit: huic lorica pinnaeque adiecit, grandibus cernis eminentibus ad commissuras pluteorum, atque aggeris, qui ascensum hostium tardarent. Liuius quoque lib. 44. Romanus, ait, ad Clitas, quas vocant, munimenta, cernis etiam obiectis, ut viam intercluderent, à Macedonico ad Toreniacum mare perducit. Sic etiam Tibullus lib. 4. in Panzgyrico Messalæ; laudat eum, quod nemo artem bene collocandi ceruos, eo melius calluit.

Nam te non alius belli tenet aptius artes,
Quæ deceat tutam castris perducere fossam,
Qualiter aduersos hosti defigere Cernos.

De Cernolis autem Frontinus lib. 1. de Castramet. cap. 5. ait: Pelopidas vallum cernolis, & alio materia genere constructum incendit. Et hi quidem, ut tetigi, graciliores erant è summis arborum ramis decerpti, atque ad continendam terram idemdem interiecti: illi autem grandiores stipites, ad firmandum in tetra aggerem: Id quod acutè aduertit Lipsius loc. cit. hæc addens: Cerni sunt ramosi trunci arborum, in faciem, & similitudinem cornuum cerni: atque ij firmiores alijs, alijs infirmi. Isti teneriores, & infirmi, Cernoli dicebantur, verbo diminutive. Deinde ad usum bellicum descendens, qui adhuc apud nos viget, subdit: Vtebantur his in vallo struendo ad terram coercendam astringendamque idemdem interiectis; Nos hodieque facimus: quod tamen ubi legitimus densusque cespes, vix opus. Et minorum hic usus, maiorum diuersus, & ferè duplex. Receptissimus iste, ut truncos illos firmiores in terram depangerent, & variè sererent, itineri impediendo, aut obstruendo. Anburi solebant ad robur, & simul acumen, ut in sudibus præstis atque is prior usus, & creber. Alter qui hoc loco apud Cæsarem, rarior: nempe ut eminent in exteriori vallo inserti inter lorica ligneam, & aggerem ipsum, simplici corona in modum sic-

Neque ascensum hostium tardarent. Agrestes nostri spineas eiusmodi præ-
 vecturas in lortels terreis eidem fini usurpant. Hæc Lipsius, innuens
 etiam in Architectura Ciuili Veterum locum habuisse Ceruos ad
 constituendos, firmandosque, rudi utcumque Minierua, parietes.
 Ad quam rem facit quod habet Virgilius Ecloga. 2. de primis casa-
 rum structoribus,

Atque humiles habitare casas, & figere Ceruos.

Vnde ex his, Architecturæ rudimenta paulatim insurrexisse, & in-
 creuisse, affirmat Vitruu. lib. 2. cap. 1. addens, ad huiusmodi mo-
 rem nidos compaginantium, habitationes suas extruere, primos
 homines addidicisse: Tunc obseruantes, ait, aliena testæ, & adicien-
 tes suis cogitationibus res nouas, efficiebant in dies meliora genera casa-
 rum. Et post pauca; subdit: Primumque furcis erectis, & virgultis
 interpositis luto, parietes texerunt. Alij luteas glebas arefacientes, strue-
 bant parietes, materia eos iugamentantes; vitandoque imbres, & alius
 tegebant arundinibus; & fronde: Postea, quoniam per hybernas tempe-
 rates, testæ non poterant imbres sustinere, fastigia facientes, luto induto,
 proclinatis testis, stillicidia deducebant. Hæc autem ex iis, quæ super
 scripta sunt, originibus instituta esse, possumus sic aduenire, quod ad
 hunc diem nationibus exteris, ex his rebus ædificia constituunt; ut in
 Gallia, Hispania, Lusitania, Aquitania, scandulis robustis, aut stra-
 mentis. Hucusque Vitruuius de Architecturæ cunabulis. Quæ om-
 nia ex Ceruis primum in terram defixis, qui nerui, ut ita dicam, &
 sustentacula forent erigendorum parietum, atque impositorum de-
 hinc tectorum, profecta sunt. An autem à Casis ad Castra, vel po-
 tius à Castris ad Casas, transierint Cerui, iure dubitare quis posset?
 etenim non defuere qui casarum originem ad miliciam referrent, ut
 notat Ludouic. de la Cerda in allatum Virgilij locum. Ipse tamen ad
 partem oppositam inclinat, quod verosimilius est: nam prius cogi-
 tasse rudes, & imbelles utique homines, Cæli Elementorumque incle-
 mentia expositos, de casis ad se tegendum formandis, quam de
 Castris ad bellum & hostilia in finitimos inferenda. Quare conclu-
 dit. Non errarent, meo iudicio, qui contrā sentiret, & militares ceruos
 referret ad pastoris. Fauet Seneca Epist. 90. ad Lucilium, simpli-
 ciores curas hominum prisce ætatis enarrans, subindeque postero-
 rum ædificiorum luxum carpens. Quas inter, inquit, furca suspen-
 sa fulciebant casam, spissatis ramalibus, ac fronde congesta, & in decli-
 ne disposita, decursus imbribus, quamuis magnis, erat.

CH

47

CHALCIDICVM OPVS, inquit Festus, genus est ædificij, à Chal-
 cide denominatum; quod in locis amplioribus, & spaciolis maxi-

mè

me vsurpari solet: de quo ita Vitruuius lib. 5. cap. 1. *Sin autem locus erit amplior in longitudine Chalcidica, in extremis construantur, vti sunt in Italia Aquilina.* Ex quo satis liquet, (addit Barbarus) *Vitruuium loquutum fuisse de ea Basilica, qua erat in Foro Iulio, ab Aquilio Iudice cognominata.* Hinc coniectari licet, Chalcidica fuisse adiecta, quzdam ambulatory ad liberum prospectum; e Basilicis, & Palatijs facta; quz nimirum in Chalcide, ad ea loca erant frequentia. Porro Chalcidicum pro Cznaculo vsurpasse Vcteres, ex Ausonio colligit acutè Turnebus. Ad quod facit id quod Gentilibus exprobrat, & abominatur Arnobius lib. 4. contra Gentes, vbi ait. *Scribimur Dijs vestri in Triclinijs Calestibus, atque in Chalcidibus aureis canitare, potare, & ad vltimum fidibus, & vocum modulatione mulceri.* Eadem lib. 3. *Chalciacon* appellauit, & in eundem sensum sumpsit. *Auet,* inquit, *animus, atque ardet in Calcicis illis magnis, atque in Palatijs Cali Deos, Deasque conspiciere intellxis corporibus, atque nudos.* Aliunde Liuius lib. 5. Decad. 4. *Calciacon* appellat æreum quoddam Minervæ Templum, quod apud Lacedemonios celebre erat.

CHARACTER græcè idem valet quod Signum, Nota, vel Figura 48
aliquid repræsentans, per quod in suo esse cognoscitur, & ab alijs contradiſtinctum venit. Hinc Mathematicis frequens in ore est; & pro suo quisque instituto, ad aliquid specialitè denotandum, eo nomine vitur. Vt in Arithmetica, numeri speciali nota digni, specificantur per characteres, aut litteras græcas apud Græcos Scriptores, vel Hebraicas, in Hebraica lingua. Similiter fit in Algebra per certa signa, vt in loco diximus. In Astronomia quoque Planetarum, Signorum, aspectuum notæ, per certos characteres ea singulariter denotantes, exprimuntur. Atque in Geometria, Lineæ, Circuli, Rhombi, Parallelogramma &c. & sic de alijs.

CHAMAELEON in Astronomicis quid sit, alibi diximus: nempe 49
fidus in Cælo ad Australem plagam non ita pridem detectum, intra Circulum Antarcticum; cuius naturam Veteres Astronomi illud ignorantes, tradere non valuerunt: neque Recentiores iugi observatione noscere potuerunt. Nihilominus Petrus Ioannes Faber Scriptor Gallus, qui eas oras nusquam inuisit, e suo capite ausus est eius naturam ac nominis rationem (quemadmodum & de alijs vndecim) aggredi, & scriptis mandare. Præstat hic eius ratiocinationem, qualis qualis illa sit, eruditorum iudicio exponere, ac dictum examinare. Sic enim ait in sua Anatome Vniuersi lib. 2. cap. 18. *Est autem Constellatio hæc dicta Chamaleon, quod naturam, & essentiam imitatur*

Chamaleontis, qui est species Draconis, & serpentis capite leonino: Unde dicitur *Chamaleon* parvus leo, quod similis sit leoni, capite saltem. Dicimus autem Saturni esse virtutis, & proprietatis; quod serpentes omnes, & dracones Saturni naturam, & essentiam sequantur, & imitentur. At nimis infulsè, variè, & ventosè de Chamæleonte sidere discutritur ex solo nomine, quod gratis ei ac tumultuariè ab Naucleris Astronomiam ignorantibus, & eius naturam, tam paruo tempore, probè noscere non valentibus, adpactum est. Ipse potius chamæleontis genium imitatur, qui aere pascitur, vel sanè muscas captat, & in pusillo nominis tumorem, ceterà reptans, ac lacertæ omnino similis, grandiloquentia imitatur.

CHARNELLI. V. *Quarnelli*.

CHELO. Vide *Manuela*.

50 CHELONIA in Architectura, inquit Philander in notis ad Vitruv. lib. 10. cap. 2. Sunt veluti umbilici, aut mensa, quæ appinguntur architectarijs, in quibus ceteri in armillis coniecti, fuculorum cardines versantur, atque adeò ipsa tota. Porro Chelonia isthæc seu Ansa apud nos vulgò *Auricula* appellatur: quas ait Barbarus, solitas fieri ex ferreis laminis præprimè firmis. Sed in alio planè sensu accepisse videtur Vitruv., tùm loco pridem citato, tùm cap. 5. ubi ait: Sub retinaculis chelonica duo figuntur, trochlea funibus supra chelonia religatur: sub trochlea regula longa circiter pedes duos, lata digitos sex, crassa quatuor supponitur. Quæ loquendi formula, satis indicavit, Chelonia esse potius ligneas quasdam regulas summo capiti machinæ impositas, & affixas, ne trochlea in summo religata defluat, tùm ut à trabe aliquantulum in anteriorem partem promineat, *Tassellor*, Nostrates appellant. Porro *Celonia* sine aspiratione vocat Aristot. in Mechanicis Quæst. 28. machinas illas iuxrà puteos apponi solitas, ad hauriendam facili negotio aquam, per trabem alteri libraliter innixam, & transversam, inclinata una extremitate, cui vas affixum est ad imum putei, ut accipiat aquam, altera manibus pressa, & prægrauante pondere; fortè idem cum Tollenone, de quo alibi. Est etiam Vitruvius Chelonium, pars basis, seu pulvinum in Catapulta, quod supra minorem columellam statuitur.

CHODACES. Vide *Cnodaces*.

51 CHORAGIUM apud antiquos Architectos, erat Theatri pars, cui
no-

nomen ab usu. De hac Vitruu. lib. 5. cap. 9. ita loquitur. *Choragia laxamentum habeant ad Chorum parandum, uti sunt Porticus Pompeiana, itemque Arhenis Porticus Eumenici, Patrisque Liberi Fanum.* Erat igitur Choragium, locus in Theatro, in quo Choragi, hoc est in Choro primas tenentes, vestes scenicas, & cetera huiusmodi asseruabant ad promptum usum, pro scenæ apparatus, & recitantium habitu actum, & sæpius immutandum.

CHOREA hilare tripudium, & concinna saltatio ad numeros, respondens canticis & sonorum modulis. De qua vide in V. Saltatio.

CHOROBATES Organum mechanicum est ad libranda[m] 52
aquam, multò melius, quam per Dioptram, aut Libellam: cuius descriptionem habes apud Vitruu. lib. 8. cap. 6. in hæc verba: *Chorobates autem est regula longa circiter pedum XX. & habet ancones in capitibus extremis aequali modo perfectos, inque regula capitibus ad normam coagmentatos; & inter regulam, & ancones, à cardinibus compacta transuersaria, qua habent lineas ad perpendicularum rectè describas; pendentiæque ex regula perpendiculara in singulis partibus singula: quæ cum regula fuerit collocata, eaque tangent æquè ac pariter lineas descriptionis, indicabunt librata[m] collocationem.* Promiserat ille quidem exemplar, & delineationem huius instrumenti in extremo volumine, sed temporis iniuria hæc Chorobatis deformatio, cum alijs periit. At enim ex hac ipsa verborum descriptione eam restituere Barbarus, & oculis subiecit adeò expressiuam, & elegantem, ut facillimè eius usus intelligatur: cui duplex utilitas, ex aqua videlicet, ac perpendicularo.

CHOROGRAPHIA à plerisque confunditur cum Geographia, 53
& est verè illius pars & adminiculum: sed ex Ptolemæo colligit bene Philander, quod non parum differunt, & habent diuersos respectus. Nam Chorographia Locorum partes, & minutissima quæque membra considerat, ut portus, vicos, valles, montes, lacus &c. Geographiæ verò proprium munus est, vnum, & continuatum terræ tractum ostendere. Deindè Chorographia, quæ locis vtrumque accidunt, respicit potiùs, quam diligentem distantiarum rationem, & mensuram tradere gestit, quod proprium Geographiæ officium est. Postremò Chorographia ad locorum faciendam descriptionem, pictura, vel picturæ affigurationibus eget: à quo libera est Geographia, quæ tantum habet per tenues lineas, Locorum distantias, longitudes, latitudesque ostendere.

- 54 **CHORS** (inquit Nonnius Marcellus) est *Villarum intrâ maceriam spatium*. Vocabulum rusticis, atque Agricolis familiare. De hac ritè, & commodo situ constituenda, non minùs quàm de ædificijs, sollicita est Architectura. Vnde Vitruu. lib. 6. cap. 9. cum de Villæ ac rusticorum hincurationibus agit, magnam partem impendit in eius constitutione, atque vtilibus præceptis circa eam tradendis. *Chors*, inquit, magnitudinesque earum ad pecorum numerum, atque quot iuga bouum opus fuerit ibi versari, ita finiantur. In Chorte culina quàm calidissimo loco designetur: coniuncta autem habeat bubilia, quorum præsepia ad focum, & orientis Cali regionem spectent; ideoque boves, lumen & ignem spectando, horridi non sunt. Item agricola regionum imperiti (periti, legit Philander ex codicibus emendatioribus, & magis ad sensum) non putant oportere aliam regionem Cali boves spectare, nisi ortum solis. Porro duplicem Chortem mouet Varro de Re Rustica, constitui debere in magno fundo; vnam intrâ Complurium, quæ habeat, lacum, vbi saliant aquæ; alteram exterius peccoribus, & stramentis aptam.


- 58 **CHROMA** in Musicis, est certus modulandi modus, qui, vt habet Vitruu. lib. 5. cap. 4. *subtili solertia, & crebriitate modulorum, suauiore habet delectationem*, medius inter Enarmonicum, ac Diatonicum. Vnde Chroniatricus (infert Rhodiginus lib. 9. cap. 3. *ob infusam mollietatem, infamia notâ non caruisse apud Veteres testatur est*. Sed de varijs Musicæ modulis, eorumque sumptis ex græco nominibus (nam Latini in hoc segnes fuerunt, & libenter ab Græcia, vbi Musica sumpsit exordium, in rebus non benè intellectis, nomina mutuuntur) agit fusè Vitruu. & nos cum earum latinis interpretationibus, collectim dabimus in V. *Monochordum*. Interim non ab re erit monere, quod nostrates Musici, notulas illas nigras, & quibus octo implent integrum reimpus, seu manus eleuationem, & depressionem (bartutam vocant) singulas seorsim tributas, *Chromas* nominant, vti & earum medietas, *Semicroma* dicitur.

CI

- 55 **CICLICA LINEA** apud Astronomos intelligitur esse, quam in Cælo designant Planetæ, dum in suis Orbibus, & Epicyclis perpetuò circumferuntur: non absimilis planè ei, quam rotæ clauus, suo extremo describit, cum currus agitur; nisi quod Ciclica Planetarum suos anfractus in gyrum torquet, rotæ verò in directum continuat. Quæ quidem linea describitur à motu puncti circa circulum, dum ipse circulus circa centrum motu recto mouetur. Id quod melius intel-

teligitur in vtriusque gyrationis schemate, quod contemplandum, exponit noster Guarinus in suo Euclide adaucto, tract. 18. expens. 7.

CILIGONIA figura apud Geómetras dicitur, quæ vnum; aut plures admittit angulos externos, vltra internos, qui tamen cum illis & numero, & ordine, & respondentia non conueniunt, vt in hoc trapezio videre est. In quo sunt quatuor anguli acuti interni, & duo externi, quorum alter acutus est, alter obtusus. Similiter in Triangulo Acidoide (quod supra descriptum est) vbi sunt quatuor latera, & tres anguli acuti, à quibus denominatur; necessum est, vt omninò admittatur alius angulus externus, qui tamen potest esse, & acutus, & rebus, & obtusus, vt in loco diximus. Harum igitur, & similium figurarum anguli vagi sunt, vti & latera, quæ sibi vtrplurimum non respondent, nec in vno ex altero addiscendo, valet regula, quam de triangulis planis generaliter tradit Euclides lib. 1. propos. 4. 5. & 6. nec non propos. 16. 26. 29. & 32. Cuius discrepantiæ rationem, & quomodo possint in concordiam venire, vt totius figuræ dimetiatur area, vide apud Bettinum in Apiarijs.



CIMBIA in Architectura, peculiari nomine appellatur ima columnæ pars, quæ modicè inflectitur, quæque immediatè torulo insitit. Hanc communiter Architecturæ Scriptores, ex græca notione nominant Apophygeni, hoc est annulum: eoquod representet ferreum, illum annulum, qui antiquitùs columnarum extremis, (quippe quæ è truncis arborum erant,) ne funderentur, apponi solitus erat. Et quidem duo annuli in columna observantur: alter in summo, quem premitt Capitulum desuper impositum; alter in imo, qui innititur basi: sed ille, proprio nomine vocatur Apophysis; hic autem Cimbria, vt contradistinguantur: vterque autem promiscuè Apophygis: vt suo loco diximus.

CIRCITORES vide in V. Vigiles.

CIRCVMVALLATIO propriè militare vocabulum est, & signat illam operum collectionem, quæ in obsidione Vrbiùm fit ad illas stringendas, & obsidentes simul in sua statione firmandos, atque ab

ab hostium reponendis excursionibus contutandos : à vallis, quibus, bonam partem constat, nominè apud nos deriuato. De qua re fufius egimus in V. *Agger*.


- 60 **CIRCVS**, generali nomine audit omnis quicunque in gyrum actus in plano ambitus, quasi circuitus : vnde & cum Circulo, quod eius diminutiuum est, conuenit, & confunditur. Antonomatticè autem, & in opere architectonico, denotat peramplum, & nobile Aedificium ad modum Theatri, sed in gyrum extructum, atque dispositum ; vt populus, qui ad illud olim adunabatur ad publica spectacula contuenda, locum haberet, qui multos exciperet, & æquè omnes commodum, & liberam prospectum haberent ; quod non, præstaret, si foret aliqua ex parte angularis. Porro tres Roma, præceteris, habuit Circos celeberrimos, in quibus, nescias, an plùs contulerit Romanorum Principum munificentia in sumptibus, quam Architecturæ magnificentia in opere, quæ inibi totas suas curas posuit, ac pendè effecta est, vt nil magnificentius dari possit. In his principem locum habuit *Circus* (re. & nomine) *Maximus* inter Auentinum, & Palatinum Colles ædificatus, in quo nobilissimæ Porticus, circà ; & ampla è marmore sedilia ; & in centro Obeliscus erat Soli sacratu. Et quia in eo Ludi toto orbe celeberrimi exercebantur, ab eo *Ludi Circenses*, omnes promiscuè denominati sunt : Quamquam Græci Scriptores à Circe Solis filia, quæ eorum inuentrix fuisse perhibetur, nomen traxisse volunt. Porro Circi, & similia Aedificiorum, ratam extruendi rationem, latè prosequitur Vitruuius lib. 5. cap. 3. Quem locum, datis schematicis, & eruditissimis commentationibus, illustriorem facit Philander, omninò à curiosis videndus.

- 61 **CISSOIDES** Figura singulari consideratione digna habetur à Geometris ; & ab Architectis, in sternendis è scæto lapide paumentis, plurimi fit, quæ in angulos definit, sed arcuatos introrsum ad modum folij hederacei ; vnde & nomen sumpsit ex græco deriuatum, quasi *Hederaformis*. Formatur enim tribus vel pluribus duplicatis arcubus, vtrinque extrà conuexis, & in angulum coënnantibus ; contrà quàm fit in *Sistroide* : in qua, duo quidem arcus in angulum abeunt, sed semper acutum, in quacumque figura ; quippe formatur ex duobus arcubus concavis ; vt videre est in subiectis vtriusque figuris. Quarum profectò commensuratio, vti & angulorum, & laterum, fit per reductionem ad rectum ; itaut quantum alteri demas, tantumdem alteri tribuas ; seu ex aggregato Area duorum

rum curuilinearum in vnam rectilineum. Vide Bettinum in
Apianijs.

Cissoïdes

Sissoïdes.



CL

CLASSIS propriè dicitur Collectio Nauigiorum cum bellicis munimentis, ac militè ad Nauale bellum instructa: vnde perinde est, ac Acies Militaris. non in Campo, sed in Aequare explicata. Quamquam non desunt qui Classem promiscuè pro Maritimo, ac Terrestri, ad præliandum accincto Exercitu sumant. Quod ideo Festus: *Classis*, inquit, *procincla, est Exercitus instructus*. Et Isidorus: *Classes dictæ, propter diuisionem Exercitus, qui postea Manipuli dicti sunt*. Hinc etiam Virgil. Aeneid. 2. dicit,

Classibus hic locus, hic Acies certare solebant.

Sed non multùm fidendum Poëtæ authoritati, qui, vt moris est Poëtarum, figuratè loquitur, & quâdam sermonis elegantia, quæ Nauium propria sunt, ad terrestrem Aciem transfert, & quæ terrestrium sunt, promiscuè tribuit nauibus, vt alibi, lib. 3.

Dat clarum è puppi signum, nos Castra mouemus.

Hoc est Nauigiorum Classem. Et alioqui, vt obseruat Seruius, *Classis à calonibus dicta*; quæ vox græcè ligna significat, proindeque Maritimum exercitum, qui in Nauigijs è ligno compactis portatur, appellat. Cætera semper Classis, in re militari, quomodolibet accipias, architectonicè disponenda est; & siue Terrestris sit, siue Maritima, in ea plus valet optimâ ordinatio, quam nauigiorum, ac militum multitudo. Sed in Nauali illud inprimis aduertendum est, vt expedita, leuis, & agi facilis; melior sit, quam milite, comæatu, armis, propugnaculisque instructa; quibus tamen sit onerosa, & ad omne prælium, (prout ventus, aut sors dederit,) ineundum

dum inepta: Quod pluribus exenplis tam veterum, quam recensio-
rum temporum, ostendit Stevvechius ad lib. 4. cap. 37. Vegetij. Ad
hæc, Portus requiritur promptus, ac tutus, ad quem in tempestati-
bus se recipiat, & alia, de quibus Vitruu. lib. 5. cap. 12.

- 63 CLATRI, & CLATRATA OPERA in Architectura sunt, quæ
aliàs à Nostreis appellantur *Cancellæ*, & *Ferratæ*: tenues videlicet è
ligno asseres, v. ferreæ laminæ inuicem connexæ, decussatæque, ac
paruis spatiolis æquè distantibus, interstinctæ. Idque siue artefactiis
ac transuersariis hæc, siue reticulatè, intervallis in rhombi formam
abeuntibus: quibus locus aliquis, (vt potissimum ostia, & fene-
stræ,) ita clauditur, vt tamen exterior prospectus liber sit, & mini-
mè impediatur. Hæc, vt ita dicam, repagula, & obices, maximè
utilitatis, & commodi sunt, tum in pacis otio, tum in bello: quando
& valuarum, & parietum vices obtinent, & necessariæ aperturæ locum
dant: vt profectò id equè præstent, nè hostibus, & extraneis, inde pate-
at aditus in interna; nè curiosis oculis res nostræ obijciantur, &
parefiant; ac simul nobis clausi omnino ostij, aut obiecti parietis
impedimenta submoueant, vt quæ exterius sunt probe spectare pos-
simus, & hostium insidijs, ac machinamentis, si contra nos quid
moliatur, huiusmodi integumentis occurrere valeamus. Quare
dubitat iure Philander, An parietis appellatione venire possunt, vel
potius aperitionum, cum & utrumque habeant, & parietum com-
moda, & aperitionum condiciones.

- 64 CLAVES in structuris dicuntur vulgò Architectonum, quas *Ta-
leas* vocat Vitruu. lib. 1. cap. 5. Ligneas videlicet, aut ferreas fibu-
las, quibus trabium in opus adhibitarum capita exterius firman-
tur, ad parietum consistendum, & colligationem. Vti utraque (ait)
muri frontes inter se, quemadmodum fibulis, his taleis colligata, æter-
nam habeant firmitatem. Sed has potissimum è ligno, & vtilitatis
requirit, ne cariei, humiditati, ac temporis iniuriæ obnoxie sint.
Namque ei materiæ, subdit, nec tempestas, nec caries, nec vetustas po-
test nocere, sed ea & in terra obruta, & in aqua collocata, permanet sine
vitijs utilis sempiternò. Ad quæ Philander: Per muri crassitudinem
graciliores trabes, quantum satis erat, exugendo humori vstæ (ita enim
siccescendo permanent ad diuturnitatem) inter se, reuincuntur pestina-
tim, serratimue, aut cancellatim, eam colligationem connexionemque
fibulatam quidam putarunt esse. Et post pauca, subdit: Nostri, ferreis
subscudibus armillata trabium capita reuincunt, atque ita retinent. At
enim uescio, an firmiora, ac diuturniora euadant ædificia, quæ
fer-

ferreis clauibus conneſtuntur, quàm quæ uſulatis è forti ligno, puta roboreo, aut oleagino, vel ſimilibus, obfirmantur; quas utique in ſpecie, & non illas è ferro factas laudat Vitruu. Siquidem illæ rubigini, humiditati, incuruaturis, alijsque temporis iniurijs ſubiacent; at non ità certarum arborum taleæ uſulatæ, ac tempore confirmatæ, quæ longè conſtantiore, ac diuturniore ſunt, quippe ignis beneficio, à corroſione, & corruptione immunes euasæ, ſunt propè æternæ; ac tempore, vetuſtatem non ſentiunt, quinimò magis magiſque obdurantur: ut patet in ſublicis, quæ in fundamentis ædium, in vadis aquarum à Venetis affigi ſolent, quas proinde uideamus, in limo, & ſub aquis duriores fieri, inflexibiles, ſaxeas, ac penè adamantinas.

CLIMACIS in Belopæicis, ea pars ſignatè intelligitur eſſe in Catapulta, quæ in alijs id genus machinamentiſ bellicis, appellari ſolet *Syringa*. Eſtque Canalis, per quem gradatim tranſit ſagitta vel ſaxum inde immiſſum, ut maiorem per eam impulſum accipiat. Quomodo autem id præſtet, perbellè explanat Ammianus in deſcriptione Balliſtæ, lib. 23. *Ferrum*, ait, *inter axiculos duos firmum compaginatur, & uſum, in modum regule maioris extenſum: cuius è volumine tereti, quod in medio ars polita componit, quadratus eminet ſtylus extenſus, erecto canalis auguſti meatu cauatus, & hac multiplici chorda neruorum tortilium illigatus: eique cochlea dua lignea coniunguntur aptiſſimè, quarum propè unam aſſiſtit artifex contemplabilis, & ſubtiliter adponit in termonis cauamine ſagittam ligneam, ſpiculo maiore conglutinatam. Hocque factò, hinc inde ualidi iuuenes verſant agilitè rotabilem flexum: Cùm ad extremitatem neruorum acumen uenerit ſummum, percita interno pulſu à balliſta, ex oculis auolat, interdum nimio ardore ſcintillans, & euenit ſæpius, ut antequàm telum cernatur, dolor lethale vulnus agnoſcant. Porro Climacem idè dictam, hanc Catapultæ partem aſſruit Heron, quaſi paruam ſcalam, vel gradulum: *Climax* enim græcè, *Scalam* latinè ſignificat; & *Climacion* *Scalulam*. Quæ de re, curioſa ſatis, & admodum erudita congerit Turnebus lib. 2. *Aduerſarior. cap. 5.**

C N

CNODACES obſcurè ſatis, & tranſitoriè, Vitruuius memorat lib. 10. cap. 6. Cteſiphontis machinam deſcribens, quos etiam *Chodaces* vocat. Sunt autem, Salmatio iudice, Ferreæ quædam ſibulæ in capitibus aſſum, vel ſcaporum affixæ, ibique ad maiorem conſiſtentiam adplumbatæ, ut per eas ſcapi vel axes in armillis faciliùs uoluerentur. Reuerà tamen Vitruu. aliud ſentire uidetur, nam

ubi de modo , quo Ctesiphon machinam suam aptauit ad im-
portandas è lapicidinis, immensi oneris columnas vique Ephesum,
vt deferrent ad celeberrimum Dianæ Templum erigendum, discut-
rit, hæc habet; scilicet, quod Ctesiphon *De materia trienali scapos*
quatuor, duos transversarios interpositos duobus longis, quâta longitudo sca-
pi fuerat, completit, compegit: & ferreos chodaces, vti subscudes in
capitibus scaporum implumbauit, & armillis in materia ad chodaces cir-
cundandos infixit. Et, ne mendum irrepsisse inter scribendum cre-
das, secundò, ac tertio Chodaces replicat, mox subiungens: *Cho-*
daces autem in armillis inclusi liberam habuerunt versationem tantam,
vti cum boues ducerent subiuncti, scapi versando in chodicibus, & ar-
millis sine fine voluerentur. Nihilominus criticus verborum scruta-
tor Salmasius, vult legi *Cnodaces*, & meo iudicio, rectè. Nam,
quid sibi velit hoc vocabulum *Chodaces*, nuspiam apud vllum alium
Scriptorem, præter Vitruuium, reperitur. Sed neque in Glossarijs
neque in Lexicis, seu Græcis, siue Latinis, minima eius mentio,
aut nominis deriuatio. *Cnodaces* autem optimum, & vtitatissimum
verbum est, ex notione græca: & , teste Turnebo, significat propriè
duos ferreos stylos in torno, quibus hinc inde materia tornabilis
sustinetur. Vnde benè aptatur ad significandas non abîmiles fer-
reis fibulas, vti subscudes in capitibus scaporum, vel axium, vt per
eas scapi vel axes in armillis simili modo versentur. Consonat Phi-
lander, qui etiam testatur, in alijs Codicibus se inuenisse scriptum
Cnodaces, & mea, inquit, sententia melius.

CO

- 67 COASSATIO, & COASSARE, modus loquendi architectonicus
est, ac sæpissimè à Vitruuio vsurpatus. Significat enim probam in-
pauimentis assum ad inuicem compaginationem, quam nos fortè
expressiùs vocamus *Consabulationem*. Siquidem asseres reuerà tabulæ
sunt, quibus cænacula ad pauimenta sustinenda sternuntur. Alibi,
& frequentius, coaxationem vocat: sed, quantum sapio, valde impro-
priè, & præter rem.

- 68 COCHLEA in Mechanicis, vna est ex quinque celeberrimis fa-
cultatibus, quas Heron, & Aristoteles enunjerant, & examinant,
ad leuanda agiliter pondera conducentes, ad rationem cuiuscumque
motricis potentiz, suntque, Axis in Peritrochio, Vectis, Cuneus,
Polispaston, & Cochlea, quam Pappus agnominat infinitam. Est
autem Cochlea lignum rotundum, & longum erectum in torculari,
strijsque conformatum paulatim ad summum ascendentibus, per
quas alia item cochlea contrario opere, sed æquali prorsus ratione,
inte-

interius excauata, quam vocant feminam, atque immissa, ducitur, aut sanè ipse tortilis scapus intrà ipsam agitur, & volutatur: quæ volutatione fit, vt prelum appositum, prout opus, est modò attollatur, modo deprimatur, & comprimat quæ subrus sunt, ad rationem datæ potentiz. Quæ machina à Cochleæ reptilis similitudine, cuius testa similes spiras habet, nomen auspicata est. *Vidam* nos Itali appellamus; eam verò partem quam modò feminam diximus, *Madrinidam*: Porro varius, & frequentissimus est in operibus mechanicis Cochlearum istarum vsus; & alias Quadratas, alias lenticulares, appellat Oribasius apud Philandrum: Quadratas quidem in quibus striz, seu protuberantes partes abeuntes in spiram, quadratz sunt, vti & cauum: Lenticulares, in quibus cauum. imum versùs angustum est, in summo latum. Similiter alias simplices, quæ vno duntaxat capreolo, idest tortuoso canaliculo, excauatz sunt; duplices alias, quæ binos habent excisos canaliculos. Quinimò, addit Philander, eadem ratione dari possunt, triplices, quadruplices, &c. pro canaliculorum numero. Et de his agit Vitruu. lib. 6. cap. 9.

Est præterea Cochlea haustorium organum, seu machina, quam latè 69 describit idem Vitruu. lib. 10. cap. 11. eamq; dicit esse, ad tollendam sursùm magnam aquæ vim valde idoneâ, sed non adeò altè quàm facit rota. Cæterùm hæc nostris temporibus in desuetudinē iuit, & eius loco successit Antlia longè faciliior, & felicior ad attrahendâ aquam in quamcunque altitudinem; idque per impulsum aeris contracti, & retracti, qui proinde dat locum aquæ iuxta exigentiam naturæ, salendi indefinitè ad quamlibet altitudinem, ad replendum vacuum, à quo tantùm Natura abhorret; de qua fusè diximus suo loco.

Sed quod maximè Architecturam commendat in Cochleæ vsu, 70 est Sclarum Cochlidarum inuentio, & artificium, iam receptum, & communiter adhibitum in ædificijs. Etenim eæ non tam firmitatem structuris magnis conferunt, quam decorem, & commodum, in situs paritate, quæ locum cedit totius operis amplitudini; ac maiestati. Eiusmodi duz sunt Romæ celeberrimæ, altera à Traiano dicta, in cuius honorem erecta est; altera Antonini Pij. Vtræque à Sixto V. Pont. max. anteacto sæculo, ab iniurijs temporum vindicata, & in pristinum restituta; sacratæque ambæ Principibus Apostolorum, eorum simulacris ex ære desuper collocatis: verè nedum Architectonicæ artis miraculum, sed & omnium fere Mathematicarum facultatum idea, & compendium, necnon Romanæ magnificentiz, rerumque à Principibus illis gestarum nobile monumentum. De quibus plura apud Scriptores extant Encomia, Sed illud

imprimis admirabile est; quod, (vt aduertit Philander) earum crassitudo vno, perpetuoque lapide constat, in quo incisi gradus; & cum ad summum gyrum calata sint variarum rerum, & personarum simularum, neesseque sit aliquando particulam in secundo lapidem seruari; ita commissi sunt tamen, & ad vnguem coniunguntur, & conueniunt, vt ne oculatissimus quidem, nisi meditando & consulto in rem presentem venerit, animaduertere possit. Sed vt ad Cochleæ rationem reuertamur, quæ in Cochlidibus scalis dignoscitur, harum quædam, scapulum in medio habent, cui singuli gradus innituntur, ibique terminant; quod ideo à nostris, Anima, Stylus, & Antenna nominatur: aliæ per se subsistunt, nullo scapo aut fulcimento innixæ; sed gradus ipsi sibi mutuo sustentaculo sunt, & certo ordine ad totam machinam sustentandam conspirant; quales sunt quæ Urbini in verè Regio Ducum Palatio extant, & Romæ in ædibus Farnesianis, atque Alterianis. Sed de hoc argumento satis.

COEMETERIUM Vide in V. Catogenm.

71 COHORS in Acie militari, vt etiam in toto Exercitu statario, nuncupatur certa peditum collectio sub vno Centurione merentium, à cohortando dicta, quod eam Tribunus, vel Centurio frequenter hortari soleat ad se sequendum, ac fortiter dimicandum. Vnde à Chorte, vt placet Varroni, *Quod vt in villa*, inquit, *ex pluribus testis illa coniungitur, & quiddam fit vnum*; sic hac ex manipulis copulatur cohors. Sed, quidquid sit de nomine, certe Cohors signatè & propriè de peditibus est, vt & Centuria, & manipulus; nam aliàs Equitum collectio, Turma dicitur, vt habet Veget. lib. 2. cap. 14. Etsi aliàs non sui memor, in describendis Cohortibus, quas decem omnino, in vnaquaque Legione comprehendi vult, equites quoque adnumerauit. lib. eod. cap. 6. Sed *Prima quidem Cohors*, ait, *reliquis & numero militum & dignitate præcedit*. Tum subdit: *Hac habet pedites mille centum quinque; Equites loricatorum centum triginta duos; & appellatur Cohors Miliaria. Hac caput est Legionis; ab hac, cum pugnandum est, prima acies incipit ordinari, &c.* Quare, quamquam maiori ex parte, peditibus constabat Cohors, attamen ad pugnandam acciucta, Equitibus annectebatur, vt mutuo sibi essent adiumento, atque præsidio. Vt vt sit, certum est, authore eodem Vegetio, in tota Legione, pedites centum supra sex mille numerari; equites septingentos sex: vnde facta per cohortes distributio, si Primæ Cohortis peditibus, quos diximus esse mille centum, & quinque (vt dictum est) nouies 555. addideris, atque eiusdem primæ Cohortis Equitibus, qui

qui sunt 132. adieceris nouies 66. pro reliquis nouem cohortibus; proculdubio tota hæc collectio, numerum, ac distinctionem Legionis æquabit, peditum nempe sex milliū supra centum, & Equitum septingentorum viginti sex. Sed quamobrem, quæres, Prima Cohors Millenaria dicitur, quando vltra mille pedites, admittit adhuc alios centum, & quinque? Aio cum Stevvechio, hos addi supranumerarios gregarijs mille, à quibus Cohors denominabatur, qui profecto in gradibus erant; nam quinque erant ordinarij moderatores, à quibus in vniuersum regebantur, & centum erant Decani, & capita contuberniorum; singulis enim contubernijs, hoc est, decem militibus gregarijs, singuli Decani præficiebantur, vt colligitur ex eodem Veget. cap. 13. & cap. 25. & nos in loco dicemus. Cæterum notat bene Valtrin. lib. 3. cap. 2. apud Romanos in vnaquaque Cohorte, non eundem semper militum numerum omnibus futuris temporibus extitisse; sed passim augebantur, aut diminuebantur, pro copia, & numero sponte aduentantium ad merendum, vt clarè constat ex Salustio in Catilinaria. Hoc tamen semper ratum, & firmum fuit, vt cum Cohortes restituendæ forent, ex tribus manipulis, vno Hastatorum, altero Principum, tertio Triariorum, adiunctis Velitibus complerentur. Manipuli autem duas Centurias, hoc est ducentos milites numerabant: itaut vnaquæque Legio Centurias sexaginta, manipulos triginta, cohortes decem numeraret. Ad quæ vide Gellium lib. 16. cap. 4. Noctium Atticar.

COLLICIAE, Festo auctore, sunt regulæ in edificiis subgrundijs posite, per quas aqua in vas ad hoc appositum, colligetur, inde defluens. *Canales* nos diceremus. Nomen à colligendo desumptum, & vsus comparatus ab Agricultura; nam sulci illi maiores, qui passim in agris, statim in locis excauantur, vt per eos aqua pluuialis in fossas defluat, colliciz appellantur. Vnde Plin. lib. 18. cap. 19. ait apud diligentes agricolas in vsu esse, in aruis *Collicias interponere, si ita locus poscat ampliore sulco, quæ in fossas aquam deducant*. Ab aruis ad tecta transire: suntque, vt dixi, receptacula, seu potius transitus, & aperta via ad aquam defluentem à summis culminibus tectorum in Cauzdia, in quæ colligitur, & in alueis continetur, non tam ad parietum, & cauediorum immunitatem, ne aliàs guttatim defluens, temerèque, eorum ordinem, & venustatem commaculet; quàm ad vsum, ad replendas potissimum cisternas, vbi eius inopia est, & alia. Has *Colliquias*, non ab simili ratione, nempe à colligando, vocat Vitruu. lib. 6. cap. 3. vbi, de Cauzdijs rusticanis ac Tuscanis præcepta tradens, vult eas in summitate constitui, in
qui-

quibus, alio, trabes in atrijs latitudine traiecia habent intempensua, & colliquias ab angulis parietum ad angulos tignorum intercurrentes. His affines sunt *Delicia*, & *Deliciares regule*, quas item *Deliquias* nominat Vitruv. paulo infra, quæ opponi solent, in Displuviaris Canadibus. Verum de his, in quibus cunueniant, in quibus discrepent, trademus suo loco.

73. **COLLOROBI**, teste Iulio Polluce in *Onomastico*, dicuntur apud Geometras anguli, in quibus obliqua latera committuntur, quorum profectò infinitæ esse possunt coitiones, ac propterea de ijs non potest tradi certa ratio mensuræ ex lateribus ipsis notis, & conditione reliquorum angulorum petenda, ut alias fieri solet: de quare, alibi discruimus.

74. **COLLYRIA** in opere Architectonico, quid sibi velint, hand satis constat: Etenim, neque ex etymo nominis, neque ab frequenti Scriptorum usu, quid expiscari potest, quod ad rem cadat. Sed enim vocabulum hoc hucusque solum ab cultissimi sermonis professore Sidonio Apollinari Sanctissimo Aruernorum Antistite, usurpatum inuenio. Is enim lib. 2. Epist. 2. describens villæ suæ commoda, & ordinatam partitionem, inter alia Architecturæ exstantia inibi monumenta, hæc enumerat. *Ab ortu*, inquit, *Lacum porticus intuetur, magis rotundatis fulta collyrijs, quam columnis inuidiosa monubilibus*. Certè, quantum capio, pilas intelligit, quæ arcus, & fornicem sustinent, vice columnarum, quas imitentur rotundatione, & firmitate, non operis elegantia. Aliqui Interpretes mendum irrepsisse putant, & legendum volunt *Cylindris*. Alij animosius reponunt *Caryathidis*: quos inter, Gullielmus Philander in *Notis ad Vitruvium*. Quem tamen meritò reprehendit Sauarus, expendens hunc Sidonij locum, idque euincit, tum ex eo, quod non pauci veteres M. S. habent *Collyrijs*; tum quia nihil est rotunditatis in feminarum Statuis: addo ego, *Caryathides* ad maiorem venustatem apponuntur in ædificijs, columnarum loco, non ad maiorem firmitudinem, ut hic innuere videtur Sidonius, porticum laudans non ab magnificentia, sed à stabili firmitate. Sed nec tam facile reponendum *Cylindris*, ad quod Sauarus ipse inclinat, eoquod vices columnarum sunt, tametsi detruncata, & ut ita dicam *Semicolumnia*, quæ sensui Apollinaris optimè quadrant: nam præterquam quod *Cylindri* verè inter columnas censentur, & sunt etiam monubilia, ut suo loco dicemus; idipsum nomen, & in eodem sensu reperitur usurpatum in actis SS. Quatuor Coronatorum, ubi habetur, *Et ca-*
pe-

perunt Artifices quadratarij incidere lapidem ad collyrium Columna. Non ergo Columnæ sunt, neque Cylindri. Existimo igitur ad mentem Sidonij, ea esse pilas cæmentarias, seu latericias, aut ex pluribus fragmentis lapidis solidioris compositas, quæ tamen sine ad morem columnarum, vel cylindrorum, optimè rotundata, quæque nec verè pilæ sunt, siue, ut nos dicimus, *pilastri*, (istæ enim quadrætæ sunt, ut suo loco dicemus) neque cylindri, quia hi non materiati sunt, sed ex integro lapide, licet trunco ac dimidiato, quod idè appellatur quoque semicolumnia. Quod si ulterius ex etymo nominis aliquid ad verisimilitudinem, & quandam analogiam operis trahere volumus; *Κολυμβή* græcè, scissam animantis caudam, significat: & aliàs Collyria communiter audiunt medicamenta ad oculorum lippitudinem, ex pluribus rebus exsiccantibus conflata: id quod in structuris translatum, ad significandas eiusmodi pilas rotundas, è rudibus, diuersisque fragmentis petrarum factas, à veritate equidem non abhorret.

COLVMBARIA in Architectura, communi professorum usu, 76 appellatur caui quidam hiatus, seu foramina, in summis ædium relicta, ad tignorum, asserumque locationem; à columbarum forte cubilibus, ac latibulis, in quæ ad nidificandum se recipere solent, quæque Columbaria à Varrone, & Columella, idcirco dicta sunt, nomine deriuato. Ità inter alios Vitruu. lib. 4. cap. 2. asserens ea opas à Græcis vocitari: *Opas enim Græci*, inquit, *tignorum cubilia*, & *asserum appellant*, *vti nostri ea tæua*, Columbaria. Aliàs lib. 10. cap. 9. Columbaria vocat spiramenta quædam in aquæductis, & haustorijs machinis, statis, in locis relicta, per quæ aëre expirante, aqua liberum cursum per fistulas habere possit, ne interceptus in ijs aër, nec foris exire valens, aquæ excursionem moretur. Sic enim habet, de hydraulico organo loquens. *Secundum axem columbaria sunt excavata in singulis spatijs ex vna parte*. Et infrà: *Hauriendo aquam per aperturas, quæ sunt in frontibus tympani, reddit eam per columbaria secundum axem*. Sed tamen in hoc sensu, (notat acutè Philander) aptius, propriissimè Columbaria ab effectu nomen haberent, à *τὸ Κολυμβᾶν* quod est latinè, *vrinare*: vnde & Colymbittas Græci vocant Vrinatores, & Colymbades dicuntur aues in aquis innatantes, & sese identidem sub aquis immergentes, quales sunt anates cygni, &c. idque ex eo, quod aqua, simili modo in ijs loculis intercepta, more vrinatorum, modò in præceps eat, modò resiliat. Sed eadem spiramenta in aquæductis facta, leui literolæ conimutatione, *Columnaria* nominat idem Vitruu. lib. 8. cap. ult.

Vt. vt mox videbimus, & vocem examinabimus.

77 COLVMEN in re ædificatoria, audit supremum illud, & primum tignum, quod summum tecti totius fastigium occupat, cuique reliquæ trabes, & asseres innituntur: quod ideo illud Nostrates *Trabem magistræ* appellant, eoquod est totius contignationis cardo, & sustentaculum, à quo nimirum, velut à capite, totius tecti structura sumit exordium, & obtinet ligamentum. Alij *culmen* appellant.

78 COLVMNA, præclarum, non modò Architecturæ opus, atque inuentum, sed omnium ferè Mathematicarum facultatum, quæ ad eam rite conformandam, calculos suos ponunt, laus, & attributionis obiectum. A Columine pridem explicato, nomen sortita est, eoquod sit totius superimpositæ molis Columnæ, & fulcimentum. Si eam ex arte definire volueris, nil aliud dices, nisi muri sectam. partem discretam, ad perpendicularum in planum projectam, quæ & parietem vicem subeat in sustentando ædis fastigio, & obstruendi, impediendique aditus lucis in interiora domus, inuidiam non patiatur: cum sui forma, altitudine, exilitate, ferè locum non occupet, atque intercolumnia linquat aperta, veluti amplissimas portas, atque fenestras, quibus, & liber prospectus, & luminum abundantia, & quod cæteris præstat, vndique transitus, & comœatio, vnde & homines & iumenta, & plaustra, rebus omnibus ad vitam necessarijs onusta, confertim, liberè, absque impedimento, imò cum magno commodo & iucunditate, intrare possint, & alioqui seruant operis maiestatem. Quod ideo mirum non est, si tota architectandi, ars, si omnis erigendi magnifici alicuius ædificij ratio, venustas, & Symmetria, in vna ritè deformandarum columnarum peritia, earumque apto loco, & ordine, collocandarum, contemplatione versetur, atque consistat. Hinc non ab re, diuersarum ædium species, & qualitates, ab columnarum coordinatione, ac numero, quibus constant, denominat, ac distinguit Vitruuius. De quibus ex professo agit lib. 3. cap. 2. easque in quinque ordines tribuit. *Pycnostylos*, inquit, idest crebris columnis refertam: *Systilos*, paulò remissioribus: *Diastylos* amplius patentibus: *Rariùs quam oportet*, inter se diductis, *Areostylos*: *Eustylos* denique interuallorum iusta distributione. Sed de earum singulis rationibus, late, suis quibusque locis, prout ordo descriptionis postulat, differemus. Nunc autem ad soliùs, & puræ putæ columnæ consideratione, iustum est, vt sistamus.

79 Ergò Columna (stylos à Græcis dicta) in se tria principalia mem-

membra complectitur: Scapum, seu sustem, Capitellum, & Basim. Scapus est ipsum corpus Columnæ ex integro saxo, seu marmore, ad circinum dedolato in formam Cylindricam. Hæc enim propriè nuncupatur Columna; nam quæ quadratæ, aut lateritiæ sunt, impropriè, & potius pilæ, aut Stylobatæ appellantur, apud nos vulgò *Pilastri*: Nihilominus de ijs, utpote affinitibus, & sublimitatis, eadem ratio est. Huius igitur Scapi altitudo, crassities, & circinatio debet esse ad rationem diametri baseos ad quadratum rectæ, ut suo loco dicemus. Secundum membrum est Basis, aliàs dicta Spira, cui scapus immediate innititur; quæ etiam diuersimodè conformata, suas partes, membrula, ut ita dicam, habet, omnia suis proprijs nominibus insignita. Tertium est Capitulum seu Capitellum summo scapo columnæ, ceu corona, & complementum, impositum: quoad etiam variè conformatur, iuxta varias species columnationum, quas trinas agnoscit Vitruuius, vel quinas, ut passim recentiores.


Igitur Vitruu. tres species, seu ordines Columnarum admittit, lib. 4. cap. 1. *Doricum Ionicum, & Corinthium*, ab locis, & populis, unde singuli manarunt, & ad opus adhibiti fuere, denominatos. Alij antiquum addunt, seu *Tuscanicum*, & alterum ex singulorum, electis ad libitum, partibus resultantem, ideoque dictum *Compositum*. De singulis speciatim suis in locis. Horum specimen, uti & diuersi ordinis columnarum delineationem cum suis basibus, & capitulis, hic non inuitus exponerem, ni superfluum videretur; cum ea passim obuia sint, nedum penes omnes fere Architectonicæ artis Scriptores, præsertim Barbarum, Serlium, & Philandrum, sed & reapse in quouis penè haud vulgari, & simplici ædificio in propatulo sint, & nemo sit, quamuis archiſecturæ rudis, qui ea non internoscat, & suis nominibus distinguere, & cōpellare sciat. Quare ad alia properemus.

COLVMNAS etiam in alio sensu sumpsit Vitruu. lib. 4. cap. 2. cum dicit: *In contignationibus, tigna, & axes sub rectis, si maiora spatia sunt, columen in summo fastigio culminis, unde & columna dicuntur, & transtra, & Capreoli*. Vbi notat acutè Baldus, non eum loqui de columnis, quas nunc memorauimus, sed de illis trabibus arrectarijs, quæ à transtris erectæ, supremo capite columen sustinent. Concordat Philander, qui ex primigenia nomenclaturæ origine id deducit. Nam propriè, ait, acceptæ columna sunt arrectaria, quæ columen, idest summum fastigij percurrrens tignum sustinent: innituntur verò transtris, idest, transversalibus; habent, & capreolos, hoc est proclinata hinc, atque hinc ligna quæ canterios sustinent. Apud nos, adijcit Baldus, hæc arrectaria ex græco *Monachi* appellantur,

- 82 **COLVMNARIA** (vt paulò ante dicebam) sunt Vitruuio æstuar-
ria, & spiramenta quædam in Aquæductis appositè facta, ad inter-
cepti aëris exitum. Sic enim ait lib. 8. cap. 7. de fistulis aquam de-
ducentibus loquens. *Etiam in ventre columnaria sunt facienda, per
quæ vis impetus relaxetur.* Sic fortè dicta, quod huiusmodi æstuar-
statis in locis ad modum pyramidum, & columnarum, è solo attol-
luntur. Verum nihilò secius, cum aliquibus suspicor *Colymbaria*
in Vitruuio in prima descriptione fuisse, & postea in describendo, facili
flexu, mendum irrepsisse.
- 83 **COMMA** græcè incisionem sonat, atque adeò minutissimæ diui-
sionis signum indicatiuum est in periodis eloquutionum. Ex quo
factum est, vt in Musicis, Commata denotent partitiones toni maio-
ris, in quibus inuenitur proportio sesquioctuaagesima. De qua re fu-
se Ioseph Zarlinus in Demonstrationibus Harmonicis. Sunt etiam
- 84 **COMMATA**, scilicet potius *Chomata* in Aquæductis, vt habet Bu-
dæus in Pandectis, aggeres è terra, aggestitia facti, ad detinendam
aquam; olim in Aegypto iuxta Nilum erecti, & postea pro iudicium
arbitratu, statis in locis aperti, ad eam deriuandam in aruales cam-
pos ad accolarum commodum, & indigentiam. De quibus est lex
apud Vlpian. tit. de extraord. Crim. l. Saccularij. Hæc, vbi scissuræ
sunt, *Diacopi* appellantur. Vide quæ infra dicemus in hoc Verbo.
- 85 **COMPACTILES TRABES** vocat Vitruu. lib. 4. cap. 7. quas alibi
nominauit *Euerganeas*. Sunt autem tigna oblonga in Tuscanico
Ordine, columnis superposita resupinata, quæ Epistylj vicem sube-
unt, vel potius, Epistylia, quæ postea è re materiata sunt introducta,
repræsentant. Propterea benè compactas, & subscudibus arcè re-
uincas oportere esse docet, vt pondus impositum firmiter, & validè
sustinere queant. Ait enim: *Eaque trabes compactiles ponantur vt
tantam habeant crassitudinem, quanta summa columna erit hypotrache-
llum: & ita sint compacta subscudibus, & securiculis, vt compactura
duorum digitorum habeat laxationem.* Quæ verò ratione etiam Euer-
ganeæ dicantur, dicam suo loco.
- 86 **COMPLEMENTA** Geometrica apud Mathematicos, audiunt
duo æqualia spatia, similesque figuræ, totidem, & omninò æqualium
tàm laterum, quàm angulorum, in Parallelogrammo, hinc inde ad
diagonalem relicta; cuius circà diagonalem seu Diametrum, duo
item minora parallelogramma sint descripta: eo quod illa comple-
ant

ant quod in dictis duobus minoribus parallelogrammis, quæ circa diametrum sunt, deficit ad constituendum, & integrandum quod ea omnia complectitur, maius parallelogrammum. Pro cuius rei intelligentia, recolendum est quod tradit Euclides de natura parallelogrammi, lib. 1. propof. 43. Vbi statuit, in omni parallelogrammo, complementa eorum quæ circa diametrum sunt, parallelogrammorum, inter se esse aequalia.

Ponamus casum in adiectis figuris, Parallelogrammum ABCD. secari medium à Diagonali, seu diametro AC. in duo æqualia triangula. Rursus, circa hanc Diametrum describi, & inscribi duo adhuc minora parallelogramma, siue inter se æqualia sint, siue inæqualia: aio, quod duo illa spatia alba hinc inde relicta, à præfatis duobus parallelogrammis minoribus descriptis circa diametrum, æqualia omnino sunt, hoc est æquale vnumquodque spatium occupat, & complementa sunt maioris parallelogrammi, suppletia quod illis deficit ad integrandum maius parallelogrammum: idque siue illa se mutuo tangant in puncto E. diametri, circa quam sunt, siue alterum ab altero sit semotum, vt in postrema figura, siue etiam mutuo se intersecent, vt in secunda. Semper enim quæ reliqua sunt spatia, siue quadrata sint, siue rhombi, siue rectangula, siue rhomboides, siue, etiam trapezia, semper inquam æqualia erunt, pariterque similia quoad quantitatem, & numerum angulorum, & laterum; licet fortè in figura non concordent, vt in prima videre est. Id quod Euclides eo Theoremate astruit, & demonstrat.



87

COMPLUVIUM, vt etiam *Impluium* (sunt enim vocabula affinia, à pluuiâ, quando in vnum locum simul conpluit, deriuata) sunt propriè partes ædis ad hoc destinatæ, vt in eas aqua pluuialis ingruens, colligatur, & sine aliarum partium discrimine, aliò comportetur. Vnde Columella lib. 4. cap. 24. *Compluium est, inquit, in ædibus, quod de diuersis testis aqua pluuialis defluit.* Et de Impluiuo similiter

88

Sextus Pompeius ait quod sit *id*, quod aqua impluit collecta de tecto. Nihilominus Architecti intelligunt de tectis ipsis, & quibus aqua defluit, certa ab inuicem ratione dispositis, ac distinctis. Quod ideo Vitruuius lib. 6. cap. 4. desuper agnoscit Impluium, dum dicit: *Impluij lumen latum latitudinis Atrij, nec minus quarta, nec plus tertia parte, relinquatur*. Et quidem, ex Varrone notat Philander, quod *Impluium* dicitur, quod deorsum aqua impluit; *compluium* verò, quod sursum compluit. Alconius tamen ab eodem citatus, scribit: *Impluium esse locum relictum in adibus sine tecto, quo imber impluere in domum possit*. E contrà, Compluium à pluuia quidem dictum esse, sed non ad eam colligendam per se factum, sed ad lumen simpliciter desuper acceptum recipiendum, ut ex modo allata Vitruuij authoritate constat: unde fit, quod ad hunc effectum, in medio domus, ubi lumine maximè opus est, desuper deriuando, à peritis Architectis constituatur. Igitur Impluium est subdiuale, & sine tecto; Compluium autem denotat tectum, sed ità dispositum, ut aqua hincinde cadens in vnum confluat, quà videlicet duo tecta inclinata nectuntur. Atque ea est ratio, per quam Columella hanc denominationem non incongruè trahit ad vites, quas alicubi compluiatas, & canteriatas appellat: eo quia in longitudinem, & latitudinem iugatae sunt. Quemadmodum vicuersà Displuiata dicuntur tecta, quæ hincinde è duplici latere cadentem imbrem emittunt; Testudinata, quæ quadrilatera. Verum de his redibit sermo, suo loco.

89 COMPOSITIO GEOMETRICA apud Mathematicos est, cum in constructione, & solutione alicuius Theorematis, ponitur tamquam iam factum, id quod postremum in resolutione assumitur; atque hinc ordinantes secundum naturam, ut antecedentia, quæ illic consequentia erant, ac proinde facta illorum compositione, ad quaesiti solutionem deueniunt. Hic itaque procedendi modus in demonstrando, ab eis *Compositio* dicitur.

90 COMPOSITVS ORDO in Architectura, qui & Romanus, siue Italicus dicitur, est modus architectandi ædes, præcipuè verò Epistylia & Columnas, varius, & volubilis ab alijs quatuor, Tuscanico, Dorico, Ionio, & Corinthio, verè diuersus, sed tamen ex omnibus copulescens: quidquid enim in illis, firmitatis, decoris, & venustatis, per partes est inuenire, totum in se ipsum assumit, componit, temperat, & commiscet, ac velut Aesopica auis, furto ex aliarum volucrum variantibus pennis superbit, in nouamque speciem gloriabundus insurgit; Nihilominus, ut aliquid sibi videatur habere,

fin-

singularis, & proprij, altitudine cæteris præstat, & in Columnis præsertim, in quibus totum suum studium ponit, omnes venustatis illecebras congerit: vult altitudinem, decem omnino ventris diametros comprehendere. Basis petitur à Corinthijs, eadem forma, iisdem partibus, eodemque commensu. *Capitulum*, inquit Philander, non uno modo fit: quod maxime probatur, habet abacum, flores, & folia, uti Corinthium; sed pro helicibus angulorum sunt ei voluta non admodum abhorrentes à Ionicis: inter abacum, & ouiculum Echinum, aut turgentem fasciculum frondentium ramusculorum fasciculò obuolutum emergentes. Echinus alius est quantum abacus: Astragalus sub Echino, ipsius tertia parte crassus, sculptus insutis baccis cum verticillis. Aliquoties pro volutis scalptra habet Amalthææ Cornua: non raro earum vice, equi partem anteriorem alatam, cuiusmodi solet pingi Pegasus. Sæpè pro cauliculis, signa habet, & flores, & filiquas. Verbo: quicquid Sculptoris aut Architecti luxurianti phantasiæ occurrit, quantumvis nouum, exoticum, peregrinum, modò ad augendam elegantiam, ornatumque conducatur, id omne lubens admittit Compositus Ordo; qui, vel ex eo laudem sibi comparare nititur, quod nil nisi turpe, & incompositum, tametsi alioqui insolens, abnuat, & excludit. De Epistylijs erit sermo suo loco.

COMPVTVS, & *Computatio*, si parum nominis etymon spectes, 91
nil aliud sonat, quam simplicem ramorum inutilium in plantis, & luxuriantium in vite palmitum, detruncationem, atque rescissionem: namque ut ait D. Augustinus in Io tract. 81. *Esti parum attulerit palmes, eum purgat agricola, ut fructum plus asserat*. Translatiue tamen usurpatur ad significandam quancumque numerorum subductionem, & calculandi rationem. Tandem significatio pressius accepta est, atque antonomastice hæsit annorum ratioe initio, & temporum distributioni, quod proprie ad Chronologos, & Astronomos spectat. Sed enim, quàm id curiosum, vtile & necessarium, est rescisse; præsertim in texendis Historijs, & Ritibus Ecclesiasticis ordinandis; tam difficile, laboriosum, ac dubium in facto est, verum assequi, & ad scopum collimare; ut videlicet certa haberi possit ex conputo, de tempore ad tempus excursio, ac de Aera, in Aeram transitus; adeoque ex omni conputo, Mundi ætas, temporis, & annorum exordium, & successio ad hæc vsque tempora excurrentium. Equidem in hoc impensè defatigati sunt, & exsudarunt omnes ferè Chronologi, Hebræi, Arabes, Aegyptij, Græci, Romani; sed incassum: omnes varij, omnes ancipites: idque ex diuersitate computandi, ac definiendi magnitudinem anni, quam alij à duodecim

Luna-

Lunationibus integris, quibus Luna permeat per duodecim Zodiaci Signa; alij a reditu Solis ad idem punctum, auspicabantur. Sed neque Astronomi, postquam à Iulio Cæsare Dictatore restitutus est annus ad motum Solis, quo integrum Zodiacum lustrat, quem ipse crassiusculè definierat in diebus 365. & sex integris horis; errore tandem detecto, ex æquinoctiorum præcessione: (quoniam temerè addebantur ad annum decem ferè minuta, quæ in longum protrahenda constituebant dies, & variabant annos) non inquam Astronomi, quamquam multò oculatiores, feliciores extitere. Nam Ptolemæus omnium Princeps, qui floruit circà annum Christi, 132. hoc est, annis 177. post institutionem Calendarij factam à Iulio Cæsare, comperit, annum tropicum esse dier. 365. hor. 5. min. 55. atque adeò minorem anno Iuliano, minutis ferè quinque. Alphonsus verò Castellæ Rex, qui Aeram suam fixit in anno Domini 1251. Anni quantitatem ad amussim expendens, ex Solis reditu ad idem punctum, inuenit, proindeque statuit, integrum annum compleri in dieb. 365. hor. 5. min. 49. secund. 16. In quo differentia à sex horis ab Iulio Cæsare additis, est in minutis 10. secund. 44. Sed neque per hoc Aequinoctia æquata sunt, ut benè ostendit Io: Stæfelinus in suo Calendario: quod ideo, nec Alphonsus veram anni tropici quantitatem assequutus est. Albategnius, qui fuit post Ptolemæum, ann. 743. mensus est quantitatem anni solaris dier. 365. hor. 5. min. 46. secund. 24. itaut differentia sit in min. 13. & sec. 36. id quod neque amplexi sunt Astronomi nostri temporis, qui ut plurimum anni tropici magnitudinem constituunt in dieb. 365. hor. 5. min. 48. & ferè secund. 55. Quocircà incerta admodum res est, & hæcenus indefinita, quia, quot capita, tot sententiæ. Vnde nil mirum, si in Mundi ætate, & temporum ratione, Calculatores, & Computistæ tam enormiter discrepent: Et diuersitas reperitur etiam in Sacris Paginis: Nam Hebræa Traditio, cui consonat vulgata Editio Bibliorum, ab exordio Mundi, vsque ad Captiuitatem Babyloniam computat ann. 3443. & à Captiuitate Babylon. ad Christum ann. 517. (in quo nemo discordat) qui simul iuncti faciunt summam annor. 3960. Septuaginta autem Interpretes, quoniam Græci erant, ad morem Græcorum, computant annos Mundi vsque ad Captiuitatem Babyloniam, 4622. quibus additi anni decursi ab dicto tempore ad Christum ann. 517. efficiunt ann. 5199. Quem ritum sequitur Romana Ecclesia in Martyrologio Rom. quod mirum esse non debet: nam utraque Versio continet verum, sed diuersitas est in diuersa annor. Solarium, & Lunarium computatione, quam quæque Nationes iuxta suum ritum faciebant. Et his non obstantibus, adhuc alij Scrip-

ptores variant : & alij, annos Mundi ad Christum faciunt 4053. vt Salius in Annalibus Vet. Testamenti ; alij 3950. vt Cornel. à Lapide in Pentateuchum ; alij, 3949. vt Astronomi nostri temporis, ex diuersa annorum Solarium ratione, quæ non semper eadem est. Quod ideo hanc rem hodie definire, nimis arduum, & temerarium foret. De Concordantia ex Antiquis, videatur Philo Iudæus, in libello, quem *Breuiarium temporum* nuncupauit, D. Augustin. De Ciuit. Dei lib. 15. cap. 11. & 13. Beda in lib. de ratione temporum ; Et ex recentioribus Io: Lucidus Samosatenus, & Dionysius Petauus lib. 4. de Doctrina temp. cap. 36.

CONCAMERATIO proprium est Architectorum Vocabulum ; 92
significatur enim per illud, camerarum in ædificando, pro diuersa earum ratione, connexio, aptaque dispositio. Vnde Vitruu. lib. 5. cap. 10. vbi de Balnearijs agit, postquam de loco idoneo, in quo construere debeant, loquutus est, vbi ad tectum venit, hæc ponit. *Concamerationes verò, si ex structura factæ fuerint, erunt utiliores ; sin autem contignationes, figlinæ opus subiiciatur.* Et lib. 6. cap. 11. de ædificiorum firmitate verba faciens, ait : *Sin autem hypogæa, concamerationesque instituantur, fundationes eorum fieri debeant crassiores, quam quæ in superioribus ædificijs structura futuræ sunt.* Idque optimo quidem iure ; nam cum Cameræ, ædificia sint arcuato opere extructa, eæque in diuerso genere curuantur (alix enim testudinatæ sunt, alix oblongæ, & fornicatæ, alix lunulatæ, alix in hemisphærium actæ, proindeque delumbatæ, vt bene notat Philander) vtrique maiorem firmitudinem in fundamentis expostulant, eoque maiorem, quò minus per se subsistere aptæ sunt ; ideoque in fulcris hebetiùs castigatisque in angulis firmari, & custodiri. Quod ideo recta isthæ camerarum ad angulos inclinatio, satis expressiuo vocabulo *Concameratio* appellatur.

CONCENTVS in Musica, est apta diuersarum vocum, sonorumque unâ conuenientium respondentia, ordo, & symmetria ; vnde 93
modulatio profuit, & harmonicus concentus, non tam auribus gratus, quam animis blandiens, diuersorumque affectuum excitator. Porro tria Concentuum, siue modulationum genera ex Aristoxeno notat Vitruu. & luculenter explicat lib. 5. cap. 4. *Primum*, inquit, quod Græci nominant *Harmoniam* ; *Secundum Chroma* ; *Tertium Diatonon*. Et sequitur tradendo vniuscuiusque generis rationes. *Est autem Harmonia modulatio* (subdit) *ab arte concepta, & ea re, cantio eius maxime grauem, & egregiam habet auctoritatem. Chroma, subtili*
soler-

solertia, & crebritate modulorum suauiore habet delectationem. Diatonon verò, quodd naturalis est, facilius in internallorum distantia. Quandoquidem, ut benè aduertit Martianus Capella, lib. de Musica, triplex est ratio moderandæ vocis. Prima, quam vocat Continuum, & est, veluti colloquium, quo simpliciter inter nos fabulamur, nullo artis interposito studio. Secundam, Diastematicam appellat, seu Diuisam; & est, quam in modulatione seruamus: & Mixtam, quæ ex utraque confurgit, ac vocis prosecutionem per temporis interualla meretur: quod tunc fit, quando oratio versibus metricè recitatur. Cæterum, ut idem Vitruuius aduertit, Concentus, quos natura hominis modulari potest, græcèque Symphoniz dicuntur, sunt sex. Diatessaron, Diapente, Diapson, Diapason cum Diatesseron, Diapason cum Diapente, & Disdiapason. Ideoque, subdit, & à numero nomen acceperunt, quodd quum vox constiterit in vna sonorum finitione, ab eaque se stellens mutauerit, & peruenit in quartam terminationem, appellatur Diatessaron: in quintam, Diapente: in Octauam Diapason: in octauam, & dimidiam, Diapason Diatessaron: in nonam, & dimidiam, Diapason, & Diapente: in quintam-decimam, Disdiapason. Non enim inter duo interualla cum chordarum sonitus, aut vocis cantus factus fuerit, nec in tertia, aut sexta, aut septima, possunt consonantia fieri. Hæc Vitruu. De quibus suo loco enucleatius disseremus.


94



Cæterum, quoniam hic de Concentibus in genere locus est, non erit incongruum, de eorum fonte, & prima origine, vnde ortum, traxere, & ad cuius normam postea artificiose inuecti sunt, aliquid per transennam attexere; nempe ex Cælorum motibus, harmonico inter se ordine, & aspectibus: quos omnes, seu benignos seu hostiles, adeoque consonos, aut dissonos, octo omninò esse, in loco ostendimus; quod miro modo respondet, vti in omnibus naturæ inferioris motibus, ita in consonantijs musicis, ut acutè ratiocinatus est Keplerus. Nam omnis dimidiatio chordæ in Monochordo, constituit Diapason, quæ eadem vox est, sed in superiori ordine acutorum constituta. Item in diuisione Chordæ in tres æquas partes, emergit Diapente. Diuisa in quatuor, fit Tertia minor. In quinque fit Tertia maior, & Sexta maior. Tandem in octo partes, fit sexta minor. Quæ utique diuisiones, perbellè, harmoniceque respondent differentijs cælestium radiorum, qui habent ad se consonantias: ut Sexta minor Semiquadrato: Tertia, & Sexta maior Quintili: & Biquintili; Tertia minor Sextili; Diatessaron Quadrato; Diapente Trino; Diapason Diatesseron Sesquiquadrato, ac tandem Disdiapason Oppositioni. Ecce quomodo omnis ratio Concentus Musici ab Cælis defluxit.

An autem ipsi Orbes Cælestes sua perpetua motione, verè vocalem sonum edant, alibi ex SS. PP. sensu, & recenditionis Philosophiæ principijs, fusè differuimus. Nunc autem affirmantem sententiam iuuat confirmare ex acuta ratiocinatione Gasparis Scotti è Soc. Iesu in *Magia Naturæ, & Artis*, par. 2. lib. 1. propos. 5. fundata in paritate aëris nostri violenter percussis ab aliquo corpore solidiore per eum concitatissimè transeunte. Namque aër, inquit, per se vocalis est, seu sonus, & collisionis subiectum: vnde si per eum, violenter, & concitanter agatur corpus solidum, utique apertè sonum, pro ratione collisionis audimus, quod in Aethere non niuis fluido, & subtili, in motu cælestium corporum similiter euenire est. Si enim, (sic discurret ille) per aëthera rapiuntur in orbem, utique sonum excitant, præsertim, si aspera sunt, & inæqualia, quod de Luna indubitatum iam est, non secus ac aves volantes per aërem, licet sonus ille propter nimiam distantiam a nobis, non audiat. Aves autem aërem siue immotum, siue restantem, & pisces aquam siue præstantem, siue contrà fluentem, ocissimè terebrantes sonum excitare etiam audibilem, experientia docet. Sed hanc experientiam negat Fromondus in lib. 3. de Anima, cap. 4. art. 3. & idè negat etiam sonum in cælestibus: cui ad stipulatur Tycho in Epist. ad Rothmannum, eo quod in æthere non sit sonabilis qualitas; id quod gratis assumitur, cum in substantia, & fluxibilitate, aëre sit perfectius, & consequenter earundem motionum, & effectuum, quæ in aëre fiunt, æquè, & agilius capax. Sed quoad hæc, vide quæ habet Cardanus lib. 15. de Variet. cap. 85.


CONCHOIS LINEA, (dicta etiam communiter, *Linea Nicomedis*, ab eius inuentore sumpto cognomine) vna est ex Asymptoticis flexis, quæ ad rectam lineam, ad cuius rationem ex æquali intervallo describitur, semper approximans, ad eam tamen nunquam conueniet, nec in angulum coit, etiamsi in infinitum protrahatur. Optimum, & valde proficuum habet in Mathematicis vsum, præsertim in Geometria, ad inueniendum inter duos extremos terminos, duas medias proportionales; atque in Architectura ad tumores columnarum rite delineandos; ut videre est apud Iacobum Barozium dictum à Vignola, in sua Architectura. Porro in quouis fere motu progressiuo circà tellurem in planum factò, describitur præsens linea, ac nos ipsi vtròq; incedentes, verticis extremitate formamus. Cuius conditio, & mirabiles effectus, ut probè intelligantur, præstat hic eius specimen exhibere, & modum tradere, quo describitur.



Sit igitur Linea A.B. ducta in plano ad quaecunque extensionem: cui ex vna parte, innuineat perpendicularis C.D. transiens per punctum A. atque vltro ~~describens~~, ac terminans ad quodvis punctum pro libito assumptum, v. g. D. Tùm ex puncto D. ducantur oblique in lineam A.B. quamplurimæ, quas volueris, lineæ rectæ, æqualibus interuallis, quæ eam transiliant, sistantque vbi placitum fuerit. Tandem in perpendiculari C.D. ab A. versus C. definiatur quouis arbitraria longitudo, atque distantia, quæ transferatur per rectum, ad reliquas lineas vltà protensas, & inclinantes ad punctum B. & vbi terminat commensuratio, fiat nota vel punctum indicans locum, vbi singulæ terminant. Quo præstito, in promptu est Linea Conchilis: nam à puncto C. æquabili manu trahatur linea flexa versus B. quæ extremas hæc linearum notas attingat; & hæc est Linea Conchois, de qua loquimur. Porro, quod hæc Asymptota sit, adeoque etiamsi in infinitum protendatur (vti & recta subiaccens AB.) nusquam ad illius contactum perueniet, tametsi semper ad illam, vt manifestum est, magis, ac magis accedat. Nam ex vna parte, cum anguli ab lineis illis producti semper minuantur; & ex B. A.C. recto procedendo versus B. fiant semper acutiores, & acutiores; profectò liquet, quod ipsa flexa C.M. progrediendo per notatos dictarum linearum obliquarum terminos, ad vnionem cum AB. semper quidem magis ac magis approximat, & nunquam eius contactum obtinebit. Quod patet etiam ex perpendicularibus ab extremis obliquarum terminis ad eandem A.B. rectam ductis; quæ semper minores, ac minores in infinitum experientur. Ex alia parte, quod nunquam faciet cum illa concursum, patet etiam; quia ex constructione facta, quodlibet punctum, per quod transit Conchois, distat à quolibet puncto & angulo à lineis obliquis cum recta AB. concurrentibus facto, quantum distat in angulo recto C. ab A. Ergo ex qua-

quacumque approximatione, nunquam fieri poterit, vt se contingant. Id quod experiri non est in quacumque alia linea, quæ sit parallela prædictæ lineæ AB. quantumuis illa sit vicinissima: nam quoad illam, Chonchois ad ipsam tendens atque inclinans, semper procedendo, distantiam minuet, quò fieret, vt eò tandem euadat, vt nulla, distantia tandem intercedente, ad finem se contingant.

Aliud euidentius, & facilius diagramma ad hoc demonstrandum exponit Albertus Durerus in sua præctica Geometria. Ponantur, inquit duæ, lineæ parallelæ A. B. & C. D. quarum extremitates B. & D. prolongentur, aut saltem concipiantur prolongatæ in infinitum: & linea AB. secetur continuè in partes qualescumque, atque ad puncta sectionum, adijciantur numeri ordine suo naturali, 1. 2. 3. 4. &c. tunc, si ducantur à puncto C. quod est initium lineæ C. D. lineæ obliquæ, vna ad notam 1. altera ad 2. tertia ad 3. Quarta ad 4. &c. duæ lineæ C. 1. & C. D. facient angulum acutum, 1. C. D. & adhuc C. 2. & C. D. acutiorem, & sic de reliquis; itaut quælibet linea à puncto C. versus lineam AB. ducta, semper sit proximior ad lin. C. D. quàm quæ ipsam præcedit, & consequenter facit cum ipsa angulum acutiorem, & acutiorem, & vltimò si fieri posset, acutissimum: at nunquam ita, vt angulum nullum efformet, & in eandem totaliter inclinabitur, vt se contingant: vt hic manifestè spectare licet.



Et hæc de Linea Conchoide, cuius demonstratio faciet etiam ad naturam aliarum linearum flexarum, & Asymptotarum, intelligendam.

CONCLAVE in re ædificatoria, dicitur pars in ædibus per se, vt ita dicam, subsistens, & ab alijs separata, quæ nihil cum alijs in ea, re ad quam destinatur, commune habeat, ac participet; sed perinde ac parua domus, fatis sit ad inhabitandum seorsim, ac recipiendum

intrā, se totam quandam familiam: sic dictum, quasi, *sub una clauē*: siue vnum continuum in se sit, siue pluribus cubiculis & officinis distinctum, modò ad illud, inuitis cohabitantibus, non pateat extraneis liber accessus. *Quartum* ædificij, Nostrates dicerent, alioqui *Appartementum*, quasi partem ab alijs separatam. Hodie hoc Vocabulum ferè in desuetudinem iuit, & vsurpatur tantummodò de de Loco congestio tumultuariè factò, sibiue solum cohærente, & clauso, in Vaticanis Aedibus, toties nouiter excitato, quoties Apostolica Sedes vacat, ad recipiendos, & vnā simul continendos sub clausura S. R. E. Cardinales, inibi ad eligendum nouum Pontificem congregatos: vnde & ipsi Congregationi nomen Conclauis adhæsit, quod à demortuo Pontifice denominatur: sicque dicitur *Conclauē Urbani VIII.* *Conclauē Alex. VII.* *Clementis*, &c. atque in ijs gesta, & in seriem historicam collecta, Conclauium nomine præsignantur: vti & Conclauistæ audiunt familiares domestici, qui Cardinalium seruitijs, in eo loco addicti sunt, & simul cum illis, veluti in custodia detinentur.

- 99 CONCLVSIONES diuersimodè audiunt in Mathematicis disciplinis, ac perinde eundem significatum habent, ac *Illatæ* iuxta Logicorum methodum in argumentando, ex præmissis deductiones. Sed in Architectura, quod nostri appellant *Recinctum*, & in militari obsidione, vallum, quo vrbs obsessa cingitur, & reliquorum operum adiectiones. Sic enim habet Vitruu. lib. 3. cap. 9. *In Conclusionibus reliqui omnes faciliores sunt apparatus, quam lignorum*. Obscurè nimis ac torto equidem vocabulo, apud alios Scriptores, (quos hætenus viderim) inusitato. Sed id nouum in Vitruuio non est, vt aduertit Philander, qui sapissimè in rebus explicandis, vocibus omne aliud significantibus, ad mentem suam abutitur, & vult intelligi.

- 100 CONFERTA AEDES apud Leonem Albertū in sua Architectura lib. 7. cap. 5. benè dicitur, quam græco vocabulo, Vitruuius græcizans, *Pycnostylos* nominat, hoc est crebris columnis fultam, & conspiciatam: ingeniosè nimis, atque ad explicandum inter Latinos vnica voce, quid per exoticum verbum intelligatur, valdè accommodè. Eius ædis conditiones, commoda, & incommoda, quæ habet, vide in V. *Areostylos*.

CONSEQUENS in Mathematicis resolutionibus quid sit, vide in V. *Antecedens*.

CON-

CONSONATIA *Locorum* etiam attenditur in Architectura. Non illa quidem, quæ consistit in Symmetrijs, & optima dispositione partium ædificij, quæ benè sibi congruant, & cum quadam venustate, & harmonia, (de qua re passim alibi ex instituto) sed propriissimè accepto nomine Consonantiz, quæ consonantia est, nempe quæ vocis, & sonorum directionem concernit: plurimum enim interest ad ædificij laudem, & finem ad quem erigitur, non tam commoda habitatio, verum etiam ad opera quæ in eo peragenda sunt, talis dispositio, quæ vocem non impediat, sed magis adaugeat, vel modifcet, itaut ex collisione aeris, vnde insurgit sonus, prodeat auribus gratus, & ad rem, quæ exprimitur valde accommodus, modò gravis, modò acutus; modò asper, modò mollis; modò rectus, modò reflexus, &c. Hinc in Theatris maximè, vbi solus auditus ferè attenditur, & vocis directio, & claritas commendatur, opportunè monet Vitruu. ne ab non rectè pensata ædificij forma, vox suffocetur, & prolata resonet quid ingratum, & turbidum. *Diligentius* (inquit lib. 5. cap. 3.) *est animaduertendum, ne sit locus surdus, sed vt in eo vox quàm clarissimè vagari possit; Hoc verò fieri ita poterit, si locus electus fuerit, vbi non impediatur resonantia.* Tum descendens ad vocis explicandam naturam, & diffusionem, quæ conicè, fit per circulos maiores, & maiores in infinitum, perinde ac in superficie stagnantis aquæ, per iniectum saxum, ni interiectum quid impedimentum obstat, aut aluci angustia abrumpat, concludit tandem. *Ergò Veteres Architecti naturæ vestigia prosequenti, indagationibus vocis, scandentes Theatrorum perfecerunt gradationes, & quasiuerunt per canonicam Mathematicorum, & Musicam rationem, vt quacumque vox esset in scena clarior, & suauior ad spectatorum perueniret aures.* Cum igitur Loci, ex varia eorum dispositione, alij sint consonantes, alij resonantes, alij, ex aliquo impedimento dissonantes, alij circumsonantes; in Theatris, (& eadem ratio est locis vbi conciones fiunt) expeditus & consonans eligendus est, per cuius intercapecinam liberè possit vox diuagari. Econtrà in aulis Principum, expedit, vt constituatur locus resonans, aut circumsonans, & angustus, in quo collecta vox, sursum ad eorum aures perueniat, & clanculum captent, quid inter se hospites, & serui in imo degentes mustitent, & obloquantur; vti de Dionysio Tyranno legitur, quod fecerit Syracusis. Alij in Villis Echo maximè delectantur: & ideo concinuant inibi loca resonantia, & vocem flecentia, quemadmodum refert Plin. lib. 36. cap. 15. de Porticu illa Olympiz famosissima, quod septies vocem redderet, vnde & Heptaphonos dicta est: De qua fortè, aut simili loquutus est Lucretius lib. 4.

101

102

Sex etiam, aut septem loca vidi reddere voces,

Vnam cum iaceres; ita colles collibus ipsis

Verba repulsantes iterabant dicta referre.

Hoc autem potissimè euenit in conuallibus & locis concameratis, ubi in partes scinditur reperlus aër, & acceptæ voces multiplici reflexu redduntur.

103 CONSTRUCTIO Mathematica (in quo Mathematicæ Disciplinæ cæteras scientificas facultates, euentiâ, certitudine, felicitate, concludendi, longe antecellunt) est modus, & apta dispositio terminorum, quæ aut ex principijs per se notis, aut ex præiactis, aliâs demonstratis, aliorum Theorematum vel Problematum fundamentis, processus demonstrationis ita construitur, & ordinatur, ut clarè inde resultet conclusio, & probatio rei, quæ soluenda proponitur; quæ nimirum sequi haud posset, vel saltem nimis confusè, ni hæc Constructio præcederet, & apta partium ordinatio. Vti Constructio in Architectura, confurgit ex apta partium dispositione, quæ ex humilibus ad altiora conscenditur.

104 CONTIGNATIO architectonicum verbum est, & frequentissimè à Professoribus vsurpatur, præsertim Antesignano Vitruuio. Significat autem probam tignorum, & asserum ad recipiendum, & sustinendum desuper impositum tectum, coherentiam, & commissuram. Differt porro Contignatio à Trabeatione, ut nimirum tignum à trabe; & illud quidem vniuersalius est, & omne lignorum genus ad structuram accommodum comprehendit: trabs verò non quoduis lignum appellat, sed, ut notat Festus, *lignum duplex ex duobus compactum tignis, ædificij gratia*. Quare Trabeatio ad tectum spectat, Contignatio ad ea, quæ sunt sub tecto: quamquam, ut benè monet Philander, reuerà contignatio speciem tecti habet, ut dici possit non absurdè, *Tectum esse fastigiatam Contignationem; rursus Contignationem esse subensum Tectum*. Cæterùm hac voce sæpè vtuntur Latini ad denotandam illam domus partem, quam nos *Solarium* dicimus: vnde Valla; *Contignatio*, inquit, *dicitur Solarium domus*. Idque siue stratum sit in plano, ex laterculis, & cæmentis, siue in decliue, moliter designentibus tabulis, & asseribus, quemadmodum constituta vidimus in Apulia, in summis ædium eiusmodi solaria, & ambulacra, ad captandum sub dio frigus de nocte, in æstate, & prospectandum libere quæ circà & subtus sunt.

105 CONTINENS apud Geographos audit ea telluris pars, quæ mari adia-


adjacet, sed non ita, vt tota vndique, velut Insula, alluatur; verum ea directione procurrat, ac terminetur ad litus, vt tamen ad reliquam terræ extensionem sese contineat; & cum ea conuenietur. Differt ab Istmo, & Peninsula, quod latius patet, & angustis non coarctetur. Nam Peninsula est quæ, tota ferè, mari alluitur, & modico solum tractu terræ se iungit; inde dicta, quasi penè insula. Isthmus autem est quoddam, veluti collum, quod Peninsulam, caput quodammodo referentem, reliquo telluris corpori necit, & iungit. Hinc facillè dirimitur ea lis, quæ diù vigit inter Historicos, & Geographos; nùm Italia nostra dicenda sit Continens, vel Peninsula; At explicatis terminis, euidens est, eam in Continente sumi. Siquidem eius forma, quæ brachium potius refert, aut pedem in mare, extensum, quæque in Germaniæ finibus, in magna amplitudine se dilatat, & inde longo tractu, sed diminuta semper crassitie, ad usque Siciliæ oras prosequitur; ilique, breui freto relicto, iuxta Messanæ portum exinanitur, ac terminat: clare euincit, eam in Peninsula, aut Istmi censu, nullatenus posse venire. Qua de re, vide eius accuratam delineationem, apud Maginum, & alios recensiores Geographos.

CONTRAFORTIA, expressiuo satis vocabulo, appellantur à nostris, ac Gallis, in vtraque tam civili, quam militari Architectura, quas Græci vocant Anterides, siuè Erismas: pilas videlicet, & accliuës murulos muris adiectos, ac certo interuallo ab se distantes, ad eorum continentiam, & fulcimentum. Quod ideo *Contrafortia* benè dicuntur, eo quod fortiter obsistunt, & contrà obiecta, mirabiliter firmannt structuram, ne alias fatiscat, & corruat. *Sperones* etiam, nos vocitamus, ceu calcaria quædam muris applicita, aduersus eorum debilitatem, atque segnitiam. 106

CONTVBERNIVM. Vide quæ dicemus in V. *Decani*.

CONVERGERE, ac DIVERGERE, proprii sunt termini Opticorum, quibus explicare conantur radiorum visualium extensionem, secundum rationem incidentiæ, ex variatione mediij, per quod transeunt. Vnde fit, vt modò contrahantur, & constipentur, procedentes à basi coni ab ipsis efformati, ad illius apicem, in quem tandem terminant; modò sensim dilatentur, & separentur ab inuicem, abeuntes in latum, in basim ipsius Coni. Igitur *Conuergere* non est aliud, quàm simul introrsum vergere, & constipari, & successiue ita restringi, vt tandem conueniant omnes in angulum, & punctum api- 107

apicis, vbi terminat conus ab eorum diffusione creatus. *Diuergere* autem est ab se recedere, & sensim in alterutras partes dilatari; ita vt, quò maior fuerit à puncto, vnde exeunt elongatio, eò maior sit contrauergentia, & ab inuicem digressio, amplioremque conum efficiant, atque in basi latiore. Id quod in lentibus concavis, & conuexis, quibus Telescopia construuntur, potissimum accidit, vnde emissæ ad oculum species visualium obiectorum, aut conuergunt, aut diuergunt; sicque obiectum repræsentent, aut contractum, aut dilatatum. In Telescopijs verò pluribus vitris constantibus, verumque euenire potest, vt videlicet radij visuales aut conuergantur, aut diuergantur, prout apparet in subiecta figura.



Vbi radij, vel species obiectorum, sunt H.C.E.F.D.P. tendentes recta in medium A. B. quæ supponitur Lens interiecta: ac proinde H.A. & P.B. sunt conuergentes; E. A. & F.B., sunt diuergentes: ac C.A. & D.B. procedunt paralleli: inde refracti ad A.B. conuergunt magis ac minus in A.I. & B.I., A.O. & B.O., A.G. & B.G. Plura ad hanc rem, habes apud De-Chales tom. 2. Curs. Mathem. lib. 1. & 2. De Optica, & Catoptrica. Ex quibus eliciuntur aliquæ regulæ, & communia Axiomata, quæ plurimum faciunt ad doctrinam hanc intimius assequendam; & ideo ea hic exponere, operæ pretium duxi.

Prima Regula est, quod, ad hoc vt immissi radij vniantur vltra lentem ad focum, necesse est, vt ad eam veniant paralleli, vt C.A., & D.B. qui refracti conuergant, & vniantur in O.

Secunda. Vt radij vniantur vltra lentem, per quam transeunt in locum, & aliquod punctum, quod sit à foco remotius, oportet, vt in lentem cadant diuergentes, vt E.A. & D.B. qui transeuntes per lentem, conuergunt, & vniantur in I.

Tertia. Quò magis diuergantur radij (id quod accidit cum è loco

co magis propinquo lenti proficiscuntur) eò refracti, longius à foco in aliquod punctum conueniunt.

Quartum. Adhuc, vt vniantur radij vltra lentem in punctum, quod sit illi valde proximum, ac etiam vicinius foco, vt G. debent in eam incidere conuergentes: & quò magis conuergunt, eò vicinius ad lentem vniantur.

E contrà, conuertendo prædictas Regulas, fit

Primò, vt radij ab lente exeant paralleli, oportet, vt procedant diuergentes à foco ipsius lentis.

II. Vt transmittantur radij ab lente conuergentes, emitti debent à puncto longè ab ipsius foco remoto; & quò à loco remotiore, transmittuntur, eò per ipsam transeuntes, magis conuergent, & ad ipsam propius vniantur. Ac viceuersa.


III. Vt radij à lente prodeant diuergentes, proficisci debent à puncto viciniori ipsius foco. Et quò à loco viciniori procedunt, eò per ipsam transeuntes, magis, ac magis diuergunt, adeò vt tandem accadat dissipari.

Constatigitur, per eandem lentem, seu medium vtcunque diaphanum, radios, qui veniunt paralleli, vniri in centro ipsius lentis; Diuergentes vniri vltra, vel circà lentem ad punctum, quod est remotius ipso centro. Conuergentes verò vniri propius ipsi centro.

CONVS propriè dicitur Nux pinea; inde omnis figura pyramidalis, quæ ex acuto sensim excreseat per orbem in latum, quoadusque in basim, quæ necessariò circularis erit; desinat: contrà quàm Turbo, qui ex lato terminat in acumen. Hinc apud Geometras generaliter assumitur pro quavis figura circulari, quæ vtcunque incipiat ab aliquo puncto, & vltra procedens amplificetur in latum, quoadusque terminet in basim, cui insistant, quæ consequenter erit circulus: cuius centrum respondeat apici, eique concipiatur vniri per lineam rectam transeuntem per medium Conum; siue is sit corpus solidum, siue simplex superficies circumducta æqualiter circà dictam lineam intermediam, quæ proinde dicitur Axis Coni. Ad quod probè intelligendum præcipit Euclides, vt quis concipiat Triangulum, cuius, vno latere manente firmo, alterum circumuolatur, ac moueri desinat vnde cæperat volutari. Id autem totum contemplari licet in subiecta figura.

Vbi si demus latus illud, seu lineam superficiæ Conicæ efformatricem, produci vltra verticem, itaut intelligatur circumuolui circà eundem axem vltra verticem prolongarum; simul & semel prodibit alius conus eidem oppositus, eiusdem prorsus rationis, ac primus,

qui vbi terminat, circulum, etiam, efformabit, dicenturque ambo conii oppositi ad verticem, ipsa vero superficies conum describens, *Conois*.



109

Porro ipsa Conus potest intelligi in partes secus, per aliquod planum transiens, ac diuidens eius corpus, siue superficiem, tam per latum, attingens vtrunque trianguli crus, quam per longum, ipsum conum in duo diuidens, siue æqualiter à puncto verticis per axem terminando ad basim; siue inæqualiter frustum abscondens, ab alterutro latere procedens, atque ad basim similiter terminans. Hinc Conicæ Sectiones emanarunt, quarum consideratio celeberrima, semper fuit apud Geometras; quippe quæ miras atque innumeras proprietates habent, vt proinde multos, & magnos viros ad eas indagandas allegerint, totosque in sui contemplatione defixos, nec satis voti compotes detinuerint. Quandoquidem earum sublimis Doctrina valde vtilis est, ac non modò Philosophis, Geometris, Astronomis, Opticis, alijsque aliarum Disciplinarum professoribus necessaria; sed & Mechanicis ac practicis Architectis, ad suas operationes peragendas, oppidò opportuna, vtputa ad domos exædificandas, ad congruos aspectus sumendos, ad luminaria ijs participanda; ad Machinas fabricandas, ad horologia solaria describenda, &c. prout in decursu Operis identidem memorandum erit. Quare summa diligentia, distinctione, ac perspicuitate de omnibus hinc in genere, ac de singulis suo loco, per partes nobis est differendum, quò nihil in hac re, studioso Lectori, ad probam intelligentiam supersit desiderandum.


110

Itaque, aut Conus intelligetur medium secari in æquas partes, per planum transiens per verticem, ac directè cadens in basim, procedendo, & insistendo semper axi; & tunc dicitur *Sectio per axem*; quæ in superficie semper efformat triangulum. Aut ab alterutro La-


terc

tere scindetur in partes inæquales, terminante sectione ad basim Coni; & tunc, vel planum secans procedit obliquè, itaut Sectio sit parallela alteri Lateri Coni seu trianguli; & talis Sectio vocatur *Parabola*: vel sectio erit rectà cadens, itaut diameter Sectionis sit parallela axi ipsius Coni, siue diametro Sectionis per axem; atque eadem prolongata vltra verticem sectionis supra illà feratur quoad usque occurrat, & angulum faciat cum altero latere Coni, seu trianguli, itidem vltra verticem coni prolongato; & tunc Sectio illa dicetur *Hyperbola*: pars autem illa axis, seu diametri prolongatæ Sectionis, quæ intercipitur inter eius verticem, & occursum cum altero latere Sectionis per axem, ad distinctionem appellatur *Transuersa Diameter*, quæ potissimum inseruit ad dictæ sectionis partes commensurandas, passionisque examinandas. Quas omnes Sectiones, & quidem vnicas, & simplices in singulis Conis, expressas damus in subiectis figuris, ne in primo aditū plures in vno cono, simulque concurrentes exhibitz, tyronis confundant mentem.

¹
Parabola.



²
Sectio per axem.




³
Hyperbola.



Rursus alias duas Sectiones in Cono agnoui Antiquitas; quæ videlicet per transuersum agerentur, ac scinderent vtrumque latus Sectionis per axem, transeundo per eundem axem: quarum vna sit parallela basi, & secundum omnes sui partes, æqualiter distet à vertice, & à basi, & hæc erit Circulus, maioris aut minoris amplitudinis, prout magis aut minus ab vtrisque distabit. Altera obliquè procedit, secans vtrumque coni latum, seu Sectionis per axem; ita tamen, vt Sectio non sit parallela basi, sed ab vno latere ad verticem accedat, ab altero declinet ad basim; & tunc sectio

ista vocabitur *Ellypsis*, quæ non circularis est, sed oblonga. Hæc autem duas diametros habet ad angulos rectos, & in concursu axis coni sese interfecantes; quarum maior denominatur Transuersa, estque illa, quæ assumitur ad partes dictæ sectionis commensurandas, & dignoscendas. Igitur quinque sunt species sectionum, quas in Cono Antiqui considerarunt. Sectio explicata per axem, quæ in superficie efformet triangulum: Sectio parallela basi: Parabola, Hyperbola, & Ellypsis. Sed hæ tres postremæ potissimum in considerationem veniunt, quæ nimirum singulares, & proprias habent passiones inter se, & ab alijs distinctas; cum reliqua duæ nil peculiare habeant, sed perinde considerentur ac Triangulus, aut Circulus, easdemque conditiones obtineant: Idem autem tres tantum sectionum species considerari dignas Veteres assumpserunt, quia tres tantum sunt differentię angulorum, qui sunt ad verticem, adeoque in Cono; aut Rectangulo, aut Acutangulo, aut Obtusangulo: propterea in ijs tantum sistentes, in Cono rectangulo constituerunt Parabolam; in Obtusangulo Hyperbolam; in Acutangulo, Ellypsim. Harum speciem exhibemus, primò singulas seorsim, Ellypsim, & circularem, concurrentes cum Sectione per axem: tum collectas omnes quinque, in vno eodemque Cono, vt earum affectiones adinuicem, & se solis, probè percipiantur.



Et hæc quidem procedunt in Cono, seu Triangulis Iſoſcelijs: Sed, quia in Scalenis etiam conſiderari poterit quævis Sectio, quæ proinde eaſdem proprietates, & paſſiones quæ in Iſoſcelijs reperiuntur, non ſemper admittunt; ideo Apollonius Pergæus inſignis, & acutiſſimus Geometra, quique poſt ipſum venere, alias rationes Sectionum, Conicarum adinuerunt, ac doctriſinam hanc funditus eruxam, maximè illuſtrarunt. Nobis hic rem in genere, & cute tenùs tangere ſatis fit, cum ſingularum naturam atque affectiones explicatiùs tradere, ſuis in locis, conſultò referuimus.

CORAX græcè, Machinam quandam bellicam ex arceſtarijs indicat, quam plerique confundunt cum Coruo demolitore. Reuerà tamen quid aliud fuiſſe leuioris operæ, exigui uſus, & nullius ferè momenti, colligitur clarè ex Vitruu. lib. 10. cap. 19. qui deſcribens ibi omnes penè machinas, quæ ad rem bellicam faciunt, ab earum Auctoribus traditas, aut ab alijs litteris demandatas, Coruum, videlicet, Arietem, Terebram, Turres ambulatorias, & cæteras à Diade inuentas, aut memoratas, *De Corace*, (ait, de Diade loquens) *nihil putauit ſcribendum, quòd animaduerteret, eam machinam nullam habere virtutem*. Verùm eam, quæcumque illa fit, accurratè deſcribit Polybius lib. 1. uſumque explicat talibus verbis. *Lignea columna proris inerat, longitudinis quatuor uulnarum, latitudinis palmarum trium; in cuius apice rotam conſtituerant, huic præterè tabula inhaerentes ſcalas conſciebant, quarum latitudo erat pedes quatuor, longitudo ſex uulnæ. Foramen autem tabulati erat oblongum, & circumambibat columinam poſt primas ſtatim ſcalæ duas uulnæ. Habebat autem veluti ſepem ad utrumque oblongum latus genu tenùs altam. In ligni extremo ferrum erat inſtar mallei peracutum: præterè annulus ſune alligatus, itaut hæc machina machinis frumentarijs ſimillima videretur. Igitur ſimulac nauis hoſtium aduentabat, laxato ſune, ſcalæ demittebantur; ferrum pondere, ac vi ligni ſuper hoſtium nauim lapſu figebatur. Si aduerſa prora erat, boni milites per ſcalas deſcendebant, duo primi præſerentes ſcuta, reliqui latera ſcutis proteſti. Sin verò obliqua erat hoſtium nauis, in eam ex tota pariter naui deſiliebat. Hæc Polybius de Corace. Ex quibus profeſſò liquet, non utique eam Machinam, illam ipſam eſſe, aut non abſimilem Coruo, quando Machinis frumentarijs ſimillima erat; neque ex alia parte nullius virtutis, dùm tanto impetu, & apparatu in hoſtium nauigia deſiliebat.*

CORICEVM apud Græcos optimos ædificiorum (tameſi, ait Vitruuius, non ſint Italicæ conſuetudinis) iuxta diuerſos eorum, uſus,

vfus, difpofitores, locus erat in Palæftris, vbi athletæ exercebatur, ad denudationem factus, vel fanè in publicis balneis, vbi quis lauari volebat: quemadmodum Conifterium dicebatur alius item locus ibidem fepofitus, in quo puluis afferuabatur, quo luctaturi fe afpergere solebant post vnctionem, vt præhensiones fierent firmiores, & neutiquam lubricæ. Sed Coricea non in publicis modò Gymnafijs, fed in priuatis quoque domibus, fecus balnearia extitiffe teftatur Baldus in Vitruuium. Cæterum ille *Corticeum* fcribit lib. 5. cap. 11. (fed mendum irrepiſſe opinatur Philander, pro Coriceo, aut Couriceo,) quod aliàs dicit fuiſſe locum, vbi puellæ exercebantur. Certe notat Philander, non deuiſiſſe qui legerent Coryceum, vbi pilæ ludus fiebat, nam *Corycon* apud Græcos, pilam vento inflatam fonat. Se hæc diſcutere, Grammaticorum potiùs cura eſt, quam Matheſis ſtudioſorum.

- I 15** CORINTHIVS ORDO in Architectura eſt ſtucturæ Species præ alijs elegantior & venuſtior, qui potiſſimum attenditur in Trabeationibus, & Columnis: etenim graciliores has facit, & compſiores, itaut repræſentent puellam, vel meretriculam laſciuè amiſſam. Et ideò Corinthia dicta eſt eiufmodi columna, non tam quod Corinthi inuenta eſt, quàm ob diffamataſ eius vrbis mollietiem: cuius originis hiftoriam rexit Vitruv. lib. 4. cap. 1. Cæterum huius ſymmetria ex eiufdem præceptis, ea eſt, vt altitudo Scapi æquare debeat nouem ſui diametros. Baſis, alta media parte craſſitudinis ipſius: in reliquis non abſimilis Baſi Ionicæ. Sed in Capitulo præſertim ſiſtit, & gloriatur, quod vult eſſe omnibus modulis, & rerum varietate, ornatum; altum, quanta eſt latitudo imi ſcapi columnæ: repræſentat enim vas reſupinatum ab anguſto in latum molliter ſe laxans, effigie calatbi (inquit Philander) cui abacus ſit pro operculo. Hoc itaque vas circumneſtiunt, & ornant erecta ab Apophyge, hinc inde ad caput ſe incuruancia acanthi folia; tum ex ijs, & inter ea proſiliunt cauliculi, ſtoſculi, & volutæ, quæ ad extremos angulos procurentes, ſibiſe inuicem obuſantes, abacum deſuper accipiunt, & ſuſtentant. Verbo: vti in Tuſcanico ordine proprius character eſt grauitas, & ſimplicitas; ita in Corinthio eſt gracilitas, ornatus, ac mollicies.

- I 16** CORIVM Architectis, & Materiarijs eſt cruſta e calce, arena, & marmoreo puluere, parietibus, & pauimentis ſuperinduſta, ad ijs læuitatem, firmitudinem, & ſplendorem conciliandum, ſumpta à corijs animalium analogia. Noſtrates *Intonicaturam*, vel *Smaltaturam*

turam appellant. De hoc incrustationis genere, quod in testorio opere usurpatur, hæc habet Vitruvius, lib. 7. cap. 3. Grano indulto, & inarescente, alterum Corium dirigatur. Et paulò post: Ita cum tribus corijs arena, & item marmoris, solidati parietes fuerint, neque rimas, neque aliud vitium in se recipere poterunt. In alio sensu, architecturæ præceptis magis accommodato, Corij notionem accipit idem Vitruvius lib. 2. cap. 8. quando nostrum struendi modum, cum Græcorum ratione conferens, hunc uti magis stabilem laudat, & anteponit. Itaque non est contemnenda, inquit. Græcorum structura: Non enim vivitur de molli cemento polita; sed cum discesserunt de quadrato, ponunt de silice, seu de lapide duro, ordinariam, & ita (uti latericia struentes,) alligant eorum alternis corijs coagmentata; & sic maxime ad æternitatem firmas perficiunt virtutes. De nostrum verò, quam in instruendo servant; ratione, hæc ait. Sed nostri celeritati studentes, erecta coria locantes, frontibus seruiunt, & in medio faciunt. fractis separatim cum materia camentis. Ita tres suscitantur in ea structura crux, dua frontium, & una in medio, factura. At de Græcorum ratione hæc mox subiungit: Græci verò non ita: sed plana collocantes, & longitudines coriorum alternis coagmentis in crassitudinem instruentes, non media faciunt; sed de suis frontatis perpetuum, & in unam crassitudinem parietem consolidant; & præter cætera, interponunt singulos perpetua crassitudine utraque parte frontatos, quos Diatonos appellant, qui maxime religando confirmant parietum soliditatem. Vbi satis liquet, ipsum non iam loqui de cruxa, seu obductione testoria, sed de laterum ordinibus, in ipsa parietum erectione seruanda. Cæterum, quinam ex his duobus sit aptior, & firmior struendi modus, vide apud Serlium, & Leonem Baptistam Albertum in lib. de re ædificatoria..

CORONA, apud Mathematicos, & frequentissime, & non in una tantum notione usurpatur: Etenim pro suo quisque genio, ac disciplina, quam proficetur, id nomen assumit ad res suas denotandas, & exprimendas: quando aliàs hoc vocabulum ex sua prima institutione, ad sertum, ac diadema honorarium, capitis nimirum ornamentum, significandum, est assignatum. Imprimis Architecti Coronæ nomine, aliquando intelligunt partem illam in Epistyllo, seu Trabearione, quæ excurrit plana, & exporrecta; excipiendis de stillicidio guttis inseruiens, & foras à fronte immittit, ne in illam incidentes, eius ordinem, & venustatem deturpent, atque commaculent: quod ideo Tenia ab aliquibus, à nostris, expressiore vocabulo, *Gocciolatoio* appellatur. Quandoque accipitur pro integra

crabeatione, seu, vt ad distinctionem vocant, *Coronice*, hanc partem, & alia membra à quibus integratur, comprehendente: constat enim, vt in loco explicabimus, *Sima*, *Cymatio*, *Corona*, *Denticulo*, altero *Cymatio*, *Zophoro*, *Peristyljo*, vt passim conspicitur in magnificis ædibus, & in *Basilicis*, suprà arcus; decoris, & ornamentis non contemnendo locò: quam nos vulgo *Cornicionem* vocamus. Et in hoc sensu frequenter sumitur à *Vitruuio*, præsertim lib.

3. cap. 3. & lib. 5. cap. 2.

118

Secundò in re militari, atque in *Vrbium* obsidione, militum ordines, qui olim apud veteres suis corporibus circumquaque locum, vallabant, & quasi ferto stringebant, *Corona* itidem dicebantur: quæ videlicet, vt aduertit *Lipsius*, pro muro erant, non pugnantes, non vim inferentes, non tela iactantes, sed firmi in statione, exitum obsessis, & aditum suppetijs, & commentibus intercludebant: quæ demum constanti, & lenta quadam, innocuæque expugnatione, hostis in arcto positus, rerum omnium penuria laborans, & non minùs otio, quam viribus fractus, deditionem facere compellebatur. Hinc, *Corona* urbem cingere, capere, expugnare, vti frequens est apud *Historicos*, ita nil aliud exprimit, quam dispositis in orbem, copijs, urbem cingere, atque obsidere. Vnde *Ammianus*, nescio cuius oppidi Expugnationem dicturus, ait. *Armatorum triplici corona muris circumdatis*. Et in *Iosepho*, lib. 3. de bello Iudaico cap. 7. de obsidione *Iotapatæ* *Oppidi*, à *Vespasiano* per hanc viam intentata, hæc habes. *At Romanos tota die ambulando fatigatos Civitatem statim aggredi piguit: ob eam causam duplici acie circumdato Oppido, tertium extrinsecus agmen equitum posuere, omnes Iudaïs exitus obstruentes*. Quam ordinum dispositionem probè excogitatam, & summa prudentia initam, notat *Lipsius* in *Poliorecet*, nempe positis introrsum, pedicibus, quorum erat inuadere, extrorsum verò equitibus, quibus incumbere agmen tueri, aduentantibus ad obsessos auxiliarijs copijs, obniti, vultum & arma conuertere, vbi opus erat, accurrere, & omnia inspectare. Porro triplicatæ huiusmodi bellatorum *Coronæ*, elegantissimum diagramma ex ære incisum exhibet idem *Lipsius*, ad finem dial. 4. Et quamquam id genus obsidionis ætate nostra in desuetudinem abiit, remansio tamen aliquod specimen: & est quando positis delongè ad transitus viarum armatis copijs cuni munimentis, suppetiæ, & comæatus hostibus interdicatur: quem modum *Ciuitatem* redigendi in summas angustias, *Bloccare* dicimus.

119

CORPORA REGVLARIA, aliàs *Platonica*, à *Platone*, cuius


præ-

præclarum inuentum fuisse traditur, agnominata: apud Geometras semper in ore, quinque sunt, nec plura esse possunt, aut fingi. Ea autem intelliguntur esse, quæ pluribus figuris similibus planis, & æqualiter ordinatis componuntur: hoc est, ut æqualem, ac similem formam, magnitudinem, & superficiem seruent, æqualibusq; lateribus, & angulis, qui in vnum solidum coeant, atq; eiusdem prorsus conditionis efforment. A numero vero laterum seu planorum, ex quibus resultant, singula denominationem accipiunt. *Tetraëdrum* ex quatuor triangulis æquilateris, adeoque acutangulis, conflatum. *Octoëdrum*, octo similibus triangulis constans: & *Icosaëdrum*, viginti: in quo quinque anguli plani conueniunt in vnum solidum: ita ut omnes anguli plani, qui in Icosaëdrum conueniunt, dispersantur, & abeant in duodecim solidos. Atque hæc tria tantum corpora regularia, ut modò explicata, prodire possunt ex triangulis acutangulis, cum nec pauciores quàm tres, nec plures quàm quinque, abire possint in vnum angulum solidum: quandoquidem hic necessariò debet esse semper minor quatuor angulis rectis, alioquin abirent in planitiem, non in angulum, ut ex Euclide propo. 32. Primi, & 21. Vndecimi, manifestum est. Atqui sex anguli triangulorum æquilaterorum, maiores sunt quatuor rectis; & sic de alijs discurrendo, supra quinque, qui in vnum conuenire concipiuntur. Deinde, si plura plana æquilatera, & æquilatula, ut in suppositis est (quo nomine non veniunt, nisi quadrata rectangula) velis in vnũ corpus coadunare, non inuenies, nisi *Hexaëdrum*, quod cõmuniter dicitur *Cubus*, constans sex planis quadratis, & octo angulis solidis; ad quorum singulos efformandos conueniant tres anguli recti: nam quatuor, ut dictũ est, conuenire non possunt. Denique ex obtusangulis, solum *Dodecaëdrum* prodire potest, constans duodecim pentagonis planis; quorum anguli sunt quinta parte maiores singulis rectis, ac proinde tres tantum ex ijs in vnum conuenientes, possunt constituere angulum solidum, qui adhuc minor esset quatuor rectis. Non sic, si quatuor in vnum conuenire conciperentur, ut in Hexagonis, Eptagonis &c. quia semper anguli concurrentes in vnum, maiores forent quatuor rectis. Ut propterea manifestũ sit, hæc quinque tantum Corpora Regularia concipi posse; nec plura, nec pauciora. Quandoquidem (ut rem paucis conficiam) ad anguli solidi constitutionem tres ad minus anguli plani requiruntur; hique omnes simul sumpti, quatuor rectis necessariò minores esse debent. Nunc omnes anguli, aut recti sunt, aut acuti, aut obtusi: Ex acutis, sex in triangulis æquilateris; ex rectis, quadrati quatuor; & ex obtusis, tres, quatuor rectos exæquant; in pluribus superant, & excedunt: quod ideo ex tribus, quatuor, & quinque triangulis æquila-

teris in vnum collectis prodire poterunt eiusdem rationis anguli solidi. In quadratis, ex tribus tantum angulis rectis, prodire poterit solidus, vti pariter in Pentagonis. Vnde tandem euincitur, quinque tantum esse, & concipi posse Corpora Regularia.

120

Hic autem ad ornatum, placet exponere figuras dictorum Corporum Regularium, tum in seipsis, prout plana in vnum conuenientia efformant corpora quædam solida; tum explicata in totidem plana, quot singula comprehendunt: ita tamen disposita, vt si è crassiori charta, vellamina, coaptentur, faciliè in ipsorum quæque formam abibunt.




121

Ex his, tria solum sunt (quod mirum prima facie est) quæ habent, & habere possint latera rationalia, seu maius dicam, commensura-

furabilia: reliqua verò duo; lateribus constant irrationabilibus. Sunt autem illa, Cubus, Tetraëdru, & Octoëdru. Icofaëdru, namque, & Dodecaëdru habent latera irrationalia. Id quod vel ex eo patet, quia si sphæræ inscribantur, trianguli latus, est potentiâ triplum semidiametri: sicut viceversa, tota sphæræ diameter, est sesquialtera lateris ipsius Tetraëdri. Rursus in Octaëdro diameter est dupla lateris illius: & in Cubo est potentiâ triplex lateris ipsius Cubi. Sunt igitur commensurabilia ad inuicem, & consequenter Rationalia. At in Dodecaëdro, & Icofaëdro, latera sunt adinuicem prorsus incommensurabilia, quia neque longitudine, neque potentiâ, hoc est per eorum quadrata, commensurari possunt: adeoque in Pentagono, seu Dodecaëdro, latera terminant à lineâ, quæ vocatur Apotome: in Icofaëdro autem, à lineâ, quæ dicitur Minor. Ad cuius rei intelligentiam, recolenda sunt quæ habet Euclides toto lib. 10. de magnitudinum commensurabilitate, vel longitudine, vel potentiâ; tum de ijs quæ sunt omnino incommensurabiles.

Cæterum, si latus Cubi secetur extrema & media ratione, maius segmentum erit latus Dodecaëdri: ut totum latus Cubi, licet alioqui sit incommensurabile lateri ipsius Dodecaëdri, est tamen commensurabile, imò æquale lineæ subtendenti angulum ipsius Dodecaëdri, seu maius dicam, Pentagoni in Dodecaëdro. Quod totum in subiecta figura manifestum sit: ex qua licebit dignoscere quinque figurarum latera, atque inter se comparare.



Itaque in hac figura Linea A.F. vel B.F. est latus Octoëdri; A.G. est latus Tetraëdri: B.G. latus Cubi: B.I. latus Icofaëdri, & B.K. latus Dodecaëdri in eadem sphæra inscriptorum. Quorum adinuicem proportionem clarissimè ostensam, vide apud Clauium, & Vietalem Iordanum in explic. prop. 18. Vndecimi.

Porrò, si ipsius Cubi, aliorumque corporum regularium harmonicam rationem, è qua fidium, & sonorum dissimilium consonan-

tia in Symphonijs, intimè, & cum iucunditate contemplari velis, vnde diuisiones chordæ in Monochordo, vbi de eo sermo habebitur: proindeque in eo omnes tonorum sibi mutuò respondentium proportionalitates, distinctiones, nomenclaturas, & alia ad id spectantia, ad iſum oculi videre licebit.

- 123 **CORSA**, apud Vitruuium est quoddam genus ornamenti ad modum fasciæ excurrentis, & aliquantulum prominentis, quod in Structuris, apponi solet Epistylijs Ionici Ordinis, Corinthij, atque Compositi: nisi quod in Structuris, simpliciter fasciam nominat; in Ostiorum verò Antepagamentis, signatè, & distinctiùs *Corſam*. Sic enim habet lib. 4. cap. 6. *Craſſitudo Antepagamentorum altitudine luminis in fronte; decimaquarta parte, Cymatium huius craſſitudinis sexta: reliqua pars præter cymatium, diuidatur in partes duodecim: harum trium, prima Corſa fiat cum aſtragalo, ſecunda quatuor, tertia quinque; eæque Corſæ cum aſtragalis circumcurrant.* Philander in Notis, pro Corſa simpliciter, primam fasciam intelligit antepagamentorum, eam nimirum, quæ est versus hypothyrû, quod est illa portarum vacuitas, quâ lumen excipitur. At manifestè opponitur textui, vbi clarè tres omninò Corſæ enumerantur, quibus reliquam partem sumptæ craſſitudinis antepagamentorum, ab his quæ dantur cymatio, & aſtragalo, totam, & integram tribui vult, & solum inæqualiter diuidendam esse, & singulis partiendam, ad maiorem elegantiam ex varietate addendam: itaut minor sit quæ proxima lumini erit, quæque ab eo dicitur prima, constans partibus tribus è duodecim, in quas reliquum illud spatium partiendum esse dicit. Secundæ Corſæ, quæ immediatè succedit, dari præcipit quatuor: Tertiæ demum depressiori, adeoque ampliori, partes quinque, eæque postea, eodem modo cum suis aſtragalis totam antepagamentorum longitudinem ac latitudinem exæquent, & circumcurrant: vt videre licet elegantissime, delineatum in Barbari Commentarijs, pag. 119. Cæterum, si nominis huius etymon expiscari, ex coniecturis dabitur, haud incongruè dixerim, sumptum ab illa circumcursatione, quam sui extensione facit, ratione cuius, meritò *Corſa* denominata est.

- 124 **CORTINA** in Architectura militari, coniuuini appellatione vocatur pars illa murorum expansa, & vt ita dicam, clausa, atque interposita media inter duo propugnacula. Vt propterea, cum omnia fere munimenta nostri temporis, præsertim regularia, conueniat esse foris exposita in aliquibus partibus, & angularia; siue sint quadrata, siue pentagona, hexagona &c. necesse fuit, vt totus circuitus mu-

murorum, non aequo modo excurat continuus, sed statis in locis abruptus, & propugnaculis foras procurrentibus, communitus; quæ possent, & reliquum murorum ambitum defendere, & sese inuicem contutari. Hinc est, ut pars murorum in rectum extensa, & inter duo propugnacula constituta, Cortina dicatur, cuius sit & tegere simul & tegi, & hostium accessum ad mœnia arcere: quod ideo, nec nimis arcta, nec nimis lata esse debet, sed tantum extensa, quantum linea defensionis exquirat. Sed de hac re abundè dictum est in V. Arx.

CORVS ventus Vide *Caurus*.

CORVVS in re militari, audiebat olim Machina bellica arceſtaria, cui ex granditate effectus, & vastitatis quam circumferebat vbique, *Demolitoris* epitheton adiecit Vitruvius, non multum fortè discrepans ab ea, quam suprà, ex eodem Vitruu. Coracem nominauimus, cuius descriptionem dedimus ex Polybio, etsi eam Vitruu. non magni faciat, tanquam nullius penè virtutis. At conuenire multum, cum Coruo, colligitur aperte ex vtriusque ad inuicem collatione, Nam Coruum sit describit Q. Curtius de gestis Alexandri lib. 4. *Ad implicanda Nauigia, qui muros subibant, validis asseribus, Cornos, & ferreas manus cum vncis, ac falcibus illigant, ut cum tormento asseres promouissent, subito laxatis funibus inijceretur.* Hanc Machinam, & Ciconiam, & Gruem ab alijs nominari, alibi denotauius.

C R

CRATES VIMINEAE, uti & Corbes, in re militari, sunt tectoria quædam munimenta, in Castris circumferri solita, quibus oppugnatores Arcium tegantur in tempore, ab tormentorum ictibus, siue ad sese occultantur, cum propius accedunt ad muros suffodiendos; Sunt autem (ut nomine præferunt) ex vimine contextæ, sicut & Corbes: sed hi simpliciores sunt, formâ concaui, & aggestitia terra repleti. Nostri *Gabbiones* appellant: illæ autem altiores, & planæ sunt, quarum duplex est vsus. Alteræ ad solum, & purum tegimen, sic ante latæ, & hostium impetitionibus obiectæ. Alteræ spissiores, & veluti in fasces redactæ, ad fossas opplendas referuatæ, ut per eas mixto aggere, quasi per pontem transirent. Quas quidem longe diuersas, ac leuioris operæ, ab his, quæ in obsidione pro tegmine, & quasi stabili aggere, designantur in terra, notat fuisse Lipsius in Poliorceticis, nam istæ & tecto, & lateribus hincinde confirmantur, ad hoc ut tormentorum ictus impunè recipiant, & frangant, nec de facili deiici, aut in totum dissipari queant: illæ verò ex simplici vimine

minè texuntur, & cauæ; vt excipere, & continere possint aggestitiam terram, & cum opus fuerit, plures, & plures in fossam deijcere ad illam opplendam. Vtratumque formam habes apud Lipsium, & elegantius exaratam ab Fritach, alijsque recentioribus Architecturæ militaris Scriptoribus. Sed

- 127 CRATICII PARIETES in Architectura ciuili, dicuntur illi, qui in Cratis modum eriguntur, transversisque asserulis, & cannis cum calce, & tumultuatio iniectis cæmentis struuntur: quos profectò impensè improbat, ac detestatur Vitruu. lib. 2. cap. 8. iniquens: *Velim non inuenti essent: & dicti rationem reddens, subdit: Quantum enim celeritati, & loci laxamento profunt, tantò maiori, & communi sunt calamitati, quod ad incendia, uti faces, sunt parati.* Et meritò quidem, nam parietes facti sunt, vt perpetuò totam desuper impositam molem in se recipiant, ac sustentent; adeoque & crassitudine, & soliditate firmissimi, & perpetui esse debent, proindeque nulli calamitati obnoxij.

- 128 CREPIDO aliter accipitur à Geographis, aliter ab Architectis. Illi enim pro crepidine, intelligunt aliquam terræ continentis oram, quæ mari alluitur, inde forte denominatam, quòd vndæ illuc alisæ crepitant, & attollunt cum sonitu fluctus. Ex quo habes, quod non omnis vtrumque terræ pars, quæ mari alluitur, Crepido dicenda est, sed solùm quæ in mare prolabitur, & super illud insurgit; qualia sunt promontoria, & rupes abruptæ, à quibus hic fluctuum collisorum crepitus prouenit, vnde est illud Poëtæ 10. Aeneid.

Fortè ratis celsi coniuncta crepidine saxi

Expositis stabat scalis.


Ad quem locum, Cerda: *Crepido, inquit, nil aliud est, quam abrupti scopuli, & depexæ rupes.* Architecti autem, sumpta similitudine, Crepidines in plurali, nominant nexus angulares, & proieccturas Coronæ in ædificijs, quæ in angulum coeunt, eoque, aliquo modo præruptis rupibus assimilantur. Sicque in utroque sensu verbum, accepit Vitruu. Primò, cum de portubus agit, atque structuris ponendis in aqua, lib. 5. cap. 12. vbi, ad obsistendum impetuossæ fluctuum reciprocationi, hoc remedium ponit. *Sin autem, inquit, propter fluctus, aut impetus aperti pelagi destinata arca non potuerint contineri, tunc ab ipsa terra, seu crepidine puluinus quam firmissimè statuatur.* De illis verò, quarum secundo loco mentionem fecimus, loquitur lib. 3. cap. 8. agens de proieccturis spirarum in intercolumnijs, quarum nomine intelligit margines omnes omnium partium, quæ ad iute-

integrandam columnæ basim concurrunt) ac propterea Crepidines in plurali, appellauit, quod omnes eodem modo, & vno ductu concurrunt, ac terminantur in angulum. Item lib. 4. cap. 6. loquens de Antepagmentorum conformatione: *Dextra, ac sinistra*, ait, *proiectura sic sunt faciendæ, uti crepidines excurrant, & in vngue ipsa cymatia coniungantur*. Contendunt autem Barbarus, & Baldus in ipsa earum partium, quas crepidines dixit Vitruuius, explicatione. Nam ille vult, esse ornamenta quædam, quæ circum ostia apponuntur, scilicet parua membra transuersa, quæ per directum in antepagmenti currentia dispiciuntur. Baldus autem adauert dicit, non hunc vtique fuisse Vitruuij sensum, nam reuera non sunt Crepidines in Architectura simpliciter parua membra, sed absolute, & collectim quidquid in Corona, antepagmentisque aliquatenus prominet, & in angulum venit, promiscue, & indifferenter Vitruuius Crepido est; & quia multæ res sunt, quæ ad hoc confluunt, ideo in plurali Crepidines appellauit, & addidit speciatim, quod in vngue ipsa cymatia debent coniungi. Pro vngue autem, punctum communis concursus intelligit, hoc est angulum, quod nostrates Materiarij *spigulum* vocant. Hæc Baldus. Sed, etsi ambo in explicando discrepant, in re tamen conueniunt, & idem dicunt: vt in facto videre, est in huiusmodi proiecturis, quas vterque in suis Commentis delineatas exponit, & vulgari nostrum appellatione *Currentes* nominant.

CRYPTAE, in Architectura, subterraneæ cauitates sunt, siue à Natura factæ, vti Cauernæ, & specus, in montium radicibus extantes, siue arte, in ædificijs subtus positæ, & seriatim concameratæ. De his Vitruuius monet lib. 6. cap. 8. vt in apto loco, & ad rem cui inferuire debent, idoneo, constituantur; commoditatis gratia magis, quam ad necessitatem, & complementum operis: in ijs enim, seorsim ab aliorum conspectu, asseruantur victualia, vtputa vina, frumenta, fruges & fructus, quæ inibi, ob soli frigiditatem felicius durant; de quibus satis dictum in *V. Catogenum*. Nos vulgò, paulò detorto vocabulo, *Gruttas* vocamus. Sed & altiores, ac spendidiores ab Antiquis ad delicias, & maiestatem operis erigebantur; in quibus, ætare, moras trahebant, ad nimium æstum vitandum; & proprio nomine vtrumque significante, *Crypto-porticus* audiebant, de quibus sæpè Plinius Iunior, & Sidonius Appollinaris in suis Epistolis, & nos ex occasione citato loco differuimus. At aliæ sunt

CRYPTAE, quas vocant *cacas* in Architectura militari, (nos vulgò *Casematæ*) quia occultæ, & fornicatæ sunt atque ad latera propugnaculorum sub terreo aggere muris adiecto substruuntur, ad

milites & equites glanculū detinendos, vt in promptu sint ad repentinos incurſus, & adornandas in hoſtilem campum ſubitas irruptiones. De quibus vide iam dicta in V. *Arx*. Earum ſitum & formam damus in adiecto ſchemate erecti propugnaculi.



CT

- 130** CTESIBIA MACHINA, per excellentiam ab eius inuentore, Ctesibio denominata, quæ ad attollendam in omnem altitudinem aquam apprimè inferuit. Eam eleganter describit Vitruuius lib. 10. integro cap. 12. Sed ad hunc effectum præcisè, non multum commendat, præferens ei Rotam, quæ in maiorem altitudinem, & in maiori copia, attollere nata est aquam: laudat potiùs, & exponit subinde varios vsus ad quos posterior ætas, paucis adiectis, adhibuit, nempe ad motum icuncularum, ad sonos edendos, ad auicularum cantus imitandos, &c. quæ non sunt ad necessitatem, sed ad deliciarum voluptatem, inquit Vitruu. Cuiusmodi videre est passim, non sine magno aduentantium exterorum stupore ac iucunditate, in Romanis, Tusculanis, ac Tiburtinis Villis: in quibus assatim omnia hæc aurium, & oculorum blandimenta conspiciuntur.

CV

- 131** CVBVS generaliter audit corpus omni ex parte quadrum, proindeque octo angulos rectos admittens, & constans sex planis equiangulis, & æquilateris; Consideraturque in Geometria vt vnum è quinque corporibus regularibus celeberrimis à Platone detectis. De quo abunde diximus in V. *Corpora Regularia*, sed & CVBVS in Arithmeticis attenditur in numeris paribus quaquauerum assumptis, & in se ductis, ad similitudinem Cubi Geometrici. Hinc est, vt etiam in Architectura, ad dimetiendas latitudines superfi-

superficierum, ex Pythagoricis Vitruuius constituerit Cubum CCXVI. partium, in præfat. ad Lib. 5. Namque Cubus, ait, est corpus sex lateribus equali latitudine planitierum per quadratum. Is cum est iactus, quam in partem incubuit, dum est intactus, immotam habet stabilitatem; vbi sunt etiam tessera, quas in alueolo ludentes iaciunt. Atqui numerus senarius in se multiplicatus efficit superficiem quadratam cubi part. XXVI. Rursus, si eam per senarium multiplicaueris, exurgit Cubus CCXVI. Quod ideo addit idem Vitruu. quod Pythagoræ placuit Cubicis rationibus præcepta in voluminibus scribere. Plura in hanc rem, vide quæ dicenda sunt in Numeris Pronicis.

CVLMEn in Architectura generaliter sonat summam ædificij 133 partem, siue tectum, à culmis seu paleis ex messe collectis, derivato vocabulo: eoquod Veteres (vt obseruat Seruius in Virgilij Eclagam 1.) ex his sibi tectum formabant. Sed præstius adhuc ab structoribus accipitur pro columine, hoc est, pro primaria illa trabe, quæ totani contignationem in se recipit, & cui reliquæ trabes, & asseres incumbunt: vti diximus in V. *Columen*.

CVLTELLI LIGNEI ab Architectis in re ædificatoria nuncupantur spatulæ, seu, vt nominare placet Philandro, Verucula è ligno facta, ad similitudinem culcelli ferrei, quibus in extruendis cameris vtuntur ad tomicas configendos ad opus, quo solidetur, & perenniùs duret. *Spatellas* vulgariter appellamus. 134

AD CVLTRVM, seu in *Culdro* aliquid collocare, eisdem Architectis perinde est, ac illud ad perpendiculum constituere. Qui modus loquendi, etiam apud nos passim, & indifferenter vsurpatur cum aliquid dicimus positum à *taglio di Cortello*. Inde in structuris ad cultrum poni præcipiuntur laterculi, qui in craticijs parietibus gypso, & glutino calci admixto, simul in seriem coaptantur: sumpta similitudine à cultrorum applicatione ad opus aliquod scindendum in plano collocatum; acies quippe ad planum insistit, costa sursum, elata, itaut lamina sit horizonti perpendicularis. Porro quod ait Vitruu. lib. 10. cap. 10. vbi de rotis agit ad molendinum idoneis, quod tympanum videlicet ad perpendiculum collocatum in cultrum, versatur cum rota pariter: & Cap. 14. Ad capsum rheda loculamentum figatur habens tympanum versatile in culdro collocatum, intellige de rotis illis, ac tympanis, quæ asseres habent in orbem dispositos, quod omnes ad cultrum, & perpendiculares ad centrum sunt. Cæterum Nostrates ea conuenientius *Scuta* appellant; eoquo ipsa sui dispositi- 135

spōitione, scuta militaria imitentur, quibus concessi milites ad pugnandum accedunt.

136 CVNEVS in Geometria, est figura triangularis in angulum sub-
tensum basi, quæ (cōtrā reliquarum figurarum naturam in vertice
est, subtenditur) acutissimum desinit, aliter dicta *conus*, de quo, suo
loco. Hinc ob formæ similitudinem,

137 CVNEVS in Mechanicis est satis vulgare, & simplex instrumen-
tum ad findenda, facili iure, ligna & lapides, excogitatum, quod
sui vilitate vix memoratu dignū, & inter mechanica organa compu-
tandum videtur. Attamen ab Aristotele, Archimede, Pappo, &
alijs primæ notæ scriptoribus, inter primarias & fundamentales mo-
trices potentias, cum dignitate, & laude adnumeratur; eoquod in-
credibiles vires in corporibus solidis diuellendis, obtinet: ut quæ
plurimum hominum conatus, adhibitis etiam alijs instrumentis, di-
scindere, aut loco dimouere haud queunt, simplici cunei applicatio-
ne, sola validi ictus impressione, ad leuē rimam in scindendo cor-
pore factam, hoc dissiliat in duas partes, aut loco detrusum, ad opus
perquam facile adhibeatur. Id autem quæ ratione fiat, non est no-
strum hic discutere, ne nimis ab scriptionis ordine digrediamur.
Videatur Aristot. in Mechan. qu. 17. Pappus lib. 8. Collect. Ma-
them. & qui clauum nodo fixit, Guidobaldus è Marchionibus Montis.

138 CVNEVS insuper in militari acie audit bellatorum agmen in cu-
nei formam dispositum, atque ita confertim in hostes iruens. Un-
de Veget. lib. 3. cap. 19. *Cuneus*, inquit, dicitur multitudo pedi-
tum, quæ iuncta acie, primò angustior deinde latior procedit, & aduer-
sariorum ordines rumpit, quia à pluribus in vnum locum tela mittuntur.
Aliam nominis rationem comminiscitur Isidorus lib. 9. cap. 3. Pro-
pter quod, ait, in vnum coit; & ipsa coitio vnum, Cuneus nominatus
est, quasi COVNVS eoquod in vnum omnes coguntur. Sed militari, &
fatis vulgari nomine, Agmen eiusmodi ordinatum, Caput Porcinum
dicitur, ut suo loco adnotauimus.

139 CVNETTA in Architectura militari dicitur fossula adhuc profun-
dior intra fossam maiorem, quæ munimenta ambit, sinuoso ductu in
medio exanata, quæ semper aquis plena esse debet, siue maior, &
ipsa aqua oppleta sit, siue sicca. Hæc nouiter excogitata est à Gal-
lis ingeniarijs, & suis munitionibus addita ad præpediendum hosti
accessum ad mœnia, ut si forte Operum exteriorum potitus, ad fossam
properet, eamque transmeare intenter, in hanc impingat, & aut
mergatur, si nescius, & improuidus ad illam accedat, aut saltem
disti-

distineatur, quoadusque occurrentes prædij, eum aquis implici-
tum, & confusum loco deturbent. Verum hoc ipso capite, non tam
aggressoribus, quam obsessis incommoda esse potest, vt notat acu-
tissimè Dogen, & exemplis confirmat. Sed enim huic malo pluri-
bus modis ab obsessis, quibus notus est fossilæ situs, excursus, &
altitudo occutti potest, quos suppeditat ipse Dogen, & in dies sub-
ministrat experientia rerum magistra.

CVNICVLVS, inquit Festus, est Foramen sub terra occultum, aut
ab animali quod Lepori simile est, appellatum, quod subterfossa terra
latere est solitum; aut à cuneorum similitudine, qui omnem materiam
intrant, findentes. A militaribus Architectis ad vsum bellicum as-
sumptus, frequentissimus est, & maximè commodus; quippe in-
oppugnandis, & expugnandis arcibus nulla melior ac tutior via,
siue ad aggressores per occultos meatus, absque periculo vsque ad
muros ducendos, siue ad hos subruendos, inmisso subitus puluere,
tormentario ad tempus incendiando; quo angustiarum impaciente,
& foras exire cum impetu conitante, terra concutitur, & quod de-
super extructum est, desilit & comminuitur, lacrimabili semper
euentu. Narrat Curtius lib. 5. Alexandrum Gazam obsidentem,
nulla vnquam ratione ea potiri potuisse, donec effosso cuniculo mu-
rum deiecit, & per eius ruinas ascendens, urbem victor intrauit.
Sed ad hæc, aliaque id genus opera intercipienda, aut frustranda,
variarum artes, & viz, tum à veteribus, tum maximè à nostris Ingenia-
rijs sunt excogitata. Præ cæteris magni momenti est, si obsessi tra-
mitem, per quem hostis cuniculos effodit, stratagemmatibus noscant,
& irritos faciant, cum aliàs, neque tempus, neque locus indicare,
sit aptus, quò ille per cuniculum tendat, ac tandem sit emerfurus.
Ad quam rem perpulchrum affert exemplum Vitruuius lib. 10. cap.
vlt. de Apollonia nobili Macedoniæ Vrbe acriter ab hoste obsessa,
& hoc ingenio ab tali peste liberata. Quod, etsi longiusculè referatur,
quia tamen memoratu dignum, & in documentum æternum venire
potest, ipsissimis Vitruuij verbis, hic exponere non grauabor. At igitur:
Apollonia quoque, cum circumfunderetur, & specus hostes fodiendo,
eogitarent sine suspitione intrâ mania penetrare: id autem cum à specula-
toribus esset Apolloniatis renunciatum; perturbati nuncio propter timo-
rem, consilijs indigentes animis, deficiebant, quod neque tempus, neque cer-
tum locum scire poterant, quò emersum facturi fuissent hostes. Tum verò
Trypho Alexandrinus, qui ibi fuerat Architectus, intrâ murum dumtaxat citrà
designauit, & fodiendo terram, progrediebatur extrâ murum dumtaxat citrà
sagitta emissionem, & in omnibus vasa aenea suspendis. Ex his in ma-

140

141

fossura, qua contrà hostium specus fuerat, vasa pendentia ad plagas fer-
ramentorum sonare ceperunt. Ità ex eo intellectum est, qua regione ad-
uersarij specus agentes, intrà penetrare cogitabant. Hucusque Vitruu.
de antiquorum arte ad cauos hostium cuniculos deprehendendos.
Sed longe tutior, ac felicior, quam tenere Germani, superiori sæculo
in, obsidione Viennæ in Austria à Solimano Turcarum Impera-
tore, totis conatibus nequicquid ad finem deditionis adducta. Rem
narrat Iouius in Histor. lib. 28. quam paucis expediam. Ergò cum
Tyrannus inspiceret, incassum abire tot machinas exteriores adhibi-
tas, cogitauit cuniculis vei ad murorum deiectionem. Quod vt in-
tellexere Imperiales, pelues aquis plenas, ac tympana militaria,
pisis impositis, statim in locis, ac sparsim collocauerunt in campo,
solerti sanè consilio. Nam, vbi fossores sub terra latentes opus stre-
nuè prosequerantur, factum est, vt ad terræ concussæ tremittum,
aqua crisparetur in peluib, & pisa subsilirent, in tympanis; quod
indicio fuit, inibi aduersarios cuniculos agere: ex quo, apertis hinc
inde euaporarijs, flammæ locus daretur ad exhalationem. Sed quid
præsidij, quid effugij ad euitandos, vel frustrandos cuniculos, aut
in mari actos, aut in nauibus importatos? Sanè experta est nostra
ætas, in celebri illa Antuerpiensium obsidione, ab Alexandro Farnesio
fortiter intentata, ac feliciter absoluta, quid possit in extremis
casibus suggerere desperatio, quid inuicta constantia superare.
Namque hinc ad destruendum pontem cuniculi de longe nauigijs
adducti, illinc prodito non sine clade effectui, ijs ingenio, solertia,
dissimulantia, & infracto animo ita occursum, vt tandem frustratus,
aut delusus hostis, ad deditionem properauerit. Rem memoria
æterna dignam describit elegantissimè Famianus, Strada, Decade 2.
de bello belg. lib. 6. Ad quem, ne longus sim, Lectorum curiosum
remitto.

CY

142

CYMATIVM græcum vocabulum, latinè verti potest *Vndula*; par-
uum quoddam membrum, & ornamentum in Epistylijs, aut in
Capitulis columnarum conspicuum, ad vndæ similitudinem. Id
perantiquum est, & apprime faciens ad operis maiestatem, de quo
sæpe Vitruuius, nunc, *vndam*, nunc *simam*, nunc *Cymacium* appel-
lans, præsertim lib. 4. cap. 6. est enim summum complementum
operis, quod Coronæ super imponitur modicè prominens, & Coro-
næ se iungens leni flexu ad S. siuè directæ, siuè inuersæ, figuram pro-
cedens. Et quidem duplex Cymatium agnoscit Vitruuius, *Dori-
cum*, & *Lesbium*; primum quod adhibetur in Operibus Doricis, &
& est simplex & planum, liberè excurrens, & grauitatem Doricam

ser-

seruans : at secundum à Lesbò dictum , quia ibi primò inuentum ; non explicat , sed tantum dicit , quod in summa crepidine *scalpendum est Cymatium Doricum* , infra coronam , *Lesbium* . Philander explicat , quod hoc sit variè sculptum , & figuris ornatum , illud verò simplex ac teres . Sed Barbarus id non probat , eoquod non sculptura , quæ accidentaliter aduenit , sed forma est , quæ vnum ab altero contrasignat . Putat igitur , Cymatium Doricum esse , quod nos *gulam rectam* dicimus ad S, erectæ non figuram terminans ; *Lesbium* autem , quod iacet supinum ad eiusdem litteræ formam , sed inuersam , ideoque à nobis *gulam versam* dictum . Vtrumque in Operibus Doricis , Ionicis , & Corinthiis locum habet , at solum Doricum , hoc est simplex , admittitur in Tuscanico . Palladius expressiore vocabulo apud vulgus , Cymatium *Intauiolaturam* , nominat , eoquod in opere speciem quandam tabulati foras aliquantulum prominentis refert .

lib 4 e 8.

CYMBALVM vocale instrumentum est , vulgò notum , quodque iugiter puellarum , & Saltantium manibus teritur . Formam habet tympani dimidiati ex ærula in orbem actà , & membranà in inferiori parte fortiter tensa ; atque ad sonitus obtusitatem temperandam , circum bracteis æreis , & paruis tintinabulis resonantibus constitutis . Hoc in choris , & cantionibus , leniter ad numeros , digitorum extremitatibus tunditur , & mirum est , quam bellè ad saltationem , & cantum accommodetur . Hæc ad instrumentum sonorum . Sed qua ratione Vitruuius Cymbalorum nomen transferat ad retinacula quædam extantia in vna ex Hydraulicis , quas describit lib. 10. cap. 13. quæ conceptum spiritum in modiolis continent , obstruendo eorum foramina , planè ignoro . Ait enim : *Delphini , qui sunt in verticulis inclusi chalantes in os , Cymbala replent spatia modiorum* , atque ancones extollescentes fundos intrà modiolos vehementi pulsus crebritate , & obturantes foramina Cymbalis superiora , æra qui est ibi clausus , pressioibus coactus in fistulas cogunt . Sed nec , quid sibi velit in eam subtili (quod nusquam aliàs fecit) machinæ huius descriptione , intellexit perspicacissimus eius Commentator Daniel Barbarus , ut fateatur ingenuè , adeò obscurus est : & obscuritatem ipsemet Vitruv. agnoscens , excusare nititur , asserens , quod *Hæc non est facilis ratio , neque omnibus expedita ad intelligendum* . At profectò melius egisset silendo , quando eiusmodi organa , aut nusquam , nisi in mente artificis extitere ; aut , si quando visa sunt , ad posteros non emanarunt . Cæterum Strabo lib. 15. clarius indicat , Instrumentum , hoc aliàs ludicrum , atque ad pacis otia factum , apud Indos classi-

143

144

cum

cum canere, & ad prælia incitare; cui concordat Arrianus, qui tradit Nizos Indiz populos, usque ad aduentum Alexandri ad ea loca, cum Cymbalis, tympanisque in pugnam ire solitos. Sed barbaris, & imbellibus gentibus id dari potest, qui pecudum more ad bellum ibant, non armis instructi, non tubis, sed incondito clamore ac sonitu sese incitabant ad manus cum hoste conferendas. Vt sit, certè Cymbalum, siue in bellis, siue in pacis oblectamentis tangere, non est omnium, sed eorum tantum, qui probe sciant ad numeros, vocis flexibilitatem, saltandique alternantes modulos digitorum motus accommodare: hoc est qui Arithmetice, Musices, Geometrix, aliarumque idgenus Matheseon facultatum aliquam habeant cognitionem.

* *





DA



DATA, apud Geometras, (vsurpato iam sibi solem-
ni; atque ad suum intentum explicandum, electo
vnice hoc vocabulo) denotant, ac peculiariter si-
gnant indubitata quædam axiomata, & assumpta,
quæ aliàs per se nota, non indigent vltiori proba-
tione, vt communiter admittantur. Ex quibus po-
stea vltro admissis, deuenitur ad probationem aliorum terminorum,
quibus construuntur Theoremata, & Problemata, per quæ procedit
rerum demonstratio, quæ proponuntur: proindeque hæc principia,
quibus innititur demonstratio facienda, *Data* antonomastice appel-
lantur. Extat de his elenchus, & integer libellus Euclidis sub no-
mine Datorum, inscriptus, atque ad calcem elementorum in Londi-
nensi editione nuper adiectus; vbi XCV. Propositiones eiusmodi
censet, atque ad earum intelligentiam, XII. definitiones, velut pri-
ma fundamenta præiactat, quibus admissis, demonstrationes faci-
le conficiuntur. Has ego hic exscribere non grauabor, præsertim,
cum libellus non ita obuius sit. Sunt autem.

Prima Definitio. Data magnitudine, dicantur spatia, lineæ, an-
guli, quibus æqualia possumus inuenire.

II. Ratio dari dicitur, cui possumus eandem inuenire.

III. Rectilineæ figuræ specie dari dicuntur, quarum & singuli an-
guli dati sunt, & laterum rationes adinuicem datæ sunt.

¶ Hinc datæ sunt specie figuræ, quibus similes inueniri possunt.

IV. Positione dari dicuntur puncta, lineæ, angulique, quæ eun-
dem situm semper obtinent.

V. Circulus magnitudine dari dicitur, cuius ea, quæ ex centro
datur, magnitudine.

VI. Positione, & magnitudine dari dicitur circulus, cuius datur
centrum positione, & ea quæ ex centro, est magnitudine.

VII. Circuli segmenta magnitudine dari dicuntur, in quibus
dati

dati sunt magnitudine anguli, & segmentorum bases.

VIII. Positione, & magnitudine dari dicuntur circuli, segmenta, quibus anguli magnitudine dati sunt, & segmentorum bases positione, & magnitudine.

IX. Magnitudo magnitudine maior est data, quando ablata data, reliqua eidem æqualis est.

X. Magnitudo magnitudine minor est data, quando adiuncta data, tota eidem æqualis est.

XI. Magnitudo magnitudine maior est data, quam in ratione, quando ablata data, reliqua ad eandem habet rationem datam.

XII. Magnitudo magnitudine minor est data, quam in ratione, quando adiuncta data, tota ad eandem rationem habet datam.

Harum autem veritatum demonstrationem, quam 95. ut dixi, Theorematibus complectitur Euclides, ac Datorum totam doctrinam, breuiter tradit Pappus in Collect. Mathem. lib. 7.

2. Nam primò, inquit, Euclides ea considerat in magnitudinibus vniuersè, quod facit per diagrammata *XXIII*. Inde procedit ad rectilinea proportionalia sine positione: id quod facit diagramm. *XXIV*. Quæ hoc sequuntur, versantur circa rectilinea, positione data. Post transit ad triangula data sine positione: & rem absoluit diagrammatis decem. In sex sequentibus agit de parallelogrammis, & applicationibus spaciorum specie datorum. Eorum item quæ deinceps sequuntur, quinque; Primum est in lineis, reliqua verò quatuor in spatijs triangulorum; eoquod differentia quadratorum laterum ad ipsa triangulorum spatia, proportionem datam habent. Quæ sequuntur usque ad *LXXIII*. versantur in duobus parallelogrammis; quod ob positiones in angulis, proportionem inter se habent datam. Insequentibus verò, sex usque ad *LXXIX*. duo quidem sunt in triangulis, quatuor in pluribus, rectis lineis proportionalibus. Rursus alia tria sequentia, sunt super rectis lineis proportionalibus, quæ datum spatium continent. Tandem in reliquis quæ supersunt, usque ad *XCV*. Ostenduntur quæ sunt in Circulis, vel magnitudine tantum datis, vel etiam positione: idque medijs lineis per datum punctum ductis. Et hæc est Summa, & ordo Datorum Euclidis, quam in Epilogum redegit, & explicuit Pappus loco citato.

DE


3. DECANI olim in militia dicebantur, qui singulis Contubernijs disciplina, & autoritate præessent, & in Cohortibus primi incederent: itaut vnaquæque cohors ex quindecim Centurijs conflaretur; singulæ autem Centuriæ decem contubernia numerarent, complementia decem militum capita; & sicut Centurijs præfecti, Centuriones appellabantur, quod centum militibus imperarent; ita Contu-

bernijs, quorum singula decem milites admittebant, Decuriones dicti sunt, quibus eorum regimen committebatur: ut habet Vegetius lib. 2. cap. 8. Ex quo liquet, quod Centuriæ ex decem contubernijs, seu decurijs coalescebant, & singulæ Decuriæ decem militibus: & insuper in Centurijs, vltra suum Centurionem, alij decem milites computabantur supranumerarij ad centum, qui suas Decurias regerent, ob idque Decani appellati. Porro sicut inter Pedites, Decuriarum capita, Decani simpliciter audiebant, ita inter Equites, ad distinctionem, qui vni Turmæ præerat, peculiari nomine dicebatur Decurio. *Ut enim centum pedites* (notat Veget. lib. eod. cap. 14.) *ab uno Centurione sub uno vexillo gubernantur, similiter trigintaduo Equites (tot enim turmam constituiebant) ab uno Decurione sub uno vexillo reguntur.* Quod ideo, inde exortum nomen Decurionis putat Varro lib. 4. de Lingua lat. eo quod ternis decurijs Equitum præfideret. *Decuriones, inquit, dicti, qui ab eo in singulis numeris sunt etiam terni, quos hi primò administratos ipsi sibi adoptabant.* Hinc pariter

DECVRIONES etiam ab Astronomis dicti sunt Planetæ singulis decem partibus signorum præfidentes: quos alij Decanos simpliciter appellant, ut alibi adnotauimus.

DECRETORII DIES, vocabulo apud vulgus magis expressiuo (quos aliàs *Criticos* appellant Medici:) qui nimirum in morborum decursu indicant, aut dijudicant de qualitate, ac diuturnitate eorum, incremento, vel decremento, & fine. Videmus enim in his diebus, qui sunt septimus, quartus-decimus, vigesimus-primus, & vigesimus-octauus à primo, in quo initium habuit ægrotudo; magnas, & manifestas alterationes fieri in ægro, siue in bonum, & ad salutem, siue in malum, & ad exitium: Item in alijs diebus intermedijs fieri aliquam mutationem, sed non adeò validam, & apparentem: ex quibus manifestè liquet, esse aliquem rithmum in cursu morbi, quo accidentia sibi respondent, & vnum habet connexionem, & motionem ab alio. Quod ideo ea obseruans prudens medicus, & causam expendens, elicit prognosticum, & sæpè non fallax, de futura conditione morbi, & qualem finem habiturus sit, & ad ea se præparat, ut medicamentis coadiuuet, vel occurrat. Huius periodi semper eodem recurso procedentis ratio, vti experientia constat & apud omnes in confesso est, ita origo satis obscura est, & adhuc latet in Maiestate Naturæ. Galenus, qui hoc negotium primus exorsus est, & insigne volumen edidit de *Diebus Decretorijs* inscri-

ptum, lib. 3. Cælo acceptum refert. Sic enim loquitur. Porro *Causas horum nobis indagantibus, duo primò omnium quæ sunt primordia, esse statuenda videntur: inordinatum videlicet, quod ex hac mundi materie proficiscitur; ordine verò ornatuque procedens, quod cælestibus originem fert acceptam.* Et cum recursus septimo quoque die fiat; tum ipse, tum ante ipsum, Medicorum Princeps Hippocrates, quos sequitur vniuersa Medicorum Schola, concludunt, id ex Lunæ potissimum motu, ad suos hostiles radios impingentis, deriuare. Sed obseruandum, ut suprà tetigi, quod alij intermedij dies sunt, in quibus non quidem fit mutatio, sed aliqua futuræ mutationis elucet præordinatio; quos ideo Indicatio nominat Hippocrates; ac de ijs accuratam obseruationem haberi vult; indeque deduci futuræ crisis iudicium. Sunt autem hi, Quartus ab initio morbi; Vndecimus, Decimus octauus, & Viceſimus quintus; quos, malè non dixeris, respondere ad Lunæ peragrationem ad suos benignos aspectus, nempe Sextiles, & Trinos, vtique duplicatos; vt primi ad hostiles respondent, Quadratos, Oppositionem, & recursum ad idem punctum, in quo fuit initio morbi. Præterea Ptolemæus ex Astronomis, (vel quicumque tandem fuerit author Centiloquij, quod Ptolemæi nomine circumfertur) qui exactius cælestium motuum rationes obseruauit, & qualitates aspectuum; alios item dies non vacuos significatione, adeoque non prætermittendos esse pronunciat, in iudicij efformatione, in quibus Luna permeat ad minores suos aspectus, in quibus necesse est aliquid simile, licet leuius, operari. Ait enim, propos. 60. *Super agrotis, Criticos dies inspicere, ac Lunæ peragrationem in angulis figura sexdecim laterum. Vbi enim eos angulos benè affectos inueneris, benè erit languenti; contrà, malè, si afflictos inueneris.*

 Quid autem intelligat per hanc *Figuram sexdecim laterum*, diu Medicorum, Astrologorumque torsit ingenia, & nemo, me iudice, huc vsque, rem assequutus est. Nos alibi (reiectis Pontani, aliorumque explicationibus) diximus Lunæ peragrationem in Figura sexdecim laterum, aliud non esse, quam eius processum per omnes partes Zodiaci, in integra circulatione, quæ totum peragrat, & redit ad locum, vbi antea fuit, initio morbi: ad eas inquam partes, ad quas locus radicalis aliquem aspectum habet, Et cum sexdecim omnino sint differentia, & variationes aspectuum, respondentes ad consonantias, & dissonantias rerum, ut ex Musica ratione, collegit acutè Keplerus, & probauere alij recentiores; ideo iure hos omnes angulos, in quibus hos aspectus fieri contingit, considerandos esse in morbi cursu, præcipit Centiloquij author, ut rectum prognosticum efformetur. Id quod in aliquibus manifestioribus, & communiter ad-

mis-

missis, faciunt Medici, sed non in omnibus, vtpote adhuc controuersis, & sibi ignotis. Præstat igitur ad praxim, figuram hanc exponere, vt ex ea quiuis eliciat, quinam isti sint, & ad quam distantiam projiciantur. Itaque electo ad libitum puncto Zodiaci, in quo esse concipiatur Luna cum primùm quis ægrotare cœpit, idque sit v. g. gradus 21. Piscium, sic procedamus, ad indagandos huiusmodi angulos, & constituenda spatia laterum totius peragrætionis.

Primus occurrit Semiquadratus, qui participat de quadrato, & sit in distantia ab loco radicali grad. 45. proindeque incidens in grad. 6. Tauri.

II. Est Sextilis omnibus notus, in distantia graduum 60. atque adeo angularitèr incidens in gr. 21. eiusdem signi Tauri.

III. Quintilis per quintam partem distans, hoc est, in spatio grad. 72. faciens angulum in grad. 3. Geminorum.

IV. Quadratus aspectus hostilis, inducens primam crism, quando Luna peruenit ad grad. 21. Geminorum in distantia grad. 90.

V. Trinus radius benignus omnibus notus, & manifestus, qui facit manifestam indicationem, inciditque in grad. 21. Cancræ, in distant. grad. 120.

VI. Sesquiquadratus complectens quadratum cum dimidio, vnde est hostilis, & participat de quadrato & oppositione, qui incidit in gr. 6. Leonis in distat. gr. 135.

VII. Biquintilis hoc est duplicatus Quintilis, natura sua benignus, incidens in gr. 15. Leonis, in distantia grad. 144.

VIII. Oppositio hostilis, adducens euidentem Crism incidens in gr. 21. Virginis, in distantia semicirculi, & grad. 180. Inde ad regressum ad locum radicalem, primò occurrit.

IX. Alter Biquintilis à dextris in grad. 26. Libræ, in distantia grad. 36. ab loco opposito, & itidem 144. in altero semicirculo, ab loco radicali.

X. Alter Sesquiquadratus ac dexter, in grad. 6. Scorpionis, semiquadrato distans ab oppositione, & grad. 135. à loco coniunctionis.

XI. Alter Trinus à dextris proiectus, in grad. 21. Scorpis, in distantia similiter grad. 120. à radice.

XII. Secundus Quadratus, in gr. 21. Sagitarij cadens in distantia grad. 90. à radice.

XIII. Quintilis dexter in grad. 9. Capricorni, in distantia perinde ac Sinister grad. 72. à Radice.

XIV. Sextilis dexter in grad. 21. Capricorni, in distantia gr. 60. à loco radicali.

XV. Alter Semiquadratus à dextris projectus à gr. 6. Aquarij in-
distant. gr. 45. à radice.

XVI. Tandem, & postremum latus, est quod intermediat inter
angulum sesquiquadrati, & punctum radiceis, ad quod Luna redit
post integram peragratiorem Zodiaci, nempe grad. 21. Piscium, spa-
tio circiter 27. dierum.

Atque hæc est Figura Sexdecim laterum peragratiorem Lunæ;
quam memorat Centiloquij author, & monet inspicere angulos inci-
dentæ, qui sunt prænotati, ut ex ijs eliciatur, num male, vel bene
cessurus sit morbus, ex concurrentia in eisdem angulos radiorum,
aliorum Planetarum inficientium, vel confortantium dicta loca, pro
eorum natura, & qualitate benefica, vel hostili. Cuius schema,
ad maiorem intelligentiam hic damus expressum.

Figura XVI:

Laterum



7 Caterum observat hic Titus in lib. De Dieb. Decretor. cap. 12.
in morbis Chronicis, Crises sequi ordinem motus Solis in Zodiaco,
qui

qui fit per decursum integri anni; In acutis motum Lunæ, qui fit in mense: In præacutis, subitarijs, & violentis, vtriusque simul collatorum, motum diurnum circà tellurem. Idque confirmat ex Galeno 2. de Dieb. Decretor. vbi hæc habet. *Morbi tamen ipsi, partim quidem diebus, partim mensibus, partim annis sortiuntur suas indicationes. Ita quod (subijcit idem Titus) in morbis Chronicis, Crises contingant singulis tribus mensibus, in quibus Sol ponitur in quadrato ad suum locum initio morbi. In morbis autem acutis, Crises fiant singulis septem diebus ferè, in quibus ipsa Luna ponitur in locis quadratis (subintellige etiam consequenter Oppositionem) ad suum locum initio morbi. In peracutis tandem Crises fiunt singulis sex horis, & quozidie, in quibus Luminaria ponuntur in radijs quadratis in mundo ad sua loca initio morbi. Quoniam verò id omne iudicium, (vti & quodlibet in quocunque genere) vt maturè, prudenter, fundatè, & non temerè eliciatur, oportet è suo vero principio, & genuino fonte deducere, quod est initium morbi, & momentum superuenientis insultus, & inde cætera auspicari; operæ pretium est, decernere ac definire, quodnam illud sit, quidue intelligi debeat pro initio morbi: vt postea ex consequentibus momentis, veræ crises, & indicationes colligantur, & obseruentur sedulo, ad diiudicandum de ijs, ac totius morbi decursu, proindeque, quem tandem finem sit habiturus. Quare à figura decubitus id auspicandum est, nempe à figura cælesti erecta ad momentum morbi aduenientis, è qua morbi author, qualitas, cursus, circumstantiæ, tanquam effectus in sua Causa præordinati, saltem in genere cognoscantur. Est autem communi appellatione (vt descriptionis ordinem minimè perturbemus)*

DECUBITVS apud Medicæ artis peritos, morbi aduenientis exordium, quo quis, velut lapide iectus prostermitur, & in lecto decumbere necessitatur: vnde & decubitus figura, dicitur Cæleste Thema exhibens Cæli faciem, & constitutionem Luminarium inter se, in Zodiaco, & ad Cardines mundi, cum reliquis Planetis, & fixis concurrentibus ad momentum superuenientis ægritudinis. Sed quodnam illud sit, quodue accipieudum, magnum nobis faceffit negotium, quod, si non dirimamus, proculdubio in tenebris ambulamus, & rectum iudicium efformare non possumus. Nam, cum vtplurimum morbi non toti simul & manifeste instantes adueniant, sed sensim & successiue, itaut aliquando morbi initia vix æger ipse percipiat, at postea magis, ac magis ingrauescens, sese prodit, & facit ægrum impotentem ei ampliùs resistere, & oblectari, cedere tandem, proferri, ac viribus destitutum decumbere; inquiri potest, & contro-

uer-

uersa magna est, Morbi initium Verum dicendum sit illud, in quo clanculum, & insidiosè subintrat; an in quo furiosè agit, & palam se manifestat. Vulgus Medicorum id curiosius non inquirunt, sed tantum interrogant ægrum de die in quo se malè habuerit, & ab eo die computant per septenarium crises venturas, & inde auspicantur curationem.


- 9 Verum hoc negotium non oscitanter tractandum est, nam cum morbus, ut dictum est, ferè sensim adueniat, & eius initium æger ipse, præsertim, cum sibi benè fidit, ignoret; non potest ab eo certum quid accipi, neque in re, quæ in successione manet, in aliquo momento silti, in quo erigatur figura constitutionis Cælestis, atque adeo in ancipiti semper hæremus, & in iudicio falli possumus. Quare iure in loco diximus, initium morbi, & momentum Decubitus illud dicendum, ac statuendum, in quo æger verè decumbit, hoc est non in quo malè habere cæpit, sed in morbi vi iactatus prosternitur, stare non potest, ac aut decumbit, aut decumbere petit. Quippe si res benè attendantur, ad eundem diem ac punctum respondent, & recurrunt Crises, & non ad primam, & obscuram subintrationem morbi. Id quod Hippocratis, Galeni, celebriorumque tùm Medicorum, tùm Astrologorum experientia, & autoritate comprobatur. Etenim Hippocrates pluribus in locis, præsertim primo Epidim. cap. 3. asseueranter, & apertè docet. *Indicationes euenientes à primo die, quo febricitauit homo, non ab eo, quo capite doluit, vel huiusmodi quippiam passus est, auspicandas esse, atque accuratè inspicandas.* Et in lib. de ratione victus in morbis acutis, sect. 4. sic habet. *Observare itaque primum diem oportet, quo ager malè habere, & unde, & quando initium morbi manifestè capit: quod sanè præcipuum cognitu æstimatur.* Galenus quoque ubi suprâ, postquam Sophistarum argumenta congescit, ac dissoluit, in hunc modum concludit. *Morbis itaque alijs, in quibus obscura initia sunt, omisiss; contemplabimur quæ clarè apparent, decretorios dies in manifestissimis experiemur; initium morbi tempus illud in vniuersum existimantes, quum agri manifestè incipientes febrire, decubuerint: id quod canatis, & exercitatis, & lotis facillimè subitoque plerisque contingit. In quem sanè modum Hippocrates indicationes ipsas à primo die, quo febricitauit homo, non ab illo quo capite doluit, vel eiusmodi aliud quippiam est passus, accuratè explorauit; quod in principijs huiusmodi experientia dierum decretoriorum sit medicis sita.*

- 10 Ergò ut cardinem hunc sistamus, Dierum criticorum experientia à posteriori nos manuducit, & citrà errorem illuminat ad cognoscendum morbi initium, in quod præcisè momentum inciderit; atque

ab eo demum momento exordiri successioneſ crifum, & auſpicari morbi proſequutionem, & qualitatem. Quippe cum ij maniſeſti ſiant ex ſuperuenientibus ſymptomatibus, nouiſque acceſſionibus, neceſſariò ad diem, illudque præciſè momentum, quo ſuperiores cauſæ morbum inducentes erant diſpoſitæ, & proximè applicatæ ad agendum, referuntur. *Quandoquidem* (inquit Galenus lib. 1. cap. 2.) *In duodecimo, & in ſextodecimo, nullum unquam indicatum vidi.* Vtique ex eo quod nulla tunc, Lunæ (quæ in morbis præſertim acutis, præcipua cauſa, & iudicatrix eſt) familiaritas, ſeu aſpectus ad locum ſuum incipientis morbi, motu ſuo proprio in Zodiaco, quem peragit, intercedit. E contrâ (ſubdit mox Galenus.) *Sed tertius, quartus, quintus, ſextus, ſeptimus, omnes decernunt, ac omnes bi dies poſt morbi principium in præacutis, propter acceſſionum vehementiam decernere videntur.* Et cap. 3. *Quis enim (ad- dit) vel ſeptimum, vel undecimum, vel quartum-decimum, vel alios quosdam ſimiles non dixerit eſſe indiciarios? Nemo opinor; apparent enim omnes (nota benè) tamquam vno ore de ipsis pronuntiare.* Et in fine concludit: *Huiusmodi cognitio ad curationes morborum, & ſolutiones, non leue momentum aſſert: ne videlicet ijs timeamus, qui fidis diebus indicati ſunt, aut tenuem viſum prabeamus; neque perfidis diebus indicatos parum diligenter obſeruemus.*

Conſtat igitur, quod quando morbi initium obſcurum eſt, & in I I
incipiti conſtituti ſumus, alia via non ſuppetit, quàm id auſpicari ab effectu, ex obſervatione inquam ſuccedentium dierum critico- rum, & indicantium, in quibus maniſeſtæ, aut non obſcuræ muta- tiones ſunt, qui proinde connexionem, & reſpondentiam ha- bent ad ſuum principium; Prima igitur mutatio ſit in quarto, cum Luna eſt in ſuo Sextilij; ſed maniſeſtior eſt in ſeptimò, in quo vera- Crifis, & Luna peruenit ad ſuum quadratum, qui ſemper, (vt vide- mus in quadraturis cum Sole) aſſert aliquam alterationem, ac mu- rationem; ſic etiam in oppoſitione, & reliquis aſpectibus, Atque ita ab vna & patientiore, quæ ſit in his diebus, morbi increſcentia, aut releuantia, colligere poſſumus, illum diem, & momentum in- quo accidit, eſſe Decretorium, aut iudicatum; ac factò computo, peruenire ad certam notitiam veri decubitus, & momenti, in quo ſumpſit initium morbus. Quod vel ex eo amplius, philoſophico di- ſcurſu firmari poteſt; quia omnis motus in ſublunaribus, ac ſignatè morbus in animantibus, naturali curſu obueniens, Cælo, & ſuperio- ribus lationibus, vt loquitur Philoſophus, ſuam cauſam acceptam, habet, à quibus viuendum vita potiffimùm diſponitur, & ordina- tur: vnde leuis concuſſio, naturæque modica alteratio leuem, etiam

etiam causæ virtutem, aut applicationem ad agendum arguit; grauis autem, grauem robustamque exitisse causam indicat. Atqui in casu nostro, de leuibus dubijsque accessionum initijs, quæ penè imperceptibilia sunt, eoquod faciliè natura illis obuiet, & resistat, difficile admodum est sumere rectum iudicium, ideoque de ijs parum curamus: bene verò sedulò attendimus mutationes magnas in crissibus, earumque momenta, & circumstantias, quæ comitantur, magno studio & accuratè pensamus.

 Igitur verus decubitus, & ignoratum morbi initium colligendum est ex subsequentibus accessionibus, quæ crissim indicant, & consequenter connexionem, & respondentiam quam habent ad suam primam originem. Quo semel cognito ac statuto, ex constitutione Cælesti illius momenti, videri possunt authores mali, an & quomodo sint bene vel male affecti, quomodo se habeant ad Luminaria, &c. & inde ex subsequentibus peragracionibus Lunæ ad suos radios, qui sint liberi aut obsessi à maleficis, destituti, aut roborati à beneficis, probabiliter coniectari de futuro statu morbi, & sine, quem habere debeat.

I 2 Ad hæc iuuat (vt in alijs rebus, quæ obscuram originem habent faciunt Astronomi omnes) ad præcedentem lunationem respicere, eiusque Planetam dispositorem considerare. Siquidem, cum is educendarum, durante ea lunatione, rerum moderationem sibi arroget, detque proinde illis impulsus, vt in actum exeant, profectò ex certa eiusdem positione ad cardines mundi, maximeque ad Horoscopum, ex quo rerum initia auspicantur, nec non ad Luminaria, quæ primæ, æquiocæ, potentiores, & vniuersaliores sunt causæ mutationum, in Natura insurgentium; colligi non inaniter potest, qualis, & quàm durabilis morbus futurus sit. Similiter præstat in hoc negotio rectè computare periodos deuolutionis Lunæ ad suos radios, vt supra dixi, qui faciunt dies Criticos, vel indicantes; nam, cum id à tarditate, vel velocitate motus Lunæ in Zodiaco pendeat, indicationes, & crisses non rarò anticipant, aut postponunt communes dies, in quibus accidere solent, pro ratione velocitatis, aut tarditatis Lunæ ad contingendos illos angulos, in quibus hæc causat.

Id quod aduertere in lucro fuit. Nam medicorum vulgus in morborum periodis, crasse nimis obseruant dies tantum criticos, pro quibus assumunt septimum, quartum-decimum, vigesimum-primum, & vigesimum-octauum in omni sua latitudine, in quibus fieri crisses supponunt, & multoties errant. Alij aliquantò peritiores obseruant etiam vndecimum, decimum-septimum, vigesimum-quartum, & alios, ex quibus iudicationes desumunt, & rectè quidem: at segnis com-

computati multoties fallunt, vt notauit ipse Galenus eorum primipilus, sub initium lib. 1. de Dieb. Decretorijs, asserens, quod *Ipsæ Crises singulis diebus accidunt, sed neque pares numero, neque aquali fide*, eo quod non rectè supputantur ad rationem accessus Lunæ ad suos radios, in quibus fiunt indicationes, & Crises, quæ ob inæqualem motum Lunæ, aliquando accelerant, aliquando postponunt, nec ex æsse respondent ad æstimatum tempus, & certum diem, vt in manifesto est apud omnes Astronomos, & contemplari cuique liberum erit in Ephemeridibus: vbi Quadraturæ Lunæ ad Solem, nunc die septima, nunc sexta, nunc octaua contingunt, ab vtriusque coitione, prout illa velox aut tarda est motu. Quod ideo vnicè ad tempus veræ incidentiæ in huiusmodi radios, respiciendum est, non crasse standum ad dierum recurrentium numerum.

Interim pro coronide huius grauissimæ, & vtilissimæ quæstionis, **14** non ab re erit, ex Libro de Dieb. Decretor. Titî aliqua mutuari, quæ ad rectum iudicium efformandum, suprà figuram Decubitus, apprimè faciunt. Ea enim maturiùs obseruare solerti Medico, magno adminiculo esse possunt ad curationē feliciter ineundā. Sunt autem.

Primò, In febribus Chronicis incumbendum esse ad subleuandum calorem vitalem, quoniam sequuntur motum Solis. In acutis verò, ad humidum radicale, quia sequuntur motum Lunæ. In peracutis, ad vtrumque; quia sequuntur motum vtriusque Luniaris suprà terram.

Secundò, Si in decubitu appareat, malè affici Solem; id arguit malè affici calorem naturalem: Si Lunam, humidum radicale: Si vtrumque; signum est, quod ambo malè se habeant. De cætero consultum vult, in hac figura eligi Vitæ moderatorem seu Aphetam, vt sit in Natalitia: Tum inspicere authorem morbi, ex eoque morbi qualitatem, & speciem, cui proinde humori præsideat, cui labefaciendo aduersetur, dignoscere. Ad quam rem vtilissimos, ac probatos in genere affert aphorismos, quorum aliquot hic exscribere non ingratum erit.

Aphorismi circa Aegrorum Decubitum.

Author morbi maleficus simpliciter manens, videlicet cæteris inconiunctus, simplicitatem morbi significat, iuxrà suam naturam.

Quiuis Planeta, siue solus, siue concurrens ad morbum, si maneat Orientalis, ostendit augmentum, vel effusionem, vel aliud vitium sui humoris: Occidentalis verò putredinem, & morbum, siue alterationem.

Planeta cadens ab angulis significat debilitatem sui humoris, &

partis corporis : Angularis econtrà, vires : si verò infelix, corruptionem.

Infelicitas Planetæ oritur à casu ex dignitatibus ; à regressu , ab intuitu hostili , Coniunctione , vel parallelo Maleficæ , Cauda Draconis ; tum demùm fixa malefica .

Plures malefici morbi Authores ; qui robustior , prævalet ad qualitates morbi , licet mixti .

Quadrantes Zodiaci , & mundi , quos lustrant Luminaria , maxime quod læditur , vel quod Conditionarium est , plurimum pollent ad qualitates morbi .

Inter omnes Planetas ad morbum concurrentes , qui magis omnibus læditur , grauat morbum apud suum humorem , & corporis partes .

De quacumque familiaritate agatur , penduntur quæ in applicatione sunt ; quæ enim separantur , semper minus valent , maxime post duos vel tres gradus . Oppositio robustissima est , si contingat cum aduersa valetudine ; Coniunctio cum eadem applicando , licet non nihil minus .

Jupiter infelix , aiunt Professores , quod Medici imperitiam arguit : sed quamuis id contingere possit , reuera abscondit morbum , vel efficit insolitum , & peregrinum , vel in partibus à cognitione remotissimis .

Luminaria in inconiunctis locis ad Horoscopum , significant debilitatem naturæ , & virium : sed configurata , si maleficio afficiantur , significant vires morbi , & exacerbationes ; quæ cognita plurimum iuvare possunt Medicinæ artem .

Si Luna sit Soli coniuncta , graue est : Item in Oppositione , & Quadraturis , sed minus .

Lunæ crescenti ad plenitudinem , magis obest Mars ; decrescenti verò Saturnus .

Aestivo tempore Soli Mars obest : Hiberno verò , & Autumno , Saturnus .

Luminaria , & Maleficæ in Signis communibus multiplicant varios naturæ morbos : In fixis aggrauant vnum tantum morbum : In mobilibus afferunt varietatem symptomatum , & sæpe sæpius permutant morbum in alium alterius naturæ ; maxime si ambæ maleficæ fiant morbi authores , quarum vna sit Occidentalis , altera Orientalis : initium autem morbi erit magis secundum naturam Orientalis .

Authores morbi retrocedentes reciduiam minantur grauiorem , & ab ipsis semper timendum : etenim licet moram gerant , grauiorem tandem afferunt morbum .

Si Moderatores recipiant radios beneficarum, & maleficarum, aspiciendum, ex qua parte fluant robustiores vites, & victoria: tum etiam, utræ Moderatoribus magis iunctæ appareant.

Si Moderator iungitur alicui, & ponderosior utrolibet eorum interiaciat radios similes suæ naturæ, irritam efficit coniunctionem illam; maxime si moderator sit Sol, qui circa se vniuersos comburit, & regit.

Planetæ in Sexta Domo aliquando prouocant Crisim sexta die: Qui, si sint benefici, & liberi, Crisis ad salutem sperari poterit. Si malefici, ad mortem. Si benefici à maleficis angularibus suppositi, recidet æger, & morietur.

Quiuis radius maleficorum ad vitæ Moderatores, etiam benignus, si confirmatur Parallelo, lethalis est.

Venus angularis feliciter se gerens, & Lunæ applicata, intemperantiam arguit, in specie iuxta suum situm, quæ morbi fuerit causa.

A quacunque detineantur hostilitate Moderatores; si cui debetur vitæ Moderatio liber est, & beneficiis vallatus, salus speranda. E contra, si vitæ Moderatores, (maximè si sit Lumen temporis) grauem patiatur à maleficis læsionem; nihil, vel admodum parum proderunt benefici erga reliquum Luminare.

Si vna Malefica lædat vnum Luminare, altera alterum; sint verò Maleficæ atque Luminaria ab inuicem disiuncta; duas morbi species inter se diuersas significant. Quodsi familiaritate aliqua communicent, mixtum morbum.

Mars lædens Solem existentem in Quartis æstiuis Zodiaci, & mundi, & in signo igneo, atque iuxta fixas Martias; significat morbum vehementem, ex æstu, & flaua bile. At verò Saturnus lædens Lunam apud Quartas tam Zodiaci, quam Mundi autumnales, & in Signis aqueis vel terreis; idem ex frigiditate, & atra bile.

Maleficæ, si lædant Luminaria, & eleuentur super beneficas, & beneficæ vel nullo, vel hostili radio intueantur Luminaria; morbum lethalem significant, mixtum, & incognitum. E contra si beneficæ respiciant Luminaria, & eleuentur super maleficas; salus speranda.

Mercurius regressu, induit maleficorum naturam, nisi communique cum beneficiis.

Beneficæ regressu, degenerant à bonitate, & labefaciunt humorem, & partes corporis, quibus præfunt.

Quiuis Planeta angularis affluentiam sui humoris addit; inquit in cadentibus.

Mercurius, si sit causa morbi manens in Tauro, Cancro, Scorpione, Capricorno, vel Piscibus; statim priuat voce, & sermonem;

maximè, si Saturni qualitates hauriat. In Geminis, Aquario, Libra, & Virgine; sensu, mente, & intelligentia. In Ariete, Leone, & Sagittario, affert phrenitidem, vel delirium, iuxta naturam maleficæ, cui communicat.

Cauda Draconis cum Vitæ Moderatore in Signis venenosis, infert qualitates virulentas: In Mobilibus, corruptionem humorum: In mutilatis, contorsiones partium, & contractiones; Cum nebulosis, & in via lactea, cæcitatem.

Malefica in Prima domo, vel Septima, existente Luminari conditionario in Sexta, vel Duodecima absque beneficorum ope; morbi diuturnitatem, vel mortem significat. Item malefica in Decima, vel Quarta, & Luminare in Tertia, vel Nona.

Quæ ab Octaua, & Sexta domo profiscuntur decreta, Professores affirmant: Si Dominus Ascendentis in ipsis ponatur, maximè cum habitu infelici, siue illarum dominus, maleficio circumueniat Dominum Ascendentis, siue ponatur in Horoscopo, vel idem planeta sit Dominus Ascendentis, & alterius illarum Domorum; quæ ab Octaua proueniunt, significata, mortem innuere: quæ verò à Sexta domo, grauitatem morbi. At sanè non semper hæc vera, nisi quando prægrauis est à Maleficis Decubitus. Quodsi ab illis domibus Maleficæ obsideant Luminaria, præsertim Conditionarium, vel econtrà, Luminaria, potissimè Conditionarium, in illis domibus collocata, maleficio Infortunarum afficiantur; & vera sunt, & morbus grauissimus est. Quodsi Horoscopus sit vitæ moderator, & malefica in medio Octauæ domus, vnde habet sesquiquadratum ad Horoscopum; si grauis est decubitus, mortem innuit.

Moderatores à Maleficis obsessi iuxta Galaxiam, vel nebulosas fixas, inferunt morbum in oculos.

Constitutio Cælestis momenti, cuiusuis grauioris symptomatis, si consulatur, patefaciet causas, qualitates, naturam, & partem corporis læsam. Hoc autem secretum est ad artem medicam pretiosissimum, & verum.

15 Atque hæc sunt vniuersaliora, & selectiora Axiomata; & præcepta, quæ Mediçi obseruare sedulò debent in Aegrorum decubitu, quò prudens, & rarò fallens prognosticum de eo queant, & cum laude, luero; & salute infirmi, per idoneas cautiones, & medicamentorum ad rem respondentium subministrationem, curationem inire.

Sed longiùs digressi sumus ab instituto; verùm non sine fænore, in re quæ ab Astronomia pendet, curiosa, peregrina, perquam vtili, & Medicis oppidò necessaria, dignaque vt paulò fusiùs, & enucleatiùs pertrahatur.

DEDUCTIO MATHEMATICA est modus proprius, & singularis 16
 procedendi in suis demonstrationibus, seruatus à Matheseos profes-
 soribus; in ordine ad aliquid concludendum, quod propositum fuit,
 per assumpta Theoremata, vel Problemata, aliàs demonstrata; non
 secus ac Logici faciunt in suis argumentationibus: nisi quod isti
 procedunt per syllogismos, & enthymemata, quæ fundentur super
 præmissis concessis, aut per se notis; illi autem breuius, per demon-
 strationes iam factas, & communiter admissas, ita ut fiat statim, con-
 trario, & magis concludente ritu, transitus à Problemate proposito
 ad aliud simile iam probatum, quod sit veluti medius terminus ad
 constructionem illius. Vide exempla in Commandino ex Euclide,
 Clauio, & Vitale Iordano.

DEFORMATIO in duplici ratione accipitur à practicis Mathe- 17
 maticarum facultatum professoribus; vno modo, qui à Græcis dici-
 tur *Γραμμη*, quod sonat Lineationem, & spectat vniuersaliter
 ad Opticos, Architectos, Pictores, &c. altero, qui est proprius Pi-
 ctorum, sculptorum, & sigulorum, & græcè dicitur *Γραφιδ*, seu
 designatio; Et Lineatio quidem solas lineas extimas, seu rectas,
 seu curuas, quæ rem circumambiunt, denotat; quæ ab Architectis
 nuncupatur *Isographia*, à Pictoribus contornationes, vulgò *Con-*
torni; Designatio autem appellat integram rei adumbrationem, &
 primum specimen; quæ etiam apud nos, retenta eadem voce, dicitur
Disegno, seu *Abbozzatura*. Quamquam Philander vult, vno graphi-
 dos nomine, vtrumque exprimi, quod colligit ex Aegyptiorum vsu,
 quibus in suis hieroglyphicis exprimendis, idem erat figuras scalpe-
 re, pingere, ac delineare. Verum Vitruuius distinguit, & primam
 vocem adhibet ad denotandum primum illum linearum ductum,
 quem, tum in proplasmatis, tum in Sciotherijs fieri necessum est;
 Secundam verò coarctat ad *exemplaria picta*, quibus, quam velis quis
 operis speciem, deformare queat. Ita initio Operis, & alibi sæpè.

DEGRADATIO in Perspectiua denotat proportionalem illam, 18
 obiecti, seu specierum visibilium diminutionem, quæ sensim fit, &
 varia, pro ratione distantiz, situs, & luminis, in traiectione earum
 ad oculum, quò obiectum in suo vero esse percipiat. Frequens
 est huius vocis vsurpatio apud Architectos, & Pictores: & eius ra-
 tio docetur in *Silenographia*. Vide etiam quæ dicemus in V. *Re-*
traiectiones.

19 DELPHINOS in opere architectonico, seu in Mechanica, Vitruuius nuncupat æquipondia, quæ rotatis horologijs apponuntur, vt motum librent, suæque cadendi morositate, temporis momenta pendant, atque rotarum dentibus, vt ita dicam in minutissimas partes comminuant. Sic enim habet lib. 10. cap. 13. loquens de organo hydraulico horas monstrante, & eius constructione. *In summa planitie foramina circiter digitorum ternum; quibus foraminibus proximè in verticulis collocati arei delphini pendentia* (pendentia, corrigit Philander) *habentes catenis cymbala ex ore infra foramina modiolorum chalata intra arcam quo loci aqua sustinetur.* Nomen putat Bernardinus Baldus à forma Piscis deriuasse; hic enim turgens, & ponderosum obtinet caput, quo sinuosè se mergit, & inde iterum eleuat caput, cum in mari exilit, ac tempestates exiliendo denunciat. Porro hæc contrapondia nostri appellitant vulgò, *Contrapesi*.

20 DEMONSTRATIO MATHEMATICA, est modus singularis, & proprius Mathesis Professoribus, suas res comprobandi, Quippè cum Mathematicæ Disciplinæ suprà alias scientias naturales, certitudine, & euidentiæ suarum propositionum extollantur, non ratione, sed demonstratione incedant, easque ità clarificat; vt facta constructione, neutiquam negari, aut in dubium reuocari queant. Quæ proinde demonstratio duplex est, seu duplici methodo construitur. Alia, quæ dicitur *Problematica*, alia *Theorematica*. Hæc omninò simplex est, & per Theoremata, nempe firmas probationes, ex data quadam hypothesi, ostendit proprietates, & passionès vniùs vel plurium quantitatum inter se collatarum; ex quibus postea certum quid resultat ad Theoricam, vel etiam ad praxim proficuum; quod quidem aliter fieri nequit. Problematica verò ordinatur tantummodò ad praxim, & ita certos nos facit, posse aliquid construere, quod fuerit propositum ad solutionem, vt alios etiam construendi modos admittat, aut sanè non reiiciat. Quæ de re fusius in V.V. *Problema*, & *Theorema*.

21 DENTICVLVS in Architectura (qua ratione vsurpetur diminutivè, haud satis capio) est illa pars, seu membrum in Epistylion, quod in modum fasciæ per longum explicatur; quodque non in planum procedit, sed identidem in plures, & æquas particulas dissecta, quasi totidem dentium ordinatam seriem repræsentat. Quod idèò fit, vt fingant (prout antiquitatis modus struendi erat ex lignis) asserum capita opus finientia, & foras aliquantulum exprorecta, ea ratione, qua multi etiam repræsentant Canterios. Dentellos nostri Sculptores,

res, & Architecti nominant. Hos autem, uti improprios & indecoros, excuspi vetat Vitruuius in Epistylis Doricis, ut videre est lib. 1. cap. 2. ac lib. 4. cap. 2. id probat exemplo, & autoritate Græcorum, quos utique, uti primos authores & magistros in architectonica arte veneratur, & summo opere laudat. Ait enim. *Nemo Græcorum Doricis in operibus sub mutulo denticulos constituit. Id quod vniuersim in fastigijs reprehendit paulò infra, cum dicit. Etiamque Antiqui non probauerunt, neque instituerunt in fastigijs mutulos, aut denticulos fieri, sed puras coronas: ideoque nec canterij, nec asseres contra fastigiorum frontes distribuuntur, nec possunt prominere, sed ad stillicidia proclinati collocantur.* Verum notat Philander hoc meritò neglexisse posterioris æui expertissimos Architectos, ut notum, & practicum est Rómæ, in Porticu celebrati Templi Concordiæ, in Arcubus Triumphalibus Constantini, ac Titi, in Thermis Diocletiani, & alibi passim; vbi sub mutulis denticuli insculpti sunt. Quin & in Theatro Marcelli, quod ipso Vitruuio Architectone constructum esse fama est; denticuli in Corona Dorica conspiciuntur insculpti; ve propterea iure coniectetur Philander, id neutiquam esse opus Vitruuij. Ut res sit, Certè, ut inquit ille, Sculptoribus, atque Poetis, *Quodlibet audendi semper fuit aqua potestas.* Non enim hi in suis operibus naturæ imitationem in omnibus sibi præfigunt, sed quarunt semper adijcere venustatem, & visus æquationem. Et sanè visum hand offendit, sed maxime complet hæc membrorum ex vno in alium ordinem transpositio; habet enim, vltra decorem, & maiestatem, nescio quid peregrini, & incognitæ venustatis, quæ consurgit ex multis apta coitione dispositis. Quod ideo valde commendatur, & communiter acceptus est Ordo Compositus, qui ex omnibus alijs consurgit, & mixtum quid est. Sed de hoc iudicium sit penes Artis peritos.

DEPALATIONES (nouo, nec vsquam ab Latinis Scriptoribus usurpato antè vocabulo) vocat Vitruuius inconstantias, & variationes umbrarum, quæ, medio Analemmate, obseruantur in horologijs Solaribus, ob varietatem dierum, & altitudinem Solis, præsertim in meridie. In æquinoctijs quippe incipiunt variari umbræ gnomonis; & cum Sol ad Tropicum Cancræ vergit, semper incipiunt minui: cum autem ad Tropicum Capricorni tendit, sensim crescunt, & longiores proijciuntur. Quod ideo harum definiendarum in singulis mensibus rationem, docere se velle promittit Vitruu. lib. 9. cap. 8. antequam ad horologiorum descriptionem deueniat: ait enim. *Nobis autem ab his separanda sunt horologiorum rationes, &*

explicanda menstrua dierum breuitates, itemque depalationes. Has clarius *Elongationes menstruas* vocat Daniel Barbarus in Vitruuiani huius textus explicatione, qui cæteroqui rem egregie profequitur. Sed non prætereundus est Clavius, optimam, & facillimam tradens ad has ligendas, ex umbrarum varietate, Analëmmatis constructionem.

- 23 **DESIGNATIO**, *Deformatio*, *Delineatio*, ferè Synonima sunt, & in omnium ore, qui Architectonicam, Picturam, Platticem, & Sculpturam profitentur. Denotant enim primum, rei quam molimur, specimen, & exemplaris effictionem, iuxtà ideam, quam mente concepimus, ac retinemus; quod fit in Cera, Gypso, aut argilla, vel etiam in tabula, iuxtà cuiusque artis institutum, vt postea fit pro exemplari, & rudimento operis, quod perficere intendimus. *Designare* vulgò dicimus: & *Disegno*, aut *Modello* vocatur exemplar ad quod respicimus. Quamquam Designatio, vel delineatio propriè est circà rem in plano descriptam, & lineis terminatam: Deformatio autem, vt in loco dictum est, vniuersaliùs patet, & supponit pro omni forma, quam iuxtà præordinatum in mente ideam, lineis, coloribus, sculpturis, in materia exprimimus, & prædicè coaptamus. Id quod pro fundamento statuit Vitruu. initio sui operis in Architecturæ professore, cum dicit, & vult, vt sit peritus *Graphidos*, *eruditus Geometria*, & *Optices non ignarus*. Ad hoc, vt probè calleat lineas, umbras, & excursions operis, in effictis exemplaribus rite exprimere, ac deformare.

- 24 **DETRACTIONES**, & **ADIECTIONES** in Opere architectonico, vocat Vitruuius, temperaturas, & castigationes, quæ in commensuratione partium ædificij fiunt, tum ad Symmetriam interio-rem reipsa seruandam, tum ad externum prospectum, & gratam oculis structuræ speciem exhibendam. Ait quippe lib. 6. cap. 2. *Alia enim ad manum species esse videtur, alia in excelsis: non eadem in concluso, dissimilis in aperto, in quibus magni iudicij est opera, quid tandem faciendum sit.* Et infra: Cum ergò (subdit) *quæ sunt vera, falsa videantur, & nonnulla aliter quàm sint oculis, probentur; non puto oportere esse dubitum, quin ad locorum naturas, aut necessitates Detractiones, aut adiectiones fieri debeant, sed ità, vt nihil in his operibus desideretur.* Sicuti in Columnarum præsertim contornatione, pro earum qualitate, longitudine, crassitie densitate, aut rariate, vt oculis gratam exhibeant speciem, & operis grauitatem, adiectionibus in medio scapi, (quod venter columnæ dicitur,) vult adiuuari; & con-

econtra detractioibus, & contracturis in summo scapo minui, vt aspectus commodus habeatur. Venustatem enim persequitur visus (ait alibi lib. 3. cap. 3.) cuius; si non blandimur voluptati, proportione, & modulorum adiectionibus, vt id in quo fallimur, temperatione adaugeatur, vassus, & inuenustus conspicientibus remittetur aspectus. Atque eam ob causam, contracturas econtra præcipit fieri in summo scapi hypotrachelio, iuxta columnarum altitudinem, & densitatem: Quippe, addit Philander, quò altiores sunt, minus contrahi; nam quæ plus ab oculo absunt, graciliora apparent: & quemadmodum crescunt altitudines, proportionè adaugenda scaporum crassitudine: quodque in ade densiores sunt posita columna, eò crassiores videntur, vt plus minuenda veniant præscripta ratione. Ratio autem huius necessariz immutationis in opere, cuius species non perturbata, sed vt in se reuera est, pertingat ad oculum, in praxi est ipsa oculi imbecillitas, & specierum per medium alteratio. Namque, vt notat acutè Seneca in Quæst. natural. lib. 3. cap. 3. Nihil est acie nostra fallacius, non tantum in his, è quibus subtiliter peruidendis illa colorum diuersitas submouet: sed & in his quoque, quæ ad manum cernit: remus integer in tenui aqua, fracti speciem reddit: poma per vitrum aspicientibus multò maiora sunt: columnarum intervalla (quod rem nostram respicit) porticus longiores iungunt, &c. & paulò ante dixerat: Vbi verò hebes, & infirma est acies, quolibet aëris istu deficit. Speculatiuè autem id probatur à Ioanne Episcopo Cantuariensi in 3. par. Perspèct. cap. 3. ex ratione refractionis radiorum; cuius duz sunt causæ. Vna est inquit, à parte radij, scilicet ex declinatione consequens eius debilitas, unde quò maior est declinatio, maior est debilitatio: Alia ex parte medij, nempe diuersitas eius diaphaneitatis, quia quantò illud est densius tantò magis resistit, & obtundit immissionem radiorum; ex quo sequitur, vt non fiat proportionalis transitus per medium densius, nisi cum maiori fractione: vnde est, quod ex diuersitate medij, diuersitas est apparentiæ. Sic remus existens in aqua apparet fractus, quia non continuantur eodem modo eius species ad oculum; nam pars quæ est in aqua, apparet propior, quàm reuera sit; pars autem, quæ extra aquam, apparet vt est; ex quo prouenit hæc diuersitas visus, ratione medij crassioris. Quod autem medium crassius faciat apparere obiectum propinquius oculo, patet; nam si ponatur nummus v. g. in fundo vasis mediocris altitudinis, certè non videbitur ab oculo existente à latere vasis, eius labro transinissionem radiorum impediende; ac si superinfundatur aqua; iam probè videbitur, quia medium crassius eleuat, & facit ad oculum dirigi. Id quod videmus etiam in Eclipsi Lunari circa horizontem occurrente:

utrumque enim Luminare in nostro hemisphærio conspicuum est; cum tamen necessario, si vnum supra, alterum infra existere ex Sphæræ principijs colligatur: utrumque vero aspectabile est, quia Atmosphæræ crassitudo, vnius species supra terram eleuat, & facit illud visibile. Stat igitur, vt in Optica, ad complendam visum, adiectionibus, & detractionibus opus sit, ad hoc vt obiectum in suo naturali esse perspiciatur.

D I.

- 26 **DIABATHRA** propriè genus est solearum græcarum (inquit Festus) quas ad muliebra calceamenta restringit Turnebus, in Notis ad Varronem, & lib. 23. cap. 17. colligitque ex Næuio, vbi hominem præstringit, quod more muliebri diabathra haberet in pedibus, & incedebat amictus epicroco. At nescio, qua ratione frequentissimè à scriptoribus vsurpetur pro scalis nauticis, siue gradibus pensilibus, quibus sursum ascenditur, siue in naues, siue in Theatrum. Cerrè *Bathron* græcè ascensum sonat: vnde & *Epibathra* dicitur Pops ductilis, quo in muros ascenditur, in hostili aggressione, & *Anabathram* vocat Satyricus lib. 3. pulpitum, seu scalæ superiores gradus, ac subsellia in Theatris.

Et quæ conductio pendet Anabathra tigillo.

Sicut *Anabathmi*, interpretatur Scaliger, imos gradus, vnde prodibant furæ. Quorsum igitur à soleis ad scalas, vel à pensilibus gradibus ad calceamenta feminea sit translatio? Sed dicendum, esse inter ea quandam analogiam, & operis similitudinem; vel quia huiusmodi gradus scararum nauticarum conformati sunt ad modum soleæ, vt videre est in scalis bellicis apud Heronem; vel quod calceamenta muliebria cothurnata erant, & subere subleuata, quò procciores videretur (vt vsque ad nostra tempora factitatum est) atque adeo, in ea quasi per gradus scanfiles insiliebant.

- 27 **DIABETE** *αἰεὶ καὶ νεωὴ καὶ ἀγρίων*, ad examen & perpendiculum (inquit Scapula:) instrumentum est, quo circulus ducitur, A figuram præferens, quando duobus cruribus quibus insitit, diuarricatur: ab effectu nos Circinum appellamus. Quamquam alij *Διαβήτης* scribunt, cum Iota, ac diuersificant officia, & instrumenta. Nam primum quidem est, inquit, quo circumquaque ductum globi conficiuntur, ad perfectam rotunditatem; Tornum, à nostris dicitur: alterum verò, quo circulus in plano describitur. Vt vt sit, certè Diabetes communiter accipitur pro instrumento hydraulico, seu syphone, per quem aqua compressa traiecitur, ac vi asportatur sursum, aut aliò, quò ipsa non naturaliter tendit, for-

forte à το διαβήτω, quod est transmitto, transueho, traduco. Et in hunc sensum, Diabetis nomen accipit Hero Alexandrinus in lib. de Spiritualibus, cum modum tradit efformandi vas, è quo aqua sursum per Diabetem saliat, per spiritum attracta, ad molliendum mechanicon aliquod opus. De qua re fusiè ipse Heron, & Vitruv. lib. 10. cap. 12. & 13. Ad cuius similitudinem, hac voce utitur Columella lib. 3. de Agricult. cap. 10. ad exprimendum succum humoris, quem plantæ à radice faciunt, & transmittunt per truncum, ad ramos, vnde totæ virescunt, & animantur. *Naturali enim spiritu (inquit) omne alimentum viuientis, quasi quedam anima per medullam trinci, veluti per syphonem, quem Dabctem vocant mechanici, trahitur ad summum.*

DIACHISMA, seu DIASCHISMA. Vide in V. Semitonium.

DIACOPI sunt in aggeribus annuum Chommata, seu intermissiones aquarum, per quas, facta incisione, ad arua, & campos irrigandos deriuantur. Originem traxere ab Aegyptijs, & in Aegypto primum clausi, & aperti fuerunt; vbi ex Nili annua inundatione omnes latæ circum agri stagnabant, quò & isti nimio pressi humore, & limo aggesto corrumpebantur, & aqua inibi sidens viam non habebat ad prætersuendum, & disiectos alios campos alluendos. Quare Iudicini decreto, erecti sunt statis in locis, aggeres in longum protensi, vt aqua in suo alueo contineretur, & pro eorum arbitratu, & accolarum indigentia, apertis diacopis, in vniuscuiusque aruales campos deriuaretur. Nomen traxere ex græca notione Διακωπήσις, quæ angustiam, & retinentiam sonat: in quo sensu loquutus est Vlpianus in l. 10. C. de extraordin. crim. & procedit etiam Cod. Theodosi. in l. ult. de Patrocini vicor. vbi Budæus interpretatur Chommata, & Diacopi, qui in aggeribus sunt.

DIAETA locus erat antiquitus seorsim in ædibus, ponè triclinium, specialiter ad sumendam breuem refectionem deputatus, vbi sine lectulis, sine seruitijs, sine vilo alio apparatu, secessus erat ad modicum cibum solitariè, & cursim sumendum. Cænatiunculam latinè vertit Sidonius Apollinaris, paucis verbis rem totam explicans lib. 2. Epistola ad Domitium. *Ex Triclinio, inquit, sit in Diatam, siue in Cænatiunculam transitus.* Quo factum reor, vt ipsa breuis refectio, & parcus cibus, seu certa victus ratio à medicis male habentibus præscripta, Diata postmodum diceretur: vnde est illud Ciceronis ad Atticum, *Diata curari incipio.* Sunt qui volunt, hanc

ipsam fuisse Plinij Iunioris *Zetam*, quam facit vnus lecti, & duarum tantummodò sedium capacem, lib. 2. Epist. 7. confundentes vocabula, ob similitudinem quam habent; & quoniam Veteres sapissimè Z, pro Di, supponebant, vt Zabulum pro Diabolo, Zarrhyrum pro Diarrhyto, &c. quos inter fuit aliquando meus, (heu quondam) morum, & adolescentiæ moderator, Michaël Monachus, (quem piz memoriz, & grati animi causa hic memoro) qui cum, aliàs scripsisset in *Sanctuario Capuano*, *Zetam* fuisse ligneum cubiculum, huc illudque portatile, ex testimonio Baronij ad ann. 286. postea, mutatà sententia, in *Recognitionibus*, pag. 77. concludit cum Panzirolo in *Thesaurò* lib. 1. cap. 56. *Zeta* ergò est ipsa *Diata*, mansio scilicet in adibus ad vnus usum: nec est lignea, seu portatilis, sed firmi edificij, ad hybernũ frigus præcipuè propulsandum. Sed (bona tantorum virorum venia) non notarunt, quod sola litterarum transmutatio nempe Z. in Di, faceret, *Dietam*, non *Diætã* cum diphtongo; qualem inuenimus hic usurpatam à Plinio, & Sidonio, emunctæ naris Scriptoribus, pro simplici loco Cænatiunculæ. *Dietã* autem communiter apud omnes, est mensura itineris vnus diei, quantum videlicet pedester peragrarè potest spatio vnus diei, quam faciunt secundum leger 20. Milliariorum. Vnde *Eietã*, lib. 4. cap. 28. *Omnis rationabilis Dietã*, inquit, constat ex viginti milliariis, & Io: de Ianua, *Dietã* explicat, *dici itineratio*, qua cum nil commune, cum *Zeta*, vel *Diætã*, vsu, & significatione longè diuersa. Constat igitur, apud Scriptores antiquos, *Diætã* semper accipi pro recessu & mansione ad paruam refectiunculam destinata, & aliud esse à *Dietã*, aliud etiam à *Zeta*, vt in huius verbi dilucidatione clarius explicabimus.

30. **DIAGLYPHICVM** Opus in genere incisorio, seu scalptorio est quod calaturis, & cauis introrsum efformationibus perficitur, vt sigilla, & matrices formulæ, in quas fusile æs, cera, creta, aut simile quid liquatum inditur, ad statuas, & alia signa conficienda, vt *Anaglyphicum* viceuersa, vt in loco diximus, est quod ex eadem materia inducitur, & habet figuras extantes, & prominenter. Author est mihi de hac distinctione Philander in cap. 3. libri 7. Vitruuij.

31. **DIAGONALIS LINEA** specialiter audit apud Geometras, quæ in Parallelogrammo, quadrato, aut quauis retilinea figura ducitur ab extremo ad alterum extremum oppositum, siue quæ se extendit ab angulo ad angulum oppositum eiusdem speciei, itaut figu-

ram

ram illam medium secet, & duas æquales areas hinc inde relinquat. Hæc autem communiore & generali vocabulo, etiam Diameter appellatur. Quamquam Geometrarum vsus obtinuit, vt Diameter absolute dicatur de linea, quæ circulo inscribitur, à peripheria in partem oppositam, per centrum transiens, quæque pariter illum in duas partes æquales dispescat, sitque omnium inscriptarum, quæ per centrum non transeunt, maxima; & segmentum tantum abscindant à circulo, utique reliqua parte minus. Diagonalis verò non in circulo, sed in figuris angularibus consideratur, quæ, vt dixi, ab angulo in angulum oppositum ducitur, & quidem ab his, qui sunt ab se magis distantes, vt in reſtangularis, rhombis, rhomboidibus, & reliquis figuris Isoperimetris.

DIAGRAMMA in ampliori ſignificatione accipiunt artifices, puta Architecti, Plaftræ, Pictores, Statuarij, &c. ac Geometræ, qui in pura contemplatione rei, præciſe à materia, ſe continent. Illi enim ipſam materiam quam moliantur, & in exemplar operis faciendi ſibi præordinant, ſive in Argilla, ſive in cera, ſive in charta expreſſam, utcumque *Diagramma* nominant, *Stizzo* nos vulgò dicimus: aliquando etiam, præſertim ſi non in plano delineetur, *Modello*. Adeout vel in Muſicis, utatur hoc vocabulo Vitruuius, & extendat ad ſignificandas vocum conſonantias, quomodò exprimi debeant, excuſans, quod his & ſimilibus græcis vocibus, vt necesse habeat, eoquod apud Latinos non inueniret proprias modulorum ſignificationes, vt mox infra, in Diapaſon, Diapente, &c. Ait enim lib. 5. cap. 4. *Itaque, vt potero, quàm apertiſſimè, ex Ariſtoſeni ſcripturis interpretabor, & eius Diagramma ſubſcribam, finitioneſque ſonituum deſignabo; uti qui diligentius attenderint faciliùs percipere poſſit.* Itaque ad earum vocum explicationem deſcendamus.

DIAPASON, *Diapente*, *Diateſſaron*, *Ditonon*, &c. ſi quæ aliæ ſint, quæ ex his exurgant, aut componentur, Græcanicæ voces, ab generica, & primaria notione; termini ſunt, & vocabula, quibus diuerſæ tonorum conſonantiæ ſignificantur, ad rationem chordarum ſibi reſpondentium ad certam vnius partitionem proportionalem in numeris determinatam, pro diuerſa earum diſtancia: Scimus enim longiorem chordam, & laxiorem, grauiorem edere ſonum, ſi pulſetur; & acutiorem, quæ breuior ſit, ac magis, & magis tenſa. Nunc autem ſeptem conſonantiarum differentias agnouerunt Antiqui, quibus ad relationem vnius chordæ ad alteram, vniuerſa ſymphoniarum ratio continetur, & vocum concentus: quidquid enim ultra eſſet

putauerunt Pythagoræi primi Musicæ Inuectores, stridorem verius esse, ac dissonantiam aurium offensiuam, quam gratam vocum coordinationem. Hæ sunt DIATESSARON, habens ratione interualli proportionem sesquitertiam, qua corda maior continet minorem quantum ipsa distenditur, & adhuc tertia parte plus. DIAPENTE, habens proportionem sesquialteram; hoc est, quod chorda maior contineat minorem, quantum hæc longa est, & adhuc eam superet medietate. DIAPASON, quæ est dupla, hoc est Octaua. Huic accedie DIAPASON-DIATESSARON, idest dupla sesquitertia. DIAPASON-DIAPENTE, dupla sesquialtera, DISDIAPASON, quam alias vocant Quintamdecimam, & est in proportionem quadrupla. Tandem complet omnia TONVS qui exsurgit ex sesquioctaua, & in omnibus locum habet.

Itaque *Diateffaron* recipit sonos quatuor (& ideò Quartam vocant) spatia tria, tonos duos, & semissem. *Diapason* sonos octo (ideo Octaua dicitur) spatia septem, tonos omnino sex. *Diapason* cum *Diateffaron*, sonos vndecim, spatia decem, tonos octo, & semis. *Diapasson* cum *Diapente*, sonos duodecim, spatia vndecim, tonos nouem, & semis. *Disdiapason* denique, sonos quindecim spatia quatuordecim, tonos decem: & singula, vt supra tetigi, apud nos, à numero sonorum quos comprehendunt, denominationem accipiunt. *Quarta*, *Quinta*, *Octaua*, *Vndecima*, & *Quintadecima*. Cæterum ipsa interualla, & vocis spatia, quibus acuta, & grauis concluduntur, græcè *Dialemata* appellantur. Atque hæc sunt omnes symphonix, & consonantiarum species, quæ fingi possunt. Non enim, (vt ait Vitruuius,) inter duo interualla, cum chordarum sonitus, aut vocis cantus factus fuerit, nec in tertia, aut sexta, aut septima, possunt Consonantix fieri.

34 Porro hic sonorum rythmus, & respondentia ad rationem diuersorum *Dialematum*, ex quibus exsurgit melos, & Harmonia, non in Musica solum locum habet; sed & in Cælestibus, ac Terrestribus quantitatibus, pro certis locorum, ac temporum interuallis agnoscitur, atque ab Astronomis, Geometris, & Architectis applicatur ad definiendas familiaritates, seu aspectus Cælestium corporum, ad dinueriendas, & ordinandas areas, & harmoniscam partium ædificij dispositionem. Quin & ipso Naturæ vniuersali ordine, & in omnibus, detectus est à Keplero, Froschio, Tito, & ante ipsos à Boethio, & Ficino, in libris de Musica, quos videre non erit infructuosum Lectori: Vt verum sit, quod de Mundi huius architectonico, & harmonico artificio ait Sapiens, Deum videlicet omnia fecisse in numero, pondere, & mensura.

Sed

Sed nie hic temperare non possum, quin de Astronomia saltem, pulchrum exemplum afferam, & hanc vocum consonantiam in fidetur familiaritatibus ad certas ab inuicem distantias reperiri com-
monstrem: idque confirmem, non Astronomiæ professorum authoritatibus, sed vel vnius, & simplicis Architecti, leuiter his rebus imbuti. Is est Gulielmus Philander, qui in Notis ad Vitruu. cap. I. libri I. hæc habet. *Cum figuris tribus vtiuntur Astrologi, Trigono, Tetragono, & Hexagono; sintque apud Musicos Diastemata, idest interval-
la simplicia symphoniarum, maximè Diatessaron proportionis sesquiter-
tia, Diapente sesquialtera, Diapason dupla; has proportionem in figura-
rum illarum angulis, signis & gradibus reperiri auctor est antiquus Græ-
cus, idemque innominatus Ptolemæi interpres. Trigonus itaque constat
angulo vno recto, & triente: Tetragonus vno recto solum. Hexagonus
bessali angulo, idest duorum trientum; Angulus Trigoni ad angulum
Tetragonum (hoc est rectum) sesquitertia est proportionis, cum cum su-
peret triente, & fit Diatessaron. Angulus Tetragoni ad bessalem Hexa-
goni, sesquialtera; continet enim ipsum, & semissem; & fit Diapen-
pente. Trigoni angulus ad Hexagoni angulum dupla est proportionis, ha-
bet enim vnum, & trientem; idest trientes quatuor, sine besses duos:
hic verò bessalis est, idest duorum trientum; fit igitur Diapason. In
Signis eadem ratio: Trigonus quatuor habet Signa: Tetragonus tria,
Hexagonus duo. Quatuor ad tria, proportio est sesquitertia: Tria ad
duo, sesquialtera. Quatuor ad duo, dupla. Hæc Philander, qui se-
quitur postea, eandem proportionem in gradibus signorum esse adin-
uicem, comprobare. Vt mirum non sit, tantum valere in hæc infe-
riora, harmonicam istam radiorum, & configurationum cælestium
corporum constitutionem, & ordinem, vt tam diuersos effectus pa-
riant, sibi que respondeant, in aëris mutationibus, in rerum produ-
ctionibus, & in satis, atque in temporum crisis, vt aliàs osten-
sum est. Sed longius, quam par erat, in hac terminorum Musico-
rum explanatione in ordine ad diuersas consonantias, immorati su-
mus, Transcamus ad alia.*

DIASTYLON *ades*, in Architectura græcè dicitur, in qua interco-
lumnia habent spatium seu intervallum crassitudinis trium colum-
narum. Nos cum Alberto latine subdispanfam appellaremus. Sed
vide iam dicta in V. *Areostylos*. 35

DIATHESIS græcè idem quod Dispositio Mathematica. Qua-
de re vide paulò infra, sub hoc Verbo.

- 36 DIATHYRA græcè item dicuntur in re architectonica, *Quæ sunt ante in ianuis vestibula*, ait Vitruu. lib. 6. cap. 10. hoc est, reponit Philander, *Repagula lignea, quibus arcantur equi, & currus ab adiunctis vestibulis*. Ansiportas nos diceremus. Verùm Alciatus lib. de verbor. signif. latius extendit vocabulum ad omne leue, & facîle amouibile repagulum, quod ianuis, alioqui apertis opponitur; siue ea ex tabulis sint, siue, earum vice, pendencia vela, quibus ostiorum aditus obnubuntur ad prospectum, & ingressum iniussis impediendum: quemadmodum passim videmus in nobiliorum hominum ædibus, ubi ad singulas partes internorum cubiculorum, huiusmodi aula affixa sunt ad actum manus, momentò amouibilia. Hæc nos vela, ab officio *Portieras* vocamus.

DIATONVS. Vide *Tonus*.

- 37 DIAVLOS apud antiquos Agrimensores dicebatur duplicis stadij cursus, non quidem simpliciter, sed cum recurso, à Carceribus videlicet ad metam, & rursus à meta ad Carceres. Hoc spatium præcipit Vitruu. sterni debere in Palæstris, inter peristylia, ad Athletarum exercitationem: sic enim habet lib. 5. cap. 11. *In Palæstris peristylia quadrata, siue oblonga ita sunt facienda, uti duorum stadiorum habeant ambulationis circuitum; quod Græci vocant diaulos: ex quibus tres porticus simplices disponantur, quartaque quæ ad meridianas regiones est conuersa, duplex: uti cum tempestates ventorum sunt, non possit aspergo in interiorem partem peruenire*. Erat enim, teste Budæo, fere idem Græcis Diaulos, ac Romanis Circus. Et in hoc differt à Dolico, quod erat duorum item studiorum cursus, sed per directum, sine recurso. Vide quæ ad hanc rem, satis eruditè scribit Hieronym. Mercurialis, de Arte Gymnast. lib. 2. cap. 11.

- 38 DIAZOMATA in Theatris sunt additamenta quædam, sed, ut loquitur Philander, *Præcinctiones, & veluti transversa cingula, id est interiecta gradibus areola*, quas præcipit Vitruuius in Theatris constitui, ad usum, & necessitatem operis magis quam ad symmetriam, & proportionem partium debitam loco. Sunt enim, inquit, lib. 5. cap. 7. res, quas in pusillo, & in magno Theatro necesse est eadem magnitudine fieri propter usum: uti gradus, diazomata, pluteos, itinera, ascensus, pulpita, tribunalia, & si qua alia intercurrunt; ex quibus necessitas cogit discedere à symmetria, ne impediatur usus. Etenim ista omnia quæ necessario ad usum sunt, & præteriri non possunt, petunt extensiones suas habere, siue visui grata sint, siue non: nam

ma-

magis ad rem, ad quam factum est quid, attendere debet prudens Architectus, quàm ad extrinsecam speciem, & venustatem. Aliàs Præcinctiones in sensu ampliore accipiunt Architecti, & eo nomine intelligunt omnia vniuersim additamenta, quæ operi adijciuntur siue necessitatis, siue venustatis gratia, vti Coronices, quibus conignationes abinuicem discernuntur, & ea ornamenta, quæ frontibus addi solent, ad puram speciem, & maiestatem, vt in loco dicemus.

DICTYOTHECON græcè dicitur in Architectura. Opus Reticulatum, vt habet Plinius, lib. 36. cap. 22. De quo ita loquitur Vitruu. lib. 2. cap. 8. *Structurarum genera sunt hæc: Reticulatum, quo nunc omnes utuntur, & Antiquum, quod Incertum dicitur. Et his venustius est Reticulatum, sed ad ruinas faciendas idèd paratum, quod in omnes partes dissoluta habet cubicula, & coagmenta. Incertum verò cæmenta alia super alia sedentia, inter seque imbricata, non speciosam, sed firmiorem, quàm reticulata præstant Structuram. Ad quæ Philander: Reticulatum opus dicitur, cum cæmenta non iacentia, sed in latius stantia ponuntur: ea enim Structura Rete videtur referre. Quamuis multò melius, si cæsis fiat lapidibus, ac non potiùs rudibus, & vulgaribus, aut coctilibus laterculis quadratis, sed in angulum stantibus. Cuiusmodi (notat Philander) Roma & extra urbem videntur in multis ruinis ex topbo, parte tantum qua extaret, siue testorio, proxima esset, speciosa & quadrata; qua autem in interiorem structuram indentur, temerè, & vulgariter ducta, aut casa. Vide quæ dicentur in V. Reticulatum Opus.* 39

DIESIS in Musicis cantionibus, inquit Boethius lib. 5. cap. 4. *Est spatium, quo duobus tonis maior est sesquialtera proportio. Quandoquidem modulatio quæ dicitur Diapason, estque vniuersalis constitutio totius differentiarum vocum musicarum, licet in octo diuersas vocum rationes distincta, tamen seipsa constatur ex duabus solummodo consonantijs, ijsque inæqualibus, quæ sunt Diatessaron, & Diapente; illà quidem continente quatuor voces, istà quinque (vt notione nominum indicatur) itaut ostendat medietatem harmonicà in nota, quæ inæqualiter reperiatur inter duas extremas in acuto & graui. Quapropter neutra componi potest ex integris tonis, ijsque æqualiter respondentibus: Diatessaron ex duobus tonis, & Diesi seu semitonio minore, itaut confurgat ex sesquitercia proportione: Diapente ex duobus tonis, semitonio, & altero tono; habens proportionem sesquialteram: vnde necessariò admittere debent inæqua-* 40

litate in tonis, vt habeant medietatem harmonicam, quæ de vtraque participet: ideò inuecta sunt semitonia, maius, & minus, quæ sibi nunquam cohærent, commata, schismata, & diaschismata, vt suo loco: namque duæ sesquioctauæ habitudines, quæ à tonis resultant, si auferantur, relinquitur inæquabile spatium, quod à Græcis dicitur *Diesis*, quasi diceret percolatio; à nostris autem expressius, semitonium minus, quod complectitur tria commata, & ferè dimidium commatis, quod dicitur Schisma, habeatque proportionem sesquioctauagesimam: tonus enim maior (vt inquit Zarlinus de proportion. harmonicis,) est proportio sesquioctaua, minor, proportio sesquiquintadecima: Semitonium autem maius, quod vocatur Apotome, est dimidium toni cum comate, in superpatiente proportionem. Quare Diesis in proportionem harmonicam minor est Semitonio maiore, duobus schismatibus: sed ex duabus Diatessaron impleuntur quatuor toni, & duo semitonia minora; igitur ad complendum spatium quinque tonorum, deficit tantummodò vnum comma, ex ijs quæ concurrunt in Diesim; quæ propterea est minima pars consonantiæ, & veluti Monas in Arithmeticeis, quæ vix sensu percipi potest, nec re ipsa variat sonum, sed aliquantisper eleuat intra fines eiusdem toni, vt in ipso cantu obseruare licet; & à Musicis præsignatur hac nota, ♯ . Plura in hanc rem habes apud Bocchium, Vitruu. & Zarlinum, & nos per partes, fusius explicabimus in V. *Tonus*, & *Semitonium*.

41 DIETA absque diphthongo, longè aliter sonat quam Diæta, de qua paulò ante dictum; in quo plures errore labuntur, vt ibi notauimus. Significat enim iter vnius diei, quantum videlicet spatij, vna die, homo pedester pedibus suis conficere potest, quod communiter computantur in milliat. circiter 20. à die sumpta denominatione, quæ nil commune habet cum Diæta, vt ex ibi dictis manifestum est.

42 DIEZEVGMENON ex græco, vnde traxit originem ac denominationem, (namque vt obseruat Vitruu. lib. 5. cap. 4. vim vocis hætenus Latini non penetrarunt) dictum est in Musica Tetrachordum, quod proximè antecedit vltimum chordarum acutarum, seu excellentium. Hoc profectò nominare nos possumus Disiunctarum, seu separatarum, quia est veluti adiectitium, & quintum superadditum ad Quatuor, in quæ olim Monochordum tribuebatur: interponitur enim inter Synemmenon, & Hyperboleon, comprehendens Tritæ, Paranetæ, & Nete, vt clariùs explicabimus in *Monochordo*.

DIGITVS apud Geometras accipitur in varia, & minima ratio-
ne mensuræ, qua pes, vel palmus in æquas partes diniditur. Ete-
nim Palmus qui proximè maior est, communiter constituitur ex di-
gitis quatuor; is inquam quem Græci *Talsstin* nuncupant, qui apud
nos intelligitur palmus minor, in extensione manus ab extremo pol-
licis ad extremum indicis; nam qui dicitur maior, est digitorum
duodecim, pede quarta parte minor, qui comprehendit palmos mi-
nores quatuor, digitos sexdecim. Porro vncia continet digitum
vnum, & tertiam eius partem, sextans digitos duos tertias, qua-
drans quatuor, & constat palmum minorem, vt dictum est: vnciens
quinque & vnam tertiam; quincunx, sex digitos, & duas tertias:
semis, siue semipes, octo: septunx, nouem, & vnam tertiam: bes
decem, & duas tertias: Dodrans, quæ à Græcis vocatur *Spithamis*,
duodecim digitos: dextans tredecim, & vnam tertiam: deunx, qua-
tuordecim, & duas tertias: Pes tandem, qui & As, totos sexdecim
digitos complectitur. Sed de hac re vsque ad nauseam dictum est in
V. As. At hic æquum erat in digito explicare, Alias digiti vsurpa-
tiones in ratione mensuræ, vide apud Boeth. & Alexandr. ab Ale-
xandro lib. 2. cap. 20. Verum hic præterire non debeo, quod Digi-
tus in Aqueductis est ratio quædam mensuræ, & certus modulus,
quo aqua olim è castello in vicos, & priuatorum ædes tribuebatur,
in certa singulis quantitate, vt habet Frontinus in Aqueduct. quem
tenorem nostri etiam hodieque seruant, & aquæ singulis concessæ
portionem per vncias denotant, atque distinguunt.

DIPLECTON item mensuræ agrariæ genus apud Strabonem lib. 44
7. quæ continet tertiam partem Stadij, ac tam in longum quam in
latum, spatium pedum 240. duplicat enim Pletrum, quod est spatium
ped. 120. Quod si ita est, non differt ab Actu nostro quadrato, de
quo fusè diximus suo loco.

DIPTEROS, MONOPTEROS, PERIPTEROS, PSEUDO-
DIPTEROS, & si quæ aliæ eiusmodi voces sunt ex græcica no-
tione depromptæ, quibus vtitur Vitruuius ad significandas ac distin-
guendas species ædium à diuersitate columnationis & laterum, qui-
bus exterius exornantur. *Πτερόν* enim græcè, latinè Alam signifi-
cat. Et quidem *Dipteros* denotat ædificium quod duplici hincinde
porticum, & columnarum alamento vallatur. *Monopteros*, quod
vna eademque continuata circum ala concluditur. *Peripteros* ge-
nericè dicitur, & præscindit ab vno vel pluribus alarum ordinibus,
modò eandem ædem attineant. *Pseudodipteros* autem vocatur ea.

quæ speciem quidem Dipteri exhibeat intuentibus, verum interne deficit, medio ordine prætermisso, ut maior amplitudo, & capacitas porticibus relinquatur. Scio Volaterranum aliter sentire, & facta leui litterulæ immutatione, vertere in Diptyros, Monoptyros, Periptyros, & Pseudodiptyros, proindeque alstruere hanc nomenclaturæ varietatem à diuerso ostiorum numero, ac positu deriuatam; sed fallitur, & volens cæcutit, contrà mentem Vitruuij. Is enim easdem ex alia considerationem vocat Prostylos, & Amphistylos lib. 3. utique ex positu columnarum. Inde subiungit: *Peripteros autem, que habebit in fronte & postico senas columnas, in lateribus cum angularibus undenas, itaut sint hæ columnæ collocatæ, ut intercolumnij latitudinis interuallum sit à parietibus circum ad extremos ordines, habeatque ambulationem circa cellam adis.* Et clarius lib. 4. cap. 7. Monopteram dicit ædem rotundam carentem cella, & solum columnis pro muro circumseptam. Non igitur à portarum numero, ac diuersa positione ædes specificantur, ac denominationem assument, sed simpliciter ab Alarum numero, varioque positu ad earum latera.


46

DIRECTIONIS motus, quo aliquis Planeta, seu stella fixa, aut alia quævis pars Primi Mobilis, quæ cum illis in natura, positione, situ, vel habitudine quævis conueniat, (comprehendunturque omnes sub generali nomine Promissorum, ut aliàs dictum est.) consideratur in Astronomicis realiter ferri motu primi mobilis ad aliquem situm mundi, seu Cardinem, seu alium quem, in quo Planeta Significator consistat immobilis, itaut eo ad certum temporis spatiū illuc præsentialiter perducto, aliquis nouus effectus de vtriusque natura sequatur: Hic igitur motus, uti ratione comprehenditur, & constanti experientia confirmatur; ita quomodo regulariter fiat, & ad certū tantū tempus compleatur, quoniam sensibus haud patet, difficile est per lineas, & circulationes in schemate exhibere, ob spirarum recurrentium multitudinem, quas absoluerē necesse est Promissorem, quoad verē ac realiter constituatur in loco, quem realiter occupabat Significator in radice, & initio motus. Idque eo maxime, quod hic motus non perficitur in Zodiaco, cuiusmodi sunt omnes alij, sed in parallelis ad Aequatorem, & in Sphæra recta, nullo habito respectu ad eius variam obliquitatem, ob variam poli eleuationem ab horizonte, aut vllum aliud accidens. Quapropter tota ratio huius motus in Aequatore est, ac semper constans, auspicanda à successiuo motu Solis in ascensionibus rectis, quas singulis naturalibus diebus acquirit motu suo diurno, respondente ad integram anni reuolutionem. Id quod, ut dixi, perdifficile est ob oculos ponere, & recipere.

firmare. Nihilominus in gratiam tyronum, & ut conspecto schemate, facile sibi in mente formate queant integram, & adequatam rei ideam; ad plenam intelligentiam, damus utcumque huiusce motus specimen in subiecta figura.

Schema motus direc

tionis in Aequatore



47
C^o Sit igitur in ea Circulus maximus ad limbum gradibus 360. inter-
flinctus, Aequator: atque in punctis cardinalibus Y. α . γ . δ .
per Coluros sese ad polos interfecantes, dissectus atque determinatus.
Sit etiam circulus minor internus A. B. C. D. qui referat situm mun-
di immobili, ac principaliter Cardines; atque adeo linea A. C.
Finitorum, & ex vna parte horoscopum, & Ascendens ex altera,
domum septimam, & occasum. Linea vero B. D. signet meridia-
num, ac representet Medium celi, & Imum, seu Decimam domum,
& Quartam. Quos inter concipi possunt innumeri circuli positio-
num, in quibus praesentialiter reperti fuerint in radice Significator,

&

& Promissores. Hic autem pro exemplo, placet assumere vnum Significatorem Soleni, in Cardine Orientis positum, existentem tunc (sic fringo) in primo gradu Arietis. Saturnum verò pro Promissore, qui deuoluendus ad illum est, constitutum infra in grad. 15. eiusdem signi. Igitur inter vtrumque totidem ferè gradus æquatoris intercipiuntur (qui computantur inter vtriusque ascensionem rectam, quæ illos intercipit: quod ideò eos Promissor Saturnus debet percurrere, & superare, ad hoc vt assequatur, ac re ipsa perueniat ad verum locum, & circulum positionis Solis; quod neutiquam assequi potest, nisi spatio quindecim circiter annorum, respondentium totidem gradibus æquatoris, quibus Sol motu suo, singulis diebus elongatur à loco radicali, & præcedit in Sphæra recta. Quò fit, vt dum singulis annis facit motu raptus, 365. fere circulationes circa tellurem, Promissor, qui cum æquatore, & in æquatore subinde mouetur, singulis annis facere debeat 366. circulationes, vnà videlicet plùs, quæ respondeat præcessionì Solis, atque adeo gradum vnum reniorantis, vt compleat adæquatam circulationum seriem, & realiter poneatur in circulo positionis Solis. Sed, ne tanta circulationum enumeratione caput Lectoris giretur, mensque vacillet, & offundatur; rem totam repilogemus in vno distantia gradu, ac ponamus Saturnum, obtinere vltra Solem, vnum gradum Ascensionis rectæ; sitque in Signifero, in secundo gradu Arietis. Ergò, vt ad Solem perueniat, dum ille interim annuam reuolutionem perficit 365. dierum; ipse eodem tempore motu spirali se mouens cum æquatore, 366. spiras complere debet, vt ad locum Solis se sistat, & cum eo præsentialiter congregiatur in eodem circulo positionis. Fingamus eapropter in hac figura, vt sicut ob angustiam loci, & ne spissitudo mentem confundat, ab vno extremo minoris circuli ad aliud extremum maioris, descripsimus viginti tantum spiras, ex tamen reuerà sint totæ 366. quæ singulis gradibus motus æquatoris respondent, quæque verè intersunt inter locum Saturni, & locum Solis; vtiq; ad Solem peruenire non poterit, nisi exantlato toto cursu spirali 366. gyrationum: atque adeò manifestum fit, quod vnus gradus directionis importet spatium vnius anni, quoad verè ac realiter promissor ad significatorem deuoluatur; ac duo gradus appellent duos annos; tres totidem, & sic de reliquis; sicque vires suas exerat, & effectum producat. Atque hic est motus Directionis, quem in his, in quibus stylus, & calamus mancus est, satis percipiendum reor ab ingenioso, & non planè omnis Astronomiz, artisq; directoriz rudi Mathematici Candidato.

DISDIAPASON, quasi duplex Diapason, vna est ex sex sympho-
niarum differentijs, quibus Pythagoræ Musicæ inuentores, veluti 48
septis, omnem consonantiarum rationem, & vocum diuersitatem
clauserunt; quidquid enim vltra esset, putauerunt, stridorem potius es-
se, quam concinnam vocem. Itaque statuerunt Diatessaron, in pro-
portione sesquitercia; habentem sonos quatuor, spatia tria, tonos
duos, & semissem: Diapente, in proportionem sesquialtera, recipien-
tem sonos quinque, spatia quatuor, tonos tres, & semissem. Diapa-
son in proportionem dupla, continentem sonos octo, spatia septem,
tonos sex. Tum procedentes vniuerunt Diapason cum Diatessaron
in proportionem dupla & sesquitercia, habentem sonos vndecim, spa-
tia decem, tonos octo, & semissem: Inde Diapason, & Diapente,
in proportionem dupla, & sesquialtera, continentem sonos duode-
cim, spatia vndecim, tonosque nouem, & semissem. Ac tandem
Disdiapason, in proportionem quadrupla, integram ex sonis quin-
decim, spatijs quatuordecim, ac tonis omnino decem. Quibus sin-
gulis, ex sonorum numero, quos comprehendunt, sua nomina indi-
derunt. Nihilominus Neoterici in Synphonijs ad Disdiapason,
alias etiam consonantias addiderunt, quia, etsi experientia com-
pertum est, voces hominum haud vnquam vltra Disdiapason inten-
di posse; tamen fidibus adiectis comprobatum est, vsque ad decimam
nonam, quin & ad vigesimam secundam, vocis altitudinem extendi
posse, sensu nequicquam reluctante; quare & ad Disdiapason cum
Diapente, & ad Trisdiapason progressi sunt. Qua de re acutè discur-
runt Froschius, & Zarlino. Secundum hanc rationem docet Vitruu.
lib. 5. cap. 5. indagationibus mathematicis constituenda esse vasa
ærea in Theatris, ex ordine ad Disdiapason, vt pro ratione magnitu-
dinis Theatri, cum tanguntur, sonitum edant ad omnes consonantia-
rum differentias respondentem; ijsque recitantium voces, quò gratæ,
sonoræque adstantium auribus cedant, attemperentur.

DISPANSÆ AEDES quæ dicatur, Vide in V. *Aræostylos*.

DISPLUVIATA TECTA vocat Vitruu. lib. 6. cap. 3. vt à Testu- 49
dinatis secernat, in quibus, inquit, deliquit arcam sustinentes stillici-
dia rejiciunt. Hoc est (explicat Philander,) Quæ sunt iunctis trabium
vaporibus mutuo innixi; paribusque contrâ se ponderibus, imis partibus
dinariatis. Huic explicationi fauet Turneb. rem clariùs dilucidans
in hæc verba: *Cauedium habere displuviatum tectum; hoc est in utram-
que partem deuexum: & inde nomen adeptum, quod tanquam diuortia
quædam diuersa pluuiam huc atque illuc diuidat. Vnico verbo dice-
rem*

rem, quæ duplici tantum contignationis ordine assurgunt, ac terminantur ad culmen; atque adeo duplici decliuitate reijciant pluriam; qualia sunt ferè omnia quæ in longum ordinantur, atque hinc & hinc, acceptam aquam remittant. Sed non placet Baldo hæc interpretatio: *Siquidem*, inquit (nam de Cauædijs signatè agitur) *omnium cauædiorum testa displuuiata sunt, immò & quæ non sunt cauædiorum, dummodò vtrinque pluant. Cur igitur non omnia cauædia displuuiata sunt?* Aliam igitur distinctionis & nomenclaturæ rationem comminiscitur; *Quia*, subdit, *dantur cauædia, quæ nullam admittunt aquam, vti testudinata, quæ nihilominus testa sunt.* Etenim quædam excipiunt quidem aquam, sed minori spatio: quædam autem cauædia amplissima sunt, totaque cælo in aperto exposita, quæ, quod valde omni ex parte compluuiata sunt, compluuiata potius dicenda forent, vti diximus in *V. Compluuium*. Sed stat cuique sua laus; cum Testudinata testa, per hoc à cæteris dispecantur, quod ad Metæ formâ, è quatuor angulis in apicè conuenientibus, totidem latera in quæ disper-tiatur aqua cadens, intra se cõplectantur, vnde displuuiata; remittuntur in diuersa; qualia sunt, quæ quadratis turribus imponuntur. Cæterum quæ displuuiata appellat Vitruuius, pectinata vocat Sextus Pompeius; eoquod, pectinis more, à medio culmine in quo annexuntur, demissas habeant alas ad pluuiam colligendam, & subinde reijciendam. Quemadmodum testudinata dicit, quæ in quatuor partes à summo diuexa sunt. Ad quod faciunt quæ aliàs dixerat Vitruu. lib. 2. de veteribus Domorum structoribus, quod *ex quatuor partibus ad altitudinem educunt medio metas, quas & fronde, & luto regentes, efficiunt barbarico more, testudinata turrium testa*,

50

DISPOSITIO in Architectura, inquit Vitruu. lib. 1. cap. 2. *Est rerum apta collocatio, elegansque in compositionibus effectus operis cum qualitate.* Pertinet ergò ad modum, & qualitatem, sicut Ordinatio respicit materiam, & quantitatem, vt in loco videbimus. Itaut ambæ sint veluti poli & cardines, quibus innititur, & voluitur omne opus architectonicum, quibus sibi mutuò non manum dantibus, aut alterutrâ deficiente, monstrosum porrò, ac defectuosum prodiret. Hinc, pro exemplo, aduertit Baldus, si Capitellum Doricum, quod aliàs eandem cum basi altitudinem obtinet, sub columnæ scapo collocatum fuerit, vel inuersa basis supra columnam, monstrum erit, & peccabitur non in ordinatione, sed in dispositione. Hæc autem dispositio architectonica, vt adamussim seruetur, vide quæ habet Barbarus, egregiè de re discurrens.

DISTEGIA, ex vi græcanicæ notionis, significat locum aliquem habentem simpliciter duplicem contignationem, siue id sit domicilium, siue nauigium, siue aliud quid bipartitum: vnde & Distega, & Tristega habemus in Sacris litteris, quæ bicamerata, & tricamerata interpretatur D. Hieronymus aduersus Iouinian. sed rectius duplicem, & triplicem contignationem dixeris, cum nulla extiterit in Arca concameratio, quæ tota erat de lignis leuigatis, bene autem duplex contignatio. Nunc autem Distegia duas stegas indicat, alteram alteri superimpositam, seu duo tabulata aperta, & patentia, ad modum constrati Nauis. Hinc de Theatris potissimum dicabatur, quæ aperta erat, & sublimè erecta, vt multos caperet, vt notat Iul. Pollux lib. 4. cap. 19. & distegiam quidem signatè dicit, fuisse locum, è quo lenones fabulam audirent, ac scenam prospicerent. Vide quæ dicemus in V. Stega. 51

DISTRIBVTIO in Architectura, est rara partium, ac membrorum totius ædificij, suis locis aptatio, vt symmetriam seruent, & alterum alteri tam quoad speciem, quam quoad vsum, probè cohareat, ac respondeat. In qua quidem re, duo præcipuè, ad quæ respicere debeat prudens Architector, memorat iure Vitruu. lib. 1. cap. 2. Alterum, vt rationem habeat expensarum quæ suppetant sufficientique perficiendo operi quod ideauerit, id quod à Sacris Paginis accipit auctoritatem Luc. 14. *Ne postea quàm posuerit fundamentum, & non potuerit perficere, omnes qui vident, incipiant illudere ei dicentes, quia hic homo cepit edificare, & non potuit consummare.* In quo sapius & multum peccauit nobilis alioqui, & magnorum spirituum Architectus, qui in Patria plurima excitauit sumptuosi operis ædificia, atque ad ædificandum ciues suos illexit, non pensata prius vitium ratione: quæ proinde deficientibus nummis, prosequi haud potis fuit, magno cum sui nominis dedecore, dominorumque iactura, quibus inutilia, & imperfecta ad hæc vsque tempora permansere. 52
Alter gradus erit distributionis (qui à prudente Architectore considerandus venit, subdit Vitruu.) *cum ad vsum patrum-familiarum, & ad pecunia copiam, aut ad elegantie dignitatem, ædificia altè disponuntur. Namque aliter urbana domos oportere constitui videtur, aliter quibus ex possessionibus rusticis insuunt fructus, non idem feneratoribus; aliter beatis, & delicatis; potentibus verò, quorū cogitationibus Resp-gubernatur, ad vsum collocabuntur: & omnino faciendæ sunt aptæ omnibus personis ædificiorum distributiones.* Itaque in distributione partium ædificij, primum habenda est ratio vsus, ad quem erigitur. Namque aliter distribuenda est domus urbana ad inhabitandum tantum electa; aliter rustica

ad asseruandos collectos ex possessione fructus, idonea: alia constituenda est magnatibus, & ciuibus; alia negotiatoribus, qui merces venales habere debent, easque promptas, & suis locis dispositas. Qua de re alibi fusè & singillatim pertractat Vitruuius.

DIVERGERE. Vide in V. *Conuergere*.

D O

53 DODRANS mensuræ genus est, ad assem relationem habens in, ultimas partes dessectum, quas vncias vocauere singillatim sumptas, & collectim à numero partium, quæ siue accrescunt, siue ab integro asse deficiunt, denominauere: vt in Asse diximus. Hinc Dodrans appellat, & includit tres è quatuor partibus assis, hoc est nouem vncias, quasi ab integro asse, vno quadrante deficiat. Porro Dodrans non tam de ponderibus, & vnciarum certo numero dicitur, quàm generaliter de quacunque ratione mensuræ, quæ tres quartas è toto quopiam numero comprehendat. Vnde Agrimensores dodrantem vocant ingeri partes tres, è quatuor in quas dispescitur: Architecti tres ædificij partes &c. In quo sensu loquutus est Liuius lib. 8. & Cicero de hæreditate Argiletani, in Epist. 9. ad Atticum l. 1. Quin & Plin. de Luna dichotoma assumit, lucente post plenum orbem, intrâ quatuordecim partes Solis, semper occultam, lib. 2. cap. 14.

54 DOLICVS item mensura est duodecim stadiorum: quo potissimum nomine veniebat cursus gymnicus circâ metam: quamquam Iul. Pollux in Onomast. vult, sit dictum curriculum maximum, quo talis decursus fieret, & qui in eo decertabant Dolichodromi dicebantur. De qua re alibi fusè.

55 DOLON occulti armamenti genus, quod intra virgam, aut scipionem, latentem continet pugionem, seu præacutum veru, quod mox exertum, dolosè infligit vulnus, & mortem; ex quo nomen accepit. Sicam Latronum iure appellat Plutarchus in Tiberio; Et Suetonius in Claudio refert, quod duo equestris ordinis inuenti sunt, qui per prodicionem in publicum prodire armati dolone, & venatorio cultro, parati erant, principem sacris instantem confodere. Hinc sanos dolones dicit Virgilius, Aeneid. 7. atque ad vsus etiam bellicos adhibitos à comitibus Auentini aduersus Aeneam, sic eos describens. Et tereti pugnant mucrone, verâque Sabello. Caterum in re nautica Dolon est species veli parui, quod ad celeriores cursum adiungitur proræ, quodque cum Siparo confundit Isidorus: sed vide quæ dicemus sub hoc verbo.

DQ.

DOMA tectum Græci vniuersaliter nominant; hoc est, eam ædificij partem, quæ cæteris superimponitur, & veluti coronat & complet. At pressius Architecti Domata dicunt, quæ supra totam domum, adeoque ipsam tectum assurgunt, eminentiores speculæ, tum ad liberum circumiacentis aræ prospectum, tum ad ornatum, quæ solent apponi Palatijs Principū, necnon in Sacris ædibus, supra aram maximam, vt sint veluti umbella & corona, simul tegens & ornans, maiestatemque ac venerationem loco, vel à longe concilians. De qua re, vide quæ dicemus in V. Tholus. De eorum architectatione, & varijs speciebus, fusè agit De-Cales in tract. de Arte Tignaria. 56

DORICA RATIO in Opere architectonico, est quæ grauitatem maiestatemque cum decore, in extructionibus seruat, ac mirificè iungit; ita tamen, vt ad soliditatem magis, quam ad venustatem respiciat. Hæc à Dorij primū inuenta est, vnde nomen desumpsit. Nam cum Deorum (inquit Philander) triplex ratio habita esset, fortium, delicatorum, & mediorum; Fortibus, vt Marti, Herculi, Minerva; Dorica seuerioris structura constituta sunt: Delicatoribus, vt Veneri, Proserpina, Floræ; Chorinthio genere propter teneritatem operis factæ sunt: Medijs, vt Iunoni, Diana, Bacco; constructæ sunt Ionica, quod id genus ades temperata sunt, id est, nec vsquequaque gracili floridæque sint structura, nec rursus seuera. Atque ita ab conditione Nominum, quibus Magnificæ ædes erigebantur, ab his qui ea præcipue colerent, structurarū ratio, ac diuersitas sumpta est, ab ijsq; nomina auspicata; Nam Tuscanica, quæ omnino rudis, & simplex est, vel in operibus ruralibus, & prophanis utebantur, vel sane pro dijs sylvestribus, & inferis. Nunc autem quod ad Doricam rationem attinet, ea tota consistit, vt naturæ opera imitetur, & firmitatem grauitatemque redoleat. Propterea, vt alibi adnotauimus, in opere Dorico nec volutæ, nec flosculos, nec folia admittit Vitruu. in Capitulis ac basibus; sed solidam prominentiam, quæ addat operi firmitatem. Similiter in Epistylis Dorico ablegat denticulos, bene verò laudat triglyphos, & mutulos; quod summa tignorum capita referant, & opus sustentent. Itaque, vt paucis rem complectar, Dorica ratio parum à Tuscanica differt, nisi quod hæc omnem prorsus ornatum respuit, & sola simplicitate, & firmitudine gaudet; illa verò in firmitudine attendit decorem, & maiestatem. De qua re alibi fusè, ac distinctius dictum est. 57

D R

DRACONES olim in re militari, erant militaria signa, sex vexilla, sub quibus cohortes colligebantur, & ad prælium ex ordine 38

H h 2

pro-

proceedebant. Et quoniam inter militaria signa, antiquissimum erat Draconis insigne, quod habebat in velo depictum Draconem, in memoriam Pythonis Serpentis ab Apolline interfecti; inde ad animandum milites ad fortiter depugnandum, Vexillum, sub quo numerabantur & proceedebant, Draconis nomine præferebatur; & Draconarii, qui sub eo merebant milites, sunt appellati; vt aduertit Alexand. ab Alexandro lib. 4. cap. 2. quamquam Vegetius lib. 2. cap. 7. Draconarios vocat ipsos signiferos, qui Draconis signum ferebant; & cap. 13. docet, apud Romanos introductum postea fuisse, vt totius Legionis generale Signum, Aquila foret; singularum autem cohortium, Dracones; itaut in vnaquaque legione Decem Draconarii singulos Dracones singularum cohortium vexilla, elatos portarent, vt turbatis aciebus pro prælio, singuli sua signa recognoscerent, & ad illa colligerentur. *Vt ex qua, inquit, cohorte, vel quota esset Centuria in illo vexillo, litteris esset adscriptum; quod intuentes, vel legentes milites, in quantouis tumultu, à contubernalibus suis aberrare non possent. Quale autem fuerit Romanis hoc Draconis signum, perpulchrè describit Ammianus lib. 16. vbi refert ingressum Constantij, militari pompa factum, in Urbem Romam. Alios, inquit, purpureis subtegminibus textis circumdedere Dracones, hastarum aureis, gemmatisque summitatibus illigati; hiatu vasto perflabiles; & ided velut ira perciti sibilantes, caudarumque volumina relinquentes in ventum. Cæterum, etsi nostris temporibus, Draconum insigne abolitum est, & signa in vnaquaque Centuria, pro ductorum libitu, in alia commutata, singulaque ab alijs, certà notà, quæ & Legionem vniuersam, & ipsam Centuriam peculiarem indicaret, contradistincta sunt; nihilominus Draconum nomen stetit, & viget, non in Signis, sed in militibus ipsis, qui certum ordinem bellatorum constituunt præferuidum, medium inter equites, & pedites, vtrumque belli necessitas coegerit, pugnaturi. Hi enim equis insidentes incedunt, solo maiore sclopo armati, non cataphracti, non galeà caput, non lorica pectus munitum; sed rudiori sagulo, ad instar antiquorum penulæ, caput, totumque corpus opertum: cùmque magis ardet pugna, ad terram desiliunt, positoque altero genu, sese sub suis equis, quos sibi pro aggerem anteponunt, occultant; indeque sclopis hostes impetunt, ac sæpè disperdunt, & fundunt; vt propterea maximi momenti sit, in Exercitu eiusmodi bellatores habere, quibus potissimum instructi sunt, & plurimum valent Gallorum acies, & Germanorum, quos peculiari vocabulo *Dracones* nominant, nescimus qua ratione: an forte à terribilitate aspectus, quam præferunt; ampla, villosa, & cucullata gauspina, qua reguntur, nunc in caput elata in Coni formam,*

nunc

nunc in humeros reicta, elatisque in alarum morem, rugatis oblo-
gisque; manicis; vel à fulminalibus ictibus, draconæos alitus, aspectus,
insultusque spirantibus; dijudicent qui sic præliantes aspexerint.

DRVNGI, *Drungisti, & Drungarij, Vocabula sunt militaria* (in-
quit Steuuechius in Notis ad cap. 16. lib. 3. Veget.) & apud Scri-
ptores bellica artis olim frequentia. *Grumos appellat Veget. hoc est (vt
explicat) globos hostium.* In hoc sensu vocem vsurpauit Flau. Vopi-
seus in Probo, de quo scripsit *Omnes gentium Drungos, usque ad quin-
quagenos homines, in triumphum duxit.* Sed audiamus quid in specie,
Drungorum nomine, intellexerit Leo Imperator, De Bellico appa-
ratu cap. 3. num 42. *Qui drungis præfecti erant (inquit) appellati
Tribuni, seu Drungarij.* Ipsos autem Drungos cap. 9. esse dixerat,
tertiam partem Turmaz, quæ ex tribus *Môisays, idest particulis, siue
drungis conficitur: Môisæ autem, idest particula, siue drungus est ex Co-
hortibus, siue ex ijs hominibus, qui comites esse dicuntur, constata multi-
tudine.* Aliter id explicat Aemilius Probus, sed non ad rem. De
qua controuersia videndus est Lambinus, & Adrianus Turnebus lib.
24. aduersarior. cap. 25.

D V

DVELLVM, quasi *duorum bellum*, dicitur singulare certamen, 61
à duobus ex condito initum, ad litem aliquam, non ratione, sed
armis, & ostentatione fortitudinis, dirimendam: Græcis *Monoma-
chia.* Quamquam non ita appellat duos simul pugnantes, vt exclu-
dat pluralitatem, paribus armis, & æquali numero, ex vna altera-
que parte pugnentium, ac de victoria contendentium. Est igitur
Duellum præliare certamen, iusti prælij formam referens, & veluti
compendium, vnico actu rem definiens, ac bellum terminans, partæ
vnus super alium armis prostatum, victoria; cæterâ ijsdem legibus,
artibus ac præceptis incedens, perinde ac si magnum prælium foret;
proindeque eisdem institutis eget, ac bellandi peritia, qua Vegetius,
alijsque rei militaris Scriptores, suos milites præditos volunt, ad
campum eligendum, situm præocupandum, arma ritè, & in tempo-
re expedienda, ictus aduersarij declinandos, insultationem, recess-
sum, accursum, ac denique omnia, quæ ad sui tutelam, hostisque
deiectionem faciunt, obseruanda. Et quidem, si iusta causa adsit,
& publico gentium iure suscipiatur, nulli dubium, quin honestum,
ac sæpenumerò necessarium ad Reipub. quietem, turbulentosque
homines in officio continendos, Duellum inueniatur. Testantur id
Sacrz Paginz, exemplo Dauidis, Monomachiam cum Goliath Philis-
tinarum Duce, totius Israelitici populi nomine, diuinoque acce-
den-

dente afflatu, acceptantis & feliciter ineuntis: testatur antiqua, immemorabilis, & publico iure recepta piorum virorum praxis, cum Dei causa agitur; salus Patriæ, sui suorumque defensio, aut certe, (cum aliunde non suppetit) armis innocentia ab iniuriâ vindicanda: in quo omnes Theologi conveniunt, & Iuristæ; nam tunc ad id iustificandum omnia concurrunt, quæ ad iustum bellum, publico iure initum. At, si ex priuato odio offeratur, & acceptetur, vel ex vanâ gloriâ, ad virium ostentationem, obiecti criminis purgationem, aliâve minus æquâ ac rationabili causâ; impium sanè, temerarium, Deo iniurium, Reip. perniciosum, omnia iura conclamant, nec satis adhuc à Christiano orbe, Sacrorum Conciliorum, ac Summorum Pontificum Sanctionibus, grauissimis inscriptis pœnis in perpetrantes, exterminatum: cum diabolus eius inuentor, altè in fortitudinis laudem, & mundani honoris manutentionem, mortalium cordibus illud infixarit. Cum demùm, nequiquam proficientibus Ecclesiasticis pœnis, nequicquam grauioribus temporalibus, etiam perpetuæ infamix, à potestate laica in duellantes inscriptis; non ita pridem è Francia, vbi potissimum grassabatur hæc pestis, & cæco ductu furebat, post Sanctiss. Ludouici Regis statuta, à Ludouico eiusdè nominis XIV. seriò applicata manu & mente, larua detracta est, pœnæ non tam comminatz, quàm irremissibiliter exsolutz, infamixque in refractarios perpetuò duratura successit. Vt proinde fortissimus religiosissimus, ac felicissimus Princeps, Magni nomen iure adeptus sit, non tàm bellica, fortitudine ac victorijs comparatum; quàm zelo Diuini honoris, ac iustitiæ inter homines; qua duplicem hydram, vtram nescio truculentioiorem, & Hæresim, & Monomachiam, haud vsquam resectis capitibus, repullulantem, in suis felicissimis Regnis extinxit, inusta perpetuæ infamix notâ, districtoque gladio, iugulauit. Scripsit de Duello absolutissimum Opus, ex nostris, Gregorius Carafa supremus quondam Ordinis Moderator, vbi quâ iuridicè, quâ Theologicè, quâ historicè, quâ demùm militariter, rem ita pertractat, vt nil in quouis genere, curioso Lectori desiderandum, relinquat.

EC



ECCLASTERIVM olim, teste Vitruvius, appellabatur minuscule quoddam Theatrum quod postea in proverbium iuit, apud Alabandeos, in quo, nescio quis Apaturius Architectus, scenam, finxerat, aspectui quidem iucundam, sed impropiam, & contra Naturæ ordinem excitatam. Supposuerat enim, seu verius pinxerat (nam alias moles consistere non potuissent) pro columnis, & parastadibus signa, belluas, Centaurosque sustinentes arcus, & epistylia: in fastigijs collocarat prominentes versuras, coronasque, leoninis capitibus sparsim ornatas, quæ omnia stillicidiorum rationibus, ac trabeationis totius ordini repugnabant. Id quod improbat, & vehementer reprehendit Vitruvius ex Licinij mathematici autoritate, lib. 7. cap. 5. *Neque enim, inquit, pictura probari debent, quæ non sunt similes veritati: nec, si factæ sunt elegantes ab arte, idcirco de his statim debent repente iudicari, nisi argumentationis certas habuerint rationes sine offensionibus explicatas.* Verum hæc in picturis excusari possunt, quæ id habent proprium, ut fictæ sint, & abeant à verò, modo oculis imponentes, aspectui abblandiantur, animisque illudent, exotica mentientes. Quod communis hodie plausus probat, & æstimatio operis, quæ tantò id pretiosius habet, quantò magis ridicula, & impropria repræsentat.

ECHEA Græcis Musicæ professoribus sunt sonituum, ac troporum discrimina, quæ inuicem collata, iucundam auribus consonantiam faciunt: ab Echo forte sumpta denominatione, quæ voces replicat, & modularis simul tonis responderet. Hac voce utitur Vitruvius, ad explicandam aptam Theatrorum dispositionem, qua vox refulset, colligatur in unum, & clarior, ac iucundior æstantium auribus

ribus infonēt. Ad quæ præcipit, vltra Theatrorum ratam architecturam, disponi in ijs, & collocari in summo, vasa ærea inuersa, ferreis cuneis sustentata, quibus vox applicita repercutiatur, & resonantior ad auditorum aures pertingat. Sic enim habet. lib. 1. cap. 1. *In Theatris vasa ærea, quæ in cellis, sub gradibus, mathematica ratione collocantur, & sonituum discrimina, quæ Græci ἤχηα vocant, ad symmetrias musicas, siue concentus componuntur, diuisa in circinatione Diatessaron, & Diapente, & Diapason; vti vox scenæ sonitus conueniens dispositionibus, tactu cum offenderit aucta, cum incremento clarior, & suauior ad spectatorum perueniat aures, Et lib. 5. cap. 5. postquam ratam hanc vasorum dispositionem in tredecim cellulis æquæ distantibus partitam, rationibus confirmauit, ita concludit. Hac ratione vox ab scena, vti ab centro profusa se circumagens, tactuque feriens singulorum vasorum cana, excitauerit auctam claritatem, & concentu conuenientem sibi consonantiam. Quomodo autem disponi debeant hæc vasa, vt habeant proportionalem distantiam, & interualla musica ad optimam consonantiam, id confusè nimis tradit Vitruu. & supponit, se loqui ad Musicæ artis peritos. At feliciter rem exequitur Barbarus; petita ab Geometriæ principijs ratione; adiecta etiam ad euidenciam, triplici deformatione dispositionis huiusmodi cellularum ad Circinum, pro triplici ratione concentus, Harmonica, Chromatica, & Diatonica. Quæ igitur, inquit, est proportio corporis ad aliud corpus, quod sit eius duplum, sesquitercium, aut sesquialterum; quæque inter spatium, & spatium; eadem est inter sonum, & sonum: quod ea corpora, & spatia apta sunt aliquem sonum edere: id quod pender ab inuentione duarum mediarum proportionaliū linearum inter duas extremas. Si igitur vasorum dispositio ad consonantiam respondere debent, vt gratum sonum remittant, necesse est etiam, eorum magnitudinem, & inter se distantiam definire. Quocirca, si diuidatur Theatri amplitudo secundum medianam altitudinem in duodecim æqualia interualla, in ijsque tredecim cellulis constituantur; certum est, duas ex his, occupaturas duo extrema cornua; vnam in medio sistsi in æquidistantia, reliquas verò decem hincinde dispositas, quinque ab vno cornu ad medium, totidem à medio ad aliud cornu: itaut extrema vasa, quæ in cornibus sunt, cæterisque minora, acutum resonent, reliqua vnisonè sibi respondeant, iuxta phrægorum dispositionem. Hæc Barbarus, quæ in expositio schemate palam facit. Sed ex praxi magis intelligentur.*

- 3 ECHINVS in Architectura est membrum quoddam Capituli Ionici sub abaco constitutum, in conuexum vergens; quod quia Echinus,

nis, seu castanearum tegminibus apertis, itaut illæ satis conspicuæ forent, simile erat, ex ijsque velut in filium insutis, in seriem scalpebatur, Echini nomen accepit. Nos alia ratione *Ouum*, siue *Ouiculum* (vt moris est architectorum nomina extenuare, vt fixius menti hæreant) nuncupamus; eoquod, inquit Philander *Sculptus est Ouiculus aliquando integris, aliquando supernè decuminatis, cum interfertis utrinque hamatis spiculis*. Transferretur etiam, venustatis gratia, in Epistylia tum Ionica, tum Corinthia; nisi quod in illis simplex est, ducto lineamento ad similitudinem rotundæ lancis, & cauz; in his sculpturis semper ornatus, quæ modò ouiculos, modò echinos apertos, modò turgentem fasciculum frondentium ramnisculorum fasciola obuolutum, repræsentent. Eius speciem habes in deformatione Epistyliorum Ionici, & Corinthij, ad V. Epistylum. Hinc.

ECHINATVM TECTVM dictum est quod spissis tegulis, scabris, ac spinosis, veluti tot echinis componitur: siue potius, vt aliqui volunt, ab echinata coronice, ad quam terminat. Similiter

ECHINOMETRAE à Plasticæ artificibus appellantur matricæ illæ formulæ è cera, gypso, argilla, aut alia simili materia in cauum actæ in varias formas: quibus postea Echinos in operibus, vel è fuso ære, vel ex calce contuso marmori mixtâ, expedite, & eleganter efformant.

ECPHORAE, græco nomine, à Vitruuio appellantur in ædificijs projectiones illæ, seu veræ, siue fictæ, quæ in eorum frontibus apponuntur, tum ad venustatem Operi conciliandam, tum ad aspectus seruandam æquabilitatem. *Quo enim alijs (ait, lib. 3. cap. 2.) oculi acies, non facile persecat æbris crebritatem. & lib. 6. cap. item 2. Alia enim, inquit. ad manum species esse videtur, alia in excelsis. Non enim veros videtur habere visus effectus, sed fallitur sæpè ab eius iudicio mens. Quemadmodum etiam in scenis pictis videntur columnarum projectura, mutulorum Ecphora, signorum figura prominentes, cum sit tabula sine dubio ad regulam plana. Eapropter concludit, quod omnes Ecphoræ venustiores habent in aspectibus speciem, quæ proinde, quantum altitudinis, tantumdem habere debeant projecturæ. Huiusmodi projecturas Nostates, vniuersim Sportos appellant. Galli, Sailles.*

E F

EFFIGIARE ab effigie dimanauit, quod perinde est, ac alicuius rei effigiem seu repræsentatiuam quandam imaginem deformare.

Ii

Id

Id quod commune est figulis, plastis, sculporibus, atque pictoribus. Vnde est illud Apulei epiphonema in Apolog. *Quid sibi statua, & Imagines, varijs artibus effigiate volunt? Quamquam verius omnis, & solius animæ discursus est, in mente imagines omnium rerum sibi effingere, & simulacra componere; & quemadmodum acutè observat Tertullianus, id quod mirabile est, ac propè Diuinum, ipsa ineffigiata, effigians opera effigiata*, quò in his, & ex his, ineffigiatas adeoque insensibiles rerum essentias persequatur. Verumtamen hoc non artis, sed solius Naturæ in nobis mirabiliter operantis opus, quod non manuum labore, non studio, non præceptis, assequimur, & quotidie praticamus, & Speculationes audiunt. Quæ verò materialiter, & extrà nos, in subiecta quadam materia exprimimus, artificia dicimus, quæ mente simul, & manu perficiuntur, & ad Mechanicam pertinent; directione autem ad Mathematicas disciplinas quibus illa obtemperat, ac subseruit. Itaque *Effigiare* vniuersim est artificum quorumcumque, qui secundum conceptam priùs ideam oblatæ sibi rei imaginem lingunt, & in materia exprimunt. At si verbum ex etymo consideremus, effigiare propriè non omnium vtcumque artificum est, sed Pictorum, eorumque qui calamo, aut stylo rem in plano delineant, atque exprimunt. Quare verbum minùs latè patet, quàm deformare, aut effingere. Et hoc quidem videtur ad omnes expressorias artes se extendere, vtpote Fusoriam, Plasticen, Statuatiam; quin etiam quodammodò ad Architectonicam, quæ omnes, sua opera promiscuè, deformationes, & effinxiones appellant: effigiare autem strictiori iure, solas figuras, præcipuè personas, & vultus humanos denotat, quæ adumbrationibus, lineamentis, & pictis coloribus exprimuntur. Author est mihi huius distinctionis & coniecturæ, optimus rerum, & verborum æstimator, tersissimique eloquij cultor, Sidonius Apollinaris, qui lib. 6. epist. 12. referens honores quos Tripolemo suo sacrauit Græcia parens, ob spicarum vsum repertum; distinguit singularum artium munera, quibus se illa iactat illustrem. *Sacrauit, inquit, Templis, formauit Statuas, effigiauit Imaginibus*. Ecce quomodo Architectonibus tribuit erigere, seu sacrare Tempia; Significibus, formare Statuas; Pictoribus, Imagines in tela, vel plana superficie effigiare. Consonat antiquissimus Solinus in Polyhistore. *Ante omnia*, inquit, *effigiant modum capitis*, & insuper lex ult. Cod. Theodos. tit. de excusat. Artific. ubi habetur. *Ad effigiandos sacros vultus, &c.* Est igitur Effigiare Pictorum, & Incisorum, qui sacros vultus, Diuorumque figuras, in imagines ad viuum repræsentantes prototypa, lineamentis, aut pictis coloribus exprimunt; Formare Statuariorum, atque Sculptorum; qui

vel ex ære fusili statuas constant, vel è marmore, ligno, aliâque materia, Simulacra, personas & vultus humanos imitantia, dedolando perficiunt. Quemadmodum, & Plinius lib. 36. cap. 3. eadem ratione Statuariam, à Piçuraudi, necnon & Sculpendi arte secernit, asserens, hanc vetustiore esse, quam illas. Quandoquidem pro Statuaria intelligit artem fusoriam, qua statuz (& has dispescit) è metallo fuso formantur: Sculpturam, qua Simulacra ponuntur: & Piçuram, qua rerum imagines lineamentis, & piçtis coloribus figurantur. Sed de hac controuersia alibi enucleatius.

E L

ELEOTHESIUM in arte architectonica, Vitruuio auctore, locus est in Palæstra ab alijs diuisus, ac semotus; in quem Athletæ, antequam luctam inirent, se conferebant, ad inungendum corpus: quod ideo aptè. apud Latinos *Vinctuarium* vocari posse, notat Philander, confirmatque ex Epistolis Plinij Iunioris. Quandoquidem ita Palæstræ structura distinguebatur, vt singulis actibus sui secessus forent ad hoc specialiter destinata, vt in porticibus varia membra, & distinctiones suis locis aptè disposita; vt & Ephebzum pro adolescentulorum exercitationibus; & Sphæristerium, & Conisterium, & alia, ad diuersas alias exercitationes, prout suis locis dicemus.


IO

ELLYPSIS vna est ex Sectionibus Conicis, quas Vetres Geometrz obseruauerunt magnis proprietatibus insignitas. Et hanc quidem agnoscebant in Cono Isoceles æquicrurio, cuius vertex abiret in Acutum angulum; quemadmodum Parabolam, in cono rectangulo, & Hyperbolam in obtusangulo. Quamquam postea Apollonius Pergæus mirabilis huius doctrinæ celebris promotor, & ampliator in omni genere Coni tum Isoscelio, tum scaleno, omnes sectionum differentias introspectit, ac subtiliter earum naturam, & passiones expendit, & explanauit, vt suo loco inuimus. Nunc autem Ellypsis, prout Sectio Conica est, tunc formatur, quando planum quippiam transuersaliter, & obliquè secat conum, seu vtrumque crus sectionis factæ per axem, itaut vtrinque faciat angulos inæquales in seipsis, & basi sectionis per axem; vt in subiecta prima figura videre est: vbi in Cono a. b. c. sectio per axem facta est a. d. e. ac Sectio Elliptica f. g. h. i. Cuius axis primarius, f. g. secundarius, h. i. & anguli alterni, a. f. g. vel, a. g. f. non æquantur angulis, a. b. c. & d. c. b. basis, vt æquantur in sectione, k. l. m. n. circulari, quæ idcirco dicitur Parallela. Porro ipsa figura Elliptica, siue in Cono, siue extrâ Conum considerata, in eam formam abit, quæ exhibetur in secunda figura, vbi a. b. c. d. est Ellypsis, in qua linea, a. d. est axis,

II

qui dicitur diameter primaria, & transuersa, quæ diuidit ellypsim, nec non & omnes alias perpendiculariter ad axem ductas (quæ vocantur Applicatæ) in duas partes æquales, & quæ in centro axem secant, appellantur Diameter secundaria: Cæteræ verò lineæ, (quæ infinitæ concipi possunt) hincinde ad Diametrum secundariam ductæ, siue ad angulos rectos, siue obliquos primariam interfecantes, dicuntur Coniugatæ, & insuper ordinatæ ad axem, qui inter duo crura trianguli, seu sectionis per axem factæ, intercipitur; quique vt diximus vocatur transuersus, & in Parabola nullus est; in Hyperbola, qui extra sectionem progreditur; & in Ellypsi intra illam continentur, & clauditur. Sed de illis suo loco. Nunc redeo ad Ellypsim.

- 12 Est igitur Ellypsis præcisè à Cono considerata, figura quædam oblonga, quasi Oualis, in plano descripta per lineam flexam perperam, quæ redeat ad caput, vnde exordium sumpsit (pari ratione concipi potest Corpus Ellypticum consimili superficie terminatum,) quæque ordinatim procedat, perinde ac Circulus, quicum magnam habet affinitatem, easdemque ferè proprietates: itaut quadrata applicatarum ad axem, tam in Circulo, quam in Ellypsi eandem naturam, & passiones participant, comparata ad rectangula sub segmentis axis contenta: nisi quod in Circulo, prædictis quadratis applicatarum, rectangula segmentorum sunt omnino, & semper æqualia; in Ellypsi verò nequaquam conueniunt, sed quadrata cum quadam proportionem deficiunt. Id quod manifestum apparet in figuris expositis sub V. *Parameter*, & in alijs locis. Nunc autem damus puras figuras Ellipsis in Cono, & extra Conum.




- 13 Cæterum figura Ellyptica nedum in Sectione Coni, sed & Cylindri, si in eo similis sectio fiat, quæ vtrumque latus contingat, & non

non sit parallela basi: cuius profectò eadem passiones sunt, & insignes proprietates. Quarum illa est admirabilis, reductio omnium radiorum ad focos in axe primario consistentes, vbi cadat eorum reflexio, quæ stupeundos effectus gignit tam in Cautisticis, quam in Acusticis. In ijs enim mirum in modum intenduntur radij solares, atque sonorum species, ex vno in alterum redeunt, seseque reflectentes: adeo etiam in magna distantia sonus exaudiatur, & admoto igne, aut Solis radijs expositum corpus ellypticum ignem concipiat; ex quo focus, & his punctis focorum nomen adhasit.

Quoniam autem huc euasimus, præstat hic ex varijs præceptis, quæ ab authoribus traduntur circa modum ritè formandi Ellypsim, vnum seligere perquam patens, & facile, quo super datum Circulum, parem, seu æqualem, minorem, aut maiorem, prout lubet, formare valeamus ellypsim, eamque, vt opus est, acutiorem, aut obtusiores: inque eius axe postmodum prædictos focos determinare. En demonstratio.

Formetur itaque Circulus aut semicirculus (qui satis est,) eius amplitudinis, ad cuius rationem, efformanda veniat data quæcumque Ellypsis. Facta diametro in circulo, eadem statuatur pro diametro secundaria futuræ ellypsis, quam secet in centro ad angulos rectos alia linea maior, quæ sit pro prima diametro, seu axe transuerso Ellypsis: eamque, prout opus requirit, ad libitum vtriusque protensa iuxta quam formam formare velis Ellypsim aut crassiores, aut exiles.

Quo facto, diameter semicirculi diuidatur in partes æquales, quot libuerit, & à peripheria ad dianetrum, ducantur perpendiculares ad singula diuisionum puncta. Tum in constituta diametro, seu axe primario futuræ Ellipsis, eoridem fiant æquales partitiones, quæ factæ fuerunt in diametro circuli; ad eamque applicentur, ac transferantur illæ ipsæ parallelæ, quas in circulo signauimus, eiusdem prorsus altitudinis, ac in eo: quarum ita simul dispositarum termini, sunt etiam termini, ac limites describendæ ellypsis; itaut linea flexa, æquali manu ducta, quæ per omnes hosce terminos transeat, &



præ-

præfatas perpendiculares, seu applicatas complectatur, ritè illam delineet.

- 14 Focos etiam in Ellypsi ità determinabis. Accipe circino quantitatem semiaxis primarij Ellypsis, eamque transfer in ipsum axem hoc modo: Inuariatà circini aperturà, alterum pedem constitue in puncto B. minoris axis, & alterum dirige ad maiorem axem; nam ubi illum interfecat in E. v.g. vel F. ibi incidunt foci, in quibus congregantur, & concurrunt solares radij, ac sonorum species, per quæ tot mirabilia exantlantur, vt in multis commostrat Scottus in *Magia Naturæ*, & *Artis*.

Et hæc pro nunc de Ellypsi. De eius Paramétro, & alijs ad eam pertinentibus, distinctius suo loco.

- 15 ELIX vide Spira, *Voluta*.

E M

EMBATEN, seu EMBATER, græcè, letinè ingrefforem sonat. Loculum vertit Turnebus. In Architectura sæpè supponit pro Modulo, certa nimirum apud Architectos mensuræ ratione, quam sibi assumunt ad partes omnes suscepti operis dimetiendas, quò debitam illi symmetriam, & partium ratam distributionem assignent. In hoc sensu, semel & iterum assumitur à Vitruuio in definiendis proportionalitatibus Operis. Primò lib. 4. cap. 3. vbi docet, accipiendas esse symmetrias ædificij construendi, à fronte in æquas partes diuisa, hoc est in Tetrastylis, 28. in Exastylis, 44. postea subdit. *Ex his, pars una erit Modulus, qui Græcè Embatis dicitur, cuius moduli constitutione, rationibus efficiuntur omnis operis distributiones.* Secundò applicat ad ballistam lib. 1. cap. 2. & eum colligit ex foramine. Quem locum expendens Baldus, ait. *Dupliciter accipi modulum, in edibus, à crassitudine columnarum, vel triglyphi magnitudine: In ballistis verò symmetriarum rationes embate inueniri.* Embate, scilicet, qui modulus est in ballistæ foramine. Vide quæ explicatiùs dicentur in V. Modulus.

- 16 EMBOLI communiter audiunt columnarum frustra, & Cylindri ad tornum facti, & ad capita resinati. Hinc est, vt Emboli nomen in Mechanicis vsurpetur ad significandam illam operis partem, seu membrum, quod in modum cylindri ex spartho ac tomice confectum, deseruit pro obturaculo, seu axe in fistulis, & canalibus intruso, & vtrò citroque adducibili ad premendum, laxandumue aërem illic inculsum, vti quotidie experimur in antlijs ad sugendam tollendamque in altum è puteis aquam. Hos cum adiecto *Masculos* vocat

eat Vitruu. cum de Ctesibij machina ad attollendam aquam, verba facit. Ità de supernis, (ait) in modiolis, masculi emboli torno politis, & oleo subacti, conclusique regulis, & vestibus conuoluntur; qui vltro citroque frequenti motu prementes aërem, qui ibi erit, cum aqua, obturantibus axibus foramina, cogunt & extrudunt inflando pressioribus, per fistularum nares, aquam. Masculos dixit; non quòd Embolos feminas sit inueniri; sed quod in his, & similibus organis, masculi vicem gerunt, & suppleant intrà canales: vnde & hæc pars absolute à nobis *Maschio* vocitari solet. Quemadmodum viceuersa, in Cochlea masculam simul, & femineam conditionem agnoscimus: & Masculum quidem dicimus tignum oblongum, & rotundum strijs obductum, spiritaliter incedentibus: Feminam verò, quæ hanc collidem suo sinu excipit, & complectitur, simili modo strigibus excauata: quam vulgò *Madrenitam* dicimus.

Sunt etiam *Emboli*, teste Isidoro, in Opere architectonico, præamplicæ porticus ad latera platearum hinc inde dispositæ, nomine, & vsu (abusu potiùs) memorabiles, & famosæ; in quibus vt plurimum, prostrare solebant mulieres inuerecundæ, & scorta, ad promptam sui corporis copiam prætercuntibus exhibendam: vnde & *Embolariæ* postmodum dictæ sunt: queniadmodum à Fornice *Fornicariæ*.

EM

EMISSARIVM, *Aquilegium*, *Erogatorium*, *Immissarium*, & si quæ sunt nomina his affinia, quæ passim habebis in Vlpiano I. C. Frontino, Vitruuio, & alijs Structoriæ artis Scriptoribus; loca sunt in Aquæductis, ad aquæ detentionem, & derinationem spectantia, & inuicem colligata; quæ, aquæ in ijs collectæ educationem, continentiam, transitum, & partitionem denotant; omnesque partes, & membra in Aquæductis constituenda præsignant. Atque Erogatorium quidem intelligere videtur Frontinus, primum aquæ Conceptabulum, seu alueum quò hæc immediatè erumpit, & cadit ex Incili; vndeque postmodum per Emissarium in Castella deducitur. Ait enim: *Meminerimus, omnem aquam, quoties ex Erogatorio venit, intrà breue spatium in Castella cadere*. Emissarium quoque dicitur locus, per quem aqua è suo fonte vel alueo, in quo aliàs detinebatur, emititur: Vlpianus in l. prima ff. de *riuis*; ità structilis Aquæducti partes disponit, atque describit. Primò *Incile* quod est primum aquæ caput, seu locus incisus, atque humi depressus ad latus fontis, aut fluminis, è quo primum aqua educitur, Deinde, *Ad Incile*, inquit, obijcitur *septum*, quod aquam detinet, ne labatur: & sunt *ostia*, quæ ad statum tempus aperiuntur ad aquæ exitum, & clauduntur ad detinendum, vt passim in molendinis, & fluuijs nauigabilibus videmus.

Postea sequitur Emissarium; ac denique Immissaria, per quæ aqua in castella traducitur. Frontinus quoque per Erogatorium, Emissarium intelligit, & addit: *Deinceps per interductum interseruntur castella: ubi verò prominentius solum offenderint, specus effoditur extremo loco.* (ubi vides *Interductum* nominare quod nos dicimus *Immissarium*.) tandem ad immissarium (subdit) adiungitur Calix. Porro Calix est extrema pars tum Emissarii, tum Immissarii, quæ aquam colligit, & facit de vno in alium locum transire, quæ calici, quoddammodò similis est. Et hic est ordo, ac dispositio partium Aqueductus, per quem aqua è sua origine in Urbem, atque in publicas vel priuatas ædes, sua sponte deriuat, & confluit. *Igitur* (subsumit Baldus) *Emissaria plura, Erogatorium vnum.* At bonus vir hallucinatur, & æquiuocum sumit, vt videbimus in V. Immissarium.

- 19 EMPECTON vocat Vitruuius Structuræ genus tumultuario factum ex lapidibus, ac cæmentis temerè iactis in macerata calcem, inter duos corios hinc inde in altum dispositos, atque in muti formam erectos: quod quidem vilissimum opus est, & expensarum vitandarum gratiâ introductum. Altera, (inquit, lib. 2. cap. 8.) est, quam Empecton appellant, qua etiam nostri rustici vtuntur: quorum frontes poliuntur, reliqua, ita vt sunt nata, cum materia colligata alternis alligant coagmentis. Sed nostri celeritati studentes, erecta coria locantes frontibus seruiunt, & in medio faciunt fræctis separatim cum materia cæmentis. Ita tres suscitantur in ea structura crustæ; duæ frontium, & una media fræctura. Eiusdem operis meminit Plinius lib. 36. cap. 22. quod accepisse notat Salmasius, ab ipso Vitruuio, si tamen post Vitruuium scripserit. Sic enim ait. *Tertium* (mentionem prius fecerat de Græcorum construendi more, qui è duro lapide, aut silice coquoato, veluti latericios parietes erigebant, & eius, quam vocat ordinariam, inæquali ordinum crassitudine, quæ tamen in maiorem firmitudinem conspirabat, seruata.) Ergò Plinius: *Tertium*, inquit, *Empecton, tantummodò frontibus politis, reliqua fortuito collocant.* Nomen à re petitum astruit Baldus: idem enim græcè valet Empecton, quod latine affatim plenum, atque infarcinatum.

E N

- 20 ENCARPVVS ornamenti genus in Architectura, Epistylis appositum, Capitulis columnarum, in Antepagmentis, atque alijs conspicuis partibus ædificij: repræsentans florum, frondium, variorumque fructuum sertum artificiose contextum: ex græco vocabulo deriuatum, quod perinde sonat, ac fructuosum. Huiusmodi ornamenta, quæ iam modò acceptissima sunt, ac frequentissima, non tam

in ædibus fixa, & in marmore sculpta, quam veris floribus, & frondibus texta, vel pictis coloribus ficta, ad festorum pompam, atque læticiam, inque aditis templorum potissimum, ubi festus dies agitur, quotidie videntur, & indicium solemnitatis sunt. Nostri non ab *re Festones* appellant. Eorum originem Ionicis acceptam refert Vitruv. lib. 4. cap. 1. eoquod condignam Dianæ ædem ponere volentes, novam Columnarum speciem conspiciati sunt ad muliebrem gracilitatem, ac venustatem conformatam. Sicque *basim*, (verba Vitruvii sunt) supposuerunt pro calceo; *Capitula* volutas, uti capillamento concrispatos cincinnos, præpendentes dextrâ ac sinistra collocaverunt; & *Cymatiji*, & *Encarpis* pro crinibus dispositis frontes ornauerunt. Ad quæ proinde (ut res utique postulabat) colludens Phitander, hæc addit. *Encarpus* græcè fructuosum significat. Hoc loco ornamentum est, hoc est florum frondiumque, & pomorum inflexus, atque contextus, coronario luxu, solij flores, & fructus intercurrentibus, & loro, sine fascia circumcinctis, & aduolutis; cuiusmodi sunt quæserta, & corollas triumphales nostri vocant: Itali *Ghirlandas*, & *Festones* à festiuitate appellant. Notat verò Durerus, huiusmodi ornamenta perperam, & viciose addi operibus Doricis, & Tuscanicis, uti valde absurda, & repugnantiâ grauitati, & simplicitati, quam illa præferunt; perinde ac si viro Consulari, seni, aut militari, cincinnos, fucos, & muliebria ornamenta appingeres.

ENGIBATA, quid sint in operibus Mechanicis, Vide in V. *Cribria Machina*.

ENGYSOPIVM. Vide in V. *Microscopium*.

ENOPLIA, seu, ut alij scribunt, *Ennopia*, græcè dicitur Gymnastica militum concertatio ad tyrocinium facta, rudimentum, atque exercitium belli. Id quod olim, teste Vegetio, fiebat ad palum ad dexteritatem, & agilitatem arma tractandi, ex repetito vfu comparandam, de qua pluries occurret sermo in V. V. *Sciomachia*, *Troia*, *Salatio*, &c.

ENTASIS græcè, latinè *Intensio*, *Tumor*, *Inflatio*. In Architectura pressus accipitur, & in concerto, pro medio Columnæ scapo, seu ventre, qua parte leniter intumescit, ac turget. Vnde Vitruv. lib. 3. cap. 2. De adiectione, inquit, qua adiecit in medijs columnis, qua apud Græcos *Entasis* appellatur; in extremo libro erit formata eius

ratio, quemadmodum mollis, & conueniens efficiatur. Hanc ex Authoris mente (nam promissa ab eo deformatio periit) breuiter, ac dilucidè tradit Philander. Descriptis namque prius ex statuta columnæ altitudine, quatuor diametris; duabus in summa altitudine, & duabus in ima parte ipsius columnæ; Signa, inquit, in media deformata columna altitudine, diametrum parem calci, sine plantæ imi scapi; ducque lineas rectas à capitibus diametrorum Apophygm ad capita media columna, diametro videbis factam adiectionem, qui & venter dicitur, quod ibi columna videatur turgescere. Id quod Naturæ opera imitatur, & rationi videtur innixum. Nam quæcunque onera magna sustinent, vt ijs ferendis satis sint, & quodammodo coaptari; ita pedem in solo figunt, vt facta vtrinque pressione, in medio aliquantulum dilatentur, & turgcant. Aduertit item hoc loco Philander eiusmodi columnam in medio crassiozem, nullam sibi vsipiam visam, & haud scire, num, si taliter fiat, sit oculo responsura, cuius rationem attendendam semper vtrique esse. Idque confirmat ex eo quod arbores, quarum formam imitantur columnæ, & à quibus originem traxere, haudquaquam turgent in medio: sed sensim fastigantur ab imo ad summum, ve ipse Vitruuius tradit lib. 3. cap. 1. quod idco, contrà Naturæ ordinem, & exemplum, in columnis factitatum existimat. At, bona tanti viri pacè. Arborum exemplum à natura petitum, hic non facit: quandoquidem illæ nulli ferè ponderi subiacent, quod ita premat, vt ab obstitendum ipsas necessitet, atque adeo ad aliquam in medio excrecentiam promendam adigat. Verum, si earum integros truncos dissectos, & in aliquo opere, vice columnarum suppositos, collocabis, videbis profectò, nulla arte, sed ipsa natura distante, in medio turgescere, & crassiores fieri. Itaque non ab humano tantum corpore id deriuasse credendum est, (vt opinatur Philander) quod in ventre crescit, sed à quouis, maxime oblongo, quod ponderi ferendo suppositum sit: vt patet in parietibus impositæ moli haud paribus, sese in medio protuberantibus, quod vulgò dicimus *far panza*: semper enim oneri cedens, inflectitur quodcunque fulcrum, & veluti obnitens, natura duce, vires colligit, ac turgescit.

E P

23. EPAGON græcè dicitur apud Vitruuium, trochleæ genus, quam Nostri *Artemonem* appellant. *Pastècam*, Veneti. Qua de re, vide iam dicta in V. *Artemon*.

24. EPHEBAEVM locus est in Palæstra semotus, ac specialiter ad Ephè-

Epheborum siue Adolescentium exercitationes habendas deputatus.
De eo satis diximus in V. *Coniferium*, & adhuc fufius dicemus in
V. *Palæstra*.

EPIBATHRA. Vide *Diabathra*.

EPISCENIVM in Theatrorum dispositione, Vitruuio audit super- 24
structa, seu potius efficta supra Scenam columnatio, ambulacra,
Tholi, omnisque varius, & multiplex testi ornatus, quem Scenis ad-
didit, nescio quis Apaturius Alabandeus, ac Trallensibus publicè
exposuit, oculis quidem adblandientem, Scenæque ipsius asperita-
tem, rerum varietate emollientem, sed naturæ operibus absonum,
veritatique repugnantem. *Neque enim, inquit, pictura probari de-* lib. 7. c. 5.
bent, quæ non sunt similes veritati, nec si facta sint elegantes ab arte,
ided de his statim debent repente iudicari, nisi argumentationis certas
habuerint rationes siue offensionibus explicatas. Vnde impensè laudat
Licinium Mathematicum, cui huiusmodi opera, quamuis efficta ad
oculum, nullisque vitij ac detrimentis obnoxia, haud probata fuere,
tamen si Trallensibus omnibus maximè accepta, & summopere com-
mendata, quos illum in Civilibus quidem, & forensibus causis acu-
tos; in agilibus autem, vti insipientes, & ineptos, sic reuicisse
commemorat, & introducit. *Quis vestrum, inquit, domos supra re-*
gularum testa potest habere, aut columnas, seu fastigiorum explicationes?
Hæc enim supra contignationes ponuntur, non supra regularum testa. Si
ergo, quæ non possunt in veritate rationem habere facti, in picturis proba-
uerimus; accedemus, & nos his Cinitatibus quæ propter hæc vitia insi-
pientes sunt iudicata. At enim inuidiosa, & nimis rigida obiurga-
tio. Nam (vt alibi in simili adnotauimus) Pictura, quæ Pictura
est, tota in mendacijs, & illusionibus mentis versatur, & non in ope-
re faciendi ex architecturæ legibus intenta est, sed ad rerum imagi-
nes exprimendas, vt vt congruant, aut longè dissent à vero, itaut
quod mendacior, eò celebrior; & fallere hic, & falli, æquè acceptum
sit, & computetur in lucro. Quocircà Pictoribus hæc monstra,
quæ in re, contrà naturam sunt, ac non offendant, repræsentare; non
modò licitum, sed & singulare artis encomium est, vasterumque in
mente Artificis idearum; quibus nostra ætas applaudit, & mirificè
delectatur.

EPISTYLIVM in Architectura propriè signat præcipuam illam, 25
Trabem, seu partem illam, quæ trabis formam, & vsum habet in
K k 2 ope-

- opere, præsertim Tuscanico, & Ionico, & suprà columnas in directum excurrit, eas quodammodo reuincens ac neciens; vnàque simul totam desuper iniectam nolem, veluti humeris suscipiunt, ac sustentant. Quod ideo non immeritò à nostris *Architrabs* nuncupatur. Sed nec minus expressiuum est græcum Vocabulum *Epistylum*, quod columnarum superimpositionem significat. Generaliter autem, & sæpissimè accipitur pro integrâ Trabeatione, scû coronice, quæ vnà cum alijs membris, ipsam, quam modò dixi, trabem complectitur, adeoque supremum Cymatium Tenias, Zophorum, Coronam; Regulas, Triglyphos, Metopas, Denticulum, Simam inuersam, Tympanum, Acroteria &c. prout quique architecturæ ordo deposcit. Hoc in Opere Tuscanico non admittit nisi duplex Cymatium, alterum, suprà, alterum infrâ Coronam; Coronam ipsam, quam *Gutulatorium* nos vulgò vocamus, Zophorum, Teniam, & propriè dictum Epistylum. Dorica Trabeatio vltra hæc, habet sub Corona, & Cymatio, fasciam oblongam & latam, loco Zophori; vbi triglyphi insculpti super capitulum columnarum perpendiculariter cadentes, referunt tignorum capita exporrecta; & inter vnum, & alterum, Metopas, quæ sint veluti intertignia quadrata: sic dictas, quod sint mediæ inter duas Opas, hoc est tignorum cubilia, vbi conuiescant, & insident. Metopæ autem istæ, aut sunt planæ, & simplices, aut scalpuntur Lancibus, ac Taurorum capitibus prominentibus, vittis cornibus illigatis, quæ deorsum pendent, habentes in extremis florum ferta, & fructuum frondibus interstincta. Suprà triglyphos est Tenia; quæ, quamuis procurrat; vbi tamen ad eorum perpendiculariculum peruenit, aliquantulum exiliens, & exporrecta, capitulorum erga ipsos viceni præstat. Tandem inter triglyphos, & Epistylum propriè dictum, est altera Tenia, à qua sub triglyphis pendent sex quasi guttæ, singulis triglyphis respondentibus turbinis inuersi figura, quæ totidem stillicidiorum guttulas referant, quæ per triglyphos cadant. Et hæc complent rationem Coronice Doricæ.
- 27 Ionica verò triglyphos non admittit in Zophoro, sed illum habet conuexum, & turgidum instar puluini; altum, si simplex fuerit, quarta parte minis ipso epistyllo; si sculptus, quarta parte maior. Suprà ipsum, Cymatium collocantur, ac suprà Cymatium exporrectus Denticulus; quem, vti proprium, sibi vendicat Coronæ Ionica: infrâque Zophorum, tres fasciæ excurrunt, alia alijs prominentior; quarum prima depressior, tres partes habet crassitudinis Epistyllij; media quatuor; suprema, tam crassa, quantum crassus est imus scapus Columnæ.

Corinthia Coronix ea omnia amplectitur quæ Ionica, eadem commensuratione, & partitione; nisi quod inter Coronam, & Denticulum, admittit Echinum scalptum ouiculis, aliquando integris, aliquando supernè decacuminatis, cum interiectis hinc inde hamatis spiculis: qui quidem Echinus tam altus sit, quantum prima Epistilij facia. 28


Tandem Compositus Ordo, in Coronice cōflatur ex Ionico, & Corinthio, vsurpatis vtriusque adiectis, & ornamentis: ita disposita trabeatione, vt summa pars, idest Corona cum regula, & cymatio, non superet crassitudinem supremi scapi columnæ. Ea altitudo, cum diuisa fuerit in partes sex; duæ dantur Coronæ, vna cymatio inferiori, quod supra Zophorum extenditur. Suprà Coronam verò, non Sima collocatur, vt in alijs ordinibus, sed Cymatiū, altum partes illas tres reliquas quæ aliās Simæ tribuerentur. Zophorus etiam, in quo mutuli scalpuntur, omnis generis ornamenta admittit, imagines, encarpas, cauliculos molliter excurrentes, atque alternatim inflexos, & in flexuris, baccas, poma, frondesque sparsim profilientes &c. Qui tamen quando excurrit ornamentis onustus, aliquantò altior permittitur, sed non vt multum superet connexum echini, & mutulorum. Hæc omnia partim ex Pilandro sumpta sunt, qui satis ampla digressionem confecit quod in Vitruuio desiderabatur; partim ex probatis authoribus, Serlio Scamozzio, & Vignola. Sed præstat hic singulorum ordinum specimen oculis exhibere, vt res facilius intelligatur.

De Zophoro erit particularis consideratio, suo loco.

Epistulum Ionicum

Epistulum Doricum

Epistulum Tuscanum



Epistulum Compositum

Epistulum Ionicum cum peduno

Epistulum Corinthium



Cdb &

- 30** **EPISTOMIVM** græcè, reddi posset Latine; *Oris obturaculum*. Hac voce communiter vtuntur Mechanici, & cum ipsis Vitruuius, ad significandum æreum instrumentum, quo fontium struclilium syphones clauduntur, & adiecto obice obturantur. Sic enim habet Vitruu. lib. 10. cap. 13. de Machina hydraulica sonos edente. Singulis autem canalibus singula Epistomia sunt inclusa, manubrijs ferreis colligata; quæ manubria cum torquentur, ex arca patefaciunt naves in canales. Quæ ita exponit, & illustrat Philander in Notis. Quem admodum salientium, siue siphunculorum ora Epistomio coercentur, manubriorum, cum lubet, versatione aqua effluit; ita in Musico Organo epistomij continentur, aut laxatur spiritus ex arca in canales. Consonat Budæus, qui Epistomium (ait) aramentum est, quo ora salientium obturantur, & laxantur cum opus est, dum manuducitur verticillum illud pertusum, quod admittit, vel arceat aquam, prout hoc, aut illo modo versatur. Res alioqui lippis, & tonforibus nota.

- 31** **EPITAGMA** in re militari græcè audit Subsidiaria Cohors, aut Equi-

Equitum Turma ab toto exercitu separata, ac seorsim ad obseruandam prælii aleam; quomodo cedat, relicta; ad hoc vt laboratibus forte socijs præsto sit, & opem ferat, tum vocibus ad animandum, tum manibus, ad fortiter hostibus resistendum. Id quod sæpè cum magno lucro, & victoriæ præludio fit. Quæ de re, vide in V. *Subsidium*.

EPITECTICVM Gromaticorum, & Agrimenforū vocabulum est, 32
apud Du-Cange in Glossario: significans terminū alicuius stationis, & loci, ultra quem quis, iurisdictionis aut vsus fructione non habeat. Assert præ alijs Vitalis, & Arcadij auctoritatē, in Iure Ciuili dicitur *Terminus Epitellicalis*, siue in finitione agri siue in Præfectura, extenditur ad pedes 400. & pedes 800. In quadrifinio verò, si plus quatuor lapidibus fuerint inuenti, *Epitellicales* vocantur; nam terminus iste vocatur *maximus*. Vocis etymon educit Rigaltius *ἔπειτα τῶν ὁρίων*. Quod etiam aliorum terminorum commonstret.

EPITHIDES græcè superimpositionem sonat. Accipitur autem, 33
in concreto, in opere architectonico, pro parte illa, & supremo membro Coronis, quod illam superne terminat, ab nostris *Sima*, & *Gula* rectè nuncupata; vt cymatium inferius *Gula inuersa*. Quæ de re, vide quæ fusius dicentur in V. *Sima*.

EPITOXIS in Mechanicis dicitur canalis Catapultæ, qui sagittam recipit: vnde Heron, *Susceptium teli Cauum Epitoxada* vocant. Alij accipiunt pro ballistæ nuce, sed errant. Est enim cauum per totam longitudinem regulæ ductum: siquidem Vitruuius lib. 10. cap. 15. de Catapulta loquens, ait: *Epitoxidos* longitudo foraminum, semis, &c. Caterum res obscura nimis in instrumento bellico, quod iam vix nomine tenus agnoscitur; quæque, in explicando singulariter, Dei opem exposcit, vt fatetur Barbarus, ne in auiâ abeamus.

EPIZYGIS, inquit Turnebus, græcè appellatur axiculus ille, 35
qui neruos in Instrumento musico versat, ac tendit. Cuncolum vocat Vitruu. lib. 10. cap. 18. quem tamen cap. præcedenti, Epizygim dixerat. Est igitur adiectum istud, (quocumque nomine verius insigniatur) tam in ballista, quam in Organo musico, clauicula illa, quæ transversa, & foraminum, quod in extremo apice Instrumenti est, firmiter intrusa, neruum, scilicet chordam, tensam tenet, & modo laxat, modo arctius intendit; cuius frequentissimus vsus est in Tetrachordo,

do, alijsque instrumentis musicis, quæ fidibus constant, & manu pulsantur: unde & à nostris *Clauienta* nuncupatur. Nomen græcum, inquit Iul. Pollux, traxit ex pessulo, quo ostium obseramus, qui Græcis dicitur *Επιθυνη*.

- 36 EPOCHÆ, ut aliàs diximus, communiter audit Radix, & initium temporum, ex quo anni præterlabentes, iuxta diuersarum Nationum instituta numerari cæpere: ab Ascensionibus Planetarum in Zodiaco, ut vult Rhodiginus, nomine deriuato. Est hæc, fundamentum potius dirigendarum, ac firmandarum certo tempore Epocharum, quam Epochæ, in suo proprio significatu, dicendæ sunt. Quippe Epochæ, ex græcanica notione inhibitionem significat, quæ recte ligendis ineluctabilibus temporum initijs, ac radicibus data est: eoquod, facta temporum excursorum collatione, obseruarique insignibus Planetarum sigijs, & Eclipsibus, quæ rarò accidunt, ac rarissimè simul coincidunt, illorum momenta, & fixa primordia ita omnium populorum consensione firmanur, ut nefas sit de ijs dubitari, & vterius scrutinari.

- Sunt igitur Epochæ certa temporum initia, à quibus Chronologorum seriem quam texunt, suis quibusque temporibus respondentium auspicantur. Præcipuè autem Epochæ numerantur ante Christum natum, Decem, Post Christum Græcæ 24. Romanæ, 14. vniuersim Christianæ ad hæc vsque tempora, decem & septem.
- 37 Sed adhuc res in obscuro iacet, quia Aeræ singularum Nationum non conueniunt, ex annorum diuersa accepta à singulis quantitate, & respondentia ad Aquinostia, ut aliàs diximus in V. Commentus. Quamquam in Tabulis Persicis nuper vulgaris, nempe anno MDLXXVI. ex Bibliotheca Cl. viri Georgij Velschij, quas ipse, uti exactissimas summè commendat, creditur inuenta methodus, facillimè, & absque errore, venandi punctum præcisum Aquinostij Verni: ex quo quæcunque temporum initia, & radices auspicari poterunt. Atque ad huius rationem, testatur idem Velschius, exinde sua tempora ordinasse, Persas simul & Turcas. Pro cuius rei intelligentia,

- 38 Sciendum est, Persas priùs uti consueuisse Epochæ Iezdaierdicæ, quæ caput ab initio occupationis illius Regni, factæ per Iezdagerdem filium Sarienensium eorum Monarchæ: & tunc computabant annum communem constantem dieb. 365. præcisè, absque ulla fractione, & consequenter instabilem. Postea acceptarunt reformationem factam ad annum, qui responderet apud nos, anno MLIX. à Christi exacta Natiuitate: Quo tempore Sultanus Gelaledi Princeps Mesopotam-

potamiz, in Astronomicis versatissimus, suam adornauit Epocham, adhibita opera Chami Astronomi Regij, (qui author fuisse creditur præfatarum, quas suprà laudauimus, Tabularum Aequinoctialium) & consultatione septem aliorum *Minatzim* (sic suos appellant Astronomos) qui in id concordēs, & vnanimēs consenserunt. Quo factō ipse Sultanus Gelaledi, decreuit, vt in posterum semper annus alligatus sit ad Aequinoctium Vernum: hoc est, comprehendat, (vt integretur) spatium illud excursionis Solis à primo puncto Arietis, quoad usque ad illud ipsum adamussim redeat. Ita tamen, vt singulis quadriennijs, & aliquoties interpolato quinquennio, rescinderetur dies vnus vltra quinque Epagomenas, seu quinque dies, aliàs communiter additos ad aliquos ē duodecim mensibus anni, constantibus ceteroqui singulis, diebus tantum 30. tamen si postea istæ Epagomenes tributz fuerint, veluti appendices, certis quibusdam mensibus, vt fixæ & stabiles permanerent, atque omnibus essent notæ: quemadmodum, & apud nos est in vsu in anno Iuliano.

Itaque ab hoc tempore abrogata est Aera Iezdagirdica, necnon Hegira Turcica; & introducta hæc noua Epochā, quam communiter amplexati sunt omnes Mahumetani, & vocauerunt *Sultaneam Melicam*; seu, vt potissimum Persæ, *Gelaleam*, ab suo Principe Sultano Gelaledi eius auctore. Et vt perpetuò apud eos staret ista Anni correctio & innotatio, prædictas Tabulas condiderunt, quas adeò extollit Velschius, vt Commentarijs illustrare, qua parte spectant ad inuentionem præcisam Aequinoctij verni, non fastidierit: quod dignum operæ pretium duxit Epocharum omnium stabilimentum. Cuius initium, quod lingua eorum Persæ vocauerunt *Nauruz*, hoc est Annus Nouus, anniuersaria solemnitate celebrant, & per sex dies continuos prosequuntur Conuiujs, Canticis, saltationibus & alijs lætitiæ signis.

EQ

EQUI FRISII, sic dicti, vel ab forma equina, quam præferunt, vel certè ab eorum inuentore Equite quodam Frisio, inter bellica machinamenta hostium potissimum equis insensa adnumerantur. Etenim trabes sunt extrinsecus ad figuram exagonam dedolatæ, intrinsecus autem in centro, seu axe concepto pertusæ, in quas induntur in longum teretes ferrei Scipiones in extremitatibus acuminati, ipsæ verò in capitibus, & circa, statis in locis ad consistentiam sunt obductæ, longæ quinque circiter pedes, tranuersisque in dorso clauis acuminatis, ac prominentibus incedentes, & cum aetæ fuerint circa axem, seu scipionem ferreum sese rotantes, ac terræ identidem, his, quasi pedibus insistentes forma, & vsu non multum à tribulis abhor-

rentes, nisi quod hi minores sunt, & in totum ferrei; illæ autem longiores, & adactis ferreis vectibus, altiores. Hæ nimirum trabes sic adornatæ, seu, ut diximus Equi Frisij, ante hostes inieci, eorum, incessum præpediunt, equos infestant, vngulas findunt ac lacerant, aut certe in ijs ita infiguntur & hærent, ut vltrà progredi haud valent. Ex quo, turbatis ordinibus, confusionem aduersarijs important, & intentandi cuiusvis facinoris desperationem. Horum formam, & usum vide apud Mallet in *Agonibus Martis*.

- 41 **EQVITATVS** in Exercitu, appellat partem illam, quæ turmis Equitum bellatorum componitur, prout à Peditatu distinguitur. Eius in Legionibus primus inductor fuisse creditur Romulus, Legionum, & ipse institutor: Qui primò, ut essent expeditiores, & ad insiliendum, descendendumque agilitet ex equis, inermes incedebant, & solum perizomata circa lumbos accincti, ut habet Polybius, unde & Celeres à celeritate dicti sunt. Postea, cum in congressibus, & prælijs, vulneribus impunè appetirentur, eoquod ferè nudi pugnant, arma eis data sunt, ex quo Cataphractarum nomen acceperrunt. Quoad locum in Acie, non semper idem, sed varius pro rerum occurrentium, & locorum opportunitate. Certè Romani, teste Liuius lib. 22. in dextro cornu suos equites locabant, dein pedites; ad læuam cornu extremos Equites Sociorum intrà pedites, in medio iaculatores. Hinc Equitum Alæ dictæ, ut scribit Gellius, quod dextrâ læuæque circà pedites, instar alarum circumfunderentur. Plura de hac re, & ordine quo procedebant, quo dimicabant; vide apud Veget. lib. 3. cap. 6. & 14.

E R

- 42 **ERGATA** apud Mechanicos vulgatissimum instrumentum est in genere tractorio, eiusdem planè usus, & formæ ac Succula; quinimò illa ipsa est, sed non resupina, verum erecta, & perpendiculariter plano insistens. Quò fit, ut Succulæ applicari possint quauis potentia, etiam inanimes, quæ solum suo pondere eam circumrotari faciant; Ergata verò agitari non possit nisi ab animatis, utputa hominibus; & iumentis. Hanc nos vulgò, *Arganum* appellamus. Cæterum utraque habet axem, & tympanum rotundum in medio, circà quod voluitur funis ductarius, cui inditur onus vel trahendum, vel extollendum, & in capitibus vestes, in crucem transversos habet, ad agitandum. Et Ergata quidem, cum sit perpendicularis, & erecta, vnum habet cardinem, cui innititur veluti ad terram defixo intra scrobem, & foramen in tigno sustentante factum, facili ad volutandum; Succula autem duos, quibus axis innititur, æquè à terra distan-

stantibus, eique parallelis: At Ergatæ caput, seu altera extremitas libera manet, & solum fulcris circa, vt seruet perpendicularum, sustentata: quod ideo habet ibi duas transversas callopas, seu vices infixos quibus brachiorum nisu agitari, & circumuolui possit. Res notissima, & passim obtutibus obuia. Cuius tamen specimen delineatum habes apud Heronem, Pappum, & Commentatores Vitruuij.

ERICIVS in re militari, in apparatu bellico est Machina ex se 43
quidem tectoria ac defensiva, sed exterius quoque ad offensionem, vndique telis infestis horrida, ad eaque prontè, & agiliter iaculanda certo nexu, & ordine apparata: Sic dicta ex similitudine Ericij, seu Erinacij siluestris feræ (quam nos Histricem appellamus) quæque cum inuaditur à Venatoribus, arrigens se, magno impetu spicula, quibus in tergo conuestitur, emittit, atque in hunc modum ab eorum manibus se proripit, & fugit. Hac Machinà contrà hostium impressiones se contutari solebant Antiqui, ex ea telis alijsque missilibus iactis, quibus eos aut perderent, aut certè arcentes remorentur. Instruebatur enim nedum telis, & phalaricis, sed & ingentibus saxis probè ad inmissionem dispositis, quæ ordinatim, & ad tempus iaciebantur, nunquam fallente icu: vt colligi potest ex Sallustio, qui sic habet apud Nonnium: *Saxaque ingentia, & axe victi orbes per prouum incitabantur, axibusque eminebant in modum Ericij militaris veruta bindu pedum.* Cæsar quoque lib. 3. *Erat, inquit, obiectus portis Ericius. Hic paulisper est pugnatum, cum erumpere nostri conarentur.* Huic affinia erant alia Machinamenta simili modo, nomenclaturà ab animantibus petita: vti *Talpa*, terram effodientes, *Vulpecula* insidiantes, *Catti* insilientes, & id genus artefacta, quibus onustus Exercitus, in apparatu bellico procedebat ad oppugnationem aliquam intentandam. Quoniam autem hæc impedimento potiùs, quam adiumento esse comperta sunt, ideo successu temporis, iam communi facto vocabulo hæc, & omnis apparatus bellicus, Impedimenta appellari cæpere. Id omne constat ex lib. de rebus gestis Friderici Imp. apud Othonem Frisingensem, vbi in appendice ad cap. 23. notat Author. *Omnem apparatus, quem ad oppugnationem fecerunt, Talpas, Vulpeculas, Ericios, Cattos (italibus enim censentur nominibus,) iussit Imperator comburi.* Credibile est hæc omnia fuisse in genere Pluteorum, quibus milites recti simul, & armis instructi, oppugnationem aliquam adornabant, ac strenuè prosequebantur. Qua de re, Vide Lipsium in Poliorecticis.

ERISMAE, alio nomine Anterides, in Opere architectonico pilæ 44
L I 3 sunt,

sunt, siue etiam arcus muris oppositi pro fulcimento, ne inclinentur, & ruant. *Sperones* nos Itali vocamus: at verò in militaribus operibus adiectas, peculiari nomine ad distinctionem, *Sactoni* vulgò dicuntur; de quibus alibi. Verùm *Erismatum* nomine vtitur aliàs Vitruuius in describendis scalis nauticis, & ascensorijs, quæ vt subsistant, similia fulcimenta habent: Sic enim loquitur lib. 10. cap. 1. de omnibus vniuersim. *Scanforia ratio, non arte sed audacia gloriatur. Ea concatenationibus, & transuersarijs, & plexis colligationibus, & Erismatum fulturis continetur.* Vbi Philander: *Erismatum fulturas, inquit, facile intelliget, cui non sit incognitum scalarum id genus, quo nostri vtuntur legendis ab arbore fructibus, putandis etiam iugatis, & compluuiatis vitibus, cum non est cui alterius generis scala applicentur, bareantur.* Etenim, similem effectum faciunt in scalis huiusmodi hæ concatenationes, & transuersaria, ac in muris inclinatis adactæ *Anterides* seu *Erisma*. At de scalis illis, quæ *erismatum fulturas* habent, erit suo loco specialis consideratio.

EROGATORIVM in Aquæductis, vide in V. *Emissarium*.

E V

EVNOPLIA. Vide *Enoplia*.

45

EVRIPI in Geographicis communiter audiunt Maris angustiz, vbi restricta aqua, fluctuat, reciprocatur, & æstuat; quale est Fretum Messanense à nobis, non sine pauore, & periculo traductum. Per antonomasiam verò, & sine addito, tali appellatione venit Fretum, quod est inter Aulidem Bæotiz portum, & Eubæam Insulam, quod teste Mela, *Finis diei & noctis spatio septies recurrit; & eo impetu, vt nauigia repugnantibus ventis plena, secum rapiat.* Hæc in ordine ad Geographiam. Verùm Euripi notio transfertur generaliter ad significandos quoslibet aquarum patentium ductus, quos etiam Nilos appellat Tullius primo de Legibus. *Ità tamen (aduertit Philander,) vt existimem Nilos esse, si maiores sint: sin autem, simpliciter Euripi; ad quam rem comprobendam aſsert authoritates Plinij, Suetonij, Senecæ, Galeni, & aliorum. Vitruuius etiam lib. 7. cap. 5. Euripos pro Riis accipit. Sed de hac re fusius in V. Nili.*

46

EVERYTHMIA in generali notione accepta, significat in vnaquaque re, optimam partium distributionem, ordinem, nexum, conuenientiam, & symmetriam, à rythmo, quod græcè consonantiam numerorumque proportionem sonat, sumpta denominatione. Ad quam rem Paulus Aegineta, eam in corporis humani conformatione
confi-

considerans, ab ouo, vt dicitur, exordiens, Rythmi quidditatem rimatur, & in suas differentias dispescit. *Rythmus*, inquit, aut *Eurythmus* est, & bonum ordinem, & consonantiam indicat: aut *Arhythmus*, & tunc inconcinnum, & perturbatum. Consistit ergo *Eurythmia* in similitum, ac dissimilium colligantia sibi benè cohærentium, in ordine ad totum, itaut in toto composito resulet, & consistentia, & venustas. Idque, non in operibus tantum naturæ attenditur, sed maxime in Artefactis, & erectis ex Architecturæ legibus ædificijs, quam vnice Architectis commendat Vitruuius initio sui Operis, inferens quod *Eurythmia* est *venusta species commodusque in compositionibus membrorum aspectus*. Et infra, docens quomodo in praxi se gerere debeat Architectus, vt eam in suis operibus assequatur, subdit. *Hæc autem ita fieri debent, vt habeatur ratio firmitatis, utilitatis, venustatis*. Et lib. 6. cap. 2. ad particularia descendens, ait: *Explicetur operis futuri, & locorum imum spatium longitudinis, & latitudinis; cuius, cum semel fuerit constituta magnitudo, sequitur eam proportionis ad decorem apparatus, uti non sit considerantibus, aspectus Eurythmiæ dubius*. Sed tandem *Eurythmiæ* conditiones, & requisiti, Architecturæ præceptis, ac regulis claudi non possunt, bene tamen ea obtinetur in opere, si operator ijs insistent, de reliquo totum dirigat suæ mentis acumine, vt fatetur ipse Vitru. Consistit enim *Eurythmiæ* laus penè in indiuisibili. Primus ergo effectus *Eurythmiæ*, & gratus aspectus, qui primò se ingerit in ædificio, est quòd à Græcis vocatur

EVSTYLOS à proba columnarum dispositione, ac symmetria dictum, seruans simul decorem, firmitudinem, & venustatem. De quo, vti de alijs speciebus ædificiorum ex rata, vel difformi columnarum colloca-
47. tione, vide quæ diximus in V. *Areostylos*.

EVTHYGRAMMVS græcè idem sonat, ac si rectam lineam directes perpendiculariter incidentem in planum. Quamquam Architecti communiter accipiunt pro Regula, vtrumque rectæ lineæ directrice. Sic Vitruu. lib. 1. cap. 1. ad explicandum, quomodo Architectura Geometriæ adminiculis opus habeat ad sua opera dirigenda, Circini, & Regulæ vsum, & proprietatum rationes ex illa petitas, nosse Architectori necessarium duxit: ait enim. *Ex Geometria plurimum præsidij dari Architectura, & primùm Euthygrammi, & Circini tradit vsum, à quo maxime facilius adificiorum in areis expediuntur descriptiones, normarumque, & librationum, & linearum directiones*. Ecce quomodo, & librationum incidentiam singulariter Euthy-
48. thy-

thygrammo tribuit, & vniuersim omnium linearum reſtarum directionem; vti & circini verſatini flexarum. Namque (vt aduertit Philander) ad Regulam expenduntur lineæ, reſta ne ſint, an obliqua; vt ad Circinum Circulus, quæq; aliquam eius partem referunt, quales ſunt omnes flexæ, & arcuales, vt Conoides, Cyclicæ, Conchoides. Linea Quadratrix, &c. facile enim eſt eas ad Circulum, aut ad Euthygrammum transferre. Sunt autem qui volunt, Vitruuium eo loco, pro Euthygrammis, non regulam, ſed ipſas lineas, & figuras reſtilineas regulam iam probatas intellexiſſe, nec ſanè irrationabiliter. Quorſum enim Euthygrammis in plurali, & non Euthygrammi in ſingulari dixiſſet uſum, vti de circino dixit, quando vnica regulà omnes quæcumque reſtilineæ figuræ natæ ſunt dirigi? Sed non concordat textus, vt expendenti patebit. Quare in hac re exiſtimauerim Vitruuium, non de vna tantum regula intellexiſſe, ſed de pluribus, ad minus duabus, quæ coire queant in angulos, quibus figuræ reſtilineæ æquæ ac lateribus conſtant; eaſque noſſe, ac designare non minus neceſſarium ſit Architecto ad ſtructuræ poſitionem, quam linearum, ac laterum eos efformantium, ſeu linearum naturam: vna enim linea ex Euclide, neque angulum, neque figuram concludere apta eſt. Et ideo in his designandis vnum circinum nominat, quia vno omnes figuræ circulares ſignari poſſunt, duos ad minus euthygrammos, quia vnus non ſatis eſt ad expediendas omnes ædificiorum in areis deſcriptiones, vt intendit Vitruuius comonſtrare. Conſonat Martianus Capella in Geometricis, & alij Recentiores. Hinc

- 49 EVTHYMETRIA dicitur Scientia, ſeu facultas, qua traditur ratio dimetiendi longitudines, & latitudines locorum, eorumque diſtantias venandi, medio Euthygrammo, aut alio instrumento reſtilineo. Fit autem per diſenſionem lineæ alicuius reſtæ, ſaltem imaginariæ ductæ de loco ad locum, quæ conſtituta ſit in eodem plano horizontali; aut eidem parallela, quod vniuerſim facit, eſtque proprium munus Geographiæ.

EX

EXAMILON. Vide *Hexamilium*.

- 50 EXAEDRVM Vnum eſt ex quinque Corporibus regularibus in Geometria celebribus, ac notiſſimis: quod alio nomine apud nos dicitur Cubus, conſtans ſex quadratis (à quibus denominationem ſumpſit) & octo angulis ſolidis, formatiſ ex quatuor reſtis in vnum conuenientibus. De quo fuſius ſuo loco, & generaliter in V. Corpora regularia.

EX-

EXCVBIAE, Vide in V. Vigiles.

EXCVRSIONES Militares sunt, quæ vulgò appellantur *Sortite*: ex- 51
temporaneæ videlicet militum prædicatorum eruptiones è latebris
monium obfessorum in campum, & hostium castra, quâ parte mi-
nus timentur; vt ea incuriosis illis, & quieti deditos occupent, in-
fringant, ac dissipent, ijsque illos deturbent. Vnus quippe eorum 52
finis est, hostes loco abigere, potentiam tundere, machinas dissipare,
tormenta clavis infixis inutilia reddere, ac verbo, manus cum illis
fortiter conferendo, stragem ex eis, prædam, & aliqualem victoriam
reportare: quod, quâ arte, & in tempore intentandum sit, vt tutò, &
cum fructu executioni mandetur; vide apud Dogen, & alios rei mi-
litarij Scriptores.

EXEDRA locus erat olim in Palæstris, siue in Publicis ædibus ad 52
confidendum deputatus, vbi & iucundæ confabulationes, & confe-
rentiæ de scientiarum studijs fiebant, & ad solem in hyeme, vel um-
bram, & auram leuem in æstâe captandam, Athletæ pariter, & Phi-
losophi conueniebant: vnde & tribus altis porticibus erat instructus,
& sedes circumquaque dispositæ ad illos recipiendos, à quarum fre-
quentia, Exedra nomen est illi datum; De hoc loco Vitruu. *Consti-*
tuantur, inquit, *in tribus porticibus exedra spatiosa, habentes sedes,*
in quibus Philosophi, Rhetoresque, & qui studijs delectantur, sedentes di-
sputare possint, lib. 5. cap. 11. de Palæstris sermonem habens. Et lib.
6. cap. 5. de earum dispositione vniuersim præcepta tradens, addit.
Sin autem Exedra, aut Oeci quadrati fuerint, latitudinis dimidia addita
(ad ea, quæ paulo ante de oblongis dixerat) altitudines educantur:
Ceterum, etsi suprà in principio adnotauerat, huiusmodi loca non
esse Italicæ consuetudinis; nihilominus, nomine tantummodò im-
mutato, res mansit, & frequentissimus vsus in Scholis publicis, in
Conuentibus Magistratuum, & in Capitulis Religiosorum, vbi simi-
lia loca exedris circumquaque disposita, ad consultationes, disputa-
tiones, & conciones habendas, vt notant Budæus, Albertus, & alij.

EXERCITVS in re militari est tota bellatorum collectio proximè 53
ad dimicandum disposita, & in suos ordines distributa: ab exercen-
do dictus, vt placet Varroni, quia miles in eo, exercendo fit melior:
siue ab exercitatione, vt tradit Vlpian. in L. prima ff. de testam. mi-
lit. Vnde Veget. lib. 2. cap. 1. *Exercitus*, inquit, *ex re ipsa, atque*
opere exercitiij, nomen accepit, vt nunquam ei liceret oblinisci, quod vo-
caba-

cabatur. Diuiditur in Equitatum, Peditatum, & Classarios. Et hi quidem in mari praelia ineunt: illi in aperto campo in terrestribus, & habent suas partes, atque distinctiones, in agmina, turmas, centurias, &c. singulas sub suis ducibus, ac moderatoribus, vt suo loco dicemus.

54 EXOSTRA græcè propriè sonat projectionem, & signatè accipitur in architectura, pro illa parte ædificij, quæ in fastigijs exporrigitur, non tam ad ornatum, quàm ad tutelam, ac tegmen partium subiectarum, ne alias cadentes è tecti decliuitate imbres, & stillicidia, parietes lædant, & frontis venustatem deturpent. *Suggrundas* communiter appellamus. Hinc translatum nomen ad significandam ligneam machinam ad instar gestatoriæ sellæ, quæ in altum funibus, ac trochleis elata, dabat speculari posse quid intus in aliorum ædibus agebatur. *Orchestram* vocat Tullius, quamquam in alio vsu. Atamen in re non diuersam ab hac; quam modò diximus, contendit Turnebus lib. 20. cap. 9. Sed in re militari Vegetius accipit pro Ponte sublicio, qui in obfessionibus vrbiũ, Turribus ambulatorijs applicabatur, è quarum medio subito profiliebat in mœnia, armatorumque validam manum strenpè concertantium in urbem inportabat; Erat quippe compactus ex duabus trabibus (inquit lib. 4. cap. 17. *septusque de vimine, quem subito prolatus, inter turrim murumque constituunt; & per eum egredientes de machina bellatores, in Civitatem transeunt, & occupant muros*). Huius sublicij pontis speciem habes apud Heronem lib. de Machinis bellicis, & adhuc elegantius delineatum in Stevvechio in notis ad dictum locum Vegetij.

55 EXPEDITIO MILITARIS est ipsa Exercitus deliberatio, & motus ad bellum hostibus inferendum: vnde suscipere expeditionem apud Q. Curtium, perinde est, ac accingi ad bellum, impedimenta disponere, & comportare, atque instructa acie, ordinatè in campum descendere. Cuius profectò conditiones in adornando praelio pluribus exponit, & sedulo commendat Veget. lib. 3. cap. 14. & seqq. *Acies*, inquit, dicitur Exercitus instructus; *frons*, quæ aduersus hostem spectat. *Hac in publica pugna, si sapienter disponitur, plurimum iuuat, si imperitè, quamuis optimi bellatores sint, mala ordinatione franguntur*. Sed prima, & potissima Expeditionis militaris laus est, quam ex Theodorici Regis mente, refert Cassiodorus lib. 1. Varior cap. 17. Nempe, vt Imperatoris animus sit expeditus, hoc est, alijs curis non distractus; quum audaciam, & fortitudinem, quæ in bello primas tenent, exerere nequeat qui diuersis curis est sollicitus, & animo im-

pli-

plicatus. Hinc meritò (concludit) Expeditionem nominauere Maiores, quia mens deuota pralijs, non debet alijs cogitationibus occupati.

EXPLORATORES item in re militari, sunt occulti hostium pro- 56
ditores, qui in eorum Castris degentes, & cæteroqui pro ijs publicè arma sumentes, reuerà nobis inseruiunt, & clanculum nostra ex parte sunt, quà armis, vbi opportunitas datur, quà consilijs pugnant, tesseris, nutibus, alijsque datis signis, illorum numerum, statum, deliberationes, & molimina man ifestant, magno cum rerum nostrarum compendio, & aduersariorum damno, Hos à specularioribus, & excursoribus distinguit Festus lib. 5. de Verbor. signific. quoniam hi è nostris sunt, & omnibus noti; illi ex ipsis inimicis, & tùm nostris militibus indifferenter ignoti, & solum ducibus mentent, cum ijsque occultè consilia iniunt. Quorum profecto Opera, vt in bellorum discrimine maximè vtilis, ità periculis, & vicissim prodicionibus est exposita: & ideo ab solerte Imperatore magna de illis cura habenda est, tum in delectu tùm in præmijs assignandis, tum in silentio obregendis, ne aliàs in fide deficientes, nostrum potius, quam suorum exploratores fiant. Eos nos vulgò Spias, & Spias duplices appellamus.





FA

FABRICA (inquit Vitruu. initio sui Operis de Architectura) *est continuata, ac trita vsus meditatio, quæ manibus perficitur & materia cuiuscunque generis ad propositum deformationis.* Eam dicet alteram Architecturæ partem, quæ vna cum ratione concipiente, ac dirigente opus, manu obstetricante parturit, & foras educit, hæc materiam, illâ formam subministrante. Veruntamen ego Fabricam in concerto sumptam, dixerim potius primarium Architecturæ obiectum, circa quod scitus Architectus versatur, & in praxi suam peritiam manifestat. Igitur Fabrica nihil aliud est, quàm membrorum, & partium ædificij rata distributio; & collectio; ex quibus illud confurgit, & ad opus applicitur: Hæc, vt consistat, & diù maneat inconcussa, oportet primum, vt suprà solidum, firmumque fundamentum erigatur, hoc est, vt loquitur Vitruu. lib. 3. cap. 3. *Ab solido in solidum, quantum ex amplitudine Operis pro ratione videbitur.* Crassitudine videlicet in fundamentis ampliore, quàm parietes suprà sunt; ipsaque fundamenta, substructurâ quàm solidissima impleantur. Dehinc, vt omnes parietes, stylobatæ, & columnæ desuper imponenda, quin & ipsi lapides immittendi, cadant ad perpendicularum; ita ut vnusquisque secundum centrum suæ gravitatis tendat, & collocetur in planum, faciatque cum illo angulum rectum: sic enim nexus, & consolidatio stabilitur: aliàs, vt aduertit Philander, *Solidum non erit, si perpendicularum à pede superimpositi lapidis cadens, sub se aërem, atque vacuum inuenit.* Quod quidem ab angulo tantum recto fit, qui est veluti cardo, & nexus totius structuræ. Vnde Vitruu. lib. 7. cap. 3. ita præcipit parietes derigendos, vt *Longitudines ad regulam, & lineam, altitudines ad perpendicularum, anguli ad normam respondentes, exigantur.* Postremò de apertionibus, quas in ædificijs fieri necesse est, id cauen-

uendum, ne ampliores, & multipliciores, quàm opus sit, neue in locis incompactis, in quibus moles fatiscere possit, constituentur: quidquid enim à nexu partium, & continuitate discedit, ut natura ipsa commonstrat, incolumitati nocet, moxque dissolutionem, totius minatur. Sed enim huiusmodi apertiones, ex alio capite non minùs necessariæ sunt, quam fulcra, & nexus, quibus totum opus compingitur: habent namque suam soliditatem, & commodum ad receptum, sine quibus inutiles, squalidæ, & penè emortuæ ædes despicerentur. Itaque aliæ luminibus, aliæ ventis excipiendis deseruiunt; aliæ habitantibus, & rebus ad vsum necessarijs introducendis, & educendis sunt destinatæ. In illis veniunt fenestræ, & spiramina, quibus lux subintrat, & nouus, puriorque aër excipitur, & segnior ventilatur: in his Ostia, porticus, arcus, intercolumnia, & quæcumque in plano aditum patefaciunt.

Quod ad fenestras attinet, eas conuenit singulis mansionibus, ac cubiculis singulas, aut plures, pro loci amplitudine aperiri; tum luminis excipiendi gratia, tum ad innouandum aërem, ne aliàs semper idem, & conclusus, putrescat, & ibi moram trahentibus euadat exitialis: non tamen plures, nec ampliores, quàm necessitas postulet, & parietum exilitas aut crassitudo compatitur. Ad hæc sedulo perspicendum, quo loco, & quo aspectu fenestræ collocandæ sint; nam in angulis domorum eas constituere, pessimum. Dissoluantur enim (ait Vitruu.) angulorum in edificijs iuncturæ, si in his fuerint fenestrarum lumina relictæ, quod ideò merito addit Philander. Nos, cum Veterum adificia repetimus, prudenti eos consilio fuisse videmus, ut anguli crassiores essent multò, quam reliquus paries. Quoad aspectus, ad eos etiam maximè respiciendum seriò monet Leo Bapt. Albertus lib. 1. de re ædificat. cap. 12, quibus nimirum ventis fenestræ opponantur. Nam quæ salubres, inquit, spectabunt auras, multò adaptatas quoquoersus licebit facere: & eas quidem inuabit ita aperire, ut incolarum corpora appellens flatus amiat: Hoc maximè fiet, si fenestrarum spondæ essent bumiles adeò, ut videri, & videre per vicos ambulantes possis. Quæ autem (subdit) non usquequaque saluberrimis ventorum plagis obiectæ erunt fenestræ, ita ponatur, ut lumina excipiant non pauciora, quam conueniat, sed nec etiam plura, quam quibus possit carere. Et ponentur illæ quidem in sublimi, quò ventus à corporibus obiectus paries intercipiat: nam habebunt quidem hoc pacto ventos, quibus aër reficiatur; sed erunt infracti, atque perinde non omnino non sani. Ecce quomodò, & necessitati simul excipiendi luminis, & habitantium columitati prospici possit.

3 Quæ de fenestris ad luminis receptionem constituta sunt, eadem proportionaliter de Ostijs, & eorum aperturis dicta esse intelligantur. Quamquam non id tantâ cautione procedit in publicis, magnisque ædificijs, ac præcipuè in Theatris, ac Balneis, vbi Ostiorum, porticuum, & intercolumnnorum, amplissimæ & confertissimæ esse debent aperitiones. Sed illud vniuersim ex eodem Alberto in omnibus hisce aperitionibus est, *Vt amplioribus parietibus non minima ponantur apertiones; & modicis parietum frontibus nihil vastiores adigantur, quam usus postulat.* Regulariter autem Ostia, Porticus, Intercolunnia, latiora expedit esse, quam reliquæ aperitiones; & ea quidem altiora duplò quam lata. Sic enim, & rationi respondent, & venustati: cùm cæteroqui ingressus ratio poscat, vt liber, & commodissimus, quoad eius fieri poterit, ad interiora omnia aditus præbeatur. Et hæc de Fabrica ritè excitanda, quò salubris, firma, & longo tempore sit durabilis, dicta sunt. Quæ verò, ad decorem, & ornatum pertinent, aliò remittimus.

4 FACIES, ab hominum vultu, & primo aspectu, quem primario, & propriè denotat, ad rerum etiam inanimatarum primam speciem, quæ occurrit, significandam, per quandam similitudinem deriuata est: Hinc in Mathematicis sæpissimè, & multifariam vsurpatur. Et primò quidem in Architectura, pro templi, vel cuiusvis ædificij nobiliore, ac patentiore aspectu accipitur, quem alij *Pronaum*, alij *Frontem*, nos vulgò *Facciatam* vocitamus. In Acie etiam militari, primus ordo militum, qui hostem respicit, & quâ primò certamen initur, frons, & facies nuncupatur, Militari vocabulo ab nostris *Vanguardia* dicitur. In Geometria, corporum superficies, & primus figurarum aspectus. In Arithmetica, numeri, quos vocant Pronicos, & Radices *Quadratz*, Facies audiunt; De quibus, eorumque miris proprietatibus agit Athanas. Kircherus in *Arithmologia*, cap. 2. & 4. omninò videndus. Denique in Astronomicis, Facies pro *Almugæ*, ac *Decanatu* Signorum supponit, vt alias dictum est.

5 FALX, & in plurali, FALCES; apud antiquos rei militaris Scriptores, erant bellica quædam arma, & instrumenta ad instar Ruralis falcis adunca, & in cuspide præacuta, quæ contis, & longioribus rignis præfixa ad incidenda, & interturbanda hostium opera aptissima erant. Eorum vsum, & formam perbellè describit Diodorus Siculus apud Stevechium, vbi agit de aliquibus stratagemmatibus, quæ à Phœnicibus aduersus Alexandri oppugnatorias machinas, Tyrum obsidione cingentis, ingeniosè excogitata sunt, & ad opus adhi-

adhibita. Ait enim Historicus. Illi asseribus falces adnexæ erant, Arietum armamenta abscindebant, ne deinceps in quatiendo vires haberent. Consecrant etiam tridentes maximos, hamorum instar aduncos, quos in Macedones de turribus pugnantes, iniiciebant, cumque scutis infixi essent, funibus eosdem, quibus reuincti erant, ad se retrahabant.

Porro non in terrestribus solum, sed in Nauali potissimum prælio, huiusmodi falces adhibebantur: quarum subsidio, Collatorios funes, (vt inquit Vegetius, lib. 4. cap. 46.) quibus antenna suspenditur, repente præcidentes, collapsis velis, Liburnam pigriorem, & inutilem reddebant. Has item Nauales falces describit Cæsar lib. 3. de Bello Gallico. Vna erat, ait, magno vsui res præparata à Nostis, falces præacutæ insertæ, affixæque longurijs, non absimili forma muralium falcium. His cum funes qui antennas ad malos destinabant, comprehensi, adductique erant, nauigio remis incitato, prærumpebantur: quibus abscissis, antenna necessariò concidebant. Hisce affines erant Corni, & Manus ferreæ, quas excogitauit Archimedes Syracusanus aduersus Marcelli Classẽ Syracusarum obsidentis, iam ad extremas angustias redactas. Nam, si quæ Nauis hostilis muro ita appropinquabat, vt eminens impeti haud posset, & sub eius umbra latens, veluti protegatur; ipse tũ ferream manum (verba sunt Liuij) catena illigauit; quæ cũ prora iniecta esset, grauique libramento plumbi recelleret ad solum, suspensa prora, nauim in puppim statuebat; dein remissa, subito nauim quassabat, magna cum trepidatione Nautarum. Verum de his explicatus in V. Crus, & alibi.

FALAE, seu, vt alij scribunt, Phala, in re militari (quarum mentionem facit Veget. lib. 4. cap. 18. sed nimis obscure) sunt species quædam Machinarum ad oppugnandum factæ, quas alij notiore vocabulo Turres ambulatorias nominant, arietem comportantes, & alias probè hominibus, armis, & integumentis instructæ; vnde Festus, Fala, inquit, dicta ab altitudine, à falando, quod apud Hebræos significat Calum. Hinc Falarica dicebantur cuiusvis generis missilia, ex ipsis falis, è desuper apertis fenestellis, immitti in hostes solita Falarica (subdit idem Festus) genus est teli missile, quo utuntur ex Falis, idest ex locis extructis dimicantes. Cuiusmodi autem fuerit formæ & vsus, id genus missile, consultius remittimus ad V. Phalarica.

Nunc autem quod ad Falas attinet, frequens fuit earum apud Veteres vsus, at non eadem forma, nec ratio extruendi, vt videre est apud Cæsarem, Polybium, Annianum, & alios. Namque aliæ erant compactiles, quas etiam in partes resolutas ad maiorem com-

inmoderatam, circumferre solebant in expeditionem cum reliquis bellicis impedimentis. Aliæ, uti turres lapideæ, firmæ semper in eodem statu, & solum id præ illis habebant, quod suppositis rotis, hæc illucque, facili iure comportabantur. Item aliæ maritimæ, quæ videlicet duplices, in puppi & prora, in nauibus erigebantur. Denique aliæ maiores, aliæ minores, de quibus affirmat Vitruv. lib. 10. cap. 21. quod istæ habebant decem tabulata, singulis partibus fenestrata, & erant lata cubitis septemdecim, altæ sexaginta. Maiores verò insurgebant in altitudinem cubitorum centum viginti, extendebantur autem in latum cubitis vigintitribus, & admittebant tabulata viginti. Quorum duplex specimen, ac typum habes pulchrè delineatum apud Stevvechium in Notis ad lib. 4. cap. 17. Vegetij.

9

Porro huiusmodi Antiquorum Machinæ, nostris temporibus non omninò in desuetudinem abiire, quibus in loco, & tempore vterentur Nostri ad importandam hosti perniciem: Quin potius longè ampliores, firmitioresque, atque ad resistendum oppugnatorum ictibus validiores, excogitavit militaris Architectura ad summum perfectionis euecta. Quo in genere, memorabilis, & magnorum, sumptuum opus, fuit Machina illa, quam transacto sæculo, excitavit Antuerpienses ad celeberrimum illum Pontem Farnesianum, qui in magnas angustias redegerat Ciuitatè obseisam labefactandum, & funditus excidendum. Hanc Machinam seu ingens Nauigium, & tumido ac ventoso vocabulo (etenim, ut postea visum est, in eo sita Antuerpiensium spes in ventos abiit) FINEM BELLI, nominauere. Cuius descriptionem, & applicationem ad vsum, eleganti stylo profertur Famianus Strada; secunda Decade lib. 6. de bello Belgico. Id erat, inquit, inuisitata magnitudinis, & forma Nauigium; cuius fundamentum pontonibus non absimile, trabibus in modum cratis ita contexebatur, ut relicta inter eas trabes spacia, à vacuis dolijs compleverentur, sustinereturque facilius imponenda moles. Porro trabes, & dolia crassis, piceatisque, tabulis supernè constrata, planum carinæ solum aquabant, lateribus quaquaversum communitis lorica impenetrabili, ac denso ordine muralium tormentorum. Super hanc verò Navim, solido tabulato tellam, navis attollebatur altera in Castelli speciem, figuræ propemodum quadrata, qua Classiarij vehebantur circiter mille, sclopis plerique maioribus armati, præter eos, qui aut in inferiore occultabantur naui, aut in sublimium malorum corbis, plumbeam velut è nubibus grandinem emissuri visebantur. In huius autem effectum Nauigij, quo nullum aut operosius, aut impensius Antuerpia fabricatum est, siquidem menses in eo septem insudatum, nec minùs centum florenorum millibus insumptum ferunt, haud dici facile potest, quantum fiducia reposuisse visi sunt

sunt Antuerpienses; adeo circū portentosam illam, mobilemque Arcam, admirabundi, deque successu iam securi, nomen ei *FINEM BELLI*, instantius indiderint, & manere apud hostes confidentiam nominis consulto voluerint. Hucusque Strada de Machinæ huius apparatu, constructione, & forma, enarrans subinde quem finem habuerit, longe diuersum ab eo quem sibi auctores præfixerant, *Finis belli*. Etenim gloriosè incedens, irrito conatu, ad Ordinem applicuit, ac terræ ita firmiter inhæsit, vt nulla vi, nulla arte, dimoueri potuerit, proindeque ibi immobilis, ac planè inutilis manserit. Ex quo Antuerpiani, deiectis animis, viribus exhaustis, spe frustrati, & omni prorsus consilio destituti, deditiōem tandem Urbis maturauere. Adeo magni ausus, & temulenta consilia (sic Deo superbiam hominum contundente) non rarò fallunt, & in nihilum cedunt. Sunt & alia id genus Machinamenta alijs nominibus compellata, De quibus in loco, vbi occurret sermo, dicemus.

FALERA, ab equorum fortè phaleris, ob quandam similitudinem, nomine deriuato, in opere architectonico est lapis substratus stylobatæ vicem stereobatæ subiens, proiecturas habens puluinas ad confidentium commoditatem. In eum sensum vsus est hoc nomine Tertullianus, ex recensione Iosephi Scaligeri; Sed Varro lib. 5. de Re Rust. videtur accepisse potius pro perpetuis illis, ac rudi opere, extructis murulis, qui infernè in porticibus apponuntur, seu etiam in extremis intercolumnijs; ad quendam veluti nexum, ac terminum; ita tamen, ac tantisper è terra eleuari, vt faciliè præteriri possint, & lumen introrsum illabens non impendant. Nomen in desuetudinem abiit, sed effectus mansit, & frequens vsus, vt passim, videmus in Claustris Religiosorum hincinde dispositos, quos simplici, & vulgari nomine *Muricciolos* vocamus.

FARCTVRA. Vide *Infarcinatio*.

FASCIAE in opere architectonico, dicuntur communiter excusiones quædam aliquantulum prominentes, & gradatim dispositæ, quæ apponi solent sub Zophoro in Epistylis Ionici ordiuis, & Corinthij; quæque mirum in modum exornant eorum frontes, atque inferius terminant. Tres omninò in vtroque ordine enumerantur, quæ in modum fasciæ pectoralis, totum opus veluti circumplectentes, colligant, atque stringunt per ordinem; & vt dixi, gradatim currentes, itaut vna sit alia maior, & prominentior, prout sursum locantur; vt videre est in Schemate quod produximus in *V. Epistylum*.

De

De his, hæc habet Vitruu. lib. 3. cap. 3. de Epistylj partium distributi-
tione. *Reliqua pars* (quæ videlicet est infrâ Zophorum) *præter cy-*
matium, diuidenda est in partes duodecim; & earum trium fasciæ est fa-
cienda; secunda quatuor; Summa, quinque. Porro in Tuscauo, &
Dorico ordine nullam admittit: Sed Palladius, & Barozzius, (vti
fasciatum à veteribus, obseruarunt) in illis duplicem fasciam, sed
pressiorem agnoscunt. Has, & in antepagmentis benè locari, do-
cet Vitruuius lib. 4. cap. 6. quas sibi *Corfas* vocat. Quæ autem ratio-
ne, in diuerso opere, eas diuersis nominibus nuncuparit, Vide quæ
diximus in V. *Corfa*.

- 12 FASTIGIVM, quamquam in communi acceptione, cuiuscumque
rei summam partem, præsertim verò in ædificijs, denotat; arctius ta-
men in opere architectonico accipitur pro ea, quæ desuper in angu-
lum terminat, & comprehendit Acroteria, Coronam, & in medio
Tympañum constitutum. Hoc in Portis potissimè collocatur, orna-
tus & complementi gratia; alicubi triangulare, alibi arcuatum
visitur, prout magis ad ædificij confert decorem, & venustatem.
Quarum binas imagines exponit Philander cum suis præceptis ex
Vitruuio desumptis, & explicatis: sed & plurimas vsque ad fasti-
dium, Serlius in sua Architectura. Cæterum in longe ampliore,
ac disparata admodum significatione, fastigij nomen accepit Vi-
truu. lib. 7. cap. 1. illud applicans etiam pauimentis; vbi de ijs hæc
habet: *Nucleo inducto, Pauimentum è tessera grandi circiter binum
digitum cava struantur, fastigium habens in pedes denos, digitos binos.*
Et paulò ante iam dixerat de ipsis pauimentis: *Cum ea extructa fue-*
rint, & fastigia extruções habuerint, ita fricentur, vti si scælia sint,
nulli gradus in sentulis, aut trigonis, aut quadratis, seu fauis extem.
Ex quibus profectò liquet, cum hic, non de summis fastigijs, quæ in
tecto sunt, loqui; sed æquiucè eo nomine vsum, ad significandam
certam decliuitatem, quæ in pauimentis, ad tectorum normam re-
linqui debet, vt aqua è pluuijs, aut tectorum stillicidijs cadens, ibi
stagnans non maneat, sicque pauimentum corrumpat; sed præter-
fluens, in locum vnum colligatur, ex quo postmodum foras mitta-
tur. Igitur pro fastigijs pauimentorum, extimam superficiem intelli-
git, vti hunc locum exponens, vertit Barbarus, itaut in decliue sint
ducta, ad hoc vt aqua viam inueniat ad exitum, sicque pauimentum
intaminatum relinquat.

- 13 FAVCES in Angiportis agnoscit, & sibi complacet hoc nomine
indigare, Vitruuius (per quandam fortè analogiam, & similitudi-
nem

nem faucium humani gutturis) extrema illa latera , quibus angiportus , platea , aut vicus aliquis coarctatur , quæ vult non vtumque poni , sed ita , vt obuerfa sint ventorum flatibus . Ait enim : *Cum plateæ contrâ directos ventos erunt conformata , ex aperto cali spatio impetus , ac status frequens conclusus in faucibus angiportorum , vehementioribus viribus peragabitur . Quas ob res , conuertende sunt ab regionibus ventorum directiones vicorum ; vti aduenientes ad angulos Insularum , frangantur , repulsque dissipentur . Verùm absolute , & communiter , faucium appellatione in Geographicis passim vsitata , veniunt angustix illæ maris , & fluminum , vnde aqua exiens cum magno impetu , aut vtrò reciprocans , æstuat , & fragore personat litus , & riparum aditus . Foci nos vulgò dicimus . Quamquam apud quosdam Scriptores inuenio faucium nomen datum quoque ingressibus vallium , seu cuiusvis angusti aditus loci , vt est illud Poetæ *Æneid. 6. de infernorum locorum primo ingressu loquentis .**

*Vestibulum ante ipsum , primisque in faucibus Orci ,
Luctus , & vtrices posuere cubilia curæ .*

FAVI in Architectura , dicuntur figuræ hexagonæ in pavimentis ad eorum ornatum positæ , è scæli marmore , ac varijs versicoloribus lapillis in varias item geometricas figuras abeuntibus ; vtputa trigonis , quadratis , pentagonis , circularibus &c. prout passim videre est in Templis ac magnatum Palatijs : quæ si sint tota de quadrato marmore strata , græcè *Lithostrota* , latinè *Quadrataria* appellantur . Sed vbi faui , & aliæ figuræ minuscule ingrediuntur , potius ad Musuariâ pertinent . De his vniuersim cauet Vitruu. lib. 7. cap. 1. quod *nulli gradus in scutulis , aut trigonis , aut quadratis , seu fauis extent , sed coagmentorum compositio planam habeat inter se directionem : hoc est nullus lapillus promineat , sed omnis eorum coagmentatio in planam superficiem abeat ; idque , ne solum pedibus terendo , aut scopis verrendo , quisquam loco dimoueatur , sicque tota coagmentatio dissiliat , & dissoluatur . Dicti autem sunt hi lapilli in hexagonum scæti , speciali nomine *Fauis* , quoniam seriatim positi imitantur fauos apum , in quibus dispertitæ singularum cellulæ in hexaganam figuram è cera , magno artificio , ex Naturæ dictamine constructæ sunt ; ac tali ordine inter se connexæ , vt earum aspectus planum quid , ex figuris hexagonis compactum referant . Id quod negotium aliquando facessit Philandro ad huius nominis Fauorum , impropiam cæteroquin applicationem pavimentis lithostrotis à Vitruuio factam : sed eum aluearia nominis rationem edocuerunt . Nos cum *quereremus , inquit , quid hoc nomine significaretur ; incidimus in Apum**

aluearia; contemplati sumus cellas sexangulas: tùm intelleximus Vitruuium fauos dixisse pro frustis hexagonis: nam fauus, ut scribit Varro, est quem fingunt apes multicauiatum è cera, cum singula caua sena latera habeant, quot singulis dedit Natura. Adèd vel in ipsis animalculis relucet pràcticum quoddam rationis lumen, & Geometriæ simuli, atque Architecturæ professio!

F E

- 15 FEMORA in opere architectonico, appellantur plana illa erecta, & prominentia, quæ apparent in triglyphis Epistylj Dorici, inter canaliculorum cauitates, vti videre est in efformatione Epistylj Dorici: à Nostris *Pianetti*, & *Pianuzzi* nuncupati. Hæc tria in singulis triglyphis enumerantur, æquali spatio relicto canalibus, quos complectuntur; suntque hincinde inter Metopas constituta. Quorum dispositionem in Triglyphorum deformatione sic faciendam, docet Vitruu. lib. 4. cap. 3. Triglyphorum latitudo diuidatur in partes sex; ex quibus quinque partes in medio; duæ dimidiæ dextrâ ac sinistra designentur. Regula vna in medio deformatur femur, quod græcè *Μυρὸς* dicitur: secundum eam canaliculi ad normæ cacumen imprimantur: ex ordine eorum, dextrâ ac sinistra, altera femora constituantur; atque in extremis partibus canaliculi interuertantur. Cur autem hæc triglyphorum membra Femora specialiter audiant; puto ab similitudine humanorum femorum; eoquod in opere, velut hominis erecti femora, seu partes coxarum anteriores, quodammodo referant.

- 16 FESTONES vulgò in Italia nominamus, quos Græci *Encarpas*; ferta videlicet, & fasciculos florum, frondium, diuerforumque pomorum aptè dispositorum, quibus in Festorum solemnitatibus ornamus Templorum aditus, & loca conspicua ad celebritatis indicium. Hos ab Agricultura mutuò accepit Architectura, atque effinxit, scalpfitque in marmore, ad cobonestanda sparsim Epistylia, Columnarum capitula, & Fastigiorum prætenturas atque cauitates, in Ordinibus præsertim Corinthio, & Composito: de quibus passim sermo reuincidet suis in locis.

F I

- 17 FIBVLA primariò supponit pro ferreo illicamento, quo aliquid arctè stringitur; vti in calceis, thoracibus, ac renum cinctorijs, ad ad subligandam ac detinendam tenaciter togam, clamidem, gladium &c. vulgò apud nos, *Fibbia*. Per translationem verò sumpta, est in opere architectonico, ad significandas colligationes tignorum in tectis: quod fit, siue ferreis subscudibus, siue taleis ligneis in capite vstulatis. Vnde Vitruu. lib. 10. cap. 2. *Tigna*, inquit, *tria ad*
onc-

onerum magnitudinem ratione expediuntur, & à capite fibula coniuncta, & in imo diuaticata. Et lib. 1. cap. 3. eandem ad parietes applicans, ait: *Vti vtraque muri frontes inter se quodammodo fibulis, taleis colligata, aternam habeant firmitatem: Vbi Philander: Est autem Fibula, (subdit) veluti axiculus, siue subsecudicula, aut clauiculus, quo traiciuntur tignorum capita, ut duci possint, quo imæ partes diuaticentur.* Turnebus autem lib. 3. cap. 6. ita explicat. *Sunt vincula, & veluti clauis, quibus tigna inter se, vel arbores connectuntur, & infra: Fibulas, (inquit,) interpretor copulas, & paxillos, quibus trabes ad tigna fixæ tenebantur.* Consonat Cæsar lib. 4. de bello Gall. vbi Pontem illum famosum ab se ad Rhenum iactum, vtramque ripam necentem, & liberum Exercitui transitum ab vna ad alteram ripam condonantem describens, de fibulis, & earum vsu ita loquitur. *Vtraque (tigna videlicet) bipedalibus trabibus immixtis, quantum eorum iunctura distabat, binis vtrunque fibulis ab extrema parte distinebantur.* Pro fibulis, ligneas anchoras, interpretatur hic Scaliger; nec dissentit Lipsius, qui ad finem concludit: *Ergo in Casare vtrunque binæ fibulae, sunt Taleæ dua duræ, firmæ in caput quodcumque trabis immixtæ: dua, inquam; interior vna, & altera exterior.* Has trabium, & murorum fibulas, *Claues, & Morsas* vulgò vocamus.

FISTVCA familiare Pavitoribus instrumentum, ad figendum in terra palos, & sublicas; vel certè ad solidandas complanandasque areas, & pauimenta, vnicè factum. Ea in duplici genere est, ut notauit etiam Plinius lib. 36. cap. 25. Alia magnæ molis, quæ palationibus inseruit, ac trabali Castello innititur, vtrunque ansata, & ferrato capite; quæque in sublime elata, & vicissim remissa, pondere suo in subiectum corpus itruens, illud profundè in terram adigit, immittitque; siue id in sicco fiat, siue in stagnantibus aquis, & in fluminis decurrentis alueo, ad palificationes: cuius adminiculo quotidie vtuntur Veneti, ad pedamenta ædificijs subiicienda, supra quæ postmodum extructiones adornant firmissimas, nunquam temporis aut materiei debilitati cedentes. Hanc illi vocant *Becca, & Batipalo*. Alia leuior & simplex, alto manubrio, & lato pede constans, quam Nostrates *Lucernarij pedem*, à formæ similitudine appellant. Et hac vtimur ad pinsanda, constipanda, & complananda pauimenta: vnde & *Fistucatum solum* legitur apud Vitruu. lib. 7. cap. 4. pro Area exæquata. Prioris deformationem habes in Philandro, in notis ad dictum locum.

FL


FLEXAE apud Geometras vniuersaliter audiunt quouis non re- 19

Na 2

At

Ætæ Lineæ, hoc est, quæ obliquè, & sinuoso quodam ambitu, quouis modo progrediuntur, siue circulares sint, siue circuli sectiones, & arcus; siue spirales, siue conchiles: vno verbo, quæcumque in directum non protenduntur. Ex his aliæ, quæ ex superficiæ alicuius sectionibus generantur, vt in Conoide, Parabola, Hyperbole, & Ellypsi; & istæ nullatenus per motum puncti, & lineæ, in plano explicari possunt. Aliæ sunt, quæ ita ad planum hærent, & cum eo connexionem habent, vt in plano solùm describi petant, & ad corpus nullatenus referantur, aut transferri possint. Tales sunt Conchois, Asymptotæ, & huiusmodi. Aliæ sunt, quæ in plano, & in corpore solido æquè describi possunt per varias eorum sectiones, vt Circulus, qui tam in plana superficie, quam in globo, optimè circumduci potest, sicut etiam Ellypsis, quæ tam in plano, quam in solidis Conis, & cylindris delineatur per motum lineæ circa angulum rectum, aut constitutis in plano duobus Conis sese ad verticem tangentibus. Aliæ denum, quæ licet corporum sectiones non sint, in solis tamen corporibus rotundis, aut vtrumque inæqualis superficiæ ac gibbosis, inscribi petunt; vt Helix cylindro, vel Cono circumuoluta, quæ essentialiter poscit illud subiectum, adeò vt in plano describi nulla ratione queat. De quibus singulis earumque natura, & conditionibus, enucleatiùs suo loco.

- 20 FLOS in Architectura intelligitur esse ornamentum illud, quod in ordine Corinthio & Composito, tum sparsim in Epistylis, tum potissimum in Capitulis Columnarum, insculptum videmus in speciem floris exurgentis in medio supra cauliculos, & flexuras foliorum acanthi, immediate sub abaco. De quo ritè constituendo, & efformando, hæc præcepta tradit Vitruv. lib. 4. cap. 7. *Flos*, ait, *tantam habeat magnitudinem, quantam habuerit in summo columna Capitulum, præter pyramidem.*

 Siquidem supra tholum effingebatur olim Pyramis, supraque pyramidem flos ad complementum visus, adiiciendamque operi maiestatem. Huic profectò, vt testatur Barbarus, appendebantur vota, adeoque Capitulum æquabat, inque pyramidem desinebat: quemadmodum videre licet in quibusdam nummis Neronianis, in quibus apparet, supereminere pyramidem. Quod postea Bramantes nobilis Architectus sibi assumpsit, & expressit Romæ, in Aedícula Principi Apostolorum, in Monte Aureo dedicata, in eo præcisè loco, vbi idem Apostolus Cruci affixus est. Sed quod ad Florem attinet, (de quo nunc nobis sermo) is quadruplex in singulis Capitulis collocatur, iuxta quatuor frontes, seu latera abaci capitulo superimpositi, vnusquis-

quisque singulis eius sinuatis frontibus respondens, itaut in medio
suprà volutarum helices sibi occurrentes & mutuò obuersas, emineat
aliquantulum inclinatus. Verùm id facilius est oculis intueri in co-
lumnationibus quibusque obuijs, quàm verbis exprimere, aut stylo
in chartis delineare.

FO

FOCVS in Mathematicis, præcipuè in contemplatione Sectio-
num Conicarum, est Punctum illud, quod se habet veluti Centrum,
In quod omnes lineæ rectæ à superficie Conoidis per directum in-
cidentes, coadunantur & terminant. Inde denominatum quòd in spe-
culis vstorijis solares radij in illud concurrentes, & condunati, ignem
eliciunt. Qua etiam ratione dicitur Sectionis *Polus, Umbilicus, &c.*
In Parabola vnicus est; punctum videlicet axis intrà sectionem, di-
stans à vertice per quartam partem Parametri. In Hyperbola verò,
atque Ellypsi, duplex; alter intrà sectionem in Hyperbola alter ex-
trà. In Ellypsi, vterque intrà consistens in axe, seu diametro trans-
uersa, distans ab huius extremis per lineam rectam, cuius quadra-
tum æquale est rectangulo è segmento axis, & Parametro consurgenti,
cum certis conditionibus, vt suo loco videbimus.
Interim, quod ad Focum attinet, illum, siue illos definire; in subie-
ctis figuris Hyperboles, & Ellypsis, manifestum sit.



Siquidem, si in vtriusque axe transuerso B.D. concipiatur applica-
tum rectangulum æquale quartæ parti figuræ: itaut in Hyperbola
superet ipsum axem transuersum B. D. per vnum quadratum, cuius
latus sit B. E. Punctum E. erit vnus ex Focis, qui dicendus venit in-
terior. Iterum autem idem rectangulum applicatum ad prædictum
axem, itaut illum superet per quadratum, cuius latus sit D. F. Pun-
ctum F. erit alter focus, quem dicemus exteriorem. In Ellypsi au-
tem, si eodem modo concipiatur Rectangulum æquale quartæ parti
figuræ applicatum axi; ita tamen, vt ad complendam rectam
B. D. deficiat per quadratum, cuius latus sit B. E. aut D. F. Pun-

Et E. & F. erunt duo Foci, & Umbilici Ellipsis.

Similiter in Parabola Focus definiatur in eo axis puncto, ad quod terminat linea à puncto contactus ad verticem, ad segmentum axis: cuius Rectangulum distet à vertice per quartam partem Parametri, ibique adamussim incidit locus Foci, vt infra videre est.


21

Porrò magnum vsum habet Focus in operationibus mathematicis, præcipue verò in constructione Horologiorum Solarium, quæ omnia à Foco auspicantur directionem. Cuius ideo artificiosam inuentionem perquam facilem, præstat hic apponere, & mutuari ab methodo, quam tradit Bonau. Caualerius in Praxi, problem. 10.

Pro Hyperbola, inquit, supponatur descripta in plano (vt infra) linea meridiana L. M. & in ea infixus Stylus X. Y. cuius vmbre mer-

idianæ sint X. A. & X. B. ac differentia inter eas A. B. & A. G. sit semidifferentia, vt in præsentī figura.

Describatur itaq; Circulus pro hyperbola A. B. R. S. cuius centrum sit G. ac ducatur transversa R. S. super A. B. ad angulos rectos: deinde è puncto B. versus C. constitutatur, & firmetur arcus B. C. quæ sit eleuatio Aequatoris supra Horizontem: vel (quod idem est) ab R. versus C. quæ est eleuatio Poli; ac ducatur diameter C. D. indeque sumendo segmentum arcus C. H. æquale parallelo declinationis Solis, quem percurrit eo tempore, quo simul & semel umbra eius ex apice styli describit hyperbolam, cuius focos inuestigamus. Ducatur postea parallela H. I. ad D. C.



D.C. quæ secet B.A. in F. & ex puncto F. ducatur perpendicularis F.E, quæ occurrat peripheriæ in E.& iuncta G.E. ducatur tandem E.L. ad angulum rectum supra G.E. quæ producta occurrat lineæ meridianæ itidem prolongatæ in L. Erit porro punctum L. focus Hyperbolæ A.P.Q. inscribendæ circa A.L. & dicta A.L. axis transuersus, atque distantia à vertice A, cuius æqua pars sumpta ex aduerso B.M. in sectione opposita, Focus erit punctum M. competens alteri Hyperbolæ correspondenti primæ supernè descriptæ, nempe N.B.O.

Pro Ellypsi, sit meridiana A.B. atque etiam diameter circa quam illa sit describenda: cuius pariter inquirimus focos. Stylus eam describens X.Y. Sitque eodem modo ducta C.D. existente R.C. eleuatione Aequatoris: & H.I. parallela ad C.D. quæ est declinatio paralleli. Producat deinde H.I. vsquedum occurrat meridianæ prolongatæ in F. & à puncto F. ducta tangens F.E. cadat ab E. super A.B. perpendicularis E.L. Dico, quod punctum L. est Focus Ellypsis, quæ describitur ab apice styli seu ymbra, dum sol percurrit parallellum declinantem ab Aequatore, quantum est arcus H.C. in data poli eleuatione. Quam sanè Ellypsin exhibent duo arcus A.N.B. & B.O.A. descripti circum A.B. quod est aggregatum vmbrarum meridianarum supra duos focos L. & M. Cum eadem distantia debeat esse ab M. in B. quæ est à puncto Foci L. ad verticem A.


Similiter in Parabola: Sit linea meridiana A.B. & in plano horologij londitudo styli X.Y. ad angulum rectum perpendicularis ad A.B. Describatur postea circulus C.D.E.X. circa centrum Y. in quo ducatur C.D. parallela ad A.B. & assumpto à puncto C. arcu E.C. ducatur E.Y. quæ sit producta in A. Tum sumpta Y.A. extendatur Y.C. vsque ad F. quoad Y.F. æqualis fiat Y.A. Et à puncto A. ducatur linea pertingens ad F. quæ mediū secet styli longitudinem in H. atque ex H. ducatur perpendicularis H.Y. ad E.A. Dico quod punctum I. sit focus Parabolæ describendæ circa diametrum A.B. existente A. apice, & A.X. Vmbra meridiana terminata; vti X.B. est interminata. Id totum contemplari licet in exhibitis supra figuris.

FOCVS etiam in Speculis, ac vitreis Lentibus, intelligitur esse concursus linearum visualium, seu radorum, ad certum punctum, in quod omnes à peripheria procedentes conueniant, & vniantur. Hic autem duplex concipi potest, alter verus, & realiter existens, alter fictus, & imaginarius. Realis extans est, in quo verè, ac realiter interfecantur lineæ visuales. Fictus est in quo non equidem interfecantur, seu vbi actu non faciunt angulum; sed vtique facerent, si versus illam partem lineæ ipsæ productæ vterius emanare conciperentur.

Item

Item alius est focus partialis, alius totalis. Partialis est qui producit per concursum linearum emanantium ab vno aliquo puncto obiecti. Totalis est qui componitur ex pluribus eiusmodi partialibus. Et ad hunc postremum significandum applicata fuit primum ea vox *Focus*, eoquod per hanc collectionem radiorum solarium in hunc locum, fieri potest conuulsio. Quare basis distincta nihil aliud est, quam prædictus Focus totalis, in quem omnes radij colliguntur. In qua re explicanda, plurimi hallucinati sunt, vt acutè aduertit P. Eschinardus in sua Centuria Optica vbi etiam errorem irrepsisse ait ex diuersitate sententiarum, in quas abeunt Anatomici ergà constructionem Oculi. Nam alij enumerant in eo tres tantummodo tunicas; alij verò dignoscunt omninò septem, ac tres humores. Quæ discrepantia sententiarum oriri potest partim ex ignorantia, partim ex confusione terminorum. Etenim, quamquam omnes probè norant, verè oculum septem tunicis constare; videlicet Cornea, Sclerotide, Vuca, Aranea, Choroide, Retina, & Saloide (quas inter aliqui probabiliter admittunt Octauam, processus nimirum ciliares) attamen quidam, vt breuius se expendiant, tres tantum, easque præcipuas in considerationem assumunt, Corneam, Choroidem, & Retinam. Alij verò, vt dixi, id faciunt ex mera ignorantia, eoquod non est ita facile distinguere prædictas septem tunicas, & eas ab inuicem separare. Et sanè id non omnium est, sed longe instructissimi, & experientissimi Anatomici, ob eorum nimiam exilitatem, & adhesionem vnius ad alteram. Quemadmodum se agnouisse testatur idem P. Eschinardus, Ioannem Trullum Anatomicum excellentissimum, qui in Collegio Romano coram pluribus Patribus Iesuitis conuenit, ad faciendam sectionem oculi tum humani, tum ouini, quod felicissimè præstitit, & assequutus est, eas ab inuicem separando, ac spectabiles exhibendo, suo quamque nomine illas compellans. Demonstrat igitur præfatus author pag. 16. secundæ partis Centur. id omne in subiecta linea, & statuit propositionem vniuersalem, alioqui nouam, sed veram & vtilissimam, quæ est huiusmodi.

In præfata linea A. L. pro lentibus planoconnexis.



Sunt in continua proportionē A. S. (quæ est distantia obiecti à lente) dempta S. D. Diametro sphæræ lentis, ipsa diameter S. D. & D. K. quæ est distantia foci à lente, dempta hinc diametro. Quod pariter ostenditur in speculis sphæricis, mutata tantummodo diametro

trò in quartam eius partem , Plura , nec minùs vtilia , quam curioſa
In hoc genere exhibet idem Auctòr in ſua Optica , quæ contemplari
in lucro erit . Nobis indicaffe ſat eſt .

FORFEX, ſeu *Forceps* imprimis accipitur à Vitruu. lib. 10. cap. 62.
2. pro ferreo quodam inſtrumento ad arripienda , & ſurſum eleuan-
da onera, ſatis idoneo, quod ad modum cæſoriæ forficis habet hinc-
inde duas regulas, quas ſimul necit ferreus item axiculus, ſeu vectis
teret vtrinque capitatus, leniterque inditus, vt ad præhendendum
eſſet facilis, atque ad retinendum fortis, ac validus, indeque po-
ſtea, prout res poſtulat diuarcatis brachijs relaxare . Quod ideo
aliquando prædictæ regulæ, ſeu brachia dentata ſunt, & in extre-
mis aliquantulum introrſus recurvæ, atque acuminata, quò res ap-
prehenſas mordicus teneant, nec facile dilabantur; pari effectù,
etſi diſpari forma, ac prædictum, eſt illud aliud inſtrumentum fabris
ferrarijs, valde familiare, illud in manibus continuò habentibus
ad ſua opere perficienda, quod nos vulgò *Morſam* vocamus . Benè
verò aduertit Philander, cuiusmodi inſtrumenta arreptoria Forcipes
veriùs appellanda eſſe, quàm forfices . *Iſtis enim, (ſubdit) incidi-*
mus, aut tondemus; illis vero ad focum vtimur, aut calidum ferrum in
fornacibus, & tenemus & verſamus, Tenaculas (Tenaglia noſtris)
atenendo vocantes . Quare ad diſtinctionem, forficis nomen, à cæſorio
inſtrumento ad ſignificandam certam militaris agminis diſpoſitionem,
tranſlatum crediderim, quod ideo ob formam, *forfex* non,
forceps dicendum eſt . Huius autem peculiarem notionem, omnibus
promiſcuè arreptorijs inſtrumentis, & machinis applicatam relin-
querem . Itaque

FORFICES in re militari ſunt in explicata acie illi bellatorum,
cunei, qui ità, dùm actu conferunt manus, ordinantur, vt in V. li-
teræ formam abeant, lateraque Cunei figuram, vt aliàs nominatur,
præſeferant . Hæc enim ità explicata acies olim, teſte Vegetio, ex
leſiſſimis, fortiſſimisque militibus componebatur, hoſtique ſe obie-
ctabat, quem mox intra ſe recipiens, facta conuerſione, hinc inde ex
vtraque parte ſtringebat : quò fiebat, vt ille in anguſtijs poſitus, ne-
que arma liberè tractare, neque ſe explicare, aut diſſugere valens
haud dubiè internecioni exponeretur . Huius probatum effectum ab
Romanis in congreſſu cum Alemanniſ deſcribens Ammianus lib.
16. hæc habet . *Cogitatum eſt ſollicitèque præſtitum, vt ſauientes ultra*
ſolitum Alemanni, vagantesque fuſiſ, multitudine geminata noſtrorum,

Forficis specie trasi in angustias, cederentur. Sed & diminuto, nescio qua ratione, nomine,


28 **FORCIPVLA** in Architectura militari denominatur Munitiuncula quædam, siue circa obsessam urbem à Defensoribus in prætenturis, ad arcendum hosti aditum, siue ab aggressoribus in Castrorum, sepe frequenter excitata, ad eorum tuitionem. Quæ proinde ad forcipis formam extructa est, & ab eo nomen accepit. *Tenaglia* à Nostris communiter appellata. Habet enim duo latera angularia aduersus hostes exposita, quæ duabus item alis in interiora vergentibus, in angulum coeunt, similis omnino Cornutis operibus, nisi quod propugnaculis caret. Huius delineationem exhibuimus in V. *Art.*

29 **FORNIX** in opere archædtonico, quævis Constructio concamerata dicitur, quæque non tignis, ac trabibus in planum solo parallelum, perficitur; sed cuneatis lapidibus simul adductis, in arcum ponitur; itaut exinde tota simul ex se subsistat, nec opus habeat fulcris, & sustentaculis ad consistendum, sed ipsi lapides, vel sibi discordes & contrariantes, inuicem fulcro sunt, at (veluti Cælum, contrarijs siderum motibus inuitantes) in obfistentia, & contrarietate, consistentiam, & firmitudinem habeant. Vnde est illud Anni Senecæ eorum effectum ad moralia descedentis, ep. 95. ad Lucilium *Societas nostra, inquit, lapidum fornicationi similis est, quæ casura, nisi inuicem obstarent, hoc ipso sustinetur.* Noninis etymon, obscurum satis est, & communiter à furuo, hoc est atro, deriuant; eoquod fornicata istiusmodi loca, furua & subobscura esse soleant; quo sensu antra, & specus à natura in fornicis morem excauata, furua dixit Ouidius, *Metamorph.* 5.

Ex Acberonte suo furuis peperisse sub antris.

Sed quod ad rem attinet; Fornix ex continuatis arcubus compingitur, Natura eius specimen exhibente in arcuatis animantium costulis, quibus totum internum pectus, ac viscera protegentur, & quasi superinducto corio, corporeæ molis fabrica constructur, & obfirmatur. A qualitate autem arcuum quibus fornices adaptantur, hi denominationem accipiunt, atque diuersitatem. Etenim arcus aut sunt recti, & integri, qui videlicet mediam circuli partem integrant, quibus pro chorda ipsa est diameter; aut comminuti, cui chorda est extra centrum, & minor diametro; aut compositi, qui ex duobus comminutis exurgunt in angulum, terminantibus in media distantia: Ad horum igitur rationem conformantur & fornices. Et quia

quia ex diuersitate coitionis arcuum, diuersæ etiam concamerationes resultant, ideò diuersæ Fornicum species. Aut enim continuata serie, arcus in longum producuntur, quales fieri consueuerunt in Hypogeis, & Cryptoporticibus; & hi Fornices absolūtè dicuntur. Aut sese inuicem secant, & quadrifariam camerationem constituunt; 30
quam ab similitudine animantis vocant *Testudinem*. Quod si arcus ipsi complures, & cœquales mutuo conuenientes, in puncto ad centrum perpendiculari sistant ac finiant, tum demum *Hemisphaerium*, (quod apud nos vulgo *Cupula*) appellabitur. Sed hæc diuersitas potius ab arëis suprâ quas eriguntur, quàm ab arcubus, qui arearum naturam sequuntur, & induunt, emanauit. De qua re videndus est Philander in cap. 3. lib. 7. Vitruu. & Leo Albert. de re ædificat. lib. 3. cap. 13. & 14. Nunc autem quouis modo consideretur superinductus Fornix, eius structura est planè admirabilis, quam suprâ, à Natura, edoctam fuisse Architecturam diximus: & confirmat Galenus de vsu partium lib. 8. Namque assurgere lapides ex aduerso, in vnum conuenire, & altero in alterum contranitente, libratissimis viribus sistere, esseque sibi mutuo fulcumento, mirabile sanè est: *ut tam faterni oporteat* (subdit Albertus) *arcum ipsum cuneorum plurculorum compactione consistere, quorum alij capitibus infimis ad arcum ipsum subsideant, alij ad dorsum insidentes, nodum spinæ obtineant, aliqui reliquum expleant ambitum costarum*: eà prorsus methodo, quâ natura testudinis tegimen, & reliquorum animantium corpora fabricauit. *Tota demum* (concludit Albertus) *in testudine, utcumque illa sit, naturam imitabimur; quæ quidem cum ossa adiunxit ossibus, tum & carnes ipsas intexuit, villulis nexura per omnes diametros interductis in longum, in latum, in profundum, in obliquum: hoc nobis artificium natura, lapidibus inserendis ad testudines imitandum censeo*. Igitur ad arcuum normam dirigenda est fornicum ratio: & si ij quidem integri sint, hoc est, in perfectum semicirculum abeant, itaut eorum extremitates immediatè parietibus innitantur; cùm chorda tunc sit ipsa diameter; eo ipso ex se subsistunt, vnde nulla alia chorda opus est, ut in orbem abeant: proindeque tota concameratio absque vilo nexu recurrat, seseque partium connexionem, naturæ ordine tueatur. At si imminuti fuerint arcus, aut compositi; cùm corda, vel suprâ, vel infrâ diametrum concipiatur, quò extrema parietibus illigentur; ferrea catena, quæ cordæ vicem subeat, firmari debent, ac stringi, sicque partes in officio contineantur. Id quod in fornicibus lunulatis, qui necessariò delumbati forent, necesse est obseruare, parietum extensiones hinc inde firmando, itaut non breuiiores illæ sint, quàm quibus comminutus qui deest ambitus suppleri, & integrari queat.

 Quod ipsum nunquam neglexisse veteres Architectos, notat idem Albertus, qui coniunctos utcumque arcus, ubi id licuit, nunquam non intrâ parietum latera integrarunt. Caterum eorum austruendorum eadem ratio seruanda est, quæ in parietibus erigendis; nisi quod in pariete lapides omnes ad rectam regulam, siue ad normam, & libellam coagmentantur, vniue alijs superponuntur; in Fornice, verò lapides cuneati ad flexam regulam, ut omnes ad sui arcus centrum respondeant, diriguntur: aliàs ossatura integra Fornicis ad summum vsque fastigium, ex ossibus parietum debet insurgere, & pro illorum methodo isthic imposita producat, sicque ab ossibus ad ossa illigamenta tendunt, & media complementa rumultuario lapide infarciuntur. Atque hæc est ratio construendorum Fornicum: quæ, si rectè secundum tradita præcepta ineatur, non est vnde sponte dissolui possunt, periculum insit; nisi forte singas cuneorum alterum alterum premere, atque ideo extrudere; quod tam longè abest, ut vnum potius alteri pressione firmamentum sit, & sustentaculum. Plura de hac re apud citatum Albertum, & fusiùs apud De-Cales in sua Architectura.

31 FORTATILLVM apud mediæ, & infimæ notæ Scriptores, & etiam num à Militaribus viris dicitur Munimentum stabile, numeris omnibus ad sui propugnationem, & hostium offensionem instructum: à fortitudine sumpta denominatione. De quo fusè dictum in V. *Arx*.

32 FORVM communiter appellat spatiosam in Vrbe, & cunctis patientem locum, ubi sedes iudiciorum posita est, & quò Ciues indiscriminatim conueniunt ad ius accipiendum, & controuersias dirimendas: vnde & *Forum aperire*, & *Forum indicare*, & *Forum agere*, passim inuenies apud exacti aui Scriptores. Nimirum, *aperire* dicebantur Prætores, qui locum, & tempus designabat ad contestandas lites; *Indicere* erat Iudicum & Magistratum, qui litigantes citabant ad ius audiendum: & *agere* spectabat tam ad Iudices, quam ad ipsos litigantes, qui causas agitabant, & eò conueniebant ad iudiciorum sententias, siue dandas, siue accipiendas. Et hæc est primaria, & antiquior vocis significatio. Postmodum, ex confluentia populorum, opportunitate, & publicitat loci, & negotiorum multitudine, quæ inibi agebantur, factum crediderim, ut ad significandum quoque publicum Mercatum, ubi merces venales prostabant, & commercia exercebantur, *Fori* vocabulum traheretur: cuiusmodi plura legimus fuisse Romæ, quæ à rebus ipsis

ipsis venalibus ibi expositis denominata erant; vti Forum Boarium (quod etiamnum appellationem, & usum retinet) à boum compositione, Forum Piscarium à piscibus, Frumentarium à frugibus, (nunc Campus Floræ) Agonale de omnibus promiscuè mercimonijs, &c. Hinc extensum ad Nundinas, loca videlicet publica, in Prouincia, vbi Nundinæ ex omnium mercium genere aperiebantur, & quò Mercatores vndique ex Principis indictione, & vectigaliū indultu, ad commercia conueniebant. Id quod certatim postea nonnulli, lucri, aut nominis caprandi gratia, in suis quisque prædijs, ac municipijs fieri procurabant; quemadmodū de Claudio refert Suetonius, eum *Ius Nundinarum in priuata prædia à Consulibus petiisse*. Et, de nescio quo, scribit Plinius Iunior in Epist. ad Valerianum, *Virum prætorium à Senatu contendisse, vt sibi instituere in agris suis nundinas permetteretur*. Et inde factum est, vt pleraque Oppida in Italia præsertim, *Fori* nomen nanciscerentur, atque ab eo, in cuius fundo nundinas celebrari datum erat, agnomen acciperent: vt Forum Liuij, Forum Iulij, Forum Sempronij, &c. Quanquam Sigonius lib. 2. cap. 15. de Antiquo iure Italiæ, existimat, quod non à iure nundinarum, sed ab suis conditoribus, vel certè subactoribus, aut à iurisdictione, quam in ijs exercebant constituti Prætores, & Curatores Romani Imperij, nomen habuerint. Quod equidem ambitiosum, & solempne erat Romanis proceribus gloriæ cupidis, & immortalitatem nominis affectantibus, vbi fortitudinis, æquitatis, munificentia, aut rerum præclare gestarum laudem consequuti essent, de suo nomine appellare: vt de Foro Cornelij in specie, testantur Historici, eoquod Cornelius Sylla, post victum Carbonem exercitumque eius pessumdatum, in ijs finibus urbem condidit, quam postea ab eius nomine appellatam fuisse scribit Liuius. Syllæ Forum, inquit, statuit Cornelius: hoc Itali Urbem vocant; ab ipso Conditoris nomine. Quod idem de plerisque alijs Foris videtur esse iudicandum (subdit Sigonius) *quæ à principio ad usum, vel iuris, vel nundinarum instituta; post incolarum numero aucta, tellis frequentata, Oppidi formam accepisse, ac Fori tamen nomen, pristino iure amisso, ac meliore alio parto videantur usurpasse*. Caterum aduertit, apud Romanos distincta fuisse loca nundinarum, & iuris; & alia, in quibus ius diceretur, alia, vbi nundinæ agerentur, ipso Liuiο teste, qui ait: *Ex vicis, partim habuisse Rempublicam, & ius dictum; partim nihil eorum, & tamen ibi nundinas ætas*. Sed quidquid sit de antiquo Romanorum ritu; certum est huiusmodi Fora, hodie in plerisque Ciuitatibus esse distincta: & alia esse quæ ad Mercatum, alia quæ ad ius dicendum, seu ad Comitia celebranda sunt deputata; vt Veronæ, Capuæ in-

Patria mea, Neapoli &c. Et Neapoli quidem Ciuitate Regia, & Principe totius Regni, plura Fora sunt ad ius dicendum: alia in, quæ omnia iudicia reducuntur, & in his nil vile, nil venale prostat, sed solum iudicia peraguntur: ad quod constitutus est locus amplissimis aulis distinctus, in magnifico, & Publico Aedificio, quod communi nomine appellant *La Vicaria*, eo quod diuersi Iudices, & Magistratus, inibi, vice Regis, populis causam dicunt. Alia nobiliora, ac tantum Conitijs destinata pro diuersis Nobilium ascriptionum Ordinibus, quæ vocantur *Sedilia* numero Sex, nempe Capuanum, Nidi, de Montagna, Portus, & Portæ nouæ, pro Patriijs; vbi singuli Ordines, pro sua quique authoritate congregantur ad consultandum, & ferenda suffragia, in his quæ publicam Regni administrationem attinent: Et Sextum pro Populo, & Plebiscitis, vbi suas etiam actiones faciunt, in his quæ pertinent ad annonam, & alia minora munia Ciuitatis.

Et hæc quidem omnia magnificè extructa, præclaræ Vrbs, & suorum Ordinum, nedum authoritatem, sed & munificentiam præfaciunt, quæ itidem *Fora* dicuntur, vernaculè *Piazze*. Et quoad *Fora* venalia, ob Vrbs amplitudinem, & incolarum copiam, multis in locis aperta sunt, quæ in nihilo cum illis conueniunt, sed tantum plebi, & rerum ad victum facientium emporibus, ac venditoribus, patent. In quibus amplissimum, & frequentatius est quod antonomastice nominant *Il Mercato*, in area ante Sacram Aedem D. Mariz de Carmelo stratum: memorabile & ipsum, ac famosum, ob violenta iudicia inibi facta, & Tribunal suscitata in eo, elapsis annis seditionis, tyrannicè constitutum.

De Fori in loco apto constitutione, & partium rata distributione fusc agit Vitruuius lib. 5. toto cap. 1.

- 35 FOSSA, peculiari attributionis nomine, appellatur in Militari Architectura quoddam munimentum genus, circa Urbem vel Castrum positum, seu veriùs excauatum, effossa altius, humo, & ad loricam erecta, ad prohibendum hosti accessum ac repentinam inuasionem. Vnde Vlpianus, *Fossam*, dicit, esse receptaculum aquæ manufactum ad Castra, Oppidum munienda. Benè tamen verum est, quod non semper fossa oppletur aquis, sed multoties sicca relinquitur, vel ex necessitate, vbi nulli amnes vicini sunt, è quibus aqua deriuari possit; vel Architectorum electione. Et quidem magna controuersia inter illos est, & adhuc lis pendet sub iudice, nùm præstet magnis Urbibus, & arcibus munitissimis, fossam habere circum aquis plenam, an siccam: vtrumque enim uerò habet sua commoda, & incommo-

da, vt bene aduertit Fritach, in sua militari Architectura; quæ nos alibi considerauimus. Caterum alia est ratio producendæ fossæ circa Arces, & Oppida, alia in Castris; eoquod hæc, utpote non perpetua, minusque obnoxia aggressionibus, minus operæ efflagitent; quam munitiones stabiles, ac fortissimæ, ad quas expugnandas omnis hostilis conatus impenditur. Quamobrem bene monet Vegetius, lib. 4. cap. 5. *Fossæ ante Vrbes latissima, altissimaque faciendæ sunt, vt nec facile possint coequari, repletique ab obsidentibus; & cum aqua caperint inundari, ab aduersario cuniculum continuari, minime patiantur.* In Castris verò sat est, si fossa tanta excauetur, quantum tempus, & locus permittit, ac tinior ab hoste, & propinquitas ad eius stationes suadet. Quocirca non eadem semper mensura percutitur, sed modò latior, modo pressior, prout præsens necessitas urget; vt ex antiquioribus agnouit quoque Polybius. Generaliter tamen, quando aliàs licet, tumultuaria excitatur, quæ sit lata, (inquit Veget.) *pedes nouem, alta pedes septem: Sed ubi (subdit) vis acrior imminet hostium, tunc legitimâ fossâ ambitum conuenit munire Castrorû, itaut duodecim pedes lata sit, & alta sub linea, sicut appellant, pedes nouem.* Suprà autem sepibus hinc inde factis, quæ de fossa egesta fuerit terra congeritur, & crescit in altum quatuor pedes: sic fit, vt sit *tredecim pedes, duodecim lata.* Porro legitimam vocat, à tumultuariaque discriminat, quæ pensatè & secundum leges Architecturæ militaris initur, Quæ de re, vide quæ habent huius artis Scriptores, præsertim Herigonius, & laudatus Fritach.

FOSSVLA item altera minuscula, profundior, ac tortuosa in medio magnæ fossæ, quæ circa Arces posita est, excuari ad maiorem tuitionem debet; quæ aquis semper plena sit; siue illa, & ipsa, aquas admittat, siue non: Namque hæc semper necessaria est, & vnicè accommodata, tum ad præpediendum aduentantem hostem, tum ad interceptum fossoribus inter ad cuniculos agendos, & profecquendos. Hæc militari vocabulo appellatur *Cunesta*, de qua nonul-
la suo loco diximus.

FR

FRETVS in Geographicis appellantur maris angustæ, quæ duos inter Terræ Continentis aut Insulæ sinus, constituuntur: quales sunt quæ inter Aegeum mare, & Propontidem, septem stadiorum spatium, Asiam ab Europa discriminant, dictum propterea Fretum Hellesponticum. Item Gaditanum, inter Abylam, & Calpen Promontoria, hoc ad Lusitaniam, illud ad Africam pertinens: vti etiam in Italia, Siculum, inter extremos Calabriae fines, & Messanæ, celeberrime

lebre Siciliæ Emporium. In his aquatum fluctus ita intercluduntur, ut non habeant liberum expatiandi alueum, unde est, quod vehementius agitantur, & feruent; atque ex hoc seruire nomen *Freti* hausisse vult Varro. Quod in causa est, ut hæc loca infamia sint, & nauigantibus ominosa; quippe frequenter inibi naufragium patiuntur. Apud nos, expressiore vocabulo vniuersaliter, *Strictum* dicitur, & quale sit, ab adiuncto dignoscitur; ut in Asiæ, & Europæ confinijs, *Stretto di Gallipoli*, in Lulitania *Stretto di Gibilterra*, & sic de singulis.

38 FRONS in Architectura, generaliter indicat eam ædificij partem; quæ primo sese contemplantibus obijcit; siue ea totius nobilior facies sit, siue membri alicuius in latum extensi prospectus ædem constituentis. In hac significatione, hoc vocabulo sæpè utitur Vitruuius, modò illud applicans toti prospectui domus, aut Templi, quem ideò alij expressiore notione nominant *Frontispicium*: modò partibus, & anterioribus lateribus parietum, abaci, Epistylj, &c. uti videre est lib. 1. cap. 2. ubi Orthographiam definit, quod sit *Erecta frontis imago*, & lib. 3. cap. 1. *In Antis erit ades, cum habebit in fronte antas parietum*, & lib. 4. cap. 3. *Frons adis Doricæ si Tetra stylos erit, &c.* Philander quoque Frontis nomen tribuit Abaco, qua parte sese spectabilem reddit. *Frons abaci, præter cymatium, latitudine respondebit toti diametro*: & alibi passim; sumpta analogia ad humani capitis frontem. Hinc etiam

39 FRONS in Acie militari, est illa pars Exercitus proximè ad conferendas manus accincta, quæ, ut ait Vegetius, lib. 3. cap. 14. *aduersus hostem spectat*. Quamquam enim tota bellatorum collectio ad incundum prælium ordinata, communi vocabulo *Acies* dicitur; ipsa tamen diuersorum agminum varia dispositio, varias appellationes sortita est. Et quidem Acies est veluti magnum corpus, quod in plura membra diuiditur, qualia sunt *Alæ*, *Cornua*; *Cuneus*, *Frons*, &c. quorum singula suas partes explent; & à munere, forma, situ, ubi dimicant, varia nomina auspicantur: valdè enim conducit ad rem, si bonus ordo totius aciei in præliando seruetur, nec agmina, aut munia confundantur, uti commonstrat Vegetius toto illo capite luculenter. Igitur Primus ordo militum, qui ad pugnandum procedit dicitur *Frons*; quemadmodum etiam, *Os*, *Facies*, *Iugum*, &c. uti notat Aelianus de Acie instruenda, agens: *Cuius longitudo, inquit, prima Decurionum ordinatio est, quæ & Frons, & Facies, & Acies, & Iugum, & Os, & Duces, & Præfices,*

stites, ac Primi Decuriarum vocari solita est. Quantum verò Phalangis pone Frontem ad tergi usque ductores porrigitur, id Altitudo nominatur. Stare per directum in latum, Præstites, Substitesque versari, vocabulum accipit. Phalanx seorsum in primas, summasque partes à fronte per totam sui altitudinem secatur, quarum altera Cornu dextrum, & caput vocatur; altera Cornu laevum, & pes dicitur. Quæ autem longitudine ita secatur, Oris & Umbilici nomine utimur. Hucusque Aelianus totius explicatæ Aciei, quasi anatomen faciens, eiusque membra, horumque singulorum officia, suis aptis nominibus compellans. Nos primum hunc ordinem Vanguardiam, postremum Retroguardiam vocitamus.

FRONTONES vulgo Architectorum dicuntur Opera quædam seu finimenta ædificiorum, quæ consultò, ac datà operà relinquuntur imperfecta ad iudicium; & initium alteri operi dandum, eodem ordine proseguendo. Quæ nihilominus, ne Architecturæ dispositio excidat, modicè initiantur, & quia ulterius prosegui, siue expensæ, siue aliud quodvis, quod se ingerit obstaculum, haud permittunt, incompletè protracta sunt, & solummodò adumbrata. Id sæpissimè euenit in fastigijs imponendis, in extensione Epistyliorum, quæ impediuntur arcubus interpositis, aut portis; in distributione fenestrarum &c. quò fiat, vt extremam angularis paries intercipiat, aut procurtens opus præpediatur. Etenim solemne est omnibus Architectis, vt si qua pars ordinis cuiusvis perfici neutiquam possit, eoquod alio corpore, aut ornatu necessariò apponendo impediatur, opus idcirco non prætermitti omninò debeat, sed vtcumque inchoari, & persequi, quoadusque sit locus, non obstante quod mutilum maneat, & interruptum. Minus enim ex Opticæ institutis, visum offendit obiectum, quod ab alio interposito siue ex parte, siue ex toto, iniuriam patitur; quàm omninò præteritum, relicto inibi vacuo spatio. Sic videmus Ostiorum potissimum fastigia interrupta, ad stemmata aut inscriptionum lapides apponendos: sicut etiã plurimas apertiones contrà ordinem factas, sed necessarias ad lumen excipiendum, & his similia. Qua de re, fusè, ac doctè satis pertractat Leo Bapt. Albertus in suo Opere de Re ædificatoria lib. 7. cap. 15.

F V

FVLTVRA proprium Architectonum vocabulum, à Fulcio, quod est Sustentare, atque obniti contrà pondus aliquod aliàs ruiturum, notione desumpta. Hinc in re ædificatoria significat molitionem illam, quæ ad structuram proseguendam anticipatè fit per trabes, &

sustentacula, ad concamerationes & arcus desuper imponendos, quæ postea, cum bene consolidata fuerit fabrica, abijciuntur. Aliàs latissimè accipitur vox pro interpositione cuiuscumque tibicinis ac tigni, quod ruituræ moli admoventur ad fulcrum. Hos nos *Pontellos* vocamus. In hoc sensu, ea usus est Vitruv. lib. 6. cap. 11. laudans subcuncatos postes, & opera fornicata, quod onus leuent, & laborem parietum ex vetustate, aut exilitate fatiscientium, qui propterea ad ea sustinenda adiumentis, & futuris non egeant. Ait namque. *Cum enim extrâ trabes, aut liminum capita, arcus cunels erunt inclusi; primum non pandabit materies leuata onere: deinde, si quod è vetustate vitium caperit, sine molitione futurarum, faciliter mutabitur.* Est etiam *Futura* in Mechanicis, hypomochlion, quod vetusti subijcitur ad leuandum pondus. Nostri *Sottoleua*, de qua suo loco.

42

FVNDAMENTVM in re ædificatoria quid importet, tam cuique vel eius artis rudi notum est, quàm ædificijs omnibus pernecessarium, primumque veluti operis elementum: vnde Augustinus Serm. 10. de Verbis Domini, id ad moralia, suo more insciscens, ait: *Cogitas magnam fabricam construere celsitudinis? de fundamento prius cogita humilitatis: & quantam quisque vult, & disponit superimponere molem ædificij, quanto maius erit ædificium, tantò altius fodit fundamentum.* Igitur Fundamentum in fossione consistit. Quod ideo Vitruv. lib. 1. cap. 5. *Fundamenta* vocat ipsas fossarum directiones, & excavationes, ubi superstructio futura est. Ait enim: *Fundamenta; sunt facienda, uti fodiatur, si queant inueniri ad solidum, & in solido; quantum ex amplitudine operis pro ratione videatur, crassitudine ampliore quam parietum, qui suprà terram sunt futuri.* Quam ob causam, Leo Albertus lib. 3. cap. 1. Fundamentum existimat structuræ partem non esse, sed locum porro ac sedem, suprà quam structura ipsa sit postea collocanda. Atque in hoc *Fundamentum* discriminatur à *Pedamento*, quod illud locum denotat vacuum; hoc ipsam fundamenti repletionem, & occultam substructionem: de quo, suo loco.

43


Interim ad Fundamenti considerationem reuertamur. Ipsum imprimis, docet Vitruv. fodi debere crassitudine ampliore quam parietum, qui suprà terram futuri sunt; & meritò quidem, nam esse debet veluti definitio basis, quæ totâ molem sustentare habet; ac propterea ampliora convenit habere latera, quæ ipsam veluti complectantur, & stringant. Secundo notat Albertus. *Prinsquam fodere quicquam incipias, angulos arearum, & omnes laterum lineas diligentissime iterum, etque iterum annotasse te oportet, quales futuri sint, & quo statu-*

antur

antur loco. Id quod norma inuestigandum docet, itaut anguli ad-
missim respondeant; & quæ intus iniicitur materies, in planum
ad perpendicularum cadat. In quo summa diligentia procedendum
esse astringit, quando (inquit cap. 2.) in cæteris si quid erratum est,
lædit lenius, & emendatur facilius, & perfertur commodius, quam in
fundamentis, in quibus nulla errati excusatio admittenda est.

Tertium documentum est Columellæ: quod in arvis decliuibus,
à parte inferiori, & loco depressiore foundationes auspiciari debe-
mus. Nam, præterquam quod illic iacta, & substructa materies suis
locis sponte sua ruens benè consistet; fiet etiam, ut si quæ fortassis vi-
tia (ut insequi sæpè solent) in huiusmodi fossionibus deprehendan-
tur, facile corrigi, & euitari possint. Præterea sicubi solum labile
est, & arenosum; palis, tabulis, & cratibus, latera vtrinque mu-
nienda, & fulcienda sunt, ne tunctionibus concussa humus dehiscat,
& in præceps ruat, non absque fossorum discrimine, atque operis
frustratione. Cæterum, vbi ad solidum peruentum est, fundum
ad libellam cœquandum est, ne quam in partem cadens materia
inclinat, sed in planum iaceat, & nusquam inter ipsam, & fundum
interceptus aer, aut vacuum, continuitatem dissoluens, reperiatur.
Sed de hac re satis. Plura qui volet, adeat Barbarum, & Alber-
tum, qui exactissimè de hoc argumento pertractant.

FVNDÀ, instrumentum bellicum satis notum, & apud Veteres 44
maximo in vñ, & æstimatione habitum; quippe nullum ferè iustum
prælium erat, quod non Funditores adorirentur, & magnam par-
tem instructæ Aciei tenerent: etenim cæteri bellatores cominùs ar-
ma tractare, & hostes corpore ad corpus aggredi, periculosa, & in-
certa vtique alea habebant; illi de longè suorum agminibus prote-
cti, saxa iactabant, nullo penè irritò iactu. Quapropter Aelianus in
Aciei instructione, postremum locum ab hoste remotum illis assignat:
Et Frontinus. In quinta acie, inquit, ponebantur Carroballistæ, Ma-
nubalistarij, Fundibulatores, Funditores, qui fundis ex lino, vel setis
factis, contorto circa caput brachio, dirigunt saxa. Est ergò Funda, Mer-
curiali teste, lib. 2. de Arte Gymnast. cap. 12. Funiculus ad modum
habene (vnde & Habena sæpè nomine, apud multos Scriptores in-
uenies nuncupatam) qui duobus capitibus manucapitur, altero cum
ansula, ne exeat; altero sine, ut dimitti possit; atque in medio la-
tior est, ut ibi lapis contineatur. Hunc circumactò valide funicu-
lo, & ab vno capite dimisso, vehementer proijciebant Funditores.
Eius intutionem Phœnicibus tribuit Plin. lib. 7. cap. 56. Contrà
Lucius Florus & alij, Balearibus, à quibus ipsa Funda Balearis co-
gno-

 gnomentum accepit. Hi nimirum tribus fundis instructi ad prælium exire solebant, quos à dexteritate, & felicitate ad scopum collimandi summiopere laudat Liuius lib. 30. eoquod ab infantia in ijs exercebantur, & ut scribit Diodorus Siculus, ex quo depronipfit Vegetius; *Arma eis sunt funda tres: una caput cingunt, altera ventrem, tertia in magnibus gestatur. In prælio multò maiores quam reliqui iactant robustè, ut aliquo tormento lapis missus videatur. In Urbium expugnatione, lapidum iactu cos qui desuper ex propugnaculis tuebantur mania, vulnerant: in pugna verò scuta, galeas, omneque armorum genus confringunt. Ita autem rectè lapides propellunt, ut rarè effugiat ictum appetitus locus: quod eis continuò à pueritia usus præbet, à matribus ad id certamen coactis: imponunt enim suprà erectum lignum panem, signum, quod iactu petant; neque antè cibum capiunt, quam panem lapide eiectum pro cibo sumant. Huc usque Diodor. Dicta autem Funda à Fundendo, ut placet Isidoro lib. 18. cap. 10. & Fundibulum etiam dici, quasi fundentem, & emittentem. Vnde Fundibulatores, & Funditores. Et Fundibulatores sunt (subdit Veget. lib. 3. cap. 14.) qui sustibus lapides iaciunt; Funditores qui fundis ex lino vel setis factis, (has enim dicunt esse meliores) contorto circa caput brachio dirigunt sexa. De Fundibalis mox infra. Porro est & alia Funda Aegiorum memorabilis, de qua scribit idem Liuius lib. 38. quod est non simplicis habena, ut Balearica, aliarumque gentium funda, sed triplex scutale crebris suturibus duratum, ne fluxa habena, volutetur in iactu glans, sed librata cum sederit, velut neruo missa excutiat. Quod ideo, non solum saxa, sed etiam glandes magni ponderis ex plumbo dirigebat: vnde est illud Propertij lib. 4. eleg. 3.*

Plumbea cum tortæ sparguntur pondera funda.

Quæ proinde validiore ictu, quemadmodum modò emissæ è sclopiis plumbeæ glandes in penetralia tendunt, & magnum vulnus, ubi infiguntur important. Cæterum de fundarum diuersitate, ac vario usu, vide Lipsium in Poliorcet. lib. 4. dial. 3.

45 FVNDVLAE, Varrone teste lib. 4. de ling. lat. dici solent viæ quæ exitum non habent, ut angiportus, & similes locorum anfractus: at absolute Fundula fundam parvam denotat, ut nominis etymon præferat.

46 FVSTIBALVS, scû FVSTIBALVM (vtroque enim modo dictum reperio apud Scriptores, qui de ijs tractant) *Vox est, inquit Lipsius ubi suprà, nonitij ani nescio, an res ipsa. Certè instrumentum bellicum in genere missilium, præcis sæculis usurpatum; quod ità describit*

bit Veget. lib. 3. cap. 14. *Fustis longus pedibus quatuor, cui per medium ligatur funda de corio, & utraque manu impulsus, propè ad instar Onagri dirigit saxa.* Vnde à fuste fortassis nomen obtinuit. Sed in aliquibus Codicibus, vt obseruat Stevvechius, habetur *Fundibulum*: & meo iudicio germaniùs. Nam quorsùm diceret Vegetius paulo antè *Fundibulatores sunt, qui Fustibalis lapides iaciunt?* Consonat Isidorus suprà, qui *Fundibalum* legit, & *Fundibalum* appellari ait, *quasi fundentem, & emittentem*, & pròmiscuè habetur *Fustibulatores, & Fundibulatores*, vti *fundibulum, & fustibulum*:

& vtrumque confundens Vegetius, *Fundibulatores* ait esse, qui *fustibalis lapides iaciunt*, vt suprà meminimus. Certè, re in controuersiam ducta,

concludit Furius apud Lipsium, *fundibalum* diuersum à *fustibalo* esse. Res est

parui momenti, & quæstio de

nomine, quæ nihil ad Mathematicum pertinet.

Vide iam dicta


in V. An-

gñ.






GA

I  **ALAXIA** in Astronomicis, est Circulus magnus & latus, instar fasciæ cuiusdam inæqualis, in Firmamento existens, & sua amplitudine comprehensens Sidera totâ Cassiopeæ, Cygni, Aquilæ volantis, Caudam Scorpionis, partem Sagittarij, Centaurum, Argonauim, pedes Geminorum, & Perseum. Hic solus tot inter, qui in Cælestibus considerantur, realis est, patens, ac probe serena nocte, conspicuus, exhibens speciem quandam nubeculæ in obscuro candicantis: cuius albedo, quia lacti quodammodo similis est; idcirco *Via Lactea* appellatur, atque à Poetis, additis de more suis figmentis, mirificè effertur: quos inter Ouidius lib. 1. Metamorphos. astruit, eam esse regalem viam, quâ itur ad Superos, atque ad cælestia regna Tonantis, sic fabulatus:

*Est Via sublimis Cælo manifesta sereno,
(Lactea nomen habet:) candore mirabilis ipso:
Hæc iter est Superis ad magni regna Tonantis,
Regalemque Domum.*

2  Olim magna fuit inter Philosophos de hoc Circulo concertatio. Aristoteles illum voluit in aëris regione consistere, esseque constipatam, & adustam nubium cogeriem: sed hallucinatus est, & falsitatis euincitur; quandoquidem hac ratione non semper, & constantissimè cernerentur è quacumque terræ plaga, in eodem situ, & comprehensi, inuariato habitu, certa tantum sidera Firmamenti, ut patet de ignitis Cometis qui in aëre generantur. Alij opinauerunt, illum esse connexuram continuam, & partem Cæli densiorem, itaut Solis immissum lumen recipere, & retinere possit tanquam ibi reflexum; non tamen ita densam, ut perinde ac stellæ, & Planetæ affatim illustretur. Sed id gratis effectum, & faciliè corrui, quando Cæli sub-

substantiani (vt cum Tychone iam omnes admittunt ,) demus fluidam . Concluditur ergò , & nostro xuo compertissimum est , Galaxiam nil aliud esse , quam conglomerationem plurium stellarum simul collucentium , quarum distinctio nudis oculis non percipitur , sed omnes simul apparent , tanquam confusa quxdam nubes , vario & subalbicante candore prædita , pro maiore , vel minore ad inuicem constipatione ; eo ferè modo , quo sunt duæ Nubeculæ ad Polum Antarticum , atque vniuersim eæ stellæ , quas dicimus Obscuras vel Nebulosas ; & nunc ope Telescopij , duce Nuncio Sidereo oculatissimi Galilæi , comperimus esse plures stellas in vnum colligatas . Roboratur id eò potissimum , quòd noua Phænomena in Cælo enata , non nisi in Galaxia conspecta sunt : vti Stella fulgentissima , quæ in Cathedra Cassiopeæ visa est anno 1572 . , ac duos integros annos durauit , posteaque sensim euauit . Item quæ anno 1600 . apparuit in pectore Cygni ; quæ in genu Serpentarij , anno 1604 . & alijs , quæ successiue nostris etiam temporibus , phænomena visa sunt , quæ neutiquam inter Cometas aëreos computari possunt . Præterquam idiplum etiam asserendum arbitror de Septima Pleiadum , quæ modò satis conspicua est , modò ad tempus latet : adeout aliquibus magnum negotium facefferit , nùm verè inter alias sex extaret , an potius esset fictitium quid , & oculorum hallucinatio . Quapropter hand improbabile redditur , eam , vti & alia modò dicta Phænomena , aliud planè non exstitisse , quàm stellarum coitionem in vnum , statis temporibus factam , quæ vnum sidus referrent , postea ab inuicem aliquantisper semotas (neque enim omnino loco affixæ censendæ sunt , vt non paululum dimoueantur) ideòque oculis , in tanta præsertim distantia imponant . Idque maximè probabile redditur , admissa cum laudato Tychone , Aethereæ regionis fluxibilitate , per cuius expansum faciliè vagus iste minutissimarum stellarum discursus concipiatur . Caterùm Galaxia perinde ac manifesta sidera magnos , & miros effectus habet , in diesque Mortalibus dat experiri : quorum plurimos refert Plinius lib. 18. cap. 29 .

GALEA , militare capitis integumentum , à Lacedæmonijs (si Plinio credimus) primùm inuenta , vti & Hasta , & Gladius ; postea communi omnium gentium consensione recepta , atque in prælijs adhiberi solita . Magnum equidem munimen , & incitamentum ad fortiter dimicandum , quò miles capite protectus , ac toto corpore cataphractis circumdatus , securus & promptus in media pericula irueret , & hostium tela , & ictus aspernaretur . Quod ideò , teste
Ve-

Vegetio lib. 1. cap. 10. apud Romanos *Ab urbe condita usque ad tempus D. Gratiani, & Cataphractis, & galeis muniebatur pedestris exercitus.* Sed graue profectò mox ignauo militi visum fuit, ac taderet (erant siquidem ferrea isthæc armamenta) pugnare: *Itaque ab Imperatore postulant (verba sunt ipsius Vegetij) primò Cataphractas, deinde Cassides deponere.* Accedit quod experientiâ compertum est, milites sub his quidem armis tutos à vulneribus esse, sed propter impedimentum, & graue onus quod sustinet, multum præpediri, & arma offensiuâ agilerè tractare non posse, sicque facile in aduersariorum potestatem venire. Quare, optimè prouisum fuit, vt in posterum gregarij milites, pro ferreis galeis, pileis vterentur, ac Romani, cæterâ expediti, solum galeam eamque leuem & simplicem gestarent in capite, cum ad prælium processuri erant, lupi pelle contextam, aut etiâ aliarum belluarum hiantibus rictibus horridam, quod simul, & tegumento esset, vt notauit Polybius, & indicio, vt simul & fortiter dimicantes, & ignaui hoc signo facile agnoscerentur; sicque & istis animi, aut sufficerentur, aut spe victoriz, & laudis cupidine conduplicarentur. Pilei autem ad modum galeæ ex corijs animalium facti, in quorum vertice, vt & in galeis, pinnae, plumæ, & cristæ, aliaque id genus, vt etiam monstrorum capita, tum ad ornatum, tum ad horrorem hosti incutiendum volitabant, & præfulgebant, vt præ cæteris notauit Polybius lib. 6. in hæc verba: *Præter hæc omnia adornantur corolla plumæ; pennisque tribus puniceis, aut nigris erectis, longitudinis fermè cubitalis, quæ cum in summo vertice ceteris armis addiderint, vir quidem apparet duplò maior, quam sit, eius verò aspectus pulcher, hostibusque terribilis.* Duces verò in galeis vtrâque pluma, & pinna, habebant profluentes è vertice Draconum, Leonum, aliarumque ferarum rictus, ore hiantes, & ad vovandum composito: quod eorum insigne erat, & militare ingenium, ac fortitudinem denotabat; vt de Turno refert Virgilius Aeneid. septimo.

*Ipse inter primos præstanti corpore Turnus
Vertitur arma tenens, & toto vertice supra est.
Cui triplici crinita iuba galea alta Chimeram
Sustinet. Aetnaeos efflantem faucibus ignes.*

Qui mos ab usu militari ad pacis otia translatus, locum habet in ædificijs, vbi inter alia ornamenta, quæ ostiorum fastigijs aut alijs conspicuis, Dominorum stemmata imponuntur cum desuper galeis, cum fluitantibus hinc inde plumis, atque in vertice summo leonum canum, ceruorum, aut alius cuiusque rei, quam sibi in tesseram assumunt, imaginibus constitutis.

GARITTAE in opere architectonico, nomine ab Gallorum idio-
mate deriuato, siue turriculæ editiores in Domorum testis, siue in 4
Arcium mœnijs additæ, siue ad speculandum quæ sub ijs aguntur;
siue ad effugium, extremumque recessum, & tuitionem, si forte locus
ab hostibus occupetur: vnde est illud VVillelmi Brito. Philipp. lib. 2.

Non nisi rarus erat qui muris flaret in altis.

Omnibus ad tutas fugientibus ultro Garittas.

Verius tamen ad speculandum Garittæ sunt factæ, vnde & *Specula*
communiter audiunt; & in Nauibus, quæ supra medium malum con-
stituuntur Carchesia, seu Cauæ in corbis formam contextæ, ad deti-
nendum speculatorem omnia latè circumspiciantem, *Garitta* vulga-
riter nominantur. Caterum quod ad Garittas, seu turriculas editis
domorum apponi solitas, olim frequentissimus erat vsus, & *Nemo*
Pater familias, vt testantur Albertus lib. 8. cap. 5. *turre potuisse care-*
re visus est: hinc passim syluæ surgebant turrium. Et Romæ solum,
suo tempore, tametsi de numero, plus parte dimidia corruerint; su-
pra duo millia & quingenta, seculis transisse commemorat: quæ tamen,
siue ob ruinæ periculum, siue ad vitandas superfluas expensas, sen-
sim in desuetudinem abiire. De earum forma, altitudine, & situ
vbi commodè & diù perennaturæ, locandæ sint; consulendus est
idem Albertus loc. cit.

GEODÆSIA species est Geometriæ, vnaque ex Mathematicis 5
disciplinis, quæ versatur in dimetiendis corporum, ac particularium
figurarum quantitatibus: vt materialium rerum acervos per conos,
& puteos, & cylindros: Quod tamen non præstat per imaginarias
lineas rectas, vt præcisè facit Geometria; sed per res sensibiles, &
visuales; vtputa per radios solares, vel per spatias aut perpendicu-
lum. Diuiditur, quemadmodum Geometria, in eam partem quæ
planam superficiem respicit, & in eam quæ corpora solida habet di-
metiri. Qua de re vide Clauium, Kircherum, & alios.

Hic autem P. Guarinus noster in suo *Euclide Adaucto*, tractat 29.
vbi de Geodæsia tractare accuratius incipit, ex obliquo me taxat,
quasi Geodæsiam acceperim pro practica corporum dimensione per
mensuras sensibiles; quando ea verius appellat eam Geometriæ par-
tem, quæ præcisè superficies rectilineas considerat, siue dimetiendo,
siue scindendo, siue quomodolibet transformando. Hæc ille. At
enim hoc ei proprium, & specificatiuum est, Geometriam ad res
sensibiles coarctare simpliciter, quatenus non sistit in pura linearum,
& superficierum consideratione, abstracta à quacumque materia, sed
vterius progreditur ad eas indagandas in ipsis corporibus planis, ac

rem perficit per sensibilia instrumenta. Quod ideo in hoc sensu accipitur Geodæsia à Pappo in Collect. Mathem. Herone in Opusculis, quod de ea specialiter attexuit libro de *Machinis bellicis*, aliisque passim Scriptoribus. Quinimò ad hanc rem circumferuntur versiculi de Mensuris Geodæsijs, quibus in praxi vtuntur Mensores ad agros & corpora plana dimetienda, ij autem sunt.

Quatuor ex Granis Digitus componitur unus.

Est quater in Palmo Digitus: Quater in Pede Palmus;

Quinque Pedes Passum faciunt. Passus quoque centum & Vigintiquinque, Stadium dant. Sed Milliare

Octo dant Stadia. Duplicatum dat tibi Leucam.

Et quamquam Stereometria propriè, & signanter agit de corporum solidorum dimensionibus; attamen hæc habet Geodæsiam ipsam vltimè coarctare ad magis particularia: namque ambæ, vt & aliæ inferiores facultates, intrant in Geometriæ præcise rationem; ita ut altera alteri sit comes, & subalterna. Et Geometria quidem genus est, ac latissimè patet: Geodæsia coarctat eam ad praxim, estque tota, in considerandis lineis, ac superficiebus in materia vtcumque alligatis. Stereometria verò adhuc vltimè descendit, & assumit sibi tantum considerare lineas & superficies in corporibus solidis, ea ex regulis Geodæsiæ dimetiendo. Qua de re videndus est ipse Guarinus tractat. 26. par. 2. necnon De-Cales tom. 1. tract. 5. lib. 1. in præloquio. Quandoquidem ipsa parens omnium Geometria, olim ab infimis, atque ab agrorum dimensionibus sumpsit exordium, vt vèl ex ipso nominis etymo liquet: eo quod in Aegypto primò visa est, & adhibita in agrorum confusione, quæ identidem ab Nili alluione importabatur, ad eos per certos limites discernendos, & abinuicem separandos. Postea vsu ingeniosior facta, altius se euexit, & absolute ad quanti, prout quantum simpliciter est, spoliatum omni materia, considerationem se sola conuertit, & in hæc generaliter se continuit; mensurandorum agrorum, superficialium, & corporum diuerforum rationem, subiectis hisce, vt ita dicam, ancillaribus facultatibus, sub sui suprema directione reliquit.

G E

GESTATORIAE Scalæ, Vide in V. Scala.


G I

- 6 GLOSSOCOMVM nobile Instrumentum est, seu Machina ad leuanda, & libranda quæuis vèl immensa onera, data quacumque potentia, factum; Ab Archimede primùm inuentum (qui proinde de eius miro effectui tumens, adauenter pronunciaffe dicitur: *Da ubi pedem figam, & ego terram mouebo.*) postea ab Herone Ale-

xan-

and rino ad praxim deductum, eiusq; vsus & constructio explicata in libro, quem *Baraulion* inscripsit; vbi singulatim de quinque potentijs differit, quæ omnes in vnum Glossocomum adunantur. Sed quia liber deperijt, & aliàs Machina hæc valde vtilis in alijs Græcorum libris maximè commendatur, verumtamen obscure nimis eius constructio traditur; eam ē tenebris eruit Pappus item Alexandrinus, in palam exposuit, & commentarijs præclarissimis illustrauit.

Constat igitur Glossocomum quinque tympanis mutuò connexis, & grandioribus rotis ad singulorum capita affixis; ità dispositis, vt rotæ diameter duplò maior sit amplitudine tympani, cui est adpacta; & hæc insuper in dentatum aliud tympanum cadat, priori pro medietate minùs, aptissimè congruat: sicque succedentibus in eadem proportionē alijs tympanis, ac dentatis tibi congruentibus maioribus rotis, vsque ad extremum, quod à potentia agitur immediatè; sit, vt multiplicata, & aucta per ampliores gyros virtute, tandem potentia cuiuscumque ponderi par euadat, auctoque illud sustinere, librare, attollere idonea, nullo alio addito adminiculo, inueniatur. Quod qua ratione fiat, in probè delineato schemate (quod apud ipsum spectare licet) demonstrat Bettinus in Apiario 4. propos. 4. ac dein Theoricè probat in lineis axes tympanorum representantibus, & vectis vices ibi gerentibus: quarum ordinationem, hic exponere placuit.



- 8 Nam tota Machina (inquit Bettinus) constat ex veltibus primi generis multiplicatis; quorum multiplicatio efficit, ut datum pondus semper à minore, & minore potentia moveri possit. Etenim singula tympana tam maiora, quam maioribus inserta minora, itemque axes sunt contigui, seu continui, atque infiniti quodammodò velles primi generis. Id quod exemplificat in figura ipsa exhibita Glossocomi, cuius insuper vim nudè ostendit in præiactis quinque lineis, quæ referunt veltē in quinque partes tributum, in quorum singulis, singula sint applicita hypomochlia, ut vides. Hinc prosequitur declarare magis rem, in Scholio superaddito. Si oculo mathematico inspicias Glossocomum A. B. C. D. est in eo ab A. usque ad F. veltis quidem quater infraclus, siue quasi compositus ex quinque minoribus veltibus, qui ad extrema faciunt angulos, & in contraria obnuntur, ac moventur alternis per adductionem, & per impulsionem, ut sit in remis, aliquandò adductis ad pectus, aliquando protrusis, dum scaphia moventur. Velles autem hi partiales in glossocomo habent alternis hypomochlia infernè, ac supernè, ut hic vides. Si fingas potentiam in extremo A., & pondus dependens ex B. atque pro prima rotula, & minima sit veltis A. C. pro secunda C. D. & deinceps pro reliquis rotis, velles D. E., E. F., F. B. sint. autem hypomochlia in singulis veltibus disposita ibi, ubi distantia versùs A. dupla sint distantiarum versùs B. Dum ergò primus veltis, A. C. nititur hypomochlio infernè posito in G. & potentia in A, deprimat extremum A; consequenter alterum extremum C. attollitur; & simul alterius veltis C. D. attollit extremum commissum in C. ac veltis C. D. quoniam suspellitur, nititur hypomochlio H, supernè collocato. Eleuato igitur C. deprimatur D. & in tertio velle D. E., iteratur motus primi veltis A. C., In quarto velle C. F. interatur motus secundi veltis C. D. In quinto denique F. B. moto per depressionem in F. fit eleuatio ponderis in altero extremo B.
- 9 Atque hæc est arcana & mirabilis vis laudati Glossocomi, quæ sit ut quauis vel exigua potentia, apta sit leuare, & dimouere quodlibet pondus etfi, immensum, per duplicationem & incrementum virtutis morticis, acquisitæ in prædicto machinamento. Quam fusiùs fortè quam par erat, explicare coactus fui, atque ex aliorum ratio-cinio, & ipsissimis verbis, ut ei sic maius pondus adijciam, vsusque introducat: quandoquidem tam mira præstat, & oppidò vtilia, præsertim in bellicis, vbi summo consilio rerum mathematicarum, peritia, celeritate ac promptitudine opus est, in prouidendis, expediendisque opportunè machinis ad rem facientibus, ut exinde reportetur fructus laboris, & gloria.

GLOTTOLOGIA, quamquam ad Mathesim propriè ac directè non attinet, sed verius ad Anatomicen, eoquod agit de vocis efformatione, & organorum idonea dispositione & concurrentia; habet enim inquirere partes, & membra quæ ad vocem concurrunt, linguam, asperam arteriam, nervos contingentes, tensionem, dilatationem, &c. Attamen quia exinde qualitas vocis elicitur, nùm, grauis, nùm acuta, nùm clara, & fortis; an tenuis, rauca, exilis, ac turbulenta &c. ideò non immeritò Caspar Scottus in Cursu Mathematici lib. 28. cap. 7. eam inter Mathematicas facultates censet, & ad Musicæ considerationem reducit: quatenus docet, quonam modo, & arte, vox dirigenda sit, qualiter temperanda, minuenda, augenda, commutanda, distinquenda, cum alijs coniungenda, vt concentum faciat, & gratum præbeat in modulationibus ordinem, ac melodiam. Quæ de re consulendus est Boethius, Martianus Capella, Guido Aretinus, & alij, qui de Musicæ Theorica exprofesso pertractant.

GN

GNOMA, inquit Festus, est genus Machinæ, qua regiones agrorum dignoscuntur. Sed qualis illa fuerit, & cuius vsus, nec ipse explicat, nec ab alijs Scriptoribus, quos viderim tactum inuenio. Forte in idem recidit quod

GNOMON Instrumentum Geometricum notissimum rectangulum, in A. formam abiens, quod communiter Libella dicitur, quò nedom res librantur, vt cadant in planum ad perpendicularum, sed & veniuntur distantias; altitudines item ac declinationes Solis, & siderum, &c. cuius vsum atque utilitates docet, & recenset Egnatius Dantes, Clavius in Geometria Practica, Io: Paulus Galluccius, & alij. Propriè autem, & ex prima notione

GNOMON græcè dicitur stylus ferreus in area, seu plano horologii sciotherij collocatus ad perpendicularum; qui vmbra sua cursum Solis indigitat, sequitur, & notat ex aduerso; quotam diei horam commonstrat, atque Aequinoctiorum, Solstitiorumque tempora manifestat: Quare meritò à Plinio lib. 2. cap. 72. Solis vmbilicus vocatur; quandoquidem est vera mensura, nec vnquam fallax index itineris Solis, ostendens, ordinatas, ac variantes periodos, quas peragit diurno motu, ab ortu ad occasum; proindeque omnes eius affectiones, & effectus quos subit singulis diebus, mensibus, & quatuor temporibus anni, vt cuique notum est. Sed altiùs

GNOMON in Geometricis audit Parallelogrammum, seu potiùs duo segmenta vnus parallelogrammi in quatuor partes dissecti: quorum duo, quæ extra diametrum sunt, vocantur Complemen-
ta, vt

ra, ut in loco diximus; alia duo, quæ circa diametrum sunt, illamque in medio complectuntur. Gnomon ab Euclide singulariter nuncupatur: eoquod sit veluti Gnomon, & norma dignoscendi quantitatem, & passionem Parallelogrammi maioris, prout in eius consideratione, suo loco dicemus.

- 15 GNOMONICA, auctore Vitruvio lib. 1. cap. 3. in seipsa præcisè considerata, est una è tribus Architecturæ partibus; quæ sunt, inquit, Aedificatio, Gnomonice, Machinatio. Fusè autem agit de Gnomonicis rationibus lib. 9. cap. 4. ubi ait, eam esse facultatem, qua per Solis radios interceptos, captantur umbræ in plano, per gnomonis, siue styli interpositionem: unde eius regularis motus rationem, & horarum interstitia auspicamur. Tradit etiam quonam pacto constituendum sit Analemma ad umbras Solstitionum, & Aequinoctiorum in qualibet superficie, siue plana, siue concava, inuestigandas, ac præcisè describendas: & alia valde utilia, de quibus fusè Clavius in Gnomonicis,

GO

- 16 GONARCHE apud eundem Vitruv. lib. 9. cap. 9. est quædam species horologii Solaris, sic ab eo nuncupati: sed in quo consistat, utque ab alijs discernatur, non explicat, sed tantum dicit, ab aliquibus, post Berosum, Aristarchum, Eudoxum, & Apollonium, fuisse excogitatum. *Res obscura (subdit Baldus) nec faciliè ab etymo quicquam certi venari possumus.* Fortè ab genu (si græcam notionem attendimus) vel angulo, ad genus variam complicationem ac similitudinem facto, originem traxit. Cæterum concludit Baldus: *Hæc in hoc vocabulo Turnebus; hæremus, & nos.*

GR

- 17 GRADATIO plurifariam accipitur in Optice, & Architectura; de qua re alibi. Hic autem signatè usurpatur à Vitruvio pro aptæ graduum aptatione, & symmetria in ædificijs, præsertim in Theatris, ubi non tam ad ascensum faciunt, quam ad præbendum spectantibus, loco sedilium, confessum; & ita dispositum, ut & qui in ijs recipiuntur, libertatem conspiciendi totam scenam, vel spectacula, quæ in eorum planitie ineuntur, habeant; & retrò positis, ad eadem spectanda impedimento non sint: de quorum profectò disponendi ratione, & ordine, hæc habet lib. 5. cap. 3. *Fundamenta lapideis, & marmoreis copijs, gradationes ab substructione fieri debent præinclinationes ad altitudines Theatrorum pro rata parte faciendæ videntur, neque altiores, quam quanta præinclinationis itineris sit latitudo: si enim excelsiores fuerent, repellent, & eijcient in superiorem partem vo-*

cem, nec patientur in sedibus summis, quæ sunt suprâ præcinctiões, verborum casus certa significatione ad aures peruenire. A similitudine igitur, non ab officio (subinfert Baldus) gradus in Theatris dicebantur: etenim à gradiendo gradus, à gradu gradatio. Obseruat idipsum eruditissimus Lipsius. De Amphitheatr. cap. 13. Quia, inquit, ad formam scalarum graduum, alij alios consequuntur. Hinc acutè notat Cassiodorus lib. 4. epist. ad Symmachum, rectè græco vocabulo, quod Visorium sonat appellari Theatrum, quod eminè astantibus turba conueniens sine aliquo impedimento videatur, quod resultat ex apta graduum dispositione.

GRAPHICE idem sonat græcè, ac Proiectura. Spectat enim principaliter ad Opticam, & est Facultas, quæ docet quonam pacto deformari possint in plano quæ sunt in se erecta; vti & qua ratione, & arte, umbræ ac lineæ projici debeant. Hæc, si sistat in contemplatione circulorum, & parallelorum Sphæræ Cælestis, cuius imago cadat in plano horizontali, vel verticali, vel in parietem quomodolibet inclinatum, dicitur specialiter Analemmatographia: Si verò transcendat ad alias res, tum in proximo, tum in loginquo extantes, in vnum planum transportandas, atque delineandas; spectat ad Perspectiuam. Quod idè notat Vitruuius in Vestibulo sui libri de Architectura, requiri in probo Architecto, Graphidos scientiam habere, quò facilius exemplaribus pictis, quam velit operis speciem deformare.

GROMA, genus est instrumenti agrimensorij, quo adhibito, regiones agrorum faciliè cognosci, & interstingui possunt; ex græca notione Gnomæ, seu Gnomonæ, deriuato vocabulo, quod, vt paulò ante diximus, machinulam directoriam significat. Facile autem fuit Latinis, verbum ad se transferre, mutata, vt aliàs solent, littera n. in r. Quomodò autem in vsum ponatur, docet Auctor de Finibus, his verbis: Emissum perpendiculum cum super signum ceciderit, percutis gromam, donec comprehendes signum. Et Hygin. de limitib. constituent. Posita, inquit, auspicaliter groma, ipso fortè conditore præsentè. Porro ex Groma ipsi Agrimensores Gromatici appellati sunt, & Ars metiendi Campos,

GROMATICA dicta est, quæ postea ad praxim metiendi militares Campos, & Castra ponendi tantummodò arctata est, vocaturque aliàs ab antiquis Scriptoribus Castramentatio: versatur enim in contemplatione situs, aspectus, formæ, & ordinis obseruandi in ponendis Castris, pro qualitate loci, & temporis, &c. de qua fusè cita-

citatus Hyginus; Vegetius, & alij. Nosque strictim in V. Castramentatio, & V. Metatores.

21

GRVMA ad distinctionem, appellata est ipsa dimensio in agris facta per gromam, qua viz flexæ ad lineam diriguntur à Gromaticis; idque præsertim in Castris ponendis fieri solitum: vnde Festus habet: *Grumam dirigere, & viam degromari*, vt loquitur Lucil. lib. 3. Namque, vt explicat Hyginus, supra. *Sic & in Castris Gruma ponitur in tetrantem, qua velut ad forum ducitur*. Grumæ etenim sunt termini, seu loca media, in quæ directè conueniunt, & congregantur viz à diuersis partibus, & aspectibus initium sumentes. Quare tum in Castris, tum in Colonij capiendis, Gruma ponebatur in signum, diuidebaturque in tetrantem, antica & postica linea ad angulos rectos se inuicem decussantibus, & in formam crucis abeuntibus. Quæ de re, vide quæ diximus de Castrametatione. At verò

22

GRVMVS simpliciter audit tumulus è congestitia terra factus, & ad vsum olim ponendarum humilium casarum, à præcis illis mundi colonis adhibitus, veluti fulcrum ad sustinendam imponendam, qualis illa fuerit, constructionem. Quæ de re scribit Vitruu. lib. 2. cap. 1. rudes primùm, & incultos homines in mundi primordijs, ac postmodum Phryges in campestribus habitantes, elegisse sibi tumulos à natura factos, quos medios fossura exinientes, & itineribus perfodientes, dilataisse quantum loci angustia patiebatur, & ad illos commodè recipiendos sufficeret; & addit: *Insper stipites inter se religantes metas efficiunt, quas arundinibus, & stramentis tegentes, exaggerant supra habitationes maximos grumos è terra*. Aliàs grumos hodieque appellant congestitios illos è terra globos, quos corbis, quos in militari obsidione oppugnatores adhibere solent in castris, tam fixos, tanquam continuatum loricam aduersus tormentorum, hostilium ictus, quàm portatiles, cum propiùs accedunt ad muros suffodiendos. De quibus alibi. Et hos intellexisse videtur in agriculturâ pariter vsitatos, cum dixit lib. 2. cap. 10. *Grumosque quos ad versuram plerumque tracta faciunt crates, dissipabimus, &c.* Cæterum per quandam similitudinem, montium cacumina, summos grumorum tumulos vocat idem Vitruu. lib. 8. cap. 3. vnde primò emergunt aquæ; ex quo decipi quosdam, ait, existimantes inibi esse fontium capita, adeoque inde argumentum capiunt ad librandam aquam, effectu sæpè, librationi fallaciter factæ, haud respondente. Quam rem videant Aquatores: Nobis, occasione vocabuli, tetigisse sat est.

GRVN-

GRVNDÆ & *Suggrunda*, Architectorum vocabulo, sunt tectorum proiecturæ, & parietum veluti supercilia, arcendis ab eorum frontibus stillicidijs factæ, vt passim videmus in omnibus ferè ædificijs. Ab effectu nomen hausere; *Grundare* enim nobis perinde est, ac è sublimi guttas aquæ spissius cadere. Proiecturas Coronarum appellat Vitruu. lib. 2. cap. 8. paulò post, Loricam testaceam; idque pro qualitate & positione ædium, quibus inseruntur;

GRVS in re militari nuncupari solet Machina arrectaria, olim in obsidionibus à præfidiarijs, ad arreptandas hostium naues propius accedentes frequenter vsurpata, quas ita præhensas, vel inter se collitebant, vel ad muros fortiter iactabant, sicque perdebant ac dissipabant. Erat quippe ad formam Gruis compacta, collo oblongo, atque in extremo duobus arrectarijs vncis, quasi rostro armata; quibus dilatatis, & mox constrictis, ea quibus applicabatur arreptabant, & in altum tollebant. Talis fuisse creditur, qua vsus est Archimedes in dissipanda Marcelli Classe. Ciconiam pari ratione, & Coruum demolitorem alijs dixere, inter quos Vitruuius lib. 10. cap. 19. vbi eius inuectorem in vsum bellicum, fuisse tradit Diadem Architectum Alexandro militantem, qui in bellico apparatu, inter alias oppugnatorias machinas, circumferre solebat etiam Coruum demolitorem, quam nonnulli *Gruem* appellant. Cæterum in artibus quoque pacis quandoque adhibitam fuisse hanc machinam, obseruat Iulius Pollux in Onomast. lib. 4. *Gruem*, inquit, in Theatro, Machinam fuisse, qua è sublimi ferebatur ad corpora capienda. Sed de hac iterum redibit sermo.

GRVS sidus nouum prope Circulum Antarcticum. Vide *Phenicopterus*. in V. Fica.

GV

GVLA in Architectura cum Ciuili, tum militari, communi vsu frequentius vsurpatur: accipitur enim à lapicidis & Architectis pro cymatio, quod infra & supra coronam, in Epistylis ad ornatum imponi solet, & gulam quidem rectam nominant Cynarium Doricum, quod totam trabeationem desuper finit, & claudit. *Gululam* vocat Albertus lib. 7. de re ædificatoria, cap. 7. rationemque reddit iniuncti nominis. Quod S. littera, inquit, L. iungitur: (L. vocat Coronæ extensionem, quæ ad illius formam erigitur) *gulula* nuncupabitur: *ingulum* enim hominis imitatur. Sin autem sub ipsa L. adiungatur iacens, & inuersa, sic S. ex flexionis similitudine, appellabitur

vndula. At indiscriminati Vitruuius utramque Vndam, & Simam appellat, quod sinuosa sit, velut vnda, & resimas caprarum narea lineamento quodammodo imitetur. At quod ad Gulam pertinet, eo potissimum nomine significantur in opere architectonico spiramenta illa in intimis ædium parietibus, data opera extructa, & excitata, siue ad puriorem aërem cubiculis communicandum, siue ad fumum exterius extrudendum (caminos vocitamus) ab gulæ humanæ similitudine. Sic idem Albertus lib. 10. cap. 14. *In media*, inquit, *gula fumaria*, *supernè adesse oportet ferream transversam valnam, quam tu quidem ubi fumus omnis euauerit, & pruna candore nitens, sese ipsam fovere caperit, inuertas, gulamque occludas*.

- 26 GVLA etiam in re militari dicitur apertus in Propugnaculis introitus, qua ex communi area patet ad ea militi præsidario accessus, aut ex ijs ad aream itur; lineaque ab utroque latere in medium propugnaculi protensa, ubi angulum obtusum efformat, lineæ gulæ audit, ut videre licet in Schemate, quod exposuimus in V. *Arx*.

- 27 GVTTAE, & GVTTVLAE, communi Architectorum nomine nuncupatur certa in Epistylis Doricis addita ornamenta, quæ aquæ guttas effingunt è triglyphorum cauis cadentes: eas ut plurimum numero sex appingunt, quæ in duplici sunt differentia: alteræ quas modò diximus è triglyphorum cavitatibus fluere, suntque formæ orbiculares, ut ipsæ naturales stillicidiorum guttæ; alteræ quæ sparsim in Epistylis Corinthijs sub mutulis vel mutulorum loco apponuntur: quoniam, ut notat Philander, *quemadmodum Dorico genere solent triglyphi in Zophoris scalpi, ita ad eorum imitationem deformati sunt in Corinthio genere in Coronis mutuli*: & quod triglyphis supererentur guttæ, quia non ita viderentur ab illis abhorreere mutuli, subiecerunt & eis guttas, quod ideò istæ guttæ, & formæ, & numero sunt diuersæ ab ijs quæ sub triglyphis perpendiculariter sunt enim ad modum turbinis inuersi, aut affixi coni, ut videre est Romæ in Theatro Marcelli. Sunt qui earum loco canipannulas prominentibus malleolis effigant, alij pyra, alij malogranata, & his similia, prout cuique innouandi genium suggerit, aut dominorum stemmatibus alludendi; quod quidem ab Architecturæ ordine non abhorret, sed recedit à vero, & à fine ad quem affixæ sunt in imo coronarum guttæ. Aptius Albertus; qui eas & rotundas, ac acuminatas in fronte exhibet, quasi subaffixos clauos, retinendorum tignorum gratia, quo-

quorum capita, inquit, ex pariete ad ipsas regulas prominent, bene cecinit ille. Trabit sua quemque voluptas.

G Y

GYMNASIVM Nobile olim Architecturæ opus, & publicum Aedificium varijs recessibus, & partitionibus interstinctum, ad comparandas inibi ingenuas artes, ad corporis exercitationes, ad animi leuamentum, ad ludos, atque ad omne id, quod publicum commodum spectat, in primarijs Urbibus destinatum. Apud Græcos maximè viguit, & erat celebratissimum, omni magnificentia extructum, ne quicquam in eo deficeret, quod ad animi culturam faceret, & tuendam corporis sanitatem. Quod ideo latius patet, quam Palæstra, Thermæ, Balnea, Xysta, & alia id genus à Vitruuio enumerata: quippe quod hæc omnia, veluti partes, in se vno colligit, & comprehendit, & quæ sparsim in singulis agebantur, hic omnibus locus erat, & vniuersa exercitia coadunabantur. Quamquam postea Latini eo nomine vsi sunt ad significandum solum ludum literarium, atque Academias adipiscendis scientijs institutas. Cæterum Gymnasia, primam institutionem, celebritatem, & concursum ad omnia isthæc exercitia, ab Græcis habuere, vt notat Tullius Secundo de Oratore, vbi de ijs testatur: *Delectationis, & exercitationis gratia ab ipsis primùm instituta fuerunt*. Potissima verò erat corporis exercitatio ad valetudinem custodiendam: vnde Galenus lib. 2. de tuenda valetudine refert, *Gymnasium fuisse publicum in separata Urbis regione, locum extructum, in quo vnebantur, fricabantur, luctabantur, discum iactabant, aut tale quippiam faciebant*, quæ loca ab exercendo, hoc nomen sortita sunt, quoniam græca notio, vnde deriuauit, exercitationem sonat: ideoque Balneæ, quæ aliquando ad hoc erant factæ, Gymnasia audiere, teste Iosepho lib. 2. de bello Iudaico, vbi de Herode refert, quod apud Tripolim, Damascum, & Ptolemaidem, publicas balneas, quæ Gymnasia dicuntur; Biblide autem Exedras porticus condidit. Ex quo habes, quod istæ à Palæstris secernebantur, dum hæ animi culturæ, Balneæ verò corporis exercitationibus erant additæ. Sed vt ad Gymnasia reuertamur, *Tanta erat*, (inquit Hieron. Mercurialis lib. 1. de Arte Gymnastica, cap. 6.) *huiusmodi locorum capacitas, tamque spatiosa amplitudo, ut absque ullo impedimento, diuersæ, ac fere innumerae exercitationes, & corporum & animorum, peragi possent*. Ad quam rem in gratiam studioforum, duplicem exhibet huius Gymnasij Iconographiam ex Vitruuio, alijsque Græcorum monumentis depromptam; alteram quadratam, oblongam alteram; vbi singulis exercitiorum generibus,

bus, singulos secessus, & mansiones, appositis notis indicatiuis, attribuit. Et in medio quidem amplum Peristylum habens duorum stadiorum circuitum: tùm ad Ortum, Meridiem, & Occasum, spatiosas porticus, in quibus dispositæ erant exedæ pro Philosophis, & Rhetoribus ad disputandum. In secessu ad septentrionem concamerata Sudatio duplex; è regione Frigidarij, ex vna parte habens Laconicum, ex altera calidam lauacionem. Inde vltèriùs ad Septentrionem, per ordinem dispositæ frigidæ lauaciones, Elæothesium, Conisterium, Coriceum, & Propnigeum, pro diuersa conditione lauantium. Extrà autem Peristylum, ad occasum erant Hypetræ ambulationes: Ac tandem circùm, spatiosæ Porticus; à Meridie quidem & Ortu vnica, à Septentrione duplex, atque ab Occasu triplex, vt libera expatiendi, post habitas exercitationes, esset facultas, diuersis hominum conditionibus, & qualitati temporis opportuna: quas ad Occasum, claudebat subdualis area stadiata, ad cursum, luctam, & pilæ ludum, & alia quæ suis locis distincta, probeque disposita, oculis contemplari, in dicto capite, Lectori equidem non erit inutile, nec iniucundum. De singulis, peculiari consideratione nos agemus suis in locis.

- 30 GYNAECEVM, siue *Gynaconitis* olim in Græcorum ædificijs appellabatur locus ab alijs separatus, ad moram inibi iugiter trahendam commodus, ac non ita alijs peruius, in quem mulieres se, reciperent, ac suis operibus operam darent. *Genecium* appellat Isidor. lib. 15. cap. 6. quod alias *Textrinum* vocat, *Quod ibi*, ait, *conuentus feminarum ad opus lanificij exercendum conueniat*. De eo fusè Vitruu. lib. 6. cap. 10. vbi de Oecis Græcorum loquitur, vt nos alibi adnotauimus. Prò cuius rei pleniore intelligentia, sciendum est, Græcos, si vlla vnquam Natio, fuisse summè Zelotypos, & custodes honestatis ac pudicitie feminarum: vnde summa eis cura erat, ne homines, seu viri cum mulieribus versarentur, ac propterea cauisse in ædibus, vt vtrique ad sua opera, distinctas mansiones haberent. Namque, vt notat Philander, *Græci ædificium in partes duas distribuebant; nam in qua parte viri feminarum interpellationibus versabantur, eam Andronitide appellabant: vbi verò congruerent mulieres, Gynaconida vocabant*. Quem laudatissimum morem in Romanos postea transiisse, nulli non notum est, qui in ipsorum historijs fuerit vel mediocriter versatus. Quod ideò de ijs est lex in vtroque Codice. tit. *De Muricilegnlis*, & *Gynæciarijs* lib. 11. aduersus eos, qui feminis mixti, *Gynæcea* adirent, prætextu illis inferuendi, aut earum

cum illis opera elaborandi. Sed nullus gentium hanc Gynæceorum legem rigorosius feruat, quam Turca Græcorum Imperij inuasor, & Zelotypiæ hæres; quippe in præcipuis vrribus, ac præsertim Constantinopoli, vbi Imperatorum sedes, amplissima, & magnificientissima habent Gynæcea, omni luxu, splendore ac mira operum partitione ornata, quæ *Serralios* nominant, in quæ, præter ipsam magnum Dominum, & Eunuchos seminarum inibi ad vsum Principis congregatarum, seruitio addictos, vlli mortalium nefas est introire. At longè sacratiora, honestiora, & venerabiliora instituta sunt in Ecclesia Catholica, Gynæcea: Septa nimirum Sacrarum Virginum, ac Mulierum, quæ Deo continentiam, & castitatem perpetuam, conceptis votis, nuncupauere: vbi ex Sacrorum Canonum præscripto, perpetua eis Clausura indicta est, & anathematis poena in temerè intrantes, nedum viros sed & extraneas feminas, coipso incurrenda, infligta. Quidquid Hæretici blatterent, disciplinæ & calibatus ofores.

Sed, vt ad Veterum Genicia reuertamur; sub Romanis Imperatoribus, atque etiam Græcis Orientalibus Catholicis, frequentissima extitere pro mulieribus ad textrinam, vt patet ex citatis legibus: & de Græcis testatur Sozomenus, & D. Io: Chrysostomus in Epist. ad Iuniorum viduam, quæ habetur to. 6. & habetur etiam in Itinerar. Hierosolymit. vbi de Tyro dicitur, quod *Genecia sunt ibi plurima, vel publica, Oloferica, & diuersa genera telarum*. Quin & ea quandoque pro poena, & loco carceris erant, quò alicuius criminis rei amandabantur. Vnde memorabile est illud, quod de Narsete inclyto duce, & Imperij columine sub Iustino Orientis Imperatore refert Paulus Diac. lib. 18. nempe à Sophia Augusta, cuius in odium incurrit, vt pote Eunuchum, in despectum fuisse in Gynæceum amandatum, vt cum puellis pensa faceret: Ex quo ille iratus, talem se dixit Augustæ telam orditurum, quam nec ipsa, nec vir eius valeret retexere; nec minæ effectu caruere, vt latè prosequitur Historicus. Sed hæc obiter.

Nunc autem eiusmodi Gynæcea, & textrina, occasione accepta, & laxato rigore, sensim in vitiorum fomitem, ac turpitudinem abierunt: vt iam, seu publica ista loca, seu priuata, malè audirent, & pro lupanaribus haberentur, cum ancillis alioqui inibi ad opera feminea congregatis, domini ipsi abuterentur, ac loci secretum, nacti, stupris atque impudicijs operam darent. Vnde Io: de Ianua absolute pronunciat: *Genecium, Lupanar vel textrinum, quia ibi conuentus seminarum ad meretricandum, vel opus lanificij exercendi causa*

T *causa conueniunt*. Ex quo factum est, vt si qua mulier in stupro de-
 prehensa fuisset, in pœnam, & publicam ignominiam ad Gynæcea,
 hoc est publica postribula relegaretur. Quæ postea, nimis rigida, &
 scandalosa lex, alia lege Longobardorum abrogata est, & corre-
 cta, vti habetur lib. 2. tit. 37. §. 6. quæ dicitur: *statuimus, vt*
si femina, quæ vestem habet mutatam, macha deprensâ
fuerit; non tradatur Gynæceo, sicut vsque modò; ne
forte quæ prius in vno, postmodum cum pluribus lo-
cum habeat machandi. Adeò non vllum
institutum sanctius, non vllus lo-
cus sacratior, quin homi-
num vitio, in scelus
& abominium
conuertatur!





HA



ALORROMETRVM vocat Kircherus Instrumentum quoddam versatile, simile ei, quod in dorso Astrolabij, ad venandum locum Solis & Lunæ in Signifero, aliaque ad eorum configurationes, & habitus dignoscendos, inspicitur. Hoc autem quatuor rotulis, seu tabulis planis constat: cuius ope auspicari poterit fluxus, & refluxus maris reciprocatio ad Lunæ positionem ad Solem, & ad quartas mundi. Cuius instrumenti descriptionem, constructionem, & usum, ipse Kircherus fusè tradit, atque in suas partes ab inuicem discretas, spectandum oculis exhibet in Arte Magnetica lib.3.par.4. Quam, quia res noua, curiosa, facilis, iucunda, & perutilis est, & alias à nostro instituto non aliena, huc exscribere non grauabor. Ait igitur.

Primò describatur in Tabula orbiculari solida, Zodiacus; ea ratione, quā in Astrolabio descriptus est. Secundò fiant duæ semilunares figuræ referentes nodos Ω \mathcal{V} . prout in Astronomicis: & à punctis intersectionum, quæ oppositè & inuicem neci debent, incipiendo; vtrique in partes duodecim per lineas æquidistantes, per transversum, & in orbem diuidatur. In vno verò ex dictis punctis affigatur index representatiuus Solis. Terziò in eadem tabula introrsum, describatur alter circulus minor, eadem forma, vt duo Ventres (sic enim in Lunaribus nodis maximam Lunæ latitudinem nuncupat) prædictis punctis intersectionum subiiciantur; itaut hi, duos aquæ tumores referant: reliquæ verò duæ semilunares figuræ inibi contrario ritu descriptæ, eandem cum prioribus diuisionem, ex vno & eodem centro peractam, habeant: ac similiter in puncto vno prædictarum semilunarium figurarum, agglutinetur index Lunæ indicatiuus. Quarto fiat circulus minor, seu

seu rotula, aream vacuum subiectæ tabulæ circularis opplens & exquans, quæ referat globum terræ in viginti quatuor partes, seu meridianos discretum, idque lineis à centro in circumferentiam ductis. Atque has omnes figuras in vnam includas: videlicet minores maioribus; itaut hæ rotulæ circà vnum, & idem centrum gyron possint: orbibus autem secundo, & tertio, vt dictum est, indices alligabis: habebisque totam machinam absolutam, quam videre poteris in suis partibus seorsim ab inuicem explicatis, & singulas suis lineis, & numeris notatas, apud ipsum Kircherum.

3 Porro vsus hic est. Applicatur index Solis ad gradum, quem Sol tunc obtinet in Zodiaco, iam in subiecto limbo descripto: admoveatur item Luna ad locum suum; & numeri in aquaticis tumoribus iuncti simul, dabunt profunditatem maris in locis meridiano illi subiectis, qui cum reliquis in vltima rotula delineatas est, vel proxime attingunt. Ità obseruare licebit, Sole, & Luna in Quadraturis constitutis, mare vbique esse æqualis profunditatis, videlicet septem: in reliquis autem partibus tumores proportionaliter imminui, & decrefcere.

4 Item, cum æstus maris non semper sex horis, nec ijsdem horis accessus, & recessus duret, sed pro dispositione Luminarium in Zodiaco; idcirco, vt mediante hoc instrumento, tempus durationis accessus, singulis diebus inuenias, fac disponas indices Solarem, & Lunarem, vnumqueque suprà gradum suum, quem tunc occupat in Zodiaco: quo factò, obserua positum luminarium adinuem: quandiu enim ea in contigujs quadrantibus fuerint, certum est mare nullum æstum tunc subiturum; at mox æstuabit, simulac ambo Luminaria in eodem quadrante, aut oppositis constituentur. Altera verò die, æstus durabit horis tantum quinque, quia Luna tardiùs, vna ferè hora, meridianum pertingens, quinque solum horis in vno quadrante cum Sole morabitur. Sic tertia die à coitu, quatuor tantum horis durabit æstus, quia Luna duabus ferè horis seriùs meridianum assequitur, & sic de singulis successiuis diebus. Quò fit, vt similiter remittatur æstus vsque ad septimam diem, nempe an Lunæ quadratura ad Solem. In qua, quia vtrunque Luminare sex integris horis est in diuersis quadrantibus, vt instrumentum commonstrat, nullum quoque æstum in mari experiri licebit. Quæ omnia ex eodem Kircherò deprompsimus. Qui tamen prudenter addit, se haud nescire, multis in maribus hunc æstum esse irregularem, ob varia accidentia extrinseca, sed se loqui de æstu maris, quem ex natura rei haberet, si non ab extrinseco impiretur.

HALON, seu HALONES græcè dicuntur coronæ, seu circuli illi subalbidi, quos sæpè videmus circà sidera, præsertim verò circà Solem, & Lunam ad certum tempus, & illicò efformatos, fulgorem quemdam crassum præ se ferentes, & illa quodammodò circumplectentes, radiisque veluti, satis visibilibus exornantes: qui sanè aliud non sunt, quam aëreæ impressiones, seu sub ipsis congregati quidam vapores, adhuc calore Solis non resoluti, in quos reflectentes solares radij, fulgorem illum remittunt, & procreant, nihilo scilicet quàm sit circà horizontem, sereno Cælo, in Atmosphæra. Hos & Areas vocauere antiqui Philosophi; quia, vt inquit Seneca, Area rotunda sunt loca in campis, terendis frugibus destinata, quibus isti sunt valdè confimiles. Memorabilis Halonis suo tempore visi meminit Plinius lib. 2. cap. 26. necnon & aliorum duorum Suetonius, atque Dio: ex quibus facti historiam referens Cornelius Gemma, lib. 2. de Diuinis Naturæ Characteribus, cap. 8. hæc habet. *Sub imperium Augusti Caesaris, vt auctor est Plinius, ingens circulus circà Solem, seu radiantibus stellis insignis Corona apparuit: deinde & alij duo, vt ex Suetonio patet; atque Dione. Quorum alter Iridis elegantissimæ formæ; alter ex spicis triticeis sertum præferebat. His affinia sunt Parelia, Foueæ, Virgæ, & alia, de quibus suo loco.*

HALYSIS non multum discrepat ab Halone. Est enim, teste Apuleio lib. *De Mundo*, Catena quadam (illius verbis vtor) luminis clarioris, per Solis ambitum in se reuertens. Additque, inter hanc, & Iridem hoc intercesse, quòd Iris multicolor est, & grandi semicirculo figurata procul à Sole, Catena verò clarior est, tantùm candicans, ambitque astrum constanti orbe, arque incolumi.

HAEDI in Astronomicis agnominantur duæ stellæ fixæ minimæ quidem magnitudinis, sed valdè perniciosæ, horridæque (quales appellat Plinius lib. 18. cap. 26.) in sinistra manu Aurigæ sideris consistentes. Sunt eæ quartæ magnitudinis de natura Martis, & Mercurij, quæ nunc temporis reperiuntur in gr. 12. & 14. Geminorum cum latitudine Borea, gr. ferè 18. De ijs horoscopantibus in alicuius Genesi, sic perbellè ludit Pontanus in Vrania lib. 3.

Promittunt igitur duos à fronte Catones

Nascentes Hadi: turpi sed inertia mentem

Occupat, & molles languent in pectore cura;

Triste supercilium, molli sed degener umbra:

Est animus luxu languens, & deside somno

Frons ficta; obsceni mores, petulansque libido,

SI

Arnto-

*Armorum & deses fuga nobiliumque laborum ,
Hinc martem sibi consciscunt , infamis ut umbra
Errat Letheos non transmittenda per amnes .*

Id quod aliter explicat Firmicus in hac verba: Si *Hædi*, inquit, in alicuius Natiuitate reperti fuerint; Natus aliud ex fronte pollicetur, aliud latenter in moribus calabit: Erit enim austera facie, proluxa barba, obstinata fronte; itaut Catonis prorsus institutum imitari videatur; sed totum hoc fucato mentietur affectu: quippè intrinsecus erit lasciuus, & qui latenter amorum illecebris semper exastuet. Nascuntur etiam, sub hoc sidere, ouium pastores, quique siluestri fistula modulantes, rustici carminis dulcissimos modulos edant. Si verò in Occasu reperti fuerint cum prauo aspectu Saturni; nati in ipso vitæ momento moriuntur, aut in ipso nascenti lumine constituti, deficientibus matris viribus, strangulantur. Quodsi Mars cum ipsis in Occasu fuerit, omni beneuolarum testimonio destitutus, plecti faciet Natos, aut Religionis causa exuri. Hæc Firmicus nimia facilitate, ne dicam, temeritate coniectans. Sed quoad aëris mutationes magis fundatè discutrit. Ait enim: *Hædi* exorientes ventos ciere solent, pluuias violentas adducere, & tempestates in mari excitare: id quod sæpè experientiâ comprobatur. Vnde *Hædos* hosce, inimicum Nauigantibus sidus canit Germanicus.

- 8 HAMATAE TEGVLAE, rei ædificatoriæ Professorum vſitato loquendi more, vocitantur illæ, quæ in structuris ad necſendum, continendumque tectum, aut duos parietes in angulum coeſuentes, à cæmentarijs adhibentur, vt notum eſt. Agnominantur autem *Hamatae*, quia habent margines vtrinq; extantes, qui veluti hami alias arreptant, & nexu quodam fortiffimo ſibi copulant, & agglutinant. Etenim tria tegularum ſunt genera, quæ ad conſtructionem concurrunt, quorum omnium mentionem ſæpè facit Vitruuius. Aliæ planæ, quibus vtimur non tam ad erigendos parietes, quàm ad pauimenta ſubſtranda. Aliæ ſunt arcuatæ in modum canaliculi, quæ communiter appellantur Imbrices. Aliæ hamatæ, de quibus nunc ſermo: & ambæ iſtæ adhibentur in tectis ad colligendos, & remittendos imbres. Tanta enim ratio tectorum habita eſt ab antiquis illis Architectis, vt omnium primam & potiſſimam curam iudicauerint impendi debere in eorum compoſitione, tam quoad materiam, quàm quoad formam, vt firmi ſint, & in æternum maneat, reſiſtantque æquè ardoribus Solis, ac pluuijs ingruentibus, ventorumq; vehementibus ſtatibus: quandoquidẽ ex tectorum conſiſtentia & perfectione, tota ædificij felicitas oritur, & conſequitur.

lib.

lib. 1. cap. 11. *Tolle testum* (scitè notat Albertus) *putrescit materia, labescet paries, fatiscunt latera, omnis denique structura sensim dissolvetur: ipsa etiam fundamenta telorum protectione (quod vix credas) corroborantur.* Quocirca quùm variz olim ipsorum incundorum, rationes excogitatæ fuerint, nulla sanè aptior opportunior, & vsui communi accommodatior reperta est, quam regularum coctilium, sibi mutuo adhaerentium, proindeque hamatarum, nexus & ordo, quibus & impensis parcitum, & innumeris penè incommodis, quæ ætæ laminæ plumbeæ, lapideæque latastræ secum ferrent, optimè est prouisum. Nam quoniam terreæ sunt ex luto aut argilla, leuis pretij sunt, & vbique facillè comparari possunt; & quia igne semel examinatæ, solis ardores, & ignem non metuunt: & quia aquam sunt excepturæ, & identidem euomituræ, tales formatæ sunt, quæ ex parte, qua latæ sunt, aquam exciperent; remitterent quæ hamatæ, & incumbentibus imbricibus extruderent, neud in commissurâs penetrantes guttulæ interiora corrumpere. Vt propterea huiusmodi hamatæ regulæ totam sibi, bene ordinati ædificij laudem, & palmam proripiant.

Sunt & in alio vsu hamatæ regulæ, nec sanè minoris compendij, atque vtilitatis; nempe, vt oppositæ angulis parietum simul coëuntium, eos firmant roborant, nectunt, nec sinunt ab inuicem diuellì, aut pressione nutare. Hoc enimuero innuere videtur Vitruu. lib. 6. cap. 4. cum ait: *Ex alia parte beffalibus laterculis pila substruantur, in quibus duarum regularum anguli sedere possint, & ita à pariete ea distent, vt ne plùs pateat palmum: deinde erectæ hamatæ regulæ ab imo ad summum parietem figantur.* Neque enim, si ab imo ad summum parietem figi debent, ad aliud deseruituras concipi potest, quam ad firmandos angulos, & parietes connectendos: Nisi fortè de ijs loquutum velimus, quæ prominentes veluti clauës, in parietibus relinquuntur, quò prosequi possint, opere nondum perfectò: quippe sit vt noua structura veteri superinduci commodè possit, & firmiter adherere.

HARMONIA communiter, & in rigoroso sensu accipitur pro musico concentu, ac melodia; quæ ex diuersis vocum, sonorumque temperamentis, consurgit mirabilis illa modulorum connexio, & consonantia, quæ auribus adblanditur, animos pulsat, spiritus recreat, & exilarat; atque ad varios affectus excitat & abducit. Verùm nimis arctè pars pro toto supponitur, & species infima totius generis generalissimi nomen, indebitè sibi arrogat, & assumit. Nisi fortè, quod in Musica maximè elucescit, contrariorum, ac dissimili-

lium concors conuenientia, & consensus, ei potissimum tribuatur, quæ gratissima sui exhibitione nos eleuat ad alias omnes harmonias quæ in operibus Naturæ latent, intellectu dispiciendas: aut etiam quod ipsa Musica abstractè considerata, generale quoddam Harmoniæ vniuersalis speciem sit, & omnem eiusmodi dissimilium rerum consensionem, seu dissimilarem concordiam, in se vna exprimat, & contineat. In vtroque enim sensu videtur accepisse Tullius Tuscul. 1. cum ait. *Harmoniam ex sonorum interuallis nosse possumus, quorum compositio etiam harmonias efficit plures.* Vnde & Cælius Rhodiginus lib. 9. cap. 6. mutuatis vocabulis, Musicam vocat hanc generalissimam harmoniam; quam è celeberrimis, vt testatur, acceptam auditoribus, triplicem autumat, *Mundanam* scilicet, *Humanam*, & *Organicam*. Et *Mundanam* quidem, ait, ex Calorum concentu inenarrabili deprehensam, necnon ex Elementorum nexu mutuo, subtilitatis immense: sed & mira operum varietas idipsum iuuat argumentum. *Humanam* verò Musicam facile perceperis, si in te ipsum descendere incipias, & miraculum Diuinum amplius expendas. Etenim qua vis alia spiritalem vigorem mentis compotem, mortali, ac terrena compagi fermentat, adglutinat, continet, & ad præscriptam perducit metam, nisi coaptatio quedam, & veluti grauium, leuiumque vocum, quasi vnâ efficiens consonantiam, temperatio? Quam verò Organicam nuncupant, & iam ad instrumenta spectat, qua varietatis summa, pro ingeniorum captu artifex peritus excogitauit.

- 12 Ergò Melos, (& quam postremo loco reposuit Cælius, quæque proprio nomine dicitur *Symphonia*) Harmoniæ minima pars est, & veluti in pusillo speculum, vel argumentum, quæ ad magnas, & multiplices harmonias, quæ in vniuersa Natura sparsim, collectimque relucet, contemplandas, dispiciendas, & commendandas excitetur, & aditum habeamus. Illa enim Harmonia quæ generalis est, & per omnia, quotquot ex concordii contrariorum, ac dissimilium prodeunt nexu ac temperatura, transcendit. *Inconspicibile quiddam est*, (ait in Phædone Diuinus Plato) & incorporeum, & pulcherrimum quid, & Diuinum in benè consona, & consentiente Lira. Hanc iure *Mundi Animam* dixeris: Non in eo sensu, quo ipsemet Plato in Philebo, vitalem spiritum, Mundi rectorem, vniuersa physicè informantem asseruit; sed quæ altiore cura, & ordine Animæ informatricis quodammodò vices subeat, contraria iungat, ad amoremque conciliet, atque inde pulcherrimus hic rerum ordo, cuius consideratione oppido iucundamur, profiliat, consistat, perennet. Hæc in Calorum ordinata serie, vt Scriptura testatur, Musicum concentum facit: Hæc in terris Cælestia imitatur, atque impertit astralem illam
- 13 viuifi-

uiuificam vim, in animantia quæque, plantas, mineralia, deriuando: Hæc in Microcosmi nedum parte terrea, humorum videlicet nexu, & partium dissimilariū concordantia, sed in Animæ quoque potentij, sensuumque subordinationibus locum habet. Ausim dicere: Nil est in rerum Natura, siue in naturalibus, siue in artefactis, siue in corporeis, siue in Physicis, siue in Moralibus, quod non aliquo harmoniæ nexu, & ordine componatur, quam alio nomine Eurythmiam transcendentalem Vitruuius, alijque dixerunt. Vt proinde Harmoniæ Speculatio, Ars artium, Scientia scientiarum, atque omnium Disciplinarum Compendium, & Magistra, iure dicenda sit: Et quidquid Geometria in mensuris proportionallibus; Arithmetica in numeris; Astronomia in Cælestium Orbium motibus, Meteorologia in aëris impressionibus; Philosophia in rerum principiis inuestigat, harmonicum est: vnico verbo: nulla vel minima, & contemptibilis ars circa suum peculiare obiectum versatur, quæ non harmonicè id inquirat, harmoniam in omnibus non inueniat, ordinem hunc sectetur. Igitur Harmonica omnis Ars; Harmonia, omnis Artis obiectum.

Quibus sic stantibus, Harmoniam hoc loco præterijisse, quæ Mathematicarum præcipuè facultatum scopus, & obiectum est, placulum foret, & harmonicè non procedere. Si quis eam in toto, & singulis Mundi partibus contemplari curiosius auct, adeat insigne Opus Francisci Georgij Minoritz *Mundi Harmoniam* inscripam: at si in Mathematicis tantum contemplationibus sistere velit, legat nostrum Guarinum in Euclide Adaucto, præsertim tractat. 13. 14. & 16.

14

15

HARPAGINETVLI, pseudo-cuiusdam ornamenti genus in re architectonica, aut in pictura videtur esse apud Vitruuium, ineptè, & contrà Veterum rationem, in ædium atrijs, & peristylijs appingi ab aliquibus solitum: quod quale reuerà fuerit, se ne suspicari quidem potuisse, fatetur vltro Philander. Vbi enim ille de ratione pingendi in ædificijs ex professo agit, lib. 7. cap. 3. refert varias à veteribus Architectis picturarum rationes seruatas; ita tamen, ut fumerentur semper ad verum, & ex rebus certis similitudines, idque æquo iudicio. Nam pictura, inquit, imago sit eius quod est, seu esse potest, vni hominis, adificij, nauis, reliquarumque rerum, & quarum formis, certisque corporum finibus, figurata similitudine sumuntur exempla. Et ideo, subdit, pingebant portus, lacus, promontoria, littora, flumina, fontes &c. Similiter in ædificijs, columnarum, & fastigiorum eminentes proiecturas; omnia ad verum, aut ad veri similitudi-

dinem. Conuertit postea sermonem ad absonam hanc, & à
 veterum institutis alienam pingendi licentiam, quæ siue deprauato
 iudicio, siue nouandi libidine, deformitates, & monstra incompof-
 sibilis exhibebat. At enim quæ sunt monstra ista, quæ tam acriter
 infestatur Vitruuius? Sequitur ad rem nostram. *Pro columnis enim
 statuuntur calami; pro fastigijs harpagnetuli striati cum crispis folijs, &
 volutis. Item candelabra adicularum sustinentia figuras, supra fastigia
 eorum surgentes ex radicibus cum volutis coliculi teneri, plures habentes
 ex se sine ratione sedentia sigilla, alia humanis, alia bestiarum capitibus
 similia, &c. Hac autem (concludit) nec sunt, nec fieri possunt, nec fue-
 runt. Hic autem ad nouum, barbarum, & nusquam vlitatum voca-
 bulum, vt ad horribile monstrum, hærent merito. Interpretes,
 imprimisque sagacissimus Turnebus, in eruendis ex antiquitatum
 monumentis eiusmodi obscurarum vocum notionibus, oppidò felix,
 nullique secundus. Ait enim lib. 7. Aduersarior. cap. 27. *Querunt
 doctissimi viri, qui sint in Vitruuio Harpinagetuli striati; & sedulam
 nauant operam in erunda obscura vocis significatione: parum proficiunt
 tamen. Ad Sacram Anchoram decurrendum in rebus perditis, & propè
 desperatis; ideo ad libros veteres, in quibus legitur Aparina oculi striati.*
*Ex his verbis emendo: Aparina oculi striati, vel Aparina colliculæ
 oculos enim & in arundinibus, & stirpibus, non est ignotum. Tandem
 eos pro fastigio poni, id est (subdit notanter) quod Vitruuio reprehen-
 dendum videtur. Hæc eruditissimus vir; qui tamen ingenuè prote-
 statur, se non magni hanc verbi emendationem venditare. Et sanè
 valdè dura, ac dentibus extorta hæc vocabuli immutatio, atque
 vnus longe diuersi sensus, pro alio, quem præterdit Vitruuius, sub-
 stituit. Cæsarianus in suis ad Vitruu. Notis, coniectatur, ipsum
 loqui de Harpyis, ex nominis similitudine, quas cæteroqui scimus
 sæpius in Zophoro adpictas esse. Cæterum, vbi pro veri sensus in-
 telligentia ad aliquam vocis alterationem veniri debet, magis
 placet, estque verisimilior emendatio Io de Laët illustratoris Lexici
 Vitruuiiani, quam, exhibito oculis schemate, proponit & astruit.
 Vult enim leuissimum irrepsisse mendum in Vitruuiano Codice, ex
 amauuensis incuria; & coniunctim posita, quæ distinctis verbis ex-
 primi debuerunt, Harpagnetuli, seu Harpagentuli pro Harpages,
 & Nituli: vel facta literulæ immutatione, Nituli, pro Mituli.
 Quis autem nesciat, inquit Harpages esse instrumenta adunea ad
 arreptandas res facta? Miculos autem, Conchas esse sua natura stria-
 tas? De quibus Plinius lib. 9. cap. 33. *Conchis, ait, lenibus, riga-
 tis, denticulatis, striatis, vertice muricatis intorto. Ego autem (si
 quid hic valet calculus meus) pro Mituli, Mutuli, magis ad rem,
 legen-***

legendum censerem. Damnat itaque Vitruuius absurdum morem, recentium Architectorum, Pictorumque, quidquid Phantasia deprauata dicat, modo oculis placeat, admirationemque ingerat inspe-ctantibus, temerè obtrudendi, tametsi aberret à vero. In his pro exemplo numerat calamos pro columnis positos, harpages pro mutulis, candelabra ædículas sustinentia, & alia id genus monstra, quæ passim in ædificijs de nouo creata, & exposita videbat, veterum præceptis, grauitati operis, & veritati admodum repugnantia.

Et hæc quidem de vocabuli notione, cuius fastidiosissimam hanc quæstionem, non secus ac de lana caprina, tenebricosus iste author inuexit: quando aliàs (quod ad rem attinet) non videtur tam acriter reprehensione dignum, in Picturis, & Sculpturis ingerere has peregrinas, & à veritate recedentes inuentiones, quas communis hominum plausus probat, inexplebilis curiositas expetit, Principum æstimatio, quas pingi volunt in suis aulis, ac pretij excessus pretiosas facit. Has nos communiter *Grottescas* vocamus.

HARPAGONES mechanica instrumenta sunt, tum in vsu ciuili ad arreptandas res; vt modò tetigimus; tum potissimum in maritimis prælijs, ad arripiendas, retinendasque firmiter hostium naues: sunt enim prælongæ falces aduncæ; hebeti tamen acie, & in capitibus recuruatæ, prinde ac in anchoris; quæ semel iniectæ, ita nauibus insiguntur, adherentque, vt nulla arte extricari possint, proindeque deditionem facere compellantur. Contrà hos tamen (vt nullum malum in natura sine remedio) ars militaris hodie millo inuenit effugia, præuentionibusque se munit. Tempore suo Vegetius, (quoniam diuersus erat ordo præliandi præsertim in Classarijs) monet opponi scuta validiora, & ampliora, lib. 4. cap. 44. *propter falces, inquit, & harpagones aliaque naualia genera telorum.* Hos tamen cum manibus, vt vocant, ferreis, confundunt plures Historici, ac præsertim Liuius lib. 26. vbi ait: *Cum belli apparatu strepunt ferrea quoque manus, harpagones vocant, quas operibus hostium inijcerent.* At Cæsar lib. 1. de bello ciuili, quem sequitur Stevvechius, manus ferreas longè diuersas ab Harpagonibus facit. Id quod Stevvech. confirmat ex Plinio, qui manus ferreæ inuentoreni, perhibet fuisse. Periculum quemdam Atheniensem, Harpagonis verò Anacharsim: ac diuersitas potissimum in eo consistit, quoniâ harpagones feliciter & celeriter immitti poterant, ac subinde retrahi; vt testatur Dio; quando Manus ferrea magnæ molis erat, ac magno impetu, & pondere decidebat, itaut nauibus inextricabiliter adhereret. Addo ego, quod harpagonum hodie vsus in naualibus prælijs adhuc viget,

for-

forma omnibus nota est; ferrearum verò manuum, quæ forma, quis usus præcisus fuerit, vel ab ipsis veteribus Scriptoribus controuertitur, & nomine tenus earum memoria in Codicibus mansit; ut, cum de ijs redibit sermo, videbimus.

- 18 HASTATI MILITES dicebatur olim qui primi in ordine stabant in Acie explicata, hastis armati, mox prælium adorituri, ac viam cæteris ad pugnam aperientes: Vnde *Hastati disti* (ait Varro lib. 4. de ling. lat.) *qui primi hastis pugnabant*. Consonat Liuius lib. 47. *Romani*, inquit, *mediam aciem*, *Latini cornua tenuerunt*. *Hastatorum prima signa*, deinde *Principum erant*; *Triarii postremos clauderant*. At Vegetius, qui de hac re, ex professo scripsit, quique rei militaris Magister est habitus; non vno in loco, expressè Principes in Prima acie collocat, Hastatos in Secunda, Triarios in Postrema. Sed id mirum non esse debet: nam, ut alibi maturius ponderauimus, pro varietate temporum, & diuersarum Nationum consuetudine, bellandi modus, ac præsertim totius exercitus explicatio, non eadem semper fuit. Et apud Romanos ipsos scimus, aliter factitatum esse in Republica libera, aliter sub Principibus. Videatur Aelianus De instruend. Acieb. & exempla apud Iul. Frontinū lib. 2. Stratagem. c. 4. & 8.

A E

- 19 HECTAMORIA, sibi maxime arridente vocabulo, & ad rem suam valde accommodo, atque expressivo, insignitus est à Prolemaeo in Apotelesm. Circulus Horizontis conceptus mobilis in Circulis Positionum: propterea quod, obseruat Olympiodorus in 3. lib. Meteor. Horizon in sex angulis distractus, totidem positiones assumit in dies singulos, ob binas horas inæquales, quibus Domorum spacia distinguit, & signat terminos fixis in locis, omnino sex supra terram, nempe tres ab ortu ad Meridianum, ac totidem à meridiano in occasum. Quæ ratio fuit in causa, ut hæc Horizontis in sex æquas partes diuisio, peculiari nomine Hectamoria diceretur: siquidem vsitatum, ac solemne erat apud antiquos, à Circulis positionum totius diei quantitatem, & horarum partitiones auspicari.

- 20 HEDRA apud Geometras nominari solet Superficies simpliciter plana in corpore solido considerata: vnde ex diuersitate, ac multiplicatione planorum, quæ in vno corpore adunantur, Hoc denominationem assumit Tetraedri, Hexaedri, Octaedri, &c. Et absolute Poliedrum dicitur quod pluribus utcumque planis constat.

- 21 HEGIRA, Acta est, & annorum computus Arabum proprius,

& inde omnium Mahumetanorum, iuxta annos computant, distribuunt, ac metiuntur; respondens nostris Epochis, & Aeris. Hæc initium sumpsit à Fuga Mahumetis pseudoprophete de Mecha ad exercitus colligendos, ac Principatum adoriundum: id quod fuit circa annum nostræ Salutis, 622. in quem præfata metamorphosis cecidit. Et quia Arabes, (vt & Iudæi) obseruant menses lunares, constantes alternatim modò triginta, modo viginti nouem diebus, ex quo in singulos annos duodecim tantummodò lunationes computant, nullam habentes rationem Epactæ, qua Luna vndecim diebus antecedit motum Solis in Zodiaco; inde factum est, vt per decem dies, & nouem ferè horas, annus ipsorum anticipet: sicque intrâ spatium trigintaduorum annorum, singuli menses per singula quatuor anni tempora temerè diuagentur. Et hæc est causa, quod ab initio Hegiræ, vsque ad tempus præsens voluentis anni, 1684. quando apud nos elapsi sunt tantilm 1062. anni, ipsi transcurfos faciant totos 1652. vitrò adijcientes quingentos ferè ac nonaginta annos, eoquod Solares annos non computant; & Lunares ipsos, quibus vtuntur, mutilant vndecim ferè diebus in singulos annos, quibus Luna præcedit, & anticipat motum Solis. Scio, Eutyechium Alexandrinum in sua Historia Ecclesiastica reponere Hegiram Saracenorum ad annum Christi, 614. vbi ait: *A Christo Domino vsque ad Hegiram, sunt anni sexcenti, & quatuordecim.* Sed id contrâ omnium Chronologorum, præsertim Orientalium sensum & acceptationem assumit; quippe ij omnes vnanimi consensu, eam reijciunt ad vndecimum annum Heraclij Imper. respondentem vtique ad prædictum annum Christi 622. Cui concordat etiam tempus, & occasio fugæ arreptæ à vaserrimo Opilione, vt probat Petauius in lib. De Ratione temporum.

HELEIARIA *Ars* spectat ad Nauticam, agitque de granitate, 22
aquæ marinæ, & fluuiatilis, ac differentia inter ipsas; ad sumendam rationem compingendarum diuersimodè nauium, quæ eas premere debeant; proindeque etiam de ipsarum figura, commensuratione, suburræ, & alijs, vt probè versentur in aquis, & consistant in æquilibrio. Similiter pertractat de variatione ponderis facienda in tempestatibus, modò in puppi, modò in prora, modo in Ventre. Tandem De Onerarijs, ac modo eleuandi eas iam submersas in aquis, & similibus. De quibus omnibus fusè Scottus in Cursu Mathematico.

HELEPOLIS apud bellicæ institutionis Scriptores, est Machina, 23
euerendis Urbibus facta; sic nuncupata ex notione græca, quasi

Cinitatum subactrix. Successit in locum Arietis, qui iam frequentius usu, & lentitate ictuum, fere in despectum hostium iuit: unde hoc machinamentum longè terribilius, & validius fuit excogitatum. Cuius inuentionem tribuunt Demetrio Antigoni filio, qui eo primum usus est in expugnatione Rhodi; quod ideo Poliorcetus nomen adeptus est. Hanc Plutarchus in Vita Demetrii, scribit fuisse formam quadratam, paribus hincinde lateribus, verum contrariam gradatim ad verticem. Sed eam exactissime describit Ammianus lib. 23. in hunc modum. *Tesudo compaginatur immanis, axibus roborata longissimis, ferreisque clavis aptata, & contegitur corijs bubulis, virgarumque recenti textura, atque limo asperguntur eius suprema, ut flammeos detrahet, & missiles casus. Conseruntur autem eius frontalibus trifurca cuspides praecutae, ponderibus ferreis graues, qualia nobis pictores ostendunt fulmina, vel fectores, ut quidquid petieris, aculeis exertis abrumpan.* Hanc ita validam molem palis, & funibus regens numerosos intrinsecus miles, languidiori murorum parti viribus admovent coniectis; & nisi desuper propugnantium valuerint vires, collisis parietibus, aditus patefacit ingentes. Hæc Ammianus. Eam altitudine ped. 125. latitud. 60. fuisse scribit Vitruv. lib. 10. cap. ult. atque inter Lithobolas machinas censet Diodorus Siculus lib. 20.

24 *HELIX* dicitur græcè linea obliquè ducta, seu recurva, in gyrum acta, recedens sensim à centro spatij, quod comprehendit, circumductu æquabilis semper incedens, siue in latum, siue per longum, ut in spiris, & in cochlea: In quo differt à peripheria quæ sibi constans est, & æqualiter distans à centro. Quod nomen postea hæsis quibuscumque lineis spiralibus, ac machinis ad eius ritum formatis. Antonomasticè verò vsurpatur pro spira, seu linea indefinita, quæ circa conum, cylindrum, vel sphaeram, æquali flexu circulariter, sed inæqualiter voluitur. Hinc factum est, vt

25 *HELICES* quoque apud veteris militiæ professores, appellatos inuenias mucrones illos artificiosè contortos, quos ad frontem, & caput Arietis militaris affigebant, foras exertos, & quia in speciem cornuum contortorum Arietis pecudis erant hinc inde dispositi, ijsque violenter per ductum, & reductum mali, muri quatiebantur, & diffiliebant. Hoc etiam vocabulo vitur Vitruv. lib. 4. cap. 1. ad significandas minores volutas, seu coliculos illos qui in Capitulis columnarum ordinis Corinthij, inter volutas maiores, & achanti folia insurgentes, sub abaco molliter intorquentur, & volutantur: quemadmodum ipsos cauliculos virium, phaeolorum, & similium eius.

eiufmodi ſtirpium, qui quaſi cincinni naſcentes circumuoluntur, & truncis arborum, & ramis adherent, hælicas nominarunt Dioſcorides, & Varro de Re Ruſt.

HEMICYLINDRVS, ſeu HEMICYLINDRVM, dimidiatum, 26
cylindrum ſonat, hoc eſt figuram dimidiatè rotundam. Sed hoc nomine peculiariter inſignitum eſt Inſtrumentum Geometricum à Tarentino Archita, vt fertur, inuentum, & publicè expoſitum in ſolemni, & conſertiffima Geometrarum Academia Athenis habitum, ubi agebatur quaëſtio de indagandis duabus medijs proportionalibus. Cum enim Apollo Delijs imperaſſet, vt ei Aram duplo maiorem erigerent, quam quæ hætenùs apud illos erat; & ſimili modo Minoës Glauco Sepulchrum exitare volens, oraculum conſuluiffet, qua figura, & magnitudine id extrui deberet; reſpondiſſe reſert Tragicus, *Cubica; ſed ita, vt bis tantum caperet, quantum Cubus, qui quoquoſueris eſſet pedum centum.* Quod cum omnium animos prætrinxiffet, Plato rem ad Geometras deduxit; quibus decertantibus, ambigentibusque, quam id ratione fieri poſſet; Hippocrates Chius edixit, id eùm fieri, ſi conſtitutis duabus lineis, quarum maiore exiſtente dupla quam minor, inter eas duæ mediæ in continua proportionè inuenirentur. Propoſito Theoremate, nemo tunc reperi- tus eſt, cui id ſolũdere daretur animus: donec multis in varia abeun- tibus, Architas per præſatum Hemicylindrum, & Eratoſthenes per Meſolabium, intentum feliciter aſſequuti ſunt. Sed & Valla lib. 4. Geometr. aliam rationem, longe ſecuriorem, & faciliorem ſpecula- tum eſſe ſe iactat, ex Archimedis, Heronis Bizantij, & aliorum ce- lebriorum Geometrarum principijs erutam. At quàm feliciter, Le- ctoris eſto iudicium.

HERCIVS, ex græca nomine (quàm adhuc vtrumque ſequuntur 27
Galli nominantes *Hercæ*) dicta eſt in Munitionibus bellicis porta pendula, quæ ubi Opus eſt, laxatis retinaculis deorſum cum impetu ruit; & ſolo inſigitur ad intercludendum aditum, ſeu interoſpien- dos temerè primam portam eſſequutos iam hoſtes. Hanc nos vulgò *Saracineſcam* vocamus. Ex quo, per quandam analogiam *Hercius* audiuit aliquando Iupiter; quòd eius Statua intra conſeptum do- mus poſita, ab Ethnicis colebatur. Quare emendandus videtur cor- ruptus Cæſaris locus lib. 3. de Bello Ciuili, ubi de aggreſſione Pom- peij per ſuos inſita, verba faciens, bis huius obicis, & repaguli memi- nit ſub nomine Hercij. *Erat* (inquit) *Obiectus portis Hercius, & paulo poſt. Sed tamen noſtri virtute vicerunt.* exciſoque *Hercio, primò in*

maiora castra; post etiam in Castellum, quod erat inclusum maioribus castris, irruerunt. Vbi bene Ianus Laurembergius in Antiquario, mendum irrepsisse putat, & restituendum ex antiquis exemplaribus. Erat obiectus portis Hercius: & exciso Hercio &c. Qui enim uero Hericius ad propositum facit; quod Hericius, siue potius Ericius militaris, non repagulum est, sed Machina offensiuæ, infectis undique telis compacta, speciem habens quasi Ericij feræ, ex quo nomen assumpsit, ut in loco monuimus? Stat igitur Cæsarem hoc vocabulo indicare voluisse obstaculum illud ad portas applicitum, & fune suspendi solitum, ut in tempore demitti queat ad arcendos hostes, ac proinde in originali scripsisse Hercium, genuinam porro, & expressiuam vocem, quæ Græcis septum sonat, siue repagulum.

- 28 HEXAMILON, seu ut Latini ut plurimum scribunt, HEXAMILIVM, celebre est apud Historicos, & Architecturæ Militaris Scriptores, Munimentum, seu bellicum sepimentum in aditu Peloponnesi à Græcis primùm Imperatoribus extructum, postea à Venetis restitutum, non ad vnā arcem aut Urbem ab hostium incursum contutandam; sed ad integram, & vastissimam Prouinciā, cui foret instructissimum, & fortissimum propugnaculum, assecurandam, & regendam. Hoc quippe vocabulo insignitus fuit peramplus Murus ad sex miliaria extensus, quantum videlicet Isthmus Corinthius latus erat, ab Ionio Mari ad Aegeum, totam Peloponnesum claudens, atque Peninsulam ab Elide, totaque proinde Græcia discriminans. Hunc porro murum magnis sumptibus, & laboribus posuit munificus & quæ ac doctus, Emmanuel Palæologus Imperator Orientis, circa annū Domini 1413. in gratiam Despotorum Prouinciæ, suorum Feudatariorum, ut esset munimini ac tutelæ toti amplissimæ Regionis, ab Turcarū excursionibus. Sed diū stare non potuit tanta moles ob illorum impotentem inuidiam, & rapacitatem, non illis regionibus modò, sed toti fermè Orbi tyrannidis suæ iugum imponere gestientium: qui ex firmato obice, magis incensi sunt, & illud totis viribus adoriri, & funditis euertere conati sunt. Quod ideo idipsum, quod ad pacis fœderisque initi artham cum Mahumete I, quæ cum extructa memorabili mole firmiter perennaret, Emmanuel Pater statuit; hoc Ioannes VII. filius in Imperio successor, ut gratiam Amuratis, qui Mahumeti successit cõmeret, & quietem ab eius armis (neque enim aliter consequi poterat) impetraret, mox vix coalitum, diruere sua sponte coactus est; nempe post duodecim ab eius constructione annos, decurrente anno nostræ salutis, 1425. Namque ambizioso viro, ac bellatori summo, murus iste vnguis erat in vl-

cere: qui quādiū superstes foret, eius vastos spiritus portis erāt re-
tundere, ac victorias remorari. Verūm aduigilantibus Venetis ad
labens Græcorum Imperium, post captam Constantinopolim, fuit
quidem reſtitutus cum ſonore à generoſo Bertoldo Eſtenſi Duce, ac
Prouiſore illuc miſſo, qui indefeſſa cura die, noctuque operi inſi-
ſtens, adhibitis triginta millibus operarijs, intrā quindecim tan-
tūm dies illum compleuit, additis ad maiorem firmitudinem, & cu-
ſtodiam, centum trigintaſex turribus. Sed qui ſtare poterat, ac de-
bebat æternūm, aduerſus quoscumque hoſtis inſultus, cecidit heū
ſub præſidiariorum ignauia, ſeu potius proditione. Etenim ad le-
uem, ac tumuluariam Turcarum irruptionem miles ceſſit, ſtatio-
nem deſeruit, & murus, ac turres ſolo æquatæ ſunt, ab irato & pu-
dore ſuſuſo hoſte, qui proinde totam ſibi Peninſulam ſubiecit, &
adhuc ſub tyrannide tenet. Nec amplius ei cordi fuit tantum regio-
nis Munimentum reponere, quod ſibi non tam gloriæ, quā igno-
minię ſignum, & monumentum foret. Narrant factū accuratē,
nec ſine lacrimis, Sabellicus lib. 8. Decad. 3. & Petrus Iuſtinianus
Hiſtor. Venet. lib. 8.

In hunc modum, atque ad hunc etiam finem, Chinenſes, ad Regni 29
confinia verſus Septentrionem, ubi ſeparantur à Tartaris, extruxe-
runt murum, ſeu muros inter excurrentes in longum montes, ad eo-
rum aditus occultendos, in longitudinem ſexaginta (ducentas po-
nit Mercator) leucarum, centum nempe adminus, & octoginta
milliarium noſtrorum. Id quod rudius & longē ante Iſthmi Pelo-
ponneſiaci conſuſionem fecere; ſed non meliore conſilio, ac fortu-
ta; nam traſuerſarius iſte obex non præpediuit, ſed animauit ma-
gis, ac ſtimulos addidit impotentibus Barbaris, cæteroqui de rapto
vivere aſſuetis, vt animos ſumerent, ac facta valida irruptione, muros
perfoderent, occupatiſque duabus munitiſſimis Arcibus, ad eorum
tutelam hincinde ab accolis poſitis, ceū rapidiſſimus amnis ruptis
aggeribus, totam latē rationem inundauerint; ſicque florentiſſimo,
vaſtiſſimo, & communitiſſimo Regno potiti ſunt. Adeo periculis
plenum eſt, ſopitos excitare crabrones! & ſæpē magis conducit (ſi
cum inſido, ac præpotenti hoſte res eſt) affectare ſupinitatem, quam
tuis viribus plus æquo fidere, & in quo magis times, ſollicitam
cautionem, & fortitudinem oſtentare.

HI

HISTRIODROMICA. Vide ſub V. *Hydrographia*.

HO

HOLOMETRVM eſt Inſtrumentum Geometricum, quo facili- 30
mè omnia quæ oculis obijciuntur, meſurari poſſunt. Cuius fabri-
cam,

eam, & vsum, multis tradit eius inuentor Abel Tullio, in libello hac de re edito Venetijs, anno 1564.


- 31** **HOMOGENEA** dicuntur in Geometricis, plura corpora, seu quantitates, quæ conueniunt in vna eademque ratione mensuræ, nominis, aut figuræ. Quod non ita intelligendum, vt omnino communicent in eadem substantia, seu esse physico, vel etiam in omnibus circumstantijs; sed quod saltem eandem rationem induant in certo aliquo genere, & peculiaribus affectionibus, quæ signatæ, & explicite sub consideratione veniunt. Sic non solum quodlibet Elementum in suis partibus dicitur homogeneum, eoquod omnes eius partes eandem sibi vendicant rationem; puta, substantiæ, quantitatis, figuræ, denominationis, &c. ac ipsum totum; verum etiã Figuræ Geometricæ comparatæ simul, prout sunt eiusdem rationis, vel formæ, circulares, angulares, rectilineæ, quadratæ, pentagonæ &c. appellantur homogeneæ, quotiescunque attenditur quantitas, numerus, & qualitas angulorum & laterum, in quibus conueniunt: proindeq; easdem sortiuntur passionem adinuicem, siue paræ siue magnæ, siue in concreto, siue in abstracto, quas ratio talis figuræ vnicè considerata sibi vendicat. Idcirco Homogenea etiam dici possunt quæ in vna solummodo qualitate, & passione conueniunt, modò hæc tantum qualitas in illis, (neglectis alijs circumstantijs) attendatur. Sic Oleum, lac, vinum, aqua, & reliqui humores fluidi, tamen in multis, ac præcipuè in substantia, colore, & pondere valde discrepent; possunt tamen adinuicem comparati, dici & haberi pro homogeneis, in ratione fluxibilitatis, quæ sola in ipsis consideratur. Econtrà *Etherogenea* sunt quæ siue in totum, siue in parte, & aliqua circumstantia, quæ potissimum attenditur, discordent; quamquam forte in substantia & reliquis qualitatibus conueniunt; vt sunt aqua, nix, grando, terre vapores, exalationes, &c. quæ, quoniam in qualitate dissident, & singula suas particulares, diuersasque affectiones obinent, *Etherogenea* æstimantur. Scio, Homogenea ab aliquibus definiri. *Quorum vel minima pars eandem essentiam, passiones, qualitates, quin & ipsam denominationem sibi vendicant, ac ipsum totum.* Verum id nimis pressè, atque exactius, vt explicet simplicem & puram naturam Homologorum. Hoc potius ad *Homœomeriam* pertinet, de qua mox infra. Itaque

- 32** **HOMÆOMERIA** dicitur talis similitudo rerum, ac partium, alicuius vnius totius, vt in omnibus absolute circumstantijs omnino conueniant: ac proinde eandem prorsus naturam, qualitates, passiones,

nes, accidentia, ac tandem in nomine ipso, quod illi toto competit, æquæ partes conueniant; vti sunt ex. gr. omnia, & singula physica Elementa. Aqua enim dicitur non tam de ipso elemento, ac proinde de tota aquarum collectione, quam de quauis vel minima guttulâ, quæ siue seorsim siue collectim, eandem prorsus substantiam, formam, fluxibilitatem, cæterasque eiusdem elementi proprietates participat: & sic de reliquis. Has in corpore animantis *Similes* appellant Medici, quales sunt Caro, Sanguinis, Ossa, Nervi, & singuli Humores, quoniam ex asse seruant hanc *Homomeriam*.

HOMOLOGVM eodem ferè modo, ac *Homogeneum*, dicitur aliquid respectiue ad aliud, vel alia similia corpora, quantitates, formas, figuras, latera, angulos & areas, quæ sint eiusdem naturæ, atque affectionis. Non quod esse debeant omnino æqualia; sed quod sint eiusdem conditionis, & veniant sub eadem consideratione; adeo ut saltem eundem vsum habeant, & geometricam proportionem; vt ex 5. Sexti, colligitur: vbi docet Euclides, quod duo triangula, quamuis vnum sit altero maius, habent angulos æquales, si tamen latera ipsis opposita sint homologa; hoc est, vt habeant eandem proportionem in commensuratione.

Vt in adiectis triangulis: Sicut se habet AB. ad BC. ita DE, ad EF. & sicut BC. ad C. A. ita EF, ad FD. Sunt igitur homologa AB. & D. F. vti anguli A, & D. necnon B. & E. atque ita etiam sunt areæ ab ipsis triangulis comprehensæ. Sic porro discurrendum est in reliquis figuris tum Isoperimetris, tum irregularibus, ac trapezijs. Id ipsum est obseruare in magnitudinibus, quæ simili ratione in aliquo conueniant, & eandem naturam, aut conditiones participant. Vide Euclidem elem. 1. defin. 11.



HORIZON græcè, latine *Finitor*, dicitur Circulus maximus in Sphæra diuidens Hemisphæriū superius conspicuū ab inferiori inōspicuo. Qui pro ratione eleuationis Poli super eū, variatur: ita ut, infinita prope modū concipi possint horizonta, sicut & infiniti Meridiani, pro maiore depressione à Polo. Et si quidē neuter polorū supra ipsū attollatur,

etur, sed incidant ad amussim in eandem lineam horizontalem, Horizon ille dicitur rectus, eo quod Aequator recte supra ipsum ascendit, adeoque semper est verticalis. Si autem alter polorum eleuatur, alter deprimitur; dicitur Horizon obliquus, quia oblique super eum ascendit Aequator. Et quod maior erit eleuatio Poli; eo maior erit obliquitas Horizontis, & diuersitas Ascensionum: adeo ut in maiori Poli altitudine, quæ excedere nequit gr. 90. cum ipse Polus fiat verticalis; consequenter Aequator incidit in ipsum Horizontem, qui proinde tunc dicitur Parallelus. Porro Horizon in Cælesti Themamate duos angulos constituit, & appellat, Orientalem vnde emergunt Sidera, & sunt nobis conspicua, (qui vocatur Cardo Orientalis, Ascendens, & Prima domus) & Occidentalem, ubi sidera absconduntur, & cadunt in inferius Hemisphærium; qui dicitur Cardo Occidentalis, & Septima Domus, opposita Ascendenti. Porro plurima sunt Horizontis officia, quæ omnia diligenter enumerant Clavius in *Sphæram Io: de Sacroboſco*. Potissimum autem est determinare quantitatem diei ac noctis, atque ostendere puncta ortus & occasus siderum, etiam extra Eclipticam diuagantium, necnon gradum Eclipticæ, cum quo quælibet stella oriatur, & occidat: sicut etiam, quæ stellæ sint perpetuæ apparitionis, quæque nunquam supra nostrum hemisphærium emergant. Ad hæc, relege quæ dicta sunt in V. *Finitor*.

- 35 HORIZON etiam in Opticis, atque Architectura, per quandam similitudinem, & analogiam, appellatur linea illa recta, quæ in prospectibus terminat radium visuale, & omnes reducit ad punctum. Etenim *Scenographia*, quæ est pars Architecturæ, definitur à Vitruuio lib. 1. cap. 2. *Est frontis, & laterum abscedentium adumbratio, ad circinique centrum omnium linearum responsus*. Pro cuius rei intelligentia sciendum est, Scenographiam (quam nos notiore vocabulo Perspectiuam nominamus) cuius munus est, res valde distitas, & ab oculis nostris remotas, obtutibus sistere, tanquam si presentes forent, & æquè distantes; tribus projectionum lineis consummari. Vna est, quæ in planum incidit, è qua cæteræ insurgunt, & cui, veluti basi, insistant; & hæc vocatur *Linea Plani*. Alia est quæ vadit ad punctum terminatiuum, extenditurque quaquaversum, quod fertur, ac terminat noster obrutus. Et ista est Horizon de quo loquimur. Tertia est linea distantie rei quam circumspectamus, quæ semper cadit ad perpendicularum Horizontis; modò propius, modò remotius, prout res conspicienda se offert. Nunc autem hæc omnes concurrunt in Optice, seu Scenographia. Vt si Architectus, exempli

gra-

gracia, velit ædificium aliquod delineare in plano parietis, qui exsurgat à plana superficie arcæ, quam nos pedibus calcamus; oportet, ut horizontem constituat in tanta altitudine à solo, quantum ab eo eleuatur oculus noster, ac linea distantie definiatur in ea elongatione, quæ magis in commodum cedat. Quod ideò, si ea terminetur ad extremitatem alicuius horti, vel nemoris; incipiat computari distantia ab eiusdem primo ingressu. Similiter in magna quadam aula, vel cubiculo alicuius domus, semper accipienda est distantia ab eius vestibulo. Sic in Campo indefinito, aut in angiportu, vel via publica; distantia sumenda est ex aduerso latere per directum. Quod si angustus sit callis, & visu compleri non possit; expedit ut mente, latior concipiatur distantia, quam reapse sit, ad hoc ut retractiones, & contractiones melius opus suum exequantur: quò enim maior est distantia, eò opera, quæ adduntur successiue, maiorem elongationem constringunt, contractionesque ad angulum diminutæ semper accedunt:

Est & aliud commodum, quod præstat in Architectura, Linea horizontalis: nam in foundationibus, & substruendis, ad hoc ut diù vigeant, & subsistant; oportet, ut parietes, columnæ, & antes, quæ totam molem sustinent; sint exactè positæ ad perpendicularum horizontis: quandoquidem angulus rectus vnice est causa stabilitatis, & firmitudinis; idque in omnibus tam naturalibus, quam artificialibus positionibus: atque, ut homo tunc firmissimè stet, quando est erectus; ita & Fabrica firmitudinem totam desumit à parietibus, si sint ad angulum rectum, & perpendiculariter ad horizontem erecti. Sed longè diuagati sumus ex occasione lineæ horizontalis: at profectò necessarium fuit, ut eius natura, & effectus probè innotescerent; quæ sparsim, & per partes alibi tradita, haud plenam intelligentiam consequerentur.

36.

37

HOROLOGIA obiectum sunt, & opera vniuersæ Mathesis propriissima; ad quæ varix disciplinæ, & artes subsuulantes concurrunt, manumque pariter adiuuent, & ingenium, prout diuersæ sunt illorum species, & methodi ea fabricandi, atque constituendi. Intelliguntur autem esse organa, & machinæ ad horas auspicias extructæ; aut certè delineationes artificiosæ in plani, buadam, vel concava superficie, ad eas æquo iure dispersiendas ex umbra gnomonis in eas incidente, atque identidem variante. Idque totum in finem actiones nostras regulandi, fluxumque vitæ, ac temporis dimeticudi. Quod ideò, ut dixi, varia sunt, & alia dicuntur *Gnomonica*, quæ mediante gnomone, in pariete, vel in pla-

no horizontis affixo, vmbra Solis æqualiter incedentis excipiunt, & in horas disperiunt. Alia *Hydraulica* nuncupata, quæ ex aquæ motu per fistulas, aut ex angusto vasis orificio guttatim decidentis, temporum momenta determinant. Alia *Arenaria* ex minutissima arena in duobus vitreis ampullis contenta, ac subinde ab vna in aliam transmeante, cunctatione sua eundem effectum præstant; quæ communiter *Clepsidra* appellantur. Alia demùm *Mechanica*: quæ certis ponderibus, libramentis, ac rotarum exinde difformiter conformium circumuolutione, horarum interstitia, non modo ipsarum rotarum, vt ita dicam, dentibus comminuunt, ac metiuntur, sed & sonitu indicant, & discescunt. Ex his sunt quæ Cælorum insuper motus, Lunæ phasæ, siderum cursus, diei ac noctis quantitatem, ostendunt, & alia mira præstant, quæ longius persequi superuacaneum esset, & magno Lectoris fastidio. Et hæc omnia adinuenta sunt, atque ingeniosissima Mathematicarum disciplinarum Opera, in quæ singulæ ad effundendas è penu suo pretiosissimas gazas concurrunt. Scripsit de Horologijs Solaribus Italicè Mutius de Oddis Vrbinas, ac nuper latinè absolutissimum Opus, Carolus Maria Carafa, Buteræ, Roccellæ, & S. Rom. Imperij Princeps, pietate æquè ac varia eruditione (vt patet ex libris editis) non minus ac genere Titulisque conspicuus, ac verè Excellentissimus.

- 38 **HOROSCOPIA**, seu **HOROSCOPIA** Instrumenta sunt plana, & circularia, quæ duas facies exhibent, quarum anterior ostendit quantitatem diei ac noctis, vbique locorum, & quouis anni tempore: posterior verò habet descriptos omnes circulos, qui sunt in Sphæra armillari, necnon & alios intersecantes singulas partes Zodiaci, easque in horarum circumferentia includentes: quæ proinde maximum commodum præbent ad modò dicta horologia solaria designanda. De his hæc habet Plinius lib. 2. cap. 72. *Vasa horoscopia non vbique eadem sunt vsui: in trecentis stadijs, aut vt longissimè quingentis, mutantibus semet vmbri Solis.* Verum id olim, non adhuc comperta virtute acus magneticæ se vbique ad Polum vertentis, atque adeò situm gnomonis congruum ad ritè vmbra solis captandam, determinantis. Quod ideo, quoniam pacto hæc in Sciotherijs, ad hoc vt adamussim in Meridianum incidat sistatque sese, ad Polum vt sic semper eadem vmbra, vbique locorum, eodem modo, verè decurrentes horas indicet, huiusmodi horoscopia fiunt. Quæ de re abunde pertractat Martianus Capella, & ex Recentioribus, Io: Paduanus in peculiari libello quem edidit de *Horoscopia*.

OR HOROSCOPVS ex græco, dicitur Cardo Orientalis vel ea Cæli pars, quæ singulis momentis emergit ex inferiore hemisphærio in Orientali Finitore; vnde communiter ab Astronomis vocatur *Ascendens*. Differt ab Horizonte, tanquam pars à toto, quoniam hic totum Finitoris circulum denotat, & vtrumque Cardinem comprehendit, Orientalem, & Occidentalem; vt paulò antè dictum est: Horoscopus verò non tam appellat solum Cardinem Orientalem, quàm latè patet, intrà latitudinem ortiuam; quàm signanter gradum eclipticum in eum incidentem. Eapropter non ab re in Astrologicis, significat rerum initia, & in hominum Natiuitatibus corporis temperamentum. Quia videlicet Sol Caloris vitalis largitor, & Luna humiditatis radicalis conseruatric, inde incipiunt influere, & moderari huiusmodi qualitates, secundum quod & ipsa Luminaria, & Horoscopus vnde emergunt, sint benè vel malè affecta. Et licet ibi semper actu non sint; nihilominus semper habent respectum & realem habitudinem ad locum, vnde caperunt vires suas exserere, vti & in alijs Cardinibus, vbi eorum vis, aut deprimitur aut magis intenditur: quale est præ cæteris Culmen & Medium Cæli; & per hanc habitudinem, refundunt in ea loca intensionem aut remissionem caloris atque humiditatis. Ex quo sequitur, vt semper Horoscopus sit initium, seu dispositio productionis harum qualitatum in corporibus, & viuantibus. Propterea non ab re æstimatur ab aliquibus Astronomis nobilior Cæli pars, & omnium angulorum potissimus, quamuis Ptolemæus eorum princeps, ei Culmen præficiat. Sed de hac re, alibi ex professo.

HOROSCOPVS LVNARIS, quem Astrologi vocabulo magis communi *Partem Fortune* nominant (quoniam habet significare bonam Fortunam, ac fructuum terræ educationem) purè Astronomicè, & in suo esse reali consideratus, est Punctum illud, seu Circulus Positionis in situ Mundi, à quo discedit Luna, cum de mane Sol tenens Angulū Orientalem, oritur, nostrum Hemisphærium illustraturus: quod ideo a nobis pari passu incedentes à suis horoscopis elongantur, & feruntur motu Primi Mobilis ad anteriora, ab Ortū ad Occasum, quoadusque spatio vnus diei naturalis, integra circulatione completa, iterum ad suos Horoscopus reuertantur. Et quidem vterque locus magnæ virtutis, est, sibi à suo Luminari communicat: Et quemadmodum Horoscopus Solaris promouet, & moderatur initia rerum; sic Lunaris denotat augmentum, & conseruationem; & nonnunquam, quando Luminaria in locis Apheticis non sunt, in eorum vicem, substituat, sortiturque prærogatiuam Hylegij. De hoc, veroque

eius situ in Caeleſti Themate, ſuſe nos diſputauimus in noſtro Primo Mobili, Can. 10. contra veterum hallucinationes. Nunc autem ad maiorem nouae Doctrinae intelligentiam iuxta verum Ptolemaei ſenſum, praſtat rem altius examinare, demonſtrationemque eius, dato ſchemate, oculis exhibere.

41

Sit igitur in ſequenti Figura Caeleſte Thema ereſtum ad libitum, non per numeros, ſed per ſua vera ſpatia, in plano delineatum, vt fit in Planisphaerijis, ex regulis perſpectiuarum, fixo oculo ad Polum Boreum, vnde emittat radios viſuales, & circumſpectet omnes partes, & circulos Sphaerae armillaris, ac ſidera quae ſub ipſis comprehenduntur, tanquam in planum proiecta. Ergo in hac poſitione ſatis patet verus locus Horoſcopi Lunaris, quomodo ſe habeat ad Lunam, quomodo ad Cardines & ſidera, in ſuis locis realibus exiſtentia, tam in Zodiaco, quam in Mundo: vt comprehendatur quonam pacto omnes configurationes ad illa habere poſſit, & debeat, ſpatio vnus diei naturalis, vt habere dignoſcitur Sol ad ſuum Horoſcopum: ad quem finem poſſimum hanc figuram probè, & exactè delineari curauimus. Tum data occasione, ceterorum quoque locorum, ac ſiderum poſitum exhibere, vt eorum configurationes tam in Zodiaco, quam in Mundo, longitudines, latitudines, declinationes, Aſcenſiones, & alia, iſtu oculi percipiantur, de quibus ſparſim in Opere agimus, vt proinde tota Caeli facies in hoc diagrammate aperiatur, proſpectu ſimul, & iucundo ſpectaculo. Sed ad rem noſtram principaliter in eo intendimus manifeſtare habitum luminarium, ac diuerſos poſitus, quos ſucceſſiue acquirunt, & variant ad ſuos Horoſcopos, integra circulatione diurna circa telurem.


Etenim Figura haec duplicem aſpectum habet; & Coſmicum, qui repraeſentat poſitionem Cardinum, & ſitum Mundi immobilem, circa quem feruntur Sidera motu Primi Mobilis, idque praeciſe, ac ſi nullum Mobile illic extaret; & ipſum Primum Mobile cum Zodiaco, & Sideribus in eo actu repertis, ſeſe ab ortu ad occaſum, ſupra Polos Mundi, nulla habita ratione ad ſitum Mundi, perpetua, & conſtanti gyratione volutans. Quod ideo melius exprimeretur per duas diſtinctas tabulas inuicem connexas, vt videre eſt in Planisphaerio, quarum altera exterior, & perforata, referret ſitum Mundi, & Cardines immobiles; altera Primum Mobile, ſuis Circulis, ac diuiſionibus, cum ſideribus in eius partibus actu conſtitutis, & cum eo ſimul raptis, ſeſe voluentibus. At in ſimplici pagina id non poſuit, niſi per duplicem, ſed diuerſum Circularum, & linearum ductum, figurari.

Prima Facies lincis, & circulis patentibus expressa, repræsentant
 ftum Mundi, & Cardines: vbi Linea protensa à summo ad imum,
 CD, est meridiana, definiens Cardines Decimæ Domus, & Quartæ.
 Linea AB, quæ hanc in Centro ad angulos rectos interfecat, est Hori-
 zon rectus in Sphæra recta, in Obliqua verò, (vt hic, vbi assumitur
 eleuatio Poli gr. 42. suprà Horizontem) Horizon obliquus est Cir-
 culus V. X. Y. depressus à Polo P. gr. 42. ac discriminans superius
 Hemisphærium eb inferiore inconspicuo: & V. quidem & X. signat
 Cardinem Orientis, & Primam Domum, qui dicitur etiam Horos-
 copus, & Ascendens, cum tota sua amplitudine ortiua. Arcus ve-
 ro X. Y., denotat Cardinem Occidentis, & Septimam Domum,
 cum sua amplitudine occidua. Reliquæ domorum cuspides non
 sunt patenter delineatæ, ad euitandam confusionem, sed faciliè con-
 cipi possunt per æquales diuisiones arcus diurni suprà terram, ac no-
 cturni sub terra; vel in Via Rationali, per æquales diuisiones Aequa-
 toris, in partes duodecim, quæ fiat per magnos Circulos transeuntes
 per diuisionum terminos, seseque interfecantes in communi interse-
 catione Meridiani, & Horizontis.

Secunda Facies punctis tantum, & lineolis adumbrata, refert Pri-
 mum Mobile suprà Polos mundi circa Tellurem, perpetua, vt dixi
 vertigine se volutans, trahensque secum insimul Luminaria, & reli-
 qua sidera, prout actu sunt in Zodiaco, tam in longum, quam in-
 latum; atque interim proprio motu, sed lentiore feruntur in succe-
 dendia signa, qui motus proinde non impedit neque officit eorun-
 dem motui raptus in Circulatione diurna. In hoc expressus est Aequa-
 tor in medio constitutus, atque in limbo diuisus in partes 360. quæ
 sunt Ascensiones Rectæ: quem ad puncta æquinoctialia secat Ecli-
 ptica I K L M. cum suis signorum spatij, ac diuisionibus tam in-
 longum, singulis per gr. 30., quam in latum, ab ipsa Eclipti-
 ca vsque ad Polum eius signatum in puncto Z. Id
 quod melius intelligetur in explanatione,
 singularum partium ipsius Figuræ,
 quam iam exponimus ocu-
 lis contemplan-
 dam.

342 LEXICON

Thema Caelestis Constitutionis, ad datum tempus erectum,
& in plano optice delineatum.



Distributio, & Explanatio partium præcedentis Figure.

Primò Circulus medius in partes dissectus, ac notatus litteris E.F. 44
G.H. signat Aequatorem æqualiter incedentem in sphaeræ recta:
Cuius Polus Boreus est Punctum P. Ascensiones rectæ sunt rectæ li-
near ducæ, aut mente conceptæ, successiue procedentes à puncto
P. ad singulos gradus Aequatoris, descriptos in limbo; incipiendo à
primo gradu Sectionis Vernæ V. vsque ad finem X.

Circulus Obliquus I.K.L.M. est Ecliptica, cuius Polus est Pun-
ctum Z. Latitudo Borealis, spatium interiectum inter ipsam, & præ-
dictum Polum: Australis, quæ statuitur vltra illam indefinita, ac
terminatur limbo.

Circulus punctatus N. O. Q. R. est parallelus præsentaneus Solis,
quem describit quotidie varium, ad rationem suæ Declinationis.

Circulus item punctatus S.T.D. est parallelus declinationis Lunæ,
quem describit eodem tempore, motu raptus circa tellurem.

Arcus Q.N. est vera distantia Solis ab suo Horoscopo, computan-
da non in gradibus Zodiaci, sed in suo parallelo, per gradus ascen-
sorios interceptos inter punctum H. horizontis, vnde emergit, &
suum Circulum Positionis, in quo actu reperitur.

Similiter arcus interceptus in parallelo Lunæ, inter ipsam, & Par-
tem Fortunæ, (quam hæc nota ¶. placuit præsignare) est vera di-
stantia Lunæ à suo horoscopo; & punctum ¶. est locus præcisus in
situ Mundi, vnde primo mane Luna discedit, cum Sol in Ascenden-
dente constitutus, inde attollitur, vt pergat ad XII. Domum, XI. &
Medium Cæli, & sic de reliquis, per partes sui arcus diurni ac noctur-
ni in suo parallelo computandas. Quapropter & Luna pariter eodem
modo, codenique prorsus motu, elongatur successiue à suo horosco-
po, easdemque configurationes ac distantiam inuenitur habere cum
illo, quas Sol habet ab Ascendente. N.O. vel O.R. in parallelo So-
lis, est eius Arcus Semidiurnus. Seminocturnus verò Q.R. ac totus
Arcus nocturnus N.Q.R. Econtrà in parallelo Lunæ T.S. vel T.L. est
arcus semidiurnus ipsius Lunæ, idemque etiam ¶. reliquum spatium
est arcus nocturnus; & ¶. D. est distantia Lunæ à suo Horoscopo, in
ijsdem proportionalibus partibus, ac Sol distat ab Ascendente.

Arcus V.X. in Finitore Orientali, est tota Amplitudo Ortiua Solis
ac reliquorum siderum extrà Eclipticam vagantium. Sicut Arcus
X.Y. ex aduerso est tota Amplitudo Occidua.

Præterea initia, & progressus signorum, tam in Ecliptica, quam
extrà, sunt suis magnis arcibus ad punctum Z. seu Polum Zodiaci

con-


conuenientibus, contradistincta, proprijsque notis & characteribus indigitata, vti & planetæ suis in locis, quæ actu possident, tam in Zodiaco, quam in mundo, præsentialiter constituti: quemadmodum †† comprobare licebit ex collatione huius figuræ cum communi Cœlesti nemate, vbi eorum positus expressus est per numeros.

Demum apposuiinus ad ornatum, fixas insigniores; vt patefcat verus earum situs, & habitudo quam habent adinuicem, atque ad Planetas & Cardines, quæ litteris minusculis denotantur, vt infra.

a. Caput Medusæ.	h. Cor Hydræ.	q. Cor Scorpion, Antares.
b. Media Pleiadum.	i. Cor Leonis, Regulus.	r. Lucida Lyræ, Fiducula.
c. Oculus Tauri, Palliditium.	k. Cauda Leonis.	s. Lucida Aquilæ, Vultur volans.
d. Per sinist. Orionis, Rigel.	l. Spica Virginis.	t. Cauda Cigni. Vultur Cadens.
e. Hircus in Auriga, Capella.	m. Arcturus.	v. Præsepe, Nebulosa in pectore Caneri.
f. Canis Maior Sirius.	n. Corona Gnosia.	
g. Canis Minor, Procyon.	o. Luc. Lancis Australis.	
	p. Lucida Lancis Borealis.	

45

Ergo, (redundo ad nostram demonstrationem veri Horoscopi Lunaris, auspicandi ab distantia, & habitudine quam habet Sol ad suum Horoscopum;) Sol, vt dictum est, suo motu diurno, raptus à Primo Mobili, spatio vnius diei naturalis, perficit suam integram reuolutionem in Mundo, transcurrens in suo parallelo per omnes domos Cœlestes, & Cardines, commutansque configurationes ad suum Horoscopum: itaut spatlo duarum horarum inæqualium, se sistat in XII. quatuor, in XI. vnde respicit Horoscopum de Sextili; Sex, (ac proinde toto arcu semidiurno,) in X, vnde immittit radium quadratum: octo horis peruenit ad IX, vnde emittit Triunum; & sic de reliquis. Simili modo Luna in suo loco reali manens in Zodiaco, eodem motu Primi Mobilis, rapitur in anteriora, contra successionem Signorum, ab Oriente in Occidentem; quo motu describit suum parallelum circâ tellurem; itaut, cum distat duobus suis horarijs temporibus diurnis ab Ascendente, concipitur esse in Cuspide XII. Domus; cum toridem nocturnis, in II. cum toto arcu semidiurno, in Culmine; cum toto arcu Seminocturno, in Imo, &c. Quibus sic stantibus, quæ sensibus patent, & à quoquam inficiari non possunt, sequitur, vt Lunaris Horoscopus, non nisi in situ Mundi definiti possit, vt tantam ab eo distantiam, successiuè ab ipso abscedendo, acqui-
rat



	Latitudo.	Delinatio.	Differentia Ascensionalis	Ascensio Recla.	Horaria Tempora.	Distantia Meridiano.
5	0. 52 S.	22. 29 M.	22. 13	262. 40	11. 18 D.	67. 47
24	0. 19 M.	23. 38 M.	23. 12	280. 44	11. 8 D.	49. 47
5	0. 41 M.	19. 40 M.	18. 45	232. 2	18. 7 N.	81. 35
24	0. 0	6. 44 M.	6. 10	195. 44	16. 2 N.	45. 7
5	0. 56 S.	8. 46 M.	8. 6	203. 14	16. 20 N.	52. 47
24	1. 53 M.	17. 21 M.	16. 25	219. 11	17. 45 N.	88. 42
5	4. 7 M.	18. 24 S.	17. 26	72. 13	17. 43 D.	101. 46
24	38. 50 S.	18. 24 S.	17. 26	296. 56	17. 43 D.	33. 31

Ad

Ad superioris figuræ normam, leui opera, sibi quisque parare poterit stabile Planisphærium, aut æquale, aut (quod præstat) grandius, continens duas tabulas, vnâ fixam, quæ referat Primum Mobile, eodem planè modo distinctum suis circulis (id quod exactius quoque fieri potest, vsque ad diuisiones graduû, & minutorum, collocatis in eo fixis, quot placuerit, cum suis partitionibus, & scala, vtriusque declinationis. Altera, quæ referat situm mundi, & supra illam roretur; quod, etsi contrâ rei veritatem est, cum illud constitui deberet volubile; vt reuerâ est; Cardines autem, qui sunt omnino immobiles, fixi: nihilominus id non officit, & in vsu pronipior, & exactior est operatio: namque facilius est in plana, & continua lamina omnes Primi Mobilis affectiones, & fidera, suis in locis, appositis etiam nominibus exarare, quam in perforata, vt videre est in Astrolabijs hucusque vîtatîs. Econtra quæ situm mundi refert, potest amplissimè fenestrati, absque vlla iactura, cum solum ostendat directiones Cardinum, & Circulorum positionis, qui expediti sunt, & æquè bene mente concipi possunt; sicque liberum, & latum spatium relinquere ad spectandum, quæ subitus sunt. Parentur igitur huiusmodi tabulæ siue ex cupro, siue ex aurichalco, siue etiam ex charta solidiore. (Potest etiam superior fieri ex vitro adamante, signato, quod perforatione non indiget) in quarum extrema, quæ destinata est ad situm mundi representandum, designetur circulus horizonis obliquus, & depressus infra centrum, ad rationem eleuationis Poli tuz Regionis. Quo facto, hanc supra illam siste, & clauo terete, aut filo per vtriusque centrum transeunte, confirma; ita tamen, vt hæc mobilis supra illam agileret volutari possit, & aptari Ascensionibus limbi, ad quoduis temporis datum momentum: & relicto in ea indiculo denotante medium Cæli, seu Culmen, eumque tantum volue, donec adamussim cadat ad Ascensionem rectam, quæ eo temporis momento competit Medio cæli: & hoc satis ad est omnè tibi Cæli faciem, prout in illo momento est, ictu oculi ostendendam. Videbis enim ibi gradus Zodiaci singulis domorum cuspidibus incidentes: in quas domos & in quam distantiam ab earum cuspidibus planetæ, & fixæ incidat: familiaritates in mundo, congressus in circulis positionum; Ascensiones, & Descensiones, tam rectas quam obliquas cuique competentes, & alia, quæ te magis experientia docebit, quam vteriora præcepta.

Restat modo aliud punctum, quod supra tetigi, & quidem longè grauius, ac difficilius, determinare, de motu Directionis huius Lunaris horoscopi; nam eo relicto intacto, adhuc obscura res est, & laboramus in incerto, fortassis incassum, & super arenam seminantes.

tes. An inquam Sors ☿, admittat vtrumque motum, & directum; & conuersum, vti Luminaria, vel solum directum. Olim autoritate Negusantij primi huius arcani detectoris, supinè admissi, posse etiam motu conuerso ferri ad Promissores, perinde ac Luminaria; per hoc quod motu raptus feratur ad circulos positionis Promissorum; qui tunc supponuntur immobiles. At hoc falsum est, & sustineri nullatenus potest. Etenim si hoc semel admitteretur, corrueret vti- que tota eius modo explicata doctrina, nec teneri amplius posset illa eadem habitudo Lunæ ad Partem Fortunæ, quæ est in Sole erga suum horoscopum, quam adeò Ptolemæus inculcat, & est verè cardo, & fundamentum totius operæ. Si enim affigamus aliquando Partem Fortunæ Primo Mobili, & demus ei gradum & locum in Zodiaco, ac proinde rapi vnâ cum alijs sideribus, contra successionem signorum in anteriora; iam non ità elongari ab ea poterit Luna, vt successiuè per horas acquirat omnes configurationes ad illam, vt facit Sol ad Ascendens spatio 24. horarum, vt manifestum est. Constat igitur eam constitui debere omninò immobilem in situ mundi, & in suo Circulo Positionis, in quo relicta fuit à Luna, non secus ac Cardines; & Zodiacum in hoc negotio, materialiter se habere, nec eius naturam induere; perinde ac si non esset: ideoque haud dirigi posse, nisi vnico motu recto, quo Promissores motu Primi Mobili feruntur ad Cardines, qui item immobiles permanent, quamquam gradus Eclipticæ in illos incidentes prætereunt.

49. Sed adhuc Scrupulus est in ipsa constitutione Partis Fortunæ: Nam, si velimus eam sic posse ac debere constitui, vt semper Solis Horoscopum imitetur, & per Lunæ successiuam elongationem ab ea, acquirere eodem modo; & eodem tempore, eam ipsam configurationem, quam habet Ascendens ad Solen; iam non habebitur, inuentum Ptolemæi, aliàs irrefragabile, *Vt quem possum habet Sol ad Horizontem, hunc habeat Luna ad Partem Fortunæ, & Pars Fortunæ sit Lunaris Horoscopus.* Siquidem semper comperiemus, (& eò magis, quò maior fuerit elongatio, Lunam reuerà propinquiorem fieri Parti Fortunæ, & minùs ab ea distare, quam Sol ab Ascendente. Id quod accidit in elongatione, quæ simul & semel fit ab iisdem à quibuscumque Cardinibus: nam Sol spatio 24. horarum omnes configurationes assequitur, & redit ad eundem Cardinem, seu Circulū positionis, in quo pridie fuit; cum interim Aequator quatuor ferè minutis præcedat, & anteuertat reditum Solis ad eundem circulum. At Luna longè tardius ad suum præcedentis diei circulum redit, eoquod ratione suæ contranitentiæ, seu maius cum communi dicamus, velocioris cursus in Zodiaco, (ita ut modo 12. modo 15. gra-
- dus

duſ, & amplius, quandoque percurrat in vna die iuxrà ſucceſſionem ſignorum in Zodiaco, vti videre eſt in Ephemeridibus.) non poteſt aſſequi motum Solis in antecedentia, & ipſum ex aſſe æquare: ſed quò magis ſua ſponte in conſequentia tendit, eò magis in antecedentibus retardatur, interimque ſemper variat latitudinem, & ſenſibiliter declinationem. Quò ſit, vt requiratur ſpatium 25. ſerè horarum, adhuc vt ſuam integram circulationem perficiat, ſicque tandem omnibus ſuis configurationibus emenſis, ad ſuum horoſcopum redeat: cum interim Sol, minori temporis ſpatio id aſſequatur ergò ſuum Aſcendens. Non ergò vniuerſaliter verum & neq; ad præxim reduci poteſt, vt Luna ſemper inueniatur in ea diſtantiã à Parte Fortunæ, quam tenet Sol ad Aſcendens, vſque ad numeros; proindeque hanc in numeris accipiendam, ac poſtea ad Lunam tranſferendam, vt verus locus Sortis habeatur. Id quod, vti ad ſcopulum, hære fecit plurimos eruditiffimos Aſtronomos, ac multum deſudare, variæque vias inire, ad veri Horoſcopi Lunarĩ inuentionem, quæ ſeruet hanc æqualitatem aſpectuum; quam tamen non aſſequuti ſunt, nec aſſequi poſſunt.

Igitur in hac re non amplius ſcrutinandum, nec mens deſatiganda (quò enim magis hunc nodum ſoluere cõneris, eò magis intricaberis) ſed Alexandri gladio difficultas ſcindenda: vt videlicet intelligamus, hanc diſtantiã Lunæ à Parte Fortunæ, quam computandam præcipit Ptolemæus ad rationem diſtantiæ Solis à ſuo horoſcopo, non ſeruandam eſſe adamuſſim, & arithmeticè, per numeros abſolutè, ſed proportionaliter, & geometricè, hoc eſt, habita-
ratione velocioris, & tardioris morus vtriuſque circa Cardines mundi: itaut cum Sol eſt in medio, vel imo Cæli, Luna ſit propè ad tetragonum ſui horoſcopi: cum Sol eſt in Occaſu; Luna properet ad oppoſitionem Partis Fortunæ, ſed non adhuc ſit aſſequuta: cum demum Sol, ſua circulatione peracta, Cardinem Aſcendentis tenet, Luna non adhuc ad ſuum pridianum horoſcopum, ſeu Partem Fortunæ ſit lata, ſed aliquantiſper ſit diſtans. Ex quo non amplius pridiani horoſcopi ratio habenda eſt, ſed coipſo alium ſibi nouum, conſtituit, illum ipſum inquam circulum poſitionis, & ſitum mundi, ad quem iam peruenit, Sole iam angulum ſui Orientis tenente. Ec hæc eſt Arcani detectio, hæc difficultatis nimium prementis ſolutio, hæc illa concurrentia motuum, & habitudo Lunæ ad Partem Fortunæ, ad rationem habitudinis Solis ad angulum Orientalem, & hic ſiſtendum, nec amplius mens in eius inquisitione deſatiganda.
Sed quorſum, inquires hoc negotium abſoluendum? qua methodo hæc calculatio inſtituenda? Facillimè, & nulla penè operã, aio.

Nam

Nam, Sole constituto in Ortus, videndum, quem locum, & situm in illo momento occupet Luna in Mundo: profectò ille ipse inuariabilis & fixus, toto decursu illius diei, locus, & Circulus positionis Partis Fortunæ erit; à quo sensim Luna discedens, acquirit eas configurationes, quas interim Sol obtinet ad suum horoscopum, motu raptus ab ortu ad culmen, & à culmine ad occasum vergens, indeque ad ortum, per Imi regionem reuertens. Vt proinde illius præcisè loci accipiendus sit Circulus horarius, declinatio, ascensio recta, & obliqua; vti (si in Cadentibus sit,) Descensio, & alia, prout in directionibus rectis fit in omnibus Significatoribus.

Quod si adhuc aueas definire gradum Zodiaci in quem materialiter incidit, tam in longum, quam in latum, vt contempleris quibuscumque planetis, & fixis congregiatur; id ego non eo inficias, quin & optimè factum reor, quemadmodum notantur gradus eclipticæ, ac fixæ in Horoscopum, & Culmen incidentes, idque ad cognoscendum affectiones, quas ex dictis congressibus haurit. Hoc autem, leui negotio fit; & (ne prolixior hic æquo sim) videre poteris in nostris Tabulis Primi Mobilis Can. 10.

52

HISTORIUM apud Agrimensores, & Architectos, audit Organum, seu Instrumentum, quo Modius, & reliquæ mensuræ, ad suam quæque definitam rationem æquantur. Alio nomine *Radius*. De quo vide suo loco.

HY

53

HYALOSTROTVM Opus in Architectura, & sine pictis coloribus acta, Pictura fit in parietibus, fornicibus, & pavimentis, ex ordinatione, & connexione ad inuicem scissilium lapillorum, vel crustulis ac tessellulis vitreis versicoloribus, perinde ac pictura coloribus fluxilibus delinita, itaut depictam tabulam representet. Hoc nos Musium vocamus, de quo nos suo loco. *Quale est*, (inquit Philander) *Roma in Diui Petri Basilica propylæo, Nauticula illa laborans à fluctibus, opus Io: Cimboi. Quod ideo longè diuersum est à Lithostroto, quod solum in pavimentis, è maiori, & quadrato lapide vsurpatur. In quo sanè hallucinatur Philander, hæc simul confundens. Sed vide quæ dicemus in V. Lithostrotos, & in V. Quadrataria.*

54

HYBERNACVLA, vti & *Hyberna* absolutè dicta sunt olim, & etiam nūm, apud Scriptores rei militaris, retenta denominatione, appellantur loca publica, & ædificia recipiendis hyberno tempore ad Stationem, militibus destinata; de quibus sæpè Cæsar mentionem
fa-

facit, & Liuius eorum originem in Militia Romana, tradit lib. 5. ab Urbe condita, inquit *Hybernacula etiam res nona, militi Romano adificari capta, & infra quarelam illam refert Tribunorum plebis, nempe, Militem Romanum in opere ac labore, niuib, pruiniſque ob- rutum, ſub pellibus durare, ne hyemis quidem ſpatio, quæ omnium bel- lorum, terra, marique ſit quies, arma deponentem.* Ex quo factum, eſt, vt poſtea Aeſtiua, & Hyberna, dum actu non pugnatur, militi- bus ad quietem deputarentur. Hinc Vitruuius ex ſimilitudine ope- ris, hoc vocabulo uſus eſt in Ciuili Architectura lib. 6. cap. 3. ad ſi- gnificandas interiores partes, & cubicula domorum, in quæ hyber- no tempore, inhabitantes ſe recipiant ad rigorem frigoris declinan- dum, aut aliquatenus mitigandum; docens qua arte, quo ſitu, & aſpectu conſtruenda ſint; & concludit: *Hæc Hybernaculis maximas præſtant utilitates.*

HYDRA ſidus in Cælo ad Australem plagam, ſub Aſteriſmo Leo- nis, propè Centaurum, & Nauem, conſtans Stellis 25. ſecundum Ptolemæum; at Bayero ſunt 29. computatis etiam ſeptem, circa, ſpo- radibus: quæ omnes ſunt de natura Veneris, & Saturni, proindeque prauus nexus, corruptionis humorum auctrices, ac venenofæ. Vnde ſi cum Anæreæ fuerint (aiunt Aſtologi,) æximè quæ in corde eſt, Primæ magnitudinis, dicta ab Arabibus *Alpharad*, veneni potio- nem portendunt, vel certè putridas febres. Anplectitur in longitu- dine totum ſidus, bonam partem Leonis, Virginis, & Libræ. Vo- catur etiam ab aliquibus *Excetra*, ab Hydra Lernæa, quòd exſecto illi vno capite, tria de nouo exurgerent. Alij appellant *Hydram*, reuerà tamen Hydrus eſt aliud ſidus, ex his quæ tranſactò ſæculo, de- detecta ſunt ad Polum Antarcticum, & reliquis 48. imaginibus addita, vt mox dicemus in V. *Hydus.*

HYDROGRAPHIA eſt facultas, quæ in aquarum, marisque deſcriptione, ac diſenſione verſatur, quemadmodum Geographia telluris, & continentis. Verum, vt benè notat Scottus in *Curſu Mathem.* ſicut hæc latius ſe extendit, quam nominis etymon præſe- fert; amplectiturque totius globi Terræque conſiderationem, prout aquarum cum ſtabili terra continuatio, venit in rationem vnus con- tinuæ quantitatis; ita Hydrographia non ſolum in pura Maris con- ſideratione ſiſtit, eius ambitum, partes, ſitus ſub Cæli poſitu, pro- funditatem, fluxus, & reſluxus, reciprocationem, aliaque, quæ aquarum naturam concernunt, contemplant; verum etiam agit de eius tranſitione; tranſiens ad Nauigatoriã; adeoque ex occaſione de

de eius recta institutione pertractat, de Nauium diuersa structura, remigio, velificatione, ac directione ad rationem ventorum, qui exsufflant. Quæ, vt probe habeatur, indiget adminiculis Astronomiæ ad noticiam longitudinum locorum, ad quæ nauigatio tendit, & per quæ transmeatur; Architectonicæ in structura Nauium; Staticæ in ijs supra aquam librandis; aliorumque Mathematicarum Scientiarum. Quæ de re vtilia præcepta in praxi, tradunt Simon Stevinus, Adrianus Metius, Petrus Medina, & alij. Porro Tabulas Hydrographicas exactissimas dedit Io: Ianssonius Typographus Amstelodamensis, in ea Atlantis parte, cui titulum inscripsit *Orbis Maritimus*, Similiter

57 **HYDROTHOLOGIA** membrum Hydrographiæ est, & ars Staticæ subalterna, quæ singulariter agit de liquidorum libratione, præsertim aquæ in canales receptæ, per quos prætersfluens, in varias partes deriuatur. Hanc latine dixeris *Aquilegiæ*: Tradit enim præcepta ex Statica, & Geometria desumpta, quibus docemur, quoniam pacto aqua è suo fonte educi possit, quomodo attolli æquilibrium seruans, vbi opus est, per impulsum, compressionem, luctum, condensationem, rarefactionem &c: Denique, vt verbo concludam, de tota ratione *Thermometriæ*. Quæ de re, curiosa problemata inuenies in *Thaumaturgo Mathematico*. Sub Hydrographia etiam militat

58 **HISTIODROMICA**, quæ, vt author est Scottus supra cit. lib. 13. tradit rationem dirigendi nauem tutò, & quâ concessum à ventis est, recto tramite, sin autem variante, & obliquo, ad destinatum portum: idque ex proba temonis directione, sese ventorum flatibus accommodando, & inspectione Chartæ Nauticæ, ad noscendos latentes Syrtes, & scopulos, eosque sollicitè deuitandos.

59 **HYDRAVLAE**, seu *Hydraulica Machina*, sunt in genere architectonico, opera quæ non hominum manu, aut extrinseco motoris adminiculo, sed ipso aquarum impetu impelluntur, & agitantur ad aliquid peragendum. Sub quibus, simili ratione comprehenduntur quas dicunt *Pneumaticas*: quæ spiritu intercluso, & mox compresso, vel dilatato, adhibentur quotidie ad varios vsus, tum necessarios, tum ludicros; magno cum impensarum compendio, & animi leuamento. De his fusè Vitruuius lib. 10. & nos sparsim in locis, vbi de singulis incidit sermo. Harum primus inuentor, fama est, ac traditur fuisse Ctesibius Mechanicus quidam Alexandrinus; à quo

quo Ctesibij Machina antonomastice denominata est, quæ id habet egregium, ut aquam in imo stagnantem ad altitudinē quantamlibet attollat. Cui postea alia artificia ex aliorum inuentionibus accessere, ut notat idem Vitruu. cap. 12. Vbi postquam præfatæ Machinæ artificium tradidit, hæc reponit. *Nec tamen hæc sola ratio Ctesibij fertur exquisita; sed etiam plures, ac varijs generibus alia, quæ ab eo liquore pressoribus coacto spiritu, efferre à natura mutuatos effectus ostenduntur.* De quarum vi, & admirabili efficacia tractat philosophicè Aristoteles apud Athenæum lib. 4. & practicè Hero Mechanicus in libro, quem de *Spiralibus* indigitauit.

HYDRVS denominatum est ab Astronomis recentioribus, nouum Astrum detectum in Cælo ad plagam Australem, iuxta Polum Antarcticum nobis inconspicuum, atque alijs 48. Imaginibus à Ptolemaeo recensitis, vñ à cum alijs vñdecim ibidem obseruatis, adiectum. Constat Stellis omnino 15. si credamus Bayero: at Keplerus coadunauit in eo 20. præter nubeculam illi contiguam. Quarum illustrior est quæ in oculum incidit, prope extremam fluuij, tertiæ magnitudinis, quæque maxime omnium vicinior Polo, à quo nunc temporis non distat, nisi duobus ferè gradibus. In longitudine, autem totum sidus complectitur signa Capricorni, Aquarij, & Piscium.

60

De natura verò eius, qualitate, & effectibus, quos in terras subiectas influat, nemo ipsorum ausus est quicquam edicere, quoniam incomperta illis erant, & per modicum tempus non licuit (id quod iugi obseruatione, ac repetitis experimentis tenetur). hæc omnia examinare. Verum Petrus Io: Faber scriptor Gallus, & professione Medicus, aut Empyricus, in suo Panchymico lib. 2. cap. 11. absque illius Astronomi auctoritate, de his Spellis audet hæc fidentius pronuntiare. *In terram Australem Antarcticam insidunt virtutes, & proprietates Saturni, & Mercurij.* Ex quo solo supposito, mox subiungit. *Vnde hæc terra fertilis satis est, etsi iacet inculta propter inertiam, & pigritiam habitantium, qui Saturni mores sequuntur, & imitantur. Pigri admodum sunt, & inertes, & otium amant, & nullo pacto sunt laboriosi; sed ad somnum, & quietem procliuēs. Mercurius tamen excitat somnolentiam illam, & ad labores impellit, etsi cum Saturno coniunctus. Saturni sequatur naturam, & essentiam. Nihilominus, cum Saturnus ad labores etiam excitet, & agriculturam colat; Mercurius etiam id operabitur, & Americanos satis laboriosos, & ad agriculturam pronos facit. Quantas, bene Deus, hic insipientias effudit! quot absurda, & contradictiones confarcinat! in quot auias se abducit!*

quid

Yy

pri-

10

Primò inconstans, & varius est in dictis; & dùm sibi de hoc fide-
re & extremis Poli finibus, quibus imminet, propositum est disse-
rere; mox statim exorbitat; atque ad vniuersas, vassissimasque Ame-
ricæ regiones transit; breuemque terræ tractum sub hoc fidere con-
stitutum, cum toto nouo Orbe quaquaersum sub Cælo exspatiente,
confundit. Ait enim: *Provincia & regiones Americæ, quibus domi-*
natur hæc Constellatio, plumbi, argenti, & Mercurij feraces admodum
sunt, & lapidum pretiosorum, adamantum præcipue & topaziarum, &
aurum colorum varietate insignium, florumque & fructuum varietate,
& colorum admirandorum: gustu tamen, & sapore, non insignes
sunt, defectu calidi natiui, qui paucus est in hisce regionibus, quod Sol
multum distet ab illis, nec luceat nisi per medium annum. Ut in Septen-
trione nostro: lucet tamen per Stellas quæ inibi Soles sunt, & virtutem
Solis, & planetarum aliorum hinc deferunt; & sic ubique locorum vir-
tus illa solaris asportatur: alioquin generationes, & producciones rerum
ubique fieri non possent. En quomodo sponte hallucinatur, & in patri-
eis sibimet contradicit. Etenim, si de vniuersis regionibus Americæ
nis sermo est, falsissimum est, modicum ijs calorem inesse, ac So-
lem longè distare, solumque per medium annum in ipsis lucere: cum
sub diuersis Climatibus diuersimodè constituantur, & modo extre-
num frigus, modò calorem intensum sentiant, modò summam
temperiem; & sub Aequatore (qui multas late provincias complecti-
tur) dies noctibus sint æquales, ut in confesso est. Tum si loquitur
de terris sub Circulo Antartico positis, cur postea cum alijs Ameri-
canis confundit, atque adeò eius vbertatem exaltat, mox deprimit
asserens fructus ex defectu caloris natiui, colore quidem pulcherri-
mos, sed sapore satuos, & insulsos? Tandem, si in eius soli consi-
deratione, quod huic sideri subiacet, totus est, non video, cur non
de eo, periude ac de nostro Septentrione, aqua lance discurrat, vbi
sub Polo omnia rigent, & tellus gelu concreta nihil educit, nec Stel-
lis somniata felicitas accepe a referri potest, quando à Stellis sub cir-
culo Arctico constitutis, & numero, & splendore, & magnitudine,
& influendi vi, longè superantur. Sed non hic tantum falsus est Fa-
ber: sæpè in eadem deliramenta recidit, præsertim cum de nouis
Asteris sub Polo Antartico detectis agit, & lectori fidenter im-
ponit, còquod aliorum Scriptorum auctoritate, & experientia re-
uinci non potest: vnde quicquid e cerebro comminiscitur, impruden-
ter effundit, & nos suis locis examinabimus.

61

HYGROMETRV, seu HYGROSCOPIVM (vtrouque enim no-
mine appellari solet, ob diuersos respectus, qui tamen in idem reci-
dunt)

dunt) dictum est instrumentum non ita pridem excogitatum ad expiscandas aëris ambiēntis continuas alterationes; indeque siccitatis vel humiditatis augmentum, ac diminutionem, in singulos dies, & horas dignoscere, non secus ac per Thermometrum, intensionem, & remissionem frigoris vel caloris, (vt suo loco) sed longè clariùs, ac simpliciùs id præstat Hygrometrum. Consistit namque in cylindro, vel tympano, cui adpactus sit ad caput index siue Ostensor, signans pro tempore maiores aut minores gradus humiditatis vel siccitatis circum descriptos. Tum funiculus cannabinus satis longus imbutus, & probè madefactus aqua marina, aut quouis modo artificiosè salata, circumuoluitur eidem, appenso ad caput modico pondere, quod non multum grauitur. Ità aëri libero expositum, si hic fuerit humidior, funis coarctabitur, & secum consequenter cylindrus, cui aduolutus est, & indicem circumuoluet ad certam consistentiam, quæ denotet gradus humiditatis. Si verò aër ad siccitatē tendit, funis distendetur, atque adeò faciet, vt Cylindrus ad aliam partem sese conuertat, ac siccitatis gradus demonstret. Quandoquidem hæc est falsæ naturæ, & conditio, vt humorem in aëre repertum ad se attrahat; & retineat: quò fit; vt quæ semel aqua salsa madefacta fuit, nunquam tantum exsiccentur, vt cælo tantisper pluuio priuam, humiditatem non recuperent. Hæc ex Claudio Milliet De-Cales in Cursu Mathem. to. 2. tract. 16. propos. 23. qui etiam duos alios modos simpliciores, sed non ita tutos ad id venandum exponit.

Id ipsum aliter exhibet Author Diarij Anglici Litteratorum, relatus à Diario Romano anni 1667. Fiat, inquit, Machinula ex duobus asseribus abiegnis, aut populeis, latis vno circiter pede, & altis duobus, benè inter se connexis, totidem tuberculis intrà illos compactis: Tum ex aduersa, quæ later parte, affigatur per transversum lamina ferrea, vel cuprea deurtata, cuius medium respondeat centro circuli; in tali positura, vt per eam rotetur pernus, & cathetus, casu quo asseres, ob nimiam siccitatem contrahantur: inde fiet, vt volutetur pernus, & insimul index eidem inditus, & exterius respondens: qui proinde demonstrabit gradus præsentaneæ siccitatis, aut humiditatis aëris, in limbo descriptos, adeoque incrementum vel decrementum: vbi aduertendum, quod duo illi asseres debent esse benè trabibus affixi, commissi, seu compaginati, (incastratos nos dicemus) in quatuor videlicet angulis machinulæ, vt habeant libertatem discurrendi, possintque aperiri & claudi in medio, iuxta aëris temperamentum. Poterit etiam machinula, ad maiorem venustatem, atque ad celandum artificium, obtegi, & circumuestiri lamina ex aurichalco, aut alia materia speciosa, itaut solus promi-

nens index, & graduum circumscriptorum numerus appareat exterius, eo ritu, quo practicatur in horologijs pensilibus, & rotatis.

- 63 **HYLEGIALIA LOCA** in Cælesti Themate appellantur ab Astronomis ea quæ supra terram sunt, & aliquo ex maioribus aspectibus respiciunt Ascendens, seu Cardinem Orientalem; in quibus constitutum Luminare Conditionariū, aut (si alterutrum ibi non sit) Fortunæ Pars, vel etiam aliquis Planeta beneficus, fortis, & benè affectus, consequitur prærogatiuam Hylegialem, hoc est, sit Hyleg, & habet moderatam vitam, & rerum conseruationem, prout aliàs diximus in V. V. *Hyleg, & Apheta*. Sunt autē hæc, Primò ipse Ascendens, seu gradus horoscopans, computandus intra latitudinem graduum 5, supra terrā, & 25, sub terra, præcipuè si fuerit intrā lineam Crepusculinā. Secundò Culmen, seu Decima Domus, quæ respicit Horoscopum de Quadrato. Tertiò Cardo Occiduus, & Septima Domus, quæ ad illum immittit radium oppositum. Quartò Domus Nona, quæ illum respicit de Trino. Sextò tandem Vndecima, quæ de Sextili. Hi tantum aspectus, utpote validiores, quique de supra terram proijciuntur, in hoc negotio attenduntur, & sunt in consideratione in electione, & prælatione Hylegij, si in prædictis locis repertus fuerit: nam qui de sub terra proijciuntur, nempe à Tertia, Quarta, & Quinta, non æstimantur idonei, licet Morinus, & alij aliter sentiant.

- 64 **HYPATE** græcè sonat *gravis, profundus, imus*. Hinc in Musicis applicatur tono omnium grauiissimo; & in Tetrachordis primæ chordæ primi Tetrachordi denominati *Hypaton*, hoc est grauiissimarum, & principalium conflati ex quatuor chordis, quarum Prima dicitur absolute *Hypate*, & cum adiuncto *Hypate Hypaton*, hoc est grauiissimarum grauiissima. Secunda *Parhypate Hypaton* seu ponè hypate, sequens, & subprincipalis. Tertia *Licanos Hypaton*, seu *Trite*, index, & extensa, vltima principalium. Quarta quæ claudic, & participat de altero Tetrachordo *Hypate meson*, quod est vltima mediarum, quæ constituunt secundum Tetrachordum. Sed de his vide quæ fusiùs dicemus, & exhibebimus in partitione Monochordi.

- 65 **HYPAVGVVS**, teste Valla, dicitur Planeta constitutus sub Solis radijs, hinc inde ad distantiam 17. grad. Quæ quidem Constitutio est maxima debilitas, & deterioratio virtutis; quandoquidem hæc à præ-

à præsentia Solis obtunditur; & absorbetur, itaut quò maior fuerit ad Solem vicinitas, eò maior sit virium eneruatio, ni fortè fuerit in Corde Solis; hoc est, adamussim in eodem gradu Ecliptico; vbi magis intenditur eius virtus, & sit Fortuna. Quod, quâ ratione contingat, diximus in V. *Cazimi*.

HYPERBOLA in Mathematicis, vna est ex Sectionibus Conicis celeberrimis, quæ videlicet fit in Cono per planum, in alterum latus sectionis in eodem cono factæ per axem, atque adeò in eius superficie, hinc aut inde à vertice, ac dispescens conum in duas inæquales partes, cadensque & insilens basi ipsius coni, & sectionis factæ per axem: ita tamen (in quo distinguitur à Parabola) vt sectionis axis, seu diameter prolongata occurrat alteri lateri sectionis per axem, itidem productio vltra verticem: vel sanè, si duo Coni sint oppositi ad verticem (vt in figura, quam dedimus in V. *Conois*) coincidat in illam ipsam diametrum alterius Coni.



Potest etiam Hyperbola concipi præcisè à Cono (vti & reliquæ sectiones) intelligendo lineam curuam similem ei, quam efformat in extima superficie secti coni, Sectio Hyperbolica, in vtroque scissionis segmento, itaut eadem prorsus forma & curuitas inueniatur in linea, quæ est in superficie coni dissecti, aut in auulso frusto: in qua proinde eadem passiones, & proprietates considerantur.

Porro hæc Sectio, de qua modò sermo, præ cæteris est mirabilior, & insignes usus habet, tum in demonstrationibus Mathematicis, tum potissimum in operationibus Opticis, & Catoptricis, ad colligendas species visuales obiectorum, radiosque lucis directos, atque reflexos, quæ diuersos & varios effectus producant, pro varietate & diuersitate sectionis Conicæ, ab ijs quos aliàs in integro cono haberent, prout liberè obiecta, suas species in modum coni latè patentis per gyrum traicerent. Id autem singulare habet Hyperbola, vt sicut in Parabola quadrata, quæ sunt ab ordinatis ad axem, æquantur, & ad amussim respondent rectangulis formatis ex segmentis axis intercepti inter ordinatam, & verticem, ex vna parte, seu latere; & media proportionali, quæ resultat ex dicto segmento, & ordinata, pro altero latere: quæ proinde assumitur pro certa regula, & mensura generali vtriusque, & ideo vocatur Parameter, seu latus rectum, vt fusè explicabimus suo loco; ita in Hyperbola idem fit, sed cum certo quodam excessu in rectangulo, adhuc æquiparetur quadratis applicatarum; qui excessus sit in eadem positione, & abeat in rectangulum omninò simile ei, quod aliàs formaretur à segmento axis interposito, & Parametro, vt infra clarius explicabimus.

Et

Et idcirco inditum est huic Sectioni nomen *Hyperboles*, quod græce sonat superexcessum, accepta notione à cacumine montium, quod supereminet & excedit subiectam reliqui montis vastitatem, & agrorum planitiem. Quò factum est, vt omnes huiusmodi excessus in quacumque re considerati, Hyperbolæ generaliter appellentur. Sic in Arte Rhetorica, vt obseruat Tullius in Topicis, Figura illa loquutionis, quæ rem de qua agitur, suprà modum fidemque hominum eleuat & amplificat, Hyperbola dicitur. Sic etiam in Geometricis coordinatio illa partium, quæ excedit in ratione proportionis iustam mensuram, & nihilominus seruat in ipso excessu ordinem, & symmetriam, Hyperbolam fundat.

68 Vt autem excessus eiusmodi, oculis etiam excipiatur, & qualis, quantusque esse debeat in rectangulis, vt quadratis applicatarum, æquiparentur; dabimus sequentes figuras Hyperboles; alteram, in Cono, alteram ab eo precisè considerandam. Vbi linea B. D. est diameter prolongata vltra verticem sectionis, quæ dicitur Diameter transuersa. B. H. in eodem contactu verticis, Parameter, seu latus rectum, quod est parallelum applicatis. Nunc natura hyperboles facit, vt rectangulum H. K. quod alias resuleret ex Parametro B. H. & segmento axis B. K., adhuc vt æquetur, & impleat spatium Quadrati I. B. petit, & sibi arrogat adhuc aliud rectangulum minus O. N. simile tamen, & in eodem positu rectanguli K. H. Et pari modo procedendum in quadrato G. F. ergà rectangulum G. H. Verum hoc clariùs ostendetur in V. Parameter, cuius est excessum hunc definire.



HYPERTHYRV ; quid ex græcæ notationis etymo indicet, factis constat: Etenim *Tbyron* græcè ostium significat: *Hyper* autem generaliter summum, seu supra: quemadmodum *Hypo* deiorat Imum, & subtus positum, & *Hypothyrum* Imum Ostij, vt mox videbimus. Igitur *Hyperthyrum*, si nominis etymon consideremus, nil aliud signat, quam *Supra-Ostium*, vel *supraportam*. At quid hoc in re sit, & quid per hoc vocabulum intellexerit *Vitruv.* in architectatione Ostij, obscurum valde est. Ait enim lib. 4. cap. 6. *Suprà Cymatium, quod erit in supercilio, collocandum est Hyperthyrum, crassitudine supercilij, & in eo scalpendum est cymatium Doricum, astragalum Lesbium simâ scalpura.* Id quod in angustijs posuit Interpretes, qui propterea in auiâ, & dissitas sententias abiere. *Philander* auctoritate *Plinij* (cuius locum mendosè citat) *Superliniuario* vertit; Sed *Baldus* refractè, extrasse hic ait alioqui doctissimum vitum, deceptum praua intelligentia vocis græcanicæ; & veriùs superportale dicere debuisse, vt ex contextu elicitur. Nam intelligit absolute *Vitruuius*, quod immediate supra antepagmentorum supercilia collocatur, infra Coronam: illum inquam continuum lapidem, qui vtrinque supra antepagmentorum supercilia capitulorum vicem subeuntia, illumque sustinentia, collocatur; ita ut aliquatenus *Zophori* speciem referat, ceterâ nudus, exporrectus, & imminens; vt in assiguratione clarissima, quam exhibet *Caporalis*, videre est; nosque non immerito *Architrabem* Ostij diceremus. Verum non aliud in re intellexisse credendus est *Philander* sub nomine *superliminaris*; quando *Limen* apud receptos Scriptores Latinos, non solum inferiorem ostij partem significat, quam cum ingredimur, pedibus calcamus, sed etiam aliquando superiorem; *Næuius*, & *Plauto* auctoribus. Quare vti *Hypothyrum* inferiorem ostij lapidem denotat antis interiectum; ita *Hyperthyrum* superiorem, qui antepagmentis imponitur, & architrabis vicem gerit, eadem nectens, sicque ostium claudens.

HYPETRAE, vel rectius **HYPÆTHRAE**, quasi sub *Aethra*, appellantur à *Vitruvio*, pluribus in locis, præsertim lib. 5. cap. 11. subdiales ambalationes, & loca, vtcumque aperto cælo, patentia, in quibus liber aër excipitur; & animus molestis curis, studijsue oppressus, auræ lenis captatione, & iucundarum rerum aspectu releuatur. Et hæc quidem intelliguntur, siue in plana arêa iuxta ædes, vti erant in Palæstris ad exercitium athletarum, (vti coarctat eas *Vitruv.* citato loco;) siue ædibus superstratæ, quas nos *Solaria* appellamus: vtrique enim aperta loca idem commodum habent, & exspatiandant

dant liberam facultatem. Has latinè Xysta vocat Vitruu. quas ster-
ni præcipit in Palæstris. *Proximè*, inquit, *Xyllum*, & duplicem por-
ticum, designentur *Hypathrae* ambulationes, quas Græci Peridromidas,
nostri Xylta appellant; in quas per hyemem ex Xysto, sereno Cælo, Athlo-
ta prodeuntes exercentur. Cæterum non præmittendas consulit in-
alijs, siue publicis, siue priuatis ædibus, vbi commodè fieri possunt.
Nam duas (prædixerat cap. 9.) res egregias *Hypathrae* ambulationes
præstant: unam in pace, salubritatis; alteram in bello, salutis: quoniam
in eas erat ab hoste confugium, & recessus. Quod idè has sæpè
videmus in amplioribus ædificijs, sapissimè autem circà Sacras
ædes, & in summo fastigio constitutas; vt populus ad illas con-
fluens, iucundè detineri, & confabulari possit: quas etiam, religionis
ergò, olim ante Deorum Fana, vestibuli loco apponi consueuisse, re-
fert in Patemijs Zenodorus.

71 HYPOCAUSTVM in sensu rigoroso, & communi acceptione,
fornaculam subterraneam denotat, in quam ignis, iniectus lignis
succenditur ad aliquem vsum: vnde hoc modo intellexisse videtur
Vitruu. lib. 5. cap. 10. cùm de balneis agens dicit: *Avena* suprà hy-
pocaustum, tria sunt componenda, vnum Caldarium, alterum *Te-
pidarium*, tertium *Frigidarium*: vt nimirum vnum super aliud sit,
& ordinatim disposita, vt ex hypocausto singula sibi proprium, &
attemperatum calorem accipiant. Vei videre licet in specimine,
quod probè delineatum exponit Caporalis. Nihilominus iam apud
Architectos, pluresque alios probatè notæ Scriptores inualuit, vt
pro Hypocausto, Vaporarium intelligerent: hoc est, loco scû structu-
ra artificiosè concamerata, & commodè ampla, quæ ab igne sub-
tùs imposito habeat, vt moderatum calorem in se excipiens, illum
vicissim alijs cubiculis ponè positus, per quosdam canales transmit-
tat, ac valdè remissum penèque insensibilem amandet. Vei passim
prædicatur in Germania, alijsque locis Septentrionalibus, vbi
hyems intolerando frigore sæuit: vnde ei hypocaustis huiusmodi in
loco idoneo ædium collocatis, occurritur, quæ *Stuffas* vulgò nomi-
nant. In Balneis verò locus erat aliquantò arctior, vndique conclu-
sus, ac desuper testudinatus ad excipiendum, ac diutius retinendum
calorem de subtùs immissum; ad effectum, sudorem eliciendi in his
qui intùs consisterent. Quod idè appositè *Vaporarium* vocat Ci-
cero, ab calidis vaporibus immissis, inibique conclusis: & Papinius
lib. 1. Syluar. de Balneo Etrusci loquens, & locum, & effectum per-
bellè exprimit, dicens:

..... Vbi languidus ignis inerrat

Aedibus, & tenuem voluunt hypocauſta vaporem

Sed elegantiffimè illud deſcribit Plin. Iunior, lib. 3. epiſt. ad Galium, vbi & partes explicat, & vſum tradit, inquit. *Applicium eſt cubiculo hypocauſtum perexiguum, quod anguſta fenestra ſuppoſuit calorem, vt ratio exigit, aut effundit, aut retinet.*

HYPOMOCHLIVM appellat Ariſtoteles in Mechani. quæſt. 3. & ſam communiter omnes Mathematici, fulcrum, quod ſupponitur veſti ad leuanda onera. De vſu ratione fuſè agit Vitruu. lib. 10. cap. 8. omnia ex Philoſopho mutuatur: vbi illud adnotat generaliter, & concludit. Tantò plus ponderis, atque agiliùs leuare potentiam; quanto ab hypomochlio erit diſtanti. Eadem ratione, & ad eundem vſum, hypomochlium dicitur in ſtatera, & Libræ axiculus cui iugum innititur horizontalem lineam repræſentans. Verùm de hoc aliàs. Fulcrum iſtud in operatione veſtis *Sotolena* à Noſtris vocicatur, quemadmodum ipſa operatio *Lena*.

72

HYPOTHENUSA, ſpeciali nomine venit apud Geometras, latus, ſeu linea ſubtendens angulum rectum in Triangoliſcè angulis, ſiue Iſoſcelijs, ſiue Scalenis. Quamquam enim in omnibus Triangulis generaliter, latus oppoſitum angulo verticali, appelletur communi nomine, Baſis, reliqua verò duo latera quæ in dictum angulum abeunt, Crura; attamen, vbi vnus angulus rectus eſt, baſis illius Trianguli, quæ opponitur angulo recto, vt ab alijs contraſignetur, Hypotheuſæ nomine denominata eſt; eoquod ſpeciales prærogatiuas ſuprà omnes alias baſes triangulorum habet, ad reliquorum laterum, & angulorum adiacentium quantitatem feliciter auſpiciendam: ſemper enim habet excedere magnitudine reliqua latera, ſiue æqualia ſint, ſiue inæqualia, ac determinare angulos adiacentes, qui in triangulo æquiſcrurio ſemper pares, & acuti neceſſariò ſunt, in Scalenis verò ſemper impares, & alter altero acutior; vt videre eſt in figuris triangulorum ſuprà ſæpius expoſitis, ac præcipuè in V. A.

73

HYPOTHYRVM aliquando accipitur pro hianſe Oſtiorum inanitæ, quæ lumen deſoris traductum excipitur. Sic Vitruu. lib. 4. cap. 6. eius ſpatium determinas ad rationem ædis, & luminis intro-mittendi. *Lumen autem hypothyrî, inquit, conſtituatur ſic, vti quæ altitudo ædis à pavimento ad lacunaria fuerit, diuidatur in partes tres ſemis, & ex eis dua partes lumini valuarum altitudine conſtituantur.* Cæterum, vt benè notat Philander, Hypothyrum ex ſe ap-

74

pellat lapidem transversum, seu limen inferius ostij, quod pedibus intrando, primò occurrit calcandus. Et sanè concordat optimè etymo nominis, nam perinde sonat, ac latine subportam, seu supportalem lapidem, qui portam inferius terminat, vt supra in *Hyperthyro* cecigimus.

75

HYPOTRACHELIVM in Opere architectonico appellatur ea columnæ pars, quæ sub astragalo leniter inflectit, & coarctatur: ab græca notione, quæ immum colli significat, ab humano collo ad columnas translata. Quod ideo *Collarinum* nostri hanc partem nuncupant. *Apothesim* vocant alij. Quamquam Vitruvius indifferenter Hypotrachelia, in summo & imo scapo columnæ, conflexus nominet, qui sub annulis fiunt, Apothesis autem solo summo scapo tribuitur, vt in loco diximus. Ad hæc, Hypotrachelia etiam sunt in capitulis columnarum ordinis Dorici, & Tuscanici, non item in alijs, & collocantur in ea parte, quæ inter Echinum, & astragalum mediat: representant enim vas, seu lancem, amplo orificio hiantem, pede intus contracto, cuius quasi operculum est abacus. Hac partem in Capitulis Doricis, alij puram, & planam relinquunt, alij rosas, & achanti folijs scalpunt. In Tuscanicis verò semper est simplex.





IA



IACTATORIA dicebantur apud medix ætatis Scrip-
tores Machinæ bellicæ, quæ plura tela simul &
lapides emittebant, siue ex fuerint in certa specie,
siue genericè hoc nomine, omnia Lithobola com-
prehenderentur. De qua re vide Du-Cange.

IANVA, *Ostium, Porta*, sunt ferè synonyma, & **2**
sæpè à Scriptoribus, etiam primæ notæ confunduntur: ab Architectis
verò, & æquis rerum verborumque æstimatoribus, non sic; sed mul-
tum discriminis in ijs agnoscuntur. Nam Ianua propriè dicitur de
primo ædis aditu, per quem è communi via, in illam intramus, à Ia-
no, vt aliqui volunt, nomine deriuato, siue quòd ei primùm Sacra-
fuerit, siue à duplici aspectu, quo æquè interiora, & exteriora pro-
spectat. *Ostium* est interiorum, partium domus, per quod, ex au-
la in cubicula, è cubiculis in abditiora fit transitus. *Porta* autem
aliquid grandius sonat, & competit solis Urbibus, Arcibus, Ca-
stris, alijsque locis publicis mœnibus circumcinctis, aut vallo, &
fossa munitis, per quam datur accessus accolis & amicis, & hosti-
bus prohibetur. Ex quo habes, in opere architectonico longè diuer-
sas esse huiusmodi aditus aperiendi, locandi, & construendi rationes.
Et quidem, quod ad Ianuam attinet (nam de alijs suo loco) eam
debet ampliorem, & ornatiorem poni, in parte ædificij satis com-
moda, & conspicua, quàm ostia, quæ intus sunt: quæque respon-
deat dignitati, magnificentix, aut pusillitati habitationis, cuius ipsa
debet esse speciem, & argumentum (id quod in Portis Ciuitatum
vel maxime attendendum est,) ne in amplissimis ædificijs, & oppi-
dis, ianux & portæ humiles; neue in modicis & pusillis, amplio-
res, & magnificentiores ponantur: alioquin iustè caderet in habi-
tatores, & Ciues, scomma illud, quod Myndijs obiecit Cynicus,
qui

qui in pusilla vrbe amplissimas, & magnificentissimas portas extruxere: *O Myndij, portas claudite, ne per illas vrbs vestra exeat.* Debent ergo Portarum, & Ianuarum structuræ loco proportionari, uti admonuit Vitruu. lib. 6. cap. 10. aliàs de magnificis ædibus loquens, vt habeant *Ianuas proprias cum dignitate.* Hinc Leo Albertus ex veterum institutis obseruat lib. 1. cap. 12. *Vt pro ædificij amplitudine, & figura, vti cumque illa quidem sint, accommodentur, vti que altiores omniò sint, quam lata, & ex his que altiores sint, duos hæc capiant continuos circulos; qua verò humiliores, altitudinem habeant diametri eius quadrati, cuius sit latus ima ianua, & ostij ipsius latitudo.* Quoad ornamenta; ea, (quoniam Ianua in primo ædis prospectu est, ac de toto opere indicat) plurimùm ei conferunt æstimationis, ac dignitatis; atque adeo, vbi commodè, & cum dignitate addi possunt non vti que prætermittenda. Hinc affectorum genera sunt, Antepagmenta, Antæ, Hyperthyrum, seu lapis superliminaris, qui anticis innititur, & Ianuam desuper terminat, Supercilium, Ancones, seu Prothyrides hinc inde ab ima propendentes, Corona secundum antepagmenta, ad libramentum imi supercillij, & alia secundum quod ratio ædificij exigit, de quibus singulis fusc tradit Vitruu. lib. 4. cap. 6. Denique quoad formam, & aperturam Ianuarum, notat Philander quod antiqui nusquam nisi quadrangulas fecerunt, sicuti nec fenestras. Econtrà portas urbium fuisse arcuatas: At Priuarum ædium subdit, arcuatum ostium, aut etiam Sacrarum ianuam nunquam reperias. Plura de Ianuæ conformatione, & symmetrijs, vide apud Albertum loc. cit. & lib. 6. cap. 12. ac Serlium in sua Architectura, vbi in fine, multa Ianuarum, & ostiorum specimina, secundum diuerforum ordinum rationes, & pro qualitate ædificiorum, oculis exhibet contemplanda.

IAPIX ventus, vide *Caurus.*

IC

- 3 ICNOGRAPHIAM rectè definit Vitruu. lib. 1. cap. 2. quod sit *Circini, Regulaque modicè continens usus, ex qua capiuntur formarum in solis arearum descriptiones.* Sed enim obscure nimis, & quæ Oedipò indigent ad plenam verborum intelligentiam, & explicationem. Satis se explicat ipsum nomen ex græca notione, quod *vestigium* sonat, hoc est, impressam in plano, ceu vestigium hominis, futuri operis delineationem. Qua de re vide quæ fusc dicemus in V. *Vestigium.*

ICOSAEDRYM Vide *Corpora Regularia.*

IM-

IMBOLVS, vt placet Isidoro, ab ambulando dictus, seu potius 4
à græca notione *Embolos* quæ itiones denotat. Sic enim Græci Byzantini, vt notat Du-Cange in Glossario, *appellabant vniuersum porticus, quæ in vrbe sparsim erant*. Sed vide quæ ad hanc rem diximus in V. *Embolus*.

IMBRICATVM OPVS in re ædificatoria dicitur quidam erigen- 5
di parietes modus, quo lapides & cæmenta connectuntur, & ordinantur imbricum more, & textura, quibus tecta tuemur, & conuestimus. Hoc valdè commendat Vitruu. lib. 2. cap. 8. & Reticulato, aliàs apud vulgus magis plausibili, anteponit. *Incerta, inquit, cæmenta alia super alia sedentia, inter seque imbricata, non speciosam sed firmiorem, quam reticulatam præbent structuram*. Quid verò Imbrices sint, quidue Imbricata cæmenta, etsi alioqui ex Vitruuij contextu satis innotescit, attamen enucleatiùs exponit Philander, his verbis: *Imbricata, idest vt vnum duorum camentorum angulis, atque adeo camentis ipsis inuehat, sede atque imbricum regularum modo*. Nos Itali incaualcatos dicimus, vt Imbrices denominationem desumunt ab imbre, eoquod acceptum imbrem, aliò deriuent in tectis.

IMMISSARIVM in Aquæductis cum *Emissario* confundit Vitruu. 6
lib. 8. cap. 3. Certè *Receptarium*, vnde postea erogetur aqua, interpretatur Philander. At, ni fallor, vterque toto cælo aberrat, cum ipsum vocis etymon satis indicet, locum non quietis, esse sed motus, atque adeò ductum, ac transmissionem aquæ de vno in alium locum signare: econtrà *Emissarium* denotat consistentiam, & locum vbi aqua recipitur, ad alia postmodum, aperto ostio, immittenda. Consonat Albertus de re ædificatorià lib. 10. cap. 7. vbi dicit. *Emissarium appello destinatum vsui locum, quò velis aquam peruenire, vt inde aut libera, aut ad certos vsus emittatur*. Sed & longè enormiùs fallitur Baldus, qui postquam rem diù exagitaui, tandem concludit. *Igitur Emissaria plura, Erogatorium vnum*. Fallitur, inquam, nam (quidquid sit de Erogatorio, de quo suo loco inquisuimus) dicere veriùs debuisset, *Emissarium vnum, Immissaria plura*: idque ex ipsius Vitruuij contextu; atque, vt suprà tetigi, ex vtriusque nominis etymo: quippe *Emissarium* ab emittendo, *Immissarium* ab immit- tendo promanat. Atqui emittere, locum indicat, vnde aliquid, vt hic aqua, deducitur; immittere quò deriuatur, & transmeat. Quocirca *Emissarium* potius vnum est, idemque fere cum Erogatorio, *Immissarium* multiplex, pro multiplicitate locorum, ad quæ aquam

volumus derivare. Est igitur Immissarium in Aquzductis veluti pons, & canalis, per quem aqua traiecitur, & ex emissario, seu Ero-gatorio, in Castella, vel alia loca, prout res postulat, & aquz copia, aut penuria patitur, comportatur. Consonat generale participium *Immissum*, aliquando signanter denotans, quod è nostro procedens in alieno recumbit: vt pontes, tigna, & trabes; quz à nostris ripis, aut ædibus, in aduersas immittuntur.

7 IMPAGES, Vitruvio auctore, sunt lignea ornamenta, seu regulae, quz valuis, cum ad fortitudinem tum ad ornatum apponi solent, & medium tympanum complectuntur in quadrum, seu ad angulos rectos vt plurimum ductæ: à pangendo dictæ, vt vult Festus, eo-quod à Fabris per directum tabulis adpangantur, & figuntur, quò firmitus cohæreant, & consistent. De earum collocacione distribu-tione, ac latitudine, hæc præcepta tradit lib. 4. cap. 6. *Inter duos scapos, tympana ex duodecim partibus habeant ternas partes* (quz vide-licet impagibus concluduntur) tum, *Impagibus distributiones ita fient, uti diuisis altitudinibus in partes quinque, duæ superiori, tres infe-riori designantur. Super medium medij impages collocentur, ex reliquis alij in summo, alij in imo compingantur. Latitudo impagis fiat tympani tertia parte.* De cætero hæ planz omninò esse debent, etsi cymatia intrinsecus, & extrinsecus alioqui admittant: vnde *Planettos nostri Architec-ti eas nominant. Fabri autem lignarij sprangas, & spondas, quasi medij tympani crepidines.*

8 IMPERANTIA SIGNA ab Astronomis appellantur quz, cum ha-beant eandem ab Aquatore declinationem, discordant tamen ab il-lis quoad regionem: nam hæc citrà æquatorem sunt, ad Septentrio-nem vergentia, illa vltra declinant ad Austrum. Quæ, quoniam superiora sunt, illa (saltem quoad nos) humiliora; idcò non ab re, Imperantia dicta sunt, ista *Obedientia*, eadem ferè analogia, qua, seruus Domino, & nox diei subternitur, atque paret. Cæterum, veraque paris adiuuatis sunt, & æquales describunt parallelos, nisi quod in nostris regionibus, arcus diurnus æquiparatur nocturno de-scripto à signis australibus, & quantum ille tribuit lucis & est suprà terram, tantundeni iste absconditur, & est sub tenebris noctis infra terram; & econtrà. Sunt autem Imperantia Signa Borealia à sectio-ne verna, per tropicum Cancrì procedentia, ad vsque finem Virginis: Obedientia autem, ab initio Libræ vsque ad finem Piscium. Atque adeo Aries imperat Piscibus, hoc est, primus gradus Arietis respon-det vltimo gradui Piscium; secundus vice-simo-nono huius: & sic de
sup.

ſingulis, Taurus imperat Aquario; Gemini Capricorno; Cancer Sagittario; Leo Scorpioni; Virgo Libræ: eoquod hinc inde æqualiter diſtant ab Aequatore, pareſque parallelos deſcribunt. Quæ verò ſunt in eodem parallelo, & eandem habent & numero, & regione, declinationem, vocantur *Intuentia*, de quibus mox infra.

IMPLEOLA, nouo, ſed ſatis accommodatitio, & expreſſiuo 9 I
vocabulo, inſignitur ab Alberto lib. 6. cap. 8. ſoſſula, ſeu ſcrobiculus in medio columnæ ſummo ſcapo, ſeu aliorum magnorum ſaxorum, ponderumue, ad perpendicularum centri grauitatis, cauatus; in quem inditur attrahorior cuneus, per quem ea in altum ſubleuantur: Sic enim appello (ſubdit) *umbiliculos prominentes, quaſi anſas, quibus funium illaqueamenta detinerentur ne ſubexſuerent, qua ſic ſiant: incauatur formula in lapide ad crumena ſimilitudinem, pro lapidis vaſtitate palmo, ore artiore, fundo introrsus latiore*. Sed quam id arte fiat, & quonam pacto ſola cunei natura apta ſit ad id cum agilitate præſtandum, expreſſius, & penè ad viuum tradit Philander in Notis ad Vitruu. lib. 10. cap. 2. *Excavatur, ait, in medio lapidis, quantum pro vaſtitate ſatis eſt, ſed ita vt forma exciſa oſtium anguſtum ſit, fundum latius: In latera induntur cuneoli ferrei duo, qua parte latiores ſunt quibus illa compleantur: quod autem inter vtrumque vacui ſupereſt, tertio graciliore impletur*. Deinde armillata cuneorum capita, anſa ad C inuerſi ſimilitudinem, & ipſa armillata præbentur. Per armillas traiecitur axiculus, & ſubſcudicula ferrea, ſine clauiculo obſignatur ne eſſuat. Rehami verò anſa præbentur, aut ſi trochlea vncum non habet, alligatur funis ductorior, & ergata ſubleuatur onus. Hucusque Philander, qui exhibet etiam cuneolorum formam, nexus, atque attractus.

IMPLVIVM frequens in ore Architectonum, & materiariorum 10
vocabulum; quo ſignificatur locus in ædibus relictus in imo ſolo ſub dio, & ſine tecto, in quem imber latè in tectum vniuerſæ domus ingruens, in decliue cadens impluat; ſicque reliquas partes ædificij relinquat immunes, & inoffenſas: ab effectu, & à pluuiâ hoc illi nomen adhæſit: vnde Varro: *Impluium dicitur quando aqua deorſum impluit; quando verò ſurſum, Compluium*. Porro, etſi huiusmodi loca, & apertiones ad aquam colligendam & extrâ ſtructuræ ambitum mittendam ſint facta; non hunc ſolum tamen effectum habent, neque priuariò ad hunc finem in diſpoſitione operis patentia relinquuntur, ſed potiffimè excogitata ſunt ad lumen ædibus impertiendum, vbi illæ aliàs nimis confertæ ſunt, & aliunde illud recipere nequeunt: quod ideo penſatè, & magno cum iudicio archite-

ctari

etari debent, ut simul & venustatem, & symmetriam seruent ad exte-
nam speciem; & in facto, defectus suppleant, & importent commo-
dum, tum ad pluuiam deriuandam, tum ad lumen celi commodè
excipiendum, ac remittendum. Qua de re fusè tractat Vitruu. lib. 6.
cap. 4. & alibi sæpe.

IN

II INCILE, Vlpiano iudice, vbi agit de Aquæductis l. 1. ff. de Ri-
uis, est Primum aquæ caput, & scatebra in loco ponè fontem, aut
fluium, vbi sit apertura ad eam corriuandam: sic dictum, quod
ibi lapis, aut ripæ margo inciditur ad dandum ei liberum transitum.
Quare tria sunt loca, quæ potissimum consideranda veniunt à perito
Architecto, in Aquæductum constitutione: Incile, Erogatorium,
seu Emissarium, & Castellum, vbi aqua recipitur. Et quidem quod
ad Incile spectat, multum laboris, & industriæ insumendum in,
perquisitione loci idonei, vbi facienda sit incisio, ne cassâ euadat
opera, & aqua nequiquam deriuetur: quod idè priùs per instrumen-
ta tentari debet, & ad libellam probari superficies vadi excavandi, ut
respondeat ad lineam horizontalem, vtrum altior, an depressior sit,
& quantum obliquitatis intercedat. *Ars est paulò secretior*, (inquit
Leo Albertus lib. 10. cap. 7.) *Fit quidem intuitu, & spectatione, nam
ea nos puncta nuncupamus.* Hinc rem ità definit. Si erit illic plani-
ties expedita, qua ducenda est aqua; erit intuitus dirigendi ratio du-
plex: nam aut modicis interuallis, aut longioribus terminis, certa-
quædam signa, & limites ponentur, puncta extremi interualli, quod
magis erunt inter se finitima, eò à flexo terræ ambitu directio intui-
tus minùs abscedet: quod autem erunt interualla ipsa productiora,
eò terræ ambitus, solumque ab recta Libræ linea esse procluius in-
uenietur; in his obseruabitur, ut in quosque mille passus digitos vs-
que declines decem: sin autem non erit planities expedita; sed inter
exabit tumulus; tunc in his quoque duplex est ratio, una ut altitu-
dinem, hinc ab Incili, hinc verò contrà, ab emissario edifcas. Tandem
post multa, quomodo id ad praxin reducendum sit, non minùs do-
ctè, quam dilucidè tradit. Summo in montis cacumine (subdit) unde
hinc incile, hinc emissarium sese visendum præstat, complanato in solo
fighabis circulum pedes latum decem: is circulus horizon nuncupatur: in
circuli centro figas hastile, ut stet ad perpendicularium. His peractis di-
rector artifex extrinsecus ambibit circulum, queritans, quod loci linea in-
tuitus ad alterum aquæ ducendæ terminum intente, terminum ipsum per-
tat, & ima centricum illum infixum hastile contingant. Loco igitur
isthoc in horizonte circuli certo, & noto, artifex ipsam hanc signabit
lineam directionis, utrinque hinc atque hinc, perscriptum circuli ambitum
secan-

secantem. Erit hac nimirum linea; cycli ipsius diameter, quando per centrum directā, utrinque coronam secat circuli. Eadem ipsa hac linea, si aq̃e contrariō ab intuitu in longum, & directum producta; hinc incile, hinc emissarium petierit, rectos ea ductione prestabit aquæ ducendæ cursus: sin autem non petierit, sed alia qua incile speſſet, alia qua emissarium speſſet diameter, diuersam petierunt directionem; tunc ex mutua linearum istarum interfectione; ipsum ad centricum stabile facta, patebit quæ differunt illa quidem directiones inter se. Et hæc tutissima est & nunquam fallax via dirigendæ aquæ ex incili ad emissarium, atque inde, ad quemuis alium locum eam velis inflectere, ac deriuare. Quod quidem paulò fusiùs, quam nosti instituti ratio permittebat, explicare aggressus, sum ipsissimis verbis præfati auctoris; sed operæpretium erat, in re tanti momenti, voces nedum expendere, sed etiam, quid verè per tales voces veniat, explanare.

INCONIUNCTA SIGNA in Astronomicis appellantur quæ nulla configuratione, ac familiaritate adinuicem copulantur: hoc est, nullo aspectu siue benigno, vt Trino, ac Sextili; siue hostili, vt Quadrato, & Opposito, se respiciunt; sed prorsus inconnexa & disparata sunt, adeoque sidera in ipsis constituta solitaria sunt, & cum alijs non communicant, ab ijsque eorum virtus intenditur, aut labefactatur. Talia sunt omnia signa contigua, quæ non sint Antiscia Intuentia; vel Contrantiscia Imperantia, & Obedientia; & consequenter etiam signa opposita sibi contiguis. Rationem reddit Ptolemæus, lib. 1. cap. 14. *Nam qua secunda sunt, inquit, à sese, & duo signa continua coniuncta, unum efficiunt angulum; illa verò qua vel secunda, vel sexta numerantur, totum Orbem in partes inæquales secant; cum alie figura eum in partes æquales diuidant.* Ex quibus liquet, eos qui aspectum Semisextilem admittunt ad distantiam 30. graduum, omninò decipi; cum Ptolemæus hic talem distantiam nullius efficientiæ censcat; proindeque duo signa sibi solum contigua, vocet inconiuncta. Igitur signa fixa, hac ratione, habent inconiuncta duo signa, hinc & inde, precedentia, & subsequencia, atque illorum Opposita. Mobilia habent inconiuncta signa immediatè succedentia, & eorum Opposita; cum ad præcedentia habeant familiaritatem Antisciorum. Communia tandem habent inconiuncta solum, antecedentia, & illorum opposita; cum ad subsequencia projiciant similiter Antiscium, vel priuarium, vel secundarium. Verùm totum hoc, per subiectam Tabellam planum fiet.

Aries Habet inconiunctum *Taurum*, & *Scorpionem*.
Taurus, *Arietem*, *Geminos*, *Libram*, & *Sagittarium*.
Gemini, *Taurum*, & *Scorpionem*.
Cancer, *Leonem*, & *Aquarium*.
Leo, *Cancrum*, *Virginem*, *Capricornum*, & *Pisces*.
Virgo, *Leonem*, & *Aquarium*.
Libra, *Scorpionem*, & *Taurum*.
Scorpio, *Sagittarium*, *Libram*, *Arietem*, & *Geminos*.
Sagittarius, *Scorpionem*, & *Taurum*.
Capricornus, *Leonem*, & *Aquarium*.
Aquarius, *Capricornum*, *Pisces*, *Cancrum*, & *Virginem*.
Pisces tandem, *Leonem*, & *Aquarium*.

13 Porro horum signorum, quæ (vt modò diximus, Inconiuncta vocantur, eoquod nullo inter se ordine, & configuratione neungantur; Nemo ferè ex Astronomis, & curiosis rerum Cælestium indagatoribus est, qui vllam rationem habeat, atque obseruet, quænam in Inferioribus hisce, bona, vel mala importent: Cum tamen, meo iudicio, id maximè obseruari debeat: atque, vt bonus ordo rerum, ex nexu, consonantia, & communicatione adinuicem Cælestium Corporum, quibuscumque aliquam seruant necessitudinem, pendet; ita & perturbatio, dissensus, & discrasia, ab eorum affectionibus, mutuo diffidio, separatione, ac disparitate naturæ, trahit originem. Etenim partium nexus & amor (vt volebat Pluto) Mundi Anima est: Hunc ordinem, hanc Harmoniam, si minimùm turbes; & ipsum Orbem turbari, confundi, periclitarique videbis: perinde ac in humano corpore, ex turbatis humoribus, & dissoluto continuo, dolores, morbos, & varia vitæ discrimina insurgere, passim videmus. Igitur (vt in loco ex professo videbimus,) omnis in sublunaribus hisce, discordiæ, auersionis, atque antipathicæ ratio, huic vni Signorum Cælestium, sub quibus singulæ partes sunt, inconiunctioni, ac disparationi, accepta ferenda est: vti econtrà omnis ratio Sympathicæ, amiciticæ, propensionis animi, & mutucæ correspondenticæ, ad Signorum, Siderumque à quibus reguntur, familiaritates, & nexus reducenda; vt clarè innuit Ptolemæus lib. 4. cap. 7.

14 Hac etiam ratione, ni fallor, Anni Climacterici, seu Scalares, in quibus semper aliqua corporum nostrorum discrasia expectanda est, prodeunt; ex inordinata hac Inconiunctionum Signorum serie disponuntur. Siquidem singulis Septenarijs, ac Nouenarijs recurrentibus, (quoniam omnis bona siderum ad radicem Natalis configuratio

ratio expleta est, & sequitur accessus ad inconiuncta signa, quæ nullum ad radicalem locum respectum habent; ideo sequitur etiam humorum perturbatio, & corporum discrasia; præcipue verò in annis 21. 28. 42. 49. 46. 63. in quibus ut plurimum nulla intercedere solet familiaritas fiderum beneficorum ad moderatores: ex quo necesse est, etiam vitæ cursum, impedito Moderatore, labefactari. Quod si alij (& quidem communiter) dominatui Saturni subintrantis id tribuant, verosimilius tamen est, id ortum habere à signis inconiunctis recurrentibus, nulla familiaritate respicientibus Horoscopum, aut Vitæ Moderatorem.

Hinc etiam liceat explicari congruentiam abditissimi illius Arcani: Cur porro Oëtimekris partus non sit vitalis? De qua re tantopere exquisierunt, atque in indaganda vera causa, usque ad defectionem spiritus, desudarunt sapientissimi Philosophi, atque Astronomi, imprimisque Federicus Bonaventura Vrbinas, qui integrum insignisque volumen *De Oëtimestri Partu*, edidit. Equidem nugæ sunt quæ habent Astrologi apud Schoneraum *lib. 1. de Iudicijs*, ac latè prosequitur Natalis Comes in *Mithol. lib. 4.* Quia, inquit, primo mense dominatur Saturnus concepto enibroni; Secundo, Impiter; Tertio, Mars; Quarto, Sol; & tunc fit animal rationale: Postea Venus; inde Mercurius; ac tandem in Septimo, Luna Moderatrix Humidi radicalis: & tunc, si nascantur foetus, utique vivit, quia perfectus est, & à maleficis nullam in eo partem habentibus, neutiquam offendi potest. At si adhuc immaturus petat in utero ulterius immorari; subintrat octavo mense in moderationem partus Saturnus, qui sua nimia frigiditate, & abscissoria siccitate inficit illum: & si accadat, ut foras edatur, mox emoritur. In nono autem mense succedit Impiter, qui naturæ fotor est, atque adeo facit feliciter foetum educi. Nugæ sunt inquam: nam peto, cur quarto, & (quod maxime notandum est) sexto, in quo maturior, & robustior foetus est, quam in quinto, non superuiuit, si edatur; bene tamen in quinto, ut multoties expertum est? An quia Sol quarto mensi præest? Verum, si ex planetis ullus est, qui vitam largiatur, & sustentare valeat, is Sol profecto dignoscitur, qui est fons lucis, & potentia vitalis: ut proinde vel inde colligunt, illum incipere esse animal, & vivere vita saltem animali. Deinde inquirō, cur sexto mense editus partus non superuiuat? An quia dicto mensi præest Mercurius? At is naturæ inimicus non est; & si adhuc foret, vitam foetui non posset adimere, cum sit minimæ ætuitatis, ut alibi adnotauimus; atque adeo ob eam rationem, munus moderatoris vitæ, in locis apheticis constitutus, subire non est potis. Cur nihilominus

decimo, & vndecimo mense editus vinit, (nam plurimæ mulieres; decem, vndecim, & eò amplius mensibus vtero gerere compertæ sunt) cum tamen ex eorum doctrina, Mars naturæ insensibilis, in regimen deberet intrare? Mitto alias validissimas huius erroris confutationes, quas abundè congerit Gotifredus in l. Intestat. &c. ac citatus Bonaventura lib. 7. cap. 14.

16 Sed & Franciscus Valeſius in *Controuerſ. Medicis* lib. 2. cap. 10. ex Hippocrate, alijsque Medicis, aliam ingenioſiſſimam rationem comminiſcitur, cur Octimeſtris partus non ſuperuiuat, ex reſpectu nimirum Conceptionis, & Conformationis. Nam mutationes, ait, præcipuæ, quæ contingunt ſatibus certis quibusdam temporibus, dum in vtero geruntur, ſunt figuratio, & motus, & partus: horum temporum ad ſe inuicem eſt proportio. Hoc tempus motus, duplum eſt temporis figurationis; & tempus partus eſt triplum temporis motus. Igitur pendet tempus partus à tempore figurationis, cuius non eſt ſimplex terminus, ſed varius: atque proinde tam multi ſunt termini partus humani, vt & ſeptimo, & nono, & decimo fieri, & duodecimo contingat; quia, & quod multò magis mirandum, quartodecimo etiam, vt inquit Auicenna lib. 21. Fen; niſi fortè detrahenda fides ei eſt, quia ex relatu loquebatur; ita enim inquit. Et iam dixit mihi fidelis quidam, quandam mulierem peperiffe quartodecimo mense, & benè dixit. Termini figuratiōis, vt apud Hippocratem videre eſt, lib. de alimento, ſunt, nunc 30. nunc 35. nunc 40. nunc 50. dies: quo loco, eam quam diximus proportionem obſeruat Hippocrates: nam eos qui 35. figurantur, 70. moueri, & 210. edi tradidit. Ex his itaque terminis licet colligere partus naturalis terminum eſſe ſeptimum meſem, qui conſtat 210. diebus; & nonum, qui conſtat 270. diebus. Qui terminus ſit ex 45. bis ſumptis, atque conſtituentibus 90. ad motum; atque ex illis rursus ter ſumptis, ad exitum. Poſteſt etiam 10 principio ſeptimi meſis edi, quando ſcilicet ſolis 30. diebus figuratur ſatus: nouetur enim 60. diebus, & editur 180. quod eſt anni dimidium, & principium ſeptimi. Atque etiam in vndecimo editur qui conſiguratur 50. mouetur ſiquidem 100. & editur 300. atque ita, aut citius aut tardius, prout citò aut tardè figuratur. Tamen nullus octauo mense editur: nam qui 40. figuratur (figurantur autem pauciſſimi) hic bis centum, & 40. editur, qui quatuor iam dies ex mense deſumpſit; conſtant enim ſinguli meſes ex 29. diebus cum dimidio. Hæc Valeſius ex Barbarorum Medicorum placitis. Verùm, vt benè ipſemet obſeruat; ac ratio, eſt alioqui ingenioſiſſima, in multis claudicat. Nam quòd foetus formari poſſit quadrageſimo die, docuit Hippocrates loc. cit. Nunc autem, ſi qui ſunt, qui 40. diebus formantur, conſequens eſt, vt in octo menſibus matureſcant, & in lucem edantur.

Quod

Quod si tamen aliquam partem ex nono mense velis detrahere, iam inuenies eos qui spatio 35. dierum figurantur, octauo ad vagnem mense edi.

Quod ideo concludendum est, nullam aliam, quæ mentem fir- 17
met, ac magis ad verum collimet, arcani huius rationem esse,
quàm quæ desumitur ex ordine, & connexione Signorum ad Ho-
roscopum, vel alium qucuvis locum, aut sidus, cui competat mo-
derandæ vitæ prærogatiua. Siquidem ex hoc, quod quarto, sexto,
& octauo mense recurrit signum, quod nulla familiaritate coniun-
ctum est cum gradu horoscopante, aut hylegio, sequitur quod nul-
la vitæ prorogatio expectari debeat; bene verò cum signa contin-
gunt, à beneficiis occupari, quæ cum locis prorogatorijs in radice
aliquo nexu, & familiaritate vniuntur, & sibi inuicem opitulantur,
qualia sunt, quæ quinto, septimo, nono, & reliquis mensibus ex
necessitate recurrunt. Denique hanc eandem rationem plurimum
attulisse videtur Plutarcho lib. 5. de Placitis Philosophor. cap. 18. vbi
hæc habet. *Mathematici octo menses ad quemvis partum infociabiles
aiunt, septem sociabiles, quæ incidunt in stellas domibus Calestibus do-
minantes, & sub se natis vitam infelicem, ac non longauam portendunt.
Sunt autem infociabilia, quorum vnum cum altero, octauum numeratur,
Aries ad Scorpionum, Taurum ad Sagittarium, &c. Hinc fieri, vt septi-
mo, vel decimo mense in lucem edita, vitæ sint; octauo nati, ob dis-
sidium Mundi pereant. Hæc Plutarchus; cui ad stipulari videtur Fra-
castorius lib. de Sympathia, cap. 1. asserens, omnem huius rei ra-
tionem refundi debere in Sympathiam, & Antipathiam mensium,
ob signorum recurrentium, aut familiaritatem, aut inconiunctio-
nem.*

INCUMBÆ, proprio Architectorum vocabulo, appellantur ma- 18
iores quidem mutuli è parietibus, in structuris magnis profluentes,
qui parastadum, vel columnarum vices supplent, ad recipiendos,
& sustinendos arcus, & fornicum capita ijs imposita, quibus veluti
fulcris insident, & incumbunt: Quod ideo ab incumbendo dictæ,
siue quòd huiusmodi prominentiæ passiuè moris incumbant, siue
actiuè factæ sint, quibus impositum onus innitatur & incumbat:
qua etiam ratione easdem nos Itali *Impostas* vocitamus. *Has in-
cumbas*; (addit Philander) *ad fornicum lunulatorum pedes sustinen-
dos adhibent architeciti.* Quæ profectò, vt cum necessitate operis ha-
beant decorem, & venustatem, varijs formis effingi solent, nunc
leoninis capitibus, nunc sphyn gibus, nunc volutis, alijsue orna-
mentorum generibus complicatis, prout operis maiestas postulat,
& vi-

& vilis illecebra: ut ea quidem perelegans est, cuius specimen exhibet ipse Philander, omnia hæc complectens, & habens insuper suam coronam, ouiculos, verticillos, Zophorum, in quo achanti folia, maiores, minoresque helices ex illis prodeuntes, seque mutuò complexantes; denique quicquid è capitulis, epistylisque corinthijs & compositis, potest huc attrahi, quorum vices gerunt incumbæ; quodque faciat ad maiestatem simul, & venustatem.

- 19 INDIVIDVA CORPORA, seu quos Democritus, & Epicurus atomos vocauere, admiscereque in Quantitate, vide mox in V. *Indiuisibilia* quæ idè indiuidua potius placuit appellari, *Quod ea cum sint diuisa* (sic interpretatur Vitruu. lib. 2. cap. 2.) *nec leguntur, nec interuiciorum recipiunt, nec sectionibus diuiduntur, sed semper auo, perpetuò infinitam retinent in se soliditatem.* Sed quid solidi habeant tum in Philosophia, tum in Mathematicis, mox dicemus. Itaque

- 20 INDIVISIBILIA in Quantitate, aliter considerantur à Philosophis, aliter à Mathematicis: illi, prout appellant minimas & vltimas partes continui collectum illud integrantes, & facientes extensum; quæ tamen in seipsis sint inextensa, nec ulterius in alias inferiores minutias diuidi possint; Isti, præcindendo ab omni materia, accipiunt, prout habent, vel habere possunt rationem mensuræ, saltem comparata ad alias quantitates. Et quidem Peripateticæ omnes pleuo ore ea eliminant à ratione quanti, imò & ab existentia, tam reali quam possibili, ut aiunt, à parte rei. Eo quia, inquit, hoc ipso quod indiuisibilia sunt, sunt inextensa: atqui inextensum, siue se solo, siue vnitum alteri inextenso, non potest facere extensum, quod est constitutum quantitatæ. Ex aduerso tota Stoicorum schola cum Zenonistis, ea vtrò admittunt in quantitate, ac tum ratione, tum experimentis probare nituntur, indiuisibile, etsi se solo, aptum non sit facere extensum, attamen bene posse vniri cum alijs: Cui profectò sententiæ hodie adstipulantur multi Recentiores. Nos istorum lite omisâ (de qua alias in Philosophicis) ea Mathematicè consideramus, nec possumus non admittere, saltem quâ terminatiua sunt quantitatæ, nam in ijs fundatur omnis ratio dimensionis, circa quam omnis Mathematica disciplina versatur.

- 21 Itaque tria genera Indiuisibilium considerantur à Mathematico, secundum rationem triæ dimensionis, quæ concipi potest. *Punctum* inextensum, atque adeo omniæ dimensionis incapax: *Lineæ* quæ

quæ extensa est in longitudinem, adeoque, secundum eam, est mensurabilis: & *Superficies*, quæ extensa est in longum & latum, minime verò secundum profunditatem; alioquin non esset indiuisibilis, vt supponitur, sed esset corpus, quod admittit omnem dimensionem. Quamobrem verè hæc indiuisibilia in quantitate dantur; non quidem, vt aliqui perperam opinantur, quasi meræ negationes vltioris extensionis, sed vt realiter existentia, & aliquid in positio ponia, quod terminet quantitatem in eo esse, in quo singula concipiuntur. Nam, vt benè ostendit noster Guarinus in *Expens. 8. de Quantit.* Corpora verè & positiuè se tangunt in superficie, sed non se tangunt in nihilo, seu negatione extensionis, quia contactus nihili nullus est; igitur se tangunt in aliquo reali, & positiuo, quod tamen in eo, in quo se tangunt, sit indiuisibile, & non vltro procedens ad vltiorem extensionem. Rursus Lineæ constituunt superficies, & figuras, & superficies definiunt quantitatem hinc inde siue plurium, vt in areis, siue solidam, vt in corpore solido: Atqui figura partium interiorum circumscriptiua non est, sed solummodo exteriorum, quia exterius tantum terminatur: Ergò ex illa terminatione constituitur indiuisibilis, & non vltro procedens, quando nulla profunditate prædita est: quemadmodum & linea quæ profunditatis & latitudinis expers est, sed tantum habet partes in longitudine commensurabiles.

Cæterum, an (præcisè hisce considerationibus) indiuisibilia prout indiuitibilia sunt, verè in continuo sint, & constituent in esse physico quantum; itaut per ea secundum se spectata, omnis ratio proportionum, æqualitatis, & inæqualitatis, magnitudinis, finitæ, & indefinitæ (quod pertinet ad Geometriam perpendere) obtineri possit; idque longè melius, ac facilius quàm per partes extensas diuisibiles in infinitum; celeberrima est Controuersia nostris temporibus suscitata: cui occasionem dedit Bonauentura Caualerius huius Arcani detectior, in libro, quem signatè inscripsit *de Indiuisibilibus*, ea in continuo vltro admittens; & affirmans, nulla alia meliore via posse res Mathematicas absolui, ac demonstrari, quam per illa. Ad nouam hanc speculationem, multi hærent, multi labuntur errore, non satis capientes subtilitatem, ac soliditatem Doctrinæ, quam, idèò improbant, & ei non multum fidendum tradunt. Eam præ cæteris examinant, & ad Lydium lapidem probant De-Chales in *Cursu Mathem.* & noster Guarinus in *Euclide Adauſo* tr. 9. *expens. 9.* omnino videndi.

INDVS nouum sidum in Cælo ad Polum Antarcticum, à Recentiori- 23

rioribus detectum cum alijs vndecim, & hoc nomine insignitum, eoquod referat figuram hominis Indi ferè nudi, insistentis ad Circuluni Antarcticum, dextrà manu iaculum tenentis, ad Pauonem, aliud sidus intentum, ac sinistra tres sagittas expansas. Constat duodecimi stellis (alij tertiamdecimam addunt in dextrà manu, quæ potius pertinet ad Pauonem) omnes intimæ notæ, hoc est: Quartæ, Quintæ, & Sextæ magnitudinis, de natura Iouis, & Mercurij, vt testatur Bayerus oculatissimus earum speculator; vnde fallitur Faber lib. 2. cap. 8. sui Panchymici, eas faciens de natura Saturni. Et ideo nil mirum, si de earum influxibus, suo more discurrens, pueriliter hallucinatur. Ait enim: *Hanc Constellationem, Senem Iudicum nominarunt, quod prudentiam, & sapientiam infundit incolis harum regionum: & quod diuitias, & omnia vite humanæ comoda terris impertiat. Proprium enim senum est hac cumulare, & persequi.* Hæc Faber è suo cerebro coniectans, nulla fretus autoritate, nulli experientiæ innixus, quæ sola longo vsu comparata, potis est siderum efficientiam, & vini comprobare. At non hîc solum præstrictæ frontis, & promptus est Auctor iste ad pronunciandum de siderum, præsertim nouorum (de quibus redargui non potest) somniatis influentijs: sæpè in has ineptias labitur, sæpè è tripode iudicat: & nos, ubi de ijs occurreret sermo, hominis in pronunciando facilitatem, atque, infectiam, dignis castigationibus refellemus.

24. **INFARCINATIO.** *Farcitura. Infarcinamentum,* verba sunt non ita pridem ab Architectus inuenta, ad exprimendum genus illud constructionis ex temerè iniectâ materie intra duos terminos limitarios, siue ij asseres sint, firmatis hinc inde repagulis, siue muri subtiliores è laterculis probè dispositis, & in altum surgentibus, itaut exterius tantum constructio fiat, interius verò sit potius oppletio, & confusio, quàm superstructio. A farcimine carnum mutato vocabulo, quo solemus eas minutatim concisas, ac sale, varijsq; aromatibus conditas, ad gulæ irritamentum, ac diutinam consistentiam, in animalium intestina proijcere, & contipare. Quod quidem construendi genus vniuersaliter non probatur, nisi ad id necessitas cogat, vt in excitandis ad subitam hostium irruptionem, tumultuarijs munimentis: eoquod, vt notat Vitruu. lib. 3. cap. 8. *Simulac humida potestas è materia per camentorum raritatem fuerit exsucta, tunc calx ab arena discedens dissoluitur; itemque camenta non possunt cum his coherere, sed in vetustatem parietes efficiunt ruinosos.* Sed ad hoc inuenere Architecti recentiores remedia, si videlicet non è quocunque lapide sibi non cohærente, sed vel cæmentitio, vel latericio

ricio comminuto, ac tenaci arena dissoluta calce commixta, fiat opplerio. Quæ in re audiendus est Leo Albertus lib. 2. de re ædificatoria cap. 8. *Infarcinamentorum*, inquit, duo sunt genera: Vnum quo inter cortices, ad vacuum quod inest, camentis congestis opplent; alterum, quo id lapide non nisi ordinario, sed ignobili potius interstrunt, quam opplent. Vtrumque parsimonia causa inuentum apparet, quando quis lapis minutus, atque ignobilis huic murorum parti demandatur. Atque hac una in re, à complementis ossa ipsa differunt, quod in his media inter crustas infarciuntur fractitio & commutatio quocumque datur lapide, opere prope congestitio, & tumultuario: in his alteris nulli, aut perquam modici immiscentur lapides incerti, sed tota totum id intimum ordinario extexunt opere. Itaque quotiescunque infarcinationis materies ita cadat, vt sibi benè cohæreat, & aliàs addita multa calce liquida, tenaci arenæ commixta, non detur ei subsidendi locus, sed in vnum, veluti continuum lapidem coalescat, erit profectò optimè prouisum, & parsimonix, & operis stabilitati. A quo genere extruendi non abhorret Vitruu. lib. 2. cap. 6. quin & summe dilaudat ac cæteris omnibus antefert, si in eius compositione adhibeatur pumex aut tophus cum puluere puteolano: nam tunc periude est ingesta materia, ac spongia, quæ tenacem humorem ebibit, & in vnum corpus assolidatur. Etenim subdit Vitruu. *hæc enim calce commixta*, non modo cæteris ædificijs præstat firmitates; sed, etiam moles, quæ construuntur in mari, sub aqua solidescunt. Confirmat experientia in Campania, & Latio, vbi puluis hic, & tophus abundat; nam non ex alia materia fundamenta ædificiorum substruuntur, quam ex huiusmodi infarcimentis; neque fornices confirmantur, (vtraque enim requirunt maximam firmitudinem, ac soliditatem,) quampositis in ordinem è topho cuneis, magna vis calcis madefactæ & arenæ puteolanæ intritæ ac fermentatæ, desuper infunditur: fit enim, vt illi fluidam materiam altius exsugant, assurgantque in vnum continuum; atque in lapidem, perinde ac in montium venis & fodinis, indurescant. Id quod non obseruasse, refert Plin. lib. 36. cap. 23. in Romanis ædificijs, aliquos Architectos: ex quo inferit. *Ruinarum Urbis ea maximè causa, quod furto calcis sine ferumine suo, camenta componuntur; intrita quoque quò vetustior eò melior.*

INGENIA in re militari generaliter, & antonomastice appellantur Machinamenta bellica, quæ ab humano ingenio primum, profecta, postmodum manu, & arte perficiuntur: vnde Ingeniarij (vulgò audiunt qui ijs præfunt, mente concipiunt; atque alijs tradunt operæ exequenda. Sic Tertullianus lib. de Pallio cap. 1. de Ariete lo-

quens, ait: *Nemini unquam adhuc libratum illa dicitur Carthago sua dijs asperissima belli. Cum tamen ultimarent tempora Patrie, & Aries iam Romanus in muros suos quondam anderet, stupere illicò Carthaginienses, ut nouum, & extraneum Ingenium. Sed adhuc latius vsurpatur vocabulum pro quacunque ingeniosa & subtili inuentione, quæ ab ingenij acumine utcumque proficiscatur, substituta ipsa pro effectibus causa. Vnde in l. 6. Cod. Theodos. de Curiosis dicitur: Callidamachinamenta commeantium, & simulate obseruationis ingenia, & fraudes depellant. Hinc Ingeniare perinde est, ac subtiliter excogitare, quamam arte, vel quibus medijs, aliquid quod summopere expetimus, vel ad rem quam molimur oppidò faciat, assequi valeamus. In quo sensu loquutus est Africanus cum dixit lib. 3. de morbor. curat. cap. 14. Causam morbi ingeniemus auferre. Et alij passim.*

- 26 **INSULA** apud Geographos, dicitur terra, aut regio vndique mari septa, qualis est Sicilia, Corsica, Sardinia, & aliz Italiz nostræ adiacentes, necnon Anglia, Orcades, Sumatra, & aliz innumerae toto orbe dispersæ ac celeberrimæ; sic dictæ quasi in Salo consistentes. Vnde sub hoc nomine propriè comprehenduntur quæ in aperto mari iacent, suntque propterea dignæ, quæ præ amplitudine sua à Cosmographis censeantur, & sub suis quæque parallelis constituantur: nam quæ lacu, vel flumine alluuntur, apud illos in æstimatione non sunt, & *Mediamnes* veriùs quam *Insulas* nominant. Non negauerim tamen verasque promiscuè *Insulas* ab alijs scriptoribus dici. Quinimò ab Architectis, *Insula* absolutè nuncupatur quilibet locus, & extructio, quæ alteri non cohæreat, sed se sola insurgat, vel in medio campo, vel in urbibus, vijs vndique circumfusa. Quæ in acceptione scribit *Sextus Pompeius*, *Insulas* esse, quæ non coniunguntur communibus parietibus cum vicinis, sed circuitu publico, aut privato cingantur: cui concinit *Iulius Capitolinus* in *Antonino Pio*, affirmans, eo imperante in Vrbe centum quadraginta *Insulas* incendium absumpsisse. Has igitur in erectione ædificiorum, præcipit *Vitruu.* lib. 1. cap. 6. ita ordinare: *Ut inuertantur ab regionibus ventorum directiones vicorum, uti aduenientes ad angulos insularum frangantur, repulsque dissipentur.* Quæ in re addit etiam *Leo Albertus* lib. 1. cap. 3. & 4. multa salutaria monita, & cautiones, quæ in ijs ponendis obseruari conuenit: sed illud imprimis, quod *Loc*i forma; & digna, & amana sit, quæ nequaquam humilis, & quasi immersa, sed quæ celsa, & admodum speculatrix fiet, & quo letissimus aer assiduo aliquo spiritu moueatur.

INTERLUNIVM dicitur ab Astronomis spatium illud temporis, quo Luna occultatur sub radijs Solis, & inopos virium, veluti vacat ab omni influxu in isthac inferiora: quo videlicet fit intermissio eius a chuitatis, & uti in Politicis dicitur Interregnum, tempus dominationis vacantis a morte principis vsque ad nouam electionem, aut proclamationem successoris, quo omnia negotia vacant, & Aula sileat; ita in Luna vacante ab opere, dicitur Interlunium, & per quandam analogiam ei appropriatur silentium, ut propterea etiam vocitetur *Luna Silens*. Hoc enim tempore, quicquid alias ab Luminari hoc incrementum aut decrementum sumit, ac patitur, vacat, & nullam subit alterationem. Hinc iure Architecti, & fabri lignarii monentur a Vitruvio lib. 2. cap. 9. arbores e quibusigna, & asferes comparanda sunt ad domos extruendas, & nauigia compingenda, cadendas esse Luna silente, seu in Interlunio, & addit Plinius lib. 18. cap. 36. Tiberium Cæsarem etiam in rondendo capillo Interlunia obseruasse.

Hic autem adnotare iuuat, Interlunij tempus latè nimis, & grosse ab aliquibus accipi, ad initia rerum adorienda: Nam quod ad arborum cæssionem attinet, æstimat Columella, idoneum tempus esse, a vigesima die Lunæ decrescantis, ad finem vsque. Vitruuius autem docet, id fieri debere a quintadecima ad vigesimam secundam. Sed hoc verè interlunij, siue silentis, ac non lucentis Lunæ tempus non est. Econtrà Plinius, ex aliorum sententia lib. 16. cap. 39. nimis arctè Interlunium vocat ipsum, & solum diem, in quo Luna cum Sole congregitur, & lib. 18. cap. 32. *In coitu*, inquit, *quod interlunium vocant, cum apparere desierit, supra terras autem erit, quando & Sol interlunio, & prima tota die.* cum iam antè dixisset in genere: *Omnia que caduntur, carpuntur, conduntur, innocentius decrescante Luna, quam crescente sunt.*

Cæterum Astronomi concorditer, & accuratius, tempus Interlunij computant a prima occultatione senescentis Lunæ, ad primam eius emersionem a solaribus radijs: id quod, modò citius, modò ferius accidit, pro ratione obliquitatis suæ orbitæ ad Eclipticam, atque etiam iuxta suum motum diurnum, modò velociorem, modò tardiorẽ. Quod ideo attenditur semper: motus medius, qui est in eius occultatione a die 27. Lunæ veteris, ad diem tertiam nouæ. Sed circa hanc rem, vide quæ pridem diximus in V. Luna ac dicentur in V. Lunatio.

INTERMISSIONES in Arte Architectonica dicuntur extrucciones illæ ædificiorum, quæ non per integros & continuatos parietes sunt,

sunt, sed per intermissos, ac discontinuos, abeuntibus in eorum locum, antis, columnis, & arcubus; id autem fit, vel ad recipienda lumina, vel ad aditus aperiendos, vel sanè ad operis decorem, & maiestatem. Quæ de re videndus est Vitruu. lib. 3. cap. 2. & Leo Albert. lib. 1. cap. 12.

- 31 INTERPENSIVA in contingnationibus appellantur fulcra illa, ac trabes, veluti pensiles, quæ trabibus magistris innixæ procurrunt ad angulos parietum, sustinentes asseres, & tegulas, quibus aqua è pluuijs cadens recipitur, & in ima deiicitur. Sic enim ex etymo nominis, & Vitruuij auctoritate possunt describi. Ait enim lib. 6. cap. 3. *Trabes in atrij latitudine traiecta habeant interpensiva, & colliquis ab angulis parietum ad angulos tignorum intercurrentes.* Tigilla interpretatur Hermolaus Barbarus, hoc est, asseres hincinde proiectos ad imbrem in colliquis deriuandum. At Philander hoc loco vult significati ligna quædam quæ, inquit, *fulcra sunt stillicidiorum, aut quorum pars, traiectas, & alioquin veluti pensiles trabes sustinet, altera parieti infixa, assistens est.* Quæ quidem explicationes, meo iudicio, in idem recidunt. Neque enim contrà Hermolaum est, quod ea, fulcra potiùs stillicidiorum appellare maluerit Philander, quàm trabeculas maioribus trabibus innixas, prout eum immeritò indigentia carpit Daniel Barbarus, pro gentili suo stans, per hoc quod interpensiva à Vitruvio appellantur, quod fulciri magis habeant, quam fulcire: etenim vtrumque optimè stare, ac dici potest: vt videlicet ipsæ ex officio habeant, vt stillicidia fulciant; & cum alias ipsæ pensiles sint, opus habeant, vt maioribus tignis, & angulis parietum innitantur.

INTERSECTIO in Epistylijs quid sit, vide in V. *Metochæ*.

- 32 INTERTIGNIA significantius apud nos à Philandro, & Barbaro vertuntur, quas in opere Dorico, græcanicè *Metopas* appellauit Vitruu. lib. 4. cap. 2. Spatia nimirum in Epistyliorum excursu passim relicta, inter duo procurentia tignorum capita. Quamquam re ipsa nonnihil differre videntur. Etenim Metopæ spatia sunt, vt nomen ipsum indicat, inter duas opas: Atqui Opæ tigna non sunt, sed tignorum cubilia, vt suo loco videbimus.

- 33 INTERVALLVM à militari vsu, & origine, ad omnia indifferenter spatia, quæ intrà duos terminos clauduntur, extensum est. Equidem primicùs nomen Castrense fuit, à vallis interpolatim in terram

ram defixis, deductum. Vnde Isidorus: *Intervalla*, inquit, *sunt spatia inter capita vallorum, idest stipitum, quibus Vallum fit.* Quæ in Castris, auctore Vegetio, ad rationem amplitudinis loci, situs, formæ, & aliarum concurrentium circumstantiarum, dilatanda, aut coarctanda sunt. De qua re fusè Dogen in Architectura Militari. Sunt & *Intervalla Musica*, quæ Diastemata vocant; suntque vocis interstitia, quibus acuta & gravis differunt, & una in aliam transit; nam quemadmodum ex eis fiunt Systemata; ita & hæc ex phtongis coalescunt, qui elementorum vice in musica substituuntur. Quæ de re, vide quæ fusè dicemus in V. Systema.

INTESTINVM OPVS dicitur in re ædificatoria, quod interiùs 34
adornatur in ædificijs, hoc est, in partibus interioribus, forinsecus non spectabile: ad differentiam eorum ornamentorum, quæ de foris applicantur in frontibus ædium, præcipuè verò in postibus, ostijs & fenestris, ad ostentationem, & apparentiam, & quæ vplurimùm ex aduerso respondere debent interioribus. In hoc sensu loquutus est Vitruv. lib. 5. cap. 2. cum dixit: *Præterea præcingendi sunt parietes medijs coronis ex intestino opere, aut albario.* Vbi coronarum nomine, intelligit præinctiones coronicum, quæ laquearijs subnectuntur. Verum tamen est, quod cum antiquitus interiora ornamenta domus, fieri consueuissent è ligno probe elaborato, vsu receptum est, vt absolutè intestinum opus illud dicatur, quod in ligno fundatur, ad distinctionem eius quod fit in marmore, aut quacunque alia materia struili. Vnde Budæus, *Intestinum opus*, inquit, *quod factum est è ligno fabrorum, quod Minutaria vernaculè dicitur.* & Salmasius in Exercitationibus Plinianis, clariùs id attestatur, dicens: *Sciendum est, Intestinum opus propriè dici de eo, quod ex ligno fit, sed elegantiore fabrica, & eà arte, quam Minutariam nunc appellamus.* Sed & Vitruuius ipse semper cum intestinum opus commemorat, videtur de elaborationibus ligneis intellexisse. Nam & lib. 4. cap. item 4. vbi de interiore cellarum distributione agit, pluteos marmoreos, quibus intercolumniorum spatia præcluduntur, distinguit ab his, qui ex intestino opere sunt facti. Et lib. 6. cap. 3. id incommodi dispicit in tectis displuviatis, *quod circa parietes stillicidia defluentia continent fistula, quæ non celeriter recipiunt ex canalibus aquam defluentem. Itaque redundantes (subdit) restagnant, & intestinum opus corrumpunt.* Opus autem quod restagnantibus aquis corruptioni obnoxium est, non potest aliud facile esse, nisi quod è ligno compingitur: quod ideò de laquearijs intellexisse Vitruuium, opinatur Baldus, quibus scilicet subgrundia, ornatus gratia; assignantur; Quam-

Quamquam Barbarus, & Philander, minis appositæ de ligneis fenestris interpretantur.

- 35 **INTVENTIA SIGNA** in Astronomicis dicuntur quæ ex pari distantia, hinc inde à Tropicis, (seu à Coluro Solstitiorum quoad sidera extrâ Eclipticam vagantia) se mutuò luentur, & eandem habent declinationem, siue ad Septentrionem, siue ad Austrum, utraque versant. Tales sunt ultimæ partès Geminorum cum prioribus Cancræ; Tauri, cum Leone; Arietis, cum Virgine; Sagittarij, cum Capricorno; Scorpj, cum Aquario; Libræ, cum Piscibus. Si enim conferantur ad inuicem, inueniuntur pares habere arcus diurnos, ac nocturnos, paresque describere pacallelos. *Fite enim*, (vt Ptolomæi verbis utar) *per illas partes Sole mteante, vt spacia dierum ac noctium itemque horarum, sibi respondeant.* Hæc *Antiscia* communiter vocantur; vti ea, quæ eandem numero declinationem habent, sed regione diuersam, *Contr-Antiscia* appellantur.

- 36 **INVERSURAE** in opere architectonico, communi vocabulo, denotant flexuras illas, seu interruptiones in scalis factas, quas passim videmus in ijs quæ in directum surgunt; ita ut non vno & recto ascensu, aut descensu perficiatur iter, sed pluribus areolis abruptatur, & in aduersum flectat: quod ideo rectè à nostris scalæ abruptæ *Scale spezzate*, quæ huiusmodi flexis itionibus constant, vocitantur. Porro Inuersuræ istæ quandoque sunt ex necessitate, cum situs non suppetit ad scalas in directum ponendas, vnde opus est, vt fiat abruptio, & in aduersum ascensio: prosequatur; quandoque ad venustatem operis, & ad commodum ascendentium, ac descendendum, vti statis in locis aliquantisper conquiescere possint, & ne continuata itione viuium defatigentur, sed fessi consistent, & respirantes, vires ad reliquum iter coniciendum, resumant. Quod ideo in magnis ædificijs, & quæ altum ascensum habent, plurimum commendantur. At in Theatris improbat Vitruu. lib. 5. cap. 3: vbi vult potius complures, & spaciosos aditus aperiri, nec coniunctos superiores inferioribus, sed ex omnibus locis, perpetuos, & directos sine inuersuris faciendos; & rationem reddens, adijcit: *Vti, cum populus dimittitur de spectaculis, ne comprimatur, sed habeat ex omnibus locis exitus separatos, sine impeditioe.* Id quod exponens Philander, subdit: *Ne in angulis, dum diuertendum, & flectendum est, quando è spectaculis descendit populus, confluentes se opprimant.* Aliàs, vt dixi: hæc scalarum interruptiones, etiam vbi inuersuris opus non est, sed ascensus est directus, & longus, accommodatissimæ sunt, & tùm ad maiestatem

operis, nūm ad minuendum ascēsus laborem, aptissima: vt probat iugis experientia in Scala maxima, & editissima, quæ Romæ prope Capitolium Basilicæ Aræ Cæli, substrata est: in ea enim non perpetua itione sit ascēsus aut descēsus, sed septenis quibusque gradibus abruptitur, arcolis interpositis, quò locus detur adeuntibus, respirandi. Id quod in Templorum aditu potissimè obseruandum, longè ante quàm præfata hæc Scala Romæ erigeretur, monuit idem Vitruu. lib. 3. cap. vlt. vt nempe in continuum gradus semper sint impares, quò, dextro pede ascēso iniatur, eodemque pariter desinat. ad quæ Philander. Collocari, inquit, animaduerti non plures continuos, quam septem, aut nouem: quod si pluribus conscendendum erat, post eum numerum, fiebat retractio amplior, & veluti areola, ubi fessi respirare, & requiescere possent. Id ipsum confirmat Leo Albertus lib. 1. cap. 13. asserens, bonos semper Architectos id obseruasse, vt gradus nunquam, feruè plures, vnum in ordinem continuos, quàm, aut septem, aut nouem adigerent: & præter dictam rationem, intermittendi laboris, aliam etiam congruentissimam addit. Vt si quis, inquit, casus incidisset, vt scandentes ruerent, haberent illi quidem spatia ubi, corruendi impetum sisterent, seque reciperent, atque firmarent. Sed de his redibit sermo, cū de scalis ponendis, erit proprius locus.

IO

IONICVS ORDO in Arel. itectura, est vnus è tribus præcipuis, qui præficari solent in erigendis amplissimis ædificijs; isque medius, vtpote de vtroque participans, inter Doricum, & Corinthium, seruans maiestatem simul, & solidam venustatem. Namque, vt obseruat Vitruu. lib. 1. cap. 2. Veteres in erigendis templis, ad Deos, Deasque, quibus ea ponebant, id attendisse, vt ad eorum conditionem se conformarent & mores quodammodò in Fanis ipsorum exprimerent. Ac propterea Mineræ, Marti, Ioui, & Herculi, Dorica templa extruebant, quòd grauitate, ac maiestate, Imperium, maturitatem, & masculam eorum virtutem representarent. Deabus verò mollibus, ac venustate præsignibus, aut etiam luxui ac delicijs præsidentibus, Corinthia, omni mollitie, venustate, & ornamentorum varietate referta. At Dijs Deabusque, qui media quadam virtute, ac moderatione incederent, Ionicas ædes excitauere; habita, inquit, ratione mediocritatis, quòd & ab se uero more Doricorum, & à ténacitate Corinthiorum, temperabitur earum institutio proprietatis. Id autem profectum postea est ad publicas ædes; vtpote Regias, Arces, Armamentaria, Aeraria, Thermas, Theatra, &c. vt pro ratione rei, aut officij ad quod destinabantur, structura erige-

erigeretur. Nunc autem quod ad Ionicam rationem attinet, ea potissimum attenditur, ac diuersificatur in Columnationibus, & Epistylis. Itaque Columna Ionica proxime Doricæ conformatur, nisi quod aliquantò gracilior, utpote, quæ femineam gracilitatem refert, ac proinde, (ut notat Vitruu.) matronali potius grauitate, atque ornatu, quam libero, ac lasciuiente prædita esse debet: ac propterea longitudine exæquare debet octo sui diametros. Basis haud superare debet in altitudine, mediam suæ columnæ crassitiæ, quæ diuiditur in tres partes, quarum una datur plintho: reliquæ duæ dispertuntur in Torulum, Scotiam, & Astragalos. Et Scotiam quidem admittit duplicem, cum suis utrinque regulis. Capitulum autem (quod requirit esse altum, quanta est crassities tertiæ partis diametri imæ columnæ) habet proprium & singulare, quod sub abaco habet scalpum echinum, cum suis ouiculis ac verticillis, & hinc inde ad quatuor angulos, totidem volutas propendentes, quæ echinum quodammodo complectuntur, & repræsentant femineos cincinnos molliter propendentes. Epistylum etiam à cæteris habet diuersum, quod sub corona, nec mutulos, nec triglyphos patitur, sed tantum denticulum, indeque Zophorum, aut planum, & simplicem, aut molliter intumentem, & arcuatum instat puluini, scalpitis frondibus conuexitum: infraque Zophorum, tres fasciæ excurrentes totam trabeationem claudunt, atque definiunt, prout videre est in schemate quod exhibuimus in V. Epistylum.

I R

- 39 IRRUPTIONES in re militari propriè audiunt inopinæ, & subitariæ hostium incursiones, quando ex abrupto, & nobis nil tale cogitantibus, stationes nostras innadunt, ut nos inparatos inueniant, *Scorrierias* Nostri appellant, quæ ut plurimum à velicibus fieri solent. Et hæc quidem periculosæ sunt nimis, quia pro illis audacia, & tumultus, pro his timor & confusio, imparibus animis, pugnant. Quare maxime præcauendæ sunt experto Duci, & summa vigilantia incumbendum, ne laceffitus quouis tempore miles, stationem deserat, neue despondeat animos, sed pari promptitudine, & solertia hostem opperiatur, animoseque obsistat, & consilia anticiuat. Ad quam rem, salutaria præcepta tradit Vegetius lib. 1. cap. 25. & lib. 3. cap. 6.

I S

- 40 ISODOMVM vocat Vitruu. lib. 2. cap. 8. id structuræ genus, in quo omnia coria æquæ crassitudine fuerint structa. Sicut econtrà *Pseudisodommum* dicit quando impares, & inæquales ordines coriorum diriguntur. Quale autem sit opportunius, & ad consistentiam factum, abunde examinabimus in V. Structura.

ISO-

ISOPERIMETRAE FIGVRAE nuncupantur à Geometris, duæ vel plures figuræ, quæ æqualia habent latera, seu circumferentiam, 36
proindeque eandem rationem dimensionis; ex græco, & latino, resultante vocabulo, quasi æqualis mensuræ, quales plures dedimus inspicendas sparsim in Opere. Id autem figuræ istæ habent admirabile, & singulare, quòd etsi æquali ambitu conclusæ, areas tamen inæquales, nec sibi respondentes continent, sed alias alijs maiores, aut minores: quas inter, ea capacior est, quæ cæteris paribus, pluribus angulis, & lateribus constat. De quarum natura, & commensuratione fusè discutrit noster Guarinus in Euclide Adaucto, tract. 29. expens. 10.

ISORROPOSTATICA, Staticæ infima species est, quæ descendit 37
ad particularem grauium, & leuium inter se comparisonem; & examinat trutinæ, ac libræ proprietates atque affectiones, applicatque ad opus. Tum pergit ad analogiam ponderum, & ponderantium, instrumentorum, confert ad inuicem, centrumque in his statuit ad quamcumque motionem, aut figurarum, quas successivè variare possunt positionem, ac transmutationem, retento nihilominus æquilibrio: & alia, de quibus fusè Scottus in Cursu Mathem. lib. 25. cap. 5. & Milliet, tract. 7. lib. 4. per totum.

ISTHMVS in Geographicis audit angustus ille limes, ac terræ tractus, 38
qui inter duo maria intercipitur, & Peninsulam aliquam continenti necit, quæ aliàs, eo rescisso, Insula diceretur: qualis est in omnium ore, ac memoria, celebris Corinthiacus, vniens antiquam, tot vicissitudinibus memorabilem, Peloponnesum, (nunc verò Moream, celebriorem factam, ex quo cessit in Dominium Venetorum, temporibus hisce, ac sic à Tuscarum tyrannide exempta fuit, non sine manifesta Cœlitum ope) Helidi, atque Achaiæ, inter Mare Ionium, & Aegæum, angusto sex millium passuum intervallo. Talis est etiam Aegyptiacus dictus, Africam, (tertiam scilicet antiqui Orbis partem,) ab Asia determinans, 300. stadiorum crassitie, Dorsum Arabiæ propterea à Ptolemæo appellatum. Atque in nouo detecto Orbe ad Occidentem, alius perexiguus, ponè urbem Panamæ, & Portum, quem de Dei nomine nuncupant, Americam Septentrionalem in aquas ferè partes, à Meridionali dispescens: & alij innumeri minoris notæ, quos in suis Tabulis censent Geographi.

Porro eiusmodi angustias, ac terræ breuiores tractus inter duas 39
regiones, & maria constitutos, non sine magno factum supremi Numinis consilio, & Naturæ ordine, putandum est; ne videlicet al-

terum mare ac tellus, seu peninsulæ interiectæ ab altero superiore inundantibus fluctibus opprimeretur. Quod ideo incassum abiisse multorum Principum & summorum Regum conatus eos perfodere molientium, passim in Historiis legimus; præsertim de laudato pridem Corinthiaco, sic dicto à Corintho famosissima Vrbe, & Orbis Emporio, in eius faucibus constituta: de quo hæc scribit Cælius Rhodiginus lib. 21. cap. 19. ex Antiquorum monumentis deprompa. Multos Historia prodit, spatium id adorsos interseindere, ut nauibus pateret nauigabilis meatus: Imprimis Demetrius Rex, Dictator Cæsar, Cains Princeps; Nero Domitius (quibus addit Caligulam Suetonius) Verùm omnium conatus non in irritum modò cessit, sed & infausto id fuisse inceptum compertum est; quia, ut inquit in rebus Corinthiacis Pausanias, Diuinitus constitutis rebus, manum injicere non licet. Id ipsum, attentasse Sesostrim Aegypti Regem in Isthmio Aegyptiaco, inter nostrum Mediterraneum, & Sinum Persicum, habemus ex Aristotele in Meteoris; & post Sesostrim, Darium Regem Persarum, memorat cum alijs Basilus Magnus homil. 4. in Hexameron. Est & alius Memorabilis Isthmus in Caria, de quo ita Herodotus antiquissimus Scriptor lib. 1. Eam partem quæ Boream spectat, Ceraunius claudit Sinus, Australem verd Symanum, Rhodiumque mare. Reliquam frontem, hoc est Isthmum, qui perquam exiguus est, nempe quinque stadiorum, Cnidi tentauerunt perfodere; volentes intereà dum Harpagus Ioniam euerteret, suam ditionem in Insula formam redigere; eratque hic Isthmus, quem perfodere statuerant, ex parte, quæ continentem spectat Cnidia. Id iam multa manu conantibus, diuinitus (arbitror) aliquid repugnasse; quod nimirum omnes, qui manum admoherent laderet cum alijs corporis partes, tum præcipue oculos infestante petra. Cnidi, missis nuncijs Delphos, Rogant quidnam esset quod tantoperè conatibus eorum aduersaretur? Pythia (ut ipsi referunt Cnidi) senario versu respondit in hanc sententiam.

Isthmum neque exaggrate, neque fodite.

Iupiter namque ipse, si placuisset, fecisset Insulam.

Sequitur Historicus. Cum respondisset in hunc modum Pythia, Cnidi à perfodiendo Isthmo destiterunt; sequentique cum exercitu Harpago, ultro sese, non commisso prælio, dediderunt. Hucusque Herodotus. Adeò sacrilegum propè, ac periculis plenum est, Naturæ opera peruertere velle, corrigere & immutare, ut propterea in prouerbium postea ierit, Isthmum perfodere, de ijs, qui magno ausu, & irrito conatu aliquid adoriuntur. Ex quo id obiter obseruare iuuat, aliquando, Deo, Naturæ iura sic disponente, apud Ethnicos vera etiam miracula extitisse, & Dæmonum oracula, alioqui falsa, & captiosa, vera quan-

quandoque enunciaſſe, cum id reiſſa intererat, aut in aſſertionem virtutis, aut in teſtimonium veritatis: vt præ cæteris aduertunt Anaſtaſius Sinaita, Clemens Alexandrin. lib. 6. Strom. nec improbat D. Auguſt. de Ciuit. Dei, ac D. Thomas in Quæſt. diſput. & de Potent. quæſt. 16. aſſerens, non eſſe à fide remotum, quod Deus verus ad hæc concurrat, in teſtimonium veritatis, aut in commendationem virtutis, vt in multis caſibus, quos inſiciari propudioſum foret, compertum habemus. Et ſanè detrectari non poteſt, quin à Deo vero profeſtum ſit, etſi à malo Demone inuitè pronunciatum Oraculum illud Delphicum, quod Auguſto de Succellore interroganti reſponſum fuit.

Me puer Hebraus Deus hinc, Rex ipſe Deorum,

Tartareas remeare domos, hac ade reliſta:

Poſt ergò ora tenens, altaria noſtra relinquant.

Qua de celeberrima Quæſtione, videndi ſunt Michael Medina, De Recta in Deum fide, Torreblanca, Suarez, & alij.

IV

IGERVM, aliàs *Terra iugum* dictum, appellatur à Gromaticis tantum ſpatij in Campis dimenſum, quantum iuncti duo boues vna die arare queunt, vt teſtis eſt Plinius lib. 18. cap. 3. ab iugo bouum nomine deriuato. Computatur autem per binos actus quadratos in longum protractos, hoc eſt 240. pedes, cum ſinguli actus quadrati, tam in longum, quàm in latum, contineat 120. pedes, vt diximus in V. *Alus*. Porro Iugerum in partes ſcinditur, & minima pars conſtat ex duobus pedibus in longitudinem, quæ pergit in quadrum: hæc autem Scrupulus dicitur: qui in 24. multiplicatus conſurgit in Stadium, ex totis ſex iugeribus, ſeu pedibus 1440. integratum: Octo verò ſtadia conſtituunt Milliare ex iuſtis mille paſſibus; ſinguli autem paſſus ex ſex pedibus, ſeu quatuor cubitis conſtat, nam quatuor cubiti faciunt paſſum vnum, & ſinguli cubiti viginti quatuor digitos, quæ eſt minima meſura, & rerum particio: quapropter quiuſ ager, aut planities facilè poterit ad rationem, datæ cuiuſlibet meſuræ expendi, ac dimetiri. Scio equidem apud Antiquos, aliam fuiſſe meſuram agrorum, aliam itinerum, & viarum, quæ in publico, vel alieno priuatorum fundo locum habebant & publici iuris erant: ſed hic abſolutè de camporum planitie ſermo eſt, præciſis quibuſcumque viatum directionibus. Et ſanè earum terminus præfixus in latum eſt cuiuſque itineranti vt patet ex l. 7. ff. de ſeruitute prædior. ruſtic. & l. Quantum ff. de verbor. ſignific. vt aduertit, & explicat Alexander ab Alexand. lib. 2. cap. 20. in hæc verba. *Prædiorum ruſticorum ſeruitutes apud Iuris Conſultos, qui iura*

finium, possessionum, aquarum, itinerumque notauerunt, has esse nomina: *Iter*, *Actum*, *Viam*, & *Aqueductum*. *Iter* esse constitit iunctendi per fundum alienum, hominis tantum: *Actum*, hominis & iumentis: *Viam* verò, hominis, iumentis, & vehiculi. Quamquam re ipsa quantum spatij, singulæ definitiones comprehendant, Ius non statuit, sed reliquit communi consuetudini diuersarum Nationum, quæ sibi vtriusque consensu, certum latitudinis spatium pro singulis itinerum rationibus definire. Certè apud Romanos, eodem Alexandro teste, Duodecim Tabularum lege cautum erat, *Viam in porrecto, octo; in anfractu, pedum sexdecim constitui*; illiusque dimidium actui tribui debere. *Iter* verò dimidium quod actus, hoc est pedes duos tantum latitudinis habes. Actus autem hic non intelligitur quadratus, ut in agris, sed simplex habens latitudinis quatuor pedes; et si in longitudine conueniat cum quadrato protenso ad pedes 120. quò dimensiones itinerum computantur: sicque, ut concludam, duo actus iugerum; sex iugera stadium; octo stadia Milliare, & ducenta stadia Dietam, seu iustum iter vnius diei constituunt; quod apud nos esset vigintiquatuor Italicorum Milliarium. Hæc omnia ex eodem Alexandro, loc. cit. Qui etiam veterum itinerum rationes, ac proprias cuiusque Nationis mensurarum nomenclaturas enumerat, ut *Parasangam* Persarum, ex triginta stadiis; *Stathmum*, conflatum ex quatuor parasangis, hoc est centum, & viginti stadiis; *Dolicum*, vigintiquatuor stadiorum &c. ut videre est apud ipsum, & allatis testimonijs ex Herodoto, Plutarcho, Plinio, & Strabone, confirmat Tiraquellus in Notis.

41 **IUGVM** plures significationes habet in Architectura, & in operibus Mechanicis, omnes porrò deriuatas ex Iugo Militari, quod sic describit Festus ex Liuiio lib. 3. *Militare iugum, sub quo victi transibant, fiebat hoc modo. Fixis duabus hastis, super eas ligabatur tertia: sub ijs victos discinctos transire cogeant*. Idque ad ignominiam datum; fuitque excogitatum, ac primum usu receptum à Numantinis; deinde à Samnitibus practicum aduersus Consules Romanos deuictos ad Caudinas Furcas, prout testatur idem Liuius lib. 9. in hæc verba. *Primi Consules propè seminudi sub iugum missi; tum, ut quisque gradu proximus erat, ita ignominia obiectus; tum denique singula Legiones. Circumstabant armati hostes exprobrantes, eludentesque. Hinc subiugare, quasi sub iugum ponere, dicitur de ijs, qui alieno imperio, ut & armis adacti, iure bellico submittuntur*.

42 Ab iugo militari transit notio ad Ciuilia. Et primò quidem in ædificijs, ostiorum forma & constructio, superimposito erectis anticis, inter-

Integro lapide tranſuerſo, iugum dicitur: Et *iugamenta* nuncupauit Varro de re ruſt. cap. 14. ſuperliminare vnâ cum antiſ, ad aditus villarum appoſita. Similiter *iugamentare* in opere architectonico, Vitruuio lib. 2. cap. 1. eſt, cùm ſubſtratiſ hinc atque hinc trabibus directiſ, ſuprà, tranſuerſariæ aliæ hinc inde ſinguliſ in anguliſ, rudiùſ, ideſt, vt internallum quidem ſit, ſed non alta incifura, ſiue crena, committitur: Ita vt, quaſi binæ per diuerſum contignationeſ, anguliſ quatuor ſiant, vt explicat Philander in Notiſ. Vti & iugata, & compluiata tectâ dicuntur, quæ arrectarijſ trabibuſ, ad binos, vel quatuor anguloſ deſinentibuſ innituntur. Et in Agricultura iugatâ, & compluiatâ vites denominantur, quæ expanſâ, ſiue in longum tantum, ſiue in quadrum, canteriſ ac tranſuerſiſ perticiſ fulciuntur. Prætereâ iuga appellat Hero cap. 9. de Machiniſ belliciſ, tigna duo in Arictede cuſſata, illum ſuſtinentia, & alia duo ad baſim machinæ, quibuſ tota moles incumbit, vt in loco diximus. At tandem in Libra, ac Statera, *Iugum* vocant ſcapum, ſeu haſtam ferream tranſuerſam, è qua pendent in æquidistantia lanceſ, aut ex vna parte longiori æquipondium, ex altera appenſum ponduſ examinandum: quòd *Librile* nominat Sextuſ Pompeiuſ.



KA



ABALA nobilissima olim apud Hebræos, Sacrarum
 Scripturarum interpretandi ratio, Diuinorumque
 Mysteriorum sub cortice litteræ absconforum, Sacra-
 rium, à Deo ipso immediate Moyfi conceditum ad
 veram ipsarum intelligentiam, atque ab eo, Dei iussu,
 Senioribus de populo per manus succedentibus, ore-
 rendis participatum; nescio qua hominum vaftricie
 aut Dæmonis astu Dei opera inuidentis, & conspurcantis, in ario-
 landi perniciosam artem, quasi vna ex Mathematicis disciplinis nu-
 merorum profectionibus innitens, conuersa; iam modo apud cor-
 dados viros malè audit, atque ab Ecclesia, vtpote superstitionibus,
 mendacijs, ac vanitatibus plena, iure merito generaliter exploditur,
 ac damnatur: vt mirum sit, rem tam sanctè institutam, in impiera-
 tem, ac Dei contumeliam degenerasse, atque è limpidissimo Diui-
 nitatis fonte, tam putidas, sæculentas, ac venenatas aquas scaturiisse.
*Quæ enim conuentio lucis ad tenebras? aut quæ litterarum ac nume-
 rorum temerè dispositorum, cum Dei verbo colligatio, & propor-
 tio? Quæ naturalis vis in numeris placito hominum delectis atque
 assumptis, ad arcana cordium, futurosque euentus præsignificandos,
 vt nebulones isti mendaciter asserunt, & impudenter contendunt?
 Poterat quidem Deus, vt de facto præstitit, sub certis nominibus à
 se prificis illis Patriarchis impositis, aut in Sacræ Scripturæ textu ab
 ipso dictato, atque hebraicis litteris exarato, mysteria, multas & va-
 rias significationes abscondere, per litterarum combinationem, &
 seriem depromendas, ab ijs tantum quibus concedita sunt eloquia
 Dei; at non inde præsumendum est, in quouis nomine, etiam gratis
 assumpto ad libitum hominum, & in quouis idiomate id præstitisse.
 Quod, vt luce clariùs pateat, præstat ab ovo rem auspicari, & Kabalæ
 nomen, etymon, vsum & processum in intelligentia arcanorum,
 luculentiùs explanare.*

Ergò

Ergò Kabala Hebraicum nomen est, à radice Hebraica קבלה *Kabal* deriuatum, quod latine sonat *Receptio*: eoquod est Doctrina orerenus, & per manus recepta, quemadmodum apud nos sunt Apostolicæ Traditiones, quæ à Christo Domino, & Apostolis verbo tenus Ecclesiæ sunt commissæ: Eiusmodi erat Kabala apud Hebræos, Doctrina videlicet calitùs tradita, ac per manus seniorum de populo recepta, in ordine ad intelligenda mysteria, quæ in sacris nominibus, & codicibus latitabant. Id quod apertis verbis docet Diuus Hilarius in expositione Psal. 2. *Erat autem, inquit, iam à Moyse antè institutum in omni Sinagoga septuaginta esse Doctores. Nam idem Moyse, quamuis Testamenti verba in litteris condidicisset; tamen separatim quadam ex occultis legis secretiora mysteria, Senioribus, qui deinceps Doctores manerent, intimaueat. Cuius doctrina etiam Dominus in Euangelio meminit, dicens: Super Cathedram Moysi sederunt Scribae, & Pharisei. omnia ergò quaecunque dixerint vobis, seruare, & facite. Doctrina ergò horum mansit in postremum, quæ ab ipso Scriptore legis accepta, in hoc Seniorum numero, & arbitrio conseruata est. Hucusq; Hilarius. Cui concordat Apostolus Paulus ad Romanos scribens, & commendans illis hanc prærogatiuam singularem Iudæis factam. Quia, inquit, credita sunt illis eloquia Dei. Eloquia autem dixit, ut ea discerneret à lege scripta, quæ omnibus patebat. Porro hæc Doctrina non scripta, mansit apud Hebræos vsque ad Babilonicam captiuitatem; quo tempore post nouam legis instaurationem factam ab Esdra, Doctrina hæc scripto mandata est, atque in septuaginta libros digesta; qui penes electos pariter de populo Seniores, asseruarentur: idque, ne ob nouas forte captiuitates, & infortunia quæ accidere poterant, mos ille tradendi ad aures concreditam Doctrinam deperderetur. Atque hoc factum fuisse Dei expresso iussu, Esdras testatur lib. 4. cap. 14. ita introducens Deum sibi loquentem. Priora, quæ scripsisti, (hoc est mandata legis) in palam pone, & legant digni, & indigni: nouissimos autem septuaginta conseruabis, ut tradas eos Sapientibus de populo tuo. In his enim est vena intellectus, & sapientia fons, & scientia flumen.*

At Hebræorum vulgus hoc perenni sapientiæ fonte, & scientiæ flumine sibi diuinitus concesso haud contenti, foderunt sibi cisternas dissipatas, quæ continere non valent aquas; idque vesana sapiendi pliusquam sapere oporteat, prurigione acti, suffuratos limpidissimos latices in propatulo vendiderunt, suisque impuris alluuiionibus impudentissimè contaminarunt: Quos sequuti Christianorum audaciores, imprimisque supersticiosissimi Gnostici Hæreticorum primipili, petitis etiam ex Aegypto characteribus, atque è Pythagoreorum de nume.

numerorum mysterijs, doctrina, suppetijs; eisdem in suas lacunas deriuantur; atque vltro aquas aquis miscentes; pijs videlicet impijs; Sacra, prophanis; venerandos Sacrorum Codicum apices, stultis gentiliū deliramentis; nouam, impiam, monstrosam, ipsique rationis dictamini repugnantem artem architectati sunt, quam à Notis, seu characterum formis ad numeros respondentibus; *Notoriam* appellauere. Sed operæ pretium est, tam Kabalæ Hebraicæ rationem; quàm detestandæ huius artis commenta, per partes expendere; vt facile sit agnoscere, quantum hæc impietatis habeat, quantum illa modò, inanitatis.

4 Itaque Hebræorum Cabalistæ duplicem Kabalæ speciem astruunt; alteram quam dicunt *Nominalem*, *Realem* alteram. Hæc de Dei Nominibus agit, quæ in sacris litteris extant, eorum apices, & puncta considerans, indeque ad varias combinationes inuertens, ad auspicanda ex ipsis arcana. Quod ideo Cosmologiam conspicati sunt, hebraicè autem *Bereſcit*, hoc est, Scientiam de triplici mundo, ac de Portis intelligentiæ. Illa in pura nominum consideratione litterarumque, ex quibus componuntur, textura sistit; & ex earum combinatione, aliud ad aliquid significandum artificiosè deducit: idque siue per numeros respondentes litteris, siue per litterarum transpositionem, quam proinde Geometricam vocant, rectius Arithmetican dixissent. Quæ in re habemus in Apocalypsi cap. 13. quod numerus nominis bestię, hoc est, Antichristi, ex 666. coalescit, & hic est character eius. Idcirco subdit Spiritus Sanctus per os Ioannis: *Qui habet intellectum, computet numerum bestię, numerus enim hominis est, & numerus eius sexcenti sexaginta sex*. Quare laborant multum Expositores in vero nomine Antichristi, ex hoc numero extrahendo; & alij *Aampetis* græcè, quod latinè sonat *illustris*, (græcè enim scripsit Ioannes, & ex græcis litteris fit extractum) alij *Teitan*, id est *Gigas*; alij alias comminiscuntur, vt videre est apud Bellarminum lib. 3. de Romano Pontifice, cap. 10. Aliquando incedit per dictionum apices, seu initiales litteras, quarum singulæ singulas dictiones connotent: vt *Adam*, hebraicè quatuor litteris constans, denotare dicitur quatuor Mundi partes, Ortum, & Occasum, Aquilonem, & Austrum: multoties per litterarum transpositionem, vt fit in Anagrammatibus, & obseruare licet in venerabili nomine IESV, quod vertitur in *Eius*, siue, *Seui*, &c. necnon in nomine sancto MARIA in *Amari*, & apud nos *Riama*, similiter in Roma, includitur *Mare*, *Mora*, *Amor*, & sic per singula discurrendo.

5 Nunc autem, esto quod in sacris litteris dei digito exaratis, atque in Nominibus Dei, Angelorum, Patriarcharum, &c. quæ hebraicè pro-

prolata, aut scripta sunt, sic arcana quædam mysteriorum significatio non omnibus obuia, sed arte cabalistica extrahenda, quorum hæc ad alia dilatamus, & Dei donum singulari priuilegio aliquibus è suo dilecto populo sapientioribus, sibi que charioribus concessum venundamus, Doctrinamq; sanam, ac virginem intra certos limites coarctatam, in meretriciam vertimus, omnibus linguis accommodam, omnibus populis prostitutam? proindeque ex omni quacunque interrogatione aut vocabulo, radices extrahere concessum sit: è quibus ad rem, apta responsa proueniant, arcana cordium reuelentur, futura præuideantur; & alia de quibus Cabalists nostri se iactant.

Porro ad huius Sathanicæ artis euerfionem, sat est eius primæ principia, & fundamenta in aëre iacta conuellere, sinereque sua sponte in fumos abire. Etenim, vt ait Philosophus, *ex nihilo nihil fit*, & neque Deus suis oraculis supra Naturæ ordinem, hominum curiositati obsecundare credendus est; neque Natura in his quæ excedunt eius actiuitatem, quicquam virtutis habere, vt compleat quæ tenerè, & ex vana coniectandi libidine, ab hominibus assumuntur, ad artem cabalisticam stabilendam.

Tota igitur Cabalistarum operatio, ac spes feliciter obrinendi quod petitur, in eo sita est, vt verborum rationes exquiscat, litterarum, punctorumque pondera libret; combinationum, quotquot fieri possunt, varietates expendat, numerorum ipsis illigatorum, ordinem, consonantiam, recursum (*Isofiphiam* Græci dicunt) examinet, & obseruat: atque è duobus, v. g. verbis assumptis, aut casu concurrentibus, inspicere, nùm in numero conueniant, aut discordent, & secundum ordinem, vt aiunt, prutenicum, deducere se, posse credunt quid euenturum sit, quid ad quod bonum sit, aut ineptum; nil præterea curantes, si extracta responsa veritati congruant, aut non; modò commodum ex arte reportent, simplicioribusque animabus imponant, ac secum fallere, & falli vltro volentes, ad Inferni barathrum trahant.

Atqui (vt ex ipsa numerorum coherencia, litterarum vel combinatione, quæ potissimum ars Cabalistica exercetur, initium sumam) ea tam varia est, tam fecunda, & locuplex, vt si omnes quotquot fieri possunt combinationes, vclimus attendere; infinitas prope modum dictiones aliquid disparatum significantes, ac non significantes, ex eodem nomine, aut non longo interrogationis versiculo, posse exurgere reperiemus. Quod autem aliquæ significatiuæ sint, aliz non, id ex hominum placito pendet, non à reulantis dictionis

nis natura, eoquod hæc & illa nomina, communi alicuius gentis assensione, ad has vel illas res significandas assumpta sint, alia quæ singi possunt, in sua obscuritate relicta, quia hæcenus nusquam gentium, aut in quouis idiomate usurpata sunt, & ad aliquid denotandum electa: quæ tamen successu temporis, & ex hominum electione fieri potest, vt perinde ac iam recepta, significatiua fiant. Sic in sacro illo ac venerando Dei nomine *Iehoud*, constante ex quatuor litteris hebraicis יהוה quod ideò antonomastice Tetragrammaton audit, varia ipsius Dei nomina, singulas Diuinas perfectiones, & attributa denotantia, Moyse ad intelligendum detecta, continebantur: quorum notitia à Moyse ad seniores, Deo ipso mandante, oretenus deriuauit. Quuimò acutè aduertit Author *Kabala denudata*, to. 1. pag. 37. ex eodem Dei nomine Tetragrammaton, duas, & quinquaginta prorsus inuersiones, & combinationes fieri posse, quas per ordinem refert; ex eisdem totidem diuersa nomina, dictionesue, constari; quarum perfectio quædam iam significatiua sunt, atque ad explicanda Dei magnalia, ipso doctore ac reuelante, sunt destinata: alia prorsus vacua, & significatione carentes, quod neque Deus, neque Angelus, neque homo, ijs nunquam ad sua sensa explicanda, usus est. Similiter in præalligatis sacrosanctis IESV, & MARIAE nominibus, (vt magis notum in lingua nostra exemplum proferam) fieri possunt, in vno XVI. in alio XX. omnino litterarum transpositiones, totidemque constari nomina, quorum aliqua aliquid determinatè significant, vt suprà ostendimus; alia non item, sed quæ nihilominus ex communi acceptatione, ad aliquid de nouo, siue in nostra lingua, siue in alio quouis introducto idiomate accommodari: aut exinde non secus ac iam recepta verba, sint rerum nomina, nostrorumque conceptuum expressiua. Vti *Angelus*, exempli gratia, vertitur in *Galenus*, quæ vox nil forte vnquam significasset, ni celebris ille Medicus Pergamenus, eam sibi pro nomine proprio assumpsisset. Sic post Romam conditam, vetus dictio Amor nouum ei; ac perfectò illustrius, sui inuersione indidit nomen: &c. Quid ergo? nùm in istis & similibus vocibus ex artificiosa litterarum transpositione resultantibus, vlla est vis ad naturales effectus educendos, aut occultos animi sensus aperiendos, ad quos fortasse significandos nō natura, sed hominum placitum destinauit? aut numerorum, (quos pronicos vocant) mysteria, quæ in omnium collectione, qui ex dictis consurgunt atque in vnā quandam summā coeunt, ac facta postmodum distributione, patefunt; rerum veritati congruunt, mirasque produnt proprietates? Si quem mentis impotē id asserere non pudebit, audeat.

ſter dici ego, (atque omni procul iactantia,) quod liber hic multiplici verborum collectione confarcinatus, non Mathesis modò, & comprehenſarum ſub hoc nomine diſciplinarum elenchus, imò & omnium Scientiarum Encyclopedia; ſed & intellectus meus, è quo prodierunt, omnium, quæ ſcitu digna ſunt, & quæ hominem uſquequaque ſcientificum faciunt, ſit conditorium, & Theſaurus; quandoquidè in tanta verborum copia, nullum non vocabulum in quouis idiomate, & in quauis ſcientia uſurpatum, hoc artificio, ex nullo prius earum comparato habitu, reſultabit: vt ſi ſeriò aut per iocum ex ijs vniuerſaliſſimam quandam Kabalam efformare tibi in mentem venerit; profectò, ex ſola ac infinita propemoduin tot vocum, & ſyllabarum conuerſione, multiplicique, quæ fieri poterit, combinatione, ac reſultantibus verbis ritè diſpoſitis, inuenies, nullam non eſſe ſcientiam, nullam artem, nullam præſcientiam futurorum, quæ non hoc volumine comprehendatur: atque adeo & ipſe de meo penuriosus conficere poſſem, imò & confectos tenere, atque alijs profeſſoribus impertiri, in omni materia conſummatiſſimos: pios, impios, graues, ludicros; ſacros, profanos; ſeria, iocoſa; honeſta, turpia; continentes; atque hiſtorijs fabulas neſcere, Euangelium in Alcoranum, Eccleſiaſticas Sanctiones in Hæreſes commutare. Verbo, quicquid homo, Angelus, ipſe Deus, voce, ſcripto, carmine, aut ſoluta oratione, in quouis idiomate edicere poſſent, colligere, & in aliorum notitiis importare; per hunc ſolum Kabalæ uſum, ſeu verborum, ac litterarum variam tranſpoſitionem, & ordinem: quemadmodum de Valeria Proba Matrona Romana, Adelphi viri Conſularis vxore, legimus, quod cum eſſet ingenioſiſſima, & feliciffima plagiaria, è Virgilij Aeneide, Centones de Chriſti vita, & paſſione adeò concinnos, graues, & Maronis ſtylo accommodatos contexuit, vt ipſe Maro rediquius Chriſtianè loqui, & aliud omnino diuerſum poemata edidiſſe videretur. Id quod & Eudociam Auguſtam Theodoſij Iunioris Coniugem, de Homeri Iliade græcè feciſſe, tradit Lilius Giraldus in *Hiſtoria Poetica*. Ergonè iſthac, & ſimilia ingenij effluſcentis portenta, ſuapte natura prodeunt, & non magis improbi laboris partus ſunt, à ſola virtute enixi, & felici mentis acumine?

Atqui hæc eſt ipſiſſima Cabaliſtarum inſania, quæ ſe credunt, ſua arte combinatoria, poſſe omnia ſciri, Naturæ adyta penetrare, futura prænoſcere, abſcondita referare, &c. idque ſibi adeò certò ſuadent, vel potiùs incautiſ mentibus ſuadere ſaragunt; vt omnia, quæ ſub ſenſu cædunt, diuinis myſterijs plena eſſe dicant; eoquod

in Sacris Paginis habeatur, Deum omnia fecisse *in numero, pondere, & mensura*. Vnde ipsi imperitè ac stultè colligunt, magnam in numeris, ac rerum dimensionibus virtutem esse, vt qui eorum doctrinam probè calleat, possit vtique rerum principia assequi; sympathias, & antipathias noscere; qualitatum simplicium, & mixtarum, præualentiam, concordiam, dissensumque venari: non aduertentes, numerorum ad res physicas ordinem atque analogiam, ingenij & artis opus esse, haud Naturæ; eoquod illi, præciso intellectus discernsu, nihil in facto sint, & mera entia rationis in rebus ipsis concepta: vtque typographicæ characterum formulæ confusis impresforum loculis, mutæ sunt, & nullam ad scientias vim, aut relationem tenent, tamen si potentia omnes libros de quacumque imaginabili scientia gignere aptæ sunt; ita & numeri, & pondera, & mensuræ admirabiles effectus, & proprietates habere possunt; at non nisi alicuius intelligentiæ, siuè humanæ, siuè angelicæ, siuè Diuinæ opera, quæ rebus sibi analogis applicentur. Quæ igitur & qualis est ista naturalis tam decantata numerorum potentia, quæ in arte solùm consistit, atque ordinatione intellectus ratiocinantis? vt & dispositio litterarum, quæ pro libito aptari possunt ad quoduis, in quouis genere significandum? Ergò quod ex Kabala consurgit, artis opus est, non naturæ: Oracula quæ emergunt, aut hominis astu prodeunt, qui antecederet diuersa responsa composuit, & ad omnem numerorum, siuè litterarum combinationem aptauit, ad lucrum & scientiæ famam captandam; aut dæmonis assistentis ope, id in præsentem distans, aut ex numeris profilire facientis, quod Kabala fidem conciliet, atque animas tali esca illectas, in sui consortium trahat. Illa equidem inanis, captiosa, & mendax; hæc impia, superstitiosa, & sacrilega, in animarum perniciem introducta: vt non satis mirari queam, dari homines, qui se cordatos, prudentes, timorati conscientiæ prædicant, & haberi volunt; & tamen nequissimæ huic, vel sanè vanissimæ arti dant operam, & fidem astruunt. At id inolitum ab initio, humanæ curiositatis vitium fuit, futura quæque & occulta, per fas nefasque scrutari; ab Eua protoparente cum sanguine nobis transfusum. Sed de muliere nil mirum, quæ prima, & nondum diabolicas fraudes edocta, ignoranter peccauit: illud certè mirandum, & nunquam satis detestandum; quod homines sapientes, experti, ac sibi benè conscij, his vanijs patiantur illudari, & nequicquam refragante rationis dictamine, sibi vltro velint imponi! Equidem multos expertus sum, (inquit Augustin. lib. 10. Confess. cap. 23.) qui vellent fallere; qui autem falli, neminem.

Apa-

Apagē à Christianorum mentibus tantam infaniam : & qui, ex orco tam maledictam artem emerſiſſe, iam probè norunt; eam cum ſuis ſectatoribus in orcum iterum redire compellant.

Reſtaret hic (ne quid intactum in hac re prætereamus) de tertia Kabalæ ſpecie, quæ propriè Notariaca eſt, (à notis quas conſiderat, dicta;) quæque ab initialibus nominum litteris, veluti hieroglyphicis, aut compendioſis ænigmatibus, felicitatis, aut infelicitatis omem deſumit, iudicium dare: ſed ea Stoicam potiùs Sapientiam redolet, quam vim naturalem in nominibus ſitâ. Talis eſt littera ille Pythagorica Y. quæ vitam humanâ ambiguam, bicorni diſcrimine ſectant, atque in bonum, & malum tendentem, ſignificabat. Item littera Θ infelix habebatur; ex quo vulgare illud exſurrexit Adagium; *Infelix littera Theta*; eo quod mortem initialiter prænotabat. E-contrâ felix *Alpha*, quæ anteponebatur, & *Athanatos* conſciebant, ac ſi diceres, *Immortalis*. Sed hæc, otioſæ obſervationes ſunt, & non tam ex ſine ſenſata, quàm ex affectu vana: quippe pro inſtituto aptari poterunt ad quamvis morum, & actionum directionem, prout res poſtulat, & imperantium decretatio. Quid enim ex celebri illa Sabi-norum teſſera vexillis impoſita, S. P. Q. R. & à Romanis in alium ſenſum translata, non emerſit, & eniſſere adhuc poteſt, pro cuiusque interpretatoris arbitrio? Sanè ante illos ab Sybilla uſurpata legimus in ſuis oraculis, inque ærea lamina primitus incifa, S. P. Q. R. quâ ſignificaretur, *Salua Populum, Quem Redemiſti*: quam poſtea ad ſua ſenſa detorſere Sabini, atque Romani, ut aduertit Corraſſius lib. 5. miſcell. cap. 15. Quare ingenioſa magis, quàm ſathanica, ſeu ſuperſtitioſa, hæc Kabalæ ſpecies dicenda eſt, uti & Anagrammatica ars; otioſum non minis quàm laborioſum ſtudium, licet innocuum, ad fruſtrâ tempus terendum, & hominibus aſſentandum. Etenim ex ipsis initialibus litteris, aut iſdem verbis aſſumptis, & commutatis diuerſas ſignificatione gnomas, laudes & vituperia, falſitates, & veritates, æquè conipingi poſſunt, pro compoſitoris arbitrio: quemadmodum fauſtam vel infauſtam interpretationem ab initialibus litteris ſumere. Nec enim ego minus fauſtam, & glorioſam dixerim litteram Θ, quod in ea Θ, Θ. hoc eſt Deus, initium ſumat, verus felicitatis fons, & ſcaturigo; quàm funeſtam, & infelicem habuere Pythagorei, quod Θάνατος, hoc eſt mortem initialiter ſignificaret. Sed hæc puerilia commenta ſunt, ac riſu magis, quàm ſerijs rationibus conſutanda.

- II** KABAR, seu ELKABAR, Chaldaicè appellatur Canis Maior Sirius, sidus in Cælo, seu porius Stella fulgentissima in eius ore consistens, de qua alibi dictum. Testis est Kircherus in Oedipo.
- 12** KACHITICHI græcè audit *Mala Fortuna*: quo nomine Astro-
nomi indignant Sextam Domum in Constitutione Cœlesti, cadentem ab Angulo Imi Cæli, & proximam Cardini Occidentis: qui locus omnium abiectionissimus & planetas in eo plurimum infortunari perhibent, eo quod infelix est, & nulla familiaritate cum horoscopo copulatur. Et ideo ex eo sumunt significationes morborum, & vitiorum corporis, aliorumque accidentium bonam corporis constitutionem, ac temperiem infestantium. Habet debilitatis partes quatuor; colorem sibi vendicat nigrum, & gaudet in eo Mars.
- 13** KALB Arabicè idem sonat ac Meditullium, penetralia, Cor. Unde apud Astronomos Arabes applicatur diuersis sideribus, cum adiuncto, ut *Kalb Alatræ*, Stellæ fixæ existenti in corde Scorpij; alijs dictæ Antares: *Kalb Eleced* dicitur Regulus, seu Cor Leonis: *Kalb Alpharad*, Cor Hydræ; Et sic de singulis. Quorum omnium naturam, & qualitates, vide sub Latinis nominibus.
- 14** KALENDÆ, apud Chronologos, & Historicos passim appellantur primi quique dies, & initia mensium vertentis anni, ab græca notione *καλῶ*, deriuato vocabulo, quod idem valet, ac conuoco; vel arcesio: eo quod istis diebus olim per Sacrorum Antistitem populus conuocabatur ad concionem, interimque de festis, ritibus, ac Sacrificijs, quæ eo mense peragi occurrebant, quoto succedente die, admonebatur. Inde inductum
- 15** KALENDARIVM, hoc est, Computus tam Ciuilis, quam Ecclesiasticus dierum per ordinem succedentium, singulis mensibus in toto anno, in quibus adnotantur generaliter eo die quo incidunt Kalendæ, & earum præcessio, Idus, & Nonæ, Aureus numerus, Epactarum recursus, & Littera Dominicalis, ad inueniendas Lunationes, Lunæque ætatem occurrentem quolibet die. Tum particulariter signantur Festa mobilia, & fixa recurrentia in anno suis diebus per ordinem dispositis. In aliquibus etiam describuntur festa ciuilia, seu vacationes curiales, insignia anniuersaria, gesta, consuetudines populorum, & alia quæ annua recordatione digna sunt, quæ etiam Diaria communiter appellantur. Præterea Ingressus Solis ad puncta Car-

Cardinalia, necnon ad Signorum initia; configurationes cum Luna, & alijs Planetis; Eclipses; quantitas diei, ac noctis; &c. pro ijs qui ad Horas Canonicas tenentur, & Missas celebrare consueverunt: vt sciant quo ritu, & ordine id peragendum sit, ac terminos, vnde initiũ sumat, ac terminet obligatio. Quæ omnia per extensum in aliquibus Kalendarijs prostant, ad communem instructionem, commodum, atque vtilitatem. Huiusmodi autem Kalendaria, quæ etiam Astronomicas obseruationes continent, peculiari nomine Ephemerides appellantur.

Porro duplex Kalendarium hodie circumfertur: Vetus alterum, quod Iulianum dicitur, eo quod ab Iulio Cæsare ordinatum, & lege inuectum fuit, quod communiter ab omnibus Nationibus receptum, perdurauit vsque ad annum Correctionis 1582. quo prodijt Alterum Kalendarium nouum, dictum Gregorianum, quod à Gregorio XIII. Summo Pont. adhibita opera sapientissimorum Astronomorum inductum est, correctum, & restitutum ad statum antiquum, reducto anno tropico ad rationem cycli solaris; proindeque æquinoctijs ad suas sedes restitutis, in quibus erant tempore Concilij Nicæni, in quo Decretum fuit, vt Pascha iuxta receptum vsum Ecclesiæ, celebraretur prima die Dominica post plenilunium succedens Aequinoctio verno. Etenim quia in Computo Iuliano annus solaris crassiusculè definitus erat in diebus 365. & sex integris horis, quâ peractâ periodo, Sol censebatur redire ad idem punctum Aequinoctij, vnde processerat; cum tamen reuerà tempus exorbitaret, in minutis ferè vndecim, eo quia iustus annus tropicus, & solaris periodus, est dier. 365. hor. 5. & min. ferè 49. hinc factum est, vt dies ille intercalaris quarto quoquo anno, Februario mensi adijci solitus (ad rationem sex horarum residuarum, quæ quater ductæ naturalem diem consueiunt,) in quatuor annorum decursu deficeret in min. 44. & in trecentis annis perperam accrescerent dies duo, & septem horæ, itaut à tempore Concilij Nicæni, ad annum factæ correctionis, toti decem dies superflui deprehenderentur sensim, irrepsisse, & carptim ablatos à consequentibus solis reuolutionibus: quod fiebat, vt annorum recursus perturbaretur, & si error vltius progredieretur, aliquando eueniret, vt æquinoctiorum sedes ad ipsa solstitia transportaretur. Cui malo occurrere volens præfatus Pont. adhibitis, vt dixi, in consilium peritissimis expertissimisque Astronomis: reque cum celeberrimis Europæ Academijs communicata, remedioque proposito; communi omnium plausu, & Christianorum Principum, imprimisque pijs Imp. Rodulphi, quod diu

diù expetierat, commendatione, & precibus expedita res est; atque adeò, edita Constitutione, statutum, vt ablatis ab eo anno, qui recurrebat 1582. decem diebus perperam iam intrusis, deinceps à quinta die Octobris, iam non quinta, sed quintadecima eiusdem mensis diceretur, sicque annus excurreret: ex quo Aequinoctium vernum, totiusque anni periodus ad suas sedes restituta est, adamussim Cælestibus reuolutionibus, anni ordine respondente. Et ita error qui in præteritum tot annorum circulis irrepserat, in momento temporis fuit correctus. Ac, ne in posterum simile quid ex indiligenti calculo obueneret, benè prouisum, vt in centesimis quibusque succedentibus annis, per tres continuos centenarios, dies bissextus Februario mensi neutiquam adijceretur, benè vero, vt aliàs fit, in quarto centesimo, & sic in perpetuum. Quod si hic ordo intermitte-
 1877 tendi in tribus continuis centesimis diem illum intercalarem, & concedendi quarto cuique recurrenti centesimo, itaur, exempli gratia, annus futurus 1700. & anni 1800, ac 1900. bissextiles non sint, sit autem more solito annus 2000. constanter, & inuariatè seruetur; id profectò fiet, vt in ratam annorum distributionem, omnes vnà Nationes conueniant, & concurrant; & nunquam in hunc errorem incidendi præbeatur occasio.

- 1878 Et quidem recepta, & probata est ab vniuerso Orbe Christiano, eà, quæ par erat Ecclesiæ filijs, reuerentia, promptitudine, & alacritate hæc Anni correctio, & Kalendarij reformatio; vtpote quæ rationi, experientiz, ac tantorum virorum auctoritati innixa, & subfulta firmiter erat. Verùm A catholici, & Heterodoxi, plus fortè in odium Romanæ Ecclesiæ, & Sanctæ Sedis, cui morum gerere dedignantur, quàm quòd æstimarent eam ratam non esse, absoluteque Reipublicæ necessariam, amplexati non sunt. Et Græci quidem Schismatici, veritate conuicti, & nullam in hoc, Romanæ polices, cuius sunt maximè meticulosi, vmbram agnoscentes, suscipere vltro parati erant; sed Turcarum iugum, sub quo miseri gemunt, ne quid noui ab Romana Ecclesia emanatum susciperent, tanquam suorum rituum desertores, detertuit, & in errore agnito persistere suasit. At superbiores, & peruicaciores Hæretici, eam respuere, fugillare, scriptisque cauillationibus carpere ausi sunt: in quo negotio oninium sensa & vices duo ipsorū non ignobiles Mathematici susceperunt, Michael Mæstlinus, atq; Ioseph Scaliger, qui propterea sibi Emendatoris temporum titulum vanissimè arrogauit. Sed recti sunt, sed malè mulctati à Christophoro Clauio insigni nostri sæculi Mathematico, atque acerrimo Kalendarij Gregoriani Vindice abso-
 lutif-

lutissimo scripto volumine, quod Kalendarium Gregorianum indigitauit, ubi, & illorum petulantiam repressit, & solidissime confutauit, demonstrans anni correctionem (quam utique, & ipsi necessariam fatebantur) melius institui non potuisse. Ad quem profectò curiosum Lectorem remitto.

KO

KOSMOS græcè dicitur Magnus hic Mündus, Cælum, Terram, 19 & omnia sensibilia, quæ in eorum ambitu continentur, completens: ab ornatu, & symmetria, quibus omnia suis locis disposita sunt, optime compartita, & bellissime ordinata, sic dictus. De cuius sapientissima architectatione, quæ planè non minùs, quam Dei Sapientiam, atque Omnipotentiam exigebat, cum aliàs luculenter dictum sit, ne eadem repetamus, hic venerabundi sistimus, & ad sequentia calamus adnuemus.

KR

KRAGE, lingua Danica appellatur species quædam scalæ rudis, 20 sed oppidò commodæ, atque expeditissimæ ad omnia opera tum ciuilia tum bellica, quàm celerrimè consummanda. Ea potissimum vtuntur Agricoltæ ad tendendas arbores, fructusque sine offensione legendos. Sed nec vacat officio in militari tumultu, & subitarijs munimentorum aggressionibus: quippe, ubi deficiunt Machinæ expugnatoriæ, ea extemplò subintrat, & vices vtumque supplet, ac Victoriæ palmam sapientissime proripit. Præclarum sanè inuentum. I At quia obuium, & facile, non satis æstimatum. Etenim nulla fere operâ, nullo artificioso molimine, nulla impensâ, temporaria & simplicissima, vt ita dicam, machina apparatur, ad compingendum facilis, ad asportandum leuis, ad ascendendum prompta, & ad sustinendum, cæteris fortè securior, ac robustior. Fit enim ex arboris excelso trunco, rescissis circumquaq; expatiantibus, & prominentibus ramis, aut adiectis, ubi isti deficiunt, vectibus; ita tamen, vt modicum quid foris prosiliant, ad firmanda in ijs vestigia: quo solum erecto, atque ad terram fixo, momentò quis in sublimè tollitur, ac tunc consistit, ad opera quæ molitur expedienda. Eius mentionem facit Saxo Grammaticus in Historia Danica, ubi sic eam describit. *Krage lingua Danica, truncus est, cuius semicasis ramis fastigia conscenduntur; itaut pes præcisorum stipitem obsequio, perinde ac scalæ beneficio nixus, sensimque ad superiora prouectus, petita celsitudinis compendium assequatur.* Videtur specimen, & formam hausisse, aut etiam ceu primùm redimentum dedisse scalis illis bellicis, quæ olim in vsu fuisse constat ex vno stipite satis ob-

longo, ac stans in locis, per mediū traiecto; & extantibus per se scandulis, manu hūc illūcque apportabantur, prout opus erat, & quibus murorum excensiones fiebant; quarum meminit Hero Mechanicus, ac Stevvechius, apud quos earum vnam videre poteris, inter alias probè delineatam.

KV

- 21** KVS apud Hebræos, idem valet ac Poculum: vnde à Scriptoribus rerum Cœlestium vsurpatur antonomasticè pro Cratere sidere, posito supra dorsum Hydræ, de quo alibi dictum.

Cætera quære sub littera C.





LA



ABARVM militare Signum, à Constantino Magno primò inuectum, seu potius, accepto cœlis Sanctæ Crucis indicio, in illud præfixa cruce, & Christi nomine, ethnica Romani Imperij Signa, quæ erant Dracones, & Aquilæ, sanctius commutauit: Eo vsus est piissimus Imperator in bello contrâ Maxentiũ tyrannum suscepto tanquã præsidio potentissimo ad victoriã obtinendam; vti eũ spes, & fides Cœlesti visioni data, non fecellit: Ex quo semper illud in prælijs, tanquam tutissimũ propugnaculũ, ante copias suas gestandum curauit. Nominis etymon traxit Nazianzenus orat. 2. contrâ Iulian. ex euentu, quasi *laboris terminus*. Quãquã Stevvechius in Notis ad cap. 17. lib. 3. Veget. existimat, longè antè in exercitu Romano, Labarum inter alia signa circumferri consueuisse, ac multo maiore quàm illa, in honore habitum, antèque ipsum Imperatorem gestari solitum: quod multis veterum scriptorum testimonijs comprobatur, & antiquis Cæsarũ numismatis confirmatur; in quibus sub pilis signorum, appensum Labarum conspicitur, cum litteris in eo inscriptis H. vel Π, quod alij Cantabrum appellabant; inter quos Minutius Felix in Dialogo aduersus gentes, illis exprobrat, *Signa ipsa, dicens, & Cantabra, & Vexilla Castrorum, quid aliud quàm inaurata sunt Cruces?* Vt ut sit, certè putandum est, pium Imperatorem, antiquum Romani Imperij morem in signis militaribus retinere voluisse, ne quid altè receptum in exercitu innouaret; & solum commutatis litteris in X. & P. simul contextis, quæ Christi nomen græcè initiarent, prophanum ritum in sacrum vertisse. Erat autem, vt scribit Eusebius oculatus testis in vita Constantini, præalti pilum seu hasta erecta, è qua per tranuersum pendeat alia hasta, itaut in crucis formam abiret: cui pròinde velum inauratum affixum erat, in eoque binæ præfatæ littæræ simul intextæ gemmis, ac, margari-

tis cucum ornatæ; id quod Prudentius Poeta, Distico expressit.

Christus purpureum gemmanti textus in auro

Signabat Labarum, summis Crux addita cristis.

Quem morem hodieque seruat, ac retinet Christiana, Religio-
giolque Clericorum, ac Monachorum Militia, in Processionibus,
seu publicis supplicationibus peragendis: non armis in hostem pu-
gnans, sed precibus, & facibus accensis, sub hoc auspiciato vexil-
lo, Cælo bellum indicens, ut pia vi rapiat, & speratorum victoriâ
consequatur. Sed de hac re iterum redibit sermo in loco.

2 LABDAREI olim in re militari, Herone teste, in lib. de Machi-
nis bellicis cap. 1. erant obstacula, & impedimenta in genere muri-
cum: nisi quod hæc lignea erant, altè in terra defixa, & benè com-
pacta ad sustinendos impetus cadentium saxorum, & rotarum ex
editis arcibus immissarum in castra oppugnantorum: & quia erant in
Lambdæ Λ græcæ litteræ formam compacta à duobus tignis sibi inui-
cem innixis, & ad verticem in angulum coëuntibus, non ab re Lab-
darei dicti sunt. Horum autem effectum, & formam exhibet Hero,
sive Barocius eius interpres, in schemate, quod cum Ciuitate obsessa,
& immixtis inde ponderibus, & verticulis, dat probè delineatum.
Qui postquam isthæc, aliaque obsessorum molimina aduersus oppu-
gnatores adhibita censuit, de Labdareis sic loquitur. *Aduersus hæc
autem repugnantes murices ligneos construere oportet, quinque cubito-
rum, Labdareos à quibusdam vocatos, quorum unumquodque crus gyrum
quasi duorum pedum habeat, ne frangatur vel disrumpatur, sed resi-
stant ponderibus, quæ deorsum feruntur.* De alijs minoribus, & ferreis
muricibus, qui per campum spargi consueverunt, ad disturbandos,
ac distinguendos procedentium equitum ordines, habebis suo loco in
V. Murices.

3 LACONICVM, Vitruuius teste, ubi agit de Balnearum partibus,
lib. 5. cap. 10. erat locus specialiter sudationibus destinatus, in quo
ex calore concepto sudor eliciebatur: à Laconibus inuentoribus ita
dictus, ut author est Dio, qui plurimum his siccis sudationibus de-
lectabantur. *Assas sudationes vocat Cornel. Celsus lib. 3. cap. 27. ad
distinctionem earum, quæ fiebant in aquis calidis: unde est illud Co-
lumellæ in proœmio sui operis; Quotidianam cruditatem laconicis ex-
coquimus, & exsulso sudore sitim querimus.* Erat autem eius structura
ad modum turriculæ concameratæ in hemisphærium, cuius speci-
men exhibet oculis Caporalis in hunc locum Vitruuij. Similes his
sunt, quas vulgò *Struphas* vocamus, & practicari potissimum solent in
Ger-

Germania, & alijs regionibus Septentrionalibus ad teporem cubi-
culis, hyemis tempore communicandum: Quanquam, & structura;
& effectu valde diuerso, nam Laconicum violentius est, & non ad
simpliciter inibi commorandum, lento calore indito; sed ad sudo-
rem, vehementi calore eliciendum in morbis, & humorum abun-
dantia, vnicè factum.

LACOTOMVS in Gnomonica appellatur linea recta axi mundi
parallela, per Meridianum transiens, a tropico ad alterum tropicum
ducta, siue inter duos parallelos, æstiuum & hybernium intercepta;
quæ totam amplitudinem ortiuam, & occiduam Solis definit, quæ
fit, vt singulis diebus, declinationes Solis, & partium Eclipticæ faci-
le internosci queant. Addit Barbarus, quod sit diameter eius circuli,
ex quo radij mensuri meridiani sumuntur, descripti per puncta de-
clinationum Eclipticæ ascendentium, & descendentium: vt videre
est in delineatione Analemmatis, quam dedimus sub hoc Verbo.
Hic autem circulus Manacus appellatur; sed qua ratione, nescimus:
vti nec originem, è qua fluxit vocabulum Lacotomum, se nescire;
dicit Philander, nec apud vllum hætenus inuenisse.

LACVNAR in Opere architectonico dicitur interior contignatio
ædis, quæ templi calum appellatur, ad differentiam tecti concame-
rati, quod est structili fit. Nostris autem *Soffito*. Nominis etymon
deducit Seruius à Lacuna, quod ad eius morem cauum fit. Dictum
etiam *Laqueare*, quod olim apud Veteres magno in luxu esset, præ-
sertim in cœnationibus, vbi miro artificio, auro, picturisque ac scal-
pturis exornabatur: siue ex eo quod versatile esset, ac reducibile,
ita vt ad singula fercula mutaretur, vt refert Seneca epist. 14. (in-
tantum creuit Antiq̃uotum ostentatio, & luxuria:) ac subinde su-
nibus, & laqueis retracta prima facie; alia, & alia opere ornatiore
succederent; siue ex lychnis inde pendentibus ad illuminationem lo-
ci, vt est illud Poëtæ Aeneid. 1. *Dependent lychni laquearibus aureis*,
à laqueis pendentibus denominationem sumpsit. Cæterum in Tri-
clinij Lacunaria delumbata exquirat Vitruu. lib. 6. cap. 5. hoc est
ad modum fornicis curua, coronis innitentia ad maiorem ampli-
tudinem, & venustatem. Qua de re videndus Barbarus in hunc
locum.

LACVS, si præsertim naturâ ingentis sunt, & amplissimi tractus,
ad Geographicam considerationem pertinent; intrant enim, & com-
plent suâ extensione globum Terraqueum; ac periude vt mare, &
cel-

rellus, sub Climatum parallelis, circulisque longitudinum ac latitudinum geographicarum comprehenduntur. Eo autem nomine veniunt aquarum magna receptacula, & reductiones in vnum intra terram perpetuò stagnantium, nec vllò cum Oceano alioque mari communicantes, sed seipsis in suo iusto alueo consistentes, nec vllò vnquam aquarum affluxu, siue ex amnibus qui eò accurrunt, & se exonerant; siue ex imbris, siue ex intimis terræ moatibus erumpentium, aut accrescunt aut siccitate decrescunt. Naturæ dixeris lusus, sed potius iustissimas repletiones, quibus terræ reddit, quod alias maris voracitati permittit: cui quasi non esset satis (vt obseruat Plin. lib. 6. cap. 1.) ambisse terras, & partem earum, aucta immunitate abstulisse, ni, & amplas insulas intra sinum suum clausas, & mancipatas sub sua tyrannide detineret. Porro innitis hoc accidisse terris, (iure prosequitur Plinius) indicio sunt tot angustia, atque tam parua naturæ repugnantis intervalia. Quod ideo, quod rapti perdidit terra, iusta vice lacubus sibi compensat; & quantum illud alius iuris abso-
buit, tantumdem è suis thesauris euomit in iustum pretium, & satisfactionem: namque vt obseruat Scaliger exerc. 37. *Lacus in terra, sunt velut Insule liquida, & Insule in mari Lacus solidi.* Sed enim verè dicendum, quod bellè, & sapienter id Natura prouidit, vt æstuantis alicubi Climatis inclementiam, aquarum refrigerantium interpositione leniret, & humoris redundantiam in Oceano exurgentem, scopulorum siccitate retunderet, ac temperaret.

7 Nunc autem, quod ad lacus attinet; ex his, aliquot tam vasti sunt, & impensi ambitus, vt meritò Marium nomine appellentur: qualis præcipuè est Lacus Asphaltitis in Iudæa, longitudine, vt inquit Plin. lib. 5. cap. 16. supra centum milliaria, alias dictum *Mare mortuum*, siue quod in se nullum corpus viuum admittit, vt vult idem Plinius; siue quod putentibus, ac bituminosis aquis pestilens, & exitialis est, cui laudatissimus in Sacris Paginis Iordanis fluius se immiscens immoritur, aquasque laudatas perdit pestilentibus mixtas, Lacus præterea est in Hyrcania immensæ amplitudinis, & circuitus, inter montes Hyrcanos, & Caspios clausus, vnde & *Mare clausum* denominatus est, alias Mare Caspium, & Hyrcanum. In quo cum Veteribus deceptus est Plinius lib. 6. cap. 13. illum Oceano Scythico nectens, vti & Pontum Euxinum, de quo mox infra; vt in Tabulis Geographicis videre est, (quas ex Mercatore, Ortelio, & aliorum observationibus correctissimas, & accuratissimas dedere Amstelodami Gulielm. Bleau, & Io: Ianssonius) vbi lacus iste in continenti est longè ab Oceano distans, & vndique pedibus circumuagari potest, Pontus autem Euxinus haud multum à Caspio Mari se-
mo-

morus, incipit à Bosphoro Thracio, & à Mæotide Palude quæ in eû in-
 fluit, incrementû sumens; quæq; propterea *Temerinda*, dicta fuit quasi
Maris mater, eoquod Pontum procreet, & suis abundantibus aquis;
 velut vberibus nutrit, longoq; ambitu ab Oriente in Septentrionem ten-
 dens, aniplissimas regiones, Bithyniam, vtramque Sarmatiam, Colchi-
 dæ, Paphlagoniâ, & Macedoniam alluit, ac tandem, angusto freto, Eu-
 ropam ab Asia discriminans, Aegæo mari se iungit; vt meritò addu-
 bites, nûm mare dicendus sit, an vastissimus lacus. Cæterum non in-
 uitus admitto, has similesq; congregationes aquarum, meritò appel-
 lari *Maria*; vt Sacer Historicus tradidit Gen. 1. quando aquarum sal-
 sedine, & aluei vastitate, quæ propria maris, & Oceani sunt consequun-
 tur: At, quæ toto Orbe dispersæ, quæq; infinitæ propemodùm sunt, ex
 aqua vtplurimum dulci stagnantes, & nullibi exitum aperientes, pro-
 culdubiò Lacus sunt, ac diuersæ admodum ab mari conditionis, &
 naturæ. Quorum alij, quos memorat Seneca in Quæst. natural. lib. 3.
 cap. 19. & Olaus magnus lib. 3. cap. 10. sunt sine fundo, aut certe
 imperferutabili: Alij sunt, vt ita dicam, Virgines; qui nullas fon-
 tium; aut fluuiorum emissiones admittunt, sed suis proprijs aquis
 contenti sunt, aut è Cælo delapsis, aut è terræ meatibus extillan-
 tibus, indeque perpetuò stagnantibus; quales sunt in nouo Orbe,
 detecto *Parima* dictus, nongentarum ferme leucarum ambitu, ac
Trasimenus in nostra Italia, prope Perusiam. Alij econtrà tantæ in-
 gluuiæ, vt nunquam, quauis facta aquarum accessione, exsatiarentur,
 aut accrescant: vti sunt *Albus* in Russia, qui fertur excipere sinu suo
 tercenta, & sexaginta flumina; *Vener* inter Suetiam, & Noruegiam
 positus, ebibens viginti-quatuor non contemnendos amnes; atque
 in Italiæ sinibus celebratissimus *Larius*, ad vltimos Heluetios se ex-
 tendens, qui præter Adduam flumen amplum, & notissimum, quod
 ex vna parte recipit, ex altera remittit; septemdecim præterea mi-
 nores riuos, ac torrentes deglutit, admittitque. Et tamen neque is,
 neque alius quis in tanta aquarum deriuatione redundat, & ripa-
 rum limites transilit, aut exsuctis à Sole aquis, minuitur.

Cuius arcani rationem speculantes Philosophi, & ab experientijs
 comprobantes Mathematici præctici aquarum libratores, concludunt
 inde oriri, quia habent in se occultos meatus, quibus aqua ad cer-
 tam altitudinem adducta non amplius emittitur, sed porius remear,
 & aliò anandatur: & contrà exhausta, & exsucta quantalibet aqua-
 rum vi, tantundem recipiunt è subteraneis venis, itaut in ea sem-
 per plenitudine, & libratione consistent. Etenim id habet proprium
 sibi quæ innatum aquæ Elementum, vt terræ insitit, ac pari superfi-
 cie innatet: & sicubi, ex quouis accidente fiat imminutio, statim
 locus

locus oppleatur, alia ex alijs riuulis suppetente aqua: Si verò angustius preliis alueus, tantam recipere, quanta in eum aliunde confluit, non satis sit; remittat per eodem meatus, donec in sua altitudine maneat, & eiusdem semper librationis æqualitatem seruet.

9 Id quod equidè mirabilius est, nec satis capere valet Plinius lib. 2. c. 103. quod quædam flumina impermixtas influunt aquas, aquis lacuum supernatantes, ut in *Fucino*, inquit, *lacu inuectus amnis* (Tutias Ortelio) in *Lario Abduas* in *Verbano Ticinus*; in *Benaco Mincius*, &c. qui hospitales aquas recipiunt, nec suis immiscent: Sed hoc facile intelligetur, tum ex modò dictis, tum ex intrantis fluuij concitantia, & rapiditate, quæ non permittit aquas, aliqui leuiiores, crassioribus ac pigrioribus in lacu stagnantibus commisceri: quemadmodum etiam videmus insigniores, ac rapidiores quosdam amnes in mare sese exonerantes, ad multa miliaria, suum cursum, & aquarum dulcedinem retinere.

10 Ex his, ac tanta lacuum copia, & varietate per vniuersum Orbem aptissimè dispersita, colligere licet, contrà impium Lucretij assertum, quanta sit Diuini Numinis sapientia, ac providentia in Mundi Machina probè architectanda, nempe tanta varietas, & partium commoda distributio tendens ad ornatum, decorem, atque utilitatem humani generis illum inhabitantis, ut obseruat etiam Tullius, & admiratur lib. 2. de Natura Deor. Qui etenim stare posset Orbis ad hominum, aliorumque animantium incolatum factus, si mare omninò vacaret Insulis, ad quas, post longam defatigationem diuerterent; si terra non irriguis aquis, & apertis amplissimis lacubus, non continuò humectaretur, campi fecundarentur, pisces non alimento suppetere, & vnde liberum ac varium aperiretur iter, & commigratio, ad commercia, & populorum communionem? Accedit, quod hæc varietas & alternatio, alicubi ad Cæli superandam inclementiam plurimum iuuat. Expertum quippe est, in *Africa*, ubi maximus æstus est, & Solis ardor, interiectos lacus quibus (etiam amaris) abundat, sua humiditate soli ariditatem corrigere, ac tepore aërem temperare. Id quod contrà accidit in partibus Septentrionalibus, ipse enim tepor ex aquis latè patentibus exhalans, ubi ex antiperistasi in fundo calent, aëris rigorem tundit, & mixtam quandam temperiem adducit, quæ locus iucundè inhabitari, & solum circà adiectum humiditate fecundari, ad victum necessaria suppetans, queat. Sanè id aduertimus, (ut in loco monuimus.) in *Benaco-lacu*; ubi, & in oris adiacentibus, sub rigidissimo cæteroqui cælo, quod limonibus, malis medicis, alijsque delicatioribus plan-

plantis infestissimum est, & aliàs adulescere, & fructificare non patitur, nisi probe opertas, & igne circumposito fotas, eas tamen in media Insula, & circa ripas, maximè in Salodiensi tractu, absque vilo operimento, aut alia adhibita cautela, impunè crescere, efflorere, & sapidissimos fructus educi videmus, in tanta abundantia, & æstimatione, vt nedum vicinis Italiz vrbibus, sed & contiguarum Germaniæ largè suppeditentur. Similiter de Verbano, qui est latus in Insubria, ab Indigenis dictus *Lago Maggiore*, testatur Ferrarius in Lexico Geographico, quod in eo, *Insula est malis medicis confita, qua ob nimiam elegantiam, & amantatem, Tempe dici potest, & hortis Alcinoi, & Hesperidum comparari*. Vsque adeo nusquam telustam inhospita est, quæ non in commune bonum conspiret, & aliàs, ea quæ sibi natura aduersa sunt, in consortium non admittat, foueatque in sinu, vt homines ad se inhabitandum alliciat.

LAMBAVRAS, apud Heronem Mechanicum, in libello de Geodæsia nominatur Oculus Tauri, stella fixa splendidissima inter Hyadas constituta in Constellatione Tauri: quasi, vt ipse mox explicat, *Fax ardens*; quia nimirum perinde ac fax ardens, mirum in modum scintillar, & fuluo colore coruscat. Sed tali, aut consimili nomine insignitam nusquam inueni in alijs, cùm Græcis tùm Latinis Scriptoribus.

LATAE in aliquibus mediæ, at non barbaræ ætatis Scriptoribus, inueniuntur non rarò vsurpatæ in re ædificatoria, pro ascribis qui adhibentur in tectorum constructione. Plura testimonia affert Du-Cange in Glossario, ex quibus colligit, eas aliud profectò non esse, quàm minutiones asseros festiles, qui suprà cantherios ponuntur, quibusque aptantur tegula. Sunt qui opinantur, latas in contignationibus eas omninò esse, quas templa appellauit Vitruu. lib. 4. cap. 7. vbi de tecti ordinatione agens, ait: *suprà fastigium columen, canterij, templa, ita sint collocanda, vt stillicidium tecti absoluti tertiaro respondeat*: & alio in loco explicatiùs dicit: l. 4. c. 2. *Suprà canterios templa*. Si ergò; (arguunt isti,) suprà fastigium & suprà canterios isthæ præcipit collocari, certè nil aliud esse possunt, quam iati asseres, qui canterijs superponuntur, & coaptantur ad sustinendas immediatè regulas. Ast Templum, Sexto Pompeio auctore, est *Tignum quod in edificijs transuersum ponitur*. Tignum autem quod transuersum est, longè differt ab asserè, quòd vnicum est & crassius, iste, autè plurimus adhibetur, magis latus quàm longus & altus, vt coaptari possit ad recipiendas suprà se regulas, ideoque latæ nomen.

benè asseribus quadrat, & non templis. Addo quod Vitruu. ipse, ubi supra, expressè distinguit templa ab asseribus hæc, qui tegulis supponuntur: ait enim: *suprà canterios templa, deinde insuper sub tegulis asseres*. Quare intercedit hic æquiuocatio in eo quod Vitruuius dixit, vtraque supra canterios poni, quod verum est, sed diuerso ordine & vsu. Et quidem benè Philander nodum soluit, & partes atque officia segregat. *Templa*, inquit, *sunt assamenta, quæ transuersa supra canterios ponuntur; supra quæ collocantur asseres*. Vbi notâ, aliud esse assamenta, aliud asseres; quæ tamen vtraque canterijs imponuntur. Nam assamenta, quæ templa nominauit Vitruu. sunt paxilli, seu tigni minusculi longiores, & crassiores, quam asseres, (nostri dicerent *Travicelli*) qui transuersariè disponuntur supra canterios, seu trabes maiores, suprâque ipsos asseres complanati, ideoque magis lati quam crassi, ad hoc vt ipsis desuper tegulæ ordinari possint, ex quibus tandem tota contignatio componitur, ac tectum sit integrè absolutum. Quocircâ benè stat cuique sua denominatio ab officio, & asseres ad hoc opus adhibiti, vt distinguantur à cæteris, qui sunt ad alium vsum, in bona, & latina significatione, specificè Latæ nuncupantur. Consonat Papias magnus verborum ex etymo criticator, qui ait, *Asseres Latæ latini est*.

13

LATITUDO apud Astronomos appellatur deuiatio Planetæ, siue alterius cuiusvis Astri ab Eclipticâ, & Orbita Solis, versus alterutrum Polorum Zodiaci; itaut quò maior sit deuiatio, eò maiorem latitudinem importet: quæ etiam à Plaga ad quam descecit, denominationem sumit; atque adeo Borealis dicitur, cum locus in plaga Boreali est, & ad Polum Boreum vergit; Australis, cum ad Australem: eo prorsus pacto, ac diximus de Declinatione; nisi quod hæc sit deuiatio ab Aequatore versus alterutrum Polorum Mundi; Latitudo verò, vt dixi, deuiatio ab Ecliptica versus alterutrum Polorum ipsius Eclipticæ. Porro Sol nullam vnquam latitudinem admittit, sed semper & constanti itinere, graditur per Eclipticam. Reliqui verò Planetæ cum latitudine incedunt intrâ fasciam Zodiaci, quam communiter in Armillari sphaera statuunt latam sex gradus hinc inde, quantum videlicet cuiusque planetæ orbita se dilatare potest vtrâ Eclipticam. Verùm Recentiores Astronomi, qui Martem & Venerem obseruarunt aliquandò progredi ad grad. 9. inde consultius habuerunt, totum Zodiacum dilatare ad grad. 18. hoc est gr. 9. hinc inde, vt omnem Planetarum orbitam comprehenderet. At verò Stellatus Orbis & Fixæ, sine lege vagantur, & his terminis non

arctan-

arctantur, itaut sparsim incedant iuxta declinationem quam habent, ad polos Zodiaci accedentes, adeoque maiorem, & maiorem latitudinem habere possunt; numquam tamen ea accedit ad gr. 90. alioquin inciderent in ipsum Polum. In Planetis autem latitudo hinc inde varia est: Atque ex Tychonicis obseruationibus ea singulis constituta est, vt Saturnus vltra gr. 2. & min. 48. ad Boream; ad Austrum gr. 2. min. 49. ab Ecliptica non elongetur. Iupiter ad Polum Arcticum in summa latitudine descehit gr. 1. & min. 38. ad Antarcticum gr. 1. min. 40. Mars ad Boream, vergens non transilit gr. 4. min. 31. ac ad Austrum, se extendit vsque ad gr. 6. min. 47. Venus vtrinq; maximam latitudinem habere potest gr. 9. min. 2. Mercurius similiter hinc inde, grad. 3. min. 33. Tandem Luna in Quadraturis cum Sole, maximam latitudinem habet gr. 5. min. 17. in Oppositione verò, & Coniunctione contractior est, & non vltra progreditur ab Ecliptica, quam gr. 4. min. 58. Cæterum hi omnes, vbi in sua maxima latitudine sunt, dicuntur esse in Ventre sui draconis: vbi nullam habent latitudinem, sed incidunt in Eclipticam, dicuntur esse in Nodis borealibus vel Australibus, secundum quod ad Boream vel Austrum iter inflectunt, qui communiter Caput, & Cauda Draconis appellantur, prout in loco dictum est.

LATITVDO apud Geographos accipitur pro distantia & maiore elongatione Aequatoris à vertice alicuius Regionis, aut Ciuitatis, in Circulo Verticali: itaut tanta dicatur esse Latitudo illius, quanta est inter eius Verticem, & Aequinoctialem circulum intercepto; numerusque graduum interceptorum inter vtrumque, sit mensura latitudinis illius. Porro Latitudo Regionum conuenit cum eleuatione Poli supra Horizontem, sicut altitudo Aequatoris, quæ supra horizontem attollitur, eadem est ac distantia Poli à Vertice. Cum enim Polus distet ab Aequatore per integrum quadrantem, & gr. 90. ac tantundem etiam intersit inter Horizontem, & Verticem; consequenter, si Polus attollatur ab horizonte grad. v. gr. 42. distabit polus à vertice gr. 48. totidenque Aequator ab Horizonte: vnde est, quod residuum ad gr. 90. nempe gr. 42. sit distantia Aequatoris à Vertice, quæ est *Longitudo Geographica*, eadem nimirum, quæ eleuatio Poli. Propterea nil mirum, si sæpè à scriptoribus, Eleuatio Poli, cum Regionis Latitudine confundatur.

LATITVDO *Ortina* vel *Occidua* dicitur in Astronomicis: Arcus horizonis interceptus inter punctum stellæ, vel cuiusuis gradus Ecliptici orientis vel occidentis, ac puncta æquinoctialis Orientia, vel Occi-

Occidentia; itaut quæ stella, aut Planeta, cùm emergit ex horizonte, vel sub illum absconditur, in Circulo ipsius horizontis magis à dictis punctis æquinoctialibus simul consurgentibus, vel decedentibus distat, maiorem dicatur habere latitudinem ortiuam, vel occidentiam. *Amplitudinem*, ne termini confundantur, appellant alij. Ex ea veniuntur arcus diurnos, & nocturnos siderum, qui computantur in eorum parallelis, quos describunt sua latitudine diurnâ circa tellurem, à punctis vnde oriuntur & occidunt, quatenus magis aut minus distant à punctis æquinoctialibus exorientibus, & occidentibus: & quò maior vel minor est hæc amplitudo ortiua, & occidentia, seu distantia ab punctis exorientibus, vel occidentibus AEquatoris; eò maiores, vel minores arcus diurnos, & nocturnos describunt: & in Sole quidem, maxima est in Tropiciis, vbi maximus arcus diurnus ab eo describitur cùm est in Cancro, minimus cum in Capricorno, & econtrâ in isto minimus arcus diurnus describitur, maximus in Cancro, præterquam in Sphæra recta, vbi sidera quancumque latitudinem ortiuam, & occidentiam habeant, semper pares describunt arcus diurnos atque nocturnos. Vti videre est in Sphæra in plano delineata ad V. Horoscopus Lunariorum, nu. 43. in cuius schemate ad oculus est latitudo ortiua, & occidentia, quam potest habere vnumquodque sidus, per distantiam puncti sui ortus ab ortu Aequinoctiali: quæ eadem est in occasu.

- 16 LATVS in Mathematicis diuersimodè vsurpatur. Et primò à Geometris sumitur pro quavis linea seu recta, seu curua, quæ ex parte planam aliquam figuram terminat; itaut hæc, à linearum numero quibus clauditur, denominentur trilatera, quadrilatera, &c. vti & ab angulis in quos prædictæ lineæ coeunt, Trigona, Tetragona, Pentagonæ, &c. à quorum etiam ratione, & correspondentiâ adinvicem, specificantur ipsæ figuræ, quæ insurgunt ex ipsis, vt Triangulum dicitur æquilaterum, quod habet æqualia omnia latera; Isosceles, vel æquicrurium, quod habet duo saltem latera æqualia; & Scalenum, quod constat lateribus omnibus inæqualibus. Similiter in rectilineis quadratis, pentagonis, aliisque figuris Isoperimetris, atque trapezijs. Porro vnumquodque latus dicitur subtendere angulum sibi oppositum, qui proinde latus ipsum definit, isque vicissim ab arcu quadrantis, ab angulari puncto ad quodvis intervallum descripto, atque inter duo trianguli latera comprehenso, dimensionem sumit: quantusque est arcus interceptus, tantus est etiam angulus & latus ipsum subtendens: itaut si arcus sit integer quadrans, angulus ei oppositus sit rectus, & grad. 90. eiusdemque ratio

rationis latus subtendens, quod speciali nomine dicitur Hypothenusa: si arcus sit minor quadrante, angulus oppositus erit acutus: si maior, dabit angulum obtusum. Quæ omnia fusiùs suis in locis. Simili modo

LATVS in Arithmeticiis, denominatur numerus, qui si per se ipsum ducatur, numerum quendam figuratum constituit, eadem prorsus ratione, qua figuræ geometricæ constituuntur: series enim numerorum certo ordine dispositorum, quæ referatur ad aliam siue multiplicandam siue partiendam, perinde se habet, ac latera; seu lineæ quibus clauditur figura geometrica, ex quo omnes progressiones cum Geometricæ, tum Arithmeticæ habentur. Hinc numeri pronic, quorum dispositio consistit in naturali numerorum progressionem per quadratos, vel cubos, aut alias algebraicas potestates. Sic. v. g. sit Quadratum, cuius singula latera habeant 16. cellulas, habebitque primus eius ambitus 60. cellulas, intra quas opus sit terminos progressionis naturalis ita disponere, vt singulæ numerorum in quadrato series normales, transuersæ, diagonæ, semper eundem numerum efficiant; in ambitu quoque quatuor lateribus idem resultabit numerus, nempe 257. & sic de reliquis. Porro numeri figurati, aut sunt æquilateri, vt 36. productus per 6. aut inæquilateri, vt 42. per 6. in 7. ducti: quæ omnes progressionem miras effectus habent, vt patet in Tabula Pythagorica. Quare bene concludit Kircherus in Arithmologia, vbi agit de abditis numerorum pronicorum proprietatibus; cap. 4. Latet itaque sub progressionibus numerorum, siue Arithmeticiis, siue Geometricis, nescio quid mirum, quod vel inde patet, quod Algebra omnium Mathematicarum subtilissima, nil aliud sit, quam quadam per progressionem geometricam calculatio, & potissimum in hac numerorum pronicorum dispositione mirabiliter elucescit. Sed nolim in hac laterum numeralium consideratione, quam nobis ingessit verborum explicandorum ordo, ita progredi, vt velut in mari magno, emergendi terminum non inueniamus. Plura dicta sunt in V. Algebra; adhuc multò plura suppetunt in consequentibus, suo loco dicenda.

LATVS RECTVM etiam, in sectionibus Conicis appellata est Linea recta à vertice sectionis ab extrâ, ad certum terminum ducta, quæ sit mensura applicationis, & æquationis rectangulorum quæ profiliunt ex segmentis axis intercepti inter applicatas, & verticem, ad quadrata ipsarum applicatarum; quibus hæc semper intelligitur parallela. Alio nomine, ac magis expressiuo dicitur Parameter: de cuius ratione fusiùs suo loco.

LEMMA

19 LEMMA in demonstrationibus Mathematicis, græcè idem valet atque Assumptum, seu medium quid assumptum ad aliquid comprobandum: Vade à Michrælio in suo Lexico sic definitur. *Est propositio, quam auditor antea sine præceptore non intelligit; sed quamprimum eam audit, sine demonstratione concedit.* Ut si dicatur: *Omnes anguli per crucem oppositi, sunt æquales;* Lemma est: quia eo ipso, ac explicantur termini, intelligitur quod proponitur, & sine hæsitacione, aut vlla vltiore probatione conceditur. Et per hoc distinguitur à Theoremate, & Problemate, quòd ipsum directè ad quæsitæ resolutionem non pertinet, sed est via ad eadem ritè construenda, ac facilius quod proponitur demonstrandum. Quamquam Scottus benè obseruat, non rarò ab Auctoribus confundi hæc nomina, præsertim quando necesse est præmitti problemata alijs, siue problematibus, siue theorematibus, quæ siue illis ante demonstratis, concludi ac demonstrari non possunt. Ex quo habes, quod ipsius Euclidis Geometrarum Principis demonstrationes in Elementis ex instituto susceptæ, respectu aliarum propositionum, demonstrationumque, quas alij authores subinde, construendas assument, atque ex ijs deducunt, in factò Lemmata sunt; eo quod illæ sine istis, aut ægrè, aut nullatenus demonstrari possunt. Quinimò ipse eadem Euclidis demonstrationes, sibi inuicem Lemmata, iure dixeris, quoniam ita vna ex alia pendet, & sibi mutuo alligatæ sunt, vt subsequens, absque antecedente, neque intelligi, neque consui omniò queat, vt cuiuslibet rei manum adiuuanti, experientia ipsa demonstrat.

20 LEPVS fidus in Octaua Sphæra ad Australem plagam, sub genibus Orionis, habens stellas tredecim de natura Mercurij, cū participatione Saturni; quarum quatuor sunt tertie magnitudinis; totidem, quarta, totidemque quinta; & vna, sexta: omnes in longitudine sub signo Geminorum. Hic in Horoscopo repertus (inquit Pontanus) facit hominem miræ celeritatis, quique in cursu haud difficulter brauium sit obtenturus: Erit quippe toto corpore flexilis & agilis: idque eò maximè, si affusserit Mars. Quod si Mercurius quoque ad stipulauerit: erit adhuc gesticator, egregius lusor, & luctator eximius. Si Venus, erit minus, saltator, & musicus. Si Luna cum bono aspectu Saturni, erit nouarum artium inuentor. At si malo radio iste solus aspexerit; edicit derelictionem Patrij soli, & nullam curam suorum. Si verò in Occasu repertus fuerit, quamquam benè irradiatus, non tamen sine labore alimenta sibi comparabit: quod si adhuc maleficæ hostili radio concurrant; exponet periculo, quod à feris,

feris, & à canibus sit discerpendus. Hæc Pontanus, Poëtica facilitate nugandi: qui tandem concludit. *Hæc Leporem nam Fata manent; hinc nomen & Astro.*

Sed audiamus, quid de eo pronunciet Faber in suo Panchymico lib. 2. cap. 7. *Multum agit, inquit, in terras Austreles; & in Zova Australi temperata fructus producit copiosos, succulentos, & optimi saporis: campos facit amanos, arboribus plenos, & nemorosos, propter humiditatis copiam maximam, quam mandit, quâ omne arboris genus delectatur & gaudet. Homines autem, qui subiiciuntur huic sideri, sunt hilares, iucundi, iocosi, ardeliones, artes omnes callentes, & omnia scire volentes: laboriosi admodum sunt, & nunquam quiescentes, disciplinarum cupidi, disertis, & eloquentes propter temperatum calidum innatum, & humidum primigenium, quod inducit rebus omnibus, suis radijs & influxibus. Ex eo siquidem tali temperamento, hæc dona naturalia exsurgunt; & Anima rationalis, quamvis divina, hoc temperamento immixta, eo cogitur uti, tanquam organo, ut suas exerceat functiones; quæ absque temperamento, ex consensu Medicorum omnium, & Philosophorum, in actum reduci non possunt: Vnde cum temperamentum dependeat naturaliter ex influxu Cælestium, & actiones animæ rationalis naturales, dependant ex temperamento; hæc etiam actiones quodammodo dependere videntur ex illo influxu Cælestium Corporum. Vides, quomodo temperet dictum? neve à lectoribus perperam accipiatur, factus scrupulosus, hanc cautionem apponit: Non tamen absoluta necessitate ita dependent, ut aliter agere nequeant, sed cum libera omnino persistat, in omnibus suis actionibus peragendis, ita libera dependet ab his Astrorum influxibus, nec ullo pacto cogitur ad actiones suas, sed libere semper agit. Utinam & in alijs dictis audentioribus id præstitisset!*

LESÆ, apud Cedrenum, aliosque veteres Historicos, authore, & iudice eruditissimo Lipsio, sunt Machinæ quædam bellicæ ad earum instar, quas nos Pluteos appellamus. Neque enim aliud esse possunt, quas Lesæum nomine nunciat Cedrenus in descriptione apparatus bellici, quem comportavit Sultanus in bello, quod Romanis indixit: Sic enim habet. *Tabernacula quædam habens ex viminibus texta, & supernè bouillis corijs operta, quibus & rota erant subiecta basibus columnarum (vocant autem id genus Machinas, Lesas) Has, inquam machinas habens, implevit eas copia militum, quos iussit bidentes, dolabras, aliæque agrestia instrumenta ferre; existimans scilicet, paulatim admovente muris lesas, atque ita suffodere assidue, & securè ipsa fundamenta. Atqui eiusmodi prorsus sunt nostri Plutei, ut in loco dicemus.*

23 **LESBIA REGULA**, quæ iam sui celebritate in prouerbiū iuit:
 erat olim apud Lesbios instrumentum mechanicum omni corpo-
 rum generi, siue solido, siue liquido, dimetiendo factum; quod ex
 plumbeis laminis, adeoque flexibilibus compaginatū, omnibus
 quibusque rebus pendendis, ac mensurandis aptissimū erat:
 quippe, si solidis ac duris applicaretur, se complicando ad eorum ra-
 tionem, figuram & situm conformabat: si verò fluidas inueniret,
 eas in se recipiendo, in sui formam reduceret. De cuius inuentio-
 ne & usu sic loquitur Budzū in Pandect. l. 1. de Inst. & Iurc. Cum
 enim ceteri fabri soleant structuras suas ad normam exigere, Lesbij soli
 plumbeam normam habentes, pro arbitratu suo flexibilem & subinde mu-
 tabilem, ita ad normam structuram suam exigunt, ut interdum, si la-
 pidis natura non facile ad structuram æquabilis peruicerit, normam ad
 structuram inflectant, & structura normam, non norma structuram ac-
 commodent: quò scilicet opus suum consummari possit. Sed clarius Rho-
 diginus lib. 7. cap. 22. explicans necessitatem, quam Lesbij habe-
 bant hac flexibili norma utendi in suis ædificijs extruendis. Scire
 oportet, inquit, Lesbios plumbea uti regula, qua super lapides posita
 per eorum inæqualitatem flecteretur facilius: siquidem adeo duros in illa
 insula esse lapides memorant, ut ob naturam minimè sequacem scalpum
 non ferro recipiant. Igitur eius ratione regula inter ædificandum mensa
 lapidum quoquo modo concepto, iunctura, atque colligatio mutua mi-
 nus eddebatur impedita, rectiorque surgebat structura. Hæc Rhodi-
 ginus.

Meminit etiam huius normæ Philosophus lib. 5. Moral. Nicoma-
 cap. 14. applicatque ad mores; eos taxans, qui præposterè legi-
 bus ad sui commodum abtuntur, & trahunt; atque id efficien-
 bant, ut Lex, quæ morum regula esse debet, non eos ad sui præ-
 scriptam formaret, sed ad mores utriusque & placitum hominum
 contorqueretur. Id quod postea in prouerbiū abiit, ac *Regula
 Lesbia* diceretur adhibita, quotiescumque à Magistratibus, iniquo
 iudicio, legis prætextu nomine, prauis moribus inducerentur, fieret-
 que, ut non mores legibus aptarentur, sed leges moribus inferrentur,
 seseque quodammodo accommodarent. Et o Utinam, quæ iam in
 mensuris materialibus usum amisit, Lesbia Regula, non in Ciuilibus
 & Politicis etiamnum hodieque adhiberetur, norma que frequen-
 ter existat Reipublicæ administrandæ! Profectò non videremus pas-
 sim iuta proscissa, vel enormiter explicata: ut potentibus, diuiti-
 bus, ac duræ ceruicis hominibus imposita, eum effectum habeant,
 quæ plumbea regula in lapidibus; & mollescant, ut aptentur ad
 eorum prauam viuendi formam; mobili verò plebi, & parere assue-

ex rigescant, & nimium durè interpretentur, sicque æquitas in-
szuitiem conuertatur: quandoquidem *Summum ius, Summa iniuria*.
sed obiter, ex occasione huius Regulæ Lesbiz.

LIBELLA, sic dicta, quod ad eam corpora, quæ in plano iacent, 24
librentur, & exequentur. (alias Canon, Amusium) Instrumentum
Architectonicum est, constans duabus regulis planis ita dispositis,
vt duo earum capita simul iuncta, in angulum rectum abeant, duo
altera diuarcata, triangulum rectangulum efforment, addita ter-
tia regulâ in medio constituta. Huic filum, è quo plumbum de-
pendeat, summo vertici affigitur, quod ad perpendicularum cadens
commonstret, vtrum res mensurabilis in perfecto plano horizontali
sit, an ad alterutram partem inclinet: id quod in trasuersa regulâ,
aut quadrante supposito innotescit; si videlicet filum medium qua-
drantis attingit. Hac igitur Architecti, & Fabri exigunt, & librant
materiei adhibendæ iu structuris rectitudinem aut obliquitatem:
Non aliter, inquit Asconius, quàm in parietibus iam erectis eorum
decliuitas, aut rectitudo dignoscitur per Catherum. Libellæ vsum,
& commoda aliàs descripsimus in vestibulo huius operis, delineata
etiam eius figura, quam hic replicare non erit superuacaneum.



LIBRA instrumentum Mechanicum satis notum, ad ponderandas 25
res factum; in quo binæ hincinde à trutina lances pendent, in extre-
mis scapi brachijs constitutæ, atque in medio scapo in æquidistan-
tia axiculus, qui hypomochlij vicem gerit, & sustinetur ab ansula,
quæ totam machinam ad trutinam regit, ac sustinet; ostenditque
an pondera sint æqualia, si steterint in æquilibrio; an verò alterum
sit ponderosius altero, cadens à recta linea deorsum, illo in altera
lance existente superius eleuato: id quod exactè ostendit lingula
index in medio scapo supra locum axiculi erecta, & intrâ ansam.
G g g aqua-

æqualiter constituta, neque ad dexteram inclinans neque ad sinistram, antequam pondera lancibus imponantur. Eius rationem suam se examinat Philosophus in Mechanicis, & reducit ad *Vellum*, ubi eam exhibitio schemate trademus. Dicitur etiam communiore vocabulo *Bilanz*, à binis lancibus quibus constat, & opus suum exequitur. Vide etiam quæ sub hoc Verbo, suo loco diximus.

- 26 LIBRA quoque in Astronomicis, dicitur Signum Cælestē vnum ex duodecim Zodiaci, Arieti ex diametro oppositum, & in punctis intersectionis Eclipticæ cum Aequatore ambobus constitutis. Sic dictum per analogiam ad Libram superius explicatam; quod Sol ad eius initium perueniens, facit noctes diebus æquales, & veluti constituit in æquilibrio. Quoad qualitatem, est Signum Mobile, calidum & humidum, domicilium Veneris, & exaltatio Saturni, propter quod à nonnullis inter signa violenta computatur. Est tamen signum humanum, & pulchrum, ac dominatur lumbis, renibus atque inferioribus partibus Ventrīs. At Constellatio Libræ in Octaua Sphæra nunc temporis recessit à suis sedibus, & incipit à gr. 6. Scorpij, ac protenditur vsque ad eiusdem signi gr. 27. concludens stellas octo, secundum Ptolemæum, non computatis in ea alijs circa positis, nouem, quas reliquit Informes. Verum Keplerus, ac Bayerus in formam aptarunt in eodem sidere, relictis nihilominus extrâ formam vagantibus tribus australioribus: Quæ omnes variz sunt naturæ: Ex ijs præcipua quæ in Lance Australi, secundæ magnitudinis, dicta Lucidior, & Regia, est de natura Iouis, & Saturni: proxime accedit in dignitate quæ in medio libramento Lancis Borealis, dicta Lucida Lancis Borealis, & ipsa secundæ magnitudinis, de natura Martis, & Saturni, vti & duæ, quæ sunt iuxta labium lancis; Reliquæ sunt Mercuriales cum participatione Martis. Vnde *Libræ Signum*, ait Ptolemæus, in vniuersum varium est, & mutabile; particulatim verò in primis partibus, & medijs temperatum, postremis aquosum; Boreis, ventosum; Austrinis humidum, & pestilens. Qui illud in Ascendente habebunt (si vlla fides Astrologis) erunt pulchra facie, capillis planis, moribus placidis, æquitatis amatorum, & ad scientias, artesque liberales profitendas, idonei.

- 27 LILIVM in Architectonico opere est quoddam ornamenti genus addi solitum omnibus structuris promiscuè; at data operâ Columnis, & Epistylis Ordinis Corinthij: in his, purè & simpliciter ad venustatem augendam; in illis vtrumque ad vitium aliquod aut deformitatem in extruendo contractam, occultandam, & aspectus asperitatem aliquatenus leniendam, & castigandam, errorem cum

foenore corrigendo, & in lucrum, & gratiam operis abeunte: eo prorsus pacto, ac si supra malè scissam sericam vestem; phrygiū opus auro textum velis inducere. Sed Lilia in Architectura vniuersaliora sunt, ac transcendunt per omnes Ordines, in omnibusque operibus promiscuè adhibentur, salua eorum simplicitate, & grauitate. Potissimum autem in Capitulis columnarum apponi solitos à Byzantinis Architectis legimus; & confirmat Auctor Anonimus apud Du-Cange in descriptione magnificētissimi Tempis S. Sophia: vbi, pro Capitulis supra columnas huiusmodi lilia constituta fuisse, & adhuc extare testatur. Eius hæc sunt verba: *Capitella autem quæ erant super capita columnarum, quasi opere lilij, fabricata erant.* Leo etiam Hostiensis in Chronico lib. 3. cap. 28. vbi loquitur de restauratione Ecclesiæ Cassinensis per Desiderium Abbatem, postea Victorem III. Papam, inter alia antiquitatum monumenta, quæ Romanæ illius coadunasse dicit, & Cassinum adportasse ad hunc effectum, Liliorum istorum in specie mentionem facit. Sic enim ait: *Columnas, Bases, ac Lilia, necnon & dinerforum colorum marmora abundantur coemiss &c.* Sed hic Lilia, vt ab alijs operibus contradi-
f
stincta, & speciali nota considerata, eruditis viris magnum negotium faciunt, ac dubitationem ingerunt, in quo genere fuerint, & ad quem usum adhibita. Abbas de Nuce, Leonis illustrator, pro Lilijs intelligit Epistylia. *Epistylia*, ait, *vocat Lilia; quod liliorum formam referre solent.* At nil durius, nil à verisimilitudine alienius. Qui enim Epistylia, quæ per longum supra columnationes excurrunt veluti fascia, & Corona, lilij formati referre possunt? Aut quomodo Lilia, quæcumque tandem ornamenta sint, certè marmorea, & exsculpa, Epistylia dici possunt; quando in seipsis de longe aut vehiculis, aut nauigijs comportari necesse fuit, & Epistylia e contra in ipso opere locum habent, & nonien, gerunt enim vicem trabis columnis impositæ, vnde Architrabis denominationem apud nos habent, & consequenter ex structura materiata sunt; aut certè ex pluribus quadratis lapidibus consurgente? Quapropter nomine Liliorum, crediderim potius venisse, aut Capitula in lilij formam exsculpa, eo modo, quo supra de Bizantinis diximus; eo maxime quod cum passibus sunt columnarum complementa, quas hominatum memorat; aut species vasorum per festantiam, quæ siue è marmore, siue ex ære fusili, effingantur ad modum lilij, rei sunt Candelabra, Stantaria, vrcei, scyphi, thuribula &c. quæ ad Ecclesiæ seruium sunt, & quandoque in opere architectonico adhibentur. Pauer vetus charta Cornuetiana ab Shærenio Episcopo Valionensi, nostro hæc quondam in litterarijs conferentijs coniunctis

finio, nuper è tenebris eruta, in qua, nescio de quo dicitur, quod fecit *Cantharos areos maiores sex, minores duodecim, & lilia area duo*. & in vita S. Benedicti Abbatis Anania, scripta ab Addone Monacho, habetur, quod fecerit *septem candelabra fabriliter arte mirabiliter producta, de quorum stipite procedunt hastilia, sphaerulae & lilia, calami, ac scyphi*. Ex quo saltem habes, hoc genus ornamentorum fuisse transcendente per omnes artes mechanicas, nec tantum ab Architectonibus, in structuris usurpatum, verum etiam à plasticis, sculptoribus, figulis, & metallorum fusoribus. Hæc tamen addubitanter dico ex coniecturis, nam nunc temporis huiusmodi lilia, inter sacra vasa (quod sciam) in usu non sunt.

28

LIMEN in ædificijs propriè denotat lapidem illum oblongum, qui in imo ostiorum, in primo aditu constituitur inter antas, quem, que primo pede calcamus, cum domum ingredimur. *Hypothyrum* cum Græcis appellat Vitruvius, quemadmodum *Hyperthyrum*, qui desuper collocatur supra antas, & ostium iugat, & complet. Quamquam, si Architectos excluderis, cæteri Scriptores etiam emundæ naris, pro limine indifferenter intelligunt utrumque ostij transuersarium lapidem, tam qui in imo, quam qui in summo est: vnde est illud apud Nævium: *Exime limen supernum, quod mihi misero sæpe confregit caput; inferum quoque, ubi ego omnes defregi digitos*. Similiter Plautus in Mercatore antiquo mori obtemperans in ingressu Domus, salutandi limina, *Limen superum*, inquit, *inferumque salve*. Ex quo habes, quod, quando utrumque, vel alterutrum indicare volebant, utebantur adiecto, vel absolutè dicebant in plurali *Limina*: si verò *limen* solitariè dicerent, intelligebant de imo. Et profectò ipsum nominis etymon, siuè à limbo petitum, quod est extremum talaris vestis ad pedes pertingens; siuè à limite, quasi sit limes, ac terminus, quo finitur ius, & possessio domus, quæ per pedum impositionem iniebat, appellat præfatum limitarem lapidem accedentium pedibus terendum. Ad quam rem magna erat Gentilium observatio, & cultus liminum, eoquod ea, quemadmodum, & reliquas partes ostij, suis peculiaribus dijs sacratas volebant; adeoque, ut modò dicebamus, in primo ingressu religiosius salutare solebant: id quod notat Tertull. in lib. de Idolatr. *Certi enim*, inquit, *si quos latet per ignorantiam litteratura secularis, etiam Ostiorum Deos apud Romanos, Cardeam à Cardinibus appellatam; Forculum à Foribus; Limentium à Limine; & ipsum Ianum à Ianua. Quod fiebat ut noua Nupta ad Sponsum vadens, eius domicilij limen, proprijs pedibus calcare, nefas reputaretur: vnde illud ingrediens,*
pronu-

pronubarum manibus attollebatur, vt testis est Plutarchus in Romano. Quinimò tantum extitisse religionis, & obseruantie in templorum ingressu apud Ethnicos, memorat Arnobius lib. 1. contra gentes: *vt cum per omnia supplices iuent templa; tum Deorum ante ora prostrati ipsa conuerterent osculis.* Quem ritum retinentes, & sanctius obseruantes, qui ex ijs Christiane Fidei nomen dabant, ad sacras aedes accedentes, ante earum ingressum, ad limen procumbere, postes exoculari, & preces primas fundere consueuerant. Sic de Romipetis, ac Peregrinis, qui Romam religionis ergò aduentabant, canit bellè Prudentius in hymno S. Laurentij.

*Apostolorum, ac Martyrum
Exosculantur Limina.*

Et Fortunatus Presbyter in Vita S. Martini lib. 4. hortatur ad eundem Ecclesiam Rauennatem. D. Apollinari sacram, vt pronus in terram limina veneretur.

*Rursus Apollinaris pretiosi limina lambe
Fusus humi supplex.*

Verum id altius stetit, & etiamnum obseruatur in Romanis Basilicis, & præcipuè Principis Apostolorum; vt qui Romam pietatis causa itarent. *Ad Apostolorum Limina* venisse dicantur. Quimò antiquissimus fuit, & ab ipsis Imperatoribus, & Regibus practicatus, vt fatentur etiam Sectarij Nouatores. Quin, & Episcopis primò quotannis, tum ex Summorum Pontificum indultu, singulis triennijs, aut quinquennijs pro locorum distantia, consuetudine introductum, ac postea sacrorum Canonum præscripto indictum fuit, vt Romam peterent ad præstandum Sedi Apostolicæ obsequium, & Sanctis Apostolis cultum; adeoque dicantur, *venire ad Limina.* Sed quò decessit sermo? Redeamus ad Institutum.

Igitur *Limina* in opere architectonico significant partes, siuè infernas, siuè supernas Ostiorum: de quibus hæc præcepta tradit Vitruu. lib. 6. cap. vlt. *Inter limina secundum pilas, postes si supponerentur, erunt non vitiosa: Limina enim & trabes structuris cum sint onerata, medio spatio palantes, frangunt sub lyfi structuras; cum autem subiecti fuerint, & subcuneati postes, non patiuntur insidere trabes, neque eas ladere.* & alibi, *Superliminare*, vocat limen superius. Hinc

LIMINARE dicitur quidquid ad limen pertinet. Aliquando verò accipitur pro interiore Ecclesiæ recessu, & ipso vestibulo sacræ Aræ, ac præsertim ad confessionem, quæ dicitur S. Petri, seu sepulchrum Apostolorum in Basilica Vaticana. vt habetur in Chronico Cassinensi lib. 4. cap. 93. & apud Bibliothecarium in Vita Hadriani Papæ.



Papæ. Quandoque etiam sumitur pro loculamentis simulachrorum, ac statuarum, quæ cauari solent in frontibus ædificiorum, & alibi in locis patentibus ad præbendam operi maiestatem. *Nicchie*, Italicè vocamus. Sic in actis S. Thyrsi Mart. cap. 4. dicitur quod *cecidit Apollo de liminari suo, & comminutus est.* Atque iterum cap. 9. *Apollinis, & Veneris simulacra de suis liminaribus acta.*

- 31 **LIMENEVRITICA** in re nauigatoria, ars est Geographiæ, seu Hydrographiæ subiecta, quæ tradit modum dirigendi nauem recto, vel inflexo tramite, prout ventus permiserit, tutò & quàm breuissimè possit ad portum: non à limine, vt opinatur Accursius, sed à *Λιμνα* dictione græca, quæ portum sonat, deriuato vocabulo; nam, vt obseruat Budæus in Pandect. Rarè antiqui huiusmodi dictionibus vsi sunt, quæ ex latino peregrinoq; idiomate componuntur. Igitur tota compositio vocis ex græco sumpta est, quippè *εὐρησας* inuentionem significat; & *Λιμναρχία* dicitur, qui portubus, ac locis maritimis præest. Quod ideo Limeneuritica tradit praxim dirigendi nauem ad portum, sumens à Geographia notitiam plagarum mundi, rationem mensurandi spatia, quæ sunt inter duo loca maritima, vsum pìxidis magnètiæ, & alia, quæ ad nauigationem faciunt, & ad portum feliciter appetendum. De qua fusè agit Scortus in *Cursu Mathematico*. lib. 23. cap. 1. & seqq.

- 32 **LIMES, & LIMITES** apud Iuris-Conf. & Gromaticos passim inueniuntur; quibus significantur alicuius Regni; Prouinciæ, Regionis, aut priuatorum agrorum fines, ac termini, alterum ab altero discescentes. Et primò quidem Impetij Romani, iura, ac fines tribus insignibus liminibus concludebantur, qui erant tres famosi; & celebrati amnes. Euphrates, Ister, (nunc Danubius) & Rhænus: vtrâ quos, quidquid terrarum, & gentium erat, nullum ius cum Romanis, nulla commercia intercedebant, habitatores, vt hostes habiti, & Barbari generali notione, ac propria, dicebantur. Postmodum, apertis commercijs, ad animorum communionem, & pacis custodiam inter Nationes, Regna, ac Territoria diuersorum, communi populorum consensione constituti limites, quos violare uestis foret: atque etiam inter ciues, singulorum possessionibus lege publica limites impositi: de quibus celebris est *Lex agraria*, cuius sæpè mentionem introducit Cicero, præsertim in Orat. contra Rullum: vbi inter alia: *Toties*, inquit, *Legibus agrarijs cursores constituti sunt, triumviri, quinquenviri, &c.* Et infra addit, Scruilium Rullum Campanij agri iugera dena; Campi stellati, duodecim; singulis lege

lege sua assignasse. Hinc eiusmodi Limitum multa, & diuersa erant genera, vt videre poteris apud Hyginum in lib. de limit. Agror. Decumani, Cardines, Prorsus, Trasuersi, &c. Sic Decumanus Limes intelligebatur extensus ab Ortu in Occidentem, ac similiter à Meridie ad Septentrionem: Cardo e contra ab Occidente in Orientem, Prorsus à Septentrione in Meridiem. Trasuersus verò erat qui à situ Regionum, à quo initium habebat, aut in quem terminabat; vel etiam à Monte, vel Maris plenitie definiebatur. Fiebat autem hæc limitum definitio, & vnus ab altero separatio, per strigas, & Iugera. Quoniam, (vt inquit præfatus Hyginus) quinque Centurias sex limites clauderent: reliqui medij limites Linearij appellabantur. Ad hæc, recolle quæ diximus in V. Aëlis; necnon in V. V. Centuria, & Iugerum. Porro à Limitibus,

LIMITARII non tam Agri, quàm milites agnominabantur. 33
Agri quidem, qui situati erant in confinijs alicuius Ditionis, iuxta terminos hostilium locorum, vt habet Vlpianus in l. fin. De Fundis Limitroph. Milites autem Limitarij dicebantur, qui inibi ad Custodiam, & Stationem manebant, sed deputati erant, vt sedulo inuigilarent, & prompti inuenirentur ad repentinas hostium incurfiones, atque insultus. Cæterum Limitum notio transcendit etiam ad angustos calles, seu arctiores vias, & semitas, quæ intrà eiusdem agri, aut priuati alicuius possessionem, relinquebantur ad liberam transmeationem itinerantium, etiam exterorum. Vnde Festus: *Limites*, inquit, *in agris, modò termini, modò viæ trasuersæ dicuntur*. Sed de hac lege, & quantum in ijs concessum erat, alibi ex Alexandro ab Alexandro tradidimus.

LIMBUS genericè dicitur in vnaquaque re extrema pars, quæ illam finit, & circumambit: vnde & in Inferno, è tribus receptaculis; quæ illum complent, & est cæteris amplior, & superior, in qua SS. Patrum Animæ, quæ ex hac vita antè completam à Christo Redemptionem, migrabant, loco depositi detinebantur; & vbi nunc, secundum aliquos, pueri absque salutari lauacro emorientes, moram suam trahunt, solam pœnæ damni luentes; Limbus communiter appellatur: & in artefactis vltimum finimentum circumquaque productum, quod in veste talari mulierum, & in viroꝝ toga, & in nobilium adolescentium prætexta, fimbria aliàs dicitur, Limbi etiam nomine venit. A Mathematicis verò, & Mechanicis vnice usurpatur pro extremo labio, cuiusuis instrumenti Mathematici ad mensuras geometricas facti, quod in partes diuisum æquè respondet centro, 34

centro, vt in Quadrante, Planisphæris, & similibus; in quibus descripti sunt gradus Aequatoris, horarum distributiones, vel etiam ventorum nomina, suis plagis vnde exsufflant, respondentia, &c. vti videre est in Rosa Nautica à nobis in eorum generali commemoratione exposita; in Planisphærio exactè delineato sub V. Horoscopus Lunaris, pag. 342. & alibi sæpè. Huius igitur Limbi adminiculo, quod est rotius instrumenti director, per respondentiam ad centrum, omnes ferè geometricas operationes complemus, ac præcipuè locorum distantias, & stellarum altitudines demeritur. Ad quam rem operam suam etiam præstat

35 LINDA, seu *Linea dicta Fiducia*, quæ est regula in medio instrumenti constituta, ac tereti clauo per centrum transeunti innixa, quæ per lineam rectam respondet, & est volubilis ad singulas partes Limbi, designans lineam rectam, quæ à centro porrigitur, ac terminat ad rem quam dimetiri, vel obseruare intendimus, collocato oculo in altero extremo ipsius regulæ, vbi constituta sunt pinacidia, per quæ transiens radius visualis, recta fertur in obiectum visibile, quod obseruare volumus. Alio nomine Dioptra, Alhidada, Mediclinium.

36 LINEA ab Geometris cum Euclide Primo Elementorum, definitur, quod sit longitudo omnis latitudinis experta: quàm vt imaginemur, proponunt nobis, vt concipiamus punctum à loco in locum moueri: vnde est quod alij dixerint, Lineam aliud planè non esse, quam puncti fluxum. Hinc Lineæ termini sunt duo puncta, quibus concluditur, & terminatur: non quòd necessario omnis Linea terminos habeat, cum Circularis in se redeat, ac terminis careat, vti & recta in infinitum protensa, saltem mente concepta; sed quod quælibet linea determinata, punctis in extremitatibus finiatur, aut etiam in eius in partes diuisione, puncta duo sunt termini, vnâ partem ab alijs determinantes. Porro Linearum multæ sunt differentię: aliæ rectæ, aliæ curuæ, alię simpliciter flexę. Item alię Asymptotę; alię parallele &c. de quibus singulis suo loco. In Opticis etiam consideratur Linea plani, linea horizontalis, & linea distantię; quarum officium explicuimus in V. Horizon. Similiter

37 *Linea Incidentia* est radius à Corpore luminoso emanans, ac terminans in alicuius superficiæ determinatum punctum, quod etiam dicitur Punctum incidentię, & idem etiam est punctum reflexionis. Huius naturam nosse, plurimum prodest Astronomis ad colligendam magnitudinem, ac durationem Eclipsium, ad radiorum solari um
refle-

reflexionem, necnon Pictoribus, & Architectis, ad summa tabulis, atque ædificijs impertienda. De qua re alibi fusè. Hinc

38

LINEAMENTA, & *Lineationes*, Vocabula sunt frequentia in ore Geometrarum, Opticorum, Architectorum, atque Pictorum: verumtamen non à singulis vsurpantur in vno, eodemque sensu, sed quibusque ad res suas significandas aptato. Et quidem in Geometria, *Lineamenta* nil aliud sunt, quam simplices linearum perductiones ad quantitatem aliquam dimetiendam. In Architectura denotant ratam partium distributionem, atque electionem situs idonei ad ponendum aliquod ædificium; ita ut per linearum ductum, & respondentiam, tota sibi moles cohereat, & cum partium internarum concursus in angulis, tum deforis gratus ac magnificus exhibeatur oculis frontis aspectus: vt eruditè demonstrat Bapt. Albertus initio sui Operis de Re Aedificatoria. Tandem Optica tota est in contemplatione linearum visualium, quæ recto tramite perducuntur ad obiectum, seu species, quæ ab obiecto per lineas rectas transmittuntur ad visum. Pictura quoque quæ Opticæ pedissequa est, & efficitur, à lineamentis incipit, & per lineationes completur: vnde *Lineæ* absolute agnomen sortita est, quæ nullis colorum adinueniuntur, sed solum lineis superinductis, nunc rectis, nunc flexis, nunc mixtis, sibi que miro ordine coherentibus, umbras luminibus temperat, & rei ad viuum similitudinem exprimit. Quin etiam quæ dicitur *Colorata*, à lineamentis initium sumit, supra quæ postea colores ducit, ac lineis celi quibusdam terminis clauditur: *Contornos* nostri appellant, & Vitruuius, *Graphidos*; cuius peritiam probè calere Architectum, necessarium ducit: *Quò*, inquit, *facilius exemplaribus pictis, quam velit operis speciem, deformare valeat.* Hinc *delineare*, commune est, & promiscuum Architectorum, ac Pictorum verbum; hoc est primos rei figurandæ tractus ducere, ac rudem eius formam lineamentis exprimere.

39

OA

LINGVA in Geographicis audit certus terræ continentis tractus in longum protensus: & angustus, in mare excurrens; eoque hinc inde obfusus; sic dictus ab similitudine exsertæ lingue animantium, & solum faucibus illigatæ. Differt à Promontorio, & Peninsula, quod hæc licet in mare excurrant, tamen ampliora sunt, & forma, situatione, & recessibus, longè diuersa. Etenim Peninsula appellat magnam aliquam terræ portionem in mare proiectam, siue ea montuosa sit, siue plana, siue etiam mixta: quæ tamen penè circumquaque alluatur aquis, nisi quod breui Isthmo Continenti coniungitur:

H h h

& inde

& inde sic, vt absolutè Insula dici non possit; tamen penè Insula, quod in reliquis teneat Insulę proprietates. Promontorium autem; vt nomen indicat, propriè Montem, seu Montium seriem significat, præaltis rupibus, & varijs recessibus in mare se extendentem, proindeque Nautis infaustum, fluctuum, & ventorum reciprocatione, & collisione semper infestum, vt in loco dicemus. At lingua modica, plana, æqualiter extensa, & vt plurimum amœna est: vnde Festus: *Lingua est, inquit, promontorii genus, sed molliter in planum denexi*, Quod ideo aëris iugi temperie, soli stabilitate, libera ventorum euagatione, & iucundo prospectu, tutam habitantibus dat mansionem; atque pagos, villas, & domos inibi extruendi, non commoditate modò, sed & ardens incitamentum: vt factum videmus alicubi, præsertim in Ora Meridionali Gallię, & Hispanię necnon in Mari Adriatico, hinc indè ad terminos Italię, ac Dalmatię; ibi enim lata planitiè apricatur solum, campi aquis circumfluentibus humectantur ad fecunditatem; facilis est transitus, & accessus ad amicas regiones, & commercia frequentanda: atque econtrà hostium inuasio difficilis, ob maris inconstantiam, & æstus reciprocationes. Id quod notauit Cæsar lib. 3. de bello Gall. in Normandię ora, ad quam inuadendam, iusserat suam classem applicari. Erant, ait, eiusmodi ferè situs oppidorum, vt posita in extremis linguis, promontorijsque, neque pedibus aditum haberent, cum ex alto se æstus incitauisset, quod hic semper accidit horarum duodecim spatio, neque manibus; quod rursus minnente æstu, naues in vadis affluerentur; ita utrâque re, oppugnatio impediabatur. Verùm vti tuta sunt ab hostibus loca in eiusmodi linguis situata, ita incolis sæpè sunt incommoda, & periculis plena; eoquod inundationibus ex alto pelago patent, & sint subiecta: adeò vt integrę vrbes fluctibus absorbeantur, quemadmodum in Hollandia potissimum, ob soli depressionem, non semel accidisse legimus in Historijs. Sed huic malo, excitationis in loco præaltis aggeribus, quos *Diercs* vocant, solent occurrere.

LINGULA: aliquando pro breui terrę lingua supponit in mare proiecta, (vt modò dictum est.) Sed in Mechanicis principaliter accipitur pro illa vestrę parte, quæ immediatè oneri submittitur ad illud sursum leuandam; quæque in omnibus alijs instrumentis, & organis inuenitur, quę vestrę naturam participant: qua ratione lingulari vestes denominantur. Nos *Linguellam* vocamus: Vnde Viueu. lib. 10. cap. 8. vestrę vsum tradens, sic loquitur: *Si sub onus vestis ferrei, lingula subiecta fuerit, neque caput eius pressione in imum,* sed

sed aduersus in altitudinem extollatur, lingula sulca in area solo habebit eam pro onere. Et post pauca: Igitur subdit, si plus lingula vestis supra hypomochion posita sub onus subierit, & capus eius propius centrum pressiones habuerit, non poterit onus eleuare, nisi examinatio vestis longius per caput, neque iuxta onus fuerit facta.

Est etiam Lingula in machinis hydraulicis, atque in instrumentis pensitantibus, pars illa, quam Græci Canon dicunt, Latini verò Examen, ac Trutinam, estque in inferiori tympano, seu mediò scapo infixa, seseque foras exerit ad horarum, vel præponderantis oneris indicium, quæque in Libra, ac statera mediò puncto ansæ responderet, quando sit æquamentum ponderum, & æquilibrium. De vtraque idem Vitruu. præcipue verò in descriptione machinæ Hydraulicæ lib.9. cap.9. vbi hæc habet. Maioris autem tympani labrum aquis intervallis 365. puncta habeat signata, minor verò orbiculus in extrema circinatione fixam habeat lingulam, cuius cacumen dirigat ad punctorum regiones. Nam quod aliàs lingulas tubulis aquæductuum tribuat, & lingulatos illos fieri velit, ut alius in alium inire possit, extrâ propositum est, & probare omninò non possum; quæ enim pars, aut proportio lingulæ hæcenus ad rem, & ad etymologiam nominis explicatæ, cum tubis, alijs in alios immixtis, & illigatis, quam rem nos rectius, & significantius dicimus, le Imbocature? Quare potius crediderim, mendum irrepsisse hic in Vitruviano. codice, & lingulatoq; addita litterula positum pro ligulatis, ligulati autem tubi optimè quadrant rei significatæ, quod simul illigantur, minime verò lingulati, quasi lingulis nexi, quæ non faciunt ad rem; Ligula quippè à ligando dicta, cum lingula sit lingux diminutiuum. Scio equidem magnam esse inter Grammaticos controuersiam, nùm lingula & ligula, vnum & idem verbum sit, & idem significet, (ut vult Priscianus, ligulam per sincopam dici) an verò duo toto Cælo diuersa, aliud ab alio significantia; sed Martialis Poeta ligem distinxit, ab deridet ipsam lingulam introducens sic loquentem, de ligulis calceamentorum agens.

Quamuis me ligulam dicant, Equitesque, Ducesque.

Dicor ab indoctis Ligula Grammaticis.

Stet igitur Ligula pro solis illigamentis, Lingula pro indiculo, & examinae in Hæc obiter in gratiam studiosorum purioris sermonis, sine dicta.

LINVM in Constellatione Piscium, dicitur ab Astronomis nodus, & illigamentum vtrumque veluti nectens, comprehenditque stellas aliquas minores fixas, quæ inter maiores ipsos representant.

res interponuntur; quas veluti procurentem fasciam, & linum effinxere. Habent enim & istæ considerationem suam, & naturam diuersam ab ijs, quæ sunt in ipsis Piscibus, nec ab re, speciali, ac tali nomine insignitæ, vt nos suo loco adnotauimus.

- 43 LITHOBATOS Græcè appellat genericè quoduis instrumentum bellicum ad iaciendos lapides factum, quales sunt Catapulta, Ballista, Biblia Petraria &c. de quibus singulatim diximus suo loco. Nostrum ad hoc, speciale tormentum habent ad modum colubrinæ, sed ampliore aluo, & decurtata longitudine ad finem recipiendi in se plurima saxa, eaque propius emittenda; quod ideo vulgò dicunt, *Pietrera*.

- 44 LITHOSTOTROS dicitur græcè pavimentum ex lapide quadrato, & versicolore, artificiosè compactum, quod referat grauem, aliquam figuram, vt plurimum ex Geometricis; vtputa quadratam, pentagonam, exagonam, &c. vel circularem, quale videmus passim in Basilicis, atque ædificijs nobilioribus: sic dictum, quasi Lapide stratum. Einusmodi creditur fuisse locus in quem ascendisse Pilatum, testatur Sacer Textus Io. 19. laturus sententiam mortis in Redemptorem nostrum Dominum Iesum Christum. *Sedit pro Tribunali in loco qui dicitur Lithostrotos, Hebraicè autem Gabatha*. Vbi Cornelius à Lapide: *Lithostrotos*, inquit, idest lapide stratus: *Gabatha*, idest altus, quia erat in sublimi, vti solent esse Tribunalia, vt index à circumfusa multitudine videri, & audiri possit. Vtramque autem loci circumstantiam sacro Euangelistæ conueniens visum est indicasse, vt pavimentum stratum lapide, faceret ad dignitatem, altitudo ad ostentationem.

- 45 LITVVS instrumentum bellicum non vulnera inferens, sed ad inferendum inflammans, ad classicum excitans bellatores, de quo Lucanus: *Stridor lituum clangorque tubarum*. Vnde diuersum sonum, & formam habet à tuba, diuersumque effectum in animis parit. Sed vide quæ diximus in V. *Buccina*.

- 46 LOCI GEOMETRICI apud Mathematicos celeberrimi sunt, & frequentius vsurpati: habent enim se, veluti bases, & fundamenta, supra quæ omnes ferè geometricæ operationes construuntur, ac demonstrantur. Pappus in Collect. Mathem. lib. 7. sic eos describit: *Propria quidem est materia post communians elementorum constitutionem ijs parata, qui in geometricis sibi comparare velunt vim, & similitudinem*.

cultatem inueniendi problemata, qua ipsis proponuntur: atque huius tantummodò utilitatis gratia inuenta est Græcis *αὐτὸς ἑαυτοῦ* hoc est resolutus. Porro hi loci propemodum infiniti sunt in seipsis; sed quia Geometria tota versatur circa considerationem trium specie quantitarum, Lineæ videlicet, superficiei, & solidi; ideò ad tria, omnia reducuntur locorum capita. Planorum, Solidorum, ac Linearium. Loci plani sunt, qui circa superficies feruntur: solidi, qui circa solida, in quibus præcipue veniunt Sectiones Conicæ; & Lineares quicumque simplices lineas spectant: dixi simplices, nam quæ in rectum aliquam figuram complent, aut circulares, & curuas, vti sunt prædictæ sectiones conicæ; nequaquam sub linearibus comprehenduntur, sed ad duas priores species attinent. Præterea Locorum istorum, alij in seipsis totum consistunt: vt si dicas, Puncti locum esse punctum; Lineæ lineam; Superficiei superficiem; & Solidi solidum, non vltra progrediendo. Alij tendunt in aliud, vt puncti locum facias esse lineam: Lineæ superficiem, & superficiei solidum: supra quos postea statuas constructiones. Hæc tetigisse pro nostro instituto sat est. Cæterum exempla, & demonstrationes apud citatum Pappum reperies.

LONGITVDO apud Astronomos attenditur in Zodiaco, ne- 47
dum per extensionem Eclipticæ à primo gradu Arietis vsque ad extremum Piscium; sed & in latum in diuisione signorum, per circulos magnos transeuntes per singulos tricenos cuiusque gradus, ac polos ipsius Eclipticæ: quo fit vt tota intercapedo inter vnum, & alium arcum diuisionis extensos à Polo ad polum, & transeuntes per tricenos gradus Eclipticæ, dicatur longitudo sideris existentis in eo signo, & gradu, quæ respondent signo, & gradui Eclipticæ recurrenti: itaut arcus Eclipticæ interceptus inter primum punctum Eclipticæ, & circulum illum maximum, qui transit per centrum stellæ, & polos mundi, sit quantitas longitudinis ipsius stellæ: & quæ magis distiterit à dicto puncto, vel circulo diuisionis Arietis à Piscibus, maiore longitudine prædita dicenda sit, & consistere in eo signo, quod successiue consequitur in diuisione Zodiaci. Vide ipsius longitudinis schema in partes duodecim per longum, & latum per arcus punctatos tributum, & singulis diuisionibus spatium, quod occupant singula signa, per ipsorum characteres prænotatum in figura, quam exposuimus in V. *Horoscopus Lunaris*.

LONGITVDO GEOGRAPHICA est arcus æquatoris intercep- 48
tus inter Meridianum alicuius Ciuitatis, vel loci, ac primarium, constitutum in Occidente, non proculab Insulis Fortunatis. Vnde maior,

maior, aut minor distantia in latum, vnius loci à puncto Occidentis, & Primi Meridiano; est eius longitudo geographica: ac differentia longitudinis inter vnū locum, & alium, est spatium intermedium inter vtriusque Meridianos, quæ à numero graduum interceptorum auspicatur. Singuli autem gradus æquatoris, in terris inferunt distantiam 60. milliariorum Italicorum: quamquam in locis, quæ ab Aequatore defleunt ad Polos, singulis gradibus (quoniam semper magis, ac magis angustatur spatium, quod singuli gradus comprehendunt, quò magis accedunt ad polū) minor distantia in milliarijs, seu mensuris itinerum per rectum, respondet. Nunc autem ex differentia longitudinis, qua vnus locus superat alium, apparet, quis alio sit occidentalior, & consequenter vbi sol ocius, vel tardius oriatur, meridiem faciat, & ad occasum vergens noctem inducat. Sed de vero loco Occidentis, & primi Meridiani; vide quæ diximus in *V. Azorum Insule*.

49 Porro Veteres Geographi cum Ptolemeo, Longitudinem hanc Geographicam, intra spatium centum, & octoginta tantum æquinocetialium graduum concluderunt: atque adeò sub ea omnium locorum ab se hætenus cognitorum longitudines metiti sunt, ab Occidente Orientem versus; existimantes, omnem longitudinem terræ habitabilis optimè sub tantæ amplitudine comprehendi. At Recentiores post detectam Americam, & Nouum Orbem, alios centum sexaginta gradus longitudinis in diuersa plaga admittere compulsi sunt, qui ab Oriente in Occidentem protenderentur, vt his subiectas regiones, earumque distantias dimetiri possent, atque inde nouum Catalogum longitudinum omnium, & singulorum locorum, & Ciuitatum, quæ hoc tempore incoluntur, & actu peragrantur, edidere: itaut iam tota longitudo terræ habitabilis, & cognita, definita sit in gradibus 340. & solus ad complendum integrum circuitum, deficiat spatium graduum 20. sub quibus iacet terra Australis incognita, quæ nescitur hætenus, an sit habitabilis, & ab hominibus culta.

63 Cæterum in hac partitione, & respondentia recti itineris in milliarijs, gradibus Aequatoris; euidenter patet, quantus sit ambitus terreni globi; in qua re definienda, Veteres tantoperè defudarunt, atque in varias sententias valde disparatas abiire, vt videre est apud Clauium in Sphæram Io: de Sacrobosco; vbi omnium tam Veterum, quam Recentiorum opiniones censet: sed tota varietas, & discrepantia est in determinando numero milliariorum, qui respondeat singulis gradibus Circuli maximi, qui tam in Aequatore, quam in Ecliptica, quam in Coluris computati, semper æquales sunt, & æquale

æquale spatium in Cælestibus occupant. Quod ideo tribuendo semper & constantissime, vni gradui æquatoris, siue alterius circuli maximi per directum extensi, spatium itineris sexaginta milliario- rum, seu quindecim Leucarum Germanicarum (vbi Recentiores Geographi tradunt, & suis navigationibus per directum institutis plurimis experimentis comprobauere; iam manifestum est, globum terraqueum vsquequaque per directum consideratum continere mil- liaria nostra 21600. Adeo vt, certo certius sit, quod ex Mathematicorum consensione refert Tullius 1. Tuscul. Terram nempe respectu Cælestium Orbium, esse veluti Punctum. Id quod confirmant Pli- nius, & Seneca, non satis exaggerantes humanam audiditatem, atque ambitionem in puncto, & de puncto minus tumultuantium, & eruenta bella gerentium.

LORICA tam in bellicis, quam in ciuilibus Architecturæ ope- ribus, frequentissime nominatur; & multiplices habet significatio- nes: omnes tamen in hoc conueniunt, vt denotent aliquod ful- crum ad continendum, aut tegimen ad muniendum. Et primò qui- dem (vnde originem, ac denominationem traxit) ad pectoris arma- turam contra hostiles ictus, contractum nomen fuit: & quia hæc è loris, seu crudis animantium corijs, vtpurimum formabatur; Lo- rica dicta est. Vnde Varro lib. 4. de ling. lat. *Lorica*, ait, à *loris*, quod de corio crudo pectoralia faciebant: postea succiderunt Galli è ferro sub id vocabulum, ex annulis ferream tunica. Hanc bellè describit Liuius lib. 31. *Forma erat*, inquit, *scuti; summum latus, quæ pectus, atque humeri teguntur, fastigio equali ad imum cuneatio, mobilitatis cau- sa*. Eandem, sed contraria ratione, à pectore seu thorace, qui ea muniebatur, Thorax, siue Thoracium à Græcis appellata fuit. A munimento postea corporis, ad vallum, & sepimentum castrorum, domorum, & vrbiũ transiit; & eo nomine venit quidquid ad tu- telam, & arcendum aditum, locum aliquem claudit, & cingit: fre- quentiùs tamen vsurpatur in bellicis. Sic Tacitus de Popp. Sabino: *Obsidium capit per presidia, quæ opportunè iam muniebat: dein fossam loricaque contextens, quatuor millia passuum ambitu complexus est*. Et si ea quidem fixa sit circum castra, aut locum munitum, Agger communiter dicitur; nostris *Trincea*, complectens etiam castella, & propugnacula statis in locis extructa: si verò mobilis, huc, illuc- que aportanda, prout opus requirit, ad protegendos milites muris approximantes, aut pugnam adorientes, varijs nominibus insigni- tur, desumptis à materia, ex qua compaginatur. Vt plurimum au- tem plures sunt, quæ simul vniri, ac separari possunt, quæ sunt è vimi-

viminibus contextis ad modum corbis, aut cratis, superinducta, tum ad celeritatem, & leuitatem; tum, vt incidentia in eas aduersariorum missilia, & tormentorum pilæ, mollitudine impetum perdant, & innocuæ reddantur. Et hæc nostris temporibus, maxime in vsu sunt, quas *Gabbiones*, & *Gallerias* vocamus. Sed & antiquis non erant ignotæ, nec prætermisissæ, vt videre est apud Cæsarem lib. 1. de bello Gall. vbi ait. *Turres contabulantur, pinna, loricaque ex cratibus attextuntur*, & De bello ciuili lib. 2. *Quidquid est contignatum cratibus consternitur, cratesque luto integuntur*. In mœnibus etiam stabilibus, ea pars quæ in directum tendit, & inter duo propugnacula interceptur paulò recessior, signatè Lorica dicitur, nostris vulgò *Cortina*. Similiter quæ supra torum perpendiculariter erigitur sub qua milites præsidiarij consistunt, discurrunt, & hostem identidem telis infestant, *Loricula* nuncupatur: Nostrates ab officio, *Parapetum* dicunt.

- 51 In Architectura quoque ciuili, non absimili ratione, fulcrum, seu reclinatorium materiatum in menianis, aut editis domorum positum pro commoditate propius accedentium ad prospectum, Loricula dicitur, vt ex D. Hieronymo lib. 1. contra Pelagianos colligit Philander *Loriculam vertente pro murulo, qui in circuitu testorum sit, ne quis in præceps labatur*. Id genus nostri expressiore vocabulo *Appoggi*, *Ripari*, *Sostegni*, appellare solent. Sed absolute in opere architectonico Lorica significat proiecturas illas, & semifastigia, quæ ad modum excurrentis coronieis, summis parietibus adijci solent, ne stillicidijs corrumpantur. Sic Vitruu. lib. 2. cap. 8. rationem reddens huiusmodi additamenti parietibus facti. *Cum enim, inquit, in testro tegulae fuerint fractæ, aut à ventis deiectæ, quæ possit ex imbris aqua perpluere, non patietur lorica testacea lædi laterem, sed proiectura coronarum reijciet extrâ perpendicularum stillas, & ea ratione serauerit integras lateritorum parietum structuras*. Alias lib. 7. cap. 1. Lorica m. accipit pro extimo, & supremo testorio, quod inducitur pavimentis. *Super fricaturam incernatur marmor, & supra lorica ex calce, & arena inducantur*. Omnia demùm in id recidunt, vt Lorica vniuersaliter deferuiat ad aliquod integumentum, ne res quæ sub ea latet, vlla ratione lædatur, sed facta testæ consistat, vnde etiam loricare parietes Varro dixit lib. 1. cap. 57. de Re rustica, eis crustam inducere.

- 52 LOXODROMICA in re Nauigatoria est ars, seu facultas dirigendi Nauem flexuoso, & anicipiti cursu, non quò tendit finaliter, sed quò eam impellit inconstans, & contrarius ventus, illi obsecundando

do potius quàm contranitando, donec mitius adspiret, aut tandem remittat: à græca notione, quæ obliquum, ac tortuosum sonat, sumpto cognomine. Quando igitur contrarius ventus fiat, oportet expertum, & peritum Nauclerum, ventis ita obtemperare, vt tamen in pericula non impingat, ac propterea clauum dirigere in incertum, flexuosam & vt vocant, helicoidem viam instituendo, quò scopulos, & syrtes declinet, & tamen aliquid recti itineris adipiscatur. Ita Scottus in Cursu Mathem. lib. 13. Qui proinde ex eo acutè colligit, quod si ventorum conflictus obstinate duraret, fieret vt Navis aliquando compelleretur vniuersam propè tellurem, infinitis propemodum gyris, & flexibus circumambire, & nunquam in se recurrere aut polos attingere: omnes enim huiusmodi lineæ in superficie, maris descriptæ, quantumcumque extensæ, ac tortuosæ, meridianos omnes per quos excurrerent, ad æquales angulos secarent, atque adeò, etiamsi in infinitum multiplicarentur, nunquam in se recurrerent, aut ad polos mundi peruenirent; alioquin si per hypothesein daretur, vt ad eos tandem perueniant, aut ad se recurrant, iam non haberent, meridianos omnes secare ad æquales angulos, quod proprium est helicoidis lineæ, atque institutæ viz. Quapropter Loxodromica sic definiri potest. *Est Linea spiralis, & tortuosa, quam Navis, magnetem sui itineris directorem sequens, ventorumque vi, hæc, illucque discurrens, describit; habens de sui natura omnes meridianos secare ad æquales angulos.* Plura apud præfatum Scottum.

LUMEN est effectus viuificus Lucis, & potissima dos Cælestium Corporum, quod à luce in se recepta remittunt, & suis cuiusque varijs qualitatibus imbutum superæctant, atque in inferioribus hisce, eo voluti instrumento, & vehiculo, vtuntur ad influendum, virosque istos & varios, quos videmus, effectus educendos sese determinant. Neque enim est, cur fingere debeamus in Cælis occultas qualitates ad diuersimodè operandum, quando manifesta est luminis efficientia, & actiuitas, qua se in omne corpus infundit, viuificat, conseruat, sæcundat, estque veluti fundamentum, & basis totius naturæ Cælestis, tum elementaris, supra quod suas molitiones ineunt, ac stabiliunt: vt cum Auerroë, plurimisque antiquis Philosophis pro certo habent, & firmant, Georgius Agricola, Franciscus Piccolomineus, noster Aresius, Petrus Io: Faber, aliique doctissimi Recentiores. Porro Luminis omnis fons, & origo est Sol, qui illud primum cæteris sideribus sænerat, hæc dein reliquis corporibus, elementis, ac mixtis impertiunt, ac pro qualitate subiecti in quod recipitur, ex intensione, & extensione lucis communicat, hæc varietas

temperamenti, & colorum proflit, quæ verè in ipsis est: unde Saturnus frigidæ, & siccæ naturæ est, & coloris plumbei: Jupiter temperatè calidus, & humidus, & colore cæruleo: Mars colore igneus & candens, adeoque in excessum siccus, & calidus; Sol, ut dixi, primus luminum dispensator, & parens, moderatè calidus, colore aureus, fotor, & vita animantium, & caloris innati: Venus coloris crocei, aspectus blandi, ac naturæ calidæ, & humidæ: Mercurius inconstans, & varius pro qualitate radiorum, quos ab alijs luminibus recipi, coloris cæsius, & scintillans, sed qualitate ob Solis vicinitatem, sæpè adustus, & siccus: Luna tandem coloris argentei, & albicantis; naturâ humidissima, & in viventibus humidi radicalis dispensatrix, & auctrix. Atque hæc omnia ex luminis intensione, & extensione, ac diuersa participatione promanant, quæ tantum colorum diuersitatem generant, & in concreto hoc variam virium in agendo præpollentium, aut remissionem adipiscuntur.

54

An autem Lumen Astrorum agat in hæc inferiora secundum suam intensiorem, & extensionem veram, vel apparentem, controuersia est magna inter Philosophos. At enim, si non ratione, saltem experientia, & ab effectibus ipsis, qui ex eius cõmunicatione resultant, concludere debemus, sidera operari in hæc sublunaria, secundum illud gradum intensiõis, & extensionem lucis, non quibus ipsa intrinsecus pollent, sed quibus attingunt corpora passibilia; quæ videmus, eò magis aut minus, in se recipere siderum impressiones, quò magis aut minus ab illis participant luminis, aut ipsis approxinant, vel longè sunt. Sic cum Luna silet, seu Soli coniuncta est, scimus rùm maxime illustrari in se, & intensius lumen recipere; & nihilominus clarissime apparet veluti torpens, ac viribus destituta, minus valere in hæc inferiora, quàm cum à Sole elongatur, & vadit ad oppositionem; quia, etsi luminis intensiorem sensim semper in se imminuat, & deperdat, tamen quoad nos lumine crescit, illudque extensiuè communicat. Idipsum experimur in Eclipsibus, quæ minime afficiunt ea loca, in quibus nullatenus conspiciuntur. Tandem videmus in nouis Phænomenis, quæ non agunt nisi in eas prouincias, & regiones, in quibus apparent. Cæterum hæc lucis maior, aut minor intensio & extensio, causa est omnium primarum qualitatum, quæ in sublunaribus discernuntur, ac diuersimodè copulantur: & ab intensione quidem simpliciter prodeunt qualitates actiue, ab extensione passiuæ; itaut ex accessu, & recessu siderum à corpore passo, sequatur in hoc maior aut minor participatio qualitatum; & ex accretione luminis in intensione, oriatur præcisè augmentum caloris; uti ex diminutione absolutè frigiditas: & econtrâ ex

maio-

maiore extensione lucis, quoad nos, sit accretio humiditatis, quemadmodum siccitas ex contractione, & pusillitate. Hinc quatuor illarum coniugationes qualitatam in sideribus, quæ consistunt in augmento, vel decremento luminis, & in longe, vel propè esse; ex quibus emanant diuersa temperamenta, & vniuersaliter quatuor anni tempora, ac mixtorum ex diuersa elementorum coitione, innumera diuersitates. Quinimò Philosophus 2. de Generat. textu 51. huius vni Cælestium luminum commixtioni, ac vicissitudini intensiōis & extensionis, causam ortus, & interitus animantium acceptam habet. Sed hic Philosophicè magis, quam Mathematicè didicimus. Redeamus ad nostra.

LUMINA in opere architectonico dicuntur apertiones ostiorum, & fenestrarum ad excipiendum, ac deriuandum Cæli lumen ad interiora Domus, quò omnia commodè illustrentur. Id quod magna arte, & summo iudicio architectandum est; vt pluribus in locis tradit Vitruu. præsertim lib. 6. cap. 9. Siquidem magni interest ad inhabitantium salutem, & retum quæ inibi asseruantur incorruptionem, aut perniciem, qua parte aperiantur: alius enim est prospectus, & aër exceptus à Septentrione, alius ab Austro, alius ab Oriente, alius ab Occidente: quapropter ex conformandæ sunt, & situandæ ad rationem loci, & rerum, ad quas asseruandas dispertitæ cellæ deputatæ sunt, & ad hoc vnum factæ: itaut si ad frumenta, & fructus conseruandos vnice destinata conclauia sint, ea sublimata, & ad Septentrionem spectantia disponantur: si sit cella vinaria, item ab Aquilone accipiendæ sunt lumina, verum pauciora, arctiora ex edito, locusque aniplus, & in imo sit; quoniam in frigidis vinum generosius sit, & econtrà in calidis euadit debile, & euani dum: si sit olearea, respicere debet ad Austrum, atque à meridie, calidisque regionibus lumen recipere, quoniam oleum tempore caloris sit melior, & magis extenuatur, &c. In ordine ad habitationem quoque lumina expendenda, ac ministranda qua parte aër innoxius, purus, liber, & protemporum ratione, & aspectum qualitate, tepens aut frigidus excipiat, atque in hanc rem apertiones aut dilatandæ, aut contrahendæ. Nam, vt bene notat Leo Albertus lib. 1. cap. 12. *Qua salubres spectabunt auras multo adaperas quouersus licebit facere, & eas quidem inuabit ita aperire, vt incolarum corpora appellens flatus ambat; Qua autem non vsquequaque saluberrimis ventorum plagis obiectæ erunt fenestra, ita ponentur, vt lumina excipiant non pauciora quam conueniat, sed nec etiam plura, quam quibus possit carere: & ponentur illæ quidem in sublimi, quò ventos obiectus pa-*

ries intercipiatur, quibus aër reficiatur, sed erunt infracti, atque perinde non omnino non sani. Hæc Albertus, quoad necessitatem excipientium luminum.

- 56 Sed illud etiam aduertendum, vt lumina aperiuntur ea parte, & situ, quo nihil obstat, aut intercipiatur ita vt impediatur diffusionem lucis saltem secundariæ in ædes, deriuatam ab externo aëre circumfuso. Ad quam rem bene prouidet Vitruu. loc. suprâ cit. dicens: *Ex qua parte lumen oporteat sumere, linea tendatur ab altitudine parietis, qui videtur ob stare, ad eum locum cui lumen oporteat immittere: & si ab ea linea in altitudinem cum prospiciatur, poteris spatium puri Cæli amplum videri; in eo loco lumen erit sine impeditioe. Sin autem efficiant trabes, sed limina, aut contignationes, de superioribus partibus aperiuntur, & ita immittatur. Tota itaque ratio dispartientium ritæ luminum, consistit, vt quàm fieri possit, liber Cæli prospectus habeatur, nec aër infestus, ventorum inclementia, aut solares radij, præfertim in æstate, locum nimis excalefaciant, vel quoquomodo talem corporibus inferant, & corrumpant.*

- 57 LUMINA etiam à Picturæ Professoribus, necnon ex parte à Statuarijs, appellari solent situs, & loca seu realia, seu ficta, vnde emititur, aut emitti repræsentatur lumen in opus, per quod hoc vniuersum sed non æquis portionibus illustratur. Quo fit, vt quæ partes propiores sunt aut affinguntur lumini, clariores, & patentiores sint reliquis: quæ verò remotiores, aut à lumine neutiquam vel parum tanguntur, obscuriores sint, ac tenebris, adumbrationibusque obruantur. In quo sanè artificio Pictura præcellit, ac tota eius perfectio consistit, vt ex eo laudem promereatur, quod quæ in planam superficiem diducta sunt, adeò vt tactu non discernantur, luminibus, & umbris simul ita attemperentur ad veri similitudinem, vt hic prominere, illic abscondi, hæc propè esse, illa in longinquo posita, ad rationem impertiti luminis, stupentibus, & adhuc de fallacia addubitantibus oculis exhibeantur. Quare non infusè cæcus nescio quis, interpellatus per iocum, vt dijudicaret inter pictam, atque exsculptam imaginem, vtra sibi præstantius videretur, quando idipsum ambæ æquè repræsentarent, & verum fidè imitarentur; seriò primas dedit Picturæ, quam artem planè Diuinam pronunciauit, vtpote quæ reponeret quod non haberet. Atqui hoc totum luminibus quæ effusè, aut carptim, & auarè nimis, ab ingenioso artifice tabulis dispartitur, acceptum fit: vnde & ipsa cuiusque eadem distribuendi coloresque attemperandi peculiaris methodus, Lumen antonomasticè dicitur; queniadmodum, non absimili ratione, in Arte Rethorica quæ-

quædam singulares dicendi formulæ, quæ orationem mirum in modum extollunt, exornantque, ac res, prout in se sunt, ad viuum exprimunt, lumina rethorica appellantur, itaut hic stylus pro rei conditione quam verbis describit, aut humilis, aut sublimis; aut asper aut tumidus; aut mollis, ac Lenis; aut emphaticus, aut exilis, & elumbis audiat, commendeturque, proprius vnuscuiusque Oratoris; aut Scriptoris character imitandus, aut fugiendus. Id quod etiam, ex pingendi, & colorandi diuersitate procedit, quæ consistit in ratione diuersimodè distribuendi lumina, quam quisque à primoribus, & magistris in arte acceptam tenet, & imitandam sibi proponit: vt propterea dicamus lumen Titiani, lumen viuidum; Caracci, ac Lanfranchi, asperum; Coreggij, & Bonarotæ, tumidum; Raphaelis, & Guidonis, nitidum ac delicatum, &c. quæ omnia ad praxim enumerat, describit, & ad lancem expendit Io: Paulus Lomazius in sua Idea Picturæ, cap. 9.

LVNATIO communiter audit Lunæ ætas, ac periodus, vt ita dicam vitæ, atque illuminationis: spatium videlicet temporis, quod intercipitur ab vno ad alterum Nouilunium, hoc est, à primo congressu cum Sole in eodem puncto Zodiaci, incedendo per suam orbitam, quoadusque in eum iterum immergatur, & inde de nouo exsurgat, & alteram periodum iniat; quod fit spatio 29. dier. & hor. ferè 12. quo tempore ipsa totum Zodiacum percurrit, & insuper integrum aliud subsequens Signum: quando Sol vnicum tantum perlustrat. Hæc inquam Lunaris incessionis periodus (quam alijs Mensem Lunarem, & Synodicum diximus) ab alijs Lunatio appellatur, quia est veluti noua Lunæ natiuitas, seu renouatio, quæ à Mense, in quem incidit, denominationem assumit, iuxta commune illud effatum,

In quo completur Mense, Lunatio datur.

Hoc est, Luna noua denominationem accipit ab eo mense, in quo ipsa senescens, quodammodo moritur, & dat locum nouæ suæ è radijs Solis emersioni. Porro hinc auspicari facile possumus ratam Kalendarij Romani ordinationem: itaut statim occurrat dies in quem incidit sacrum Pascha, ex cuius determinatione pendent cætera Festa Mobilia. Etenim, cum ex Decreto Concilij Nicæni, Pascha celebrari debeat eo die Dominico, qui immediatè succedit, & proximus est Plenilunio Primi Mensis, ab Aequinoctio Verno enumerandi; consequenter illum diem signat, & illam synodicam Lunationem appellat, quæ coniuncta est cum Aequinoctio verno. Et quoniam Phasæ Iudæorum, in lege veteri celebrari præceptum erat sequen-

sequenti die post Vesperam quartadecimæ Primi Mensis, hoc est, in ipso Plenilunio, quem ritum adhuc seruant Iudæi, qui apud nos versantur; ne cum ijs conueniamus, qui iam ob perfidiam abiecti sunt; & quod nostrum Pascha, hoc est Redemptio consummata est potissimum die dominio, in quo Saluator noster surrexit à Mortuis; idè diei Dominico affixum est, & ei signatè, qui non incideret in ipsum Plenilunium, & Pascha Iudæorum, sed qui huic immediatè succederet.

- 60 **LVPVS**, *Fera, Bestia Centauri*, ab Astronomis appellatur Sidus in Cælo ad Australem plagam, Lupi specie figuratum, sub Centauro supine positi, ac pedibus anterioribus eleuatis ad se ab ictibus defendendum. Continet Stellas 19. secundum Ptolemæum. At Bæyerus oculatior enumerat in eo omnino 20. quas omnes testatur uterque, (quibus consentit etiam Keplerus) esse de natura Saturni cum participatione Martis, adeoque maleficas, præsertim duas priores tertie magnitudinis, consistentes in cauo poplitis pedis posterioris sinistri, quæ cum Sole exorientes multa mala portendunt, ex obseruatione Ptolemæi; & aliorum. In Italiam autem parum aut nihil mali importare queunt, quoniam ad modicum tempus apparent & Romæ quidem, vix gradus tres supra horizontem attolluntur & oriuntur enim cum grad. 2. & 12. Sagittar. & occidunt cum grad. 7. & 25. Virginis. In huius Sideris natura describenda falsus est Pet. Faber in suo *Panchymico*, lib. 2. cap. 24. dicens illud esse de natura mixta Veneris & Saturni, contra omnium Astronomorum authoritatè, & repetitas obseruationes: indeque ad coniectandos influxus transit, & suo more ludit in nomine, inquiens. *Lupus hic verè lupus, vorat, & destruit: unde sterilem facit terram cui dominatur, & præest: lapides, & saxa producit, & sabulum, & aquas frigidas, & humidas. Homines autem facit crudeles, & agrestes, parum ingeniosos, pigros & taciturnos, infideles pacta non seruantes, latrones, cupidos, auaros, & voluptatibus deditos, præsertim gula, & ventris inguini inservientes, deceptores, & captiosos. Obscurum siquidem, & obtenebratum infundit lumen. Ab gratis omnia, insulse, & è suo cerebro.*

LVPVS etiam dicta est olim Machina bellica, arripiendis atque loco sistendis hostium nauibus: de qua vide Vegetium lib. 2. cap. 25. Isidorum, & quæ nos diximus in V. *Harpagones*.

- 61 **LVX** singularis Naturæ decor, ornamentum, atque exhilaratio, sine qua squalidus esset Orbis, confusionis Chaos, ac tenebris ob-

uolu.

uolutus; primo die à Summo rerum Architectore creata, qua cuncta, quæ antè fecerat, mox suo fulgore viuificarentur: inde in Solem quarto die collecta, vt per eum fecundaretur, spectabilis fieret, fixa, & immobilis permaneret, ac rerum omnium pulchritudo, varietas, & viuificatio innotesceret; vt obseruant Basilius, & Ambrosius in Hexameron: quam profectò non in pondere, numero, & mensura, vt cæteras res corporeas esse voluit, sed vbique diffusam, ac dilatatam, vt de ea omnia momento, & istu oculi participarent, ac vitam, augmentum, perfectionem, purgationem, & conseruationem reciperent. Celebris est controuersia inter SS. Patres & antiquos Philosophos, an sit quid substantiale, vel accidens in genere qualitatís, summè actiua, & non in Sole tantum contracta, sed & ad alia sidera, quin & ad omnes res corporeas communicata, per quam omnis Cælorum influxus in nos deriuat, & quo veluti vehiculo transmittuntur. Affirmant esse substantiam è Philosophis Plato, & Aristoteles cum vniuersa Platoniorum, ac Peripateticorum, præsertim antiquiorum, schola: Ex Patribus, in primis Dionysius Arcopagita, Gregorius Nyssenus in Homilia super Hexameron: ille omnes lucis qualitates in igne considerans, & complectens; iste asserens, ignem qui latebat in terra, Dei potentia exiliuisse; & subuolasse in supremam Mundi oram, indeque mundo claritatem, lucemque impertiuisse; qui fortè in ea sententia fuerunt (quam nos alibi expendimus) quod Sol esset formaliter igneus. Cæterum lucem, siuè in Sole, siuè in igne existentem, quæ effundit suos radios indefinitè ad omnia sibi patentia illustranda, esse non modò substantiam, sed & corpus, licet tenuissimum, & subtilissimum, summè penetratiuum, quod mox emissum in omne circum, longè iateque stans subiectum capax diffunditur, multi & quidem celeberrimi Patres sustinent, quos inter clariùs emicat D. Augustinus, pluribus locis, præsertim in Genes. ad litteram, & sequuntur passim Recentiores. Sed nolim hic vtriusque sententiæ rationes examinare, & licet dirimere, quæ ad Scholasticos pertinet, & nostri instituti non est. Solùm aduerto, posse in hac re æquiuocationem sumi, & confundi ab aliquibus lucem cum lumine. Et lumen quidem nullus negauerit, esse accidens à luce dimanans, & in corpora luminosa, vt præsertim sunt Planctæ & sidera fixa; lucem autem, primigeniam esse substantiam in Sole omnis claritatis fonte, & origine permanentem. Cui explicationi fauet multum D. Bonauentura in Secundo Sententiar. distinct. 13. art. 2. asserens, Lucem, quæ inhæret corpori per se lucenti, qualis est Sol, esse eius formam substantiam-

stantialem; fulgorem autem, & lumen quod inde emanat, ac diffunditur ad alia corpora, esse accidens. Vnde fallitur Seruius in Virgilij Aeneid. VI. qui per hoc distinguit lucem Solis à lumine cæterum corporum; quod splendor lucis est nitidus, & purissimus; lumen autem cæterorum siderum, confusum, & mixtum aliqua fumositate. Naniq̃ fumositas ista etiam in Solis radijs reperitur, quæ non in corpore lucente, vel luminoso est, sed in aëre ambiente, quæ illos quodammodo inficit, & offundit. Quare Lux propria Solis est; lumen Siderum, cæterorumque corporum à Sole illuminatorum, quod Lux communicata, & secundaria dici potest, vti fusè dicemus in V. *Umbra*. Radius autem, seu splendor, vtriusque est instrumentum, seu vehiculum, quo lux, & lumen astrorum vnà cum eorum influxibus in hæc sublunaria transfunduntur. Id quod indicare voluit Philosophus lib. 2. cap. 7. lib. 2. de Anima, cap. 7. dicens *Lumen est actus perspicui, ut perspicuum est: & clariùs Areopagita lib. de Diuinis Nominibus, cap. 4. asserens: Lux est actus corporis lucidi ad extrema procedens, & ipsum lumen talibus corporibus, quæ primò talia sunt, est essentia secundum speciem corporis primò lucidi. Qui proinde eo capite, totus est in lucis laudibus attexendis, atque inter cæteras, quatuor suprà triginta Lucis proprietates enumerat, & inuenit soli Deo per summam perfectionem, omnes, & eminentiùs conuenire: quarum illa prima, & mirabilis est, quòd omnia viuificat, omnia illustrat, & intra suam sphæram, quam habet indefinitam, incredibili celeritate, idest momentanea actione sese explicat, ac diffundit.*

62


LY

LYSIS in Opere Architectonico dicitur illa pars, seu membrum, quod suprà Coronam in Epistylijs imponitur, introrsum resimata, & in vndæ sinuositatem molliter explicatur: Quod ideo & Vnda, & Sima etiam appellatur. Lysis autem propterea ei nomen datum est, quòd vniuersæ trabecationis continuitatem soluit, ac terminat; nam *Λύσις* græcè, dissolutionem sonat. Vitruuius eam agnoscit nedùm in summa trabecatione, & prout illam desuper terminat, ac totum opus abrumpit; vt lib. 5. cap. 7. verum etiam in ipsis stereobatibus, & humilibus basibus Columnarum. Ait enim lib. 3. cap. 3. *Vti Quadra, Spira, Trunci, Corone, Lysis ad ipsum stylobatam, qui erit sub Columna spiris, conueniant.* Vbi sanè sermo est de Sima inuersa, quæ extorsum resimata, ponitur etiam in Epistylijs, sub Corona. At propriè Lysis, Simam seu Gulam rectam indigitat, cuius proprium est, opus finire, & concludere. Quocirca notat benè Philan.

lander. In Coronis, quæ suprà Zophorum constituuntur, nunquam nisi rectæ sunt; in stylobatarum autem Coronis inuersa, aut etiam rectæ ponuntur: at in Stereobatis, quæ bassamenta vocant; animaduerti, non nisi inuersas collocari. Et rectè quidem; quandoquidem his aptari non potest, quod per nomen adiectum *Lysis* significatur, hoc est soluere, ac visum terminare. Vnde ipse Vitruuius lib. 6. cap. 7. *Lysin* generaliter accipit pro hiatu, & continui solutione. Ait enim:

*Limina, & trabes structuris cum
sint onerata, medio spatio
pendantes, frangunt
sua Lysi stru-
cturas.*





MA



MACHINA ex græco deducto vocabulo, quasi *subtilis inuentio* iam communiter denotat omne opus fabrilè, quod multis partibus in vnum benè dispositis constat, & manu simul & ingenio perficitur, ab Arte Naturæ imitatrice profectum, ad illius opera siue, data auxiliatrice dextera facilitanda, siue, cum cogitatis obstant, agiliter destruenda.

Quare Mechanicæ artis obiectum proprium est; licet reductiue ad alias nobiliores scientias Mathematicas, quibus Mechanica tanquam pedissequa, & subsamulariix substernitur, aliquatenus spectet. Id enim omnis Machina habet, vt quæ ipsa rerum natura, & ponderositate obstante, sursum ascendere, aut loco dimoueri non possunt, machinarum adiumento id assequantur. Nam, vt benè aduertit Stevvechius ad cap. 22. lib. 4. Vegetij, *Omnis constructio, & à fine, & ab effectu ordinari debet: & quia in magnis oneribus mouendis, ipsa rerum natura nobis aduersa est; opus est magno artificio, vt vires hominum exsuperare, ipsamque naturam vincere queas.* Ad quam rem Machinarius scitè contraria contrarijs necit; & id præstat, vt libramētis, & æquipondijs; alterum alterum adæquet, ac subinde superet, vt ipsa eorum contranitentia, tandem in finem nostrum, conspiret. Id quod vectibus, trochleis, clauiculis, & alijs id genus quibus corpora innituntur, vel inuicem extruduntur, assequitur: itaut, expensis hinc inde viribus, & motuum rationibus, in factò omnia bellè concurrant, ac sibi respondeant, pondus, figura, magnitudo, æqua distantia, & vis impressa, ad quod intenditur opus.

- 2 Hinc ex his, aliæ sunt tractoriæ, quibus onera pertrahuntur, aut in certam altitudinem eleuata, ritè in opere collocantur: aliæ purè scanforiæ; quæ, vt inquit Vitruu. lib. 10. cap. 1. *catenationibus, transversarijs, & plexis colligationibus, & erismatum fulturis continentur,* qui-

quibus signis ad altitudinem statuitis, & transversarijs colligatis, sine periculo scandatur ad apparatus spectationem. Aliæ demum Pneumaticæ, seu Spirituales; sic dictæ quod ab spiritu, seu compresso, seu extruso, seu dilatato, omnem vim suam desumunt, & mira in exterioribus operantur, qualia sunt Organa musica, exorti subito ventorum status, deambulantes icunculæ, quæque & gestus, & voces edunt ad imitationem auicularum, & alia quæ delectationibus oculorum & aurium, sensibus adblandiuntur. Hæc omnia, ex Vitruvio lib. 10. cap. 1. & sequentibus, præsertim 12. & 13. Quæ, satis est in præsentī genericè indicasse: nam de singulis specialis, suo loco, erit consideratio.

MALEFICAE in Astronomicis antonomasticè dictæ sunt duæ Erraticæ malignantis naturæ, atque humano generi, quin & viuentibus omnibus inimicæ, Mars videlicet, & Saturnus; ille videlicet ob excessum caloris, iste ob nimiam frigiditatem & siccitatem, quibus ac veneficâ, nescio quâ qualitate, humorum concordiam labefaciunt, & vitiant. Sicut econtrâ Beneficiæ appellantur Venus, & Iupiter caloris innati, & humidiradicalis fotores.

MALLEOLI in apparatu militari sunt instrumenta quædam in genere Missilium, quæ pulchrè describit Annius lib. 23. Sagitta, inquit, est cannea, inter spiculum, & arundinem multifido ferro, coagmentata, quæ in muliebris colli formam, quo ventur linea stamina, conuatur, ventre subtiliter, & plurifariam patens: atque in alueo ipso ignem cum aliquo suscipit alimento: & sic emissâ lentius arcu inualido (ictu enim rapidiore extinguitur) si hæserit usquam, tenaciter cremat, aquisque; dispersa, acriores excitat æstus incendiiorum; nec remedio ullo, quam in cælo puluere consopitur. Ex qua descriptione (quam diligentissimè examinat Lipsius in Poliorcet. lib. 3. adiecta elegante teli delineatione) habes, quod multum differt Malleolus à Phalarica, ut suo loco dicemus. Glossarium vetus, cum Pyrobolam appellat: & Nonnius Marcellus testatur, fieri ex Manipulis sparreis, qui pice contecti, atque incocti, in muros vel testudines directi, incendium important, & vastitatem.

MANACVS in Gnomonicis est circulus parvus descriptus in Analemmate intra tropicos, referens motum Solis in singulos dies ab vno ad alterum pergentis, atque adeo in eius circuitu comprehenduntur, & colligi possunt variantes vmbre gnomonis, præterquam cum Sol est in æquinoctiali, vel in ipsis tropicis constitutus.

Cuius rationem deformandi docet Vitruv. lib. 9. cap. 8. & exhibitio schemate, locum & situm, & usum explicat Barbarus: ex quo nos desumpsimus, ac delineatum dedimus in V. *Analemma*: Porro huius circuli diameter est *Lacotomus*.

MANGANVM Vide *Sacula*.

- 6** **MANIPVLVS**, quasi vna manu comprehensus herbarum fasciculus, in re militari vsurpatur ad denotandum certum, & exiguum bellatorum numerum, qui in vno papillione degebant, & sub eodem peculiari illis signo, pugnabant. Vnde Varro lib. 4. de ling. lat. *Manipulos* interpretatur, *exercitus minimas manus, quæ vnum sequuntur signum*. Contubernium vocat Vegetius lib. 2. cap. 13. & *Contubernales* ipsos milites, qui vnâ sub eodem tentorio erant, ac decem singulis quibusque contuberniis comprehensi: vnde *Decani* dicebantur, qui ijs præerant, hoc est, vt habet idem Veget. cap. 8. qui erant *denis militibus præpositi, qui nunc caput contubernij vocantur*. Cæterum Vegetius in re explicanda non est sibi constans; nam cap. proximè sequenti, Manipulum dicit Centuriam è centum peditibus integram, atque ita ab equitum turmis distinguit; *vt enim centum pedites, subdit, ab vno Centurione sub vno vexillo gubernantur, similiter triginta duo equites ab vno decurione sub vno vexillo reguntur*. Similiter Ammianus lib. 17. in vno manipulo, seu Centuria, centum milites collocat, & Gellius, lib. 16. cap. 4. quem sequitur Isidorus, in in vno Manipulo ducentos milites, ex veterum monumentis extitisse colligit. Quare dicendum potius cum Seruio, manipulum non à militum numero, & parua manu dici, sed verè ab herbarum manipulis, quos Romani appendebant in signis, imperante Romulo, vt patet ex Liuiο, quæ proinde deferebant Signiferi ex Centurijs, quæ sub singulis Centurionibus militabant. Consonat Ouidius Fastor. 3. ubi ait.

Pertica suspensos portabat longa maniplos:

Vnde manipularis nomina miles habet.

Quod autem sub vno signo, aut manipulo, modo centum, modo ducentos, modò sexaginta milites comprehendi legamus; dicendum, id contigisse pro varia temporum ratione, ac diuersarum Nationum vsu, vt aliquos maiorem, alios minorem militantium nuumerum sub vno signo, & in vnâ Centuriam coadunasse.

- 7** **MANTELLVM** in bellico apparatu (vt notauit Lipsius in *Poliortet*. lib. 3. dial. 3.) est quoddam tectorium munimentum huc illuc-

illucque asportabile, in genere Vinearum; quo vtuntur milites cum ad fossam, & trans illam ad muros suffodiendos accedunt: sic dictum militari festiuitate, quoniam ad instar pallij & cuiusdam mantelli, eos à telorum missilium, & glandium plumbearum, velut ab imbre, & ingruente grandine tueatur. *Qua de re vide in V.V. Lorica, & Crates Viminæa.*

MANVCLA dicitur in Catapulta pars illa, quæ neruum attractum retinet (Chelonem appellat Vitruu. lib. 10. cap. 5.) eò dicta quod manu ad intendendum, vel laxandum neruum fortiter prehendatur. De cuius ratione agit Hero in Belopeicis. Alij *Nucem* nominat. Noltrates vniuersim, *Clauem*.

MANVCODIATA Indorum vocabulo, dicta est, quam nos *Auem Paradisiacam* vocitamus, vnam videlicet est ex duodecim Constellationibus de nouo detectis ad Polum Antarcticum, ab Naucleis Hollandis ad eas oras appulsis, cuius vix nomen appositum & stellarum numerus in ea comprehensarum, ad nos peruenit. At, more suo, magnam ei in terram subiectam tribuit ætuitatem Faber in suo Panchymico lib. 2. cap. 12. ex eo solum, quod Stellæ fixæ, quæ ipsam constituunt, participare perhibeantur de natura Iouis, & Veneris. Ex quo audacter concludit, Homines illic degentes, esse Religionis, & iustitia amatores, hilares, venustos, & pulchrarum rerum sedulos prosequutores. Vetum, an dictis res ipsa respondeat, admodum vereor: quin potius refragari videtur ratio, & communis fama, quæ de illarum gentium moribus peruolat, id falsitatis euincit. Quandoquidem poli vicinitas, & stellarum tenue lumen (sunt enim omnes valde exiles, quintæ, & sextæ, vt vocant, magnitudinis,) tantam virtutem, quam terris subiectis refundant, continere, haud credibile est. Alioquin si ratiocinatio vniuersaliter haberet locum, longè melioris conditionis essent homines, & Insulæ sub Circulo arctico constitutæ, eoquod subsint stellis potioribus, & luminis clarioris. Certè de vtrisque oris, Hollandi qui illuc negotiationis gratia, aliquando appulsi sunt, deque illarum gentium moribus, ingenij stupiditate, ac barbarie aliter referunt, vt aliàs ipse Faber non sibi constans, vltro fatetur.

MANVS FERREA apud Scriptores rei militaris, dicta est Machina ad arripiendas, & conquassandas hostium naues facta; ad manus formam, prout opus fuerit, explicabilis, & restringibilis. Cuius inuentio tribuitur Archimedi, qui ea primum vsus fuisse perhibe-

hibetur aduersus Marcelli Classē, Syracusas obsidione cingentem. Hanc cum Harpagone confundit Liuius lib. 26. & 37. vbi, inter alia, hæc habet. *Cum belli apparatu strepunt ferrea quoque manus, (harpagones vocant) quas operibus hostium iniicerent, preparabantur.* At Cæsar distinguit, ac longè diuersi vsus facit; in quam sententiam conuenit Plinius lib. 7. cap. 56. qui propterea harpagonas inuenisse perhibet Anacharsim; Manus ferreas, Periclem Atheniensem. Et quidem diuersas omninò fuisse, vel ex eo euincitur, quod harpagonibus vsos esse indifferenter in mari Classarios ad hostium sistendas naues, omnes Historici testantur, vt in loco diximus; quin, & eorum vsus adhuc inter nos viget: Manus ferreæ à propugnaculis vr̄bis obsessæ in obsidentium naues demittebantur, quas & in altum attollebant, & ad muros allidebant. Accedit, & testimonium Dionis Chrysostomi, qui vult harpagones, leuis operæ machinamenta fuisse, & celeriter immitti, ac retrahi posse; manus autem ferreas, magnæ molis, quæ integras naues amplecti, & sursum tollere valerent, proindeque ægrè nimis agebantur, & cum pondere decidebant; vt ipse Liuius alibi obseruat de Bello Syracusano agens lib. 33. vbi manum ferream, eiusque vsus, sic ad viuum describit, de Marcelli Classe propiùs obsessæ vr̄bis muris appropinquante. Si quæ verò ita propinquarent, vt sub muris quasi laterent, ferream manum (Archimedes) catena illigauit, quæ cum prora iniecta esset, grauique libramento plumbi recelleret ad solum, suspensa prora, *Nauim in pupim statuebat: dein remissa, subito nauim quassabat magna cum trepidatione nauarum.* Ad hæc, confer cum Harpagone quæ de eo diximus suo loco.

II

MAPPÆ, communi vocabulo apud Astronomos, & Geographos vsitato, vocantur duo Globi materiales, & solidi; in quorum altero descriptæ sunt omnes imagines Orbis Sphæræ cum suis Stellis fixis exquisitissimè calculatis, & constitutis vniquibusque, ac singulis in suo reali positu sub Primo mobili, (quod & ipsum inibi exaratum est cum suis Circulis, & diuisionibus) prout nunc temporis sunt in quo recessisse compertum est Cælum Stellatum à Primo Mobili, ferè gr. 28. quoad positu, quem habebat tempore Ptolemæi, cum quo omnes fixæ locum suum in Zodiaco mutauere, ita tamen, vt adinuicem eandem distantiam, situm, & configurationem adhuc seruent, nihil ordine immutato, vt videre est: ac proinde Cælestis hic Globus insitens Meridiano; & horizonti, Circulis extrâ positis, & ad cuiusque loci eleuationem Poli aptatis, referat adamussim.

Cæli

Cæli faciem, indeque singularum Stellarum ortus, & occidus, mediatio Cæli, arcus diurnus, atque nocturnus & alia prospectari queant; & insuper ad quodcumque temporis momentum, ita sisti, ut quælibet dignosci possit, & suo nomine compellari; quando unaquæque per lineam rectam cadit, ac tendit supra sui imaginem ibi delineatam. In altero verò Globo descriptus est vniuersus terrarum Orbis cum suis Prouincijs, Maribus, Insulis, Promontorijs, Lacubus; amnibus, cum suis longitudinibus, ac latitudinibus Geographicis, ac sub suis parallelis, & Zonis: itaut facile cuique sit, vnicui intuitu obseruare, quam quisque locus habeat Poli eleuationem, quam distantiam à primo Meridiano in Occidente fixo, atque adeò ab inuicem, quisque sit alio orientatior, atque occidentatior; qui Populi sint Antiscij, qui Periscij, qui Antipodes, qui Antichtones, &c. quanta sit in singulis diei, noctisque longitudo, aut breuitas; & alia multa scitu digna, iucunda, ac Geographiæ totius peritiam breui manu inducentia: quæ aliàs, absque mapparum ope, nullatenus, aut vix longo studio, indefessis itineribus, sumptibus ac laboribus; comparari possent. Inter has celeberrimæ, & exactissimæ sunt quas nuper Hondius, Iansonius, & Bleau, Impressores Amstelodamenses fabricarunt, atque ex Tabulis cuiusque loci diligentissimè ad inuicem collatis, concinnarunt: adiectis etiam nouis stellis ad Polum Antarcticum obseruatis, necnon & Prouincijs in Australi plaga detectis, atque à Lusitanis, Hispanis, Hollandis, sapius, & penitissimè peruagatis.

MARCHA Geographicis, & Gromaticis, audit terminus & limes, sed potius ambitus totius alicuius prouinciæ, vel regionis, quo se tota continetur, & ab alia dispescitur. Sic in diuisione Imperij facta tempore Ludouici Pij, habemus scriptum, Marcha Hispanica, Marca Tholosana, &c. In Italia quoque aliquibus Regionibus mansit appellatio; Marcha Taruisana, quæ comprehendit bonam partem Dominij Veneti ad fines Germaniæ adiacentem; Marcha Anconitana; in Piceno, trans Appenninum ad mare Adriaticum adiacens; & Picentes populi vulgò Marchiani dicuntur. Ex quo crediderim etiam effluxisse vocabulum Marchionis, pro Dominis, ac Præfectis huiusmodi Marchiarum. 12

MARCHAB ALPHERATZ arabicè Stella fixa dicitur valde lucida, secundæ magnitudinis in eductione alæ Pegasei Pegasi, de natu- 13
ra Ionis, & Marcis, existens nunc in gradu 3. Arietis cum latit. boreali gr. 12. quam magni faciunt Astronomi in obseruandis aëris mutatione-

tationibus, quæ cum Sole exoriens facit frigus intensum, & generat niues, & grandines; cum Ioue maximam, & constantem serenitatem. Sed id acceptum videri potest, non tam ipsi, quam duabus alijs Stellis eiusdem naturæ, in scapulis, & dextro humero positis, quæ successiue oriuntur, & vniunt intenduntque vices, earumque effectus diutiùs durant. Nascuntur autem Romæ diebus 10. 12. & 29. Ianuarij, occidunt verò mense Martio. De ijs in Genethliacis multa fabulantur Astrologi, præsertim Pontanus, & Faber: quæ referre, & refutare, cura superuacanea foret.

- 14** MARCHEB item dicitur alia Stella fixa, quartæ quidem magnitudinis, sed virium potentissimæ, de naturâ Iouis, & Saturni; in medio scuti Argonauis fulgens, atque existens in grad. 29. Cancrî, cum latitudine meridiana grad. ferè 47. quæ oritur cum grad. 26. Leonis die 24. Augusti: cui si Saturnus accesserit, causa est magnæ siccitatis. Ea in Horoscopo, vel Horoscopus ad eam directus, affert cordis hilaritatem, prudentiam, gravitatem morum, itinera honorata, iniuriarum patientiam, & amicitiam cum Iouialibus, & Saturninis, non sine fructu diuitiarum, & gloriæ.

- 15** MARGO vniuersaliter significat extremum terminum alicuius rei, ita tamen, vt aliquam excurrentiam, & latitudinem innuat: vnde & annuum crepidines, & ripæ; margines appellantur. Strictiùs autem in Architectura militari accipitur pro spatio illo relicto inter fossam, & vallum, per quod excurrunt milites præsidarij, quæ proinde dicitur Margo fossæ, aut valli, quæque in quandam accliuitatem definit: Gallis *Lisiere*, aut *Bermé*. Hæc autem prouide, & vtiliter sternitur ante muros, tum ad multa, tum vt decedentes forte valli ruinas excipiat, retineatque ne in fossam decendant: etenim sæpè muris additur promurale è terra aggestitia, & fascibus interpositis, ad illos à crebris tormentorum ictibus contineandos; firmaturque ad consistentiam, erismis, decliuitatibus, & loriculis: quod item fit ad ipsum marginem fossæ. In quo illud aduertere solent Ingenarij, vt neutrum planitiem campi, seu subiecti agri, altitudine superet: quod ad eum finem tendit, ne aliàs temere exponantur, & pateant inimicorum insultibus; & ex alia parte protegat ambulacrum valli, & viam testam. Quocirca quò humilior, & hosti magis inuisa, eò melior, ac securior. Neque verò necesse est, vt viz testæ superemineat, ad hoc vt tuitioni sit; nam satis superque à vallo imminente protegitur: nec tam humilis, vt ea depressior sit: quandoquidem, si semel ab hostibus occupata illa fuerit, margo fos-

ſe ei ſubiectus euaderet vrbi obſeſſæ pernicioſus, aut ſaltem ad onẽ ne opus inutilis. Plura de hac re apud De-chales, Dogen, & Herigonium.

MARITIMAE præciſe audiunt apud Geographos camporum, & agrorum iuxtà Mare circumiacet planities, quæ culturæ aptæ non ſunt, ſed vtplurimum arenosæ, aut cæli; ſoliue conditione infructuoſæ, ſteriles, & inſalubres. Noſtris *Maremme*, & in Italia famoſæ ſunt quas vulgò dicunt *le Maremme di Siena*, proriſus impermeabiles, & inhospitæ. Porro in his, (quoniam alium uſum habere non poſſunt,) hominum induſtria excogitauit, ut tandem ex ingrato ſolo, aliquem, qualis qualis ille eſſet, prouentum emungeret, inibi conſtituere ſalinas, deriuatà è vicino mari aquà, & in ſurculos diſtributa: quò ab ardore Solis iugiter incumbentis, humiditas omnis attraheretur, & ſalſedo concreta dureſceret. De qua re diſcurrens Plinius lib. 31. Cap. 7. ait: *Fit Sal vulgaris, plurimumque in Salinis aſuſo Mari.*

Eſt inſuper, ut patet in Tabulis Geographicis, Inſula propè Siciliam, à Lilibzò promontorio ad duo ferè Milliaria diſtans, *Maritima* nomine appellata; quam etiamnùm apud Siculos, corrupto paritè vocabulo, *Maretemo* nuncupatur: eſtque antiqua Hiera Straboni, ac Ptolemæo Phorbantia, teſte Ferrario in *Lexico Geographico*. De qua videndus eſt Cluuerius in deſcriptione antiquæ Siciliae lib. 2. Cæterùm quoties pro adiectiuo *Maritima* ponitur, non, modò id nomen competit campeſtribus agris iuxtà mare ſituatis, & circumquaque inundantibus aquis expoſitis; ſed & toti cuidam regioni, quæ per longum tractum Mari adiacet, & vltrà protenditur, ut conſtat ex Plinio lib. 5. cap. 12. de Phœnicia Syriæ Prouincia, ſermoneni inſtituente. *Qui ſubtilius, inquit, diuidunt, circumſindi Syria Phœnicem volunt; & eſſe oram maritimam Syriæ; cuius pars ſit Idumæa, & Iudæa; deinde Phœnice Syria: id quod prædicet mare totum Phœnicium appellatur.* Vbi notat Budæus 3. de Aſſe. Oram maritimam Syriæ incipere ab Arabia; inde ſuccedere Idumæam, & Iudæam; poſteà Phœnicem, atque introrſum Syrià Damafci claudi Phœnicem.

MARMORATVM opus in re ædificatoria dicitur, quod ſiue ex toto, ſiue ex potiori parte, è marmore compactum eſt. Non quod totum ædificium, aut pars vlla ſtructuræ, è ſolo marmore inſurgat, (nam tunc ſimpliciter Marmoreum diceretur) ſed quod ſiue è marmore ſectili, inductam babeat cruſtam; ſiue è conuſo marmore,

& ad pollinem redactio, mixtura fiat cum calce, & ea parietes illi-
niantur. Quod ad primum attinet, id aq̃ nomine ex græco, *Litho-*
strotos nuncupatur: unde marmorata pavimenta dixit Cicero 2. *de*
Legibus sed Marmoratum vt sic, etiam parietibus marmore conuelli-
tis, conuenit. De secundo, notat Budæus in l. quod in fernis §. 1.
esse in triplici genere. *Ex calce*, inquit, & marmore tuso triplici va-
rietate comminuto; prout trium coriorum exigebat usus. Hoc, Alba-
rium vocat Vittupius lib. 5. cap. 10. sed nominatim Marmoratum
appellat Varro lib. 3. *de Re Rustica*. Intrinsicus, ait, quasi lenissi-
mo marmurato toti parietes & camera oblinuntur, nè mus aut lacerta ar-
reperere ad columbaria possit. Et lib. 1. antea dixerat: *Parietes*, & so-
lum opere tectorio marmurato loricandum; ideoque in ijs cameras memo-
rato, & parietes, pavimentaue laudabiliter faciunt. Plinius quoque
eius meminit, lib. 36. cap. 23. *Tectorium* nisi ter arenato, & bis mar-
morato inductum est, non satis splendoris habet. In Italia marmurato
parietes exornare, frequentissimum est, & vulgo *Stuccum* vocamus.

- 18 MATHEMATICA; siue (vt alij contractius scribunt) *Mâthesis*,
Scientiarum omnium nobilissima, & quæ iure optimo omnium
Princeps, & Patens dici potest; quippeque in summo certitudinis
apice locata est; quæque quâ latè patet Quantum, siue in abstracto,
siue in concreto, habet pro obiecto, eiusque mensurabilitatem consi-
derat, passiones examinat, vnum cum altero comparat, similitudines,
proportiones, proprietates perpendit, atque scrutatur. A græca no-
tione *Μαθητις*, quæ disciplinam sonat; denominationem sumit.
Et valdè quidem ad rem: nam, solis & omnibus Mathematicis fa-
cultatibus per excellentiam, Disciplina nomen competit: ipsæ enim
omnes & solæ erroribus & paralogismis non sunt obnoxie; animum
verè informant, non in speculationibus tantum sistunt, sed tendunt
ad opus; quando non per inanes ac dubias opiniones procedunt,
sed per euidentes demonstrationes, aut per principia per se nota,
quæ intellectum statim conuincunt, & subinde incendunt ad alia
minus nota, non tamen minus certa inuestiganda, multasque veri-
tates in Naturæ ad yro latitantes, aperiendas. Id quod cæteris scien-
tijs purè naturalibus haud conuenit, vtputa Physicæ, Metaphysicæ,
&c. quæ non per demonstrationes incedunt, sed per argumentationes,
& syllogismos sæpè fallacijs implicatos, quæque suum obiectum
probant, non supponunt probatum. Porro *Mâthesis* obiectum, vt
suprà retigi, est Quantum sub ratione Quanti, hoc est, extensi, qua-
tenus aptum est mensurare per comparisonem alia quanta; &
ipsum vicissim in abstracto mensurari per suas passiones, & proprie-
tates.

rates. Quod ideo; si consideretur vè sic, prout habet rationem mensuræ, & proportionalitatis præcisè, absque vlla alligatione, & respectu ad materiam quantam, est obiectum *Geometriæ* quæ est potissima, & vniuersalior Disciplina, ac fundamentum cæterarum. Vel transit in peruagationem, & mensurationem Orbis terrarum, & appellatur *Geographia*. Vel se erigit ad contemplanda Cælestia Corpora, eorum motus, naturam, passionem, configurationes, distantiam à Tellure, & ab inuicem; Sicque vocatur *Astronomia*. Vel sistit in peruagatione maris, & locorum adiacentium, & dicitur *Hydrographia*. Vel tandem dirigit radios visuales per conos, & lineas rectas; & hoc est proprium *Opticæ*, seu *Scenographiæ*. Rursus omnis quantitas considerari potest, vel vt est continua, vel discreta: Si continua, est obiectum, vt dixi, *Geometriæ*: Si discreta, fundat *Arithmeticam*, quæ in consideratione, & comparatione numerorum versatur; omnem supputandi, multiplicandi, subducendi cuiusvis numeri, etiam indeterminati, rationem tradens. Quæ insuper, si non in numeris præcisè sistit, sed procedit ad numeros dispersiendos, ac mensurandos per certum tempus, quod resultet in quandam harmoniam, & vocum sonorumque consonantiam; id pertinet ad *Musicam*, quæ voces per certa temporum intervalla regit, vnit, discontinuat, & moderatur. Igitur Mathematicæ Disciplina in quatuor præcipua membra dispersiuntur, quæ reliquas inferiores subalternant: suntque *Geometria*, quatenus artè sumitur pro consideratione Quantitatis continui; *Arithmetica*, quæ sistit in numeris; *Musica*, quæ versatur circa modulorum consonantiam; & *Astronomia*, quæ se extollit, & erigit ad contemplandum nobilissimum quantum, nempe Cælestes Orbis & sidera; eorum situs, naturam, motiones, passionesque inuestigando. Itaque hæc quatuor constituent celeberrimum illud Scientiarum *Quadrinijum*, cuius laudes in loco dicimus. Sunt & aliæ inferiores Matheseos diuisiones, quæ videri poterunt apud Proclum, in Commentarijs ad Euclidem, & ex Recentioribus, apud Clauium item in hisdem Commentarijs, in Prologomnis. Sed hic inuati auertere iniustissimam porro inuidiam, quæ ex æquiuocatione vocis, nobilissimis disciplinis accessit: cur inquam, cum tam sublines, innocuæ; certæ, ac Reipublicæ bono oppidè necessariæ sint atque vtilis, Mathematicæ facultates: attramen tam malè apud imperitum vulgus audiant, vt earum professio, tanquam Reip. pestis, morumque corruptela, etiam publico Cæsarium iure exterminetur. Sed errone est, vt dixi, in æquiuocatione, abusu nominis, & inscitia græcicæ loquutionis, quæ malum hoc induxit, & laruam optimis disciplinis. Etenim *Μαθηματικά*, vt supra tetigi,

græcè Disciplinam sonat, cuius laus est, Scientijs omnibus, præ ceteritudine, & felicitate tenendi suum obiectum, anteire. At Mathêsis, siue *Μαθητική* cum accentu (vt vocant) in penultima, circumflexo, Græcis artem diuinatorem indicat, Mathematicarum Scientiarum monstrum informe, & abortiuum: ex quo vulgus ineptum Mathematicos appellare cæpit Astrologos coniectores. Verum quantum fallax hæc coniectatio à simplici illa innocua, & patienti certitudine distet, quæ Mathematicarum disciplinarum est propria nemo est qui non videt. Vnde Tullius 1. de Oratore in secunda hac acceptione, Mathematici nomen vsurpans, ait. *Quis ignorat, ij qui Mathematici vocantur, quanta in obscuritate rerum, & quàm recondita in arte versantur?* Atqui, quæ communicatio obscuritatis cum summa certitudine, & claritate? aut qua societas lucis ad tenebras? Consonat D. August. lib. 1. de Doctrina Christiana, cap. 21. vbi de illorum temeritate differens, coniectationes quas faciunt, inter supersticiosas artes adnumerat. Neque, inquit, ab hoc genere perniciose superstitionis illi segregandi sunt, qui Genethliaci, propter dierum natalium considerationem, nunc autem vulgò Mathematici appellantur.

- 20 Constat igitur erroris, & æquiuocationis origo: & Mathêsim spurium germem è vitiatum in radice, alioqui fecundissimo, ac genuino caudice, pullulasse. Mathêsim verò intrà puros demonstrationum terminos consistentem, feliciter insurrexisse, & in magnum Reip. commodum, scientiarumque innocuam sobolem, latamque propagationem fructificasse. Id quod acutè obseruans in Græcismo Ebrardus, cap. 10. perquam venuste super hoc verbo ludit.

Scire facit Mathêsis, sed diuinare Mathêsim

Datque Mathematicos comburi Theologia.

Namque correptio, & productio in secunda syllaba, quæ in carmine patet, se sola, diuersitatem facultatum exprimit, ac distinctionem facit. Sed seriùs, & magis ad rem, soluta oratione utramque probè describit Io: Sarisberiens. in Policrate, lib. 2. cap. 18. *Mathêsim ergò, inquit, probabilem, quæ penultimâ breui enunciat, quàm & Natura inducit, & ratio probat, & utilitatis experientia approbat, quasi quoddam Doctrina iaciunt documentum: vt exinde opinionum suarum lubrico, quasi quadam imagine rationis, in Mathêsim reprobam, quæ profertur extensa penultimâ, perniciosissimè prolabuntur.* Hæc Sarisberiensis de Genethliacis, male de Mathêsis nomine abutentibus, atque eius principia euidentissima, in suas fallaces opiniones in lubrico positas, perperam contorquentibus.

ME

21

MECHANICA ars est fabrilis Architecturæ subseruens, & Geo-

me-

metrix substrata: Quod enim hæc speculatiue concipit, hoc illa in praxi educat, & opere exequitur, perficitque; adeoque merito laudem illam promeruit, quod suppeditet vires Naturæ, & eius operum sit perfectrix. Nam, vt obseruat Philosophus in proœmio Quæst. Mechan. *Natura eundem semper habet modum, & simpliciter: utile autem multifariam commutatur.* Quando igitur quippiam præter naturam, oportuerit facere, difficultate sua hesitationem præstat, arteque indiget: quamobrem eam artis partem, quæ huiusmodi succurrit difficultatibus, Mechanicam appellamus. Bene igitur definitur, quod sit eorum inuentrix, quæ ingenio simul, & manibus sunt. Versatur enim in Machinis fabricandis, quæ deseruiunt tam in ciuilibus ad magna onera subleuanda, & attrahenda, in quibus pusilla vis maioribus præualeat, & quæ momentum paruū habent, motu & contranitentia, ingens acquirunt: tum in apparatu bellico, ad naturam vincendam, hostes circumueniendum, & eorum conatus frangendos, molitionesque labefcendas: prout Hero pluribus præstat in lib. de Machinis bellicis, & Aristotèles philosophicè inquit per longum in citatis *Quæstionibus Mechanicis.*

MEDIANA in Architectura vsurpatissimum verbum: significat enim vniuersè partes ædificij in medio constitutas, prout à frontibus & vltterioribus recessibus dispescuntur: vti econtrà Angulares, quæ in extremis angulis; Antica quæ in anterioribus; Postica, quæ in vltroneis, appellantur. Hinc mediana Acroteria, medianas columnas, mediana Epistylia &c. apud Vitruuium, aliosque Architecturæ Scriptores, passim inuenies. Aliquandò medianas ædes, quæ in ædificijs altioribus, pluribusque contignationibus assurgentibus exant, inter supremam, & infimam vocant; quæ officinis, & famulorum recessibus destinantur. Has nostrates vulgò *Mezzaninos* nuncupant.

MEDIA PROPORTIONALIS specificatiue & per attributionem à Geometris dicitur linea, quæ inter duas alias extremas, media constituitur, quæque inter se sint tantum potentia commensurabiles; ipsa autem de cætero sit irrationalis; & rectangulum ex ea resultans item irrationale: vt colligitur ex Euclide propof. 22. lib. 10. Vbi aduertit Campanus, quod *Non solum recta potens rectangulum irrationale sub duabus rectis rationalibus potentia tantum commensurabilibus contentum, irrationalis est, vocaturque media: verum etiam Quadratum ipsius, vel rectangulum illud dicitur Medium; quia medio loco proportionale est inter quadrata illarum rectarum rationalium potentia solum*

commensurabilem; quemadmodum & recta ipsa media proportionalis est, inter dictas rationales. Porro mediarum proportionalium, quæ irrationales sunt, duæ sunt species. Vel enim ita dicuntur, quia in longitudine non sunt commensurabiles, sunt tamen potentia, seu in quadratis suis: & hæc absolute vocantur Medix, sine aliquo addito; eo quia re ipsa intercedunt inter duas lineas, quæ sunt capaces alicuius commensurationis: Vel ita sunt medix, non quia ex se conferri possint cum duabus incommensurabilibus, sed quoniam innascuntur per æquipollentiam ad spatia irrationalia; & hæc in plures differentias, dispartuntur, quæ suas quæque proprias appellationes habent; ut sunt Binomia, & Apotomes. Quæ rursus in alias species infinitas subdividuntur, secundum diuersos respectus, in prima, & secunda binomia, primas, & secundas apotomes: itaut quatuor omnino species infimæ linearum irrationalium, ex diuersis respectibus oriantur: duæ per compositionem vnius cum altera; duæ item per subtractionem vnius ex altera. De quibus fusè dictum suis in locis, præsertim in V.V. *Binomium* & *Apotome*.

Nunc autem præstat modum tradere, quo facile inueniatur Media proportionalis, quod adeo olim torfit antiquorum Geometrarum ingenia. Id quod pluribus modis fieri potest, ut alibi docebimus, in figura Ovali, in Parabola &c. Hic autem solum replicabimus figuram extractionis medix proportionalis laterum quorumcumque corporum regularium, quam supra, cum de his discruimus, dedimus, & explicauimus. Ad quæ Lectorem, ne tædio hic simus, remittimus. simili ratione



- 24 MEDIVM, absolute prolatum, appellat Rectangulum, seu spatium, quod potest linea media hætenus explicata. Hoc autem ex Clauio ita describi potest. Est Rectangulum quod sub duabus lineis potentia tantum commensurabilibus continetur. Vel certe, Quod alteri cupiæ rectangulo sub duabus lineis potentia tantum commensurabilibus comprehenso, æquale est: itaut ipsum possit linea aliqua, de qua modo loquuti sumus, alias non foret media, ut supponitur. Quocirca omne rectan-

rectangulum applicatum alteri, quod comprehendit æquale spatium, dicitur *Medium*, atque adeo, qualecumque illud sit, reduci poterit ad medium contentum sub duabus lineis irrationalibus, potentia tamen commensurabilibus. Plura de hoc argumento habes acutè perpensa, atque enucleata apud nostrum Guarinum in Euclide, Adaucto, & Vitalem Iordanum in Euclide Restituto. ad X. Elem.

MEDIUM Cæli communiter ab Astronomis nominatur in Constitutione Cælesti Decima Domus ab Horoscopo, & propriè Meridianum supraterraneum, quod etiam ab altitudine dicitur *Culmen*, & pro dignitate, *Cors Cali*: ubi sidera eleuantur à terra quantum patitur eorum situs in Zodiaco, & fert vnusquisque parallelus, in quo suam circulationem perficiunt: proindeque augetur eorum actiuitas, ac directioribus radijs virtus intenditur. Quapropter merito Ptolemæus Decimam Domum Horoscopo præficit. Ex quo iure ei tribuuntur significata actionum, Magisterij, Principatus, publici officij, & similibus; quoniam ibi Luminaria, quæ sunt præcipui rerum Moderatores, & in genere suo, quilibet alius Planeta, maximè eleuatur, viribus pollet, & producit qualitates maximè actiuas; vnde consequens est, vt id in influxibus illucescat, in suisque significatis vnusquisque disponat, atque excitet subiectum passibile ad se supra se erigendum, & actiones, & motus exserat quæ non aliàs; quemadmodum videmus quotidie fieri in plantis, virgultis, & floribus, qui se erigunt, & respectant Solem in Culmine constitutum; cadunt, & languent, ipso ad Occasum vergente. Sic etiam Herba, quam dicunt Lunariam, & Selenitis, ad Lunam, &c. Quare gaudet præceteris Sol in Cæli medio constitutus, quia ibi latet, & viuidiorem suam lucem diffundit: ceteri planetæ fortiores à loco sunt, & Fortunæ quidem, veluti Venus; & Iupiter, conduplicant beneficentiam; Malefici autem, nempe Saturnus & Mars, euadunt perniciosiores, & actionibus hominum nimis insensu.

MEDVSÆ CAPVT, Arabicè *Ras Algol*, dicta est ab Astronomis stella fixa in Cælo præceteris prauæ qualitatibus, & violentissima, secundæ magnitudinis de natura Saturni & Iouis, ad plagam borealem in Constellatione Persei constituta, & sub Primo Mobili existens nunc temporis in gradu 22. Tauri, cum totidem ferè gradibus latitudinis borealis. De hac, inter alia mala quæ influit, obseruatum præcipuè est, quod ubi fit Verticalis, magnas inducit calamitates & clades, idque maximè si cum maleficis conueniat, aut Luminariis copuletur. Huius vni factæ, duobus adhuc sæculis, Græciæ verticali;

ticali; acceptam fert Argolus in *Pandolfo Sphaerico*, illarum aliàs
 florentissimarum Prouinciàrum, quas passim sunt, clades, atque euer-
 siones. Additque, eam nostris temporibus accedere ad verticem no-
 strum, propeque fieri Regno Neapolitano: indeque edicit (vinam
 falsus extitisset) easdem, aut similes calamitates huic Regno immi-
 nere. Profectò vidimus post isthàc scripta, & typis impressa, quantum,
 tum Ciuium ex suscitata seditione, cladibus, tum terrà motibus, tum
 Exerorum bellis, vexatum sit: vt sanè author iste vaticinare potius
 visus sit, quàm ex siderali scientia coniectari. Sed quid mirum, si
 stella hàc, experientia numquam fallente, semper funerea extitit, vt
 cognouit & falsus est etiam D. Thomas in *Opusc.* 28. art. 4. post
 Ptolemæum, & alios antiquos Astrologos? *Propter quod*, inquit,
ipse Perseus Caput, auerso vultu abscissum tenet (vt esset indicio insitæ
 in hac stella malignitatis) *quod illa stella* (subdit) *funerea sunt, &*
monstruosam indicant vitæ terminationem. Verùm S. Doctor, nè vi-
 deatur plurimum deferre dictis Astrologorum, hàc notans in his quæ
 liberam hominum electionem tangunt; mox ad cautelam addit: *Sed hoc*
sicut diximus, non imponit rebus necessitatem, sed facilem, &
mutabilem inclinationem habet. Id quod & ipse vniuersim, de fide-
 rum, siue bonis, siue pranis dispositionibus, dixerim.

- 27 MEGALOGRAPHIA quod sit Vitruuius in ratione ornatus in
 ædificijs, non benè constat: solum enim eam nomine tenus tangit,
 & improbat adhiberi in Triclinijs hybernis, alijsque similibus lo-
 cis, eoquod ijs non apta: vti & opus coronarium in cameris,
 quamquam subtilis operæ sit, & alias magni decoris, & speciei;
 quia ignis, & luminum fumigationibus sunt obnoxia. Ait enim
 lib. 6. cap. 4. *Ipsi autem politionis ornatus proprias debent habere decoris*
rationes, vti ex locis, aptas & ex generum discriminibus non alienas ha-
beant dignitates. Quapropter subiungit: *Triclinijs hybernis hac compo-*
sitio nec Megalographia, nec camerarum coronario opere subtilis orna-
tus, quod ea & ab igne, & ab luminum crebris fuliginibus corrumpun-
tur. Oedypo opus est, vt quid sibi velit, intelligamus. Sed nec rem
 melius explicat sequenti capite, eius iterum mentionem ingerens
 cum alijs non minus obscuris & è suo tantum cerebro natis vocabu-
 lis. Inuehitur enim contrà nouas pingendi rationes introducentes
 ab antiquis non usurpatas, vtpote cum pinguntur nonnullis locis signo-
 rum Megalographiam habentes *Deorum simulacra, seu fabularum dis-*
positas explicationes, &c. & infra: *Pro columnis statuuntur calami; pro*
fastigijs harpaginetuli striati cum crispis folijs, & volutis. Hoc enim uerò
 est Lectoribus illudere, & diuinandi ansam præbere. Etenim ex
 etymo

etymo græcanicę vocis nil aliud colligitur, quam eam esse grandem
quandam rerum descriptionem aut affigurationem: vnde bene Phi-
lander, *Megalographiam*, inquit, *interpretor picturam magni sumptus,*
& magnarum personarum, aut rerum deformatricem. At, qua ratione
hec potius, quam reliquę picturę in triclinijs, maximę magnorum
Principum, improbanda sit, planę non video. Sed quoniam hęc in-
cidimus, placet hic, ad solatium Lectorũ, ad has Vitruuianas & inusi-
tatas voces, nusquam alibi repertas, cespitantium, Auctoris ingeniu,
cæteroqui eruditissimi, & primi Architecturę instauratoris & Ma-
gistri, tenebrofi tamen, & nimium græcanicas voces affectantis, de-
scribere ex alio non nimis experto, atque Architecturę vocabulo-
rum gnaro, Leone Baptista Alberto, qui ita eum suis coloribus pin-
git lib. 6. de re ædificator. cap. 1. *Sic enim loquebatur (Vitruuius)*
ut Latinis Græcum videri voluisse; Græci, loquutum latinę vaticinentur:
ut autem ipsa in sese porrigenda, neque Latinum, neque Græcum fuisse
testetur: Ut par sit, non scripsisse hunc nobis, qui ita scripserit, ut non in-
selligatur. Quæ ideo aduertisse iuvat, ut lector boni consulat, &
ignoscat, si quando Interpretes in tenenda Vitruuij mente, hallucin-
antur.

MENIANA in re ædificatoria, sunt exportecta quedam loca; & 28
magne projectiones extra ædificij ambitum, supra forum & viam,
publicani, firmissimis mutulis parietum frontibus affixis, impositę,
quasi adpacę domunculę, in alieno pensiles, quod exinde liber ac
patens fiat prospectus ad ea quę de foris peraguntur. Ortum sum-
pere, (vnde & denominatio illis inhesit,) à Ciue quodam Romano
nomine Menio; qui, ut ferunt, cum domum quam habebat ad fo-
rum spectantem vendidisset, excepta columna, quę foris extabat;
tigna proiecit, ac tabulatum super eam construxit, vnde ipse, dehinc
posteri, commodum haberent spectandi gladiatores: quod postea
magno cum plausu, ab Romanis receptum est, ut Meniana passim in
suis edibus erigere cogitarent. Et ea quidem, si ritę & cum mode-
ramine fiant, magni commodi, ac venustatis, priuatis donibus sunt,
& publico minimę detrahunt, sed potius afferunt decorem, & ma-
iestatem. Horum vsum, atque frequentiam, maximę in magnis &
populatis vrbibus, summę commendat Vitruu. lib. 3. cap. 8. exem-
plo Romanę Vrbis; quod cum in tanta inhabitantium copia non
posset, vna area, quantumuis ampla & spatiosa, commodę tantam
ciuium ad spectacula accurrentium multitudinem capere; necesse fuit
huiusmodi menianis, angustię prospectus occurrere, domosque ipsas
in fora proijcere, ac dilatare. Ergo, inquit, *menianis, & contigna-*
tion-

nionibus varijs alio spatio multiplicatis, populus Romanus egregias habere sine impeditione habitationes. Sed iam eorum usus adeo moleuit, ut in præcipuis Italici urbibus, ac præsertim Romæ, & Venetijs, nulla fere domus sit, quæ suas ex porrectiones non habeat, si non egregiè factas ad delicias, & venustatem; saltem è ligno aliâque vili materia compuginatas, ad arctæ mansionis, utcumque amplificandi, necessitatem. Ceterum de huius operis adiectione prudenter cauet Albertus lib. 9. cap. 4. quod in fronte adis, præstabit lepiditatem, si erit non vastum, non profusum, non indecent. Podia appellant aliqui: à Nostratis vulgò dicuntur Poggioli, aut Ringbieri.

MENISCVS. Vide in V. *Catoptrica*.

- 29 **MENSA**, ultra alias significationes obvias, quas habet in usu Civili, atque in Architectura, usurpari quoque solere in rebus bellicis, pro varijs instrumentorum partibus, quæ vel mensæ figuram habent, vel officium quodammodo imitantur. Sic Hero in lib. de Machinis Bellicis, sumit illam pro eo membro machinarum, eiaculantium, (quales sunt Ballista, & Catapulta,) quod tenet erecta brachia, seu alas machinæ, & sustinet totum pegma desuper impositum. Hæc igitur pars, eo quod formâ oblonga est, erecta, & quadrilatera instat mensæ accubitoriz, cui ad sumendum cibum assidetur, hoc nomen sortita est. Cuius explicationem ex ipso Herone, (vbi & aliarum partium, è quibus constituitur machinæ) assumit Turnebus lib. 2. cap. 5. ita eam describens. *Mensa*, inquit, *interior est, & media inter duas hinc inde scutulas, constatque regulis diapegmatis, & tabula inter regulas & diapegmata, collocata; estque in summo, & imo capitula, ut & peritreta.* Eius etiam mentionem facit, & mensuras tradit, licet obscure, Vitruv. lib. 10. cap. 17. qui alias Mensam pro abaco substituit.

- 30 **MENSVLA**, communi Architectorum vocabulo, dicitur Mutulus, seu lapis è pariete prominens, quadrata, & plana formâ, inferiore tamen parte imminutus, & aliquatulum refimatus, tamquam parva mensa ad aliquid fulciendum facta, & columnæ aut alterius sustentaculi solo inhi, loco substituta. *Cornus* appellant huiusmodi fulcimenta Galli, cultiores Itali *Modigliones*. De quibus profusior erit sermo in V. *Mutuli*.

- 31 **MENSVRA**, generali vocabulo, dicitur omne id quod assumitur ad quantitatis alicuius sine continuæ, siue discretæ, extentionem, aut

que magnitudinem dimetiendam: idque siue materiale instrumentum sit, siue aliud quoduis mente conceptum, & pro regula & forma, expendendæ examinandæque rei, statutum. Vnde *Metria* nomen deriuatum; quod commune est omnibus Mathematicis disciplinis; quæ pro obiecto omnes indifferenter, habent quantitatem aliquam in specie dimetiendam. Geometria à telluris dimensione nomen primitiis sortita est: quamquam postea altius euecta, quantitatibus passionibus abstrahit, & considerat præcisè ab omni materia, atque adeo Mater, & Princeps euasit omnium Mathematicarum facultatum, & artium subiectarum, sine cuius directione, nec latum quidem ynguè procedere satis sunt. Econtrà Stereometria ad certam, determinatam quantitatis speciem mensurandam determinata est, ultra quam non progreditur. Astronomia in Cælestium corporum, mole, & motuum ratione dimetienda sistit. Geographia, seu Cosmometria in considerandis locorum sitibus, & distantijs, per circulos verticales, longitudinum, & latitudinum. Musica, & Arithmetica, in dimensione momentorum temporis, numerorum discretorum, &c. Igitur omnis mensuræ ratio in expensione quantis, consistit, & illud considerat vel in extensione, vel in pondere, vel in motu, vel in successione, vel in partibus discretis, & numeris examinandis. Quocirca, pro diuersarum facultatum instituto, constitutæ sunt diuersæ mensurarum rationes, & aliæ sunt pro quantitate solida, & extensa, alia pro discretis, aliæ pro liquidis, aliæ pro siccis, & aridis, ut sunt frumenta, arena, lapilli &c. quas omnes cum suis notis, ac differentiis diligentissimè collegit Alexand. ab Alexandro lib. 2. Dier. genial. cap. 20. Sed & opus ab solutissimum de ponderibus & mensuris, scripsit Georgius Agricola: cuius Synopsim habes apud Philandum, adiectam ad calcem Vitruuij.

MENTVM in opere architectonico dicitur pars illa extrema in summa Corôna, per quam imber desuper à tectis ingruens guttatim decidit: ad similitudinem menti vultus humani, quod ois subternitur, & à collo propendet. De hoc membro, sic loquitur Vitruvius lib. 4. cap. 3. *Ad ipsam Corônæ mentum incidatur linea, quæ Scotia dicitur* Scotiam autem hic appellat, non eam quæ in basibus columnarum Ionicarum, & Corinthiarum constituitur media, nimirum cavitates inter thorum, & plinthum, uti communis acceptione venit, sed ad illius similitudinem, cavitatem illam coronæ sub mento, quæ ab illo separatur, plana quadam regula, seu margine relicto ad continendum aquam, ne interius influat, & Zophorum, aliasque Epistylia partes inficiat, & corrumpat. Nolui certè Architecti explicari,

cius, & ad rem satis appositè, hanc partem vocitant *Sporto del Gio-
ciolatoio*.

- 33 MERIDIANVS apud Astronomos, & Geographos, est Circulus maximus in Cælo conceptus, qui transeat per verticem capitis nostrî, & Polos mundi, insistens Horizonti, eumque interfecet ad angulos rectos: & est ille idem, qui repræsentatur in Sphæra materiali cæteris supereminens, sustinensque axem mundi per polos transeuntem, circa quem globus cælestis, aut sphæra armillaris rotatur. Et hic quidem pro rectitudine aut obliquitate Sphære, singulis regionibus, quin & locis quibusque sensibilibiter ab se distitis, est singularis, ac proprius: Et quemadmodum infinita concipi possunt Horizonta, ita & infiniti Meridiani, qui æquè ab angulis ortus, & occasus distent, & signent puncta verticalia, scilicet circulos verticales, quos *Arimutha* nominant Arabes, transeuntes per verticem, & binos gradus Aequatoris, sibi ad inuicem oppositos. Defacto tamen tot assignantur, quot sunt Climata, in quæ totus terræ ambitus, seu tractus sub Aequatore, dispescitur; hoc est duodecim, qui Aequatorem in 24. æquales partes diuidant: adeout spatium inter duos diuisionis arcus constitutum, comprehendant quindecim gradus Aequatoris, respondentes ad vnâ horam temporis; & singuli gradus importent quatuor horæ minuta, quibus integer dies naturalis excurrit: itaut, Sole in Meridiano constituto, fiat vbique locorum meridies, sed pro diuersitate Meridianorum alicubi citius, quàm in alio. Hæc autem differentia dicitur *Longitudo Geographica*, de qua suo loco diximus: quæ ex Geographorum placito, initium sumit à primo meridiano constituto in occidente, non longè ab Insulis fortunatis; itaut quò locus est Occidentior, eò minus longitudinis habeat, & serius illic illucescat dies, ac Sol meridianum teneat, & econtrâ. Vnde facile quis venari poterit quantum distet per directum vnus locus ab alio, & quam citius fiat dies in vno quàm in alio. Nam, si locus superet alium longitudine; signum est, quod sit illo orientior; & quot ter quinis longitudinis gradibus erit superior, tot horis antè, dies ibi illucescet, erit meridies, & initium noctis. Cæterum ope Meridiani absolute, vbique locorum noscitur quantitas diei artificialis & noctis; maior altitudo, quàm Sol, & quæcunque sidera habere possint suprâ terram: arcus cuiusque diurnus, atque nocturnus, qui computatur in suis parallelis, partim existentibus suprâ horizontem, partim infrâ, adeoque eorum semisses; quæ constituent sidus vel in Culmine, vel in Imo, & alia multa, quæ per longum censet Clavius, in Sphæram Io; de Sacrobosco.

34 MESAQVILLO, *Mefocorus, Mefocircius, Mefenrus &c.* dicuntur Quartæ, vt aiunt, Ventorum; venti videlicet minores adiacentes ad læuam Aquiloni, Coro, Circio, Euro &c. Sicut econtrâ *Ypaquillo, Ypocorus, Ypocircius, Ypenrus &c.* appellantur, qui iisdem præfatis adstant ad dextram; quasi inferius positi. Quorum omnium plagas, & situs in Rosa Nautica, exponemus in schemate, quod in generali Ventorum descriptione, ac nomenclatura exhibebimus suo loco.

35 MESAVLA, quasi *media aula*, in opere item architectonico, est spatium illud, seu itineratio, quæ in ædibus constituitur inter hospitalia, & peristylia. *Mesaula* (addit Vitruu. lib. 6. cap. 10.) dicuntur, quòd inter duas aulas, media sint interposita: Nostri autem eas *Andronas* appellant. Sed hic seuero supercilio nominis improprietatem miratur, & potius ex Græcis nomen mutare eligit, & Latio importare, quàm Latinâ voce vtî, *Mesaula*: Sed hoc valde est mirandum (subdit) nec enim *Græcè, nec Latine potest id conuenire*. At, bonæ gratia, & græcè, & latine optimè conuenit rei significatæ, magis quàm *Andron*. Siquidem *Androna* græcè, teste Aristotele 2. Politicor. publica conuiuia denotant, quæ Cretentes primum, deinde Lacedæmones, in Atrijs domorum celebrare sueuere: quorum vsus, & appellatio nihil minus ad rem, de qua agimus. *Mesaula* autem & græcè, & latine optimè congruit loco, vt subtiliter conmonstrat Suidas. Siue enim græcè accipias *Mesaulin*, vel *Mesaulion*, medianam ianuam sonat; quòd Ianuæ per directum, & in longum respondeat: siue ex græco, & latino formatum vocabulum velis, medianam aulam denotat, hoc est; arctiorem viam, quæ per longum diuidit aulam, seu quæ media inter duas aulas hincinde constitutas, interponitur.

36 MESE, & MESON sunt species intervalloꝝ, & phtongorum in Musica, atque in diuisione Monochordi in quatuor Tetrachorda. Et quidem *Mese* appellat simpliciter medianam chordam respondentem A. la. mi. re, inter Lichanos Meson, & Trite Sinnemmenon. *Meson* autem totum Tetrachordum denominat, conflatum ex Hypate Meson, Parypate Meson, Lichanos meson, & ipsa Mese. Quæ de re, vtî & ordinem ac distinctionem Phrongoꝝ & Tetrachordorū, vide in V. Monochordum.

37 MESOLABIVM, seu *Mesolabum*, appellatum est ab antiquis Geometris, instrumentum hancare ad vnum, duo, vel plura adhuc media

dia proportionalia deprehendenda; aut etiam ad cubicum corpus, seruata eadem figura, ad quantamuis magnitudinem, proportionaliter augendum. Id quod ab Eratosthene primum inuentum fuisse, refert Vitruu. lib. 9. cap. 3. ex occasione Oraculi Delphici, quo Delijs ab Apolline imperabatur; *vti Ars eius, quantum haberet pedum quadratorum, id duplicaretur: & ita fore, ut hi qui essent in ea Insula, tunc religione liberarentur.* Itaque Architas Hemicylindrorum descriptionibus, Eratosthenes organicam Mesolabi ratione id explicauerunt. Rem curiosam prosequitur accuratè Philander. *Quasitum, ait, concertatumque est, quonam modo propositum solidum (præfatæ indictum Aræ) in ea forma permanens, duplari posset. Res ad Geometras relata est: ambigentibusque cæteris, Hippocrates Chius indicauit fieri id posse, si constitutis duabus lineis, quarum maior minoris esset dupla, duas media in eadem proportionem inuenirentur. At enim hoc opus, hic labor: Problema propositum magis tortit Geometrarum ingenia, cum id, qua ratione assequi possent, non satis perspicerent. Obiurgante Platone (sequitur historiam Philander) qui in Academia erant, Geometras; Architas Tarentinus, per hemicylindros, postea Eratosthenes instrumentum formauit, quo id persiceretur. Et de Architæ quidem inuento, ipsum Eratosthenem (si modò fides ei in causa propria adhibenda sit) scripsisse ad Ptolemæum referunt, illum per hemicylindros, demonstrabiliter quidem rem descripsisse, verum, ut id sub manum duceretur, in vsumque caderet, neutiquam assequi potuisse; se verò per suum Mesolabium fuisse assequutum. At quidquid in facto tunc accidisset; certum est, nunc non minus feliciter per hemicylindrum, quam per mesolabium, datis duabus inæqualibus rectis lineis, mediam proportionalem, vnā, duas, & plures, quoc ad demonstrationem perficiendam opus sunt, citrà fallaciam inueniri; uti experientia probat, & in vtroque instrumento, quod oculis exhibet idem Philander, exemplis commonstrat. Sed iam non instrumentis, nec tanta defatigatione opus est ad cuiusvis rationis medias proportionales inueniendas; eorumque ope, quæ olim impossibilia reputabantur, omnia ferè in Geometria alijsque subalternis Mathematicis disciplinis abstrusiora problemata solui posse, & opera consummare; ut in Geometria practica probat Clavius, & nos sparsum in nostro Lexico, cum verborum ratio rulerit, indicamus. Vbi vides quàm felicior sit nostra ætas antiquis tēporibus, quàmque sublimiter excreuerint Mathematicæ facultates; ut quæ tūm insignes viros, & Geometrarum magistros adeò torsit, mediæ proportionalis inuentio, nunc puerorum manibus teratur, & mille modis, ludendo, perficiatur.*

META, à prima sui origine, structurae genus erat admodum rude; è ligno, & straminibus primum, postea è coaceruatis lapidibus luto illitis in acumen desinens, erectum, sub quo primi Orbis habitatores, mansiones suas constituiebant, ad somnum & quietem sese recipiebant, & à plurimis, atque inclementia cæli, utcumque se continebant. Hæc autem structura nullis Architecturae præceptis, sed solo naturæ ductu inita; quoniam in imo ubi solo adigebatur, lata erat, & sensim assurgens minuebatur; itaut in conum desineret, metae nomen accepit, & etiam nunc retinet, postquam facta celebrior, in nobilem Pyramidem assurrexit, positaque in signum, ac terminum decursionis in ludis Circensibus; quam qui primus tenebat, brauium consequeretur, præmii quoque victoriæ. Nunc, quia Meta hæc in medio Circi erat, quâ septies concitatissimo cursu circuire solebant Quadrigæ; & illuc tandem expleto cursu sistere; factum est inde, ut pro termino, ac fine laudabiliter rebus imposito, usurparetur: ex quo abiit in proverbium *peruenisse ad metam*; cum, qui rem sibi propositam ad finem usque perduceret: ac demum vniuersaliter pro quocunque termino, limite, & confinio: unde est illud Poetæ Aeneid. 7.

Hic ego nec metas rerum nec tempora pono.

Porro à Metâ dicti sunt

METATORES in re militari, qui Castra ponebant, & limitibus suis arcabant, quique nunc Gromatici audiunt, quoniam Groma campos dimetiuntur, atque ex regulis Geometriæ, Geographiæque pericia, aptè disponunt, soli qualitatem examinant, formam delineant, partes distribuunt, ambituque qui commodè numerum bellatorum capiat, ac probè suis operibus muniri possit, concludunt. Quæ in re, multa & salutaria præcepta dat Vegetius lib. 1. cap. 22. ubi inter alia hæc habet; *Castra; præsertim hoste vicino, tuto semper faciendâ sunt loco, ubi & lignorum, & pabuli, & aqua suppetat copia: & si diutius commorandum sit, loci salubritas eligetur. Cauendum etiam, ne mons sit vicinus altior, qui ab aduersariis captus possit officere. Considerandum etiam, ne torrentibus inundari consueverit campus, & hoc casu vim patiatur exercitus. Pro numero autem militum vel impedimentorum munienda sunt Castra, ne maior multitudo conspiciatur in parvis, neque paucitas in latioribus, ultra quàm oportet, cogatur extendi. Et prosequitur cap. 22. 24. & 25. edicere, quali forma delinienda sint castra, quæ aliquando quadrata, aliquando trigona, aliquando semicircularia expedit poni; prout loci qualitas, & rerum conditio postulauerit. Item, quo genere munitionum stabilienda sint; qualiter providendum, cum hostis imminet, nec locus ex-*

citan-

citandis pluribus defensionibus datur &c. Quæ omnia sedulo perpendenda sunt ab experto, & perito in omnibus Metatore, antequam castra disponat; ne aliàs rerum inscitia in facti contingentia nouus, suo muneri desit, totusque exercitus periclitetur.

40

Ad hæc, Metatorum officium est, suis copijs ad aliquam expeditionem proficiscentibus viam sternere tutam; & planam, & sæpius anteuertere, exercitumque præire, non modò, vt situm exploret, & locum idoneum eligat ad castra ponenda, atque vt ait idem Veget. lib. 2. cap. 7. *ad podium dimittantur loca, in quibus milites tentoria figant, vel hospitia in Ciuitatibus præstent*; verum etiam, vt in itinere exercitus tuto procedat, atque anfractus, nemora interiecta, & montes viam constipantes declinet; ne aliàs imparatus, in arctoque positus, nec vtrò procedere, nec se retrahere possit; sicque imprudens in insidias incidat, impuneque circumueniatur ab hostibus, ac dissipetur: quemadmodum de Xerxis ingenti exercitu ad Græciam subigendam properante, scribit Herodotus, quod à paucâ manu trecentorum Spartanorum militum sub duce Leonida, ad Thermopilas deletus est. Ad hunc ergò effectum, atque ad omnia pericula euitanda, viarum cognitores, & Gromatici reliquum exercitum in plures copias partiri debent, & viam sternere, spatia dimetiri, desectere ab angustijs, ac totum laxumque iter parare. Propterea Antecessores etiam ab alijs nominantur. In quibus Mauritius Imperator in lib. de Romana Militia apud Turnebum, hæc habet, lib. 24. cap. 16. *Antecessores, qui ante agmen eunt, & loca Castris metandis idonea eligunt, & vias quâ duci exercitus commodè possit, vident*. Modus autem designandi Castra, figendique tentoria, cum peruentum fuerit ad locum, traditur accuratissime à Polybio, ubi agit de Romanorum Castrametatione, in hæc verba. *Cum verò incedentes appropinquauerint locandis castris, procedunt Tribunus, & ex principibus ordinum quicumque huic muneri assidue fuerint addicti; qui postea quam conspexerint totum locum, qui aptandus sit ponendis castris, in hoc ipso primùm deputauerunt ubi ponendum sit tentorium Imperatoris, & iuxta quem aspectum latusque quadrati Imperatori assignatum, locandæ sunt Legiones*. His præoptatis, dimetiuntur circumferentiam Prætorij: deinde rectam lineam, iuxta quam ponuntur tentoria Tribunorum: deinceps eius æquidistante, è qua incipiunt locari Legiones. Similiter & ab altera parte Prætorij dimensi sunt loca lineis. Et post pauca: *Deinceps strigas dimensi sunt, bastasque fixerunt ad singulas strigas; unde conuenienter cum appropinquauerit exercitus incedens, conspexeritque castrorum locum, confestim omnibus omnia sunt nota, coniectantibus, considerantibusque ex Prætoris signo, unoquoque manifestè agnoscente in qua*

qua striga, & qua striga parte tendit. Hæc, satis ad rem Polybius? Verum iam multa immutata sunt, & aliter inita nostro æuo, postquam inuenta sunt in campum fulminalia tormenta, quæ alium ponendi castra ritum postulauere. De qua re videndus est liber inscriptus Gallicè, *Les Tranaux de Mars*. vbi, diuersis figuris ex ære eleganter incisís, oculis exhibentur plurimæ formæ Castrorum, suis munimentis, & limitibus conclusorum, pro situs qualitate, & militum multitudine.

METOCHE in opere architectonico, ex græca notione dicitur intersecção illa, quæ in Epistylis Ionicis, & Corinthijs, super Zophorum ponitur, hoc est, denticulata fascia per longum excurrent, quæque dentium ordinatam seriem repræsentat. Hanc præcipit Vitruu. lib. 3. cap. 3. fieri debere pro dimidia parte altitudinis ipsius excursionis, quæ denticulos continet: Sic enim habet. *Suprà Zophorum denticulus est faciendus, tam altius quam Epistylij media fascia: proiectura eius, quantum altitudo: intersecção, qua græcè Metoche dicitur, sic est diuidenda, vt Denticulus altitudinis suæ dimidiam babeat partem in fronte.* Cæterum, quâ ratione ex græca notione hanc partem, *Metochè*, Vitruuius appellauerit, se non satis intelligere fateetur Baldus, quando ex græcanica notione, participationem, potius, quam intersecctionem, tale verbum significare est natum. Quapropter corruptum textum suspicatur, & loco intersecctionis, interceptionem, primitus habuisse: nam quæ sequuntur, concernere videntur frontis ipsius denticuli latitudinem. Simili modo

41

METOPAE apud eundem Vitruuium sunt intercignia, seu spatia, & interualla quæ in opere Dorico sub Corona interstinguuntur media inter opas, & triglyphos: vt in Ionico spatia & inanitates inter denticulos relictas. *Vtraque enim, ait lib. 4. cap. 2. & inter denticulos, & inter triglyphos, quæ sunt interualla, Metopæ nominantur, opas enim Græci tignorum cubilia, & asserum appellant: vti nostri ea caua, Columbaria.* At clariùs loquitur Philander in digress. ad cap. 3. *Inter triglyphos, inquit, relinquendum interuallum tam latum, quam sunt ipsi alti: ita enim fiet quadratum perfectum, Id vocant Metopam, quod sit inter opas duas: ita dicunt tignorum siue asserum cubilia, id est vbi conquiescunt, & sedent.* Inde ad earum differentias transiens, adiicit: *Metopæ, aut sunt puræ, aut scalpuntur lancibus, & taurorum capitibus reuinctis vittis cornibus, pendulis etiam floribus, frondibus, & fructibus, aut baccis: nonnunquam & lemniscis, hoc est, fasciis. Aliqui aliter ornauerunt.* Hæc Philander. Quæ intelligenda sunt in Zopho-

42

ro constitutæ inter triglyphos in opere Dorico, non inter denticulos in Epistyllo Ionico; in ijs enim interiecta spatia, plana & vacua omnino esse debent, vt videre est in vtriusque specimine, quod oculis spectatum dedimus sub V. *Epistylum*,

- 43 MICROCOSMVS, ex græco antonomasticè appellatur Homo, quasi Paruus Mundus, & Compendium Vniuersi. In quo profectò contemplari licet totam Creaturarum, præsertim sensibilibum, congeriem epilogatam: & si intimids etiam perscrutemur, hoc est mentem, quæ præditus est, in eo viuam Creatoris imaginem expressam dispiciemus, ad sui prototypum efformatam: vt habetur in Sacris Paginis, Gen. 1. vers. 26. *Faciamus hominem ad imaginem, & similitudinem nostram*. Namque in Anima rationali, triplici potentiarum spirituum distinctione instructa, atque ab se indistinctarum, Diuinæ essentia unitatem, & personarum Trinitatem, velut in speculo veneramur; & in intellectu, omnium scientiarum semina pullulantia; in voluntate, è quâ omnium virtutum scaturigines ad actum prædictum, non secus ac è Diuina essentia Attributa, emanant, perspicuè intuemur. Si verò proximè ad corporis fabricam descendamus, eam planè ad vniuersitatis ideam probè dispositam, partibus sibi inuicem cohærentibus, alias alijs subordinatas, omnesque in totius conseruationem conspirantes, à sapientissimo illo Opifice, qui eam suis manibus architectauit, vt esset Architecturae nostræ modulus & exemplar, formatam habebimus. Equidem, vt obseruat Vitruu. lib. 3. cap. 1. *Non potest ades ulla, sine symmetria, atque proportionem rationem habere compositionis, nisi, uti ad hominis benè figurati, membrorum habuerit exactam rationem*. Hominis igitur efformatio ad Cælorum, tellurisque aptam dispositionem respondet; ædium autem constructio ad hominis symmetriam. Quoniam autem ex Euclide, corporum solidorum firmitas, & exterior affiguratio, eò est perennior, ac venustior, quò magis ad quadratam, vel circularem figuram accedit, aut his concludi commode potest; constat, corpus humanum, præ cæteris hanc rationem habere, Vniuersique optimam, constitutionem perfectissimè imitari. Nam si homo (subdit Vitruu.) collocatus fuerit supinus, manibus, & pedibus passis, circinique collocatum centrum in umbilico eius, circumagendo rotundationem, vtrarumque manuum, & pedum digiti, linea tangantur, non minus, quemadmodum schema rotundationis in corpore efficitur. Tùm ad quadraturæ considerationem descendens, subdit: Si à pedibus imis ad summum caput mensum erit, eaque mensura relata fuerit ad manus passas, inuenietur eadem latitudo, uti altitudo, quemadmodum aræ, quæ ad nor-

man sunt quadrata. Idipsum obseruant Plinius, & Solinus, atque, ex neotericis Albertus Durerus, qui de partium humani corporis symmetria, insigne volumen edidit.

Iure igitur Homo Microcosmus agnominatur, quia, vt ait Philosophus 8. Physicor. per omnia Macrocosmo, idest, Magno Mundo assimilatur. Vt proinde in vtriusque contemplatione hærens, addubites, vter alterius sit imago, vter prototypus, structuraque alterutrius operosior, ac nobilior. Certè vtraque admirabilis & Diuina, vti reapse est Diuinæ manuum opus. Ex quo nos non tantum animos ad virtutum prosecutionem & ordinem, tanquam in exemplari, formam ediscere, instruere, & complantare debemus; verum, etiam ædes ad habitandum erigere, ac templa ad Diuinum numem inibi adorandum exædificare. Hæc satis de Microcosmi laudibus, & structura. Plura si vis, consule Maiolum *Dier. Canicul. colloqu. 2. de Homine*, & eruditum Dialogum Anton. Mizaldi, quem introducit inter Vraniam & Aesculapium *de Cælestium, & Humanorum corporum Harmonia*, ad finem suarum Centuriarum.

MICROMEGA in Geometricis denominatum est Instrumentum repræsentans sextam partem Quadrantis, hoc est, quindecim gradus descriptos in limbo; cuius ope expeditius & felicius quàm in Quadrante, aut alio quouis instrumento ad hoc facto, possumus locorum distantias, & altitudines dimetiri. Eius vsum, peculiari libello docet Lucius Scaranus Inuentor.

MICROSCOPIVM præclarum nostræ ætatis inuentum à Telescopio deriuatum, sed nescio, vtrum altero sit mirabilius aut iucundius. Nam illud tubo oblongores valde à nobis remotas, seu præsentis, obtutibus sistit, in sua magnitudine & circumstantijs distinctissimè contemplandas, quod alias nimia distantia denegabat; hoc præsentis quidem, sed minutissimas & propè inuisibiles, ita mirum in modum auget, vt monstra credideris, & vix sensibus fidas, earum partes distinguas, fibras penitres; in plerisque motum, & vitam agnoscas, & multa arcana hæcenus in Naturæ maiestate absconsa, edifcas, & oculis teneas. Etenim *Quis credere posset* (inquit Kircherus lib. 10. Artis Magnæ Lucis, & Vmbra, par. 2. cap. 3.) *acetum, & lac innumerabili multitudine vermium scatere, nisi id Smicroscopia ars, hisce ultimis temporibus, summa omnium admiratione docuisset? Quis in animū vnquam inducere potuisset, viridem colorem in folijs citrorum omni colorum genere compositum, nisi id eadem Smicroscopia ars detexisset? Quæ omnia experientia verum irrefragabilis Magistra nos docuit*

enit &c. In quo sanè portento, Ars supra Naturam insurgere quodammodò videtur, eique inuidiam, & avaritiam obiectione, vt quod illa altè occuluit, ipsa liberalior, ac munificentior palam faciat, gestiatque intimas eius letabras sine oculorù offensione rimare. Id autem miraculi fit per simplicem incidentiam radorum visuale in medium aliquod diaphanum, quod aptum fit eos diuergere, & iterum intensiores colligere, vt tandem conueniant in vnum punctum, qui dicitur focus; ex quo oculus per species iam dilatatas videat obiectum in ampliori forma, quàm reuera sit: Hoc autem, vel ab ipsa natura inuità didicimus. Nam, si inter obiectum, & potentiam visiuam chrystallina phiala aquis plena constituatur: ita vt in pulce vel formica pilos, oculos, rictum, læuorem, scabritiem, aliæque innumera prius incognita discernamus, vt penè fera, terribileque monstrum appareat, longe à seipso diuersum, cum tamen ipsissimum in re sit, nec vllatenus immutatum. Cuius rei gratia, præstat hic ex Scotto lib. 10. Magiz Catoptr. sintagm. 4. cap. 1. excubere lepidam historiunculam, quæ horroris, & confusionis primùm causa fuit, postea, re detecta, risus, ac iucunditatis. Res ita se habuit. Insignis quidam, & doctissimus vir, scriptis libris notissimus, è Bauaria per inferiorem Austriam in Tyrolum inter faciebat, Nuncio comitatus; & in via correptus, febris subsistere sinit coactus in pago quodam, ubi & mortuus est. Antequam terra mandaretur cadaver, à loci Parocho & incolis, Prætor cum Senioribus sarcinulas demortui excussit, inuenitque inter alia, Microscopium cum incluso pulce. Coborruit Prætor, & quotquot ex astantibus Microscopium inspexere; afferentes demortuum virum veneficum fuisse, & Damonem vitro inclusum secum gestare, ideoque indignum sepultura esse. Diù tenuit controuersia: donè tandem, nescio, studio an casu, aperto instrumento, apparuit, pulcem pilosum, ac hirsutissimum esse, quem demonem putauerunt. Sic itaque ludit Ars cum Natura, vt hæc vel inuita, eam edoceat Microscopia efformare ad exemplar, quod ipsa prius casu, & rude nimis inspectare permiserat. Id autem totum fit, & fundatur in Doctrina Triangulorum, quoniam species obiectorum terminantur ad potentiam visiuam per modum coni secti per axem; itaut basis se teneat ex parte obiecti visi, vertex autem, seu apex pertingat ad pupillam oculi: quò fit, vt pro qualitate producti coni, ipsum obiectum aut in suo esse, aut maius vel minus appareat, quàm reuera sit, vt est propius vel longiquius. Et si quidem in debita, & proportionata distantia fuerit, ex quo prodeat triangulum rectangulum, tunc apparet in sua reali magnitudine quam obtinet: si longè absens, tunc efformabit triangulum acutangulum, adeoque apparebit diminutum, ac tantò minoresceit, quan-

quantò longius remouetur, quippe triangulum semper fit magis, ac magis acutum in vertice, donec reducat ad punctum, in quo euanesceat, & sic obiectum amplius non videtur: si verò propius quam par est, approximetur obiectum, transmittet conum, & triangulum obtusangulum, & consequenter apparebit maius ac maius, quò magis fuerit approximatum; adeo ut si ita approximetur, vt pupillam tangat, iam non reddatur visibile, quia conus dispergitur, & angulus abit in lineam rectam. Nunc autem lentes interpositæ, per quas transeunt radij visuales, habent illos conuergere, ac diuergere, prout elaboratæ fuerint, ac probè inter se dispositæ; sicque acutiorem, aut obtusorem efformare angulum tendentem ad oculum; quò fit diuersitas apparentiæ. De his acutè discurret P. Eschinardus in sua Optica. Quare, si quis adeò excellens sit in huiusmodi lentibus efformandis, ac ritè ad oculum constituendis; nulli dubium, quin mira & semper occultiora in dies detegi possint hætenus incognita, medijs eiusmodi instrumentis, ex ijsque educi multa non tam aspectui iucunda, quam humano vsui percommoda, & vtilia: quemadmodum videmus in his quas primùm inuenit, & confecit P. Reyta Capuccinus; & nostris diebus, ad summam perfectionem rede gere Eustachius de Diuinis Romanus, & Ioseph Campana adhuc viuens, cuius industria & labore, lentes adeò prodigiosè formatæ sunt, vt in Saturno nobile satellitum quatuor stellarum, ultra duas pedissequas iam notas; & in Luna nonnulla capta incredibilia; (nisi quod iam sensibus comprehenduntur) hucusque detecta sunt.

48

49

MILITARIS ARS, quò bene exerceatur, fructumque laboris obtineat, securam nempe victoriam, diuturnæque pacis stabilitatem, Mathematicis disciplinis dirigi opus habet. Etenim, si castra metanda sunt, si stationes locandæ, si acies explicandæ, si locus idoneus eligendus ad prælium ineundum, si cum hoste, felici sorte, congreduendum; si denum arces inexpugnabiles erigendæ, aut machinæ ad eas obsidendas, & superandas, compingendæ sunt, & ad opus vtiliter admouendæ; Mathematicis institutis expedienda res est: ac modò Geometria, modò Arithmetica, modò Astronomia, modò Geodæsia, subfamulatricæque artes, ad auxiliares copias, magis quam subsidia, & numerus externorum militum, aduocandæ sunt. Quocirca summa exquiritur in belli moderatoribus earum peritia, iugis exercitatio, & consummata experientia; vti multis ostendit Vegetius militaris artis Magister, totis quatuor libris de ea conscriptis. Sed audi ex Historicis Aelianum, id ex sacratione doctrinæ Platonis penu, ornatissimè colligentem, lib. 2. ubi hæc habet,

Ca-

Castramentatio, ait Plato, *Geometria est*: etenim signum à *Centurione* ponitur, tanquam punctum: unde vel *circulus*, si copias exiguas videri oporteat; vel *quadratum* si magnas, circumquaque certo intervallo describitur, dimetiente linea, transuersa latera secantur. Itinera in pontium, & nauium fabrica, in fluminum derivatione, equitum, hinc & illinc, inter pedites medios collocatione, geometrico artificio consciuntur. Locus ipsdem artibus oppugnatur, aut propugnatur. Hinc enim aggeres, vinea, turres ambulatoria, ceteraque machine oriuntur. Ergo *Geometria* utilitatem hanc militia dedit, sed eam suis figuris praliorum varietates mirabiles effecit. Cuneo facto, pauci *Cæsaris* milites *Sicambro-*rum nescio quot millia perruperunt, & incolumes euaserunt. Orbe autem, facto, trecenti legionarii sexmillia *Morinorum*, ampliâs horis quatuor, sustinuerunt. Quin, si *Vrbis* multitudine hostium circumuentus sit, longitudo quam maxima, veluti rectæ peripheriam exaquantis porrigatur; alternisque conuersis cohortibus, corona hostium dextro sinistroque cornu media diuidatur, diuisaque profligatur? Quæ omnia nil aliud, quàm, velut in abaco, *Geometriam* demonstrant. Hæc omnia *Adrianus* de *Geometria* *Mathematicam* disciplinarum matrem, ac primipila. Pergit postea reliquarum, & subalternarum artium, longo circuitu, commoda, atque utilitates in bellicis rebus ostendere, earumque studium moderatoribus militiæ suadere. Sed quid ad hanc rem argumenta ab Historicis petere, quando in proprio fundo abundè suppetunt, & facti experientia id euidentissimè comprobatur? Quapropter vniuersæ militiæ terminos, & axiomata explicare, diuersas bellandi formas, tam ad oppugnandum, quam ad propugnandum, in medium ferre; armorum genera, machinamenta, inuentionesque varias enumerare; Arces, propugnacula, recessus, accessusque obsidionales, aliaque ad militarem Architecturam spectantia, non tam verbis exprimere, quam lineamentis, & exhibitis, vbi opus est, figuris, obtutibus exponere; profectò à nostro instituto digredi non arbitramur, cum omnia tandem in *Mathesis* laudem, & peritiam cedant. Id quod per partes in loco, vbi de ijs recurrit sermo, præstamus. Itaque vt à limine exordiamur.

50

MILES à militia, siue hæc à milite nomen hausit. Nominis etymon satis obscurum: A' *Mollitie* deriuatum *Sextus* existimat, (vti à non bello, per antiphrasim, Bellum) eoquod in milite nihil esse debeat molle, debile, vel effeminatum. Alij à millenario numero desumunt, quod quotusquisque bellator sit, vnus existat de millenario, ex quibus tria, Legionem complent, quam singulæ tribus *Ramensium*, *Tatientium*, & *Lucerum*, suum millenarium ex millo bel-

bellatoribus constans ad augendam hostem, Romanis mittebant. Ut vtrius se habeat, certè militis officium est bellum non molliter, aut ignauius inire, in sua statione constanter sistere, & cum res tulerit, cum hoste fortiter congregi ac dimicare. Porro apud Romanos, milites qui sub signis merebant, erant in triplici genere: Equites, Pedites, ac Velitarij ex vtrisque commixti; qui leuibus armis tecti, pugnam telis, ac fundis emittis auspicabantur. Qui omnes ordines in alias quoque classes dissecabantur. Hæc nunc tetigisse sat est; nam de singulis singillatim suo loco dicemus.

MILLIARIVM, & *Milliare*, certam itineris mensuram, vel loci ab loco distantiam, in Geographicis denotat: quanquam, ubi multa est intercapedo, & longissimus itineris tractus, Geographi non per passuum millia, sed per directum medijs circulis latitudinum, & longitudinum id auspicantur: nihilominus, & ipsi per Milliariorum computant, & ad hunc finem in tabulis Geographicis, scalam milliariorum exhibent,tribuendo singulis gradibus tam in longum, quam in latum per directum excurrentibus, tot & tot milliariorum, quæ postea ad spatium, inter vnum & alterum locum interceptum, translata, dant facile intelligi, quantum vnum ab alio distet. Et quidem milliare ut sic, acceptum, mille passus geometricos appellat, & signat, hoc est, stadia octo, cum stadium centum vigintiquinque passus contineat. Atqui in longitudine geographica singuli gradus Aequatoris quingenta stadia comprehendunt, seu sexagintaduo fere milliariorum cum dimidio. Dixi, de gradibus Aequatoris, ut innerem, id procedere, quando duo loca sub diuersis meridianis constituta, recto tramite, & in æquidistantia à Polis, immediate sub Aequatore ponuntur. Nam quæ sub diuersis parallelis, in diuersis, vel etiam sub eodem meridiano consistunt, aliunde auspicantur distantias; & si quidem anibo sint sub eodem meridiano, distantia computatur à gradibus latitudinis seu declinationum interceptis, vtrò citròque, vel etiam hincinde ab æquatore simul iunctis,tribuendo singulis gradibus proportione maioris, aut minoris accessus ad Polum, fere sexagena item, & duo milliariorum: Si verò in diuersis parallelis, & meridianis extiterint, non coipso computanda est distantia in milliariorum à gradibus interceptis, sed sumenda prius proportio parallorum ad æquatorem, eoquod in æquatore maior est, quam fieri potest, amplitudo Sphæræ, & maximum circulum habet: quæ tamen semper minor ac minor est, quò magis ad polum vergit, ubi tandem in punctum reducitur, & nulla est; ideoque singuli gradus declinationis ab æquatore minores, & minores parallelas describunt, sic-

sicque minorem numerum milliariorum sibi vendicant. Cæterum hæc Milliaria non æquæ ab omnibus populis, & nationibus computantur. Galli bis mille passus ad leucam seu milliare assumunt: Hispani cermille: Germani quater; Angli quinquies mille, hoc est, totidem milliaria Italica: & sic de alijs, prout cuique libitum fuit. Quorum omnium ratio ex Itinerarijs, & peculiaribus regulis geographicis haberi potest.

52

MINA, præterquamquod ex Attica notione ad nos detiuato vocabulo, certam ponderis mensuram olim apud Athenienses, postea ad rem nummariam transeuntem denotabat (de qua re fusè qui de ponderibus, & mensuris pertractant) in Geographicis, seu agrorum dimensionibus, certam spatij mensuram significat, quam communiter Actum vocant quadratum, comprehendentem in longum & latum, centum viginti pedes de qua, fusè in V. Actus. Nostri Citalpini, & Insabres Modium vocant. In genere architectonico, & in plurali vsurpatæ Minæ apud antiquos Scriptores, teste Turnebo, lib. 3. Aduerlat. cap. 14. creduntur esse hiatus illi, seu fenestellæ ad Urbium portas, & propugnacula apertæ in frontibus, & exterius angustæ nimis, & vix conspicuæ, interius autem latæ, quantum singulos capere possint, vt exinde probè contexti tela, tormentarios globos, & alia missilia, impunè in aduersarios dirigant, & à muris repellant; quæ etiam in nostris munitionibus locum habent, & Saettiere vulgò appellantur. In hanc sententiam, & præfatam vocis explicationem venit La Cerda in illud Virgilij Aeneid. 4.

Pendent opera interrupta, minaque

Murorum ingentes, æquataque machina Cælo.

Vbi is hæc addit. *Mina partes murorum sunt, in quibus sunt propugnatores hostibus minantes, quæ ad emissionem telorum fenestratae sunt, & ideo minas vult dictas, quia ex ijs minæ in hostes intenduntur.* Id quod confirmat autoritate Rufini, apud Iosephum, dicentis. *In summo autem, propugnaculis, minisque erant ornata.* At nil inde certi explicari potest pro fenestellis, quas diximus: quin potius ex eodem alibi habemus, minas neutiquam his propugnaculorum hiatus applicari posse, cum eas à propugnaculis seiunctas, ac distinctas asserat: Ait enim. *Et minas quidem binis cubitis, propugnacula verò ternis habebant.* Quare germanior est, meo iudicio, expositio Seruij, & aliorum, qui ad locum illum Virgilij, pro Minis pinnas murorum intelligunt, quæ in eorum summitate, per quam propugnatores milites discurrunt, interpolatè eriguntur, vt sub ijs latent, ac subinde è spatio interiecto, impunè in hostes iacula mittant: sic enim

op-

optimè eis quadrat latitudo cubitalis descripta, cum aliàs id verificari non possit de fenestellis in medijs mœnibus patefactis ad tantam latitudinẽ, quæ proinde effectus commodum non haberent. Consonant Ammianus lib. 24. vbi de quadam insigni arce loquens, ait: *Excellabant mina murorum, bitumine & coctilibus laterculis fabricata, quo edificij genere nihil tutius esse constat.* Plura etiam ad hanc rem posterioris ænij, affert Du-Cauge in Glossario. Cæterũ Minæ apud nos, vulgò appellantur suffossiones militares ad euertendos obsessæ vrbis muros, & propugnacula factæ: de quibus fusè diximus in V. *Cuniculus*.

MINVTIARIA apud Philandrum ad lib. 4. cap. 2. Vitruu. Ars est fabrilis, Musuariz valde affinis, quæ ex minutis tessellis è ligno variegato, & versicolore, figuras effingit, perinde ac si picturarum opus esset. Gallorum proprium vocabulum esse ait, sed facile commune, & latinum non inelegans dixeris, quandoquidem ex minutijs quibus constat ex scetilibus asserculis, crediderim deriuatum. Solet maxime adhiberi in opere intestino in tabulis planis, seu tympanis valuarum, & alibi, vbi totum opus è ligno compingitur. Vidimus nos in hoc genere insignè opus totam quandam historiam referens, Bononiæ in Sacrario, & in Odzo Canobij P. P. Domiinicorum, quicumque picture, aut operi musuario palmam proripiens. Nos ex bracteis, & lamellis inscititijs, quibus componitur, *Intarsiatum* vocamus.

MISSILIA in genere, agnominantur ea omnia, quæ eminus in prælijs emittuntur, siue funda, siue manu, siue machinis emissorijs quomodolibet; quo nomine comprehenduntur vniuersa tela, saxa, & pilæ, quæ è bombardis exploduntur vi pulueris pyrijs; præcipuè cum in plurali, & sine adiuncto dicuntur, vt illud Virgilij *Aeneid. 9. de Rutilis. Pellere vallo missilibus certant*, & lib. 10.

Telaque coniiciunt, proturbantque eminus hostem.

Missilibus.

Quin & quandoque ipsa tormenta quibus hæc mittebantur, missilia dicta sunt, vt ab Hirtio de Bello African. *Ballista missa à nostris turrem deiecit*: & Liuius semel & iterum tormenta Missilia vocat; fortè ab insita vi iaciendi, quæ tanta erat in Ballistis, & Catapultis, vt mira sint quæ refert Iosephus lib. 3. de obsidione Iotapatæ, nempe, *interdiu pregnantis femina vtero traiecto, ad dimidium stadium infans abactus est; tanta tormento vis fuit.* Sed de his suo loco.

55 **MOBILIA SIGNA** in Cælestibus, quæ & Cardinalia ab Astronomis appellantur, in quibus variantur primarum qualitarum combinationes, & cedente vna, altera prædominatur; ubi constitutus planeta, maximè Sol, sunt temporum mutationes, prævalente in Vere humiditate mixta Calori; in Aestate, calore cum siccitate; in Autumno, Siccitate cum frigiditate: atque in Hyeme, frigiditate. Ea sunt Aries, & Libra signa æquinoctialia, quæ aperiunt Ver, & Autunnum: & Cancer & Capricornus, quæ Aestatem, & Hyemem; quæque Zodiacum, ac totum cœli ambitum in quatuor quadrantes dispescunt, per Coluros sese in Polis ad angulos rectos intersecantes, in quorum singulis maximè viget hæc qualitarum præpollentia, & combinatio; sed potissimum manifestatur in signis medijs, & fixis; quales sunt Taurus, Leo, Scorpius, & Aquarius: Reliqua quatuor, nempe Gemini, Virgo, Sagittarius, & Aquarius, dicuntur Communia, quia communicant, & participant cum extremis, & ab ijs fit transitus ad anni mutationes. Porro, sicut hæc signa in Cælestibus inducunt mutationes primarum qualitarum, ita in sublunaribus apportant rerum mutabilitatem, & alterationum indicia sunt: sicut contrà Fixa, stabilitatis.

56 **MODERATORES** apud Astronomos audiunt præcipui rerum Significatores, Planetæ, vel alia loca in Cælo, quæ habent aliquid specialius moderari, & significare. Subintrant enim rationem subiecti passibilis respectu actiuitatis aliorum siderum, quæ recipiunt in se qualitates ab illis impressas, & actuantur ad id promendum, quod à singulis in suo genere significatur. Siderum verò occurrentium, (quæ etiam Promissores dicuntur) est specificare, atque in individuo determinare rem per moderatorem generaliter significatam, ad suæ naturæ conditionem siue beneficam, siue maleficam. Sic, exempli gratia, Horoscopus est vniuersalis Vitæ Moderator, vti, & affectionum corporis, valetudinis, infirmitatum, &c. proindeque in omni siderum occurso, qui directionis motu perficitur, recipit ab ijs aliquam alterationem in his, quæ per illum significantur, de natura tamen sideris occurrentis: itaut, si benefica fuerit occurrentis, inducat, & significet bona, & faustitatem in ijs quæ modò enumerauimus: si malefica, mala, turbationesque in eodem genere. Sic Saturnus, eiusque radius hostilis ad horoscopus, adducit mala in vita, & valetudine, de natura, & qualitate ipsius Saturni; vt commotiones atræ bilis, febres chronicas, frigidas, lentas, peri-

pericula Saturnina, &c. Mars verò, fuscitationem flauæ bilis, febres ardentes, acutas; pericula ignis, ignitorum, &c. Econtrà Jupiter benè affectus, & de benigno radio respiciens Horoscopum, firmam corporis valetudinem, humorum temperiem, animi alacritatem, &c. malè affectus, & hostili radio horoscopo occurrans; causat pleuritides, Anginam, Cardiacam, dolores capitis, & similia.

2.

Porò quinque tantùm rerum moderatores statuit Ptolemæus, qui de ijs indicent; vtrumque Luminare, Horoscopum, Cœli Culmen, & Partem Fortunæ; quoniam existimauit, omnia accidentia humana, tam intrinsecus prodeuntia in valetudine; corporis, animique affectionibus, quàm extrinsecus aduenientia, ab his quinque æquè, benè in regimen assumi posse, & vniuersim complecti. Verum Argolus, & plerique Recentiores autumant, non, hos modo, sed & reliquos Cardines, imò & singulas Domorum, Cuspides, tum etiam omnes Erraticas, posse munus Moderatoris obire in rebus quæ sunt de eorum uatura, & quorum habent significata. Possunt namque, inquit, recipere impressiones siderum occurrentium, atque adeo plurima accidentia, tam prospera, quam aduersa, per suas directiones inducere, quorum nè umbratilem quidem notitiam à dictis quinque assignatis Moderatoribus, possumus auspicari. Nec illis experientia, aut congruens ratio deficit, qua valeant id comprobare. Etenim, cum in Meteorologicis compertum iam sit, alios quinque Planetas plurimum in rerum productionibus, & aëris mutationibus sibi assumere, vt ventos inducere Mercurium; intendere frigus Saturnum; pluuias facere Venerem; calorem augere, Martem, &c. cur non in reliquis significatis eadem prerogatiua non gaudeant? Sanè Ptolemæus ipse, cum de electione Aphetæ, seu vitæ Moderatoris sermonem instituit, apertè docet, vt quando Sol, aut Luna non reperiuntur in locis apheticis, vt possint subire prerogatiua hylegialem, debeat ad hoc munus assumi planeta, qui pluribus dignitatibus polleat in locis Luminarium, Ascendentis, Partis Fortunæ, & proximè celebratæ Luminarium coniunctionis, aut Oppositionis. Si igitur in hoc casu vitæ moderandæ rationem, deficientibus alijs; suscipere potest Planeta talibus numeris auctus; cur non in reliquis significatis, quæ sibi naturaliter competunt? & si is, cur non & alij in suo genere? Et quidem testatur Argolus, se summa felicitate, omnium Planetarum directiones instituisse, & optimè respondisse effectus significatis: additque quod si quis reliquarum domorum cuspides ex otio assumeret dirigendas, multa hæcenus

ignora, & non sanè spernenda compereret. In hac controuersia nihil statuo; sed linquo otiosis, & curiosis rerum indagatoribus eam ex euentibus, vanis aut voto respondentibus, definire.

58

MODVLVS generale, & frequentatissimum Architectis vocabulum est, quo significatur assumpta quadam ad placitum extruendi ædificij pars, pro cæterarum mensura; ad cuius postea rationem, reliquæ expenduntur, & ordinantur ad totius operis ordinem, connexionem, & symmetriam habendam. De hac re sæpè Vitruu. atque illum ritè sumendi, varia præcepta tradit pro diuersis ædium speciebus, ac tandem vniuersè concludit lib. 3. cap. 2. *Venustatem persequitur visus, cuius si non blandimur voluptati, proportionem, & modulorum adiectionibus, uti id in quo fallimur temperatione adaugeatur; vastus, & inuenustus conspicientibus remittetur aspectus.* Ut in opere Ionico, & Corinthio, exempli gratia, mensuræ ratio sumitur à Summæ trabis, seu Epistylj magnitudine, quæ regulariter diuiditur in duodecim æquas partes, & singulæ partes pro modulis assumuntur: itaut ex ijs vna, dinidia, duæ, tresue, &c. dentur cæteris membris ritè constituendis, & singula suam magnitudinem seruent, mutuoque sibi respondeant. Sic, si Epistylj altitudo (affert pro exemplo Vitruu.) sit tributa in septem partes, & ex his vna sit assignata cymatio, reliquæ sex in tres fascias abeunt, itaut vna, quæ respondere petit summo columnæ scapo, tres partes, seu modulos habeat; media quatuor; suprema tamen lata, quam crassus est imus columnæ scapus, proindeque contineat ipsa quinque modulos, profectò conspicietur, totam Epistylj altitudinem, & partium coherentiam consurgere ex duodecim modulis. Contignatio quoque, quæ aliàs Zophorus dicitur, si pura, & simplex statuenda sit, debet esse Epistyljo quarta parte minor: sin sculpturis ornari debeat, illud quarta parte superare. Habebit insuper cymatium altum, quantum ipsius septima pars; Supra cymatium venit denticulus, cuius altitudo duplo maior oportet ut sit, eiusdem latitudine. Denique spatium quod inter duos denticulos relinquatur cauum, debet esse altius, quam latum tertia parte; cui addi debet cymatium altum sexta ipsius parte. Et sic de reliquis. Qua in re sparsim in opere verba facimus. Sed qui totam collectim assequi vult, videat eruditissimam, & quæ omninò desiderabatur, digressionem, quam facit Philander ad textum Vitruu. vbi distinctè, & exactissimè agit de vniuersa Columnationum, ac Trabeationum ratione, in singulis ordinibus seruanda;

MODVLI etiam *Aquarij*, sunt certæ mensuræ ac termini constituti 59
in Aquæductis, ad continendam ac deriuandam aquam, quorum
alii erant erogatorii, alij acceptorii. Erogatorius erat vtpurimum
æneus, qui castello, aut riuo indebatur, per quem aqua in fistulas
influebat, & aliò apportabatur; qui alio nomine dicitur Calix. Ac-
ceptorius, erat ipsa fistula, quæ calici applicabatur non qualiscum-
que, sed minoris capacitatis, quam calix; & longa non minus digi-
torum duodecim. Hæc ex Frontino de *Aquæd.* qui etiam viginti-
quinque differentias modulorum censet ex Vlpiano *l. damni infecti*
ff. de damn. infect. quamuis dicat quindecim tantum suo tempore
fuisse in vsu. Vide in V. *Erogatorium*.

MODVLI quoque dicuntur in Musica certæ quædam ad numeros 60
respondentes occinendi rationes, quæ sonoram & gratam efficiunt
melodiam, vnde Modulatio nomen sumpsit; cuius diuersas species
censet Plinius, earumque inuentores lib. 7. cap. 36. quas ramen ad
tria capita reducit Vitruu. lib. 5. cap. 4. Harmonicam, Chromati-
cam, & Diatonicam. De quibus singulis suo loco.

MOENIA quid sint in Militari Architectura, omnes optimè norūt: 61
quippe eo nomine veniunt muri, & opera aptè disposita quæ Urbem,
aut Arcem cingunt, & muniunt aduersus hostium incursionem, vnde
à muniendo plerique nominis etymon deriuarunt. Quod ideo latius
patent quam muri: siquidem hi simpliciores sunt, & per circuitum
suæ per longum liberius excurrunt, absque vilo opere adiecto; Mœ-
nia autem, & illos, & hæc complectuntur in vnum, quæ faciunt tum
ad tuitionem, tum ad hostium offensionem. Id quod benè notauit
Cæsar lib. 2. de bello ciu. illos ab his dispescens, & antequam mœ-
nia ponerentur, iam in vrbe extantes muros supponens: sic enim
loquitur de mœnijs ab suo exercitu ponè muros nouiter excitatis,
atque ab hoste cum admiratione, ac terrore visis. Sic ut ipsis consi-
stendi in suis munitionibus locus non esset, quum penè inædificata in mu-
ris ab exercitu nostro, mœnia viderentur, ac tela manu conicerentur, &c.
Scio à plerisque mœnia, & muros passim confundi, & pro eadem re
vsurpari; at nusquam legi munitiones, & arces validas sine mœnijs
bene vero vrbes, & Oppida muris cincta. Porro pro temporum diuersitate, & artis militaris in dies acqui- 62
sita peritia, variata sunt etiam mœnium rationes, ad firmandam lo-
ci tutelam, & munimentum. Olim antequam tormenta ænea, quas
bom-

bombardas dicunt, inuenirentur, sat erat vrbes muris validis, & præaltis cingere, adiectis tantummodo pinnis ad eorum summam partem, quò non ita facile scalari possent, & si fortè ad eos propius hostes accederent, sagittis alijsque missilibus arcerentur. Postea adiungere turres; namque ut notat Veget. lib. 4. cap. 2. *Ambitum muri directum Veteres duci noluerunt, ne ad ictus arietum esset dispositus; sed sinuosis anfractibus, iactis fundamentis clausere vrbes, crebrioresque turres in ipsis angulis ediderunt propterea.* Qualis autem habitudo turrium ad muros, & quanta inter ipsas turres distantia esse conueniat, docet Vitruv. lib. 1. cap. 5. *Turres, inquit, sunt proyicienda in exteriorem partem, uti cum ad murum hostis impetu velit appropinquare; à turribus dextra, ac sinistra lateribus apertis telis vulneretur.* Et paulò post de interuallis loquens, ait: *Intervalla autem turrium ita facienda, ut ne longius sit alia ab alia sagittæ emissionem, uti si qua oppugnatur, tum à turribus, quæ erunt dextra ac sinistra scorpionibus, reliquisque telorum missilibus hostes rejiciantur.* At profectò inanis, & superuacanea foret nostris temporibus hæc cautio, cum iam non missilibus; & sagittis res agitur, sed tormentis fulminantibus, & pilis ferreis, eminüs ad muros quasiandos emissis, aduersus quæ nihil missilia è pinnis eiacula. Quapropter alia incunda fuit belligerandi ratio, & moenia ita constituere opus fuit, ut & hostilibus ictibus simul resisterent, ac vicissim recipiendis desuper tormentis, quæ in hostes exploderentur, percommoda; & ad librandum aptata: & idcirco non amplius erecta ad perpendicularum, non nimis alta, non quadratis, aut circularibus turribus communita, sed humiliora, & in decliui posita, atque interne terreo aggere conuicta, & exterius triangularibus propugnaculis, alijsque operibus roborata, ut hostium ictus eludere, aut declinare, aut frangere facile possent, & insimul apta essent ad illos eorumque opera, tormentis iugiter impetenda, dissipanda, ac disturbanda, aliaque non minus utilia, quam necessaria ad longum obsidium sustinendum, ac distinendos hostes, eorumque conatus, cassos, irritos, euanidosque reddendos. Quæ de re fusè alibi dictum, ac præcipuè in V. *Arx.*

63

MOMENTVM, vniuersale, ac fecundissimæ significationis vocabulum est, & ad omnia fere aptatur, quæ in aliqua consideratione sunt, & quorum vis, & potestas hic & nunc, se sola perpenditur, & in subiecta materia examinatur. Sic dicimus, Hoc negotium magni aut parui momenti est. Momentum grauitatis, Momentum velocitatis, &c. quo exprimitur insita illa vis, & gradus virtutis,

quæ

quæ in vnaquaque re, in suo genere reperitur, & natura sibi congenita habet. Sic enim dicimus Momenta temporis, quæ illud in minimas particulas comminuunt, & discescunt. Omnia autem dicuntur per analogiam ad Momentum Mathematicum, quo omnia corpora considerentur naturali impulsu ferri ad suum centrum, & extrâ illud constitui in statu quodammodo innaturali, & violento. Quod ideo, ijs prætermisiss, in hoc tantummodò pedem figimus; & eius naturam, & passionem trademus. Momentum igitur grauitatis, quod Mathematicæ subiectum est, ac potissimum Staticæ, sic describitur ab Galilæo in sua Mechanica. *Est propensio illa corporis grauitantis, quæ deorsum tendit ad suum centrum, idque non tam ex grauitate ipsius mobilis, quam ex dispositione, & collatione duorum vel plurium grauium inter se, ratione cuius multoties fit, ut minùs graue præponderet grauiori.* Exemplum habemus passim in vete, & clarissimum in statera; vbi pondus exiguum, quod ex sui natura habet momentum v. g. vt duo, suspensum è brachio longiore vires acquirat, & præponderat æquipondio; quod valet vt quatuor, sex, &c. eo quia ex illa dispositione, collatione & distantia, quam accidentaliter habet ab hypomochlio, seu centro grauitatis, maius acquirit momentum; & quò magis ab eo distat, magis grauitat, & id obinet, vt sursum attollat quòd alioqui grauius in se est, sed hic & nunc, minoris momenti. Ex quo vniuersali principio, multa & grauiissima Postulata deducit acutissimus Archimedes in lib. de Aequi-ponderantib. Quorum aliqua vniuersaliora hic afferemus, & explicabimus ad nostrum propositum facientia. Primum est, quod *Graua per se aequalibus distantijs constituta, aequalia habent momenta*, hoc est quod æqualiter grauitent, sintque proinde in æquilibrio, vt patet in Libra. Id autem oritur ex eo, quod omne graue habet suum centrum grauitatis, quod est illud punctum constituens ipsum in linea directionis in qua cuncta quiescunt. Igitur, dato quod duo corpora ex se æqualiter grauitent, & cæteroqui sint in æquali distantia à centro, seu puncto suspensionis; necessariò eandem comparabunt consistentiam, & momentum. Secundum Postulatum est huic directè contrarium, & contraria ratione euincitur: nempe: *Graua quacunque etsi secundum suam naturam sunt æqualis grauitationis; si tamen suspendantur, ex inæqualibus distantijs à centro directionis, non idem seruant momentum; sed id præponderat, quod ex maiori distantia pendet*; propterea quod maius momentum acquirit: cuius excessus oritur non iam ex natura ponderum, quæ supponuntur æqualia, sed ex inæqualitate motus, quem parit maior elongatio à puncto suspen-

tionis, & quò maior hæc erit, maius momentum illi conferet. Tertium, & quartum Postulatum ex his inferuntur. Nam datis duobus æque grauitantibus, tam ex sui natura, quam ex æquidistantia à centro suspensionis; si tamen vni eorum aliudquid vel minimum ponderans ex seque penè insensibile adijciatur, vel alteri detrahatur; iam non erunt in æqualibrio, quia per illam minimam additionem vel subtractionem alterantur momenta, diuersosque effectus parturiunt. Hæc satis sunt ad explicandam momentorum rationem, naturam, atque variabilitatem.

64 Cæterum ex hucusque dictis, constat apertè, Momentum grauitatis nil aliud esse, quam propensionem illam, seu nisum qui innatus est, competitque cuicumque graui tendendi ad suum centrum, itaut si liberum relinqueretur, mox properaret ad illud descendere: quia verò iuxta varias circumstantias, variasque eius collocationes, aut media, quæ interponuntur, inæquales ex accidenti acquirit propensiones, ac momentorum accessiones, cum momentum in re, nihil aliud sit, quam ipsa vis grauitans, & perinde est dicere Momentum grauis, ac ipsam rei grauitationem, seu absolutam, seu respectiuam. Absolutam voco, quam ex se insitam habet, & semper eandem, itaut si graue in se liberum relinqueretur suspensum in aëre, mox motum iniret deorsum ad suum centrum, quod idè, appellatur momentum totale, absolutum, vis descensiuæ, grauitatio perpendicularis &c. quæ omnia sunt synonyma: Respectiuæ, verò dicitur, seu momentum particulare, est propensio illa actualis ad descendendum, quam successiuè acquirit aut perdit, sitque maior aut minor totali, proratione variarum, aut distantiarum à centro, ex quibus graue dependet, aut positionum eius rei, quæ nititur, vel medijs in quo est. Plura de hoc argumento habes in absolutissimo tractatu, quem nuper edidit nostri amantissimus Vitalis Iordanus Publicus Mathematicarum Disciplinarum Professor in alma Vniuersitate Romana; atque *Fundamentum doctrine motus Grauium* indigitauit.

65 MONANGON obscurum verbū apud Heronem Mechanicum in lib. de *Machinis bellicis*, quo significare illum voluisse, dicit in Notis Barocius, *Instrumentum quoddam iaculatorium Ballistæ simile*. Sed hoc iam teneo ex ipso Hierone in contextu; at quale id sit, & in quo cum Ballista conueniat, aut ex parte discrepet, vti & Angon, ex quo componitur, hoc nos ab eo scire desideramus. Addit Barocius, exquisitam eius descriptionem extare apud Athenzum, non citato loco.

loco. Verum in Athenæo nusquam nec Angonis, nec Manangonis fit minima mentio. Quod si de Ballista, Catapulta, aut alio consimili organo, de quo loquitur Athenæus, velit intellexisse, pro Monangone, citò se expediat, & dicat esse synonyma. Sed vide quæ diximus in V. *Angon*.

MONOCHORDVM appellatum fuit Primum, idemque originarium instrumentum Musicum, & cardo totius modulationis. Est illud quidem simplex, & planum, quippe quod per vnā tantum chordam in longum protensam, constituitur, vnde & nomen accepit: verum in se omnes sonorum ac vocum differentias virtute complectitur, discrepantes in concordiam vnit, ac propoportionum regulā simul confert, & ordinat in dulcissimam harmoniam. Formatur, vt dixi, ex vna chorda, sed pluribus vnisonis, quæ eundem effectum habent; sed quæ postea magis, ac magis tensa, aut varijs panniculi nexibus statis in locis compressa (tostos nos dicimus) sonum edit semper acutiorem; vt econtrā laxata, ex acuto, vertit in grauem: atq; ita ex diuersis, ac disparatis sonis vna profilit consonantia, & auribus ablandiens melodia. Id quod à natura ipsa edocta est ingeniosa posteritas, & à Cælorum motibus, Astrorumque varia configuratione, Musicæ artificiosa sonorum, & vocum partitio, sumpsit exemplum. Nam, vt acutè obseruauit Keplerus, omnis diuisiō chordæ constituit Diapason, quæ reapse eadem vox, aut sonus est, sed in superiore acutorum ordine constituta. Item ex diuisione chordæ in tres partes æquales, consurgit Diapente. Rursus si in quatuor diuidatur, fit Diatasseron. Si in quinque, emergit Tertia maior. Si in sex, Tertia minor. Tandem in octo partes tributa, fit Sexta maior: Quæ diuisiones, & consonantiæ miro modo respondent. Cælestibus motibus, & radijs, quos per illos emittunt sibi inuicem Sidera, familiaritatemque aliquam contrahunt, virtutesque communicant, prout alibi diximus, atque exemplum dedimus in Luna ergā suum locum radicalem in ægrorum Decubitu. Id ipsum in Cubo, longè ante agnouere Pythagoræ, vnde & Cubum Harmonicum nominarunt, quia in eo omnes harmonicarum consonantiarum rationes reperiuntur. Nam cū is constet lateribus duodecim, angulis octo, quadratis planis sex, proculdubio in his mutuò collatis, quinque præcipuæ consonantiæ rationes, quamuis mutæ, proportionali collatione se produnt. Etenim octo ad sex sesquitertiam habet proportionem, in qua Diatasseron sita est. Duodecim verò ad Octo, sesquialteram; in qua Diapente. Duodecim autem ad

sex, duplex; in qua Diapason. Rursus Duodecim ad excessum, quo denarius octonarium superat (de duo nempe ad quatuor) triplam; in qua Diapason cum Diapente. Octo demum ad excessum, quo octonarium senarium superat, scilicet duo: quadruplum; ex quo bis diapason. Itaque omnes consonantiæ Musicæ in Cubo conueniunt, & coarctantur. Ad hæc, Septem Phthongos constituerunt Antiqui Heptachordum componentes, ut singuli singulos Planetas referent. Videlicet Lunam, Hypate; Metcurium Parhypate: Venerem Hyperparhypate: (quæ & Lichanos) Solem Mese: Martem Paranete: Iouem, Paramese: Saturnum denique, Nete.

67 Nunc autem in Monochordo distinctiones illæ, seu statæ chordarum diuisiones, in quinque Tetrachordis, singulis à quatuor chordis agnominatis, complentur. In Primo Tetrachordo est Hypate grauiissimarum vocum inferior, seu Prima, quæ & græcè Proslambanomenos, idest, assumpta, vel superaddita chorda: Hæc profectò cum Nete sonat Octauam. Secundò Hypate Hypaton, idest Principalis principalium, vox grauiissima in Consonantia. Tertiò Parhypate, Hypaton, seu subprincipalis principalium, quæ proximè sequitur. Quartò Lichanos Hypaton, quasi Index, extensa principalium, quæ extenditur ad Meseon, & est terminatiua, ac distinctiua grauium vocum.

68 Sequitur Secundum Tetrachordum, dictum Meseon: in qua quinta chorda dicitur Hypate Meseon, quasi principalis mediarum vocum. Sexta, Parhypate Meseon, subprincipalis Mediarum. Septima Lichano Meseon, quæ proximè sequitur, extensa Mediarum, quasi digitalis, & discretiua ipsarum. Octaua Mese, seu Media absolutè; sic dicta, quod hinc & inde, septem phthongos habet.

Hic interponitur Tertium Tetrachordum, verius Quintum Extraordinarium, dictum Synnommenon, idest adiunctarum, in quo Nona chorda dicitur Tritè Synnommenon, seu tertia Coniunctarum. Decima, Paranete Synnommenon, penultima Coniunctarum: Undecima, Nete Synnommenon, idest vltima Coniunctarum.

Tertium, quod erat antiquitus Tetrachordum, (nam quatuor tantum erant ordinaria Tetrachorda) dictum est Diezeugmenon, quasi diuisarum, aut disconiunctarum, comprehendit duodecimam chordam, quæ nuncupatur Paramese, quia est propè Meseon, seu Mediam.

Tertiam decimam, Tritè Diezeugmenon, quasi tertia disconiunctarum: Quartam decimam, Paranete Diezeugmenon, hoc est Penultimam disconiunctarum. Quintam decimam, Nete Diezeugmenon

menon, seu ultimam disconiunctarum.

Demum in Quarto, (alias, in ordine Quinto) Tetrachordo, quod denominatur Hyperboleon, hoc est excellentium, seu acutarum vocum; sequitur Sextadecima chorda dicta, Trite Hyperboleon, quasi Tertia excellentium; Decima septima, Paranete Hyperboleon, quæ iuxta est, penultima excellentium. Decima octaua, Nete Hyperboleon, seu ultima excellentium.

Itaque, decem & octo Phthongi, seu sonorum varietates, ac moduli communiter assignantur, qui simul collati apti sunt cum ratione consonantiam efformare. Quos omnes ex Græco Aristoxeno, græcè enumerat Vitruuius lib. 5. cap. 4. excusans, quod græcis vocibus coactus sit appellare. *Quam si volumus explicare, inquit, necesse est etiam græcis verbis uti; quod nonnulla eorum, latinas non habent appellationes.* Horum seriem, ex Philandro desumptam, damus hic magis distinctam, & emendatam; quæ respondeat Scalæ Musicæ nostri temporis, Initium sumendo à Proslambanomenos,

quem alij excludunt à Phthongorum numero, ideoque

in Tetrachordis non recipitur: Sed tamen est fundamentum, & veluti basis, supra quam con-

struitur Modulatio, cuique reliqui

Phthongi inniuntur, &

respondet Octa-

uz.

69

Explicatio ac magis distincta partitio Superioris Monochordi,
cum dilucidatione græcanicorum Nominum, ac re-
spondentia Antiqui Systematis ad nostram
Scalam Musicam.

Primus, & infimus tropus, qui est scæ musicæ fundamentum,
& basis, græcè denominatus est *Proslambamenos*, quasi acquisitus,
& ascititius; eoquod verè tropus est, nec in Tetrachordis ullis locum
habet, sed tamen admittitur, ut super eum reliqui veluti infideant,
& motum accipiant: Quandoquidem sui profunditate ita obtusus
est, & deiectus, ut nullam consonantiam cum alijs possit efficere,
neque numeris respondere. Nihilominus inter tonos annumeratur,
quia eos regulatur, & viam cantionibus sternit, perinde ac vnitas
inter numeros. Hunc ergò tropum Græci præsignauere per litteram
Γ Gamma, nostrique eidem affixere notam Vt; appellant *Gammam*.
Quod ideo in Scala musica, quæ à Guidone Aretino in gra-
dus partita est, & memoriz loco, singuli toni singulis articulis fini-
stræ manus assignati, primum locum sibi vendicat in extremo pol-
lice cum denominatione A. re.

Inde incipiunt Tetrachorda. Et Primum quidem dictum est græ-
cè *Hypaton*, hoc est, chordarum grauissimarum & principalium, in
quod tres chordæ intrant: *Hypate* grauissimarum omnium grauissima;
idè per analogiam respondens orbi Saturni, qui tardissimi motus
est, & consequenter ei adijcitur subsequens littera B. atque ex notis
tertia, mi: constituiturque in scala sub inferiore articulo pollicis. Se-
cunda dicta *Parhypate*, hoc est, ponè hypaten, respondens ad orbem
Iouis, constitutaque in secundo digito, nimirum in inferiore articu-
lo Indicis, præsignata C: fa: ut. Ac Tertia appellata *Lichanos* à
Marte cui addicta est, alio nomine *Trite*, quasi Tertia. Et hæc re-
sponder in Scala ad D. sol: re: locata in infimo articulo digiti me-
dij. Quibus concluditur Primum Tetrachordum grauissimarum,
à quo omnes adiunctam denominationem accipiunt, ut Hypate hy-
paton; Parhypate hypaton, & Lichanos hypaton.

Secundum Tetrachordum appellatum *Meson* à Mese, cui est proxi-
mum, & constat similiter ex tribus chordis, quarum prima est
Hypate Meson, constituta in radice annularis, sub denominatione
E. la: mi: Secunda Parhypate Meson, constituta in radice minimi,
& extremi digiti, signata F: fa: ut. Ac tertia Lichanos, Meson posita in
primo succedente articulo eiusdem minimi, sub nomine, G. Sol: re:
ut. Hoc igitur Tetrachordum Mediarum est in Consonantia *Diapente*.
Sequi-

73 Sequitur *Mese*, hoc est media chorda, quoniam reuera media erat in constitutione Monochordi. Antiquorum, quod conformabatur quindecim chordis, seu totidem diuisionibus vnius eiusdem chordæ, quæ cum *Trite*, & *Paranete*, formant vnum Tetrachordum, quod est Quintum, nuncupatum *Synnommenon* id est, adiunctarum, quia de nouo adiunctæ sunt, & terminant ad *Nete*; ita ut *Nete*, re ipsa sequentis Tetrachordi, participet de presenti, quod claudit, ac proinde dicitur vltima adiunctarum: ipsum verò Tetrachordum præfens, in quo sumus, computatur tanquam adiectitium, & extraordinarium. *Mese* igitur, quæ in medio constituta representat orbem Solis, locum habet in medio articulo minimi digiti, iuxta ordinem scale musicæ: ac terminato iam numero septem litterarum assumptarum ad tonos determinandos, regreditur ad A. sub titulo A. la: mi: re: Secunda chorda huius Tetrachordi, quæ verè est Prima, respectat *Nete*, Tertiam coniunctarum. Vocatur *Trite Synnemmenon*, cuius locus est primus, seu supremus articulus minimi, signata B. fa: B. mi: Ac tertia *Paranete Synnommenon*, sic dicta, quod est iuxta *Nete* vltimam coniunctarum, & constituitur in scala è regione prædictæ, hoc est, in medio articulo annularis contradiſtincta per C. sol: fa:

74 Quoniam autem hoc Tetrachordum extraordinarium est, vt modo diximus, & prius non erat; ex tribus chordis sequentibus constatur Tertium Tetrachordum, quod exinde nuncupatum est *Diezeugmenon*, quasi diſiunctarum, & secretarum à suo naturali ordine, in cuius rationem intrat *Nete*, vt dixi, tanquam Synaphe, participans de vtroque tetrachordo, contingens vtriusque extrema; quod ideo dicitur, & vltima diſiunctarum, & prima excellentium. Atque adeò in istud Tetrachordum conueniunt *Nete Synnemmenon*, posita in medio articulo medi digiti, signata D. la: sol: *Parameſe*, quæ olim erat iuxta *Mese*, retinens denominationem B. fa: B. mi: in inferiore articulo annularis. Et quia est iuxta *Mese* additam Soli, ideo tribuitur Mercurio alteri è stipatoribus Solis. Sequitur *Trite Diezeugmenon*, hoc est Tertia diſconiunctarum, quia est tertia in ordine à *Nete*, respondens motui Veneris, & constituta est in supremo articulo annularis C. sol: fa: vt. Inde proceditur ad *Paranete Diezeugmenon*, quæ dignoscitur per D. la: sol: in supremo articulo medi digiti: quibus clauditur Tertium Tetrachordum diſconiunctarum.

Quartum denique, & vltimum seu supremum Tetrachordum, dictum, Excellentium, græcè *Hyperboleon*, quæ est acutissimarum, incipit à *Nete* vltima diſconiunctarum, ac terminat exclusiue ad *Nete*

Hy-

Hyperboleon: quod ideo applicatur Lunæ, quæ est vltima, & omnium planetarum velocissima; Igitur Nete Diezhgmenon signatur per E. la: mi: & constituitur in supremo articulo indicis. Secunda *Trite hyperboleon*, hoc est tertia excellentium, est enim inter ipsas antepenultima, signata per F. fa: vt, daturque ei locus in medio articulo indicis. Tertia, quæ est penultima excellentium dicta *Paranete hyperboleon*, claudit Tetrachordum, & scalam, constituta in inferiore articulo eiusdem indicis, signata per G. sol: re: vt. Atque ita completa sunt omnia Tetrachorda: quibus tamen additur vt supranumeraria, & extra ordinem Vltima, *Nete hyperboleon*, quæ est omnium acutissima, & suprema, excedens elatione acutissimi soni supra ipsum Tetrachordum excellentium, præsignata per A. la: mi: re: in medio articulo minimi digiti manus musicæ. Quibus omnibus exprimuntur omnes tropi seu phthongi in quos diuiditur proportionaliter chorda in Monochordo, dispartito in quinque Tetrachorda secundum antiquos, & modernos Musicæ instauratores. Quæ connexio, & partitio perbellè procedit, & conformatur ad omnis generis consonantias, Diatasseron, Diapason, ac Diapente, necnon Disdiapason, respondens ad quintamdecimam, vt videre est in Schemate.

Cæterum, quod attinet ad analogiam Cælestis harmoniæ, non melius, aliter ab alijs fieri hanc Tetrachordorum dispositionem. Etenim aliqui Primarij Professores Musicæ, considerant Solem principem, & vnicum moderatorem Cælestium luminum: atque adeo ab eo, & motus particulares ipsorum ordinant, ac troporum differentias, & respondentias auspicantur. In his grauissimus Musicæ illustrator Seuerin. Boethius ab Hypate Meson initium sumit, & sistit ad Nete. Quia, inquit, ab Hypate Meson vsque ad Nete, quoddam ordinis, disconiunctionisque exemplar est. Sicque Superioribus planetis, qui sunt supra Solem, Saturno videlicet, Ioui, & Marti, Meson attribuit, hoc est Saturno, Hypate Meson; Ioui, Parhypate Meson; ac Marti, Lichanos Meson. Atque inferioribus, dat Veneri Trite Synnomenon; Mercurio, Paranete Synnomenon; & Lunæ Nete Synnomenon: quod Lunarisi circuli, inquit, Nete tenet exemplum. Alij econtra inuerso procedunt ordine, attendentes in Planetis, ac tropis grauitatem situs, & motus. Et ideo Lunæ humiliori atque in diurno motu longè à supremo, & primo motore dissonante, & seigniore; Hypate grauissimarum grauissimam tribuunt. Tùm, secundum ordinem ascendendo, Parhypate dant Mercurio, Lichanos Veneri, Soli (in quo omnes conueniunt) Mese; Trite Marti; Paranete Ioui; Nete demum Saturno, cuius motus velocissimus est, attenta ob-

Obsecundatione ad Primum Mobile, in quo præualeat alij planetis, eiusque orbis est superior omnibus, immediate substans Orbi fixarum. Vnde Lunæ dant grauissimum phthongum, qui est Proslambanomenos, Mercurio Hypate, Veneri Parhypate, Soli Licanos, Marti Hypate Meson, Ioui Parhypate Meson, Saturno Lichanos Meson, denique supremo Cælo, quod est concitatissimum, Nete. Id quod nobis valde aridet, & nostræ sententiæ, vnicum tantum motum in Cælestibus admittenti, optimè quadrat. Cui fauet Philosophus 1. meteor. cap. 4. iniquè ob id reprehensus à Zabarella, cum dicit. *Quæ autem Luna, deorsum quidem tarda, & apertius Cicero 6. de Legib. vbi introducit Scipionem in Cælestia raptum in somnis, & ordinatissima illa Cælorum harmonia percussum petijisse ab Africano. Quis hic, quis est, qui complet aures meas, tantus & tam dulcis sonus? Hic est, inquit ille, qui interuallis coniunctus imparibus, sed tamen pro rata portione distinctis, impulsu, & motu ipsorum orbium efficitur: qui acuta cum grauibz temperans, æqualiter concentus efficit; nec enim silentio tanti motus incitari possunt; & natura fert, ut extrema ex altera parte grauiter, ex altera autem acutè reddant. Tum ad respondentiam horum motuum ad nostræ musicæ tropos descendens. Quam ob causam, (subdit) summus ille Cæli stelliferi cursus, cuius conuersio incitator est acuto, & excitato mouetur sono; grauissimo autem, Lunaris hic atque infimus. Illi autem octo cursus in quibus eadem vis est duorum, septem efficiunt distinctos interuallis sonos, qui numerus rerum omnium fere nodus est. Tandem ad hanc normam procedere musicam nostram euincens, sic somnium discutit, & orationem concludit. Quod docti homines nervis imitati, atque cantibus, aperuere sibi reditum in hunc locum. Quo nihil in Philosophia profundius, nihil clariùs, nihil acutius.*

76 Ex quo intelliges, quod Tetrachordum sit quatuor clauium comprehensio Mi. Fa. Sol. La. Itaut in tota scala intra duos octauas, hæc Quarta, Mi. La, quinquies recurat. Porro id quoque addendum, quod Tetrachordi in Monochordo triplex est progressio. Primo Diatonicus per ditonum, & semitonium minus. Secundo Enarmonicus per Ditonum, & duas Dieses. Tertiò Chromaticus, per semiditonum, & Semitonium minus, & maius. Quorum rationes breuibus tradit Vitruu. supra, dicens: *Est autem Harmonia modulatio ab arte concepta, & ea re cantio eius maximè grauem, & egregiam habet authoritatem. Chroma subtili solertia, ac crebritate modulorum, suauiore habet delectationem. Diatonon verò, quod naturalis est, facilius est interuallorum distantia. In his tribus generibus dissimiles sunt Tetrachordorum dispositiões, quod harmonia Tetrachordorum, &*

tonos, & dieses habet binas. Ita in quinque Tetrachordis vniuersitas modulorum comprehenditur, simul miscetur, & designantur. Nam primò quidem ab Hypate Hypaton, fit transitus ad Hypate, Meson. Ab Hypate Meson, ab Mese: Tum à Mese ad Nete Synemmenon: Quartò à Paramese ad Nete Diezeugmenon: Quintò à Nete Diezeugmenon ad Nete Hyperboleon. Quamobrem omnia in magnitudine persequantur, sed interuallorum differentia sunt dissimilia.

MONOPTEROS, uti & *Dipteros*, & *Peripteros*, diuersa sunt magnificorum ædificiorum seu Sacrarum Aedium nomina ab Alarum, & columnationum ordine præsignata. Et *Monopteron* quidem vocat Vitruu. lib. 4. cap. 7. ædem rotundam sine Cella, vna tantum ala & columnarum ordine circumdatam, ac tanquam muro perpetuo septam. *Dipteron*, quæ duplici ala consurgit; & sic de singulis, de quibus suo loco. *Peripteron* enim græcè alam significat, & *Mord* vnicam: Vnde fallitur Volaterranus (vt benè notat Philander) qui existimat, eas denominationem sumere ab numero Portarum paulum contorto nomine & incommutata, eas appellans *Monophyros*, quæ vnam Ianuam habet; *Diphyros*, quæ duplicem, &c. Nam optimè Vitruuius id expressit, l. 3. c. 1. & alio in loco, ab aspectu & numero columnationum distinguit: vnde ait. *Aedium autem principia sunt à quibus constat figurarum aspectus: & primum in Antis; deinde Prostulos, Amphiprostulos, Peripteros, Pseudo-dipteros, Dipteros, Hypetros.* De numero verò portarum alibi, ac præcipuè lib. 4. cap. 6. Sed de hac re fusius in V. *Peripteros*. Similiter

MONOTRIGLYPHVS idem sonat, ac vnica triglyphus. Is autem dicitur in opere Dorico, qui in angularibus intercolumnijs vnus constitutus est, quem hinc & hinc circumstant metopæ duæ; ad differentiam medianorum, vbi triglyphus integer constituitur, hoc est triplex canaliculus erectus inter femora, interstinctus Metopis, videlicet, duo integri inter femora, alter sectus in duo, qui hinc inde femora claudit, & iure semitriglyphus, seu semicanaliculi appellantur. Id quod melius explicatur in V. Triglyphus: & ob oculos ponitur in designatione Trabeationis & Zophori Dorici.

MONOXILA qui sint, vide in V. *Aries*.

MONVBILE grande quid sonat in opere architectonico, sæpius usurpato vocabulo ab nobilibus, & emunctis natis Scriptoribus: & tamen

tamen quid in specie denoret, aut ad quem usum; cuique potissimum operi proprium, & conueniens, nemo adhuc eruditorum Interpretum, siue ex etymo nominis, siue ex contextu sermonis, erute valuit. Nam terribissimæ aliàs latinitatibus Scriptor Sidonius Apollinaris, id columnis attribuit excellentissimi operis, in elegante illa descriptione amœnissimæ Villæ apud Aruernos extantis. *Ab ortu, inquit, Lacum Porticus intuetur, magis rotundatis sulca collyrijs, quam columnis inuidiosa monubilibus.* Quæ loquendi forma & energia, paucis verbis, magnum nobis, alio in loco negotium facessit. Inueni in Vetere Itinerario Hierosolymitano apud Sauatim, hoc epitheton magnificis mortuorum sepulchris, seu erectis monumentis datum: Sic enim ibi habetur. *Inde non longè, quasi ad lapidis missum, sunt monumeta duo Monubiles mira pulebritudinis facta.* Sanctus quoque Cyprianus, in Vita Dini Cæsarij Arelatenfis Episcopi, hac voce utitur in exprimenda cura, & pietate Religiosi Antistitis de Sacratum Virginum sarcophagis condecènter ornandis. *Et ut conferret, ait, Sacris Virginibus, quas congregauerat; curam necessariam sepultura; monubiles arcas corporibus humandis, de saxis ingentibus fecit excidi.* Neque audiendi sunt qui legendum putant Volubiles, quasi concameratas, vti omnia ferè sepulchra sunt. Nam præterquamquod id gratis assumitur, & vi contorquetur verbum; certè Columnis, quibus æquè tribuitur, hæc interpretatio nequit aptari; nisi velimus cum Io: Ludonico de la Cerda, ita rem intelligere, vt dicamus, ijs monumentis ad magnificentiam vltioremque ornatum, monubiles adiectas esse columnas, ex quo præclarum nomen toti operi inhæsit. Sed adhuc in verbo tanquam ad lapidem offensionis impingimus, & in tenebris ambulamus: etenim id quærimus, cur certo columnarum generi, hoc nomen signatè conueniat, & quid per hanc magnificam adiectionem significetur. Lugdunenses Typographi vim vocis nec ipsi intelligentes, in Sidonio reposuerunt *Nobilibus*, alij *Manubialibus*: at enim veteres Manuscripti ex authographo habent, vt verè est, *Monubilibus*: & alioqui, vt suprà innui, *Monubile* apud alios accuratissimos Scriptores passim reperitur. Vossius in hac vocis explicatione, nescio quid de Machinis bellicis comminiscitur; nixus fortè Glossis M. SS. Isidori, vbi scriptum est *Monubilibus Machinis bellicis*. Sed nullum alium authorem profert, qui in re bellica hanc vocem vsurpet, benè verò multos inuenies eam vsos in operibus ciuilibus Architecturæ. Ast in re tam obscura, non est amplius inquirendum, nec temerè de structoris mente diuinandum: Quin potius tenendum cum Sirmondo, Scriptores omnes, qui hanc vocem vsurpauere, nil aliud per eam significare intendisse.

disse, quam Opus aliquod, in sup. genere insigne, ac singulare.

MOTVS (quà nostrum institutum attinet) est passio, & singularis 80
 proprietas Cælestium Orbium, & Planetarum; quam, qui negaret,
 sensu & ratione orbus censendus esset. Per eum enim Vniuersum
 consistit; & si minimùm quid, Cælorum motus sisteret, aut cessaret; 80
 cessaret etiã rerum ordo; quilibet alius motus; adeoque rerum gene-
 ratio, & conseruatio; vt author est D. Thomas in 2. dist. 2. qu. 2. art. 3. &
 sequuntur Abulentiis, & alij Philosophi, ac Theologi communiter.
 Num vero Cælorum motus, sit vera & propriè causa productionis
 rerum, an verò tantùm conditio: Controuersia, magis est inter
 Philosophos. Capreolus in 2. dist. 14. qu. 1. Et in 4. dist. 6. 44.
 qu. 4. cum alijs existimat, Motum Cæli non esse tantùm conditio-
 nem, sed & verum principium, & rationem agendi siderum. Vo-
 rùm Durandus, & passim Recentiores, longè probabilius sustinent,
 motum Cælorum esse solum simplicem conditionem applicantem,
 virtutem Cælestium Corporum, quæ tamen solo lumine communi-
 catur; atque ex longè, & propè heri siderum, fieri maiorem, vel
 minorem intensiorem, & extensionem lucis; ad cuius postea variam
 communicationem, varius quoque effectus resultat. Id quod, &
 ratio suadet, & experientia euincit; quandoquidem motus localis 80
 nil reale importat rebus motis. Ac tandem id sua auctoritate con-
 firmat Philosophus 2. de Generat. textu 55. sic dicens: Motum
 exterius esse causam generationis, & corruptionis, quatenus est
 causa accessus, & recessus Solis.

Quod autem motus in hac regione elementari sit causa caloris; 81
 id non arguit etiam motum Cælorum eundem effectum producere:
 tum quia calor ex perfricatione corporum proficit, quorum alterum
 saltem solidum sit, secus autem ex motu corporum purè fluxilium
 (vt patet in Ventis, qui aliud non sunt, quam motio aëris maxi-
 mè violenta, & tamen natura frigidi sunt, vt suo loco videbimus);
 Cælorum verò substantia longè tenuior, ac fluxilior est, quam aër);
 tum etiã; quia Cælorum motus semper æqualis est, ordinatissi-
 mus, & æquali impetu concitatus: vnde semper æqualem calorem
 deberet producere, tam ratione locorum, quàm temporum, quod
 tamen falsum esse videmus. Tum demum quia supernæ regiones
 aëris frigidiore sunt, quàm infimæ ac terræ contigua; cum tamen,
 si calor Cælorum motu in sublunaria induceretur, maior vtique,
 atque intensior deberet esse in supremis aëris regionibus, quàm in
 infima: quò enim agens passio propius est, eò validius in illud agie,
 & vires suas exferit. Quod, cum aliter se habeat: manifestè eui-
 nitur.

citur, Cælorum motus nil aliud præstare in hæc sublunaria, quam diffundere lumen, & applicare influxus siderum ad rationem diuersi eorum positus erga illa, proindeque diuersos, & varios promerere effectus.

- 82 Portò duplicem motum Cælestium Orbium, communiter astruunt omnes fere Philosophi, atque Astronomi, alterum alteri oppositum: vnum, quo cuncti feruntur violenter, vt ita dicam, rapti à superiori Orbe, quem *Primum Mobile* vocitant, ab ortu in occasum concitatissimè: itaut spatio 24. horarum perficiatur eorum integra circulatio: alterum quem vocant proprium, & natura insitum cuique inferiorum Orbium, quo distinctus, ac non eisdem velocitatis periodis, singuli sua sponte feruntur per Zodiacum in partes orientales; alius spatio 30. annorum, alius 12. alius trium, alius vnus anni, ac tandem Orbis Lunaris, menstruo. Hinc duo Mobilium genera assignantur: Alterum, quo Cælum superius sua sponte mouetur concitatissimè, & trahit secum eodem motu inferiores orbes, ab ortu, vt dixi, in Occasum, seu à dextris ad sinistram, suprà Polos mundi se voluens & perficiens suam circulationem, spatio vnus diei naturalis; quod ideo antonomastice

- 83 PRIMVM MOBILE dicitur, siue hoc distinctum Cælum sit, quàm Nonam Sphæram communiter dicunt, alij decimam, ob Cælum ChrySTALLINUM, quod astruunt, siue eiusdem Cæli superior pars quæ per modum expansi, cæteras eiusdem substantiæ, & continuitatis complectatur, & secum trahat, quæ ratione situum inferiorum in quibus singuli planetæ pro sua statione locantur, distinctionem ab inuicem nascæ sint, vt cum Tycho Cælestis substantiæ liquatore omnes ferè modò Recentiores conueniunt. Et hoc Cælum prorsus insensibile omni ex parte est, & solo suo concitatissimo motu dignoscitur, cum nulla in eo sidera sint, nullæ lineationes, nulli reales circuli (quos in sphæra ad intelligendas eius passiones fingimus) extent: quod ideo planè ignoratur quanta sit eius crassities, & conuexi amplitudo. Verum tamen est, quod multi Astronomi, ad quorum sensa inclinatur & ipse Tycho, vt apparet ex eius Epistolis, censent, nullum Cælum esse Anastron, quod soli motui sit destinatum, & non aliquo sidere insignitum: proindeque dicunt, diurnam Aethereæ regionis reuolutionem circà tellurem, à nullo Primo Mobili, prout Orbe ab alijs distincto fieri, sed totam simul moueri in polis mundi propria virtute, ab Oriente in Occidentem, atque adeo sidera tam fixa, quam erratica, cum ipsa moueri ab Occasu in Ortum super polos Zodiaci, ad rationem partium superiorum, aut inferiorum, in quibus singula tanquam in propria statione consistunt: Quæ idcirco

SECUNDI MOBILES appelluntur. Tales sunt Sphæra fixarum, seu illa Aetheris regio & pars, in qua stellæ fixæ consistunt, dictæ propterea fixæ quia, veluti loco affixæ; eodem motu feruntur, aliàs in se immotæ, & nunquam eandem positionem, vel distantiam variantes; atque Orbes deferentes singulorum Plenætarum, qui contrà motum impressum à *Primo Mobili*, in Zodiaco per suas peculiâres peritodas in subsequentiâ signa à sinistris ad dextram tendunt, itaut certo tempore suam quisque periodum absoluat, totumque Signiferum lustrant. Et Firmamentum quidem, seu Orbis stellatus id præstat in annis 36000. vel vt aliqui Recentiores ex repetitis obseruationibus statuerunt, non minùs spatio 49000. annorum redire ad idem punctum, in quo erat & vnde moueri exæperat, cum primùm creatus est, atque à Creatore illi sidera affixa sunt: cum obseruarint, ad assequendum vnum gradum, totos 70. annos insumi. Saturnus Zodiacum perlustrat in annis triginta: Iupiter in duodecim: Mars in duobus: Sol, Venus, & Mercurius, ferè in vno anno: Luna tandem spatio dierum 27. hor. 7. min. 41. Sunt tamen qui asserunt Aetherem ipsum ex se nullatenus moueri, sed sidera per eius expansum, & crassitiem diuersimode peruagari, non secus ac aues in aëre, eo quod ipsum faciant fluidum, perinde ac regionem aëream; indeque hanc apparentiarum varietatem ortum habere: quos inter, est noster Aresius De Generat. disp. 2. quest. 27. sect. 7. aitque in ea sententia fuisse multos ex Patribus, Origenem, Chrysostomum, Eusebium, Emisenum, Diodorum Tarsensem, & alios. Verùm ego, etsi certo certius habeam, Cælum esse fluidum, idque omninò vnum, eiusdem substantiæ cum aëre, sed longè tenuioris; in hoc tamen venire non possum, vt illud statuam omninò immobile, & sidera tantùm per eius expansum moueri: sed puto, verè & absolutè, non solum omne Aethereæ regionis expansum, sed & ipsum aërem, qui cum ea in vnum continuum abit, eiusdenique est prorsus substantiæ, simul pati impressionem *Primi Mobilis*, ac verè ab Oriente in Occidentem ferri, secumque trahere sidera, in eius crassitie, secundum quod vel superius, vel inferius sunt constituta: & partes quidem superiores, quò magis ad Primum motorem accedunt, velociùs, inferiores verò quo magis telluri approximant, lentiùs: quia quo magis à Primo motore distant, eò eius impulsus minùs recipiunt, & sua ponderositate tardantur, aut obstant contranitentes. Neque enim aliter saluari potest & Fixarum motus semper æqualis, & eadem semper inter ipsas, & ab inuicem distantia, & cæterorum etiam Cælestium corporum, ac Phænomenorum motus ab Oriente, vt nemo non videt, in Occidentem, & inæqualitas motus in ipsis, itaut quæ magis

48 magis ad nos approximant, citius Zodiaci peragrationem absoluant, seu verius magis resistent motui impresso à Primo mobili, & aliquatenus remorentur.

85 Itaque, ut verbo concludam, vnus & idem est motus in Caeleſtibus Orbibus, ab Oriente in Occidentem, neque enim concipi in ijs potest duplex simul & semel ſibi contrarius, qui repugnat à parte rei, sed qui in aduerſum apparet, est potius debilitas virtutis impressæ, ac remoratio. Quod sic magis explico. Rapit Primus Motor Cœlos inferiores, seu alias Cœli partes quæ sub se sunt, sed pro ratione maioris, vel minoris ad eum vicinitatis, atque adeò & corpora cœlestia in sua quæque, quæ illis competit, statione firmata; vnde ea pars, quæ continet in se omnes stellas fixas, quia præ omnibus vicinissima est Primo Motori, concitatus rapitur, & ferè ipsius motum assequitur, quatuor tantum minutis retrò manens: quæ verò Saturnum, cum magis à Motore distet, aliquantò remissius; & sic de reliquis; itaut Sol ex gr. & eius Orbis in sua crassitie, in media fere distantia consistat, ac proinde non sit potis in vna circulatione æquare motum Primi motoris, sed ea expleta, retrò maneat ferè gradum vnum; ac Lunæ Orbis omnium infimus, ac remotissimus, maximè omnium retardetur, & ad assequendum motum primi motoris, ei deficiant gr. ferè 15. suscepti itineris, & sic suo modo de reliquis. Igitur Primum Mobile, & partes supra orbes Solis, & Lunæ constitutæ, non expectant cursus integros Solis, & Lunæ compleri, sed vterius pergunt, & expletà vna integra circulatione, mox adiunguntur secundam, & post secundam, aliam, & aliam successiue: & in istis circulationibus, quot illæ sunt, tot Sol suæ circulationis partes, seu gradus deperdit. Quò fit, ut quo tēporis spatio Sol facit 365. revolutiones circa tellurem, quod fit in anno tropico, Primum Mobile inueniatur peregisse 366. circulationes, vnā plūs ipso: quam ut compleat, requiritur spatium adhuc vnus anni. Et hic est motus directionis, quem suo loco planum fecimus, & dato schemate, exposuimus. Nunc ad rem nostram; qui primi obseruarunt Solem, & alia sidera successiue semper, & magis, & magis in motu vniuersitatis retardari, ac discedere ab illa velocitate, qua se fert Primum Mobile, dixere ipsa moueri proprijs motibus in partem oppositam; cum verè id non sit in aduerſum moueri, sed potius lentius rapi. Fauet huic explicationi Philosophorum Princeps lib. 1. Meteor. c. 4. inquiring, *Quæ autem Luna deorsum quidem tardè: & eam expresse docuerunt Auerroës & Albetraſius, cum alijs ex antiquis: atque ex Recentioribus, vtrò amplexati sunt Alexander Achillinus, Franciscus Patritius, Io. Ant. Delphinus, & noster Paulus Aresius lib. 1. de Ge-*

nerat.

nerat. disp. 6. quæst. 45. sect. 3. docentes repugnare, etiam per diuinam potentiam, idem corpus, ni replicetur, ad duos oppositos terminos, eodem momento moueri: Quibus & ipse libentissime assentior & morem gero.

At non per hoc me existimet quis, omnem alium motum præter illum vnicum vniuersitatis è Cælestibus eliminare. Hunc solum, 86
omni alio excluso, in Cæli crassitie, seu in Primo Mobili, & in siderum Orbibus autumo. Cæterum (exceptis fixis, quæ alium motum non habent, præterquam illum quem habet earum Deferens) Planetarum suum motum habent, cuique proprium quo mouentur in suis orbitis, & intra sui Cæli, seu æthereæ regionis crassiciem, non inquam ab occidente in ortum, sed circa suum Centrum, & quidem non semper concentricè, sed aliquando excentricè. Nam post Tychonem obseruatum est, quinque erraticas moueri constantissime circa Solem, quem habent pro centro, & instigatore motus: ex quo in illis aliquando prouenit retrogradatio in Zodiaco: Ipsa verò Luminaria habent pro centro tellurem (vti & Fixarum Orbis) ita tamen, vt iuxta eorum orbitas aliquando propius aliquando longius fiant: quando videlicet sunt in suis Perigeis, & Apogeis, vt ex parallaxi perspicuum sit: atque adeo excentricè circa illam moueri.

Porro hæc pro rei veritate, & secundum demonstrationem mathematicam, quæ euincit hos motus, dicta sunt, non purè Philosophicè, & iuxta communem loquendi morem Philosophorum, qui duos motus sibi contrarios in Cælis admittunt. Quinimò, cum in re parum referat admittere vnum aut duplicem motum in Cælis, modo explicato; quando sidera verè suas lationes diuersas habent, ac realiter sua loca commutant, & admissis duobus contrarijs motibus in Cælo, facilius res Astronomicæ intelliguntur. Etenim verè duos respectus habent, & duplicem lationem vt ait Philosophus 2. de Generat. textu 56. vnam, quam primam vocat; & est circa Mundum, quæ completur spatio circiter 24. horarum; & est quantum modò explicuimus esse motum raptus, Primo Motori obsecundando: alteram in Zodiaco, cuius partes sua retardatione subintrant, & illum permeant determinatis cuiusque periodis; quibus acceptum referri debet varius & perpetuus ortus, & interitus rerum, vt ipsemet Philosophus notat. Iuxta quos mirandos effectus, non duo tantum, sed & quatuor distincti motus agnosci possunt in Cælis, qui sint causæ vel conditiones agendi siderum in his sublunaribus, quos distinguit Prolemæus, in ordine ad diuersos modos patiendi rerum. Primum Motum Solis in Sphæra recta, quem definiuit esse motum Directionis: Secundò Motum Lunæ in Signifero latione menstrua, quam vocat

vocat *Progressionem* : Tertiò motum progressuum ad loca radicalia, quem appellat *Ingressum* : & Quartò motum quotidianum : quo feruntur ad Cardines, & alios Significatores, prout sunt tam in Mundo quam in Zodiaco, in Radice : & hunc nominat *Transitum* : de quibus singuli specialis mentio recidit suis in locis .

88

MV

MVRICES in re militari apud Scriptores tam Polemicos , quam Historicos, appellantur machinulæ ferreæ, in triangularem vel etiam quadrangularem formam abeuntes, quibus pro angulis sunt protensi radij acuminati, adeout in quamcumque partem inieciat, & quomodolibet cadentes, humi per aliquem è præfatis radijs tenaciter infigantur, stantibus alijs liberis, & erectis ad offensam, aut saltem reniorandum quodcumque in eos impegerit. Quò fit vt in hostili aggreffione per viam sparsi, iter impedian, ordines turbent, equorum ungulas findant, aciemque dissoluant. Ii autem sunt in triplici genere: alij, quos modo descripsimus, de quibus hæc habet Veget. lib. 3. cap. 24. *Quomodo abieceris tribus radijs stat, & erecto quarto, infestum est.* Et hi manifesti erant; ijsque utebantur potissimum. Veteres aduersus aurigas falcatas, quæ concitato cursu aduenientes in eos impingebant; atque, ita vel dissoluebantur, vel saltem distinguebantur. Alij minusculi erant, & sub terra paululum elati, vel arena, & frondibus operiti, quo minus obseruari possent, qui temerè per vias inieci, incautè procedentes hostes in pedibus sauciabant: & hos vt plurimum circa sepem Castrorum spargebant, quò se ab repentinis Oppidanorum irruptionibus contutarentur: de quibus monitum fuisse Alexandrum, à quodam trasfuga, refert Curtius, quod Darius magnam eorum vim defodisset in terram, quâ illum cum equite venturum conijciebat. Alij demum Missiles, qui ignis conceptabulum in ventre inclusum habentes, quolibet iactati, mucronibus suis tenaciter adhererent; mox concepta flamma, hostium opera incendebant. Singula muricum genera censet Hero, adiecto etiam schemate: qui inter eos annumerat etiam Lambdareos, ligneos videlicet obices in terra defixos, quos adhibebant in obsidionibus arcium editarum in rupis alicuius cacumine, ponebantque ante Castra ad sistendum impetum saxorum, rotarum, & verticillorum indemissorum, de quibus in loco diximus, qui tandem in desuetudinem abiire: ac non minusculi murices, dicti etiam *Tribuli*, qui hodieque in obsidionibus, & in prælijs frequentissimi sunt.

89

MVS, siue **MVSCVLVS**, Machina item est militaris quatuor ad ium rotis insitens, veluti pedibus, totidemque latera habens, fasti-

fastigio in anterioribus molliter inclinato, atque vndique ceuroni-
bus, luto, & crudis animalium corijs tecta, intrâ quam pauci mi-
lites se abscondebant, qui faciliè illam agitare possent, & muris ap-
propinquare, ad eos suffodiendos; haud timentes telorum, ignium,
faxorum, aliorumque id genus immissiones, probè contecti, & for-
ma, jâque agilitate machinæ, faciliè ictus declinantes: & quia mu-
ris quodammodò incessum, & formam imitabatur, vt videre est apud
Stevvechium, rostro præacuto, rotis pro pedibus additis, & ma-
nubrio à parte posteriori ad agendam machinam, veluti cauda fo-
ras profliente, *Muris*, siue *musculi* nomen accepit: Sed Vegetius
aliunde nomini etymon deducit. *Vocantur*, ait, à *marinis belluis*
musculi: Nam quamadmodum illi, cum minores sint, tamen *Balenis auxi-*
lium, *adminiculumque iugiter exhibent*: ita ista machina breviores de-
putata turribus magnis, aduentui illarum parant viam, itineraque præ-
muniant. At contrâ *Isidorus lib. 18. Musculus*, inquit, *cuniculo si-*
milis fit, quo murus perfoditur: ex quo & appellatur, quasi murmusculus.
Vt vt sit, certè à testudine non multum abest, nisi quod illa maior,
hæc minor erat, & facilis agitari, vt observat *Turnebus lib. 11. cap.*
24. Ex quo habes, aut adulteratum, aut luxatum esse *Cæsar's lo-*
cum, lib. 2. *de bello ciuili*, vbi hanc machinam fuisse dicit, *longam*
pedibus sexaginta, ex materia bipedali, ac fusè eam describit, longe
aliter, quam supponitur, & *Musculi* nomen præferet.

MVSAEVM locus erat olim in Magnatum ædibus magnificè ex-
structus, & apparatus, inquem omnis litteraturæ, & scientiarum,
professores conueniebant ad studia, & conseruentias habendas: &
quia Musarum erat amœnioribus studijs præsidere, ab ijs nomen
accepit. Erat quippe in nobiliori ædium parte sepositus, & ab
alijs separatus, spatiosus, aspectu sublimis, ac iucundus, omnique
ad eruditionem faciente suppellectili, statuis, picturis, antiquita-
tum monumentis, mathemATICIS operibus, atque instrumentis in-
structus, ac bellissimè ordinatus; quò qui conuenirent, & oculis
recreare possent, & animos excolere ad omnem virtutem, & eru-
ditionem. Ex quo litteraria hæc exercitia, quæ iu musis habeban-
tur, quibusque ingenui homines otia fallebant, & animos recrea-
bant, Musicæ appellatione vocitari cæpere; quia hoc studiorum ge-
nus, verè Musica est, virtuosus animi ludus, curisque pressi leua-
mentum, & quies: quamquam postea Musica ad eam tantummodò
facultatem coarctata est, quæ animos cantionibus nuluget, & auri-
bus ablanditur, omnibus tandem in deteriora vergentibus; & quæ
ad excolendas, promouendasque virtutes sunt facta, præpostero

90

ordine ad sensuum tantum oblectamenta conuersis. Quare & ipsa Musæa de antiquo splendore, ac scientiarum celeberrimo cultu, & sine decessere, & si quæ nostris temporibus sunt, ea ad ostentationem, & pomquam magnificè apparantur: vbi & antiquiores tabulæ, & veterum monumenta, & magna aurcorum, argenteorumque vasorum vis, & genimæ, & pretiosa quæque, siue ex materia, siue ex raritate admiranda, tanquam in publicum repòsitòrium coadiunantur, non ad alium ferè vsum, quam ad oculorum atque vt possessoris sui potentiam, diuitias, maiestatem, magnificentiam, gloriam, mōmenque deprædicent. Has, mutato etiam nomine *Gallerias*, nostri vocitant. Ex quibus multæ sunt Romæ in Palatijs Principum, pretiosis picturis potissimùm, ac Statuis è manu veterum, vel celeberrimorum ætatis posterioris artificum prouenientibus refertæ. Sed omnibus longè altiùs præstat, ac nomen suum vndeque diffundit, quæ Florentiæ visitur in Regali Palatio Medicæorum Principum; vbi, quæ loci magnificentia, quæ rerum collectarum varietate, abundantia, singularitate, valore inæstimabili, nusquam toto orbe similis est alia, vel ipsius opulentissimi Turcarum Imperatoris Aula: vt meritò diceres insthuc totius orbis diuitias, Naturæque & Artis Thesauros confluisse, & Magnos Etruriæ Duces, Magnis Europæ Regibus, ac Principibus, Maiestatis, & magnificentiæ palmam proripuisse.

91

MVSCA ideò appellata est Constellatio exigua vix spectabilis ad Polum antarcticum, Quod ex proprietate sua (inquit Faber in Anatomicæ Vniuersi,) muscarum naturam, & essentiam imitetur: qua Saturnina omnind est, & melanchonica, & non quod harum quatuor stellarum figura, ex quibus componitur hæc constellatio. Non possunt enim quatuor stella in figuram muscæ configurari. Sed Astronomi naturam & essentiam rerum conspexerunt, & rebus celestibus nomina imposuerunt, ex essentia interna astrorum: quam si ad muscas tendere cernerent, muscas hæc astra nominarunt; si ad Tauros, Taurum dixerunt: & si ad Leonum naturam inclinare conspexerint, Leonem nuncuparunt. Hæc Faber, ingeniose magis, (ne ludiosè dicam) quam congruenter. Quis enim Astronomorum qui admodum pauci, (si qui tamen fuere verè Astronomi) ad plagas mundi Australes nauigauere, & stellas hæc conspiciat sunt, cui probè stellarum istarum natura comperta esse potuit, quæ à Ptolemæo, alijsque excellentissimis olim Astronomis longo tempore, iugi obseruatione, & collatis veterum testimonijs, in alijs stellis, vix coniecturaliter & confusè agnita est, adeoque ex rerum similitudine ijs nomen adaptauere? Do vtique & zgrè admo-

modum do, eos aliquas stellas quæ in eandem naturam conueniebant, & aliàs erant simul vnitæ, ad earum notitiam, ac distinctionem in varias imagines complicasse, quarum quasdam è rerum terrenarum simili natura, vel præsentia denominarunt, vt in plerisque nos in loco adnotauimus: At non semper, aut vnanimiter in omni stellarum complicatione, ac nomine impertito, id præstitisse putandum est. Sæpè locus datus est formæ, vt in Corona Gnoſſia, sæpè Poetarum figmentis, sæpè casibus ac plebeculæ arbitrarie appellationi, quandoque etiam, sed id rarissime, ab comperta manifestæ earum natura, id ab sapientissimis, & expertissimis Astronomis factum est: vt non subito inniti ac fidere debeamus puræ, & arbitrarie siderum nomenclaturæ, ad earum qualitates intermiscendas. Multo magis in nouis & hæcenus incompertis stellis, quæ ab nouitijs fortè Astronomis, & in Nauigatoria magis, quam in Astronomia versatis, detectæ sunt, id præsumere non debemus.

MVSCARII Clauī apud Vitruuium, in opere architectonico, vbi de tectorijs agit, lib. 7. cap. 3. dicuntur qui adhibentur in positionibus ad figendas cannas perpetuò mansuras, ac tectorium decenturas in opere. Sic enim loquitur. *Cūm paries totus luto inquinatus fuerit, tunc in eo opere canna clauis muscarijs perpetua figantur; deinde iterum luto inducto, si priores transversarijs arundinibus fixa sunt, secunda erectis figantur.* Noua, & hæcenus inaudita denominatio negotiorum facessit Interpretibus, ad assequendum, quid significare intenderit Vitruuius per hos clauos muscarios. Philander ita coniectatur. *Muscarios clauos interpretor qui sunt umbellati, id est capite latiore, & expanso in orbem camumine; quomodo umbellatos feniculi, sambuci, & anisi dicimus flores.* Bene est quoad rem, ac necessitatem operis, quæ ad consistentiam, latiora & expansa capita requirebat: at cur non potius umbellatos dixit, quo illicò, vſitori nomine intelligebatur quid sibi volebat? quæ portio, quis nexus clauorum capitatorum ad muscas? Alij ad id referunt, quod olim venustatis gratia clauorum capita, ad hærentium muscarum, imaginem, in his quæ in prospectu adhibendi erant, conformabantur: id quod exemplo, & facto comprobant. Nam aliquandò, cum fundamenta nouæ, angustius erigendæ Basilicæ Vaticanæ effoderentur, reperta est marmorea arca, seu monumentum, quod creditum fuit, esse sarcophagum Mariæ coniugis Honorij pijsſimi Imperatoris. In eo, præter auratam vestem palliumque & ossa, erat & Capsula mundo muliebri, varijsque monilibus, annulis, acubusque discriminabilibus referta, in quibus & capitati erant clauī cum imagi-

ne muscæ. Igitur credibile est, tunc temporis in operibus ornatioribus fuisse in usu eiusmodi clauos, ab expressa musca dictos Muscarios. Ceterum res obscura valde est, sed non admiranda in auctore tenebricoso, qui in alijs etiam, cum loquitur, ita loquitur, ut non intelligi velit.

- 93 MVSIVARIA, seu MVSIVVM OPVS, quod expressiore vocabulo *Tessellatum* latinè dicitur, est quod ex tessellis siue ligneis, siue lapideis fit, quæ ita simul aprantur, & glutine connectuntur, ut in continuam, & planam quandam imaginem rei cuiuspiam expressiuam, eant. Præclarum herclè inuentum! quod nùm ab arte pingendi, aut scalpendi, an magis ab Architectura processerit, equidem definire non valeo. Nam, quatenus in eius directione ac prosecutione, Artifex Picturæ præceptis insistit, umbras & lumina, ubi opus est, impertitur, colores persequitur, legit, & suis locis aptè disponit; utque in Pictorum censu videtur adnumerandus: sed si consideremus, eum verè non pingere, non linimentis procedere, sed incisionibus, & scissuris, non colores varios attemperare, sed quales natura dedit, artificiosè necitare, & perpolire, non demum calamo, aut pennicillis uti, sed ferro, & scalpris, incidendo, scindendo, rescando lapides in minutissimas partes, deinde architectonicè ordinare, non secus ac fabri ac cæmentarij, ex modulo lapides in structuram componunt, & tectorum parietibus, ac pavimentis inducunt; profectò inueniemus, Musiuarios, in re verè Sculptores aut Architectos esse, ac tantummodò Picturæ opera imitari. Ast veriùs, & sine hæsitazione dicendum, Musiuariam mediam artem esse, filiam ex utraque progeneratam, cui obstrictæ manus admouet Architectura, atque in tantam laudem erigit, ut matres de primatu contendant, ac singulæ de eius excellentia, tanquam de suo penu profectà gloriantur. In quo sanè inuento Naturam ipsam correxisse, & quodammodò superasse videtur, (ut in alijs præstare satagit humanum ingenium:) ut quod nimirum illa, siue ex impotentia, siue ex inuidia, siue etiam casu temere agit, adeoque confuse, & imperfectè in marmoribus, ac lapillis versicoloribus; hoc Ars ordinatè molitur, & perficit in lapidibus sectis, & simul nexis tam tenaciter, tam concinnè, ut vnum integrum lapidem dixeris è terræ visceribus erutum, aut lapideam tabulam picturatam. Et à Natura quidem abortiente primum musui operis rudimentum traditum, refert Plinius lib. 36. cap. 21. in Pumice lapide. Appellatur (ait) ita & erosa saxa in adificijs, quæ Musea vocant dependentia ad imaginem specus arte reddenda. Ut ut sit, certè ab Græcis profectam nobilissimam hanc artem,

& apud eos magno in vsu fuisse, testis est idem Plinius, qui mox cap. 25. subdit. *Pauimenta originem apud Græcos habent elaborata arte pifurratione, donec Lithostrota expulere eam.* Vbi ex obliquo infert, distinctam, ac longe diuersam esse artem, qua lithostrota pauimenta sternuntur, à Musiuaria, quæ ab illa fuit expulsa. Etenim Musiuaria, quæ in vitreis tesseris, aut minutissimis lapillis, ac bracteis adlaborat, meritò à pauimentis eiecta est, quin potius sua sponte cessit, ne quid damni inibi pateretur, atque ad parietes, & fornices aduolauit, vbi eius elegantia, & fragilis compositio, ab indiscretis calcantium pressioibus tuta esset, ac diù incontaminata consisteret. Quare in eius locum subintrauit Quadrataria, ex solido & quadrato marmore, quod non ità faciliè dirumperetur & absque noxa impunè calcari posset ac teri: cuius opus exinde Lithostrotos appellatum. De quo alias in V. *Quadrataria.*

Nunc autem quod ad nomen attinet, à Museis deriuatum existimat Antonius Nebrisenfis apud Du-Cange in Glossario, eo quod in Musæis (locis videlicet Musis, & litterarijs exercitationibus destinatis) vbi maximè tessellata hæc opera viscebantur, stationem & principatuum habebant, vnde Musea, & Musiua sunt dicta: sed frigida nimis, & longè ab extraneis extorta est ratio. Probabilius Scaliger in Notis ad Manilium, vult à concinnitate, & pulchritudine appellata, quoniam Musium græcè (namque ab Græcis nomen habuisse, credere æquum est, apud quos habuere cunabula) concinnitatem, & elegantiam sonat: & hæc, si in vllò, in Musiua, ac tessellato opere egregiè reperitur. Cæterum ex eo nedum tabulæ planæ instar picturæ, sed & simulacra ex integro prominentia componi solent, quæ olim in magno pretio erant, & marmoreis, ac fusilibus statuis præferebantur. Quo in genere extabat Neapoli in publico foro exposita perpulchra Theodorici Regis imago, diligentissimè, & ad viuum elaborata, quæ tandem dissoluta concidit, & in minutissima frustula redacta est; ex quo malum omen desumptum, & reapse sequutam mox ipsius Regis mortem, inde totius eius stirpis excidiuni præfigurauit, vt fusè narrat Procopius lib. 1. de bello Gothico.

Sed hæc obiter: redeamus ad præstantiam operis. Ars musiuaria diù deiecta, & pene extincta, resloruit ætate nostra, & nobilius insurrexit, non tam in Tabulis, vt alibi dictum est, quam in statuis, & prominentibus imaginibus. Vidimus nos dum Florentiæ moramur, nec sine extasi, in D. Laurentij magnificentissimo Templo à Mediceis Principibus, cultu verè regio excitato, inter alia Architectonicæ artis miracula, ad quatuor magni Tholi, angulos totidem infi-

insignia Mausolea, è tessellato opere, gemmis scutibus compacta; ac desuper, eodem opere, quatuor ad iustam hominis staturam, emortuorum Ducum simulacra erecta, tam subtiliter, tam concinne elaborata, ut non modo vnum lapidem coloribus delinitum crederes, sed: & ipsos Princeps rediuuans, suis tumulis ad custodiam infedis. Adeo creuit nostris temporibus, & ad summum apicem prouecta, est artis peritia, ut veterum monumenta his comparata, monstra sint, & ut loquitur Isidorus, *Soriscum nidi*, hiantia, inconnexa, deformia, quæ horrorem spectantibus incutere apta sunt potius, quam venerationem. Sed tamen eo ipso quod antiqua sunt, quod prima operis rudimenta, in æstimatione sunt, & venerationem ac laudem merentur. Quocirca summis laudibus excipienda est for: Ciampini in Romana Aula, & muneribus, & eruditione clarissimi, pietas ac veneranda antiquitatis studium, qui comparatis vndique per totam ferè Europam, Musuorum veterum exemplaribus, ea areis laminis ad futuram impressionem incidit fecit, ac notis eruditissimis illustrauit. Quod insigne opus, magno cum rei litterariæ bono, ac Religionis fœnore propediem lucem aspiciet.

- 96 MVTA MVSICA latine appellata est, quæ Græcè Chirogogia dicitur, ars nimirum gesticulandi ad numeros, & manuum nutibus occinendi, quam Pantomimi exercent in Scenicis, & mutis signis, imitantur, & simul comitantur vocalem Musicam, ne desit oculis modulatio, quæ iam auribus insonuerat. *Hanc partem* (notat argute grauissimus Cassiodorus) *musica disciplinâ, mutat nominauere Maiores; scilicet quæ ore clauso, manibus loquitur, & quibusdam gesticationibus facit intelligi.* Verè tamen ad Choreas pertinet, & saltatoriam artem, quatenus quod illa peragit pedum concinno motu, hoc ista manibus; & vtrique musicis consonantijs atq; interuallis morem gerit, & suas partes complet. Scitè Plato 2. de Legib. *Reliquæ animantes, inquit, à Natura pedes habent ad progressum: homo autem qui rythmum, numeros, & harmoniam intelligit, motu corporis concinnitate exornat.* Et 3. de Rep. concludit in hunc modum. *Eum igitur qui gymnasticam cum Musica pulcherrimè miscet, & moderatissimè hæc animo adhibet, hunc verissimè perfectissimum quendam musicum diceremus, & omnibus harmonia numeris absolutum.* Mutæ Musicæ mentionem ingerit etiam Lucas de Penna in l. si quis in public. 4. Cod. de spectaculis, lib. 11.

- 97 MVTA SIGNA in Astronomicis dicuntur, quæ imaginibus animalium, vel reptilium nullam vocem habentium, insignantur: qua-
lia

lia sunt in Zodiaco, Cancer, Scorpio, & Pisces, & extra Zodiacum, Serpens, Piscis Notius, Musca &c. Sicut econtrà, vocalia appellantur quæ formam animantis vocem emittentis, repræsentant; siue hominis articulatè loquentis, vt Gemini, Virgo, Sagittarius, & Aquarius, siue belluarum, quæ vocem habent, quamquam horrissonam, confusam & quæ in raucedinem tendat. Hæc porrò Signa, maturè, & non abque magno cosilio ab Antiquis Astronomis animalium mutotum forma expressa sunt, & mura absolutè dicta; quoniam iugi obseruatione compertum est, stellas in ijs comprehensas, multum ponderis habere, tum in Generethiacis, tum in morbis, ad linguæ vitia decernenda, aut in totum, aut in partem, prout Mercurius cum malefica cum malo radio ad vtrumlibet ex Luminatibus, reperti in ipsis fuerint. De quare agit Ptolemæus lib. 3. cap. 17. Similiter

82



MUTILATA SIGNA sunt, quæ membrum aliquod abscissum, aut vtrumque corpus mutilum repræsentant: idque nedum in signis Zodiaci, sed etiam in alijs imaginibus octauæ Sphæræ, quæ extra Zodiacum per longum, & latum sparsæ sunt, obseruatur. In quorum censu computatur potissimè Caput Medusæ; inde Sectio Equi, caput abscissum referens, ac quatuor in quadrum positas stellas obscuras complectens; & in Signifero Taurus, qui posterioribus caret. Quæ proinde signa, (vti de Mutis modo dictum est), ex effectibus nomen & imaginem accepere. Sunt enim valdè ominosa, & stellis conformantur de natura sua maleficis, & detruncationem membrorum, aut aliàs funestum exitum decernentibus. Quod idè Ptolemæus lib. 4. cap. 10. quem citat etiam, & explicat D. Thomas Opusc. 28. art. 4. vbi de genere mortis agit, hæc pronunciat: *In Signis mutilis, aut quorum figura sunt imperfecta, aut circà Caput Medusæ, Mars significat capite multandos, aut membris mutilandos.* Quod nimis audenter, & suprâ naturalem agendi vim siderum, videtur dictum. Sed ab eo ex parte admittendo non abhorret Angelicus Doctor, considerata praua stellarum qualitate, dicens, *Quod Stella illæ funereæ sunt, & monstruosam indicant vitæ terminationem.* Et id circò addit, sensatè id expressum fuit in Imagine Persei, ad Gorgonis pessimam naturam insinuandam. Propter quod (inquit) ipse etiam Perseus caput, auerso vultu, abscissum tenet. Moderatur tamem dictam propositionem, apposita, vt par erat, hæc cautione. *Sed hoc, sicut diximus, non infert rebus necessitatem, sed facilem, & mutabilem inclinationem habet.* Hæc S. Doctor.



99 MVTVLI in opere architectonico dicuntur Canteriorum capita foris è tecto prominentia; seu, eorum loco, lapidum quadrata segmenta, ex interiori parte aliquantulum refimata, quibus tectum incumbit, aut epistylum sustinetur. Eos in operibus præsertim Doricis, summè commendat Vitruuius lib. 4. cap. 2. quòd naturam imitantur. Ita, inquit, è canteriorum proiecturis mutulorum sub coronis ratio est inuenta. atque inde ad lapideos transiens, addit. Ita ferè in operibus lapideis, & marmoreis, mutuli inclinati sculpturis deformantur; quòd imitatio est canteriorum: etenim necessariò propter stillicidia proclinati collocantur. Quod ideò ex Græcorum institutis & praxi, improbat appositionem mutulorum in fastigijs, neque supra triplyphos eos admittit, aut in eodem opere, mutulos simul, & denticulos, quia sunt præter ordinem, & naturæ imitationem: ait enim infrà: Ita uti ante in Doricis triglyphorum, & mutulorum est inuenta ratio; item in Ionicis, denticulorum constitutio propriam in operibus habet rationem: & quemadmodum mutuli canteriorum proiectura ferunt imaginem, sic in Ionicis denticuli, ex proiecturis asserum habent imitationem. Itaque in Græcis operibus nemo sub mutulo denticulos constituit; non enim possunt subtus canterios asseres esse. Etiamque Antiqui non probauerunt, neque instituerunt in fastigijs mutulos, aut denticulos fieri, sed puras coronas; ideo quod nec canterij nec asseres contra fastigiorum frontes distribuuntur, nec possunt prominere, sed ad stillicidia proclinati collocantur. Hæc Vitruu. sagillans ex obliquo Architectorum sui temporis, atque antiquorum Romanorum morem, collocandi in fastigijs mutulos, necnon in eodem opere sub mutulis denticulos; quemadmodum videre est Romæ multis in locis, præsertim in Panthei fronte, in porticu templi quod fuit Concordiæ, in arcubus Titi, Vespasiani, & Constantini, in Thermis Diocletiani, &c. Et vniuersim in Opere Composito, quod post Vitruuium inuectum est, non obseruatur hæc cautio, sed omnes eiusmodi ornatus colligit, & in vnum comprehendit, modò ad rem faciant, & symmetriam operis non inturbent. Ut intelligas, Vitruuij præcepta non adeò rata esse, ut pro oraculis & lege irrefragabili excipi ab Architectis debeant, & non aliquando corrigi, aut sanius interpretari. Certè Bramantes, alijque insignes nostri temporis Architecti, id neglexere: & ille quidem tum alibi, tum in Palatio Vaticano, vbi dicitur *Belvedere*, supra triglyphos mutulos posuit, & isti passim sub mutulis in Epistylijs, fasciam cum denticulis, baccis, ac insutis verticillis. Sed stat cuique pro ratione voluntas, siue etiam oculorum illecebra, ac voluptas.

MYOPARO, bellicum Nauigium à Piratis poriffimè vſurpatum, quòd expeditiffimum fit, leue, ac benè inſtructum: incedit enim, velis, & remige, vnde ad circumueniendum hoſtem, & ad declinandum, cum circumuentum fuerit, aptiffimum. A. Paro Inſula, & Myunte vrbe, vt vult Turnebus lib. 3. cap. 1. composito nomine dictum. Eius meminit Hirtius de bello Alexandrino, referens quod Octauius, poſt commiſſum nauale prælium cum Vatinio, depreſſa quâ vectabatur quadrireme, diſperſiſque ſuis nauibus, vulneratus adnataſ ad ſuum myoparonem: eo receptus, quum prælium nox dirimeret, tempeſtate magna velis profugit. Salluſtius quoque lib. 3. Et forte, inquit, in nauigando cohors vna grandi phaſelo veſta, à cæteris deerrauit, marique placido, à duobus pradonum myoparonibus circumuenta. Eſt autem Phaſelus eiufdem proriſus formæ & vſus cum Myoparone; quem proinde cum eo confundit Laz. Bayſius; mediam quid inter oncrariam nauem, & longam triremen: vt ex hoc Salluſtij textu & Appiano, conſtat eſſe longe diuerſum, capaciſſimum, ac celerrimum: vnde eſt illud apud Catullum,

Phaſelus ille, quem videtis, hoſpites.

Ait fuiſſe nauium celerrimus;

Neque vlliſ natantis impetum trabis

Nequiſſe præterire, ſine palmulis

Opus foret volare, ſine linteo.

Ego crediderim, Phaſelum fuiſſe ſimilem magnis Venetorû triremibus, quas Galeazzas nominant; Myoparonem, modernis Turcarum fuſtibus, ſeu noſtris Brigantinis.

Aliter autem hoc nauigij genus deſcribit Iſidorus lib. 19. Ait enim: Myoparo quaſi minimus Paro, idem & Carrabus; eſt enim parua ſcaſa ex vimine facta, quæ contexta crudo corio genus nauigij præbet, quibus vtuntur Germani piratæ in Oceani littoribus, vel paludibus, ob agilitatem.





NA

I **N**ADIR in Astronomicis apud Arabes Scriptores dicitur Imum Cæli, seu Punctum lineæ meridiane sub terra latentis, diametraliter oppositum Vertici capitis nostri; quod ipsi pariter gentili suo vocabulo vocant *Zenith*; itaut ambo sint veluti Poli Horizontis, & centra æqualiter ab ipso distantia, hoc est grad. hinc inde, 90. Hic porro locus est omnium infimus in constitutione Cælesti, & signat cum tota sua linea meridiana sub terra, cuspidem, & initium IV. domus, qui est vnus ex quatuor Angulis, in quibus sidera multum roborantur. In eo idipsum obseruare est, ac in præfato Zenith, sed contrario positu: Etenim tantumdem distat ab Aequatore, & altero Polorum Mundi, quantum ex aduerso Aequator à vertice, & vertex à Polo, hoc est residuum Eleuationis eiusdem poli supra Horizontem, ad grad. 90. Quare perinde ac apud nos, ab eo sumuntur regionum latitudines, ac circuli altitudinum, & verticales à nostris Antipodis, quos Arabicè item nominant *Almicantarâth*, & *Azimutha*.

2 NAHAR ALCHARNER, item arabicè appellatur (teste Kirchero in Oedipo Aegyptiaco) Eridanus fluuius, sine Nilus, sidus nempe Cæleste ad Australem plagam, constans stellis 34. ex recensione Ptolemæi, & Antiquiorum, verum ex Recentiorum obseruationibus longè pluribus, & secundum Bayerum, omninò 43. quarum, potissima, ac splendidior est, quæ postrema in educatione fluuij, dicta antonomastice *Acarnar*, primæ magnitudinis, benignissima, de natura Iouis & Veneris; reliquæ ferè omnes, tertiz quartæ magnitudinis, de natura Saturni. Quod ideo in totum, sidus infaustum est, procellosum, turbidum, & naufragia generaliter portendit. Sed malignitatem eius temperat, & compensat vnica *Acarnar*, quæ cum Ioue oriens, aut occidens cum Sole facit serenum, & in mari indu-

inducit stabilem tranquillitatem, etſi cum Mercurio ventos, ſed tamen ſerenos, & calidos excitet. Cæterùm reliquæ ſtellæ, præſertim ſi Saturnus, Mercurius, & Luna aſſuſerint, generat nubes, procelſas, & imbres. De quo hæc habet Tullius in Arati Phenom.

Namque etiam Eridanum cernes in parte locatum.

Cali, funeſtum magnis cum viribus annem,

Quem lacrimis maſſæ Phaëtonis ſepè ſorores

Spaſerunt, lætum mœrenti voce canentes.

Oritur Romæ Acarnæ cum gradu 21. Cancrî, circâ diem 13. Iulij, occidit autem die 15. Martij cum gr. 26. Piſcium, at reliquæ ſtellæ, Menſe Iunio oriuntur, & occidunt menſe Maio. In genethliacis, ſi credamus Ptolemæo, magnam adducit extrema Eridiani fortunam; præſertim, ſi Iouis aut Veneris benigno radio fulciatur.

NARES in varia ſignificatione ſumuntur in operibus Mathematicis: ſemper autem per analogiam, & quandam ſimilitudinem ad nares animantium, per quas respirant, & ad vitæ conſiſtentiam, alternis motibus nouum aërem trahunt: denotant enim quaſdam vt ita dicam aperturas, & ſpiramenta in opere inducæ, ad remittendum exuberantem, grauemve ſpiritum, aut vbi opus eſt, opportunè excipiendum. Et primò quidem in Aquæductis, & puteis excauandis, ſtatim in locis aperiuntur ſpecus, & æſtuaria per quæ concretus aër, & ſpiritus peſtilens remittatur. De quibus ita loquitur Vitruu. lib. 8. cap. 7. *In puteorum autem foſſionibus non eſt contemnenda ratio, ſed acuminibus, ſolertiaque magna naturales rerum rationes conſideranda.* Tum neceſſitate oſtenſa huiusmodi æſtuaria aperiendi, concludit: *vt, ſecundum puteum dextrâ ac ſiniſtra defodientur æſtuaria; ita quemadmodum per nares, ſpiritus ex æſtuarijs diſſipabitur.* In Aquæductis verò id ſimiliter faciendum præcipit ad alium finem, vt aqua liberius excurrat, neque ab intruſo aëre remotetur; & columnaria vocat, quoniam inſtar cuiuſdam columnationis per directum, vnde aqua ſubtus tranſit, eriguntur ad ſpiramentum, & remittendum aërem: Ait enim de conceptabulo aquæ: *Etiâ in ventre columnaria ſunt facienda, per quæ vis ſpiritus relaxetur.* Quemadmodum videmus in phiala aqua plena, quæ ſi ſubito inuertatur, ita vt venter ſupinus ſit, collum autem apertum deorſum, vtique non remittet aquam, quia ſpiramentum non habet vnde aër ſubintret; benè autem ſi modicè inclinaueris, aut oſculum in ventre habuerit, per quod poſſit aër intrare. Secundò in extruendis ædificijs, data opera in parietibus inſerti canales, & aperti camini ad fumum, vaporesque extrudendos, nares itidem appellari ſolent. Sic idem Vitruu. lib. 6. cap. 4. In-

ter duos parietes, ait, canalis ducatur inferior quàm libramentum con-
clavis fuerit, habens nares ad locum patentem. Si enim non per nares
humor, & in imo, & in summo habuerit exitus, non minus in noua firmi-
tuta se dissipabit. Simili ratione hæc spiramenta, Albertus & alij
Gulas nominant. Sed potissimum in Machinis hydraulicis aperta
alicubi foramina, per quæ spiritus egeri possint, aut intercludi, vt
per compressionem vehementior fiat motus in fistulis, per quem so-
nus edatur, vel aqua spiritu pressa sursum saliat; nares dicuntur:
prout videre est in eodem Vitruu. lib. 10. cap. 12. & 13. Herone,
& alijs.

4 NARIS CETI, quæ etiam alio nomine vulgatiore, appellatur
Mandibula, in Astronomicis Stella est fixa secundæ magnitudinis, de
natura Saturni cum participatione Veneris, in rictu Ceti constituta;
arabice *Menkar*, existens nunc temporis in grad. 10. Tauri cum
latit. Australi grad. 13. Hæc cum Sole exorients facit tempus tur-
bidum, & aliquando, si Saturnus sua præsentia vel radio adstipule-
tur, adducit niues, & copiosos imbres. Oritur autem Romæ circa
Kalendas Maias, & occidit Martio die 9.

5 NAVIS præclarum Architecturæ inuentum, ac mirabile opus,
ipsis extructis urbibus, aut amplissimis ædificijs longè sublimius: ad
quod efformandum, instruendum, ac dirigendum, omnes ferè Ma-
thematicæ disciplinæ manus suas auxiliares admovent, & sine quo
totius Orbis commercia interirent; ab ipso summo Orbis Archite-
ctore Deo, instante vniuersali diluuiio, Noë Patriarchæ ad humani
generis, omniumque viuentium semen in ea seruandum, detecta: cui
& eius compingendæ præcepta tradidit, & exemplar expressit, ex
quo postmodum Nauium extructores ideam sumerent, & sua Naui-
gia fabricarent. A *Náw* græca notione, quæ perinde sonat ac fluo,
aliqui dictam volunt: alij à *No*, quod est *Nato*, alij à *Nauo*, idest
studiosè impleo: alij demum sed præposterè, à Nauarcho, quòd re-
ctorem Nautis exposcat. Vt vt sit, certè mobilem domum, & mari-
timam rhedam significat, quæ Mare peruagari possit, atque eius ad-
miniculo vniuersus Orbis excurri. Ea tam in pacis otio, quàm in
bello, optimum adiumentum: quippe Oneraria quæ dicitur, merces
inuehit, & mercatores, commeantesque de loco in locum traducit:
& Classiaria bellum adornat, & castra in mari ponit. Vnde non
defuere, qui Nauigium dicerent aquaticum Elephantum, turribus
militibusque instructum, quem gubernator remone, velis, ac ruden-
tibus, ceu quibusdam frenis regetet; ac integram ex ipsis instructam
Clas-

Classē, veluti obambulantē in pelago Ciuitatē, Campum militarent, & munitissimā Atcē aptissimē appellarent. Quod ideo plurima Nauigiorum genera enumerat Plinius lib. 7. cap. 36. & accuratius post eum, Gellius lib. 10. Noctium Atticar. cap. 25. Porro eorum fabricandorum formā, & lineamenta ē piscibus innatantibus accepta, refert Leo Albertus de re ædificatoria. Nam quod illis caput, in his prora: quod dorsum, carina; quod aluus, puppis: quod branchiæ, pinnæ, cauda rectrix motus, hic remigium, vela, clauus, qui totam motionem nauis dirigit, & gubernat. Est similiter Nauis mobile Aedificium, ad instar terrestris factum, quod habet pro fundamento carinā benē firmatā suburra, alijsque ponderibus; pro muris latera; pro contignationibus tabulata; pro cubiculis receptacula; pro aulā, & attrio puppim, & prorā: Sed quia stare non debet, sed hūc, illūque pro necessitate, discurrere; conuenit, vt & vela habeat, eaque diuersi generis, quibus ventorum flatus ad indigentiam excipiat, & clauum quo rectore adduce, iter instituat, & malum vnum, aut plures, prout nauigium longum aut latum est, ad sustinendas antennas, & has ad extendenda, vel comprimenda in aëre vela: ac demum rudenes, & anchoras, vt immota nauis in portu subsistat, & fluctibus non agitetur. Vt proinde eam non inueniunt equum ligneum appellat Plautus, & ventorum curram Lucretius. De diuersarum Nauium differentijs, nomenclaturis, earum partibus singulatim, ac dirigendi ratione, alibi erit sermo. In genere hæc dixisse sufficiat.

NAVIS in Astronomicis, denotat Sidus in Cœlo ad Australem plagam (aliās *Argo*,) repræsentans celebrem illam Argonautum tantoperē à Poëtis decantatā, atque impingentem demum ad Scopulum, ac naufragium passā: quod ideo effingitur hic prora, seu rostro carēns, & annumeratur ab aliquibus com signis Mutilatis. Cæterum est Constellatio amplissima, & magnā Cœli partē occupat, sub signis Geminorum, Cancrī, Leonis, Virginis, & partim Libræ. Complectitur stellas 45. variz magnitudinis, de natura Saturni cum participatione Iouis, omnes à Ptolemæo recensitas. Sed Tycho oculatior dat ei, vltā duas repertas, & relictas informes circā velum; alias tredecim, quas in formā redegit: Et Bayerus decem, quæ prius informes erant collegit, & coadunauit in Saxo naufrago. Ex his præcipua, & splendidior est, quæ dicitur Canopus, Arabicè *Rubail*, primæ magnitudinis, existens inferius in temone, in longitud. grad. 9. Cancrī, ac latitud. Australi, grad. 75. Proximē eam sequitur in dignitate, quæ in medio Scuti, secundæ magni-

gudinis, arabicè dicta, *Markeb*; inde in seditione Instrati duæ eiusdem honoris; & in transiris aliæ duæ, ac tres in statione mali; & iuxta Columbaria: quas omnes, & singulas Lucidè nomine decoravit Ptolemæus; reliquæ, tertiæ, & quartæ promiscuè, 15. quintæ, ac tres tantum sextæ. De cætero sidus infidum, varium, & nauigantibus ominosum, quippe quod procellas excitat, ac tempestates, ut vult Ptolemæus, & iugis probat experientia. Bene verò verum est, quod in nostris regionibus parum timoris incutit, modicumque mare vexare compertum est; cum modico etiam tempore supra terram appareat, & mox illicò occulteretur. Et Canopus quidem in Italix partibus australioribus vix horizontem radit, nusquam spectabilis. Solum Markeb parum supra terram atrollitur, & ascendit cum Sole, adeoque cum grad. 26. Leonis, die 18. Augusti, occiditque cum grad. 6. Geminorum; & hæc (maximè si Saturnus adfuerit) adducit maximam siccitatem, & fontium exsiccationem. Reliquas significationes, & influentias, quas sidus habet, impertitque terris, quibus imminet; videre per otii poteris apud Fabrum in Panchym. lib. 2. cap. 13.

8. NAVIS etiam, sat vulgato apud nos vocabulo, per quoddam analogiam, in terrestribus ædificijs, ac præsertim in magnis Basilicis potior pars audit & amplior, quæ ipsas mediat, & à reliquis circuitur, & veluti satellitio coronatur, vulgò *la Nave di mezzo*. Græcis Templum: *Cellam* appellavit Vitruv. lib. 3. cap. 1. de prophanis ædificijs loquens, & lib. 4. cap. 4. & 5. de Sacris, ut in loco monuimus. Quam proinde ampliorem, & erectiorem cæteris alijs membris esse convenit, quia ut advertit Durand. de Sacr. Rit. eo convenit, & pro concione, & sacra lectione stat promiscuus populus; cum Sacerdotibus ad psallendum sit deputatus chorus, atque ad sacrificia celebranda, hincinde Sacella clattris, & cancellis clausa, & ad vetandum laicis ingressum, à toto corpore separata ac distincta. Quemadmodum, & aliæ partes pro feminis, penitentibus, catechumenis, apud Græcos, sacris ædibus addi consuevere, ut notat Salmasius in Solinum, & extat Canon in Concilio Neocæsariensi, ubi singula membra suis nominibus compellantur, & de catechumenis, & penitentibus hæc statuuntur. Si quis ex perfectioribus Catechumenis peccaverit, peccare cessans cum Audientibus stet. Si ex Audientibus est, & à peccando non abstinet, in Desistentium locum ab Ecclesia extrudatur. Pro feminis autem erat locus separatus cancellis septus. Utinam mos iste laudabilis in nostra templa transiret. Porro ut ad Navim maritimam redeamus, à Navi

NAVALE, & NAVALIA nuncupantur loca ad fabricandas, & continendas Naues, antequam in portum deducantur, vel quod è mari subductæ, instaurantur, & adstruantur, ad opus destinata. *Armeniale* à nostris vulgò dicitur. In quibus celeberrimum, amplissimum, & instructissimum est quod Venetijs visitur, & ad pompam etiam, & ostentationem, conuenis promiscuè, aduenis, atque indigenis patens est, nec sine admiratione spectatur, idque tanto ordine, instrumentorum copia, partium iam in se ad opus dispositarum, distributione, ac multitudine in suis quæque loculamentis adunatarum; vt intra vnus horæ spatium magna Triremis, quam Galeatiæ dicunt, ex integro compingi possit, ac tormentis armari, quod sæpe accidit in magnorum Principum accessu, & admirabilis in vnoquoque genere, Urbis lustratione. Porro de huius loci rata situatione, & constructione, hæc habet Vitruu. lib. 5. cap. 12. postquam de Portu dixerat: *His perfectis, Navaliorum ea erit ratio, vt constituentur spectantia maximè ad Septentrionem; nam meridiana regiones propter aëlis, eariam, tineam, terebines, reliquaque bestiarum nocecentium genera procreant, alendoque conseruant; eaque adificia minimè sunt materianda propter incendia. De magnitudinibus autem finitio nulla esse debet, sed faciunda ad maximum nauium modum; vti & si maiores naues subductæ fuerint, habeant cum laxamento ibi collocationem.* Caterùm Nauale in adiectiuo, aptatur ad omne id quod ad rem nauigatoriam pertinet. Sic Nauale prælium, Nauales Socij, Nauales turres, passim apud Liuium, Suetonium, aliosque Historicos inuenies. Quin & Plautus in Menæchio, festiuè dixit Nauales pedes; remos videlicet, quibus naui, quasi graditur & obambulat.

NEBVLOSÆ STELLÆ vocantur ab Astronomis fixæ aliquot, quæ (contrà quàm communiter alix,) fusco & pallenti fulgore coruscant, ac perinde oculis se repræsentant, tanquam *vubecula* quædam firmamento affixæ; omnesque siderum passionibus habentes, quales præcipuè sunt, & consequenter denominantur, duæ ad Polum Antarcticum consistentes, atque in longum, & latum extensæ, nebule potius, quàm Astri speciem præferentes: Aetrelizque, nebule quidem colorem subalbidum habent, cæteræ ab alijs stellis exiguitate, & orbiculari forma non discrepant. Tales sunt dicta *Procyon* in pectore Cancri; quæ principalis est in Coma Berenidis; dicta *Cincinnus*, quæ in mento, alias *Oculo Sagittarij*, quo nomine insignitur; item quæ est in Scorpione sequens aculeum; atque vltimò tres quæ sunt in risu Capricorni. Et hæc omnes, & solæ sequuntur naturam Luminarium, vel alterutricius ipsorum, cum participatione,

Mar-

Martis . Et ideo nil mirum, si cum illis congregantes, turbant aërem, & caliginosum reddunt, opplentes illum continuis nebulis, vt præter Ptolemæum, obseruauit etiam Plinius; siquidem debile illud; & subobscuro lumen, quod emittunt, retundit etiam Luminarium clarum fulgorem, atque imminutum, seu retusum, confusum, & refractum, terris reemittunt. Obseruatum est etiam, quod in morbis, & vitijs oculorum, semper nebulosæ stellæ magnam partem sibi vendicant, si Luminaribus quæ oculis præsent, & lucem impertiunt, copulentur. Præcipue, si Mars affuisset; & natos sub illis existentibus in horoscopo, affici cæcitate, aut vtcumque strabos, lufcos, pupillis læsis, panniculisq; contectis edi, prout Luminaria in ipsis adinuicem, aut cum Maleficis configurantur. Ad quam rem, ratio à priori non deficit, petita è penitior Philosophia. Nam læsa, & vitiata causa, debilis, nullus, aut sanè vitiatus effectus, ex ea prodeat necesse est. Atqui laborantibus vtcumque luminaribus, atque imminuto, aut obtuso eorum lumine, per stellæ quibuscum congregiuntur nebulosas, & paucolumine præditas ac malignas; in oculorum aciem & lumina; cæcitatem, nebulas, aut quoduis aliud vitium induci posse, nemo est qui non videat.

I . NETE in tonis Musicis appellatur chorda, quæ constituitur vltima in Tetrachordo disconiunctarum, & Prima excellentium, signata per E.la: mi. Quæ tamen denominat totum Tetrachordum Excellentium seu acutarum, quæ acutum reddunt sonum, vt videre est in diuisione Monochordi, quam dedimus suo loco. Porro aliquandò Nete supponit pro vltima excellentium, quæ vocatur Nete hyperboleon, responderque ad A.la: mi: re. Hæc autem est omnium acutissima, & supra ordinem Tetrachordorum, ex diametro opposita Hypate, quæ est Prima Tetrachordi grauissimi dicti Hypaton, hoc est Principalium, quæ grauiorem præ cæteris, reddit sonum. Quæ ratione dixit Clemens Alexandrin. lib. 1. Strom. cap. 5. *Iam enim Hypate quoque cum sit Nete contraria, est tamen vna Harmonia, id ad suum intentum inflectens: cum sibi propositum fuerit ostendere, hæreses, quantumuis inter se discordes sint, & in dogmatibus dissepantes, in hoc tamen conuenire omnes, vt aduersus Catholicam veritatem insurgant, & simul concinant; ad incautos & simplices animos, sophismatum suorum philtis, velut magicis cantionibus, capiendos, ac dementandos.*

I2 . NEVMA græcè nutum sonat. Vnde vsurpatur in cantu Gregoriano, pro suauissimo modulationis genere, quod nihil in re significatur.

canales aquarum, cum impetu procurrentes, & subinde ripas exuberantes, Nili dicuntur: ita tamen, ut non nisi maioribus, & perpetuè & longo tractu currentibus, id nominis competat. Sic Cicero 1. de Legibus, ait. *Ductus aquarum, quos isti Nilos, Euriposque vocant, quis non irriserit?* Non negauerim tamen aliquando sub hoc nomine venisse etiam fossas quæ ducebantur ad Circum, veluti quoddam, septum aquis plenum, quod priùs temporario clostro fiebat, ut innuit Plin. lib. 36. cap. 15.

NO

- 14** NOCTVRNVM Signum, vel Planeta, ab Astronomis denominatur, in quo inveniuntur plùs vincere qualitates passiuæ, nempe humiditas, aut siccitas, quam actiuæ, quales sunt Caliditas, & frigiditas: sicut econtrâ, Diurna dicuntur, in quibus præponderant qualitates actiuæ; de sumpta denominatione, seu potius nominis analogia, à Die, ac Noctè, quòd ille abundat in qualitatibus actiuis, ista in passiuis. Etenim, ut ait Philosophus lib. 4. Meteorolog. cap. 1. *Videntur in omnibus caliditas quidem, & frigiditas terminantes, & copulantes, & transmutantes, & ea quæ eiusdem generis, & ea quæ non eiusdem generis; & humectantes, & exsiccantes; & indurantes, & mollificantes: Sicca autem & humida, terminata, & alias diſſas passionis patientia & ipsa secundum se, & quacumque communia ex ambobus corpora constant. Adhuc autem ex rationibus palam est, quibus definitur naturas ipsorum. Calidum enim, & frigidum, ut actiuum dicimus; concretium enim sicut actiuum aliquid est: Humidum autem, & siccum, passiva: facile terminabile enim, & difficile terminabile; eo quod patitur aliquid, natura ipsorum dicitur. Igitur ex Philosopho, ubi vincit alterutra ex qualitatibus actiuis, ibi diei conditiones sunt; & diurna optimè dici possunt: & ubi vincunt passiuæ, nocti affimulantur, & nocturna dicuntur. Sic in Signis Zodiaci, alternatim, Aries, Gemini, Leo, Libra, Sagittarius, & Aquarius, Diurna sunt, quia in eorum singulis vincit calor, aut frigiditas: econtrâ, Taurus, Cancer, Virgo, Scorpio, Capricornus, & Pisces, illis immediatè succedentia, sunt Nocturna, quia apta sunt terminari, & vincunt in eis qualitates passiuæ. Ex Planetis etiam, quia Saturnus est natura frigidus, & siccus, sed magis siccus quam frigidus; Iupiter magis calidus, quam humidus; Sol magis calidus, quam siccus; ideo denominantur Diurni: Mars autem, & Mercurius, quia vincunt in siccitate, Venus verò & Luna in humiditate, sunt omnes Nocturni. Id quod in Signis attenditur per respectum ad puncta Cardinalia, vnde Sidera incipiunt influere primas qualitates, seu fit noua combinatio, in qua ea primas tenet, cuius est denominare signum, aut Diurnum, aut Nocturnum.*

NO-

NODVS in Acie militari, Iſidoro teſte, lib. 9. cap. 3. *proprie eſt denſa pedum multitudo, ſicut Turma equitum*. Dicitur eſt autem, 15
nodus, quia ſicut iſte ita eſt complicatus, vt ægre admodum poſſit reſolui; ita agmen illud militum, in vnum globum conueniens, ita ſibi coheret, vt in conſictu cum hoſte, ſue illum ſuſtineat, ſue aggre-
diatur; fortiter obſiſtat, acrius iunctis viribus dimicet, ac diffi-
culter ſolui, ac diſſipari queat. *Cuneum* aptius vocat Vegetius, lib.
3. cap. 19. quod *iuncta cum acie, primò anguſtior, deinde latior proce-*
dit, & aduerſariorum ordines rumpit, quia à pluribus in vnum locum
tela mittuntur.

NODI in Aſtronomicis appellantur interſeſiones Orbitarum Solis, & ſingulorum Planetarum cum latitudine incedentium in Zodia- 16
co, vbi videlicet iſtorum Orbitæ incidunt in Eclipticam in duobus punctis oppoſitis. Et Nodus quidem Boreus dicitur punctum, in
quo conſtitutus, aut conſtituendus Planeta tranſit è latitudine Au-
ſtrali ad Borealem: Auſtrinus verò, vbi à Borea deſcendit ad Au-
ſtrum. Qui etiam ex effectû, dicuntur, vnus Attollens, ſeu Euehen,
qui videlicet attollit ad Polum ſuperius ſitum, vel Deprimens, eo-
quod deprimat: ad conſtitutum ſub terra: atque etiam ex forma,
quam præſerunt, dicuntur Caput; & Cauda Draconis, quia in
ijs partibus Dracones extenuatur: vbi verò maximam latitudinem,
hinc inde habent, dicuntur eſſe in Ventre, ad Draconis ſimilitudi-
nem, qui in ventre maxime dilatatur. Porro Nodi iſti permutant
locum in Zodiaco, perinde ac ipſi Planetæ, ſed gradiuntur contrâ
ſucceſſionem Signorum. Et trium quidem ſuperiorum Nodi valdè
moroſè, & quaſi inſenſibiliter mouentur; inferiorum verò non
item: ſed ad ſingulos ſerè dies in Venere, & Mercurio, minutum
vnum; & Nodi Lunares gradiuntur ad tria: vt patet ex Ephemer-
idibus, ac Tabulis ſecundorum Mobilium. Et hi, maximè Lunares,
in Genethliacis habent maximam ſignificationem, quoad conforma-
tionem corporis; quod plerumque contorquent aut deturpant, ſi in
ijs Luminaria cum Infortunijs fuerint reperta, præſertim in Angulis,
atque in Signis contortis, aut detruncatis, qualia ſunt Aries, Tau-
rus, Cancer, Scorpio, & Capricornus, vt habet Ptolemæus lib. 3.
cap. 17. Vide quæ dicta ſunt in Capite, & Cauda Draconis.

NODI etiam in Opere architectonico vocantur partitiones loco- 17
rum quæ ſunt in ſpecula, ſue ad lumina recipienda, ſue ad itiones;
ad ſimilitudinem nodorum qui ſunt circâ arundines, quæ ſunt velu-
ti parua ſacella, & eruptiones. Sic Baptiſta Albertus de re ædifica-

tor. lib. 8. cap. 5. *Erunt, rotunda facella hac numero tria; & ea nos, ab arundinibus ducta similitudine, appellabimus nodos. Nodorum igitur singulorum altitudo fiet quanta cuique sit latitudo, addita insuper latitudinis eius ipsius duodecima, quam partem esse nobis pro focco volumus, & infra Nodis columna cum ornamentis appingentur nihil plus octaua, nihil minus sexta: tum & nodo cuique atque itidem facello, aptis locis adaperiantur fenestra & scapi, cum ornamentis, qua illis debeantur. Horum etiam meminit Virruu. lib. 2. cap. 9. sed in alio sensu.*

NODI in Piscium Constellatione. Vide *Linum*.

18

NONA SPHAERA, communi Astronomorum, praesertim veterum usurpatione, intelligitur Caelum superius, seu Primum Mobile immediatè sub Empyreo constitutum, quodque suo insito, & concitatissimo motu à dextris ad sinistram, (aut si mauis, dicam,) ab Ortum ad Occasum, rapit sphaeras inferiores, in quibus Fixæ collectæ, & Planetæ, suis cuique proprijs Orbibus, collocantur. Etenim, quia olim, & etiam nūn nonnulli Recentiores Caelos solidos asseruere, & astruunt, viderentque Firmamentum, (in quo fixæ) & singulos Planetas, non ex asse Primum motorem sequi, sed vnumquemque, prout magis aut minus ab illo elongantur, suum peculiarem motum habere in aduersum, ab Occidente Orientem versus; consequenter singulis singulas sphaeras concedere compulsi sunt; atque adeo ab inferiore Luna enumerando, Primam huic, secundam Mercurio, &c. Octauam fixis attribuere; & postremam, quæ nona est, Primo Mobili, quod Anastron est, & non nisi per motum, ab alijs diuersum & concitatiorem, dignoscitur. Quinimò non desunt qui & Decimam, & Vndecimam addunt, (ut videre est apud Clauium,) & tunc hanc statuunt Primum Mobile, & Nonam vocant, librationis, vel trepidationis; eoquod obseruarunt in Firmamento, præter motum vniuersitatis, & suum proprium, alium motum irregularem à Septentrione in Austrum, & rursus ab Austro ad Septentrionem, atque etiam ab Occasu in Ortum super Polos Eclipticæ, vti & reliquis stellis erraticas; propterea hanc, seu has præfatas duas Sphaeras addidere, quibus competere eliusmodi differentes motus: quas dant moueri, vnā ab Ortum in Occasum, & ab Occasu in Ortum super Polos Zodiati, motu lentissimo, hoc est, min. 14. spatio 1716. annor. alteram, quæ moueatur à Septentrione in Austrum, sub Coluro Solstitorum, min. 24. in annis 3432. Quæ de re videri poterit *Blancanus in Sphæra Mundi*, lib. 18. cap. 7. fuscè, ac disertissimè differens.

6

19

Nos autem, qui cum multis doctissimis Recentioribus, (ut diximus

mus in V. *Motus*,) plures, distinctos, sibi que contrarios motus in Regione Aetherea, quæ vnus, eiusdemque substantiæ fluxibilis est, non damus, sed nec concipere possumus; quoniam repugnat, vnus, & idem Mobile duobus contrariis motibus ferri, quo modo esset talis motus trepidationis, vel librationis, & insuper simul & semel eiusdem Astri ab Oriente in Occidentem, & tursus ab Occidente in Occidentem; hanc Nonam Sphæram, & multo magis Decimam, & Vndecimam non admittimus, quæ prorsus fictitiæ sunt; sed nec Octauam, quam dicunt Stellatam, nec propriam cuiusque Planetæ; sed ad summum diuersas partes, nec eas quidem contiguas, sed prorsus continuas, totius Aetheris Regionis, in quibus stationes suas habeant Sidera, & successiue singulæ Erraticæ, prout magis ac magis à Primo Motore distant, & terræ approximantur: cum in vna Cæli fluxibilitate, vni-coque motu Aetheris Regionis ab Ortu in Occasum, sponte sua aggresso, omnes huiusmodi apparentiæ, motuumque varietates optime saluentur. Nihilominus ex recepta iam communiter omnium loquutione, dicimus, pro Nona Sphæra intelligi supremam Aetheris regionem, quæ sit Primum Mobile; pro Octaua, proximè succedentem, seu quod aliàs dicitur Firmamentum, in quo fixæ sunt Stellæ in Imagines adunatæ, quæ in seipsis nullum motum habent.

20
NORMA, vulgare instrumentum quod quotidie, imò singulis Momentis, Architecti & Materiarij in manibus habent ad exigendas directiones, & congruos situs materiei operi admouendæ, vt sit ad libellam, & perpendicularum: sed continuò in manibus fabricorum, habetur; difficilis constructionis est: &, vt aduertit Vitruu. lib. 9. cap. 2. *Quam magno labore fabri normam facientes, vix ad verum perducere possunt.* Hanc ipse, ex Pythagoræ præceptis, (qui eius inuentor fuisse traditur) sic restituit, & facillima obseruatione suo splendori reddidit, vt à vero, quiuis vel Geometriæ omninò rudis, aberrare non possit. Namque (subdit) si sumantur regula tres, & quibus vna sit pedes tres, altera pedes quatuor, tertia pedes quinque: hæc regula inter se composita, tangant alia aliam suis cacuminibus extremis, schemata habentes trigoni, deformabunt normam emendatam. Verbo, Triangulum rectangulum id omne exequitur, vt videre est in Vestibulo huius operis sub littera A. Cæterum Normæ sæpius fecimus mentionem in V. V. Canon, Gnomon, Libella, Regula, & alijs, quæ sunt fere Synonyma.

21
NOTAE in Musica, vulgò dicuntur characteres, temporum intervalla, & tonorum ordinem ac distinctiones per ascensum, ac descensum

sum signantes in subiectis lineis, sub certis clauibus artificialiter clausos, ac dispersitos. Earum inuentionem alij tribuunt Paulo Diacono, alij Guidoni Aretino: sed hic verè non nisi nomenclaturas notis musicalibus indidit, vti iam à græcis initiatum reperit, & syllabis connotauit. Vt. Re. Mi. Fa. Sol. La. desumptis ex initialibus verbis primæ strophæ Hymni, quæ ad honorem S. Ioannis Præcursoris composuit Paulus ipse Diaconus, in gratiarum actionem recuperatæ vocis, ipsius S. Præcursoris intercessione, vt testatur Durand. lib. 7. cap. 4. Quare postmodum eundem hymnum frequenter cantare solebat alternantibus tonis, quos memorizæ localis ergò, sex illis notis inclusit.

VT queant laxis

RE sonare fibris

MI ra gestorum

FA muli tuorum,

SOL ut polluti

LA bij reatum,

Sancte Ioannes?

Sed Notæ istæ, quamquam non sub his nominibus, iam antè in concentibus adhiberi solebant: vnde Notariatus officium, ac Notarij nomen deriuatur opinatur Dominicus Macrus in suo Hiero-Lexico, quòd Cantoris Officium in Ecclesia denotabat. Id quòd probat, tum ex actis SS. Martyrum Marciani, & Martyrij, quos Menæus Græcus Notarios appellat: (non quod Notariatus officium, quale nunc est, acta conficere, exercuissent, sed Lectoris, & Cantoris, quemadmodum in Martyrologio Rom. dicitur ex ijs, alterum fuisse Lectorem, alterum Cantorem:) tum autoritate Theodori Balsamonis, qui Notarium à notis musicalibus, siue Lectorem à Legendis notis appellat in Can. 62. Trull. de his duobus Sanctis mentionem faciens. *Qua fiebant, inquit, in Sanctorum Notariorum festo à Notarijs pueros docentibus, cum scenicis personis forum obeuntibus ante aliquot annos exoluerunt Sanctissimi illius Domini Luca Patriarchæ decreto.* Subdit postea de suo Macrus. *Sed Notarios pro Ludimagistris nonnunquam legisse memini: hinc asserere inducor, fuisse hos Cantores, siue Lectores vt supra visum est, qui pueros notas canendi docebant, & aliquas cantilenas cum scenicis personis forum obeuntibus canebant.* Quod etsi paulò extrà orbitam, tamen ob rei nouitatem, & nexum cum notis Musicalibus, adnotasse operæ pretium fuit: ad euitandam nempe equiuocationem, cum sepè in Ecclesiasticis Historijs, de Notarijs, & Officio Notariatus sit mentio. Nam cum de Ministris Ecclesiæ sermo est, de Lectoribus & Cantoribus non de Actuarijs, (quo-

(quorum munus nihil ad sacros ritus, & functiones) intelligitur.

Cæterum Notæ, aliàs omnis generis characteres, in quacumque professione & arte, ad denotandam quamcumque rem, sibi proprios, vniuersè significant. Et primò quidem acceptæ sunt pro initialibus verborum litteris, siue pro ipsis litterarum elementis: vnde Cicero in *Parad. Litteratura*, inquit, *constat ex litterarum notis*. Et Suetonius de Cæsare tradit, quod si qua occultius proferenda erant, per notas scripsit. Hoc est initialibus tantum litteris, vel quas nos Ciferas appellamus. Secundò pro certis signis, & aduersionibus, quibus Domini res suas stigmatizabant, vt equos, pecudes, libros, ad eas, inter alias alienorum, internoscendas. Tertiò in Arithmetica primæ decem figuræ numerales, Notæ arithmeticæ appellantur, ac præsertim in Algebra, quæ apponuntur numeris cossicis. Quartò demùm in Militia, ad dignoscendum cuius cohortis singuli milites forent, certo communi signo prænotabantur. Ad quod respexisse reor Vegetium, cum lib. 2. cap. 19. notatum peritiam requirit in eo, qui tyrones est probaturus. Similiter in totius Exercitus lustratione post initam pugnam, requirebatur in Albo, in quo singulorum nomina per ordinem erant descripta, quinam ex ijs in prælio cecidissent, quique superstites forent: Et his quidem *Tau*, seu T, Nota apponebatur, quæ salutaris, & vitæ indicium erat; Emortuis verò *Theta*, seu Θ , quæ Thanatos, idest Mors, initialibus litteris significabatur.

22



NOTIVS PISCIS, dictus etiam Austrinus, in Astronomicis audit Sidus in Cælo ad Australem plagam, magni cuiusdam piscis Oceano illi subiecto familiaris, figuram referens, qui in dorsum curuatus, & palanti ore, videtur anniti fluiuium Eridanum in se excipere, ac vorare. Complectitur ambitu suo stellas duodecim, (non computatis alijs sex, quæ circa sunt, Informibus) omnibus de natura Saturni, cum participatione Martis, præter eam, quæ in ore est, & communis Aquario, in vltima effusione aquæ, splendidissima, & pulcherrima, magnitudinis primæ, de natura Veneris, & Mercurij, dicta arabicè *Fomaband*. ac proinde toti Astro, aliàs infelici, præponderat, vt non inaniter de eo pronunciet Faber in *Panchym*. lib. 2. cap. 30. quod *infundit terris fertilitatem, quam maximam, ob humidum radicale pingue, quod per radios suos, & influxus terræ communicat: ex quo vini, & frumenti copia crescit, & fructuum aliorum omnium abundantia venit. Hominibus verò aduenire loquendi facilitatem, addiscendi artes omnes & scientias, promptitudinem, & habitudinem interpretandi facilitatem non negamus; & præterea venustatem, ingenij acumen,*

23



& subtilitatem; prudentiam, & sapientiam; studium, & amorem; itant quicquid aggredi tentant, facili negotio consequantur, cum omnia vincat amor, & studium, si his in rebus consequendis utamur. Hæc Faber, sed nimis amplè, & liberaliter. De cætero, quoad æris mutationes, totum sidus exorians facit tempus turbidum, & nebulosum, & cum Sole Fomahand, etiam pluuiosum. Oritur autem Romæ die 11. Aprilis cum grad. 22. Arietis, & occidit Februario cum grad. 19. Aquarij.

- 24 NOVENARIAE Planetarum sunt inanes quædam Arabum, & Aegyptiorum observationes super ingrossiunt Planetarum in partes aliquot Signorum, quæ per nouem distributa sunt, & singuli in suis Nouenarijs fortificantur, & acquirunt Dominium. *Ananbarach*, lingua sua, illas nominant. De his multa habet Alkabitijs, & eius Commentator Io: de Saxonia, quæ breuiter restringemus, nedum in Curiosorum gratiam, sed vt cuique innotescat earum inanitas. Itaque inspiciendum docent, quantum inambulauerit Planeta in gradibus, & minutis in Signo, vel Domino, cuius inquiritur Nouenaria: deinde diuidendum præcipiunt totum Signum in nouem partes, dando cuilibet parti gradus tres, & minuta 20. & per hoc videndum, in quamnam partem ex istis ceciderit gradus Planetæ, vel domus, cuius ediscere voles Nouenariam. Quo præstito, volunt dari primam diuisionis partem Domino Signi mobilis eiusdem triplicitatis; & secundam partem Domino sequentis Signi; & sic per ordinem procedendo, quoadusque perueniatur ad illam partem, in qua est Planeta, cuius quæritur Dominium Nouenariæ. Sic ponamus ex. gr. quod Sol sit in grad. 24. Aquarij: ad auspicandum, quisnam sit Dominus Nouenariæ Solis, dandi sunt tres primi gradus, & 20. minuta Aquarij, Domino Signi mobilis triplicitatis eiusdem, quod est Libra, & Dominator eius Venus, (est enim Libra, Aquarius, Gemini, Triplicitas ærea) Igitur Venus erit Domina illius primæ Nouenariæ: inde Mars erit secundæ, qui dominatur Scorpionis proximè succedenti Libræ: & sic de singulis, quousque perueniatur ad gradum Solis, qui incidit in Nouenariam Veneris domine Tauri signi fixi; proindeque ipsa erit Domina Nouenariæ Solis. Quando igitur in libris Arabum sermo sit de Domino Ananbarach Luminarium, non aliud intellige, quam quod de die inquiritur Dominus Nouenariæ Solis, hoc est, loci in quo tunc temporis reperitur præsentialiter Sol; & de nocte, dominus Nouenariæ Lunæ, quam actu permeat ipsa Luna.

NOVILVNIVM dicitur tempus renouationis Lunæ, quo videlicet Luna reperitur in coniunctione cum Sole, ac proinde, vetere, quodammodo pereunte, noua succedit: quod, si artificiose auspiciari volueris, id faciliè poteris per Epactam currentem. Nam si ei adieceris numerum Kalendarum, ac dierum, qui à Martio præcedenti effluxerunt vsque ad presentem diem; atque è summa, si eos excedat, detraxeris 30. (quæ est vna integra Lunatio) relinquetur numerus ætatis Lunæ, quo exacto celebrabitur Luminarium Synodus. Si verò per otium, ipsam diei momentum venari volueris, in quo Luna adamussim sub Sole ponitur, id cum fullonibus obseruare poteris in lixiuio, in quo subsidentes cæteroqui cineres, vbi Luminaria coeunt, mox sponte sua turbantur, & exiliunt.

NV

NVCLEVS in pauimentis, ex quadam similitudine ad iuglandis nucleum; appellatur ab Architectis Crusta solidior inducta inter rudum consistens, & superius Corium. Sic Vitruuius, vbi de ruderatione agit, lib. 7. cap. 1. postquam de hac ritè sternenda multa accuratè dixerat, subiungit: *Insuper ex testa nucleus inducatur, mixtionem habens ad tres partes vnâ calcis: uti nec minore sit crassitudine pauimentum, digitorum senum. Suprà nucleum ad regulam, & libellam exacta pauimenta struantur, siue scætilibus, siue tessellis.* Namque ita conuenit, vt corium illud, suprà quod vltima crusta ex scætili lapide, statuenda est, è dura, & maxime resistenti materia fiat; ne aliàs ponderi cedens, rimis & discontinuationibus scætilium impositorum dent locum: quod ideo à Nostreis non ab re, *Anima Pauimenti* vocatur. Consonat Plinius de Pauimentis subdialibus verba faciens, lib. 36. cap. 25. *Necessarium, inquit, binas per diuersum coassationes substerni; capita earum præfigi, ne torqueantur; & ruderi nouo tertiam partem testatusa addi. Deinde rudus, in quo due quinta calcis misceantur, prædali crassitudine fistuari. Tunc nucleo crasso sex digitos, induci, & ex tessellâ grandi non minùs alta duos digitos strui. Sed tantam diligentiam impendi opus non est, quando pauimenta sub tectis constituuntur; quippequæ tunc non gelu, non pruinis, non imbrium continuis vexationibus subiecta sunt, cum & ab ijs alijsque iniurijs obuientibus, sat reparat ipsum tectum; adeoque in eo casu benè pauimentum stabit, si super asseres, & rudus benè complanatum, imponatur simplex crustula, siue ex minuta glarea, calce admixta, siue ex laterculis apertè dispositis, & sibi cohærentibus, vt aduertit Philander, & præficari à Nostreis passim videmus.*

- 27 NVMERVS communiter definiri solet, esse *Vnitatum collectionem*, seu ex *Vnitatibus compositam multitudinem*: itaut Vnitas ipsa numerus dici non possit, sed initium numeri. A Nummo nomen accepit, quoniam ab eius sapientia facta per subtractionem, additionem, atque subtractionem, numerandi usus, & vocabulum inoleuit. Apud Græcos *Rhythmus* appellatur; voce, quæ sonat proportionem, & harmoniam: namque omnis proportio, rerum consensus, atque dissensus, ordo, & habitudo vnius ad aliam, in numerorum collatione fundatur. Quò factum est, vt Pythagoræ, atque Orientis Philosophi, Arabes, Chaldæi, Iudæi, cum aduertissent in numeris insitam, nescio quàm virtutem, & prodigiosos quosdam effectus ex eorum artificiosa dispositione consurgere, atque ex collectione plurium in vnum, quaquaversum facta, subductione, distributione, toto cælo diuersos ab eadem causa prodire; nimia facilitate, & animis ad superstitionem pronis, arbitrati sunt, Diuinum quid in ijs latere, atque eorum combinationes diuersas, ad mundi Genios attrahendos, ad occulta cordium penetranda, Naturæque arcana internoscenda, multum valere; sicque quod ex se purum, sincerum, inuariabile, suas rationes apodicticas in Algebra, & Geometria fundatas haberet, ad impias deductiones traherent, ac numeris, & characteribus naturalem efficientiam attribuere ausi sunt. Quæ de re fuse disputauimus in *V. Kabala*. Cæterum non negauerim planè diuinam esse numerorum Scientiam, quæ *Arithmetica* communiter nuncupatur, estque proculdubio prima inter Mathematicas facultates, sine qua, nec istæ comparari possent, nec Mundus subsistere; quando ipse *Mundanae molis conditor Deus* (vt habet Vener. Bedæ) hanc primum suæ habuit rationis exemplar, & hac cuncta constituit, hoc est, per numeros omnia elementa constituit, & ordinauit. Et alibi, *Tolle*, inquit, *numerus in rebus, & omnia pereunt*. Igitur Numeralis Scientia, præ omnibus, Reip. necessaria est, & à Deo ipso humano generi, Angelorum ministerio communicata, eamque Abrahamum & Moysen, primos numerorum inductores edoctos, vt ex Sacris Paginis colligi potest: Tum ex hebraico fonte hausit Pythagoras atque ad Græcos traduxit, at tandem Apuleius, & alij ad Latinos, aliarumque Nationum usum propagarunt.

- 28 Sed & Mysterijs non vacare numeros, docuit in primis D. Augustinus multis in locis, præsertim de lib. arith. lib. 2. Contra Pelagium, & alibi sæpè. Eorumque miram proportionem, processum, vim, proprietates, & alia, luculenter explicat Marsilius Ficinus in expositione numeri nuptialis, in 8. Platonis de Rep. vbi discutit de numeris paribus, & imparibus, planis, ac solidis, quadratis, &

cubis, æquilateris, & inæquilateris, pronicis, hoc est radicalibus, & consequentibus, in quibus miram contemplatur consonantiam, processum atque fecunditatem; De quibus nos, cum sparsim in opere egerimus, hic sistendum putamus. Vide præsertim quæ diximus in V. Algebra, & quæ dicemus in V. Proportionalitas, & in V. Rabdologia.

NVX in Ballista, Vide Manuela.

NY

NYPHAEAE olim erant publica ædificia celebrandis nuptijs 29
destinata, pro ijs præsertim, qui in proprijs ædibus locum commodum atque capacem de conuiuialia, choreasque ducendas non haberent. Etenim in celebritatibus, & communis hilaritatis diebus, quales potissimum sunt qui nuptijs celebrandis iu-
pendebantur, Veteres id tempus in commensationibus, choreis, saltationibus, cantionibus, alijsque eiusmodi remissionibus animi, insumebant, quapropter locus amplus & capax, atque ad hæc omnia peragenda, suis recessibus, & æquis partitionibus interstinctus requirebatur, ut explicat Zonaras in Leone; & Socrates lib. 4. cap. 8. qui refert in oraculo quodam chœrearum nomine fuisse designata. Ad quam rem extat lex in Cod. Theodosiano, & Valentiniano, 1. 5. ad commodum Urbis Constantinopolitanæ, data Cyro Præfecto Prætorij, & Cod. de Aqueduct. ubi inter alia dicitur. *Maluimus prædictum Aqueductum nostri Palatij, publicarum Thermarum, ac Nymphaeorum commoditatibus inservire.* Quin etiam tanta erat antiquitus summorum Principum, & Cæsarum in hoc negotio cura, & munificentia, ut in vna Roma, vndecim Nymphaeae publicae enumeret Publius Victor, à diuersis Imperatoribus magnificentissime ædificata: ac de Gordiano tradit Iulius Capitolinus, ijs inædificasse etiam Balneas: Et Augustum memorat Dio addidisse Triclinia, Porticus, & Xysta amplissima ad omnem animi exhilarationem. Cæterum, qua ratione loca ista Nymphaeae dicta sint, manet obscurum. Certè à Nymphis denominata sunt: & scimus Nymphas olim aquarum præfides extitisse, in quibus balneæ computantur in his ædibus constitutæ, quæ potissimum lauandis mulieribus erant deputatae: ex quo Nymphaeae, propriè & generaliter audiunt aquarum receptacula, manu & arte extructa ad publicum usum: quæ postea ad fontes, quos ante Deorum Fana Ethnici constituebant, ut qui ingressuri erant Deos suos oratum, ibi maculas omnes tam corporis, quam animæ depone-
rent, sunt coarctata. Vnde est illud D. Ambrosij in actis S. Sebastiani Martyris cap. 18. quod ad Christianorum inuidiam, circa

Vuu 2

Nym-

Nymphæa erant positi compulsores, qui neque emendi copiam darent, aut hauriendi aquam ipsam, facultatem tribuerent, nisi qui idolis delibassent. Sed pace Ecclesiæ reddita, mos iste laudabiliter apud fideles mansit, ut in sacrarum ædium, ac Templorum aditu, vasa huiusmodi, quæ *Nymphæa* quoque dicerentur, exposita videantur, è quibus lustrali aqua ingressuri aspergerentur ad leues culpas eluendas, deuotionemque excitandam: ut præ cæteris notat Anastasius Bibliothecar. in Vitis Pont. atque in specie de Hilario Papa refert, quod fecit *Nymphæum*, & *Triporticum* antè *Oratorium Sanctæ Crucis*. Sed &

3 I *NYMPHAEVM* in Geographicis audit celebre Promontorium, ubi est Portus ad nauium in procellis confugium, extans in Macedonia, non longè à *Lyssæ* oppido, de quo Cæsar lib. 3. de bello Gallico. Nostri nacti portum, qui appellatur *Nymphæum* ultra *Lyssum* milia passuum III. eò naues reducerunt, quam nauigationem fusè describens Lucanus in *Pharsal*. cecinit

*Prætereunt frustra tentati, littora Lyssi,
Nymphæumque tenent.*

Est præterea Ptolemæo *Nymphæum*, Oppidum *Tauricæ Chersonesi*, propè *Theodosiam*: & *Nymphæa Insula* in nostro Mediterraneo, media inter *Sardiniam*, & *Iliam*,

quam tamen Ptolemæus *Sardinie Portum* dicit. Qua de re vide *Ortelli* in *Thesauro*

Geographico.



OB



BEDIEMENTIA Signa apud Astronomos sunt, quæ par-
rem cum *Imperantibus* habent declinationem, hoc-
est, eandem numero, sed nou regione, cum illa ad
Boream vergant, ista ad Austrum: Cæterum eius-
dem prorsus proprietatis, & efficaciz sunt, & com-
muniter vocantur *Contrantiscia*, seu *Antiscia Secunda*-
ria. Vide quæ diximus in *Imperantibus*.

OBELISCVS, nescio an dicam magis, veteris Architecturæ mira-
culum, quam Aegyptiorum Regum potentiz, ac munificentiz præ-
clarum, & perpetuò duraturum contrà temporum iniurias, monu-
mentum: quippe non tam magno labore, ac sumptu, ex intimis
terre visceribus erutus, & ad hanc formam redactus, quàm subtili
ingenij acumine excogitatus, ac sublimè erectus, nedum Archite-
cturæ sed & sublimiorum Mathematicarum disciplinarum opera su-
perauit, & vires exhaustit. Is cum primùm conceptus est, non ad
commodum, atque inhabitandum (vt cætera Architecturæ opera
ordinantur) sed ad pompam & ostensionem, erectus fuit, ac Soli il-
lius gentis Numini dedicatum, vt Religio ambitionem suò vela-
mine tegeret, & quodammodò honestaret. Si nominis etymon quæ-
ras, ridebis profectò ad ineptum responsum. Ab obelo profectum,
quod latine sonat veru, quasi paruum, ac diminutum Veru: At nie-
castor, neque paruum, neque teres, neque exile veru est, sed im-
mensus, & asperimus lapis, in formam metæ assurgens, & quadri-
laterus, latus quidem in basi, sed sensim extenuatus ad verticem,
vbi tandem in acutiem, & angulum terminat; Græcè Pyramis: ex
quo secernitur à Columna, & Cylindro, quæ etsi ex vno continuo
lapide fiant, sunt tamen rotunda, & æquali scapi amplitudine pro-
cedentia. Eius Institutorem, formam, longitudinem, impensaque
in

in eo collatas, luculenter habes ex Plinio lib. 36. cap. 8. Trabes, inquit, secere Reges quidam Arabum Obeliscis vocantes. Solis nimirum sacros; radiorum eius argumentum in effigie est, & ita significat, ut nomine Aegyptio. Primus omnium id instituit Mitres, qui in Solis urbe regnabat, somnia iussus, & hoc ipsum inscriptum est in eo, etenim sculptura illa, effigiesque quas videmus, Aegyptia sunt littera. Atque haec sunt Obeliscorum initia, quae si celsitatem, si continuitatem, vilius lapidis durissimi, ut plurimum Syenitis, aut Porphyritis, consideres, mira sunt, sed magis miraberis ad operas, impensasque collatas ad illos secandos, & cunctis motuum erigendos, asportandos, in sublime erigendos. Sanè in primo opere, viginti millia hominum adhibuisse Regem Mitram, perhibet idem Plin. cap. 9. quem, ait, cum subrecturus esset, verereturque, ne machinae ponderi non sufficerent; quò maius periculum cura artificum denunciaret, filium suum alligavit cacumini, ut salus eius apud molientes prodesset lapidi. Additque, Cambysen Persarum Regem, cum postea urbem cepisset, ac iu Tifset incendi, ventumque esset ad crepidines oblisi, admiratione operis petcussus, mox mandasse extingui ignem molis reverentia, qui Urbis nullam habuerat. Sed & Sesostris postmodum (si Diodoro Siculo fides) emulatione actus, iuxta, duos alios posuit, utrumque altum cubitis centumviginti, in quibus Imperij thesauros inscripsit, inscripsitque multitudinem vectigalium, & quas subegerat, suaeque amplissimae ditioni addidit, exterarum nationes. Demum Regina Semiramis, ex Armeniorum altissimis montibus lapidem excidi fecit longum centum quinquaginta pedes, latum verò in imo viginti quatuor. Hunc (verba sunt Diodori lib. 2. cap. 4.) magna currunt multitudine ad flumen delatum, nautique impositum Babyloniam detulit, inque via nobilissima crexit. Sed omnem fidem exsuperat, quod ait Plinius lib. 37. cap. 5. attestans id à Theophrasto accepisse, qui eius rei memoriam reperit in Commentar. Aegyptiorum, nimirum, Regem Babylonis Regi eorum mississe smaragdum munere, quatuor cubitorum longitudine, & trium latitudine, & fuisse apud eos in Iouis delubro Obeliscum è quatuor smaragdis, quadraginta cubitorum longitudine, latitudine verò in parte quatuor, in parte duorum. Quamquam Dalechampius in annotationibus tradit (& est verosimilius) Indos è frustis lagenarum vitrearum & iaspide viridi, conficere smaragdos facitios, eximij coloris, & insignis magnitudinis, quos pro veris diuendunt: & porro tam similes in pondere, duritie, colore, ac splendore sunt, ut gemmarijs ipsis imponant, cuiusmodi forte est paramplus ex vno smaragdo discus Genuae asseruatus. Ut ut sit, Regum conatus sunt, & saeculorum labores, qui etiam saeculorum

iniu-

Iniuria perire. At non sanè periit Obeliscorum Aegyptiorum stabilitas, & perennitas; qui proinde Romam inde, post subactam Aegyptum, velut in triumpho æternam memoriam asportati, atque in Circo Maximo, alijsque insignibus areis collocati, diu urbem exornarunt, admirationique omnium prostiter: donec & ipsi, iniuriarum temporum collapsi, nihilominus in sua integritate manentes, à Sixto V. magnorum spirituum Pontifice, è ruderibus eruti, ex ijs tres integiores, & mirabiliores, non minore munificentia, & artis architectonicæ laude, superbius erecti sunt; atque vnus ante Basilicam Vaticanam, alter ad latus Lateranensis, ac tertius in Foro Flaminio, ante Portam, quam dicunt de Populo, collocati sunt, qui etiam nūm nobile spectaculum, ac simul religionis excitamentum nostris oculis, atque animis præbent, iam non Soli, sed Sanctæ Crucis dicati, imposito desuper ipsius sacri Ligni frustulo, & aurata ex ære nostræ salutis imagine.

4
21. **OBLIQUA SIGNA** apud Astronomos nuncupantur, quæ tardius & oblique emergunt ex Horizonte: hoc est, quibuscum minor portio Aequatoris coascendit, vnde consequens est, vt respectu illius, maior, & obliquior sit arcus: quod ex Euclide perspicuum est: Nam quò magis aliqua linea curua ad rectitudinem accedit, eò breuior est, & minores partes complectitur. Ex quo fit, vt linea recta simplicitet, antonomasticè nominetur Breuissima, vt in loco diximus. Quæ ergo signa maiorem arcum efformant, comparata ad Aequatorem, Oblique dicuntur ascendere, & absolute Obliqua appellantur: quæ verò minorem arcum coascendendo cum Aequatore faciunt, dicuntur ascendere rectè. Hinc in Sphæra recta quatuor tantum Signa, quæ circa tropicos sunt, dicuntur ascendere, ac descendere rectè, nempe Gemini, & Cancer, Sagittarius, & Capricornus, reliqua verò oblique, quia cum illis singillatim sumptis, ascendunt toti 32. gradus Aequatoris cum min. 12. cum alijs autem ascendunt aut grad. 28. aut minus triginta. At verò in Sphæra obliqua vnus semicirculus, qui protenditur à tropico ad tropicum, ascendit rectè, ac descendit oblique, alter contra ascendit oblique, & descendit rectè, iuxta positum ipsius Sphære, & eleuationis vel depressionis Aequatoris ad Horizontem. Quod ideo in Regionibus Borealibus Obliqua Signa dicuntur ab initio Capricorni vsque ad vltimos terminos Geminorum; quia in singulis maior portio Eclipticæ ascendit cum Aequatore. Rectè vero ascendunt Cancer &c. vsque ad initium Capricorni, ex eadem ratione, iuxta illud Manilij Tristichon.

Rectâ meant, Obliquè cadunt, à Sidere Cancrî, donec finiatur Chiron: Sed cætera signa nascuntur prono, descendunt tramite recto.

Contrâ accidit in Australibus regionibus, vbi præfatus primus Semicirculus Signorum (idem dic de Imaginibus octauæ Sphæræ, quæ sub iisdem signis per latum sunt) ascendit rectè, ac descendit obliquè: Secundus autem incipiens à Capricorno, ac desinens ad finem Geminorum, ascendit obliquè, ac descendit rectè, prout in Globo Sidereo, & in Sphæra armillari videre est. At verò

5 **OBLIQVATIO Planeta**, seu cum Planeta denominatur Obliquus, est cum reperitur in loco, vbi attenuantur eius vires, & quodammodo infirmatur; vt obseruat Abraham Auenarre in suo *Directorio*. Id quod intelligitur non in dignitatibus essentialibus, Domicilio, Exaltatione, Trigono &c. quæ computantur in signis, & partibus Zodiaci; sed accidentalibus illi obuenientibus in situ cosmico respectu ad Cardines: cum videlicet repertus fuerit in domibus cadentibus ab Angulis, nempe Nona, Tertia, Sexta, & Duodecima. Et hoc quidem in Fortunis maxima deterioratio est: quoad influxus ad hæc sablunaria transmittendos, eoquod inde suos radios obliquè, & consequenter remissè transmittunt. In maleficis autem benè est quoad nos, quia ibi minus noxiæ sunt. Et hinc fortè emanauit Regula illa, quod hic, & hic Planeta gaudet in hac vel illa domo, vti Sol in Decima, Iupiter in XL. Venus in V. Sicut econtrâ dicimus Martem gaudere in VI. Saturnum in XII. quia sunt in Cadentibus, & locis sibi oppositis, vbi eorum malefica virtus obtunditur, vnde quoad nos benè locantur.

6 **OBSCVRÆ STELLÆ** dicuntur quæ subobsкуро, nigricantes, seu nimis obtuso lumine præditæ sunt; vti diximus de Nebulosis, sed istæ longè sunt clariorés, & micant colore subalbido, & pallenti, illæ verò plumbeo, & liuenti. Tales sunt quatuor in Sectione Equi, quæ totam Asterismum efformant: totidemque conspiciuntur medix inter priores pedes Vrsæ Maioris, & Geminorum, informes: Item quæ antecedit Caput Medusæ, magis ad Boream. Hæ nimirum obscurum, & tenebrosum lumen emittunt, & aspectus illarum horrore potius est, quàm (vti cæterorum siderum) iucunditati, & cordis exhilarationi: vnde nil mirum, si consimiles effectus in hisce inferioribus, & cum Planetis congregientes parturiant. Etenim cum Astra agant per lumen, qualis fuerit huius qualitas, & effusio, talis etiam prodeat effectus, necesse est. Vide quæ diximus de Nebulosis.

OB-

OBSESSIO, siue *Obsidio*, Militare vocabulum, quò significatur
 vrbis alicuius, Arcis, vel etiam Regionis violenta aggressio, circum-
 fessio, conclusio, & armis circumuallatio, ad eam sibi asserendam,
 adigendumque propugnatores & ciues, aut fame & angustijs pressos,
 ad illam sponte cedendam; aut præualentiâ expugnatam victoris ar-
 bitrio relinquendam. Ad quem finem tendit omnis bellicus labor;
 omne militaris Architecturæ studium, omnia Machinamenta, om-
 nis conatus, omnis denique ambitionis furor, & cæstrum, nimium
 mortalium pectora occupantis; nempe dilatare dominia; aliena, sua
 facere; nunquam acquisitis exsatiari: verbo, de puncto contendere,
 & in puncto bellare. Namque *Punctum est illud* (exclamat in-
 dignabundus morum regulator Seneca) *quod inter tot gentes, ferro,*
& igni diuiditur: O quam ridiculi sunt Mortalium termini! Et iterum:
Punctum est istud, inquit, in quo nauigatis, in quo bellatis, in quo re-
gna disponitis. Obsidio igitur ad occupanda aliena iura, inuadenda
 dominia, vel propria vindicanda, cum ius fasque contemnitur, or-
 dinata est. Quæ duplici modo iniebatur antiquitis, (vt obseruat
 Lipsius, lib. 1. Poliorcet.) aut per Coronam, quâ, quietis omnibus,
 armisque silentibus, locus duplici equitum corona coarctabatur:
 vt Vespasianus Cæsar obsessit Ioparam, teste Iosepho lib. 3. de
 bello Iudaico; cuius obsessionis specimen is expressit: aut per cir-
 cumuallationem, ducto circum vallo, & operibus, quò vi & armis
 expugnaretur. Duas quoque obsidionis species affert Vegetius lib.
 2. cap. 7. *Vnam, ait, cum aduersarius opportunis locis prasidijs ordina-*
tis, continuis insultibus impugnat obsessos; alteram cum aqua prohibet
inclusos, vel deditionem sperat à fame, quod omnes prohibuerit com-
meatus. Quæ per Coronam, aut conclusionem fiebat, nunc ferè in-
 desuetudinem abiijt, quoniam expertum est, (ni obsessio imparatos
 inueniat, & victualibus destitutos) plus incommodi asferre obsi-
 dentibus, quam obsessis. Circumuallatio vsitatio, quæ longè no-
 stra ætate euasit instructior, & operosior, excitatis, ad militaris Ar-
 chitecturæ normam, circa locum, aggeribus vulgò Trinceis, propu-
 gnaculis, reductibus, suggestis ad locanda tormenta, proba dispo-
 sitione munitis. Solent etiam, (cum locus expugnandus est fortis,
 & accessus manifestus prohibitus à tormentorum continuis explo-
 sionibus,) addi suffossiones, quas minas, & cuniculos nuncupant,
 ac supraterraneæ itiones, obliquæ tamen, & quâ hostem respec-
 tiant, tectæ; quibus oppugnatores tuto accedunt ad opus, & muris
 occulte appropinquant, propugnatorumque ictus eludunt, per ag-
 geres tumultuarios ex aggestitia terra ex itionibus excauata, & ad-
 uersus hostes obiecta, quos cæcos ductus, *Approccios* nominant, de
 qui.

quibus nos fufe diximus, & figuram exposuimus in V. *Accessus obsidionales*. Vbi verò situs arduus est, locus inexpugnabilis, neque iterati assultus, stratagemmata, insidiæ, opera, denique omnis conatus militis, mala & pericula omnia sublinentis, nequicquam valent & vana esse comperiuntur; tunc præstat aliam obsidionis rationem inire: lentam eam quidem, sed minimè cassam, ac tutam: videlicet per viarum, & vicinorum circa locorum conclusionem, ne quouis modo vnquam possit ad obsessos commeatus transire, & inde tandem fame domari. Id quod secundo loco proponit, & commendat Vegetius in solerte Imperatore. *Hoc enim consilio*, subdit, *ipse otiosus ac tutus, satigat inimicum*. Hanc obsidendi viam, quæ frequenter hodie teritur, Nostrates vocant *Bloccationem*. Cæterum inuictus Imperatoris animus labore infractus, ac patientia & perseuerantia obduratus, is est qui muros expugnat, hostile robur frangit, atque ad deditionem compellit, melius quàm quæuis quantumvis arcta loci circumuallatio, & bellicus apparatus: quandoquidem, vt prudenter monuit Appius Claudius apud Liuium lib. 5. constantia in omni quidem genere militiæ necessaria est; maximè tamen in obsidendis urbibus. Circà Obsidium, siue ritè auspiciandum, siue fortiter sustinendum, circumferuntur nonnulla salutaria, & oppidò opportuna præcepta, quæ scripto reliquit Leo V. cognomento Philosophus, fortissimè æquè, ac piissimè Orientis Imperator, ac filium suum Constantinum docuit ad bellum feliciter ineundum. Quorum illud generale, & potissimum est. *Obsidio fortem requirit animum, celeritatemque mentis, ac peritiam militarem, & machinationum multarum copiam preparatam; firmitatem in obsidenda Cinitate, Castello, aut munitione, & multa cum cautione, ac diligentia*. Præstat etiam ad hanc rem, euoluere Centurias milicæ Matthei Oddi Vrbinatis, qui Obsidionis tum obeundæ, tum sustinendæ rationem, per quosdam Aphorismos, è meliores notæ Scripto-ribus excerptos, breuiter ac dilucidè tradit, & in summam collegit.

IO OBSESSIO quoque datur in Cælestibus per quandam analogiam, erga Planetam; & est cum illi accidit obsideri, & hincinde stringi intrâ suum orbem lucis, à duobus alijs vel etiam pluribus, præsertim si sint contrariæ naturæ, qui illum medium claudunt, & eius vires sua præualentiâ opprimunt, vt non possit illas exferere, neque ab amicis eiusdemque naturæ consortibus, supplicias vllas accipere, atque eorum benignis radijs subleuari. Hæc profectò passio magna est; quæ si à Maleficis iniatur erga Vitæ Moderatorem, aut Planetam beneficum, pessima est; quippe pessimis eorum qualitibus in-

bui-

tinetur, & e Pontua euadit Infortuna: si à Beneficis optima: si de-
mun Malefica id contigerit, à quibuscumque illi obueniat, cederit
bonum: namque retunditur, vel opprimitur eius malignitas, vt
non valeat liberè suos effectus, noxiosque influxus emittere: non ta-
men sine obsidentium beneficarum iactura: quin in congressu, &
conflictu contrariarum qualitatum, necesse est, vt & ipsæ aliquatenus
infirmetur, quamquam superiores viribus: quia Omne agens agen-
do repatur.

OCCIDENS apud Astronomos, & Geographos propriè dicitur I I
ea Horizontis pars, ad quam vergit Aequator, aut Stella in Aequa-
tore consistens, cum se in inferius hemisphærum cadens, occultat,
vndeque etiam spirat Fauonius ventus, à Nostis dictus Ponente. Im-
propriè verò appellat, & complectitur totum illum Horizontis ar-
cum, qui stellarum amplitudinem omnem occidentam definit. Quem-
admodum Orientis nomine, intelligitur arcus directè illi oppositus
in altera Horizonis parte, citrà Meridianum, vnde sidera oriuntur.
Propriè autem punctum illud, vnde Aequator emergit, & spirat Sub-
solanus. Apud Geographos verò, quoniam Oriens, & Occidens
variantur secundum varietatem Meridianorum, & Horizontum, I I
quæ singulis regionibus sunt varia, ac diuersimode super eos Polus
attollitur, idè ad computandas locorum longitudes, fixerunt pri-
mum Meridianum, & initium Occidentis, per quod transeat, ad cer-
tum locum situm propè Insulas Canarias, quoniam illum aestima-
uit Ptolemeus, vltimum terminum Tetæ habitabilis. De qua re
fusè dictum in V. Longitudo Geographica.

OCCIDENTALES DOMVS in Cælesti Figura nuncupatur tres; I 2
quæ integrant quadrantem complent, interceptum inter Culmen, &
Occasum, necnon quæ ijs oppositæ sunt, ab Imo ad Horoscopum:
sicut econtrà Orientales dicuntur, quæ sunt ab Ortum ad Medium Cæ-
li, & ab Occasu ad Imum. Et hæc quidem Masculinæ sunt, quia
abundant in quantitativis actiuis; illæ Femininæ, quia abundant
in qualitativis passivis. Etenim eadem ratio est de istis, ac de
quadrantibus Zodiaci, qui respondent quatuor temporibus anni:
itaque primus Quadrans ab Horoscopo ad Culmen, habeat quandam
proportionem & analogiam ad Ver, & tribus signis, Arieti, Tauro,
& Geminiis respondeat: Secundus à Culmine ad Occasum, respon-
deat Aestati; & signis, Cancro, Leoni, & Virgini: Tertijs ab Occa-
su ad Imum, respectum habet ad Autumnum, & assimilatur Libræ,
Scorpionis, & Sagittario: Quartus denum ab Imo ad Ortum, re-
ATDO
X x x 2
pre-

præsentat hyemem, & æquiparatur Capricorno, A quario, & Piscibus, in quibus reperti Planetæ iisdem qualitatibus imbuuntur.

- 13** OCCIDENTALIS quoque dicitur Planera ab accidente, cum videlicet Vespere post Solis occasum supra terram conspicitur, unde & Vespertinus etiam denominatur. Orientalis verò, cum mane Solem præcedit, & ante ipsum supra horizonte videtur. Porro Orientalitas in Superioribus, & occidentalitas in Inferioribus, nempe Venere, Mercurio, & Luna, est fortitudo & accessio virium; eoquod isti Occidentales à Sole recedunt, & consequenter augentur lumine saltem quoad nos. Econtrà Orientales vadunt ad Solem, & semper magis ac magis ab illius radijs circumfusi, proprio lumine, & viribus minuantur; quod contrà accidit in Superioribus. Atqui intensio, vel diminutio luminis in Planetis, magna est suarum virium fortitudo, aut debilitas, ut alibi adnotauimus: quandoquidem Astra non nisi per intensiorem, & extensionem suorum luminum, agunt in isthæc inferiora.

- 14** OCCVRSANTES, magis proprio, & expressiuo nomine, appellari solent ab aliquibus purioris Astronomiæ Professoribus, qui à Ptolemæo, & communi vsu loquendi, *Promissores* vocitantur: Planetæ, inquam, eorumque radij, Fixæ, quin & noua Phænomena, quæ in Cælo apparent, quæ raptu Primi Mobilis feruntur ad loca Moderatorum inibi immobiliter consistentium, atque ad eò illis passuè se habentibus occurrant, & afficiunt qualitatibus suis actiuis. Benè quidem verum est, quòd & ipsa, Moderatorum vicem subire poterunt, si cōsiderentur in suo Circulo Positionis, & expectare aduentu Luminarium, atque aliorum siderum, eodem ipso motu Primi Mobilis, se ferentium ad loca ipsorum Promissorum. Quare duplex motus directionis agnoscitur à Ptolemæo in Significatoribus, *Alimobolius*, qui & directus, primo loco explicatus; & *Horineus*, qui & Conuersus, is inquam, quo contrà successiōem signorum, Moderatores feruntur ad sidera occurrantia. Verum de hac re fufe in V. *Directio*.

- 15** OCTAEDRVM est Figura Geometrica, quam definit Euclides lib. 11. esse corpus solidum constans, & circumscriptum octo triangulis æqualibus, & æquilateris: estque vnum de quinque Corporibus regularibus. Cuius figuram, & affectiones dedimus in V. *Corpora Regularia*.

OCTASTYLOS in Architectura dicitur Aedificium, quod in fronte vnum habet ordinem columnarum, ab earum numero, & intercolumnijs appellatum: vti & **Tetrastylus**, vbi quatuor columnæ; **Exastylus** vbi sex constituuntur, & sic de reliquis. De his Vitruu. lib. 3. cap. 2. hæc præcepta tradit. *Frons loci, qua in ade constituta fuerit, si Tetrastylus facienda fuerit, diuidatur in partes undecim semis, præter crepidines, & proiecturas spirarum. Si sex erit columnarum, in partes decem & octo. Si Octastylus constituetur, diuidatur in viginti quatuor, & semissem, & infra. Ita ex ea diuisione intercolumnia, altitudinesque columnarum habebunt instam rationem.* Postea subdit. *Huius exemplar Roma nullum habemus, sed in Asia Te-Octastylon Liberi Patris.* In quo videtur (oculatissimus cateroqui homo) aut non aduertisse aut prudens dissimulasse Romanum celeberrimum, ac nominatissimum Pantheon, quod habet Pronaum Octastylon. Sed id arte præterijisse censendus est, quod eo, sua præcepta confirmari posse non viderit, atque adeò silentio, vel Architecti errorem obtere- gere, vel suam cautionem Romano exemplo destitutam, relinquere fatius erat. Id quod aduertit Philander, & Architectoris vitio tribuere mauult, quam sui Auctoris indiligentiz. Ait enim, postquam Vitruuij mentem exposuit. *In qua re, errasse videtur Octastyli Pronai Panthei, id est, Porticus M. Agrippa, præstantissimus alioquin Archite- ctus, aut potius instaurator (sed nulla Pronai instauratio, & columna- rum additio, vt apud omnes in confesso est post Vitruuium,) qui intercolumnium medianum nihilo penè cateris fecerit patentius: dissimu- lando tamen errore: fas enim fuit, opere in tanto, obrepere somnum.* Sed nullus planè somnus obrepit, nulla sapientissimi, ac prouidi Archi- tectonis oscitantia. Siquidem in tanta intercolumniorum, & operis vastitate, nulla admittenda erat, nulla poterat in mediano ad- mitti, absque errore ac periculo, maior laxitas: sat prouisum per magnificentiam molis ad Eurythmiam, & venustatem. Siquidem, vt ipse Vitruu. alibi monet. *Cum constituta symmetricarum ratio fue- rit, & commensus ratiocinationibus explicati; tunc etiam acuminis est proprium, providere ad naturam loci, aut usum, aut speciem.* Et infra concludit. *Hac autem, etiam ingeniorum acuminibus, non solum do- ctrinis efficiuntur. Quare Architectus Panthei, in re singulari, & quæ præ excellentia, habere hand poterat secundam, iure merito suo acumine magis, quam generalibus Architecturæ legibus vsus est.*

OCTAVA SPHAERA. Vide quæ diximus in V. Nona.

78

OCVLVS in Architectura, auditur parvulus ille circulus, qui centrum ambit in voluta Ionice designatione, in Capitalis columnarum, circa quem ipsa voluta supra puluinum insisteris; eum circa teretem axem, rota concipitur duci, & circumuolui. De eo appositè in medio volutæ constituendo, hæc habet Vitruv. eod. lib. 3. cap. ult. In quatuor volutarum (de Capitulo Ionico sermo est) secundum extremi abaci quadram, lineæ demittende, quæ Catheti dicuntur. Tunc crassitudo diuidenda est in partes nouem, & dimidiam. Ex nouem partibus, & dimidia, una pars & dimidia, abaci crassitudini relinquatur; & ex reliquis octo, volutæ constituentur. Tum ad oculum descendens, subdit. In eo loco (qui locus diuidit quatuor, & dimidiam, & tres & dimidiam partem) centrum oculi signetur, ducaturque ex centro rotunda circinatio tam magna in diametro, quam una pars ex octo partibus est: ea erit oculi magnitudine, & in ea catheto respondens, diametros agatur, tunc ab summo, & sub abaco Inceptum in singulis tetrautorum actionibus dimidiatum oculi spatium minuatur, donec in eundem tetrautem, qui est sub abaco veniat. Sequitur postea, petitis ab oculo centris, tradere modum describendi volutam: quod longiusculè & nimis obscure factum, nos in ipsius volutæ, quam suo loco dabimus, descriptione ex Barbari, aliorumque explicationibus, ubi eam ob oculos ponimus, pro nunc consultò rejicimus. Quapropter, in solo oculo insistendo, denominationem is accepit ab similitudine oculi animantis: uti & reliquæ partes volutæ; ut puta, axes volutarum, baltei, canales, ac præcipuè Puluinus, cui voluta innititur; qui proinde molliter turgēt, & speciem quasi puluini exhibet, cedentis, & quodammodo pressi à super imposito pondere. De quibus singulis suo loco.

O D

19

ODEVM nunc temporis in Sacris ædificijs est pars illa ceteris dignior, & segregatior, quæ peculiariter ad psallendum; horasque Canonicas recitandas, pro Clero est destinata, & ad quam Laicis, ad motis repagulis & cancellis, interdictum est introire. Olim in medio Ecclesiæ constitutum erat, & subsellijs circà obductum, ut etiam nunc in antiquis templis est videre. Verum id loci nimis incommodum, ab experientia compertum est: & nedum populi per sacram ædium discurrētis impeditium; sed & ipsis Cantoribus, tum mentis, tum vocis distractum; quandoquidem mens in Deum intentā, affluentis populi conspectu alienabatur, & vox per totum celi ambitum excurrentis dispergebatur: quapropter consultò recentiores Architecti, illud sub fornice, ad extremā & nobiliorem, (veluti auulsam ab reliquo templi corpore) partem constituere. Chorū nunc vocitamus, in hemicycli formam constructum, & desuper patente, &

arcua-

arcuato formice, in modum hemisphærij concuato; quò vox collecta resonantiùs reflectatur. Dicitur est græcè Odeum, & latine Chorus, id est cantu, quoniam inibi Diuinæ laudes occurrunt. Sed & antiquitus Odeum, & Chorus in vsu nihilo secius erat, ac dicebatur locus sepositus in Theatris, pro Cantoribus, & Citharadis, vt ex Pausania, Suetonio, Ammiano, passim habemus. Vnde Vitruu. lib. 3. cap. 9. cum de Theatri dispositione agit, ijs locum conuenientem attribuit, & ponè porticus constituendum præcipit, Chordagique, inquit, laxamentum habeant ad chorum parandum: & ex euntibus è Theatro, sinistra parte, Odeum; quod Athenis Pericles columnis lapideis disposuit, nauiumque malis & antennis è spolijs Persicis pertexit. Sed ad sacrationem Chorum, & Odeum nostrum reuertamur. Respondet hoc, antiquo Propitiatorio Veteris Testamenti, seu potius ab illo figurabatur: quod idè Sancta Sanctorum & ipsum à Concilio Bracarense dictum, in quod non nisi Sacerdotibus, licebat intrare: & excludi laicos ab ingressu Chori, disertè ordinant Constitutiones Apostolicæ lib. 2. cap. 57. Vt videas, quàm venerandus sit locus vbi Dei maiestas, non in vmbra vt olim, & in caligine, sed præfentialiter in se ipso, assistit in Sacramento Altaris, & psallentium voces excipit, & exaudit. Vnde ex similitudine, testatur Macrus se in aliquibus Cæremonialibus Manuscriptis, ipso Choro, & Odeo, Propitiatorium repperisse.

20

21

OECI, ex notione græca, simpliciter Conclauia, seu vtcumque domos ad inhabitandum significant; vnde Oeconomus, administrator Domus dictus est: Pressus tamen à Plinio, Vitruuio, & alijs Architectonicæ artis Scriptoribus, accipitur Oecos signatè pro illius ædium parte, quæ Cænationibus destinata erat. Et quia solebant Antiqui discumbentes canare, loca ista lectis erant instructa, & vt plurimum tribus: (vnde & triclina, & bictinia, pro cubilium numero, dicta sunt) vsus inualuit, vt Oeci absolute dicerentur ipsa Triclina. Reuerà tamen sunt valde diuersa, & aliud est ipsum discubitorium, aliud locus triclinoium capax, & discubitorijs ad conuiuia destinatus. Quod idè attentè Vitruu. distinctè tractat de triclinoijs, cecis & exedris, lib. 6. cap. 3. & triclinoium numerum, & rationem ab oeci capacitate & magnificentia, præcipit sumi: & sequenti cap. 6. vbi de Græcorum cecis agit, hæc habet. *Ipsi autem sunt ita longi & lati, uti duo clinia cum circuitionibus, inter se spectantia possint esse collocata, habeantque dextrà ac sinistra, lumina fenestrarum valvata, uti viridia de tectis per spatia fenestrarum prospiciantur.* Et antea dixerat, collocandos esse ad Septentrionem, & ita vt ad viridia

21

Licia esset prospectus. Igitur Oeci, triclinia verè non sunt, sed triclinia excipiunt, ac tot numero, quot satis sunt pro qualitate & numero conuiuantium. Hinc *Oecos Asarotos* passim habes apud Plinium, Papinium, Sidorium Apollinarem, & alios. Fiebant quippe in Magnatum ædibus oeci, quantum fieri possent, splendidi, & superbè ornati, ad effectum hilaritatis in conuersionibus captandæ: vnde & ipsa pauimenta, asarota vt plurimum erant, hoc est, ita constrata, vt picturis, & sculpturis, anlecta referrent, & reliquias quæ cadunt de mensis, ad oculorum ludibrium, & ludicram deceptionem eorum, qui incautè eas legere vellent, aut scopis eijcere: & ideo Asarota dicta sunt, quasi ea verri non liceat: vt fusè dictum est, suo loco.

O L

22 **OLYMPIADES** olim apud Græcos audiebat certum temporis spatium, quod quadriennio complebatur, à Ludis Olympicis quinto post recurrente anno, celebrari solitis, denominatæ: ita ut quinto quoquo anno, nouæ succederent, & per ordinem censerentur. Quarum profectò ratio, (quoniam solemnes, & publicæ erant,) seruabatur in distinguendis, notandisque temporum spatijs quæ excurrerent, atque in Annalibus, Chronicis, scripturisque publicis, ad eorum certitudinem ac fidem, signabantur. Quod idè erat tempus hoc maximè notum, communiter acceptum, fixum, & immutabile; è cuius exordio Chronologia texti cæpit, & ordine incedebat, atque Historiani Græcam, fidem apud posteros inuenisse, narrat Eusebius: Vnde M. Varro apud Censorinum, totum id quod in Annalibus ante Olympiadum institutionem registratum erat, fabulosum appellat: atque idè Iulius Africanus, & Iustinus Martyr, in suis scriptis hoc de Olympicæ Chronologiæ certitudine, protulerunt Elogium. *Ante Olympiades*, inquit, *nihil in Græcorum Historia exploratum inueniri, sed esse omnia confusis scripta temporibus: post Olympiades autem, quoniam quadriennio diligentissimè omnia notabantur, nullam temporum confusionem extitisse.* Igitur à Ludis Olympicis toto Orbe celeberrimis, quinto quoquo anno, in Elide fieri solitis, quos (ob Solis quadriennalem cursum, in quo dies vnus adijcitur, integratus ex illis sex ferè horis, quæ ad complendum annum tropicum, singulis annis residuæ erant;) institutos fuisse docet D. Cyrillus Hierosolymitanus Episcopus in *Cathechesi* 21. atque ab Hercule primùm inuentos, testantur Strabo, Clemens Alexandrinus, Eusebius, alijque, sequuti Plinium, Plutarchum, Solinum, ac Diodorum Siculum. Incipiebant autem numerari à Solstitio Aestiuo, in quo aperiabatur aditus illis Ludis, & exinde excurrerat nouus annus, & initium sumebat à pri-

primo mense, in quo centum victimæ macabantur, unde *Hecatonabe* dictus erat, ut refert *Simplicius in Explanatione lib. 5. Physicor. texta 25.* & fusè probat *Theodorus Gaza*, in libro quem de *Mensibus Atticis*, scriptit. Quamquam *Io: Lucidus in Emendat. Temporum cap. 8.* contentiosè dicit, Principium Ludorum Olympicorum, & Olympiadum, fuisse circa Aequinoctium Autumnale. Sed quicquid sit de hac re; id exploratum est, quod, etsi Olympiades à Ludis Olympicis sumpserint nomen, non tamen ab illorum institutione, & cum illis computari cæperunt, sed multo post tempore. Etenim Ludos Olympicos etiam antè Bellum Troianum fieri solitos, omnes ferè Græcarum rerum Scriptores perhibent; Olympiadum autem usum, non nisi post quadringentos annos ab excidio Troiæ, legimus introductum: ut præ alijs aduertit *Pererius*, lib. 4. cap. 3. de *Communibus rerum principijs*. Nisi fortè velimus dicere, eos qui vnum idemque vtriusque rei initium extitisse, opinati sunt, loquutos de ludorum illorum (qui iamdiù fuerant intermissi,) noua institutione facta ab *Iphito Elio*, qui Certamen Olympicum longè celebrius, quam antè fieri consueuerat, celebrauit; ex quo victor ex eo exiuit *Coræbus Elæus*, eius gentilis: sicque ab eo tempore *Primæ Olympias* numerari cæpit.

Igitur Olympiadum ratio cæpit haberi anno ante Christum natum, 774. & consequenter anno Mundi 7425. iuxta LXX. Interpretum supputationem, quam sequitur, & amplexa est *Rom. Ecclesia*. Cæterum, cum vera mundi ætas non teneatur, eoquod ante Olympiades, omnia Græcorum monumenta, aut falsa, aut confusa erant; nil minum, si ipsarum Olympiadum origo haberi non possit. Certè citatus *Pererius*, in eruendis huiusmodi temporum differentijs diligentissimus, à consequentibus id colligere nititur; atque ad tria illustria facta toto Orbe memorabilia, pedem figit: ad Excidium Troiæ; ad Urbem Romam conditam; & ad Sacram Chronologiam, quantum ex Sacris Paginis hauriri potest: Sicque ea simul conferendo, exinde clarè deducit, tempus institutionis harum Olympiadum incidisse in annum 48. ante euersionem Troiæ, & consequenter 24. annis antequam Roma exedificaretur: cui respondit in Sacris Litteris annus octauus Regni *Achab Regis Iudæorum*, Et quoniā idem *Pererius* in *Comment. Super Daniele*, lib. 11. quest. 5. ex iisdem monumentis demonstrat, Christum Dominum natum esse, quatermillesimo vigesimo secundo anno post Orbem conditum; profectò liquet, Olympiades exordium sumpsisse anno Mundi ter-millesimo ducentesimo quadragesimo octauo. Et hæc denum de Olympiadum ratione, institutione, & commodis dicta sufficiant.

23

ONAGER in re militari, audit Machina eiaculatoria ad modum Ballistæ emittens lapides; sic dicta ad asini siluestris similitudinem in iaciendo seruata: nam Onagri cum à venatoribus perquiruntur ad caprum, ita eminens lapides post terga calcibus emittunt, vt colliment in insequentes, & ad terram prosternant, sicq; ab eorum insectatione euadant. In hoc autem differt Onager à Ballista, quod hæc (inquit Vegetius) *quantò prolixiora brachiola habuerit, tantò spicula longius emittit; Onager autem dirigit lapides, sed pro nervorum crassitudine, & magnitudine, saxorum pondera iaculatur: & concludit. His duobus generibus nulla tormentorum species vehementior inuenitur.* Onagrum, eiusque vsum accuratè describit Ammianus Marcellinus lib. 23. sed quia longiuscula est descriptio, lubens omitto, ne lectori tædium faciam: si tamen eius rei curiosus est, videre poterit apud Stevvechium ad cap. 22. lib. 4. Vegerij. Sed id observare licet, quod Ammianus Onagrum idem facit cum Scorpione: At contrà Vegetius (qui eodem tempore cum Ammiano floruit) longè diuersum facit: nam de Scorpionibus agens, dicit: *eos sic nuncupatos, quod paruis, subtilibusque spiculis inferant mortem.* Concordat Isidorus, lib. 18. cap. 8. qui Scorpionem accipit pro telo è machina emisso, sic inquires. *Scorpio est sagitta venenata arch, vel tormentis excussa, quæ dum ad hominem venerit, virus quæ figit, infundis; unde & scorpio nomen accepit.* Ad quæ concilianda, nil aliud occurrit, quàm cum Turnebo in simili casu, dicere, quod aliquando à Scriptoribus eodem nomine denotantur, tam machinæ emittentes, quam ipsa missilia.

O P

24

OPAE in Architectura, Græcorum vocabulo, dicuntur in fastigijs ædificiorum, tignorum cubilia, vbi eorum capita terminant, & aliquantulum exporrecta insident, conquiescuntque; unde quæ inter vnum & alterum statuantur spatia, *Metopa nominantur*, inquit Vitruv. lib. 4. cap. 2. *Opas enim Græci (subdit) tignorum cubilia, & asserum appellant, uti nostri ea caua, Columbaria: à columbis profectò, quæ in ijs cauis nidificare solent.* Quoniam autem antiquitatis ædificia, & præcipuè contignationes & Epistylia è ligno erant, proindeque eiusmodi trabium resecta capita foras prominentia, sic nuda, & informia relicta, aspectui horrida euadebant & iniucunda; ideo addit Barbarus, Architecti incondinnitatem sculpturis, & pictis coloribus corripiebant. Ex quo postea, cum nobilius insurrexerent ædes, partes istæ è lapide, siue è marmore constructæ sunt, ita tamen, vt retinerent similitudinem veri: atque adeò tignorum & canteriorum & asserum prominentiæ atque aspectus, relicta sunt, sed

sed alijs, & venustius committat. in musculos, ac denticulos: & in Operibus Doricis, loco Oparum, triglyphi sunt constituti: eo dicti, quod tribus canaliculis exsculpti sunt, referentibus canales, per quos aqua e tectis decidens educitur in stillicidijs, vt suo loco.

OPHIOCVS, *Aesculapius, Serpentarius*, Sidus est in Cælo ad Boream 25
plagam, repræsentans hominem Marsum stantem capite ad poliũ verso, ac pedibus in Zodiaco firmatis, qui vtraque manu extensum teneat serpentem varijs spiris se obuoluentem. Constat stellis 24. ex Ptolemæi, & Antiquiorum recensione: Verum Bayerus in eo, 30. omnino enumerat, & insuper Keplerus 37. qui tamen in illud adnauit aliquot, quas Ptolemæus reliquit informes. Omnes comperæ sunt de natura Saturni, & Veneris: propter quod æstimantur prauis, & corruptricibus qualitatibus imbutæ, atque adeo pronunciantur veneficæ, & luem pestiferam inferentes. In his duæ, & luce, & effluuijs, sunt insigniores: vna quæ fulget in capite Serpentarij, secundæ magnitudinis, dicta arabicè *Ras Alangne*, existens nunc temporis in gr. 18. Sagittarij, cum latitud. boreali, ferè gr. 36. altera, constituta in vola sinistra manus eiusdem, communis Serpenti, quam Arabes vocant *Ted*, & alij, composito ex Latino & Arabico, nomine, *Colubramet*, hoc est, corpus colubris; quæ, præ alijs est valdè pernicioſa, & efficacior in turbandis, & corrumpeſdis humoribus corporis, quamuis sit tertiæ magnitudinis; fortè ob viciniam Aequatoris: vnde in Horoscopo, aut directæ ad vitæ Moderatorem, portendit potionem veneni, aut vtrumque humorum corruptionem, & pestilentiam. Est nunc in gr. 26. Scorpij, cum latitudine boreali, ferè 18. & oritur Romæ circa diem nonum Nouembris.

In hoc Astro, anno 1604. sub genu Serpentarij apparuit noua stella, seu Phenomenon, quod luxit ad annos duos, ac postea euauit: id quod multam materiam scribendi dedit Tychoni, & Keplero: eo maxime, quod circa id tempus, duæ aliæ apparuerunt: vna in Cathedra Cassiopeæ, miri fulgoris, & magnitudinis; altera, in pectore Cygni, quæ item disparuit, relinquens tamen hiatum, quendam in loco, etiam nunc conspicabilem. De hac nouarum stellarum emersione intrâ paucos annos facta; magnos, & miros effectus indicari pronunciauit Keplerus; & addit se magnopere addubitare, quod importet Mahometicæ substitutionis, ac tirannidis extinctionem, vel magnas mutationes in Mundo, itaut noua Monarchia insutrectura sit, quæ cæteras omnes sibi subijciat, &c. ac tandem id vnum portendere, quod instet Mundi finis. Ad quod coniectandum obseruat, quod tres omnino stellæ veræ & genuinæ
Yyy 2 intrâ

Intra paucos annos apparuerunt, post celebratam maximam coniunctionem Superiorum in Piscibus. Vnde colligit, quod sicut Primus Trigonus igneus, in quo celebrata fuit, Mundi creatione nobilitatus est, & Secundus Christi Domini natiuitate; ita hunc postremum, haud temerè credi posse, vniuersalem Epyrofin portendere, & Mundi conflagrationem, quæ immediatè antè Secundum Christi aduentum, Sacrarum Paginarum testimonio futura est; his stellis tanquam facibus præluxisse. Denique pia quadam Parænesi ad lectores facta, concludit. *Interim non sanè peccant, si hac stella comenonefacti, vitam instaurent Christianam: itaque se comparent, vt Christum Dominum iam iam excepturi.* Sed hæc. pia meditationes sunt, non verè prædictiones ex Astris, quæ merè nugæ sunt: & aliàs de die illo scimus, ex Matth. 24. quod nemo scit, neque Angeli Calorum, nisi solus Pater. Præstat autem, illum cum timore ac tremore semper attendere, atque ad eiusmodi Cæli voces, vitam nostram in melius emendare.

Cæterum quæ naturales effectus, totum hoc sidus infundit terræ fertilitatem, & fructuum abundantiam: hominibus verò influit sapientiam, & prudentiam, grauitatem, loquendi gratiam, & leporem; & in agendis constantiam, & consiliorum iutorum tenacitatem. Addit Firmicus, quod in Horoscopo repertus *Facit Marfos, qui pestiferos angues, sopitis ac mitigatis aculeis opprimant.* In Occasu vero, maximè cum irradiatione quacumque Maleficarum, subdit: *Serpentis istius venenati infelicitè moriuntur, & Pontanus super eo sic poetice ludit.*

*Si Marfos, domitosque angues, & carmina queras,
Colchidos & victum somno, verbisque draconem,
Hæc tibi surgenti dat Serpentarius Astro.*

- 26 OPHTALMIA ad Anatomen spectat, sed nihilò minùs ad Opticam; quatenùs agit de oculorum, ac visuæ potentie temperamento, ac proinde de radijs visualibus, quomodo proijciuntur; qua ratione in obiectum terminent; qui fiat, vt, modo inclinata, modo erecta, modo inuersa conspiciantur obiecta, modo etiam conferta, modo disparata, modo in magnitudine alterata, modo secùs quàm re ipsa sunt, contorta, deformia, & imminuta. Aliaque id genus disquirat, quæ non minus ad Opticam, quàm ad oculorum constitutionem pertinent, vt mox dicemus.

- 27 OPPOSITIO in rebus Astronomicis communiter appellatur familiaritas quædam contracta à duobus sideribus se ex diametro respici-

spicientibus, & consequenter, in distantia ab inuicem, totius semicirculi, & gr. 180. Qui profecto aspectus est communicatiuus, & habet ordinem, & consonantiam in Harmonia vniuersali, perinde ac in modis musicis, vbi prima chorda conuenit cum Octaua, & facit vnisonum, vt Musicæ peritis perspicuum est. Aestimatur tamen in corporibus Cælestibus radius hostilis, & maxime efficax, quem dicunt, Perfectæ inimicitiz, eoquod per ipsum sidera in radiorum, concursu inuicem opponantur, atque adeo, collatis viribus, quasi confertis manibus, sese mutuò oppugnent. Verùm hic radius ad Cardines proiectus (qui passiuus solummodo qualitatibus pollent) absolute hostilis non est, sed sequitur naturam, & conditionem siderum, à quibus projicitur: ideoque à beneficiis ad illos iaculatus in se bonus est, & illos afficit suis proprijs qualitatibus: quinimò interueniens inter duas beneficas, præsertim conuenientis naturæ, in Fortunis computatur. Vt propterea Ptolemæus cap. de Moderanda vita, 11. lib. 3. apertè dicat, radios Quadratum, & Oppositionem æquè ac Trinum, si à beneficiis ad Horoscopum, aut Vitæ Moderatorem projiciantur, in censu felicitatis ponit; & (cæteris paribus) impedire ait effectum prauæ directionis Prorogatoris ad Anæretam. Quandoquidem per quemcumque radium, contrahitur familiaritas, & per eum transmittitur semper virtus actiua Planetz siue benefici, siue malefici, in locum passibile, & receptiuum; illum aliquo pacto afficiens, & suis qualitatibus imbuens, pro maiore fortitudine radij, qui projicitur, quare radius quicumque proiectus à benefica ad locum prorogatorium, illum fouet, & roborat, ac retundit insultum Sideris occurrentis. At enim hic radius inter Infortunas, aut ab Infortunis ad Fortunas proiectus, eadem ratione semper insensus, & maleficus est.

OPTICA ab Picturæ, & Architectonicæ artis Professoribus, aliquantò pressius accipitur, & peculiari nomine dicitur *Perspectiua*, lib. 1. cap. 2. Vitruuius autem *Scenographia*. Quæ à Serlio in Præfat. lib. 2. sic definitur. *Est facultas, quæ adificiorum normam, & superficiem, & corporum generatim frontes, lateraque perpendit, prout in visum cadunt.* Hæc autem incidentia, & projectio radiorum visualium, tribus lineis directis perficitur, & formatur. Prima dicitur plana, quatenus in planum cadit, & est fundamentum, & regulatrix cæterarum, quæ ad eius rationem conformantur, & diriguntur. Altera, quæ appellatur Ad signum: & est directiua visus: hæc autem, communius, ac magis ad rem, Linea Horizontis ab alijs nuncupatur, quia est veluti paruus quidam horizon radiorum visualium termina-

minatiuus, & particularis Finitor, Tertius, ac postremum locum sibi vendicat Linea, sic dicta, Distantiæ; quæ ad Horizontalem libellam perpetuò constituta, modo ei euadit propinquior, modo remotior, pro constitutione obiecti. Atque hæc tres lineæ sunt veluti bases, quibus tota incidentiæ radiorum ratio insitit, circa quas Perspectiue præcepta versantur. Sed de his alibi luculentius.

OR

29

ORBIS in Astronomicis, propriè dicitur de Deferentibus, singulorum Planetarum, necnon etiam communi Fixarum, quæ vulgò Sphæra nominantur. Differt tamen Orbis à Sphæra; quod hæc, reapse rotundum globum signat, totum solidum, vsque ad centrum: ac de foris, vnà perpetua superficie clausum: Orbis autem appellatur corpus Sphæricum duabus superficiebus, vnà interiore conuexa, altera interiore concava, terminatum. Et ideo quot sunt Deferentes corporum cælestium, (quos distinctos Cælos, cosque solidos alij autumant) tot sunt Orbis adinuicem contigui, vel continui; itaut superior in se contineat inferiorem, ac proinde quanta est concava superficies superioris, tanta etiam esse debeat conuexa inferioris, perinde, ac vnus Capæ plurimæ tunice, alteræ alteras minores circumplectentes. Quia autem vnusquisque Orbis, (seu maius dicam, Cælum,) habet intra se alios minores Orbis; vt pro exemplo, Deferens Solis habet tres alios Orbis ab se diuisos, sibi que contiguos, quorum duo sunt eccentrici secundum quid, & vnus eccentricum simpliciter; ideo ad evitandam vocabulorum multiplicitem, atque confusionem, vsus obtinuit, vt ipsi Cæli vel Orbis, vnico & promiscuo Sphæra nomine appellentur. Et sic, pro Sphæra omnium maxima, & suprema; intelligatur Primum Mobile, quod omnes alias sinu suo complectitur, ambit & secum trahit. Post (si dantur) Decima, & Nona, Librationis, ac Trepidationis, dictæ. Inde Octaua, seu Firmamentum, quod dicitur Cælum stellatum, eoquod in eo, stellæ in Imaginibus colligatæ, & fixæ sunt. Mox Cælum Saturni, postea Iouis, & sic de cæteris vsque ad Lunam; itaut Sphæra istius sit omnium minima, tam in ambitu, quam in crassitie. Et ambitus quidem, seu superficies eius concava, est iuxta communem, Milliar. 753250. Crassities verò, hoc est intercapedo inter concavam, & conuexam eius superficiem, milliar. 109056. Ambitus autem conuexæ, quem, vt dixi, conuenire necessum esse cum concava superficie superioris, adeoque Orbis Mercurij, est Milliar. 1443750.

Porro Crassities Orbis Mercurij, alta est milliar. 370480. Superficies conuexa, mill. 3772500.

Crassities Orbis Veneris, milliar. 3413756. ambitus conuexi, 25230375.

Cra-

Crassities Deferentis Solis, est milliar. 339102. ambitus extremae superficiei conuexae, 27361875.

Orbis Martis est. Crassus, milliar. 27339375. ambitus Conuexi 199209375.

Orbis Iouis crassus est milliar. 19775497. superficies extrema extenditur ad milliar. 323512500.

Orbis Saturni alcus est milliar. 29474574. ambitus conuexi & consequenter Concaui Firmamenti, est milliar. 508781250.

Crassities Firmamenti, seu Caeli stellati est milliar. 80942571. ambitus conuexi, 1017562500.

Ac tanta est etiam amplitudo superficiei concauae Primi Mobilis, cuius Crassities colligi haud potuit, cum nec potuerit haberi ipsius amplitudo conuexi: non enim est in se, villa ex parte, sensibile: atque adeo quantitas eius prorsus ignota. Coniecturaliter tamen, & ex proportionē geometrica, comparatum ad reliquos orbis inferiores, haud temerē deduci potest, esse propemodum infinitae amplitudinis, & crassitudinis: itaque Orbis stellatus respectu ipsius, se habeat ut punctum: non secus ac se habet globus terraqueus ad ipsum orbem fixarum comparatus. Qui plura volet hac in re, legat Clauium in Sphaeram Io: de Sacrobosco, ex quo ista decerpimus.

ORBIS in Exercitu, siue in Acie militari, dicitur seposita bellatorum manus, quae prius in longum explicata aduersa hostium aciei, sistit aliquantisper immota: tum, data occasione, & urgente acris praelio, protius insurgit, & sese in gyrum componit, mediosque hostes includit, & angustare nititur, ut nec arma tractare, nec effugere valeant. Quod tum tantum faciendum praecipit Veget. lib. 1. cap. 26. cum eo periculi res nostra redacta est, ut ab inimicorum impetu, perturbatis Nostrum Stationibus, & confusis Ordinibus, ne hi terrore concutiantur; & in fugam sese conuertant; per externos, & fortissimos Duces, in orbem aguntur, ut ita, & aduersus hostes totas vires suas exferant, & ipsis elabendi consilium sit praclusum. Sed haec non est, (quam modo dicebamus,) ineundi Orbis ratio ac finis, sed longe diuersa, periculis plena, & monitore Caesare, non nisi in extremis malis, maturē, & cum iudicio practicanda. Fieri enim potest, ait, ut exinde nostri milites, animo & spe destituantur, & hostes, ad pugnandum alacriores efficiantur: eo quod id non sine timore, & desperatione victoria, factum videri poterit. Hinc consulto aduertit, Salustius in Iugurth. Romanos, id non nisi cum locus, casus, aut necessitas daret, facere consueuisse. Romani, inquit, Veteres Nonique, scientes belli, si quos locus, aut casus conuincerat, Orbes fecere; atque ita ab omnibus partibus

31 *ribus simul tecti, & instructi, hostium vim sustinebant. Sic etiam, auctore Lio lib. 4. Equites Romani, cum ductore Sexto Febronio Centurione, totam Volscorum aciem perrupissent, atque eadem ratione ad suos reuenire non possent; tumulo occupato, & orbe instructo, magnam diei partem, & totam noctem, ibidem se tutati sunt, & maxima cum gloria, ad suos tandem redire. Et quidem aliud est orbem facere, seu in vnum coire, & constipari; aliud in orbem extendi, & per circuitum hostem inuadere, & intrā (vt ita dicam) septum includere. Et hæc sanè felicior, ac securior inuendi certantibus, & fortius prosequendi ratio est, cum locus permittit, & vires suppetunt, ac bellatorum copia, quæ per gyrum possit hostium cuneos cingere, & aufugiendi viam præcludere. Hoc enim uerò est, quod vult. Veget. loc. cit. cum ait, Nil magis prodesse in pugna, quam, vt milites dispositos in acie ordines seruent. Nam, vt constipati, inquit, perdunt spatia pugnandi, & sibi inuicem impedimento sunt; ita rationes, atque interlucentes, adium perrupendi hostibus præbent. At si forte maiore hostium numero circumuenti, in angustijs ponantur; tunc quidem expediens est, vt non tam ad oppugnandum, quam ad resistendum, seseque mutuo defendendum, in orbem, seu globum se colligant; vti suos fecisse, narrat Cæsar, prospero euentu, atque ita densatis scutis, impetum hostium sustinere, quoadusque ab fortissimis viris, quæ pateat aditus, hostilis acies penetretur atque interrumpatur. Hac arte, & consilij opportunitate, vsus Philippum Macedonem aduersus Illyrios, necnon Xantippum Lacedæmonem aduersus M. Attilium Regulum, refert Frontinus lib. 2. cap. 3. qui cum videret suos ab hoste numerosiore premi, leuem armaturam in prima acie collocauit, in subsidio autem robur exercitus, præcepitque auxiliarijs, vt emissis telis, cederent hosti; & cum se intrā suorum ordines recepissent, confestim, in latera discurrerent, & à cornibus rursus erumperent; exceptumque iam hostem à robustioribus, & ipsi circumirent. Quare, loco, tempore, ac data occasione, oportet, vti callidum ductorem Exercitus, in explicanda & commutanda acie, modò in globum conglomerata, modò in orbem ducta, vt tuta victoria potiat.*

32 **ORBITA**, Plinio auctore, dicitur vestigium currentis rotæ in vijs impressum. (Siquidem ipsa Rota aliquando Orbita dicta est). Hinc apud Astronomos vsurpari solet pro via Solis, & singulorum, Planetarum per suam realem distinctam semitam, cum latitudine incedentium in Zodiaco: nec sanè absque ratione, experimentis firmata, ab illis in consideratione habetur, ac plurimi fixi limes ad quem excut-

excurrit, & intrà quem continetur. Quandoquidem per eam Planeta incedens, nescio quid ei suæ qualitatis communicat, proindeque inficit, in sui que transmutat naturam: eo prorsus modo, quo Limaces, & alia huiusmodi Insecta relinquunt post se, suæ tabificæ qualitatis impressiones ac signa, in via per quam serpunt, atque incedunt. Sed id potissimum obseruatum est in intersectionibus Orbitæ Planetarum cum Orbita Solis; quæ propterea dicta est Ecliptica, quod in eam incidens Luna in Nouilunio, vel Plenilunio facit Eclipsim, aut sui, aut Solis, deficiente eorum lumine: qui locus eclipticus euadit semper infensus vn in loco monuimus. Porro huiusmodi intersectiones, vocantur Nodi, & Caput, & Cauda Draconis, vt paulò antè dictum est.

ORDINATIO in Architectura est altera veluti manus, pes, vel ala, quibus incedit, ad opus vtitur, & in sublimè astringit. Eam describit Vitruuius lib. 1. cap. 2. in hunc modum. *Est modica membrorum commoditas, separatim, vniuersæque proportionis ad Symmetriam comparatio.* Aenigmati simile est enunciatio, quæ rem explicare debebat, & re ipsa obscurior est. Quare solerter omnes ferè Interpretes ad hunc lapidem impingentes, saltu se eximunt, & dissimulatione prætereunt. At Barbarus Oedipum agit, & vtcumque rem ipsam, & Vitruuij mentem sic explanare conatur. Vocat ipsam comparationem proportionis ad symmetriam partium, *modicam commoditatem*, coquæ quantitas (ex qua componitur, & ex ratione partis ad partem applicatæ, resultat dimensio,) & proportio per modulorum ratam applicationem, commoditatem præbet, & omnia commodè dimetiuntur, & ordinantur. *Modicam* autem dixit, vt innueret moduli quantitatem, quæ sit aptior vsui; non quidem magnitudine, aut paruitate enormem, & exuberantem, vel sane insufficientem comparationi faciendæ, sed modicam ac temperatam esse debere. Sit pro exemplo. In Columna Dorica diameter ini scapi modica est commoditas, & modulus aptus ad munus, mensurandi totam columnam, necnon reliquas eius partes, obcundum; quia est moderata quedam assumpta quantitas, atque ad vsum accommodata: quippe tum tota ipsa columna, tum singulæ eius partes perficiuntur ad symmetriam, & concinnè ordinantur. Erit itaque columna ritè ordinata, si cum altitudinem habeat modulorum septem, v. g. inum scapum teneat vnus modulus, & basis alta dimidium moduli. Igitur comparatio inæqualitatis partium, quæ incipit ab vna præcedenti quantitate, quæ assumitur in rationem moduli, vt à regula reliquarum partium inter se, & ad totum relata-

rum cōmoda comparatio, quę requiritur in ordinatione architectonica, vt fiat ad Symmetriam. Hęc Barbarus. Vides quantum operę contulerit, quantum insudauerit ad applicandas definitionis particulas definitio? Sed nescio, an id felicius egerit, nūmve, & rem, & Vitruuij mentem, quę longē aliō respiciebat, fuerit assequutus. Ergo Ordinatio in architectura, meo captu, est partium, quę ad componendum opus intrant, rata distributio, sibi inuicem respondentium ad symmetriam. Hac eniuverō descriptione, satis intelligo quem locum habeat Ordinatio in Architectura, quodue sit eius munus: quemadmodum in quāvis facultate, & in quouis genere compositionis, *ordinare*, sua notione nihil aliud sonat, quam rem quamlibet suo loco ritē collocare, & aptē disponere; quo nullum fortē vocabulum clarius, nihil patentius: vnde dicimus, Ordinare exercitum (vt mox infrā) ordinare renip. in politicis, ordinare phthongos in musica, numeros in Arithmetica &c. quod idē etiam in Architectura, Ordinationem dicere possumus cum Alberto, lib. 2. cap. 3. in eo consistere, vt *nil non elegans interponantur in opere, sed omnia inter se mutuo ad dignitatem, gratiamque conueniant: vsque adeo, vt quicquid addideris, mutaueris, aut detraxeris, vitiosum futurum sit.*

35

ORDINATIO etiam in Militia, non tām Manus directrix, vt in Architectura, quām forma Exercitus, & Anima dici potest. Ipsa enim est, quā totum corpus regitur, viuificatur, consistit; & sine qua vires elanguent, robur perditur, & ad mortem, atque internicionem turpem se parat. Nam, vt prudenter notat lib. 3. cap. 14. Vegetius. *Hęc in pugna publica, si sapienter disponitur, plurimum iuuat: si imperitē, quamuis optimi bellatores sint, mala ordinatione franguntur.* Quapropter iure, tanti eam fecere Romani, vt quemadmodum in ordinibus in acie distribuendis, peritissimi erant; ita in seruandis, & religiose custodiendis, zelantissimi, & exactissimi vindices: adeo vt, si quem vidissent Duces pedem vnum extrā lineam sui ordinis progredi, morte multarent, vnde Tacitus. *Qui signa reliquerat, inquit, statim capite pœnas luebat.* Idipsum testantur Lilius, ac Diodorus Siculus. Quam ijs laudem tribuit Iosephus, de bello Iudaico, & ab rigorosa custodia, maxime commendat, inquit: *Leges Romana semper eam qui vel leuiter ordine excesserit, morte puniunt.* At profectō nimius in hoc est Iosephus, & parum humani moris instructus, nam vbi leuis erat excessus, fusuario castigabantur, si grauis, tunc vtique morte. Vnde idem Lilius lib. 5. obseruat. *Fusuarium meretur qui signa reliquit, aut prasidio decedit, id quod exemplo Scipionis explicat in Epitome lib. 58. de eo referens,*

rens, quod, si quem militem extra ordinem deprehendisset, si Romanus erat, vitibus; si extraneus, fustibus cecidit. Etenim, ut dicebamus, in hoc salus exercitus sita est, aut exitium; & à bono ordine potissimum victoria auspiciatur: eratque in tanta æstimatione, & formidini apud externos, hæc Romanorum sollicitudo & rigor, in acie ordinanda; ut ipsi hostes, ac barbari illos imitari satagerent, ac suis ad colligendos in aduersa fortuna animos, obiectarent; quale est illud Macrini apud Herodianum: *Eia, arma capiamus, atque, ut mos est Romano, ordines in acie seruemus.*

Bene tamen verum est, quod nimia sollicitudo, & constantia in seruandis ordinibus, aliquando nocet: ut in suis obseruauit Cæsar, in prælio cum Afranianis inito, de quibus, turbato ordine dimicantibus, hæc habet lib. 1. de bello ciuili. *Genus erat pugna militum illorum, ut magno impetu primo procurrerent, adaußer locum caperent, ordines suos non magnopere seruarent, dispersique pugnarent; si premerentur, pedem referre, & loco excedere, non turpe existimarent.* Id quod Romanos, in suis ordinibus pertinaces, in extremis periculis posuit. Quare sapienter admonet Cæsar: *Hæc tamen ratio nostros perturbat, infuetos huius generis pugna: circuire enim sese ab aperto latere, procurrentibus singulis arbitrabantur; ipsi autem suos ordines seruare, neque ab signis discedere, neque sine grani causa, enim locum, quem caperant, dimitti censuerant oportere.* Itaque perturbatis antesignanis, legio, qua in eo cornu consisterat, locum non tenuit, atque in proximum collem sese recepit. Adeo verum est, ut nulla regula sine exceptione sit: & quandoque à consuetudine, ac trita omnibus via desistere, est rectum iter tenere. De ijs plura exempla affert Frontinus; atque Aelianus ex eo præcepta decerpit, & in Canones egit, ac ordinauit in libro quem absolutissimum edidit *De instruendis aciebus.* Ratus, (ut ipse testatur in Præfat. ad Adriannum Cæsarem,) nunquam apud Frontinum posse id studium seruari, nisi haud deterius eo genere ordinandi, quod Romani exerceant, haberetur.

36

ORGANVM, præticæ, Mechanicæ opus est, speculatiuè à Mathematicarum disciplinarum directione proficiscitur, atque ad vsum, & perfectionem reducitur. Cum Machinæ, eadem sortitur cunabula, sed in hoc ab ea distingui, docet Vitruu. lib. 10. cap. 1. quod hæc pluribus operibus, aut vi maiore, effectus habere cogitur; Organa autem vnius operis, prudenti tactu perficiunt, quod propositum est. Eiusmodi sunt, quæ in vitroque genere, ab Archimede, Herone, Ctesibio alijsque Mechanicæ Præceptoribus excogitata sunt, & ad vsum, magna cum Reip. utilitate perducta; qualia sunt quæ ad continendam, ef-

37

fundendam, sustollendam, & ad loca superiora deducendam, aquam, vel spiritum intra fistulas comprimendum, aut dilatandum, fiunt; à quibus miri effectus in Naturæ maiestate latentes, in publicum bonum produntur. *Engibata* vocat Aristoteles apud Athenæum, quod in fistulis aqua simul cum spiritu recepta, & simul colluctans, varias mirandasque motiones efficiunt. Hinc subfultationes in icunculis; voces, & cantilenæ ad auicularum imitationem; ventorum status; aliaque id genus, non minus auribus, oculisque abblatentia, quam humanis visibus opportunè inseruientia: vti passim videmus in Romanis, ac Tusculanis villis, necnon Tibure; in molendinis; in secandis marmoribus; in attrahendis oneribus, in pensendis frugibus &c. quæ operas leuant vel leui operâ, & maximum lucrum, commodum, & vtilitatem adportant. Porro ab sonis varijs, quos organa isthæc edunt, ortum crediderim, vt Organa absolutè audiant musicalia instrumenta, quæ disparibus fistulis per ordinem dispartitis, varios edunt concentus, & symphonias, solo flatu intus per folles concepto, atque tactu, diversimodè in fistulas deriuato. Quin etiam indiscriminatim de omnibus instrumentis, quæ ore, ac flatibus aguntur, id nominis vsurpari solitum, legimus apud antiquos Scriptores. Vnde etiam Quintilianus, in Institut. Orator. ad orationis, ac periodi consonantiam trahit lib. 9. cap. 4. *Nihil, inquit, intrare potest in affectum, quod in aure, velut quodam vestibulo statim offendit: deinde quod natura ducimur ad modos; neque enim aliter eueniret, vt illi quoque organorum soni, quamquam verba non exprimunt, in alios tamen atque alios motus, ducerent auditorem.* Præterea, vel in naturalibus, partes dissimilares in corpore animantis, quales sunt ossa, nerui, caro, &c. quæ vniuntur ad corporis organicam symmetriam constituendam, quæque ex Philosopho sunt proximæ dispositiones ad vitam; organa nuncupantur. De quorum ratione, videndus est noster Guarinus in Placitis Philosoph. Disp. 2. de Viuentib. Expens. 4. & 5.

ORIENS, & Orientale Vide in V. Occidens.

- 38 ORION Sidus est ad Australem plagam, si vllum maiestate grauius, aspectu iucundius, stellarum varietate, multitudine, ac dignitate, ornatius; certè nulli secundum. Continet enim stellas 38. satis conspicuas à Ptolemæo recensitas, atque hincinde ad Aequatorem positas; sed ex Tychonis, aliorumque recentiorum Astronomorum obseruationibus, longè plures: itaut ille ad 62. ab se obseruatas, & calculatas, in toto Alterissimo enumeret; & Bayerus 49. non com-

computatis in eo alijs, circum stantibus Sporadibus. Galilæus autem suo insigni Telescopio, totius super obseruauit, atque detexit, ut in numerando penè defecerit. At quippe in Nuncio Sidereo; *Adstant, & circa veteres, intrâ unius, aut alterius gradûs limites, disseminantur plures quingentis quapropter tribus, quæ in Ense iam pridem adnotata sunt, alias adiacentes octoginta, recens visas apposuiimus; earumque intersitia, quæ exactius licuit, seruariimus. Sed ex antiquis satis claris, & nudo oculo spectabilibus, duæ sunt fulgentissimæ, primæ magnitudinis; vna in dextro humero collocata, dicta Arabicè *Bed Algenze*, hoc est, Domus Gigantis; altera in sinistro pede, nomine *Rigel*. Præterea quatuor habet secundæ magnitudinis, sed eximij fulgoris, atque æstuitatis; nimirum in sinistro humero vna, corusco rubore scintillans, dicta *Bellatrix*, eo quod bellandi ardorem, animos, fortunam suis influxibus tribuat; ac tres blandiores in baltheum adunatas, in rectam lineam abeuntes, omninò consimiles, quæ communiter, & signatè *Iugula* appellantur, quamvis hoc nomen Arato, toti Astro stet: quarum præcedens, & superior in ipsum incidit Aequatorem; reliquæ duæ, paulùm declinant ad Austrum, media gradum vnum, consequens duos. Insuper Tertiæ magnitudinis, quatuor; vnam ad dextrum genu, ac tres collectas in ense: Quartæ magnitudinis, octo in Clypeo; & septem alias dispersitas partim in cubito, dexteraque manu, partim sub axilla, & in Baltheo. Cæteras quintæ, & sextæ magnitudinis, ferè innumeras enumerare tædet. Ac tandem, (ut nullius generis stellas excludat) tres Nebulosas habet in capite, & duas Obscuras in scapulis: adeò vagum, varium, locuples, & benè dispositum sidus est, cui nullum aliud æquiparari potest: ac propterea præpotens, varium, inconstans, ac multiformis naturæ, atque efficientiæ. Nam quas vicinissimo loco censuius, Nebulosæ, & Obscuræ, Saturninæ sunt, cum participatione alterutrius Luminarium: *Rigel* naturæ Iouis, cum participatione Saturni: Quæ in dextro humero est, Mercurialis, & Martia: Quæ in sinistro, tota Marcia est, sed in scintillando, nescio quid identidem rutilat Iouis: Quæ demùm in Baltheo, & sparsim in reliquo Astro, æquè participant de Ioue, & Saturno. Vnde varia etiam in hoc Sublunaria insluit, nec sibi constans in effectibus. Generaliter tamen, & ex iugi obseruatione compertum est, esse sidus infidum, & maxime tempestuosum. Id quod & Plinius notauit lib. 18. cap. 28. & Sacre Paginæ non obscurè innuunt, Iobi 9. & Amos, cap. 5. vbi Dei potentia commendatur, in concitandis ad arbitrium procellis, variandisque tempestatibus anni: vnde & Poëtæ sæpè sidus istud, seuum, nimbosum, imbriferum, ac*

Nautis infestum, decantauere.

Benè tamen pro diuersa stellarum natura, positione, & cum Erraticis congressu, diuersas tempestates, facit: Etenim Bellatrix, maxime si cum Marte oriatur, ventos ciet impetuosos, conuersiones fulgura, & tonitrua. Idem ferè præstat Rigel, sed mitiùs: Eædem cum Saturno, Venere, aut Luna, copiosos imbres: Dexter Humerus cum Sole, siue oriens siue occidens, mouet Fauonium: Nebulosæ autem, & Obscuræ inducunt nebulas, & caliginem, idemque faciunt Iugulæ cum Sole, spirante Fauonio. Oritur autem Romæ Orion mense Iulio, occidit Maio.

- 39 ORTHOGONALE, ex græca notione, nil aliud sonat, quam rectum: eaque appellatione venit quidquid in rectum cadit ad planum, seu ad perpendicularum, itaut cum eo concurrat ad efformandum angulum rectum: græcè enim *Orthos* rectitudinem denotat: vnde *Orthas* appellauere Imperatores Theodosius, & Honorius in Cod. lib. 8. de *adificijs priuatis*, projectiones illas in Menianis, quas nos mutulos dicimus: coquod, vt moles super imposita benè consistat, constitui debent ad perpendicularum. Ipsa autem linea incidentiæ peculiariter, & signatè à Græcis, *Cathetus* dicitur, vt nos in loco monuimus. Hinc plurima deriuata, vt mox infra.
- 40 ORTHOGONIVS dicitur angulus rectus. A Geometris tamen applicatur genericè omnibus figuris, quæ angulis rectis constant, & seruant etiam laterum æqualitatem: vnde Columella lib. 5. de Agricultura. occasionem sumpsit nuncupandi Orthogonium agrum, qui in quadratum sit distensus. Similiter in Nauigatoria.
- 41 ORTHODROMICA dicitur Ars probe dirigendi Nauem in medio mari, per rectam lineam tenentem cursum ad nauigationis terminum, ope acus nauticæ, & per congruentem rhumbum, seu circulum verticalem in Rosa nautica designatum. Contrà quàm facit *Loxodromica*, quæ docet, quomodò instituendus sit cursus Navis obliquè, ex necessitate, ad rationem ventorum, qui vela impellunt, eorum flatibus occurrendo, vel sese attemperando; ita gubernaculum dirigendo, vt simul ijs impetuosè flantibus non temerè obfistatur, & alioqui navis ab instituto itinere non aberret; sed per varios gyros, & obliquas decursiones, tandem ad optatum portum deueniat. Quæ de re vtilia præcepta tradunt, qui de re nauigatoria scripserunt, Lazarus Baynus, Simon Stevvinus, & alij.
- 42 ORTHOGRAPHIA quoque generaliter appellat quamcumque projectionem visualium radiorum per lineas rectas, & parallelas exactu reali, vel imaginario obiecti quasi infinite distantis: quæ ideo confide-

siderat projectione rerum, quæ sunt in sublimi, & cadunt perpendiculariter in planum horizontale. Et hæc propriè dicitur Orthographia, cognominaturque sublimis, quæ spectat ad Opticam. Præterea verò in Architectura, dicitur Sectio ab Latinis, ac describitur à Vitruo. quod sit *Ereclæ frontis imago*. Non quod in sola frontis erectione consistat: siquidem (vt benè aduertit Baldus in Lexico Vitruuiano) omnis è vestigio, seu planta, erecta perpendiculariter ad rationem futuri operis, magnitudo, æquè Orthographia est; sicque non magis delineatio operis in fronte, quam in lateribus, & postico, vti & partium erectarum tam intorsum, quam ab extra; Orthographica dici potest: sed quia Vitruu. respexit tantum ad frontem, tantum primariam, & nobiliorem partem, ad cuius rationem cætera conformantur.

ORTHOSTRATA, quasi rectè stantia, vocantur græco vocabulo ab Architectis, fulcimenta, quæ exterius ædificijs adiunguntur, 43
(vt de Orthis paulò antè dictum est) Eoque proinde nomine apud eos veniunt arctæ quædam pilæ, muris & parietibus adpactæ, præsertim in angulis, vt contra vetulstatem, aliaque in eorum constructione concepta vitia armentur, & sistant. Nanique, vt ait Vitruu. lib. 2. cap. 8. *Ita non acruatim, sed ordine structum opus, poterit esse sine vitio sempiternum; quod cubilia, & coagmenta eorum inter se sedentia, & iuncturis alligata, non protrudent opus, neque orthostratas inter se religatos labi patientur*. Porro Orthostratæ, (notat ex obliquo Philander) sunt de quacunque materia: quamquam eo loci Vitruu. loquitur de lapideis; aliàs de ligneis, sermo est lib. 10. cap. 19. cum de Arietis constructione agit.

ORYGES græcè, latine notat *suffossionem*. Accipitur autem, 44
presè à Mechanicis, pro illa parte testudinis arietariæ, quæ fronte, triquetra, & inferius ad morem aratri acuminata, muris immediate adigitur ad illos suffodiendos. Ita Vitruu. loc. cit. cap. 21. *Quæ autem, ait, testudines ad sodiendum comparantur, Oryges græcè dicuntur*. Habes huius testudinis formam ad suffodiendum paratæ, egregiè delineatam apud Heronem in lib. de Machinis bellicis.

OS

OSCVLANA PVGNA in Prouerbum iuit. Indicat enim mili- 45
tarem astum, & vaserrimum illud stratagemata, quo exercitur in præliandi ardore, hostium multitudine preitus, ac penè deuictus, dum hi præpopere de victoria canunt, & ille cedere fingit; mox, turbata de industria acie, mutatisque ordinibus, illos animosè circumueniunt, opprimunt, & malè cadunt, atque insparatò è victis Victores euadunt.

dunt. Ortum habuit, & nomen illi adhæsit, ab memorabili illo confictu, quem Pyrrhus Epirotarum Rex cum Romanis iniit apud Auximum Aquitanie Oppidum: vbi cum ille de prospero euentu elatus, his imbecillitatem exprobrans, insultaret; à Valerio Leuino forti, & bellandi peritia inclyto Romanorum duce, hac arte retusus est, eiusque Copiæ dissipatæ. Ex quo Asculana pugna, seu Osculana, corrupto vocabulo, vt notat Scaliger, dicta est, in qua victi resurgunt, & Victores Victoriæ fructum deperdunt. Simile quid narrat Appianus de bello Hispan. de Segedianis, cum Romanis felici sorte congregiantibus, at in fine à Q. Fulvio, immisso de repente in eos Equitatu, deletis. *Equitatus Romanorum*, inquit, qui ad custodiam impedimentorum erat, in eum irruit, ipsumque Carum fortiter pugnantem occidit, & circa ipsum, non minus quam sexmillia militum. Nec præliū aliter quam noctis tenebris direptum est. Qualiter autem, quibus in casibus, & quo ordine, hoc stratagema cum lucro adhibendum sit, habes apud Frontinum lib. 2. cap. 5. & lib. 3. cap. 9.

46 OSTENSOR latinè dicitur, quæ *Dioptra* græcè: Index videlicet in Astrolabio, aut alio quouis Geometrico Instrumento, lineæ diagonalis vices gerens, & ostendens in limbo, gradus altitudinis siderum, aliorumque locorum sublimium; tum ventorum plagas, & alia, de quibus sæpè, vbi occurrit sermo, dictum. Arab. *Albidada*.

47 OSTIVM in ædificij. dicitur primus aditus, seu apertio, per quam in ædes intramus, & quæ ianuis, & valuis clauditur, & patet: ab oris similitudine, & hiatu, ducto vocabulo. Græcè *Thyros*, ab obstando: vnde *Hyperthyron*, & *Hypothyron*, vt suo loco dictum est. Hoc, pro dignitate operis, quomodo, & quo situ constituendum sit, ad elegantiam & symmetriam totius ædificij; alibi diximus: & fusc hanc materiam pertractat Vitruv. lib. 4. cap. 6. & lib. 6. cap. 10. omninò videndus. Per quid autem diuersificetur à Porta, & à Ianua, quære suis in locis.

48 OSTIA etiam in Geographia nuncupantur, simili ratione, fluviorum fauces, aperturæ ac termini, è quibus in mare se exonerant: vnde Ostia Tyberina per denominationem dicta est vrbs in Tyberis ostijs constituta, de qua Plin. lib. 3. cap. 5. Quæ etiam alibi Portuum aditus, & angustos meatus & fauces, Ostia dixit.

O V

49 OVALIS FIGVRA vocatur à Geometris, quæ oui speciem in plano descriptam, repræsentat; rotunda quidem, sed inconstans, & ob-


oblonga: itaut lineæ ab extrema superficie ad centrum ductæ, non sint æquales, ac sibi mutuò respondentes, bene verò singulæ singulis, quæ ab axe hinc inde procedunt, & terminantur ad æquas partes circumferentiæ. Differt ab Ellipsi, quod hæc plana omnino sit, & vnica tantum lineæ circumiatur, atque ab axe secundario ductæ hinc inde applicatæ in æquidistantia ab eo, æquales sint: illa autem non sic, sed quæ infra secundarium axem sunt applicatæ, minores sunt ac breuiores, ijs quæ ad verticem tendunt. Et insuper Oualis figura quæ planis conuenit, ac solidis corporibus vnica superficie vndequeque finitis, perinde ac globus: quæ tamen non est perfecta rotunda.

Porro Oualis figura, tam in plano, quam in solido descripta, multis vñbus confert, cum in geometricis, tum potissimum in Architectura. Namque in erigendis arcibus; in conformandis camerationibus, & fornicibus; tum erectis, tum delumbatis; tum demum in excavandis ritè in pariete conchis, seu statuarum loculentis (quæ, etsi ipsis aliquando vacuæ sint, mirè tamen structuræ exornant,) valde opportuna est, & multum laboris in structoribus minuit. Quare operæ pretium futurum reor, si hic modum tradam illam ritè & ex geometricis proportionum regulis, efformandi.

Igitur Oualis figura dupliciter intelligi potest: vel rigorosè ac propriè, quatenus qui similitudinem, tum in peripheria, tum in superficie adamussim imitetur, itaut sit æqualiter inæqualis; quippe à summo apice obtusiore, sensim decrescit, & fere in angulum acutum molliter terminat: vel largo modo, itaut propè ad Ellipsim accedat, in medio vbi minor axis maiorem interfecat, aliquantò latior, in extremis, æqualibus spatijs à centro recedat, & fiat angustior; quæ maximè in architectonico opere praticatur. Et hæc quidem pluribus modis efformari potest, eademque fere methodo, ac ipsa Ellipsis. Prioris autem, aliquantò operosior, ac difficilior est efformatio, cum non eandem partium proportionem seruet. Quod ideo Architectis, Fabris, Sculptoribus, Picioribus, alijsque similibus artiù professoribus, gratum fore confido, si modum quamfacillimum tradam, eam ritè delineandi, atque ex integro conformandi. Illum autem ex Alberti Dureri Geometria lib. 1. cap. 22. desumam: quandoquidem is cæteris, qui excogitari possunt, est patentiior, & securior: nititur enim regulis geometricis, & solum circino, qui errori subesse nequit, perficitur.

Primò igitur pro magnitudine, & qualitate figuræ oualis, quam efformare intendis, duc rectam lineam transversalem longam quantum volueris, respondereque possit ad rationem figuræ, quam opus
sit

fit efformare. Hanc diuide in decem partes æquales, itaut tribus hinc inde partibus, extrâ conceptam figuram, relictis, quatuor totas intrâ figuræ maiorem amplitudinem ad latera comprehendas. Tum statuto in medio lineæ, altero circini pede, alteroque, interuallo duarum partium, describe circulum, has quatuor præfatæ lineæ internas partes comprehendentem. Quo factò; iterum constituto circino primò in altero circumferentiæ puncto, notato littera A., & interuallo A. 7. duc arcum versus inferiorem partem: ac similiter à B. interuallo B. 3. alium consimilem, & correspondentem arcum, qui ambo conueniant, ac se intersectent in puncto E, tum ex E. in 5. vbi centrum circuli, duc perpendicularem ad A. B. quæ ipsam ad angulos rectos secet in O. per aliam parallelam priori A. B. quæ sic C. D. tangatque circulum in inferiori parte, atque extendatur ad vsque, arcus E. 3. & E. 7. ipsas verò circuli portiones, sep quadrantes inferiores O. 7. & O. 3. diuide in partes æquales, in punctis F. G. & sito vno pede circini in puncto F. altero, interuallo F. C., duc arcum versus E. & inuariato circino, id ipsum fac ex altera parte, atque in sectione illorum arcuum, quæ concurret cum linea E. 5. constitue signum H. Tandem portionem lineæ O. H. bifariam seca: & vbi sit æqualis partitio, constitue centrum arcus minoris ducendi à punctis M. & N. arcuum maiorum C. H., & D. H. & ita habebis figuram oualem perfectè contornatam, & absolutam ad similitudinem oui, vt infra videre est.



- 51 Aliam methodum minùs quidem operosam, sed periculis deuian-
di in ductu lineæ curuæ, obnoxiam, exponit noster Guarinus in Eu-
clide Adaucto, tract. 18. propos. 7. ex chordis ab vno extremorum
diametri semicirculi, protensis in quodlibet punctum peripheriæ: è
qui-

quibus, punctis perpendiculares, quæ illam secabunt, in quolibet chordam ex cuius extremo in diametrum perpendicularis demissa est. Igitur in quavis ex hisce chordis ducantur perpendiculares & punctis intersecationis diametri ad ipsas; & ubi hæ terminabunt ad chordas, ibi notentur puncta; per quæ postea æquali, & constanti manu deducta linea curua, oualem figuram representabit.

Non negauerim, hoc altiori indagine, ex Geometriæ penitioris penu, ex linearum, nempe proportionali correspondentia fieri; sed vt dixi, in ipsa linearum curuæ ductione per extrema intersectionum puncta, quantauis diligentia, & æquabili manu fiat, nunquam id tam exacte fieri potest, vt non irrepat aliqua inconstantia, & varietas, quæ ordinem proportionalis inflexionis turbet: & ideo tutior semper erit, quæ per circini ductum absoluitur. Valeat nihilominus hæc secunda delineatio ad inveniendas quamfacillimè duas medias proportionales, vt aliàs dictum est, & vt demonstrat ipse Guarinus in schemate loco superâ citato exhibitio.

OVVM, seu *Ouiculum*, in opere architectonico (vt moris est Architectorum vocabula diminueret) audit genus quoddam ornamenti, quod superaddi solet, ad maiorem speciem, ac venustatem, Epistylis, & Capitulis columnarum Ordinis Ionici, & Compositi; & est longa series ouorum stantium erectorum, resimatis quandoque capitibus, & inter vnum & alterum interiectis. Quæ quidem erecta oua in Epistylis, stant immediate sub Corona; in capitulis vero sub tæniâ, in angulis sese in volutam vertente, & quodammodo ouorum seriem complectente. Alij Echium nominant, ac meo iudicio rectius, & ad similitudinem veri. Etenim primi illi Architectones, & operum inuentores, partem hanc Echinis, qui sunt castanearum cortices, seu extrema integumenta spiculis obsita, & aperta, quæ fructus inibi inclusos patefaciunt, dedere: vnde in seriem bellè dispositi, variam, & gratam de se speciem referunt, & antiquum morem retinent collocandi in his spatijs arborum fructus, & folia, vt diximus cum de Capituli Corinthij origine. Nunc autem pro ijs oua substituere; nihil minus ad rem. Placuit tamen vulgo Sculptorum, ouicula hæc nuncupare, quia magis nota, & onorum quodammodo similitudinem exhibent. Inde inualuit vsus, & nomen, atque ad nomen res quoque respondit, vt loco Echini, ouum erectum constituatur, vel integrum, vel, vt dixi, resectis capitibus ijsque ad latus reiectis. Vbi tamen oua integra exculpere consueverunt, baccas & hamata spicula, ne nuda relinquerent, interposuere; vt non multum ab Echini, iam primò introducta specie, discreparent.

Ar-

Atque ista est ratio, cur eadem res & ornamentum, tam disparatis nominibus compellarentur: quod & in Torulo, & in Scotia, multisque alijs eiusmodi ornamentis, accidit. Porro eiusdem ritè efformandi, & collocandi præcepta, eadem prorsus sunt, quæ de Echino: ac proinde sub hoc Verbo videri poterunt.

- 53 OVUM etiam apud antiquos Architectos dicebatur fastigiatum, seu suprema tabula, & contignationes, ab ovali forma: quæ propterea (teste Atheno) Græcè *ὀψίον* vocabantur, *ὀψίον* enim supra, & *ὄον* seu *ὄον*, ovum significat. Ex quo originem habuit fabula, quod Helena ex ovo de cælo delapso exclusa sit: namque (ut moris erat Græcorum), quod feminæ in his locis versarentur à vitorum conspectu semotæ) Helena in his *Hyperdis* nata, & educata fuit. En verba Athenæi lib. 1. cap. 17. *Ὀὐὰ* appellarunt tabulata, & contignationes, quas nos hodie *ὀψίον* vocamus: unde Clearchus in *Amatorijs* narrat, quoniam Helena in eiusmodi canaculis educata fuisset, existimasse multos, ex ovo fuisse natam.

O X

- 54 OXYGONIUM est Figura item Geometrica triangularis, habens necessario omnes tres angulos acutos: in quo differt ab *Amblygonio*, quod necessario constare debet ex duobus angulis acutis, & vno obtuso. Quare omne Triangulum Oxygonium, potest esse, aut æquilaterum, (quod tamen non sit rectangulū, quod necessario vnum angulū rectum admittit) saltem quoad duo crura, & tunc erit *Isoceles*, aut *Scalenum*, quod omnia latera habet inæqualia, & tunc inæquales etiam erunt anguli. At *Amblygonium* potest quidem esse, aut *Isoceles*, aut *Scalenum*; minimè autem aut æquilaterum, aut æquiangulum, cum figura quæ æqualia omnino latera habeat, obtusum angulum nullatenus includere possit. Quæ de re, vide Clavius in *Comment. ad Euclidem* lib. 1. num. 28.
& ad *propof. 15. Libri* *quart.*



PA

PAGMENTVM, barbarum, & hactenus inauditum I
 verbum, quod vix semel, & ab vnico Vitruuio eius-
 modi exoticorum vocabulorum amicissimo, vsurpa-
 tum reperies. Nam lib. 4. cap. 6. vbi de Ostiorum
 antepagamenti agit, hæc habet. *Scapi, qui sunt an-
 te secundum pagmentum, dimidium impagis constituuntur.*
 Quid autem intelligat pro hoc secundo pagmento, non expli-
 cat: sed nec ipsi Interpretes & Commentatores, de eo vllum verbum:
 quin potius ab vocis nonitate, & obscuritate bellè declinant, ver-
 rentes *Antepagmentum*. Et quidem quid sint Antepagmenta in
 Ostiorum aditu, probè scimus: sunt enim duo oblongi & erecti la-
 pides, hincinde ad ostij latera prominentes, ad eorum non tam orna-
 tum, quam munimentum; vt omnes norunt, & quotidie vident:
 quod ideo semper complexa, & in plurali, apud omnes Scriptores
 leguntur, eoquod sunt correlatiua, & vnum sine altero dari non
 potest, adeut nusquam in singulari Pagmentum, vel Antepagmen-
 tum inuenias. Quid igitur? Sanè Oedipo opus est, & diuinare in
 hoc casu licet, quando nullam habemus auctoritatem, cui firmiter
 innitamur. Enimverò omnibus liquet, Antepagmentum, nomen
 compositum esse, ex Ante, & Pagmento: vti Antesignanus, Antepi-
 lanus, &c. Nunc autem Antepagmenta, appellant signatè eas in-
 Antis partes, quæ in prospectu sunt, & exornant vtrinque ostium,
 ad valuas, vnde & dicuntur specialiter valuarum adminicula, &
 ornamenta. Pagmenta igitur dici debent ab officio, quod ostijs
 adpangantur. Quæ tamen, Pagmenti, vt sic nomine, generaliter præ-
 scindunt ab anterioribus & prominentibus partibus, seu quæ in
 fronte Ostiorum prostant, & ab his quæ ad latera, sibi inuicem ob-
 versantur, aditum aperiunt, & inmediate postibus adpanguntur,

Si ita est; iam, (ni fallor) intelligo, quid sibi velit Vitruuius per *scapos qui sunt ante secundum pagmentum*. Nimirum stipites illos, quibus postes innitantur. Secundum autem Pagmentum idcirco dicit, quod secundo loco extat in antis; nempe ad latus, hinc inde quod ostium immediatè pangit; cum prima pagmenta sint frontes Antarum, quæ primò sese oculis exhibent, & ideo vocantur Antepagmenta.

- 2 PALAESTRA celebris olim locus erat, & publicum Exercitatorium Athlètarum, gymnasticis studiis deputatum, quod apud Græcos tantummodo fuisse in vsu, narrat Vitruu. lib. 5. cap. 11. qui ità illud describit. *Constituntur autem in tribus porticibus exedra spatiosa habentes sedes, in quibus Philosophi, Rhetores, reliquique qui studiis delectantur, sedentes disputare possint. In Palastris peristylia quadrata, siue oblonga, ità sunt facienda, uti duorum stadiorum habeant ambulationis circuitionem, quod Græci vocant Diaulon. Ex quibus tres porticus simplices disponantur; quartaque, quæ ad meridianas regiones est conuersa, duplex; uti, cum tempestates ventosæ sunt, non possit aspergo in interiorem partem peruenire, &c.* Pergit postea singulas partes huius amplissimi adificij enarrare: quippe pluribus, disparatisque exercitationum generibus locum dare debebat, & vnum alteri non inpedimento esse: ut Propnigeum, Ephæbeum, Coriceum, Elæothesium, &c. (de quibus singulis, suo loco.) Est tamen verum, quod non hæc ad Palastram spectabant, sed tamen cum ea vnita erant. Palastra, autem sextam partem loci, quod Gymnasium vniuersaliter dicebatur, sibi vendicabat; & in ea, tantum quæ ad corporis exercitationes spectabant, fieri consueuerant, ut sunt Lucta, Pugillatus, lusus in disco, hasta, pilâ, & saltu: ut est illud Lydi Prædagogi apud Plautum in Bacchid.

Ibi cursu, luctando, hasta disco, pugillatu, pilâ.

Saliendo se exercebant magis, quam scorto ac sanis.

- 3 Quamquam Plutarchus in Sympof. Palastram dictam vult, locum in quo Athlètæ exercerentur, & vbi solum lucta, & pancratiū, minime autem cursus, pugillatus, lusus in disco, aut aliud quid consistens in decursione, ac saltibus agebatur. Nihilominus Oribasius ex mète Galeni perhibet non modo has, sed & sexcentas fuisse Palastræ exercitationes. Verùm dici potest, quod sæpè apud scriptores, Palastræ nomine, totum Gymnasium, seu locus, omnis generis exrecitationes intrâ se admittens, accipiat. Rigorose tamen ex etymo nominis luctam sonat: Πάλη enim græcè, manuum conseruationem significat, quæ in Palastra, quæ erat porticus amplissima, sic-

siebat; vbi luctatores bini nudi, oleo prius aspersi, dehinc pulvere, sese brachijs complicantes, concertantesque, mutuò sese in terram deicere satagebant. Vnde etiam pro ipsa manuum gestulatione, (quam supra, Chirogogiam, & mutam Musicam diximus,) aliquando vsurpauit Quintilianus lib. 1. cap. 11. *Ne illos quidem, inquit reprehendendos puto, qui paulùm etiam in palastris vacauerint*: loquitur enim de gestuum directione, quæ in Oratoria plurimum valet ad animos commouendos.

PALATIO, inquit Budæus in Pandect. *Id fundamenti genus est, quod in aquis, aut in vliginosis, aut congestis locis fieri videmus; & palis, qui in terram depunguntur dictum vocabulum*. Ea dupliciter intelligi potest: aut per simplicem palorum texturam per modum aggeris, vt sit in extremis fluuiorum ripis, & faucibus, ad continendam firmandamque terram, ne vel alluione, vel impetu aquarum occurrentium dissiluat, cortuatque: aut per modum fulciminis, & pedamenti stabilis in structuris, quæ super aquas erigi debent, quales sunt pontes, portus, & alia ædificia, quæ siue in Mari, siue in Lacubus, siue in fluminibus, statuantur. Et de his magna debet esse consideratio, quæ propriè spectat ad Architectum: namque attendi debet & solum, in quo facienda est Palificatio, & materia ex qua sit, & palificationis ipsius stabilitas, vt in æternum duret. Quare de his ritè consièndis, hæc præcepta tradit Vitruu. lib. 3. cap. 3. *Si locus erit congestius ad imum, aut paluster, is locus sodiatur, ex inaniaturque, & palis alneis, aut oleagineis, aut roburleis vsulatis configatur, subliæque machinis adigantur quàm creberrima, carbonibusque expleantur interualla palorum; & tunc structuris solidissimis fundamenta impleantur*. Idcirco autem, præ cæteris requirit huiusmodi palos, eosque vsulatos; quia hæc potissimum ligna cariem non admittunt, & ignis beneficio ita obdurantur in aqua, vt penè cum tempore lapidescant, vt quotidiana experientia norunt Veneti, qui huiusmodi solidatis lignis maximè opus habent, non solum in fundamentis ædium, quæ omnes in vado positæ sunt, & palustribus locis; sed in constructione Nauiliorum (quæ nullibi tam perfectæ, & æternæ duratura) nimirum ex lignis, quæ in aquis per centum ferme annosmersa ad dunicem, & consistentiã sine probata. Sed, vt ad palationes pro faciendis fundamētis redeamus, ex siltuationibus solidandæ, & confirmandæ sunt, hoc est, crebris paucularum idibus, vt solo solido respondere possint, & molem impositam sustinere. Itaut operis huius ærea sit duplo maior, quam futurus est murus (Observatio est Leonis Alberti lib. 3. de ædificator. cap. 3.) Sinque pali ad muri su-

turi altitudinem, longi nihil minus una partiu ex octo; sintque crassi ut ad sui longitudinem: ita ut pars respondeat nihil minus duodecima. Denique conferti fignantur, quoad ubi plures interfigas, aditus non pateat. Hæc Albertus, quæ in Palationibus sunt omnino & necessariò obseruanda, si ædificium perpetuò mansurum desideratur.

- 5** **PALATIVM** à prima sui origine, locus fuit Romæ celeberrimus non ab structuræ magnificentia, sed à Cunabilis ipsius Romæ, quæ ab eo exordium sumpsit; quoniam ibi Romulus prima Urbis conceptæ fundamenta iecit, ac sedem suam ad inhabitandum fixit; electo sibi ad hoc commodò situ, ad vnum ex septem collibus quos Roma postea sua amplitudine complexa est: qui proinde Palatini nomen accepit, & adhuc servat; per quod ab alijs contradistinguitur, ut refert Halicarnasæus, & Livius. Hic ergò Romulus casam suam extruxit; quæ postmodum successu temporis, in nobile superbumque ædificium assurrexit, in quo inhabitare Reges, & Cæsares consueverunt. *Hinc factum est, inquit Dio, ut ubicumque degat Imperator; eius domus, Palatium appelletur.* Quod nomen dehinc ad omnes Domos Regias, quæ à Græcis Basilicæ nuncupantur, necnon sumptuosiora Magnatum Aedificia est derivatum: ita ut quævis insignis ædes, siue Principum mansioni, siue publicis ratiocinijs destinata, etiamnum Palatium, communi acceptione, dicatur. Nominis etymon variè deducunt Scriptores. Livius à Palatia Urbe, quam Arcades cum Euandro è suis sedibus profugi, (inibi, pulsus Aboriginibus,) pedem figentes fundauere, atque à Palantia Latini matre, quæ locum illum primò inhabitauerat, appellauere. Festus à Palanto seu Pallante Euandri auo, dictum autumat: alij verosimilius à balando pedudum, siue à palando, quod inibi palantes ab Arcadibus pascebantur, quasi Balatium, aut Palatium, derivatum volunt. Ut ut sit, certè ex tunc Palatij nomen Regis Romuli habitationi cessit, & inde ad cæteras Regum habitationes translatum. Quin etiam adeò inualuit appellatio, ut apud Francos quævis diuersoria Regum, quæ illis ad receptum (cum Ditionem suam amplissimam lustrant,) erecta sunt, etiamnum Palatia audiant. Quorum erigendum ratio desumpta ex institutione & usu Caroli Magni, vtrassimant eius Nationis Historici, & colligitur manifestè ex vita Ludouici Pij eius successoris, ubi inter alia, hæc habentur. *Ordinavit qualiter in quatuor locis hyberna transgeret, ubi tribus annis exaltis, quarto demum anno, hyematurum se, quisque eorum susciperet locus; Theodnadum scilicet Palatium, Cassinogilum, Andiacum, & Enrogilum. Qua loca, quando quartum redibatur ad annum, sufficientem regio seruitio exhibebant*
- ex-

expensam. Id quod hodieque ad pompam, ostentationem, luxumque
 affluentiam, à plerisque Romanis Principibus & Magnatibus, imi-
 tari, & praticari videmus, qui pluribus in locis ad Romanum di-
 strictum, vtpote Tibure, Albani, Neptuno, Tusculano, alibique
 magnifica Palatia, villasque deliciosissimas habent, omni cultu, splen-
 dore ac magnificentia, ornata: quò nedum ipsi, verno autumnali-
 que tempore, animi causa diuertunt; sed vt eadem, receptando su-
 binde amicos & hospites, dominorum suorum hospitalitatis & mu-
 nificentie argumentum sint, ijs omnia splendide suppeditando,
 sintque amicitie, æstimationis, & gratitudinis Testera.

PALILITIUM dicta est in Cælestibus, Stella fixa primæ magnitu-
 dinis, vna ex Hyadibus, in Oculo Australi Cōstellationis Tauri con-
 sistens, de natura Martis cum participatione Iouis, valde rutilans, &
 rubra, vnde & *Facula & Lampas* quoque à Latinis appellata est: Ara-
 bicè autem *Aldebaran*, quod idem significat. Computatur inter
 Stellas regias, vti Corona, Regulus, & Lucida Lancis Australis;
 sed etiam cum Anaretis, & violentis; cum sit nimium prædicta qua-
 litatibus calidis & siccis. Palilitij nomen à Romanis sortita est, à
 Palilijs, quæ Romæ solemniter celebrabantur circà eius Ortum,
 quibus diebus serenitatem maximam, & constantem adducebat,
 cum alijs reliquæ Hyades sint maximè pluuiosæ; vnde & ex hoc
 apud Historicos clarior haberi capit. Quod & Plinius notauit lib.
 18. cap. 26. *Hoc est, inquit, appellatum Sidus, Palilitium; quoniam*
XI. Kal. Maij, Urbis Romæ natalis, quo serenitas redditur, claritatem
obseruationi dedit; nimborum argumentum Hyadas appellantis Græ-
cis, has stellas; quod nostri à similitudine cognominis Græci, propter suæ
impositum arbitantes, imperitia appellauerunt Succulas. Cæterum ob-
 seruatum est, hanc stellam cum Sole exorientem, inducere corusca-
 tiones, fulgura, & tonitrua: cum Marte calores magnos facere; &
 cum Mercurio, ventos impetuosos eiere. Oritur autem cum gr. 12.
 Geminorum, atque adeo cum Sole Romæ, die 2. Iunij; occidit au-
 tem 12. Kal. eiusdem.

PALIOSA dicuntur in re ædificatoria, Tecta quædam, vt ita di-
 cam, suspensa; seu concamerationes, quæ fiunt figlino opere, subila-
 ris paleis, adhuc vt molliter incuruntur, quod non tignis, aut villis
 fulcris innititur, sed vncis & catenis ferreis desuper arreptatur &
 sustinetur. In hoc sensu, ni fallor, loquutus est scriptor Anonymus;
 Rei Architectonicæ, apud Du. Cange, consulens opus figlinum dicto
 modo, quando aliàs structile non patitur Fabrica. *Camera structi-*
les

les (inquit) fortiores sunt: figulina autem ad contignationem suspendantar, itant catenis anchoratis, tegulas, vel palioſa quæ cameram circinent, ſuſtineant. Id quod alijs verbis ſignificare fortè voluit Vitruv. lib. 5. cap. 10. cùm dixit: Concamerationes verò, ſi ex ſtructura fuerint, erunt vtiliores: ſin autem contignationes fuerint, figlinum opus ſubiiciatur. Sed hoc ita faciendum. Regula ferrea aut arcus fiant, æque vnicuiſque ferreis ad contignationem ſuspendantur quàm creberrimis; æque regula, ſive arcus, ita diſponantur, uti regula ſine marginibus ſedere in duabus, inuicem poſſint: & ita totæ concamerationes in ferro nitentes, ſint perfectæ; earumque camerarum ſuperiora coagmenta, argilla cum capillo ſubacta liniantur. Videntur quomodò vterque in idem concurrat? Niſi quod ille paleas ſubiici vult, Vitruvius autem capillum, optimum illud quidem, ſed ad comparandum difficilem. Ad hunc modum ordinata eſt concameratio ampliſſimæ Navis, ſeu medijs corporis Eccleſiæ noſtræ S. Pauli Maioris. Neapoli. Namque inſini parietes, & fundamenta in ſe recipere & ſuſtinere haud poterant in tanta amplitudine, ſimiliter ſtruſilem: neque hic (etiã ſi ſubiectis novis paraſtatis) in arcum duſilem: ad rem perfectò erat, ut poſſet liberè, tam latè excurrentibus picuris exornari, quales nunc videmus admirabiles, & ſingulares, manu excellentiſſimi Equitis Maximi: vnde ad opus figlinum, prædicto modo ſuſpenſum recurrere, neceſſum fuit.

- 8 PALLANDRAE, ſive ab Noſtris, ſive à Gallis, (apud quos primum viſæ ſunt) iudiſio, & iam communiter recepto vocabulo, appellatæ ſunt Machinæ quædam Nauales incendiariæ ſimul, & expugnatoriæ, quibus Vrbes maritimæ, eminus illata peſte, miſerè, & includibiliſſimè deſtruantur: ut non multis ab hinc annis, malo ſuo expertæ ſunt Algerium, famoſum Maurorum Oppidum, commoſiſſimum pyratarum fugium, in extrema Africa Septentrionalis ora conſtitutum; ac Genua, nobiliſſima Italiæ Ciuitas, à Gallorum Claſſe penè ad terram proſtrata. Ingenioſiſſimum planè inuentum, quo eſſerata mens hominum, petitis ab vniuerſis ſerè Mathematicis Diſciplinis auxilijs, vitur in aliorum perniciem, & ad inferendum hoſtibus, luſtuofum, atque irreparabile bellum. Etenim hic non munimenta, non arces muniſſimæ, valent ad obſiſtendum: non armatorum copię, non tormenta ad propulſandum malum, ad pugnandum, ac vicem hoſti reddendam: quippe illud, momentò (inconſultis, & repugnare haud valentibus) venit: & ille in mari de longè ſtans, extrà tormentorum ictus, impunè graſſatur, terrores intentat, & quæ libet, quæ magis nocere arbitrat, diu noſtisque

furit, ignes immittit, globos prægrandes, & incendiarios in altum attollit ad quamvis distantiam: qui remisso eiaculari librato impetu, in subiecta cadunt ædificia: vbi, præ inclusi ignis impotentia, abrupti, & in frustra acti, obuia quæque prosternunt, impetunt, ac deuastant. Atque id totum per has machinas, eas dirigentibus, atque inflammantibus, in tuto positis, obtinetur. Ad quarum compositionem, & complementum operis quod intenditur, tria postulata requiruntur: Primò Globi ipsi, qui malum inferunt, interius caui, & tormentario puluere, aliisque ferreis globulis grauidi, quos communiter Bombas nominant, sed longe his, quæ hæcenus in usu fuere, in bellico apparatu, grandiores, ponderosiores, ac truculentiores. Forma quidem non multum ab illis abimiles, sed materia, soliditate, temperatura, confarcinatione, longè superiores. Conformantur enim aliquando ex ingenti, & duro saxo, facilius ad conceptum ignem comminuendo; aliquando (quod magis in usu est) è fissili, sed crudo, ex mineris primum eruto metallo, ferro, mercurioque, ad ceram portionem mixto; quò fortius coalescat, solidetur, & in tempore abruptatur. Isti igitur, cauo vt dixi sinu, cui respondet desuper ad argentei minoris latitudinem foramen, labro ad duos digitos circumductum, & aliquantulum prominente, (in quo non abimiles sunt cauo cortici Malo granati, vnde fortè *Granate* quædam Bombarum species dicta sunt) cæterà reliquis crassiores ad quatuor digitorum extensionem; itaut singuli 400. vel 500. plus minus, pondo pendant, & excipiant intus 40. vel 50. percussissimi nitrati pulueris libras, cum certa mixtura sulphuris, bituminis & corynthidis benè confusis, intus adactis, & valide conspatis. Quibus ita instructis, de foris ad idem orificium figitur roboreus veſtus, crassus, quantum iusti hominis brachium, altus ad mensuram cubiti; *Spinam* vocant; quæ canaliculo à summo ad imum, ad annularis digiti crassitudinem perforata, à globo eminet, oppletaque conferto nitrato puluere, cum globus emittitur, & ipsa admoto desuper igniculo accenditur, deferuitque dum ardet, ad globi per aëra directionem; perinde ac virgulæ illæ oblongæ, quæ festiuis pyrobolis annexæ sunt, ad eorum motum regulandum.

His ad hunc modum paratis, vt ad opus aptari queant; oportet secundo, vt suam basim firmam, & loculamentum habeant, cui insistant; & vide, applicito igne, magno posthac impetu erumpant, & in altum auolent. Sunt autem hæc duo mortaria ex ære solidissima; tam ampla, vt eos à labro sustinere valeant; quæ proinde & ipsa opplentur nitrato puluere, altero alteri superimposito, & vt ita dicam, concauerato: Ad latera verò, vbi illis adhærent Bombæ, congeri-

Cur argilla, seu humens terra, ad opplendas fuluras; quæ etiam partem Bombæ debet operire, ne accensio subtus igni relinquatur spiramentum vllum ad euaporandum; sed totam viam suam exserat, & coadunet, ad vnice extrudendū globum. Porro hæc mortaria sic disposita, quæque ad limbum seu exteriorem labri proiectionem, habent descriptos circum gradus eleuationis dandæ singulis bombis cum exploduntur, atque adeo ad illius rationem iuelinantur; quò id agilius præstent, aptari debent intra scaphium, seu capsam pariter æneam, aperto ad calcem paruo foramine, quod respondeat imo Mortarij incendiendi, per admorum funiculum, vt aliàs fieri solet in eiusmodi vasis incendiarijs. Et hoc totum Machinamentum, Auctoribus suis *Carcassas* placuit nominare.

Demum ad circumferendas in Classe dictas Carcassas, eisque vtè ad promptè, expeditèque ciaculandos globos in tempore, & quò opus est; singulis singulæ Biresmes, seu parua nauigia, tantum earum capacia destinantur, & in reliquis facile agibilia, & expedita; quæ, vt formâ, & munere ab alijs, seu bellicis, seu onerarijs nauibus discrepant, ita & nomine sibi proprio contradistinguuntur; *Pallandras* placuit appellare. In his ergo nauigijs ad proram constituuntur Carcassæ, seu Mortaria, proximè disposita ad euomendas bombas. Neque aliud munimentum illis additur, quam simplex vallum ex spissis trabibus antè Carcassas erectis, ad altitudinem hominis, quarum interualla complet loricula è laterculis, duorum brachiorum, plusminus crassitudine; vt, si quæ aggressi immittant missilia cuiusvis generis, ad machinam labelsandam, ea in hanc vallorum congeriem incidant, ibique eorum impetus frangatur, ac terminet. Quodsi detur, ab ijs aliquando nam aut alteram trabem, deijci, & loriculam dissipari, (id quod raro accidit, ob nimiam machinarum ab loco distantiam, è qua impetere quidem possunt, sed non facile impeti) statim leui malo occurritur, alijs suppositis, quas promptas, & ad manus habent, qui in nauigio sunt ad illud dirigendum, & bombas ad destiuatum locum librandas; homines perditæ cæteroqui salutis, & ad mortem dannati; qui vt sibi vtrumque consulant, iniecto igniculo, protinus in mare desiliunt, ne ipsa explosionis vi, quassato potentius nauigio, certius opprimantur. Cæterum *Pallandræ* istæ vt expeditiones sint; malo, velo, remige, omnique bellico impedimento carent; non enim defensionibus egent quando, vt dixi, extrâ tormentorum idum, sunt; à longe positæ ad duo vel tria miliaria, quò aggressæ vrbis explosiones haud perueniunt; & aliàs ab tireribus è portu obfessæ vrbis soluentibus, accessum non sibi timent, quia habent à

tergo Sociorum Classẽ benè tormentis instructam, quæ pro-
regat, & accedere audentes dilaceret, atque in profundum mero-
gat. Semper enim huiusmodi Pallandræ constituitur in tan-
ta distantia à muris imperendræ vr̃bis, vt Carcassarum ictus illuc
perueniant, at non ad eas inde librata missilia, quæ ex longo itine-
re impetu destituuntur; & retrò, longius ab loco obsessio, habent
obumbrantem latè suorum classẽ, vt appropinquantẽ obsessorum
trirẽmes arceat, ac repellat; quemadmodum audiuius factum in
oppugnatione Algeriana, & Genuensi ab ijs qui præsentes fuerunt:
è quorum relatione huc transcribere, quomodo res se habuerit in
Genuensi inuasionẽ, ex nouitate, & damno ijs impunè intentato;
non erit ab instituto multò auium, nec fortasse Lectoribus iniucun-
dum.

Ergò Gallorum Classis constans viginti Nauibus bellicis, ac IO
duabus supra viginti trirẽnibus vitrà centum nauigijs onerarijs;
decem cuiusmodi Pallandras secum remulco trahens, mense Maio an-
ni 1684. se sicut in conspectu Genuensis Vr̃bis, in Coronæ formam
se explicans, ad distantiam trium circiter milliariũ, atque in medio
sinu in latum prædictas decem Pallandras excipiens, æquè ab se
distantes, & ita dispositas, vt à fronte vr̃bi imminerent; à portus,
vt aiunt, veteris faucibus, vsque ad extremum promontorium, vbi
constituta, est specula ad commodum nauigantium: à tergo au-
tem ad semimilliare haberent trirẽmes, & naues bellicas protegen-
tes. In hunc modum terrores intentans, & nescio quas offensiones
obtendens, conditiones quasdam, quæ vix sunt Senatui, Reip. liber-
tati intolerandæ, ad declinandum Vr̃bis excidium, extorquere paci-
ficè satagebat. Sed ijs morem gerere, cum indignum Patres existi-
marent, parati omne malum perpeti, quàm suæ libertati, & iuribus
cedere; bombis è Pallandris immisiss, Vr̃bs quati cæpit. Ac primò
quidem ictus (crediderim data opera, ad incutiendum ciuibz me-
tum) extrà noxam librati sunt; alter enim globus in mare iuxta vr̃bis
mœnia directus est, vbi decidens, subitus aquam incensus est, ac
mox disruptus tanto impetu & violentia, vt rotius vr̃bis ædes, vel-
ut ad terræmotum concussæ fuerint. Alter globus igniuomus in
terram decidit, ac suprà muros confractus est: & quamquam lapi-
des aliquot inde diuellit, nil aliud præterea mali intulit. Sed cum
viderent Galli, Cives haudquaquam animo infractos, ad postulata
flecti; seriò de excidenda funditus vr̃be continuis bombardum immis-
sionibus cogitarant. Quare vnum ex his exactè libratum supra Du-
cale Palatium satis conspicuum direxere; eo consilio, vt congrega-
tis inibi, (vt credebant) Patribus, ad deliberandum quid agerent

in tanta rerum angustia, ad cessionem præsens malum adigeret. Et quoad ruinam quidem, optimè respondit votis effectus; namque immisus globus, emenso itinere, se perpendiculariter suprà designatum locum constituit: mox remisso impetu ignis in spina accensi, præcipitanter cadens tectum traiecit, atque ad imum solum sese intrudens, disruptus est; obuia quæque ac parietes impetens, & prosterbens. Subsecuta est inde spissa similium bombarum grando, quæ Urbem circumquaque inuadens, miserè deformauit: itaut intrâ tres tantummodo dies, supra triamillia, & ex ijs plurima superbissima ædificia tum prophana, tum Sacra euersa sint: nullo vnquam bombarum iactu irritò, quas supra duodecim millia immissa fuisse, fama est, quæ vastitatem vndique deportarent. Vt propterea vulgus Genuatium crederet, non nisi magicis artibus instructas, directasque, fuisse machinas, nullâque hominum arte potuisse compingi, ad eò ad Scopum ex asse tendebant. Sed verò qui Pyrostaticæ, aliarumque affinium facultatum miracula nouit, verum tenebit; affirmans, id tantum laudis, & gloriæ Gallos hoc tam grandi apparatu, & molimine reportasse, nimirum summani mathematicarum Scientiarum peritiam, qua se in vrbium expugnatione ingeniosissimos, ac formidabiles ostenderent, tenerentque in officio sibi obsequi detrectantes. Hæc in gratiam curiosorum, ex occasione Pallandarum, mirabilis Mathesis operis, dicta sunt.

- I I** PALMA, per excellentiam, noninatur ab Astronomis duz fixæ tertiz magnitudinis, in vola sinistræ manus Serpentarij Sideris ad borealem plagam, in eodem ferè gradu, tam longitudinis quam latitudinis consistentes, nempe altera in grad. 28. altera in 29. Scorpj, cum latitud. boreali, grad. 17. quod idè vniant vires, & perinde sunt, ac vnum astrum à cæteris seiunctum, vti nonine, ita & viribus dissimillimum: habent enim mixtam quandam naturam Saturni, Veneris, & Mercurij: quod quia ipsum corpus serpentis tangit, in serpentem ipsum alij reiecerè, speciali nomine indigentes *Ted.* Arabes verò, sumpto ex latinis vocabulo, *Colubramet.* De his pronunciat Petr. Faber in Panchymico, lib. 2. cap. 26. quod infundunt terris fertilitatem & salis copiam: tamen, cum sit maxime de Saturni natura, fructus ægrè ad maturitatem perueniunt: sed tamen solerti agricultura, tandem frigiditas illis naturâ insita corrigi potest, & ad perfectionem reduci. De hominibus verò asserit, quod influunt prudentiam, ac sapientiam loquendi gravitatem, & maiestatem in rebus omnibus peragendis, consiliorum firmitatem, ac constantiam; verum propositarum tenacitatem: & ex parte Veneris influunt gratiam, lepo-

leporum, ac venustatem. Vnde homines graues sunt, firmi, & constantis consilij, immutabilis sententia, eloquentes, ac leporem, & gratiam in eloquendo summam habent qui terras incolunt, quibus hac consellatio dominatur. Hæc Faber: quæ, quamuis gratis dicta sint, non est cur improbare, vel redarguere debeamus.

PALMAM etiam vocat D. Hieronymus in Ezechiel. cap. 40. I 2
quandam mensuræ speciem, quam Græci Palestin nominant: Explicans enim illud Prophetæ: Ecce vir &c. & in manu viri calamus mensuræ sex cubitorum, & palmi, notat Septuaginta vertisse: Calamus mensuræ cubitorum sex, & palastis. Vbi ipse: Non solum, ait, summitulum geometricum, sed & calamum tenebat in manu, cuius supra, mensura tacita est, & nunc ponitur cubitorum sex, & palmo, qui veditis græcè dicitur Palestin, & est sexta pars cubiti; (alioquin palmus Spithami sonat) quam nonnulli pro distinctione, palmam; porro Palestin palmum appellare consueuerunt. Igitur aliquibus, teste S. Doctore, aliud est Palmus, aliud Palma, in ratione mensuræ: sicut Græcis aliud sonat Spithamen, aliud Palestin: siquidem Spithamen appellat palmum duodecim digitorum, quantum videlicet spatij, extensæ manus ab extremo pollicis ad extremum minimi, comprehendit: Palestin verò, (quam vertunt Palmam) dicit extensionem quatuor digitorum, seu quantum comprehenditur inter indicem, & medium, ab inuicem quantum fieri potest, auulsos, quam alij Lieham nuncupare: quamquam (vt notat idem Hieron.) communiter has voces confundunt. Sed ne definas videre, quæ ad hanc rem, eruditè congerit Alex. ab Alexandro, lib. 2. cap. 20. ac Tiraquellus ad ipsum.

PANSELENE græcè dicitur Luna luminibus plena, cum est in oppositione Solis ex Πάγ, quod significat aggregationem, & ἄνωγ, quo venit Luna. Nos eadem ratione, Plenilunium appellamus.

PANTOMETRVM, quasi vniuersale Mensuratorium, agnominatum est Geometricum quoddam instrumentum, non ita pridem ab famigeratissimo Kircherò, altero nostræ ætatis Archimede inuentum, ac primum ab auctore ipso expositum in Arte Magnetica, dehinc à Gaspare Scotto, tum peculiari libello, tum cum alijs, in Cursu Mathematici. lib. 6. luculentissime explicatum. Est enim Organum mensurandis quibuscumque distantijs factum, corporumque ac figurarum quatumlibet projectionem in planum, cum suis extensionibus, & contractionibus, nullo penè negotio accipiendi, &c. Adco vt, ait Scottus utilitatem eius exagerans: Nulla assignari queat figura, quæ non instrumento hoc arte sane mirabili, innata proportionem minui queat, dans


argumentari: præsertim si instrumenti discus laevis fiat; aut si ad normam eius fiat *Quadratum* maius versatile circa suum orbem, & suo *Curso* instructum. Unde consequenter maximus eiusdem instrumenti usus est in *Perspectiva*; cum *Scenographia*, *Oribographia*, atque *Levographia*, corporum quorumcunque siue regularium, siue irregularium, uti & quarumvis aliarum rerum *proiectura*, sive facilitate delineari, angere, & minui possint. Hæc *SCOTTUS*, de utilitate & universali usu istiusmodi Instrumenti. Quod compingitur, & constat ex tribus partibus, vitrà pedem quo sustinetur, & dioptram ad perspicendum: nempe amplo quadrato; Orbe, seu rotula cum descripto limbo, cuius diameter latera intrinseca ipsius quadrati exatè adæquet, ac tangat; & in ipso Orbe aliud quadratulum excavatum, vt in eius cavitate, charta crassiuscula, vel ærea lamina quadrata, eiusdem cum quadratulo capacitatis, aptari queat, ad lineas ex instrumenti circumductu accipiendas. In his igitur tribus simul connexis, consistit tota ratio instrumenti. Porro *Quadratum* maius orbi infixus est, pro libito suis deque circa orbem movibile, qui tamen orbis immobilis pedi substrato stabiliter inniti debet, vt circum ipsum volui, & revolui exterius quadratum queat. Quod ita debet efformari è ligno solido, vt in medio habeat duas regulas aliquantulum depressas, & inuicem decussatas; in quarum centro paruum foramen excipiat axiculum, orbi infixum, per quem rotari queat. Demùm in aliqua parte latiore extrà utriusque quadratuli angulum, locatur acus magnetica, cuius directione, ad angulos mundi instrumentum sistendum sit, ac suprâ dioptra & ipsa versatilis, & habebitur instrumentum omnibus numeris absolutum, vt apud ipsum *KIRCHERUM* vel *SCOTTUM* videre poteris, cuius varios usus in praxi, iidem te docebunt.

- 14 PARABOLA vna est ex tribus celeberrimis Sectionibus Conicis; sed præ omnibus ipsa præstantior, vberior, usu frequentior, & intellectui facilior, quippe quæ admirabiles proprietates habet, effectusque educit valde viles, tum in solaribus horologijs describendis, ex projectione vmbre gnomonis ad rationem parallelorum Solis, tum in Catoptricis, ad specula vltoria conficienda; siquidem, ad radios vniendos ignemque exinde eliciendum, speculum parabolicum aptissimum præ ceteris est: nec mirum, cum Parabola (ad cuius formam curvatur) vnum centrum, seu vmbilicum obtineat, vnamque diametrum intra conicam sectionem, ad quam ordinatim applicatæ deducantur (quando Hyperbola, & Ellipsis duas diametros, & duos focos habeant, vt in loco dictum est) & idcirco omnis radius axi parallelus in parabolam incidens, fixescatur, con-

CUR-

currunt in vnum, & idem punctum, quod umbilicus dicitur: & quia ibi radij solares concurrentes, vbi apta materia est, flammam eliciunt, rationabiliter appellatur focus. Quocirca hunc, aliosque miros effectus contemplati magni viri, imprimisque Apollonium Pergæum in Geometricis, & Opticis facile Principes, excitati sunt ad eius arcanâ diligentius indaganda, & indeque ad intimam considerationem omnium aliarum Sectionum, quæ in cono fieri possunt, earum naturam perferutando, & geometricè examinando.

Est igitur Parabola, sectio conique fit per planum aliquod in eum ex aduerso incidens, & pertingens ad basim, scindens ex eo partem, seu frustulum, altera parte minus (id quod non fit in sectione per axem, quæ medium conum scindit in duas partes æquales) cuius diameter ab vno latere sectionis per axem procedens, fit parallela alteri lateri, terminetque ad centrum basis coni, concurratque cum termino sectionis per axem, vt in subiecta secunda figura videre est.




Porro, vt dictum est, hoc sibi proprium, & singulare habet Parabola, vt vnicum focus tantum admittat, nullamque transuerfam diametrum: adeoque latus eius rectum, quod Parameter dicitur, sit semper linea extra sectionem ducta, quæ tamen tangat verticem ipsius sectionis, faciatque in eo angulum rectum cum axe, seu diametro sectionis, ac sit parallela omnibus applicatis. Quo siue in Parabola, rectangulum comprehensum sub Parametro, & portione diametri, quæ interceptur inter applicatam, & verticem, vocaturque sagitta, sit semper æquale quadrato ipsius applicatæ. Non sic in Hyperbola, & Ellipsi, vt in specie de singulis, suo loco dictum est. Nunc autem in Parabola, Parameter est vnica ratio quando quadratis applicatarum rectangula, quæ proueniunt ex sagittis seu por-

portionibus axis, pro vno latere; & ipsa Parametro pro altero. Sic in prima figura, sicut se habet quadratum B.D. ad quadratum H.F., ita sagitta A.D. ad sagittam A.H. & sic de reliquis. Ex quo apparet, quod ipsæ applicatæ erunt in subduplicata ratione sagittarum, & sagittæ in duplicata ratione applicatarum. Nam ex Euclide, 12. propos. Secundi. Quadrata sunt in duplicata ratione laterum, & latera in subduplicata ratione quadratorum.

16

Restat modò ad huius rei pleniorẽ intelligentiam ex praxi comparandam, methodum aliquam perquam facillimam hic tradere, describendi parabolam, ex multis propè infinitis, quæ haberi possunt, & exponuntur passim ab authoribus, præsertim Bettino, Millier, nostro Guarino, Vitale Iordano, & alijs. Seligam tamen, præ ceteris quæ circumferuntur, vnã, quæ & intellectu sit facilis, & ad describendum accommodata: namque perficitur arcubus, & lineis erori minime obnoxijis: & fundatur tota in extensione Parametri, quæ est media proportionalis duorum extremorum: ac proinde tota ratio mensurandi applicatas, & portiones diametri interceptæ.

Sic itaque in adiecta figura, linea A. B. diameter Parabolæ describendæ: A. D. sit Parameter, quæ transferatur in A. C. Ex quo A, sit vertex sectionis; simul & centrum semicirculi C. D. B. Tum diuidatur A. B. in quot partes libuerit, siue æquales, siue inæquales (quod parum refert) ducanturque à punctis diuisionum, perpendiculares ad diametrum, quæ sint parallelæ Parametro A. D. vt vides: atque inuento centro in linea A. C. circino formentur arcus, seu semicirculi minores à punctis intersectionum, terminantes omnes ad punctum C. & in linea A. D. vbi arcus interfecant parallellas notentur puncta G. K. N. O. P. &c. inde ab his punctis notatis demittantur perpendiculares totidem ad ipsam A. D. quæ etiam sint parallelæ diametro A. B. nam vbi hæ lineæ cum arcibus se interfecant, manu æquabili ducta linea flexa à puncto



ad

ad punctum, illaque omnia transfiliens vsque ad vltimam lineam; probè delineatam parabolam exhibebit.

PARABOLISMVS. Vide in V. *Algebra*.

17

PARADISVS dictus *Terrestis*, (quà ad Geographicam inquisitionem attinet) locus est amoenissimus, in nobilissima, atque editissima Orbis terræ parte, vt creditur, situs, atque ad totius humani generis iucundissimam habitationem, à Deo ipso, (vt habetur Genes. 1.) suis manibus confitus, & plantatus ad Orientalem plagam Eden, vt inibi Adam, & Posteri longissimam vitam traderent zmmnarum omnium, atque etiam ipsius mortis expertem, ni ille Dei præceptum præuaricatus, atque in poenam inde cictus, sobolem quoque suam, reatus sui macula vitiaffer, fuissetque proinde in causa, vt illinc extorris perpetuò exularet, posito Cherubim ad custodiam, ac flammeo circum, ac versatili gladio, ad onincm eius aditum, & viam intercludendum. Quò factum est, vt homines (quà affecti sunt, habendi, vel peruagandi cupidine) iugi eius desiderio tenerentur, & nequicquam obstante appposito obice, ad eius inquisitionem (*nismur enim in vetitum*) terram vniuersam quà latè patet, penitissimè peragrarent, atque in perquirendo dehecerent. De vero eius situ, quoniam reapscalcari non potest, saltem animo volunt, & mente concipiunt, atque adeò in varias, innumeras, sibi que contrarias abeunt sententias, non modo ex Philosophis, Theologis, & Geographicis, sed ex SS. Patribus multi; quorum omnium opinationes exanimat, & censet D. Augustinus in Gen. lib. 8. atq; ex recentioribus, Thomas Maluenda in absolutissimo opere quod compilauit de *Paradiso Terrestri*. Communior tamen, & quæ vulgi laudem fidemque promeruit; est, illum constitutum esse in partibus Orientis, & in specie circà Mesopotamiam, & Armeniam; eoquod ex Scripturis habetur, quod fuisset plantatus in Eden; & quod fons in eius medio esset, è quò quatuor flumina emanant, inter quos Tigris, & Euphates, quos vti que celeberrimos, ac potissimos amnes, scimus prouincias illas allocre, indeque ortum sumere, atque in alias quoque terras exspatiari. Consonat ex parte, textus hebraicus, vbi pro eo quod legimus in vulgata nostra, *A principio*, vertit *Miqueden*, hoc est ab Oriente, quod initium, & primus limes Mundi statuitur, vt explicat Abulenſis: & clariùs vertio Septuaginta Interpretum, quæ sic habet: *Et plantauit Deus Paradisum in Eden, ad Orientem*.

18

Verùm hoc opus hic labor; quæ mundi pars verè dicenda sit Orientis:

riens: nam vox ista respectiva est, & vt optimè subinfert Tostatus, quodlibet punctum horizontis, vnde emergunt sidera, est oriens respectu alterius alicuius loci, ob terræ rotunditatem, & Solis iugem circa ipsam, motum & circulationem. Vnde Palestina dicitur nobis Orientalis, Indis verò Occidentalis: Econtra Asia tota, licet ad dexteram sit Europæ, atque adeò ipsa Orientalior; est tamen ad sinistram Americæ, sicque respectu illius, Occidentalis: & sic discurrendo de singulis mundi partibus, & Prouincijs, vbi ea dicitur orientalis respectu aliarum, in qua Sol prius de mane oritur, cum tamen eodem momento temporis, in his adhuc tenebræ sint, & nox profunda. Quod ideo nil mirum, si ex eo Scripturæ testimonio de Oriente, vbi confluxum legimus hunc Paradisum deliciarum, nil certi haberi potest, & Patres nihilominus, Geographique omnes, in eo, certo loco figendo, dissident; atque in tot abeunt sententias, quot sunt capita, neque vllus hæcenus ad scopum collinauerit, sed nec incertam quamvis palmam maioris probabilitatis, tenuerit. De qua re, cum nos alibi fusè nimis, & acriter disputauerimus, hic supersendendum censeo, quoniam extrâ institutum est. Et licet aliàs quæstio Geographica foret; at tamen, quia Mathematica grauitate procedimus, quæ certa ab incertis secernimus, non probabilibus rationibus nixi, sed euidentibus demonstrationibus, quas nemo possit inficiari; ideo missam facimus, & cum Augustino, summam Dei prouidentiam, qua voluit locum nobis prorsus impermeabilem, & occultum, humili silentio veneramur. Sed &

- 19** PARADISVS, cuiusque nomen, certiorum locum habet in Architectura. Eo quippe vocabulo, siue per hyperbolem, siue per pietatem, insignita fuit olim celeberrima Quadriporticus à Constantino Magno piissimo Imperatore præstruâ Romæ in Vaticano, ante Basilicam Principis Apostolorum, ab se etiam magnificentissimè ædificatam, concludens atrium, & aream tanto ædificio dignam, atque oppido resplendentem. Cuius amplitudinem ita definit Alf. quod prima Porticus, quæ mediabat inter atrium, & Basilicam, extendebatur in longum 285. palmis; quæ ad extrema, aream claudens: quæ verò hinc inde ad latera, palmis 256. itaut nobile Theatrum conficerent. De qua ita loquitur Paninius. De Septem Ecclesijs in Basilica Vaticana. Ante ipsam Basilicam erat Quadriporticus à Constantino facta, cuius etiam nunc extant reliquæ, quam Symmachus Papa marmoreis strauit, & Musæi signis ornavit: & Constantinus Papa, sex sanctorum Synodorum generalium picturam in eadem posuit; cuius atrium, siue implauium, quod Paradisus dicitur Donus Papa marmoreis
qua-

quadris constrant. Id quod ex Anastasio Biblioth. excerptis, qui in
 Dono, dicit. *Hic atrium B. Petri superius, quod Paradisus dicitur,*
estque ante Ecclesiam in quadriporticum, magnis marmoribus struit. Et
 explicatius Leo Ostiens. in Chron. Cassinensi lib. 3. cap. 28. *Fecit &*
atrium ante Ecclesiam, quod nos Romana consuetudine Paradisum voca-
tamus, longitudine cubitorum 77. ac semis; latitudine 47. & semis, alti-
tudine verò 15. & semis, 4. & totidem in geminis frontibus, & 8. per
latera singula super quadrifidas bases habens gerens columnas. Qua
 autem ratione ab initio Paradisus nominata sit, alij ab loci amœni-
 tate, alij ab deuotione deriuant, & meo iudicio congruentius. Si-
 quidem, cum antiquitus non fuisset in more mortuorum corpora
 in Ecclesijs sepelire, ob reuerentiam sacro loco impensam, ea
 ponē ipsas in atrijs, & contigujs arcis, humabant; vnde de
 Orhone II. Imp. habemus ab eodem Ostiensi, quod in prædicto
 atrio rumulari rogauit: & idem refert de Sicelgaita Roberti Gui-
 scardi coniuge, Paulus Diac. lib. 4. cap. 8. hinc factum est, vt prædi-
 ctus locus, & promiscuē atria, & Cæmeteria Ecclesiarum, Paradisi
 nuncuparentur; quoniam, vt Paradisus ille Cælestis, sedes est anima-
 rum vbi requiem consequuntur æternam; ita, & hæc, vbi corpora in
 pace quiescunt, non incongruē Paradisi nomine denotantur. Ad
 quam rem confirmandam, facit quod scriptum reperi in Tabulario
 S. Victoris; quod extat in Annal. Massilien. vbi dicitur: *Idcirco verò*
idem locus ad portam Monasterij situs, vocatus est Paradisus, sicut &
nos comperimus, quia multorum corporum, scilicet Sanctorum Marty-
rum, Confrisorum, Virginum, eodem loco quiescentium decoratur auxi-
lijs, & suffragatur meritis. Porro Paradisus, & Quadriporticus, quæ
 erat in Vaticano, ad dandum locum nouæ magnificentiori Basilicæ
 deiecta est, sed in eius locum alia longè magnificentiori Triporticus
 ab Alex. VII. substituta est, de qua alibi erit sermo.

PARADROMIDES græcè idem sonat, ac si latinè diceret, *Itionēs.* 20
 Vsurpantur autem signatè in opere architectonico, pro rectis & am-
 plis interpositis vijs, seu ambulacris, hinc inde à lateribus varijs
 amœnarum arborum, & viridantium stirpium plantationibus ac textu-
 ris, topiario more confitis, & circumuictis. Has olim in Palz-
 stris aperiebant, vt post diutinas exercitationes, laxato corpore, athle-
 tæ haberent, quo animum recrearent, iucundis & placidis deambu-
 lationibus, & visus oblectamentis: quas eleganter describit Plinius
 Iunior lib. 2. ep. 16. & lib. cap. 6. Xystosque nominat. Nostri di-
 cerent *Viales.* Vbi advertere iuuat, Xysti nomen æquiuocè sumi,
 & aliquandò summis viris & Scriptoribus emunctæ naris imponere.

Etenim Xystus apud Græcos erat perampla porticus in Palæstra, ubi sub tectō exercebantur Athletæ, hyberno tempore, vel pluuio, ne aliis sub dio, imbre lotuæ impliciti turbarentur: Paradromides verò erant itiones subdiales apertæ, spatiosæ, Xystis, seu dictis porticibus proximæ, in quas inde exactis ludis athleticis, corporibusque defatigatis exibant ad captandam auram, animumque amœniis deambulationibus recreandum, vt testatur Vitruu. lib. 5. cap. 11. ubi clarè distinguit Xystos à Paradromidis, & illos porticus esse ait, in quibus Athletæ hyberno tempore exercebantur: has autem ponit Xystos aperiri, ac dilatari vulg, ad effectum liberè exspatiandi, sereno calo, post longam defatigationem, quas ad distinctionem Xysta vocauit: Ait enim: *Proximè autem Xystum, & duplicem porticum, designentur bypatra ambulationes, quas Græci Peridromadas, nostri Xysta appellant, in quas per hymem ex Xysto, sereno calo athletæ prodeunt exerceantur.* Nihilominus castigatissimi sermonis cultor, Plinius Cæcilius hoc non attendit, sed ipsas subdiales ambulationes arborum fruticumque ordinibus constitas, non Xysta, vt vult Vitruu. sed Xystos semel & iterum nominat. Namque primò Epistola ad Gallum, ubi commendat villæ suæ Laurentinæ amœnitatem, inter alia, quæ animum oblectare in ea poterant, ait: *Ante Cryptoporticum Xystus violis odoratus, teporemque Solis insusi reperenssa cryptoporticus auget.* Rursus lib. 5. Epist. ad Apollinarem, necio nùm eandem, an aliam longè ornatiore stylo describens, sic loquitur. *Atrium etiam ex more veterum ante porticum: Xystus concisus in plurimas species, distinctusque buxo, pronusque paluinus, cui bestiarum effigies inuicem aduersas buxus inscripsit.* Et infra: *Nam via plures intercedentibus buxis diuiduntur; alibi ipsa buxus interuenit in formas mille descripta, litteris interdum, qua modo nomen domini dicunt, modò artificis.* Quid ergo? Nùm, quid interesset inter subdiales ambulationes, & rectas porticus, necesse dicamus Plinium, aut ex græco Xystum ad Latium, transisse, vt Xysti, dicerentur Porticus; Paradromides ad differentiationem Xysta? Sed & ipse Vitruu. non sibi concors, lib. 6. cap. 10. ait. *Nostri hypethras ambulationes Xystos appellant, quas Græci Peridromidas dicunt.* Quocircà in opinione res posita est, & ad scribendum placitum. Vnde etiam post hæc, Ferrarius nuperus Scriptor, in Amalthea Onomast. contrà sentit, & ait: *Xysta esse porticus, seu ambulationes rectas, Xystos autem subdiales.* Sed vide quæ dicemus in V. Xystus.

- 21 PARALLAGE, teste Valla, dicta est apud Astronomos, certæ siderum Constitutio, & ad inuicem positus, vt in figura efformet Triangulum.

Triangulum Iſoſcelium: hoc eſt, vt ita ſibi ſituatione, & loco reſpon-
deat; vt ſi inter duos planetas aut ſtellas fixas, alia tertia ſtella,
vel aliquod Cæli punctum, talis correfpondentia eſſet, vt ductus ab
vno puncto ad aliarum centra rectis lineis, triangulum æquilaterum
eſſormaretur. Talis eſt in Orbe Sidereo, poſitus Arcturi cum Cauda
Leonis, & Spica Virginis; eſſormantes perfectum triangulum Iſo-
ſcelium, facta baſi in Arcturo, & Claua Leonis; à quibus ductæ
lineæ in Spicam, ibi concurrant in Angulũ. Talis eſt etiam conſtitu-
tio Aſterifmi, dicti propterea *Deſteſon*, in plaga Boreali, in longitudi-
ne ſub ſigno Tauri, cum latitudine fere grad. 20. iuxta Perſeum, &
Andromedam, necnon alterum in plaga Auſtrali, adiacens Circulo
Antarctico, quod eſt fere æquilaterum, nomine *Triquetrum*. Porro
hæc Conſtitutio inter fixas, quoniam ſemper eadem eſt, & nunquam
immutatur, ab Aſtronomis non attenditur; ſed in planetis, qui ſui
peruagatione vnicuique propria, loca ſemper tãni in Zodiaco, quàm
in Mundo permutant, in maxima eſt conſideratione: per eam enim
conſiſtuntur ad inuicem, & ſunt in Antifcio, ſeu parallelo declina-
tionis, aut cõſmico: vnde æquiparatur Coniunctioni, vel Opposi-
tioni. Quæ, ſi inter Beneficas intercedat, maximè ſi naturæ ſociabi-
lis ſint, optima eſt, & eorum virtus in bonum, ex collatis inuicem
radijs, magis intenditur ac perficitur, vt in loco diximus: In Male-
ficis autem adinuicem, aut cum beneficis, præſertim Vitæ Moderato-
re conſtituto in Parallaxe cum vtraque vel alterutra Maleficarum,
peſſima: eo quod contrarijs qualitatibus congregientes labefactan-
tur, vis influendi in hæc inferiora tunditur, rerumque productio &
conſeruatio, aut abſcinditur, aut impeditur. Propterea Ptolemæus
lib. 3. cap. 9. a *De Natis* agens, qui nutrir non poſſunt, ſed mox extin-
guuntur, & alibi, inter peſſimos abſciſſores, & Anæretas primo loco
ponit figuram æquicuriã inter Vitæ Propagatorem, vel ambo Lu-
minaria; & alteram, aut vtramque maleficam: quod pluribus mo-
dis euenire poteſt, vt ipſe luculenter explicat, & nos alibi exami-
nauiſus.

PARALLAXIS, apud Aſtronomos eſt deuiatio viſus, facta ex di-
ſtancia termini lineæ viſualis proiectæ à ſuperficie terræ, ad Sidus,
vel aliud Phanomenon in Cælo apparens, à termino alterius lineæ
projectæ à centro telluris, ad corpus eiufdem Sideris vel Phanome-
ni, in loco vbi reuera conſiſtit. Pro cnius rei intelligentia, ſcien-
dum eſt, quòd omnia loca ſuperiora, à telluris centro moderatio-
nem ſumunt. Quam enim nos conſpiciamus ſidera à ſuperficie terræ,
quæ diſtat à centro, milliar. fere 3035. quanta eſt ipſius terræ ſe-

midiameter; conſequenter neceſſe eſt, vt diuerſus ſit locus designatus per lineam rectam à centro telluris, atque ab eius ſuperficie; & ex hoc, vt in diuerſo etiam ſitu conſiſtere videatur ſtella à ſuperficie terræ proſpecta, ac ſi ab eius centro conſpiceretur; vt ex Opticis perſpicuum eſt. Hanc autem aſpectus diuerſitatem, dicimus *Parallaxim*. Quæ maior, aut minor eſt, pro maiore, vel minore propinquitate, quam habet ſidus ad terram. Porro id locum habet in radio oblique immiſſo, ſeu quando ſtella, cum non ſit verticalis, projicit radium ex aduerſo, atque à latere ad centrum, & ſuperficiem terræ: nam verticalis, cum projiciat radium rectâ ad ſuperficiem terræ, & inſimul ad eiusdem centrum, neceſſariò ſequitur, quod tunc nulla eſt deuiatio, adeoque ſidus nullam patitur *Parallaxim*. Et hinc deducitur etiam, quod quò magis à vertice elongatur, & ad horizontem approximatur, eò maiorem habet *parallaxim*, & viſus deuiationem; & econtra, cum ex horizonte ad verticem aſcendit, ſemper minorem, & minorem patitur *parallaxim*, pro ratione ſituum, & diſtantiarum à centro telluris, vt videre eſt in ſubiecta figura.



- 23 Patiuntur *Parallaxim* Comete, ſeu noua Phænomena in æthere regione producta, maximam: Poſt Luna, Planete & reliqua Phænomena in ea æthere regionis parte genita, in cuius diſtantia, telluris corpus aliquam retinet proportionem ſenſibilem: nam, vbi terra ſe habet ad inſtar puncti inſenſibilis, vt in Sphæra Fixarum, nulla omninò eſt *Parallaxis*. Et ideo Noua. Stella, quæ apparuit in Sede Caſſiopeæ, anno 1572. & quæ in Cygno anno 1600. & quæ in Serpentario, anno 1604. creditæ fuerunt, non in regione elementari, neque in Lunari, aut alterius Planetæ, productæ; ſed in ipſo Cælo & regione Fixarum, quia proſpectò, (vbi reliquæ ſtellæ fixæ,) nullam recipiebant *Parallaxim*. Regio Saturni, & Iouis, eorumque corpora, & ſatellites ipſos comitantes nul-

nullam habent sensibilem Parallaxim, namque coincidit in idem, fere punctum locus designatus per lineas rectas visuales, à centro telluris, atque à superficie eiusdem proiectas terminantes ad eorum corpora. Mars, ex Tychoonis obseruationibus, constitutus in Perigeo, vbi sit terræ proximior quàm Sol, habet parallaxim minuto- rum quatuor: in Apogeo, fere nullam. Sol, siue in Apogeo, siue in Perigeo nullam variat sensibilem parallaxim, quæ est minor, fere triu. Venus, & Mercurius habent parallaxim similiter triu minu- toru. At Luna, & quæ in eius regione generantur Phenomena, expe- riuntur parallaxim vnus fere gradus, circa Horizontè: quæ, vt dixi, proportionaliter semper minuitur, pro maiore & maiore approxima- tione ad verticè. Et cum radius visualis interfecate necessario debeat lineam rectam, à Centro telluris in corpus Stelle protensam; consequen- ter humilior apparebit, quàm reuerà sit, & exigit calculus Astronomi- cus. Parallaxis ope. nouimus ordinem Planetarum iuter se, ac singulorum, tum ab inuicem, tum à terrâ distantiam. Noscimus etiam æquipus veræ coniunctionis, præcipuè verò Eclipsium verum mo- mentum ab apparente discernimus: aliaque permulta, quæ apud Auctores videri possunt: In quibus etiam extant Tabulæ Parallaxium tum Planetarum, tum Cometarum in quacunque aëris regione, apparentium.

PARALLELI dicuntur Circuli, seu Lineæ æqualiter distantes ab 24
innicem, vel etiam ab aliquo puncto, aut signo intermedio. Potis- simè verò in Geographia, & Astronomicis, accipiuntur pro Circulis æquidistantibus ab Aequatore, tam in superficie terræ, quàm in re- gione Aethereâ consideratis: itaut qui habitant in locis æquè di- stantibus Ab Aequatore versus eundem Polum, dicantur esse in eo- dem Parallelo. Similiter in Cælestibus, quæ sidera eandem & num- ero, & regione declinationem habent, eandemque ab Aequatore distantiam; dicuntur esse in eodem parallelo: quæ verò eandem de- clinationem, sed non eandem præcise ab eodem loco, distantiam, sed ex aduerso hincinde à punctis solstitialibus in eadem regione, dicuntur esse in Parallelis lutuentibus, quæ communiter vocantur Antiscia. Ac tandem quæ reperiuntur in eadem numero declinatio- ne, sed regione diuersa; itaut æquè distent hinc inde à coluro Aequi- noctiorum, ac propterea vnum vergat ad Polum Arcticum, aliud ad Antarcticum, appellantur Contr-Antiscia, seu verius Antiscia, & Paralleli Imperantes, & Obedientes. Et Imperantes quidem qui sunt in Signis Borealibus; Obedientes verò, qui sunt in Australibus, quoniam ob depressionem vltra Aequatorem, & humilitatem situs, vi- den-

dentur illis quodammodo morem gerere, & obedire. Igitur huiusmodi Siderum æquipollentia, quæ est species quædam familiaritatis, quam sidera adinuicem contrahunt constituta in huiusmodi Parallelis, expressiore vocabulo significari potest per nomen Parallelorum Declinationis, seu in Zodiaco, ad differentiam eorum qui sunt in Mundo (da quibus mox infra) per æquidistantiam à Cardinibus. Et qui æquè distant hinc inde in eodem hemisphærio à culmine, vel ab Imo, vocantur Paralleli Cosmici Primarij: qui autem æquè hinc inde distant ab Horizonte; seu ab Ortu, vel Occasu, dicuntur secundarij.

25 Etenim, ut dictum est in V. *Familiaritas*, Sidera familiaritatem inuicem contrahunt per motum, (quo se in certo positu constituunt, unde mutuò sibi radios emittunt) cum duplici motu ferri intelligantur; & in Zodiaco per proprium motum, & in Mundo motu raptus circa tellurem; consequenter, quam in Zodiaco agnouerunt & admittunt omnes Astronomi; eadem, aut omninò consimilis admitti debet in suis differentijs, in motu Cosmico, quem successuè sidera cum Primo Mobili peragunt circa tellurem. Quapropter sicut in Zodiaco, inter familiaritates computantur paralleli, & æquidistantiæ à punctis Cardinalibus, seu à Coluris; ita & in Mundo computari debent, & earum æqua ratio haberi æquidistantiæ à Cardinibus Mundi, nempe Meridiano, & Finitore: itaut, sicut duo sidera ex gr. quorum vnum sit in grad. 30. Tauri; alterum in gr. 1. Leonis in Ecliptica, dicuntur se mutuò intueri, esseque in Parallelis seu Antiscijs primarijs, quia sunt in æquidistantia à Tropici; ita etiam, si eadè sidera in situ Mundi taliter disponantur, ut alterum sit in cuspide XI. domus alterù in cuspide IX. vel vnum in XI. alterum in VIII. & vniuersaliter loquendo, ambo reperiantur hinc inde in æqualibus proportionalibus distantijs à Meridiano, vel Finitore; eadem ratione dicantur contrahere familiaritatem, & se intueri in Mundo, cum reperiantur in parallelis Cosmicis, aut primarijs, aut secundarijs.


26 Contingit etiam sæpè, ut licet duo Astra non sint in radice æquidistantia à Cardinibus Mundi; eam tamen acquirant successuè, motu directionis, & Primi Mobilis: quod duplici modo concipi potest. Altero, ut Significator existens immobilis in suo Circulo positionis, expectet, ut Promissor motu Primi Mobilis feratur ad situm æquè distantem à Cardinibus Mundi, ac erit Significator in radice constitutus; atque ita, expleta directione, emanat effectus per illos significatus. Altero, ut ambo simul rapiantur motu primi mobilis, nempe Promissor, & Significator; (ab utroque enim sua præsentia æquè imprimuntur virtus in primo Mobili seu in gradibus Zodiaci,

in quibus actu reperiebantur in radice;) & tunc fit, vt aliquando hoc successiuo motu, constituantur hincinde in æquali distantia ab aliquo Cardine Mundi; in quo signo intelligitur completa directio huiusmodi Parallelorum, quos ad differentiam fixorum, iure dixeris Ascensionales; ac proinde statim emanat effectus idem, aut certe non multum absimilis ei qui educitur ab Antiscijs seu Parallelis in Zodiaco, atque alijs fixis modò explicatis, in Mundo.

PARALLELI etiam, vt suprà tactum est, vocantur apud Geographos, Circuli in superficie globi Terraquei descripti, æquè distantes à Circulo maximo immediatè Aequatori subiecto; de quibus satis dictum in V. *Clima*. Qui profectò infiniti concipi possunt. Defacto tamen tot concipiuntur, quot satis sunt ad faciendam notabilem diei varietatem. Atque hac ratione, Antiqui cum Ptolemæo septem Climata constituebant, quorum singula tribus Parallelis designabant, singulis Parallelis singulos horæ communis quadrantes assignando. Quoniam autem experientia compertum est, non solum partem aliquam vnus, vel etiam cuiuslibet quadrantis, habitabilem esse, sed totam ferè terræ molem: vbique enim Insulæ sunt, vel etiam terræ continentes, quocunque versùs navigatio instituitur, imò & in ipso Mari; nec vlla vel missima pars, aut regio est tam calida, aut frigida, in qua degere non possint homines: namque vbique ferè terrarum, tam homines, quam bruta animalia, reperta sunt viuere, ac moram suam trahere; Idcirco Recentiores multò plura Climata, adeoque plures etiam Parallelos numerant, quam Antiqui; totum spatium, quod est ab Aequatore ad Polos in tot Parallelos diuidentes, quot horæ quadrantes æcretionis diei maximæ ab locis Aequatori subiectis, ad ea quæ immediatè Polo subsunt, connumerari queunt. Adeoque insistentes nihilominus Ptolemæi præceptis, vigintrittia Climata constituunt, inque intra quadragintà omninò Parallelos includunt. Quorum seriem dedimus in cit. Verbo *Clima*.

PARALLELOGRAMMVM est Figura insignis Geometrica, 27
quam definit Euclides Elem. 1. propof. 35. Est figura quadrilatera, cuius vna opposita latera sunt Parallela, seu æquidistantia. Adeoque, si duo Parallelogramma super æquales Bases, & eisdem parallelis constituantur, necessariò æqualia debent esse. Si verò cum triangulo eandem basim habuerit Parallelogrammum, fueritque in ipsdem parallelis; ipsum erit duplum illius trianguli, vt habet idem Euclides propof. 41. Hæc autem conuenientia, & proportio Parallelogrammorum ad Triangula, vt quorum vna fuerit altitudo (quæ nihil aliud est, quam mensura lineæ alicuius perpendicularis ad basim pro-

precedentis è vertice assumptæ figuræ;) eadem sit mensura reliquorum laterum, & proportio ad basim; itaut facillimè permutari possint, & conuerti Parallelogrammum ad triangulum, & triangulum quoduis ad Parallelogrammum, vt experiri licet in subiecta figura.



Volo igitur Triangulum A. B. C. transferre in Parallelogrammum, seu Rectangulum E. C. Primo intra Triangulum à vertice A. ducò perpendicularem A. L., quæ cadat in basim ad punctum L. Deinde hæc perpendicularis diuidenda est bisariam in æquas partes, in puncto D. è quo ducatur linea E. H. parallela basi

Postea ex punctis B. C. seu angulis trianguli coherentibus basi, ducantur aliz duæ perpendiculares parallelæ A. L. quæ terminent in punctis E. H. Dico quod Parallelogrammum E. C. sit Rectangulum, & æquale triangulo A. B. C. Quod nimirum sit Rectangulum, manifestum est; nam E. B., & C. H. sunt parallelæ ad A. L. quæ ad punctum L. facit vtrinque angulos rectos. Igitur anguli E. H. C. B. erunt & ipsi recti, ex propof. 29. Primi. Rursus, quod Parallelogrammum C. B. E. H. sit æquale triangulo A. B. C., sic ostenditur. Quia perpendicularis A. L. mediūm secatur ab E. H., in D. erunt proinde in æquas partes diuisa duo latera trianguli A. B., & A. C. iu punctis K, & G. & sic duo triangula A. D. G. & G. H. C. erunt æqualia æquilatera, & æquiangula: quod idem accidit in triangulis obuersis A. K. D. & E. K. B. Erit igitur Parallelogrammum H. E. B. C. æquale Triangulo A. B. C. quod erat demonstrandum: & sic de reliquis.

28

Porro omne Parallelogrammum est in quadruplici differentia. Primum, quod perfectum Quadratum dicitur: habereque omnes angulos rectos, & æqualia latera. Secundum quod habet quidem omnes angulos rectos, verum non omnia latera æqualia, sed omnes anguli efformantur à duobus lateribus inæqualibus, quorum vnum est longius altero; ita tamen, vt bina opposita latera, æqualia inter se sint, quale est quod in exposita figura exhibetur. Tertium, quod habet quidem omnia latera æqualia, sed anguli sunt inæquales: quorum duo necessariò acuti sunt, duo etiam illis oppositi sunt obtusi; Et hoc à Piscis nomine, cuius similitudinem refert, Rhombum

bum appellauere. Quartum denique, quod neque angulos rectos habet, neque omnia latera æqualia, sed à quadrato in omnibus differt, conuenit in lateribus cum rectangulo, differt autem in angulis, quorum duo, vt in Rhombo, acuti sunt, duo item illis oppositi, obtusi, latera verò duo inuicem opposita, vt inter se æqualia, ita reliquis congruentibus longiora: & hæc vocatur Rhomboides. De quibus singulis, suis in locis. Atque ad has quatuor species reducitur omne Parallelogrammum, & omnis figura quadrilatera, quæ aliquam proportionem, & regularitatem seruet. Nam quæ irregulares sunt, quæque infinitis modis variari possunt, sub generali *Trapeziorum* nomine veniunt, vt in loco dicetur.

Cæterum Parallelogrammū quouis modo consideratum, id habet proprium, & singulare, quod per diagonalem ab utriusque angulorum ad alterū oppositum ducta, dissectum, & alia quauis linea ad vnum laterum parallela, in quatuor partes diuisum, quatuor item parallelogramma minora eiusdem rationis efformat; quorum duo versantur circa diametrum, duo reliqua extra sunt, & vocantur *Complementa Geometrica*: quæ inter se semper æqualis area sunt, etsi non semper similes, vti fuscè, dictum est in V. *Complementa Geometrica*, & ostensum in adiectis figuris.


PARALLELOPEVRA sunt Parallelogrammorum, vt ita dicam, abortiones, atque irregulares correspondentie angulorum, aut laterum, quibus constituuntur. Sunt enim in genere Trapeziorum, quia inæquales habent angulos, & inæqualia latera, sed non omnia. Quandoquidem seruant alicubi saltem aliquam regularitatem, & parallelorum proportionem. Vnde minis latè patet, quam Trapezia absoluta, quæ omnem figuram quouis modo irregularem includunt. Possunt nihilominus, vt ista multiplicari, & diuersificari, penè in infinitum. Qua de re, vide Clauisum in Comment. ad Euclidem.

PARALLELOPIPEDVM est figura solida sex planis quadrilateralis constans, quorum quodlibet æquale est, & parallelum opposito. Cuius ea conditio est, vt super æquales bases constitutæ huiusmodi figure, & in eadem altitudine, æquales etiam inter se sint. Differt à Parallelogrammo, quod hoc dicit vnum tantum planum quadrilaterum, constans quatuor tantum angulis; illud autem inuoluit plura plana, nempe sex in superficie, & consequenter octo angulos ex aduerso sibi inuicem respondentes: ita ut non vnam figuram superficialem, sed vnum corpus solidum omnis dimensionis capax constituat. Tales sunt taxilli, quibus in aluocolo luditur. Cæterum Parallelopedum habet omnes condiciones, & passiones Parallelogrammi,

portio rectangulorum ad inuicem, vti vnus quadrati ad alia quadrata supra singulas applicatas formata.

Est igitur A. P. Parameter, hoc est Media proportionalis inter sagittas, & applicatas, quæ hanc proprietatem sibi innatam semper, & inuariabiliter habet in Parabola, vt rectangula sub ipsa, & portione diametri interceptæ inter verticem, & quascumque applicatas, æquiparentur quadratis, quæ resultant ex ipsis applicatis; vnde est, quod ob hanc rem, Sectio coni, in qua hæc conuentio, & æqualitas rectangulorum cum quadratis, semper & constantissime reperitur, absolute Parabola dicta est.


At in Hyperbole, & Ellipsi, eadem Parameter seu media proportionalis inter sagittas, & applicatas, habet quidem ex se æquiparare quadratis rectangula, sed cum certa restrictione, aut dilatione, in eodem genere, & positione rectangulorum facta, quæ prouenit ex natura peculiari ipsarum sectionum: itaut si quadratum vnus applicatæ, ita se habet ad rectangulum quod est sub sagitta, & diametro transversa, vti hæc ad parametrum, seu lineam parallelam, applicatis, extrâ sectionem positam, quæ sit contigua vertici; reliqua quadrata aliarum applicatarum, erunt quidem æqualia rectangulis, si modo in hyperbola adijcias consimilem figuram, similiterque positam; in Ellipsi verò tantundem rescindas. Et ideo hæc Ellipsis dicitur, quia manca; illa Hyperbola, quia excedens, & superabundans, vt hic in vtraque videre est.



Nam vtrouique, tam in Hyperbola, quam in Ellipsi, quadratum b. m. resultans ex applicata, b. d. est ad rectangulum, b. o. vt diameter transversa a. c. ad Parametrum c. p. quod ideo constituitur media proportionalis inter portiones diametri transversæ, & applicatas, & est de sui natura, mensura vniuersalis æquandorum quadratorum cum rectangulis, vnde etiam dicitur cœfficiens, & latus

rectum. Verum, si posita tali constitutione lateris dextri; rursus sit dare aliud quadratum cuiusvis alterius applicatæ, siue in hiperbola, siue in Ellypsi. v.g. h. v. hoc erit quidem æquale rectangulo quod resultat ex intercepta, c. h. & parametro p. c. si modò in Ellypsi, ex dicto rectangulo rescideris simile rectangulum p. x. simili modo positum; Hyperbolæ verò adijcias; id quod per diagonalem a. x. p. determinatur.

- 32 Nunc autem ad inueniendam perquam facillimè in qualibet sectione, dictam Parametrum, tali via procede; vti practicatum vides, indeque explanatum in sequentibus figuris.



In Prima igitur, sit Parabola d. f. g. cuius diameter est f. e. & una ex applicatis e. g. ad quam cadat perpendicularis b. c. vel c. e. quæ ambæ constituunt basim conî secti per axem. Tum per tria puncta b. c. f. ducatur circulus concludens verticem parabolæ, & basim conî: ac demum protrahatur diameter parabolæ f. c. rectâ, vsque ad circumferentiam circuli in h. Dico, lineam c. h. protensam esse parametrum Parabolæ.

In secunda figura, quæ exhibet Hyperbolam in cono a. b. c. cuius diameter transuersa m. o. f. ducatur perpendicularis a. b. Deinde lateri trianguli conici c. a. ducatur à vertice diametri transuersæ, m. parallela m. h. & per o. verticem sectionis, parallela basi trianguli, quæ sit t. o. h. perque tria puncta t. m. h. transeat circulus: hic periferia sua scinder in diametro, o. v. quæ est parameter hyperbolice sectionis.

Tandem in Ellypsi, m. a. f. cuius diameter a. f. sectio plani in Cono

Cono facta per axem, f. c.d. cuius basis est circulus q.v. & ipsa recta q.u. fit sectio plani d.q. u. cui agatur ab extremo f. parallela lateri, d. f. quæ sit m. t. quæque tangat alterum verticem sectionis. Quo facto, ducatur circulus transiens per tria puncta m. c. t. efficiet, vt o. sit quantitas, & extensio Parametri in Lillypsi. In singulis id expressum aspicias.

Huius rei demonstrationes ex geometricis principijs factas, habes apud nostrum Guarinum, tractat. 24. expens. 3. probl. 1. & 2. A quibus nos superse demus, ne in materia cæteroqui obscura, plius æquo prolixiores, adeoque tediosiores simus.

PARAPEGMATA apud Vitruu. lib. 9. cap. 7. sunt instrumenta, 33
quædam astronomica ad captandas siderum altitudines, declinationes, amplitudines ortiuam, & occiduam, &c. vt possimus inde colligere arcus singulorum diurnos, atque nocturnos, adeoque in Sole quantitatem dici, ac noctis, congressus cosmicos in eodem circulo positionis &c. Vox Græcis vniuersalis est, & composita ex *Para*, & *Pegma*, quæ perinde sonant ac, iuxta adpango; sed tamen à siderum contemplationibus, ad instrumenta hæc significanda coarctata est, quod è multis simul adaptis regulis, rotulis, ac pinnacidijs concinnata sunt: vnde & Democritus, teste Diogene Laertio, quæ scripsit de Astronomicis rebus, Parapegmata indigitauit. Aliàs Pegmata audiunt propriè Machinæ Theatrales subito assurgentes, compactæ ex pluribus tabulatis, quæ arceuarijs, ad idum, oculi, contrahi & dilatari possunt, quales passim videmus in scenis, miro cum oculorum ludibrio, & animi volupate. Festus autem, cum pagmentis confundit, ac dicit, esse ornamenta, & statuas fixas, quæ appanguntur ad ostentationem, atrijs, & ostijs illustrium ædificiorum, quæ in totum antepagmenta dicuntur. Sed & in scrijs quoque ac bellicis rebus, Pegmatis nomen apud scriptores, frequentissimè vsurpatur pro machinis ascensorijs, quæ circumferri solebant in bellico apparatu, ad muros hostium diuersimodè insultandos, de quibus sæpè mentionem facit Iosephus in Bello Iudaico.

PARARYTHMVS etiam in Musicis audit species quædam dissonantiz, quæ tamen proximè ad rhythmum, & consonantiam accedit, vnde & auribus iucundam præbet auditionem; vti econtrà *Heterorhythmus* enormem denotat dissonantiam, quæ sit aurium offensua. Hanc distinctionem in musicis notat Paulus Aegineta Medicus, ac transfert ad arteriarum diuersam pulsationem, ex qua bona, vel mala corporis constitutio auspicatur, lib. 2. cap. 11. vbi *Rhythmum* vocat æqua-

æquabile motum, estque cum bene homines valent: *Arrythmus*, cum pulsus inæqualis est & discordans: ex quo ægritudo; & ex qualitate motus ac discordantiæ, morbi qualitas internoscitur. Nam, si turbidus ac depressus, gravitatem indicat, si enormiter frequens & elatus, excresecientiam bilis: si verò cætera æqualis, subinde celerior fit, aut remissior; accessionem, vel remissionem symptomatis prænotat, & vocatur *Pararithmus*. Est enim corporis constitutio harmonica quidam contentus, ad musicos modos respondens, numericisque incedens, qui proportionaliter ordinantur ad concordiam vel discordiam, prout in cælestium orbium varijis motibus, efficientibus vniuersalem hanc sublunarium adinuicem harmoniam: vt alibi fuse diximus.

- 35 *PARASTATAE* græcè dicuntur, quos nostri *Pilastro*s appellant, pilas videlicet quadratas, columnarum loco, in ædificijs substitutas ad sustinendos arcus, aut trabeationes superimpositas, vel etiam, quæ ad ostiorum latera dimidiatæ, & aliquantulum prominentes apponuntur, vel columnis retrorsum adijciuntur ad onus subleuandum, & fastigium fortius sustinendum. De his specialiter monet Vitruu. vbi de columnarum dispositione agit lib. 5. cap. 1. vt hæ habeant post se *Parastades* altas ped. 20. latas pedes duos semis, crassas pedem vnum semis, quæ sustinent trabes, in quibus inuehuntur porticum contignationes: suprâque eas alie parastata pedum 18. lata binum, crassæ pedem, excipiunt item trabes sustinentes cauterium & porticum, (quæ sunt submissa infra testudinem) tellæ. Cæterum in longè alio diuerso sensu, parastatas accipit idem Vitruu. lib. 10. cap. 15. nimirum pro pro assulis quibusdam arcectarijs in Catapulta, dextrâ ac sinistra collocatis, quibus postea transuersariæ alie desuper, & in imo affigebantur, ad dandum machinæ impulsus. Hatum officium, & locum in catapulta, explicat Steuuechius ad cap. 22. lib. 4. Vegetij, exhibens etiam oculis Machinam his omnibus instructam, & probe delineatam.

PARAVOGEL, Indorum lingua, dicitur Auis Paradisiaca, quasi Auis Dei, cuius nomen & imago postea affixa est vni ex duodecim Constellationibus nuper sub circulo Antarctico detectis; alio nomine *Manucodiata*, de qua vide suo loco.

PARHYPATE, hoc est iuxta hypate, audit in systemate musico secunda chorda subprincipalis grauiusimarum, respondens ad C. Fa. Vt. Qua de re vide in V. *Monochordum*.

PARIES in Opere architectonico principem sibi locum vendicat. 36
 Est enim ædificij summa, & sustentaculum, cui tectum innititur,
 & quo fabrica in altum confurgit, quasi continuata columna, par-
 tes adinuicem necens, & identidem ab alijs segregans, atque om-
 nes in vnum corpus adunans. Quod ideo totus in eo ritè erigendo
 est Vitruuius; ad eumque ordinantur omnia præcepta, quæ tùm ipse,
 tùm reliqui scriptores de re ædificatoria, tradunt. Illud imprimis,
 quod non tumultuariè & è quacumque materia construendus sit, sed
 sensim, vt tempore solideretur, & materia eligatur quæ sit operi, quod
 concipitur, apta, & ad firmiter consistendum idonea. Neque enim
 (inquit Albertus, lib. 3. cap. 10.) *præcipiti festinantia, & tumultua-*
ria manu, est paries coacervandus, opera nusquam intermissa; neque per
segniitem desidiofam, quasi inuitus ædifices, capto opere procrastinandum;
sed prosequi eum oportet, modo & ratione, in qua sit celeritas coniuncta
cum consilij, & diligentia maturitate. Altius attolli opus vetant periti,
nisi pars hæcenus exacta duxerit. Id quod Natura ipsa, & hirundi-
 num exemplo probat in nidificationibus, per interruptas, & iterum
 replicatas aggestiones aptæ materiæ, componendis. Tùm siue è soli-
 do lapide construatur, siue ex cæmentis fiat, siue craticius, hoc est
 ex continuatis laterculis inuicem nexis, siue formaticius, per in-
 sarcinationem materiæ, intrâ duas tabulas vel crustas, iniectæ; sem-
 per tamen oportet, vt æqualiter, & eadem methodo incedat, susce-
 ptumque opus eodem ordine, & structuræ ambitu coæquato, & neu-
 tiquam dispari, prosequaris: ne quid ad dexteram, grandi; ad sini-
 stram, minuto lapide struas: nam facta postmodum pressione, debi-
 lior pars cedat inæqualiter, & fasscat, necesse est. Præterea conside-
 randæ sunt partes parietis potiores, quæ sunt primò inæ, immediatè
 fundamentis impostæ, vocaturque Podium, ac fabrorum vocabu-
 lo, Basamentum: dehinc mediæ, quæ parietem in se component, &
 ordinant, vel cum alijs necunt, & circumambiunt, diciturque,
 Procinctum: tandem suprema, quæ videlicet vltimum parietis illa-
 queamentum finit, & terminat in Coronam. Ex his generale docu-
 mentum est, vt Podium è solido, prægrandi, & quadrato lapide,
 fiat, idque crassius quàm reliqua parietis structura, quæ sensim ad
 verticem extenuetur; Naturam architectricem in arboribus imitan-
 do; quocirca nullum in eo insarcinamentum admittendum est, sed
 totum integrum, & ex solidis lapidibus firmum: est enim basis ope-
 ris, & fulcrum, cui tota moles innititur. Secundò fiant in pariete,
 statis in locis, præcinctiones; quæ sint veluti ossamenta, è solidiore
 lapide, & arctatariæ fibræ ac nerui, quæ partes interiores in vnum,
 con-

contineant, & crustas exteriores interioribus neſcant. Has autem ſatis eſſe dicunt petiti, ſi ſingulis quinis pedibus adſicias, & interponas: verum in angulis, vbi duo parietes in vnum coeunt, maior cura, antiquorum exemplo, adhibenda eſt; vt videlicet craſſiores ſint, & à ſummo ad imum, indefinenter procurrant. Cæterum in reliqua excuſſione parietis, præcinſionibus hiſce opus planè non eſt, niſi fortè æquo longior futurus ſit, aut exilior: & tunc ſatis eſt, ſi vbi locus maximè premitur, & incuruari poſſe cimetur, adſiciantur ad extrâ anterides cum aliqua decliuitate. Sed in ſummis parietibus, & in Corona, longè maior cautio adhibenda eſt, non tam in qualitate materiæ immittendæ, (quæ ſi leuior ſit, meliùs colligabitur,) quam in ipſa colligatione perficienda; vt circumquaque procurrat, & laterculi ſibi cohzreant, manuque vt ita dicam, alter alterum ſtringat: in hoc enim tota ſtructuræ firmitudo conſiſtit: etenim Corona in ædiſicijs, eſt perinde, ac annulus ferreus ab antiquis impoſitus in vertice columnarum, (quæ tùm erant lignæ,) ne preſſionibus ſunderentur. His itaque ſic diſpoſitis, & obſeruatis, nulli dubium, quin paries partes ſuas in ædificio optimè impleturus ſit, & vt tandem cum Vitruuio Architecturæ Magiſtro, concludam; lib. 3. cap. 8. *Ita enim non acervatim, ſed ordine ſtruſtum opus, poterit eſſe ſine vitio ſempiternum.*

37

PARIGIVM inuenio, eſſe in Geographia, ſeu in Nauigatoria, tractum quandam maris mediterranei, procellis, & naufragijs ibi frequenter expertis, infamem; ad quingenta fere milliaria extenſum, & in Aegyptum tendentibus, vel inde ſoluentibus, ominoſum. Huius rei auctorem habeo Sannutum, qui cauſam perquirens tanti arcani, ſic loquitur lib. 2. cap. 14. *Propter aquarum diſcurſus oportet iri uſque ad medium parigis, eundo quartam venti deſuper à Syroco: Qui quidem tranſitus, Parigium nuncupatus, circa 450. milliaria eſtimatur: licet quidam 500. milliaria tranſitum, ſeu parigium fore aſſerant ſupradictum.* Et idipſum notarat antea cap. 5. inquit: *Pro tranſeundo parigia dicti maris, quæ periculis nunquam carent.* Verum & nomen mihi accidit nouum, & loci apud vllum alium Scriptorem, qui de Geographia vniuerſaliter ſcripſerunt, nulla mentio. Sed nec ex Hiſtoricis quicquam indicij haurire potui. Quin & Hirtius, qui de bello Africano copioſè ſcripſit, atque adeò ſæpiuſculè de Oris illis, & nauigationum euentibus ſermonem inijcit, ex occasione traſſiendæ Romani Claiſſis in Aegyptum; indeque, iteratis commea-tionibus, iſthæc maria excurrentis, atque in Italiam remeantis; nigrum eſt, quod non aliquid de inſauſto hoc, neceſſariò aliqui petran-

transeundo tempestatibus subiecto loco dixerit, nec alius, qui de nauigationis ineundæ ratione, commodis, & incommodis locis ex professo tractarunt; præsertim Antonius, seu quis alius, author sit libri inscripti *Maritimi*; vbi ex composito de hac re agit, & maria, insulasque interiectas inter Africani & Italiam, ac Siciliam, mensus est, & accurate describit. Quapropter aleam perquirendæ exactius veritatis, curiosis lectoribus, vel Naucleris libenter remitto; qui fortè experientia edocti, quid Parigium in re sit, quæ ratio nominis indici ex his tēpestuosis fluctibus, felicius expiscabuntur, adijcientque chartæ nauigatoriz, non tam ad cautelam itinerantium; quam ad Geographiz illustrationem.

PARMA, & PARMULA, in re militari audit scutum breue atque rotundum, quo bellatores ad prælium procedentes, corpus protegent, atque ab hostium ictibus se defendunt: quasi *Par*, inquit Varro, quod à medio in omnes partes par sit. Etenim forma est orbiculari aliquantulum recurua, & ex materia leui, vt simul ictibus resistat, & possit commode agitari; idque siuè è corio, siue ex asserolis simul compaginatis. *Targam* nostrates vocant, quæ non iam in bello, sed in ludicris concertationibus locum habet. Sed ad operis similitudinem in bellicis retinuit nomen & vsum, denotatque leuissimam machinam tectoriam è vimine, & crudis corijs compositam, ad modum testudinis, quæ adiectis vestibus, circumfretæ possit, perinde ac sella, gestatoria vnbellata, qua mediante ac protegente, sub ea milites tutò ad assultum procederent, & cum starent, humi figerent, & sub ea consisterent. Eius vsum maximè commendat Hero Mechanicus in lib. de Machinis obsidionalibus: vbi postquam de Testudinibus egit, sic de eiusmodi Parmulis loquitur. *Melius est testudines etiam Cratibus vimineis contextas, breuiiores iam diuisis vestris, & conformes existentes adducere. Eas verò, quæ Parmæ vocantur, leuissimas existentes, & contextu ipsas quoque vinealium vitium, vel nuper casarum virgarum in figura conuersionali quamcelerrimè factas, non est opus ad declines, & præcipientes locos asserre; ne fortè ferentibus perniciem inferant, quandoquidem immensis ponderibus resistere nequeant; Ipsi autem potius vitendum est, cum in planis enodisque locis, ciuitates sita fuerit. Deinde ad earum formam descendens, subdit. Ligna, quæ à militibus feruntur, inferius veluti cuspides habeant, vt terræ affixa portantes refocillent. Coria verò carnosæ, crassæ, vel cilicina exteriori inixtæ faciem suspenduntur. In ipsis autem inæqualibus lignis, coria duplicata superponantur, non extensa ad enodam & æqualem superficiem, sed paululum contracta, in ipsisque lignis inæqualibus depressa, vt in horum tu-*

midiameter; consequenter necesse est, vt diuersus sit locus designatus per lineam rectam à centro telluris, atque ab eius superficie; & ex hoc, vt in diuerso etiam situ consistere videatur stella à superficie terræ prospecta, ac si ab eius centro conspiceretur; vt ex Opticis perspicuum est. Hanc autem aspectus diuersitatem, dicimus *Parallaxim*. Quæ maior, aut minor est, pro maiore, vel minore propinquitate, quam habet sidus ad terram. Porro id locum habet in radio oblique immisso, seu quando stella, cum non sit verticalis, projicit radium ex aduerso, atque à latere ad centrum, & superficiem terræ: nam verticalis, cum projiciat radium rectâ ad superficiem terræ, & insinuat ad eiusdem centrum, necessariò sequitur, quod tunc nulla est deuatiò, adeoque sidus nullam patitur Parallaxim. Et hinc deducitur etiam, quod quò magis à vertice elongatur, & ad horizontem approximatur, eò maiorem habet parallaxim, & visus deuiationem; & econtrâ, cum ex horizonte ad verticem ascendit, semper minorem, & minorem patitur parallaxim, pro ratione situum, & distantie à centro telluris, vt videre est in subiecta figura.



- 23 Patiuntur Parallaxim Cometæ, seu noua Phænomena in aërea regione producta, maximam: Post Luna, Planetæ & reliqua Phænomena in cœtheræ regionis parte genita, in cuius distantia, telluris corpus aliquam retinet proportionem sensibilem: nam, vbi terra se habet ad instar puncti insensibilis, vt in Sphæra Fixarum, nulla omnino est Parallaxis. Et ideo Noua. Stella, quæ apparuit in Sede Cassiopeæ, anno 1572. & quæ in Cygno anno 1600.: & quæ in Serpentario, anno 1604. creditæ fuerunt, non in regione elementari, neque in Lunari, aut alterius Planetæ, productæ; sed in ipso Cælo & regione Fixarum, quia profectò, (vti reliquæ stellæ fixæ,) nullam recipiebant Parallaxim. Regio Saturni, & Iouis, eorumque corpora, & satellites ipsos comitantes nul-

nullam habent sensibilem Parallaxim, namque coincidit in idem. ferè punctum locus designatus per lineas rectas visuales, à centro telluris, atque à superficie eiusdem projectas terminantes ad eorum corpora. Mars, ex Tychonis obseruationibus, constitutus in Perigeo, ubi sit terræ proximior quàm Sol, habet parallaxim minutorum quatuor: in Apogeo, ferè nullam. Sol, siue in Apogeo, siue in Perigeo nullam variat sensibilem parallaxim, quæ est minor. ferè triu. Venus, & Mercurius habent parallaxim similiter triu. minutoru. At Luna, & quæ in eius regione generantur Phenomena, experiuntur parallaxim vnus fere gradus, circa Horizontē: quæ, vt dixi, proportionaliter semper minuitur, pro maiore & maiore approximatione ad verticē. Et cum radius visualis interfecare necessario debeat lineā rectā, à Centro telluris in corpus Stelle protensam; consequenter humilior apparebit, quā reuera sit; & exigat calculus Astronomicus. Parallaxis ope nouimus ordinem Planetarum inter se, ac singulorum, cum ab inuicem, tum à terrā distantiam. Noscimus etiam tempus veræ coniunctionis, præcipuè verò Eclipsium verum momentum ab apparente discernimus: aliaque permulta, quæ apud Auctores videri possunt: In quibus etiam extant Tabulæ Parallaxium tum Planetarum, tum Cometarum in quacunque aëris regione, apparentium.

PARALLELI dicuntur Circuli, seu Lineæ aequaliter distantes ab inuicem, vel etiam ab aliquo puncto, aut signo intermedio. Potissimè verò in Geographia, & Astronomicis, accipiuntur pro Circulis æquidistantibus ab Aequatore, tam in superficie terræ, quàm in regione Aetheris consideratis: ita ut qui habitant in locis æquè distantibus Ab Aequatore versùs eundem Polum, dicantur esse in eodem Parallelo. Similiter in Cælestibus, quæ sidera eandem & numero, & regione declinationem habent, eandemque ab Aequatore distantiam, dicuntur esse in eodem parallelo: quæ verò eandem declinationem, sed non eandem præcisè ab eodem loco, distantiam, sed ex aduerso hinc inde à punctis solstitialibus in eadem regione, dicuntur esse in Parallelis Inuentibus, quæ communiter vocantur Antiscia. Ac tandem quæ reperiuntur in eadem numero declinatione, sed regione diuersa; ita ut æquè distent hinc inde à coluro Aequinoctiorum, ac propterea vnum vergat ad Polum Arcticum, aliud ad Antarcticum, appellantur Contr-Antiscia, seu veriùs Antiscia, & Paralleli Imperantes, & Obedientes. Et Imperantes quidem qui sunt in Signis Borealibus; Obedientes verò, qui sunt in Australibus, quoniam ob depressionem vltra Aequatorem, & humilitatem situs, videntur.

dentur illis quodammodo morem gerere, & obedire. Igitur huiusmodi Siderum æquipollentia, quæ est species quædam familiaritatis, quam sidera adinuicem contrahunt constituta in huiusmodi Parallelis, expressiore vocabulo significari potest per nomen Parallelorum Declinationis, seu in Zodiaco, ad differentiam eorum qui sunt in Mundo (da quibus mox infra) per æquidistantiam à Cardinibus. Et qui æquè distant hincinde in eodem hemisphærio à culmine, vel ab Imo, vocantur Paralleli Cosmici Primarij: qui autem, æquè hincinde distant ab Horizonte; seu ab Ortus, vel Occasu, dicuntur secundarij.

25

Etenim, ut dictum est in V. *Familiaritas*, Sidera familiaritatem inuicem contrahunt per motum, (quo se in certo positu constituunt, unde mutuo sibi radios emittunt) cum duplici motu ferri intelligantur; & in Zodiaco per proprium motum, & in Mundo motu raptus circa tellurem; consequenter, quam in Zodiaco agnouerunt & admittunt omnes Astronomi; eadem, aut omnino consimilis admitti debet in suis differentijs, in motu Cosmico, quem successiue sidera cum Primo Mobili peragunt circa tellurem. Quapropter sicut in Zodiaco, inter familiaritates computantur paralleli, & æquidistantiæ à punctis Cardinalibus, seu à Coluris; ita & in Mundo computari debent, & earum æqua ratio haberi æquidistantiæ à Cardinibus Mundi, nempe Meridiano, & Finitore: itaut, sicut duo sidera ex gr. quorum vnum sit in grad. 30. Tauri, alterum in gr. 1. Leonis in Ecliptica, dicuntur se mutuo intueri, esseque in Parallelis seu Antiscijs primarijs, quia sunt in æquidistantia à Tropiceis; ita etiam, si eadē sidera in situ Mundi taliter disponantur, ut alterum sit in cuspide XI. domus alterū in cuspide IX. vel vnum in XII. alterum in VIII. & vniuersaliter loquendo, ambo reperiantur hincinde in æqualibus proportionalibus distantijs à Meridiano, vel Finitore; eadem ratione dicantur contrahere familiaritatem, & se intueri in Mundo, cum reperiantur in parallelis Cosmicijs, aut primarijs, aut secundarijs.

26

Contingit etiam sæpè, ut licet duo Astra non sint in radice æquidistantia à Cardinibus Mundi; eam tamen acquirant successiue, motu directionis, & Primi Mobilis: quod duplici modo concipi potest. Altero, ut Significator existens immobilis in suo Circulo positionis, expectet, ut Promissor motu Primi Mobilis feratur ad situm æquè distantem à Cardinibus Mundi, ac erat Significator in radice constitutus; atque ita, expleta directione, emanat effectus per illos significatus. Altero, ut ambo simul rapiantur motu primi mobilis, nempe Promissor, & Significator; (ab utroque enim sua præsentia æquè imprimatur virtus in primo Mobili seu in gradibus Zodiaci,


in

in quibus actu reperiebantur in radice;) & tunc fit, vt aliquando hoc successiuo motu, constituantur hincinde in æquali distantia ab aliquo Cardine Mundi; in quo signo intelligitur completa directio huiusmodi Parallelorum, quos ad differentiam fixorum, iure dixeris Ascensionales; ac proinde statim emanat effectus idem, aut certe non multum absimilis ei qui educitur ab Antiscijs seu Parallelis in Zodiaco, atque alijs fixis modò explicatis, in Mundo.

PARALLELI etiam, vt supra tactum est, vocantur apud Geographos. Circuli in superficie globi Terraquei descripti, æquè distantes à Circulo maximo immediatè Aequatori subiecto; de quibus satis dictum in V. *Clima*. Qui profectò infiniti concipi possunt. Defacto tamen tot concipiuntur, quot satis sunt ad faciendam notabilem diei varietatem. Atque hac ratione, Antiqui cum Ptolemæo septem Climata constituiebant, quorum singula tribus Parallelis desinebant, singulis Parallelis singulos horæ communis Quadrantes assignando. Quoniam autem experientia compertum est, non solum partem aliquam vnus, vel etiam cuiuslibet quadrantis, habitabilem esse, sed totam ferè terræ molem: vbique enim Insulæ sunt, vel etiam terræ continentes, quocunque versùs nauigatio instituitur, imò & in ipso Mari; nec vlla vel missima pars, aut regio est tam calida, aut frigida, in qua degere non possint homines: namque vbique ferè terrarum, tam homines, quam bruta animantia, reperta sunt viuere, ac moram suam trahere; Idcirco Recentiores multò plura Climata, adeoque plures etiam Parallelos numerant, quam Antiqui; totum spatium, quod est ab Aequatore ad Polos in tot Parallelos diuidentes, quot horæ quadrantes acretionis diei maximæ ab locis Aequatori subiectis, ad ea quæ immediatè Polo subsumt, connumerari queunt. Adeoque insistentes nihilominus Ptolemæi præceptis, vigintitria Climata constituunt, inque intrà quadraginta omnino Parallelos includunt. Quorum seriem dedimus in cit. Verbo *Clima*.

PARALLELOGRAMMVM est Figura insignis Geometrica, 27
quam definit Euclides Elem. 1. propol. 35. Est figura quadrilatera, cuius bina opposita latera sunt Parallela, seu æquidistantia. Adeoque, si duo Parallelogramma super æquales Bases, & eisdem parallelis constituantur, necessariò æqualia debent esse. Si verò cum triangulo eandem basim habuerit Parallelogrammum, fueritque in ipsdè parallelis; ipsum erit duplum illius trianguli, vt habet idem Euclides propol. 41. Hæc autem conuenientia, & proportio Parallelogrammorum ad Triangula; vt quorum vna fuerit altitudo (quæ nihil aliud est, quam mensura lineæ alicuius perpendicularis ad basim pro-

precedentis ē vertice assumptæ figuræ;) eadem sit mensura reliquorum laterum, & proportio ad basim; itaut facillimè permutari possint, & conuerti Parallelogrammum ad triangulum, & triangulum quoduis ad Parallelogrammum, vt experiri licet in subiecta figura.



Volo igitur Triangulum A. B. C. transferre in Parallelogrammum, seu Rectangulum E. C. Primò intra Triangulum, à vertice A. ducō perpendicularē A. L., quæ cadat in basim ad punctum L. Deinde hæc perpendicularis diuidenda est bisariam in æquas partes, in puncto D. è quo ducatur linea E. H. parallela basi.

Postea ex punctis B. C. seu angulis trianguli coherentibus basi, ducantur aliæ duæ perpendicularēs parallelæ A. L. quæ terminent in punctis E. H. Dico quod Parallelogrammum E. C. sit Rectangulum, & æquale triangulo A. B. C. Quod nimirum sit Rectangulum, manifestum est; nam E. B., & C. H. sunt parallelæ ad A. L. quæ ad punctum L. facit vtrinque angulos rectos. Igitur anguli E. H. C. B. erunt & ipsi recti, ex propo. 29. Primi. Rursus, quod Parallelogrammum C. B. E. H. sit æquale triangulo A. B. C., sic ostenditur. Quia perpendicularis A. L. medium secatur ab E. H., in D. erunt proinde in æquas partes diuisa duo latera trianguli A. B., & A. C. iu punctis K. & G.; & sic duo triangula A. D. G. & G. H. C. erunt æqualia æquilaterra, & æquiangula: quod idem accidit in triangulis obuersis A. K. D. & E. K. B. Erit igitur Parallelogrammum H. E. B. C. æquale Triangulo A. B. C. quod erat demonstrandum: & sic de reliquis.

28

Porrò omne Parallelogrammum est in quadruplici differentia. Primum, quod perfectum Quadratum dicitur: habetque omnes angulos rectos, & æqualia latera. Secundum quod habet quidem omnes angulos rectos, verum non omnia latera æqualia, sed omnes anguli efformantur à duobus lateribus inæqualibus, quorum vnum est longius altero; ita tamen, vt bina opposita latera, æqualia inter se sint, quale est quod in exposita figura exhibetur. Tertium, quod habet quidem omnia latera æqualia, sed anguli sunt inæquales: quorum duo necessariò acuti sunt, duo etiam illis oppositi sunt obtusi; Et hoc à Piscis nomine, cuius similitudinem refert, Rhombum

bum appellauere. Quartum denique, quod neque angulos rectos habet, neque omnia latera æqualia, sed à quadrato in omnibus differt, conuenit in lateribus cum rectangulo, differt autem in angulis, quorum duo, ut in Rhombo, acuti sunt, duo item illis oppositi, obtusi, latera verò duo inuicem opposita, ut inter se æqualia, ita reliquis congruentibus longiora: & hæc vocatur Rhomboides. De quibus singulis, suis in locis. Atque ad has quatuor species reducitur omne Parallelogrammum, & omnis figura quadrilatera, quæ aliquam proportionem, & regularitatem seruet. Nam quæ irregulares sunt, quæque infinitis modis variari possunt, sub generali *Trapeziorum* nomine veniunt, ut in loco dicetur.

Cæterum Parallelogrammum quouis modo consideratum, id habet proprium, & singulare, quod per diagonalem ab utrovis angulorum ad alterum oppositum ducta, dissectum, & alia quauis linea ad vnum laterum parallela, in quatuor partes diuisum, quatuor item parallelogramma minora eiusdem rationis efformat; quorum duo versantur circa diametrum, duo reliqua extra sunt, & vocantur *Complementa Geometrica*: quæ inter se semper æqualis area sunt, etsi non semper similes, uti fusè, dictum est in *V. Complementa Geometrica*, & ostensum in adiectis figuris.

PARALLELOPEVRA sunt Parallelogrammorum, ut ita dicam, abortiuæ, atque irregulares correspondentie angulorum, aut laterum, quibus constituuntur. Sunt enim in genere Trapeziorum, quia inæquales habent angulos, & inæqualia latera, sed non omnia. Quandoquidem seruant alicubi saltem aliquam regularitatem, & parallelorum proportionem. Vnde minus latè patent, quam Trapezia absoluta, quæ omnem figuram quouis modo irregularem includunt. Possunt nihilominus, ut ista multiplicari, & diuersificari, penè in infinitum. Quæ de re, vide Clauium in Commentar. ad Euclidem.

PARALLELOPIPEDVM est figura solida sex planis quadrilateris constans, quorum quodlibet æquale est, & parallelum opposito. Cuius ea conditio est, ut super æquales bases constitutæ huiusmodi figuræ, & in eadem altitudine, æquales etiam inter se sint. Differt à Parallelogrammo, quod hoc dicit vnum tantum planum quadrilaterum, constans quatuor tantum angulis; illud autem inuoluit plurimam, nempe sex in superficie, & consequenter octo angulos ex aduerso sibi inuicem respondentes: itaut non vnam figuram superficialem, sed vnum corpus solidum omnis dimensionis capax constituat. Tales sunt taxilli, quibus in alueolo luditur. Cæterum Parallelopedum habet omnes conditiones, & passiones Parallelogrammi,

D d d


cum

cum non sit aliud, quàm multa parallelogramma in vnum conuenientia. Vnde etiam est, vt non nisi in quatuor differentias communes etiam parallelogrammo, diuidi possit. Si enim continet sex parallelogramma æquilatera, & rectangula, correspondet quadrato in planis figuris, & dicitur *Cubus*, qualis est, vt modo dixi, *Taxillus*. Si sex illa parallelogramma fuerint quidem rectangula, at non omnia æquilatera, sed stantibus duobus maioribus, aut minoribus inuicem oppositis, inter se æqualibus, reliqua duo sunt contrahiora, aut longiora; vocabitur *Parallelopipedum* altera parte longius. Si fuerit omni quidem ex parte æquilaterum, sed non paribus angulis, vt dictum est de Rhombo, induet naturam, & rationem Rhombi. Si demùm neque omnia latera æqualia, neque omnes anguli recti erunt; quamuis duo forte ex ijs rectangula fuerint, & æquilatera, vel rectangula tantùm, vel solum æquilatera, habeant autem in planis, tam latera, quam angulos ex aduerso positos, æquales; sunt vera parallelogramma, & induunt naturam rectanguli aut rhomboidis, vt dictum est.

Potrò quodcumque *Parallelopipedum* vocari etiam poterit *Prisma*, sed non omne *Prisma* *Parallelopipedum*, vt ex definitione *Prismatis*, quam in loco trademus, constabit.

32 **PARAMESE, & PARANETE**, quid sint, & quid valeant in Systemate Musico, Vide in V. *Monochordum*.

PARAMETER, quam Latini *Latus rectum* appellant, in Sectionibus Conicis est Linea quædam recta assumpta extrâ sectionem, ad æquandum rectangula, quæ cadunt sub sagittis, seu portionibus diametri, interceptis inter verticem sectionis, & applicatas, cum quadratis quæ sunt ab ipsis applicatis; estque proinde media proportionalis inter ipsas sagittas, & applicatas. Quod ideo iure *Parameter* appellata est, vt ipsum nomen,




officium denoter; quasi mensura quædam vniuersalis, æquans rectangula sectionum quadratis applicatarum. Et in Parabola quidam hæc æquatio admissum responder; vt videre est in præsentī figura: vbi rectangulum $A.E.$ formatum ex sagitta $A.C.$ & parametro $A.P.$ æquatur quadrato $C.I.$ sub applicata $B.C.$ Et rectangulum $O.A.$ æquatur quadrato $D.R.$ sub applicata $D.H.$ & est proportion-

portio rectangulorum ad inuicem, uti vnus quadrati ad alia quadrata supra singulas applicatas formata.

Est igitur A. P. Parameter, hoc est Media proportionalis inter sagittas, & applicatas, quæ hanc proprietatem sibi innam semper, & inuariabiliter habet in Parabola, ut rectangula sub ipsa, & portione diametri interceptæ inter verticem, & quascumque applicatas, æquiparentur quadratis, quæ resultant ex ipsis applicatis: unde est, quod ob hanc rem, Sectio conî, in qua hæc conuentio, & æqualitas rectangulorum cum quadratis, semper & constantissime reperitur, absolute Parabola dicta est.


At in Hyperbole, & Ellypsi, eadem Parameter seu media proportionalis inter sagittas, & applicatas, habet quidem ex se æquiparare quadratis rectangula, sed cum certa restrictione, aut dilatione, in eodem genere, & positione rectangulorum facta, quæ prouenit ex natura peculiari ipsarum sectionum: itaut si quadratum vnus applicatæ, ita se habet ad rectangulum quod est sub sagitta, & diametro transuersa, uti hæc ad parametrum, seu lineam parallelam applicatis, extrâ sectionem positam, quæ sit contigua vertici; reliqua quadrata aliarum applicatarum, erunt quidem æqualia rectangulis, si modo in hyperbola adicias consimilem figuram, similiterque positam; in Ellypsi verò tantundem rescindas. Et ideo hæc Ellypsis dicitur, quia manca; illa Hyperbola, quia excedens, & superabundans, ut hic in vtraque videre est.



Nam vtroque, tam in Hyperbola, quam in Ellypsi, quadratum b. m. resultans ex applicata, b. d. est ad rectangulum, b. o. ut diameter transuersa a. c. ad Parametrum c. p. quod ideo constituitur media proportionalis inter portiones diametri transuersæ, & applicatas, & est de sui natura, mensura vniuersalis æquandorum quadratorum cum rectangulis, unde etiam dicitur coefficientis, & latus

rectum. Verum, si posita tali constitutione lateris dextri; rursus sit dare aliud quadratum cuiusvis alterius applicatæ, siue in hiperbola, siue in Ellypsi. v. g. h. v. hoc erit quidem æquale rectangulo quod resultat ex intercepta, c. h. & parametro p. c. si modò in Ellypsi, ex dicto rectangulo rescideris simile rectangulum p. x. simili modo positum; Hyperbolæ verò adicias: id quod per diagonalem a. x. p. determinatur.

- 32 Nunc autem ad inueniendam perquam facillimè in qualibet sectione, dictam Parametrum, tali via procede; vti practicum vides, indeque explanatum in sequentibus figuris.



In Prima igitur, sit Parabola d. f. g. cuius diameter est f. e. & una ex applicatis c. g. ad quam cadat perpendicularis b. c. vel c. e. quæ ambæ constituunt basim coni secti per axem. Tum per tria puncta b. c. f. ducatur circulus concludens verticem parabolæ, & basim coni: ac demum protrahatur diameter parabolæ f. e. rectâ, vsque ad circumferentiam circuli in h. Dico, lineam c. h. protensam esse parametrum Parabolæ.

In secunda figura, quæ exhibet Hyperbolam in cono a. b. c. cuius diameter tranuersa m. o. f. ducatur perpendicularis a. b. Deinde lateri trianguli conici c. a. ducatur à vertice diametri tranuersæ, m. parallela m. h. & per o. verticem sectionis, parallela basi trianguli, quæ sit t. o. h. perque tria puncta t. m. h. transeat circulus: hic periferia sua scindet in diametro; o. v. quæ est parameter hyperbolicæ sectionis.

Tandem in Ellypsi, m. a. f. cuius diameter a. f. sectio plani in Cono

Cono facta per axem, f. c.d. cuius basis est circulus q.v. & ipsa recta q.u. sit sectio plani d. q. u. cui agatur ab extremo f. parallela lateri, d. f. quæ sit n. t. quæque tangat alterum verticem sectionis. Quo facto, ducatur circulus transiens per tria puncta m. c. t. efficiet, vt f. o. sit quantitas, & extensio Parametri in Ellypsi. In singulis id expressum aspiciet.

Huius rei demonstrationes ex geometricis principijs factas, habes apud nostrum Guarinum, tractat. 24. expens. 3. probl. 1. & 2. A quibus nos supercedemus, ne in materia cæteroqui obscura, plùs æquo prolixiores, adeoque tediosiores simus.

PARAPEGMATA apud Vitruu. lib. 9. cap. 7. sunt instrumenta, 33
quædam astronomica ad captandas siderum altitudines, declinationes, amplitudines ortiuam, & occiduam, &c. vt possimus inde colligere arcus singulorum diurnos, atque nocturnos, adeoque in Sole quantitatem diei, ac noctis, congressus cosmicos in eodem circulo positionis &c. Vox Græcis vniuersalis est, & composita ex *Para*, & *Pegma*, quæ perinde sonant ac, iuxta adpango; sed tamen à siderum contemplationibus, ad instrumenta hæc significanda coarctata est, quod è multis simul adaptatis regulis, rotulis, ac pinnaculidjs concinnata sunt: vnde & Democritus, teste Diogene Laertio, quæ scripsit de Astronomicis rebus, Parapegmata indigitauit. Alias Pegmata audiunt propriè Machinæ Theatrales subito assurgentes, compactæ ex pluribus tabulatis, quæ arrectarijs, ad idem oculi, contrahi & dilatari possunt, quales passim videmus in scenis, miro cum oculorum ludibrio, & animi voluptate. Festus autem, cum paguentis confundit, ac dicit, esse ornamenta, & statuas fixas, quæ appanguntur ad ostentationē, atrijs, & ostijs illustrium adificiorum, quæ in totum antepagmenta dicuntur. Sed & in serijs quoque ac bellicis rebus, Pegmatis nomen apud scriptores, frequentissimè vsurpatur pro machinis ascensorijs, quæ circumferri solebant in bellico apparatu, ad muros hostium diuersimodè insultandos, de quibus sæpè mentionem facit Iosephus in Bello Iudaico.

PARARYTHMVS etiam in Musicis audit species quædam dissonantiz, quæ tamen proximè ad rythmum, & consonantiam accedit, 34
vnde & auribus incundam præbet auditionem; vti econtrà *Heterorythmus* enormem denotat dissonantiam, quæ sit aurium offensiuâ. Hanc distinctionem in musicis notat Paulus Aegineta Medicus, ac transfert ad arteriarum diuersam pulsationem; ex qua bona, vel mala corporis constitutio auspicatur, lib. 2. cap. 11. vbi *Rythmum* vocat æqua.

æquabilem motum, estque cum bene homines valent: *Arrhythmus*, cum pulsus inæqualis est & discordans: ex quo ægritudo; & ex qualitate motus ac discordantiæ, morbi qualitas internoscitur. Nam, si turbidus ac depressus, grauitatem indicat, si enormiter frequens & elatus, excrecentiam bilis: si verò cetera æqualis, subinde celerior fit, aut remissior; accessionem, vel remissionem symptomatis prænotat, & vocatur *Pararithmus*. Est enim corporis constitutio harmonicus quidam concentus, ad musicos modos respondens, numerisque incedens, qui proportionaliter ordinantur ad concordiam vel discordiam, prout in cælestium orbium varijs motibus, efficientibus vniuersalem hanc sublunarium adinuicem harmoniam: vt alibi fusi diximus.

- 35 **PARASTATAE** græcè dicuntur, quos nostri *Pilastro*s appellant, Pilas videlicet quadratas, columnarum loco, in ædificijs sublimitas ad sustinendos arcus, aut trabeationes superimpositas, vel etiam, quæ ad ostiorum latera dimidiatæ, & aliquantulum prominentes apponuntur, vel columnis retrorsum adijciuntur ad onus subleuandum, & fastigium fortius sustinendum. De his specialiter monet Vitruu. vbi de columnarum dispositione agit lib. 5. cap. 1. vt hæ habeant post se *Parastades* altas ped. 20. latis pedes duos semis, crassas pedem vnum semis, quæ sustinent trabes, in quibus inuehuntur porticum contignationes: supraque eas, alie parastata pedum 18. lata binum, crasse pedem, excipiunt item trabes sustinentes cauterium & porticum, (quæ sunt submissa infra resrudinem) testæ. Cæterum in longè alio diuerso sensu, parastatas accipit idem Vitruu. lib. 10. cap. 15. nimirum pro assulis quibusdam arrectarijs in Catapulta, dextrâ ac sinistra collocatis, quibus postea transuersariæ aliæ desuper, & in imo affigebantur, ad dandum machinæ impulsus. Harum officium, & locum in catapulta, explicat Steuuechius ad cap. 22. lib. 4. Vegetij, exhibens etiam oculis Machinam his omnibus instructam, & probe delineatam.

PARAVOGEL, Indorum lingua, dicitur Auis Paradisiaca, quasi Auis Dei, cuius nomen & imago postea affixa est vni ex duodecim Constellationibus nuper sub circulo Antarctico detectis; alio nomine *Manucodiata*, de qua vide suo loco.

PARHYPATE, hoc est iuxta hypate, audit in systemate musico secunda chorda subprincipalis grauissimarum, respondens ad C. Fa. Vt. Qua de re vide in V. *Monochordum*.

PA-

PARIES in Opere architectonico principem sibi locum vindicat. 36
 Est enim ædificij summa, & sustentaculum, cui tectum innititur,
 & quo fabrica in altum consurgit, quasi continuata columna, par-
 tes adinuicem necens, & identidem ab alijs segregans, atque om-
 nes in vnum corpus adunans. Quod ideo totus in eo ritè erigendo
 est Vitruuius; ad eumque ordinantur omnia præcepta, quæ tñ ipse,
 tñ reliqui scriptores de re ædificatoria, tradunt. Illud imprimis,
 quod non tumultuariè & è quacumque materia construendus sit, sed
 sensim, vt tempore solideretur, & materia eligatur quæ sit operi, quod
 concipitur, apta, & ad firmiter consistendum idonea. Neque enim
 (inquit Albertus, lib. 3. cap. 10.) præcipiti festinantia, & tumultua-
 ria manu, est paries coacervandus, opera nusquam intermissa; neque per
 segnitium desidiosam, quasi inuitus ædifices, capio opere procrastinandum;
 sed prosequi eum oportet, modo & ratione, in qua sit celeritas coniuncta
 cum consilij, & diligentia maturitate. Altiùs attolli opus vetant periti,
 nisi pars hætenùs exacta duxerit. Id quod Natura ipsa, & hirundi-
 num exemplo probat in nidificationibus, per interruptas, & iterum
 replicatas aggestiones aptæ materiæ, componendis. Tñ siue è soli-
 do lapide construatur, siue ex cæmentis fiat, siue craticius, hoc est
 ex continuatis laterculis inuicem nexis, siue formaticius, per in-
 sarcinationem materiæ, intrà duas tabulas vel crustas, iniectæ; sem-
 per tamen oportet, vt æqualiter, & eadem methodo incedat, susce-
 ptumque opus eodem ordine, & structuræ ambitu coæquato, & neu-
 tiquam dispari, prosequaris: ne quid ad dexteram, grandi; ad sini-
 stram, minuto lapide struas: nam facta postmodum pressione, debili-
 or pars cedat inæqualiter, & fatiscat, necesse est. Præterea conside-
 randæ sunt partes parietis potiores, quæ sunt primò inæ, immediatè
 fundamentis impostæ, vocaturque Podium, ac fabrorum vocabu-
 lo, Basamentum: dehinc mediæ, quæ parietem in se componunt, &
 ordinant, vel cum alijs necunt, & circumambiant, diciturque
 Procinctum: tandem suprema, quæ videlicet vltimum parietis illa-
 queamentum finit, & terminat in Coronam. Ex his generale docu-
 mentum est, vt Podium è solido, prægrandi, & quadrato lapide,
 fiat, idque crassius quàm reliqua parietis structura, quæ sensim ad
 verticem extenuetur; Naturam architectricem in arboribus imitan-
 do; quocirca nullum in eo insarcinamentum admittendum est, sed
 totum integrum, & ex solidis lapidibus firmum: est enim basis ope-
 ris, & fulcrum, cui tota moles innititur. Secundo fiant in pariete,
 statis in locis, præcinctiones; quæ sint veluti ossamenta, è solidiore
 lapide, & arctariæ fibræ ac nerui, quæ partes interiores in vnum,
 con-

contineant, & crustas exteriores interioribus neſcant. Has autem ſatis eſſe dicunt periti, ſi ſingulis quinis pedibus adicias, & interponas: verum in angulis, vbi duo parietes in vnum coeunt, maior cura, antiquorum exemplo, adhibenda eſt; vt videlicet craſſiores ſint, & à ſummo ad imum, indefinenter procurret. Cæterum in reliqua excuſſione parietis, præinſcriptionibus hiſce opus planè non eſt, niſi fortè æquo longior futurus ſit, aut exilior: & tunc ſatis eſt, ſi vbi locus maximè premitur, & incuruari poſſe timeatur, adſciantur ad extrâ ardetes cum aliqua decliuitate. Sed in ſummis parietibus, & in Corona, longè maior cautio adhibenda eſt, non tam in qualitate materiæ immittendæ, (quæ ſi leuior ſit, meliùs colligabitur,) quam in ipſa colligatione perficienda; vt circumquaque procurrat, & laterculi ſibi cohæreant, manuque vt ita dicam, alter alterum ſtringat: in hoc enim tota ſtructuræ firmitudo conſiſtit: etenim Corona in ædificijs, eſt perinde, ac annulus ferreus ab antiquis impoſitus in vertice columnarum, (quæ tùm erant lignæ,) ne preſſionibus ſunderentur. His itaque ſic diſpoſitis, & obſeruatis, nulli dubium, quin paries partes ſuas in ædificio optimè impleturus ſit, & vt tandem cum Vitruuio Architecturæ Magiſtro, concludam; lib. 3. cap. 8. Ita enim non accuatim, ſed ordine ſtructuræ opus, poteris eſſe ſine vitio ſempiternum,

37 PARIGIVM inuenio, eſſe in Geographia, ſeu in Nauigatoria, tractum quendam maris mediterranei, procellis, & naufragijs ibi frequenter expertis, inſanem; ad quingenta fere milliaria extenſum, & in Aegyptum tendentibus, vel inde ſoluentibus, ominoſum. Huius rei auctorem habeo Sannutum, qui cauſam perquirens tanti arcani, ſic loquitur lib. 2. cap. 14. Propter aquarum diſcurſus oportet tri uſque ad medium parigis, eundo quartam venti deſuper à Syroco: Qui quidem tranſitus, Parigium nuncupatus, circa 450. milliaria æſtimatur: licet quidam 500. milliaria tranſitum, ſeu parigium fore aſſerant ſupradictum. Et idipſum notarat antea cap. 5. inquit: Pro tranſeundo parigia dicti maris, quæ periculis nunquam carent. Verùm & nomen mihi accidit nouum, & loci apud vllum alium Scriptorem, qui de Geographia vniuerſaliter ſcripſerunt, nulla mentio. Sed nec ex Hiſtoricis quicquam indicij haurire potui. Quia & Hirtius, qui de bello Africano copioſè ſcripſit, atque adedò ſæpiuſculè de Oris illis, & nauigationum euentibus ſermonem inijcit, ex occaſione tranſiendi Romani Claiſis in Aegyptum; indeque, iteratis commercationibus, iſthæc maria excurrentis, atque in Italiam remeantis; nuntiam eſt, quod non aliquid de inſauſto hoc, neceſſariò aliqui per-

tran-

transcundo tempestatibus subiecto loco dixerit, nec alius, qui de nauigationis ineundæ ratione, commodis, & incommodis locis ex professo tractarunt; præsertim Antonius, seu quis alius, author sit libri inscripti *Maritimi*; vbi ex composito de hac re agit, & maria, insulasque interiectas inter Africam & Italiam, ac Siciliam mensus est, & accurate describit. Quapropter aleam perquirendæ exactius veritatis, curiosi lectoribus, vel Naucleris libenter remitto; qui fortè experientia edocti, quid Parigium in re sit, quæ ratio nominis inditi ex his tēpestuosis fluctibus, felicius expiscabuntur, adijcientque chartæ nauigatoricæ, non tani ad cautelam icinerantium; quam ad Geographiæ illustrationem.

PARMA, & PARMULA, in re militari audit scutum breue atque rotundum, quo bellatores ad prælium procedentes, corpus protegunt, atque ab hostium ictibus se defendunt: quasi *Par*, inquit Varro, quòd à medio in omnes partes par sit. Etenim forma est orbiculari aliquantulum recurua, & ex materia leui, vt simul ictibus resistat, & possit commode agitari; idque siue è corio, siue ex asserulis simul compaginatis. *Targam* nostrates vocant, quæ non iam in bello, sed in ludicris concertationibus locum habet. Sed ad operis similitudinem in bellicis retinuit nomen & vsum, denotatque lenissimam machinam fortioriam è vimine, & crudis corijs compositam, ad modum testudinis, quæ adiectis vetricibus, circumferri possit, perinde ac sella, gestatoria vmbellata, qua mediante ac protegente, sub ea milites tuto ad asilum procederent, & cum starent, humi figerent, & sub ea consisterent. Eius vsum maximè commendat Hero Mechanicus in lib. de Machinis obsidionalibus: vbi postquam de Testudinibus egit, sic de eiusmodi Parmulis loquitur. *Melius est testudines etiam Cratibus vimineis contextas, breuiiores iam distis rostratis, & conformes existentes adducere. Eas verd, quæ Parmæ vocantur, lenissimas existentes, & contextu ipsas quoque vinealium vitium, vel nuper casarum virgarum in figura conuersionali quamcelerrimè factas, non est opus ad declines, & præcipites locos asferre; ne fortè ferentibus perniciem inferant, quandoquidem immensis ponderibus resistere nequeant; Ipsis autem potius vitendum est, cum in planis enodisque locis, ciuitates sita fuerit. Deinde ad earum formam descendens, subdit. Ligna, quæ à militibus feruntur, inferius veluti cuspides habeant, vt terræ affixa portantes refocillent. Coria verd carnosæ, crassæ, vel cilicina exterius iuxta faciem suspendantur. In ipsis autem inæqualibus lignis, coria duplicata superponantur, non extensa ad enodam & æqualem superficiem, sed paululum contracta, in ipsisque lignis inæqualibus depressa, vt in horum tu-*

Eccc

mi-

miditate incidentes sagitta, debiles in percutiendo, remissaeque sunt; qui verò introrsum cooperiuntur, à lesione immunes permancant. Huculque Hero, de Parnis: Quorum speciem à nilitibus circumferri solitam, oculis exhibet, sed longe elegantiorē, atque expressiorē videre est apud Lipsium in Poliorceticis.

- 39 PARMVLAE quoque in Architectura Militari dicuntur stabiles munitiunculæ, quæ suæ è directio lorice, extrà confluuntur, tormentisque armantur, ad extantium hinc inde propugnaculorum custodiam, ac tutelam; siue ante portam, vt aditum hostibus intercludant, sintque veluti prima vtriusque testoria, & quasi scuta, quæ ab impactis ictibus protegant: & vtrouque constituuntur ad campum hostilē respicientes, vtrà fossam, vt hæc mediet inter principale munimentum, & ipsas. Ranelinum Nostris, hoc opus appellant. De quo fusius sub hoc nomine.

- 40 PARTILIS RADIVS, seu *Configuratio*, & *Aspectus* dicitur ab Astronomis illa familiaritas, & communicatio, quæ intercedit inter duos, vel plures Planetas, siue coniunctos in eodem gradu ecliptico, aut Circulo Positionis; siue sese ab aliqua distantia intuentes, propriosque radios ad illos inmitentes admissum, & exquisitè, hoc est, corpore ad corpus, vel in ea distantia præcisè, quæ satis sit ad radium ipsum ad corpus alterius immittendum, quantum requiritur ad formandum talem aspectum: nimirum quod, habita ratione diametri singulorum, sint, vel eorum radius cadat intra latitudinem vnus gradus, tam per longum, quam per latum.
- Si verò præfatam coitionem, aut distantiam non exquisitè tenuerint, sed tamen conueniant intra sphaeram lucis vnus cuiusque, aut radulus ab vno proiectus intra orbem lucis alterius intret; tunc quidem contrahetur inter illos familiaritas, sed non tam potens & valida, vt coniunctio, & aspectus Partilis, sed vocabitur *Platiens*. At, si neque corpore, neque intrà Orbem lucis se tangant; tunc, etiam si in longitudine sint in eodem gradu, aut seruent eam distantiam, quæ requiritur ad constituendum cum aspectum, siue Platicum, siue Partilem; non tamen dicentur congregi, aut contrahere vllam familiaritatem, atque adeo exhibit effectū vacuus ille aspectus, qui non dat verè inter illos intercedere vllam familiaritatem, & qualitatum communicationem. Exempli gratia, si Luna, vel Venus reperiatur in primo gradu Arietis cum maxima latitudine boreali, quam quæque possit habere; & Mars in eodem item gradu vsque ad minuta, sed cum maxima quam habere possit latitudine Australi, ita-

ut aggregatum latitudinum vtriusque excedat diametrum sphaera-
rum lucis cuiusque; tunc profectò nullo modo conferentur vniti aut
inuicem irradiati. Porro vt internoscatur, an sidus aliquod emitat
radium saltem Platicum, ad alium; oportet considerare quantita-
tem sphaerae lucis cuiusque ad quantum se extendat; intrà quam op-
timè intelligitur proijci radium platicum, extrà illam nequaquam.
Ergo Saturnus habet sphaeram lucis protensam ad gradus decem an-
te & retro, siue à dextris, & à sinistris, constituto eius corpore in
centro lucis: Iupiter extendit suam lucem ad grad. 12. hinc inde:
Mars grad. 7. cum dimidio. Sol maximè omnium dilatat sphaeram
lucis suae ad grad. 17. Venus di grad. 8. Mercurius, ad grad. 7. Lu-
na ad 12. cum dimidio: tanta enim est quantitas Semidiametri
Orbis lucis ipsorum, ad quam lux singulorum, & actiuitas se ex-
tendit.

Similiter Fixae habent suum Orbem lucis determinatum. Si fue- 41
rint primae magnitudinis, latum circumquaque grad. 7. cum dimi-
dio: Si secundae magnitudinis, grad. 5. min. 30. Si Tertiae, grad.
3. min. 40. Si Quartae, grad. 1. min. 30. Quae quintae, & sextae
magnitudinis, vt & obscurae, & nebulosae; nullam, aut valde
exilem, & contemnendam, sed solum corpore congressi, & suas
quibus praeditae sunt, qualitates communicare queunt. Hic autem
aspektus Platicus considerari potest aut citrò, aut vitrà corpus Plane-
tae proiectus. Si citrà, dicitur signatè, & proprio nomine *Applicatio*,
quia tunc Planeta applicat, & se disponit ad habendam cum altero
veram familiaritatem, & aspectum partilem. Sed si iam fuerit in
aspektu partili, & suo motu incedens ab eo discedit, & separatur,
ita tamen, vt adhuc consistat intra fines orbis illius, hæc vocabitur
Separatio, & *Defluxus*; Quod intelligitur in Planeta leui seu velo-
cioris motus, qui vadit, ad Ponderosorem, vel plures gradus per-
means separatur ab eo; quae passio in Luna maximè attenditur. Et
generaliter quidem semper Applicatio melior est quam Defluxus,
quia, quò planeta leuior magis accedit ad ponderosorem, eò magis
participat de eius communicatione, & radio partili ad eum, & sic
semper magis fortificatur; in Defluxu autem à radio partili magis
ac magis recedit; sicque virtus, quam ab eo hausit, minuitur, ac tan-
dem in totum deperditur. Quod tamen procedit in reliquis aspecti-
bus, & adinuicem in planetis minoribus, secus autem in coniun-
ctione, & cum vadunt vel recedunt à Sole: nam tunc maior est de-
fluxus quam applicatio. Ratio, & disparitas est manifestissima;
nam cum applicant ad solem, semper magis, ac magis minuuntur
lumine; cum verò ab eo recedunt, quò magis elongantur, eò lumi-
nibus


nibus augentur, saltem quoad nos, vt patet in Luna, quæ validior est, cum vadit ad plenilunium, quam cum ab illo reuertitur ad coniunctionem: Vnde cum sidera in isthac inferiora agent per intensionem, & extensionem lucis, validius agent cum desiliunt à coniunctione cum sole, quam cum ad illum applicant corpore.

42 Sed redeundo ad aspectum Partilem, controuersia magna est inter Astronomos, in definiendis radijs intermedijs, itant ad vnguem respondeant. Nam de Oppositione nullus dubitat, quin accipiendus sit gradus oppositus, cum latitudine item opposita; itaut tunc Luna v. g. dicatur partiliter opposita Veneri; quando, hæc existente in primo gradu Libræ cum grad. 5. latitudinis meridianæ, ipsa reperitur in Ariete in eodem gradu, & cum latitud. grad. 5. boreali. At in radijs, vt dixi intermedijs non sic, nam illialiter projiciuntur, vt patet ex Opticis. Contendit Blanchinus, (quem sequitur Argolus, & communiter Rationales) in ijs attendendam omnino esse latitudinem sideris occurrentis, non quidem in totum, sed ex parte: itaut in aspectibus hexagonis, accipi debeat medietas latitudinis, qua Sidus illud prædictum est, & ad eam dirigi significatorem, adhuc vt verè illius Sextilem teneat: in aspectibus verò Trinis accipiendam esse medietatem latitudinis contrariæ; in Quadraturis autem nullam, cum semper hic aspectus incidat in Eclipticam: Ducunt enim Circulum maximum per centrum Planetæ latitudine prædicti, ad eius oppositum, inclinatum tamen super Eclipticam; atque ab hoc circulo sumunt proportionalitatem, & æquationem omnium aspectuum intermediorum: id quod, dato schemate, euincere se credit Argolus, in Astronomicis lib. 3. cap. 16. Sed fallitur bonus vir, eiusque speculationis author Blanchinus. Neque enim id præterisset Ptolemæus de ijs agens lib. 1. cap. vlt. si huiusmodi radios per gyrum in Circulo circa corpus Planetæ illos immittentis projici cognouisset. Atqui fictitius omnino est hic circulus circa centrū sideris extensus. Nam corpus sideris est potius centrum radiorum ab ipso effluentium per circuitum, & in latum quousque extenditur eius Sphæra lucis, itaut concipiantur circa illud maiores, & maiores circuli ducti, prout partes per quas transeunt radij, magis ac magis elongantur ab ipso sidere; vnde, cum sidus est latitudine prædictum, attendenda potius est proportio geometrica, ac differentia, quæ provenit à circulis minoribus, quorum centrum remouetur à circulo maiori, in quo sumuntur radij: quò enim magis centrum minoris circuli elongatur à maiore, cò maior accidit differentia distantiz in loco sectionis, hoc est, minor semper pars accipitur de circulo maiore. Quamobrem falsum est, quod assumit Blanchinus, in Quadratis nullam ser-

seruandam esse latitudinem; benè verò in Trino, ac Sextili: Quod idè benè Regiomontanus vult, hanc vnica proportionem variationis aspectus ob latitudinem Sideris seruandam esse, & non aliam. Verùm, quia hæc modica variatio est, & ferè insensibilis, omnino negligi potest, vt defuncto Ptolemæus neglexit.

Quoniam autem duplex est genus familiaritatum, quas inter se contrahere possunt Sidera, iuxta duplicem lationem, vt sæpius dictum est, & in Zodiaco, & in Mundo; ita etiam à duplici ratione distantie elici potest spatium distantie vnus ab alio, ad hoc vt aspectus formetur, & partilis euadat. Et in Zodiaco quidem, semper constans est, & definitur in determinata distantia: vtputa Sextilis, in distantia 60. graduum; Quintilis in 72. Quadratus in 90. Trinus in 120. Sexquiquadratus in 135. Biquintilis in 140. prout videre est in Schemate, quod exhibuimus in V. Decubitus. At in Mundo, eum ratione maioris vel minoris obliquitatis Horizontis, minores & minores partes intercipientur inter vnā, & aliam domorum, cuspidem, à quibus projicitur radius, debet id accipi in partibus proportionalibus: itaut quæ sidera reperiuntur in eadem cuspidē, alicuius domus, dicantur, & verè sint simul coniuncta, & habeant effectum realis coniunctionis, etiamsi per longum & latum à Zodiaco valde distiterint. Similiter in aspectibus, si duo sidera ita sint in Mundo disposita, vt alter sit in cuspidē Orientis, alter in cuspidē Vndecimæ, aut Tertiæ; verè se respiciant de Sextili: quæ in Quarta, & Decima, semper respiciant de quadrato id, quod est in angulo Orientis, & Occidentis; &c. id quod computatur in partibus proportionalibus arcus Diurni, aut Nocturni, tamen si arcus, semidiurnus, aut seminocturnus comprehendat aliquando duo tantum signa vel quatuor Zodiaci, & e contra: vt aliquando deprehendimus in Sphæra obliqua ad eleuat. Poli 60. grad. Solem in quadrato Cosmico Mercurij, hoc est, illum in X. hunc in Ascendente; cum tamen in Zodiaco Mercurius nunquam elongetur à Sole plusquam 28. gradibus, atque adeo nullum cum eo aspectum habere possit: quod tamen nunquam accedit in Sphæra recta, vbi æqualiter Aequator & Zodiacus, omnesque paralleli, semper in duas partes ab Horizonte secantur, quarum altera sub eo latet, & in sex æquas partes tributa, domos subterraneas occupant atque distinguunt; altera suprà erigitur, & per singulos triginta gradus definit terminos cuiusque domus supra terram, è quibus projiciuntur eadem habitudines, & radij ad Horoscopus; prout cuique in Sphæra materiali, ad quemcunque positum, liberum est inspicere.

- 44 PARTITIONES in Architectura tam civili, quam militari, simpliciter appellantur ratæ partium distributiones, vt singulæ suum locum teneant, alijsque in æqua ratione respondeant, non tam ad ordinem & symmetriam, quam ad decorem ac venustatem. Siquidem, vt bene aduertit Albertus lib. 1. cap. 9. *Tota vis ingenij, omnisque rerum edificandarum ars, & peritia, vna in Partitione consumitur. Integri enim adificij partes, & partium integritas, vt ita loquar, habitudines, omnium denique linearum, & angularum consensum, & cohesionem in vnum opus, vna hac partitio, utilitatis, dignitatis, amenitatisque habita ratione committitur.* Itaque maturo examine primò disciendum, an & vbi potissimum locus habitationi, aut qualitati operis, quod in construendum est, sit idoneus: quæ cæli facies, quibus ventis expositus, &c. ne id molestiæ incoherentibus accidat, quod ciuibus Mitilencis inconsideratè positæ vrbs, accidisse narrat Vitruu. lib. 1. cap. 6. *In Insula Leibo, inquit, Oppidum Mitilene magnificenter est adificatum, & eleganter, sed positum non prudenter. In qua Cinitate, Ausser cùm fiat, homines agrotant: cùm Corus, tussunt: cùm Septentrio, resituntur in salubritatem. Sed in angiporis, & plateis non possunt consistere propter vehementiam frigoris. Tum nedum totum corpus ædificij, sed & singulæ partes illius aptè suis in locis & pro dignitate & officio, sunt disponendæ: nam sicut in animante membra ità ordinauit natura, vt alterum alteri cohereret, pro dignitate succederet, & pro munere sublerneretur, ac deseruiret, nobilitiora in propatulo essent, & eleganter locata, viliora & turpia absconderentur; sic in ædificijs, Architectonica Naturæ discipula, & imitatrix, hunc ordiæm, hanc partium ratam distributionem seruari debet, vt cuique membro congruus situs detur, forma, & amplitudo, quam rei, ad quam destinatum est, necessitas petit. Non enim (vt optimè notat Albertus) quæ honestissima adis pars futura est, reiecto in loco, non quæ maximè publica in abito; non item quæ priuata in propatulo collocabitur. Itaque omnia ad æquam Eurithmiz lancem expendenda, & partienda sunt, vt simul habeant commodum, iustam mensuram, & venustatem; nil dissonans, nihil contortum, aut obsecurum, nil mutilum, nihil etiam superabundans, ac otiosum; sed omnia sibi respondeant pro ædificij humilitate, vel maiestate. Quo in genere singulare est, & admiratione dignum Palatium Farnesianum, Caprarolæ, non longe ab Vrbe Roma extructum, & egregiè compartitum ab sapientissimo Architecto Barozzio, dicto de Vignola; cuius forma exterior Pentagona est, interior circularis; amplissimum habens cauzdium, porticibus circumquaque cohonestatum. Sed in eo id mirabile est, quod, stante tali forma, quæ ægrè*
inte-

interiora cum exterioribus necesse; nihil tamen contortum, nihil vanum & otiosum, nil inutile, aut superfluum reperiatur; adeo pensata fuit à provido Architecto membrorum coherencia, & particio, Quin & atria, itiones, scalæ, recessus, aula, cubicula, omnia in quadrum posita, & ad angulos rectos, pro cuiusque ratione, ampla, magnifica, suis itionibus peruia, ac probè sibi respondentibus aportionibus, illustrata. Ad hæc, viliores, sed tamen necessariè officinæ, & sordida loca, in absconsu reiecta, ut ijs planè carere quis credat nobile ædificium, ni data opera perquirat, & verè extare, suis oculis probet. Huius porrò tam mirabilis architectationis fama, que omnem fidem superabat, de longè arcessit, nedum maguos viros, & Principes ad visendum, sed & primarios totà Europæ Architectos, non tam ad contemplandum & sumenda arcaniora artis lineamenta, quàm ad carpendum, si quid reprehensione dignum agnoscerent: in quibus, clarissimum virum, Danielem Barbarum, genere, insula, & eruditione, præsertim Architecturæ laude, notissimum, ut testantur eius præclara commentaria in Vitruvium. Hic inquam, acris iudicii vir, cum Caprarolam se contulisset, eo fine, ut aliquid contrà architecturæ leges factum notaret (neque enim credebatur posse carere vitio, & aliqua inanitate, quod disparibus lineamentis omnia in quadrum, ac benè disposita referebat) lustrata quaqua-

versum, suis deque attentius æde, dimensis partitionibus, perpenso membrorum omnium ordine, & coherencia: tandem admirandum exclamasse testatur Egnatius Dantes in præfatione ad Vignole opera; *Non minuit, imò magnopere auxit præsentia famam.* Adeo benè vius est ingeniosus artifex suo iudicio; & præceptis Architecturæ, adiectionibus, ac detractionibus in parietibus factis, omnia complens, omnia æquans, & situum membrorumque disparitatem aptis partitibus abscondens simul, & supplens. Quare, ne in longum sermonem protraham, neuè iustam descriptionis mensuram, non æqua dictorum partitione, transiliam; concludo, ac partitionibus clauum figo; cum memorabili illa Philandri sententia, qua Architectum monet, maximopere aduertendum, quibus rationibus ad loci naturam, aut magnitudinem, opus debeat temperari. Ibi erit ingenio opus, & acumine, ut de symmetrijs adiectiones, aut detractiones fiant: ingenio, ut inueniat; usu, ut cognoscat; iudicio, ut seligat consilio, ut componat; arte ut perficiat quod constituerit. In re autem edificatoria LAVS EST OMNIUM PRIMA, IUDICARE QUID DECEAT.

chiuna vnum ex duodecim, non ita pridem detectis, & obseruatis, alias *Piscis volans*; referens imaginem piscis amphibij, nantis simul in aqua, & volantis in aëre, illis regionibus frequentissimi. Habet in complexu stellas quinque infimæ notæ.

Inde attripit occasionem Petrus Io: Faber, suo more, in Panchymico de ijs pronunciandi, quod corrigunt valdè, ac temperant naturam Saturni, Polo Australi dominantis; Vnde incolæ harum regionum verum venerationem amantes esse perhibentur: & terra eorum satis fertilis, est frigore denso detineatur, per sex aut septem menses, & nocte opaca per sex menses obumbretur. Nihilominus tamen dum dies est, Solque luget per sex etiam menses, germinat terra, & pullulat hoc in tempore, quidquid homini competit, & ad vitam illius est necessarium. At quis, quæso inde redux aniles has fabulas Fabro detulit? aut quos sensatos scriptores hæc referentes, quorum auctoritate ipso nixus, tam infractio animo loquutus sit, planè non habeo. Sed tamen Ptolemæus, Tycho, Bayerus, aut aliusquis oculatus testis hæc mihi diceret, aio, non credam. Repugnat enim sanus discursus, & natura soli sub cælo inertissimo constituti: neque enim quid mollius & efficacius his stellis assignendū est, quàm quod in terris Polo Arctico subiectis, stellæ longe clariores & benignioris naturæ, in eo fixæ non influunt; vbi sanè omnia rigent, nec vllum germen exurgit. Sed quam supinè & ostanter discurrat Faber, vel inde colliges, quod paucis verbis plures concludit ineptias & absurda, ipsis etiam Astronomiæ, atque, Geographiæ nouitijs intoleranda. At quippe, terram illam per sex menses denso detineri frigore, nocte opaca obtenebrari. Atqui id falsissimum est, cum frigus inibi perpetuum sit; & nox obscura, non admodum longa est, quæ non crepusculis diutius illustretur. Nam etsi demus nō in Circulo Antarcticō esse, sed in ipsum Polū recidere sidus hoc, adhuc nox obscura non esset, cum Sol semicirculum borealem permeans, etsi per sex menses videri se non permitteret, ob maximam tamen eclipticæ obliquitatem ad horizontem impertiretur ferè semper claram lucem crepusculinam, & vix vno mense extrâ amplitudinem crepusculorū, quæ ad duodeuiginti gradus Aequatoris extenditur, semper tamen circulariter circa illam, à Primo mobili versatús abiret. Id quod manibus tangere, & oculis haurire in globo cælesti, cuique expertissimum est, fidere hoc tantum, aut etiam, Polo Antarcticō in vertice constituto. Sed hæc & similia persequi vanum est, cum Sole clariora sint, & in ijs refutandis diutius sistere, foret nimis ab orbita deuiare.

basis in plano posita, quam pede terimus, & calcamus: à pauidodo dictum, seu à percutiundo; quòd quando sternitur, & complanatur, repetitis ictibus cunditur, vt solidetur: vnde & ipsam instrumentum tundens, Pauicula nuncupatur. Dicitur autem reuera non tantum de ipsius domus ima planitie, sed etiam de quocumque alio plano supra contignationes siue intermedias, siue supremas de quacumque materia strato; itaut ipsam rectum si in planum abeat, vt liberè obambulari queat, pauimenti nomine comprehendatur: quod Græci Hypæthras, Nostri Solaria, ac subdiales ambulationes appellant. De eius rata constructione, quam ruderationem nominat Vitruu. fusè agit lib. 7. toto cap. primo; vbi de diuersa locorum conditione & adium tam sublimium, quam humilium qualitate, diuersas tradit paulmenta ruderandi rationes. Nihilominus, quatenus ruderatio est, ex rudo vt plurimum fit, nempe ex ruderibus, aut testarum fragmentis confusis, aut lapillis calce diù maceratis, admixtis, in planum expansis, ac demùm crebris tansionibus solidata. Id quod paucis expressit, cum dixit: Inducatur cum statumine rudus. & infra: Rudus, si nouum erit, ad tres partes vna calcis miscetur, si reditium fuerit, quinque ad duum mixtionis habeant responsum, deinde rudus inducatur, & veltibus ligneis, decurijs indutis, crebriter pinfatione solidetur. Sed breuius & enucleatiùs Varro de Re Rust. cap. 18. De testa, inquit, arida Pauimentum struito: vbi stritum est, paulito: siccatoque, oleo perungito; & pauimentum bonum fiet. Cæterum an nobilioribus edifijs, ac præsertim supra contignationes, si sub recto sint, pauimenta leniùs sternuntur, & aut scællibus marmoreis refferis in ordinem dispositis, & complanatis; aut coællibus lateribus simili modo supra rudum dispositis, & inclinatis tantùm, in opus intrantibus perficiuntur. Siuero in vdo, aut sub dio sint, tunc & nucleus, & superior crusta robustior debet induci, & crebra pinfatione solidari, ac vllam rimam admitat, sed in vnum continuum abeat, adeoque humiditatibus, & pruinis resistat, & cadentes imbres mox repellat, & reiciat in canales; ad quam rem bene cùm, quadam, sed modica decliuitate, subdialia pauimenta sternuntur. Sed consultum est in hisce locis, vbi frigus intolerandum est, ne cæli inclementia stratum corrumptat, ea plumbeis laminis operire. Quæ omnia præcepta ex Vitruo, Palladio, Philandro, & Alberto desumpta sunt. De Lithostrotis & Asarotis alibi dictum est.

PAVO sidus, sic dictum tradit Faber in Panchym. cap. 7. quod ei adspiciat imago referat pulcherrimam autem ab indigenis *Tassam* nuncupatam, nostro Pauoni, colorum varietate, ac speciositate persimilem.

mitem. Inde ad eius naturam, & qualitates examinandas descendens, sic discurrit. Ex hac Constellatione Australes partes (qua adhuc nobis incognita sunt, nec adhuc à nostris perlustrata, nisi littora earum partium, ex quibus colligimus, & ex calo quod nobis perfectè cognitum est, ea qua iam diximus) suscipiunt virtutes, & proprietates Marti, & Saturno correspondentes. Vnde incola harum partium sunt cholericì, & bellicosi admodum, feroces, & agrestes; nihilominus satis prudentes, & acuto ingenio, quòd sunt laboriosi; & quod subtili & acuta mente percipere non possunt, labore summo obtinent. Inimicitias exercent crudeles, nec unquam possunt inter se reconciliari. Non vinum, non frumentum hisce in regionibus crescit: at habent radices bulbosas, quibus vescuntur: sanguinemque potant recentem ex animalibus brutis recentèr occisis. Fructus habent, & pisces, quibus communitèr vescuntur, & aliquando carne humana, ex inimicis occisis desumpta. Hac naturalis crudelitas ex Saturno, & Marte Cælesti descendit in hos incultos homines, qui brutorum more viuunt, & in quemcumque animi affectum facili negotio feruntur. Hac Faber de Regionibus, sibi, vt fatetur, ignotis, ac de hominibus, (si qui forte in ijs sunt,) toto Cælo à nobis, Oceanoque auulsis. Quid rogo, fidentiùs, quid assuerantiùs dici poterat ab homine, qui in ijs natus, educatus, totam vitam transegisset, atque ex iugi stellarum istarum obseruatione, illarum robur, & influentias, tum incolarum mores, solique infelicitatem, longa experientia tenuisset? At à Mercatoribus ea littora percurrentibus didicit, at à cæli constitutione sibi probè cognita, id deduxit. Næ tu tibi, lectoribusque imponis, intelligendo (vt ait Terentius) quod nihil intelligas. An non, nimium vanis Nautarum rumoribus præstas fidem, qui cum reuinci nequeant, solent, de externis sibi per somnium visis, mira exaggerare? Sed accedit subtilis tuæ mentis argutatio è calorum constitutione deducta. Quasi modò ex simplici discursu non sæpè fallantur sapientissimi Astronomi & Philosophi, ex astris terræ sterilitatem vel fertilitatem, aëris serenitatem, vel inclementiam prædicentes. Nonne enormiter lapsi sunt Antiqui, seriò affirmantes sub zona torrida, ob nimium æstus, terram esse inhabitabilem; quando experientia compertum est, ibi, maximè sub æquatore, esse temperatissimum clima? Verùm is est Faber, qui passim de suo cerebro sapit, & quæ somniatur, velut Apollo, edicit è tripode.

47

PAVONACEA TECTA bellè agnominantur à Plinio lib. 36 cap. 22. quæ apud Belgas fieri consueuerant è sectili lapide, ad tegularum, & imbricum vicem suppleendam, è cuius exsectis, laminis artificiose dispositis & connexis, tectum operiebatur, quod varijs coloribus,

ribus, veluti picturam caudam Pauonis præferebat. Sed longe aptius, tali nomine honestari possunt nostri temporis testæ, quæ iam non è festili lapide, sed è coëlis regulis versicoloribus, ac vitro illitis, splendore, & colorum varietate, pauonis pennas perfectissimè imitantur. His præsertim vitur in sacrarum ædium tholis tegendis, quæ ijs de longè conspicuis, & etæcis, vnuersam simul afferrunt, & firmitudinem: neque enim vt alix tegulæ, solis ardore soluntur, neque humores admittunt, aut gelu pruinæ iniurijs sunt obnoxiz. Quapropter optimum consilium est, eas vniuersum imbricū loco, etiam priuatorum testis inducere, vt iam locum habent in pavimentis; quandoquidem optimum operimentum sunt ad æternitatem durans; & cum tanta speciositate, magnum impensarum compendium.

PE

PEDATVRA militare vocabulum est, & mensuræ genus, continens centum pedes geometricos, in designatione & constitutione, 50
Castrotrum, singulis militum Centurijs ad stationem tributos. Vnde Vegetius lib. 3. cap. 8. vbi de ordinatione Castrotrum, atque Podismo agit, *Singula*, ait, *Centuria*, diuidentibus Campi doctoribus, & principijs accipiunt pedaturas; & scutis, ac sarcinis suis in orbem circa propria signa dispositis, cincti gladio fossam aperiant. Castiodorus quoque in negotio celeris extructionis mœnium Tridentinæ Urbis à Theodorico Rege præceptæ, huius mensuræ meminit lib. 5. Varior. cap. 9. atque, vt id per ordinem ac sine tumultu quietè fiat, edicit, *Vt Omnes regionis Tridentinæ habitatores ad extruendam Ciuitatem, acceptis à Theodorico Rege mercibus competentibus, pedaturas murorum subire in commune cogantur.* Porro pes geometricus (vt id hic occasionaliter dicam, ne in distinctum paragraphum reijcere opus habeam) quatuor palmis constat, hoc est, sexdecim digitis, iuxta antiquorum Græcorum, & Romanorum morem, vti obseruat Philander ad cap. 3. lib. 3. Vitruuij, & colligit ex peruetusto marmore, quod Romæ sub quibusdam ruinis inuentum est, vbi scalptra erat mensura pedis Romani, concordans cum alijs antiquorum monumentis, cuius etiam medietatem exhibet in digitos dispartitam. Verum quidem est, quod postea pedem pro asse sumentes, diuiserunt in duodecim æquas partes, quas vocarunt uncias, ex quo distributiones partium factæ sunt, in sextantem, quadrantem, trientem &c. vt nos alibi disseruimus. In cuius comparatione inuentus est pes noster aliquantò minor antiquo, & semiuncia ab illo deficere. Cæterum hæc est communis mensura, qua Gromatici & Architecti, camporum situs, & ædificiorum areas metiuntur. De qua re multi, tum

Ex antiquis, tum è recentioribus scripsere: in quibus exactiores sunt Georg. Agricola, & Ciacconus in lib. de Axe.

51 PEDITES in re militari appellantur bellatorum ordines suis pedibus incedentium; ad differentiam equestratus, in quo milites equis insidentes incedunt, & præstantur. De quibus passim Scriptores Militares. Qui verò magis præhaleant in Militia, & cum bellum adornatur, ex quibus præster exercitum comparari, non est nostrum decidere. Certè pro diuersarum Nationum more, & pugnantium genio, res definienda est. Galli, Poloni, Moschi, in equitatu prævalent, & in eo robur exercitus situm est: econtrà Hispani, & Asiatici, in Peditatu; vti & Turcæ, quos Ianizaros nominant. Itali, & Belgæ in utroque valentes: sed in aperto Marte uterque requiritur, & alter sine alterius adiumento languet, quoniam equestratus medios pedites, quasi sub alis tuetur, & fouet; & hi equitatu viam parant, & expeditiores sunt ad hostem aggrediendum.

52 PEGASVS *Equus Magnus alatus*, arabicè *Alpheratz*. Sidus in Cælo ad borealem plagam, constans stellis 20. secundum Ptolemæum; ac Keplero & Bayero 23. vltra eam quæ figitur vmbilico, sed verius spectat ad Andromedam, estque diuersè omnino naturæ ab ijs quæ alligantur Asterismo Pegasi. Ergo ista, quæ in capite Andromedæ, est de natura Veneris secundæ magnitudinis, illæ omnes de natura Martis, cum participatione Mercurij: inter quas tres secundæ magnitudinis, vna in eduçione cruris dicta *Scheat Alpheratz*, altera in armo dicta *Marchab*. tertia lucidior in extrema ala. Tres item tertiæ magnitudinis, quarum præcipua, & maximè considerabilis est, quæ in ricu, *Museida equi* communiter appellata, arab. *Enif Alpheratz*. Quartæ magnitudinis sex, præter alias quinque, circa cum, relictas à Ptolemæo informes, (quas Recentiores Astronomi adunauerunt in Tigrim fluuium.) tres quintæ, reliquæ septem sunt sexti honoris; vnde colligitur hoc astrum esse magnæ virtutis, & efficacis. Computatur inter signa mutilata, ad quem finem repræsentatur carens posterioribus partibus, terminansque ad vmbilicum. Mitto quæ de eo in horoscopo reperto edicunt Firmicus, & Pontanus. Solum aduerto, has stellas præ cæteris, in suo genere esse valdè rutilas, & splendentes, ac præditas qualitatibus vrentibus, siccis, & constipantibus: vnde aiunt, in terts quibus dominantur, paucos fructus educi, bene in fodinis copiam lapidum pretiosorum, ferri, aluminis & vitrioli; homines verò enasci macilentos, biliosos, agrestes, & ad rixas bellumque pronos. Sed & circa mutatione-

raciones aeris, obſeruatum eſt (vt reſert Argolus,) quod Sol cum Muſcida equi exortiens, aut cum humero, facit aerem frigidum nimis, & quandoque dat niues, & gelu fontes concreſcunt. Oriuntur autem Romæ, menſe Ianuario, cum grad. 21. & 23. Capricorni, circa Idus.

PEGMA. Vide *Parapegma*.

PELECION in Gnomonicis eſt ſpecies horologiꝝ Solaris, cuius mentionem facit Vitruuius lib. 9. cap. 9. habens formam ſecuris, vnde & nomen hauſit, cum ſit ad modum trianguli, dicti propterea Pelcoidis, ex tribus curuiſ lateribus eſſormati, quorum duo exterioris concava ſunt, & terminant in acutum angulum; tertium conuexum exterioriꝝ, & interiꝝ concavum; vt videre eſt in adieſſa figura. Porro cuiuſmodi formam, reſert memoratum à Vitruuio Sciotherium. *Quale dixerim* (inſert Barbarus) quod *hyperbolas habet à circulis parallelis in plano Finitoris, aut verticalis, deſcriptas*. Verum in hoc reprehenditur à Baldo, quod malè dixit, deſcribi eos in circulo Finitoris, aut verticali, cum in plano, quod per centrum non tranſit, ſeſiones illas fieri neceſſe eſt. *Sunt igitur* (ait ipſe) *duo plana, cum horizontalis horologiꝝ, cum verticalis, æquidiſtancia quidem horizontis, & verticalis planis, ſed non eadem cum illis*. Sed enim critica nimis, & ventofa eſt cuiuſmodi animaduerſio. Etenim, cum hæc parallelorum deſcriptio in plano, fiat per vmbraſ hyperbolicè cadentes, quæ proinde, pro varia ſolis altitudine, proijciuntur in arcum tenſum ad modum ſecuris, in capite extenuatæ in extremo diſpanſæ; parum intereſt, ſi in planum horizontale vel verticale cadant, aut in alia diuerſa plana illis æquidiſtancia, modò aggregatam ex illis, vtrumque eandem figuram referant, hoc eſt, ſecuris creſcæ, vt exinde *Pelcymana*, græca notione vocentur.



53



PELTAE in re militari appellantur ſcuta quædam leuiſſima, concava, & contorta in ſpeciem falcatæ Lunæ; & ex ijs *Peltaſtes* dicti ſunt certi militum ordines, ſeu pedites, qui breuibꝝ gladijs armati, peltiſque conteſti, animoſè ad prælium procedebant: quandoquidem in hiſ hoſtium icuſ cadentes in lubrico, eluduntur potiꝝ, quàm

54

quam excipiuntur. Porro hos peltatorum ordines prius iuuenit, & in militiam inuexit Iphicrates Atheniensium Dux; qui, vt refert Cornelius Nepos, *pedestria arma mutauit. Cum enim ante illum, Imperatores, pedites maximis scutis breuib;que hastis, ac minutis gladijs uterentur; ille econtrâ Peltam pro Parma fecit; à quo postea Peltastæ pedites appellati, vt ad motus, concursusque essent leuiores. Peltatos nominant Liius, & Laërtius: quorum meminit quoque D. Hieronymus in Commentar. ad libros Regum.*

55

PENINSULA quasi *Penè Insula*, dicta est apud Cosmographos pars Continentis, seu totus quidam terræ tractus in mare proiecctus, ita tamen, vt breui & angustio tramite, terræ firmæ, & reliquæ continenti iungatur. Talis est suo nomine celebris Peloponnesus in Græcia, hodie Morea, cuius isthmum perfodere, detruncare, & eam in Insulam redigere circumcîrca nauigabilem, inu anuum conati sunt multi Asiatici Reges, & Romani Cæsares, vt in loco tradidimus. Peninsula quoque dici potest tota Africa, hoc est, tertia Nundi veteris pars, in Medio Oceano constituta, & vndique aquis, non sine summa Numinis prouidentia clausa; à Meridie Mari Indico, ab ortu sinu Arabico; ab occasu, Aethyopico; & à Septentrione, nostro Mediterraneo: itaut paruus limes sexaginta leucarum ab ortu relictus sit, qui eam non tam Afriæ iungit, quam dispelscit. Sed Peninsula nomen æconomastice stetit Aureæ Chersoneso, quæ sui nominis vastitate, quam felicitate Climatis, toto orbe celebris, illud etiam cæteris impertiuit.

56

PENULA, quid sibi velit Vitruuio in genere architectonico, ignoramus. Etenim lib. 10. cap. 12. describens Ctesibium Machinam, inter alia, hæc habet. *Suprà catinum Penula, vt infundibulum uersum est attemperata, quæ etiam per sîbulam cum cuneo traiecto continetur, & coagmentatur, ne vis inflationis aqua eam cogat eleuare.* Silent Commentatores: solum Baldus in Lexico Vitruuiano vocabulorum explicationes sibi in prouinciam assumens, ita rem interpretatur. *Pars est Ctesibia Machina, quæ suprà catinum, vt infundibulum inuersum est, attemperata; quoque etiam per sîbulam cum cuneo traiecto continetur, & coagmentatur, ne vis inflationis, aqua eam cogat eleuare.* At superuacancè repetit, quæ iam habeo in textu, nihil de suo addens, vt intelligam quid nomen iudicet, quis rei vîas, quæ forma, qua ratione ei id nominis adapteatur. Scio equidem apud Nonnium, Penulam propriè denotare rude, crassum, & villosum superindumentum, quo, pluuio tempore, in ignibus vtitur ad totius corporis,

poris, & reliquorum vestimentorum custodiam, ab ingruentibus im-
bribus. At quam similitudinem, quam analogiam hæc habeat cum
Vitruuij penula, planè non video. Sed, si in obscuris diuinare, &
Verbum contorquere licet, ita dictum crediderim, vt sicut penula
suprauestis pluuias arceat & vetat, ne in interiora, stillicidia pene-
trent; sic pars ista, in hydraulico organo, aquam comprimit, ne
extrà vas effundatur. Dij faxint, ne ineptum quid essutierim.

PENUMBRA dicta, quasi *penè umbra*, Astronomis est pallor
ille, & lumen subobscurum, ac tenebricosum, quod de noctu con-
spicitur circa tellurem in aëre ambiente, vel in disco Lunari cum
patitur Eclipsim, & in umbram terræ mergitur, atque obscuratur.
Etenim in ipso actuali deliquio, & priuatione luminis, videntur in
eo diuersæ phasæ, & colores, è quibus Astrologi qualitates Eclipsium
deducunt, & varios effectus prognosticantur: tum etiam, antequam
Luna verè in umbram terræ mergatur, & immediatè postquam ex
illa emerferit, incipit pati deliquium, & quandam quasi nigrorem
in extremis partibus, quæ non mera umbra, sed penumbra efficiun-
tur, quam iure cum Ptolemæo dixeris *μῆλας καὶ τὸ σκότος*, vel *ἡμισφῆριον*.
hoc est, mixtum quid ex luce, & tenebris. Igitur Penumbra in hoc
differt à mera Umbra, quod hæc est totalis priuatio luminis tam
primarij, quam secundarij, reflexi, refracti aut refulsi; Penumbra
autem est priuatio tum partialis luminis primarij, cum luminis to-
tius directi, aut irreflexi, seu irremissi, cum aliqua participatione lumi-
nis primarij, aut saltem luminis refracti, ideoque refulsi, ac remissi.
Quocirca in Eclipsibus potissimum Luminarium locum habet, &
circa tellurem in Atmosphæra, vbi Solis radij transeuntes per vapo-
res crassos è terra educos, refringuntur, debilitantur & obtrundun-
tur, pro maiore vel minore illorum densitate, & crassitie, vnde insur-
git Penumbra illa, & obscuratio lucis. In Luna verò generatur ab
umbra terreni globi ad eius discum directè immissa, & à Solis ra-
dijs ambientibus, & refulsis: quò fit, vt appareat in disco color ille
ferrugineus, nunc nigricans, nunc liuens, nunc rubeus, & igneus
velut pruna, quem Luna circa umbræ terreni orbis oras versata exhi-
bet, qui nihil aliud est, quam lux Solis diuersimodè participata, cum
admixture veræ umbræ, in ipsam illapsa, atque ad nos remissa: &
ideo, vt notat acutè Keplerus in *Epitome Astronomia*, licet quando-
que Luna tota sit in umbram immersa, adhuc tamen spectabilis sit,
& non videaturmersa; quia substantia illa lucida circa solem iustam-
mata, irradiat, & contingit extremos terminos umbræ. Et ideo
nil mirum, si tot colores variet, tot phasæ ostendet Luna in suo deli-
quio

quio, pro diuersa incidentia in meram umbram, & penumbram, eius lumen diuersimodè hebetatur: nam semper particulam aliquam luminis, seu primarij, seu secundariò transfusi, in se retinet, quæ seu vera umbrâ offusa, seu ex eius vicinitate retusa, modo liuens, & furua; modò rubens, & micans; modo pallens, & quasi languescens, remittitur.

- 58 PEREGRINVS dicitur ab Astronomis Planeta, qui repertus sit in loco, ubi nullam obtinet dignitatem, ex quinque essentialibus, nempe Domicilio, Exaltatione, Trigono, Terminis, & Persona: ut si Sol in Virgine; Luna in Geminis, Saturnus in Leone, &c. Quod si fiat aliqua permutatio, & mutua receptio vnus Planetæ cum alio in Domicilijs, aut Exaltationibus, ita ut vnus sit in loco, cui dominatur, aut exaltationem habet; alter, qui in eius domicilio, aut exaltatione reperiatur; tunc perinde est, ac si amplius peregrini non sint, sed reputentur tanquam in proprijs dignitatibus existentes, proindeque viribus accrescunt, & inuicem confortantur. Talis esset Sol in Virgine, existente Mercurio in Leone; aut Iupiter in Libra, Saturnus in Cancro, aut Piscibus. De Planetis peregrinis dicunt Astrologi, quod si in Horoscopo fuerint, & aliquo benigno Solis, vel Lunæ, aut Veneris radio fuerint irradiati, maiorem fortunam, extrâ Patriam important, quam in Patria; secus si à Maleficis quoquo pacto infestentur. Quod quidem gratis dicitur, & nulla ratione, nulla experientiâ sæpius animaduersâ fulcitur.

- 59 PERGVLA, inquit Budæus in Pandect. est pars domus exporrecta & propendens, eius generis, quas Salientes, Artifices nostri appellant. Exedram angustam vocat Vlpian. in l. Hæres §. 2. de Iudic. in superficie aliqua adium, ut Glossa applicat. Tertullianus quoque aduers. Valen. non aliter sentit, dum dicit: *Cenacula in adicularum forma disposita, alijs atque alijs pergulis superstructis*. Ex quibus testimonijs colligo, eas non multum differre à Menianis, nisi quod ornatiorem, non tam ad prospectum, quam ad augendum decorem, & venustatem Magnatum ædibus apposita, illæ despectiores, sine vilo architecturæ ordine adicte, sed extensæ suprà publicam viam, ad supplendas utcumque arctæ domus angustias, quæ potissimum deseruiebant artificibus domum inhabitantibus, ad exponendas populo venales merces: vnde legimus apud Plinium lib. 35. cap. 10. de Apelle, quod *perfecta opera proponebat in pergula, transcurrentibus*; & in l. ult. Cod. de excus. artific. priuilegium factum pictoribus, ut pergulas, & officinas in locis publicis, sine pensione obtineant: quod ideo

ideo vtplicurimum erant apertæ, & subdiales, contrâ quàm meniana
desuper tecta, & circâ clatris, cancellisque conclusa. Hinc factum
est, vt hæ postea ad vmbra captandam, vitibus aliarumque inhz-
rentium arbutularum ramis contegerentur, atque exornarentur; ex
quo iam Pergulæ nomen communi acceptione huiusmodi viridan-
tium foliorum tectorijs datum est: ad quam rem de Liuz porticu
dixit Plinius lib. 14. cap. 1. *vna vitis Roma subdiales inambulationes
vmbrosi pergulis opacat.*

PERIACTI, anthore Polluce in Onomast. græcè dicuntur Versu- 60
ræ procurentes in Scenis, quas ita describit Vitruu. lib. 5. cap. 7.
Secundum ea spatia ad ornatus comparata, qua loca Græci Περιακτις
dicunt ab eo quod machina suis in locis versatiles trigonos habentes in
singula tres sint species ornatonis; quæ cum aut fabularum mutationes
sunt futura, seu Deorum aduentus cum tonitruis repentinis versentur,
mutentque speciem ornatonis in frontes. Hoc probe intelligunt qui
eiusmodi scenis præsumt, aut sæpe intersunt. Siquidem quando
mutandæ sunt scenæ, atque in momento alia representanda est Thea-
tri facies, id illico & in icu oculi fit per has procurentes versuras,
quæ ternis planis tres admittunt diuersas, imò & plures internè af-
fictas montium, sylvarum, ædium (prout opus est) rerum represen-
tandarum formas: ita vt, dum vnæ in prospectu sunt, alteræ quævis
in addito occultis duobus planis aptari possint; moxque versari,
sive, occultis machinationibus, rotulis, ac ductarijs funibus; siue,
super axes cardinibus innixos, vt passim fit, non sine spectantium
admiratione, & voluptate. Trinani autem faciem requirit Viruuius
in singulis machinis versatilibus, non tàm, quòd trigoni forma,
non secus ac circularis, aptissima est ad huiusmodi subitas versatio-
nes; quàm pro conditione fabularum, quæ olim representari consue-
uerantque, aut erant graues, & tragicæ; & tunc grauem, & mœstam
petebant scenam, palatijs, carceribus, tribunalibus pictam: aut erant
comicæ, ac ludicræ; & tunc variam, viridarijs, fontibus, longin-
quis prospectibus, aliisque amœnitatibus circumiectam: aut rura-
les, & satyricæ, & tunc rupibus asperam, & nemoribus consistam.
Habes apud Barbarum in Theatri, tum Romani tum Græci, sceno-
graphia, huiusmodi periactorum accuratam delineationem.

PERIBOLVS in opere architectonico dicitur murorum suprema, 61
pars in circuitum acta, interiecta loricula, quâ liber est ad subiectam
planitiem prospectus, ac diurni speculatores (quos verustissimus scrip-
tor Aeneas, in Poliorcet. Hemeroscopos vocat,) discurrere possint,
Gggg atque

atque inuigilare ad Urbis custodiam. *Incarniciata*, vulgari militum vocabulo appellatur: vnde Gulielm. Tyrius lib. 8. cap. 4. de his dicebat: *Tota nocte circuibant peribolum*. Aduertit autem Du-Cange in Glossario, apud Scriptores Polemicos, Peribolum non simpliciter pro muro testorio accipi, sed dici etiam de ambulacro desuper complanato, ad liberam circitorum excursionem: quod aperte indicat Albert. Argentinas in Chron. ad ann. 1375. in hęc verba: *Dein mœnia antiquitatis pradiſſe, exaltata sunt cum peribolo, seu deambulacro nouo*. In Architectura etiam ciuili & sacra, Peribolus locum habet; estque murus, seu exterior Sacræ ædis ambitus aliquantulum erectus, & complanatus ad prospectum, & ambulationem. Sic Durandus in Rationali, lib. 3. cap. 35. refert, quod *In primitiua Ecclesia Peribolus, idest paries, qui circuit chorum, non eleuabatur, nisi usque ad appediationem: quod adhuc in quibusdam Ecclesijs obseruatur*. Quod idem fiebat, ut populus videns Clerum psallentem, inde bonum sueretur exemplum. Cuius adhuc extat memoria Romæ in peruetusta S. Clementis Ecclesia, in altitudinem iustæ staturæ hominis. Sed postea Periboli nomine iam venit nedum murus qui Ecclesiam cingit, sed & totum spatium circumiectum, quod ad Ecclesiam pertinet, quæque in illo, ad Ecclesiæ seruitium, & ornatum exædificata sunt, vtruta Porticus, hortuli, ambulacra, cæmeteria, &c. quibus perinde ac ipsi Ecclesiæ, datum est priuilegium immunitatis in l. 4. Cod. Theodos. tit. de his qui ad Ecclesiam confugiunt. Vnde Oderic. Vitalis lib. 12. notat, quod quendam defunctum, in aquilonari climate Periboli sepelierunt: vbi videlicet erat Cæmeterij locus, quem Paradisum vocabant.

62

PERIDROMVS, teste Herodiano, locus erat Romæ in summo Amphitheatro, ad Commodi Imp. cōmodum, accessumque ad spectacula inædificatum; ab circuitu, & excursionibus, sumpto cognomine. Hic ille spectaculis adstabat, aut solus, aut proceribus comitatus, namque erat per gyrum, ambulatione & gradibus ad sedendum interstinctus, & lorica ab reliquo Amphitheatri corpore segregatus: & si quando placeret ei ad gladiatorum æmulationem, cum bestiis depugnare, inde hastas vibrando, inculandi peritiam magis, quam fortitudinem ostentaret. Eadem ratio erat infernæ Catadromus vbi decursiones, & pugnæ pedestres fiebant; Hippodromus, vbi de equorum pernicitate certabant, siue solis, siue bigis, atque quadrigis, ad metam contendendum, & alia, de quibus idem Herodianus, Halicarnassæus, Rhodiginus, & alij.

PERIGEVM in Astronomicis est passio Planetarum extrinsecus adueniens, ratione loci humilioris, quem quisque tenet in suo Orbe, seu Epicyclo: Cùm videlicet Zodiacum peragantes vnà cum suo Deferente, quod latum est & eccentricum, perueniunt ad inanius partem, quæ est depressior, ac terræ vicinior: proindeque apparent corpore grandiores, quàm cùm in suprema abside, hoc est in summo apice sui Deferentis sunt, seu Epicycli, vbi maximè à terra elongantur. Qui locus, seu punctum, propterea à Græcis *Apogon* appellatur, hoc est, maximè à terra distans, quasi $\alpha\pi\omicron\gamma\omicron\varsigma$ arabicè autem *Aux*. Sicut econtrà, oppositum Augis, *Perigeum*, teat propè terram, $\pi\epsilon\rho\gamma\epsilon\upsilon\mu$. Quæ duo loca per Zodiacum transcurrunt, vti & ipsi Planetæ, in succedentia; motu tamè lentissimo & penè insensibili: cùm post longissimum tempus obseruatum sit ab Astronomis, Planetas non moueri æqualiter, & concentricè in Zodiaco, sed fieri aliquando terræ viciniores, ac tunc esse velociore: aliquando remotiores, esseque tunc tardiores; cùm videlicet sunt in ima, vel summa Abside sui orbis: ipsasque apsides non esse constantes, & permanere semper fixas in iisdè gradibus oppositorum signorum, sed continenter permutari; abireque in partes vltiores, irregulari tamen motu, & (vt dixi) lentissimo. Id quod euicit facta comparatio locorum Apsidum, vbi erant tempore Hipparchi primi obseruatoris, cum his quæ occupant in præfenti: vbi nunc Perigeum Solis incidit in grad. 7. min. ferè 15. Capricorni (& consequenter Apogæum in grad. 7. min. 15. Cancræ,) cum tamen tempore Hipparchi, Perigeum foret in grad. 5. min. 30. Sagittarij: & inde collecta eius Orbis, per quem deferretur crassities; quando in Perigeo constitutus distat à centro telluris milliar. nostris 4272480. atque in Apogeo milliar. 458860. quorum differentia est 316480. quantum videlicet altus est & crassus Deferens Solis. Idipsum, data proportionè, intelligendum de mutatione Apsidum reliquorum Planetarum, præter Lunam; quæ, cùm non moueatur in Epicyclo, magis irregulariter, & velocius permutat suas Apsides, vt videre est in Ephemeridibus. Et quidem nunc temporis Perigeum Saturni est in grad. 28. min. 25. Geminorum: Iouis in grad. 9. Arietis: Martis in principio Piscium: Veneris in grad. 2. Capricorni: Mercurij in grad. 3. Geminorum. Porro in Apogæis Planetæ sunt validiores, & puriores, in Perigeis segiores, & minùs validi: cuius rei rationem, vide in Ricciolo, lib. 7. Almagesti noui, sect. 1. cap. 7. & sect. 2. cap. 8. Nobis innuisse sat est.

PERIMETROS, ex his quæ hæcenus dicta sunt, facile conijci po-

test, quid nomine præferat; nempe dimensionem per gyrum, actam: vnde effluxit Perimeter, seu Perimetrum, instrumentum videlicet, quo vtuntur Gromatici, & Cosmographi in suis dimensionibus, illi in Castris ponendis, isti in globi terraquei dimensione, siue in totum, siue per partes, atque in auspicandis climatum diuisionibus, indeque locorum distantias perferutando, dando singulis æquatoris gradibus per latum distentis, sexaginta milliaria, & per longum, versus polum, tantumdem declinationis computande in circulis verticalibus: vt proinde totum terræ ambitum faciant miliar. 21600. ex quo distantias locorum per directum venantur. De qua re fusè Ricciolus in Almagesto lib. 10. sect. 4.

- 65 Vsurpatur etiam sæpissimè hæc vox in Architectura, præsertim à Vitruuio: qui, vbi agit de conformatione Theatri, quod vult in semicirculum disponi, cornibus ad mediam spectatorum aream inclinatis, hæc habet: *Ipsius autem Theatri conformatio sic est facienda; vti quàm magna futura est Perimetros imi; centro medio collocato, circummagatur linea rotundationis, in eâque quatuor scribantur trigona, paribus lateribus, & intervallis. Ad quæ Philander: Sensus est, ait, cum lineam duxeris, quantam voles frontem extruendi Theatri patere, in eius medio collocato circini pede statario, quod hic centrum vocat, diductioque circino ad vtrumvis cornu ducta linea, circummagatur rotundatio. Ideo autem vult in ea quatuor trigona describi, vt detur locus fecnarum mutationibus, quas supra, Periaëos dici notauimus. Simili ratione*

- 66 PERIODVS ex græco vniuersim, & simpliciter innuit circularem ambitum, & progressionem, qua peractâ, reditur ad idem argumentum, & punctum, vnde exordium sumpsit. Quod idè vnusquisque ad res suas explicandas, quomodo ad caput redeant, post certum peractum cursum, hoc nomine congruentissimè vtitur. Sic Medici in definiendis accessionum terminis: Sic Rethorici circuitum illum verborum, quo sententiam aliquam claudunt, & circumscribunt, Periodum nuncupant. In Astronomicis autem vnicè, & pressius vsurpatur ad significandam propriam cuiusque sideris peruagationem, & cursum quem peragit in Zodiaco, totum ad certum tempus lustrando, redeundo tandem ad idem punctum, à quo pridem discesserat: Alio nomine magis proprio, & expressiuo, appellant Græci *Apocastasis*. Hæc in Saturno perficitur in annis 30. In Ioue, duodecim: in Marte, duobus: in Sole, Venere, & Mercurio, ferè in anno vno: In Luna, diebus 27. & horis 8. vt aliàs diximus. Hæc igitur sunt Periodi, seu Apocastases Planetarum. *Stellari autem*

Orbis

Orbis Periodus, & integra Zodiaci peragratio, vt compleatur, requiritur, vt toti 36000. anni infumantur. Hinc Periodicum dicitur, quidquid certa stataq; circumuolutione, recurrit; vt magnæ Superiorum Coniunctiones, annuæ reuolutiones, mensuræ Lunæ progressionēs &c. quæ cum Cælestium motuum periodis aliquam connexionem, & respondentiam habent.

PERIOECI apud Geographos audiunt populi omnes, qui habitant in eodem parallelo & plaga mundi, habentque eandem poli eleuationem, sed sub diuerso Meridiano: vel etiam qui degunt in eiusdē paralleli punctis oppositis ex diametro; quibus accidunt omnia communia in tempestatibus anni, & quantitate dierum, ac nocturnum nisi quod qui in opposito eiusdē paralleli sunt, eadem contrarijs vicibus experiuntur: nam quantum vnus attollitur Polus Boreus, tantum alijs eleuatur Polus Austrinus; & dum his oritur Sol, illis occidit; cumque vnus sit merities, alteris sit media nox. Contrā quā se in *Anteis*, qui sub eodem Meridiano sunt, sed in diuersis, & in æquidistantibus à Polis & Aequinoctiali, parallelis; ac proinde ijs eodem temporis momento sit merities, & media nox, & æquales habent ascensiones, ac descensiones, arcus nocturnos, atque diurnos. *Antipodes* autem (quos *Antichthones* vocat Plinius) de vtrisque participant: subsunt enim eidem meridiano, sed in oppositis punctis, & parallelis: quare easdem affectiones, & Geographicas proprietates habent, sed prorsus & omnes oppositas; etenim tantum attollitur vnus alter polus, quantum oppositus, alijs: quod vnus est Zenith, seu vertex, alteris est Nadir, seu imus locus, qui pedibus diametrum subiaceat: est verò, vti vnus idemque vtrisque Meridianus, ita & vnus idemque Horizon, qui tamen diuersos, contrariosque in illis effectus parit. Vnde omnes quidem *Antichthones* sunt etiam *Anteci*; sed non omnes *Anteci* sunt *Antichthones*, seu *Antipodes*. Tales sunt habitatores Insulæ Taprobanae & Boracæ, cum his qui incolunt Regionem Amazonum in America; extremi fines Imperij Chinesis, (vbi ad se tutandum ab incursionibus Tartarorum, murum extruxerunt ad 400. leucas extensum) cum Riua dictæ de la *Platea*, in eadem America. *Periæci* sunt Indi Orientales constituti intra Gangem cum populis Virginiae in India Occidentali; Noua Hispania ibidem posita, cum Regno Persarum in Asia. *Anteci* autem incolæ Peloponnesi in Græcia, cum Capite Bonæ Spei in Africa; Insula Madagascar, seu S. Laurentij, cum Mari rubro: & sic de singulis, vt obseruare per otium licet in Mappis Mundi.

Vt autem *Periæci* vnius loci cum altero facili inueniantur per

computum Geographicum, longitudini vnus fac addas integrum semicirculum, seu grad. 180. tunc super eodem parallelo, inspicere quis locus in eodem parallelo cadat in datam longitudinem, nam is erit alteri *Periæus*. Similiter eruntur Antipodes, sed in eodem Meridiano, & contrastantibus Parallelis. Quæ omnia ex praxi magis, quam ex discursu, & calculis innotescunt.

68 PERIPHERIA Græcè idem sonat ac latine Circūferentia; proprie significat extremum terminum, in quem desinit Circulus; seu lineam illam curuam, quæ æqualiter ducta totam figuræ circularis aream, comprehendit, & claudit. Cuius profecto respondentia, & proportio ad diametrum ipsius Circuli, est ferè tripla sesqui-septima, seu 22. ad 7. vt habet Archimedes, vbi agit de dimensione Circuli. Sumitur etiam quandoque Peripheria latius pro tota superficie, & extremo termino conuexi alicuius Orbis Cælestis; atque in Geographicis, pro ambitu totius globi Terraquei.

69 PERIPHRAISIS ex græco, dicitur arcus Circuli quadrante maior, at semicirculo minor: hoc est, linea flexa ad modum circuli, sed non æqualitatem circuli seruans. Hinc Architecti eo nomine generaliter comprehendunt, quascumque arcuum, & fornicum curuaturas in structuris factas, quæ non perfectam circuli rotundationem habeant, quales sunt absides lunulatae, arcus elliptici, vel ouales, ac delumbati: necnon cava oculamenta in parietibus ad collocandas inibi statuas destinata. Huc cuiusmodi respexisse videtur Vitruuius, lib. 5. cap. 1. cum de dispositione Fori agens, ita satur de Basilica ab se architectata iuxta forum Iulii Fancstri, quod hodie Oppidum, Fanum dicimus, in Piceno. Item tribunal est in eadem, hemicycli schematis minore curuatura formatum. Eius autem hemicycli in fronte est intervallum pedum 46. introrsus curuatura pedum 15. vti eos qui ad magistratus stant, negociantes in Basilica ne impediant. Similiter lib. 4. cap. 1. de sacris ædibus differens, ita loquitur. Fiant autem ades rotunda, & quibus alia Monoptera sine cella columnata confluantur: alia Periptera (quænam autem hæc sint, vti & Monoptera, mox trademus.) sequitur: Quæ siue cella sunt, tribunal habent, & ascensum ex sue diametri tertia parte. Ad quæ Barbarus huiusmodi curuaturas explicat, vt sint ad semicirculi imitationem, sed illum non assequantur, maxime quæ non ad ascensum, sed ad purum ornatum fiunt: quales sunt, quas modo diximus nicchias, quas ipse non incongruè Conchas latine dici posse ingeniosè obseruat.

PERIPEROS, *Dipteros*, *Monopteros*, *Pseudodipteros* nominat Vitruuius diuerſas Sacrarum ædium ſpecies, quæ alas habent ad latera. *Pteros* enim græcè Alam ſignificat. Vnde *Menoptera* ædes determinatur ad eam, quæ unicam habet alam per gyrum: *Diptera* quæ duplicem, hoc eſt, quæ bina porticu, hinc inde clauditur. *Peripteros* præſcindit ab vna, vel multiplici, ac taſtum dicit, quod eas circâ diſpanſas vel per circuitum habeat, *Pſendodipteros* autem ſalſam *Dipteram* appellat, ideſt, quod in *Dipteræ* quidem extrinſecus formam habeat, ſed interiùs manca ſit, & medio columnarum ordine careat. Id quod ab Hemogene primò inuentum, & ſubtili ratione ſacilitatum eſſe, dicit lib. 3. cap. 2. qui ex *Diptera* æde, acuta magna que ſolertia, ſuſtulit interiores ordines columnarum; qua ratione, & magnorum ſumptuum neceſſitati pepercit, & commoditati prouidit, vt eo laxamento pluuiotempore hominum multitudo, ſeſe recipere poſſet, & ab imbribus contutari, cùm aliàs hac immi-nutione nihil detraxerit operi de externa ſpecie, ac maiestate, ſed in reliqua partium diſtributione optimè ſeruaret ordinum proportionem, & ſymmetrias: vti clariùs explicat lib. 4. cap. 7. ſic dicens. *Alij verò remouentes parietes adis, & applicantes ad intercolumnia pteromatos ſpatio parietis ſublatis, efficiunt amplum laxamentum cella: reliqua autem proportionibus, & ſymmetrijs iijſdem conſeruantes, aliud genus figura nominis que videntur pſendoperipterum procreauiffe.* Porro ad alias diuerſarum ædium diſpoſitiones calamum reuocando, eaſdem à numero columnarum, & ſpatijs intercolumniorum diſtinguit, ac nominat Vitruuius, *Picnoſtylos*, *Syſtylos*, *Proſtylos*, *Diaſtylos*, *Enſtylos*, *Araoſtylos*, quarum rationes nos alibi expoſuimus, & paucis verbis concludit Philander. *Nam cuius intercolumnium, (inquit) non amplius quam vnus, & dimidiata columna erit; à frequentia, Picnoſtylos vocatur: Cùm dua craſſitudines dabantur, Syſtylos erit: ſi integra tres, Diaſtylos: Si ſuperabit internallum tres craſſitudines, Araoſtylos vocatur ædes.* Ad hæc, *Peripteros* dicitur, quæ in fronte, & poſtico ſenis columnis ad latera exornatur, computatis ſimul angularibus, adeoque in totum vndenſis: itaur latitudinis intercolumnij interuallum ſit à parietibus ad extremos ordines columnarum, ſicque iuſtum ambulationis ſpatium habeat circâ ædem interiorem; & ſic de ſingulis, quemadmodum ſingulatim diximus in ſuis cuiuſque locis. Sed ſi ipſarum ſcenographiam in vnum collectarum, videre cupis, habes omnes in Barbaro magnificè delineatas.

PERISCII, *Antiſciij*, *Amphiſciij*, & *Heteroſciij*, vocabula ſunt Geographica, quibus ſignificantur diuerſi Regionum, & populorum poſi-

positus, conuenientium, aut disconuenientium in vmbra, quam aduerso Sole, ex suis corporibus proijciunt *celum* enim græcè, latinè vmbra significat. Et quidem *Periscij*, quasi *Circumbres*, dicuntur ij, quorum vmbra per diem rotantur in orbem & illarum extremo describunt perfecti Circuli peripheriam. Tales sunt Accolæ Regionum frigidarum, quæ continentur intra ambitum Circulorum Arctici, & Antæctici, qui constituunt Zonas frigidas. In his enim, cum sint in Sphæra parallela, consequenter Poli sunt verticales, adeoque Sol siue supra, siue sub terra sit, motu primi mobilis fertur per gyrum, & proijcit vmbra versatilem, quæ spatio 24. horarum, redit ad eundem terminum: proindeque in his integer dies naturalis comprehendens illustrationem Solis, & tenebras noctis, æquat anno, cum Sol totis sex mensibus percurrentes semicirculum vnum, Eclipticæ, Australem, vel Borealem, nunquam occidat, sed gyret ad planum Horizontis, faciatque proinde diem: tot etiam mensibus lustrat opposita signa trans Aequatorè, adeoque occultetur, & inducat tenebras noctis. *Antiscij* sunt, (quasi *Contra-umbres*) qui habent obuersas, hoc est, ab his proijciuntur semper ad dexteram, ab illis semper ad sinistram. *Amphiscij*, qui sunt in Sphæra recta, Aequatoremque habent verticalem: nam pro motu Solis quomodò ad Austrum, modo ad Boream tendit; amphisciam quoque obtinent vmbra, modo ad dexteram inclinantem, modo ad sinistram. Tales sunt omnes habitatores Zonæ mediæ, quam dicunt torridam, quibus aliquando Sol sit verticalis in meridie, & sic nullam vmbra admittunt; at dum ille ascendit, vmbra flectit ad vnâ partem obuersam; dum descendit ad Occasum, vmbra proijcit in oppositum. Heteroscij autem sunt qui habitant hincinde regiones temperatas medias inter tropicos, & circulos polares; nam hi semper habent vnâ speciem vmbra, Boreales versus Boream tendentem; Australes ad Austrum. Tales nos sumus, & nostri Antæci, atque Peræci. De quibus suo loco.

72 PERISTYLIUM ex græca notione, idem sonat, ac si nos diceremus *Circumcolumnium*. Locum denotat vndique columnis clausum; sed tamen coarctatur ad porticus, & alia septa, quæ circumquaque locum ambiant, pro qualitate operis distribuenda. Namque in priuatorum ædibus, sat est si peristylia habeant intercolumnij spatia distensa ad crassitudinem quatuor columnarum, aut parastatum. In Palæstris, Academijs, & publicis ædificijs, ampliora: ac de Palæstris quidem signatè hoc cauet Vitruu. lib. 5. cap. 11. vt Peristylia, siue quadrata, siue oblonga, ita fiant, uti duorum stadiorum habeant

ambulationis circuitionem. In reliquis, pro ordinum qui seruantur in construendo, ratione, & ædificij grauitate: quippe nō eadem ratio Ordinis Tuscanici, aut Dorici, quæ Ionici, ac Corinthij; vt aduertit idem Vitruu. cap. 9. *Non igitur (concludit) columnarum proportionēs, & symmetria erunt iisdem rationibus, quibus in ædibus sacris (namque hæc, vt alibi dixit, maiorem requirunt peristyliorum amplitudinem, & maiestatem) aliam enim in Deorum Templis debent habere grauitatem, aliam in porticibus, & cæteris operibus subtilitatem*. Sed in singulis Ordinibus, atque ædium speciebus, quæ peristyliorum ratio ineunda sit, distinguere suis in locis est traditum.

PERITOMIDÆ vocantur ab Herone in lib. de Machinis bellicis, ligna transuersa in Testudine arietaria, in imo pro basi posita, quibus iuga inhaerent, quæ totam machinam sustentant, & faciunt vt firmiter constant, æqualiter distent, neue motione laxentur, aut contrahantur. Ita vocem interpretatur Barocius eius paraphrastes in Scholijs. Quæ proinde ligna vult Hero, in extremis, ante nimirum, & retro, sint dissecta, instar quorundam pugillorum circumscellorum, ac hemisphæriorum insculptorum, similium ijs qui in portarum cardinibus ponuntur: quæ quidem ligna ipsius acutius habentis dorsum, testudinis bases erunt. Cum hac tamen differentia, quod in chelonij valuarum cardines euoluuntur; in peritomidis verò ingorum cauities per eorum extremitates opplentur, & clauis infixæ manent immobilia. Verum effectus, & situs earum magis aspectu percipitur, quàm verborum descriptione. Quocirca videlicet ipsius Testudinis formam cum suis partibus, apud ipsum Heronem adabrè delineatam.

PERITRITOS græcè, idem valet ac, Perforatum. Adaptatur autem Vocabulum ab Mechanicæ artis Scriptoribus, præsertim præfæto Herone, & Vitruuio, ad significandam partem illam in ballista, quam Latini Scutulam vocitant: siue sit ipsa scutula, siue foramen existens in scapo instrumenti, cui eadem scutula inditur. Sed tamen scutulam ipsam intelligit absolute Turnebus, quilib. 11. Aduersarior. cap. 5. de ea hæc habet. *Hæc Scutula est in summo, & imo capitulo, dextrâ ac sinistrâ: atque ita nomen habet græcum, quod multis locis pertusa, & perforata sit. Itaque, & perinfrima est; sed laminis ferreis, & regulis, & clauis confixa, continetur firmaturque. In eo est foramen, quo tenduntur toni, idest nerui, qui brachia ballistæ continent: insunt & foramina, quibus induntur cardines, hæc tamen Turnebus. Vitruuius autem lib. 1. cap. 2. ipsum foramen esse vult, in scapo ballistæ, in quod embater inditur, quique adiacet scutule, quod (inquit)*

H h h h

Gre-

5

Græci Peritriton vocitant. At lib. 10. cap. 17. ait. Cum ergo foraminis magnitudo fuerit constituta, describatur scutula; quæ græcè peritritos appellatur, cuius longitudo foraminum duorum, Sed si scutula Peritritos quoniam modo eodem nomine insignitur foramen, quod duplicata extensione est ratio eius dimensionis? Aliqui subtili animadversione distinguunt, & aiunt, ex græca notione τὸ Περὶ Τριτὸν quidem esse foramen; τὴν δὲ Περὶ Τριτὸν verò scutulam. Qui d in hac re sentiendum, trademus in V. Scutula.

75

PERITROCHIVM in Mechanicis, græcè audit machina versatilis ad modum tympani habentis axem in medio, innixum duobus hinc inde fulcris, duobusque foraminibus inditum, ad horizontem parallelum: itaut per ea, tanquam circà polos agiliter versari possit, & cum eo inherens machina: quæ proinde in extrema peripheria infixos habet circumcirca, vectes, & radios, quos Callopes vocat Aristoteles in Mechanicis, alij autem communiter, scytalas. Hos porrò premendo, atque versando, versatur axis, eique affixum Peritrochium, cui inuolutus ductarius funis cum eo agitur, & trahitur, aut eleuat pondus, ad rationem motricis potentiz: quod ideo tota vis fundatur in axe, ac propterea merito tota machina non simpliciter Peritrochium, sed axis in Peritrochio, à Scriptoribus nominatur: quia nimirum axis est summa, & veluti anima totius machinæ, ut diximus suo loco: qui proinde gerit vices vectis, eique omnia competunt, quæ vectis primi generis sunt. De eo fusè scripsit theoricè Aristoteles, & Pappus; ac practicè de eius vsu, Guidobaldus, Bettinus, Scortus, & alij:

76

PERPENDICVLVM Instrumentum satis notum, Mathematicis, Opticis, Architectis, ac Mechanicis omnibus familiare nimis, conspicandisque ac mensurandis rerum altitudinibus aptum. Cuius inuentorem fuisse Dædalum, testatur Plinius, lib. 7. cap. 56. Hinc perpendicularæ vocant Geometræ, quodcumque ex superiore loco ad imum demittitur, eà rectitudine, quâ plumbum pendet ex perpendiculo. Quia etiam ratione, Astronomi Solem, ac Stellæ quæ sunt verticales, perpendiculares appellant: quia profectò eorum radij rectà cadunt ad modum perpendiculi, supra nostrum verticem. Porrò ad longitudinum, latitudinum, atque profunditatum ratam cognitionem, nulla melior mensurandi ratio excogitari potest, quam quæ sumitur ex linea perpendiculari, quam *Carbetum* nuncupant Geometræ, de quo suo loco: quandoquidem Mensura debet esse maxime certa, infallibilis, atque determinata. Atqui sola linea perpendicu-

dicularis inter alias, id obtinet; vt notat Clavius, & pluribus exemplis comonſtrat, in Commentar. ad Sphæram Io: de Sacro boſco, cap. 1.

PERSEVS, dictus etiam *Inachides*, *Cyllenius*, &c. Arabice autem *Chelub*, vel *Chelub*, hoc est ferens Caput Diaboli, Sidus est in Cælo ad borealem plagam, consistens in Via lactea, repræsentans virum armigerum, habentem alas ad pedes, iisque sublimè elatum, in dextrâ tenentem exertum, & erectum gladium; atque in sinistra, recisum ac pendens Caput Medusæ. Compræhendit ex Prolemæo Stellas 26. exceptis tribus informibus. At Keplerus in eo enumerat 35. & adhuc Bayerus 38. in sua Vranometria, omnes sub signo Tauri, & initio Geminorum, de natura Veneris, & Saturni; quamquam Prolemæus omnes astruit Martiales, cum participatione Mercurij. Inter eas eminet, & malignitate sua memorabilis est Caput Medusæ secundæ, magnitudinis, de qua alibi dictum. Proximè accedit fulgens in destro latere, arabice *Alchenib*: inde duæ Nebulosæ, vna in extremo dextræ manus, altera in sinistra antecedens Caput Medusæ. De eo horoscopante multa tradunt Astrologi, præsertim Pontanus in Vrania, ac Faber in Panchym. lib. 2. cap. 22. quæ nos, vti Poetarum, & otiosorum commenta, consulo omittimus. Soluni notare iuuat circa mutationes æris, quod Sol exories cum Nebulosis, quæ in eo sunt, facit tempus turbidum, & humidum; cum dextro latere, serenitatem; cum Capite Medusæ, adducit quandoque niues, et si Saturnus affuſerit, intendit frigus: si Venus, excitat ventos australes, calidos, & humidos. Oritur autem Romæ die 5. Martij cum grad. 16. Piscium.

PERSONA apud Astronomos, idem valet, ac *Aspectus*, & *Facies*. Vnde tunc illis est, Planetas ad se Personam gerere, quando se facie ad faciem intuentur. Id quod accidit in quinque erraticis respectu Luminarium, itaut talis sit respectus illorum, qualis signorum quibus dominantur, ad signa quæ sunt sub dominio Luminarium, atque adeo sint Orientales à Sole, Occidentales à Luna. Hanc configurationem Arabes, seu potius Chaldæi nominant *Almugeam*. Sic Saturnus est in Almugea Solis, cum fuerit ab eo distans per quinque signa, iuxta eorum successionem: in Almugea Lunæ, quando tantumdem ab ea se elongauerit, sed contra ordinem Signorum, & sic de reliquis. Cuius rei rationem asserit Hali Rodoan in Comment. Ptolomæi. Quia, inquit, quilibet Erraticorum habet duas domos, propter participationem, quam habet de natura ipsorum Luminarium, &

propter hoc quod habeant vim maiorem; quando scilicet erit inter eorum aliquem, & aliquid Luminarium, tanta longitudo, quanta est inter eorum suam, & domum Luminarium, in medietate cuius est domus ipsa: unde aquum est, ut per talem habitudinem, plancta vires tantas acquirat, ac si esset in domicilio suo. Veruntamen hæc Configuratio modo à Recentioribus Astronomis non attenditur, utpote effectû carens, & merum Chaldeorum signentum.

79

PERSPECTIVA, una est ex Mathematicis disciplinis, quam Geometrie filiam vocant: Estque facultas, quæ ex principijs Geometricis, per radios visuales, tanquam lineis, & angulis, res longè ab oculis distitas, speculatur; siue ea, Cælestia corpora sint, siue quæcumque res coloratz, (in quo differt, & latius patet, quàm Optica) sicque ad rationem immisurarum specierum ad modum Coni metitur. Porro ea est in triplici differentia. Alia, quæ in eo sistit, ut rationem reddat eorum apparentiarum, quæ aliter, & res in se sunt, nostris obrutibus se se exhibent; idque ob diuersam rerum, situationem, atque distantiam; qua ratione videmus circulos rectos tamquam lineas, quadrata velut circulos, &c. & hæc propriè, & antonomastice dicitur *Perspectiua*. Alia, quæ versatur circa varias, ac multiplices refractiones; quæ profectò ab aëre ambiente, aut alio quouis corpore diaphano, efformantur, & hæc à speculis, in quibus potissimum sunt, & variari contingit, dicitur *Specularia*, siue *Speculatiua*. Tertia demùm, quæ vmbis insistit, atque inquirat, ostenditque, quâ ratione fiat, ut quæ in picuris apparent confusa, & inordinata; ex tali situ, & positu, videantur aptè disposita, & alicuius imaginis oppido expressiua: sicut econtrâ quæ alias benè disposita, & concinna; è longinquo, aut è latere conspecta, videantur monstrosa, deformia, & confusa: & hæc appellatur *Sciatioptrica*. De quibus omnibus, & earum effectibus, crudite admodum scripsit Alaael Arabs, & è Latinis Vitellion, atque ex Neotericis, Guidobaldus de Monte, ac Athanasius Kircherus in *Arte Magna Lucis*; & *Vmbra*.

80

PES multifariam accipitur in Mathematicis, pro diuersis facultatum rationibus, & modo loquendi, earum professoribus proprio: semper tamen cum aliquo respectu, & similitudine ad pedem humanum, eiusque vsum. Aliquando, præsertim in Mechanicis, & in opere architectonico, pro fulcro cui machinatio, aut moles innititur, sed frequentius à Gromaticis, & Agrimenso ribus sumitur pro certa mensura, qua camporum, & agrorum intervalia metiantur, vnde efflu-

effluxit Podissimus, & Pedatura, de quibus suo loco: Pes autem dicitur extensionem sexdecim digitorum, seu quatuor palmorum (quod palmus quatuor digitis constet) A pede numeratur passus, & stadium, & milliare, & clima; nam passus sex pedes continet: Stadium 125. passus, hoc est pedes sexcentos: milliare octo stadia, seu passus mille, unde, & hausit nomen: Clima verò quoquoersus pedes sexaginta. Porro Pes simpliciter intelligitur, atque in varia mensuræ ratione usurpatur à Scriptoribus, (quod adnotare iuuat, ne lectores in variatione usurpationis confundantur.) Nam alius est pes porrectus, in quo sunt duo semipedes extensi in longum, & absolute vnus pes: Alius contractus, qui est longus semipedes quatuor, & latus semipedem: Tertius est Quadratus, in quo octo semipedes in longitudinem, atque vnus pes in latitudinem. Sunt & aliæ pedis diuisiones, ac differentiæ inter pedem Romanum, & exterarum gentium; quas, ne longior æquo sim, lubens omitto; & videre poteris apud Georg. Agricolam, in lib. de ponderibus, & mensuris; atque Alexandrum ab Alexandro lib. 2. cap. 20.

In Nauigatoria etiam pes non raro usurpatur, id quod in veteribus passim inuenies: vt in Homero lib. 10. *Odis. Pedem nauis mouebam.* Euripid. in Iphigen. *Duplicant pedem nauis.* Lucian. *parum de pede relaxare.* Plutarch. *adducere pedem nauis, &c.* Apud Latinos itaque habes in Plauto, *Nauales pedes*, & Virgilium 6. *Aeneid.* ita de suo Heroë loquentem

81

*Iubet oculus omnes
Attolli malos, intendi brachia velis:
Vnà omnes fecere pedem.*

Dubium tamen est, quid per pedem nauis intelligant. Seruius in hunc locum Poëtæ ait, pedem propriè esse funem, quo velum tenditur. Quod plausu, & vnanimi consensu excipientes alij Interpretes, dixerunt, pedem esse extremam, & infirmam partem veli, quæ fune contracta est, & eo inducto contrahitur, ac reducto laxatur ad rationem ventis exsufflantis; & idè pedem dici, quod est veluti pes, & ratio incendendi, mediante velo, ad eius restrictionem aut relaxationem. Verùm inuenio Scriptores, qui clarè, & absolute pedem pro toto velo accipiunt, atque idipsum innuere videntur præfati auctores, quos citauimus; & adhuc clariùs Euripides in *Oreste: Nauis intentæ pede ad impetum.* Et Sophocles in *Antigon. pedem tendens.* Quin, & aliqui plurium pedum mentionem faciunt, pro numero velorum, quæ in nauigijs admittuntur, & ad tempus explicari solent, vt Plautus suprà, & Artemidorus lib. 1. cap. 50. de Somniis. interpret. *Gubernatori autem cernenti somnium, significat tranquillitatem: plu-*

pluribus enim pedibus utitur, naue velificante. Quapropter iure concludit Ioseph Scaliger, pedes nauticos nil aliud esse, quam vela, quibus naues incendantur, properant, currunt, & cursum sistunt, non abhorrente tralatitio verbo; eo modo, quo animantia terrestri itinere, pedibus moventur, incedunt, & sistunt. Fauet Plinius lib. 2. cap. 47. dicens: *Iisdem ventis in contrarium navigatur, prolati pedibus, ut nollu plerumque aduersa vela concurrant.* Sed in hac re, ne desinas videre Turneb. in Aduersar. lib. 20. cap. 4. qui eam curiosè satis, & eruditè pertractat.

P H

82 PHALAE (alii scribunt Fala) in apparatu militari sunt Turres ligneæ mobiles, & cuique loco faciliè applicabiles, quæ ad hostes incommodandos, eorumque facta, & molimina exploranda, maximum usum habent, & rei bellicæ plurimum conferunt; à phalando dictæ (ut placet Sexto Pompeio) quod, præ altitudine quasi in Cælum assurgunt: nam Etrusco sermone, *salare*, inquit, *est in Calum respicere.* Sed de eiusmodi turribus ambulatorijs, earumque utilitatibus in bello, dicemus suo loco. Nunc autem à Phalis mutata est nomen

83 PHALARICA, nempe (ut explicat Isidorus) *Telum ingens tornosum, habens ferrum cubitale, & rotunditatem de plumbo, in modum spheræ in ipsa summitate: Dicitur autem, & ignem habere adfixum.* Hoc telo pugnatur è turribus, quas Phalas dici, manifestum est. Hanc insuper, ad modum coli muliebris factam, scribit Steevchius, ad recipiendum fomitem ignis, stupam, sulphur, resinam, oleumque incendiarium, ut facile ignem possit concipere, & volatu magis accendi, adeoque ferreis cancellis includitur materia, ut simul & retineatur, & ignis conceptus euaporare queat, nec faciliè extingui. Quæ proinde à Phalis, lenta manu, vel arcu satis remisso eiaculari, (nam valida impressione, impetu extingueretur) incendium, & vastationem, quò immittebatur, adportabat, adeò tenaciter rebus inhærens, ut cum armis (testis est Liuius) transigere corpus possent. Sed id maxime (addit) etiamsi basisset in scuto, & non penetrasset, panorem faciebat, quòd cum in medium accensa mitteretur, conceptumque ipso motu, multo maiorem ignem ferret, arma omitti cogebat, nudumque militem ad insequentes illius præbebat. Ex quo manifestum fit, non ad incendendas solum aduersariorum machinas, & munimenta lignea, solitas adhiberi; neque semper contortis neruis è ballistis emitti, ut vult Vegetius lib. 4. cap. 18. sed etiam manu in arma-


ros milites eiaculari; cuspidē, flammā, & repentinā aggressionē infensas; vt saltem pauore percussi hostes continerentur. Id quod euenisse Pichiz magnæ proceritatis gygante, narrat Poëta Aeneid. 9. per Phalaricam à Turno immissam.


*Sed magnum stridens contortia Phalarica venit
Fulminis ætla modo: quem, nec duo taurea terga,
Nec duplici squamma lorica fidelis, & auro
Sustinuit; collapsa ruunt immania membra.*

Sed viluere nostris temporibus, & in contemptum abiere huiusmodi fulminaria tela: quoniam longe terribiliora inuenta & inuenta sunt, quæ incendia, & pestes euomunt, qualia sunt pyrobolæ & bombæ, quæ intus plurimæ globulis, clauis, vncis, catenarum fragmentis, & nitrato puluere confectæ, atque accenso funiculo appenso, intrâ mensurati temporis spatium consumendo, & ignem, globi orificium illaturo, moxque è mortarijs, seu, vt vocant, Carcassis, emittunt in hostium castra, aut obsessam urbem immissæ; vbi ad destinatum locum peruenerint, vi conceptæ & interclusæ flammæ, magno impetu dirumpunt, & irreparabili damno, obuia quæque impetunt, inflammant, dilacerant, & ad terram allidunt; vt nuper miserabili euentu experta est, & passa ab Gallorum ira, nobilissima, & ædificiorum maiestate (si vlla est in Italia spectabilis, & pulcherrima) vrbs Genuensis, hac peste miserè deformata, & penè ad terram deiecta. Sed de hoc missilium genere, satis suo loco dictum.

PHALANX Turma erat in Exercitu Macedonico, comprehendens octonille hastatos pedites, cuneatim vt plurimum ad prælium procedentes: tùm in quadrum explicata, hostem opperiebat, seseque vt murum opponens, stantes pertinaciter dimicabant. Ignotum nominis erymon; quippe à solis Macedonibus profecta, & practica est, vnde & ipsi, vocabulo sibi noto, eam nominauere. Sed quid ea in re sit, breuiter, & neruose describit Q. Curtius lib. 3. de gestis Alexandri M. Macedonum acies, inquit, torua sanè, & inculca, clypeis, hastisque immobiles cuneos, & conserta robora virorum teget. Ipsi Phalangem vocant peditum stabile agmen. Vir viro, armis arma conserta sunt, ad nutum monentis intenti: sequi signa, ordines seruare didicere. Quod imperatur omnes exaudiunt: obistere, circuire, discurrere, in cornu mutare pugnam, non duces magis, quam milites callent: & ne auri, argenteque studio teneri putes, adhuc illa disciplina, paupertate magistra, stetit. Quod ideo magnam de se famam, & terrorem apud hostes, & exteros conciliavit, vt planè immortalis, & inuincibilis crederetur, cuius æstimatione, & virtute, subnixus Alexander

magis quàm sua fortuna, & fortitudine, totum propè sibi terrarum Orbem subegit. Quo exemplo postea excitati Romani, auctore Livio, lib. 8. similes Macedonicis Phalangibus, Ordines tenuere, & aliquando bene utique ijs cessit: sed subinde fatigatis ex labore militibus, & eam corporum constipationem ferre non sustinentibus, dissoluebantur ordines, & sine lege, sine disciplina pugnabant.

 Quare exinde acies manipulatim collecta, & distributa est, ac legiones inductæ; ut testatur Veget. lib. 2. cap. 2. vel ob id Romanorum acies Macedonicis Phalangibus præferens, quod hic viritum depugnatur; illic tumultuosa, & generalis impressio fit, Romani ordines & tempus, & locum eliguat, atque occasionem bene arripit ad pugnandum, illi confertim, sine delectu, in aperto campo noctu, diuque manus conferere norunt, & valent. Vnde concludit Vegetius. *Documentum est magnitudo Romana, qua semper cum legionibus dimicans, tantum hostium vicit, quantum vel ipsa voluit, vel verum natura permisit.* Sed quoniam hic de Phalange Macedonica sermo incidit, præstat quæ de ea Polybius habet, asserre, qui eam lib. 17. penè oculis admouet contemplandam. Ita enim loquitur de eius explicatione & præliandi more. *Vir armatus in ipsa concentrationis densitate, tribus pedibus firmus perstat: magnitudo autem hastarum secundum primam basim, sexdecim; secundum verò convenientiam veri, ac recti, quatuordecim cubitos habet; & ex illis quatuor per spatium intermanuarium, & æquilibrum partis, dum in procinctu stat, adinuantur; manifestum est, quod decem cubitis hasta necessariè ante cuiusque armati corpus præmineat, quando ambabus manibus in hostem libratur. Hinc autem accidit, ut alia hasta ante secundam, & tertiam, ac quartam; alia quintam serie eorum qui procedunt in acie duobus cubitis præmineant: si quidem Phalanx proprietatem & densitatem suam secundum ordinem, & retrò & à latere stantim habuerit.* Hæc Polybius. Ex quibus liquet, quàm periculosa foret, nostris hîc temporibus, isthæ militum conspiratio, quando temerè, & sine fructu, tormentis hostium impunè dissipanda exponeretur.

 Est & Phalanx in Mechanicis, & sanè accommodatiore vocabulo satis noto, scapus in libra, seu hasta in medio lingulata, & utrinque in extremis, pendentem habens duplicem lancem, auctore Paseracio, sub hoc verbo.

86 PHARETRA notissimum verbum, significans sagittarum receptaculum, & communem vaginam, quibus passim vîmur, nedum in belli discrimine, sed & in pacis otio, in sciomachijs, & equestribus ludis: quin & in serio, sed innocenti certamine, nempe in Venatione,

ne, feris, & bestijs confingendis. At nescio quis, & qua ratione Pharetræ nomen ad Gnomonica derivarit. Etenim inter varias sciotheriorum species, quas vel ab Apollonio, vel ab alijs Græcis verustis, & insignibus Mathematicis adinventas, vsque ad nauseam enumerat Vitruv. lib. 9. vna & prima est, quam Pharetram appellat. Fortassis quod Pharetræ venatoris sagittis confertæ imaginem præseferbat: ac profectò vt in Pharetra spicula sunt collecta, & in ordinem disposita; ita in hoc horoscopio (quod verticale esse conieperimus ex Vitruuij contextu) erant per directum designatæ lineæ, quæ gnomonis vmbra excipientes dextra, ac sinistra, quæque horas antemeridianas & postmeridianas, ab excurfu solis à tropico ad tropicum notabant.

PHASELVS erat Hierosolymis miri operis Turris, ab Herode 87 Aſcalonia in suo verè regio Palatio erecta, vnà cum alijs duabus similis architecturæ, non tam ad ornatum, ac magnificentiam loci; quam ad memoriam trium sibi charissimorum maligno fato ereptorum, hoc est Mariamnæ coniugis, quam ipsemet per calumniam interfecerat; Phaseli fratris, qui à Parthis captus, (vt inquit Andricomius in descriptione Terræ sanctæ) cum, nec ferri copiam nec manus liberas haberet, colliso ad saxum capite, seipsum occiderat: atque Hipici amici sui valde dilecti, quem in bello interemptum amiserat. In horum igitur honorem & memoriam æternandam, has tres turres excellentissimæ Architecturæ, in suo Palatio ædificari voluit, ac decorum nomine insigniri: quæ (sequitur Andricomius) magnitudine, firmitate ac pulchritudine, vniuersis, quæ toto Orbe visebantur præstant. Et Phaselus quidem erat nonaginta cubitis alta, in edico muri antiqui loco, superne in Pilæ modum facta, stupendæ magnitudinis & firmitatis.

Erat etiam olim Phaselus species nauigij, velis ac remis instructi, cuius laudes, in encomio quod de illo, trimetris iambis cecinit Catullus, mirum in modum effert, atque inter alia, quod esset miræ velocitatis. Decetero, qualem speciem habuerit, ignoramus: quamquam non desunt qui asserunt, illud idem esse cum Myoparone; sed ex veterum testimonijs constat, fuisse longè grandius, & diuersum. Quæ de re vide quæ diximus in Myoparone.

PHASES propria, notione græcanica, appellantur signatè ab 88 Astronomis variæ Cælestium corporum affectiones, & apparentiæ, pro vario ad Solen, atque tellurem positu, præsertim in Luna, & Venere, quæ modò corniculatæ, modò in orbem luminibus plenz,

modo dimidiatur, nunc cornibus ad Solem conuersis, nunc ab eodem auersis conspiciuntur. Hæ igitur diuersæ siderum metamorphoses, Phases genericè nominantur.

- 89 PHELLOS græcè idem sonat ac suber; ligni species, seu potius cortex glandiferæ arboris omnibus notus, leuissimus atque aquis supernatans. Ab usu, & similitudine operis, à Mechanicis scriptoribus aptatum fuit vocabulum ad significandum tympanum versorium in machinis hydraulicis constitutum ad subleuandam, & deprimendam aquam, pro horis signandis, atque dispartendis. De quorum horologiorum hydraulicorum ratione, hæc habet Vitruu. lib. 9. cap. 9. ubi, postquam reliquas partes descripsit, de hac ita loquitur. *Posteriori autem parti tympani medio, axis versatilis est inclusus, inque eo axis anea mollis catena est inuoluta, ex qua pendet ex vna parte Phellos, seu tympanum, quod ab aqua subleuatur, & ex altera aquo pondere Phelli, sacoma saburræ. Ita, quantum ab aqua phellos subleuatur, tantum saburra pondus infra deducens versat axem, axis autem tympanum. Ex quo vides, ita se habere tympanum hoc ad superficiem aquæ, à qua vi subleuatur, ac suberis natura aquæ supernatantis.*

- 90 PHOENIX nouum Sidus in Cælo detectum ad plagam Australem vna cum alijs vndecim, quæ circa Polum & Circulum Antarcticum, consiliunt, & à Iacobo Barthschio in hanc formam aptatum ad veterum Astronomorum normam; cõplectens stellas 14. extrâ circulum positas contra Piscem Notium, & Eridanum, omnes de natura Mercurij, & parum Veneris; atque in longitudine sub signo Piscium. De hoc Astro, vix de nomine & situatione cognito, hæc, suo more, qualitates & peculiare influxus acumine suo penetrans, edicit Faber in suo Pauchymico lib. 2. sect. 4. cap. 9. *Phenix Constellatio Polaris Antarctica circa Circulum Polarem Antarcticum constituta in extremitate fluminis Eridani, prope illam stellam primæ magnitudinis, quæ in extrema Eridani collocatur: nihil aliud est, quam lumen naturale ex prima massa materia primæ sursum eleuatum ac sublimatum à summo verû Opifice, ibique coagulatum, ac fixatum ac distinctum in quatuordecim stellas, tertiæ magnitudinis vnâ, & reliquas quartæ & quintæ magnitudinis, miræ virtutis, & efficacia, quod lumine claro, & radiante, faciliè est colligendum. Et, vt Phoenix rara est avis; ita virtutes huiusce Constellationis rare sunt, & admiranda; raros enim, & admirandos producit effectus in Meridionalibus terris: fertilitatem summam, quod copiam humidi radialis, & pinguis infundat hisce terris: Prudentiam verò & ingenium hominibus impertit quod eius Constellationis stella sint virtutis*

tutis & proprietatis Mercurij, & Veneris, qui fertilitatem terris, ingenium verò & industriam hominibus infundere soleant. Non solum enim Natura benigna est nobis, qui Europam incolimus; sed etiam benignissima est omnibus, qui Americam incolant, & præsertim his qui Americam Australem habitant; quibus dominatur Phœnix nostra hæc Constellatio: à qua Constellatione recipiunt incola miras animi dotes. Itaque quamvis rudes sint, & agrestes; nihilominus inter agrestes illos, & duros Patria mores, relucet mirum ingenium, & industria; quæ inculta iacet, & ex necessitate, otio suo rubiginem contrahit, & marcescit. Sed si excitetur illud Americanum otium, & torpedo insignis, detinentur omnes ibi homines; virtutis statim scintillas illius ignis celestis, quas ex hac Constellatione suscipiunt, conspicuas & manifestas habemus. Hæc ad fastidium vique, Author iste verbosus: Sed quàm insulse, bone Deus? Quanta Synonymorum confarcinatione, quot inutilium verborum apparatu, ac tædiosa explicatione, montes format, & ventos capiat, ut tandem ex ijs nascatur ridiculus mus! Piguit enim me ad solidiora, & certiora properantem hæc transcribere; sed faciendum erat, ut huius Scriptoris vanitas innotesceret: & ut Mathematicarum disciplinarum consonantia huic dissonantijs identidem interpolata, gratior studiosorum animis adueniret.

PHOENICOPTERVS aliud Sidus ab Hispanis non ità pridem observatum ad Polum Antarcticum, extrà numerum aliorum duodecim priùs detectorum, ac suo gentili idiomate, ab ijs *El Flamingo*, nuncupatum. Representat autem indigenam expansis alis, piscem Notium, quàm arcum curvatur, rostro appetentem. Tredecim ei stellæ assignant, inter quas vnam in capite, secundæ magnitudinis, quam Veteres in Piscem notium reducebant; omnes sub signo Aquarij, de natura Saturni, cum participatione Martis. De hoc Astro sic scribit præfatus Faber cap. 10. *Infundit fertilitatem satis copiosam terris meridionalibus, sed agrestem, & duram, frigidam, & difficilis maturitatis. Hominibus verò, agrestes, & duros, atque incultos mores, crudeles ac difficiles; ad bellum, & rixas pronos. Unde homines Americam Australem habitantes tales sunt, crudeles, feroces, ad rixam, & querelas proni, & faciles: unde bellatores sunt, & Martem amant, & sequuntur; atque in perpetuis bellis vivunt. Hæc Faber, in nihilo sanior quam in reliquis, nisi quod breuior.*

PHOENOMENA Græcè, latine *Apparentiæ* simpliciter interpretantur. Ab Astronomis tamen arguantur ad nova sidera, seu Pseudostellæ identidem in Cælo apparentes, quæ postquam ad certum

tempus luxerunt, mox euanescent. Et ea quidem, partim in aëre generantur, ex quadam exhalatione crassa, & viscosa, quæ virtute Astrorum sursum euehitur, conerescit, & accenditur, ac tandiū durat, quoadusque materia illa ab igne concepto absumatur, quos cometas communiter vocamus; partim ætherea sunt, & ex materia Cælesti producta, & in Cælorum expanso vagantia; quæ siue de nouo formantur, siue ex pluribus stellulis, in vnum conuenientibus conglobantur, siue etiam iamdudum extantia, sed ob nimiam altitudinem atque distantiam, quæ prius inconspicua erant, postea, ex motu, ac descensione ad imas partes æthereæ regionis, fiunt visibilia. Vt vt sit, certè cælestis substantiæ sunt, & à Cometis multum discrepant; vnde ad distinctionem, peculiari nomine, Phænomena appellamus. Nasci autem, aut de nouo apparere in Cælis huiusmodi Pseudostellas, nulli dubium, cum & id testentur Historici, & quotidiana probet experientia: quippe in hoc eodem sæculo, quod non adhuc transactum est, plures emerferunt, nonnullas & nos conspeximus, quæ multam Philosophis, atque Astronomis scribendi materiam subministrarunt, ac præsertim tres insigniores: vnā in pectore Cygni; alteram in genu Serpentarij; ac tertiam longe pulchriorem, & clariorem in Cathedra Cassiopeæ, ad finem transacti sæculi Patres nostri conspexere, de qua integrum volumen scripsit Tycho, & prosequuti sunt Keplerus, & alij. Sed & olim quoque eiusmodi stellas in Cælo apparuisse, testatur Plinius lib. 2. cap. 24. Namque, inquit, & in ipso Cælo stellæ repente nascuntur. Et cap. 26. de quadam stella tempore Hipparchi conspecta, sic ait: Hipparchus nunquam satis laudatus, vt quo nemo magis approbauerit cognationem cum homine fidem, animasque nostras Cælo dignas esse, nouam stellam, & aliam suo æuo genitam depræbendit; eiusque motu ad dubitationem est adductus, anne hoc sapius fieret, mouerenturque & ea, quas putamus affixas: idemque ausus rem etiam Deo improbam, annumerare posteris stellas, ac sidera, & normam expandere, organis excogitatis, per quæ singularum loca, atque magnitudines signare. Quid autem sibi velit per hoc quod dicit, Deo rem improbam fore, annumerare stellas atque ad normam expandere, quod ausum fuisse Hipparchum notat, non satis intelligo.

92

Cæterum de istis nouis stellis, varia fuit tū Antiquorum, tū Recentiorum Astronomorum opinio. Democritus, cuius sententiam amplecti videtur Bodinus lib. 2. Theatri, somniauit, eas esse illustrium virorum mentes, quæ postquam diū viguerunt in terris, tandem obituræ, extrenos peragunt triumphos, atque in Cælum stellatum, quasi splendida sidera, reuocantur: ac propterea sequuntur

tur

tur mox morbi populares, fames, & ciuilia bella: quasi Ciuitates, & populi, ducibus illis optimis, & gubernatoribus, qui diuisos furores placabant, delecerentur. Aristoteles minis absurdè dixit, eas omnes gigni ex materia elementari, ferrique aliquando fursum ad vsque regionem Aetheream. Sequuntur eum non pauci Recentiores, eò maxime, quod, posita iam Cælorum fluxibilitate, nil obstare videtur, quin iidem Cometæ, qui in regione elementari generantur, si subtiliores sint, possint Orbes Planetarum transire, atque etiam ad ipsum Firmamentum peruenire: vbi postea condensati, & putiores facti, perinde ac stellæ veræ, præfulgeant, quoadusque eorum materia penitus absumatur. Id quod præ cæteris acriter sultinet Christophorus Rothmannus.

Verum, etsi fortè huic rei non obstat ipsa Cælorum substantia, quæ sit fluxibilis, & per consequens facillimè etiam attrahi à sideribus possint huiusmodi ignitæ exhalationes; attamen non videtur credibile, eas tanto tempore durare posse. Etenim, Stella Cassiopeæ duos integros annos durauit: & de ea quæ apparuit in pectore Cygni anno 1600. testatur Blancanus, ad vsque suum tempus, nempe ad ann. 1616, extitisse spectabilem; quando Cometæ aërei vix ad menssem præluere solent. Deinde, vnde quæso suppetit tanta exhalationum materia, quæ ad Cælum vsque fixarum, possit ascendere, ibique diu accensa manere, reddique probè visibilis? Non certè à terra; quæ si tota quanta est, ad sidera euolarer, cuius vel minimo Astro, aut Phænomeno supra Orbem Saturni viso, neutiquam æquiparari posset, cum respectu Firmamenti, sit veluti punctum: & minima stella Firmamenti, ex his quæ dicuntur Sextæ magnitudinis, bis nouies terram contineat; vnde nec ipsa, nec quæcumque ex ea prodiens exhalatio, illinc spectabilis foret. Non ergo noua Phænomena, quæ in Regione Aetherea conspècta sunt, possunt esse ex elementari materia coagmentata, quam longè illa superant, & magnitudine, & puritate.

Melius philosophatur Pythagoras, putans ea non esse de nouo genita, sed ex perpetuo recurſu, statim temporibus terris approximari, fierique patentia, quæ longissimè, & in summo vastissimi illius expansi apice constituta, humanum obtutum effugiunt. Cuius opinionem minime absurdam censet Blancanus, alterens, has nouas stellas, cum sunt in Apogeo ob nimiam distantiam, & altitudinem haud conspici posse, sed cum descendunt ad Perigeum, sensim fieri visibiles, ac tandem in ea claritate durare, quandiu circa illud consistunt, sed cum redeunt ad Apogeam, quò magis ascendunt, eò videntur minui, ac tandem in nihilum abire, vti

defa-

defacto accidisse credit in stella Cassiopeæ.

- 96 Sed iam plurimum inualuit apud Recentiores Opinio Anaxagoræ existimantis, huiusmodi stellas aliud planè non esse, quam concursum plurium stellarum minutiorum, quæ in tanta distantia, vnum corpus repræsentent: vt aliàs de stellis nebulosis iam perspicuum est, ac de ipsa Galaxia: eo maxime, quod hæc semper, & in sola Galaxiæ amplitudine apparuerunt: quæ postea ab inuicem notabiliter separata, amplius non videntur. Id quod confirmare, poterit septima Pleiadum, modò visibilis, modò inuisibilis. Vt cumque sit, certum est, eas siue de nouo genitas, siue terris approximatas, siue etiam in vnum coeuntes, magnos effectus portendere, vt experientia comprobatur, & ratio ipsa euincit. Quorum quidem effectuum specificatio sumitur ex qualitate luminis, quem præferunt, qualiter de natura Planetarum participant: id quod ex colore, & intensione ac extensione lucis dignoscitur: tum ex ratione situs sublimioris, & Imaginum octauæ sphaeræ, in quibus apparent. Si enim in Fixarum regione constitutæ sint, & in certo loco, tanquam fixæ hæserint, nunquam illum commutantes, sed solum cum ipsis motu primi mobilis circumagantur, manentes semper in eodem signo Zodiaci, & Imagine Octauæ sphaeræ, effectus erunt de qualitate signorum, & Imaginum, in quibus apparent, atque afficiunt eas Prouincias, quæ sub tali signo sunt. Quod si, & ipsæ locum permulent, atque ab vno signo ad aliud transeunt, transferunt etiam suos effectus ad alias prouincias, & differentias personarum, aut pecudum, tali signo subiectas, vel quæ subsunt verticaliter imagini, in qua fuerint conspectæ.

- 97 Quoad tempus denique, in quibus ista contingent, eodem fere modo discurrendum, ac de Eclipsibus, aliisque terminis directionum, ac progressionum Solis, & Lunæ. Nam, quot diebus, & binis horis fulerint, tot annos, & menses indicant, quibus durare debeat effectus; & tunc maxime iste conspicuus fiet, cum Luminaria fuerint in locis astrorum, aut signis, in quibus portenta hæc fuerint visa. Hactenus in genere. Vide in specie, quæ de ipsis habent Iunctinus, Tycho, Keplerus, & Argolus in Astronomicis, lib. 1. cap. 17.

- 98 PHONOCAMPTICA, ex græca notione *Φωνή*, quod est *voem* emitto, est ars dirigendi, & propagandi sonos, & voces vtrumque reflexas, vt sit in Echo; quemadmodum *Phonologia* agit de sonis in directum porrectis, eorumque generibus, tam gratis, auresque mulcentibus, quales sunt moduli musici, & symphoniarum; quam ingratas,

vrputa fragore, stridore, tinnitu, qui ex violenta duorum corporum collisione prodeunt, aut ex tonitru, tormentorum explosione, tusionibus, idibus, cadentibus ruinis, &c. vti etiam de propagatione, incidentia, augmentatione & remissione soni, ex distantia, rectitudine vel obliquitate emissionis, medij, per quod transit, & organi vnde originem trahit: Quæ etiam inquirat, & pertrahat Phonocamprica, è principijs geometricis, eruens soni naturam, causas, effectus & proprietates. De quibus oniuibus theoricè agit Kircherus in Musurgia, & Scottus in Magia Thaumaturga: vbi multas inuenies curiositates, & varia automata ad diuersas vocer edendas, augmentandas, de longe ferendas, quæ nedum Musicæ studiosis prodesse possunt ad directionem vocis, attemperationem instrumentorum vocalium, sed & Mechanicis, ad ea ritè efformanda, & Architectis in constructione locorum consonantium, & reflexiuorum sonorum, & vocis. Qualis erat famosa illa auricula Dionysij Syracusani in suo Palatio ædificata, quæ ità artificiosè ad modum auris humanæ erat extructa, vt è carcere subitù posito, exaudirentur clarè, ac distinctè desuper in conclau, vbi degebat Tyrannus, captiuorum confabulationes, & lamenta, quæ de ipso siebant, quamuis submissa voce prolata: & alia, quæ in præfatis authoribus legere non pigebit.

PHOTONOMIA, eodem Scotto authore, in Cursu Mathem. ad 99 Opticam spectat, & ei subseruitur: quatenus agit de natura, & proprietatibus lucis, de transmissione, & propagatione luminis tam primarij quàm secundarij; de transitu per aliquod corpus diaphanum, de concursu diuersorum luminum, sectione, quæ fit in cono, diffusionis lucis, ac tandem de incidentia, & illustratione corporis opacis de umbris, & reflexione ipsius lucis, &c. vnde effluerunt Phanerocritica, & Phaneroscopia, quæ apud eundem Scottum in Synopsi, sunt facultates, quæ dijudicant de apparentijs obiectorum, communium, de fallacijs visus dictorum obiectorum, prouenientibus ex loco, situatione, continuitate, figura, motu, & eorumdem variatione, quæ omnia apta sunt species alterare, & obiecta aliter ac sunt, repræsentare, vt accidit in speciebus obiectorum particularium transuentibus per vitrum planum, concauum, plano-concauum, aut ex vtraque parte concauum, vel contexum. Similiter in remo, qui ex ea parte, quæ subitùs aquam est, apparet fractus, cum reuera non sit: & alia scitu digna, & in praxi curiosissima, quæ omnia ex principijs geometriæ, & doctrina Conicatum sectionum proficiuntur.

PICA BRASILIANA, ab Indigenis dicta *Toucan*, & à Nostriſ Anſer Americanus, ab aue illis regionibus propria, & noſtris anſeribus, natura, forma, clangore, haud multum diſſimili: cuius figura affixa eſt vni ex nouis conſtellationibus ſub polo antarctico obſeruatis, & in imagines vt reliquæ 48. conſuſis. Hæc autem Conſtellation formatur ex ſtellis octo infimæ notæ, vt nos in noſtro Catalogo ſtellarum fixarum ad calcem Primi Mobili adiecto adnotauimus, ex authoritate Bayeri, Schickardi, & aliorum inſigniuſt Aſtronomorum. Nihilominuſ Petrus Io: Faber, profeſſione Medicus, aut Chymicus, certè non Aſtronomus, neque (quod ſciam) ad partes Indiæ Occidentaliſ vnaſque appuſſus, nulla nixus authoritate, huic ſideri attribuit ſtellas omnino vndecim, quas facie de natura Martiſ, & Saturni cum participatione Mercurij, & ideo ob mixtam naturam vult ei, huiuſ indigenæ auis, & figuram & nomen ab detectoribus eſſe inditum. Quod hæc auis, inquit, ſit mira, & pulchra, & varias habet virtutes, varioſque colores, vt & Conſtellation noſtra, quæ cum ſtellis varioſum colorum conſtet, hinc arguitur varias habere virtutes; cum virtutes deſumantur ex balfamo intrinſeco rerum, ſed ſulphure natiuo, quod colorum eſt origo, & fons naturalis: vnde ſi ſtelle in Conſtellationibus, varijs coloribus ſcintillant, arguendum eſt, ſtellas has plures habere virtutes, cum varijs ornentur coloribus, qui balfamum variuſ, & ſulphur natiuum oſtendunt. Hæc Faber: ſed quanta (Deus bone!) confarcinat, conmiſcitur, & commiſcet! Auia, infulſa, & abſurda, ſiue ad rem faciant, ſiue non; modò ſe Aſtronomum, ſimul, Philoſophum, & Pantoſchymicum, de quò ſibi maximè plaudit oſtendet: cum tamen in re pantomimuſ magiſ agat, & ſcurram. At non meliùſ ſapit, cum de duobus alijs ſideribus huic contigujs diſſerit, Phœnice inquam, & Phœnicoptero, aliàs Grue dicto, ab Hiſpaniſ autem el *Elamengo*. De Phœnice enim cap. 9. hæc habet. Nihil aliud eſt, quam lumen naturale ex prima maſſa materiæ primæ ſuſum eleuatum, & ſublimatuſ ad ſummo rerum Opifice; ibique coagulatuſ, & fixatuſ ac diſtinctuſ in quatuordecim ſtellas tertie magnitudinis vnam, & reliquas quarta & quinta, mira virtutiſ, & efficaciæ, quod ex lumine claro, & radiante facilè eſt colligenduſ. Et vt Phœnix rara eſt auis, ita virtutes huiuſce Conſtellationiſ rare ſunt, & admiranda: raros enim & admirandos producit effectùſ in meridionalibus terris; fertilitatem ſummam, quòd copiam humidi radicaliſ, & pinguiſ inſundat hiſce terris: prudentiam verò, & ingeniũ hominibus impertit, quòd eiùſ conſtellationiſ ſtelle ſint virtutiſ, & proprietatiſ Mercurij, & Veneriſ, qui fertilitatem terris, ingeniũ verò & induſtream hominibùſ inſin-

infundere soleant. Non solum enim Natura benigna est nobis, qui Europam incolimus, sed etiam benignissima est his omnibus, qui Americam incolunt, & præsertim his, qui Americam Australem habitant, quibus dominatur Phœnix nostra hæc Constellatio, à qua recipiunt incolæ miras animi dotes. Itaque quamvis rudes sint, & agrestes; nihilominus inter agrestes illos, & duros patria mores relucet mirum ingenium, & industria, quæ inculta iacet, & ex necessitate otio suo rubiginem contrahit, & marcescit. Sed si excitetur, & excutiatu illud Americanum otium, & torpedio insignis, quæ detinentur ibi homines; virtutis statim scintillas illius ignis calescit, quas ex hac constellatione suscipiunt, conspicuas, & manifestas habemus. Hæc de Phœnice. De Phœnicoptero autem sic pronunciat sequenti cap. 10. Infundit fertilitatem satis copiosam terris Meridionalibus, sed agrestem, & duram, frigidam, & difficilis maturitatis. Hominibus verò agrestes, & duros atque incultos mores, crudeles, ac difficiles, ad bellum pronos, & rixas. Unde homines Americam Australem habitantes tales sunt; crudeles feroces, ad rixas, & quærelas proni, & faciles: unde bellatores sunt, & Martem amant, & sequuntur, atque in perpetuis bellis viuunt. Vides quàm fidenter, quàm turgide, quàm præfacta fronte pronunciet de rebus sibi ignotis, ac toto orbe auulsis, ex solis suis ridiculis ratiocinationiuculis; nulla habita experientia, nulla Scriptorum, Astronomorumque fultus autoritate? ut non tam indubiè, tam constanter dixisset Ptolemyus, de Astris ab ipsa Orbis conditione cognitis, aut Tycho tot veterum Astronomorum, Eudoxi, Hypparchi, Nicepsi, Hygini, aliorumque sapientissimorum Aegyptiorum, qui totam vitam in siderum contemplatione transegerunt, obseruationibus inuicem collatis, ac suis adiunctis, Astronomiæ verus instaurator, eruditissimis suis progymnasmatibus potuisset inserere. Piguit enimverò me has pueriles nugas legere, nedùm transcribere: attamen feci, nec sine nausea feci, ut hominis ingenium suis coloribus hic expingerem, neue incautus lector eius essatis nimium fidat. Quod ideo ne penitus hæc pluribus locis dispersa, cum lectoris tædio, senel & iterum recantarem, huc in vnum congesti, non omnino extrâ aleam, & ordinem scriptionis. Nunc ad magis seria reuertamur.

PICTURA, vna est ex nobilissimis artibus liberalibus, Mathesi subalternis, quæ Geometrix, & Optices institutis edocsa, luminis, lucis, & vmbre prosecutione, colorumque varia attemperatione ac mixtura, naturæ opera effingit, & imitatur; atque innocenti, felicique mendacio, oculis imponit, & in præsentia sistit quidilla longa temporum serie, locorumque discretionem vbique terra-

rum, quin & in Cœlis, & subtus terram procreauit, eduxit, perdidit, aut occuluit. Admirabilis plane Ars, Diuinæ Omnipotentiz æmulatrix, Virtutum alitrix, scientiarum Compendium, ignauæ plebis magistra, muta Antiquitatis Historia, ac præclarè gestorum, virorumque illustrium, quos tempus & mors absumpserat, egregia reparatrix. Est ei quidem in hoc comes assidua, & eadem matre progenita, imò (si Plinio fides,) primogenita, Statuaria scilicet Sculptura, adeoque semper æmula, de primatu contendens: id quod vniuscuiusque facultatis clientes in partes traxit, ut pro suæ quique Patronæ iribus, accensis animis, acriter, ac strenuè depugnarent. Quorum rationes & fundamenta studiosè hinc inde collegit Benedictus Varchius in suis eruditissimis Lectionibus, nec tamen litem dirimere ausus est, quæ adhuc pendens, sub iudice manet. At enim uerò nemo ibit inficias, quin Pictura sit in amplitudine obiecti vniuersalior, in inuentu acutior, & in opere mirabilior: quippe quæ visibilia cuncta complectitur, omnia tempora transcurrit, nil imaginarium respuit, quod non coloribus exprimere satagat; sit ne sensibile, aut spirituale, vel ideale, non curat, modò phantasmate effingatur. Montes, valles, Maria, sylvas, integras provincias, confluentes exercitus, mortuos, viuos, virtutes, vitia, demones Angelos, Deum, quidquid tandem memoria potest suggere, aut intellectus concipere, totum æquè aggreditur, & feliciter operatur; quod Sculptura assequi non est potis. Verum quidem est, quod ipsa sensibus illudit, & magis distat à vero: sed in hoc, quando ambæ habent effingere, falsa pro veris supponere; summa laus & virtus est esse fallacior, & sensus omnes decipere. Laudantur pictæ Zeusi vix de puelluli manu pendentes, quod ad eas, tanquam veras, carpendas auiculæ conuolarint: ipse tamen tabulam cassauit & fregit, propterea quod ad verisimile non accederet, dum aues cæteroqui uis deceptæ, puerum non formidarunt. Commendatur, & palmam retulit, (vel ipso competitore iudice,) Parrhasius, cum eodem Zeusi de operis excellentia decertans, quando hic aues, ille hominem fefellit, similitudine veri. *Vt Zevis* (inset, factum narrans Plinius lib. 35. cap. 10.) *alium indicio tumens, flagitaret tandem, remoto linteo, ostendi picturam; atque intellecto errore, concederet palmam ingenio pudore, quoniam ipse volucres fefellisset, Parrhasius autem se artificem.* Est igitur in deceptione virtus, & perfectio artis, & quo fallacior, eò ipsi decepto gravior, & mirabilior: namque, ut aduertit Philostratus Junior, *incunda hac in re deceptio est, neque vllum ferens probum.* Et ut de Tragædia verè pronunciauit Gorgias apud Plutarchum. *De audiendis Poetis; quæ re ipsa fraudè esse dicebat id ipsum de pictu-*

pictura verius dici potest, *Qua qui decipit, infior est eo qui non decipit, & deceptus sapientior eo, qui non decipitur.* Equidem in sculptura rei veritatem attingit palpando, manus; in Pictura dijudicat solus oculus.

Hæc autem non eò dixerim, vt Picturam suprâ Statuariam eleuem; sed vt artis principia, progressus, ideas nobiles in mente Artificis residentes, (quæ sunt vtrique facultati communia) dignis laudibus extollam, atque commonstrem. Neque enim picti colores, aut marmor exsculptus id præstant, sed ingenium artificis, & inuentio; quæ vt inquit Apollonius apud Philostratum seniore, lib. 6. cap. 9. *in conceptu describit, & format aliquid, omni pictura, sculpturæ præclarior.* Parum quippe refert, nùm in marmore sculptas, aut in tabulis pingas, aut ære fusili formas capias, aut extensis laminis stylo incidas, quando mens est manus directrix, & vna omnibus laus, & finis, naturæ opera propius ad verum imitare. Quare litigantium manus conferam, & concludam cum Tullio, in Oratione pro Archia Poëta. *Omnes artes, quæ ad humanitatem pertinent, habent quoddam commune vinculum, & quasi cognatione quadam inter se continentur, & qui Ciceronis eloquentiam & acumen æquauit, & ter viciæ, Terullianus, in lib. de Idololatr. Nulla ars, inquit, non alterius artis, aut mater aut propinqua est.* Stet igitur sua cuique laus: & Picturam dicamus scalpendi artem in plano, pictis coloribus, & mollibus delineamentis; & Sculpturam (vt in loco dicemus) miram, & simplicem, nullius opis indigam, nullis coloribus ductam, prominentem Picturam.

102



PILAE ab Latinis Architectis nuncupantur, quas Græci Stylos vocant, Itali autem Pilastros: quadratas videlicet columnas, & non ex vno integro lapide factas. Atticurgæ appellat Vitruu. lib. 3. 6. cap. 23. fortè sequutus Plinium, qui Atticas vult nominari columnas, quæ quaternis angulis constant, pari laterum spatio. Vlpianus autem in Pandect. *Columnas Struiles.* Quem Budæus sic explicat, *vt columna struiles sint, quæ ex lapide quadrato, aut laterculis in quadrum positis extructæ sunt, quæ Pila etiam dicuntur.* Est autem ea differentia inter Pilas & Columnas, quod hæ vno continuo ac tereti scapo assurgant, hoc est, vno oblongo lapide, ac rotundo; Pilæ autem ex multiplici, seu quadrato, & dedolato saxo, seu latere, seu cemento construuntur, vt propterea struiles Vlpianus dixerit. Porro hæ aut vnica singulis arcuum incuruationibus ad sustinendum porticum fornices, pro columnis substituuntur; aut binæ hincinde ad ostiorum latera aliquantulū exportectæ, quas pecu-

103



liari nomine *Antas* appellant, de quibus suo loco dictum.

- 104 PILAE quoque vocantur à Polemicis, ferrei aut plumbei globi, qui in tormenta fulminalia immittuntur, vt postea accenso igne in nitrato pulvere simul appposito, violenter explosi in obuia quæque ruunt, & plagam inferunt. Quatum ratio, magnitudo, & forma maximi sit in Architectura militari; namque in ijs potissimum conficta est summa belli, & finis expugnationis vrbiũ & castrorum: vtpote, vt tormento, à quo explodendus est globus, respondeat pondus, materia, forma: ad quam proportionem pilæ, vt hæc ad destinatum, scopum collineet, & his similia; quæ latè docent Scriptores Polemici, & doctè satis prosequitur Iacobus Vfsanus in Tractatu de Tormentis bellicis, in hoc genere expertissimus.

105

PILVM etiam dicitur in bellico apparatu, teli genus oblongum, vt ait Varro, Romanis bellatoribus proprium, à quo Pilani deuominabantur Triarii qui illo armati incedebant, & erat certus pedum ordo, postremus in Acie, quos præcedebant Hastati, Antepilani exinde dicti, vt habet Liuius, & confirmat Ouid. Fastor. 3.

Hastatos instituitque decem.

Et totidem Princeps, totidem Pilanus habebat.

106

Porrò Pilum, testatur Veget. lib. 2. cap. 15. fuisse telum oblongum, quod sic describit. *Hastili pedum quinque, & semis, ad cuius iaculum exercebantur præcipuè milites: quod arte, & virtute directum, & Scutatos pedites, & loricos equites sæpè transuerberabat.* Et lib. 1. cap. 20. *Missilia inquit, quibus utebatur pedestris exercitus, Pila vocabantur, ferro subtili trigono præfixa, vnciarum nouem, siue pedali, quod in scutum infixum non posset abscindi; & loricam, scienter ac fortiter directum, facile perumpit: cuius generis apud nos, iam rara sunt tela.* Equidem ea forte ex causa, successu temporis neglecta & prætermissa reor, quod hastis, cæterisque missilibus infirmiora comperebantur, & ad secundos ictus inualida. Id quod ex Polybio colligo. Is enim in libello de Castrametatione Romana, qui separatus ab Historijs, eius nomine circumfertur, ita Romanum Pilum describit. *Pili telum, lignum habet longitudine plerumque bicubitali; crassitudine digitali, spiculum vnus spitbama, palmi inquam maioris, cuiusque attenuatum & acutum, vt mox primum post iaculum, necessariũ stelletur, sique inhabile ad remittendum; aliòquin commune fieret telum.* Cæterum huiusmodi telis, & similibus armis hodie, militia nostra vale dixit, quoniam longe diuersum beligerandi modum.

ini-

iniuit, de longe hostes petendo fulminatibus pilis, hoc est, globulis modò descriptis per istulas & sclopos immisit: & solum vice pilorum, vitur quibasdā contis, & dolonibus præualidis & longioribus, ac breui ferro, ad folij lauri formam, in summitate nuntis, (*Piccas* vulgò dicimus,) quibus certus peditum ordo instruitur, qui post tergum sclopetariorum incedunt, & aliquando in alas hinc inde explicantur, & campum aperiunt ad ineundam pugnam, profectoque his armis videntur non tam ad feriendum, quod rarò fit, quam ad fugandos, ac dispergendos hostium cuneos, & si nihilonius ingruant, sistendos, & confundendos, eorum equos ad latera transuerberando.

PINACOTHECA. Vide *Tablinum, Musæum*.

PINNAE in re ædificatoria sunt murorum supremæ extremitates, 107
& loriculæ, non quidem continuæ, sed in partes dissectæ, ac veluti coronam murorum capiti imponentes, quibus olim, ingruente bello, prædianij insisterbant protecti, & per intermissa spacia, aggressores telis, ac missilibus impetebant. Hodie non iam mœnibus, & munimentis militaribus imponuntur, sed in pacis orio, in editis turribus, & casis campestribus inædificantur & eriguntur, non tam ad ornatum, quam ad ostentum, ut à longe dispici possint, & ab alijs ædibus internosci. Hinc *Pinnaculum* audiit summum templi fastigium; & *Pinnæ*, volitantia galearum militarium ornamenta, quæ vterque plurimum è struthionum pennis vento agitandis exposita, compinguntur. Quamquam Varro lib. 4. de L. L. ab his similitudinem ac denominationem sumpsisse pinnas murorum contendit. Ut ut si, nostrà id definire non attinet.

PL

PLANETAE, vocabulo ex græco desumpto, appellantur communiter septem Cælestia corpora, seu collucentia Astra, quæ in suis quæque orbitis, motu singulis proprio mouentur, & errant per Zodiacum iuxta successionem signorum, contrà motum Primi Mobilis ab Oriente in Occidentem: & quidem in seipsis, non ratione sui Orbis tantum, vii stellæ quæ sunt in Firmamento, quæ in seipsis nullatenus in suo Orbe mouentur, sed fixæ omnino in sua statione permanent, unde & Fixarum nomen simpliciter illis adhaesit; his autem Planetarum, quasi Erronum: quod ideo ab Latinis *Erraticæ* per antonomasiam nuncupantur. Hæ inquam, septem omnino sunt (ut taceam de stellulis Comitibus, & Satellitijs aliquorum, quæ circa

circa ipsos rotantur, perinde ac Venus, & Mercurius circa Solem, (de quibus infra) Saturnus, Iupiter, Mars, Sol, Venus, Mercurius, & Luna. Ex quibus primum locum, hoc est supremum, immediate sub Firmamento cum suo Orbe crasso 8234. \div semidiam: Terræ, obtinet Saturnus: Mox Iupiter; eadem proportionem: inde Mars; postea Sol, (in cuius Orbis crassitie immerguntur Venus, & Mercurius, qui circa ipsum rotantur:) denique Luna omnium inferior, & terræ proximior: ut manifestum sit ex singulorum parallaxi; ex qua etiam innouit, ædum ipsorum corporum diameter, sed & Orbium in quibus consistunt, crassities, ut alibi dictum. Porro multa sunt, quæ Planetas à reliquis sideribus diuersificant, & habent aliquid sibi proprium, quod non illa. Primò motus cuique peculiaris, ut dixi, vniuscuiusque, in suo Orbe, statim temporum intervallis: cum fixis nullus competat proprius, sed omnes simul moueantur per motum sui Orbis in quo affixæ sunt immobiliter. Secundò in Luce, cum alia fixarum sit, alia Erraticarum: Enimuerò etsi omnes promiscuè mutantur lumen à Sole, primigenio fonte lucis; attamen fixæ, nescio quam insitam ex sui natura habent, quæ postea à Sole (ut ita dicam) fermentata, augetur, & ita intenditur, ut proprios radios directè vibrent, vnde est scintillatio illa ipsis propria, & inuentum obtutus præstringens: id quod planetæ non habent, (ut etiam Aristoteles obseruauit) sed sunt corpora ex se opaca, densa, obscura, in quæ Solis radij incidentes sistant, indeque reflexi generant lumen illud, quod ab ipsis emanat, suis qualitatibus alteratum. Tertiò, qui ex hac alteratione confurgit, color, & diuersus influendi modus: & alia, quæ magis distinctè considerauimus, cum de Fixis, atque ipsorum natura, singillatim disseruimus. Quare vide in proprijs locis.

109 PLANVM communiter dicitur, præsertim à Geometris, & Architectis, quicquid in rectam proutensam superficiem abit, nec vlla in parte modicum quid turget, aut prominet: quales sunt Campi, & Aræ, quæ proinde planitie nomine insigniuntur: necnon ædificij pauimenta ad regulam & libellam strata, ac complanata. Sed Geometræ adhuc in ampliori significatione hoc vtuntur vocabulo; & per planum intelligi volunt, non modò omne quod in rectum iacet, sed & quotquot complanatas figuras, & superficies, siue iacentes siue erectas, siue angulares & rectas, siue circulares, & curuas. Atque ab hoc vniuersali capite profluunt denominationes quaruncumque rerum, quæ aliquatenus hanc planitiem seruant: ut planisphæria, sphæræ circuli in planum delineati, planiformia, quæ pla-

planam formam exhibent. Et Planimetria dicitur facultas, quæ agit de planorum dimensione. Plana igitur superficies, ex Euclide primo elem. defin. 7. vocabitur illa, quæ secundum totam suam positionem extenditur supra æquale quoddam expansum, quæque in omni posita iacet cum omnibus suis partibus, eodem modo extensa. Vel breuius ex versione Campani: Superficies plana est ab una linea ad aliam brevissimæ extensionis, in extremitates suas eam recipiens. Sed nec ipsi angulo, qui in punctum definit, plani denominatio absurda est; nam cum definit mox Euclides: Est duarum linearum contactus, quarum expansio est supra superficiem, applicatioque non directæ. Et in hoc versatur Planimetria, quæ ex nota quantitate angularum planorum, transit ad dimensionem cuiuscumque partis areæ interclusæ intra lineas angulum efformantes, siue ex sint rectæ, siue arcuales. In quo tamen alia est planities superficiei, alia anguli, & diuersa est ratio metiendi anguli, ab ea quæ superficies mensurantur. Nam quantitas superficiei sumitur absolute à longitudine, & breuitate linearum, intra quas concluditur; Anguli verò, quoniam modus tantummodò est, à maiore vel minore contractione, seu mutua linearum inclinatione, & concurrentiâ ad illum efformandum: unde, quânto maior, aut minor fuerit hæc inclinatio, tantò maior aut minor probabitur angulus. Qui tamen semper specificatur ab arcu subtensò circuli, illum tanquam centrum habentis; itaut si arcus subtensus sit quadrans circuli, angulus denominabitur rectus, & continebit grad. 90. Si minor quadrante, Angulus vocabitur acutus: si demum arcus erit maior quadrante, angulus erit obtusus. Plura de Planorum quoruncumque ratione & mensura, habes in Euclide, qui totis primis Elementorum sex libris, de planorum conditione, & proportionem quam habent ad inuicem, enucleatè, & demonstrabiliter pertractat. Hinc

PLANIFORME PROPVGNACVLVM in Architectura militari, appellatur munitiuncula tumultuaria è terra aggesticia supra cortinam erecta, in formam quadrangularem, quasi suggestum quoddam, & tumulus, ad locanda ibi tormenta è loco eminentiore libranda, in hostilium operum destructionem. *Plataformam* Nostrates vocitant, quòd ad rectam lineam in plano horizontali sit constitutum, & lineam defensionis radat tormentorum ictibus. Neque verò in solis Cortinis Arcium, locum habent huiusmodi terre munitiones, sed etiam, ubi opus est, in quibusvis locis planis, & expolitis hostis aggressionibus, quæ aliàs ob nimiam latitudinem, iustam defensionem excedunt, & ictum sclopi, vel sane ob sui de-

debilitatem, & formam irregularem, indigent maiori operum adiumento, atque adeo in ripis animum, & in aditu pontium, & quandoque à castrorum etiam lateribus perquam commodè adhibentur. Sed aptissimè omnium locantur in angulis cortinæ exterioribus, in aqua distantia ab lateribus duorum propugnaculorum, quæ cortinam complectuntur, nam ibi & cortinam optimè regunt, & ipsa à propugnaculis protegentur; & vicissim propugnacula ipsa defendunt, hostes longe arcendo ab eorum aggressionem, ut videre est in pluribus munitionum speciebus, quæ oculis exhibentur in Libro inscripto *les Travaux de Mars*, sæpius à nobis citato. Cæterum sunt qui vniuersaliter improbant huiusmodi plataformas in regulis munitionis, inter quos est Carolus Tetti Romanus in lib. 1. de Fortificationib. cap. 10. huius rei scientissimus, & expertissimus: eo quod, inquit, maioribus & fixis propugnaculis impedimento magis sūt quàm adiumento, ut nō liberè per lineam defensionis excurrere ictibus possint, & vicissim se mutuo contutari: & insuper magis expositæ inimicorum operibus, & aliàs cōpactæ è vili materiâ, faciliè dissipari possunt, & ab hostibus occupari; vbi, si semel pedem figant, plurimum possunt & ipsam cortinam, & propugnaculorū latera incommodare.

III

PLANISPHAERIVM (ut ipsum nominis etymon præferret,) appellat Sphæram in plano descriptam; & eo nomine venit Instrumentum Astronomicum planum, totam in se Primi Mobilis rationem complectens, circulos omnes qui in sphæra armillari conspiciuntur, polos, puncta cardinalia, tam in Zodiaco quam in Mundo, sed non eodem modo posita, verum eo ritu, quo per Opticam projiciuntur radij visuales, contracta, aut dilatata, prout longè aut propè sunt ad potentiam visivam. Denique id habet amplius Planisphærium suprà Sphæram Armillarem, quod in hac tantum circuli, & quæ in primo mobili in se ipso præcisè considerantur, absque vllō respectu ad situm mundi, expressa sunt; in Planisphærio, eadem accuratius cum suis emensionibus, ac respondentijs ad diuersos situs mundi, circulis altitudinum, & verticalibus, Ascensionibus, atque Descensionibus rectis, & obliquis, declinationum, parallelis ac circulis, ac tandem Fixis, suis locis in Zodiaco, tam in longum, quàm in latum, appositis habentur, non sine oculorum, atque animi interioris illecebra. Porro Planisphærium est in triplici differentia. Vnum ab eius inuentore Gemina Frisio celeberrimo Astronomo ac Geometra, denominatum; in quo diameter Aequatorem præsignat, & hinc inde Tropicos, mediisque ideo parallelos à singulis Signorum initijs descriptos, in quo linea recta, Aequa-

Aequatorem in centro ad angulos rectos secans, refert axem mundi; & polos, extrema puncta: Linea verò transuersa ab vno extremo coluri, seu vnus Tropici, ad alterum extremum & tropicum, diametraliter ducta, Eclipticam; quæ in centro signat duo puncta Aequinoctialia Υ . & φ , in Extremis Solstitialia ϖ . & φ . Secundum à Ioanne Royas architectatum, huic prorsus affine, nisi quod, ad meliorem captum, paralleli ad Aequatorem, non per arcus ellipticos, sed in directum, (prout sub oculo cadunt) per rectas lineas designantur. Tertium tandem, quod vulgò nominatur *Astrolabium*, quod pluribus tabulis constat ad rationem eleuationis Poli supra diuersa horizonta, & in ijs centrum quod clauo tereti, omnes in vnum neccente figitur, vterque Polus, alter manifestus, alter occultus, signatur: atque in superiore horizontis parte constitenti æquis in locis circuli altitudinum, & verticales, terminantes ad extrema puncta Zenith, ac Nadir. Denique supra illas Rete, perforata videlicet tabula versatilis, representans Primum Mobile, spatio 24. horarum se voluens, ac rediens ad meridianum, vnde disceserat vñ cum orbe siderum, qui fingitur in eo fixus, ac præcipuis stellis, suis in locis in Zodiaco, tam in longum quam in latum, constitutis, ac proprio nomine præsignatis, quò singularum altitudines, declinationesque obseruari quouis momento temporis possint per Dioptram volubilem, & pinnacidijs existentibus in eius extremis, ac respondentibus ad gradus designatos in limbo, in medio axiculo collocatam. Quorum omnium fabricam, atque descriptionem & vsum, prosecuti sunt ipsi Auctores, & vniuersum Io: Stollerinus, Ignat. Dantes, & Clavius absoluto volumine, quod *Astrolabium* indigieauit.

PLANTA, Nostreis communiter, Gallis, Hispanisque, audit quod Latini appellat vestigium, seu pedis figuram in plano impressam. I 12
At in opere architectonico preliis accipitur pro delineatione in plano facta ædificij construendi, ad eius partes examinandas, & sicubi opus est, corrigendas: quam Græci vocant *Ichographiam*. Porro hæc ita à Vitruuio definitur lib. 1. cap. 2. *Est Circius, regulæque modicè continens usus, ex qua capiuntur formarum in solis arcuum descriptiones*. Obscura satis descriptio, quæ non nisi per plantam nostram atque humanum vestigium, intelligi ac dilucidari potest. Etenim Planta propriè signat extimam superficiem pedis humani, qua terram premit & vestigium in ea imprimit, diæz superficiæ prorsus consimile. Atqui idipsum planè exprimit apud Græcos in Architectura, vox *Ichographia*, quæ componitur ex Ich & G

& Γράψιδος. *Ichuos* enim sonat pedis impressionem, *Graphides* delineationem. Id autem totum comprehenditur in allata definitionem, & videre est in ædificij alicuius ima parte in plano delineata. Nam, ut acutè nimis discurret Villalpandus in Comment. ad Ezechielem Prophetam, ubi agit de templo Salomonis. tom. 2. par. 2. cap. 12. *Fingamus*, ait, *modicum aliquod ædificium super plana aliqua superficie ita constitui, ut quas premit partes, etiam signet, ut planta pedis in homine; que sublato ædificio, manerent in superficie signa, et propriè vestigium ædificij dicerentur.* Perinde enim foret impressio, ac vestigium hominis: ubi contemplari liceret, ea quæ planum tangunt, circumducta lineatione signari; quæ verò minime tangunt uti sunt arcus, ostia, & quavis aperitiones, manere vacua, atque eorum formam in planta desiderari. Sic Paries continuus secundum totam suam longitudinem, & crassitiem, in planta descriptus habetur, ubi scinditur in planta deest: Columnæ, secundum innescipi crassitiem, circulis æqualibus describuntur, medium sectæ hemicyclis, antas extantes, bases, quadratas pilas extantibus quadratis figuris, & rectis lineis videmus repræsentari, &c. Sensatè igitur, & satis appositè dixit Vitruv. *Ichographiam esse circini, regulæque usum, descriptionemque formarum in arèis, quia solo horum duorum instrumentorum vulgarium adminiculo, & non aliter, hæc descriptio perfici potest.* Modicè autem dixit, quia modica, & leui opera res peragitur in puris partium exterioribus lineamentis, ex concepta ædificij idea desumptis, & in subiectum solum translatis; ut ex ijs symmetria futuri operis observari queat, & si quis defectus irreperit, si quid exile, si quid vastum, si quid confectum, si quid, plusquam opus requirit, dispensum, debile, aut deforme comperiant, id in ipsa molis constructione corrigi possit, antequam illi manus admoueat. Hic eniuverò est *Ichographiæ finis*, hic plantæ ædificiorum usus, præludens ad eorum extruccionem. Cuius rei figuram ac delineationem huic loco non inuitus apponerem, ni superfluum iudicarem, cum satis per se intelligibilis, sit, & aliàs passim obuia, non solum in omnibus Architecturæ libris, sed vel in ipsis Architectorum, & fabricorum manibus. At si aues, vide Barbarum, qui diuersas ædificiorum plantas ad fati-
tatem exponit.

- 113 PLASTICE eadem via, qua *Ichographia*, & *Plantæ* delineatio incedit, sed non eodem modo; spectat enim in opere, *Orthographiam*; & exemplar seu modulum erectum effingit, ad cuius formam postea Artifex suam molitionem adornat. *Mechanicæ* species est

est, superiorum Mathesis facultatum præceptis instructa, & practici-
 dicturæ, Sculpturæ, atque Architecturæ inserviens, & ut directrix in
 salebrosis itineribus manus, oppidò necessaria. Et de Architecturæ
 quidem, celsis est luculentus Vitruvius, qui initio sui operis Archite-
 cturæ candidatum sedulò monet, ut graphidos scientiæ habeat,
 quò faciliùs exemplaribus pictis, quam velis operis speciem deformare,
 valeat, & rationis plasticæ non sit ignarus. Consistit autem in exter-
 na expressione conceptæ ideæ operis faciundi, in cera, gypso, argil-
 la, aut alia simili materia, cui facile sit addere, vel detrachere, cor-
 rigere, & inmutare quicquid in prima Archetypi expressione man-
 eum, deforme, aut non ad venustatem, partiumq; inter se collatarum
 symmetriam obuenit; ut tandem eo ritè perfectò, sumptis inde men-
 suris, proportionibus ac lineamentis, principale opus consumme-
 tur, & feliciter iniatur. Non ità tamen Plasticæ superioribus disci-
 plinis subiecta est, & prædictis artibus anciliatur, ut non sæpè eas
 comitetur, doceat, illuminet, dignitate præeat, & suis operibus
 faciat deferuire. Patet id in varijs incrustationibus anaglyphicè fa-
 ctis, in cælaturis, ac typorum formis, è quibus procedunt sinula-
 chra, & rerum effigies æternùm mansuræ. Adeout eius necessita-
 tem, nobilitatem, atque antiquitatem mirè eleuet Plinius lib. 34.
 cap. 8. & lib. 35. cap. 12. qui eam matrem Sculpturæ, Picturæ ac
 Fuszoriz artis appellat: *Crenitque (subdit) res in tantum, ut nulla
 signa, statuasq; sine argilla fierent: quo apparet, antiquiorem hanc fuisse
 scientiam, quam fundendi aris. De eius inuentione, mira & curio-
 sa sunt quæ ante dixerat. Dibudates Sicyonius figulus, primus inuenit
 Corinthis, filia opera. Quæ capta amore iuuenis, illo abeunte peregrè,
 umbram ex facie eius ad lucernam in pariete lineis circumscripsit: qui-
 bus pater eius, impressa argilla, typum fecit, & cum cæteris fictilibus in-
 duratum igni proposuit; eumque seruatum in Nymphæo, donec Corin-
 thum Munimus euerteret, tradunt. Itaque Plasticæ Mechanicarum om-
 nium artium Mater exitit, & magistra, Pasitele indice, apud eundem
 Plinium, in omnibus excellentissimo, qui nihil unquam fecit ante-
 quam finxit. Verum, uti in praxi earum facultatum, quæ manus
 operatæ exigunt magistra est, & moderatrix; ita ipsa, quæ Theoricem ar-
 tinet, & ingenij directionem appellat) sublimiorum disciplinarum,
 discipula, & cultrix sedula esse debet, præcipuè verò Geometricæ,
 & Optices, quò magisterium suum, cum laude & gloria profi-
 ceatur.*

PLATEA ex græco Πλάτεια, iam ad nostras regiones transijt, &
 popularis vox facta est, denotans latam quandam spatiositatem, &
 LIII 2 viam

fiam in Oppidis stratum ad ciuium commoditatem, & concursum vt locum habeant sese inuifendi, communiter deambulandi, suaque negotia peragendi: quod ideo propriè, & rigorosè appellat locum publicum, & frequentis concursus. Non negauerim tamen, aliquando latius vsurpari pro priuatis arcis, & ambulacris, quæ intus & circa magna ædificia consternuntur, vt sunt Cauædia, & subdia-lia Xysta: vt est illud Lampridij in Heliogabalo: *Plateas in Palatio strauit*, quin etiam quandoque pro tectis arëis; quo modo Gregor. Turonensis *Plateas Ecclesia* dixit Porticus exteriores. Sed magis ad rem nostram

- 115 **PLATEA ARMORVM** in Architectura militari & rata partium distributione, significat locum in Castris, seu amplam quandam aream in medio Arcis, vel vbi ratio belli, & ordo extructi monumenti postulat, satis capax; & ad militum receptum vnice destinata, quæ alijs sit imperua, & ceteroqui ab hostibus tuta, quo se milites ad mandatum Centurionis colligant, in armis se exercent, tesceram singulis diebus propriam accipiant, quid singulis officij munus competat, dicto audiant, quo ordine, qua hora ad excursions, siue ad aggressiones procedendum sit, discant: ac demum, dato signo, ad stationes suas se quisque recipiat, denuo reuocandus, si noui quid accidat, aut rerum constitutarum series immutetur. *Piazza d'Arme* vulgò nominatur à Nostis. Sed hic aduertendum, quod sæpè hoc nomen æquiuocè sumitur, & ijs qui rei bellicæ scientes non sunt, frequentes imponit, intelligentibus per illud *Sedem armorum*, quæ longe diuersa est, & alium habet vsum in bellorum ingruentium contingentia: Appellat enim hæc, fidam & fixam exercitus consistentiam, & bellatorum coadunationem, antequam cum hoste conferantur manus, in loco aliquo forti, at tuto, ad quod eligitur præmunitum aliquod Oppidum, aut Castrum, intrâ propriæ ditionis fines, vbi milites stationes habent, (quæ dicuntur *Quartieria*) de rebus belli deliberatur, apparatus militaris cogitur: ibi tractandorum armorum consilia iniuntur, delectus militum fiunt, in partes, & signa distribuuntur, mandata accipiunt, & alia expediunt, quæ ad prosequendum feliciter bellum, concernunt. Hæc etiam vulgò dicitur *Piazza d'Arme*. De qua fusiùs suo loco.

PLATICVS *aspectus* Vide in V. Partilis.

- 116 **PLATONIA**, vox frequenter in Sacris Historijs vsurpata, præsertim, cum agitur de SS. Martyrû, aut summorum Pontificum sepulturis
ad

ad memoriam & honorē, architectonicē exornatis. Sic Anastasius, Bliothecar. u. in Liberio. *Hic ornauit, inquit, de Platonis marmoreis sepulchris S. Agnetis.* Idem in Damaso: *Aedificauit Platoniam, ubi corpora Apostolorum iacuerunt, idest B. B. Petri, & Pauli, quam & versibus ornauit.* Item in Leone III. *Super lilios ex metallis, marmoreas Platonias posuit.* Similia habent Ado Viennen. & alij apud Bulenger. Baron. Aringhium, & Macrum. Ex quibus liquet sanē, esse marmorea ornamenta ad sepulchrum apposita; sed in quo genere, neque ex contextu, neque ex etymo nominis, quicquam certi, colligi potest. Conueniunt omnes, nomen originem traxisse ex græca notatione ΠΛΑΤΩΝ, quæ latitudinem sonat, vel ΠΛΑΚΩΣ, quod idem valet, ac incrusto. Vnde arguunt aliqui, inter quos Bulengerus, ea fuisse loca marmorum crustis induta, aut pauimenta tessellatis emblematis variata. Sed nimis generaliter, quando Platoniz nomen solum in Monumentis usurpatum legimus. Tum diuersa sunt admodum marmora lata, ex integro lapide, seu lapideæ tabulæ, ac pauimenta marmoreis crustis ac tessellis induta, quæ quidem ad rem sepulchralem non faciunt. Et quidem ex adductis testimonijs habemus, Platonias esse tabulas integras parietibus vel ipsius sepulchrorum Arcis affixas, quæ inscriptas habebant Defunctorum laudes, & gesta, & in Hixtor. Dunelmensi, apud Du-Cange ad ann. 794. habemus expressē, quod nescio quis in Ecclesia S. Petri Apostolorum Principis sit sepultus, & super sepulchrum eius Platona (idest marmor) parieti infixæ, gesta bonorum eius anreis literis, & versibus scripta. Tum de Ecclesia S. Laurentij Mart. quam Xystus III. ædificauit, habemus ab eodem Anastas. quod posuit supra Platonias porphyreticas.

Ex quibus omnibus statuendum videtur, Platonias in opere architectonico aliud plane non esse, quam inscriptiones in lapide, quæ in Ecclesijs, Defunctorum monumentis apponuntur, eorum gesta enarrantes, quas nos *Lapidæ* vulgo appellamus, quæque etiam ad posterorum memoriam, in sacellis, & in aditu templorum cum insignibus dominorum, ad prospectum locantur, ad explicandum, quis, & qua ratione exædificauit, cum aliquo breui elogio authoris, vel eius, qui eo loco tumulatus est.

PLEIADES, recepto iam communiter ex græca notatione vocabulo, dictæ sunt, quas nos Latini Vergiliæ appellamus, septem videlicet aut sex stella ruuifculæ in dorso Tauri fideris consistentes, & in Zodiaco, extremas partes igni eiusdem nominis occupantes, cum grad. fere 4. latitud. Borealis, ita enim sunt conglomeratæ, vt intrâ spatium min. 80. in longum, & min. 16. in latum contineantur; ad eout

adeout primo aspectu, vna & eadem stella, pallenti lumine circumfusa videatur; attentius autem contemplantibus, modò sex modò septem ab inuicem seiunctæ, appareant: vt notauit etiam Ouidius in Fastis lib. 4.

Qua septem dici; sex tamen esse solent.

Quinimò Galilæus, suo tubo optico ad 40. distinctè conspicabiles in hoc Astro enumerauit, vt testatus est in Nuncio Sidereo: sed vt dixi, nudo oculo, aliquando sex, aliquando septem distinctè & clarè conspiciuntur. Causam autem diuersæ huius apparentiæ, paulò antè tradidimus in V. Phænomenon. Igitur Stellæ istæ à Græcis Pleiades nuncupantur, *Πλειάδες*, quod nauigationē sonat; eoque ortu suo tempus nauigationis enunciant: à nostris autem Vergiliæ, à Vere: nam quando illis fuit hoc nomen inpositum, circà Acquinocetium Vernali oriebantur. Et verò optime istæ nomina quadrant, quando præ cæteris, id singulare habent, quod mutationes temporum decernunt, ac moderantur, sintque fideles futuri eorum status, aut in bonum, aut in malum, indicatrices. Etenim ortu suo, semper Fauonium conimouent, occasu Austrum per plures dies durabilem: & in occasu matutino (qui accidit circà initium Autumnii,) ex modo quo occidunt, denotant qualitatem futuræ hyemis: si enim cadant nubilo Cælo, indicant hyemem pluuiosam, si sereno, serenam, sed rigidissimam, itaut gelu flumina constringantur. Cum Saturno congregientes turbant aërem, & replent densa caligine, & si Luna affulserit, mox copiosos imbres, vel niues apportant: cum Mercurio etiam ventos excitant, cum Ioue, diu permanentem serenitatem. Sed & in Agricultura, Pleiades aptum tempus sationis ostendunt, vt post Aratum, & Hesiodum, notant Virgilius, Plinius, & Auienus. Arati tamen testimonium clarius, & loculentius, ex versione Ciceronis, hoc est.

Omni parte locatas

Parnas Vergiliæ tenui cum luce videbis:

Hæ tenues paruo labentes lumine lucent;

At magnum nomen Signi, clarumque vocatur;

Propterea quod, ad Aëstatis primordia clarent?

Et post hyberni præpandens temporis ortus

Admonet, vt mandent mortalia semina terris.

Quare celebres oppidò sunt, & famosæ apud omnes Scriptores: ac vel in Sacris Paginis memoratu dignæ, interque Dei magnalia, Iobo cap. 38. ad admirandum propositæ. Numquid coniungere valebis micantes stellas Pleiadas? Cæterum, ut plurimum infaustæ & omnino sunt ex natura suâ, ac propter vicinas Hyades, (quibus

buscum lumina miscuit) præsertim, adstipulantibus hostili radio, vel sua præsentia Luminaribus; vel transeuntibus per eas, Marte, Venere, & Mercurio: nam ærem turbulentis ventis infestant; & largos imbres cum procellis inducunt: vnde & mare concutunt, & naufragia, illud intrautibus ominatur. Quod præsertim intelligendum de Ortu heliaco, & occasu cosmico, cum prauo prædictarum Erraticarum radio. Oriuntur autem Romæ, Mense Maio, cum grad. 17., & 18. Tauri, & decimo post die occidunt, cum grad. 27. eiusdem Signi.

PLENILVNIVM quid sit, sat se suo nomine explicat: denotat enim tempus oppositionis Lunæ cum Sole, quando maximè conspicua, & lumine astitim plena est. Vnde Plin. lib. 18. cap. 22. ait: *Cum Sole occidente, oritur Luna ex aduerso, itaut pariter aspiciantur: tunc erit Plenilunium.* At non id exacti Plenilunij indicium est, sed mox celebrandi, quandoquidem in perfecta Luminarium diametro ad vnguem, alterum suprà terram conspici necessum est, alterum infrà horizontem occultari. Græci magis expressiuo vocabulo. *Panselene* nominant, hoc est, Luna omnibus numeris absoluta. Hic autem curiosam nimis, & satis subtilem obseruationem præstat adnectere ex Keplero in *Astronomia Optica*; nempe, quoad nos, numquam fieri, aut conspici perfectum plenilunium, hoc est, Lunam, totis luminibus plenam: quod sic demonstrat. Nam Plenilunium perfectum absque dubito fit, cum Luna est in oppositione Solis, seu cum ei dimetraliter opponitur. Nunc autem diametralis oppositio, vel sit ad vnguem quoad longum & latum; & tunc, cum Luna, incidat in Eclipticam, certè aut in totum, aut ex notabili parte, ob terræ interpositionem, & vmbra, luminibus priuabitur, & fit Eclipsis: aut opponentur in eodem gradu longitudinis, sed non in Ecliptica, eoquod Luna incedat cum latitudine; & tunc inter centrum Lunæ, & vmbrae terreni globi, necessariò interponetur scrupula 64., aut 66. vnde tantumdem distabit Luna à vero loco oppositionis: itaut iam fiat intersectio circulorum visionis nostræ in lunari disco terminatæ, & illuminationis à Sole, quæ sit seculorum 30. vbi se tangunt: igitur tunc videri non poterit Luna plenè illuminata, adeoque verum Plenilunium. Hæc Keplerus ingeniosè satis, & planè demonstrabiliter.

PLEVRA apud Pictones (inquit Du-Cange in Glossario) est modus mensuræ agrorum extensus, & quaquaversum determinatus ad pedes centum, respondens forte ad actum quadratum Antiquorum, & Modio nostro, quo Neapolitani Agrimensores campos metiunt.

metiuntur. Confirmat id autoritate Consuetud. Bituric. & Histor. Richeliaz ubi habetur, Pleuræ nomen acceptum pro mensura terræ arabilis; & denominationem fluxisse à græca notione Pleron. At cur non potius ab ipsa voce Pleura sumpta analogia, quæ propriè apud Græcos sonat latus, seu extensionem? Itaque

- 120** PLEVRA, & PLEVRITIS, Græcis idem valet, ac latus, seu Costa: & Πλευρά. (inquit Gortæus in Thesauro Linguae Græcæ) sunt ossa thoracis à lateris sita, unde a Medicis Pleuritidis dicitur dolor lateralis, costarum membranas pungens cum inflammatione, ac difficultate respirandi; quem morbum nostri idcirco Puncturam nominant. Sed ad rem nostram: Pleuritis vocabulo, utitur Vitruv. in opere Mechanico, ad significandas regulas quasdam appositae hinc inde ad latera Organi hydraulici quæ modò impelluntur, modo reducuntur, ad obturanda vel aperienda foramina, è quibus aqua profluit. Sic enim habet cap. 9. lib. 9. *Inter tabulam, & canona regulae sunt interpositae ad eundem modum foratae, & oleo subactae, ut faciliter impellantur, rursus introrsus reducuntur, quæ obturant foramina, Pleuritidesque appellantur: quarum itus, & reditus aliàs obturat, aliàs aperit celerationes.* Sed quid regulis hisce cum Thoracis costulis, aut cum Pleuritidis morbo? Doctissimus Turnebus lib. 2. cap. 22. vocat, inquit, *pleuritides, idest laterales*: monet tamen, se in antiquissimis editionibus, Plinthides reperisse, idest laterculos, quia ad laterculorum modum sunt factae: unde mendum forte suspicatur irreperisse in *Pleuritides*. Barbarus retinendam vocem contendit, quia regulæ istæ à lateribus organi sunt. Vtraque tamen explicatio non placet Baldo. *Quæ enim inquit proportio huiusmodi regularum ad latera? quare (addit ipse) ideo regulas hasce pleuritides appellatas, quod tum forma, tum ordine inter se, costarum præferunt imaginem, quæ Pleuræ, græcè dicuntur.* Acutè quidem; sed adhuc in cute nodum tangit, non in medullam penetrat. Aio enim, cur non *Pleuræ* dixit Vitruv. per relationem ad costas, & earum ordinem; sed signatè *Pleuritides*, quibus à pleuris, seu costulis, fit transitus ad inflammationem, & morbum costarum? Equidem, censeo id aptissimè dictum à Vitruvio: nam non tam ordinem regularum inter se, & similitudinem quam habent ad costas thoracis, explicare voluit, quam earum effectum, & motum, quo ita redituque impelluntur reducunturque per pulsationem & tactum, ad varios sonos edendos, ut fit in tibijs, & organis musicis: est quippe is motus, atque effectus perquam similis asthmatico motui membranarum thoracis, circa costas, ac difficultati respirationis, quam
- 121**

quam eo motu parit pleuriticidis morbus, & inflammatio coharum.
 Quod ideo nihil aptius, nihil expreſſius inueniri poterat, quod ad
 vium repræſentaret huiusmodi regularum effectum, in dando &
 remittendo ſtatum tibijs, & cannis Organi muſici, cum puſſatio-
 ne impelluntur, vel reducuntur, obturando, vel aperiendo forami-
 na, per quæ ſtatus ingreditur, & egreditur. Has regulas nos, in-
 eiuſmodi Organis, Regiſtros vocamus.

PLINTHVS græcè (vt modò rectum eſt) latinè laterem ſeu later-
 culum ſonat; illum videlicet, qui in conſtructionibus ædificiorum, 122
 tum in parietum erectione, tum in pauimentis, ſpicato more, ſternen-
 dis, ſabrorum manibus continenter, & aſſiduè teritur. *Quadrel-
 lum*, & *Mattonem* nos vulgò vocitamus, à forma: factum eſt teſta-
 coctili, & in lapidem indurata, ad formam reſtangi quadrati, vel
 parallelogrammi. Ni fortè velis, (quod libenter admitto) primi
 notionem ex græco, ſignare in abſtracto, formam reſtangiulam
 quadrangularem, ac poſtea Plinthum in concreto apertam ad co-
 ctilis lateres, & omne id, quod ſimili modo, in quadrum vel in re-
 ſtangulum deſinit: quo pacto Euclides, alijque Geometræ græci-
 nici, reſtangula & parallelogramma, ſæpè Plinthos, & Plinthidas
 nominant. Certè Architeſti, Plinthi vocabulum contrahunt ad
 baſim columnarum ad ſtylobotam, acroteria, abacum capitulorum,
 denique omne id, quod quadratum latum, & altum eſſormat. Et
 Vitruuius quidem ſæpiſſimè, & indifferenter, hac voce vitur. *Quin*
 & ipſos parietes, lib. 2. cap. 3. biplinthios, & triplinthios vocat, ad
 rationem laterculorum, quibus erecti ſunt: ex duplici nimirum, vel
 triplici ipſorum ordine. Igitur Plinthi nomen, rebus quibuſcum-
 quo rectè applicari poteſt, quæ utcumque, quadratam formam præ-
 ſeferunt. Hinc mihi facile cluſceſcit ratio, cur ab eodem Vitruuio
 lib. 9. cap. item 9.

PLINTHIVM horologium quoddam dictum eſt, quod ſiue Apol-
 lonius, ſiue Scopas Syracuſius, primò inuenit & in Circo Flaminio 123
 Vitruuius perhibet fuiſſe poſitum, quodq; etiam *Lacunar* appellat. In
 quo quidem explicando & diſquirendo, quid ſibi velit, quid uè haberet
 proprium, in quo, & re, & nomine, ab alijs diſtingueretur, multum
 deſatigantur Interpretes. Daniel Barbarus diuinando magis,
 quam ad ſcopum collineando, dicit, quod erat *Truncus* in quo
 plura horologiorum genera, erecta, inclinata, & declinantiæ de-
 ſcribi poterant. Igitur non vnum ſpecie diſtinctum, ſed multiplex,
 erat, atque non actiù, ſed tantum potentia. Sed Bernardinus Bal-
 M m m m dus

us, vim nominis accuratè perpendens, tandem gladio Alexandri nodum scindit, caputque tauro obruncat, in finem concludens, vnum specie esse ex ijs quæ horizontalia dicimus, ad differentiam verticalium, & quomodolibet inclinatorum, quæque in plano horizonti parallelo, describi solent in plinthis seu tabulis marmoreis quadratis, perinde ac columnarum plinthis. Quæ explicatione nil planius nil magis ad rem, atque ad Vitruuij mentem, volentis indicare huius horologii situm, & formam, per nomina oppidò expressiua, superficiei in plano iacentis, vt sunt Lacunar & Plinthus.

- 124 PLUMBATAE, Vegetio in re militari, sunt quoddam armaturarum genus, quod in angustias posuit Interpretes in explicando quid sibi velit hoc nomine. Nam & Barbulos, & Martiobarbulos vocat lib. 1. cap. 17. & Leo Augustus Martzarbulum, & Salibam, ac Tzicurim, in lib. de apparatu milit. cap. 7. num. 4. Suprà laudatus Turnebus lib. 24. cap. 12. existimat plumbatas istas fuisse plumbeas glandes, eius propemodum generis, ac pilæ quæ nunc è tormentis & sclopis exploduntur. (Qui enim, inquit, quinæ in scutis inferrentur, si aliud forent?) & qui eas gestarent, Martiabus per iocum, militari quadam lasciuiâ dictos, quod cum alijs barbi, & barbuli pisces, essent in delicijs mensæ; plumbatæ istæ boli essent & barbuli, non gulæ irritamenta, sed Martis; adeoque milites qui ijs vti delectati fuerint, Martiobarbulos festiuè vocatos. At pace tanti viri, eius sententiæ refragatur ipse Vegetius, tum ibi, vbi ait, quinos insertos scutis, portari consueuisse; & lib. 2. cap. 15. inter arma, quibus instructi procedere solebant ad prælium, hastati & grauis armaturæ milites, *plumbatas quinæ* censet, positas in scutis, quas primo impetu iaciunt. Tùm clarius lib. 4. cap. 29. eas inter missilia connumerat, quæ ex alto solent, eiaculari, & explicat: *plumbatæ, siue lanceæ, veruta, vel spicula*. Hoc autem nullo modo potest globis plumbeis adaptari; sed nec illud, quod quinæ scutis inseruntur, qui enim glandes scutis inferi possint, planè non intelligo, aut improprie loquutus est Vegetius; benè autem dicuntur insertæ quæ oblonga sunt, vt veruta, & sagittæ, quæ probe inferi possunt scutis oblongis & planis, quibus totum ferè corpus tegitur, & adhuc faciliùs exferi, cum emitti debent: namque scutum in eo casu gerit vicem pharetræ vel vaginæ, ita vt intra suam crassitudinem latam, feriatim possit quinæ plumbatas oblongas excipere, & continere.
- 125 Quamobrem mihi summopere aridet opinio Stevvechij, qui putat plumbatas Vegetianas, quibus veteres utebantur in prælijs, fuisse in genere missilium, non multum absimiles à sagittis, nisi quod illæ per-

niciores erant, & plumbo librabantur in medio, quod ideo plumbatarum nomen ipsis accessit. Id quod confirmat autoritate Anonimi Scriptoris de rebus bellicis; qui duplicis plumbatæ mentionem facit, & formam oculis exponit, Tribulatæ vnus, alterius, quam nominat Mamillatam, quas & verbis ita describit. De Tribulata prius: Hoc iaculi genus, ait, quod ad modum sagittæ pennis videtur instructum, non arcus atque ballista pulsus consuevit emitti, sed manus impetu, & viribus elisum, in hostem cominus vadit, quod excipienti gemina ratione videtur asserre perniciem: aut enim perimit infisum, aut sine vulnere dilapsum, & in terram positum, plantæ calcantis insiguit, eoquod in partem quamlibet si fuerit conuersum ex latere, aculeo ex se eminente, inferat vulnus. Fit autem ex ligno in modum sagittæ factum; cui ferrum subtiliter in formam venabuli aptatum insiguit, fistula eiusdem ferri parumper extensa; supra quam modico iniectione spatio plumbo adhaerentes iaculi, velut tribuli emergunt. In summa autem parte eiusdem iaculi affiguntur pennæ celeritatis causa; tantum videlicet super easdem pennas relicto spatio, quantum digiti potuerint tenentis completti. Hactenus de Tribolata. De Mamillatâ verò hæc profert. Bene extensa, & directâ virga accipiet in extremitate sui, rotundum, & in acumen deductum ferrum similibus locis in tribulatâ, plumbo, & pennis adhaerentibus, ut plumbi pondere, & pennarum celeritate adiecta rotunditas teli, facile clypeos aduersarij, & similiter obstantia valeat penetrare. Hæc prædictus author de huiusmodi telis, quorum imaginem ex eo desumptam, habes apud ipsum Stevvechium.

Nunc autem non melatet, plumbatarum nomine venire sæpè in Ciuilibus, lora & flagella, in quorum extremitate extabat pendens plumbus globulus, quibus in malefactoris castigabantur serui, & vilis conditionis homines, citrà periculum mortis; de quibus est lex in Cod. Theodos. lib. Si quidem de quæst. vbi dicitur. *Plumbatarum istos quos in ingenuis corporibus non probamus, sed decem primos curialis ordinis ab immanitate huiusmodi verberum segregamus.* Et lib. 8. de Decur. statuitur. *Omnis ordo Curialis ab ictibus plumbatarum habeantur immunes.* Sed de his nihil ad nos. Quas tamen nunc temporis veneramus, & in honore habemus, quoniam instrumenta quondam fure martyriorum, quibus Fideles ob Christi confessionem cruciabantur: & frequentissima eorum sit mentio in actis SS. Martyrum. Qui plenam eorum notitiam habere cupit, videre poterit apud Gallonium, in lib. quem edidit de Cruciatibus SS. Martyrum, & in Baronio, in Notis ad Martyrologium Romanum.

I 26



PLVTEVS in vtraque Architectura, tam Ciuili, quam Militari, I 27

M m m m 2

fre-

frequentissimus est, sumiturque in diuerso significato. Et in Ciuili quidem structura, Plutei accipiuntur pro septris quibusdam, siue marmoreis, siue ex alia structili materia, quibus intercolumnia præsertim superextantia concluduntur, tum ad ornatum tum ad commoditatem, & securitatem, propius ad prospectum, ne labantur; quos pro diuersa eorum conditione nunc Parapetcos; nunc Balustratas vocamus. De his, hæc habet Vitruu. lib. 4. cap. 4. vbi de Cellarum distributione agit. *Intercolumnia tria, quæ erunt inter antas, & columnas, pluteis marmoreis, siue ex intestino opere factis, intercludantur.* Similiter lib. 5. cap. 1. *Pluteum, quod fuerit inter superiores columnas, item quarta parte, quam superiores columna fuerint, oportere fieri videtur.* At in Bellicis, teste Vegetio lib. 4. cap. 15. erat machinamentum, ad suffodiendos muros obsessæ urbis, quo miles contegebatur, & sub eo tutus ad opus procedebat. *Plutei, inquit, dicuntur, qui ad similitudinem absidis contextuntur è vimine, & cilicis proteguntur, ternisque rotulis, quarum vna in medio, dua in capitibus apponuntur.* In quamcunque partem volueris admoventur, more carpenti: quos obsidentes applicant muris, eorumque munitione protecti, sagittis siue fundis, vel missilibus, defensores omnes de propugnaculis exturbant, ut scalis ascendendi facilius præstetur occasio. Ex quibus liquet, diuersos fuisse Pluteos à Vineis, etsi forte ex eadem materia vtraque contexterentur. Nam, ut obseruat Turnebus lib. 11. cap. 24. Vineæ in vtramque partem erant deuexæ: Plutei in vnam tantummodo partem, similes ijs appendicibus, quas de foris ædificijs applicamus. Item vineæ plures in vnum coibant, ut author est idem Vegetius, ac rectum duplici munitione confirmatum habebant, tabulatis, & cratibus: pluteus autem solus incedebat suis (ut ita dicam) pedibus, & erat è vimine. *Quamquam bene notat Lipsius, & ipsum quandoque ex tabulis, asseribusque factitatum, & in speciem fornicis arcuatum, quò facilius agitari posset immissaque tela præuertere, ut in figura quam exhibet pag. mihi 47. spectare licet.*

P N

129 PNEVMATICA ORGANA, quasi diceret Spiritalia, apud Mechanicos sunt quæ spiritu artificiose instantur, & exinde ventus elicitur, ac varij sonus eduntur: ut iam passim introducta videmus in ipsis Ecclesijs ad Dei laudes occinendas. Sed & eadem Hydraulica quandoque etiam, promiscuè appellantur, quæ videlicet maiore artificio, non manu, sed aquæ motu aguntur, & excipiunt aut remittunt spiritum. De his fuse Hero in *Spiritibus*, & Vitruu. lib. 9. cap. ult. nosque suo loco breuiter disseruimus.

PODISMVVS græcanica vox est, iam nostris militibus facta familiaris & in Latium introducta. Sonat autem dimensionem pedibus factam, vt habet Budæus ad L.vlt. ff. de iure immunitatis. In re autem significat metaturam Castrorum, tumultuario præstitam per pedum mensuram, vt olim vsus Romanotum erat, & refert Veget. lib. 2. cap. 7. *Mensores*, inquit, *qui in Castris ad podisum dimetiuntur loca in quibus milites tentoria figant, vel hospitia in Ciuitatibus præstant.* Et lib. 3. cap. 8. modum & ordinem ponit, quomodo hic podisumus fieri debeat. Namque non minore cura, & cautione providebant in stationibus exercitus securitati, per ordinem in sua loca tributo; quam in itinere, & in Campo, acie ad prælium explicata. Siquidem, vt bene aduertit eruditissimus Naudæus, in Syntagni. de Studio Militari, lib. 1. num. 13. *Non satis est illa (castra) tuto, & opportuno situ locari, fossis, aggeribusque muniri, & apta dimensione, ac podisino designata ex Gramaticæ disciplina regulis, vias suas, portas, & fora obtinere, esseque ad formam munitæ urbis composita, vt sint victori receptaculum, victo autem persugium: nisi in illis pro gradu, & conditione singulorum, legionibus, auxilijs, equitibus, peditibusque loca propria deputentur.* Id quod non nisi per podisum tumultuario, & tam breui tempore, ac lassis ex itinere militibus fieri potest. Agit de hac re exquisitè Polybius in Colophone ad lib. 6. Historiar. sub tit. *de Castram. Rom.*

PODIUM, similiter à pede deriuatum ex græca natione, dupliciter, & quidem in diuersissimo sensu accipitur in opere architectonico. Primò, & propriè pro una parte constructionis, quæ immèdiatè exsurgit supra iacta iam fundamenta; & est veluti pes, cui paries, ac totum ædificium insistit. Nos Basamentum vocamus, quia est quasi continua basis, supra quam reliquæ partes ad firmitudinem, & consistentiam collocantur: quod ideo crassior sit & è lapide quadrato, & firmo obductum. Nam si tota Structura ad permanentiam, & perpetuitatem (quoad eius fieri potest) erigitur; multò magis ea pars firmiter stabilienda est, quæ parieti connexa, stabilitatem illi impertit, vti paries toti ædificio: vnde ex vno integro lapide si haberi liceat, aut pluribus prægrandibus, & bene æquatjs, solidandum podium, monet Albertus lib. 3. cap. 6. De qua re satis dictum in V. *Basamentum.* Altero modo accipitur Podium, præsertim à Scriptoribus, qui non ex professo de Architectura pertractant, pro ea parte ædificij, quæ foras vltra parietes, & eorum ambitum exporrigitur, & marmoreis mutulis, aut ferreis fulcris, quasi pendens inhaeret, & sustinetur. Id autem ad prospectum erigitur, vel ad amplificandam domum, vbi situs sit arcus: & de eo agit etiam Vitruu. lib. 5. cap.

cap. 7. & extant varia iura apud Vlpian. in l. *Quæsitum* §. Canales. ff. de fund. instruct. Vide quæ diximus in V. *Pergula*, & in V. *Me-niana*.

132

POETICA, vel *Poësis*, & ipsa sub Matheſis amplitudine comprehenditur, ac geometricis, & arithmeticis institutis incedit, perinde ac Musica; quatenus metrica ratione, & numerorum proportionem perficitur: nisi quod, hæc cantu, & sonorum diuersitate per connexiones, & interualla nectitur, Poësis verò per versuum, & sillabarum dispositionem, nunc breuium, nunc productarum, mutat quandam, & stabilem, seu Choream seu consonantiam facit. De cætero ambæ Apollini, Musisque litant, ambæ numeris insistant, & temporum interualla obseruant, & pedibus cothurnatæ progrediuntur. Et quemadmodum Musica aures mulcet, & prout porrigitur, varios affectus mouet; ita & Poësis, quæ claudicans, hiulca, perstrepsens, inconnexa, fastidium legentibus, & auditoribus parit: uti si consona, grauis, ad numeros saltans, grata euadit, & mirum in modum animos oblectat, & mouet. Quare pari passu procedunt, & iisdem fere legibus diriguntur. Fundantur enim, ut dixi, in Arithmetica, & Geometrica proportionem; atque innituntur figuris numerabilibus, & geometricis, ex quibus eadem dimensiones, ac demonstrationes emergunt, quas in quantitatibus vel continuis vel discretis comparatis adinuicem, elicit Euclides totis sex primis libris, atque ad eam rationem de Poësi diiudicat Aristoteles in lib. de Poëtica.

133

POLEMICA idem sonat ac Ratio muniendarum urbium; quæ spectat ad militarem Architecturam; & est facultas tradens modum erigendorum munimentorum, quæ sint, tum ad propriam defensionem, tum ad hostium incommodationem. Extenditur etiam ad Castrorum ratam positionem, ad aciei instructionem, & modum procedendi ad prælium. Sicut in statarijs obsidionibus, ad obducendum vallum, ad prætenturas subito excitandas, ad fossas rite cauandas, aut in subita aggreſſione vel siccandas, vel implendas, &c. quæ, ni à satis versato in Mathematicis disciplinis Architecto, scitè dirigantur, infeliciter profectò bellum à Ducibus adornatur. Præstat ergò, (ut pluribus in locis monet Veget.) in rebus bellicis, militem, Duces, atque ipsum Imperatorem, nedum fortitudine esse præditum, rerum vsu probè instructum; sed & Mathematicis disciplinis, ac potissimum Militari Architectura, non leuiter imbutum, ut valeat loco & tempore, munimenta erigere, erecta ab hostibus, facile

cilè occupare; inutilia reddere, ac demoliri, ac tandem victoriam reportare. Etenim in belli alea, rerum pericia primas tenet, & feliciore euentu, plus pugnat immota, quam, si forti manu, ac militum multitudine dimicaret. Similiter

POLIORCETICA ars est extruendi, & scitè adhibendi machinas, & instrumenta bellica, ad Arcium propugnationem vel expugnationem inuenta. In qua sanè valdè excelluit Demetrius Macedo, Antigonè Regis filius, & in Regno successor: qui (vt scribit Plutarchus) inde Poliorceti nomen obtinuit, & inter alia, Helepolim excogitauit, ac Rhodo applicuit; qua mediante, & ipsam, & alias vrbes cepit, ac laudem ex facto, & nomen ex ingenio, reportauit; quasi Expugnator Urbium. Ex quo ipsis Machinamentis ad hoc factis, Poliorceticon nomen adhæsit: vnde de his integrum librum compilauit eruditissimus Lipsius, tali nomine insignitum.

POLI communiter appellantur duo puncta vtrumque in Sphæra, diametraliter opposita: pressus tamen in Sphæra mundi, & eius specimine, Armillari; quæ axem hinc inde terminant, circa quem tota Cælorum Machina circumuoluitur. Quoniam autem in Cælis plurimi motus sunt, & plura Mobilia, quæ in gyrum rotantur, vnumquodque per suam peculiarem Orbitam, quæ est Circulus maximus æqualiter distans à Polis, in medio constitutus; consequenter tot geminati Poli cuiusque Orbis Mobiliū, concipiendi sunt, quot orbis assignantur. Immo (vt bene obseruat Clavius,) etiam si nullum Mobile concipiatur, nihil feci in Sphæra, tot geminati poli concipi possunt, quot Circuli in medio constituti, qui vnā partem ab altera æqualiter segregent, atque vtrius termini duo Poli sint, ab illis distantes per integrum Quadrantem, & grad. 90. Nam Polus aliud reapse non est, quàm Punctum in conuexi cuiusunque Sphære superficie, vbilibet acceptum, quod per lineam rectam transeuntem per centrum, respondeat ad alterum sibi diametraliter oppositum. Sicque hac ratione, & Horizon habent suos Polos, duo videlicet puncta Zenith, & Nadir: Meridianus, duo puncta Ortus, & Occasus Aequatoris in Horizonte: Colurus Aequinoctiorum, duo puncta Solstitialia Cancrī, & Capricorni: & econtrā Colurus Solstitorum, puncta Aequinoctialia Arietis, & Libræ: &c. Sed tamen Polorum nomine, vt suprà innui, propriè veniunt ij, suprà quos Mobile aliquod per suam Orbitam æqualiter ab illis distantem, rotatur: atque adeo primariò veniunt Poli Mundi Arcticus, & Antarcticus, ad quos referuntur, Circulus Aequinoctia,

Ætialis, eiusque, hinc inde descripti Paralleli; suprà quos voluitur Primum Mobile, ac Sphæræ inferiores, ab eo simul eodem motu capta: & secundariò Poli Zodiaci; & Eclipticæ, suprà quos voluuntur Secunda Mobilia, contrario motu ab Occidente in Ortum, in suis quæque Orbitis. Atque Eclipticæ Poli, seu Orbitæ Solis sunt definiti in Coluro Solstitiorum, in æquidistantia à Polis Mundi, quantum in maxima declinatione distat Ecliptica ab Aequatore, hoc est grad. 23. min. circiter 32. Et quoniam reliqui Mobiles, & Planetæ non incedunt per Eclipticam, sed per suas cuiusque Orbitas, quæ aliquantisper defleunt ab Ecliptica, incedentes cum latitudine, & interfecantes eam in duobus punctis oppositis, quæ puncta etiam suas sedes permutant, & vocantur Nodi, seu Caput & Cauda Draconis, vt aliàs diximus; ideò singulis Planetis, & suis Orbitis, sui Poli cuique singulares, & proprii, assignandi; qui tantundem à Polis Eclipticæ distent, quantum ipsorum Orbitæ in maxima latitudine distant ab ipsa Ecliptica.

- 136 Porro cùm Poli isti sint puncta in Cælo non oculis perui-
 sed mente concipienda, (realia tamen, & certo loco fixa) solum ad
 rationem mensuræ motus cuiusque mobilis, definiuntur. Et Polus
 quidem Mundi Arcticus, ad hoc vt probè internoscatur (quod ne-
 cessarium est ad habendam adamussim eius eleuationem suprà
 quemlibet Horizontem) oportet vt imaginemur lineam rectam du-
 ctam à centro stellæ polaris, seu postremæ in cauda Vrsæ minoris
 ad sibi proximam in eadem cauda: super qua postea constituatur
 triangulum æquilaterum versus caput Vrsæ maioris; nam vbi defi-
 nit apex dicti trianguli, ibi adamussim situs est Polus. Cuius postea
 altitudo, facile per Quadrantem, aut aliud consimile instrumen-
 tum inuestigabitur.


- 137 POLICHRONIVM ex græco dicitur, quod est longæum, diutur-
 num, & multi temporis. Hinc apud Astronomos inualuit, vt Pla-
 netæ tardi motus, & ponderosi, (vt mox dicemus) Polichronij an-
 tonomaticè appellarentur. Itaque

- 138 PONDEROSI Planetæ audiunt, qui celi graui pondere pressi,
 cunctanter, lentè, & quasi laborantes incedunt: quales sunt sim-
 pliciter Superiores, Saturnus, Iupiter, & Mars; qui motu suo in
 Zodiaco tam graues incedunt, vt nunquam vnum integrum gradum
 in dies angulos permeent, & aliquando tres, & amplius dies insu-
 mant in vno eodemque vincendo, & peragrando. Quamquam, (si
 rigorosè verbum sumamus,) Ponderosus dicitur respectiue ad alium
 qui-

qui sit expeditior, & velocioris morus: unde fieri potest, vt qui simpliciter Ponderosus est, secundum quid, & ad alium comparatus dicatur leuis, vt est Mars respectu Superiorum, Iupiter respectu Saturni. Quinimò ex accidente sæpè euenit, vt qui natura sua ponderosus est, per alterius retrogradationem, aut motum directum circa absides sui epicycli, qua stationarius fit, ac lentè nimis graditur, & aliquando penè insensibiliter, (vt videre licet in Ephemeridibus) ideoque videatur velocior; inde est, vt ille qui alias ponderosus est, dicatur, leuis; & iste è leui, tardus & ponderosus euadat.

PONS, præclarissimum Architecturæ Opus, & ingeniosæ necessitatis inuentum, ad Naturæ defectus supplendos, ad disiecta connectenda, & humana commercia propaganda; Pacis symbolum, & Animorum consensionis imago: à pendendo, quod aquis impendat, siue à pandando, siue ab imponendo, dictus. Neque enim vltimum, aut grauius ad maiestatem, aut speciosius ad venustatem, aut opportunius ad publicam vtilitatem, ædificium excitari potest, quod Pontibus æquiparetur. Olim in prisca ætate, omnes sublij erant, nec tanta firmitudine, & nexu extructi, quales sunt nunc, lapidei; ex opere fornicato, magnis pilis in aquam iactis, & in solidum exedificatis, insistente in quo sanè Architectura omnem sollicitudinem suam, omnes artis industrias, omnes tum diuitiarum, tum sapientiæ thesauros impendit. Quorum construendorum ratio, & peritia in dies adeò inualuit, vt in fluxilibus vitæ huius operibus bellorum furori, ac temporis voracitati subiectis, nullum stabilitate sua ad æternitatem magis adspiret, quam Pons; vel in fluxili, & in lubrico positus. Eius ritè conficiendi præcepta, præ omnibus breuiter, & accurate collegit Leo Bapt. Albertus, lib. 4. cap. 6. De Re ædificator. in hæc verba. *Eius partes hæc sunt: Subices riparum, Pile, Fornix, Instrutura. Inter subices riparum, atque pilas hoc interest, quod hæc valido penitus obnixu persistent, necesse est; non ad sustinenda modò superiectionis fornicis pondera, uti & pile; verum, & ampliùs ad prima pontis capita, & arcum vim arcendam, & continendam, vt quid pandant. Ergò eligendæ Ripæ, vel potius rupes (lapideæ namque obfirmissimæ) quibus pontis capita committas. Pilarum numerus ad fluminis latitudinem refertur. Arcus impares, cum delectant numero, tum & conducunt firmitati, nam mediis fluenti cursus quò à coërcitione riparum remotior est, ed & liberior; & quò liberior, ed & concitator, atque impetuosior deuoluitur. Ergò is quidem linquendus est vagus, ne pilarum firmitati officiat illustrando: & locandæ per fluminis pile quidem, ubi castigatiores, & vt ita dicam, desidiores vnde præterlabantur.*

Hæc Albertus: pergens subinde tradere, qua arte ducendi sint arcuum fornices, quomodo instratura stabilienda, & ea omnia, quæ ad molis persistentiam, & obfistentiam aduersus quosque rapidè currentium aquarum impetum, necnon ad traducendorum defuper iminentium ponderum grauitationem, pressionemque conducunt. Denique proponit modum, quo instratura dirigenda sit, quatenus nimirum latera potissimum constrari debeant, & communiri structura firmissima, & lapide superinduci nec pusillo, nec forma volubili, qui leui appulsu diuelli possit; nec item tam lato, & amplo, ut illic, tanquam in lubrico, iumentum (alioquin pondere prægrauatum, aut attractione defatigatum) pedem figere nequeat, & prius ruat, quam fixam, ubi ungula restitet, & firmetur, inueniat. Sed inter omnes lapidum species, ex veterum obseruatione, Siliceum anteponit, cuniquè durissimum, ea præsertim parte locandum, quæ iumenta, & plaustra transmeant, & pressionibus, & concussionibus solum tundunt. Et ibi quidem planior instratura; ad spondas verò ac latera, aliquanto decliuus; quò exceptus imber prætersuat, & abijciatur. Quæ decliuitas satis ad rem commoda erit, si ipsa instratura in medio fuerit fastigiata, & exinde sensim decreseat ad latera, ad rationem bini cubiti latitudinis, vnum circiter digitum.

 Atque hæc est pontium stabilium, & lapideorum structura. Quorum pulcherrimi porro, & per plures oppidò firmi, & magnificè facti visuntur in Italia, & in specie Romæ, Florentiæ, Veronæ, ubi mirabilis est is præsertim, qui Castro (ut aiunt) veteri adiacet; à Vitruuio, (vti fama est) extractus, adeoque ab eo denominatus: in quo supremus arcus Castello inhærens, miræ, & adhuc inuisæ magnitudinis est. Nec prætercundus est, qui Venetijs suprà Canalem maximum, sed, ut dicunt, *Riuum altum*, constructus videtur, totus è marmore, & vnico præcelso arcu, tam spatiosus, ut suprà se cum duplici ædium serie, tres calles admittat, tam firmus, & fortis, ut pondus superstructarum domorum, & officinarum omni genere, vernalium mercium instructarum, inconcussè sustineat: adeò vrbi commodus, adeò venustate, & maiestate plenus, ut nescias, num gratior visu sit, an utilior comœatu.

140 At, quoniam de maiestate ac magnificentia sermo est, procul inuidia, cedant (mea quidem sententia) oportet omnes Italiæ, quin & Vniuersi totius pontes, duobus celeberrimis extrà Italiam in Europa positis; alteri, Lugduni in Gallia suprà Rhodanum à Traiano Principe, ut perhibent, ædificato; alteri Londini in Anglia suprà Ligerim; vterque suprà viginti magnas pilas impositus, totidemque amplis fornicibus continuatus (neque enim minus requirebat fluuiorum

rum alueus, omnium Europæ amnium, si vnum excipias Danubium, latissimus) atque aquarum affluentia, & rapiditate iugiter verberatus. Scio equidem in Sincensi Regno, maximos quoque annes extare, supra quos perhibent, miri operis, & longitudinis pontes extructos: At nescio, an præfatis comparari possint in omnibus: Etenim Sineses in extollendis rebus suis, nimij sunt, & in historijs nostris, in his quæ longinqua sunt, fama crescit eundo. Hos vti, & alios in Orbe celebriores, per longum censet Simon Maiolus in *Diebus Canicular. Colloqu. 23.*

Sed iam tempus est, ut ad sublicos pontes calamum admoueamus, qui non tam in pacis otio, quam in belli alea, mirifice profunt, & maximo sunt adiumento, tum ad commentus, & facilem exercitus transiitionem, tum obsidionibus ad intercludendum hostibus comitatum communicationem, & viam ad ferendas suppetias, &c. qui necessario debent esse impositici ad tempus, & amouibiles, prout ratio belli postulat, materia suppetit, & locus, ac tempus pennittit. De his plura habet Vegetius lib. 3. cap. 7., & lib. 4. cap. 17. vbi Stevvechius multa congerit, ex Herodiano, Diodoro Sinculo, Cæsare, Amniano, & alijs bellicæ rei Scriptoribus deprompta. Ex quibus, alij sunt stabiles, super firmis, & magnis tignis in fluuiorum alueis adpactis, erecti & contrabulati: ut erat celebris ille Cæsaris, supra Rhenum positus, ab eodemque lib. 4. de bello Gall. studiosè descriptus: alij compactiles, & ad tempus simul necendi, ac post usum, mox dissoluendi: alij ex nauigijs in latum simul dispositis, & colligatis: alij ex vtribus, & inanibus cuppis: alij demum pensiles, & turribus ambulatorijs appliciti, qui, cum hæ muris appropriabant, subito explicabantur, & validam militum manum in urbem obsessam, intra mœnia immittebant; de quibus alibi.

I 41



Hic autem, vbi de militaribus, ac sublicijs pontibus sermo incidit, me temperare non possum, quin duos saltem nostra ætate memorabiles, ab opere, & situ dilaudem; vnum adhuc extantem in Vngariæ aditu ad Dravum amnem, dictum de *Esseck*. alterum ad tempus erectum in celebri illa biennali obsidione Antuerpiana, ab Alexandro Farnesio magnorum spirituum duce intentata, ac tandem, per hunc æternæ memoriæ pontem super Scaldim iactum, feliciter consummata, Et de primo quidem (quem lubens in medium fero, quoniam dum hæc scribo, lætus nuncius venit referens, eum integrum, inuiolatumque cum superimposita arce, è Turcarum Tyrannide, insperatò & sine sanguine, in Leopoldi felicissimi Imperatoris, potestatem venisse,) exscribam, quod de eius origi-

I 42

ne, structura, & longitudine, ex Belcaro gravissimò Gallorum Historico, deprompsit Naudæus, & literis commendavit, in Sintagm. de studio militari lib. 2. cap. 8. Quod cum Solymanus II. Turcarum Dominus, Hungariz inhians, cum ingentibus copijs in eam penetrare pararet, vidissetque obstaculo sibi esse Drauum fluuium, circumfusaque per totam regionem paludes, cæco furore, & impotenti auditate actus in rabiem, nuncium remittit Hamsamo Bego Copiarum Duci, cum mandatis, ut quæ in mantili litteris aureis suo nomine scripta erant, protinus exsequeretur. Erat autem hæc sententia. *Sultanus Solimanus per hoc mandatum edicit, ut pontem quocumque loco, quavis ratione poteris, Drauo statim imponas: qui nisi ad meum aduentum paratus erit, te hoc mantili siue linteo, strangulatum, atque ad Draui ripam suspensum iri, certò scito.* His perlectis, solers aliqui, & bellicarum rerum scientissimus homo, animo consternatus, & ferali imperio exterrfactus, cum desperatio, & comminationis mortis paor vires sufficeret (ut sæpè viris fortibus vsu venit) pontis extructionem exorsus est, in longitudine extensum ad milliare Germanicum, hoc est, quinque ex nostris; tanta celeritate, ut intrâ duodecim dies absoluerit; tam validum, & latum, ut commodè potuerit Tyrannus cum toto exercitu, & bellico apparatu Drauum rapidissimum flumen, & impermeabiles paludes trajicere, ac superare, Regnumque opulentissimum, magna ex parte, occupare, felicibus inijs expugnato Zygheto munitissimo oppido duplici Arce protecto: quo tamen fructu laboris, & gaudio, potiri haud potuit; cum triduò ante expugnatam urbem, ex apoplexia interierit: celata ex industria à Mahomete Bassa Selimi filij successoris genero, ut miles strenuè opus prosequeretur, ac nouo Principi cederet acquisitio.

In alio genere fuit admirabilis Pons Farnesianus propè Antuerpiam excitatus, qui rebellium tandem obstinationem, & perniciam fregit, atque authorem suum immortalis gloria cumulauit. Hic enim uerò parem tanto operi orationem exposceret, sed dicere supersedeo: tum, ne iustam scriptionis mensuram transiliam; tum potissimum, ne acta agam; quæque ab duobus eloquentissimis Belgicarum rerum scriptoribus, Card. Bentiuolo, & Famiano Strada, luculentissimè tradita, obscurare potius, quam enarrare.

143 PORISMA est quædam methodus ab Antiquis potissimum obseruata in demonstrationibus mathematicis construendis, qua aliqua propositio assumebatur demonstranda in tali forma, quam verè nec Theorema diceres, nec Problema, sed ynumquid ex utroque resul-

resultans. Recentiores vero, Porismatis nomine, intelligunt conclusionem illam, quæ ex resolutio problemate manifestè deducitur; nil tamen habet cum eo commune, sed eo ipso accipitur vt Theorema certum, & iam demonstratum. Qua de re, vide quæ habet noster Guarinus in Prologomenis ad Euclidem Adauctum.

PORISTMON, & per contractionem ac syncopen, *Porishmon*, 144 apud Geographos sonat angustias maris intra duos terminos Continentis inclusi: contrà quam Istmos, qui denotat exiguum tractum telluris in mare per longum excurrentem, atque illud in duo veluti seminaria disponentem. Hoc autem Latini *Fretum* appellant: de quò fusè diximus suo loco.

PORTA patentissima vox est, qua denotatur patens aditus in ædificium, quamque necessariò pertransire debemus, cùm illud ingredi volumus, aut inde discedere. Ostium etiam communiter dicitur: Quanquam Ostium reuerà quid minus sit, & de priuatarum tantum ædium aditu vsurpatur; Porta autem, nescio quid grandius sonet, & de Magnificis, aut publicis ædificijs, ac præsertim de aperitionibus publicis in muro circumdatiis Oppidis, dicitur; id quod etiam in Castris locum habet, & in locis munitis, qui fida custodia egent, & iugi militum statione, qui sedulò obseruent qui intraturi sunt, vel egressuri, sicque insidias detegant. De Castris in specie, hoc notat Lipsius in Tacitum lib. 1. vbi vtplurimum apud Romanos quatuor Portæ aperiti consueuerunt, vna in anteriori parte, dicta Prætoria, quoniam è directo Prætoris tentorium respiciebat: altera Decumana, in postico hostibus opposita: & si in quadrum Castra disponebantur, duæ item ad latera, in media distantia, quæ se mutuò respiciebant, & cum prioribus, duas vias per directum stratas habebant, quæ se in medio ante Prætorium decussabant. In Vrbe etiam Roma, celebres erant, & in aliquibus adhuc denominatio mansit, Porta Collatina, Nomentana, Salaria, Pinciana: & Hierosolymis, Triumphalis; & alibi aliæ, vel ab opere, vel ab insigni aliquo factæ, vel à Còditoribus, aut restauratoribus appellatæ, vel sanè à viâ, aut insigni aliquo loco, in quem terminant: Cæterum quod ad Portarum structuram attinet formam, & ornamenti; eadem serè præcepta traduntur ab Architecturæ Scriptoribus, quæ suprâ de Ostijs dedimus; nisi quod in Portis Urbium, grauitas magis, quam venustas requiritur, vt alibi etiam obseruamus, & idèd nō nisi Doricus Ordo aut Tuscanus admittitur. Similiter obseruat Philander in cap. 6. libri quarti Vitruui. *Portas Urbium fuisse arcuatas, quæ extant Veterum*

rum monumenta argumento sunt: priuatorum ædium Ostium arcuatum, aut etiam Sacrarum ianuam, nusquam reperies. In reliquis qualitati ædificij aut Ciuitatis, conformari debent, vt pars toti: nempe vt magnis ac splendidis Vrbibus, magnificæ etiam Portæ aperiantur; pusillis, & obscuris Oppidis, breues & humiles, ne aliâ in habitatores cadat irrisio, qua Diogenes Mindæ ciues notauit, modicæ Vrbi amplissimas portas, easque magnificas aperientes. O Mindij, dixit, Portas claudite, ne per illas vrbs vestra exeat.

- 146** PORTICVS similiter quid sint, satis per se notum est: quippe & nomen iam commune factum est omnibus fere linguis, & Nationibus Europæis; & res significata per nomen, omnibus obuia est, & magnæ commoditatis in ædibus. Intelliguntur enim per illud, amplæ, & tectæ ambulationes, arcibus, & intercolumnijs interlinctæ, quæ ædibus adiunguntur, tum ad magnificentiam & ornatum, tum ad liberam expatiationem, & confugium, quod vel hyemali tempore, nos recipimus, & tuemur ab imbris; vel æstiuo protegimur ab ardentibus Solis radijs, amœna sed minimè opaca vmbra fruantes. In quo multum Italix Vrbes abundant, & non solum Sacræ ædes, & publica ædificia, amplis porticibus in fronte, & ad latera decorantur, sed & priuata in aditu sibi in longam seriem respondentes, suas porticus habent; itaut tota Ciuitas porticata sit, & liberè commeari queat sub tecto: vti videmus Bononiæ, Patavij, & alibi passim. Ex olim in Gymnasijs, Palæstris, & Balneis, vbi omnis conditionis homines confluentes expatiabantur, apponi potissimum solebant; quos Xystos vocabant, vt alibi diximus; nunc frequentiores, & promiscuè in omnibus ædibus. Porticus (inquit Philander ad Vitruu. lib. 5. cap. 9.) additæ sunt Sacris ædibus, illustrium virorum domibus, & publicis ædificijs; necessitatis, aut ornamenti, animinè causa. Sub eis repentinas pluuias vitabant, umbrasque & frigora captabant, varijsque sermonibus diem consumeabant, à meridie Solem, hyeme, à Septentrione æstiuas umbras excipientes. Quod ad earum architecturam attinet, diuersa circumferentur præcepta, pro diuersitate, & qualitate operis, cui adiungendæ sunt, vt in cæteris ædificij membris tradidimus. Alia enim ratio conuenit Scenæ, & Theatro; alia Sacris Aedibus, alia priuatorum domibus. Sed in Basilicis potissimum æquum est, vt grauitas, maiestas, & pulchritudo eniteat. De his hæc habet Albertus lib. 7. cap. 5. Nusquam erit breuior habenda porticus in quadrangulis templis, quàm vt integram templi latitudinem capiat; & nusquam erit latior, quàm vt sit pars longitudinis tertia. In porticibus, quæ ad latera templorum sunt, columnæ à parietibus

bns cellæ, spatio distabunt intercolumnij. In postico porticus, quam velis, istarum ipsarum, quas resuluimus imitabitur. Tempia rotunda, aut porticu circumvallabimus, aut tantum pro fronte porticum statuemus. In utrisque ratio latitudinis ex quadrangulis templis ducetur. Sed porticus, quæ fronte extabunt, nusquam sicut nisi quadrangulæ earum longitudo, aut totam intima aræ latitudinem capiet, aut cedit ex octaua, aut demum fiet nusquam breuior, quam ex quarta. Hucusque Albertus. Ad quam rationem, & symmetriam, videmus hic Romæ, tum ab antiquis tum à recentioribus Architectis, erectas porticus in Panthcone, in Basilicis Constantiniana, & Vaticana, S. Pauli, & S. Laurentij extrâ muros, S. Stephani rotunda, in Monte Cælio; & alijs permultis, pro earum amplitudine, & maiestate. Cæterum de alijs porticibus, suo nomine & magnificentia celeberrimis, quæ tum Romæ, tum Athenis, alibi que extasse, Plinius, Vitruuiusque tradunt, vtpota Insignis Porticus Pompeiana, Augusti &c. uti & Olympiæ heptaphona, de qua refert Plinius, quod septies vocem redderet; nulla memoria est, quæ supersit, à qua ideas operis haurire possimus.

PORTVS ex primigenia sui notione, nihil aliud dicit, quam locum septis, ac parietibus vndique clausum, ut habet Vlpian. in l. 59. ff. de Verbor. signific. Et quidem olim hoc nomine veniebat terrestribus insula, hoc est ædificium, siue in Vrbe, siue in agris, legitimum spatio (quod ambitum vocat Festus) à cæteris domibus, mercium importandarum, vel exportandarum causa, proprijs terminis seiunctum, & separatum; quod ideo claustris erat oblitum, & sera firmatum, ut non facile quis in illud, nisi domino permittente, ingredi posset. De qua re extat l. 3. §. Effractura ff. de Offic. Præfekt. Postea ab officij similitudine, & ab venalium mercium ingressu, Portus dictus est, & ei perpetuò nomen stetit, locus in mari, littori adiacens vndique conclusus, & à ventis tectus, ubi Nauium statio firmaretur, & à tempestatibus, fluctuum iactatione, & ventorum vehementia forent tutæ. Vtrouis autem modo portum accipias, bene ei congruit nomen, quod à portando desumptum est, eò enim comportantur, reponuntur, & asservantur merces, nauibus, vel plaustris de longe aduectæ, & inde etiam extrahuntur. Quare opus est, ut sit amplius, altus, siue profundus, ut cuiusuis magni nauigij capax sit, & probè à ventis tectus, ut stare naues in anchoris queant, & minime agitari. Ostia quoque seu fauces, per quas in illum intratur, apertæ; & eo loco dispositæ, ubi neque arena subsidens, ingressum impediatur, aut retardet; neque ventis expositæ nauibus periculum fiat inpingendi in scopulos, vel in extantia hincinde promontorio-
rum

rum claustra, sed rectā viam arripiant. Id quod si à natura habetur, vt in portu Messanenſi in Sicilia, & Lunenſi in Mari Luſitico, nihil opus alia cautione: ſin ſecus, oportet corrigere arte, quod natura peccauit, & extruccionibus, & excauationibus defectum ſupplere. Qua in re primum omnium, ventorum habenda erit ratio, & attendendum, cuiam plagæ regio obuērſa ſit, & quibus ventis obnoxia: vti pro exemplo ſit Genuenſis portus, qui lybico vento expoſitus, ab eo nimium infeſtatur. Quapropter his, & ſimilibus malis occurrī debet ſuperextructa mole, & oſtio ad latus aperto, vt intranſeſ, & exeuntes naues, præpotens inibi ventus non præpediat, non colluctetur, ſed potius obſecundet. Item eligendus eſt locus ad portum, non tabificus, aut peſtilens, immunis à Syrtibus, non vadoſus, ac tutus à piratarum accuſibus. Præterea in eius aditu conſtituenda eſt turris præalta ad modum ſpeculæ, è qua de longe obſeruari poſſit aduentantium velorum numerus, & qualitas, & ſi hoſtilia; illis, catenis aditus præcludatur, & è propugnaculis ponē poſſitis, tormentis impetantur; ſi verò amica, vnde ingreſſus pateat, commouſtret, & nocturnis accenſis luminibus dirigat, & inuitet. Quæ omnia luculenter habes apud Vitruuium lib. 5. cap. 12. & Albertum lib. 4. cap. 8. vbi id in ſinem generaliter monet, *vt hunc locum portui præferamus, qui faucibus mitiores, & ſeditiores auras ſpirat; quemadmodum ingredi & egredi volentibus ventis, neque dudum longum exſpectatis, valeas.*

148

POSTVLATA inter terminos, & vocabula quibus frequenter vtitur Mathematica, poſſimum locum habent, & eo nomine veniunt propoſitiones illæ, quæ in conſtructionibus, & reſolutionibus Theorematum, & Problematum, aſſumuntur tanquam fundamenta conſtructionis, & principia per ſe nota, quæ non indigent probatione, ſed eo ipſo ac pateſcunt, illico admittuntur, vtpote clara, & maniſeſta. Id quod in alijs procedit ex primis principijs per ſe notis, ſuper quæ argumentatio ordinatur, & in quæ tandem conſuſio terminat. Sic etiam in mathematicis demonſtrationibus, poſtulatut ali-quid, vt ratum ſit, & controuerti non debeat; ac deinde, eo fundamento iacto, proceditur ad vltiora. Vt, ſi ad aliquid demonſtrandum poſtuletur, à quouis puncto ad quoduis aliud, concedatur, extendi lineam rectam, (id quod ſtatim menti occurrit ex conceptione lineæ rectæ) vel, vt quouis interuallo, aut aſſignato centro, circulus deſcribatur, vel, vt data quauis magnitudine, alia ſimilis, vel maior, vel æqualis conſtituatur, &c. Hæ proſecto poſitiones, & axiomata citrà controuerſiam admittenda, dicuntur à Mathematicis *Postulata*, POS.

POSSE, POTENTIA, & POTESTAS in abstracto, sunt vocabula, quibus passim Geometrarum vtuntur ad explicandas virtutes, continentiam, æquivalentiam, & habitudinem quam habet vna quantitas ad aliam illi collatam, seu continuam, seu discretam. Et in discreta quidem seu numeralibus terminis, sæpe vtuntur Algebrici numeris pronicis sub nomine potestatis, hoc est, numeris figuratis, qui figuram aliquam geometricam imitantur, qui ex multiplicatione duorum, vel plurium siue æqualium, siue inæqualium numerorum alicuius lateris, educunt continentiam, & potestatem, quam habet vnum ad aliud: quæ postea potestas, & continentia progreditur ascendens per quosdam veluti gradus, quousque opus sit, & si velis, vsque in infinitum, ad aliquid demonstrandum: ita ut Primus gradus dicatur simplex latus, seu linea aut radix: Secundus, Quadratum: Tertius, Cubus: Quartus Quadrato-quadratus: Quintus, Quadrato-Cubus. Sexto, Cubo-Cubus, &c. vt videre est apud Vietam, Guldinum, Scottum, & alios, in Algebra Speciosa. In quantitate autem continua Geometrarum, posse & potentiam considerant, & attendunt in duabus lineis vel quantitativibus inuicem commensurabilibus: atque adeo duæ lineæ v. g. dicuntur ab ijs æqualiter posse, vel æqualem habere potentiam, quando saltem inter ipsas intercedere potest quadratum æquale alteri vel quadrato, vel parallelogrammo ex duabus hisce lineis prodeunti. Quum igitur dicuntur absolutè duæ lineæ æqualiter posse, semper intelligitur de quadratis inuicem collatis, aut de reſtanguſis cum quadratis; quæ videlicet, etsi non longitudine, saltem potentia, id est per sua quadrata, sunt inuicem commensurabilia: tantum enim quævis reſta linea aut quantitas valet, adeoque dicitur posse, quantum & valet eius quadratum. Vnde contingit aliquando, vt duæ lineæ terminatæ, sint potentia commensurabiles, quæ tamen non sint longitudine, (nam quæ sunt longitudine, manifestum est, quod sunt etiam potentia commensurabiles,) at quæ potentia sunt incommensurabiles, hoc est, in quadratis suis conuenire, & commensurari haud possunt; neque longitudine erunt commensurabiles: atque adeo absolutè, & simpliciter vocitantur quantitates, & lineæ incommensurabiles, & irrationales. Quocirca quotiescumque dicitur aliqua linea, vel quantitas æquè posse, vel plus, aut minus posse quam alia, cum conferuntur ad inuicem, intelligitur de ipsarum potentia, seu commensurabilitate in suis quadratis: sicque cum quæritur, in quo quadratum vnus possit super quadratum alterius, perinde est ac inquirere, quantum vna quantitas aliam superet in ratione potentiz, & commensurabilitatis. Qua de re totus est liber 10. Elementor. Euclidis.

150

PRAECINCTIONES in opere architectonico appellari solent Coronices, & generaliter complementa ædificij, quæ statim in locis, ac præsertim sub tecto, apponuntur veluti cinctoria, & retinacula, quæ parietes continent ne pandantur, perinde ac de columnis lingneis aliàs diximus, quod antiquitus in summo scapo præcingebantur annulis ferreis, ne ad impositum pondus funderentur. Id autem in structuris multò magis est necessarium, quando parietes non ex vno continuo lapide sunt, sed è pluribus, macerata calce, & arena connexis, & coagulatis in vnum, quique non circulariter procurrunt, sed in diuersa tendentes in angulum terminant, & vniuntur, atque adeo maiore firmitudine, & arrectarijs præcinctionibus opus habent. Quod ideò duas species præcinctionum agnoscit Leo Albert. de re ædificator. lib. 3. cap. 9. alteram, *qua nexus lapidum maiorum inducuntur, qui & crustas exteriores crustis interioribus, & ossa etiam offibus illaqueata reddant*, alteram, *quæ angulorum præhendendum, operisque detinendi gratia, per totam parietis longitudinem perduntur*. Et hos prociñtus primarios vocat, quorum situs (addit) *sedesque primaria est, ut summum parietis, veluti corona, immunem frequentioribus illis innexturis aquì in pedes quinos sunt*: quandoquidem cap. 6. enumerans primarias parietis partes, harum duarum præciñtus specierum mentionem facit, & vnã esse ait *mediam parietis partem, quæ illum circumambit atque amplectitur*: alteram *superiorem, hoc est pars ea, quæ vltimum parietis illaqueamentum habet*: hanc demum coronam nuncupant. In his igitur in quibus tota continendorum parietum ratio, & vis est, conuenit robustiores, & crassiores apponere lapides inuicem arrectarijs nexos, longiores quantum fieri potest, & latiores ipso pariete, vt in frontis proiecturam promineant, quique in planum sedeant ad libellam. Has præcinctiones Cosmus Bartolus, qui opus Alberti Italicè vertit, *Pianerottolos* nominat; Barbarus verò magis ad effectum operis, *Cinctas*.

151

In alio sensu, & ad disparatum valde effectum, præcinctionum nomen, earumque usum sumit Vitruu. lib. 5. cap. 3. vbi agit de constitutione Theatri; nempe pro rara graduum distributione, necum ad eorum nexum, sed ad colligendam vocem resonantiorẽque reddendam. Ait enim: *Præcinctiones ad altitudines Theatrorum pro rata parte faciendæ, neque altiores, quam quantæ præcinctionis itineris sit latitudo: si enim excelsiores fuerint, repellent, & eijcient in superiorem partem vocem, nec patientur in sedilibus sumptis, quæ sunt supra præcinctiones, verborum casus, certa significatione ad aures peruenire*. Vult igitur totam gradationem subselliorum per circuitum ductam, non æqualibus spatijs assurgere, sed diuidi in partes, quas diuisiones

nes

nes, præcinctiones appellat; ac singulis diuisionibus constitui gradus duplò latiores. Namque, vt eruditè explicat Lipſius, in Antiquorum Theatris erant diuisiones quædam graduum in orbem (hoc eſt interualla quædam relicta inter vnâ continuatam graduum ſeriem, & alteram) gradus videlicet latiores, altioresque qui reliquos minores veluti præcingerent, & compleſſerentur; vnde & nomen. Id autem fiebat, vt modò dicebam, nedùm ad connectendos, & veluti concatenandos ſuperiorum graduum ſeriem, inferioribus, quaſi interiecta circuitionis fascia, totum opus ſtringente, ſed ad ipſam conformationem theatri in hemicycli formam, quò vox, quæ in Theatris maxime locum habet, in vnum collecta, in angulis non diſſipetur; quin & in frontis angulos incidens refleſtatur, & magis reſonet. Et ideo Virruuius teſtudinatos fornices laudat in Theatris, probans exemplo motiouis aquæ in circulos, per lapidem in eam iniectum. Id quod nos clariùs in *Odeo*, & alibi expoſuimus.

PRAESEPE in Aſtronomicis, Stella eſt Nebuloſa, exiſtens in petiore Cancri Sideris Octauæ Sphæræ, de natura violenta Martis cum participatione Lunæ, cadens nunc temporis in grad. 3. Leonis, cum grad. 1. min. 14. latitudinis borealis. Stella equidem nimis infeſa, & peſſimæ conditionis: quippequæ cum quibuſuis planetis, & maxime Luminariis, congregiendans, non bonas inde qualitates hauit, ſed quod in eis vitioſum, ſuperabundans, & violentum, ſuiſque qualitatibus miſcet, deprauatque in monſtroſam coalitionem. Idque eò maxime, quod in hoc concurrunt cum ea Aſelli non longè poſiti; ſtellarum videlicet quartæ magnitudinis, ſed validiſſimæ, de natura eiſdem Martis cum participatione Solis: Ex quo amborum Luminarium (quod hic ſolum videre eſt) pugnantes qualitates vniuntur, & vitiantur; atque ex illis, mixtâ quadam, & praua qualitate deſumpta, ad importanda in effectibus mala, fortiùs roborantur, eorumque virtus intenditur. Quapropter nil mirum, ſi ijs cum Sole exorientibus, illicò turbatur aër, imbres ingruunt, venti impetuoſi, ac tonitrua excitantur; præſertim, ſi alter maleficorum acceſſerit, & econtrâ occidentes atque ab ijs ſeparatæ ſerenitatem adducant, & hyeme ſolitariae apparentes frigus intendant, ſerenitaſque ſuccedat: quod notauit etiam Plinius. In Genethliacis obſeruatum eſt, hanc ſtellam cum Luminariis, aut eorum altero, ſemper vitium aliquod in oculis, debilitatem, vel etiam cæcitatem importare. De cætero facit hominem agreſtem, vagum, ſeditioſum, turbolentum, & ſæpiſſime oculorum affectionibus laborantem. In hoc vno Aſtro condunatas ſimul detexit ſuo Teſcopio Galilæus

152



stellulas omnino 36. eo ordine dispositas, quem ipse exponit in Nuncio Sidereo, & Bayerus consignauit in sua Vranometria.

153

PRAESIDIUM in re militari, audit firma militum statio ad custodiam alicuius Urbis, munitionis aut castrorum, ubi locum defendere ab hostibus valeant, & fortiter propugnare. Vnde Varro lib. 4. de Lingua lat. Praesidium dictum vult, quod praesidebant aliquo in loco extra castra, quod tutior Regio esset. Sed iam nomen est Castris ad statua in locis muratis transijt, & signat potissimum robur eorum quibus Ciuitas, Arx, aut quauis munitio ad custodiam concredita est, atque in aggressionibus & obsidionibus defensanda: quocirca Praesidiarij ab Urbanis militibus distinguuntur, & ij ad hoc deputantur, quorum probata fides, & bellandi peritia, valeat locum ab hostibus contutari; excursions ad tempus facere, & ciues, si quando in fide deficiunt, reprimere, atque in officio continere. De qua re, alibi fusi.

154

PRAETENTVRAE etiam in re militari dicuntur exteriora, & accessoria munimentorum opera, quae arcu ex se alias mœnibus, & propugnaculis bene munitae adiiciuntur ad illam magis regendam, & hostes in ijs superandis conterendos, ac distingendos. Huiusmodi sunt, quas vulgo appellant Semilunas, & Riuelinos, illas ad capita propugnaculorum, hos à cortine regione, ultra fossam obiectos, opera cornuta, & coronata, reductus, retractiones, & alia de quibus singulis, suo loco. Dictae autem sunt Praetenturae, ut aliqui volunt, à prætendendo, quod prætendantur principali munimento, & illud, veluti extensis alis, tegant: Ego verò potius ortam nomenclaturam crediderim, quoniam re ipsa obijciuntur hostibus ad prætendum, & dum in his haerent, & superare tentant, multum sanguinis fundere, multum temporis, & virium infumere compellantur, & interim eorum robur infringatur, & arx intacta seruetur. Fauet huic explicationi Ammianus. Quia, inquit, Mesopotamiae tractus omnes crebro inquietari sueti, praetenturis, & stationibus agrarijs seruabantur. Et clarius author Notitiae vtriusque Imperij, edicit ad quem finem introductae sint Praetenturae, Ut videlicet Vigilijs in his, & agrarijs exercendis, prouinciarum quies circumdata quodam praesidij cingulo, illasa quiescat. Verum quaestio est de nomine; cum in re quid praetenturae sint, & ad quem finem institutae, omnes conueniant.

155

PRAETORIUM promiscue in Castris belli tempore, & in Urbibus, rebus in pace compositis, audit Praetoris Mansio, & Domici-
lium

linum, siue statarium, siue fixum in loco idoneo omnibus conspicuo
 præparatum. Denominationis originem adducit Festus; & trahit
 à Prætoris officio. *Initio*, inquit, *Prætores erant qui nunc Consules*,
& ij bella administrabant, quorum Tabernaculum quoque dicebatur
Prætorium. Erat autem locus in Castris, ubi fgebatur Imperatoris
 tentorium, habens è regione portam ab eo dictam Prætoriam, &
 Decumanam à tergo, ex diametro illi semper oppositam; ipsum
 verò Prætorium constitutum in medio, inter ambas portas, itaut
 eius frons, & porta prætoriana ad hostes esset obuersa, ac decume-
 na auersa, *ut cuncti*, (inquit Tacitus,) *ruerent ad portas, quarum de-*
cumana maxime petebatur auersa hosti, & fugientibus tutior. Verum
 de hoc aliàs. Nunc autem Prætorium in ciuilibus audit ædes pu-
 blica Magistratui ad ius dicendum posita, in quam populus ad iu-
 dicia confluebat, & ubi Iudices iugiter consistebant, siue ad inha-
 bitandum stabiliter, siue pro tempore, ut præstò essent ad litigan-
 tium concursum, atque necessitates. Olim ex Decreto Populi
 Romani, in singulis Prouincijs Prætoria constituta erant, hoc est
 domicilia publica, earum Præsidibus ad inhabitandum data, ut ha-
 betur in l. penult. Cod. de off. Rector. Prou., & alibi, tum in Iure
 Ciuili, tum Canonico, sæpè. De quorum construendorum ratione
 in loco idoneo, & partibus in ijs ædibus disponendis, plura habent
 Vitruu. lib. 5. & Albertus lib. item 5. cap. 9. Præterea apud ipsos,
 necnon apud antiquos Scriptores, Prætorium vocitatur suburbana
 ædes (quam pseudourbanam vocat Vitruu. lib. 6. cap. 8.) hoc est ea
 Villæ pars, quam sibi præfamiliaris ad inhabitandum reseruat.
 De quo Pallad. lib. 1. cap. 8. *Prætorij situs*, ait, *sit in loco cretione*
& sicciorè. Tandem in re nauali, pro Prætorio intelligitur totius
 Classis Princeps Nauigium, cæteris grandius, & instructius, quo
 Præfectus Classis aduehitur & omnia ordinat, & moderatur, ha-
 bens præ cæteris nauibus signum, & flammeolum volitans excelso
 loco positum, quò omnes respicere debeant, & quid in præsens fa-
 cere moneantur, præsertim in confusione prælij, ubi buccinæ, &
 turbarum clangor exaudiri nequit. Quod ideo Prætorium vniuer-
 saliter, & in vnaquaque re, accipitur pro mansione ab alijs com-
 muniibus segregata, loco, situ, materia, & structura præsigni.

PRAETORIANA COHORS in Acie militari, signat selectorum
 militum manum, quæ Prætori, seu totius Exercitus Duci adstare
 ad latus, eiusque corpus custodiret, ab eo numquam descendens.
 Eius primum authorem facit Festus Scipionem Africanum, qui pri-
 mus fortissimum quemque delegit, qui ab eo non discederent, & cætero

mnne-

munere militia vocarent, & sexquiplez stipendium acciperet. Quamquam Plutarchus in Pelopida, vult Gorgyam Thebanum, huius ordinis primum institutorem fuisse. Quisquis tandem huius cohortis inuektor fuerit, eam certè ad omnes nationes permanatam videmus, & non solum belli tempore, sed in pace, non tam ad corporis custodiam & tutelam, quam ad dignitatem, unicuique Principi sua Prætoriana cohors manet, & ante illum incedit, ac viam parat. Quæ de re, vide quæ eruditè habet Alexan. ab Alexandro, Diergenial. lib. 4. cap. 2.

157 **PRAEVENTIONALE** dicitur apud Astronomos aliquod respectuè ad aliud, quod est in eo genere principale, & primò intentum, sed ab eius qualitate dependet, & quodammodò specificatur, & præordinatur. Talis est constitutio Cælestis, ac Thema præcedentis Luminarium coniunctionis, aut oppositionis, quæ totam illam Lunationem immediatè sequentem specificat, & consequenter disponit, & præordinat omnes effectus qui durante tali lunatione, prodituri sunt, siuè boni, siuè mali; siue in conseruationem, & felicem progressum, siue in destructionem & interitum. Talis est quam attendere solent omnes Astronomi in rerum initijs, erecta cælesti figura; ex qua, & eius præuentionali, Luminarium coitione, vel oppositione, coniectantur de qualitate, & futura successione illius rei, quæ inde exordium sumpsit; vt in initijs annorum, & ingressibus Solis in puncta æquinoctialia, & solstitialia, iudicant de qualitate totius anni, & Quartarum, an sint fecundæ, vel steriles, pluuiosæ an serenæ, morbosæ, vel salutare. Id quod auspicantur nedum ex Constitutione Cælesti ipsius puncti initialis prædictorum temporum in genere, necnon etiam rerum in specie, quæ tunc eduntur in lucem, sed etiam ac potissimum ex præuentionali, vt dixi Luminarium congressu, vel oppositione, quæ habent totum id quod post ipsas sequitur, præordinare, atque ad prodeundum impellere. Deseruit etiam hæc præuentionalis obseruatio ad determinandum educationis tempus, quando aliàs est incertum, & id plerumque fit in Natiuitatibus hominum, quoad eas rectificandas per Amniodor Ptolemæi; ex planeta, qui plures prærogatiuas habet in locis Luminarium, vbi tum temporis erunt, atque in loco vbi prius celebrata fuit eorum Coniunctio, vel oppositio, vt nos alibi fusè examinauimus, & explicuimus. Quam viam rectificandi perpendit, & approbat etiam D. Thomas *Opusc. 28. art. 4. in responsione ad secundum*, vbi sermonem ingerens de vera hora Natiuitatis, sic loquitur. *Quia hora talis difficulter cognoscitur; ideo inuentum est remedium, vt acci-*
piat

piatur gradus ascendens circuli, hoc est, hora coniunctionis Luminarium
eni adequetur circulus: quia ille habet influentiam ad communem neces-
sitatem quæ proximè sequitur, vel accipiat Ascendens ad Natiuitatem
ex utero. Id quod, quanam methodo faciendum sit, cum plurimæ
circumferantur planæ inanes, & vacuæ; non est nostrum hic definire,
maximè cum de hoc argumento fuscè disputauerimus, nec ta-
men ita, vt in ancipiti, & re valde obscura, fluctuans animus firma-
retur. Sed tamen id summis labijs libare necessarium fuit, ad ex-
plicandam naturam, & ordinem huiusmodi Præuentionalitatis.

PRIMUM MOBILE. Vide in V. Motus.

PRINCIPIA & PRINCIPES olim in Militia Rom. erant certi 158
bellatorum Ordines, qui, teste Vegetio, lib. 1. cap. 28. primi in
acie dimicabant, postea Hastati, dehinc ad extrema referuati Tri-
rij. Verum obstat Liuius Romanarum rerum exactissimus Scriptor,
qui lib. 8. in Prima acie non Principes, sed Hastatos collocat, & lib.
44. necnon lib. 47. ex consuetudine Romanorum, semper secundum
locum Principibus tribuit, etiam cum Tririj subduci fuerint, &
ad restaurandum prælium primi in ordine constituti. De qua con-
trouersia satis à nobis dictum in V. Hastati. Quod hic addere occur-
rit, est, quod ipsum nomen, primum in militia locum indicat,
aut reipsa in pugnandi ordine, aut virtute, ac dignitate. Certè in
Castris, nemo in dubium vertit, quin Principia primo loco ante
Prætorium in tentorijs stabant, inde Hastati, & reliqui ordines, vt
notat Valtrinus lib. 4. cap. 5. Sed dicendum, tempore Reip. liberæ,
& Cæsarum, diuersam fuisse militiæ faciem vt & nomina, ordines va-
riasse pro Moderatorum placito, ab diuerso cum quibus pugnandum
erat, Nationum vsu: cui proinde Romani, ne ordines confunderen-
tur, se conformare cgebantur. Videndus est hac in re Stevvech.
in notis ad Vegetium, & eruditissimus Lipsius in lib. de Romana
Militia.

PRINCIPATVS in Stellis apud Astronomos, teste Abraham 159
Auenatze in suo Introductorio, est quædam dignitas illis accedens ex
Orientalitate à Sole in tribus superioribus, Saturno, Ioue, & Mar-
te, vel Occidentalitate in Inferioribus, Venere, & Mercurio. Sic
enim habet cap. 7. propè finem. Principatus est, vt sint tres Superio-
res Orientales à Sole, ab hora qua visione incipiunt oculari videri: tunc-
que sunt in eius principatu sublimi, donec inter eos & solem interueniat
aspektus Sextilis: & ab inde vsque ad Quadratum aspectum minuetur
prin-

principatus eorum sublimitas; & deinde ad stationem secundam non est ipsorum Principatus, etsi fuerint huiusmodi Planeta à Sole orientales, & occidentales à Luna, non erit isto sublimior principatus. Trium verò inferiorum planetarum incipiet Principatus ab hora visionis in Occidente, post Solis coniunctionem: & principatus elatio Veneris, & Mercurij permanet donec retrograndentur: & si fuerint Occidentales à Sole, à Lunaque Orientales; nullus isto sublimior Principatu. Luna autem usque ad mensis dimidium Principatur. Hucusque Abraham. Quare porro huiusmodi Orientalitas in Superioribus, atque Occidentalitas in Inferioribus, modo dicto, comparet Principatum istum in Planetis, seu faciat illos viribus validiores, explicatum fuit in V. V. *Orientalis, & Occidentalis Planeta,*

160

PRISMA definitur ab Euclide lib. 10. defin. 13. quod sit Figura solida, quæ planis continetur, quorum aduersa duo sunt & æqualia, & similia, & parallela: alia verò, parallelogramma. Ex qua definitione aperte colligitur, ipsum aliud planè non esse, quam lateratam quandam Columnam æqualis crassitudinis, cuius bases inuicem oppositæ, sint æquales, similes, & parallelæ, quæcumque tandem formâ prædita sit, siue triangulari, siue quadrilatera, siue pentagona &c. Vnde est, quod tot parallelogramma enumerantur in quolibet Prismate, quot latera, vel etiam anguli in vnoquoque oppositorum planorum reperiuntur. Vide quæ diximus in V. *Parallelopipedum.*

161

PROBLEMA generaliter accipitur in quavis scientifica facultate, pro propositione aliqua, quæ ad soluendum, seu saltem considerandum proponitur. In Mathematicis vero strictius, pro certa ratione construendi demonstrationem assumptam, quæ ita initur, ut tamen non respuat viam id aliter ostendendi: itaut circa idem propositum, & subiectum de quo agitur alia, & alia problemata id æquè probantia construi possint; in quo differt à Theoremate, quod sistit in contemplatione quantitatis præcisè, indagando specialem aliquam eius passionem, cuius constructio non aliter fieri potest. Quod ideo hoc in sola speculatione versatur, Problema verò tendit ad opus: Vnde rectè, referente Pappo, ad Antiquis hæc traditur differentia, ac definitur quod Theorema est quod proponitur in ipsius propositi demonstrationem: Problema quod offertur in constructionem propositi. Problema igitur respicit praxim, & est id quod simpliciter pro fine habet operationem, & rei propositæ solutionem, quomodo cumque fiat. Ut si quis dicat: *Solo Triangulum æquilaterum super rectam lineam*

neam constituere: Hoc enim uerò non vno tantum modo, sed pluribus, & aliter atque aliter quia actu inicitur constructio, fieri potest: uti etiam, si proponatur: *Super eandem Rectam lineam aliud Triangulum non æquilaterum, vel aliam figuram ponere*: eadem utique facilitate, sed non eadem methodo ad solutionem propositi deueniri potest: Et ideo appellatur Problema, ad instar problematis Dialectici, quod in utramque contradictionis partem affirmari potest: ita profectò in Mathematicis, eadem propositio hoc vel illo modo demonstrari potest; & circa eadem materiam, aliud in opus assumi. Non sic Theorema, ut suo loco dicemus.

Porro Problematis nomine aliquando venit id, quod vel nullo modo, vel sanè non nisi vnicè resolui potest: sed tùm id fit ad demonstrandum oppositum ex impossibili: & hæc ratio demonstrandi dicitur negatiua. Ut si in Problemate assumatur oppositum eius, quod directè probare volumus; ac facta hypothesi, per iam concessa perueniamus ad concludendum aliquid falsum, vel impossibile; ex quo apertè cognoscimus assumptam hypothesim esse falsam: tunc ex tali falsa deductione, conspicitur oppositum esse verum: & idcirco Problema ad suam naturam reuertitur, ut quod effertur, tandem redundet in resolutionem propositi. Benè tamen verum est, quod in ipsius propositionis exhibitione, Problema reperiri potest defectuosum, & falsum, siue per excessum, siue per omissionem alicuius particularis considerationis, quæ necessariò requiritur. Ut si quis proponat: *Triangulum æquilaterum constituere, quod habeat angulum verticalem comprehendens duas e tribus partibus vnius relli*. Hoc sanè erit improprium, & defectuosum per excessum: frustra enim, adijcitur illa conditio, quod *habeat angulum verticalem &c.* nam ea omni triangulo æquilatèro inest. At si quis dicat: *Volo Triangulum æquicurvium constituere*. Mutilum utique, ac defectuosum esset problema, quia foret indeterminatum, & requireret vltiorem specificationem, quale æquicurvium intelligat, utrum illud, quod habet basim maiorem, an quod minorem duobus curvibus æquilateris, aut certè basim utrisque æqualem. Fieri enim potest, quod multimodis variet; & ideo suspensa, & defectuosa erit propositio, quæ non statim resolui potest.

Ex quibus manifestum fit, ea propriè esse, ac dici Problemata, quæ aliorum construendorum elementa iure condecet appellari: quæ nimirum, neque in aliquo deficientia, neque excedentia sint, & omnem indeterminationem euitent: ut profectò aliorum subinde construendorum valeant esse principia, & ex ijs alia item construere, ad alias demonstrationes perficiendas.

162 PROCESSION militare verbum est, & à militari ordine procedendi ad prælum, sumpsit exordium. Non enim confusè, & sparsim, bellatoribus licebat incedere, sed ordinatim, & sub sui quique signis. Hæcque ad sonitum buccinæ, quo exercitus Ductor imperabat, æquali itione movebantur, aut sistebant, ne turbarum quicquam, aut perturbationis irreperet. Idquod sedulò monet Vegetius lib. 2. cap. 22. *Sive ergò ad vigilias; ait, sive ad angarias faciendas, siue ad opus aliud, vel ad decursionem campi exeunt milites, tubicine vocante operantur, & rursum tubicine admonente cessant. Cùm autem moventur signa aut iam mōta figenda sunt, Cornicines canunt: quod idè in omnibus exercitijs, & processionibus custoditur; ut in ipsa pugna faciliùs obtemperent milites, siue eos pugnare, siue stare, siue sequi, vel redire præceperint Duces.*

163 Porro à militari ordinatissimo incessu, & bellica disciplina, ad pacis, & religionis opus transiit, factumque est Sacrum, Processionis vocabulum: ut iam denotet ordinatam illam Cleri, Sacrique Ordinis incessionem, sub suis quique signis, elato crucis vexillo, in publicis ab Ecclesia indictis supplicationibus, quà videlicet Christiana militia pium bellum cælo indicit, ut vel vi illud rapiat, & petira obtineat ab diuina misericordia. Cuius laudabilem vsum in Ecclesia antiquissimum ex Tertulliano, Basilio, Hieronymo, atque auctoritate Sacrosancti Concilij Laodicensi, luculenter probat Card. Baronius ad annum Christi 58. & videmus sapissimè effectum operi respondere.

164 PROCOETION, siue PROCAETON græcè signat in Aedificij constructione, partem illam, seu mansionem, quæ præcedit, & substernitur alijs recessibus, & cubiculis, vbi Matres familias moram trahunt. Id quod iam à Græcis ad nostros, & promiscuè ad magnatum Palatia transiit. Amphithalamum vocat Vitruv. lib. 6. cap. 10. quò ante thalamum sit, vbi ancillæ ad Dominæ imperata præstòerant, & nunc famuli vigilantes adstāt ad loci custodiam, ad remouendum velum, & introducendos alios familiares, & externos, & utcumque ad dominorum nutum, iussaque exequenda. *Anticameram* nos vulgò dicimus. Sed Procoetion aliquid amplius sonat, & Græcis Excubitorium designabat, vbi ancillæ de noctu excubabant, perinde ac milites in custodijs. Id quod benè notauit Plinius Nepos qui non contentus latino verbo, (quò aliàs sæpe græcizans, vsus est Vitruuius) Procaeton appellat in elegantissima epistola, quam scribit ad Gallum, lib. 2. commendans oppidò speciositatem, & instructissimam mansionem Villæ suæ Laurentinæ, quod æquè non faceret in

in partium enumeratione expertissimus Architectus. Sic enim rem exequitur. *Ex alio latere cubiculum est politissimum, vel cubiculum grande, vel modica canatio, quæ plurimo Sole, plurimo mari lucet. Post hanc cubiculum cum procetone, altitudine astium, minimientis hybernium est, subductum omnibus ventis, &c.* At propriè Procetion ex græca notione, militare vocabulum est, & significat reipsa Excubitorium, seu Militum stationem, positam extra Castra. *Procastrion* legit Asconius.

PROCYON, græcè dicitur Canis Minor, sidus in Cælo ad Boreale plagam, paulò antè Canem Maiorem exoriens, capropter nuncupatur etiam *Antecanis*; ab alijs verò Canicula: quos inter Plinius, qui de ea sic loquitur lib. 18. cap. 28. *Aegypto Procyon martino astuosus: quod sidus apud Romanos non habet nomen, nisi Caniculam hanc velimus intelligi; hoc est, Minorem Canem, sanè ut in Astris pingitur. & clariùs cap. sequenti, vbi hæc habet. Quarto Kal. May Canis occidit; Sidus & per se vehemens, & cui praoccidere Caniculam necesse est, & paulò ante de Galaxia disserens apertius dixerat: Ipse circulus fertur per Sagittarium, atque Geminos, Solis centro bis equinoctialem circulum secans, commissuras eorum obtinente hinc Aquila, illinc Canicula.* Et verè, si rei veritatem attendimus, huic sideri propiissimè hoc nomen stat, quotiescumque cum altero eiusdem nominis, quod ei proximè succedit in longitudine, comparatur; qui Sirius, & Canis Maior dicitur. Nihilominus communis Astronomorum acceptio, præsertim Recentiorum, fecit, ut pro Canicula Sirius intelligatur, à qua *Dies Caniculares* ob nimium æstum, & totius fere Naturæ concussionem famosi, denominati sunt, & incipiunt ab ortu Sirij vsque ad occasum. Sed hæc obiter, & vnicè ad nominis æquiocationem vitandam. Igitur Procyon, seu Canis Minor, duas tantummodò stellas complectitur à Ptolomæo notatas, & ab Antiquis receptas, vnâ splendidissimâ in femore existentem, primæ magnitudinis, de natura Martis, & Mercurij, ab Arabibus *Algomeyza* appellatam; alteram tertiæ magnitudinis, in ceruice, seu supra collum. At Recentiores Astronomi quinque alias in eo detexerunt, videlicet Tycho, tres; & Bayerus reliquas duas, non computatis alijs duabus informibus, quas cum Ptolomæo reliquerunt informes; omnesque obseruarunt, eiusdem cum superioribus naturæ esse, nempe Martis, & Mercurij. Sed ille duæ potissimum in consideratione habentur, quæ Sirij ortum anteuerrentes, eius miros affectus & præordinant, & adaugent: quod idè de vtriusque in Morborum indicatione, æqua lance ponunciat Hippocrates in Aphorismis,

rifinis, *Sub Cane, & Antecanem difficiles curationes*. Naues etiam, sub hoc sidere, exoriente cum Luna, è littore solueremalum est: & si Mercurius adstipulauerit, ventos impetuosos excitat, turbines, & procellas. In Agricultura etiam satis noxia est, præsertim vitibus, quod notauit idem Plinius suprà, vitium vocans carbunculum, seu vredinem. Hoc tamen (addit Stadius) præstat potius in Occasu Vespertino, præsertim si tunc temporis accidat Nouilunium, quia tunc viti, & oleæ germinanti affert vredinem. Oritur autem Romæ die 23. Iulij, & occidit 25. Iunij, quo tempore Oleæ, & vites germinant. Hinc olim non abre, Rustici in die S. Urbani de Vindemiæ qualitate prununciabant.

166

PROFECTIONES, siue *Progressiones* communiter vocitantur ab Astronomis, æquales regularesque Solis, aliorumque Significatorum per loca Zodiaci, secundum successionem Signorum permutationes; tribuendo singulis profectionibus integrum circulum, & adhuc vnum alterum Signum. Quæ quidem ab Antiquis in triplici genere considerantur; Annuæ, Menstruæ, ac Diurnæ. Profectio annua complectitur tredecim Signa, sibi arrogans tertiumdecimum, quasi colophonem, distribuendo, per anni Solaris dies. Itaut si Sol, exempli gratia, initio primi currentis anni, fuerit in grad. 24. Arietis, exacto illo anno, initium secundæ profectionis cadat in grad. 24. Tauri: & sic successiue in annos subsequentes, donec singulis duodecim annis expletis, reuertatur ad locum radicalem, quem tenebat initio profectionis. Cumque in hoc negotio interueniat spatium vnius Signi dissipandi per totum annum; sit idcirco, vt singulis gradibus profectionis, correspondeant duodecim dies; & Significator singulis mensibus proficiscatur in consequentiam Signorum, gradus duos cum diuidio.

In Profectione verò Menstrua; singulis mensibus tribuitur Signum vnum: itaut singulis diebus accrescat grad. 1. min. 4. secund. 4. eo pacto, quo annus solaris integratus ex dieb. 365. diuiditur in tredecim partes æquales, ad hoc vt in toto anno conficiatur integra reuolutio profectionis Menstruæ.

Denum in Diurna profectione, tribuitur signum vnum singulis binis diebus cum horis 3. min. 52. itaut in hac profectione, singulis diebus competant grad. 13. min. 53. Sicque Mensis profectionalis subdiuiditur etiam in 13. partes æquales: quo mense expleto, intelligitur significator regredi ad idem Signum, in quo fuerat initio mensis. Has differentias ac partitiones profectionum amplexati sunt præ cæteris (quos vocant) Rationales; easque tanti faciunt,

vt

in quolibet Cælesti Themate, per tabellas ordinent, & supponant singulis locis hylegiabus præfixis in fronte, cum signo, & gradibus quos occupant in radice.

Verum nonnulli acutiores Astronomi, qui omnia ad Philosophicæ veritatis lancem expendunt, atque ad Lydium Mathematicæ demonstrationis lapidem probant; hanc æqualem Progressionum periodum, prout modò explicata est, prorsus euanidam, ac fictitiam prædicant, nullo naturali principio innixam. Etenim, ut Professio naturalis sit, debet, inquiunt, eius mensura fundari in singulis re-
ditibus Lunæ ad eandem configurationem cum Sole, quam habebat in radice: Atqui, quemadmodum per directionis motum præordinatur in potentiâ calor vitalis cum suis coëffectibus; sic per Lunæ professionem præordinatur humidum radicale cum suis coëffectibus. Igitur sicut motus directionis non instituitur vniformis & æqualis in Aequatore, sed mensuratur ad rationem motus Solis in Zodiaco, ab ipsius exordio, vt alibi monstratum est; ita & motus Professionis ordinandus est ad rationem quotidianæ lationis Lunæ per signa Zodiaci, quæ peragitur assiduus & successiuus circulationibus, & reditibus ad eandem cum Sole configurationem, quam habuerat in radice: itaut singuli reditus Lunæ ad eandem cum Sole faciem, referantur respondeatque ad singulos annos sequentes; Lunæ verò peragratio, ad singulos subsequentes menses. Quandoquidē reditus hic Lunæ ad eandem cum Sole positum, representat ad viuum integrum anni cursum: nam illo temporis spatio, quo Luna post discessum à Sole, ad ipsum redit; & Sol viceuersà vnum ferè Signum perambulat; ascendunt ad Cardines Mundi tot signa, quot sunt anni dies ad vnguem: quod sic ostenditur.

Annus Lunaris constat diebus 354. Hos dispeſce per 12. Lunationes, & supererunt dies 29. ÷ in quibus Luna, facta integra circulatione, redit ad Solem; & est spatium mensis lunaris medium. Rursus summam hanc produc per 12. signa, quæ singulis diebus ascendunt ad Cardines; & habebis iterum 354. Signa, quæ successiuè ascendunt quotidie in Cardinibus Mundi, spatio vnus integræ Lunationis. Quibus adde adhuc vnum signum, quod interim percurrit Sol, & consequenter ascendunt ad Cardines; & fient 355. Quia verò non integrum signum reapse coascendit, sed aliquantò minus, hoc est, spatium quod emens est Sol in vna integra Lunatione (id quod sibi arrogat annum in professionibus) ideo aliquid aliud minus signo indicat diem: nam de duodecim Lunationibus in fine anni supersunt 11. ferè gradus perficiendi, in singulis lationibus Signiferi circa Mundum. Produc igitur 11. per 29. dies,
in

in quorum singulis ascendunt 12. Signa, & emerget 319. quæ summa in partes tributa, & ad signa redacta, constituent decem signa cum residuo, quæ iterum addita supradictis 355. constabunt summam signorum 365. cum dimidio, quantum videlicet est annus Solaris, quæ fundat verum, & realem motum profectiois.

- 167 PROGRESSVS vocat Vitruu. lib. 5. cap. 12. in genere architectonico, illam aggerum continuationem, quam *Dicchos* appellant Hollandi, & iugiter erigere compelluntur in littoribus maris, & alibi, ne inundantes aquæ, terram natura humilem obruant. His etiam vtinur ad continendos fluuios cum inundant, vel restringendos vt sint nauigabiles. *Leuatam* dicimus. Porro in portuum, constructione hac voce vtitur Vitruuius, docens quo modo, cum naturæ locus iniquus est, possit arte suppleri, & his progressibus reparari: sic enim loquitur. *Sin autem non naturalem locum, neque idoneum ad tuendas ab tempestatibus naues habuerimus; ita videtur esse faciendum; vti si nullum flumen his in locis impenderit, sed erit ex vna parte statio; tunc ex altera parte, structuris & aggeribus expédiantur Progressus, & ita confirmanda portuum conclusiones.* Hæc Vitruu. tradens subinde, quomodò fluctibus ingruentibus, adeoque opus impredientibus, occurrendum sit; iactis Arcis, ac stipitibus robusteis obfirmatis. Quod si adhuc tantus fluctuum impetus sit, vt structuram deiiciant, & arcæ non satis sint ad impetum retundendum; tunc præcipit, ab ipsa terra puluinem quam firmissimum esse sternendum, qui proclinatorum habeat latus, in quod fluctus illidunt, sicque in molli frangantur, interimque pilæ quam maxime ex ingenti lapide deiiciantur in subsidentem aquam, firmiterque superstruantur, & ita, (subdit) *arena fluctibus subruta, efficiet in mare pile præcipitationem.* Et hanc tandem concludit, esse optimam, & vnicam rationem, qua perpetuò stabilis duci possit in mari progressus ad claudendum portum, qui sit tutus, & fidam præbeat nauigijs stationem. Quemadmodum vidimus fecisse temporibus nostris, Genuenses, in portu aliàs capacissimo, sed impetuosisimis Garbini flatibus valde exposito, itaut diu naues in eo, absque periculo, consistere non potuerint: etenim ducto ab proximo littori promontorio, per transuersum iactis ingentibus saxis, arcisque conclusis, longo aggerum progressu ad vsque alterius lateris occursum, portum ita clauserunt, vt iam amplitudine, & stationis securitate, nulli alteri Europæ portui innideat. Ex quo magnum Reipublicæ nomen, magnum Ciuitati ornamentum, & emolumentum accessit.

PROHIBITIO LVMINIS, in Planetis est deterioratio vnius ex
vicinitate alterius, quæ secundum Abraham. Auenarre, fit duplici 168
modo. Vno, cum fuerint tres Planetæ in vno signo, sed diuersis
gradibus, fueritque Ponderosius in pluribus, leuior in paucioribus:
tunc qui est medius inter ipsos, prohibet lumen vnius ad alterum,
extendi, donec leuior ipsum transferit. Secundo modo fit per res-
pectus, vt si duo planetæ sint in vno Signo, iungaturque leuior pon-
deroso, & alius vtrisque ponderosior hunc excipiat, quocunque tan-
dem aspectu; tunc planeta sibi coniunctus prohibet aspicientem
vt ad alium, radium suum transmittat: ita tamen, vt gradus aspi-
cientis, & conspecti sint æquales: sin autem gradus aspicientis fue-
rint remotiores, aut propinquiore ad partilem aspectum forman-
dum, tunc non erit potis ponderosus superueniens, aspicientem lu-
mine prohibere.

PROIECTVRÆ in opere architectonico, generali vocabulo di- 169
cuntur partes illæ, & ornamenta, quæ in ædificijs extrâ eorum am-
bitum ad perpendicularum proijciuntur, & extant; vti sunt suggrun-
dia, coronæ, cymatia, & vniuersim in columnationibus, omnia
membra, quæ columnæ scapi crassitudinem superant. Has sæpè
græco nomine *Ecpboras* appellat Vitruu., & lib. 3. cap. vlt. earum
in singulis rationem tradit, & prominentiæ, quæ cuique parti ad
visus complementum competere debeat, modum imponit. Qui qui-
dem, vt plurimum in eo consistit, vt quanta est singulorum membro-
rum altitudo, tanta sit proiectura, & exportectio, quam idcirco nos
Itali expressiore fortè vocabulo *Sportum* vocamus. Sed de proie-
cturis volutarum in capitulis columnarum Ionicarum, vt in mutulis,
& incumbis, aliter est definiendum, vt suo loco dicemus.

PROMISSORES in motu directionis, dicuntur sidera, quæ oc- 170
cursant identidem locis significatorum, qui melius explicantur per
verbum *Occursantes*: quod ideo, vide quæ diximus suo loco.

PROMONTORIUM in Geographicis, audit Mons in Mare proie- 171
ctus, & adiacens, itaut radices eius, magnam partem, intrò excur-
rant, & fluctibus impetantur. In quo genere infiniti propemodum
sunt in vniuerso Orbe. Sed illi nominati sunt, & apud Geographos
in consideratione habentur, qui infames, ac vastitate sua, austra-
libus, præruptis rapibus, procelias & tempestates creantes, nomi-
ne suo terrorem incutiunt, & naufragantium desperata salus, & pe-
stis dicuntur. Tale est imprimis Promontorium Malæ Spei olim à
Nau-

Naucleris denominatum, in Africæ extrema ora ad occidentalem; plagam constitutum, quod mare illud impermeabile reddit, & semper tumens, semper horrifonum minas intemat, audentibusque propius accedere, mortem minatur, sæpe affert, vel absorptis, vel allisis ad cautes nauigijs. Huius terribilis Monstri conditio, cum Ioanni II. Lusitaniz Regi sacram expeditionem in Orientales Indias adornanti referretur à Naucleris ac Ducibus ab eo missis; innuò, inquit, ad auertendum omen, *Bonæ Spei* Promontorium appelletur: & exinde tale ei nomen stetit in Geographicis chartis, dictum vulgò *Capo di buona speranza*: quippe huiusmodi Promontoria ex quadam analogia, generaliter Capita nuncupari solent. Huic contentum est alterum ad Austrum vergens, non minus tempestuosum, sed adhuc perfidum, & ventorum subita eruptione, malignum: cum in ipsa maris tranquillitate silens, naues ad se tentandum allicit, ac postea infringit, ac deuorat; vnde ei *Capitis Falsi* cognomen tum adhæsit. Id autem totum prouenit ab duorum fluitantium elementorum colluctatione, quæ cum alijs bonæ indolis sint, & placide exspatiari, natura habeant; si quid forte eorum libertati obsistat, & remoretur cursum; mox insolescunt, fremunt, insaniunt, & ær in ventos impetuosissimos vertitur, & aqua in fluctus, ipsis rupibus altiores assurgit, quasi hæc illas absorbere, illæ deicere satagant. Sunt, & alia eiusmodi Promontoria, licet non adeò nauigationibus infensa, quorum longum Catalogum affert Ferrarius. & post eum Antonius Baudrandus, in nouo Lexico Geograph., in duos magnos tomos tribuit. Sed hic silentio obuolui non debent quæ nos in Italia nostra memoria digna conspeximus, ac felici nauigatione lustrauimus, etenim experta, & superata pericula, non minùs iucundè audiuntur, quam enarrantur.

- Itaque in Italiæ tractu, qui à meridie per occasum in Siciliam tendit, tria sunt, præcæteris, memorabilia Promontoria, Argentarium in Etruria, dictum Caput Populonium, ab vrbe olim celebri Populonia, in eius sinu sita, nunc autem vulgò *Capo Campanella* nuncupatum: Caput Mineræ in Picentinis, ad 30. milliaria ab Neapoli distans, & in mare proiectum, vbi modicum fretum cum Caprearum Insula formans, vulgò *Le Bocche di Capri*, transitum oppidò formidandum: & Caput Lacinium in Calabria, dictum *Capo delle Colonne*. Sunt insuper in Sicilia alia tria celeberrima Promontoria, quæ insulam triquetram faciunt, Trinacriamque denominant. *Lilibæum* vnum, se extendens ad mare africanum, versus Lybiam, vnde nomen: *Pachynum* in angulo orientali ad Austrum, Melitæ Insulæ obuersum, in distantia milliar. sexaginta: & *Pelorum* ad

ad Calabriæ terminos, versus Septentrionem; cum qua olim unitum fuisse creditur, sed postea à tempestatibus & impetu furentis maris diuulsam, aperto in medio angusto freto, sex circiter milliar., & ipso, suis naufragijs celebri, & Poëtarum fabulis decantato, qui inibi duo horribilia monstra latitare effigunt, ad deuorandas illuc incautè appellentes Naues, mox accurrentia. Et reuerà monstra sunt, natura ingenua, omnibus viuentibus monstris truculentiora; atque inexplebili voracitate inexorabiliora: quippe in se vno conplectitur duorum, suprà memoratorum Africæ Promontoriorum ingluuiem, atque immanitatem, ex altero insidias mutuans, ex altero furorem & violentiam. Scyllam & Charibdim dicunt, intrà angusti maris voracissimas fauces conclusas; hanc se tenentem ex parte Siciliæ prope Messanæ portum; illam Calabriæ insidentem: hæc insidiosa, & immensæ profunditatis vorago est, quæ vorticibus suis in amplum gyrum distentis, naues ad se attrahit, & momento viuas absorbet; illa præruptarum rupium incompacta congeries, horrifono prius latratu territat, dehinc ineuitabili reciprocantium fluctuum vi ad suas cautes allis, comminuit ac dispergit: vt quæ Scyllæ scopulos de longe cursum tenentes, euitare pro viribus gestiunt, iucident in insidiosum rete Charybdis, vtrinque pro portu, naufragium nactæ: ex quo enatum prouerbum:

Incidit in Scyllam cupiens euitare Charybdim.

Et Poëta paucis rem includens.

Dextrum latus Scylla, laeuum implacata Charibdis. Obsidet.

Hæc de nostris Promontorijs, vt penitus dissimulasse, foret iniuriosum, ita carptim dixisse, nã erit lectoribus gratum, certè non tædiosum.

PROMVRALIA, satis culto & expressiuo vocabulo, appellant Militaris Architecturæ latini Scriptores, quas communiter nostri Ingeniarij cum Gallis, & Hispanis, Militiæ sectatoribus, vocant ridiculè *Falsas Brachas*: terreas videlicet aggestiones ad modum aggeris excitatas ante mœnia, quâ parte hostilem campum respiciunt, per circuitum; quæ sint veluti scuta, & tegumenta murorum, aduersus repetitos ictus tormentorum hostilium. Deseruiunt etiam ad stationem militis præfidiarij stantis ad custodiam, & defensionem fossæ, ad arcendos vtique hostes ab eius tranatione, iugi scloporum explosione: qui ne & ipsi impune impetantur, habent ad labrum fossæ loriculam, qua se tegant. Fiunt autem, vt dixi, è terra aggestitia, interpositis fascibus ad consistentiam, & sudibus in terram defixis imposita, ne facile ruat, ad certam altitudinem, quod

imas murorum partes, quasi quædam fæmoralia vestiant, & operiant; in se recipiendo immisos færeos globos, quorum impetum in molli frangant, & fistant.



Verum praxis, & vsus postea docuit, huiusmodi additamentum plus plerumque periculi obfessis asserre, quam commodi. Etenim, vbi muri ex solido lapide fieri consueverunt (vt in Vrribus, & stabilibus Arcibus) sæpe promuralia ista, successu temporis, ipsis aggressoribus beneficio cedunt; nam facta per repetitos ictus murorum quassatione, facile sternitur ipsis via ad ascensum, per rudera in planum cadentia, vbi melius firmantur, cumulus cleuatur, & pes stabiliter figi potest: tùm ipsa saxa identidem è perrupto muro desiliunt, multum incommo-
dant milites propugnatores in ambulacro valli, vt modò diximus, consistentes ad tutelam fossæ, qui neque effugere, neque contutari se queunt, confertim, & in arcto positi, ab ingruentibus hostibus, vel certe ab multo plumbearum glandium imbre: quin certissimæ & ineluctabili internecioni subiacent confusi, inordinati, & male tecti. Quapropter hodie à Gallis, & expertis architectonibus, huiusmodi promuralia, vtplurimum non probantur, & vbi noua munimenta excitanda sunt meritò prætermittuntur: vbi autem iam facta inueniunt, consultius demoliantur. Alij verò (quod bene ijs aliquando cesserunt) dilaudant, & aiunt, huic malo facile occurri posse, per superstructum desuper tabulatum, quantum valli latitudo extenditur, ex firmis & crassis asseribus in decliuè dispositis, cui ad vnum aut alterum pedem, terra iniici potest, quæ tabulatum operiat, & cadentia rudera mollius excipiat. Sic enim milites probe tecti, & ab ruina tuti, possunt firmo pede stationem tenere, & hostem arcere à fossæ tentanda transmissione. Cæterùm hic valet illud, *Vsus te plura docebit.*

174

PRONAUM, seu PRONAOS ex græca notione, perinde sonat ac si dices Ante-ædem, vel Protemplum. Hoc vocabulo frequenter & promiscuè, prout res postulat, vtitur Vitruuius, qui libenter græcizat, siue vt græcè se sapere commonstret, siue ad conciliandam, non tam sermoni, quam operi maiestatem, exoticis, & peregrinis verbis. Cæterùm tam variè vtitur verbo per se indeterminato, & æquiuoco, vt nesciàs sæpe, quam præcise anterioris ædis partem indicare velit, nisi quando intelligi vult, & sese latinis verbis magis explicat, modo atrium, modo frontem appellans. Quapropter, vt huius vocabuli veram & constantem significationem obtineamus, ad Græcorum fontes debemus recurrere. Lucianus Græcus Scriptor, & non Architectus, Pronaum dixit ædis vestibulum quod est



est in subgrunda. Strabo Geographus, diuersum facit: describens enim lib. 17. celebre quoddam Fanum, quod est in Aegypto, hæc habet. *Post vestibula Aedes sequitur, Pronaum habens amplum, & magnificum, cellam autem adis mediam.* Salmasius in Solinum, Pronaum interpretatur frontem ædis cum columnis, & fastigio: qui plerumque, ait, maior fiebat ipsa adis cella. Quod sanè nequit intelligi, nisi quoad prospectum, & ratione altitudinis tantum; alioquin deforme, ac monstrosus foret ædificium, grandius habens caput, quam ipsum corpus: Baldus in Lexico Vitruuiano, rem bene perpendens, aduertit, Pronaum apud Græcos, idem esse quod prodromon, seu atrium, in prophanis ædibus, quod tamen Romano more non admittebant, sed tantum in Sacris: Vnde subdit. *In Græcorum adibus sacris, hæc erant. Pronaum primum prodromos, vel parietibus Antarum, vel columnis adificatum cum fastigio. Deinde propilæa, qui & Pyleon. Sequebatur adis Cella. Post Cellam adis Opisthodomos vel Posticum, ad idem fere instar factum, ut Prodromus, & Pronaum.* Circà latera adis, etiam deambulationes seu Peridromi ordinibus columnarum utrinque adiectis. Ante Pronaum Atrium, quod spatium erat sub dio. Igitur, Pronaum in proprio sensu apud Græcos, non erat Atrium, expansum ante Templum, sed simpliciter anterior facies templi, quæ in prospectu erat, aliquantò porrectior, siue in porticum, & columnatam ambulationem se extenderet, siue non: & ante pronaum semper erat vestibulum, seu aræa subdualis pro qualitate & magnificentia templi, modò amplior, modò angustior; sed semper latè patens, quò locum daret libero prospectui aditus templi, quod erat ipsum Pronaum. Cui prospectò hodie in nostris Basilicis magnificè excitatis respondet anterior pars, quam ab magnificentia & prospectus ostentatione, propriissimum, & aptatissimum nomen tribuimus, *La Facciata*, idque siue intus atrium, habeat, siue non; certè aliud à vestibulo, quod sub dio est, ante ipsum Pronaum, seu ædis ornatissimam faciem. Consonat Barbarus, qui in tanta Scriptorum varietate, eos mirè conciliat, & in hunc sensum adducit, exposita ad oculos ipsa Pronai, iuxta cuiusque acceptionem & partium distributionem, elegantissima orthographia.

PROPNIQEVVM item, quæ pars Vitruuius sit in Palæstris, & ad quæ vsum specialiter positum, ignoramus. Etenim in distributione partiũ ædificij, multas enumerat, loco disponit, munus explicat, latinis verbis exponit, sed aliquas exoticis ac peregrinis vocibus, tantum nominat, & in sua obscuritate relinquit, inter quas Propnigeum, de

quo nunc inquirimus. Ait enim lib. 3. cap. 11. *In duplici autem porticu collocentur hæc membra. Ephæbeum in medio, (hoc quidem quid sit, edicit) sub dextro Corticeum, deinde proximè Connistevium. Ad sinistram Ephæbei Elaotbesium; proximè autem Elaotbesium, Frigidarium, ab eoque iter in Propnigeum, in versura porticus. Philander latinè vertit Suffocatorium, hoc est (subdit) locum, ubi ignis præclusus aestuat, & Præfurnium significat. Sed non ad rem: quandoquidem mox addit Vitruvius, Proximè autem introrsus è regione Frigidarii, collocetur concamerata sudatio: Qua enim ratione iter in illud à Frigidario? & insuper conditionem adiecit, ut sit in versura Porticus, & postea sudationem collocat in eo, quod sit è regione Frigidarii? quando præfurnium, locandum aptius esset subtrus ipsam sudationem, ut in schemate exhibet Caporalis. Quin potius ex Vitruvii contextu apparet, quod hæc mansio distincta sit à sicca sudatione, & media inter ipsam & frigidarium. Accedit & græcæ vocis notio, quæ calidam lauationem sonat, in quam intrabant à frigidario lauaturi. Sed placet admodum antiquorum Codicum lectio, quæ habet *Propineum* à propiuatione, eoquod credibile valde est, quod eo loci, post corporis exercitationes, diuerneretur ad refocillandos spiritus, per aliquam leuem refectiunculam, & vini propinationem. Fauet Plin. II. in Ep. ad Apollinar. ubi Balnearum suarum partes exactè describens, inter alias, locum hunc, *Gustatorium* vocat.*

176

PROPORTIONALITAS, quam Græci Analogiam vocant, definitur ab Euclide lib. 5. quod sit *Similitudo, & comparatio duarum, vel plurium rationum inter se*. Dicitur etiam *Attributio, & Relatio*, quia facit, vnum referri ad aliud, tanquam subiectum attributionis. Ea est basis, & fundamentum, supra quod omnis mathematica structura consurgit, & inconcussa persistit; quinimò & Scopus ad quem omnia omnis Matheseos præcepta respiciunt, & collinant: quippe quæ, ex comparatione vnius quantitatis ad alteram, & inde ad alias, propè innumeras proportionales gignendas, earumque rationes inter-noscendas, veluti manuducit. Ut profectò ex ijs intellectus illuminetur, & fecundetur ad faciendas deductiones euidentissimas rerum natura sua cæteroqui abditissimarum, captumque hominum fugientium. Sunt igitur Mathematicæ rationes, ut probè aduerit Vitruvius lib. 1. cap. 1. omnis mensuræ, proportionisque respectus, quatenus, ut extensum est, proindeque aptum, ut per suam extensionem alia quanta in eodem genere mensurentur; & ipsum vicissim ab alijs, secundum datam proportionem, mensuram accipiat.

Quo-

Quoniam autem duplex est quantum, continuum, & discretum, duplex consequenter est rationum proportio: vna, quæ attenditur in quantis continuis; cuius indagatio spectat ad Geometriam: altera quæ versatur in numeris, conferendo vnum cum alio, & exinde ad ignotorum notitiam perducens, & hoc pertinet ad Arithmetica. Nihilominus vtræque per numeros expeditur, & adhuc retento suo nomine, ad quantum alterius examinandum se extendit, pro diuersa habitudine vnius quanti ad alterum, applicando ad quantitatem continuam, quod ex proportionem quantitatis discretæ deductum est; & econtrâ fingendo in numeris conditiones, & passionem omnes quantitatis continuæ, vt quod in hac iam percipiuntur est, & euidenter ostensum; in illa etiam ex similitudine rationis, fiat apertum, & euidentissimè demonstratum. Sic in quantitate discreta, exempli gratia, non secus ac in continua, est assignare totum, & partes, latera, seu lineas, puncta, superficies, & profunditates: quemadmodum datur numerus planus, & solidus; quadratus, & cubus; simplex, & compositus; rationalis, & irrationalis: Verbo omnes passionem quarumcumque figurarum geometricarum æquilaterarum, scalenarum, Triangularem, Quadrangularem, Parallelogrammorum, Trapeziorum, Prismaticum &c. vt fusè demonstrat Clavius in Euclidem, lib. 7.

Igitur Proportio Arithmetica est cum tres, vel plures numeri per eandem differentiam progrediuntur; vt 4. 7. 10. 13. 16. 19. 22. & sic procedendo in infinitum; quorum quilibet numerus se proximè præcedentem, ternario superat. Proportio Geometrica est, cum tres vel plures numeri eandem rationem habent, vt 2. 6. 18. 54. 162. &c. vbi quilibet ipsorum ad suum præcedentem habet eam proportionem seu rationem triplam, quam illi. Vnde potest, vt supra dicebam, eadem proportionalitas arithmetica, & geometrica esse, continua, & discreta. Continua quidem, quando idem numerus, qui consequens est, respectu eius qui illum præcedit, est etiam antecedens respectu numeri subsequenteris: vt proportionalitas, quæ est inter 2. 6. 18. 54. continua est; discreta autem, cum numerus consequens non est idem antecedens respectu alterius consequenteris; sed rursus assumitur alius numerus antecedens, & alius numerus consequens. Ita hi numeri bini se habent; 2. 3. & 12. 18. & 20. 30. eandem habentes proportionem sesquialteram.

Datur etiam Proportionalitas quæ dicitur Harmonica, ex miro ordine, & correspondentia, quam seruant sibi numeri ad inuicem: vt cum tres numeri ita ordinantur, vt eadem sit proportio maximi ad minimum, quæ est differentia inter maiores duos, ad differentiam

tiam inter duos minores. Sic hi numeri, 2. 3. 4. 6. harmonicam proportionalitatem constituunt; quia profectò eadem est proportio maximi, nempe, 6. ad minimum, nempe, 2., quæ est proportio differentiarum inter maximum, 6. & medium, 4. nimirum numeri 2. ad differentiani inter medium, 4. & minimum, 3. idest ad 1. cum utrobique proportio sit dupla. Denominator autem proportionis dicitur ille numerus, qui distinctè, aperteque exprimit habitudinem unius quantitatis ad alteram. At verò illæ multitudines dicuntur habere proportionem inter se, quæ possunt multiplicatæ, sese inuicem superare, ut habet Euclides lib. 6. def. 5.

180 Porro, Proportionum, quas possunt adinuicem habere duo quanta, siue continuà, siue discreta; alia est Rationalis, alia Irrationalis. Rationalis est, quam habent inter se duo quanta commensurabilia: Irrationalis, quam habent duo incommensurabilia. Illæ autem quantitates dicuntur commensurabiles, quæ habent unam communem partem aliquotam; seu quas una mensura communis metitur, ut sunt lineæ 20. & 8. palmorum, quarum pars aliquota est tum 4. tum 2. palmorum. Quantitatis verò incommensurabiles sunt quæ nullam habent partem aliquotam, hoc est, pro quibus nulla datur mensura communis: cuiusmodi sunt diameter, & latus eiusdem quadrati.

181 Similiter alia est proportio æqualitatis, quæ vertitur inter duo quanta æqualia, ut 20. ad 20. alia inæqualitatis, quæ est inter duo inæqualia, ut inter 10. & 20. vel inter 8. & 40. quæ rursus alia est maioris inæqualitatis, quando maior cum minore confertur: alia minoris inæqualitatis, cum confertur minor quantitas cum maiore, ut in posito exemplo, 8. ad 40. Huius autem proportionis minoris inæqualitatis quinque sunt species: Primam, dicunt Multiplicem: secundam, Superparticularem: Tertiam, Superpartientem: Quartam, Multiplicem Superparticularem: Quintam, Multiplicem Superpartientem.

182 Prima est, quæ dicitur habitudinem maioris quantitatis ad minorem, quando maior continet aliquoties minorem: ut bis, ter, quater, &c. itaut maiorem quantitatem metiatur minor: qualis est proportio tripla, 12. ad 4. quadrupla, 16. ad 4. &c.

Secunda est habitudo maioris quantitatis ad minorem; quando maior semel tantum minorem continet, & insuper eius aliquam partem; ut dimidiam, tertiam, quartam, &c. ut est proportio sesquialtera, 3. ad 2. sesquitercia, 12. ad 9.

Tertia est habitudo talis maioris quantitatis ad minorem, quæ faciat, ut maior semel dumtaxat minorem contineat, & adhuc aliquot

quot partes non efficientes vnam aliquotam, vt est 3. ad 5.

Quarta conſtat ex multiplici, & ſuperparticulari; & eſt cū maior quantitas minorem aliquoties continet: vt bis; ter, quater; & inſuper vnam eius partem aliquotam; vt eſt proportio, 9. ad 4. quæ numerum quaternarium bis continet, & præterea vnitatem.

Quinta denique compoſita ex multiplici, & ſuperpartiente; & eſt habitudo maioris quantitatis ad minorem, quā maior complectitur aliquoties minorem, & inſuper aliquas eius partes aliquotas non valentes tamen efficere vnam; vt eſt proportio, 11. ad 3. vbi numerus 11. continet ter numerum ternarium, & adhuc duas vnitates, non ſufficientes conſtituere quartum ternarium.

Tandem alia dicitur Proportio Ordinata, quæ in hoc conſiſtit, vt quemadmodum fuerit antecedens ad conſequens; fuerit etiam vt conſequens ad aliud quippiam, ita conſequens ad aliud quippiam. Perturbata verò eſt, cū poſitis tribus magnitudinibus, & alijs quæ ſint his, in magnitudine pares; ſit, vt in primis quidem magnitudinibus ſe habet antecedens ad conſequentem; ita in ſecundis magnitudinibus antecedens ad conſequentem: vt autem in primis ſe habet conſequens ad aliud quippiam, ita in ſecundis magnitudinibus ſe habet aliud quippiam ad antecedentem. Plura qui volet in hac re conſulat Euclidem lib. 5. & 7. & eius Commentatores Commandinum, Clauium, & Vitalem Iordanum, omnes proportionum rationes ſuſſimè explicantes; atque exemplis plurimis comprobantes. Nos quā poſſumus, breuitati ſtudemus.


PROPVGNACVLVM in Architectura Militari, vt ipſum nominis etymon præſert, intelligitur eſſe quodlibet munimenti genus ad locum propugnandum excitatum, & ad hoſtes arcendos idoneum, ſiue id totum ædificium, ſiue Arcem propugnatoriam indicet, ſiue partem ad confirmandam, & fortiùs ſtabiliendam, quæ prius erat, munitionem, ſiue ſit temporaneum, & e leui materia extructum, vt ſit in Caſtris, & Arcium prætenturis; ſiue ſtatarium, & perpetuò duraturum, quacumque forma fiat, ad loci tutelam, vt ſit in Regni limitibus, in ingreſſibus viarum, in oſijs fluminum, in Portubus, in aditu pontium, &c. Sub eodem nomine etiam generaliter veniunt Caſtella capeſtria, Aggeres, Valli prominentes, ſuggeſtus, reductus, & his ſimilia. Atque in hunc ſenſum, hoc nomine indifferenter uſi ſunt antiqui Scriptores, ad ſignificandum quodcumque munimentum ad propugnandum factum; atque adeo ipſa mœnia, ſoſſas, & vallorum circuitum, vt videre eſt apud Thycididem, Plutarchum, Polybium, & inter Latinos Cæſarem, Liuium, Tullium,

lium, Virgilium, & alios passim. Verùm Recentiores, præsertim ex quo introducta est noua Munimentorum forma, quæ valeat, & tormentorum ictus eludere, & hostes subinde à mœnibus abigere, ac tormentis apto loco dispositis incommodare; propugnaculi appellatione signatè intelligunt partem illam accessoriam, quæ mœnibus additur, angulariter prominentem, quæ vtpurimum in pentagonam formam abit, & fronte hostilem campum respicit, ac lateribus ad ipsam munitionem conuersis, vtrinque, & cortinam interiectam defensas, & altera alteri munimento est, & conspirant ad hostem ab se arcendum. *Baloardum*, seu *Bastionem* Nostri, cum Gallis, Hispanis, ac Belgis nominant. Estque tota ratio, & summæ muniendorum locorum, quæ ab angulari forma, & propugnaculorum istorum numero, quæ in angulis constituentur denominationem accipiunt, vt profectò dicantur pentagona, exagona, eptagona &c. ab ipsis angularibus propugnaculis, atque illis totam fortitudinem suam, & sustinendæ cuiusvis (quantumvis acris, ac diuturnæ obsidionis) felicitatem acceptam ferant. Quod ideo tota militaris Architecturæ ratio, totum ponendorum inexpugnabilium Munimentorum studium, totus labor, & cautio in eo sita sunt, vt & forma, & situ, & numero, ita propugnacula circa Arcem, & mœnia disponantur, & collocentur, vt nec plura, nec pauciora sint, quam iusta inter ea distantia ad lineam defensionis, & loci amplitudo exigat. Quare in regularibus munimentis ordinariè practicitur, vt sint aut quadrangularia, aut pentagona, aut exagona, &c. totidemque habeant propugnacula: & quo pluribus propugnaculis erunt instructa, eò capaciora cæteris paribus sunt & ad sese defendendum, hostem impetendum, eiusque conatus eludendos, aptiora; ideo communiter non probantur trigona, quia prolixiores habent cortinas, & propugnacula sibi ægrè respondent. Econtrà quæ magis ad circulearem formam accedunt, meliora: atque adeò pentagona præstant quadratis; exagona pentagonis, &c. Non tamen expedit, præsertim in regularibus munitionibus, vt plura quam octo, aut adsumum, nouem propugnacula constituentur. Nam pluralitas generat confusionem, plures impensas, maiorem numerum tormentorum, plures etiam præfidiarios, singulis distribuendos requirit, quod est contrà institutionem munimentorum, & finem; vt videlicet, vt pauci contrà multos præualeant, ac diu se defendere queant, ac simul hostes abigere, atque exterminare. Accedit, quod angularum multiplicatio angustiores reddit defensionum lineas, sicque non tam tutelæ communi partium, & totius; quam contractioni virium, atque dandum locum externis offensionibus illa constipatione for-

rent.

rent. Quare laudantur præ cæteris Polygonis, Pentagona, & Exagona, in quibus & iusta distantia inter duo propugnacula haberetur; & in quorum singulis, tum à dextris, tum à sinistris obrineretur; ut se inuicem propugnarent, & Cortinam interiectam radere, & inde hostes arcere possint, locumque purgatum seruare ad quantum se extendunt scloporum explosiones: Id quod optimè cedit, si linea defensionis ab rostro vnius propugnaculi ad extremam alam alterius, facientem angulum rectum cum Cortina, non sit breuior 500. pedibus, nec longior 750. quantum extendi potest, plus minus, iactus plumbeæ glandis è maiore sclopo emissæ, quæ omnem circâ regionem peruadere apta sit, obuiosque hostes impetere. De reliquo circâ propugnaculorum angulos, ambitum & positum, hæc necessaria dogmata à belli scientibus traduntur. Primò ut angulus exterior seu rostrum, hostilem campum respiciens, non sit minor grad. 60. nec maior 90. nam si minor, valde acutus est, adeoque debilis, facileque tormentorum repetitis ictibus dirumpi potest, ac dirui: Si maior, maiores sumptus, maioremque præsidiorum numerum requirit: ultra quod, frustra id sit, quippe angulus rectus ex se fortissimus est, & melius custodiri quit, quam obtusus. Secundo, ut facies propugnaculorum, seu frontes quæ prædictum angulum efformant, non sint breuiores quam dimidium adiacentium, cortinarum: etenim quia habent, & se, & subiectas cortinas defendere; utique quò longiora habuerint latera, eò ampliorem situm aperient ad plures milites capiendos. Sic etiam linea coili, quam nostri *Recinctum* vocant, quæque miles in propugnaculum intrat, & exit; non minor esse debet, quam ala ipsius propugnaculi. Tertiò, hæc ala, ut iusta & æqua sit, debet esse nec minor quarta parte frontis, neque maior medietate; aliàs officeret alis Cortinæ, earumque usum impediret. Quartò demùm, Alæ propugnaculorum semper sint ad perpendicularum Cortinæ, itaut cum ea efformient angulum rectum. Et alia quidem valde vtilia, sed non adeò necessaria, quæ proinde negligi possunt, nec regulariter omnia obseruari, præsertim in munimentis irregularibus, in quibus nos conuenit, & formæ & situi accommodari. De his autem fusè agunt Matthias Dogen, Adam Fritach, & Petrus Herigonius, ad quos Lectorem remitto.

Nunc autem præstat ipsius propugnaculi specimen exhibere, eiusque partes, & angulos declarare. Quod, etsi alibi factum; attamen ibi generatim, & in confuso: ut hic distinctius explicare, non sit frustratorium, neuè otiosum.



Partium præsertis Propugnaculi Explicatio.

A B C. Tormentorum Sedes, & Pinæ, vnde prominent.

A B C. O E. Area inseriecta, seu Planum Cryptarum occultarum.

O E. Cryptæ, seu Fornices ad armamenta in aperto tenenda.

D. F. Frons, seu Facies Propugnaculi hosti aduersa.

G. Gula, seu Collum Propugnaculi.

H. I. Via recta, per quam Circitores excurrunt.

K. Descensus internus ad Fossam.

L. Ostiolum occultum ad repentinæ exeursiones.

M. Platea Armorum expedita, ad propugnaculi tutelam.

H. P. Cortinæ pars, hincinde ad propugnaculum.

Q R. S. D. Curuatura Auriculæ rotundate.

T. V. Plateæ sublimes, siue Superiores.

X. Y. Lorica Regalis vndeque protensa.

Z. Fossa, vniuersam Arcem, & Propugnaculum circumambiens.

185

PROPVS signanter nuncupatur ab Astronomis, Stella fixa quartæ magnitudinis, de natura Veneris & Mercurij, maximæ considerationis, constituta in extremo pede sinistro præcedentis Geminorum: sic dicta quasi pro-pes, hoc est ante pedem. Sed melior, & ad rem, est explicatio Procli, quia videlicet, est propè conuersionem Aëstiuam, & initium Cancræ, quò sunt temporum mutationes, & ab ipsa potissimum indicantur: de qua multa obseruatione digna
habet

habet Iunſtinus in Catalogo Fixarum, & in Speculo Astrologico : Est nunc in grad. 26. min. 30. Geminorum, fere in Ecliptica, & ori-
tur Romæ circa 18. diem Iunij, cū Solstitium fiat circa vigeſi-
mum.

PROPLASMA dicitur communiter apud Scultuarios, Pictores, 186
Plastes, & Architectos, primum operis figmentum, & typus, quod
in cera, argilla, ligno, vel charta præfiguratur, vt sit pro exemplari,
ad quod respiciens artifex, illud perficiat. Vnde refert Plin. lib.
35. cap. 12. *Archestilai proplasmata pluris venire solita ab artificibus
ipsis, quam aliorum opera.* Modellum nos vocitamus. Et quia id
per plasticem fit, ideo ars ipsa fingendi huiusmodi typos, atque
formas, Proplastice audit. Sed vide quæ diximus in V. *Plastice*.

PROPYLAEVM ex græca notione nil aliud quàm Ante-portam,
sonat: Πύλῳ enim græcè & πύλῳ portam significat. Ex quo mo- 187
derni græcarum vocum Interpretes, & Glossatores, absolute ad ve-
stibulum, quod est ante ostium quarumcumque ædium, Propylei vo-
cabulum contraxere. At longè aliter vsurpatum inuenio apud an-
tiquos, & quidem primæ notæ scriptores. Etenim primo loco Atho-
næus lib. 4. Deipnosoph. Propylæa intelligit pro dulciarijs, seu
eiusmodi prægustatorijs cibis, quæ venalia prostabant in aditu Ciui-
tatis, ad commodum aduenarum peregrè venientium, vt lassis ex
longo itinere, aut nauseatis ex nauigatione, præstò esset aliquid ad
refocillandos spiritus. Sic enim apud ipsum loquitur Phœnicides
in Odiosa.

*Baccarum mirti laudes, atque mellis prædicant ;
Deinde Propylæa commendant, & quarto loco Caricas.
Hæc ego statim ac nauis appulsa est, gustavi,
Atque etiam propylæa : eorum prorsus nihil
Ciborum cum attagone conferendum est.*

Vbi Scholiastes ad marginem, *Propylæa*, inquit, & *trageneta*, quæ
ante vestibula ædium Ciuitatis, & in porticibus venibant. Sed hæc
non ante priuatarum ædium fores erant, sed tantum ponè portas
Ciuitatis, ad eum finem, quem suprà diximus. Benè verò exinde
factum est, vt tabernæ, & loca in quæ ista asseruabantur, quæ
vtpurimum multa, & lignea erant, propylæa postmodum diceren-
tur: vestibulum autem in quauis amplitudine sumatur, vnum est.
Secundò Pausanias non vno in loco, Propylæum accipit pro orna-
mentis, & statuis, quæ erant in atrio domus, ad magnificentiam &
ostentationem, siue ad cultum, si Deorum erant: vnde Mercurius, qui

In omnium ædium aditu positus erat ad custodiam; Propylæi, nomen adeptus est: de quo idem Pausanias lib. 1. ait. *In ipso Arcis aditu, Mercurij Statuam, quam Propylæam appellant, & Gratias fecisse dicunt Socratem.* Et alibi. *Vestibula, quæ propylæa appellant, è candido marmore fastigia habent; quo sanè opere, hac ipsa ætate, nihil ornatu aut lapidum magnitudine pretiosius.* Et Plin. lib. 35. cap. 10. refert, quod Protagenes Propylæon pinxit Athenis, & lib. 36. cap. 5. de Picturarum excellentia loquens: *Non postferuntur & Charites in propylæo Atheniensium, quas Socrates fecit.* Hæc autem omnia Vestibulis, ut vestibula sunt, minimè congruunt. Denique Pericles Græciæ Princeps in eiusmodi ornamentis & structuris profusissimus fuisse legitur, atque adeo à Demetrio Phalereo vituperatum refert Tullius 2. de Offic. *quod tantam pecuniam in præclara illa propylæa profuderit.* Quapropter ex his omnibus testimonijs, aperte liquet, Propylæa non ipsa vestibula esse, sed quidquid in Vestibulis ante portas Ciuitatis extabat expositum, siue ornandum aditum vrbis; siue ad conuenarum commoditatem; esseque nomen genericum per omnia transcendens, quod publicè ante portas Ciuitatis staret.

188

PROROGATORES apud Astronomos iidem sunt ac *Significatores*, vel (ut alij nuncupare malunt) Moderatores. Luminaria inquam, & alia loca in Cælo, quæ rerum moderandarum, & significandarum munus, dispositionemque, ex certo positu fortiuntur. De quibus, & eorum electione aliàs fusè diximus in V. *Moderatores*, & alibi. Habent enim se per modum subiecti passibilis, recipiendo in se impressiones siderum occurrentium, & prout benè vel malè ab ijs affecti fuerint, benè vel malè moderationem iniunt, & Prorogatoris, seu conseruatoris rerum, quas significant, munus exercent. Sed hic animaduertere iuuat quoad differentiam nomenclaturæ, longè latius patere Significatoris vel Moderatoris nomen, quam Prorogatoris. Siquidem per ea generaliter comprehenditur quidquid moderandæ, & significandæ cuiuscunque rei ab se dependentis, specificationem obtinet, & aptum sit qualificare & actuare, secundum rationem qualitatis inpressæ sideris occurrentis. At prorogator, (ut vox ipsa patefacit) aliquod speciale denotat, & non ad productionem simpliciter, sed ad eius conseruationem vnice coarctatum: vnde ijs solis conuenit, qui prærogatiuam hylegialem sortiti fuerint, & vitam prorogandi munus. Rursus Significatoris nomen adhuc vniuersalius est, quam Moderatoris, aut Prorogatoris: cuiusmodi sunt omnes Cardines, quin & Domorum cuspides in suis significatis: immò & omnes erraticæ, & quatenus conside-
rate

tate immobiles in suis Circulis positionum, se habent ut subiectum passibile ad recipiendas qualitates actiuas impressas à sideribus occurrentibus, ut loco supra citato, dictum est. Cæterum hæc in sensu rigoroso, & ex proprietate verborum dicta sint, non ex communi acceptione: cum aliàs me non later, apud omnes Professores, ipsumque Principem Ptolemæum, hæc vocabula indifferenter, & promiscuè, alterum pro altero vsurpari, ac pro ijs utcumque subiectum passibile in Cælestibus, receptuum impressionis factæ à sideribus, qualitatibus actiuis, in aliquo agendi genere pollentibus, intelligi. Vide etiam quæ dicta sunt in V. *Occurrentes*.

PROSCENIVM (teste Budæo) locus erat in Theatris ante scenam apertus, ad quem è scena occultiore, & eminentiore, Actores prodibant ad fabulam præludendam, suisque expletis partibus, statim ad scenam se conferebant, inibi manentes occulti, & habitum mutaturi, si fortè ad aliam actionem prodituri erant. Ad quam rem Pulpitum in Proscenio constitutum erat, altius quidem Orchestra (in qua sedilia disposita erant ad honorificentiorum spectatorum receptum) sed ipsa Scena humilior, & ad Proscenij latus, ut apertè docet Vitruv. lib. 5. cap. 6.

PROSLAMBAMENOS in Monochordo, ex græca notione dictus est inimus tonus, quasi *supererogatorius*, quia reuerà locum non habet in Tetrachordis, sed est modus asciticus, & acquisitus, per se quidem consonantiam non faciens, benè quidem aliorum phthongorum consonantias ordinans, & firmans: est enim omnium grauiissimus, & profundissimus; vnde inseruit pro basi supra quam consonantiæ fundantur, & eriguntur: cui in Scala nostra respondet A.re. Sed vide quæ diximus in V. *Monochordum*.

PROSTADES in magnis Græcorum ædificijs, erant loca quadàm ipso introitu domus, porticibus seiuncta, in peristilijs, quorum tertia pars dabatur introrsus habitationi mulierum, ac domesticorum famulorum, suis operibus intentorum; uti non ità facile ab extraneis aduentantibus conspici possent, & conueniri. In his (ait Vitruvius, lib. 6. cap. 10.) introrsus constituuntur oeci magni, in quibus matres familiarum cum lanificijs habent sessiones. In prostadis autem dextrà, ac sinistrà, cubicula sunt collocata, quorum unum Thalamus; alterum Amphitalamus dicitur. Circùm autem in porticibus triclinia quotidiana, cubicula etiam, & cellæ familiarica constituuntur. Sed de his satis dictum in V.V. *Oeci*, *Proctæon*, & alibi,

PRO-

- 192 PROSTHAPHERESIS græcè idem valet, ac latinè Impletio, seu Aequatio: estque pars illa Eclipticæ, quæ addenda venit, vel minuenda à medio motu planetarum, vt habeatur verus: aut à vero minuenda est vel addenda, vt teneatur medius. Frequens est vocis vsus apud calculatores Secundorum Mobilium. Vide quæ diximus in V. Aequatio.

PROSTMOS Vide Porismos.

- 193 PROSTYLOS vocatur ab eodem Vitruu. lib. 3. Aedes, quæ columnationem habet in fronte: vti *Amphiprostylos*, quæ tam in fronte, quam in postico. Quæ tamen adhuc à numero intercolumniorum magis specificantur, & aliæ denominantur Dipteræ, aliæ Peripteræ, aliæ Pseudodipteræ, &c. vt suo loco dictum est. Id autem singulare habet Prostylos, vt quemadmodum in Antis, ædes habet cum alijs in fronte antas parietum, qui cellam circumcludunt, & inter antas in medio, columnas duas, supraque Fastigium collocatum; ita in Prostyliis columna sunt due angulares contra antas, supraque Epistylia, quemadmodum & in Antis; & dextrâ ac sinistra in versuris singula. Ita in terminis Vitruu. Qui etiam addit extare huius exemplum in Insula Tyberina, in æde Iouis & Fauni; quæ modò à fundamentis diruta est, vt ne vestigium quidem reliquum sit, quod spectari possit.

- 194 PROTYGETER, sed, vt habet Ptolemæus in Almagesto, *Protrygitira* (non autem *Trygitira*, vt habent alij) vocatur græcè stella fixa, quintæ magnitudinis in ala dextra Virginis, consistens: non illa quidem, quæ hanc subsequitur, & absolute dicitur Vindemiatrix ac *Σειρῆνη* appellatur ab Hesiodo, quæ verè vindemiam indicat, estque tertiæ magnitudinis; sed quæ ipsam immediatè præcedit, & præludit (vt ita dicam) vindemiam, oriens tribus fere diebus ante Vindemiatorè, atque ideo Protygeter dicta, sed vt Plin. & Baffus in versione Germanici *Anteuindemiator*. Sed multi ob earum viciniam falluntur, & sumunt vnâ pro alia, vt præ alijs Vitruu. lib. 9. cap. 6. de Virginis Asterismo loquens. Cuius, inquit, *super humerum dextrum lucidissima stella nititur, quam nostri pronindemiam maiorem, Græci Προτυγίτης* vocitant, eandem autem magis species eius est colorata. Quæ enim alia est cui absolute *Trigētis*, & *Vindemiatoris* nomen conueniat? Sed condonari potest lapsus ijs qui non probè stellarum naturam norunt, & aliorum verbis perperam acceptis, vtuntur.

PRO-

PROTHYRA, ac DIATHYRA, græcè dicuntur asciticiæ, & amouibiles valvæ, quæ ostijs apponuntur ad occulendum magis, quam ad occludendum. Apponuntur enim tum ad reparandum, aditum, ne ventis ingruentibus pateat; tum ad obstaculum visus, ne qui foris sunt, impunè obseruent quæ intus aguntur. De quibus satis dictum in V. *Diathyra*. 195

PROTHYRIDES Græci appellant, quas nos, Mensulas & Ancones vocamus: eas videlicet antepagmentorum partes, quæ ad ostium hinc inde propendent, ab ima fastigij corona, ad libramentum supercilij; quod quasi sustentare videntur, nec sine lucro, & magna operis venustate. Etenim supercilium complent, & ex abrupto procedunt, nullibi adhærentes, seu per se stantes, sine vlla futura; nam veluti sponte è pariete prosilientes, sese quasi ad subleuandum pondus submittunt, ac bellè postmodum se implicant in volutarum anfractus, terminantes in figuram 2 inuersæ, quibus ad extremum appingi solet encarpus pendens, aut vitis folium exurgens, ad complementum & ornatum. His valde similes sunt Incumbæ arcuum extremis supponi solitæ, aut fornicibus, quæ in parietes incuruantur: nisi quod istæ ampliores sunt, & aliquandò in aliam longè diuersam formam abeunt, modò eundem usum retineant, & operis venustatem. Et quidem hic Romæ, non ità pridem, loco incumbarum, introductas vidi conchas striatas inuersas, quæ ansis suis in planum directis, & foras in volutas proiectis, recipiant in se, quasi incumbentes arcuum terminos, id quod leui opera fit, & fortè maiori venustatis accessione; at in prothyridibus nusquam, quoniam ad ostiorum latera exterius collocantur, atque adeo non eundem effectum haberent. Earum specimen vide apud Philandrum, in notis ad Vitruu. cap. 6. libri 4. 196

PROTYPON Vide *Proplasma*.

PSEUDO CASTELLVM non incongruè appellatur à quibusdam Historicis, Castellum seu munitiuncula subito, ac tumultuariè excitata, è palis in terram defixis, & cespite, vel terra aggestitia, cum intermixtis fascibus ad murorum formam conuëstitis: quæ quidem præfert figuram Castelli, & verè ex parte officium sustinet, sed reapse debilis est, & diù obsistere nequit repetitis ictibus, & validæ hostium aggressioni: quippe non in ea seruari possunt præcepta omnia quæ, de Castellis ritè communiendis tradunt: vtpura de lineis defensionum, receptibus, & rescissionibus ad tempus faciendis, &c. 197
sed

sed tota eius ratio consistit in electione situs, ubi erigi debeat, & spe, in promptitudine prædicatorum, ad illam custodiendam, ac defendendam, Hoc utitur verbo Fulcherius Carnotensis, in Histor. Hierosolymit. lib. 3. cap. 55. ad excusandos Christianos, qui custodiebant, & in præsidio erant S. Ciuitatis, si ad subitam Saracenorum irruptionem, seipsos, & Arcem dederunt. *Iam*, inquit, *Turci Pseudo-Castellum obsederant, ac vi ceperat &c.* Porro horum munimentorum excitatio frequens est nostris temporibus, & in longa obidione, plurima excitari solent; ut videre est apud Stradam, & Ricciū, de Bello Belgico. *Fortinos* nostri vocant, Galli, *Chaux*.

- 198 PSEVDOSOMVM, vel PSEVDISODOMVM, Plinio teste, lib. 36. cap. 22. erat quoddam struēturæ genus apud Græcos, ad differentiam Isodomi, de quibus ita loquitur. *Græci è lapide duro, ac silice æquato construnt veluti lateritios parietes: cum ita fecerint, Isodomon vocant genus structura: at cum inæquali crassitudine structa sunt, Pseudisodomon.* Aliter explicat Vitruu. lib. 2. cap. 8. *Isodomum*, inquit, dicitur, cum omnia coria æqua crassitudine fuerint structa. *Pseudisodomum*, cum impares & inæquales coriorum ordines diriguntur. Vtrumque autem struendi morem collaudat Vitruuius, & nostris struēturis præfert: Non enim, subdit, è molli cemento polita, sed cum discesserint à quadrato, ponunt de silice seu de lapide duro ordinariam; & ita, uti lateritia struentes, alligant eorum alternis corijs coagmenta, & sic maxime ad æternitatem firmas perficiunt virtutes. Pari ratione

- 199 PSEVDODIPTEROS, *Pseudostylos*, & si quæ alia eiusmodi nomina apud Græcos Scriptores ac Vitruuium inuenias, scito id plane significare in opere architectonico, quod simpliciter, *Dipteras*, *prostylos*, &c. nisi quod vox *Pseudo* adiuncta, denotat in opere principali aliquid falsum, ac deficiens admitti: uti etiam in alijs loquutionibus praticatur, cum dicimus *Pseudostellam*, *Pseudoprophetam* &c. sic etiam

PSEVDOSTELLA. Vide *Phænomenon*.

- 200 PSEVDOTYRV, vel PSEVDOFORVM dicitur Ostiolum in postica ædificij parte, vel sanè satis occulta, apertum ad clancularios, & furtiuos exitus, quando aliquid periculi imminet, aut domi, aut in exitu per commune ostium, forte ab inimicis obsessum. Id quod

in Tiberio obseruans Orosius lib. 7. cap. 6. ita de eo loquitur. *Tanta fama Rome fuit, ut medio foro Imperator correptus à populo conui-
cijs, & fragminibus panis turpissimè infestatur, agrè per Pseudotyrum in
Palatium refugiens, furorem excitata plebis euasit.* Ita etiam Ammia-
nus, Cicero, & alij passim. Eo etiam vocabulo vsus est D. Hiero-
nymus in moralibus, eius vsus desectens ad cauillofa sophismata. Sic enim habet Epist. 7. *Non per Pseudotyrum, sed per patentes iannas
in suum pectus lucem veritatis inducat.* Porro frequentissima sunt ho-
die huiusmodi falsa, & clancularia ostiola in magnatum ædibus
non ad securitatem modò, sed si quando citrà aliorum obseruatio-
nem, aliquem admittere placuerit ad arcanum colloquium; aut li-
berè domo egredi, aut pro libito reuerti, id æquè possint, seruata
amplitudinis maiestate.



201

PTERA, PTEROS, & PTEROMATA græcè Alas significant,
quasi expansæ, & in altum surgentes. Hinc passim vsurpantur in
opere architectonico, pro excelsis parietibus, seu porticibus, quæ
hinc inde, maiestatis gratia, ad Basilicas exædificantur, vnde etiam
apud nos factum est, ut eiusmodi extruções, Alas commu-
niter diceremus. Quid autem in re fuerit apud Græcos, clarè indi-
cat Strabo lib. 17. in descriptione magnificètilimi templi quod erat
Heliopoli, Soli dicatum, & adhuc temporibus suis extabat. *Ptero-
mata, inquit, muri duo sunt templo pares altitudine, prima, & infima
parte, paulo plus, distantes ab inuicem, quàm lata sit crepido templi; dein-
de curuatis lineis procedentes ac prominentes ad quinquaginta usque vel
sexaginta cubitos.* Latini etiam Scriptores sæpè vtuntur hoc nomine:
inter quos Plinius lib. 36. cap. 1. vbi de Mausoli monumento ab
Artemisia coniuge Cariz Regina, superbissimè excitato, loquitur,
(quod inter septem Orbis miracula computatur,) sic ait. *Namque
Pteron superioris pyramidis altitudine inferiorum aquauit viginti quatuor
gradibus in Meta cacumen se contrahens.* Et cap. 13. similia habet de
Labyrintho Aegyptiaco. Et Vitruuius Architectus, non vno in lo-
co, præsertim lib. 3. cap. vlt. vbi, eius adiectionis prudenter initæ
duplicem rationem reddens, hæc ait: *Pteromatis enim ratio, & co-
lumnarum circum adem dispositio, idè est inuenta, ut aspectus, propter
asperitatem intercolumniorum haberet auctoritatem: præterea, si & im-
brim aqua vis occupauerit, & intercluserit hominum multitudinem,
ut habeat in ade circæque cellam eam laxamento liberam moram.* Tanta
autem erat apud antiquos in magnis ædificijs harum alarum cura,
atque æstimatio, ut ab eorum dispositione nomen auspicerentur: vn-
de & Dipteros, Monopteros, Pseudodipteros, apud eundem Vitruu-
diuicrarum classum ædes appellauere, de quibus singulis suo loco
dictum.

202

PVLPITVM originariè erat locus in Theatro, qui se tenebat ex parte scenæ, intrâ proscenium, in quem exhibant pantomimi, & gesticulatores ad detinendum populum saltationibus, & cantionibus, antequam fabula inciperet haberi, vel etiam dum illa tantisper intermitteretur, inter vnum, & alium actum: quod præcipuè habebat locum in Tragædijs, grauitate, & mœstitudine plenis, vt seria iocos intermedijs temperarentur: id quod etiamnum prædicari solet, sed in eodem proscenio, in quo recitatur actio. Pulpitum autem olim erat locus peculiaris, huiusmodi saltationibus deputatus, altior quidem orchestra, vt probè spectari possent actores; sed humilior scena, & ipso proscenio. Sed cessante iam vsu in Scenis, cessit Pulpiti nomen in suggestum, seu locum in tribunali editum, in quem ascendebat oratores ad declamandum coram magistratibus, vel præcones in foro ad edicta Principum promulganda: Hinc apud Christianos ad Sacras ædes, & locum vbi conciones ad populum habentur, pulpiti nomen & vsus translatus est, & olim sacratius erat ordinatum in parte Ecclesiæ digniore, excelsa & probè conspicua, ad Euangelium populo legendum, & sacra dyptica recitanda: Vnde Isidorus sic verbum explicat: *Pulpitum, quod in eo Lector vel Psalmista positus, in publico dispici à populo possit, quò liberiùs audiat*: ac propterea stabile, & è marmore vt plurimum erat, & duabus scallibus hinc inde ornatû; vnâ, quâ ascendebatur in illud, alterâ, per quam descendebatur: vti videre est in vetustis Romæ Basilicis, vbi adhuc integra extant ex opere tessellato mira varietate: de qua re satis diximus in V. Ambo.

203

PVLSATIO appellatur ab Astronomis, per quandam similitudinem, & analogiam, Commissio quam facit Planeta, dispositionis suæ, alteri ad quem projicit radium, aut in cuius dignitatibus reperitur: tunc enim dicitur illum pulsare, quia excitat illum quodammodo ad sui coherentiam recipiendam, suæque conditioni se conformandum. Sicut viceuersa, passiuâ ista Pulsatio penes illum vocatur *Receptio*, quâ fit vt Planeta pulsatus, se disponat ad communicationem illam recipiendam: siquidem ea est species quædam familiaritatis, & amicitie. Quæ quidem est in triplici differentia. Virtutis, Potestatis, & Naturæ, prout explicat Abraham Auenarres, in suo *Introductorio*. *Pulsatio Virtutis* est, cum Planeta fuerit in alterius Domo, Exaltatione, Triplicitate, aut Termino, & coniungitur illi, aut illum aliquo modo respectat; tunc enim dicitur suam virtutem alteri communicare. *Pulsatio Potestatis* est, cum Planeta alium

erf-

respicit radio perfectæ amicitæ, qualis est Trinus, vel imperfectæ, ut est Sextilis; tunc quippe inter eos intercedit vera commissio & Potestatis pulsatio. *Pulsatio Naturæ* pluribus modis fit. Primò, cum Planeta commiscetur alteri existenti in suo Domicilio, vel Exaltatione. Secundò, cum iungitur alteri eiusdem, cum sua, conditionis consorti, ut si Masculus Masculo; Diurnus Diurno, aut Nocturnus copuletur nocturno. Tertiò, cum Planeta cursu velox, existens in suis dignitatibus, respicit aliquo radio tardiorẽ nullam dignitatem habentem in loco velocioris: tunc enim dicitur velox, propriam naturam transnittere tardiori. Et hæc est tota Theoria Pulsationis: quam tamen Recentiores, tanquam Arabum, Iudæorumque figmentum, atque in praxi euanidam, reiiciunt, & à familiaritatum albo expungunt.

PVLVINVS propriè significat molle quid, è lana, puluere, pluma, 204
vel alio quouis tomento confarcinatum, quod facili pressioni cedat, atque ad cubandum vel sedendum vnicè factum: nomine, siue à minutissimo puluere, quo factus est, siue à pluma (namque dicitur etiam Puluinar, quasi Pluminar) deriuato. Hinc quidquid molliter turgat & in similitudinem puluinariis abut, tam in opere architectonico, quam in Geographicis, ac in Mechanicis, Puluiui nomen accepit. Vnde Isidorus lib. 19. Puluiuos appellat machinas, quibus naues molliter adhærentes ad portum, ad litus deducuntur, aut inde in mare mittuntur: & puluius dicitur à Columella, lib. 11. cap. 3. terra aggesta velut in modicum tumulum, molliter eminens inter duos sulcos, ac Plin. lib. 17. cap. 22. *puluinata labra*. Sed ad rem nostram, in Architectura potissimum frequens est hoc vocabulum: vnde puluinatum Zophorum in opere Ionico, puluinatum torulum, puluinatum capitulum, passim inuenies apud Vitruuium, aliosque scriptores; eoquod instar puluiui molliter intumescunt, & extrorsus prominent, quasi superimposito oneri cedentia: quin & ipsum abacum, qui alioqui puluinum capituli Ionici premit, inre puluinum etiam dici posse, autumat Viola in sua Architectura, quoniam nihilò minus, quam reliqua membra intumescencia, foras prominet, & super ipsum tota trabeatio accumbit, & sustinetur. Denique apud Geographos arenarum cumuli, qui siue in portubus, siue in fluuiorum ostijs, à recurrentibus fluctibus in vnum conueruntur, & latenter subsidunt subtus aquam, itaut aliquando nanigantibus impedimento sint, puluiui communiter appellantur.

PVNCTA terræ Vide *Lingua*.

SSSS 2

PVN-

205

PVNCTVM definitur ab Euclide, *Cuius pars nulla est*. Quandoquidem concipitur esse minima pars & ultimus terminus quantitatis, qui in vteriores partes diuidi nequaquam possit, si non in esse physico, saltem in esse mathematico. Philosophi ferè omnes cum Aristotele, 6. *Physicor.* & 1. *de Generat. text.* 8. non admittunt puncta indiuisibilia in Continuo, vt obseruauimus in V. *Indiuisibilia*; sed partes, & partes in infinitum diuisibiles, adeoque distinctas: eoquod Punctum, inquirunt, prout indiuisibile consideratum, nullam habet extensionem, & per consequens, neque additum alteri, potest facere extensum, & quantum; deberet enim illud tangere secundum se totum, alioquin non esset indiuisibile, vt supponitur. Nihilominus Mathematici, quoniam Quantitatem in abstracto considerant, hoc non attendunt; sed minimam quantitatem, quæ concipi possit, sitque omnis dimensionis expert, & tamen alicuius quantitatis dimetiendæ terminatiuum, Punctum appellant. Vnde Plinius lib. 2. cap. 68. vèl ipsum globum Terraqueum amplissimæ molis, & in se omnis dimensionis capacem, respectu totius Machinæ Mundialis, Punctum nominat. *Non est aliud*, inquit, *Terra vniuersa, quam Mundi punctum*. Quia videlicet terra vniuersa respectu Firmanienti, & Orbium superiorum, est instar puncti indiuisibilis, inextensi, incommensurabilis, neque per longum, neque per latum neque per profundum. Et ideo nulla est differentia radij proieceti ab stella posita in Firmamento, ad Centrum terræ, atque in quamcumque partem eius conuexi: quia profectò tanta est eius ab illo distantia, vt respectu eius penè insensibilis sit, proindeque in comparatione illius, se habeat vt punctum mathematicè consideratum. Omne igitur, quod in ratione dimensionis est inextensum in seipso, à Mathematicis dicitur Punctum: & nihilominus ab eo dimensionis omnis regula in quantitatis, tum continnis, tum discretis; tam totis simul existentibus quam successiuis, exorditur. Nam omnes anguli in quantitate cōtinua, vnitates in discretis, ac momenta, seu instantia in tempore, Puncta sunt, quæ in seipsis indiuisibilia, & incommensurabilia, faciunt tamen quantitates omnis generis mensurari, nec vlla percipi potest, quin ad punctum terminet, & ab eo incipiat, absoluatque mensura. Vnde vnitates non est numerus, sed initium & finis numeri; & in quantitate continua Anguli sunt terminatiui omnis figuræ tam planæ, quam solidæ, ex quarum dimensio auspicatur: ac propterea in ijs singulis partes vsque ad 90. quantum arcus subtenfus, ad quem angulus quisque respondet, extenditur. Vide quæ diximus in Angulis, numeris, & in V. *Indiuisibilia*.

206



PVTEVS generaliter audit locus altè sub terram effossus, in
 quem aquæ è terræ venis scatentes confluunt, & congregantur in, 207
 vnum: & in hoc differt à fonte, quod hic aquas subsilientes cum
 impetu, & vbertim educit & foras mittit semper currentes, & viuas,
 ille, guttatim manantes in se recipiat, & immotas contineat. A
 potando aliqui dictum volunt, alij à putore, eoquod putidas exha-
 lationes emittat ex aëre incluso, & prauis qualitatibus subterraneis
 contaminato. Cæterùm puteorum vsus vti frequentissimus est, ac
 humanæ vitæ pernecessarius; ita eorum effossio cum ratione dirigi
 debet, ne aliàs aut perdatur opera, aut in perniciem conuertatur.
 Quapropter sedulo incumbendum est Architecto, quo loco, quam
 ob causam, quibus cautionibus effodiendi sint; etenim pro diuersa
 locorum conditione, & operis necessitate, diuersimode iniri debent;
 cùm sæpe, non tam ad aquam ædibus importandam, & in pacis otio
 ad fundamenta ipsarum ædium iacienda, necessarij sint, quam in
 bello, ad tutandas & muniendas vrbes, atque ad hostes multimodis
 incommodandum. Benè Leo Bapt. Albertus, de re ædificator. lib. 3.
 cap. 3. Nullis locis, inquit, illico fidendum est inuento quod ferrum
 respuat; posset enim id esse in campestri parte, ut & infirmum: ex quo
 maxima iactura, & totius Operis ruina olim consequeretur. Nosque vi-
 dimus apud Mastrium Venetiarum Oppidum, turrim, quæ post an-
 nos aliquot, quàm absoluta extitit, pondere sui, perferato cui incumbere
 solo, vti res monstrauit, tenui & imbecillo, ad summa vsque, pro-
 pugnacula immersum ierit. Quod magis inculpandi sunt qui non solido
 istiusmodi à natura substrato. Præclare idcirco admonentur, ut omnium
 primi fodiantur putei: id quidem cùm cæteras ob res, tum ut apertissimè
 pateat quanti quaque sèse habeat cutis ad opus tolerandum, aut infirman-
 dum. Accedit etiam quod hinc ad aperta respiratio, à subterraneis exha-
 lationum motibus tutam illasamque præstabit edificio firmitatem. Huc-
 usque Albertus, qui proinde lib. 10. cap. 5. totam puteorum ratio-
 nem expendit, modumque tradit, quo per ipsos omnibus incom-
 modis, (quæ in ædificiorum positione obueniunt) occurrì possit, &
 aliàs aqua abundè suffici, vbi nec imber cadit è cælo, nec fontes extât,
 aut flumina è quibus hauriri queat: vnde legimus Agamemnonem
 circà Aulidem, & passim per totam Græciam, plurimos puteos effo-
 disse, ne per æstum, populi sibi subiecti aquæ inopia laborarent.

Sed nec minus in bello, vti dicebam, probantur aptis in locis 208
 aperti putei, quorum nimirum accessio, plus opis affert obfessis ad
 obfessionem diutius sustinendam, quam optimus murorum recin-
 ctus, & fortissima addita propugnacula, ut benè monet Vegetius
 lib. 4. cap. 10. Nam si accidat ut aquæ ductus deforis aquam adpor-

rantes ab hostibus intercipientur, aut veneno inficiantur, (vt fecit Lautrechus superiore sæculo in Neapolitana obsidione) habeant ciues, vt citrà noxam aquam hauriant in proprijs ædibus & copiosam, & innocentiorē. In castris quoque & in longis expeditionibus ad tutam exercitus traductionem, puteorum effossio non modò utilis sed necessaria est, & prima comineatus cura esse debet in prouido, & expertissimo duce: nam sæpè aquationis penuria laborat equitatus, ex quo præpeditur iter, & languet exercitus: vnde refert Ammianus, in id summopere incubuisse Scipionem, in suis copijs feliciter traducendis, atque eò acceptam fert magni illius Imperatoris fortunam, in inferendo exteris, ac barbaris nationibus bello, armorumque felicitatem.

P Y

209 PYCNOSTYLOS nuncupatur à Vitruuio ædes, Cuius maiestas reposita est in frequentia, & spissitudine columnarum; nam à spatio intercolumnij consueuere Græci dare structuris suis appellationes, quarum quinque species enumerat lib. 3. cap. 2. Pycnostylos, Systylos, Diastylos, Eustylos, & Aræstylos. Et Pycnostylos quidem ait esse, cuius intercolumnio, vnius, & dimidiata columnæ crassitudo interponi potest. De qua, vt de reliquis, satis dictum in V. Aræstylos.

210 PYLOCLASTRVM bellici tormenti nomen est, non ita pridem inuenti, ad bombardarum morem, sed longè diuersum effectum, ac planè infallibilem ferè inuitabilem, atque terribiliorem. Factum est autem vnicè ad portas vrbium deiiciendas, vt nomen ipsum indicat, ex græco desumptum, quamquam nouum, & non ita omnibus notum: vnde vulgari, & militari vocabulo apud nos, Gallos, Germanosque, & Hispanos, communiter *Pettardo* appellatur. Natales habuit in Germania, vbi eiusmodi fulminantia monstra nasci consuevere, auctore, & promotore Martino Schenchio solerte quidem viro, ac strenuo, sed efferato, vbi ad partes, ex vindictæ furore accesserit: qui primùm eo vsus est in occupatione Bonnensi, facta à Truchsesianis, quorum ipse Ingeniarius erat, & Copiarum ductor. Cuius descriptionem, & mirabilem effectum, placet hic exscribere, ex lib. 10. Histor. Famiani Stradæ de bello Belg. quo neque expressius, neque elegantius describi potest. Sic enim habet. *Est hac machina fusili ex ære vas, forma mortario non absimile; immò in Iuliacensi bello ad subruendam Aldondorsij portam adhibitum à se fuisse ex arômatariâ officina mortarium, Tensius talium machinator, & scriptor enarrat. Magnitudo illi varia; Ea nunc maximè probatur, quam gestare*
ac

ac pallio tegere miles non imbecillus queat. Aded cuniculos non modò sub terram fodere, sed etiam nobiscum ferre excogitauimus! In latera ansulam habet ad suspendium, & ab imo propemodum fundo, palmaris prominet ad inferendum intrò incendium, canaliculus. Vbi autem inditum vasi bellicum puluerem malleo presserint, atque ad os vsque constipauerint, summumque os stupeo obturamento ac cerata ad extremum tela concluderint, roborem assem latitudine vasis ampliorem, ac ferrea cruce firmatum eidem ori superaddunt adstringuntque; eo nempe consilio, ut per illud additamentum, fractura plus fiat in ostio, quam sola mortarij latitudo faceret, angustiorum videlicet, imparemque subituris militibus apertionem. Temperatum hoc modo pyroclastum, post terebratam qua impetitur portam, terebraque ibi clauis loco relicta, ex ansula ad terebram alligata suspenditur ore medius in fores verso, ac per sulphuratum fomitem, qui canaliculo est insertus, incenditur. Tum verò flammis ferratoque asse in portam arietantibus, ineluctabili planè vi, quantò contumaciùs obstat, tantò impotentiùs, obiectum quodcumque repagulum in frustra conciditur, ostiumque hiatu vastiore dispanitur. Sic una demum reperta est clauis, cui (quod nullis fabrum ferramentis, nullis furum effractorum scalpris adhuc contigit) sera, obicesque portarum omnes adapertiles sint. Hucusque Strada, pergens subinde enarrare effectum, supra quàm credi, aut expectari potuerit vel ab ipsis hostibus pestem adinuentibus consequutum. Tanta illico (sequitur) violentia flammam enouit, ac sparsim impulit, ut non modo fores fracte renulsæque dissilierint, sed etiam murus portæ continuus eodem impetu ad terram procubuerit, aditu irrumpentibus patefacto; captaque sit prius, quam capi Bonna se senserit. Aded nil tutum, nil tam probè munitum, atque inexpugnabile temporibus nostris iactari potest, quin ad naturæ contemptum, audentioribus Architecturæ militaris inuentis pateat eludique potentiùs queat. Sed non manet ijs impune (Deo sic disponente) qui hisce naturæ, & ingenij dotibus abutentes in naturæ ipsius perniciem vsi sunt: siquidem (vbi aliàs de finium machinatum inuentoribus, quas ad aliorum damnum ingeniosæque crudelitatis laudem excogitarunt, per easdem turpem mortem opperentibus, passim legimus in historijs,) ita nec simile fatum effugit tartarei huius machinamenti primus author, aut inuektor, quique eius rei periculum coram se fieri institit, Meursiæ Comes, ut idem Strada commemorat, eodem libro: E contra

PYROBOLA seu Pyroboli, sunt strepitosi, miri quidè sed innocètes ignes in genere missilium, qui in pacis orio ad exhilarandos

dos animos festiuis suis motibus, & luminibus, & signum communis lætitiæ, & augendam festi diei solemnitatem. *Rochetas* Galli nominant, Nostri *Radios*: Sunt enim varix formæ, & magnitudinis cylindrici tubi, vt plurimum chartacei, qui pyrio puluere aliâque combustibili materia confectim oppleti, benè in capitibus constricti, & colligati, addita exterius per longum arundinea virga, quæ sit motus directrix; mox adinoto ad propendentem fomitem igne, in altum cum impetu eleuantur, splendent, scintillas cadentes euomunt, iucundamque de se speciem spectatoribus præbent, tamdiùque durant, quandiù immissa intus materia penitus non absumatur. Porro eorum artificium, motus directio, durationis tempus, ac diuersa luminum exhibitio, mathematicis rationibus, perinde ac tormentorum bellicorum confectio, & libratio, sed longe acutiori solertia adornatur: quauis enim ambo totam vim suam pulueri pyrio incenso acceptum ferant; diuersos tamen effectus habent, diuersimodè temperantur, ac diuersas librationes requirunt: quin, & ipsi tuberculi non eandem compositionis, & attemperationis methodum habent. Sunt enim ex his, qui oblongi, & pyrio tantum puluere oppleti, ubi ignem senserint, è manibus tenentium se surripiunt, & in altum eleuantur, atque hyperbolico, aut parabolico motu discurrunt, quoadusque deficiente sensim impetu, atque ignis pabulo, cadunt extincti. Sunt & alij, qui nullam habentes directricem virgam, insaniunt, & hinc illuc conuoluti, nunc per spiras, & helices, nunc per directum, nunc sursum, nunc deorsum feruntur, ac tandem in ipso furore crepantes deficiunt. Alij sunt, qui diuersa materia confarcinati, ac minoribus pyrobolis grauidi cum ad summam altitudinem peruenerint, cum se senserint emori, consopitos hætenus intertnos tubulos excitant, accendunt, & foras emittunt, atque in suis partibus viuunt, qui diuersa sanè ratione, hi scintillas, hi splendidissimas blandèque cadentes stellulas euomunt, colluduntque iucundo spectaculo. Nec differunt nisi materia, & compositione, nam vni solo puluere ex nitro, & salignio carbone confectio, alij aliam etiam materiam adiutentes, puta sulphur, mastichen, antimonium, succini pollinem, mercurium sublimatum, vnâ confarcinantur, & committuntur, prout ars pyrotechnica docet, probatque in dies experientia. Sed illud hic non prætereundum, quod ex his iucundissimum Romæ datur spectaculum in Machina illa quam vulgò vocant *Gyrandulam*, eoquod, postquam simul accensi fuerint in gyrum exurgunt, & diuagantur in morem caudæ Pauonis in gyrum expansæ. Fit autem huiusmodi compositio per plura pyrobola simul disposita atque in rotundo asserè suis quæque loculis dispersitas

mox

mox sub allore inspergitur locus puluere granulato ac desuper inie-
cta lenta materia, vti stupa, vel gossypio; aliud veluti corium compla-
natur ex eodem puluere granulato, itaut pirobolarum orificia im-
mediate supra orsum puluere incumbent. Mox cum accendere vo-
lumus, aptato prius ad medium operis, tubo grandiore cum fomite,
& stupa, in quem possit ignis immitti, & simul euaporare; vbi pri-
mum igniculus admouetur, confestim ignis magnus accenditur, &
flamma in pyrobolarum orificia inuadens omnia simul accendit, &
sua directione foras erumpunt sursumque feruntur, gratum il-
lud sed momentaneum (vt nos vitæ huius fluxilis ca-
ducitatem doceant,) spectaculum exhibentia,


quo nihil iucundius, nihil grauius, aut si-
gnificantius. Plura circa hæc, curiosa
haurire poteris, ex Pyrothenica

Bisungitij, & De-Cales to-
mo 3. lib. 1. Curs.
Mathem.





QVA

I  VADRA ex vulgari, & primigenia sua significatio-
ne, appellat quidquid in quadrum, seu in quadra-
tam figuram rectangulam, & æquilateram positum
est. Sed enim exinde, pro peculiari cuiusque genio &
instituto, generale vocabulum ad certas res in suo
genere proprias denotandas, fuit fixum & coarctat-
um. Et primò quidem communi vsu, Quadra dicebatur olim
mensa illa parua, & portatilis, super quam carnes, & cibaria in
partes scindi solent, quæ tùm quadrata erat è ligno, nunc autem
rotunda, & à Nostris, *Tagliero* dicitur, & ab Architrclinis ac Da-
piferis in conuiujs epulas ministrantibus, iugiter adhibetur. Secun-
dò eadem ratione panes in quadratam figuram abeuntes, per meto-
nymiam, *Quadræ* nuncupabantur: vnde est illud *Aeneid.* 7.

Patulis nec parcere quadris.

& Martialis lib. 6. *Quadra placente*. Sed relictis hisce, alijsque
eiusmodi significatis, quæ extrà aleam nostram sunt; in Mathema-
ticis *Quadræ* nomen pluribus conuenit. Namque in Geometria, fi-
guram quadratam denotat, siue oblongam siue æquilateram. In
Architectura verò, modò accipitur pro plinthe Stylobatæ, quæ in
basi, Thoro immediatè subternitur, vulgò *Dado*, ex forma, & *Zoc-
colo*, ex officio: modò pro regulis, quæ hic inde ad Scotiam in ba-
sibus Ionici ordinis & Corinthij, ad firmitudinem, ac tutelam impo-
siti desuper Toruli apponuntur: modò pro annulis ipsis, quibus ad
apophygin scapi columnarum firmantur. Compendio; omnia
membra, quæ in vniuerso opere architectonico in quadratam, seu re-
ctangularem formam abeunt, *Quadra* generaliter appellantur: vt
videre est in Vitruuio, Serlio, Barbaro, Scamozzio, alijsque Archite-
ctonicæ artis Scriptoribus.


QVA-

QUADRANTAL etiam, signatè vocatur Figura Cuba, seu quæ omni ex parte sit quadra, & æquilatera, quæque sex planis, & octo angulis rectis constat: quales sunt tesserae, quibus in alueolo luditur, quæ vndeque eandem dimensionem habent, & proiectæ, in quantumque partem incubuerint, firmiter cadunt, & immotam seruante stabilitatem. Item Quadrantal dicitur mensuræ genus liquidorum, quæ nihil ad nos. Item

QUADRANGVLVS audit Figura Geometrica, quatuor angulis siue omnibus rectis, siue alternatim duobus acutis, totidemque obtusis, sibi mutuo oppositis constans: vt perfectum Quadratum, Parallelogrammum, Rhombus, & Rhomboides. De quibus singulis, suo loco.

QUADRANS generaliter est quarta pars Circuli in quatuor partes recti per lineam, quæ perpendiculariter cadat in Diametrum, eamque in centro, ad angulos rectos dispescat. Vnde appositè ab Astronomis, & Geographis acceptum est nomen ad significandos quadrantes seu quartas partes, tum Cosmicas, tum Cælestes, signorum videlicet Zodiaci, in quas vniuersus Orbis dispescitur: quorum singuli comprehendunt tres domos, aut tria Signa, quæ in qualitatibus variant, & in intersectionibus commutantur. Et quidem in Situ Mundi, quatuor Anguli, seu Cardines, Oriens & Occidens, Medium Cæli & Imum, distinguunt, & intrâ se comprehendunt quatuor Quadrantes, duos Orientales, duosque Occidentales, nimirum Orientales ab Ortum ad Meridiem, & ab Occasu ad Imum; Occidentales à Culmine ad Occasum, & ab Imo ad Ortum: Similiter in Zodiaco, ab sectione Verna Arietis ad initium Cancræ, necnon ab initio Libræ vsque ad finem Sagittarij, sunt Quadrantes Orientales & Masculini, qui præponderant in qualitatibus actiuis. à Cancro verò ad Libram, & ab initio Capricorni ad finem Piscium, sunt Quadrantes Occidentales, & Feminini, quia pollent qualitatibus passivis: qui proinde respondent ac diuidunt quatuor anni tempora, Ver, & Autumnum, A Estatem, & Hyemem. Ab his igitur intersectionibus, & per totum illum Quadrantem in ijs constituta sidera incipiunt influere, & successiue continenter intendunt primas qualitates, quibus maxime pollent. Et quia ab Ortum ad Meridiem, & ab Ariete ad initium Cancræ, sidera incipiunt, & pergunt influere calorem, qui est qualitas maxime actiua, ideo hi quadrantes, qui sibi maxime assimilantur, dicuntur Masculini, & Orientales. Rursus, quia à Culmine ad Occasum, & in Zodiaco, à Cancro ad Li-

bram, calor sensim remittitur, & successiue introducitur, atque intenditur siccitas, quæ est qualitas passiuæ; ideò hi Quadrantes denominantur Feminini, & Occidentales. Et viceuersà, quia ab occasu ad Imum, & à Libra ad Capricornum, cedit siccitas: & incipit intendi, ac præualere frigiditas, qualitas item actiua & masculina, ideò hi quadrantes dicuntur pariter actiui, & masculini. Denum, quia ab Imo ad Ortum, atque ab initio Capricorni ad finem Piscium, introducitur, & semper augetur humiditas, quæ est qualitas feminea, & passiuæ, sensim cedente frigiditate; ideò hi duo reliqui Quadrantes, appellantur passiuæ, & feminini.

 5 Pari ratione Ptolemæus quatuor hominis ætates his quatuor Quadrantibus aptat, & assimilat lib. 1. Quadrip. cap. 8. *Omnia, inquit, animantia, prima ætate, dum tenera sunt, & mollia, ut Ver; humore abundant. (in Vere quippe maxima, est humiditas, iam per præcedentem anni qualitatem intensæ, quæ interim exacta hyeme paulatim incipit remitti, & introduci successiue calor, itaut ista sit propria huius tempestatis qualitas, quam ipsa aduentu suo adducit. Sequitur Ptolemæus.) Deinde secundâ ætate, donec maneat vigor, magis calens, Aestas. Tertia cum vigor languescit, & initium est consumptionis, siccitas maior est, ut in Autumno. Postrema frigidior est, ut Hyems; quæ proxima est morti.*

6 **QVADRANS** item est Instrumentum Geometricum, inde denominatum, quod quartam partem Circuli refert, cuius extrema per duas Chordas, seu semidiametros rectâ tendunt ad centrum, ubi coeunt, efformant angulum rectum respondentem ad totum arcum grad. 90. qui pro diminutione arcus, fit semper acutior. Ex hoc igitur angulo procedit, & pendet perpendicularum, quo mediante, in limbo, ubi descripti sunt gr. 90. & sub ijs etiam fractiones (quæ ex regula proportionum accipi possunt exactissime, usque ad ultimas minutias) venamus locorum distantias, altitudines, latitudines, siderum declinationes &c. verbo, per ipsum omnes geometricæ operationes præsertim in Optica, & Astronomia, facillime, & ad amissum complentur. Ad quod assequendum in praxi, ad vnum laterum appinguntur ad extrema duo pinacidia cum paruis foraminibus seu spicillis in rectam lineam seferespicientibus, quæ gerant vicem dioptræ, ut per ea obseruari possint quorumcumque venari cupimus altitudines atque distantias. Cuius vsus in praxi hic est.

7 Visa Solis v. g. de die, aut Lunæ vel alicuius insignis tibi quæ notæ stellæ altitudine, de nocte; si vis indagare præcisè quanta sit eius, aut alterius sideris eleuatio supra terram, declinatio ab Aequatore, lon-

longitudo in Zodiaco, &c. vel etiam quora sit hora diei, aut noctis, duplici via per instrumentum hoc assequi poteris. Primò per distantiam eius à vertice in chordis subtenfis: Secundò per adminiculum Sphæræ materialis, quam præstat in hoc negotio eligere solidam seu globum cælestem. Nam posito, quod tantum eleuetur Sol, siue aliud Astrum suprà Horizontem, quantum abscindit in gradibus in limbo descriptis perpendiculi filum ex centro quadrantis pendens, computa gradus illos quos fecat, ac transfer in Sphæram bene aptatam ad eleuationem Poli tui Horizontis, atque ibi in tali distantia, graduum ex Meridiano computandorum, constitue Solem, vel obseruatum astrum, in eadem illa distantia, in quanta ipsum distantia à vertice, vel altitudine super horizontem, per quadrantem inuestigasti. At quorsum, inquires, potero, acceptam altitudinem per quadrantem, in Sphæram transferre? Aio, nullo penè negotio. Quod idè, accepto circino applicitoque Sphæræ, tot gradus enumera in Aequatore (ipse enim, vt alibi dictum est, totius Sphæræ totiusque motus regulator est, & mensura) quot prius obseruasti eleuari suprà horizontem, seu distare à Vertice, stellam quam ad opus assumpsisti: Tum eodem interuallo, inuariato circino, fige alterum eius pedem in contactu horizontis; & altero sursum è regione verticis eleuato, tandiù Sphæram volue, quoad locus obseruati astri subtus pedem alterum cadat, & sic habebis veram distantiam eius à vertice. Deinde siste obseruatum sidus ad contactum horizontis, ac si tunc suprà horizontem emergeret, & nota gradum Aequatoris, qui tunc cooritur; simulque reponè in loco obseruatæ altitudinis; ac vide quot gradus Aequatoris inter vtrumque locum intercipiuntur: nam quot quindenis gradibus emerfit Aequator ex horizonte à puncto exortus sideris, donec ad eam altitudinem perueniret, tot horæ interim effluxerunt, quot graduum scrupuli, tot horæ vnius excessus similiter transferunt, dando singulis gradibus Aequatoris quatuor minuta temporis. Et hæc est via certior & tutissima explorandi nocumentum temporis, quo velis ex asse erigere cæleste Thema, videreque simul, quem locum suprà vel infrà terram, singulæ stellæ, & partes Zodiaci occupent; quod tam exactè per quæuis horologia siue mechanica, siue Solaria, habere nequaquam poteris. Plures etiam vtilitates & munia Quadrantis Geometrici, habes apud Clauium in *Geometria Practica*, aliosque Scriptores, qui de eius vfu ex professo tractarunt.

QVADRATVS, vt paulò antè dictum est, apud Geometras, est 8
figura quatuor æqualibus omnino lateribus constans, terminantibus
ad

ad quatuor itidem angulos rectos, adeoque inter se prorsus æquales. Qui proinde antonomastice Quadratus, & Orthogonius audit: ad differentiam Parallelogrammi, Rhombi, & Rhomboidis, quæ aut non omnes angulos, aut non omnia latera æqualia habent, sed sunt imperfecta quadrata. Apud Astronomos verò, pari ratione Quadratus dicitur aspectus qui per quartam Zodiaci, vel Mundi partem, inter duo sidera intercedit: Ab his enim punctis ductæ ab vno ad alterum lineæ, perfectum quadratum æquilaterum, & æquiangulum rectangulum efformant. Et hic aspectus computatur inter hostiles radios, quemadmodum oppositio per diametrum, quia contrariis qualitatibus pugnant: sicut econtra Sextilis, & Trinus habentur pro benignis, quia conueniunt; vt probat acutè Keplerus ex consonantijs musicis, & nos alibi adnotauimus.



9 *QUADRATARIA Ars*, Geometriz Alumna, & Architectonicæ filia, speciali nomine venit quæ constrandis, architectandisque nobilioribus pavimentis incumbit; ea (secundum Geometriz regulas lapidibus, vt plurimum quadris, & ad normam dissectis & complanatis) sic ordinando, vt præclaram aliquam speciem non minus oculis vsurpandam, quàm æquo pede terendam, astantibus præbeant. Ea Musuariz soror, & æmula est, & in multis conueniunt; nisi quod hæc delicatior ac superior, calcari non patitur, sed ad superna conscendens, in parietibus, & fornicibus sedem suam figit: ac spectari quidem de longe obtutibus patitur, non autem pedibus, aut manibus tangi: Quadrataria verò quantò humilior, tantò animo elatior, in eo maxime gloriatur, quod & contectari, imo & pedibus conculcari se finit, absque suæ maiestatis, honestatis, & pulchritudinis detrimento. Vtræque in Græcia cunas habuit, vtræque Bizantij adoleuit, & in magno pretio fuit, sed in patrio solo diù consistere fastidinit, vnde & in alias regiones migravit, vt sui copiam faceret, & Romam adnauigauit, vbi ambæ magnò cum plausu exceptæ sunt, & curiosius cultæ. Testis transmigrationis est Bizantinus author Emmanuel Chrisoloras, etsi moriens, & inuitus, qui in Tractatu de Veteris & Nouæ Romæ comparatione, postquam Constantinopolitanæ Urbis decora, & insignes prærogatiuas non sine fastu commemorauit, imprimisque publicas, & priuatas ædes, cæteris totius Orbis, in Musiuo, & Quadratario opere sibi vnico anteiuisse, refert tandem Veterem Romam quasi puderet, cæterâ in superbissimis erigendis ædificijs, palmam promeritam; in exornandis postea singulari, ac peregrino duplici hoc opere, ab Noua se superari, magnis propositis præmijs, Musuariam, & Quadratariam artem

ad

ad se pellexisse. Concordat Anastasius Bibliothecarius in Vitis Pontificum; puriore, atque alienatiore ab affectibus animo, remanans; atque in primis de Desiderio Abbate Cassinensi, qui postea Summus Pont. Victor III. fuit: De quo etiam scribit Leo Hostiensis in Chronico lib. 3. cap. 29. quod peritissimos in utraque arte Magistros Constantinopoli Cassinum usque accersitos, adhibuerit in exornanda illic erecta Basilica. Eius hæc sunt præcisa verba. *Legatos interea Constantinopolim ad locandos artifices destinavit, utique in Arte Musicaria, & Quadrataria, ex quibus videlicet alij absidam, & arcum, atque vestibulum maioris Basilicæ musivo comerent, alij vero totius Ecclesiæ pavimentum diversorum lapidum varietate consternerent.* Quam historicam digressionem, ne inconsulto, ac præter rem à me factam æstimet Lector, quandoquidem ex ea euincitur distinctio Quadrataria à Musuaria, longeque diuersum ab inuicem habuisse subiectum: id quod nonnulli, etiam summæ eruditionis viri non intellexerunt, & utramque, vnâ eandemque artem, diuersis tantum nominibus appellatam fuisse volunt, sed toto Cælo aberrant, vt in Musiuo opere retigimus. Nam Quadrataria, quoniam sternendis pavimentis addicta est, utique incedentium pedibus continuè terendis, non quauis vtrumque materia, neque omni promiscuè forma uti, & procedere opus habebat, sed solido marmore, crassioreque lapide, eoque in quadratam formam connexo, aut certè grauem, hexagonam, pentagonam &c. qui pressioibus resisteret nec faciliè dimoueretur. At Musuaria, qua parietes, arcus, & absidas habebat ornare, & imaginibus fingere, non solidam requirebat operam, sed variam & accuratiorem, quæ videlicet minutis lapillis, & vitreis tessellis iniretur ad æmulandam picturæ methodum, ac venustatem, quæ solis oculis innoxie vsurpatur. Quamobrem dormitat oppidò, & falsus est Ioseph Scaliger (alioquin in aliorum loquutionum formulis rigidissimus censor) qui in Notis ad Manilium musuaria admittit & nominat pavimenta, cum tantum eadem constrandi, & componendi ars à Musuaria differat, quantum statuaria à pictura. Quod ideo oculatior Sidonius Apollinaris lib. 3. Epist. 12. Quadratarios, inter Lapididas censet; eoquod lapides incidendo, eos ad vsum complacent, quadrent, atque componant. Et in veteri Historia Quatuor Coronatorum habetur, quod ceperunt artifices Quadratarij incidere lapidem ad collyrium columnæ. Extat & Ius Ciuile in l. 1. & 2. Cod. Theodos. & Dolabell. de limit. agror. vbi præscribitur: *Vertices agrorum qui sunt in montibus lapideis tantummodò, & non potest in eis fodiri, ac terminus figi, inductis Quadratarijs.* Quæ porro conuentio scalpendi, aut lapides inciden-



dendi artis, cum Musiuaria? aut quàm bene quadrent in pavementis
verficolores è vitreis frustulis in picturam dispositis, tessellæ, Scali-
ger ipse diiudicet.


II **QVADRATRIX LINEA** per excellentiam dicitur à Geometris,
quæ inuenta est, & natura sua tendit ad Circuli Quadraturam: quæ-
que proportionali incesu, producitur à radio per circuli periphe-
riam ducto, seseque cum perpendiculari per diametrum decussante.
 Miræ proculdubio sunt eius proprietates, effectusque ex ea resultant-
tes; sed quod per eam obtineri tandem possit Quadratura Circuli,
in qua tot insignes Mathematici defudarunt, & operam perdiderunt,
id falsum est, & ad praxim reducere, est prorsus impossibile, vti
aliàs, posse credunt & autumant eius inuectores, Dinostratus, & Ni-
comedes apud Pappum Collectan. Mathem. lib. 4. Verum, etsi id
ipsi non sunt assequuti, nec ullus alius in factò assequi poterit, nihi-
lominùs ijs grates debemus, quod ad scopum propiùs accesserunt,
& suo acumine viam nobis aperuerunt, si non ad illam tenendam, sal-
tem ad probè intelligendum in quo consistat inextricabilis hic nodus
gordius, & què tandem exsolui, aut rescindi possit. Ponò vltra
primarium hunc, & ad quem finem inuenta est, ac denominationem
sumpsit Quadratrix hæc linea alios etiam vsus vtiuissimos in
Geometricis habet, multos etiam adhuc ignotos, & in sinu suo ab-
scultos deriuat, quos tamen detegere, ex eius benè perpenſa natura
solerti Geometræ facile erit, vt præ ceteris notant Clavius, Herigo-
nius, Vitalis Iordanus, & nouissimè noster Guarinus. Ex quibus
præcipuè eius passiones, & proprietates sunt hic breuiter perstrin-
gendæ: dehinc modus tradendus, quonam pacto ea ritè & facilitè
describi possint, ex eiusque descriptione ingeniosus quis, alios non-
minùs viles effectus dignoscere valeat, ad vsuque traducere. Ergò,
 quoniam diximus ad eius infinitam curuitatem formandam concur-
rere radios è centro circuli ad peripheriam æquabiliter dispositos,
& ex alia parte totidem perpendiculares æquali spatio ad diame-
trum ordinatas; manifestum fit, vt vbi disparatæ hæc lineæ ad con-
tactum veniunt, & se intersecant, in punctis contactuum, motum &
proportionalem progressum ipsius quadratricis indefectibiliter desi-
gnare. Quod ideo necessariò erit, vt ità se habeant perpendicula-
res à Quadratrice ad axem deductæ ad totam diametrum, sicut arcus
à radio interceptus & axe, ad totum semicirculum. Similiter
fiet, vt ita se habeat applicata ad applicaram, sicut arcus, seu
portio circuli, ad arcum deductum ab applicatarum radijs vsque ad
axem. Denique pulchra est obseruatio, quam ex Pappo propof. 154.

libri 7. facit Herigonius; vt, Si ex aliquo puncto extrâ circulum, ductantur plures rectæ, quarum vna contigat tantum circulum, reliquæ secent; atque ex contactu cadat perpendicularis ad diametrum; quæ producta transeat per punctum datum; ea erit proportio totius Secantis ad partem externam, quæ est inter distantias perpendicularis à circumferentia circuli: & alia multa, quæ videri possunt apud ipsum Herigonium.

Nunc autem ad ipsius Quadratricis artificiosam delineationem, **12** deueniamus. Hæc duplici viâ perfici potest. Primò, si describatur à centro, Circulus seu semicirculus, aut sanè tanta eius portio, quæ sit maior Quadrante: tùm à centro ducantur radij, siue lineæ ad circumferentiam, quot libuerit, sed in æqua ab inuicem distantia. Similiter Circuli diameter prolongata, scindatur in totidem partes æquales, à quibus chordæ, siue lineæ parallelæ ad diametrum, ducantur ad arcus circumferentiam, quæ idcirco ordinatim applicatæ nominantur. Vbi chordæ, & radij se intersecant, ducta linea à vertice arcus, quæ transeat per omnes eiusmodi intersecções; ea erit, quam dicimus Quadratricem.

Alium etiam modum describendæ lineæ Quadratricis, exponit **13** noster Guarinus, depromptum ex Vincentio Leotaudo Delphinæ, ex qua insignes testatur se nouisse, & hausisse proprietates. Quæ quidem in re, ab explicata non discrepat, sed est multò amplior, & patentior, quæque ad detegenda noua semper & noua in Geometria arcana, longè accomodatior. Ea autem exhibetur, & manifesta fit in toto circulo, suis radijs spatia intersecções præbente. Quocirca, vt apparet in secunda subiecta figura, A Centro O, describatur circulus cuiusuis ad placidum magnitudinis, qui diuidatur in partes quotuis æquales, incipiendo ab aliquo puncto. A. perpendiculari ad diametrum E. F. successiue prosequendo, (quò enim plures erunt diuisiones, eò exactior prodibit Quadratricis descriptio.) Deinde à Centro O, ad singulas circuli diuisiones B. C. D. E. F. ducantur lineæ saltem occultæ, (nè aliàs plurimæ, & manifestæ, confundant futuræ quadratricis prospectum). Hoc facto Diameter scinditur etiam in totidem partes æquales, in quot circulus fuit sectus: ac per singulas diuisiones erigantur totidem perpendicularares k. l. m. n. o. &c. ad Diametrum E. F. Nam vbi hæc cum radijs se intersecant, notatis intersecções punctis, i. l. n. figenda est quadratrix linea flexuose descendens, à puncto verticis ad succedentia, quæ proinde constanti, & æquabili manu, à puncto ad punctum, quousque se extenderint, est ducenda; vnde videbis successiue semper, & proportionaliter ampliari, ac dilatari, quò magis radij in-

frà diametrum in altera semicirculi parte, elongantur à primo puncto, & perpendiculari radio A. O. vti in subiecto schemate contemplari licet.



Vbi vides concurrentiam radiorum b. o., c. o., d. o., cum parallelis i. k., l. m., n. o., vbi se intersecant in angulos i. l. k., determinare terminos, & puncta per quæ transire debet Linea quadratrix æquabili manu ducta à vertice a vsque ad h., vel f., & adhuc, si vis, ulterius in quamcumque distantiam; nam à punctis i. l., & c. reperiri poterunt puncta opposita p. & f., & sic etiam alia successivè respondentia ad perpendiculares infra diametrum ductas; quò fit ut Quadratrix in infinitum protrahi possit, ut consideranti patet. Cuius rei demonstrationes, vide apud citatum Guarinum.

- 14 **QUADRIGAE FALCATAE** olim in bellico apparatu frequentes, & maximi ponderis erant, maximè apud Parthos & Medos? Quorum primus inventor fuit Eriçthonius, (vt refert Plinius lib. 7. cap. 56.) qui ijs primùm vsus est in spectaculis, & oblectationibus pacis, ad assequendam celeri cursu metam: dehinc ab alijs etiam ad vsus bellicos, ad veras pugnas, & prælia, magno cum fznore fuerunt adhibitæ. De quibus passim Historici. Et quidem quod ad rem bellicam attinet, principio magno terrori, ac deiectioni hostibus erant, vt res novæ, & grandisonæ semper sunt: at postea frequenti vsu, & cognitz, in despectum abiere. Nam, vt notat Veget. lib.

lib. 3. cap. 24. Difficile currus falcatus plenum semper inuenit campum, & leui impedimento retinetur, unoque afflicto, aut vulnerato equo, decipitur. Sed placet hic huius terribilis armamenti descriptionem ponere ex Q. Curtio, lib. 4. cap. 9. vbi de apparatu Darij Regis contra Alexandrum procedentis, agit. Sic enim loquitur. Ingens, (vt crediderat) terror hostium, ducenta falcata Quadriga, unicum illarum gentium auxilium, sunt sequuta. Ex summo temone, hasta præfixe ferro eminebant. Vtrinque à ingo ternos direxerant gladios, & inter radios rotarum plura spicula eminebant in aduersum. Alia inde falces summis rotarum orbibus habebant, & alia in terram demissa, quidquid obuium concitatis equis fuisset, amputatura. Hoc modo instructo exercitu, ac perarmato, Babylone copias mouit, &c. Tum cap. 15. earum effectum in primo acierum occurso enarrans, sic ait. Ruebant laxatis habenis auriga, quo plures nondum satis prouiso impetu, obtulerent. Alios ergo hasta multum supra temonem eminentes, alios ab utroque latere demissa falces lacerare: nec sensim Macedones cedebant, sed effusa turbauerant fuga ordines. Sed facile earum impetum fregit, & perniciem declinauit ab suo exercitu Alexander, hostemque elusit; monitis ordinum ducebatur, vt si falcatos currus cum frenitu Barbari emitterent, ipsi laxatis ordinibus, impetum occurrentium silentio exciperent, haud dubius, sine noxa excursuros, si nemo se opposeret: sin autem sine fremitu immisissent, eos ipsi clamore terrent, pauidosque equos telis vtrinque confoderent. Et hæc quidem de primo, & irritu effectum eiusmodi Quadrigarum. Postea Romani aliam rationem longè feliciorē, ac tutiorē distinendi, aut utcumque labefactandi hos currus adinuerunt, sparsis nimirum repente per totum campum, tribulis, (cuiusmodi fuerint hæc impedimenta, suo loco dicemus) in quos impingentes, rapido cursu irruentes equi cum suis quadrigis, impune confoderentur, illæque immotæ consisterent, eorum arbitrio dilacerandæ. Sicque magno apparatu, ac nimia prosperi euentus fiducia inuentæ machinæ, in vsum admotæ, suo effectum frustratæ, cùm impetuosis turbo per liberum aërem discurrens, nihilque obuium habens, euanuerit. Harum vnâ probè instructam, atque accuratissimè delineatam, habes apud Stevvechium, in Notis ad Vegetium.

QUADRIVIVM, (vt vocabulum ipsum præfere) locum denotat 15
quatuor vijs apertum. Sed altiori adhuc acceptione in moralibus
sapissimè vsurpatur pro Virtutum Quadriga, quas ab excellentia,
ac dignitate, Cardinales nuncupamus. Sic, præ cæteris Cassiodorus

in formula, quam, iussu Theodorici Regis, Præfecto Prætorij dedit, quomodo in administratione muneris se gerere conueniret, inter alia monita, hoc illi inculcat lib. 6. Varior. ep. 3. *Par tibi sit cum Potestate prudentia, conscientia tua Quadrifaria virtus affideat.* Verum obiter. Quod ad nos attinet, (nec porro sine Mathesis offensione prætereundum,) Quadriuij nomen antonomasticè mansit quatuor primoribus, ac nobilissimis Mathematicis Disciplinis, Geometriæ, Arithmeticæ, Musicæ, atque Astronomiæ; quarum possessio perfectum Mathematicum, atque adeo in Republica, rerum gerendarum probum moderatorem efformat. Quam laudem Boëthio tribuit idem Cassiodorus lib. 1. Epist. 45. in hæc verba. *Tu autem artem prædictam (optimè scilicet moderandæ Reip.) ex disciplinis nobilibus natam, per quadrifarias Mathesis ianuas introisti.* Ac Boethius ipse lib. de Arithmetica cap. 1. Prudentiam ipsam omnium virtutum regulatricem, & matrem, non nisi prædictarum quatuor disciplinarum studio, & continuo exercitio, asserit comparari. *Prudentiæ nobilitas*, (inquit), *quodam quasi Quadruiuo vestigatur.* Hinc apud omnes ferè posterioris æui Scriptores, Quadriuij appellatione, absolute, & sine adiectione, præfatæ Mathesis partes in vnum collectæ, in proprio sensu veniunt, & communiter usurpantur. Cuius rei conuenientissimam, & oppido plausibilem rationem asserit Papias apud Du-Cange, in explicatione vocabuli. *Quadrinimum*, inquit, *vbi quatuor viæ conueniunt.* Inde quatuor Artes, idest Arithmetica, Geometria, Musica, Astronomia, *Quadruij nomen acceperunt*, quod inuicem se complectantur, & contineant; ut non bene vnâ nonerit, qui alias non nonerit, orbatufque vno videatur oculo. Idipsi testatur Vgutio in hæc verba: *Arithmetica, Geometria, Musica, Astronomia, quadam similitudine dicuntur QVADRIVIVM, quasi quadruplex via ad Sapientiam.* Plurima etiam testimonia in hanc rem adducit citatus Du-Cange, quem consulere, curiosum Lectorem haud pigebit.

- 16 **QUANTITAS** est proprium, vniuersale, atque omnium Mathematicarum disciplinarum Obiectum: non quâ purum accidens est, materiæ inherens, & sensibilibus qualitatibus prædita; (hoc enim ad Physicos pertinet;) sed prout simpliciter dicit extensionem partium, & habet rationem mensuræ, quatenus apta est mensurari, & ipsa vicissim alia Quanta dimetiri. Et ideo Mathesis absolute considerat eam in abstracto, præcisè ab omni materia, ut obtineat certam & infallibilem mensurandi regulam in subiectis quantis; Physica autem, prout inheret substantiæ, ab eaque distinctam, ac diuisibilem in infinitum, in continuo quanto. Quo pacto eam definit Philo-

loso-

loſophus 5. Metaphyſic. cap. 13., eſſe id, quod eſt diuiſibile in ea qua inſunt; quorum vnumquodque, vnum quid aptum eſt eſſe. Quibus verbis indicare voluit extenſionem partium in continuo in ordine, ad ſe; itaut Quantum conſtet ex partibus diuiſibilibus, ac diuiſibilibus in infinitum: quatum proſecto partium, quælibet vel minima apta ſit in ſe eſſe, & conſtituere ex ſe vnum totum reſpectu ad alias partes minores, & minores, quibus conſtat, & in quas vltcrius eſt diuiſibilis: vt proinde numquam ſit aſſignare terminum vltimatum huius diuiſionis, ſed ſemper conſideretur quantum vel minimum, vt extenſum; atque ideò, habere partes vltcriores diſtinctas ac diuiſibiles. Quare Philoſophus non admittit in continuo puncta indiuiſibilia inextenſa, ſed in omni materia quanta conſiderat extenſionem partium extrà ſe, atque intrinſecam diuiſibilitatem, licet fortè à parte rei non ſit capax huius diuiſionis. Mathematicus autem, quoniam rationem menſuræ ſolum conſiderat, id non attendit, & præſcindit ab eo, an quantitas Phyſicè conſtet ex partibus diuiſibilibus in infinitum, an ex punctis indiuiſibilibus; ſed abſolutè illam, quæ nullam rationem menſuræ habet, aſſumit vt terminum dimenſionis, & vocat punctum: illam quæ vnicam dimenſionem in longum tantum extenſam, appellat Lineam; illam autem, quæ duplicem dimenſionem, in longum, & latum, admittit, excludit autem craſſitiem, ſeu profunditatē; nominat Superficiem. Et his tribus terminis concludit omne quantum: quod ſi adhuc habeat profunditatem, iam in eo omnem rationē menſuræ inuenit & vocat corpus, prout eſt pluribus ſuperficiebus, lineis, ac punctis terminatum.

Porro ex diuerſa Quanti habitudine, & reſpectu; diuerſæ facultates, & ſubalternæ Mathetiſis diſciplinæ ſpecificantur. Nam vel Quantum venit in conſiderationem, prout eſt vnum continuum habens partes vnione phyſica copulatas, vt poſſit ſubire rationem menſuræ, ac proportionalitatis ad alia. Et hoc pertinet ad Geometriam, ſcientiam vniuerſaliſſimam, quæ propriè & ſignanter conſiderat quantum, cuiusque paſſiones in abſtracto, & præcisè ab omni materia, quale aſſumitur conſiderandum ab Euclide Geometrarum Principe, in ſex primiis, verè aureis Elementorum libris. Vel conſiderari poteſt diſcretum in partes, quæ non ſint vnitæ, ſed ſingulæ faciant vnum per ſe; qua ratione veniunt vnitates & numeri; & vt tale, eſt Obiectum Arithmeticæ: de qua agit Euclides totis libris, 7. 8. & 9. vbi omnem rationem proportionum acutiſſimè perſcrutatur ex numeris, ex quibus poſtea transferri poteſt (nec aliter internoſci) ad quantitates continuas. Rurſus Quantitas conſiderari poteſt, vt alligata ad certam materiam; & ſic vel hæc ſunt Corpora caeleſtia,

& amplissimum illud expansum Aethereum; & fundat Astronomiam. Vel sistit, & coarctatur ad globum terraqueum, eiusque partes scorsim sumptas, dans considerari amplitudinem, respondentiam ad Caelestes circulos, longitudes, latitudes, climata &c. & tunc pertinet ad Geographiam, Hydrologiam, Chorographiam, aliasque similes facultates, prout in loco dictum est. Item ex alia parte, *Quantitas* discreta considerari potest materialiter & formaliter: Materialiter quidem, quando ratio numeri ut sic, non attenditur, sed quantitas molis & magnitudinis, ex pluribus constat, ut in aliquo aceruo, & compositione lapidum, ac dispositione partium inter se; & hoc sub diuersis rationibus sibi assumunt Architectura, Geodæsia, Optica, Stereographia &c. de quibus etiam suis locis, dictum. Formaliter autem consideratur numerus in se, & hoc, ut dixi, pertinet ad Arithmetica; vel ut, in alio, ita ut includat etiam successionem, quale est tempus, & motus, quæ regulari possint ad numeros; & hoc est proprium Musicae.

- 18 Et hæc sunt potiores *Quantitatis* diuisiones, prout diuersimodè, & in diuersis subiectis particularibus considerari potest, proindeque varias diuersasque fundat disciplinas: quæ tamen omnes sub vno *Mathesis* nomine comprehenduntur. Vnde etiam elicitur, Omne *Quantum* aliqua figura esse definitum debere; hæc autem, quæcumque sit, necessariò aliquibus terminis & limitibus claudi debet, ab alijsque secerni: qui aut anguli, aut lineæ, aut superficies erunt: & quidem, si illæ planæ tantum sint, vnica tantum linea perpetua; quæ efformet circulum, comprehenduntur, aut pluribus in angulos coeuntibus, si corpora solida; vel vnica superficie vndiquè extensa, qua eorum ambiat, siue pluribus ad latera extensis, & angulos terminantibus, & tunc constituentur Corpora regularia, vel prismata vel trapezia: Quæ omnia considerantur à Geometria, & proportionalitates sumunt ab Arithmetica.

- 19 *QVARNELLVS* in Architectura militari, communi vsu, dicitur Pinna murorum, quæ alternatim æqualibus spatijs ponitur in eorum summitate, ad protegendos milites, inde missilia eiaculantes. At qua ratione tali nomine, vulgus Pinnae eiusmodi potissimum appellarit, obscurum valde est, & radix adhuc incognita. Ad Saxonicum Idioma notionem trahit Spelmanus, sed non placet Du-Cangio; qui potius ad suos Gallos refert, apud quos *Charnel*, rem in quadrum positam seu etiam vtrumque sectam significat. Ex quo Cancelli in quadrum dispositi *Charnelli* apud ipsos vulgariter audiunt. Consonant & Scriptores Gallici, qui sæpissimè Domos

Qua-

Quarnellatas memorant, eas profectò intelligentes, quæ frequentibus fenestris, iisdemque cancellatis, instructæ sunt: vt videre præsertim est in Annalibus Francicis, & apud Prynneum in Libertatibus Gallicanis. Quibus stantibus, in vtraque acceptione optimè quadrat Quarnelli vocabulum, murorum pinnis, quæ quasi quidam cancelli sunt ad prospectum simul, ac tegimen interpositi: & insuper, quia quadratæ sunt, æqualibus spatijs ad fenestrarum morem ab inuicem distantes, ab forma ex primaria notione, non vtiq; absona, denominatæ sunt. Vnde & Vvillen. Brito, in sua Philippi-
ca lib. 7. Fenestras ipsas, Quarnellos appellare non alienum putauit.

Vbicunque patent Quarnelli, siue fenestra.

Vide in V. Pinna.

QUARTERIA, militari vocabulo, apud Polemicos appellantur 20
Statiua militum Contubernia, singulis Choortibus ad mansionem tributa, ac tumultuariò munita aduersus hostium repentinos incur-
sus: idque, siue in Castra ad tempus sese recipiant, dum adhuc vrget bellum, (siue eo tantisper intermisso) in pagis consistent ad hyber-
nandum, quoadusque militaris expeditio, aut prælium iniatur. Et, si quidem ea Castrensia sint, intrâ vallum, & sepem castrorum subito excitata, ea potius tuguria dici debent, vulgò *Baracche*. Sin autem in Statiuis posita sint ad quietem, & consistentiam, speciali notione, Quarteria nuncupantur. Quæ proinde non continuata, vt in Oppidis domicilia, sed ab se diuisa, sciuncta, ac suis terminis dispersita sunt, vt quisque facile ad sua, citrà omnem tumultum, & confusionem, sub suis signis sese recipiat. Non ita tamen debent esse seiuncta, vt non ad nutum Ducis exteplò colligi queat miles & illuc accurrere, vbi necessitas poscit, & aut prælium instat, aut laboran-
tium sociorum periculum aduocat ad promptam opem ferendam. Generaliter autem Castrorum nomine veniunt. De quorum rata distributione, multa habet Vegetius lib. 1. cap. 21. & seqq. dolens subinde, eorum ponendorum scientiam suo tempore excidisse; ex quo factum inquit, integros quandoque exercitus, improviso hostium superuentu, fuisse dissipatos. *Non solum autem (eius sunt verba) confidentes sine castris ista patiuntur, sed cum in acie casu aliquo caperint cedere, munimenta castrorum, quò se recipiant, non habent, & more animalium multi cadunt, nec prius moriendi finis fit, quàm hostibus voluntas defuerit persequendi.* Hæc Vegetius. Ad quæ incommoda euiranda salutaria præcepta tradit Polybius lib. 6. ac Leo Augustus in Monitis, quæ circumferuntur, ad filium.

Cæterum, quod ad nomen attinet, illud desumptum arbitror à 21

Quar-

Neapolitanorum Antistite, qui floruit nono sæculo nostræ salutis. Altarium S. Stephani circumcinxit Quintanis, & multas fecit ibidem æreas Coronas, è quibus scilicet lucerna seriatim disposita dependerent. Vbi satis apertè liquet, Scriptorem de Cancellis illis intelligere; qui circa altaria etiamnum ferrei, ærei, vel lapidei, aut certè lignei apponi solent, & alicubi in Lilia desuper terminantes ad sustinendas impositas lampades, quæ ad splendorem, & ornatum, loco adijciendum, iugiter pendent. Antonius tamen noster Caracciolus, in Monumentis Ecclesiæ Neapolitana, pro Quintanis hic, annulos æreos vult intelligi; nec sanè ab re: quandoquidem de ijs fortè loquutus est præfatus Auctor, quos in decussationibus, & commissuris cancellorum, non tam ad firmitudinem, & coherrentiam, quam ad decorem, & venustatem, ex aurichalco in annuli formam contornato, adijci solent.

QVINTILIS RADIVS, seu *Aspectus*, in Astronomicis est noua species familiaritatis in sideribus à Keplero detecta, nec minùs experientia, quam ratione firmata, desumpta ab interuallis musicis, quæ consonantiam generant; itaut constituantur in distantia quintæ partis Circuli, in figura pentagona, efformentque inibi duos angulos æquales & obculos, qui quinta parte sint minores rectis, & sexta parte maiores exagono, seu sextili. Et quidem in Zodiaco, (quoniam paribus gradibus dispefcitur) constituitur in spatio 72. gradum: In Mundo verò definitur per proportionales distantias arcus diurni, vel nocturni. Est radius de sua natura, faustus, & benignus, vti sunt Sextilis, & Trinus; minùs tamen validus, & efficax. Porro ex duplicato Quintili consurgit radius Biquintilis, qui contrahitur in distantia duarum, è quinque partibus Circuli, seu figuræ Pentagonæ, complectens in Zodiaco grad. 140. & aliàs, vti sit Trigono maior quinta eiusdem parte: atque in tanta distantia, maiores vires acquirit, quam ipse Quintilis: cæterum eiusdem fere naturæ. Ad quæ, vide quæ diximus in V. *Familiaritas*, & vnusquisque radij extensionem, in *Figura Sexdecim laterum*.

QVO

QVOTIENS apud Algebricos, & Arithmeticos, dicitur quidquid in certa numeri partitione, in æquas partes, quæ sint vltimus terminus susceptæ diuisionis, prouenit: seu est numerus partium in quas alius numerus maior æqualiter diuidendus per alium datum numerum abit, nihilque amplius ex diuisione residuum superest. Talis est 4. respectu 20. diuidendi per 5. vel quinque in ordinem ad totidem quaternarios, in quot numerus vicenarius est diuidendus. Di-

X x x

citur

citur autem *Quotiens*, quia indicat, quoties numerus Diuisor contineatur in numero, qui suscipitur diuidendus. Est autem Diuisor is qui denominat partes in quas reducitur numerus maior æquè diuisus. vt in exemplis allatis, numerus quinarium est diuisor vicensarij in quinque partes, hoc est, quatuor quaternarios, qui sunt Quotientes, vel quaternarius diuidens prædictam summam in quatuor quaternarios. Quodsi viceversa numerum quinarium, vel quaternarium assumas ad multiplicandum vnum per alium, is dicitur Multiplicator, & summa proueniens dicitur Productum; quia videlicet est ductus vnus in alium: quod tunc fieri intelligitur, quando alteruter toties alterum continet, quoties in eum intrat vnitas. Res clara & ipsis consoribus obuia. Vide tamen, quæ circa dictorum terminorum naturam, & proprietates, luculenter examinat Clavius in *Epitome Arithmetica Præfatiæ*.

26

QVOTVS, vocabulum item numerale est, & in numero indefinito signat certum aliquem terminum vltimò determinatum, aut determinandum, vt Quota hora dici est? Ac sic ferè semper cum interrogatio, aut indicatiuo responsionis vsurpatur; inquirendo, vel respondendo, cui è pluribus qui in vnum concurrant, signanter determinatio cadat. Simili ratione *Quotuplus* ad mensuram refertur, indicans partem aliquam specificatiuam, de toto. In operationibus verò Algebricis, & Arithmeticis, etiam indicatiuè, & definitiuè sumitur; & est vltimus terminus ex operatione proueniens: quasi iam quæsitus, & habitus. Vt in Regula Aurea, quartus numerus resultans ex multiplicatione tertij numeri per secundum, ac diuisione postea facta numeri producti, per primum; dicitur Quotus. Et hæc est passim vocis vsurpatio nedum apud Arithmeticos, sed apud omnes ferè Scriptores: Vnde, si quis proponat numerum aliquam mente conceptum alterique ignotum, artificiosè deducere, is iam inuentus dicitur

Quotus.
* *





RA



ABDOLOGIA, ex græca notione, quasi Virgarum **I** Scientia. *παβδός* enim græcè virgam sonat, & *παβδωτός* rem virgatā. Quo in genere *παβδωσίης* nomine veniunt omnia, quæ in virgarum formam, & formā abeunt: vnde ea voce usus est Aristoteles, cum striatam columnā denotare voluit *παβδωσίν κλονος*.

vocat, & quasdam species concharum externè striatas *εσβδωτά* appellat, quod, pectinatim diuisa, vertit Theod. Gaza. Quare benè Rabdologiam denominauere Arithmetici, facultatem quā traditur methodus facilis computandi & supputandi quoscunque numeros, per eorum distributionem, & dispositionem in certas cellulas seriatis, per longum & latum, & diagonaliter sibi respondentes, quasi virgatas & striatas: itaut ex eorum varia combinatione, ac textura, omnis multiplicationum, & diuisionum, additionum, & subductionum ratio, magno cum laboris leuamine, facillimè & expeditissimè iniatur. Huius mirabilis artificij inuentor extitit magnus ille Ioannes Neperus Scotus, Arithmeticæ complanator, & Logarithmorum author. Id autem fit per tabellas in retis similitudinem lineis designatas in longum, vt dixi, & latum, & diagonaliter sese interfecantibus: in quarum quadratulis disponuntur per ordinem numeri, assumpta in fundamentum & basim, celebri illa Tabula Pythagorica, quæ omnium manibus teritur, ac mente tenetur: nisi quod illa simplex, semper fixa, & stabilis; ista duplex & variabilis est, itaut singulæ columnæ diuelli possint, & aptari ad opus quod singulis vicibus assuminius consummandum: dispersiuntur enim cellulæ nedùm per quadratulos sibi respondentes. Sed & per trasuersum in rhombos, & triangula, in quæ singulæ numerales figuræ cadunt: ac mirum in modum postea ad operationes arithmeticas con-

ferunt, quæ aliàs magnam temporis iacturam secum afferunt, magnum tadium, magnamque molestiam. Quocirca, vt ad rem deueniamus: Describatur primùm vulgaris tabula Pythagorica in lamella cuprea vel buxea, vel certe charta solida, & crassiore, in decem, aut si vis, in plures columellas sibi per numerorum ordinem succedentes: & similiter in quadrum nouem sectiones, seu quadratorum ordines, ab summo ad imum dispositas cum numeris suis, multiplicibus eorum qui respondent per directum in fronte: nisi quod ad communem tabulam Pythagoricam adiunguntur totidem lineæ, seu partitiones diagonales, quæ singula quadratula secant in angulis in duo triangula, vnum superius dextrorsum, aliud inferius sinistrorsum: atque in ijs quadratulis hoc modo in duo triangula sectis, numeri collocantur: & si ij quidem singulares sint, hoc est vnica figura exprimibiles, ponantur in triangulo inferiore sinistro, relicto superiore vacuo: si verò duplici figura præditi sint, dispescantur; & altera figura, quæ vnitates denotat, exaretur in inferiore triangulo; quæ verò denarium, in superiore eiusdem quadrati triangulo; vt videre est in subiecta figura.

Tabula Pythagorica ad Rabdologiam applicata.

1	2	3	4	5	6	7	8	9
2	4	6	8	10	12	14	16	18
3	6	9	12	15	18	21	24	27
4	8	12	16	20	24	28	32	36
5	10	15	20	25	30	35	40	45
6	12	18	24	30	36	42	48	54
7	14	21	28	35	42	49	56	63
8	16	24	32	40	48	56	64	72
9	18	27	36	45	54	63	72	81

Porro ad huius reticulata tabellæ formam, altera consimilis paranda est, iisdem diuisionibus interstincta, itaut alteri in quadratulis, & rhombis adamussim respondeat; non tamen iidem numeri in ea describendi sunt: sed, si prima columna v. g. vnius continet in fronte unitatem cum subiectis sibi multiplicibus, altera in prima columna habeat binarium in fronte cum suis multiplicibus descendentibus, & sic de singulis. Quo factò columnulæ istius secundæ tabellæ, scindendæ sunt à summo vsque deorsum, itaut ab inuicem separari queant, ac toties quoties opus fuerit aliter, atque aliter disponi, & inuicem coaptari.

Verum id in factò non parum molestiæ infert, & confusionem parit, quando operatio facilius, & expeditius haberi potest per vnā & eandem primam tabellam perpetuò stabilem; modò, vt ex ea, eæ columnulæ cum suis numeris deligantur, quæ ad rem faciunt, & in paginam transferantur, atq; in seriem disponatur in tot tantum columnas, quot figuras continet numerus assumptus ad opus, atque in descensu, ij tantum multiplices apponantur, quos numerator ad operationem requirit, cæteris quadratulis aut prætermittis, aut vacuis, tanquam non ad rem, relictis. Quocirca considerandus venit ipse multiplicator: & si quidem vnā figuram habet, constituatur extra reat ad latus; ita tamen, vt respondeat ordini quadratorum continentium multiplicia, quæ sibi competunt: nam progrediendo à sinistris ad dexteram in tota serie quadratorum, habebitur in rhombis integer numerus factæ multiplicationis. Si verò Multiplicator plures figuras habuerit; id ipsum per singulas figuras è suo loco sumendis, iteratis vicibus, prout opus est: idque siue eadem figuræ recurrant, siue alix. Exemplis res manifesta fiet.

Volo multiplicare num. 34752. per 4. Primò seligo ex superiori vniuersali tabella, illas columnas, quæ habent in fronte eas ipsas figuras: & ità simul dispono, ac iu propositione sunt ipsæ figuræ dispositæ; sicque transcribantur in charta, vt vides; vel translatis ad eam quatuor tantum ordinibus quadratorum seriatim extensis in latus, & relictis vacuis duobus intermedijs; vel sanè supposita solum serie, quæ respondet num. 4. à latere dextrorsum posito, qui debet esse multiplicator, itaut seriatim cum suis multiplicibus cadant sub figuris multiplicandis,

$$\begin{array}{r}
 34752. \\
 4. \\
 \hline
 139008.
 \end{array}$$

1	3	4	7	5	2
2					
3					
4	1	1	2	2	
	3	9	0	0	8

3 Excipio igitur ex quarta quadratorum serie per descensum numeranda, suos multiplices respondentes figuris in fronte expositis, ac transcribo in hanc particularem tabellam: ac facta enumeratione, seu collectione numerorum, qui in rhombis inveniuntur, procedendo à sinistris ad dextram, iisque per ordinem extra rete dispositis, inuenio multiplicationem peractam, in 139008.

¶ Ut autem appareat, an id rectè initum sit, expendi poterit ad consuetam trutinam, & examen, vel per diuisionem producti huius numeri in quatuor partes, vel per summam propositam numeri multiplicandi, ex quatuor iteratis vicibus proficientem.

Quodsi Multiplicator plures figuras contineat, eodem modo res peragenda; ità disponendo rete, ut numerus multiplicandus accipiat in fronte ac disponatur eo ritu, quo figuræ seorsim ordinatæ sunt, & multiplicator cum suis multiplicibus lateraliter procedentibus, eodem ordine disponatur in descensu: itaut rot omnino quadratorum series extendantur in latus sub singulis numeri multiplicandi figuris, quot sunt figuræ multiplicatoris. Nam, acceptis numeris, qui in rhombis adunati reperiuntur, ac seorsim extra rete, à sinistris ad dexteram procedendo, sub finibus cuiusque rhomborum seriei per transuersum acceptæ, notatis; inuenitur multiplicatio facta. Sic, si placeat eundem numerum assumptum, 34752. in seipsum producere, extraho ex vniuersali Rabdologia illas quadratorum series quæ ad rem faciant, & ex illis efformo simile rete habens tam in longum, quam in latum, quinque ordines quadratorum; atque ad illud transero numeros in fronte descriptos cum suis multiplicibus, qui respondeant singulis figuris Multiplicatoris; tùm colligo quidquid in singulis rhomborum ordinibus, à sinistris incipiendo, collectim inuenitur; ac similiter extra rete ad fines cuiusque rhombi, vel eorum seriei, dispono; reiecta, in sequentem rhomborum seriei figura quæ nouem excesserint, itaut omnes rhomborum

borum series excurrat & expleam, illicò apparebit productum, ut infra.

Numerus multiplicandus per		3	4	7	5	2	Similem multiplicatorem.
Numerus multiplicatus huius est.	1	9	12	21	15	6	
	2	18	24	42	30	12	4
0	7	63	84	147	105	42	7
	5	45	60	105	75	30	5
7	2	36	48	84	60	24	2
	0	0	0	0	0	0	0
		0	1	5	0	4	
		1207701504					

Num. Multiplicad. 34752.

Num. Multiplica- 34752.

tor. ———

69504.

173760.

243264.

139008.

104256.

Productum. 1207701504.

Quæ quidem operatio eadem reapse est; ac quæ initur communi via, (vt hic uidere est) sed planior, ac facilior, minimeque errori obnoxia: proindeque altera alteri pro experimento & examine esse potest, indeque colligi quod rectè inita sit.

Eadem omninò methodus seruanda est in quibusuis multiplicationibus per quosuis vel magnos multiplicatores in infinitum perficiendis; addendo, vel minuendo, quadratorum series, easdemque simul ac plures fortè conuenientes, atque in rete expandendo, itaut hæ per ordinem, & adanussim respondeant tot numero figuris, quot tam numerus multiplicandus, quam multiplicator continuerit: & statim ex collectione numerorum in singulis rhomborum diuisionibus inuentorum, vt suprà dictum est, iisque in seriem dispositis, incipiendo à sinistris, & successiue prosequendo ad dextram, apparebit multiplicatio facta.

Quodsi partitio altius summæ in partes æquales per Diuisorem determinandas, facienda sit; eadem prorsus via tenenda est, ac in multiplicatione, sed ordine inuerso, siue diuisor vna figura notetur, siue pluribus: quandoquidem in idem recidit, si dicam: Volo inuestigare, quot vicibus talis determinatus numerus inueniatur in data summa; ac si, vice versa, inquirerem, in quam summam coalescat talis determinatus numerus toties replicatus, quot vnitates numerus

rus multiplicator habuerit. Quamobrem ex prædicta Tabula Rabdologica, in arca comuni numero diuisoris accipiendi à latere, & alteri existenti in fronte, aut certè proximiori, accipio numerum diuidendum, vel si illum præcisè non inuenio, numerum ei proximè accedentem lateraliter incedendo, quoadusque illum, aut proximè maiorem inueniam, & statim in fronte dabit partitionem iam factam, saltem in numeris integris, neglectis fractionibus.

- 6 Verùm, quia non semper numerus, qui assumitur in partes diuidendus, inuenitur expositus in arëis lateralibus successiue sequentibus ad numerum diuisoris à latere constituti; quinimò sæpe accidit, vt tam diuisor, quam numerus diuidendus, atque inuicem numerus quotiens in plures figuras abeat; idcirco in eo casu procedendum est per partes, iterando operationes: ac primò exorandus est, à primis figuris ad sinistram inuentis, ac deinde prosequendo ad easque à dextris sunt, similiter operando, promotum semper ad dexteram diuisore: quod si è directio diuisoris, lateraliter procedendo, nusquam inuenieris integrum numerum qui venit diuidendus; tunc accipiat ille qui proximè minor illum præcedit à latere, atque ab eo hic subducendus; cum quo postea instituenda est operatio, accepta in fronte quota parte diuisionis respondere huic accepto multiplici, ac seorsim notanda: denuòque promouendus est diuisor ad id in quo numerus tuus excessit: nam quot diuisiones per notas singulares dabit operatio, totidem seorsim notare debes, eodem ordine procedendo, quoadusque totus numerus, & summa proposita exhaustiatur. Atque idipsum faciendum est quoties diuisor habebit plures figuras, conferendo primam cum prima, aut si eam non, apit prima figura, accipiendo primam, & secundam immediatè succedentem, & ab ipsis, prima figura diuisoris est subducenda, & sic de alijs, quoad totus numerus inuentus in arëa, explicatur. Sed ex praxi res melius intelligetur,

- 7 RADIVS communiter dicitur fulgor ille emanans è corpore aliquo luminoso, & per rectam lineam tendens in spatium indefinitum diaphanum, quoadusque eius vis extendatur, aut ad aliud corpus opacū terminet, quod vltèrius progredi non permittat. Vnde ab Opticis definitur, quod sit linea recta luminosa in modum spiculi, quæ rectà tendat ad corpus obuersum. Differt à Lumine, & à Luce, per hoc, quod Lux est prima dos, & effluxus corporis luminosi primarij, vtpote Solis, quo, veluti instrumento, lumen & radius educuntur: Lumen autem sit effectus secundarius, à luce congenitum, per sui diffusionem per modum conij, cuius axis sit radius minimus

ac protensus per corpus illuminatum diaphanum: vt, suo loco, cum de *Luce*, & *Lumine*, diximus. Igitur Radius se habet ad modum Spiculi (vnde est quod Spiculum etiam appellatur) traiecit à corpore luminoso in aliud corpus luminis receptiuum, & interim per orbem producit etiam lumen, illudque diffundit per medium diaphanum. Quare latius patet Lumen, quam Radius, & Lux: quandoquidem illud potest esse sine radio, vt patet in Crepusculis, & in Domo intus illuminata ab aëre ambiente: Lux vero consideratur intrinsecè indita in corpore luminoso, sed aliunde impedito; ne lumen diffundat: quod ideo non potest esse radius sine luce primaria à qua est effectiuè, nec sine lumine, quod est instrumentum diffusum lucis.

Triplex est radius; vnus directus modò explicatus, qui à corpore intrinsecè luminoso procedit, & rectà tendit ad aliud illuminandum: Secundus Reflexus, qui à corpore illuminato recipitur, & remittitur (stante obice suæ opacitatis, quæ non permittit illum vltra progredi, & transmitti) siue in ipsum corpus illuminans, siue in aliud obliquè positum, sibi quæ aduersum. Tertius dictus Refractus, & est cum à medio minus denso, & aliqua diaphaneitate prædito, ægrè & magis remissè diffultat, vel etiam à rariore in minus rarum, seu crassius transit: vt cum ab aëre in aquam diffunditur. Hæc autem triplex radiorum proiectio fundat triplicem facultatem Opticæ subalternam, Dioptricam, Catoptricam, & Anacasticam, seu Anacampticam, de quibus fuscè Vitellio lib. 10. & nos, suis in locis. Hinc

RADIVS apud Astronomos audit Aspectus, & Configuratio duorum siderum, in certa ab inuicem distantia, è qua se mutuò intuentur, & immittunt suos radios, adeoque communicatis luminibus aut in viribus roborantur, aut infringuntur; prout similibus aut dissimilibus qualitatibus fuerint præditi, & vnum super aliud erit eleuator, & potentior: vnde est etiam, quod effectus & influxus in isthæc inferiora, de sui natura, & concurrentia gignunt, aut validiores, aut debiles ac reusos. Sunt autem, Sextilis, Quadrarus, Trinus, Oppositio, & alij, quos supra, suis locis enumerauimus, atque eorum naturam expendimus. Io: Regiomontanus vult, huiusmodi radios immitti per modum Coni, per circulos maiores & maiores, quò magis ab sidere elongantur, quorum centrum sit ipsum Astrum (excepta tamen Oppositione, quæ fit per diametrum) basis verò ac terminus, locus ac distantia, quæ definit qualitatem eiusdem radij: in quem si inciderit aliud Astrum, dicitur re-

cipere, & vicissim remittere talem radium: inde est, quod quilibet ex huiusmodi radijs, sumi debeat in puncto circulatorum quibus intersecatur Ecliptica. Blanchinus verò contendit, esse circulos in longum descriptos, qui transeant per corpora siderum intuentium; sicque radios sumi tanquam puncta super hos circulos in distantijs determinatis; vt pro Sextili, grad. 60. pro Quadrato, grad. 90. & sic de reliquis: vt videre de omnibus licet in Figura Sexdecim laterum, quam suo loco exposuimus. Ex qua sententiarum diuersitate nascitur celebris illa controuersia: An in directionibus attendenda sit latitudo planetæ immittentis, vel recipientis radium, an non. De qua re, fusè etiam nos disputauimus in V. *Partilis Radus*.

IO *RADIVS* etiam apud Geometras appellatur: Sinus maximus, seu Chorda subtensa integro Quadranti, quæ est semper semidiameter Circuli, & semisses chordæ subtensæ integro semicirculo: cui successiue respondent & succedunt alij sinus minores & minores, ijdemque inuicem paralleli, vsque ad complementum arcus cui subtenduntur, terminantes ad singulos gradus, & minutias arcuum, quibus singuli subtenduntur. Hic autem assumitur in sua maxima amplitudine ad certum partium numerum definita, pro mensura reliquorum sinuum ex regula proportionum, vti & Tangentium, & Secantium, prout fusè dicitur in V. *Sinus*.

II *RADIVS Geometricus*, seu Astronomicus, vocitatur Instrumentum ad speculanda sidera, aut locorum altitudines mensurandas factum, ex doctrina Sinuum, Tangentium, & Secantium: quo mediante per radios visuales tenere possumus eorum altitudines, distantias, latitudines, declinationes, &c. Cuius vtilitates & vsum, fusè tradit Gemma Frisius, peculiari libello, quem de hac re scripsit, eiusque fabricam & partes quibus componitur, accuratè descripsit. Atque hoc instrumento primùm vsi sunt Ptolemæus, alijque veteres Astronomi vsque ad Tychonem, in obseruandis siderum positionibus: qui postea, cum diu illud adhibuerit, Sextante ab se inuento, errori, ac variationi haud obnoxio, & vsque ad minuta exactissimo, vsus est. Porro huic affinis, seu potius idem, pluribus numeris auctus, successit

RADIVS Latinus, ita agnominatus ab eius inuentore, Latino Vrsino celebri Geometra, quem vberimis conuenerarijs illustrauit Egnatius Dantes, insignis & ipse Mathematicus ex Ordine Prædicatorum, qui cum de vsu Astrolabij, aliorumque instrumentorum

Astro-

Astronomicorum, tum signate de hoc Radio, eruditè scripsit, atque vniuersas Mathematicas facultates in Tabulas redegit, & concinna methodo compilauit.

12


RADIX, generali notione audit communiter primum rerum exordium, seu fundamentum vnde initium sumunt, & propagationem accipiunt. Ab Radice arboris sumpta denominatione, ex qua prodeunt caudex, rami, frondes, fructus, qui omnes in radice fundantur, & ab ea accipiunt alimentum, & incrementum. Hinc à Mathematicis, pro rebus quique suis explicandis, frequentissime, ac diuersimodè vsurpatur. Nanque à Geometris in quantitate continua, anguli & latera, quæ sunt principia omnis dimensionis figurarum, corporum, & arearum, Radices nuncupantur. In Arithmetica numeri cardinales assumpti ad aliquam progressionem numerorum æquali ductu persequendam, Radices dicuntur; de quibus mox infra. Apud Chronologos etiam, Aeras, Epochas, Hegiras, hoc est initia quædam temporum, iuxta diuersarum Nationum, ex memorabili quodam facto in ijs incidente, ex quo annorum decursiones incipiunt computari, Radices temporum nominant, vt aliàs obseruauimus. Similiter Astronomi, Epochas cælestium motuum, hoc est, puncta aliquot fixa, ac termini, vnde singulorum reuolutio initium sumit, Radices appellant; & sic in alijs. Qua etiam ratione Astrologi, momentum Cælestis constitutionis, ad quod initium anni, natalitium Thema, Decubitus Figura, vel alterius cuiusvis rei de cuius progressu dijudicandum est, Radicem dicunt; ex cuius constitutione, per motum Directionis venantur in singulos annos prosperos, & infaustos euentus, qui successuri sunt, quoniam in hoc radicali Themate, tamquam in radice fundantur, atque ex bono, vel infelici statu, (vti ex bona vel vitiata radice, boni vel mali fructus prodeunt,) bona vel mala in roto anni vel ægritudinis decursu euentura præfigiunt.

13

RADIX Quadrata, vel *Cuba*; signanter In Arithmetice dicitur æquale latus numeri in Quadratum dispositi, vel in Cubum: etenim eadem proportio inuenitur in numeris, & quantitate discreta, quæ in quantitate continua in figuris geometricis, intra plures angulos, & latera comprehensa. Numerus igitur, qui in seipsum ductus, in quadratam formam confurgit, hoc est, in quatuor æqualia latera, numerum aliquem maiorem comprehendit, ac similiter diuidit, itaut nihil æsiduum superfit, *Latus*, & *Radix Quadrata*, denominatur: quia videlicet est veluti latus terminans, & radix ex qua in

se ducta emergit Numerus Quadratus, qui consurgit ex tot lateribus æqualibus, quot vnitatibus ipsum latus constat. Numerus vero ipse quadratus, qui in seipsum ductus, producit numerum Cubum, ex tot lateribus integratum, quot latera inueniuntur in Cubo geometrico; dicitur *Radix Cuba*. Itaque eadem quæ Quadrati radix est, erit etiam radix Cubi, sed in hoc latera quadrati multiplicantur pariter in quadruplum. Vnde, habita radice quadrata, habetur etiam Cuba, & inde illicò elucescit, quis numerus quadratus aut Cubus illis conueniat, & econtrâ, dato numero quadrato, aut cubo, statim ex facta æquali partitione, extrahitur alterutrus Radix; sunt enim correlatiua, eandemque semper, & constantissimam correspondentiam habent; vt videre est in mox subiicienda figura.

- 14** At, vt facile est ab data Radice Quadrata vel Cuba, venire in cognitionem numeri Quadrati vel Cubi, qui ex eâ toties in se ducta, quot sunt latera in quadrato, vel Cubo, vtriusque radicem extrahere, in quam tandem, facta eiusdem in æquas partes diuisione, ita resoluitur, vt nihil residui sit, quod non valeat per æquas vnitates in radicem intrare; non itâ tamen facile est, ex omni quocumque numero, posse per resolutionem extrahi radix, quæ non in aliquo aut deficiat aut supersit, quod sit extrâ rationem radices: vt sunt 3. 5. 7. 8. 11. 14., & sic procedendo in infinitum.

 Quare satis acutè tradita est Algebricis, certa via & methodus; inueniendi illicò & infallibiliter, in quouis magno numero, qui sit propositus, suam radicem quadratam, vel cubam, cui respondeat; seu quoties, & qualiter in quantalibet summa etiam in infinitum, protensa, reperiat ultimus, & minimus quidam terminus, qui in se ductus, & iterum in productum multiplicatus, assurgat in eandem illam summam, quæ fuit proposita, & in nihilo illam superet, aut deficiat.

- 15** Dupliciter autem initur hæc ratio, vel in simplicibus & minoribus numeris; vel in maioribus, & compositis. In Simplicibus, sat est nouem primarum radicum notitia memoriâ retenta, quæ vtique pro fundamento supponi, ac probè nosci necesse est, non quæ; habent enim ordinem ad suos quadratos & cubos in quos coalescunt, ex facta earum multiplicatione, vt videre est in infrâ posita Tabellâ. At in Compositis tria sunt attendenda. Primò, vt prædictarum nouem radicum cognitio, & respectus ad suos quadratos, & cubos, mente firmiter teneatur, atque, vt ita dicam, iugiter præmanibus sit. Secundò, iusta datorum numerorum collatio. Tertiò artificiosa earundem extractio, seu ipsa extractionis operatio. In-

collatione, id in primis obseruandum, quod præter ipsos numeros per ordinem dispositos, puncta quædam & lineolæ sunt adhibendæ ad valoris eorum memoriam, & confusionem operationis vitandam. Nam, dato numero, & ordinatim disposito, ante omnia is in quibusdam figuris supernè punctis notandus est, initio factò à prima figura: id quod ad duo inferuit; primò, ad ipsam operationem faciliùs dirigendam; alteram, vt manifestent quot numeris constare debeat ipsa radix inuenienda. Lineolæ autem in hoc negotio, binæ assumendæ; vna recta transuersim ducta, sub numero è quo veniet extrahenda radix, cuius sit separare numeros ex diuisione erutos, à diuidendis: altera semilunaris & curua, ad latus numeri propositi constituenda; qua videlicet ipsa radix extracta, vel extrahenda à numeris quadratis secerni, & notari seorsim possit. Itaque tota operatio in eo consistit, vt primùm habeatur simplicis radicis educio; inde reliquorum numerorum diuisio. Sed exemplis rem illustremus.

Volo extrahere radicem quadratam à numero 189. Ante omnia 16
appono punctum suprâ figuram 9. & intermissa secunda, alterum
suprà tertiam, quæ est centenariorum (& sic prosequendo semper in 189. (1.
infinitum dexteram versus, si summa magna sit, & figuris plurimis 1.
exprimenda) eoquâ à figuris puncto notatis tantummodo, & verè
radix quadrata subducitur: ab intermedijs verò, media proportio- 1.
tionalia, seu rectangula. Tùm videndum, quinam quadratus in-
tret in primam figuram à dextris, nempe 2. & inuenio, quod in eo
numero maior quadratus non continetur quam 1. idcirco hunc no-
to à sinistris, separatim à lunula; & insuper sub prima figura à de-
xtris numeri expositi, cuius radicem quadratam inquiero, ipsum 1.
constituo, & claudio lineola recta subtus posita. Deinde hunc, qui
factus est iam quadratus, subduco à supraposita figura 2. & remanet
1. qui est numerus Centenariorum relictus, eoquod est sub tertia fi-
gura à sinistris incipiendo, quæ est nota numeri Centenarij; & ha-
bcolatus in partem radicis intrans, nempe 1. qui, quoniam aliam
figuram à sinistris supponit, signat 10. atque adeò residuum numeri,
cuius radix quadrata queritur, erit iam 189. Sed quia rectangula
ipsa subducenda sunt, eoquod figura intermedia, 8. non est pun-
ctata; (prò vno enim latere comprahendit quantum ipsa radix qua-
drata, & pro altro quadratum adhuc incognitum subtrahendum est
à num. 15. qui diuilius est in 10. & 7.) ideo duo piani numeri, qui
cum duobus quadratis, 10. & 7. integrant totum latus conflatum
ex num. 17. sunt inuicem conferendi, atque vnum ab altero subdu-
cendum. Et quidem vnum latus, nempe 10. iam remanet explo-
ratum,

ratum; alterum quod est 7. venit explorandum. Adhuc igitur, ut illa subtraham, (quæ duo sunt, & consequenter duo latera appellant, quæ æqualia sint radici) radix hæc duplenda est, & innotescat, illam intrâ se, duo isthæc latera comprehendere; & poni debet 2. sub radice inuenta, scilicet 1. itaut significetur 20. circa quem numerum videndum est, quoties intret in num. 180. (nulla habita ratione figuræ 9. quæ prima, seu postrema est à sinistris, & indicat unitates, ac propterea inhabilis est ad continendum 20.) & inuenio quod 20. nouies intret in 180. vnde elicio quod 9. sit alterum latus rectanguli. Sed quia, quantum est hoc latus, tantum debet esse aliud latus quadrati incompleti, quod remanet subducendum; iterum inquirendum est, num hic num. 9. in se ductus, intret in numero residuo punctato, à quo quadratum illud deducendum est. Et quoniam ab illo residuo, 189. ablatis 2. multiplicatis per 9. hoc est, 18. restant adhuc integri, 9. qui numerus in se ductus facit, 18. qui subintrare in hoc munus non valet; hinc est, ut is assumi nequitquam possit in alterum latus quadrati. Accipio igitur 7. qui bis intrat in 18. & relinquit insuper 4. qui adiectus ad 9. facit 49. qui utique tantus est, ut bene capiat 9. in se ductum, (etenim 7. in 7. multiplicatus constat 49.) Quod ideo iam habeo alterum latus rectanguli. Itaque 2. in 7. ductus, facit 14. hoc est, addita cifra, quæ responderet numero superiori 140. subducoque ipsum à 189. ita tamen, ut seruent suum locum; sicque 4. ponatur sub 8. & 1. sub 1. residuum erit 49. Et quia iam cognoui latus ultimi quadrati esse, 7. idcirco duco 7. in 7. & habeo 49. quæ summa ita numerum explet, ut nil ultra supersit. Quare idem 7. locandus est iuxta radicem 1. prius inuentam, itaut simul faciant 17. ut videre est in margine: quæ profecto erit radix quadrata assumpti numeri 289. Quod erat inuestigandum.

189. (17

14.

17 Pari methodo extrahenda est Radix Cuba: Nisi quod in numero Cubo, à quo venit extrahenda, puncta notanda sunt supra figuras eo ritu, ut post primam punctatam, sequentes duæ intermittantur, & notetur quarta: inde, prætermissa quinta & sexta, punctetur septima; & sic de reliquis: namque expunctatis solum radicem subducenda est; ab alijs verò intermedijs solida proportionalia educuntur. De reliquo, eodem ritu proceditur in extractione radicis Cube, ac in Quadrata; cum Radix Cuba nil aliud sit, quam numerus radicalis, qui primo in se ductus, ac inde etiam in productum, generet numerum Cubum. Quocirca id quod semel fit in Quadratis, eiusque lateribus, duplicato faciendum est in numero Cubo: itaut primo extrahatur radix quadrata, ac postea eodem modo Cuba; e quod

Qua-

Quadratum sexies inuenitur in Cubo . Appono hic pro coronide, radiosque huius operationis, tabellam primarum nouem radicum respondentium ad suos quadratos, & cubos . Qui pluribus exemplis in vtraque extrahenda radice, rem illustratam auct, adeat Clauium in *Geometria Pract.* qui ea, lib. 6. congerit ad satietatem : vbi etiam in Tyronum gratiam, expandit ad finem operis, Tabulam Quadratorum, & Cuborum, à 1. vsque ad 1000. cum suis à latere respondentibus radicibus quadratis, & cubis.

Radices Simpl.	Num. Quadrati	Numeri Cubi.
1.	1.	1.
2.	2.	8.
3.	9.	27.
4.	16.	64.
5.	25.	125.
6.	36.	216.
7.	49.	343.
8.	64.	512.
9.	81.	729.
10.	100.	1000.

RAS, lingua Arabica, idem sonat ac Caput. Hinc apud Scriptores Arabes de rebus Cælestibus, necnon apud eorum Interpretes hanc vocem passim vsurpatam inuenies, & cum addito applicatam aliquibus stellis Fixis insignioribus; vt *Ras Aben*, stellæ quæ fulget in capite Draconis sideris, quod circumambit Polum Arcticum, estque de natura mixta trium Superiorum; Saturni, Iouis, & Martis. *Ras Algeti*, dicitur stella fulgens in capite Herculis, seu Engonasi.

nasi. *Ras Alanguæ*, stella in capite Serpentarij. *Ras Eleced*, hoc est Caput Leonis, & c. de quibus singulis, suo loco.

19

RATIO apud Mathematicos, est quedam correspondentia & relatio quantitativa vnus quantitatis ad aliam, insurgens ex applicatione reali, aut saltem mente concepta; quatenus inuicem commensurari possint, & simul componi, itaut æquiparentur, aut inuicem se contineant, vel exsuperent: & hæc actualis, vel possibilis quantitatuum commensuratio, est illa, ratione cuius, intellectus considerat vnâ quantitatem dependentem ab altera, & recognoscit inter eas aliquem respectum, & relationem; vnde colligitur, hanc rationem non esse nisi in duabus magnitudinibus, quæ sint in eodem genere quantitatis, quæ possint inuicem comparari; vtputa duæ lineæ, aut superficies, aut corpora solida, itaut possit inter eas internosci per comparisonem, hæc similitudo rationis, quæ alio nomine dicitur *Proportio*, græcè autem *Analogia*. Namque habitudo hæc est in ratione mensuræ, quatenus vna æquiparetur alteri, & inueniatur esse, aut maior simpliciter, aut minor, aut æqualis. *Mensura* autem ex Philosopho 10. Metaph. textu 4. *eiusdem generis est*, nempe, *magnitudinum magnitudo, latitudinum latitudo, vox vocum, gravitas gravitatum &c.* aliâs, si diuersi generis forent, inuicem comparari haud possent; nec colligi, an vna sit maior, aut minor alia, aut æqualis, quia numerus v. gr. respectu superficiei, quæ numerus præcisè est, nec maior, nec minor, nec æqualis, nec inæqualis est, eoquod inter ipsum & superficiem, nulla est habitudo realis, aut possibilis, qua vnum alteri applicari possit. Bene verò inter duas quantitates eiusdem generis in ratione mensuræ datur proportio, & improprio, seu rationalitas & irrationalitas, quatenus sint inuicem commensurabiles, aut incommensurabiles. Et quidem Quantitates rationales sunt, in quarum vna reperiatur aliqua pars communis, quæ sit æqualis parti alterius quantitatis; & ita, vnâ & alterâ mensuret per replicatas vices, vt nihil ex ijs residuum sit, quod non ea parte comprehendatur. Irrationales verò sunt, in quibus nulla pars reperitur, quæ si alteri applicetur, possit illam per iteratas vices complere, & adiuuissim æquare, vt non supersit aliquid incommensurabile: vt si forent exempli gr. duæ lineæ, vna digitorum sex, altera digitorum 15. vtique istæ rationales, & commensurabiles erunt, quia digitus æquè reperitur in ambis quantitatibus, & ita eas mensurat, vt, facta vtriusque applicatione talis mensuræ, nihil supersit quod per eam, aut per eius æqualem particulam, non sit mensurabile; esto vna aliam superet magnitudine aut extensione. Econtrâ latus quadrati

drati, est omnino incommensurable cum eius diagonali; quia in eis concipi nequit vna vel minima pars, quæ ex æquo vnâ & alteram mensuret, & nihil supersit aut deficiat in altera, quod possit in rationem talis mensuræ venire: & ideo inter se dicuntur irrationales.

RATIONALIS appellatur à Proclo, Alberto Magno, ac plerisque 20
Astronomis, aliisque Sphæræ Io: de Sacrobosco Commentatoribus, *Horizon* haud sensibile vel apparens, sed solum ratione admissus, & mente conceptus. Distinguunt enim duplicem Horizontem, scilicet Finitorem, alterum sensibilem, qui terminat nostrum visum, à superficie terræ proiectum, qui tendit quousque radius visualis per directum, & in planum horizontale se extendere potest, adeoque linea recta ab extremo ad extremum protensa, quamuis sit parallela diametro ipsius circuli maximi, non eum diuidit in duo hæmisphæria, & partes æquales, sed est adiameter, nec transit per centrum, sed aliquatulum eleuatur, quantum videlicet fert impedimentum visus, & crassities globi terrestris à puncto centri ad supremam eius superficiem. Rationalis verò, (qui & verus, & proprius) diuidit totum Cælum in duo æqualia hæmisphæria, cuius Poli sunt duo puncta Zenith, & Nadir; centrum autem, idem quod centrum terræ. Porro Astronomi Rationalem hunc Horizontem attendunt, & geometricè considerant ac partiuntur; Optici autem sensibilem, ad quem tantum se extendunt radij visuales. De vtroque multa sparsim in opere disseruimus, vbi occasio sese dedit.

RATIONALIA Signa vocant Astronomi, quæ in Imagine hu- 21
manam figuram præferunt; qualia sunt Gemini, Virgo, Aquarius, & prima medietas Sagittarij: quæ appellantur etiam Humana: idque, non tam per allusionem ad nomen, eoquod homo definitur *Animal rationale*, quàm per quandam similitudinem, coherentiam: & analogiam ad rem significatam per nomen, nempe ad hominem, & actus eius rationales, quos peculiari modo, (certè mirabili, & ignoto) Signa ista disponunt, & stellæ in ipsis existentes, pro earum natura, & congressu cum Erraticis, suis influxibus diuersimodè qualificant, & decernunt. Obseruatum quippè fuit olim, & longo vsu, atque experimētis rarò fallentibus, ab sapientissimis illis Astronomiæ præcis cultoribus, (qui toti fuerunt in siderum natura, & influxibus contemplandis, ac examinandis,) in eorum varietate & complexu, diuersas affectiones, & ordines ad isthæc inferiora: vnde, vt hæc posteris innotescerent, ea in certas imagines coadunarunt, iisque no-

mina apposuerunt, quæ, quid proprijs, singuli Asterismi, imò & stellæ in ijs constitutæ haberent, significarent. Et aliquas signanter conspicati sunt, afficere animantia bruta, in certa specie, alia homines rationales, &c. Quare, non sine magno consilio, ijs nomina indiderunt, quæ eorum naturam, & peculiare rationes influxuum indicarent: idque nedum in Signis Zodiaci, sed & in reliquis Asterismis extrâ Zodiacum dispersitis: vnde & aliqua, procellas, & naufragia indicantia, vt Delium, Argonauim ad scopulum impingentem: alia prolifica, alia sterilia, alia venenata, alia quadrupedia, alia ferina, &c. alia demum rationalia, & humana, qualia sunt præter enumerata, Perseus, Andromeda, Cassiopea, Orion, &c. Videmus enim, Canicula exoriente, canes agi in rabiem; Sole in Leone existente, Leones terrestres febre corripì; Luna in Scorpio, Scorpiones efferrari, & venenosiores euadere, vt factò experti sumus, & alibi enarrauimus: Præterea cum Luna est in Signis ruminantibus, qualia sunt Ariës, Taurus, & Capricornus; frustraneas, & periculosas euadere portiones medicinales, cum eas stomachus non recipiat, sed mox reiecit: & alia mira, quæ non nisi sæpius expertus vix crederet; vt proinde in forma & nominibus, cælestibus illis luminibus attributis, cùm in hieroglyphicis Aegyptijs, arcanam eorum naturam, & quandam, vt ita dicam, affinitatem cum his, & his sub-lunarium speciebus nouisse, & sapientibus communicare voluisse, prudentes illos & primos Astronomiæ magistros, credendum sit. Sic etiam in nouis Phænomenis in Cælo apparentibus, in magnis coniunctionibus, in Eclipsibus, obseruari solet à peritis Astronomis, in quo signo celebrentur, & quibus in locis appareant; & inde non inaniter coniectantur, eorum effectus cadere potissimum in prouincias subiectas, & species animantium per eorum nomina significatas. Vnde, si Eclipses accidunt in Ariete, vel Tauro, eliciunt pestilentiam in pecudes grassaturam; si in signo humano, eo morbo genus hominum esse periclitaturum, & illos potissimum, qui terras sub tali fidere constitutas, (aut quouis modo illi subiectas) inhabitant. Quare, inter alia axiomata, quæ hac in re circumferuntur, vniuersale & certissimum est, quod tradit. Ptolemæus de Eclipsibus, & nouis Phænomenis lib. 2. cap. 3. & 4. & de coniunctionibus Maleficarum lib. 2. *Apotelesm.* inquit. *Congressus Infortunarum in Signo humano, præsertim in Octaua Domo, mortalitatem & pestilentiam inducit in hominibus.* Et veinam nos idipsum, elapsis annis experti non fuissetus! pestilentiam vniuersam penè Italiam miserè depopulante. Cuius naturalem causam communiter adscribunt Coniunctioni Saturni & Martis, in Virgine, Signo humano, celebratæ

die 13. Septembris anni 1654. post horrendam Solis Eclipsim, quæ accidit paulò antè, mense Augusto, in Leone (signo cui subest Italia, & signanter Roma.) Quæ subsequens coniunctio Maleficarum replicata est mense Octobri, anni 1656. in eodem Signo, ob retrogradationem Saturni: quod ideò reduplicauit effectum, qui proculdubio ad homines, & certa loca dictis signis subiecta, determinabatur, vt euentus probauit. Quamquam, vt Constitutiones istæ Celestes sunt generales, & sapissimè plurimæ concausæ plerumque nobis ignotæ ac disparatæ, quæ non semper eodem modo in eundem effectum concurrunt; ita particulares prædictiones de ijs fieri nequeunt absque temeritate, & periculo aberrandi à vero; vt passim videmus in ijs euenire, qui minus cauti sunt in prænunciando de temporum qualitate, & aëris mutationibus, quæ vtique frequentius accidunt, & faciliora sunt: & tamen cum omnes concurrentes causæ internosci non possint; certus, ac determinatus effectus vix vnquam colligitur. Namque, vt fastus est ipse Ptolemæus initio Centiloquij, *Soli Numine afflati prædicunt particularia.*



23

RAVELINVS, scè, vt vulgus communiter nominat, *Riuelinus*, in Architectura militari, dicta est Munitiuncula, scè paruum castellum in genere prætenturarum, hinc à fossa, è regione portæ Arcis extractum, quod illam protegat & occultet, & hosti aditum intercludat, aut vtrumque fossam transmeare & ad muros appropinquare conantem, incommodè continuis explosionibus, ac tormentorum ictibus; quod ideò & strenuo milite prædidiario, & omni missilium genere debet esse probè munitum: quippe se solo satis est ad longam obsidionem diutiùs sustinendam, & interiorem Arcem inaccessam seruandam: vt ex multis historijs factum fuisse, compertum est. Aliàs Ravelinus magis communiter appellat terream molem ad extrà, inter duo propugnacula constitutam, antè Cortinam; quam Latini expressiore vocabulo, *Parmulam* dicunt, eoquod sit veluti Parma, & scutum obiectum hostili Campo, ad hostis impetum retinendum, & accessum ad fossam præpediendum: vnde ipse est tormentis instructus, & fossa vallatus in angulum desinens, ceterà non absimilis propugnaculo. Aliqui Scriptores hanc munitiunculam confundunt cum Semiluna, ex similitudine operis, sed imperitè: quandoquidem Semiluna & forma & officio diuersa est; sistitur enim ante propugnaculum ad illud solum regendum, habetque suas alas, atque receptus, sed caret vallo & loricula; Ravelinus autem crigitur ante Cortinam, vt diximus, in loco minùs ad se tutandum idoneo, & est infirmior quam Semiluna, quippe alis, & vallo est destitutus,



24

ut si quando in hostium potestatem deveniat, in eo diu firmari non possint, sed facile à propugnaculorum ictibus expellantur. Quod ideo multi militares Architecti ipsum, uti magis perniciosum quam vitile, non admittunt, eo quod difficulter servari queat, & si semel in eo pedem fixerit hostis, poterit inibi fortificari ad damnum Cortinæ, & propugnaculorum. At istis incommodis facile obuiari posse, demonstrat Dogen, si ambæ istæ munitiunculæ ritè, & ad mutuam respondentiam disponantur, ut altera alteri adiumento sit, & inuicem contutentur: cum cæteroqui experientia satis probarit, hæc & similia operimenta cortinæ, & propugnaculorum, magno præsidio Arci esse, & aliquando extitisse in causa, ut hostis malè mulctatus, obsidium solueret, ac rubore suffusus abscederet. Porro qua ratione hæc moles, Riuelini nomen acceperit, ignoramus. Fortasse à releuando, quod cæteris operibus aliquantò promineat, & relectur.

R E

25 RECEPTIO apud Astronomos appellari solet in Planetis, transmissio, & commutatio dignitatum essentialium, quatenus alter vicissim in alterius dignitate sit: ut si v. g. domicilia commutauerint, aut si hic in domo alterius fuerit, ille sit in prioris exaltatione, aut trigono, &c. idq; maxime, si ambo fuerint inter se aliquo radio configurati: itaut hæc habitudo inter maximas fortitudines censetur, & aliquando plusquam si alteruter in suo proprio domicilio repariatur: nisi forte sint naturæ discordes: nam tùm Receptio ista in detrimentum vergit, & contrarijs qualitibus, eum qui ab alio in sui iurisdictionem recipitur, imbuens; non nihil atterit eius virium.

26 RECEPTVS in re militari duplicem significationem habet. Aut enim denotat in Stabilibus Munimentis & Arcibus, internos quosdam recessus, & secundaria, ut ita dicam, perfugia, ad quæ se recipiat præfidiarius miles, post captum ab hoste propugnaculum, murum, aut aliam quamvis Munimenti partem satis considerabilem, ac munitam, ibique pedem figat: tunc etenim nulla alia salus suppetit, ac spes seruandæ Arcis, quàm in interiora confugere, ibique probe se contutando, extremum fortitudinis periculum experiri: & verò sæpè huiusmodi receptus, vel in arcto positus victis victoriam perperere, & totius loci conseruationem. Aut in transitu & in ipso prælio consideratur; & tunc appellat desistentiam ab ulteriore pugna, & Copiarum regressum ad proprias stationes, militari ordine factum, quò se recipiant, atque in tuto consistent. Id quod postea in prouerbiu abiit, & promiscuè vsupatur, etiam in moralibus, ut dica-

dicamus *Receptui canere* (Italicè dicimus *Suonare la Ritirata*) quotiescumque quis, post emensa pericula, & vitam vitiorum oppressionibus fractam, in mentem redit, ac se sub virtutis vexillo, in fidam morum stationem colligit. A bellico tamen usu manauit adagium atque à buccinatoris officio. Hinc Isidorus *lib. 3. origin.* incertam, ac variam præliandi aleam, ab vno buccinatore, pro diuersa sonituum qualitate subeundam, scitè animaduertit. *Huius*, inquit, *sonitus varius est: nam interdum canitur, ut bella committantur: interdum, ut insequantur eos qui fugiunt; interdum receptui: Nam Receptui dicitur quò se Exercitus recipit; unde & signa, canere receptui dicuntur.* Vegetius quoque *lib. 2. cap. 22. Tubicen*, ait, *ad bellum vocat milites, & rursus receptui canit, & insuper lib. 3. cap. 5. de variandis signis militaribus agens, ne eadem frequenter vtitata in hostium, agnitionem veniant, ideoque consilium anteuertant; docet, continuo diuersificari debere: proindeque modò voce, modo mutis ostensionibus, modo tympanorum crepitu, tubæque sonitu, apud socios tantum intelligibili, vniuersi Ordines sciant quid facto opus sit in ipso prælii discrimine, quò vel integra victoria reportetur; vel clade accepta, reliquum sit ad Copias conseruandas. Sic enim loquitur. Nam indubitatis per hac sonis, agnoscit Exercitus, vtrum stare vel progredi, an certè regredi oporteat: vtrum longè persequi fugientes, an Receptui canere.* Et scimus desperatis in rebus, sæpè per huiusmodi receptus, fuisse belli faciem immutatam, ut qui prælio propè fusi, ad receptum se colligentes, rem integram conseruarent: vti passim refert Liuius, Cæsar, Polybius, & ex Recentioribus nostris Strada, de Bello belgico.



27

RECHAMVS in Mechanicis, tractorium instrumentum est, in orbem dispositum; quo fit, ut axiculo in medio constituto, orbis aut rota, per insertum ductarium funem agiliter volutetur, trahatque fursùm onera, quæ aliàs duplò maiorem potentiam ad attractum, expolerent. *Trochleam* latinè dicimus, continuo, & vulgari usu satis notam. Sed qua ratione *Rechamus* etiam dictum sit, valde obscurum est; neque enim quicquam ex vocis etymo expiscari potest: quippe neque græca, neque latina est. Scio Rhodiginum *lib. 16. cap. 29.* nomen ex græca notione *ῥαχμή* deducere, quæ scissuram significat. At contortè nimis: quid eni inuero scissura ad Trochleam, aut Trochlea ad scissuram? Latinis quoque insolens & planè nouitium vocabulam est, ut obseruat Baldus, nec nisi à Vitruuio exorticorum verborum percupido, vsurpatum. Cæterum de Trocheæ artificio, & mira virtute, vide quæ dicemus, suo loco.


RE-

- 28 **RECINCTVM** in re militari genericum verbum est, & significat siue Castrorum septum, siue murorum ambitum circa aliquod munimentum, siue interiorem aliquem recessum probe munitum: unde legimus bene instructam arcem, duobus vel tribus recinctis vallatam, atque defensam, ut si primum fortè recinctum hostis coeperit, in aliud miles praesidiarius se recipiat, & se contutetur, ut paulò ante diximus. Sed iam Recincti nomine in Civilibus generaliter venit omne quodcumque septum, quod nostra concludit, & separat ab alienis: unde Recinctus ruris dicitur murulus, Villam & possessionem circumambiens; Recinctus domus, in Vrbe ædificium undique insulatum; Recinctus immunitatis, in Sacris ædibus, certum spatium, ad quod se extendit earum iurisdicção, & reorum immunitas; vel Chori peribolus, de quo alibi dictum: ac tandem domus Regularis, & Monasteriorum siue virorum, siue sacrarum Virginum Clausura, quæ intra certos terminos, & recinctum continetur, ultra quem pedem inferre, piaculo computatur, &c.
- 29 **RECTVM** absolutè vocat Euclides Elem. 1. def. 4. quidquid æqualiter inter duo puncta distenditur, ubi nihil curuum aut flexuosum interueniat. Si autem ex parte rectum, ex alia curuum sit; tunc dicitur Mixtum, & utranque naturam recti, & curui participat, de quo alibi. Hinc
- 30 **RECTANGVLVM** in Geometricis absolutè prolatum, semper audit parallelogrammum, quatuor laterum, & angulorum; quorum hæc omnia recta sint & æqualia; illa verò, saltem duo quæ inuicem opponuntur, sint paria, licet quæ sibi adjacent, altera alteris sint longiora. Et in hoc distinguitur à Rhomboide, quæ tam angulos, quam latera habet imparia, videlicet quæ opponuntur æqualia, quæ verò non opponuntur, diuersæ rationis: ita ut angulos semper, ac necessariò habeat duos acutos, & duos obtusos, uti & Rhombus, qui tamen per hoc dispescitur à Rhomboide, quod is omnia latera habet æqualia, ut in loco dicemus. Cæterum Rectangulum induit naturam Quadrati, (quod alioqui omnia latera æqualia habet) & ad eius rationem constituitur. Ad quam rem, assumuntur duo tantum latera se contingentia, & in rectum angulum terminantia, à quo proinde denominatur absolutè Rectangulum, & sumuntur vtra vis, nam eadem est ratio de oppositis. Ut in sequenti prima figura, in Rectangulo A. B. C. D. optimè intelligitur omnis eius ratio, si assumantur tantummodo duo latera A. B. & B. C. vel A. D. & D. C. sicque dicitur absolutè

Rectangulum A. C. vel B. D. Quinimò, si ratio vtriusque lateris angulum claudentium indagetur, & internosci oporteat, bene dicitur Rectangulum A. B. C. vel A. D. C. nam eo ipso quod nota sunt duo latera in angulum coëuntia, nota sunt etiam opposita, quæ ipsis sunt paria.

Horum autem cognitio plurimum valet ad quadratorum, Rhomborum, Rhomboidarum, aliarumque geometricarum figurarum dimensionem, atque vnus in alteram conuersionem, vt pro exemplo. Si velis suprâ quoduis rectangulum erigere Quadratum, quod ei sint omninò æquale, seu æqualis capacitatis, & econtrâ; sic operare, vt vides expressum in tertia figura. Iunge simul duo latera dati rectanguli A. B. C. in vnâ rectâ lineam, quæ à C. extendatur in F. Tùm hæc linea secetur bifariam in puncto G. & constituto ibi centro, ducatur semicirculus occultus intervallo C. G. vel G. F. Quo facto, prolongetur latus B. E. perpendiculariter vsque ad periferiam arcus, & habebis quadratum, seu vnum latus quadrati, quod æquualet omnibus, & constituet Quadratum B. H., vel D. I. æquale rectangulo A. B. vel C. E. Res est clarissima.

Simili modo, si Rectangulum, aut Quadratum in Triangulum tranferre volueris, fac vt in secunda figura. Duc Diagonalem ab vtrius angulorum ad alterum oppositum, quæ diuidat rectangulum, vel quadratum, in duo æqualia triangu- 31
la. Deinde conuerte vnum ex his triangulis ad partem oppositam, itaut duo anguli eorum recti conueniant, & adunentur in vnâ basim trianguli, & habebis intentum: vt vides.



Hæc autem conuenientia, ac proportio, & æqualitas constantissima, quæ intercedit inter triangula, & rectangula, seu parallelo- 32
gram-

granima, vt quorum vna fuerit altitudo, (quæ nihil aliud est, quam perpendicularis cadentis à peripheria circuli, seu à vertice trianguli ad basim) eadem sit ratio mensuræ reliquorum laterum siue Trianguli, siue rectanguli, magis expressa est in sequenti figura, vbi constitutum sit Triangulum Scalenum A. B. C. volo illud transferre, in rectangulum B. H. Primò igitur ducò perpendicularem A. L. à vertice trianguli A. ad Basim C. L. B. Deinde hæc perpendicularis diuidatur bifariam in puncto D. è quo ducatur E. D. H. parallelæ basi: Postea ex punctis B. C. angularibus basis trianguli, erigantur parallelæ lineæ perpendiculari A. L. quæ terminent in punctis E. H. itaut æquales sint D. L. Dico quod rectangulum, seu parallelogrammum E. D. C. seu H. C. B. sit æquale triangulo A. B. C. & e contra. Nam E. B. & C. H. sunt parallelæ perpendiculari A. L. vt ex hypothese, quæ ad punctum L. facit vtrinque angulos rectos. Igi ut anguli E. H. B. C. erunt & ipsi recti, ex 29. Primi Euclid. Rursus, quod parallelogrammum H. B. sit æquale triangulo A. B. C. sic ostenditur. Quia perpendicularis A. L. mediū scatur ab H. E. parallela basi, in D. consequenter erunt diuisa in æquas partes duo latera trianguli A. B. & A. C. in punctis G. & K. & sic duo triangula sub alterna A. D. G. & G. H. C. erunt æqualia, æquiangula, & æquilatera: quod idem videre est in triangulis obuersis A. K. D. & E. K. B. Erit igitur Rectangulum C. E. æquale triangulo A. B. C. Quod erat demonstrandum. Vnde meritò Rectangulum, vniuersæ Mathese Magistram, ac Directorem, appellauit Tycho in Progymnasmatibus.

33



Id ipsum poteris in Rombo, & Rhomboide, (sicque in alijs quibuscumque geometricis figuris reductis ad triangula, experiri) Nam, si scito per Diagonalem vtroque, applicabis vnā diuisionis partem, vni lateri, habebis rhombum conuersum in æqualem Rhomboidem. Si ex alia parte applies altera crura simul, quæ sint æqualia, habebis triangulum Acidoidem seu quadrilaterum (qualis est cuspis sagittæ) ex omnibus angulis acutis; & si hoc item medium scindatur à perpendiculari ducta à vertice trianguli ad mediū, basis scissæ & conuenientis in angulum externum subiectum vertici, (quod iam erat in ipsa scissura Rhombi, vel Rhomboides, per diagonalem in duo triangula) habebis duo triangula æquicuria, quorum verticalis angulus sit obtusus, reliqui duo æquales, & acuti, & sic de reliquis. Itaque omnes figuras geometricas, omnia corpora tam regularia, quam irregularia, in alia quævis æqualis ambitus prout libuerit, conuertere poteris, vel alia maiora, vel minora, proportionaliter ef-

for-

formare, vt aliàs diximus de angulorum proportione in V. *Angulus*. Hoc enim uerò probè scire, & præ manibus habere, magni interest omnibus Architectis, fabris, quadratorijs, hortorum cultoribus &c. ad disponendas arèas, ac dimetiendas partes, vt sibi apprimè respondeant, & nihil superfluum sit, nil etiam deficiat ad opus definiendum, ac tite complendum. Similiter

RECTILINEVM præcisè dicitur, quod abstrahit à qualitate angulorum, & comprehendit omnes figuras, siue regulares, siue irregulares, quæ utcumque rectis lineis terminantur, vt habes ex Euclide, definit. 9. & 19.

REDUCTVS in remilitari dicuntur Campeſtria quædam Caſtella 34
in Caſtris, ac præcipuè in Linea circumuallationis excitata, ad terminos acceſſuum obſidionalium, qui oblique ducuntur, vt declinent obſeſſorum iſtus; in quibus ubi conuertere pedem conuenit, aliamque viam propiorem obſeſſæ Vrbi, inire, idcirco oportet inibi huiusmodi reductus figere; vt ſi quando præſidarij Arcis irrumpant ad opera interturbanda, habeant milites obſidentes, & talium acceſſuum ſoſſores, locum munitum, quò ſe recipiant, ac defendant: cuiusmodi ſunt eiſmodi Reductus. Qui proinde è terra aggeſſitia componuntur, formà ſemper quadratà, & tam lata, vt capax ſit vnusquiſque ducentorum adminus militum ſclopetariorum, qui ſeſe ſub lorica circumducta tegant, & ſoſſionum ductus, ſub quibus operarij oculantur, valeant contutari. Optima autem eiſmodi Reductuum poſitio videtur eſſe, & ab expertis rerum æſtimatoribus traditur, qua ita ordinatur, vt vtrumque duorum acceſſuum latus reſpiciant, & quantum ſclopi iſtus protenditur, ſtringant: vt videre eſt in Figura Acceſſus obſidionalis, quam ſuo loco exhibuimus.

REFLEXIO, ex etymo nominis, generaliter eſt rei alicuius in, 35
directum tendentis, in contrarium flexus, & incuruatio. Naturalibus autem audit actio, vel qualitas immiſſa in paſſum; quæ, cum valida ſit, & illud obſiſtat, in eo minimè hæret, ſed auctis viribus maiori niſu reuertitur vnde prodierat, paſſo contranitente robur ſuppeditante; id quod aperte videmus in luſu pilæ ad terram, vel ad murum potenter adſiſtæ, & ab eo potentiùs repercuffæ. Sed in Opticis maximè, & è corpore luſinoſo procedentibus radijs, id locus habet, & reflexio ad lucis immiſſæ repercuffionum tranſlata, & coarctata eſt. Sic radius immiſſus à Sole, & in Lunam atque alia ſidera terminans, quodammodò duplicatur, & redit viuidior, & potentior, quàm cun-

exierat. Idipsum videntius in speculo, ubi lumen immissum, intenditur ac remittitur. Quod equidem magnum est Naturæ arcanum ac prodigium; vt quod agens naturales ac totas vires suas exserens, directe assequi non est potis, hoc ad ictum oculi passum perficiat, de suo nihil addens, sed solum obfistat actioni ad se directæ. Quandoquidem corpus opacum ad quod terminat, & reflectitur radius luminosus, in se nil habet lucis, quò possit illum intendere, ac remittere in medium interpositum: Speculum enim vsorium ex. gr. in se nec formaliter, nec virtualiter continet ignem; qui tamen statim accenditur ad reflexionem solarium radiorum ad materiam aliquam vsibilem terminantium, cum aliàs iidem directi ad eandem materiam terminantes: flammam nusquam eliciant. Sed genuina causa huius arcani vi detur esse ipse effectus quasi conduplicatus, quatenus ità sistit in termino, vt inde repulsus possit alium consimilem reproducere; at quorsum viuidiorem, & nobiliorem, planè non video. Ceterùm ex reflexione solarium radiorum habemus, quod tot sideribus Cælum dutescat, & exornetur: quòd tot diuersis qualitatibus imbuantur, quod tam varios influxus immittant, quibus tot rerum species educuntur, coalescunt, conseruantur, & corrumpuntur; quos natura ipsa miratur, ac de penu suo nobis ad fruendum, ad contemplandum, minimè verò ad intelligendum porrigit. Quare cū reflexiuz potentiz arcana non minùs suprà nostrum caput, quam extrà institutum sint, libenter silentio veneramur. Sed si quid per summa labia delibare Lector aueat, videre poterit apud Vitellionem lib. 10. & Kircherum in *Arte Magna Lucis*, & *Vmbra*.

- 36 REFRACTIONIS nomine venit inter Astronomos, & Perspectiuos, diuersitas illa aspectuum, & aberratio visus, quæ non solum magna ex parte, in siderum contemplatione nobis accidit; verum etiam in quibuscumque corporibus visibilibus vsuuenit, quotiescunque ea de longe posita, per instrumenta optica, aut per interpositum aliud corpus diaphanum intuemur, nam eo ipso ac per medium aliquod diaphanum sed crassum, transeunt visuales radij vel species obiectorum, tendentes ad potentiam visuam, mox alterantur, infringuntur, & representant rem aliter, ac reuera est. Patet id manifestè in speculis illis, aut specillis oculatibus concauis, & conuexis, quæ ratione densitatis, aut raritatis, alterant suprà modum species transeuntes per illa, proindeque reddunt disforme, sibi que dissimile. Id etiam videre est, non modò in aqua stagnante, sed & in ipso aëre longè perspicuiore; & subtiliore; qui tamen circà horizontem ob
insur-

insurgentes vapores quibus offunditur, fit crassior in tota regione Atmosphæræ; proindeque dat videri sidera grandiora, & elatiora, quam reuerà sint, & quandoque etiam existere supra terram; cum aliàs ex calculo Astronomico constet, illa adhuc latere sub terra.

Hinc nil mirum, si sæpenumero in Pleniluniò quod accidit circa cardines Orientis, & Occidentis, ambo Luminaria videantur supra terram, cum necessario alterum supra, alterum iussrà consistere debeat, quando ex diametro se respiciunt: sed id accidit ex crassitie Atmosphæræ, quo facit eorum species sursum ascendere & eleuari. Exemplum huius fallacis apparentiæ habemus in nummo existente in fundo vasis alti orificij; qui cum à constituto ad eius latus conspici minimè queat; si tamen aqua aut aliquis liquor crassior infundatur, itaut pertingat ad os vasis; statim ex eodem latere fit conspiciuus, ob refractionem specierum per tale medium transeuntium.

Porro refractionum eiusmodi causa est, partim visus obliquitas, partim interiecti corporis crassities, quod quò crassius est, eò maiores facit refractiones. Et ideo stellæ in decliuiore situ, & in Atmosphæra, magnis refractionibus sunt obnoxie: Econtrà circa lineam meridianam, utpote in situ eleuatiorè, & aëre à vaporibus defæctiore, nullam aut sanè leuem patiuntur specierum alterationem. Quapropter, pro maiori aut minori medij quod interponitur, alteratione, magis aut minus species alterantur, varietateque semper accidunt siderum apparentiæ: & ideo difficile admodum est, eorum situs, ac disci quantitatem tenere. Id quod magnum negotium faceffit olim Tycho, in ijs obseruandis. Qui proinde post longam experientiam & repetitos ætus, Refractionum Tabulas construxit: & Solis quidem, vsque ad altitudinem grad. 45. Fixarum verò, & aliarum quinque Erraticarum, ad grad. 20. Quæ tamen deseruiunt pro locis Septentrionalibus: nam pro alijs in quibus Polus minus atollitur, & maxime sub Aequatore, tum ratione purioris aëris, tum ob maiorem rectitudinem incidentiæ radiorum, longè minores accidunt refractiones. Quarum noticia valde necessaria est ad venandas Luminarium Eclipses, ut verum tempus incidentiæ, magnitudo, duratio, ac verè, ab apparentibus discernantur. Quæ de re fusè egit ipse Tycho in Progymnasmatibus; & post ipsum practicè egerunt Keplerus, Maginus, & Argolus, in Tabulis secundorum Mobilium.

REFRAENATIO, teste Abraham Auenarre, est species quædam debilitatis, ac deteriorationis in Planetis, quando aliàs viribus aucti, mox ex aliquo accidente impediuntur, remorantur in cursu, aut retrogradi fiunt. Id quod euenit illis, cum motu suo proprio

in Zodiaco, properant aut vicini sunt radio alterius *Planetæ amici*; & eiusdem naturæ consortis; verum antequam id assequatur, venit alius ponderosior, & se interponit, vel etiam ipse ex se fit retrogradus: quò sit vt illi ponatur obex, atque vt ita dicani, frænum, & compedes, qui illum detineant, ne accrementum istud obtrineat. *Alfazim*, Arabes hanc deteriorationem vocant, quod lingua nostra sonat frustrationem, quia perinde est, ac si sine suo frustretur. Et quidem in Beneficis ea mala est; in Maleficis cedit tandem in bonum; quia malum, quod alijs præsentia sua aut radio inferre moliebantur, auertit, & effectu vacuos ire facit. Alij aliter rem explicant, cui dant nonnisi prohibitionis, destructiones, & abscissionis luminis. Vnde Carellus in prologomenis ad Ephemeridas; *Prohibitio*, ait, accipitur ex parte respectus; hoc est, quando sint duo Planetæ in vno signo, & lenior iungitur ponderosiori, & alter planeta iungatur eidem ponderoso per aspectum. Ille ergò, qui fuit in vno Signo cum eo, prohibet aspicientem, & destruit coniunctionem eius, si gradus eorum fuerint æquales: Si verbò fuerint gradus aspicientis propinquiores coniunctioni, quam gradus illius, qui ei coniungitur; erit coniunctio aspicientis: quia iungitur illi ante coniunctionem alterius. Hucusque Carellus. Vide quæ aliàs diximus in V.V. *Frustratio*, & *Abscissio Luminis*.

40


REGIAE STELLAE agnominantur ab Astronomis aliquot Fixæ insigniores miræ virtutis, & efficaciæ, quæ etiam aut magnitudine, aut scintillatione sunt clariore. Tales sunt, *Aldebaran*, seu Oculi Tauri Austrinus, *Palilitium* latinè dictum: *Regulus*, siue Cor Leonis: *Spica Virginis* *Azimech*: *Lucida Lancis Australis*: *Antares*, seu Cor Scorpion: *Hercules*, seu *Pollux*, quæ videlicet fulget in capite alterius Geminorum, arabicè *Abrachaleus*: & extrà Zodiacum *Vvega*, seu *Brinek*, quæ est *Lucida* in medio Lyræ. Hæ nimirum, in Genethliacis (aiunt Astrologi) in Ascendente, aut Medio Cæli repetæ cum Sole, aut Ioue, disponunt ad Regiam dignitatem, aut pro capacitate subiecti, dant auctoritatem super alios. Porro nedum singulares stellæ, sed & totum aliquod Astrum plures complectens, quia & ipsa signa Zodiaci vocantur ab aliquibus Regia: vt puta *Capricornus*, & vtique *Corona*, *Borealis*, & *Australis*. De qua re fusè Iunçinus, & *Argolus* in *Pandolfo Sphærico*.

41

REGIO propriè signat in Geographia partem aliquam, seu integram Prouinciã per se stantem, respectu totius terrarum Orbis, quæ sit ab alijs, certis limitibus separata, vel sub vnus Domini aut Rectoris imperio constituta: à *regendo*, siue ab Regis nomine cui subic-

biecta specialiter est, mutuato vocabulo. Vnde Cicero in Orat. pro Sextio. *Quæ Regio, inquit, Orane terrarum erat latior, in qua non Regnum aliquod statueretur?* Cæterum Regionis notio analoga est; & aliquando in ampliori sensu, aliquando strictius usurpatur: semper tamen accipitur relatiuè, pro aliqua diuisionis parte, quæ in totum cum alijs coalescat ad faciendum vnum. Quo sensu Meteorologi, Aëris expansum, quod intercipitur inter Cælum Aethereum, & Orbem terraqueum, in tres partes (quas regiones appellant) dissecunt: & Geographi ipsi quatuor mundi plagas, vnde venti Cardinales exsufflant, Regiones vniuersaliter nominant. Quod ideo Regiones Meridionales vocant, quæ vergunt ad Austrum; Septentrionales, quæ ad Boream; Orientales, quæ Ortum æquinoctialem respiciunt; Occidentales, quæ positæ sunt versis Occasum: sicque Indias Orientales absolutè dicunt vastissimas Aſiæ regiones, quia ijs præ cæteris citius oritur Sol. Occidentales, quæ spectant ad nouum detectum Orbem, ad quem, Occidentem versus, duobus ab hinc sæculis, magnâ cum Veteris gloria & incremento, adornata fuit nauigatio à Christophoro Columbo Genuensi, sub auspicijs Regis Catholici. Sed & in eadem Prouincia, aut Regno in partes tributo, quæ certis limitibus ac terminis ab inuicem segregantur, siue ea magna sit, siue exigua; partes ipsæ, Regiones dicuntur. 42
& in ipsa Vrbe Roma facta iam ampliore, & totius Orbis capite, ad huius normam, Regiones quatuor constitutæ ab initio sunt, vt auctor est Liuius, quarum Prima suburbana appellatur; secunda Exquilina; Collina Tertia; quarta Palatina. Postmodum Augustus Urbem iam in duplum dilatatam, in quatuordecim Regiones diuisit, narrante Suetonio in *Augusto*, vbi dicit: *Spatium Urbis in Regiones quatuordecim; vicosque supra mille diuisit.* Et Plinius lib. 30. cap. 50. de Vrbe Roma discreuit, *Ipsa, ait, diuiditur in quatuordecim Regiones: Quarum fines, extensionem, & nomina constituere publica autoritate, Sextus Rufus, ac Publius Victor, Consulares viri, ad finem assignandi terminos iurisdictionis Præfectorum, qui singulis ad ius dicendum, dirimendas, componendasue lites, præstiebantur. Quos Vigilium Præfectos nuncupat Paulus Iuris Consultus in l. 3. ff. de Offic. Præfecti Vigilium: affirmans; Septem Cohortes opportunis locis constitutas, vt binas regiones Urbis, unaqueque Cohors tueretur, præpositis Tribunis, & super omnes, spectabili viro præposito, qui Præfectus Virgilium appellatur.* Simili modo in Primitiua Ecclesia ad Christianam rem propagandam, à B. Clemente Papa, legimus, singulas regiones (quæ tunc septem tantum in Vrbe erant) septem Notarijs assignatas fuisse; qui *passiones Martyrum, & res ab ijs gestas diligenter*

ligentissimè conquistas, litteris mandarent Manet etiammū in Vrbe Roma, hæc Ciuitatis in quatuordecim regiones (Riones vulgus nominat) distributio; quæ tamen & situ, & amplitudine, & nomenclatura, diuersæ sunt ab antiquis. Quæ de re vide Ciacconum, & Favianum Nardinum, in libro, cui Titulum præfixit, *Antiqua Roma*.

- 43 REGIMENTVM in re militari (iam communi, Itatorum, Germanorum, Gallorum, atque Hispanorū vocabulo), dicitur certus quidā bellatorum numerus, ex diuersis Centurijs sub vno eodemque signo ac Duce merentiū, collectus; quod vt plurimū ex eadem Natione aut Prouincia adunatur: itaut totus Exercitus partitus sit, & constet pluribus Regimentis per se stantibus, quorum singula dimicant sub suo quæquæ Duce, quem Latini *Cbiliararcham* nominant, Militares viri *Colonnellum*; cuius est suum Regimentum regere, militum delectus facere, ac prout requirit status præsentis belli, & supremi Imperatoris imperium, huc atque illuc, ad hanc vel illam expeditionem amandare. Nec tamen apud alios scriptores Latinos ac bonæ notæ, nouum & insolens verbum est, quod non quandoque, vt se conforment communi vsui, & modo loquendi militarium virorum, adhibeatur, vt patet ex Ammiano lib. 28. & alibi passim, & apud Iurisconsultos videre est in *Cod. Arcadij, ff. de Offic. Præfæcti Prætorij*.  Nostres frequentiore vocabulo, cum Hispanis appellant *Terzo*. Et videtur in omnibus respondere veterum Legionibus, quæ singulæ constabantur ex decem Cohortibus; singulæ autem Cohortes constabant ex quingentis, & quinquagintaquinque peditibus, equitibus verò, sex & sexaginta, excepta prima, quæ Aquilam pro signo præferebat, & erat hæc totius Legionis caput, quæ & numero & dignitate militum, cæteris antebat, commune totius Exercitus vexillum ferebat, & viam reliquis Copijs parabat. Itaut tota Legio numeraret quinque millia, & septingentos pedites, ac nongentos ferè equites, vt habet Vegetius lib. 2. cap. 6. Atqui idipsum plùs minus videre est hodie in numero bellatorum, & cohortium, quæ iustum Regimentum integrant, dispersitum in decem Centurijs quas *Compagnias* vulgus appellat, totidemque Equitum Turmas, quas dicunt *squadræ*, sub suis peculiaribus Ducibus, seu Capitaneis Sic Martinus Bellaius nobilis Historicus Gallus, lib. 4. refert, ad Romanorum morem institutas fuisse in Gallia Legiones, quas ait, à suis, vtj à Nostreis, Regimenta vocari. Vt propterea nil mirum, si cultiores nostræ ætatis Scriptores Legionis antiquo nomine vtuntur, quando Regimentum volunt intelligi.

REGVLA, simplex ac notissimum Geometrarum, Mechanicorum Architectorum, Fabrorum, in suis geometricis, fabrilibusque dirigendis operibus; instrumentum; quo sine, nihil inchoare audent, nil persequi, nihil ad perfectionem perducere: à regendo dicta, eoquod ipsa sit operum directrix, ipsa manum regat, atque animum operantis de rata rerum directione certificet; aliàs Norma, Canon, Euthygrammus, Gnomon, &c. quibus sæpè vocabulis, Vitruuius vtitur ad idem significandum. Quamquam reuerà diuersa hæc nomina, aliudquid suprà simplicem regulam denotant, vt suis in locis insinuauimus; simplex autem regula ex se præcisè nil aliud dicit, quam rectæ lineæ directionem, atque efformationem, vt Circinus directionem circularis & curuæ. Vnde duo hæc instrumenta prima elementa sunt, ac duo veluti poli, suprà quos omnis artificum labor, immò & Geometria ipsa omnium artium mater, & directrix versatur. Hinc ad huius materialis regulæ similitudinem, atque analogiam, tam in physicis, quam in Moralibus, omnium agibilium præcepta, instituta, leges, & documenta, vniuersè Regulæ audiunt, quoniam ad id tendunt, vt manum, mentem, animum dirigant, nec faciant à recto veritatis, rationis, & æquitatis tramite aberrare. Quod ideò Tullius in 2.2. Academicis ait; *Hanc esse regulam totius Philosophiæ; constitutionem veri & falsi, cogniti, & incogniti*. Et in præceptis morum, quæ dedit ad Marcum filium, Officior. lib. 3. *Vnam omnium regulam (inquit,) quam tibi cupio esse notissimam, aut illud quod videtur utile, turpe ne sit; aut, si turpe est, ne esse utile videatur*. Nihilominus tamen à Mathematicis Regula semper accipitur in primæuo, & genuino sensu, pro materiali, & certa quantitatuum mensura. Et primo quidem in concreto sumpta



REGVLAE in Architecturæ denotant membra quædam, & projectiones quæ sunt in opere architectonico, ad similitudinem regularum: vt in Epistylis, columnarum capitellis, & basibus, quædam prominentiæ in rectum & planum ductæ, siuè ad firmitudinem, siuè ad purum ornatum, communiter regulæ, & reguli appellantur, vulgò *Lifelli*. Sic partes illæ, quæ in Columnæ Ionicæ, aut Corinthiæ basi, hincinde ad Scotiam apponuntur ad illam obfirmandam, quarum vna plintho insidet, altera substernitur thorulo, ne pressione labefaciatur; peculiari nota, regulæ nuncupantur. Sic in Epistylis, quæ interponuntur inter lysim & Echinum, & rursus inter Echinum, & Zophorum, ac tandem Teniæ quæ supponuntur duæ vel ternæ, ac per totam trabeationem excurrunt, regulæ audiuntur. Quæ de re, vide Philandrum in Digest. ad cap. 2. lib. 3. Vitruuij.

46 REGVLA etiam in Arithmeticis multipliciter & frequentissime usurpatur pro certa numerorum connexion & consensu, ex quo aliquid ignotum elicitur. & primò

REGVLA AVREA per excellentiam nominatur, quæ vulgò audit *Regula trium*: quæ videlicet, datis tribus numeris noris, quartus ignotus, ex ratione proportionum illis respondens illicò innotescit: quin etiam, ea mediante, omnis cuiusvis quantitatis tum discretæ tum continuæ habitudo ad alteram, respondentia totius ad partes, partiumque ad totum, atque adeo omnis proportionum ratio, per duplicem operationem arithmeticam, facillimè habetur, & ocissimè absoluitur. Quare meritò *Aurea* appellata est; namque plus auro valet: & non Arithmeticis modo, Geometris, Architectis, Agri-
menforibus, Polemicis, &c. necessaria est; sed & vniuerso hominum generi, in commercijs ineundis; ac nulli penè contractus, & æquæ distributiones pro rata cuiusque parte, sine ea peragi, ac tractari queunt. Ita igitur res se habet.

47 Disponantur per ordinem quicumque tres numeri noti, è quibus partem proportionalem eruere volumus: itaut tertius, cui annexa est quæstio, & qui dare debet quantum ignotum, assimiletur primo, & habeat eam proportionem ad quartum, quam habet primum ad secundum. Tum ex multiplicatione secundi in tertium, aut econtrà (quod in idem recidit) quod prouenit, diuidatur per Primum; ac sic in quotiente habebitur quartus numerus primum ignotus, & apparebit illa eadem similitudo, & proportio inter ipsum & tertium, quæ erat inter secundum & primum. Namque vt habetur ex 19. Septimi, quotiescumque quatuor numeri inter se proportionales fuerint, ille qui ex medijs generatur, æqualis est ei, qui ex extremis conficitur. Vt, exempli gratia, ita se habet 12. ad 18. vt 6. ad 9. Numerus genitus ex medijs 18. & 6. nempè 108. æqualis est numero, qui producitur ab extremis 12. & 9. in se ductis, similiter 108. quod ideo habemus eundem numerum; qui consurgeret ex multiplicatione mutua extremorum, per multiplicationem mutuam mediorum; quia numerus 108. productus toties continet numerum 18. quot vnitates sunt in 6. & num. 12. toties numeratus, quot unitates continet num. 9. numerum eundem efformat, & diuisus per alterutrum, in diuiso dat numerum quotientem.

48 Solet etiam hæc regula praticari ordine inuerso; si nimirum conferatur primus cum 3. & 2. cum 4. vt tantundem quotiens quartus, sit minor 2. quantum 3. est maior primo, & econtrà: & tunc eadem
via

via sed ordine retrogrado incedendū est, vt nempe Primū multiplicetur per Secundū & productū diuidatur per tertium. Similiter eadem regula practicatur compositē, quod aliud non inuoluit, quā gemina, aut vtcumque multiplici operatione procedere, cum res absolui nequit per vnicam, eo quod proponuntur plūs quam tres numeri ad alium inuestigandum; quōd itā fieri debet, vt semper tres sumantur vt principales, ceteri vt accessorij. Ab exemplis in vtroque casu adducendis abstinco, ne longior æquo sim. Videri tamen possunt apud Clanium in *Arithm. pract.* & nostrum Guarinum tract. 13. par. 2. qui fusē ac dilucide rem pertractant.

REGVLA FALSI est item in Arithmetica mirabilis quādam via 49
tenendi certam, & quæsitam numerorum deductionem, ex incertis & vagis pro libito assumptis. Non quōd ea falsa sit, aut falsū doceat; sed quōd ex falso iam cognito, ad agnitionem verī nos ducat, & error subseruiat veritati: quatenus, facta aliqua positione, & ea falsa, comperta, ex errore sumitur regula, latentem veritatem internoscendi. Eā potissimū vtuntur Algebrici in suis operationibus, & in mirabili illa numerorum connexionē, comparatione ad inuicem, & necessaria correspondentiā, quā non temerē, nec falsō pronunciant; *Nullum esse Theorema, quod non faciliē queat per Algebram demonstrari: nullum Problema, quod non illic solui.* Hæc autem ita practicari solet. Proposito aliquo Theoremate, quod per numeros demonstrari debeat, sed eorum radix, & progressio ignoratur; assumitur ad libitū quiuis alius numerus inconnexus, & vagus, qui proinde ex se præcisē ineptus est ad veritatem exhauriendam: nihilominus tamen, quia putatur posse aliquatenus conducere ad intentum habendum; tandiū circā illum volutamur, eius passiones & habitudinem cum alijs numeris, per summa, per ima, quaquāuersum discrutinando, donec tandem quod quærimus teneamus. Hæc porrō est in duplici differentia: Vna, quæ vocatur *simplicis positionis*; estque cūm eligitur vnus tantummodo numerus, seu summa, quæ rationabiliter creditur posse quæstioni propositæ satisfacere, ac defacto cadat in rem. Altera dicitur *Duplicis positionis*, in qua nimirum necesse sit duplicem numerum ad opus assumere, quoniam vnicus non satis est, sed oportet cum alio conferre, & ex eorum differentia, quid proposito competat per proportionum regulam indagare. Vtriusque positionis exempla ad satietatem affert Clavius in *Arithmetica practica* cap. 22. & 23. Nos vnum aut alterum: vt suo ductu, lectori præfulgeat ad alia, suo Marte, fingenda.

Sic pro prima: Quidam mercatores dederunt in societatem lu- 50

eri certam pecuniæ summam, cuius modò haud reminiscuntur; sed lucrum inde obueniens consideratum cum Capitali, creuit in triplum eius: iterum hæc summa nouæ negotiationi exposita, lucrum reportauit, quod exæquauit quintuplum pecuniæ secundò expositæ: tandem hæc eadem tertio negotiationi data, fructificauit in quadruplum: & conuenientes pro summa diuidenda & sua quisque parte accipienda, inuenerunt lucrum vnà cum pecunia quam primò singuli protulerunt, ascendisse ad 40000. aureos. *Quæritur quantum quisque pecuniæ ad primam negotiationem contulerit?*

Vt quæstio, faciliè, & per ordinem resoluatur, oportet aduertere, quod quantitas pecuniæ expositæ & ignoratæ, multiplicari debet ex hypothesi per tria, & inde producta duci in quinque, ac demùm hæc summa multiplicata per quatuor, ascendat ad 40000. aureos. Igitur pro solutione diuinemus, ac ponamus, primum numerum, esse 10. qui ductus in 3. crescat ad 30. & hic iterum ductus in 5. faciat 150. quæ quater ducta coalescant in 600. Non igitur ad verum collimauimus, sed longè ab eo defleximus; & error fuit in totis 39400. qui deficiunt à proposita summa. Sed tamen errore hoc utamur ad expiscandum verum; & per Regulam auream dicamus sic. Si ex calculo facto inuenimus 600. prouenisse ex 10. quamquam falsò, & per errorem assumptis; propositus ex hypothesi numerus ex quo verè proueniet? & inueniemus in quotiente, penuniam primò viritum expositam fuisse 666. cū duabus tertijs. Nam si hic numerus multiplicetur per 3. fient 2000. pro Capitali, & lucro primæ negotiationis: Si rursus 2000. ducamus in 5. prouenient, 10000. ex secunda negotiatione. Deniq; 10000. quater ducta, dabunt totam pecuniam coaceruatam, 40000. Quod erat demonstrandum.

51 At Regula *Duplicis positionis*, est quidem aliquantò operosior, sed multò præcedente amplior & securior: quippe totum quod illa obtinere valet, & ipsa faciliùs assequetur, & insuper quod ista non valet extrahere ex vna falsa positione, mox hæc ocius extrahit per duos assumptos errores. Id quod sic explico. Sit quiuis numerus, siue parvus siue magnus, assumptus ad opus, qui credatur posse ad resolutionem quæstionis conducere; si quidem ille examinatus quæstioni faciat satis, peracta res est. At si fallat, signum est quod error fuerit in positione. Quare notetur scorsim, in quo productum à vero deficiat, aut superabundet. Tunc assumatur aliquis alius numerus, siue maior, siue minor priùs assumpto (quod vterque æquè facit ad rem:) tunc si nec ipse verum tenebit, videndum in quo iste aberrauerit à veritate: & si quidem vterque error eiusdem rationis fuerit, siue per defectum, siue per excessum, tunc isti errores confe-

rantur ad inuicem, vt habeatur differentia, quæ postea subibit officium Diuisoris: similiter numerus primò positus, & inuentus à vero deficere, multiplicetur per secundum errorem, ac secundò positus multiplicetur per primum errorem (id quod claritatis gratia fieri solet per talem dispositionem prædictorum numerorum in quatuor angulos, qui sibi diagonaliter corresponscant, positis in capite numeris assumptis, ac fallantibus, nempe primo errore à dextris, secundo à sinistris, ac subtus, vniuscuiusque differentiam à vero, ac constituto in medio diuisore) & quod productum ex vtriusque est, conferatur simul, ac differentia, per habitum iam diuisorem diuidatur: nam facta diuisione, in quotiente apparebit terminus, qui quæstioni propositæ satisfaciet.

Si verò errores fuerint in diuerso genere; sicut prima positio peccauerit per defectum, secunda per excessum, aut econtrà; in isto casu eodem modo procedendum est, sed contrario ritu, & quidem expeditiore: nam tunc vtræque positio per suos errores est multiplicanda amboque producta in vnâ summam colligenda; similiter errores simul sunt vniendi, vt habeatur Diuisor, qui præfatam summam, partiri debeat; procedendo in reliquis beneficio aureæ regulæ: nam in quotiente apparebit numerus quæsitus. Ab exemplis, breuitatis gratia abstinco, quæ tamen & in omni errorum genere, videri poterunt apud citatum Clauium.

REGVLA PIGRI, sic dicta pariter in Arithmetica, quod pigritas 53
manet, & pro ijs inuenta est, quæ credatur communem, & vscatam multiplicationis perficiendi viam, compendio continere, & diosumque calculandi laborem magna ex parte leuare. Sed vereor, ne pigritantes obruat; ac dum, declinandi laboris iniecta spe, tyronem allicit ad se sequendum, ipsum in praxi plurimum defatiget; parum vtili ac superuacanea alterius numeri, ad id assequendum, assumptione. Ea autem sic se habet. Scribatur ab vno latere vtræque numerus & multiplicandus, & is per quem ille multiplicandus venit, (vt aliàs fieri assolet,) vnus subtus alium; deinde ad aliud respondens è directo latus, eodem modo residuum illorum ad certam summam, 10. 15. 20. 100. &c. Tum volunt multiplicationem adornari per hæc residua, vnum ducendo in aliud: ac postea summæ constare adiiciendos vtriusque illo priores numeros in vnum collectos; nam ex tota summa (si primam figuram à dextris rescindas, tamquam exuberantem, & superfluum) quod remanet dabit multiplicationem iam factam. Et hæc est tota Theoria Regulæ Pigri. Quæ in numeris singularibus, seu vnica figura contentis vsque ad 10., ita expandi solet, vt in sequenti tabella.

2. 8.	3. 7.	4. 6.	7. 3.	6. 4.	7. 3.	8. 2.
4. 6.	5. 5.	7. 3.	6. 4.	8. 2.	9. 1.	9. 1.
1 1.08. 1.15. 1.22. 1.42. 1.48. 1.63. 1.72.						

Sic in primo exemplo, residuum ad 10. est 2. producendo in 4. est 8. residuum multiplicatoris 4. est 6. ambo constituenda è directio ipsorum ad latus sinistrum, hæc residua in se ducta faciunt 48. pono igitur 8. subtus, & mente retineo 4. Rursus 2. iuncti ad 4. faciunt 6. quibus addo 4. mente retentos, & faciunt 10. hoc est 100. si huic adijciatur 8. à sinistris prius exarato, omnes simul facient 108. Rescissa ergò prima figura à dextris, quæ ad rem non facit, & denotat centenarium; remanet multiplicatio facta 2. per 4. in octo; & sic de reliquis. Vides, quanto circuitu, res quæ breui perficienda æstimabatur, expedienda sit? Atenim absque tanto labore, expeditius multiplicationem factam habeo per ipsam directam assumptionem numerorum, qui veniunt multiplicandi, vni per alios, id ipsum in illis operando, quod in residuis apprehendi præcipitur, nullâ factâ collatione, aut rescissione. Atqui in numeris pluralibus, qui pluribus figuris exprimiendi sunt, res intricatior est, & nedum tyrones in ea, sed & ipsi expertissimi professores sæpè in proseguenda operatione decipi possunt. Quare plana, Regalis, & directâ via haud deferenda est, pro fallaci & tortuosa. Veram *regulam Pigri* ego dixerim, pro numeris singularibus, Tabulam Pythagoricam; pro pluralibus Rabbologiam: quæ istu oculi, in arêa communi numero multiplicando, & multiplicatori, exhibent multiplicationem iam factam; vt in loco exposuimus.

55 REGVLARE vniuersaliter à Mathematicis dicitur omne id quod sibi congruit, & respondet in partibus, quæ æquè & ad regulam distributæ sint: vt *Irregularia* ea omnia, quæ ab hac constanti directione aliquantulum deflectunt. Vnde Regularia Corpora vocant Geometræ, quæ pluribus figuris planis similibus, æquilateris, & æquiangulis componuntur; in quo genere quinque tantum assignari possunt, vt in loco diximus. Regularia dicuntur ab Architectis militaribus Munimenta, quæ cortinas, propugnacula, & in ijs latera, & angulos æquales, & omnino similes habent, &c. De qua re sparsim, & sæpius in hoc opere egimus.

56 REGVLVS in Astronomicis, audit Stella fixa celeberrima, & fulgen-

gentissima in Corde Leonis Sideris existens, reuerſa ſecundæ. magnitudinis, ſed ob eius præſtantiâ & efficaciâ in influendo, computata inter primas, de natra Iouis & Martis, aliâs *Baſilicus*, arabicè autem *Kalb Eleed* dicta. Ea nunc temporis eſt in grad. 25. primi mobilis eiſdem Signi, ſerè in Ecliptica. Vt propterea credatur eſſe potentior & efficacior cæteris ſtellis, quæ ſparſim in Firmamento tùm intra, tùm extra Zodiacum diuagantur. Quippe quæ ſola id habet proprium, & ſingulare, vt quotannis corpore cum Sole congregiatur, vnde & eius qualitatibus imbuitur, ſuaſque illi communicat & commiſcet, roborat, auget, ac viciffim ſibi vires impertit & ideo inter Stellas regias connumeratur. Quinimò obſeruatum fuit, & plurimis experientijs comprobatum, eam non ſecus ac Planetas adinuicem, non corpore tantum, ſed & radijs commiſceri, proque qualitate aſpectuum quos contrahit cum beneficis, aut maleficis, bona vel mala, ſecundum Significatorum naturam inducere, & prænotare: id quod in alijs Fixis, ſuè quòd latitudine præditæ ſint, atque adeo nunquam cum Sole partiliter, rarò cum alijs Erraticis congregiantur; ſuè ob radorum exilitatem, qui nuſquam ratam proportionem diſtantiæ, quæ conſonantiâ parere nacta ſit ex ſimilitudine ad tonos muſicos, obſeruare non eſt. Addit etiam Thomas Campanella acutiſſimus ex Ordine Prædicatorum Philoſophus, & Aſtronomus, lib. 2. art. 2. cap. 3. ex doctrina Ptolemai, qui Leonis Signum præfecit Italiæ, ac Virginem Græciæ; quod quandiù Stellæ Aſteriſmi Leonis ſteterunt ſub eiſdem nominis Signo, Imperium totius Orbis penes Italiam, & ſignatè in Vrbe Roma (quæ Leoni ſubiecta eſt) manſit, durauitque cum magna potentia, & bellicæ virtutis gloria: At quando è Leonis Signo tranſmigrarunt in Virginem; tunc Romanum Imperium elanguit ac ſenſim è ſua gloria, ac potentia excidit, tranſlatumque in Græciam; vnde Turcarum Dominatio, & felicitas in rebus bellicis ſumpſit exordium. Veruntamen; cum adhuc Regulus in extremis partibus Leonis conſiſtat, inde fortè euenit, vt Romanum Imperium in totum non ceſſerit; ſed aliqua eius gloria (ſaltem in Umbra) in Romanorum Rege, qui Occidentis Imperator dicitur, & dignitate præſt cunctis Regibus terræ, adhuc remaneat, atque in Vrbe Roma fixus ſit ſpiritualis totius Eccleſiæ Principatus. At cum Regulus tranſmeabit in Signum Virginis, (quòd futurum dicit poſt 600. circiter annos, hoc eſt, anno à Salutis exordio, 2250.) tunc fortè, ait, Roma, & Italia ab omni gloria, & dominatu cadet; ni ſperare velimus (ſubdit) adhuc aliquatenus in ſua gloria & maiestate ſeruandam ob ingreſſum Caniculæ in Leonem, conſimilis naturæ cum Regu-

io, & longè maioris potentiz. Sed hæc, bellæ coniectationes sunt; & aërei discursus hominum sibi ab intellectus acumine blandientium, qui eò promptiores de futuris, ac longinquis rebus pronuntiant, quò è fallaci postea euentu, vanitatis redargui nunquā possunt, cum, nec ipse id, nec nos certè, nec posteri, ad longam seriem visuri simus. Caterum ex ijs, quæ experientia iam comparata sunt, inficiari non potest, quin Regulus, vti & Canis Sirius, & aliæ stelle insigniores, magnos effectus cum Sole exorientes inducunt, quemadmodum & ijs potissimum regionibus, quibus fiunt Verticales. Oritur autem Regulus Romæ die 16. Augusti, occidit post duos dies: vbi repentinos solet imbres adducere cum tonitruis, & fulminibus. At si cum Ioue hyeme exoriat, serenat aërem & frigus remittit. Cum Saturno intendit, & facit aërem turbidum, atque instabilem.

- 58 REMVNERATIO apud Astrologos est ficta quædam, & gratis concepta necessitudo, quæ creditur intercedere inter duos planetas, præsertim si conformes naturâ sint, quâ alter alteri opitulatur, cum in depressione constitutū offenderit. Hanc autem sic describit Abraham Iudæus, in suo *Direflorio*. Ponamus casum quod aliquis Planeta repariatur in suo detrimento vel casu, & vt illi dicunt in puteo, à quo se solo non potest emergere: sed tamen adueniens alius planeta amicus, illum suo radio fouet & subleuat, in suasque recipit dignitates: tunc si accidat, hunc eundem beneficij largitorem in idem, vel simile infortunium cadere, atque ab alio vicissim in suas dignitates recipi, benignoque radio confortari; hæc beneficij redditio, dicitur Remuneratio, quia videlicet aliquo modo videtur illi vicem rependere; quæ proinde inter fortunas computatur. Vana Arabum figmenta, & vigilantium somnia: quibus Sideralem scientiam, aliqui puram, ac naturalem conspiciunt, infamant, suspectam, atque ridiculam reddunt.

- 59 REPLVM, obscurum in Architectura verbum, & nusquam apud vllum Scriptorem (quod sciam) inuentum, præterquam in Vitruuio, qui solus eo vsus est semel, in Valuarum conformatione. Ait enim lib. 4. cap. 6. *Replum de Impage dimidia, & sexta parte*, nil præterea addens, quod peregrini vocabuli obscuritatem dilucidet. Quare in eo explicando merito confunduntur Interpretes, & in auiâ abeunt. Philander suspicatur, Vitruuium voluisse indicare coronicem Impagis, quæ ornamenti, & conclusionis causa, illi appingeretur. Barbarus, Replum astruit esse planam regulam constitutam inter duo

duo cymatia. Alij voluit esse eam valuarum partem, quæ alteri forium, dum clauduntur, imponitur; quamque Nostri *Battehem* appellant. Id quod à vero sanè non abhorreret, & oppidò congrueret indito nomini, quasi diceret, *Replicatum*. At obstat manifestè textus, vbi expressè dicitur Replum esse *dimidiam, & sextam partem de impage*. Atqui Impages (vt suo loco ostensum est) non fores ipsæ sunt, neque valuz, sed membra ascititia, & pura ornamenta, quæ valuis apponuntur, & circumdant ipsarum tympana. Constat igitur, Replum Vitruuius nil aliud esse, quàm additamentum ad impagem factum, vt illam magis ornet, & à tympano segreget, vti regulæ inter Coronam, & Simam in Epihylijs, atque in basibus columnæ Ionicæ, inter torum, & scotiam, & iterum inter scotiam, & plinthum, &c. Consonat Baldus in Lexico Vitruuiano, qui postquam aliorum opinationes circa Replum, sedulò expendit, & confutauit; concludit tandem, id ex mente Vitruuij, eam Valuarum particulam esse, quæ in prospectu plana, ac depressior est, inter impagem, & tympanum. Caterum Turnebus acutissimus verborum exoticorum scrutinator, lib. 11. cap. 4. ad nomen nouum, & nusquam in Antiquorum tabularijs, ab se repertum, hæret, & suspicatur mendum in autographum irrepsisse, ac legi vult *Peplum*, quod est capitis feminarum operimentum simul, & ornamentum, ac si diceret in valuis, tympani, corona & complementum. Id quod confirmat auctoritate eiusdem Vitruuij, qui lib. 10. cap. 17. in balistæ descriptione, iterum replum reponit, ac dicit: *Chelonis replum, quod est operimentum*.

RESCISSIONES in Militari Architectura, vocitari solent ex munimentorum, aggerum, ac propugnaculorum partes, quæ in hostili aggressionē ab aduersarijs occupatæ, aut deiectæ; à propugnatoribus ab reliquo opere abscinduntur & separantur, tamquam inutiles, & vt ita dicam, emortuæ, vt quod aliàs integrum est, seruetur incolume; ac propterea transuersarijs & obiectis repagulis sciunguntur, ne si cum alijs partibus continuarentur, viam pararent hosti toto propugnaculo potiundi. *Retranchemens* appellant Galli, Nostri *Tagliate*. Etenim, quæ prius erant in defensionem, si semel in hostium manus veniunt, vertuntur in damnum & offensionem, atque ideo abscinduntur, ac tota defensionis vis contrahitur, & abiecit in interiores recessus; nouis subinde operibus illic excitatis, quibus se tueri valeant, & hostes ab occupatis abigere. Quantæ autem opis sint in repentinis casibus eiusmodi Rescissiones, frequenter legimus in Historijs; vbi sæpè deploratis in rebus, & hoste propè victo-

vidore euaso, fixo in moenibus pede, vexillū capte iam Arcis erigente; nihilominus hæc refecamenta opportunè, & in tempore facta, imperum eius fregere, animisque propugnatoribus additis, noui tentamenti fortiter obstitērunt, atque ille malè multatus recedere, & obsidionem soluere cum rubore coactus sit. Adeò fortibus viri nunquam animi desponendi sunt, nec spes melioris fortunæ abijcienda: quandoquidem hæc, pertinaces in proposito sequitur, audacesque iuuat; & non semel in naufragijs, confraeto nauigio, vel in vna tabula salus affulget.

- 61** RESOLVTIO *Mathematica* (quæ aliàs à Pappo lib. 7. Collect. Mathem. dicitur *Locus*) est quidam artificiosus processus, & via plana in demonstrationibus faciendis, quam sequentes feliciter ducimur ad conclusiones euidentissimas deducendas: quatenus admissio ex hypothesi quod in quæsito proponitur; inde in constructione deuenitur ad aliquam propositionem, quæ fuerit antè concessa, & subinde ad plenam resolutionē problematis deuenitur. In *Resolutione* enim (ait Pappus) id quod queritur, tanquam factum ponentes; quid ex hoc contingat, consideramus: & rursus illius antecedens, quousque ita progredientes incidimus in aliquod iam cognitum, vel quod sit è numero principiorum. Porro hæc via ingeniosè excogitata est ad facilè soluenda quælibet, quantuniuis intricata problemata; quæ à Græcis dicta est *Analyomenos*, quasi *Resolutus locus*. Et quidem ea in duplici differentia est. Vna, quæ pure veritatem perquirimus, & dicitur *Theorematica* seu Contemplatiua. Altera, quæ practicè soluitur quod propositum fuit, & *Problematica* denominatur. De quibus fusè, exemplis idem idem comprobans, agit idem Pappus loc. cit.


- 62** RETE in Astrolabio, aptissima similitudine dicitur suprema tabula perforata, ac volutabilis circà limbum (quod ideo *Voluellum* etiam ab aliquibus appellatur, ab alijs *Aranea*, quod referat Aranei telam: Arabicè *Alhancabuth*.) Rete inquam cæleste, quia sicuti rete pisces capimus, ita hoc instrumento stellas in Cælo venamur, & loca quæ singulis momentis occupant, atque in situ mundi altitudines, depressiones infra horizontem, incidentiam in lineam crepusculinam; aliaque, icu oculi contemplamur. Refert enim Primum Mobile cum insignioribus stellis fixis, per radios quosdam notatis. spatio 24. horarum circà terram & stabilem situm mundi se perpetuò gyrans: atque adeò in plano, ex regulis perspectiue habet designatum Aequatorem, Zodiacum, Tropicos, circulosque minores Arcticum, & Antarcticum, illum quidē expressum, hunc autem

mente conceptum: vt propterea eius admotione ad singulos quindecim limbi gradus, signet quid singulis horis accidat planetis & sideribus ad horizontem ascendentibus, ac descendentibus. Eius fabricam artificiosam, & vsum, luculenter exponit Stoslerinus, & profequutus est postea Clavius in peculiari volumine, quod Astrolabium nomenclauit.

RETICVLATVM OPVS in Re Aedificatoria, dicitur Structura in 63
retis modum continuata: quò videlicet lateres, & camenta ita disponuntur, vt angulariter cadant inter altera duo similiter posita; sicque ordinata continentur & consurgant ad opus, quod quodammodo expansi Retis figuram exhibeat. In quo contradistinguitur ab Incerto, quod nominant, vbi lapides & camenta iaciunt in planum, alterna coagmentatione sibi mutuo insidentia. Et Vitruuius quidem lib. 2. cap. 8. vtrumque approbat, & commendat; Reticulatum ab venustate, Incertum sà persilientia, & firmitate: sed hoc quia durabilius ad æternitatem, alteri anteponit. Ex his, inquit, venustius est Reticulatum; sed ad faciendas rimas idè paratum, quod in omnes partes dissoluta habeat cubilia, & coagmenta. Incerta verò camenta, alia super alia sedentia, inter seque imbricata, non speciosam sed firmiorem, quam reticulata præstant structuram. Verum experientia rerum magistra, in factio aliter docet; & plurima vetustissima monumenta adhuc integra, vel magna ex parte extantia, satis ostendunt, reticulata opera, si benè connexa, & in angulis fortiter coagmentata fuerint, Incertis euadere longè tenaciora, ac diuturniora. Quod idè vel in ipsis ruderibus, quæ ex ruinis supersunt, necnon in fodiendis fundamentis, datur identidem inueniri reticulati operis ingentes moles, & fragmina ita firma, ac tempore solidata, vt in naturam integri ac durissimi saxi è fodinis eruti, videantur transisse, ac repetitis ictibus, & tusionibus non ita facile posse à camentarijs solui, quod non accidit in Incerto. Accedit ratio: Nam aliàs cuneata structura, si lateres probè cadant in angulum, seipsa subsistit, & longè firmior est quam plana, numquam soluenda, aut ad infortunium quoduis casura: vt videmus in arcubus, qui se solis, sufficientes sunt, quantamlibet superimpositam molem recipere, ac fortiter sustinere: eoquod ita in eam coeunt lapides, vt alter alteri sustentaculo, simul & impedimento sit, ne ruant, neue rimas admittant. Ad quem ritum, ex contrarijs ordinatam esse Rempubicam in Moralibus, ac Politicis, aduertit Seneca Epist. 95. ad Lucilium; *Quæ casura, nisi inuicem obstarent. Quamobrem solerti indicio monet Philander, in Structuris quibusvis omni*

contrahendarum timarum periculo optimè occurri posse, si materia adhibenda præparetur ex cæsis in longum lapidibus quadatis, cuneatis, & in angulum coëuntibus.

- 64 RETINACVLA (vt ipsum nominis etymon præsefert) vniuersaliter ea omnia appellant, quæ siue in Architectura, siue in Mechanica, necnon in quibusvis operibus artefactis, adhibentur ad aliquid fortiter continendum, vnâque stringendum. Hinc in Nauigatoria, signatè Retinacula nuncupantur rudentes illi, qui Nauigijs, puppi proræque illigati, illa firmant ac retinent, ne vi fluctuum, aut ventorum impetu agitata, & ipsa fluctuent, atque ita temerè diuagantia ad saxa allidant, ac dissoluantur. Verumtamen pressius accipitur hoc vocabulum ab Architectis, & Machinatoribus; nempe pro illis arrestarijs quæ Structuræ, & Machinis imponuntur ad colligendas in vnum partes; velut etiam in Nauibus funes illi ab imo ad summum mali protensi, ac circumcircâ adhibiti, vt erectum teneant, nec patiantur libratas in medio mari naues, in hanc vel illam partem inflecti, ac declinare. Quod ideo Vitruuius lib. 10. cap. 3. de huiusmodi retinaculis in Machinis tractorijs adhibendis, hæc præcepta tradit. *Antarij funes antè laxi collocentur; retinacula supra scapulas Machina longè disponantur; & si non erit vbi religentur, pali resupinati defodiantur, & circum fistulatione solidentur, quò funes alligentur.* Hos autem funes ad malum nauium alligatos, vt illas immotas, & in æquilibrio teneant, Nautæ, peculiari vocabulo, *Sartes* nuncupant.

- 65 RETRACTIONES vocari solent in re ædificatoria, graduum in Scalis repetitæ intermissiones; hoc est, vt non recto tramite simul omnes ordinentur in vnâ seriem, sed identidem atcolis interpositis, abrumpantur, aut aliò conuertantur; ad hoc, vt ascendentes per illos, ac descendentes, intermissa tantisper continua itione, paululum subsistant, & respirare queant. Sic enim, (aduertit Vitruuius lib. 3. cap. vlt.) *durus non erit ascensus.* Hinc, si continuatus ac longus foret ascensus, docet huiusmodi intermissioribus leniendum esse laborem, ac retracto, vt ita dicam pede, aliquantulum quietis ascendentibus concedendum. De ipsa verò retractionum mensura ita statuit, vt *nec minùs, quàm sesquipedales, nec plusquàm bipedales faciendæ videntur*, atque in numero graduum interiectorum inter vnâ & alterâ, *semper sint impares*: & dicti rationem reddens, subdit:
-  Namque cum dextro pede primus gradus ascendatur, item in summo templo primus erit ponendus. Id quod non templis modò, sed vni-

uer-

uerſaliter de omni ædificio intelligi vult Philander, additque: *Collocari animaduerti non plures continuos, quam ſeptem, aut novem. Quodſi pluribus aſcendendum erat: poſt cum numerum ſebat ret taſſio, & veluti areola, vt feſſi reſpirare, & quieſcere poſſent.* At (bona eorum pace) animaduerſio hæc non eſt vniuerſaliter recepta, non modò à modernis noſtri temporis excellentiſſimis Architectis, ſed nec ab ijs qui poſt Vitruvium, & longè antè Philandri tempora, florere. Etenim, (vt alios taceam) in præſigni, & ceſſiſſimo aſcenſu, quo itur ad Baſilicam dictam de *Ara Cali*, propè Capitolium, ab Auguſto primùm Nato Deo erectam, poſtmodum à Chriſtianis magnificentius reſtitutam, ac Virgini Matri Sacratam; hic ordo ſeruatus non eſt; nam gradus in vnum conuenientes omninò pares ſunt: & in primo quidem aſcenſu, quatuor conſtituti ſunt; in reliquo, quindecim retractionibus ſiue areolis, interrupto: atque in ſingulis interruptionibus octo enumerantur; adeo vt totà celeberrima ſcala, centum & viginti quatuor gradus contineat, ac quindecim retractionibus aſcenſus interrumpatur; vt ipſemet ego ſemel & iterum, data opera, contemplatus ſum, & ſedulo gradus enumeravi. Et hæc aduertiffe (quamvis extrà aleam ſit) operæ pretium fuit, ne lectores ex aliorum relatu decipiantur; namque multos Scriptores hac in re, haud conuenire, omneſque ſere in enumeratione graduum hallucinatos eſſe, comperi; & alios poſuiſſe gradus impares in retractionibus, alios in totum gradus 121, Scalam completū, falſò ſcripſiſſe. Igitur (vt ad inſtitutum redeam) ſcalam hanc nobiliſſimam totam è marmore continuatā, vt dixi, latam pedibus 60. in loco inſigni, & in proſpectu totius Urbis poſitam, non latuiſſe credendum eſt Philandrum, quando ea iam ab anno noſtræ ſalutis 1340. erecta fuit, ab Othone (neſcio quo) Senatore, Mediolano oriundo, qui in illam importatſe ferunt marmora è Quirini Templo, aliàs è Seueri Septizonio accepta: quæ omnia iam fama per totum Orbem vulgauerat, & Philandri aures, quin & oculos, Romanorum Architecturæ monumentorum curioſiſſimi, ac diligentiſſimi Inſtrato- ris, effugiſſe hand crediderim. Sed bonus vir, vt Vitruuij dictū non improbarer; aut diſſimulauit, aut cum alijs deceptus eſt. Vt ſileam de magnifico aſcenſu ad Baſilicam S. Petri in Vaticano, nuper ab Architectis celeberrimis noſtræ ætatis, inſtrato: vbi indifferinatim in ſingulis retractionibus, hic ſeptem, hic octo gradus enumerantur.

66

RETRACTIONES etiam, non incongruè, latino, & ſatis expreſſiuo vocabulo, dici poſſunt contracturæ illæ, & oculorum illuſiones, quas vulgus Pictorum, ac Perſpectiuorum, à linearum decur-

67

ratione nominant *Scientios*. Cùm videlicet ad visum complendum, figuras exhibent mutilas, ac decurtatas, aut nimium quam par est, distensas; quò ex certa positione ac situ, ad veritatem & partium symmetriam respondeant, quando reapse directè visæ, & propè aut longius constitutz, à vero multum aberrant, & potiùs picturæ monstra atque abortiones, quam veræ rerum imagines dici possint. At hoc artis arcanum est, quod in eo latet, vnica expressione porrigatur visui spectabilis sola corporum crassities, vnaque adhibentur dimensio è triplici, quæ in corporibus solidis vniuersaliter inuenitur, secundum longum, latum, & profuudum; cum nimirum repræsentanda res venit in plana superficie tabulæ. Quò fit, vt appareat id quod reuerà non est, sed tamen ad verum exprimi nequit, nisi proportionalibus adiectionibus, aut retractionibus detur quod visus obliquitas sibi arrogat per enormen obiecti dilatationem, aut diminutionem.

- 68 Etenim, cùm visio fiat per rectas lineas per modum Coni, cuius vertex in oculo sit, basis in obiectum terminet; hinc est, vt congruere veritati non possit, ni constituatur oculus, seu obiectum videndum, in eo positu, qui ex projectione linearum visualium (quæ multimodis potest fieri) quæ directè obiectum, vt in se est repræsenter: Hoc autem totum manifestum fit in cubo (aut alia quauis figura solida & angulari, cuius species de longè, & pro diuersitate situs diuersimodè, porrigantur) Cubus igitur (vt is pro exemplo assumatur) in seipso constat sex quadratis æqualibus, & octo angulis rectis omninò æqualibus, ac solidis: & tamen ratione diuersæ projectionis radiorum, pro diuersitate distantiz, situs &c. ab se diuersus apparet; & nunc quidem vnum videtur quadratum, cæteris grandius, nunc nullum, sed aut rhoboides, aut parallelogrammum formare altera parte longius, alia breuius, quandoque etiam repræsenter, prisma, aut trapezium &c. similiter angulos acutos, obtusos &c. Sed enim quid in se ipso sit, in plana superficie repræsenter non potest, nisi huiusmodi retractionibus, atque adiectionibus, diuersa radiorum projectio temperetur. *Venustatem enim prosequitur visus*, (ait Vitruuius in simili, de adiectionis & retractionibus in opere architectonico faciendis, lib. 3. cap. ult.) cuius si non blandimur voluptati, proportionè & modulorum adiectionibus, uti id in quo fallitur, temperatione adangeatur; *Vastus, & inuenustus conspicientibus remittetur aspectus.*

- 69 RETROGRADVS apud Astronomos agnominatur Planeta, qui motu suo proprio lustrans Zodiacum, non iuxta ordinem Signorum graditur, sed contrà, in antecedentes partes, & signa. Vt, Si Sa-
- tur-

turnus, exempli gratia, existens hodie in primo gradu Arietis, cras postea intraret in grad. 30. Piscium, inde abiret ad 29. & sic successivè ordine inuerso; tunc diceretur Retrogradus. Et hæc quidem passio est maxima Planetæ deterioratio, ac diminutio virium, saltem quoad influxus, & effectus, quos de natura sua parit in isthæc inferiora, suis qualitatibus afficiendo, & alterando. Quæ tamen, in Maleficis optanda est (quidquid alij contrà dictamen rationis, atque experientium sentiant) nam tunc debilitantur, & minùs noxii sunt: In Beneficis verò infelix & pessima, quippe non valent, quantum aliàs possent, vires suas exserere, & bona potentiùs elargiri. Et idèò vniuersim Retrogradatio debilitas est ac detrimentum virtutis, sicut viceversa, Cursus velocitas, fortitudo, & augmentum virium.

Causa autem, cur Planeta retrogradus debilis fiat, & econtrà, 70 directus & cursu velox, fortior ac robustior, non ità omnibus perspecta est; sed solum intimorum veræ Philosophiæ penetralium scrutatoribus: vnde est, quod multi in hoc iudicio falluntur, & fallunt. Quocircà operæ pretium me facturum reor, si in gratiam studiosorum, hanc ignorantiz laruam à veritatis inquisitoribus, & amatoribus detegam. Ea igitur est, quoniam Planeta cursu velox magis obstitit, & contrahitur motui Primi Mobilis, ac proinde quò velociùs graditur in consequentia, & in Zodiaco, eò tradiùs occidit cosmicè, & consequenter morosius incedit, diutiusque suprà terram manet in Mundo. Quò fit, vt potentior fiat ad influendù, maioremque locum & ansam habeat, inferiora hæc, suis qualitatibus alterandi. Patet id manifestissimè in Luna; quæ etià nunquam, fiat retrograda; quia tamen, præ cæteris cursu velocissima est; adeo vt quoto die emetiatur 15. ferè gradus in Zodiaco, & consequenter, vna circiter hora plùs, consistat suprà terram, quàm Sol, alijque Planetæ; idcirco præ cæteris validior æstimatur & noscitur ad operandum, & inferiora isthæc educenda, actuanda, ac disponenda; vt vel ex eo, sublunarium nomen acceperint, quod sub Lunæ potissimùm dispositione, ac prædominio sint: idque non tam ex eius maiori vicinitate, quam influendi morositate: namque ex Philosopho, quò magis agens passo insistit ac premit, eò validius in illud agit, sibi que subdit. Similiter id ipsum experimur in Sole, qui quò diutius suprà terram manet, vt fit in Aestate, eò potentiùs eam suis radijs verberat, afficit, & fecundat, vberimos fructus educens; quò contrà, hyemis tempore omnia silent, torpent, sterilescunt. Igitur Retrogradatio id efficit in Erraticis, vt non modò non obstitant motui Primi Mobilis, sed insuper obsecudent, & aliquandò præuertant,

tant, citiùs occidendo, seseque ab influxibus retrahendo, minori temporis spatio, quàm communium 24. horarum, suprà tertiam sistendo: ac proinde id suo modo efficit, ac circà nos ageret ignitus carbo in gyrum velocissimè conuolutus, qui non tantam virtutem, vrendi, atque excalefaciendi haberet, quantam, si immotus iuxtà maneret, aut lentissimè volueretur. Et hæc de vera causa deteriorationis Planetarum, cùm sunt retrogradi.

- 71 Porro, exceptis Luminaribus, reliqui quinque Planetæ, statis temporibus, aliquando retrogradi fiunt. Non quòd verè à cursu desistant, & retrocedant (quandoquidem vnusquisque in suo Orbe & Epicyclo, ordinatissimè, & æqualiter semper incedit,) sed quia, cùm habeant pro Centro Solem, circà quem volutantur; inde fit, vt dum ipsi cum suo Orbe rapiuntur à Primo Mobili; interim accidit, vt quandiù sunt in secunda statione, & ad Solem accedunt, procedant contrà successionem Signorum; similiter quando ab eo recedunt, vsque ad primam stationem, in qua maximè ab eo elongantur: vt à prima statione ad secundam; pergunt directè in consequentia. Hinc est eorum motus inæqualitas, & Phasium diuersitas, seu multiformes eorum Disci apparentiæ. Id quod de inferioribus, Venere & Mercurio comibus Solis, perspicuum est in adnexa Figura.



- 72 REVOLVTIO (vt nominis etymon præfert) nil aliud indicat in Astronomicis, quam integram circulationem alicuius sideris per Seriem signorum, donec adamussim redeat ad idem punctum, vnde discesserat, ac moueri capit. Sic dicimus, Saturnum perferre-

re suam reuolutionem in Zodiaco, in annis 30. Iouem 12. & sic de reliquis, prout aliàs dictum est. Verumtamen pressius, & ferè semper accipitur pro annuo reditu Solis ad idem punctum, à quo initium motus in productione alicuius rei, vel ab aliquo præsigni termino iniri cœpit. Sic erigi solet reuolutio annua, seu Thema cœlestis constitutionis cuiusque ineuntis anni, necnon introitus Solis in puncta Cardinalia, in quibus combinationes, & mutationes qualitatum primarum sunt; & inde colligitur conditio totius recurrentis anni, vel quartæ, pro toto illo tempore, quo durat, &c. Sic etiam erigitur figura reuolutionis in primordijs alicuius rei, vtpota ædificationis alicuius vrbs, natalis hominis, cœptæ ægritudinis &c. ex qua totus illius rei cursus pendere existimatur, & iudicium sumitur; atque ex particulari annuæ reuolutionis Themate, accipiuntur significata & effectus prodeundi toto decursu illius anni, prout docent Professores passim, in Isagogicis ad Ephemeridas. Cardanus, & alij inutiles, & euanidam prædicant hanc figuram reuolutionis Solis, ac regressum ad idem prorsus punctum, in quo fuerat in radice; eoquod, aiunt, (& meo iudicio, rectè) materialiter, & iudicenter se habet hic locus ad Cardines Mundi, ac reliquorum planetarum loca, quæ tunc temporis obtinent, acquiruntque independenter à Sole, per suas quisque reuolutiones, & circuitus in Zodiaco, statis cuique temporibus; quæ quidem nullam connexionem, nullum ordinem habent ad sua, aliorumque loca radicalia, tam in Mundo, quàm in Zodiaco. Addit Cardanus, vbi de *Reuolutionibus* ex professio agit, has tripliciter considerari posse, aut simpliciter in Zodiaco ad eundem gradum, & punctum, in quo Planeta repertus fuerat in radice, vt est reditus Solis quotannis ad puncta Cardinalia: Aut in Mundo, vt redeant ad eundem Circulum positionis, quod singulis diebus accidit per motum raptus: Aut ad nouum congressum & configurationem cum alio, vel etiam stella fixa insigniori, vt habuerat in radice. Quæ quidem omnia nullam respondentiam ex eo præcisè habent ad annum Solis regressum ad idem punctum. Accedit, quod ad hunc eundem Solis regressum, vt plenè habeatur, non satis est anni periodus, sed requiritur etiam spatium, temporis quod infumitur in acquisitione partis illius Eclipticæ, quæ Sol singulis diebus perdit, à die radicali cœpti operis, per recessum à Primò Mobili, in subsequencia secundum successionem Signorum. Quare hic hæsitant, & hærent acutiores Astronomi; & vt nodum extricent, sapissimè in auiā abeunt, cum nusquam valeant disparata hæc, iuxta Philosophiæ principia, concordare.

Verum Adrianus Negusantius vir ingenio acer & feruidus, ac 73 præ-

præmaturi iudicij, cum has difficultates sedulo examinasset, atque integra manente recepta antiquorum methodo, solvere non potuisset, Alexandri gladio audacter rescidit; aliam conpendiosorem, speculatus viam, Naturæ magis conformem, & à Prolenæ præceptis non aberrantem, quæ non tam figura Reuolutionis esset, quam successiui annui motus Directionis. Siquidem (sic Philosophicè simul & Mathematicè incedens, discurrit) ea intelligitur esse Solis reuolutio, ac regressus ad locum radicalem, quæ non tam in Zodiaco, quam in Mundo, eum constituat in eodem situ ac positu, in quo pridem erat; itaut consideretur locus iste fixus, & immobilis, perinde ac Cardines, expectare aduentum siderum Occursantium, quæ in radice præordinata ac disposita, compleant, adueniunt, ac decernant: Atqui id præcisè non habetur per puram reuolutionem annuam Solis, sed per motum Directionis, quo Sol (& consequenter reliqui significatores) singulis annis acquirunt gradum vium distantie in Aequatore, quæ interest inter ipsos significatores, & Promissiores, prout ostensum fuit in V. *Directio*. Igitur iuxta hanc philosophicam, & geometricam veritatem, erigenda est Figura Reuolutionis, eadem quidem hora, sed non eadem die radice; verum singulis annis, additis tot diebus, quot anni effluxerunt à puncto radicali, respondentes ad singulas peragrationes Solis in Zodiaco, computandas per Ascensiones rectas, quas singulis diebus facit, pergens ad vteriora.

74 Quod ideo in praxi, quotannis accipienda est Ascensio Recta respondens partibus illis Eclipticæ, quas singulis diebus à radice acquirat Sol, suo proprio & naturali motu: quæ postea Ascensio conferenda est cum ea, quæ competeat Meridiano radice, subtrahendo vnam ab alia, prout vltro, citrouè est. Nam numerus prodiens est Ascensio Recta Medij Cæli Reuolutionis illius annuæ; ad cuius posuit, erigenda est denum, more solito Figura Cælestis, constitutis in ea Planetis, prout iacent in signis & gradibus, & positi in ordine ad Mundum, in quibus reperiuntur subsequenti die, sub data hora radice. Atque hæc est vera, genuina, & ad Naturæ ordinem respondens, Figura Annuæ Reuolutionis.

75 Pari etiam ratione, si inter annum incidat notabilis quædam directio alicuius significatoris; voluerisque cognoscere habitudinem Planetarum, & locorum occursantium ad dictum locum directionis; necnon ad inuicem; videndum est, quotus sit arcus directionis, quotque annos, & menses adamussim appellet, iuxta regulam superius traditam. Tum pro annis, tot naturales dies; pro singulis mensibus, tot binas horas adijce tempori loci radicalis Solis: atque ad eam diem

diem & horam, quæ resultat ex annis, & mensibus excursis, vel excurrentis, erige figuram more solito, constituendo in Medio Cælo gradum Ascensionis competentem tali diei & horæ, & habebis figuram illius particularis directionis. Vbi pro miraculo contemplari poteris Promissorem deuolutum ad locum quem Significator in Radice obtinebat: videbis etiam quomodo ad hunc locum se habeant Fortunæ, vel Infortunæ, necnon etiam congressum cum stellis fixis, tam Significatorum ipsorum, quam Promissorum; atque adeo non temerè, & oscitanter, sed maturè, ex concursu causarum naturalium, (qui probè tibi est in prospectu) coniectari poteris, de prospero aut infortunato effectu illius directionis. Sed hæc doctrina ex praxi magis tibi arridebit, atque probabitur, quam speculatiue tantummodo tradita.

RHOMBVS in Geometricis, vna est ex quatuor celeberrimis figuris quadrilateris rationalibus, in quas omnis Parallelogrammorum ratio conuenit, ac differentię resoluuntur. Aut enim Parallelogrammum erit æquilaterum, aut inæqualium laterum, quorum duo opposita & parallela, sint duobus alijs longiora. Rursus, si æquilaterum, aut habebit omnes angulos rectos, aut nullum rectum, sed duos oppositos obtusos, reliquos duos acutos, (neque enim aliter Parallelogrammum considerari, ac dispesci potest.) Si fuerit æquilaterum simul & rectangulum, fundabit Quadratum perfectum, quod est fundamentum, & cardo proportionum omnium figurarum quadrilaterum rationalium, seu parallelogrammorum. Si fuerit æquilaterum quidem, sed non rectangulum; erit Rhombus, de quo nunc agimus; qui præ cæteris, magis ad perfectum quadratum accedit, (deficit namque solum in paritate angulorum, de cætero omnino similis est, & easdem ferè in omnibus habet passiones, & proprietates. At si in eo alterutrum laterum in angulum conuenientium erit altero longius, fundabit duas aliās species parallelogrammorum; vnam, quæ absolute vocatur Rectangulum, habens omnes angulos æquales, & rectos; alteram quæ dicitur Rhomboides, habens & latera, & angulos inæquales, vt mox infra. Igitur Rhombus definitur ab Euclide. *Figura, quæ aquilatera, sed rectangula non est.* Quare eiusdem prorsus conditionis ac naturæ est cum Quadrato, eandemque aream occupat; nisi quod in angulis disconueniunt; attamen in vtrisque, aut sunt reipsa, aut omnes anguli simul collecti æquiparantur quatuor angulis rectis, itaut rhombus reipsa nil aliud sit, quam quadratum, vt ita dicam, degener, ac defectuosum in angulis, vt quod duobus rectis abripit, reddat ac projiciat in

obtusos : cæterà , vt dixi , eisdem ferè pedibus graditur ; ac propterea eadem in vtrisque mensura , & proportio ad rectangula vel rhomboides , vt , quæ in Sectionibus Conicis dicuntur de proportionibus Quadratorum adinuicem (quæ consurgunt ex applicatis ad axem , & rectangulis quæ sunt à Parametro , & portione axis intercepti inter applicaras , & verticem , quod nimirum sint æqualia ipsis Quadratis) eadem omnino procedant in rhombis , & rhomboidibus , quæ formantur ex iisdem applicatis , & portionibus axis interceptis cum Parametro , vt in loco diximus . Itaque

- 78 RHOMBOIDES , (vt modò tactum est) est figura quadrilatera regularis , omni ex parte à quadrato discrepans , & ei directè opposita : conueniens in æqualitate laterum cum rectangulo , & inæqualitate angulorum cum Rhombo : habet enim vt hic , duos angulos inuicem oppositos necessariò acutos , duos item reliquos obtusos . Quæ proinde sic definitur ab Euclide : *Est figura , quæ aduersa & latera , & angulos habet æquales , in se tamen neque æquilatera , neque rectangula est* . In hoc etiam differt à Rhombo , Quadrato , & Rectangulo altera ex parte longiore , quod etsi in omnibus diameter seu diagonalis ab vno angulo ad alterum oppositum ducta , scindat parallelogrammum , & aream interclusam in duas partes æquales , ipsos tamen angulos non æqualiter diuidit , sed alter ex diuisione consurgens , si quidem ab diametro secundaria scindantur , erit necessariò acutus , alter aut rectus aut obtusus ; aut si à diametro primaria , seu longiore fiat scissio , vterque angulus prodians erit acutus , sed alter altero acutior : id quod in rectangulo , seu quadrato altera parte longiore non est ; nam semper in eo duæ diagonales à duobus conterminis angulis ad oppositos ductæ æquales sunt , & sese mediùm scindunt , quamquam non ita angulos ; quorum alteri erunt necessariò acuti , alteri obtusi , nunquam recti . Id quod exemplis commonstrant Clavius in Euclidem ad propof. 34. & quisque ex praxi , suo Marte videre poterit . Sunt & alia propè infinita quadrilatera , quæ excogitari possunt ex diuersa laterum , & angulorum positione , sed ea parallelogramma non sunt , nec inter figuras regulares connumerari possunt ; sed communi , & vniuersali vocabulo , dicuntur *Trapezia* , De quibus suo loco .

- 79 RHVMBVS , (Lusitanum pridem vocabulum , quod iam ad Latinos transijt , & à Geographis frequentissimè vsurpatur) significat lineam in Cælo conceptam , quam Astronomi Circulum verticalem primarium vocitant , seu cuiusque Regionis proprium Meridianum .
Huius

Huius igitur Rhumbi, seu proprii Meridiani ope, Naucleri, Mare quaquaersum nauigijs excurrunt, & quò iter instituere debeant, aut ventorum vis abripiens in aua detulerit, internoscunt: id quod ex differentia colligunt, quæ intereedit inter hunc rhumbum, sub quo iacent, & primum, quod fixum in Occidente est, propè Insulas Canarias, aut alium quem, vnde soluerunt, aut quò tendunt; inde metientes iter, diuagationes inutiliter factas, atque ad eius rationem se in rectum tramitem reducentes. Quapropter infiniti prope modum excogitari possunt Rhumbi, ad quorum rationem, & collationem ad inuicem, possit quisque auspicari quantum itineris emensus fuerit, quantum rectà tenderit, quantum à via, quam tenere debeat, aberrauerit. De qua re fusè alibi dictum, cum de *Meridiano, Loxodromica, & Longitudine Geographica*.

RIGOR apud Gromaticos, & Agrimensores, est terminus quidam Canipi & agrorum, non manufactus, sed qui naturali suo ordine tendens, in directum prorrigitur. Vnde Frontinus de *Limitibus* agens; *Rigor est, inquit, quidquid inter duo signa, vel in medio linea, rectum perspicitur*. In quo quidem sensu indefinitè sumitur, & contradistinguatur à cæteris arbitrarijs terminis, ac limitibus, ex lege, aut ad Mensurum placitum positis; vti sunt Macerix, Scorpiones, &c. de quibus suo loco. Quod ideo benè notat Aggenus perpendens nominis etymon, *Rigoris nomen accepit* (talis nimirum naturalis factus limes,) *quia naturalis rectitudinis tenorem inuiolabiliter seruat*: Et Dolobella de Agrimens. *Rigores, inquit, bebetes appellati, quia sine lapidibus sunt*.

ROSA NAVTICA non ita pridem, apto satis vocabulo, appellari cepit Versorium magneticum ex obelo pendens, atque in medio nauticæ pyxidis constitutum, in quo per orbem, à centro ad circumferentiam descripti sunt rhumbi, & Ventorum nomina, non secus ac in expansa Rosa dispersita circum folia equa dimensione, cuius porrò viuam imaginem repræsentant. Huius igitur Versorij beneficio, (quod habet in medio transversaliter infixam acum magneticam, quæ facit illud semper fluctuare, donec cuspis eius ad polum vertatur, & sistat,) habemus compendio, & in ictu oculi quatuor mundi plagas, ventorum, qui perflant agnitionem, ac proprii meridiani, rhumborumque habitudinem ad primarium, situm ad occidentem, atque adeò distantiam quorsumcumque locorum. Præclarum sanè inuentum; non modò ad Geographiam, & Nauigationem ritè instituentiam commodè accedens, sed & Astronomiæ, Gnononiæ, atque

Architecturæ, ad regulandos ædificiorum aspectus, optimè inferuiens. Dabimus infra, cum de Ventorum natura, differentijs ac plagis vnde exsufflant agemus, Rosam hanc Nauticam, distinctè, ac probè delineatam.

82

RVDERATIO in re ædificatoria dicitur pavimentorum constratio, & *Rudus*, quidquid ad ea solidanda, & complauanda iniicitur, ut in vnum coalescat, ac stabile fiat, possitque sine noxa pedibus teri. In qua sanè re, summa cura & prouidentia procedendum monet Vitruu. initio libri septimi. *Aut enim*, inquit, *plano pede rudendum erit, & tunc queratur solum an sit perpetuò solidum, aut congestitium*: si natura solidum, satis est, si exaequetur, & inde inducatur cum statumine rudus, sin autem aut ex parte, aut in totum aggestitium, tunc ait situationibus vtendum, & locum magna cura solidandum. At in contignationibus subdit, *diligenter est animaduertendum, ne quis paries, qui non exeat ad summum sit extructus sub pavimentum, sed potius relaxatus supra se pendentem habeat coaxationem. Cum enim solidus exit, contignationibus arescentibus, aut pandatione fidentibus, permanente structura solidate, dextra ac sinistra secundum se facit in pavimenti necessariò rimas*. Cæterum rudus quo sternitur pavimentum, aut nouum est, & sit de saxis aut testis contusis, aut minore glarea, & tunc ad coagulum satis est, si ad tres partes, vna, maceratæ calcis admisceatur: aut rediuuium, hoc est, è vetere renouatum, nempe è veterum ædificiorum ruinis comminutis, comparata materia, quam nos vulgò *Calcinaccium* vocamus, sufficit si ad quinque ruderis partes, duæ calcis addantur, quoniam in eo calx iam

83

iam exsiccata, per nouam attemperationem reuiuiscit, & cum recenti calce optimum coagulum, & connexionem facit. At in nostris regionibus, Terræ (quatin dicunt) Laboris, seu Campaniæ Felicis, magno cum operæ, & impensarum compendio, neque nouum, neque rediuuium rudus adhiberi necesse est, cum habeant abunde lapillum ad hoc vnicè factum (quem, corrupto vocabulo *Lapillum* vocitant, neque saxeum, neque mollem ac friabilem, sed exsuccum, & fungosum, qui nigrè operi inferuit, & suâ porositate, vim calcis intrâ se attrahens, optimè coalescit, & in morem lapidis continui induratur, nec rimas patitur, si pavimentum quoad duret & subsidat, benè pinsetur. Hic enim uerò passim inuenitur in effossionibus pro fundamentis, vna cum puluere puteolano distinctis corijs prouide inibi à natura suffecto, ut eadem opera, & fundamenta effodiantur, & simul materia comparetur ad extruccionem, apta, & ad pavimenta conficienda, quæ maximè probantur, & com-

mo-

modè cadunt in contignationibus, & solarijs, vbi suppleant pro tecto, ac tegulis; & planam iucundamque ambulationem faciunt, & ex materia leuitate non sunt grauosa, nec parietes sustinentes ponderositate fatigant. De hoc genere rudi (vt id obiter dicam) loquitur arbitror Plinium, cum *ruderatum agrum* appellat lib. 21. cap. 4. in quo odoratiorem rosam nasci perhibet; qui nimirum aridus sit, & ficcis eiusmodi lapillis scateat: cum aliàs Rudus, de quo verba facit Vitruu. siue nouum ex contusis faxis, ac testulis, siue vetus ex ædificiorum ruinis, ex se nullum germen proferre sit aptum.

84

RVGAE in Opere architectonico obscurissimum verbum, sed tamen frequentissimè vsurpatum à Scriptoribus antiquioris æui, tum prophanis, tum sacris, quod quid propriè indicet, diù eruditorum torset ingenia. Quandoquidem à rugis, quæ in fronte senum conspiciuntur, nulli dubium, quin deriuatum sit, & ad opus translatum: vnde probè intelligi potest, qua ratione ad corrugatas, seu crispatas vestes transierit, atque ad striatas columnas, quæ aliquam cum crispata senum fronte similitudinem habent. Verumtamen, quoniam pacto ad alia, toto cælo diuersa, significanda, deductum fuerit vocabulum, magnum eruditis negotium faceffit; & ideò non ab re erit, si accuratè hic, præsertim quæ Geographiam & Architecturam respicit, id ab ouo inuestigemus. Et quidem dum huic operi in perquirendis, & examinandis antiquorum monumentis intenti cramus, commodum accidit, vt in manus veniret opus Illusterrimi Io: Ciampini in Romana Curia Breuium Magistri, atque vtriusque Signaturæ Referendarij, nuper editum, *De Perpetuo Azimorum usu in Ecclesia Latina*. Quod, quamquam in argumento longè diuerso, tamen pro varia eruditione, & rerum intima peruestigatione, qua præditum est, multum luminis contulit ad veritatis agnitionem, vt propterea, viri non tam de Ecclesiastica Historia, optimè meriti, quàm de Mathematicis Disciplinis, quibus promouendis sedulo incubit, aperta in proprijs ædibus celebri Physiomatica Academia, dignam hic mentionem facere, atque ingeniosis eius obseruationibus opellam nostram locupletare, non erit profectò ambiciosum, neque inuerecundum. Is ergò ex occasione, quod sæpè in Ecclesiasticis monumentis, ac præsertim in antiquo Ordine Romano, repetitum comperiit Rugæ nomen, opportunè, discutit toto cap. 14. quid propriè indicet, & vnde originem traxerit. Cuius verba, ne quid decoris excidat, hic attexere non grauebor. Ait enim, reperiri primum in Vita Stephani IV. apud Biblio-

85

the-

thecarium, Rugarum mentionem in ingressu altaris constitutarum; supra quas scisse testatur Pontificem tres regulares argenteos. Idem obseruat in Hadriano I. in Leone III. in Paschali I. in Leone IV. in Gregorio IV. cuius testimonia hic referre longum foret, & ab instituto alienum. Sat erit vnum de Leone IV. obscurius in medium ferre, de quo ait: *Fecit & rugas sacra confessionis ex argento constructas, vultus habentes B. B. Petri, & Pauli, pensantes omnes libras ducentas & octo.* Quid autem significetur per has rugas argenteas, ad confessionem Apostolorum positas, non satis constat: Torigius in *Cryptis Vaticanis*, Ianuas fuisse credit: Alij laminas ad vndarum figuram, furculis excauatas, atque striatas, quibus altaris facies ornabatur. Vnde colligunt, omne id genus operis, siue ex marmore, siue ex metallo fiat, siue stabile, siue mobile, ac portatile, modò cælatum per longum sit, ad rugarum morem; sub generali rugæ nomine comprehendendi. Verùm acutè notat Ciampinus, huiusmodi explicationes, neque alijs testimonijs eiusdem Anastasij, neque sensui, in quo sæpe accipit Rugæ nomen Ordo Romanus, aptari; Quin etiam addit. *Si bene perpendatur Bibliothecarius, Ruga apud ipsum nihil aliud denotat, nisi gradus è marmore, vel ex alio lapide, presbyterij, aut alterius loci: ni potius gradus è ligno, siue metallo, aut alia quauis materia, qui Altari ad ornatum superponuntur, in quibus Crux, candelabra, ac reliquia Sanctorum apponi solent.* Et quod ad Ordinem Romanum attinet, ad Acolythorum officium referre semper videtur; Rugam conseruare, Rugam obseruare. Quapropter, subdit, seridè conclusi, Rugam in Romano Ordine expressam, nil aliud omninò denotare, nisi viam per quam iter ac transitus esset Pontifici; ideoque munus acolythorum fuisse, eandem liberam custodire, ne à Clero Pontificis transitus impediretur. Hoc idem muneris hodiè exercetur à Cæremoniarij Magistris, qui veluti speculatores inuigilant, vt libera pateat via, per quam Pontifex transire possit.

86

Hæc Ciampinus, ad cuius sententiam confirmandam plurimùm valet alius locus expressior Ordinis Romani, in quo ritus præscribitur accessus, & regressus solemnissimus Romani Pontificis ad Secretarium, peracta Sacra Liturgia. Namque ibi dicitur: *Tunc septem cerosistrata, precedunt Pontificem, Subdiaconus regionarius cum thuribulo ad secretarium.* Post eos baculi; post eos Cercostatarij, post quos acolythi, qui rugam conseruant; post eos extra presbyterium cruces portantes; deinde mansionarij iuniores, & intrat Secretarium. Vbi satis apertè liquet, pro Ruga sumi viam, seu transitum Pontificis à Secretario ad Confessionem, atque à Confessione, post sacra peracta,

reditam ad secretarium. Id quod à communiter recepta ab nostris voce ab Gallis deriuata, *Rue*, qua callem, sed semitam, *Ruam* appellamus, vt in Boccaccio, Io: Villano, aliisque politioris Italicae linguae Scriptoribus, videre est. Vt propterea non ab re, illa speciali nota digna semita, & callis, qua in Ordine Romano, & in Sacris Ritualibus dicitur, fieri transitum Pontificis ad sacra peragenda ituri, Rugae nomine prænотatur; eò maximè, quod ab originaria, & rigorosa Rugae notione minime abhorret: siquidem via hæc libera, & communis cuique de populo haud erat, sed solo Clero, & ministris Pontificum, binis in suo quique ordine præcedentibus, & sequentibus, aperta erat, & latè patens. Quocirca credendum rationabiliter est, fuisse hincinde, cancellis, & repagulis clausam: vti nunc videmus esse in omnibus ferè Ecclesijs, Presbyterij locum; quæ quidem certo ordine disposita, Rugarum seriem præferunt, non secus ac sulci in agris directi, Rugæ ab aliquibus appellantur.

88

RVMINANTIA SIGNA ab Astronomis nuncupantur, ea quæ animalium ruminantium nomen, & speciem præferunt, qualia sunt in Zodiaco, Aries, Taurus, Capricornus, atque etiam extrà Zodiacum, Hædi, & Capella. Hæ namque pecudes, vti & omnia cornigera, quoniam in superiore manibula dentibus carent, cibum summatim carpunt, & in iugulum remittunt, quem postea regurgitantes, ad os iterum reuocant, & comminuunt. Signa igitur, quæ eorum alicui assimulantur, & certam cum ijs analogiam seruant, valde appositè ruminantia dicta sunt; eoquæ obseruatum est, Luna in ipsis existente, consimilem in nobis effectum progigni. Et ideo cautum est ab Astrologis, & Medicis, ne tunc temporis, medicamenta per portiones sumantur, quia ea diù retinere, & actquare stomachus non patitur, sed mox cum ingenti agitatione, ac nausea euomit, & reiectat. Sicut econtrà, si vomitoria danda sint, præstat ea exhibere, & propinare, dum Luna est in signis ruminatibus, vt præ cæteris, aduertit Ganiuctus, cap. 2. differ. 3. quia tunc Luna virtutem expultricem excitat, & disponit ad opus intentum. Inter Ruminantia signa enumerari solet & Leo, non quod hic verè è ruminantibus sit; sed quia, vt obseruat Origanus, hoc signum est Domicilium Solis, qui præest cordi, ac præterea habet stellas vrentes nimis infensas, vti sunt quæ in collo, capite, cauda, ac potissimum Basiliscus: vt proinde ex generali aphorismo, sumendis medicamentis, & purgandis humoribus sint inopportuna.

87

2

88

RYTHMVS græcè, (vt alibi occasionaliter dictum est) consonantiam, ordinem, & harmoniam numerorum sonat: Vnde Scientia, quæ specialiter de numerorum proportionibus, respondentia, passionibus, & proprietatibus agit, Arithmetica dicta est. Hinc Isarithmi, Logarithmi, Mesologarithmi &c. pro certis numerorum combinationibus, effluxere. Vide quæ diximus in V. V. *Numerus*, *Algebra*, *Rabdologia*, & alibi passim.





S A



ABVRRRA notissimum omnibus nomen, qui mare nauigationibus permeant, quo significatur æquipondium nauigia librans, & erecta tenens in lubrico, siue ea maiora sint & oncraria, in longis itineribus adhibenda, siue piscatorij celoces, & minusculi lintres. Denominationem accepit ex sabulo, hoc est, crassiore & ponderosiore arena, quæ ad certam mensuram carinæ immissa, veluti fundamentum est mobilis huius ædificij, quod firmat in aquis, ac rectâ meare facit, neque ad dexteram neque ad sinistram deflectens, neque ventorum vi, aut fluctuum iactatione irâ inclinans vt periculum subeat mersionis. Etenim ponderositate sua illud librat ad modum æquipondij in statera, & supplet quod in ancipiti fluctuatione, cedente liquido elemento, perditur. Quod ideo benè complanata esse debet, æquè per omnes partes dispersita; neque plus, aut minus ingeri, quàm nauigij forma; amplitudo, qualitas cursus, ac reliqua admissa pondera patiantur, habita ratione ventorum ingruentium, & velorum quibus hi sunt excipiendi, iuxta Hydrostaticæ leges: ne fortè nimis grauatum ponderi cedat, atque mergatur, aut nimis leue, ventorum undarumque ludibrio exponatur. Qua de re, vide quæ doctè satis scripsit Lazarus Baysius, & ex Recentioribus Gaspar Scottus, in Cursu Mathematico.

SACOMA græcè dicitur æquipondium in Statera, hincinde per scapum discurrens ad libranda pondera, quod nos vulgò *Romanum* vocamus, Antiqui verò Latini Scriptores (teste Festo Pompeio) vocabulo satis expressiuo, *Austarium* appellare solebant, eoquod super mensuram, vel pondus iustum adijcitur. Eo frequenter vtitur verbo, Aristoteles in Mechanicis, explicans qua ratione æquilibrium

Eeeee

brium

brium facere sit aptum. Vitruuius quoque bis eius mentionem facit, sed in alio sensu, & translatitio, lib.9.cap.3. & vltimo. Quâ occasione, lepidam historiam refert Hieronis Syracusani furtum, deprehendentis in mixtione argenti ad auream coronam ad Sacoma appensam; idque astu Archimedis, quæ ad nostrum institutum non cadit: videri poterit apud ipsum. Cæterum de Sacomatis ratione abundè diximus in V. *Aequipondium*.

SACRARIVM in re architectonica, Vide *Secretarium*.

- 3 SAGITTA ex primaria notione significat telum missile, ex arundine vel alio leuiore ligno compactum, habens in anteriori parte, extremâ ferreum spiculum trifidum, probè acuminatum, atque in trianguli quadrilateri formam, quam Acidoidem Geometræ nuncupant, abiens: in extrema verò retrorsum, pennas hincinde expausas, atque dispositas, vt quoquo modo emissum, per aëra volet & ad scopum celeriter tendat, infigaturque. Olim in re bellica magno in vsu fuit, siue ballistâ emitteretur, siue arcu tenso, & laxata manu, siue quolibet alio instrumento: itaut ex ijs specialis ordo bellatorum constitueretur, locusque in acie tribueretur secundus post Principes, circumdati cataphractis, vt testatur Veget. lib. 3. cap. 14. ac tertio item & quarto loco, Sagittarij Iuniores. Qui tamen ordo, vti & sagittarum vsus, nostro xuo ferè abolitus est, cum in earum locum subintroierint sclopi & alia minora tormenta, quæ pyrio puluere, & plumbeis, siue ferreis globulis grauida, concepto igne, maiore impetu eos emittunt, & aliùs penetrant, vbi semel inciderint: & solum sagittæ in venationibus locum habent; aut à Turcis, ac Circassis in prælijs retinentur ex parte; ad vsum, cum ijs tormentariis puluis deficit, aut cum volunt ab alternis emissionibus nunquam desistere. Mansit tamen apud nos vsus malleolorum, aut similitum incendia adportantium, de quibus diximus suo loco. Nunc autem sagittæ nomen ex quadam similitudine translatus est ad varia significanda, tum in Astronomicis, tum in Geometricis, tum in Agricultura; vnde & Columella sagittam vocat nouissimam furculi partem, quæ cacumine attenuata, sagittæ speciem refert. &

- 4 SAGITTA etiam vocitatur à Geometris in sectionibus conicis pars axis, seu diametri principalis, intercepta inter applicatas, & verticem: vti etiam quæ aliàs dicitur sinus versus; estque linea recta, perpendiculariter cadens in sinus rectos, seu cordas arcui subtensas, quæ videlicet, sagittæ arcui applicatæ figuram exhibet. De quibus suo loco, susè

SAGITTA quoque, appellatum est sidus in Cælo ad borealem plagam intra Galaxiam propè Aquilam, imò & cum illa connexum, 5
quam videtur ad alam superiorem transfigere: habet tamen stellas suas proprias, diuersæ ab illa naturæ, participantés de Marte & Venere, quæ communiter notantur quinque ex Ptolemæo; At Bayerus tres alias addidit minores, sextæ magnitudinis, præter tres alias splendidiore quartæ honoris, quas reliquit cum Tychone informes, ac postea Recentiores aliqui in suis Mappis adornandis, collegerunt in Euphratam fluium. De hoc sidere horoscopante, sic poetice lusit, ac venustè cecinit Pontanus.

*Si Cælo aspiciens oculo intueare sagittam;
(Has etenim Natis vires, hæc dona ministrat:)
Exercens usus probat & mox vertit in artem.
Ille igitur iaculo insignis, celerique sagitta
Continget possum quocumque in limite signum:
Ille etiam speculantem alta de turri columbam
Deiçit ætriæ contorto verberè fundæ.
Squamosumque petit ceruo sub vulnere piscem.*

SAGITTARIUS est aliud sidus, & Signum in Zodiaco, nonum ab Ariete, in Semicirculo Australi, ac terminans ad Brumalem conversionem. Quare est signum commune, bicipitè, repræsentans Centaurum semihominem, & semiequum, tenentem intentum arcum, & sagitta transfigere Scorpionem gestientem. Est Domicilium Iouis, & in eo Antiqui putarunt exaltari Caput Draconis Lunæ: verum hoc gratis dictum, & falsò, cum id non nisi planetis lumine præditis competat, & ideo ab sequentibus Astronomis, ut commentum reiectum est. Eius Constellatio incidit in Galaxiam, incipiens à gr. 26. signi eius nominis, ac terminans ad gr. 28. Capricorni. Habet in se adunatas stellas 31. secundum Ptolemæum, quibus vnâ addidit Bayerus, & tres adhuc Keplerus; qui tamen eas ex Corona Australi auulsit, & huc sideri applicauit. Cæterum inter antiquas, vna est in fronte, Nebulosa; quam magni faciunt Astrologi; atque inter alia quæ obseruant, est quod oriens cum Sole semper inducit nubilum, tempus. Oritur autem Romæ septimo Kal. Ianuarij. Cætera pete ex Pontano, & Argolo.

SAGMA propriè ex græca notione Thecam significat, seu loculamentum, in quo Clypeus conditur: At nescio, qua ratione, ab Architectis, & Perspectiuis acceptum sit nomen ad denotandum translationis puncta, quæ ab lineis diagonalibus, & perpendicularibus in-

vnum conuenientibus, proijciuntur in planum, ac terminantur in punctis. Sic sæpissimè vtitur hoc verbo Iacobus Barozius insignis Architectus, dictus de Vignola, in regulis practicis suæ Perspectiue. Sed & Ignatius Dantes eius illustrator, testatur hausisse Barozium ex recepto Bononientium idiotismo, qui modulationem membrorum quæ considerantur in Architectura, vti & modulos ipsos columnarum, basium, aut capitulorum, signatè Sagmata vocant. Quæ demùm ratione, aut analogia ad Græcorum Sagma, se quidem nec suspicari posse, ipse Dantes fatetur. Sed ad rem: Sagmata igitur appellat in concreto Barozius, chartulas quasdam, in quibus signata sint præfata puncta ex diagonalibus, & erectis lineis eò terminantibus: non quod ipse præcisè sint quæsti moduli, sed quod modulos ipsos dirigant, & efforment, hoc est, vt ex ipsis chartularum punctis inuicem collatis, prodeant modinationes, & sagmata membrorum degradatorum, vti ex ipsis generaliter excipiuntur moduli cuiusque alterius degradatæ figuræ. Rem pluribus explicat, & exemplis confirmat ipse Ignatius, quæ hic referte longum, ac tædiosum foret. Videatur ipse in Scolijs ad cap. 12. secundæ regulæ Perspectiue eiusdem Vignolæ.

- 8 SALTATIO, tamen in ludicris habeatur, ab initio tamen non fuit sic: quin & inter serias artes computabatur. Musicæ comes, & Geometriæ, atque Arithmeticæ (grauissimarū vtiq; disciplinarum) filia; quæ ad numeros, gestus ac saltus temperat, & in Gymnasticæ rationem intrat, magno Reip. bono; in pacis æquè oblectamenti, atque in exercitationibus bellicis perquam utilis, ac penè dixerim necessaria. Hanc, Natura ipsa Duce, cum Mundi primordijs adoleuisse, testatur Plato 2. de Legib., nec vllos olim extitisse Sacrorum ritus, nulla belli præludia, quæ non saltatione ordinarentur. Nani quoduis animal, ait, naturâ ad saliendo comparatum est; & illius vi ita solet: *At homo, accepto rythmi sensu, saltationem & gerit, & peperit.* Ac 3. de Rep. sakandi peritiam inter grauiores artes harmonicas computat, & Musicam sine Gymnasticâ corpus, sine anima dicit: ac tandem concludit: *Eum igitur qui Gymnasticam cum Musica pulcherrimè miscet, ac moderatissimè hæc animo adhibet; hunc rellissimè perfectissimum quendam Musicum diceremus, & omnibus Harmonia numeris absolutum.* Quæpropter nil mirum, si tanti eam faciens grauissimus, ac sapientissimus Reip. Ordinator, in 7. de Legib. magistros constituendos præcipit, qui mercede conducti, pueros & puellas publicè hanc artem docerent; & Lacedæmonas continuè bellis implicitos, legimus, eam præ cæteris disciplinis, adolescentibus pri-

non addiscendam, lege cauisse; ut exinde probi bellatores euaderent & nunc subsiliendo, nunc se inclinando, nunc recedendo, nunc propius accedendo, quid postea in hostili certamine faciendum esset in tempore, optimæ militiæ tyrocinium darent. Consistit autem ars in concinna pedum, manuum, totiusque corporis motione, ut quiuvis actus respondeat temporum interuallis, neque anteuertat, aut subsequatur harmonicam numerorum connexionem, nec obuerfetur lineæ directionis, quæ omnia corpora tendunt ad centrum, & eò motiones omnes collimant. Quare omnia eius præcepta versantur circa mensuram temporis, ad eius momenta attemperando passus, & gestus omnes ad numeros, non secus ac Poësis in metrica carminum ratione, ac Musica in sonorum, & cantuum modulatione. Quod ideo non incongruè Simonides Poeta apud Plutarchum in Sympo- siacis, appellare solebat saltationem mutam Poësim; & Poësim ac Musicam, saltationem loquentem.

Est igitur antiquissimus, honestissimus, ac pariter vtilissimus sal- tandi vsus, ut notat Athenæus lib. 7. Deipnos. Qui primò humilis, & pedes tantum, ut ita dicam, incedens, Tripudium dictum est, qua- si terræpauum: mox accedentibus sonis & cantu, Chorea, ac si di- ceres, Choros ducens: ac demùm adhibitis cymbalis alijsque musi- cis instrumentis quæ manu tanguntur, vocata est, à Græcis Ορχήσιμος hoc est, completa Saltatio. Quamquam non me latet, Homerum, aliosque Veteres, Orchesyn, in tertia ac infima Saltationis specie, collocasse: quam dispefcebant in Sacram, Bellicam, & Orchestri- cam. Et Sacram quidem (quam vocabant Sicinnum) adeò colue- runt, ut (teste Rhodigino, lib. 5. cap. 3. nullum) Sacrificium inire- tur, quin saltatione præeunte, ac subsequente, complerent. Quin Po- pulo Hebræo, apud quem solum veri Dei cultus extabat, solemne erat in Sacris peragendis, à choreis initium sumere; ut ex Sacris Paginis habemus: & David Rex reducens Arcam de domo Exod. 15. Obededom in Ciuitatem suam cum gaudio, post immolatas hostias accinctus ephod lineo, totis viribus, cum vniuersa domo Israel sal- tasse legitur ante Arcam Domini Enimvero nescio quid pieta- tis, & insitæ deuotionis inest in canticis, & saltationibus, ut per ea subsilire cor videatur, & identidem infundi spiritum Domini prophetandi, ut accidisse legimus Elisæo, 4. Reg. cap. 3.

2. Reg. 6.

Secunda species Saltationis est Bellica, dicta Pyrrhichia, siue à 10 Pyrrhichio quodam Lacone, siue à Pyrrho Achillis filio, à quorum alterutro, fertur primò inuenta, aut in vsum inuecta: in qua bellato- res armati saltare solebant, adhibitis subinde tubis, ac tympanis, (quæ iam in omni bellica concertatione pedem fixere) quorum pulsa-

pulsatione & sonitu, animi fortitudinem, & corporis agilitatem, nanciscentes, ad prælum accendebantur: adeoque Pyrrhice apud Græcos, ob animi mollitudinem prætermissa; militare studium, peritiam, & ardorem, notet Athenæus, in ijs etiam elanguisse. Hæc autem subdividebatur in diuersas infimas species: *Podismum*, qui consistebat in pura pedum agilitate, ad tempus sese mouendi, accedendi, vel retrocedendi. *Xiphismum*, hoc est, manuum cum scutis & gladijs conseruationem: *Comum*, quo celeri motu corpus saltu in altum eleuabatur, & repetitis librationibus exercebatur: ac *Tetracomum*; delicatiorem illi quidem, & in quadrum dispersitum motum, quo subita aciei ordinationi præludebatur. Sunt & aliæ innumeræ eiusmodi saltationis species, siue ab armis, quibus in saltando, diuersimode gestiebant, siue à Nationibus, penes quas maximè in vsu erant, denominatæ, quas in longum censet Iul. Pollux in Onomastico lib. 4. ac breuiter epilogat Alexand. ab Alexandro lib. 2. cap. 25.

- II** Tertia demum saltandi species, vt diximus, erat *Orchestra*, sic dicta, quod in Orchestrâ vt plurimum agebatur: adeoque nymica, & aliquando solutior, quàm *Scordadacismum* vocat Scholiastes Homeri, quasi indecorâ, & prophanis solû conuenientem: quæ etiam subdividebatur in *Emmeliam*, usurpatam solummodò in Tragicis: *Cordacæam*, quæ in Comicis, & *Sicinnidam* in Satyricis. Quarum proprium erat, non minus gestibus, corporis inflexione, & mutua complicatione, (vti fabula verbis), varios affectus mouere, ad eosque spectatorum animos incitare, in quibus erant *Colabrismus*, *Phalicus*, *Strobilius*, *Apicinus*, & *Ascoliasmus* Baccho facer; atque *Ionicus* Veneri, qui erat omnium propudiosissimus, ac perniciosissimus, lasciuus motibus, & gesticulationibus agitatus, adeoque Morum corruptor, Reip. pestis, & scandalum. Et ò vtinam è tot saltationum virtuosarum diuersitatibus iam antiquatis, hæc indignissima non retenta esset, & impunè non grassaretur per Christianas Vrbes, in conductis pretio circulatoribus, mimis, & histrionibus, qui eiusmodi turpes, & ludicras actiones, in serium ac æternis lachrimis deplorandum animarum damnum peragerent!

SALTATOR etiam ab aliquibus appellatur Ingeniculus, seu Hercules, Sidus ad Borealem plagam, prope Ophiucum, de quo fusè alibi dictum.

- 12** SAMBVCA diuersa significata obtinet in Mathematicis. Primò enim & originariè, audit Instrumentum musicum triquetrum forma
ab

ab Ibyco Rhegino inuentum, quod imparium, & longitudine & crassitie chardarum ordine dispositum, variam, dulcisonam ac suauem efficit symphoniam. Ad huius similitudinem translata est vox ad significandam bellicam machinam, quæ fiunt in Urbem obsessam scalationes. Sambuca (inquit Veget. lib. 4. cap. 21.) dicitur à similitudine Citharæ. Nam quemadmodum in citharæ chordæ sunt, ita in trabæ, quæ iuxta turrim ponitur, funes sunt, qui pontem de superiori parte trochleis laxant, ut ascendat ad murum; statimque de turri exeunt bellatores, & per eum transeuntes, mania urbis inuadunt. Sed hac in re, bonus vir æquiuocationem sumit, & solitarius est, ut notat acutissimus Lipsius; quandoquidem, quam ipse machinationem describit, longè à sambucæ similitudine dissidet, & in opere alium usum habuisse, aliam formam, aliud etiam nomen, omnium penè veterum Scriptorum monumenta testantur. Siquidem hæc terrestris erat, & curribus ambulatorijs applicabatur ad submittendum, vel retrahendum subinde pontem, quem ipse Exostram vocat, ad faciendum in murum excensionem; quæ verè, se sola, machina distincta non erat, sed cum ista exostrâ confundeatur, habente ad caput colatorios funes quibus è turri demittebatur; vti videre est apud Heronē de Machinis bell. vbi eam describit, & turris specimen exhibet. At Sambuca ex eodem Herone, nauigium bellicum erat, quo in aggressione maritimarum Arcium, utebantur ad propugnacula inuadenda, ut tradit etiam Athenæus, qui notat, eiusmodi fabricatores debere esse Opticæ non ignaros, ne incassum labor & conatus cedat, ut euenisse refert obsidentibus Chium, qui hostilibus turribus altiores sambucas applicuere: ex quo factum inquit, ut cum ab altitudine turres inscendere minimè potuissent, ut deprimerentur verò nequaquam fieri poterat, quin nauigia subuerterentur onere quod superimpositum est extra ponderante prostrato. Est igitur Sambuca Naualis machina, qua usum fuisse Marcellum, scribit Liuius, in expugnatione Syracusarum. Cuius tamen constructio non æquè traditur à Scriptoribus eius temporis. Nam Hero duas tantum naues esse dicit, tignis transversarijs simul compactas, totidemque refert Appianus adhibitas fuisse à Mithridate Rege in expugnatione Cizici, pro Sambuca ad excensionem constituenda. At Liuius lib. 24. ait Marcellum ad Quinqueremes, alias binas addidisse simul connexas, detractis interioribus remis, quò latus ad latus applicari posset. Plutarchus verò in Marcello, benè octo enumerat in constitutione Sambucæ, vti & Polybius, qui hæc habet lib. 8. Octo quinqueremes habebat, quibus remigij series inerat tam à dextris, quam à sinistris: atque illas inter se cum duobus lenibus parietibus coniunctis ad murum per remigationem, quæ erat



erat extrâ parietes adduxerat: & has vocant Sambucas. Ex quibus liquet, longè ampliorem machinam hanc fuisse, ab illa, de qua Vegetius loquitur. Sed fieri potest, vt ex similitudine operis, ambæ, Sambucæ dictæ sint, verùm pro diuersitate temporum, & diuersarum gentium vsu, diuersa fuisse machinamenta, vtraque tamen ad excensionem in muros hostiles facta.

- 14** SAPPÀ in militari architectura, denotat vltimum terminum obliquoꝝ tramitum, seu obsidionalium accessuum, quibus proceditur ad inuadendam urbem obsessam, vt in loco diximus: itaut illa suffossio, & linea, quæ per viam rectam immediate ducit ad marginem fossæ, hæc peculiari nomine ad distinctionem, Sappa dicatur; quæ profectò diuersam ab alijs itionem tenere debet, quippè per eam aperiendus est ad fossam aditus, atque adeò recta ad propugnaculi frontem, quæ primò impetenda venit, protendi debet vnde multò quàm alij accessus, operosius tegi conuenit, vt fossore, ac milites per eam incedentes, (qui iam hostium obtutibus sunt exposti) ab eorum ictibus se contutari queant, cum iam simplex lorica ex eruta inde humo, & ad latus obiecta, huic negotio non sit idonea. Quare in ea tutò, & ritè ducenda, obseruandum est, si fossa sicca sit, an aquis operta: Si sicca, tunc id optimè perfici poterit recto, & subterraneo cuniculo, ac per eum ad propugnaculi rostrum subruendum appropinquare. Sin autem fossa aqua fuerit plena, in eo casu, quoniam, siue per iniectum pontem, siue aliam materiam, quæ sicco pede transiri possit, permeari necessariò debet, oportet pluteis, & velaminibus fortibus vtì, adiecta gleba & cespite, & forinsecus ac supernè tabulatis, & crudis animalium corijs probè rectis, contra missiles ignes, & ad fallendos atque frangendos scloporum ictus. Quæ de re videndus est Fritachus in Architect. milit. & Scottus, atq; De-Chales in Curs. Mathem.

- 15** SATELLITIVM apud Astronomos, est species quædam Comitatus, & authoramenti, quod præstant reliquæ quinque Erraticæ ad Luminaria, tanquam famuli ad suos Principes, eorum latera constipantes, suisque luminibus eorum gloriam adaugentes: Quod ideò Ptolemæus hanc constitutionem felicissimam dicit lib. 4. cap. 3. Si quando in alicuius Natalitio themate completa ad numeros reperiatur: ac proinde Natos, etsi cæteroqui ex infima plebe progenitos, per illam cuchi ad suprema dominationis fastigia, clarique nominis fieri. De qua re alij dijudicent. Cæterùm in quo verè consistat hæc accessio luminum, & Satellitium ad Luminaria, quam Ductoriam appel-

appellant Arabes, Græci autem, Doryphoriam, non æquè ab omnibus traditur. In primis Græci, tunc aiunt Planetas facere, Doryphoriam Soli, cum fuerint ab eo Orientales, & extrâ eius radios ad 30. gradus: Lunæ verò, cum illam sequuntur ad dictam distantiam, fuerintque consequenter ab ipsa occidentales, sumpta à Regibus similitudine, eoquod hos; famulatus & stipatores præcedunt, Reginam verò sequuntur. In quo tamen, & ipsi inter se discordant: nam aliqui volunt Planetam infra 16. gradus nullo pacto facere Doryphoriam, quia tunc est valde debilis, aut combustus, aut sub radijs. Alij dicunt id non officere; sed quò propius sit, eò validiorem aiunt asferre Doryphoriam. Arabes autem melius fortè discunt, ac docent, hanc dignitatem non tam attendi debere, in præsentia, quam in respectu, & eminentia situs: itaut Luminaria, quibus hi laterones assistunt, sint in aliqua ex suis dignitatibus essentialibus, & in Cardinibus, atq; in tanta distantia à planetis stipatoribus, ut inde aliquem radium seu configurationem, quæcumque tandem ea sit, (nempe Sextilis, Quadratus, Trinus &c. neque enim radij hostiles huic negotio quicquam efficiunt, cum verè in genere familiaritatum sint, & ad ferendum suppetias semper idonei,) immittant in Luminare, ut hoc intelligatur probè ab illis sustulturn, ac viribus auctum. Id quod aliquibus nostri temporis Astronomis, omnia ad Philosophiæ trutinam expendentibus, valde arrisit, & occasionem dedit, intimiùs hanc Satellitij conditionem scrutinandì, clauumque tandem figendi, circa eius essentiam, fortitudinem, & respondentiam ad Luminaria statuendam, ex ijs collectam, quæ quoquo modo ad augendam eorum virtutem, & efficaciam ad influendum fauent. Ergò imprimis ad id requiritur, ut in seipsis Luminaria optimè constituentur, tam in Zodiaco, ut sint in aliqua ex suis dignitatibus essentialibus, quam potissimum, in Mundo, ut sint in Angulis Medij Cæli, vel Orientis, aut saltem non multum à linea horizontali distantia. Tum, ut ijs adstipulentur alij Planetæ, aut omnes, aut saltem validiores & benefici, aut corpore aut aliqua configuratione, inter quas computantur etiam Antiscia, seu Paralleli vel declinationis, vel Cosmici, qui definiuntur in æquidistantia ab aliquo Cardine, vel puncto solstitiali. Et quò plures planetæ ad hoc concurrunt (in quo non est negligendus congressus cum aliquibus Fixis insignioribus, præsertim quæ dicuntur Regiæ) eò nobilius, & potentius est Satellitium, maioresque numeros addit ad felicitatem talis Cælestis constitutionis stabiliendam. Id autem semper intelligendum, quatenus ipsa Lu-

minaria, præcipue autem Sol, suos sti patores vincat in fortitudine ac dignitate. Nam si quis ex ipsis fortior fuerit, & in potioribus dignitatibus constitutus, puta, super ipsa Luminaria eleuatus, in angulo eminentiore, & propius ad cuspidem, in suo Carpentio, &c. iam non ipsa principatum obtinebunt, nec satellitium, ipsis fauet, sed omne conuertitur ad eum, qui cæteris fortior est, cuique profectò ipse luminaria cedunt, tributarijque sunt. Qui tunc dicetur *Almuthen* ab Arabibus, hoc est dispositor, & dominus Genituræ. De qua re, fusè alibi diximus.

- 17 SATELLITIVM etiam in suo genere, competit aliquibus planetis habentibus & ipsis, è sua familia stipatores, qui eos comitentur, & ad latus iugitur adstent. Comparatum enim est non ita pridem, per Telescopium, Iouem primum, inde Saturnum habere suos satellites, & planetulas, vt ita dicam, circumstantes, qui circa ipsos rotantur, & habent eorum corpora pro centro, non secus ac Venus, & Mercurius, Solem. Et in Ioue quidem, quatuor stellolas satis conspicuas atque ab se inuicem seiunctas, & certo spatio separatas, detexit Galilæus, (vt ipse testatur in Nuncio Sidereo,) quas Mediceas à Principibus Mediceis, quibus opus suū dedicatū voluit, nuncupauit; quarumque motus, & ephemeridas calculauit nobilis Astronomus Hodierna. In Saturno, primum duos suo disco viciniore, qui proinde secundum ipsorum motum, aliquando cum eo connectuntur in, annulum, efformantes figuram ellypticam; aliquando sub eo occultantur, itaut præferant corpus perfectè sphericum; aliquando etiam ab eo seiuncti appareant: tū demum paucis ab hinc annis detecti sunt alij quinque Saturni Stipatores, longè ab eius disco seiuncti, vt mox infra. Et non equidem à vero absimile est, quod & Mars suos priuatos stipatores habeat, vti ex paritate colligi potest, & dignitas eius postulat, non minoris esse: vti proprium est Magnatum Regi inservientium, domi cuique suæ, propriam familiam, & famulatum habere: quamquam ob stellarum fortè exilitatem, vel ob tuborum impotentiam, id non sit hæcenus obseruatum. Sed fortè artis perfectio, & iugenij humani acumen semper arcaniora rimans ac detegens, hoc etiam aliquando obtinebit.

- 18 SATVRNVS Planeta omnium supremus, atque à terra remotissimus, immediateque Orbi Fixarum subiectus, Primus est in ordine Erraticarum, qui omnium velocissimus, ferè adæquat Illarum motum, quo omnes sphaeræ inferiores rapiuntur à Primo Mobili, ab Orien-

Oriente in Occidentem. Verum, quia in hoc motu impresso aliquantulum remoratur, sicque sensim pergere videtur in consequentia secundum ordinem signorum, adeoque suum proprium motum habere, atque ob id appellatur tardissimus, cum periodum suam non perficiat, nisi in totis 30. annis, ut alias dictum est. Naturam habet qualitativis siccis & frigidis præpollentem, atque humido radicali aduersam, necnon etiam caloris innati destructiuam: id quod ex effectibus, & colore plumbeo subalbicante, dignoscitur: ut propterea iure dicatur Infortuna Maior, atque hominibus, vniuersoque animantium generi inimicus. Et quidem optimè dixit Hermes (ut refert Argolus cap. 9. de Dieb. Criticis) *Tolle Saturnum, & Martem de Planetarum albo, & homines æterni erunt, atque immortales.* Sed hoc noluit Sapientissimus ac prouidentissimus rerum omnium Conditor, qui hominem ad Cælestem gloriam ordinauit: unde ad hunc finem hic in terra peregrinum, & mortalem voluit, ut suæ desitionis memor, ad æternitatem & vltimum finem gressus suos dirigeret, ac bonis operibus adspiraret. Idcirco, inquam, voluit summus Deus inter Cælestia corpora, quæ suis influxibus, vitam nobis, alimentaque suppetunt, & Saturnum, & Martem annumerare, qui malignitate sua, vitam aliquando abscinderent, bene verò quò minus nocerent, illum longè distitum, atque à nobis remotissimum posuit, & cursu omnium velocissimum, ut non diutius nos malignis suis radijs verberaret: & Martem iuxta Solem præpotentissimum, ac beneficum, ac medium inter ipsos Iouem Calidum temperatè, & humidum, ut vtriusque qualitatium deleteriarum excessum infringeret ac leniret. Cæterum eius corpus est omnium maximum, excepto Sole, ac Ioue, quandoquidem eius diameter continet diametros terræ nonagies septies, & eius Orbis crassities continet diametros terræ 4117. ¹

Porro in hac Saturnij Orbis crassitie, nuper obseruata sunt ab oculatissimo Io: Domin. Cassino Bononiensi, Christianissimi Regis Astronomo, (ut modò tantum fuit) immerse quinque aliæ stellulæ stipatores, & Satellites, vltra duas iam notas, quæ circa eius corpus iugiter volutantur, ac suas peculiaries periodos statis temporibus perficiunt. Id quod assequutus est Parisijs, medijs lentibus ad hunc effectum exquisitissimè elaboratis, ac sibi Romæ transmissis à Iosepho Campana, Artis specillaræ felicissimo professore, ac nouorum Telescopiorum accuratissimo extructore: ut ipsemet Cassinus testatū facit in Epistola ad eundem Campanam data, ac postea typis impressa vna cum delineato schemate Saturnij huius Systematis, quod

hic in studioforum gratiam, ex integro expressum subijcere volumus, ne tanti Arcani noticia diù Orbem litterarium lateat, quæ intra Romæ, aut Parisiorum, fines in paucis chartis conclusa, deperderetur. Tale autem id est.

SATVRNIVM SYSTEMA:

Ex Observationibus Io: Dominici Cassini, factis in Regio Parisiorum Observatorio, medijs vitris à Iosepho Campana inuentis, ac subtiliter fabricatis.

SATVRNI SISTEMA



20

Ad hæc, præstat apponere eius detectionis historiam, & explicationem ab ipso Cassino, in præfata Epistola factam, quam ipsissimis verbis ex Italico in latinum versam, fideliter referam. Ait enim.

Systema Saturnium comprehendit quinque Satellites, vltra annulum, quo hætenus is circumdatus visus est; ratione cuius apparet duplici ansa protectus.

Primus Satelles ei proximior, non elongatur ab extremo ansæ, quâ per longitudinem ipsius ansæ, & aliquantò plus: completque suam revolutionem circa eum, spatio duorum propè dierum. Fuit autem detectus medijs septibus à D. V. elaboratis in distantia centum,

tum, vel centum ac sexaginta sex pedum. Idque sine tubo.

Secundus remouetur ab extremitate ansæ, quantum est globi diameter, & vna ansa; facitque suam circulationem circa Saturnum, (vt per easdem lentas obseruatus est) spatio paulò minus, trium dierum.

Tertius elongatur ab extremitate ansarum, paulominus extensione diametri annuli, completque suam periodum in diebus 4. hor. 12. & semis. Potrò hic obseruatus fuit medio tubo ped. 34. longo.

Quartus longè patientior, elongatur ab iisdem terminis aliquantò plus tribus annuli diametris, facitque suam volutionem ellipticè paulò minùs diebus sexdecim. Hic iam antè detectus fuit à Domino Huguens.

Quintus longè fit à Saturni corpore, decem diametris ipsius annuli; facitque suam reuolutionem, in diebus circiter octaginta. Fuit verò obseruatus anno 1671. medio tubo extenso in longitudinem pedum 57.

Hucusque Cassinus de Saturni Comitibus. Quem spero & audissimè expecto, propediem simile quid obseruaturum, & edicturum de Marte.

Sed, vt ad Saturni naturam reuertamur; contendit Cardanus, contrà communem omnium sensum, illum esse calidum & humidum quoniam ait, omnia astra his qualitatibus, plus minus, debent polle-
re, vt rerum eductiua sint; bene verò, subdit, calorem eius non esse tanti, vt ex se valeat vitam hominis propagare: attamen sat est, & conueniens naturæ aliquorum reptilium, & insectorum, necnon & certarum stirpium, & plantarum: ideoque vitam largitur serpentibus atque omni-
bus venenatis, ijs exceptis, quæ calidissima esse, comperiuntur: quod vtique haud posset, si absolute frigidus, & siccus esset. Præterea bene dispositus promouet plantarum rationem, educationem, & insitionem, cum aliorum planetarum, aut etiam fixarum quarundam adminiculo. Quare cum Marte generat herbas venenosas immoderate calidas, vt sunt Euphorbium, & Napellus; Cum Mercurio male disposito, intemperate frigidas, qualia sunt Aconita, Cicuta, &c. Cum Luna herbas aquaticas, & græuolentes, parumque salubres: Cum Venere producit Nymphaeam cuius flos maxime luteus bene olet, attamen venereos motus comprimit, & exsiccat. Tandem econtrà cum Ioue, Sole, ac Mercurio bene disposito, & ipse aliàs sit in bono statu, producit Lilia, Rosas Rosmarinum, Spicum &c. Quoad morbos, causa est omnium, quæ ex frigidis humoribus proficiuntur, quales Hypochondria, febres Quartanæ, Icterus niger, Hydrops, Podagra, Obstructiones, Her-

Hernia, Calculus, & similia; præstque ex membris humanis auditui dextro, Spleni, Vesicæ, dentibus, atque atræ bili. In Genethliacis etiam facit hominem Melancholicum, pallidum, taciturnum, tamen semper cogitabundum, tenaci memoriâ præditum, & ingenio pollentem. In Zodiaco obtinet duo domicilia directè opposita domibus Luninarium, & habet Exaltationem in Libra.

- 22** SCABELLVM in Militari Architectura vocitari solet paruulus tumulus ad scabelli formam erectus, & formatus è terra, statim in locis ante loricam Munimenti, vel septi obsidionalis, quâ hostem respicit, ad hoc, vt miles per ambulacrum valli discurrens, & lorica tectus, possit identidem in illud insilire, & sclopis hostes impetere, ac deinde illico se sub lorice tegmine occultare. Quamobrem consultò huiusmodi gradarij tumuli, & scabella, siue è terrea gleba, & cespite stipitibus obfirmata, siue è stabili structura ad tergum lorice apponuntur, alta, quantum saltus hominis patitur, & fatis sit ad illum erigendum tantum supra lorice terminum, quantum ipsa lorica supra illius staturam erigitur, quo possit hostium statum speculari, & in illos sclopos explodere. Habes huius rei locum, & formam in V. *Arx*.
- 23** SCALAE, tam in Ciuili, quam in militari Architectura, maximo adiumento sunt ad opus perficiendum: quippequæ si deficerent, aut ineptè disponderentur, mutila & inutilis foret ædificatio, incassum omnis bellicus apparatus cederet. Et quidem, quoad ciuiles structuras, satis notum est, quantum ad complementum operis, scalæ sint nedum vtilis, sed prorsus, & simpliciter necessariae; quandoquidem, sine ipsis, vel earum commoda distributione, quodlibet vel maximum ædificium imperfectum erit, inancum, & ad inhabitandum, minimè idoneum. Verum, vti maximam earum in ædificijs necessitatem, nemo est, qui non videt; ità incommoda, & innumeris plexa difficultatibus euadit sæpè earum positio, & constructio. Equidem, vt benè aduertit Albertus lib. 1. cap. 3. *Scalis ponendis plus est negotij, quam, vt possit nisi maturo, & digesto consilio rectè disponere. Nam vnus in scalis tres veniunt apertiones. Et harum vna quidem est Ostium, quo in scalis conscendendis aditus pateat: altera est fenestra, qua fiat, vt recepto lumine cuiusque gradus retractio perspiciatur: tertia est contignationis, & rectè aperitio, qua in superius pauimentum, operimentumque peruadimus. Ea de re illud aiunt, scalis nimirum impediri operum descriptiones. Audiuius summam difficultatum, quæ in scalarum positione occurrunt. Audiamus nunc, quomodo eas declinare,*

nare, ac superare possumus. Pergit: *Sed qui uolet scalis non impediri, scalam ipsam non impedit.* Quandoquidem æquum est ut qui commodum ex ijs reportare uult, patiatur incommodum, quod secum ferunt; & qui sine intermissione iumentum adhibet ad comportandas fruges, has eidem largè suppetere non grauetur. Nullum igitur incommodum, quod non ultro tolerandum sit, quando in totius ædificij maius commodum resultat, decorem, ac maiestatem. Demus scalis situs opportunitatem, sinuum amplitudinem, & luminis claritatem, & illæ ne minimum quidem dabunt cæteris partibus detrimenti aut incommodi; quin & augebunt operis symmetriam, ac venustatem. Quod ideo pro qualitate operis, & situ, & forma, & congruis retractionibus, ita constitui debent, ut & ipsæ singulis membris æquè inserviant, & (si loci angustia premitur ædificium) quid modicum ex illis detrahatur, quod tribuatur in commune commodum, scalis. Ergo scalz in ædibus figendæ sunt firmæ ac stabiles, aut unicæ, aut plures, prout loci amplitudo, & illarum incommoditas exposcit; ut propterea in duplici differentia sint, quod ea in positu eligi possit, quæ magis ad rem, & cum minimo totius ædificij detrimento, comperiatur. Aliæ siquidem sunt prælargæ, ac refectionis, quæ operis vastitati ac magnificentiæ respondere debent; & hæ in propatulo in medio ædium, non longè ab aditu constituendæ, ut simul commodum præbeant, & ornatum: Aliæ potius ad necessitatem, & ad supplendam loci angustiam, circulares & cochlides, perpetuæ refectionis, quæ quidem minorem occupant situm, & alias partes non turbant, neque inconnexione deturpant; quippe in angulis commodissimè cadunt, & utrique cubiculorum seriei æquè respondent: & hæ quidem operosiores sunt, & ascensu laboriosiores, sed rependitur labor commoditate, & minora impensa, & situs occupatione, ut proinde in magnis ædibus magno in usu sint, ad secreta commercia, & in promptis famulorum seruitiis: ac de his, satis dictum in V. *Cochlea*. De illis autem, in V. *Retractiones*.

Sunt & aliæ Scalz, quas dicunt gestatorias, eoquod ligneæ sunt & mobiles, huc illucque, prout res postulat, asportabiles, in Ciuilibus, magno Reip. commo, quæ olim in maxima æstimatione, & pretio erant, nobile architecturæ inuentum, nunc autem præ multiplicitate, & facilitate eas comparandi, ferè despectæ; at non spernendus usus, qui maximus, & vniuersalis est, tum in re ædificatoria in, erigendis absque earum offensione structuris, in iam excitatis exornandis, pingendis; ac repurgandis: tum in Agricultura ad legendos & tenellis arborum ramis fructus, iugandas, ac putandas vites, sur-

furculos inferendos, &c. hæc nimirum per se subsistentes plurimum valent ad huiusmodi opera, maximè verò in templis necessariae sunt ad albarium inducendum, ad pingendos fornices, ad puluerem abstergendum, ad aranearum telas dissipandas, atque lampades, & pensilia quæque curanda; vti passim videmus in Sacris Basilicis ad modum castelli erectas, quadratas forma, rotis ad basim innixas, ac modico nisu hæc illucque trahibiles, quas ideò castella portatilia, nuncupant. Sed leuioris operæ sunt, quæ communiter domi, & ruri adhibentur ad domesticos, & rurales vsus, quippe quæ tribus pedibus solo insistant, duobus nempe qui scalæ ipsius partes, ac termini sint, tertio ex aduerso, qui sustentaculi vices intret, & fulcri. Atque hæc, inter scanforias machinas adnumerare videtur Vitruvius lib. 10. cap. 1. vbi dicit vniuersaliter de scanforijs: *Ea concatenationibus, & transversarijs, & plexis colligationibus, & erismatum fulcris continetur.* Vbi Philander; vno verbo; *Gestatorias si videtur, appellemus.* Fit autem, subdit, id scalarum genus hoc pacto: *Tigilla seu fustes arrestarij duo teretibus quot libet baculis traiciuntur, quos fortasse nunc non ineptè vocemus scandulas, quod ipsis ab inferioribus ad superiora ascendatur. Tertius fustis qui, quia fibula coniunctus est, liberam habet versationem, & explicari cum libet, & complicari possit, præstat erismatis vicem, idest obnitentis fulcri.* Sed iam Scanforiarum Machinarum iniecta mentio ad bellicas scalas nos aduocat.

- 26 Sunt etiam scalæ gestatoriæ nedum in pacis otio, sed & in bellis tumultibus, & progressibus apprime vtilis ac necessariae, maximè in occupatione subita mœnium obsessæ vrbis; De quibus fusè agit Hero de Machinis bellicis cap. 12. quas & contemplandas oculis exponit, vti & Stevvechius in Veget. & cumulatius Lipsius in Poliorcet. vbi diuersi generis, & ascensus, scalas, easque artificiosissime compactas spectare licet. Aliæ quippe simplices sunt, aliæ compactiles, & solutiles, quæ momento aptari possunt, & iterum solui, vt commodius in apparatu bellico comportari queant: aliæ feræ instar catenæ, annulis dextra, ac sinistra connexis, vt facile explicari, & complicari possint: quæ ad extremum uncas habent, quibus pinnis murorum affigantur, & firm. iter hæreant: aliæ instar lanceæ cuspidatæ ac solo defixæ, in quibus, inque earum fuste, traiectioni alternatim baculi, quibus ascendi possit ad summum: aliæ Coriaceæ, ac spiritu inflatæ, aliæ è funibus contextis, & in modum retis expansis: aliæ demum, quas speculatorias vocant, in quarum summitate Thoraciolum locatum est, in quo possit miles probe consistere, & aduersariorum molitiones conspiciari, & aliquando etiam

missilia iacere, & per pontem adnexum in muros insilire. Quæ omnia late profequitur Hero, loc. cit.

Sunt etiam in maritimo certamine suæ scalar, quæ sambucis ad hoc factis applicitæ, vastitatem vndique ferunt, quas pulchrè describit Polybius, cuius verba ex politiore Lipsij versione, hùc adportare non erit incongruum. Ait enim: *Scala sunt latitudine pedum quatuor, altitudine quanta muris sufficit, & pariare potest. Eorum duo latera pluteis muniunt, supernè loriculis tegentes. Has deponunt in latus, & reclinant super nauium proram, longè super rostra eminentes. In malis autem nauium aptata trochleæ, & in ijs funes; quibus funibus, cum opus est ad caput scalarum religatis, ij qui in puppi attrahunt eas, & attollunt. Sed & in proris quidam adiuvant sublationem fulcris, aut tigris subrigentes. In supremis porrò scalis est tabula, cuius tria latera cratibus muniuntur, in quam veluti turriculam viri quatuor conscendunt per dictas scalas, & in muros insiliunt cratibus remotis, alij deinde consequuntur. Dicta autem est hæc Sambuca, quia cum sublata sunt Scale, fit cum Nauibus vnum quoddam corpus, & adsimile Sambucæ. Hucusque Polybius ex ore Lipsij, longè aliter de Sambuca differens, quam Vegetius, vt in loco monuimus.*


SCALA etiam, per quandam similitudinem operis, & analogiam, dicitur in Geometricis & Arithmeticis, progressionum ordo, quibus ab imo, seu vltimo termino, per proportionum seriem ad vteriora progreditur. De qua re frequens occurrit, & occurret sermo, cum de ijs specialiter agitur. Similiter

SCALA ALTIMETRA, dictus est ab officio, Quadrans orthogoni-
nus, & seorsim, se solo; & cum alijs in dorso Astrolabij delin-
ctus, cuius latera in partes duodecim sunt diuisa, æquali spatio; quæ
communiter digiti, aut puncta appellantur. Huius ope locorum
altitudines veniamur ac dimetimur. Eiusque vsum luculenter docet
Egnatius Dantes, & nos ex parte tradidimus in V. *Quadrans Geo-
metricus.*

SCALA GEOMETRICA dicitur, quæ per regulam proportio-
num, quæuis definita quantitas continua in planum excurrent, di-
uiditur in quotlibet, siue maiores, siue minores partes æquales. Ea
autem vniuersalis est; & percommoda venit omnibus Agrimensori-
bus, Architectis, Pictoribus, alijsque Artificibus, ad sua opera
compendio absoluenda. Et quamquam Geometræ cum Euclide
multimodis eam tradunt, placuit tamen ad tyronum leuandum la-

borem, omnium felicissimam, & expeditissimam methodum hic exponere, & oculis exhibere.

Ducatur, vt in subiecta Figura Linea B. H., ad quantamlibet definitam distantiam producta: ad cuius extremitatem B. cadat perpendicularis A. B. Tum linea B. H., diuidatur in tot partes æquales, quot libuerit, vt B. C., C. D., D. E., &c. & à punctis diuisionum ducantur arcus, nempe à puncto D. arcus O, à puncto E, arcus P. à puncto F. arcus R. & sic de singulis. His peractis, à puncto B. ad singulos huiusmodi descriptos arcus ducantur tangentes B. N., B. M., B. Q., B. L., B. K. & hoc pacto habebis regulam valde utilem, atque infallibilem, ad omnem cuiusvis rectæ lineæ diuisionem, vt vides.



Vfus autem ad praxim, hic est. Sit diuidenda, exempli gratia, Area, seu Linea T. S. in sex partes æquales: Sumatur circino longitudo T. S. & facto centro in B. intervallo T. S. describatur arcus H. I. qui secabit omnes ductas tangentes B. 2. B. 3. B. 4. &c. Sume igitur in Scala portionem arcus I. K., hæc profecto diuidet rectam, T. S. in sex partes æquales.

SCALA MUSICA. Vide in V. *Monochordum*.

- 31 SCALENUM dicitur Triangulum habens omnes angulos, & latera inæqualia, itaut in nullo conueniant: in quo differt & directè opponitur æquilatèro, quod necessariò habet etiam omnes angulos æquales, eosque acutos: hoc dicitur etiam *Isoceles*, sed *Isoceles* est amplius, & præscindit ab æquilatèro, & *aquicrurio*, quod duo latera tantum appellat æqualia, basim autem vagam aut minorem aut maiorem, & consequenter etiam angulum ad verticem, qui po-
- rest

est esse, vel rectus, vel acutus, vel obtusus. Sed de hac re fusè dictum suis in locis.

SCAMILLI in Opere architectonico sunt in genere adiectionum, 32
quæ visum complent, & terminant: ad quem finem, operi in altum
surgenti adiunguntur, ne aliàs præ longitudine, & vastitate, obliquè
conspectum, monstrosum quid, & informe oculis repræsentet;
Quapropter scamillis hæc iuuatur ex perspectiue regulis, ne inue-
nustus reddatur aspectus. Id quod in Stylobatis potissimum mouet
Vitruuius fieri debere: ita enim loquitur lib. 3. cap. ult. *Stylobatam*
ita oportet exæquari, uti habeat per medium adiectionem per scamillos
impares. Et necessitatem id faciendi mox exponit, subdens. Si enim
ad libellam dirigetur, alueolatus videbitur. Rursus lib. 5. cap. 9. ubi
de ratione columnæ Corinthiæ verba facit; id ipsum replicat iisdem
penè verbis. Promiserat ille quidem ad maiorem eorum effectus in-
telligentiam, deformationem ad finem apponere; sed non præstitit;
aut si dedit, ea certè, iniuria temporum periit. Quod ideo obscurius-
culus manet sermo, tùm in ipsa voce Scamilli, tùm in conditione,
quod impares petunt apponi. In quo sanè negotio, laborant Interpre-
tes, & alij in nomine, alij in re hærent, & confunduntur. Bar-
barus hæc habet. *Quantum ad rem pertinet, notum est: quatenus ve-*
rò ad nomen, difficile; quoniam eo vocabulo nullos alios vsos memini me
audiuisse, aut legisse. Sed hic miratur Baldus, hominem, alioqui
doctum, id ignorasse. Cum potius, inquit, nomen satis compertum sit;
quid verò per scamilli nomen intelligatur, ignotum. Quod ad nomen
attinet, sic Philander coniectatur. Scamilli bñc videntur dicti, quasi
Gradilli: quid autem significet in stylobatarum adiectione, non liquet.
Sed tamen in Notis ad dictum caput 5. telam retexens, & fila dispo-
nens, Huiusmodi, ait, resiliens stylobatas, quos (ni fallor Scamil-
los vocat Vitruuius) sinè Scabellos, aut scamnullos, ut aliqui Codices
habent; impares autem; quod interstylobatijs, (singere enim oportet
vocabula, dùm vsitata non possis reperire; & ita puto intellectum iri,
quam si dicam Mesostylobatia;) id est, interfectis perpendiculari, non re-
sponderent, cum magis ad rationem podiorum, unde spectari solent,
pertinere arbitrentur. Hæc Philander, in eo quod ad rem attinet;
nam de nomine, paucis se eximit per synonyma, quæ se reperisse
testatur in alijs codicibus. Cum prius in re, ex vetustissimis Græ-
corum monumentis Athenis extantibus (ubi stylobatæ non ad plin-
thi latitudinem respondebant, sed erant contractiores) dixisset:
Per scamillos impares, idest ceteri gradibus quibusdam fieri adiectionem in
medijs stylobatis; hoc est, fieri, ut gradatim à supremis, atque infimis

33

partibus quadratorum, quæ coronicibus suis, & basibus clauduntur; medium versùs suburgerent, & adaugerentur; ad eum planè modum, quò columnas aliàs diximus, in medio scapo aliquantùm turgere, quod ventrem columnæ nominant. Philandri discursum quoad nomen, probat doctissimus Turnebus lib. 11. cap. 2. non autem quoad rem: ipse verò sententiam suam non profert. Post quos Vincentius Scamozzius, lib. 6. cap. 8. ait; Stylobatas apud Græcos, habuisse per medium resutis scamillorum imparium; vti si Podium cominùs inspiciatur, videantur alueolati: Quos idèò (subdit) impares voluit esse Vitruuius, quia fiebant in lateribus Templorum, vbi intercolumnia erant paria, sed columnæ, & stylobatæ numero impares. Cui consentit Bettanus exhibens schema demonstrationis. Sed nihil horum placet Baldo, qui rem fusissimè examinat in Lexico Vitruuiano. Nam non aliam ob causam obseruat, imponi à Vitruuio necessitatem adiiciendi stylobatis eiusmodi scamillos, eosque impares; nisi quod, si ad libellam dirigerentur, alueolati cominùs apparerent. At quis vnquam (subdit) mentis compos, exæquatam complanatamque superficiem, alueolatam sibi videri affirmat? Quapropter ad nodum enucleandum, iterum vadum retentat, & longissimam quæstionem attexit ad finem operis, vbi exhibitò schemate, demùm concludit, quod ità constituto stylobatæ, debitæ integræ basis species oculo infrà posito, se sistit: non sic, si is fiat sine adiectionibus, & scamillis. Nam tunc absque dubio alueolatus apparere necesse est: sicut vicinèrà, si in plano basis oculus statuatur, rectus vtiq; apparebit, & idèò tunc non est opus adiectionibus, & scamillis.

- 34 SCAMNA, & BANCHOS nostri Hydrographi, piscatores & Naute vocant, quos *Βεγξία* appellant Græci, ac Latini Scriptores Syrtæ, & Breuia; videlicet subsidentis in aliquo sinu maris arenæ cumulos ibi à fluctibus congregatos, nauibus insensissimos, & illuc impingentibus certum naufragium, nequicquam timentibus, aut declinare valentibus, importantes: Hos inquam, hodie Naute (obseruat acutè in Virgilium Erythræus) scagni appellant, eleganti quidem metaphora; nam saxum ingens (subdit) cum occurrit, sedile promittit. Vt quia, sicut in scamno desidemus otiosi; ita fortè Nanis superuella dorso sedet, hæretque immobilis, & fixa. At enimuero sedes infida nimis, & dolis onusta, quæ non otium, & quietem parat, sed exitium, atque allisione ad saxa, naufragium. Quemadmodum de nauigio, quo per Africæ littorà præteruchebatur Aeneas, refert Poëta, Aeneid. 1.

His vnda dehiscens,

Terram inter fluctus aperit: sifsis æflus arenis.

In brenia & fyrtes urget (miserabile visu!)

Illiditque vadit, atque aggere cingit arena.

Etenim contermina sunt & affinia, fyrtes & breuia, quæ naues discurrentes, aut immobiles sistunt, aut frangunt: saxa nimirum sub mari latentia, & arenarum cumuli; hi detinentes, illa inopinas nilvè tale suspicantes atterentia; quippe nulla in his valet nauigatoria charta, quæ de dolis præmoncat, vt euitari queant. Audi Sallustium in Iugurt. eiusmodi monstra ad Africæ oram circà Leptim extantia, vt nauigia deuorent, bellissimè describentem. *Situm* (inquit, Oppidum) inter duas Syrtes, quibus nomen ex re inditum. Nam duo sunt sinus propè in extrema Africa, impares magnitudine, pares natura: quorum proxima terre præalta sunt; cetera, vti fors tulit, alta, alia in tempestate vndosa. Nam, vbi mare magnum esse, & sanire ventis cepit, limum, arenamque & saxa ingentia fluctus trahunt. Ita facies locorum cum vento simul mutatur. Syrtes ab tractu nominata. Quandoquidem latina vox à *τρυγ* græca notione deriuata est, quæ significat, traho: quia cum vadosa sint, & aliàs concauâ, & sinuosa, arenam & saxa à fluctibus agitata non vltiùs transmitti sinunt, sed intrâ alueum suum coadunata, & sistunt, & contitant, & in nouam molem attollunt. Porro simile quid, & eiusmodi syrtes & scamia agnoscit, & leui ventorum flatu efformata demiratur in terra, Solinus; tantòque inuitabilia, & occultiora quantò non semper eodem loco permanent, sed hinc illuc, quò statuum inconstantia, & ventorum impetus pellit, circumferuntur. Inter syrtes, ait, quamuis terra pergentibus, iter sideribus destinatur, nec aliter cursus patefcit. Nam putris soli faciem aura mutat, & minimo licet vento, tantam diuersitatem status efficit, vt subinde peruersis syrtibus locorum nulla indicia agnitioni relinquuntur: cum modò quæ vallibus pressa, congestu pulueris aggerantur. Ita etiam continens, maris naturam vi patitur; nec interest vbi potiùs procellæ sint, cum ad exitium viantium, clementis congruentibus, in terris stabra seuiant, in mari terra. Id in toto Lybie tractu experiri est; vbi nullus mons, nullus collis ventis obliquit, nullum virgultum nascitur, nullos denique specus habes, in quos te recipias, sed ampla planities vsquequaque cælo contermina, exsiccis arenis opera omnia complet: vt in cæli siderumque ductu sperare solum possit, salutemque tuam committere. Adeò monstis abundar tellus; vt, & volitantia habeat; & in aperto mari truculentior permeantes absorbeat; quando illud, & portus, & sinus admittit tutum saltem à tempestate perfugium, benè de illa Lucanus lib. 9. *Belii ciuilis.*

*Saxa tulit penitus discussis proruta muris ,
Effuditque procul miranda sorte malorum
Qui nullas videre domos , videre minas ,
Iamque iter omne latet ; nec sunt discrimina terræ
Vlla , nisi ætheriæ medio velût aqore flammæ
Sideribus nouere vias .*



Ergò Astronomis tantummodò datum est hæc monstra vitare , siderum prauos benignosque influxus præmeditantibus , ad eorumque normam iter per hæc deserta Libyæ dirigere satagentibus . Similitudine

- 36 SCAMNVM in Agricultura , siue apud Agrimensores , dicitur cumulus terræ elatior , qui inter duos sulcus erigitur , ad vitium fructumque commodam plantationem , vt habet Plin. lib. 17. cap. 22. aut in limitibus agrorum constituitur pro macerie ad distinctionem , & internotionem ab alijs : eo prorsus modo , ac strigæ ; nisi quod hæc intelliguntur esse quæ in longum diriguntur , scamna verò per latum : vnde Hygenus de condit. Agror. *Institutioni limitari mensuram* , inquit , *post strigas , & scamna cludemus* . Et clarius Frontinus . *Ager per centurias , & scamna est assignatus : quidquid autem secundum hanc conditionem in longitudinem est delimitatum , per strigas appellatur ; quidquid in latitudinem , per scamna* . Hinc est observatio illa Urbici in *Comm. de limit.* , quod scamnatus ager ab occidente in orientem crescit . Qua de re vide Alexand. ab Alexandro lib. 2. cap. 20. dictus autem talis limes scamnum , à similitudine scamni , quod paulum supra terram eleuatum est , & pedibus accommodatur ad innixionem , & fulcrum . Cæterum Columella scamnum simpliciter vocat in agris , terram virginem , seu immotam , & crudam , quæ nunquam ligone , aut aratro profcisa sit .


- 37 SCANDVLAE in re ædificatoria , sunt scæiles asseres , qui in tectis regulis supponuntur ad eas sustentandas , quas ideò è robore potissimum probat Plin. lib. 16. cap. 10. quòd non facile ponderi cedant , aut marcescant . Eiusmodi scandulis regularum loco ad tegendas humiles casas utebantur primi Orbis habitatores : quem vsum prosequutam fuisse Romanis annis quadringentis septuaginta , author est Cornelius Nepos , sed & ad sua vsque tempora perdurasse in aliquibus populis , & nationalibus , vti Gallia , & Hispania , testatur Vitruu. lib. 2. cap. 1. nec hodie in totum abiisse compertum est in aliquibus locis septentrionalibus , vbi syluæ glandiferæ abundant , nec facile materia sufficit ad consiciendas regulas . Porro scandulas has

has vocat Isidorus lib. 9. cap. 19. à scindendo, Sed & scandulas in genuina, & propria significatione vocari posse, notat acutè Philander, tigillos illos, seu teretes vèctes, quibus scalæ gestatoris trajiciuntur, tanquam scansiles graduli, quibus ad superiora conscenditur.

SCAPVS principaliter in Architectura vocatur totum columnæ corpus, quantum est longum & crassum, inter duas apophyges quibus aut basi insistit, aut capitello subijcitur: alio nomine Fustis, & Truncus. Sed hæc ampliora sunt, & per omne id quod vtrumque teres, est crassum & oblongum, transcendunt. Scapus autem prescius accipitur pro columna tereti, & cylindrica: in quo distinguitur à Parastata, seu Pila, quæ ad eundem vsum est, sed forma quadrata, & struili materia consurgens. Porro à similitudine columnarum & officij communicatione, scapi dicuntur erecti stipites in medio ostiorum, qui valuas vtrinq; necant, & colligant; nec non illi, qui ad eorundem Ostiorum latera apponuntur, ad valuas è cardinibus sustinendas; vti sæpè vocat Vitruu. & hos quidem cardinales à cardinibus, illos autem absolutè scapos portarum. Vnde lib. 4. cap. 6. de illis dicit. *Fores ita compingantur, vti scapi cardinales sint ex altitudine luminis totius duodecima parte.* Simili modo lib. 9. cap. 2. Cochlidum scalarum medium fustem, cui angulares graduum termini innituntur, scapum dixit; stilum, & Animam nos vocamus: & ita locum interpretatur Barbarus. Quamquam Baldus, aliud accepisse Vitruuium censet, scapi nomine, eam videlicet partem, quæ subiecta gradus ipsos sustinet. Sed quænam ea sit, citrà ipsum fustem, & qua ratione scapus dici possit, hæcenus non intelligo.

SCENA in Theatri conformatione, teste Cassiodoro, propriè est ea pars, quæ ab vno eius cornu ad alterum, cum coopertura ducitur. Cuius etymon, & originem, sic tradit ac describit in Epist. ad Symmaculum lib. 3. Varior. *Cum agricultores feriatis diebus sacra diuersis numinibus per lucos, vicosque celebrarent, Athenienses primùm agreste principium in vrbis spectaculum collegerunt, Theatrum græco vocabulo visorium nominantes, quod eminùs astantibus, turba conueniens sine aliquo impedimento videatur. Frons autem Theatri scena dicitur ab umbra luci densissima, ubi à pastoribus, inchoante verno, diuersis sonis carmina cantabantur.* Hinc ipse locus ad agendam fabulam vnice deputatus, Scena communiter dictus est, qui comprehendit totum illud spatium, quod machinis versatilibus datur, aut statarijs

rijs ædificijs, montibus, syluis, cauernis, &c. quæ volunt oculis fisti, quæque ad repræsentandum quod ad rem cadit, commodum veniant, argumentumque fabulæ commitentur. At Iuris-Consultus in Pandect. lib. 3. Scenam dicit esse partem illam Theatri, ubi ludorum causa, homines actionem inituri, se colligunt, & personas habitusque induunt, & immutant, antequam propalam exeant, fabulamque recitare incipiant. Sed circa hanc rem, vide quæ dicemus in V. *Theatrum*,

- 40 SCENOGRAPHIA membrum est Opticæ, quæ nos communiter Perspectiuam nuncupamus. Ea autem propriè cõsistit in projectione specierum obiecti visibilis ad oculos terminantium, quæ varia semper est, & subinde mutatur pro varietate situs, ac distantia, vel propinquitate; ratione cuius obiectum diuersimodè repræsentatur. Cum *Sciographia* confundunt nonnulli: verum hæc coarctatur solummodo ad vmbrarum projectiones: vnde Vitruuius lib. 1. cap. 1. earum facultatum censum faciens, quæ ad Architecturam necessariæ sunt, sic eam definit: *Sciographia est frontis, & laterum abscedentium adumbratio, ad circiniquè centrum omnium linearum responsus*. *Scenographia* autem latius patet, & comprehendit omne id, quod quoquo modo ad projectionem radiorum visualium facit, qualiter hi retrahantur, aut prolongentur; adeoque in picturis imagines delineandæ, quò obiectum in sua distantia, naturali situ, & habitudine ad verum repræsentetur. Ad hanc etiam spectat considerare, atque,  perquirere, quonam pacto species omnes obiectorum, circa, & latè existentium, in vnum coadunentur, & intromitti æquè ac distinctissimè queant in obseratum, & obscurum cæteroqui conclaue, per vnum, & arctum foramen in pariete, vel clausis foribus factum, in quod subintret lumen exterius communicatum, ac projectione radij terminet in aliquod planum in æqua distantia collocatum; ubi miro modo transfundit species omnium obiectorum circa existentium, quæ aliquo obice non impediuntur, idque tam exactè, tam concinnè, tam ad viuum, cum suis proprijs coloribus, vmbris, luminibus, distantijs, retractionibus, quin & ipsis motibus, ac situum variationibus, quas subinde subeunt, vt non pictura, non, speculum melius repræsentare posset, aut pictis desuper coloribus fingere. Quæ de re, Theoricè agunt Marius Bettinus in *Apiarijs*. Scottus in *Magia Catoptrica*, Martinus Mersennius in *Perspectiua* ac Kircherus in *Arte Magna Lucis, & Vmbra*, atque in praxi multas adducunt experientias, quibus Lector suam explete poterit curiositatem.

SCHEAT, arabicè dicitur Stella fixa tertie magnitudinis, de natura Saturni & Veneris, fulgens in dextra ribia Aquarij, ab Astronomis maximè obseruata; quæ inter alia cum Mercurio manè exories, inducit ventos cum nebulis; & si tempus consenserit, intendit frigus. vti & omnes aliæ stellæ positæ in hac constellatione. Est nunc in grad. 4. Piscium cum latitud. fere 8. Australi, oritur tamen Romæ cum grad. 22. eiusdem Signi, die 11. Martij, & occidit die 18. Februarij. 41

SCHEDER item nominatur altera stella benenissima, de natura Iouis, & Veneris, in sinistra scapula Andromedæ consistens, tertie magnitudinis, quæ nunc est in grad. 18. Arietis cum latitud. boreali grad. 24. Oritur autem Romæ cum grad. 20. Aquarij, circà diem 7. Februarij, & occidit Aprili mense, cum grad. 27. Arietis, quo tempore excitatur Fauonius, qui tandem vertitur in Austrum, & si Venus affulserit, facit copiosos imbres. 42

SCHEDIR appellatur etiam alia stella, existens in pectore Cassiopeæ, tertie quoque magnitudinis, de natura Saturni, cum participatione Veneris, quæ in nostro hemispherio nunquam occidit, & aliquando pluribus Italiae vrbibus sit Verticalis; nunc autem est Oeniponto, Græcio, & Vngariæ, necnon etiam Constantie, Monachio in Bauaria, Turonibus & Burdegalæ in Gallia, & alibi; vbi magnas mutationes edicit. Ea in horoscopo (inquit Firmicus) facit bracteatores, plastes, aurifices, quique gemmis maximè delectentur, ipsque negotiationem suam iniant, magno cum lucro, & emolumento. In occasu verò mortem ex ruina minatur. 43

SCHISMA, quid sit in Interuallis Muscis, Vide in V. Semitonium.

SCIATHER, (malè ab aliquibus scribitur *Sciother*) propriè denotat in Horologijs solaribus, stylum, seu Gnomonem, umbræ directorem, ex græco *σκια*, & *θηρ*, formato vocabulo, quasi umbræ venatione. Hinc Vitruu. lib. 1. cap. 6. ad indagandam lineam meridianam, docet, vt in centro circuli ad hoc delineati, collocetur æuens gnomon indagator umbræ, qui græcè *σκιαδωρ* dicitur: Huius antemeridiana, circiter horam quintam, sumenda est extrema gnomonis umbræ, & puncto signanda, itemque obseruanda postmeridiana istius gnomonis crescens umbræ; & cum tetigerit circinationis lineam, & fecerit parem antemeridianæ postmeridianam, signanda puncto. Ex his 44

4 duobus signis, circino decussatim describendum, & per decussationem, & medium centrum, linea perducenda ad extremum, ut habeatur meridiana; & septentrionalis regio. Verum tamen est, quod subinde nomen transijt ad denotanda quouis horologia solaría in planum delineata, quæ vniuersim Sciathira, & Sciatheria appellantur, ut videre est apud Plutarchum in Marcello, Plinium, aliosque, quos abunde congerit Rhodiginus, lib. 12, cap. 9. Sciother autem propriè, & rigorosè, est instrumentum Agrimensorum, & Architectorum, quo vtuntur ad metiendas ex umbra proiecta, altitudines ædificiorum, & collium. De quo reuertet sermo in V. *Umbra*.

45 SCINTILLATIO in Astris est emissio illa fulgoris, & reuibratio, illis propria, qua videntur scintillas quasdam emittere, qua intuentium oculi, & oblectantur simul, & quodammodo præstringuntur: ea, ut dixi, propria est Astrorum, seu siderum inerrantium, haud planetis conueniens, ut Philosophus ipse notauit: quorum aliqui licet, cum paululum supra horizontem eleuantur, simile quid ostendunt, & maximè Venus, ac Mercurius (qui propterea dictus est Stilpon) attramen mollior, & longè diuersa est hæc euibratio, quæ assimilatur potius motui & circumagationi flammulæ in lucernis, quæ non ab intrinseco venit, sed ab extrinseco, ab aëre ambiente. Sic etiam in planetis, motus ille & variatio luminis, prouenit ab Atmosphæra, quæ crassior vaporibus obsita est, & ex refractione specierum facit, ut hæc pertingant ad visum subsilientes quodammodo, & inconstantes. At scintillatio in Stellis fixis, viuidior est, & illis intrinseca, quæ semper eadem est, & constans: bene tamen verum est, quod in aliquibus penè nulla, ut in Arcturo, Spica Virginis, &c. in alijs intensior, & concitator, ut in Palilitio, Aquila, Canè Sirio, Lancibus, & vniuersim, quæ de natura Martis, & Veneris participant.

46 Causa autem huius arcani, Philosophantium intellectus aciem præstringit magis, quam oculos hæc euibratio: vnde in varias sententias abiierunt, nec ullus hæcenus, meo iudicio, ad verum collimauit. Aristoteles id in maximam fixarum à terra elongationem, refundit, atque ad visus debilitatem: quod cum plausu assumens Pontanus in Vrania, lib. 2. Sic ceciuit.

*Præterea cur sola acies immota Deorum
Cernitur, obtutuque hæret defixa sub ipso?
Cum tot, & illa quidem sidentia signa micanti
Scintillent radio, tremulusque internatet ardor?
Scilicet alta illis regio, sedesque reposita:*

Quod postquam aduenit defesso lumine visus.
Defessus tremis ipse; tamen tremere ipsa videntur.
Astra: micant radij, sed lumina nostra tremiscunt.
At contrā vicina Deūm statio, ardua quamquam.
Prospectu facilis tamen, atque immota tuenti:
Quod penetrans stat certa loco, insistitque videndo
Nostra acies, fixisque oculis immobilis heret.

Hucusq; Pontanus. Cuius tamen speculatio non conuincit. Nam Mercurius, & Venus nobis longē viciniores, quā Saturnus, & Fixæ, semper tamen eodem modo scintillant, & Venus quidem vel in maxima altitudine, vt notauit etiam Simplicius Philosophus: cū tamen ille, ac simul Iupiter & Mars, longē à nobis remotiores, etiam circā horizontem, & in Atmosphæra, nil tale vsquam patiantur.

Deinde, vt suprà tetigi, alia est scintillatio quorundam Planetarum, alia fixorum siderum: illa blanda mollis, & tremula, quæ successiue variatur, ac tandem cum in altum assurgunt, disperditur; hæc semper eadem constans, viuida, & oculorum præstrixiua. Blaucanus in *Sphæra Mundi*; causam scintillationis siderum, vnicæ refractionibus tribuit: ideoque ait, plūs alijs Procyon, & Sirius hoc patiuntur, quia non plus quam grad. 45. suprà terram eleuantur. At quonam pacto Iupiter lumine clarior, corpore maior, situ etiam humilior, non scintillat? quare Arcturus, Pes Orionis, Formahand, &c. quæ minus à terra quam Procyon, & Sirius eleuantur, minus tamen scintillant; & econtrā dexter humerus Orionis, Bellatrix, Palilitium, Lyra, plūs cæteris vel in medio cæli, & aliquando verticales, æquæ ac circā terram constitutæ, scintillant? Vt proinde neque subsistere queat explicatio Cardani, quam afferit in lib. de *Subtilitate*, Celeritatem nempe motus, quem habent sidera præ Erraticis, causam esse huius scintillationis. Nam, præterquam præuentio ista motus est modica, & ferè insensibilis: si id verum esset, cū Planetæ fiunt retrogradi, deberent fortius scintillare, quam fixæ, quia motum ipsum raptus præuertunt, & citius motum suum diurnum circa terram absoluunt, ac post se, ipsas fixas relinquunt. Accedit, quod cū fixæ cum suo orbe omnes æquali, & concitatissimo motu à Primo mobili abripiantur, omnes æquali modo scintillare deberent; quod tamen non accidit, vt vel lippis oculis patet.

Restat igitur, vt dicamus, scintillationem istam in fixis, esse intrinsecam qualitatem, & virtutem prouenientem ex insita earum natura, participante aliquid de primigenia luce, quæ non sit mutata

H h h h h 2 à So-

à Sole, licet à Sole postea fecundetur, & complementum habeat; eo ferè pacto, ac ignis, & aliqua insecta noctiluca, vt Nitèdulæ, quæ suo modo scintillant, & effluxus quosdam lucis euibrant ab intrinseco emanatos, vt præ cæteris aduertit Georgius Reischius in *Margarita Philosophica*. Quia, inquit, *intrinsecum, & connatum lumen habent, unde etiam in nocturnis tenebris videntur, lumenque illud ingentium habent ab igne*. Non sic planetæ, qui ex se, corpora densa & opaca, totum lumen suum acceptum habent à Sole, cuius radijs illustrantur, seu potius eos in se receptos, ac terminantes, cum non ulterius transmittere queant ob sui opacitatem, in se collectos continent, ac reflectunt; atque adeò passiuè tantum se habent, & mortuo, vt ita dicam, modo, coruscant.

- 49 **SCIOMACHIA** græcè dicitur collusio militaris, quasi *umbratilis pugna*, hoc est, quæ non seriò, aut ex odio, & vindictæ furore initur, sed vel ad roboris exercitium, militarenque artem comparandam, vel sanè ad iocositatem, & animi remissionem. Etenim in ea fictè, & amicè pugnatur, armis aut ligneis, aut hebetibus, vt ictus innoxie cadant, atque interim veris prælijs præludatur; & collutores ad scopum collineantes, discant arma tractare, assuescantque impactos ab aduersario ictus præcauere, ac declinare. Sic enim olim Tyrones exercebantur ad palum; dehinc grauioribus armis induti cum magistris digladiabantur, & nunc insultando, nunc retrocedendo, nunc sese inclinando, nunc exurgendo, pugnandi peritiam comparant, & vt ait Seneca lib. 5. *Controu. 24. grauioribus armis pugnare magis discunt, quam pugnant*. Ad hæc instituta fuere Hastiludia, Ludi Circenses, Lutæ, & si quæ sunt eiusmodi ludicræ exercitationes, quæ ad bellicam fortitudinem in tempore ostendam anticipatè disponent, & erudirent. Quanti autem valeat ad acuendos spiritus erigendos animos, solidandaque membra nedum pugnantium, sed & equorum, quibus insident, præliaris hæc præludio; argumento sit celebris illa tandiù repetita Gozonis Equitis Rhodij (Generalis postea totius Ordinis Magistri) cum ficto Dracone exercitatio, quam fuscè describit Bosius in *Histor. Ord.* Hic cum videret Insulâ penè desertatam hominibus, factamque impermeabilem ab immani quodam Dracone illic degente, qui aspectu horribili, insatiabili ingluuiæ, alitu pestifero, ac prorsus exitiali, homines & pecora deuorabat, communi calamitate commotus, illum, vel suo quouis discrimine, perdere, ac Insulam tali peste deliberare, altè intrâ se constituit. Quapropter, testè consilio, necnisi duobus seruulis, qui eum comitari deberent, communicato (quippe riguroso edicto vertitum erat,

erat, ne quis ad locum accederet) interpidè rem aggressus, vt erat
militaris artis scientissimus, non priùs sese facto exposuit, quam
præambula exercitatione, se suumque equum, binosque animosos
molossos ad assultum instrueret. Ergò paratà ad Monstri similitu-
dinem Machinà, quæ ab homine intus latente agigaretur, omnesque
furentis belluæ motus exprimeret; in hanc sæpius in die, ipse equo
insidens, canesque subinde incitans, insiliebat: vbi eos frequenti vsu
firmatos, timorem omnem excussisse comperijt; ad veram pugnam,
processit, tanta equi promptitudine, & canum alacritate, vt ex
his vnus dentibus fortiter præhensis belluæ genitalibus, alter auri-
bus arripens, ac ferociter tenens, illam præ doloris impotentia,
ad terram procumbentem, ita immotam stiterunt, vt hero ansam
darent, eam, directà ad gulam lancea, confodiendi: atque ita de pe-
rempto monstro, deque communi calamitate, prælusoria arte sa-
pienter vsus, feliciter triumphauit. Nimirum, vt scitè aduertit Theo-
doricus Rex, apud Cassiodorum lib. 1. cad. 14. *Ars bellandi, si non
præcluditur: cùm necessaria fuerit, non habetur.*

Itaque in magno consilio, maiorique Reip. bono, Sciomachia intro- 50
ducta est, ad bellicani virtutem comparandam; præcluditur ex ioco
prælium, vt prælium dehinc seriò, & vtiliter iniatur; atque vt hostiles
ictus arte vibrati, aut excepti, conferant postea ad cruenta vulnèra vel
insligenda, vel declinanda. Neque audiendi sunt qui artem hanc,
cèu noxiam, animique & corporis fortitudinem enervantem, tetrico
supercilio repræhendunt, id inuidè opposcentes, apud Naudæum.
*De studio militari lib. 1. cap. 21. Quasi umbratilis ista pugna metus ac
periculi secuta, vera officeret; difficilisque transiret ex nullo, in proxi-
mum mortis periculum, maximè in hominibus plerumque timidis, &
minus animo, quam huic industria pugnandi, confisis. Nam, vt benè ipse
Naudæus subinfert: Quemadmodum imbelles, & ignauos, non arma
vlla, non peritia in veris, aut rudibus gladijs tractandis: non Pallas
ipsa, si scuto illos protegeret, audaces unquam redderent: ità prorsus
indignum esset viro graui & prudente, arbitrarì, has exercitationes
armorum, & studia, quæ à teneris in ludo ponuntur, non multum con-
ferre ad fortitudinem. Stet igitur, fortitudinem præliarem (Philoso-
pho vel ipso teste) vsu, peritiæque acquiri: atque hanc, non nisi per
frequentatos actus in pace, vbi securitas & emendatio in lapsibus est,
facilius comparari. Vnde appositè notat Alexand. ab Alexandro.
lib. 2. diæ. genial. cap. 20. Iulium Cæsarem Romanæ gloriæ pri-
mum auctorem, & militiæ scientissimum, Equites Romanos arma-
rum peritos dedisse Magistros, sub quibus militia nescij erudirentur:
quorum præceptis imbuti, perstando, & peruigilando, militare rudimen-*

tum deponerent ; legesque pugnandi , & prælii normam , ac dictata inter-
noscerent .

51

SCOLA (non schola , vt nonnulli perperam scribunt .) in Archi-
tectura, ad balneas pertinet : de quarum dispositione agens Vitru-
uius lib. 5. cap. 10. hæc habet : *Scolas laborum ita fieri oportet spatio-
sas , vt cum priores occupauerint loca , circumspicientes reliqui rectè sta-
re possint .* Et paulò antè , de balnearum capacitate dixerat : *Sint au-
tem ita composita , quanta longitudo fuerit , tertia dempta latitudo sit
præter scolam labri & aluei .* Ex quibus liquet , ipsum pro Scolæ , cre-
pidinem vasis , seu aluei , in quem lauare intrabant , intelligere ,
ab exscolatione aquæ à summo labio , ad quod ex commotione ascen-
dit , in illum ipsum alueum , in quem recipitur & congregatur : vn-
de & nos , hanc partem vernaculè dicimus *lo Scolatoio* . Schola autem
cum aspiratione , ædificium denotat , publico litterarum ludo para-
tum , *ἡ δὲ τῶ ἀλυσίου* , quod est vaco , seu operam do , deriuato voca-
bulo , cui nihil commune cum balneis . Quod idè notat Festus , scho-
las in plurali dici ipsam Academiam , seu Gymnasium , vbi dispersitæ
cellæ in varias scholas , pro diuersis inibi disciplinis tradendis , nume-
rabantur : vti nunc etiam in omnibus ferè , tam publicis quam pri-
uatis , per totam Europam Academias , visitur , & practicitur : diuer-
sos nempe recessus , ac distincta conclauia , ad singulas scientias do-
cendas , atque addiscendas , per ordinem dispersita , in quibus
exedrae & subsellia per orbem disposita pro professoribus , & au-
dientibus , quæ communiter Scholæ nuncupantur . Nunc autem
quoad Scolas balnearum ; quam partem , propriè & specificè pro ijs
intellexerit , ac denotare voluerit Vitruuius , non bene inter se con-
cordant Interpretes . Hermolaus Barbarus ex hoc contextu arguit ,
ipsum indicare voluisse partem labij seu solij , aut aluei fossæ lapideæ
in quam lauaturi intrabant , cum occupato à primis loco , ipsi se-
rius aduenientes cogeantur moram trahere , & tandiù hære ,
donec iam loti recederent , & locum darent ipsis intrandi ; vnde ad la-
brum fossæ , Scola parata erat ad circumfistentiam ablucendorum .
Verùm hic versura labri necessariò angusta erat , nec in se capax con-
tinere alios , siue paucos , siue plurimos identidem aduentan-
tes : atque idcirco Scolas huiusmodi ad hunc finem dispositas , vult Vi-
truuius spatiosas fieri , & satis multitudinis aduentantis capaces .
Alij opinantur , Scolas in balneis fuisse spatium apertum ad extrâ ,
& ponè labrum fossæ : At id liberum erat , nec certis terminis ac limi-
tibus petebat includi , vt locum signatè definire videtur Vitruuius .
Quare ipse coniector , pro Scola , Vitruuium acceperisse lapidearum sca-
larum

larum seriem, in plures ac plures ordines dispersitam circa labrum alvei, ut sit in Theatris ad spectatores recipiendos; itaut æque omnes circumspicere possent, ac præstolari sibi lauationis, ut qui propiores sunt, locum occupent, & saltu se proiciant in lauacrum. Fa-
uet Plinius lib. 36. cap. 5. eiusmodi scolarum mentionem ingerens ex occasione celeberrimæ Porticus Octaviæ, in culus aditu positum fuisse ait, Praxitelis Cupidinem. *Scola in balneis*, inquit, *labri siue balnei summa pars; in qua, qui nondum lauissent, sedentes expectabant, donec exirent, qui priores occupauerant.* Sic etiam Tertullianus in *Apologetico* cap. 35. *scolas bestiarum* dixit cavernarum crepidines, in quibus populus ad spectandas bestiarum pugnas confidebat. Sed nullum fortius, ac nobilius argumentum, quàm quod Sacre Paginæ suppeditant in Probatice illa Piscina, ubi iacebat multitudo languentium expectantium aquæ motum, ut qui prior in illam descenderet, sanaretur: de qua habetur *Jo. 5.* Hanc ex contextu sacri Elo-
quij, colligitur fuisse constructam magnificè in balnei morem, cum suis quinque porticibus ad confluentium receptum; eamque testatur Iosephus lib. 6. *Antiquit* fuisse positam à Salomone in Aditu Templi, pro lauandis victimis, quæ ibi immolari debebant; unde & Probatice dicta est. Sed in ea id singulare diuinitus concessum erat, ut certis temporibus, è multis languentibus qui circum stabant, qui prior post motionem aquæ ab Angulo factam, in piscinam descenderet, sanaretur à quacumque detinebatur infirmitate. Ergò credendum est, ut ad ægrorum commoditatem, & liberum aquæ prospectum, gradus circa, ad modum Theatri haberet, in quibus possent consi-
dere simul, & prospectare aquam. Propterea (notat Adricomius) locus dicebatur Hebraicè *Bethsaida*, hoc est domus excolationis, seu sedes excolatoria; non tam quod illuc congregabantur, & cola-
bant pluuiæ aquæ, quàm quod eiusmodi gradus in declinè erant dispositi, ad remittendam aquam, quæ ex fluctuatione, & motu, supra labrum ascenderet. Quod ideo, siue ab excolando, siue à sca-
lis, facili vocis flexu, *Scolæ* dictæ sunt quæ in balneis constitutæ, ad labrum terminabant. Quarum dispositionem, & situm, vide apud Caporalem cum reliquis balnei partibus elegantissimè delineata.

SCORPIO dicebatur olim in re militari, Machina eiacularia frequentissimè usitata; qua tela & saxa de longè emittebantur, ac tanto impetu ea in hostium opera dirigebant, ut mox cadentia fran-
geret, ac destrueret. Onagrum, à viris militatibus communiter ap-
pellari, perhibet Animanus: sed Vegetius longè diuersum facit, ut in loco monuimus. Et verò, si finem attendamus, videtur yterque

in idem contendere; si compositionem, & partes, longè differre. Etenim Vitruuius Scorpionem inter Organa computat, lib. 10. cap. 1. Onagrum autem inter Machinas. Et quidem inter Machinas, inquit, & Organa, id videtur esse discrimen, quod Machina pluribus operibus, aut vi maiore coguntur effectus habere, uti ballista, torcularumque praela; organa autem unius opera, prudenti tactu perficiunt, quod propositum est, uti scorpionis, seu anisocyclorum versationes. Iliodorus quoque lib. 18. cum de sagittis agit, ad earum speciem scorpionem reducit. Ait enim: Est Scorpio sagitta venenata, arcu vel tormentis excussa; quæ dum ad hominem venerit, virus quod figit insundit; unde & Scorpio nomen accepit. Id quod ex Vegetio accepisse crediderim, qui lib. 4. cap. 22. hæc de scorpionibus habet: Scorpiones dicebant, quas nunc Manubalistas vocant: idè sic nuncupati, quod paruis, subtilibusque spiculis inferant mortem. Ut ut sit, ceriè à Scriptoribus, ut plurimum confunduntur; qui aliquando nomen usurpant ad denotandam machinam, quæ tela impetu vibret; aliquando pro ipso telo emisso; & utrique nomen idem adaptant, eoquod aculeum desuper habeat dolose ad feriendum instructum. Sed & in Ciuilibus locum habent, & nomen retinent Scorpiones, hoc est, nodosæ virgæ pungentibus aculeis vndique armatæ, & circumseptæ, quibus olim utebantur Iudices ad castigandos fontes, exprimendæque his cruciariis, delictorum confessionem. Horum fit sæpè mentio in actis SS. Martyrum, qui ijs passim cruciabantur ad eiurandam fidem: quorum formam, & artificium videre est apud Gallonium, qui omnia Martyrionum instrumenta in vnum collegit, & ad viuum expressit in libro, quem de SS. Martyrum Cruciatibus nuncupauit.

- 53 SCORPIO item, in Astronomicis appellatum est Signum, & Signus in Cælo, quod amplitudine sua duo signa complectitur, Libram nimirum, & Scorpionem, in Zodiaco: in quo antiquitus vndecim tantummodò signa numerabantur: vnde etiamnum stellæ in Libra existentes, Chelæ, seu branchiæ Scorpj dicuntur. Sic enim ludit nobiscum Natura, ut quæ stellæ in Cælestibus, ob occultam quandam connexionem & sympathiam quam habent cum scorpione terrestri, (ex quo nomen hauserunt), ut earum omnium natura internoscat in vnam imaginem conglomeratæ sunt, ferè omnium maximam, quando is qui nomen dedit, despectibilis est, & inter animantes pusilli nimium corporis. Habet stellæ vnam supra viginti, secundum Ptolemæi recensionem: At Keplero sunt 28. & Bayero adhuc 29. ultra tres relictas informes, easque omnes amphibias, & non confor-

formis naturæ. Nam Chelæ sunt de natura Iouis, & Mercurij, præter Australiorem tertiæ magnitudinis, quæ habet mixtam naturam Martis, & Saturni, uti & tres lucidiores in fronte, in rectam lineam abeuntes. Antares, quæ est potissima in hoc sidere, est primæ magnitudinis; & duæ aliæ, hincinde in corpore exsistentes, referunt naturam Iouis, & Martis; Aculeus, Martis & Mercurij; Nebulosa prope aculeum est Martia, participans de Mercurio: reliquæ in flexu caudæ & in pedibus, sunt Saturninæ, & Veneræ: ut mirum non sit, tam varium esse ad bona simul & mala influenda, sidus: ut propterea dicatur fallax, humorum corruptor & venenosum; quippe tot variarum qualitatum, præsertim oppositarum, commixtio in cælis, non potest in terris parare, nisi confusionem & hamiorum corruptionem: unde est celebre illud Almanforis in Ahporism. ad Regem Persarum num. 106. *Averte oculos tuos a figura, in qua fuerit Ascendens Scorpio*. Cæterum, si ut Signum Zodiaci in Primo mobili accipiamus, est fixum, efformans, cum Cancro, & Piscibus Trigonum Aqueum, Domicilium Martis, femineum & nocturnum. Primæ eius partes frigidæ sunt, & Mars in ijs niues generat: Mediæ temperatæ, ultimæ turbulentæ. Mirum est quod Astrologi referunt de malignitate huius signi, & connexine, quam habet cum terrestribus Scorpionibus; Nam inter cætera, aiunt, quod si domus ædificari cæperit Scorpione in Horoscopo ascendente, domus illa dehinc erit nidus, & receptaculum scorpionum. Certe id ego in amico expertus sum, quod, Lunæ signum hoc permeante, scorpiones aliàs torpentes, & pigri, expergiscuntur, aguntur in rabiem ac truculentiores fiunt, iæctusque acerbiores mortalesque infigunt, ni præsto antidotis potentissimis occurratur. Ex membris humanis, dominatur pudendis, & ex Prouincijs ac Ciuitatibus, præest Mauritanix, Cappadociæ, Iudeæ, Noruegiæ, atque Patauio, Aquileiæ, Messanæ, & alijs, ut videre est in Catalogo, quem communiter apportat Geographi.

SCORPIONES etiã (nescimus qua ratione) dicuntur apud Grammaticos, & Agrimensores maceries lapidum, limitu loco positæ. Vnde Balbus de Agrimens. *Scorpiones inquit, idest moles petrarum constructæ*. Et Sical. Flaccus, de cond. Agror. *Congeries lapidum acervatim congestæ, quas Scorpiones appellant*. Alij Scrophiones scribunt. Sed, ut obseruavi, aliquid interest inter utrumque vocabulum: Siquidem Scorpiones loco generis sunt, scrophiones indicant propriæ maceriæ duos terminos, ubi cuneati se iungunt; quemadmodum & qui Botontini audiunt; nisi quod hi de terra aggestitia fiunt, illi de faxis conueruatis & in angulum desinentibus. Authorem habeo

Hygenum, de cond: Agror. vbi ait *Maceria finalis Scorpiones*, Botontini. Et clarius qui regundorum finium præcepta dedit. *Palos sacrificales*, & *Scorpiones defiximus*; in quibus locis constricci mensuris frequenter sibi duo fines cuneati occurrunt propter rigorum, aut linearum cursus. A seupis, seu scrupulis deriuatum crediderim; tùm quod loca hæc aspera & saxosa sint, ac trāsitu multò quam lorica struētilis difficiliora; tùm maximè quod apud Alexand. lib. 2. c. 20. scrupus, & scrupulus est quoddam mensuræ terminatiuæ genus, continens pedes quadratos centum. Vide etiam Varronem lib. 1. cap. 10. & Columellam, lib. 5. cap. 1.

55 SCOTIA in Opere Architectonico dicitur cauum illud in basibus columnarum, præsertim ordinis Ionici, & Corinthij, medium inter Torum, & plinthum, vel etiam in Corona, interposita regula, quæ illam regit, & prohibet ne pluuiæ guttæ intrarsus abeant, eamque quoquo modo deturpent. Ab græca notione deductum nomen aliqui arbitrantur, ratione obscuritatis, & vmbrae, quam sua recessione, & cavitæ parit. Alij dictam volunt à Scottia, quæ Nostris, arboris corticem siccitate contractum, & in orbem conuolutum, significat; cui profectò, forma, & positu valdè similis est. Porro hæc ad purum ornatum operi adiecta est, quæ media inter duo prominentia membra, & hinc inde regulis confirmata, nigrum in modum opus venustat, & oculis adblanditur varietate. Quod ideo in Tuscanico ordine nullibi locum habet, eo quod rudis, & grauis est, & omnem ornatum respuit. In basi Dorica, aut nulla, aut vna simplex: In Ionica semper duplex: In Corinthia, & Composita, vna, aut duplex pro arbitratu, & magnificentia operis. At in Corona, quæ per longum protenditur, semper vna, & simplex; eaque sub mento excisa, ad effectum arcendorum imbrium. Commensurationem eius vult Vitruuius accipi ad rationem totius operis: nam in Dorica basi præcipit, lib. 3. c. 3. vt in ea dempta plintho, reliquum diuidatur in quatuor partes, fiatque superior torus quarta; reliquæ tres equaliter diuidantur; & vna sit inferior torus, altera pars cum suis quadris Scotia. In Ionica verò (& idem intellige de Corinthia, de qua nihil in specie loquitur) quoniam duas admittit Scotias, vult, vt data quarta parte, vt supra, plintho; reliquæ tres diuidantur in partes septem: inde trium partium torus, qui est in summo; reliquæ quatuor diuidenda sunt equaliter, & vna pars fiat cum suis astragalis, & supercilio superior trochilus (sic ex græco placuit nunc vocare Scotiam,) altera pars inferiori trochilo relinquatur: sed inferior maior apparebit ideo, quod habebit ad extremam plinthum proiectionem. Vide eius de-

for-

formationem in vtroque ordine ad mentem Vitruuij, apud Barbarum. Cæterum Recentiores Architecti aliter sentiunt. Quorum opinionationes accuratè examinat, & cum Vitruuij præceptis confert De-Chales in sua *Architectura*.

SCOTOMENIA, teste Valla, idem valet apud Hebræos, ac si diceret *Luna obtenebratio*, quam considerant & signant potissimum in Eclipsibus, quando incidit in penumbram terræ, vbi non omnino obscura, sed subfusca apparet, & modò sanguineam, modò iuuentem, modò puniceam &c. se spectabilem præbet, & sollicitudine mortales implet: ex qua colorum diuersitate effectuum iudicia sumunt: de quibus fusè disputat Plutarchus in Opusc. *De facie in Orbe Luna*. Et Ptolemæus quidem, lib. 2. cap. 8. de ijs ita definit. Si enim nigra apparuerit, aut sublinida, ea qua de Saturni natura exposuimus, significat: Si candida visa fuerit, Iouis: si ratila, Martis: si flaua, Veneris: Si varia, Mercurij natura euentus respondebunt. 56

SCVLPTVRA vna est ex ijs facultatibus Mathasi subalternis, quæ manu & ingenio perficiuntur, Picturæ soror, eademque æmula, ac de primatu, ac dignitate contendens. Nam etsi pari passu incedant, imitari naturam satagant, non vera pro veris supponere, & sensus felici mendacio fallere, animisque rerum memoria, ad blandiri; non tamen habitu, forma, & incessus maiestate concordant. Siquidem Pictura mollis, delicatula, compta varijs colorum temperamentis in plana superficie artificiosè dispositis, studet tantum oculis lenocinari, Sculptura aspectu grauis, aspera, sua simplicitate congaudet, & reiectis phaleris, atque ornamentorum fucis, nuda, imò & quò magis lacera, cicatricibusque obducta, eò ditior, ac venustior, id depauperatione assequi gloriatur, quod illa tot monilibus, illinimentis, gemmarumque trituris aucta, magno sanè diuitiarum dispendio, ac frustratione vix obtinet. Enimuero id singulare, ac propè diuinum habet, præ ceteris, prodigiosa hæc ars, vt quod aliæ magno instrumentorum apparatu opimisque petitis aliunde spolijs perficiunt; hoc ipsa nullius accessionis indigens, solis detractionibus, abiectionibus, (verbo dicam,) negationibus, obrinere contenta sit, & in nihilo assurgat, dite scat, & gloriatur. Vt proinde falsitatis redarguere videatur vulgatum illud Philosophi axioma: *Ex nihilo nihil fit*; & Diuinæ æmulatrix Omnipotentia, ex nihilo omnia quæ sibi placita fuerint, educere se posse superbiat. Hæc quippe rude, & informe saxum præhensans manibus, nou lingua, vt vrsua suos partus, conformat, sed ferro (iniuriosè, ne dicam, an officiosè?) contundit 57

dedolar, castigat, animat, & in viuum propè simulacrum effingit; quin & mortuum referr, si mortuum repræsentare sit animus; languidum, si debile vel infirmum; molle si tenerum; horridum si incultum; & quod magis mirere, in æquè duro, albo, vel nigro lapide, colorum viuuum, ac varietates, diuerforumque motuum atque affectuum actus exprimit, quos in obiectorum varietate, ac vera exhibitione, vix discernere concessum est. At nolim hic adeò Sculpturæ decora eleuare, vt Picturæ prærogatiuas deprimam. Manet etiam huic sua laus, vt in loco retulimus, & alioqui sorores sunt, ambæ sublimiorum Mathesis disciplinarum, Geometriæ, Optices, & Perspectiua, pedissequæ, ambæ iisdem præceptis instructæ, ambæ sibi manus dant, atque vmbis, ac lineamentis vtuntur, vt suum opus perficiant; itaut neutra cum maiestate ac decore, in suo genere excellens sit sine altera comite, & Pictura prorotypo opus habeat a Plasticis, & Sculpturæ opere mutuato; & Sculptura quicquam perfecti nequeat, sine Picturæ directione. Porro Sculpturam inter, & Picturam, media est *Sculptura*: quam, nùm picturam dixerim sine coloribus, sed solis lineamentis stylo ferreo obductis, aliquid in plana tabula representantem; an picturatam, & personatam sculpturam equidem ambigo. *Sculpturam* voco incisoriæ artem, quæ in æreis, & cupreis laminis, aut scribit, aut pingit, è quibus mille imagines ad picturæ totius rationem, tantum non coloribus varijs attemperatæ, proueniunt. Sculptura est, quæ scalpris vtitur in solido corpore conformando, cum suis cavitatibus, & prominentijs, prout verè in obiecto exprimendo visuntur: idque superflua rescindendo, & inutilia rescando. Quare malè à Diomade Grammatico hæc cum illa confunditur, qui Sculpturæ peculiare dotes non agnoscens, hanc e medio tollit, seu nomen auersatur, dicens Sculpturam vtramque verius dicendam, à Scalpro; siue labore in marmore, siue incidat in tabulis: Enim sunt toto cælo diuersæ. Quinimò, Plinio restet, ipsa Statuaria à Sculptura secernitur, quod hæc tantum simulacra respiciat, quæ in marmore aut alia quauis solida materia, per detractionem partium effinguntur; illa formas per adiectiones, & cavitates efformat, quibus statux è fusili ære, cera, gypso, aut argilla intus iniectæ, & quidem multiplices, & quot vis, conficiuntur. Quod idè de earum origine, antiquitate, ac professoribus agens lib. 36. cap. 5. Sculpturam omnibus facit antiquiorem, ab eaque illas profectas. Non omissendum, inquit, hanc artem tantò vetustiorē fuisse, quam Picturam aut Statuariam, quarum vtræque cum Phidia cæpit, octuagesima tertio Olympiade, post annum circiter trecentos triginta duos; & ipsum Phidiam tradunt scalpasse marmora; Venerem-

neremque eius esse Roma, in Ostia porticibus, mira pulchritudinis. Pliniam, intelligens artem quæ pictis coloribus imagines fingit, Statuariam, quæ statuas è fusili materia educat; Sculpturam verò proparentem, quæ in marmore, ligno, aliaue solida materia simulacra dedolat, & excudit. Cæterum omnes ex vna velut officina prodeunt; ac Mathesim, præsertim verò Geometriam, genitricem agnoscunt. Quæ etiam alias minores, subalternas, & ancillares in sui consortium admittunt, Plasticam, Anaglyphicam, Diaglyphicam, Encausticam, &c. De quibus suo loco.

SCVTULA apud diuersos diuersarum facultatum professores, diuersas significationes sortitur. Primam vocabuli notionem ab scuto vulgari, ac noto militum tegumento, deriuant Grammatici. At eos deridet, & oppidò hallucinari comprobat seuerus verborum criticator Salmasius, in Plinianis obseruationibus ad Solini Polystorem. Namque, ait, nihil prorsus ad rem, in qua sæpius verbum vsurpat Plinius, præsertim lib. 11. cap. 24. in aranearum telis demirans geometricas isoperimétras figuras, tanta arte, ac solerti applicatione directas: *Texere à medio incipit* (verba sunt Plinii) *circinato orbe subtegmina annectens, maculasque paribus semper intervallis, sed subinde crescentibus ex angusto dilatans indissolubili nodo implicet; quanta arte celat pedicas scutulato rete grassantes? quam non ad hoc videtur pertinere cribrata pexitas tela, & quadam politura arte ipsa se ténax ratio trama, quam laxus ad status, non ad respicienda qua veniant sinus. Specus ipse qua concameratur architectura, & contrà frigora quanto villosior? quam remotus à medio, aliudque agentis similis? &c.* quibus (si vnquam elegantius) bellè describit mirum hoc artis opus, naturâ proditum, atque à vilissimi insecti officina profectum. Similia obseruat Varro in fauis apum lib. 3. de Re Rust. Ex quo Vitruu. lib. 7. cap. 1. Scutulas non dubitat appellare in pavimentis è scetili lapide efformatis, diuersas figuras geometricas inibi aptè dispositas, & connexas, vti eadem ratione fauos, figuras exagonas. Ait enim, de pavimentis complanandis agens. *Cùm ea extructa fuerint, & fastigia extructiones habuerint, ita fricantur, vti si scetilia sint, nulli gradus in scutulis, aut trigonis, aut quadratis, seu fauis, extent.* Ergò scutulæ nomen non ab scuto, sed potius scutum à scutulæ forma deriuauit, vt mox infra videbimus: & primariò affixum est ad denotanda aranearum opera reticulata, quibus muscas venantur: inde à Geometris assumptum ad significandas figuras vtrunque isoperimétras. Id quod acutè obseruat Turnebus lib. 27. cap. 24. Scutulas hoc modo dictas, non esse vsquam figuras orbiculares, sed vel oblongas, ad

modum parallelogrammi, vel quadratas, vel rhombos, vel rhomboides, vel pentagonas, &c. semper tamen angulares, & æquilateras. Quamobrem idem ipse Vitruu. lib. 10. cap. 17. de ballista, agens scutulam efformari vult in medio foraminis: non quod scutulam dixerit ipsum foramen, è quo eijciendum est saxum (vt male aliqui interpretantur) nam, vt benè Philander, si epitrion est foramen, vt vult memorato loco Vitruu. quonam modo ita dicitur scutula, cuius dimensionem ex foraminis ratione sumi tradit? Igitur scutulam, hinc dixit Vitruu. seriem regularum ad eijciendum lapidem vim habentium, circa foramen dispositarum, quam idcirco à foraminis magnitudine dimetitur, quod foramen circulare est, & omnes figuræ isoperimetra circulo concluduntur. En textus Vitruuij. *Cum ergo inquit foraminis magnitudo fuerit instituta, describatur scutula, quæ græce Peritritos appellatur, cuius longitudo foraminum duo; latitudo duo, & sexta partis. Diuidatur dimidium linea descripta, & cum diuisum erit, contrahantur extrema partes forma eius, vt obliquam deformationem habeat longitudinis sextam partem, latitudinis, ubi est versura, quartam partem. In qua parte autem est curuatura, in quibus procurrant cacumina angulorum, & foramina conuertuntur, & contractura latitudinis, redeant inuorsus sextam parte. Hucusque Vitruu. quò nihil clarius ad rem nostram, vt videre est in V. Epitritos, ubi ex Herone, & Turnebo; Scutulæ locum, & officium asseruimus.*

- 60 SCVTVM in remilitari, armorum genus defensuum est, omnibus notum, ad regendum bellatorem aduersus hostiles ictus in dimicatione acceptos. Quod eleganter describit Liuius lib. 9. in hunc modum: *Forma erat scuti, summum latus, quo pectus atque humeri teguntur, fastigio æquati, ad imum cuneatior, mobilitatis causa: spongia pectori tegumentum, & sinistrum crus ocrea testum. Porro scuta olim fiebant è corio, & asserculis simul iunctis, & recuruis ad scutulæ formam, quò ob leuitatem, & curuitatem, promptè expediteque, agitari possent, hinc illucque admoueri, ac simul exceptos in lubrico ictus, fallere ac declinare: Vnde ab eius forma, ac tessellis quibus ad modum scutulæ componebatur, nomen hausisse opinatur Varro. Postea scuta, aut ex integro, & oblongo asseri confecta sunt, aut ex chalybe paululum incuruato: quamquam hæc veriùs clypea sint, & rotunda, scuta verò propriè, lignea, leuiora, & oblonga, quibus totum corpus tegitur; vt ex Virgilio & alijs antiquis Scriptoribus notat Stevvechius ad Vegetium. Longitudo autem scutorum, Polybio attestante, erat pedum quatuor, latitudo curvæ superficiæ pedum duorum, & semis, quò probè miles regi vsquequaque posset,*

ac subinde etiam ad muros suffodiendos accedere, elatis supra capita scutis, iisque ad modum tergi testudinis, conformatis, ne à telis, saxisque desuper immissis, offenderetur. Qua in re appositè notat Florus. lib. 4. cap. 11, Romanos ex huiusmodi connexis scutis, sæpissime Victores euasisse in bello Parthico. *Deletæ*, inquit, reliquæ copia forent, nisi urgentibus telis in modum grandinis, quadam forte, quasi docti procubissent in genua milites; & elatis supra capita scutis casorum speciem præbuisent. Tum Parthus arcus inhibuit. Deinde cum Romani se rursus extulissent; adeò res miraculo fuit, ut vnus ex barbaris emisit vocem: *Ite, & benè valete, Romani; meritò vos viatores fama gentium loquitur.* Huic testudinatæ scutorum coitionis egregiam speciem exhibet Lipsius in *Polioret*. Adeò firmæ, benè compaginatæ, atque ad resistendum, sustinendumque pondus accommodæ; vt & alios militum ordines, & hi alios supra se admitterent, ac multoties ita eleuarentur vt possent in murum inscendere, & cominùs cum hostibus gladijs depugnare, indeque fortiter loco pellere: vt idem Liuius refert lib. 54. aliquando factum, his verbis, de eiusmodi facta sub scutis aggressionem, loquens. *Huic parti muri admota, cum armati superstantes subiissent, propugnatoribus muri fastigio altitudinis aquabatur, depulsisque ijs, in urbem duorum signorum milites transcenderunt.* Hæc Liuius. Sed vide quæ infrà dicemus in V. *Testudo*.

SE

SECANS in Geometria dicitur Linea à centro in peripheriam ducta, & partem quadrantis secans, ac disspescens ab alia, quæ profectò quadrantem illum, transiliens, & rectà tendens, peruenit, & iungitur per contactum alteri lineæ perpendiculari, quæ extracirculum cadat, & contingat in eo extremum punctum quadrantis, quæ ideò appellatur Tangens. Sed de hac re, exhibita figura, clariùs in V. *Sinus*.

61

SECRETARIVM olim celebris locus erat propè Tribunal, ad ferendas criminales sententias iudicibus destinatus: à secreto dictus, quod illæ, post agitatam in publico auditorio causam, in abdito, & occultiore loco collectis suffragijs, scripto ferebantur, ac postea foris à Cancellario, edictum quod inde manauit, in publicum enuntiabatur. Quod in summa veneratione ac terrore populis erat expectantibus trepidè Causæ definitionem, aut in mortem, aut in absolutionem: vnde & velis circumobductum erat, & cancellis septum, ne quis illuc obrepere posset, & quæ intus fiebant, aliquatenus obseruare. A secreto igitur dictum est secretarium, vti, & à Cancellis

62

Can-



Cancellarius, qui à secretis erat, & Iudicium nomine, è cancellis sententiam pronuntiabat. Aliàs Sacrarium dictum, quod inibi sanctiones, & sacrum Concilium habebatur, vt obseruat Alciatus in C. Theodosiano, & videre est in l. 3. C. de off. diuersor. Iud. & l. vlt. C. vbi Senat. §. vlt. & in l. nullum C. de testib. Cuius actionis prosecutionem populo interim circumstanti, & de exitu sollicito, scrijs verbis describit D. Augustin. serm. seu lib. de Quibus, & Symmachus lib. 10. ep. 43. Quare & in publico foro excitatum fuisse, credendum est, & iuxta Tribunal, & intus subsellij circumductum ad Iudices consultantes accipiendos, & foris velis, & cancellis obductum, ad actus qui inibi fiebant, regendos. Ad quam rem plurima extant testimonia in actis S. Euplij Mart. & S. Quatuor Coronator. vbi in specie habetur, quod *Lysias introgressus obduxit velum,* 63 *postea exiens, ex tabella recitauit sententiam.* Et hæc de Secretario iudiciali. Postea Secretarium, ad secretum & sacratius Senatorum Consistorium translatum est, quod ibi de Reip. statu, & summa rerum disceptaretur. Quod frequentius etiam, atque ad distinctionem Sacrarium dictum est, ac de eo fit mentio in l. vlt. §. legati. ff. de mun. & hon. ex quo Ausonius in gratiarum actione, quam habuit ad Gratianum Cæsarem, pro collato Consulatu. *Gratias, inquit, ego non in Sacratio modo imperialis Oraculi, qui locus horrore tranquillo, & pauore venerabili, raro eundem animum prestat, vt vultum.* Hinc facile etiam ad Ecclesiasticas Consultationes, & Episcoporum, aliorumque Ecclesie Ministrorum cætus transijt, itaut locus ad huiusmodi consultationes habendas, vel etiam ad Sacrosancta Concilia celebranda deputatus, Secretarium diceretur. Sic passim habetur in actis Synodi Chalcedonensis, vt notat Baron. ad ann. 451. Carthaginensis, Arelatenfis, Aquilgranensis, quorum testimonia per longum refert Du-Cange in Glossario. Etat autem is in digniore, & sacratiore parte Ecclesie, è directo absidis, seu Tribunal, ante cancellos sacri altaris, peramplus & capax, vbi subsellia hinc inde disposita, in quibus Patres, pro sua quisque dignitate considerent. & consultationes haberent, quæ inde Sessiones sunt dictæ, vti etiam Secretaria, à loco vbi fiebant: vnde Liberatus Diaconus de Synodo Chalcedonensi, Primum, secundum, & tertium Secretarium nominat, ac de aduentu Marciani Imperatoris ad Concilium dum Patres in eo ad consultandum sederent, verba faciens, inquit, *Adueniens Imperator ad Secretarium cum Iudicibus, & sacro Senatu alloquuturus.* Et in actis Concilij Rom. celebrati sub Agathone Papa, (vt refert author vitæ S. Vvifridi cap. 28.) habetur: *Vvifridus Deo amabilis Episcopus Sanctæ Euvorice Ecclesie, præforibus nostri Secretarij*

moratus, ad nostrum secretarium, iuxta suam postulationem cum petitione, quam secum asserre dictus est, admittatur. Porro locus ipse in quo sessiones celebrabantur, etiam expleto iam Concilio, ac terminatis actis (qui alias Sacrarium dicebatur) Secretarij nomine postmodum appellari consuevit: unde, & promiscue secretarium pro sacrario, & sacrarium vocatum inuenies apud Euagrium aliosque passim scriptores: quin & ipsum Concilium Laodicenum, quod de eo loco, Canonem edidit in hæc verba: Non oportet subdiaconos licentiam habere in Secretarium, siue Sacrarium ingredi. Reuerà tamen Sacrarium dicit aliquid fixum, & pertinens ad Ecclesiam; Secretarium, verò denominatiue ab actibus, qui in eo fiebant in tempore. Is autem erat vel locus in eadem Ecclesia dignior, in quem non nisi Sacerdotibus, ac Diaconis ingredi licebat, vt modò dictum est; vel sanè ponè ipsam Ecclesiam exedificatus ad asseruandum sacram Suppellectilem, & in quo Sacerdotes, & Episcopi sacras vestes induiebant, antequam ad altare procederent, Sacra facturi, & vt etiam nunc practicatur in omnibus ferè Ecclesijs; quem locum vulgò Sacrarium nunc appellamus: Olim autem dicebatur Secretarium, & in eo etiam summus Pont. diuinam rem factururus, sacras vestes sumebat, & inde cum Clero processionaliter ad altare accedebat, vt habet Ordo Romanus, Cum verò, inquit, Ecclesiam introierit Pontifex, non continuò ascendit ad altare, sed prius intrat in Secretarium sustentatus à Diaconibus. Et Innocentius de Myster. Missæ lib. 2. cap. 5. Cum autem Stationalis solemnitas celebratur, Romanus Pontifex cum sex prefatis ordinibus processionaliter ad altare progreditur.

SECTIO communiter appellatur apud Geometras, Opticos, & 64
Architectos, proiectio radiorum visualium, quam nos vulgò vocamus *Profilo*, estque reuerà incidentia, & Sectio quæ sit, seu radiorum, seu corporum solidorum, siue superficierum, in partes; per aliquod planum intermedium à summo ad imum facta, siue orthogonally, siue oblique. Quæ proinde maximè attenditur in Conicis, & mirabiles effectiones obrinet, pro diuersa sectionis qualitate, & ratione. De quibus fusè, & ex professo Apollonius Pergæus, & magnam partem in Mathesi sibi vendicat. Quod autem ad Architecturam pertinet, Orthographiam appellat Vitruu. lib. 1. cap. 2. quam definit, quod sit *Erecta frontis imago*. Verùm Sectio, de qua nos propriè loquimur, nedum frontis imaginem, sed & latera abscedentia & abscissa, quæ sui imaginem erectam, & per directum transmittunt ad oculum, comprehendit: itaut id omne, quod sub aspectum cadit per directos radios in quocumque positus; sub nomine sectionis

veniat, scilicet ut ita dicam, profilationis, quæ res fingitur per medium secta: id quod re magis, quam verbis exprimi potest, ut notat Barbarus; ac totum dependet ab usu, & industria Architecti. Vulgò *Profilo* dicitur. Vide eius affigurationem in Munimento regulari pag. 75. expositam, subtus eiusdem Ichnographiam.

65 **SECTIO EQVI** in Astronomicis dicitur sidus in Cælo prope Equum alatum constitutum in parte boreali immediate supra Aequatorem, representans caput equi rescissum; in quod conveniunt, & colligantur quatuor stellæ obscuræ: quod ideo computatur inter signa mutilata, & infausta. Et quidem stellarum ipsarum constitutio, & lumen obtusum, atque à maleficis participatum, id manifestè indicat; cum priores duæ sint de natura Martis, & Mercurij, reliquæ duæ, de natura Saturni. Omnes sunt quartæ magnitudinis, existentes intra gradus 18. & 21. Aquarij, cum declinatione boreali, primæ gr. 4. & 5. secundæ fere 9. Arabicè *Alpheratz Elmac*, à Græcis appellatur *Hinniculus*, à Latinis *Equiculus*.

66 **SECTOR CIRCULI** dicitur ex Euclide, Angulus in centro Circuli constitutus, qui formetur à duobus rectis lineis ad peripheriam terminantibus, ita ut cum eius parte intercepta, figuram trilateram, & æquicurviam efforment, cuius basis sit ipse arcus interceptus, latere autem, ipsæ lineæ rectæ in angulum coeuntes ad centrum. Et hæc figura nominatur *Sector Circuli*, quæ est fundamentum dimensionis quæcumque partium ipsius circuli, ac totius Trigonometrix. Sicut

Segmentum Circuli est figura, quæ duobus angulis comprehenditur (quod in mixtis solum locum habet) formatis ex duabus lineis, altera recta, altera curva, quæ sit segmentum peripheriæ, & arcus ab illa conclusæ, ab reliqua per dictam rectam lineam segregatæ.

67 **SECUNDI MOBILES** in Astronomicis, appellantur Fixarum, necnon singulorum Planetarum Orbis, qui præter motum universalem raptus, ijs à primo mobili, suâ superioritate, & rapiditate impressum, secundo etiam moventur, contranitentes in consequentia secundum successionem signorum, qui motus dicitur ijs peculiaris & proprius, quo singuli, statis cuque temporibus, suam periodum absolvunt, ac totum Zodiacum perlustrant, ut alibi dictum est. An autem in re admittendus eiusmodi motus in Orbibus Cælestibus, qui diversus sit à motu generali, quo feruntur ab Oriente in Occiden-

cidentem : & quid sit dicendum de ipsis corporibus Planetarum in suis Orbibus, vide quæ diximus in V. *Motus*.

SEDES ARMORVM, seu *Sedes belli*, in re militari appellatur locus, & statio, in quam omnis apparatus bellicus conuenit, omne militiae robur coit, in eoque omne consilium belli adornandi initur. & rerum summa reducitur. Ad quem finem eligitur à supremo Belli moderatore, aliqua munitio intra mœnia, siue etiam Campus apertus, probè tamen suis aggeribus munitus, operibusque defensus, ac tutus ab hostili aggrèssione, quique aliàs rebus omnibus sit refertus, & capax tantæ multitudinis, & apparatus. Ad quam rem placet hic exscribere, quæ, non tam belli scientissimus, atque expertissimus Magister, quàm in pacis consilijs, ac publicis administrationibus clarus, habet Bernardinus de Mendoza, in Monitis ad Philippum Hispaniarum Principem, Philippi II. Regis filium, quæ postea typis data, publici iuris facta sunt, atque à militaribus viris summopere commendata. Sic enim loquitur, ex Hispano verso fideliter in Latinum sermone. *Cùm Celsitudo vestra in promptu habebit Equitatum, pedestres copias, tormenta, omnemque bellicum apparatus, lustrationesque sæpius repetitas totius exercitus, ne regionem circa, multitudine grauet, imperabit, ut per diuersas vias turmatim incedat, ac sistat ad regni confinia, ubi apta planities sit, in qua castra metanda sint. Tunc eligenda est sedes armorum in ea amplitudine, ut acies mox explicari queat promptissimè cùm classicum canitur, tam de die, quàm noctu; itaut inter vnum agmen, & alterum, tanta intercapedo sit, qua possint liberè remanere cùm opus fuerit, militum globi. Porro ponè hanc sedem locanda quarteria, seu stationes, in eius aditu constitutis vexillis, quod euocati milites sub suis signis, recipiantur. Nonnulli experientia ducti, singulis centurijs decem circiter passuum frontibus attribuunt spatium, ac triginta fundi, secundùm quod maior, aut minor est numerus militum in ijs merentium; ac distantia frontis signorum ad situm in quo consistere debent turmæ, spatium quadraginta, vel triginta passuum; atque à fronte stationum ad munimenta, & aggeres; quindecim, aut viginti. Etenim cùm miles ad pugnandum incedit, & simul nescitur, minus spatium occupat, quam cum sistit in acie tantummodò explicata. Qua profectò mensura ratio id præstat, ut veluti circino armorum sedes apprimè constituta sit, nec militum numero non respondens. In hac igitur statione, quam liberam, & expeditam ab omni impedimento conuenit esse, locandi sunt vigiles ad custodiam, in distantia octoginta circiter passuum ab signis, adiecto igne, ut nocte luceat ad prospectum: nec minus spatium requiritur ad iustam consistentiam; quoniam re ipsa comperi, dum bello præ-*

ram, non semel adactum fuisse inibi tentoria figere, quibus huiusmodi vigiles ab aeris inclementia, frigoris asperitate, aut Solis nimio ardore conficerentur. Inter statua, medium inter signa, & bellatorum quarteria, figi debet Regale Tentorium cum suis custodijs, in quo Celsitudo Vestra cum suo Comitatu, & primis militiae ducibus, ut præstò sint ad imperandum quid factò sit opus, consistent. Vbi id aduertendum, quod inter quarteria, & V.C. ac Ducum papiliones, ampla itiones, & via aperienda sunt, quò miles, absque ulla confusione ac tumultu, ad hoc accedere ad excipienda mandata possit, & ex his ad illa iterum remeare. Expedit autem, ut Tentorium V. Celsit. deputatum circumquaque lineo velo infra staturam hominis obducatur; extraque illud ad pedes paruula fossa excavetur honoris causa, ne cuius facilis pateat aditus ad Celsit. Vestram: ità tamen, ut hæc vallatio, non minimè speciem habeat, sed maiestatis. Nam aliàs indicium timoris faceret hosti, à proprijs copijs, quibus non fideret, imputandi. Hucusque expertissimus, & consultissimus hic exercituum ductor, ac zelantissimus, tam in militaribus rebus, quam in Politicis, Regum Administer. Vbi ad oculum sistitur pulchra, & ordinatissima sedis armorum facies, quæ maiestatem simul, & securæ stationis venustatem præferat. Pergit postea docere quem locum, tam in acie, quam in castris occupare debeant belli moderatores, ut in omnium oculis, ac manibus sint; qualiter copiarum continendæ; quomodo stationes, & quarteria distribuenda; quo demùm pacto ad prælium procedendum, qua promptitudine hostis excipiendus, aut adoriendus; quo tempore insequendus, vel dato signo receptui se conferendum. Cæterum (ut ad sedem armorum redeam) quotiescumque videris apud Scriptores militares absolute sedis mentionem fieri, semper intellige de fixa statione in aliquo Oppido opportuno ad hoc electo, ut inibi miles consistat, quoadusque, ad manus cum hoste conferendas educitur. Sic Polybius, Cæsar, Ammianus, & alij passim. Vnde etiam in l. 2. C. de Præfecto Prætor. Africæ, habetur in §. Quantos, hoc præscriptum, quod Duces, ac milites, secundum nostram dispositionem, in locis, seu Civitatibus, quibus iussimus, sedcant.

- 69 SEMIOVADRATVS in Astronomis est aspectus, & mutua irradiatio duorum siderum, in distantia grad. 45. vel sanè quartæ partis semicirculi in mundo considerati; qui etsi ab antiquis etiam agnitus fuit, non tamen plurimi factus, utpotè exilis valde virtutis, & efficaciarum ab ipso perfectò quadrato sibi communicatæ. Verùm multi recentiores plurimis experimentis confirmati sunt, ipsum aliquando, saltem in indicationibus, primas inter radios reportare, atque esse

esse, veluticardinem, supra quem reliqui disponuntur, & sibi mutuò conspiciunt. Hali Rodan in *Comment. ad Quadripart.* ipsum amplectitur in Medicinalibus, & in Circulo positionis Cometarum; in reliquis euanidum dicit. Aliqui insuper obseruauerunt, Aphetam constitutum in medietate vndecimæ domus, vnde projicitur radius semiquadratus ad Horoscopum, esse impotem ad vitam prorogandam, & munus hylegiale subeundum; atque adeò in eo casu alium substituendum. Sed quidquid sit de huiusmodi nouis inuentis, quæ non nisi post longum tempus, & repetitas experientias nunquam fallentes, admitti debent; certè in morbis, & ægrorum decubitu, nemo ibit inficias, semiquadratum, præsertim Lunæ ad suum locum radicalem, esse primum indicatium futuræ crisis, ac proinde de toto cursu ægritudinis; vt obseruat Argolus in *lib. de diebus criticis*, & possunt quotidie Medici experiri: estque vnus, & primus è sexdecim angulis peragratiōis Lunæ, quos Auctor Centiloquij præcepit obseruandos esse super ægrotis: vt fusè nos ostendimus in *v. Decubitus*.

Præterea in Lunationibus hic aspectus magnam vim obtinet ad significandas, ac decernendas aëris mutationes in tota illa periodo subsequuturas: nec quidem absque fundamento eruto ex ipsis Philosophiæ principijs, & praxi. Quandoquidem Luna in ea distantia se extricat à Sole, & incipit se spectabilem reddere; vnde consequenter, extensione lucis, hæc sublunaria alterare. Hinc Axioma illud, vel in ore rusticorum frequens *Quarta, Quinta, qualis; erit Lunatalis*. Quod experimento comparatum, Ptolemæus, Aratus, ac Plinius testatum faciunt. Huic valde affinis est, & respondens in numeris

SESQUIQUADRATVS, radius videlicet, qui quadratum simul, & eius semissem concludit, maioris vtique efficaciz, vtpotè à maiori distantia proiectus, atque à Keplero per analogiam ad tonos musicos, detectum, & comprobatum. De quo satis dictum alibi.

SEMITONIVM in musica nil aliud ex etymo indicat, quam dimidiatum tonum: re ipsa tamen dimidiatus tonus non est, nec dici potest, sed tonus imperfectus, & ab veri toni ratione deficiens. Vnde bene Boethius lib. 2. cap. 27. *Videntur*, inquit, *semitonia nuncupata, non quod verè tonorum sint medietates, sed quod sint non integri toni: huiusque spatij, quod nunc quidem semitonium nuncupamus, apud antiquos Limma, vel Diesis vocabatur: hic modus est. Cum enim ex sesquitercia præportione, qua Diatesseron est, dua sesquioctaua habitudines, quæ toni sunt, auferuntur; relinquitur spatium, quod semitonium nuncupatur. Etenim in illa particula semi, latet æquiuocatio, quandoquid-*

doquidem non semper semissem appellat, sed quandoque etiam, qualem qualemque defectum ab integritate. Ut ex.gr. semiuocalis appellatur à Grammaticis, litera l.m.n. &c. non quod dimidium uocalis sit, (quinimò consonans, & à uocali discreta) sed quia in pronunciatione, à uocali incipit, & uocalis naturam referre videtur, ac postea fallit, desciscitque in consonantem. Ità planè sunt semitonija, quæ quidem non vnus in partes tribuitur, sed verè duo toni sunt, æt spurij, & imperfecti, eoquod seorsim singula non assequuntur interuallum vnus toni; & collectim exorbitant. Namque vnum, quod vocatur maius, non complet medietatem integri toni, & alterum, quod dicitur maius, illam exsuperat, quantum est ratio vnus Commatis. Sed inquires: Cur non in duas æquat partes diuiditur tonus, ut fiant duo æqualia semitonija? Aio, in Musicis id neutiquam fieri posse. Cum enim tonus, ut suprà cum Boethio, consistat in proportionem sesquioctaua, quæ sit ex.gr. 9. & 8. profectò inter hæc duo non datur medium. Quocirca ad caput recurrendum, & numeri multiplicandi, ut clucescat proportio. Sic 9. duplicatus exsurgit in 18. octo verò duplicatus abit in 16. Nunc inter 16. & 18. medius est 17. Itaque in seriem dispositi, 16. 17. 18. Sextusdecimus numerus comparatus ad decimumoctauum, habet proportionem, sesquioctauam, ideoque est verè ex integro, & rigorosè tonus. At medius 17. non partitur hanc proportionem in æquas partes, eo quod comparatus ad 16. illum continet, & adhuc vnitatem, hoc est, sextamdecimam partem ipsius. Si verò comparatur 18. medius ille 17. habebit idem totum, & insuper suam vnitatem, quæ respectu huius est deficiens, respectu illius excrefcens. Manifestum est igitur, hunc numerum, quem constituimus medium, non secundum æquas partes proportionem habere ad extrema, namque à maiore vincitur, & minorem supergreditur, quas ideo partes dicimus imperfectos tonos, & semitonija, è quibus vnum denominatur maius semitonium, alterum semitonium minus, quod ab illo vno commate distat. Et hoc est, quod ex mente Philolai, datis singulis minorum interuallorum, terminis, ac nominibus, explicat idem Boethius lib. 3. cap. 8. *DIESIS*, inquit, est spatium, quo maior est sesquitercia proportio duobus tonis, Comma verò est spatium, quo maior est sesquioctaua proportio duabus diesibus, id est duobus semitonij minoribus. Schisma est dimidium Commatis. Diaschisma verò dimidium Dieleos, id est semitonij minoris. Ex quibus illud colligitur, quoniam Tonus quidem diuiditur principaliter in semitonium minus, atque Apotomen: diuiditur etiam in duo semitonija, & comma. Quo fit, ut diuidatur in quatuor diaschismata, & comma. Integrum verò dimi-

dimidium toni, quod est semitonium, constat ex duobus diaschismatibus; quod est unum semitonium minus; & schismate, quod est dimidium commatis; quoniam, cum totus tonus ex duobus semitonij minoribus, & commate coniunctus est: si quis integrè dinidere velit, faciet unum semitonium minus, commatisque dimidium; sed unum semitonium minus diuiditur in duo diaschismata, dimidium verò commatis unum schisma est. Rectè igitur dictum est, integrè dimidium tonum in duo diaschismata, atque unum schisma posse parti. Quo fit, ut integrum semitonium à minore semitono uno schismate differre videatur. Apotome verò à minore semitono duobus schismatibus differt: differt enim commate: sed duo schismata unum perficiunt Comma. Hucusque Boëthius. Sed audiamus quid super hæc philosophetur Theodatus Osius, acutissimus Boëthianæ mentis interpretes, in sua Sylva nouar. opin. cap. 75. data eius rei demonstratione.

Comma musicum, inquit, est ea pars toni, quæ venit super duo semitonia minora ad implendum tonum; & dicitur ex minima distantia vocis à voce, quæ aure possit percipi. Musici dicebant, eum nouies metiri tonum. Sed Philolaus dixit esse vigesimam septimam partem eius, atque Aristoxenus duodecimam. Ego considerans Diatessaron occupare duos tonos, & semitonium minus, digero ordinem quinque tonorum sub signis A. B. C. D. E. mox ab acutiori eorum digerens Diatessaron in graue, eam claudio sub semitono F. rursusque aliam conuertens à graui in acutum, eam firmo sub alio hemitono, ubi G. sed ex duabus diatessaron implemur quatuor toni, & duo semitonia minora: quare deficit solum spatium commatis ad intervallum quinque tonorum; cuius quantitas, quæ in positio themate est 21459. quia octies, & suprâ dimidium nona mensura numeratur in intervallo toni, C. ostendit comma non esse partem toni, quem non explicat octies replicatum, & quem nouies replicatum excedit; pars enim est, quæ sæpè interueniens implet totum, & comprobat tonum non habere partes; indicatque semitonium maius non facere notam musicam, quia est ex semitono minore, & hoc commate.

En Demonstratio;

A. Tonus 147456	1179648.	}	393216. Diateffar.
	1327104.		
B. Tonus 165888	1492992.	}	79872. Semit. min. F.
	1572864.		
C. Tonus 186624	1594323.	}	21459. Comma.
	1679616.		
D. Tonus 209952	1889561.	}	35293. Semit. min. G.
	2125764.		
E. Tonus 236196		}	531441. Diateffar.

Concludit igitur, Comma musicum non esse partem toni, atque ideo tonum non sumere medietatem harmonicam. Quapropter infert, musicos perperam fecisse, deuidendo Tonum in Semitonium maius, & Semitonium minus. Nam etsi, ait, gratia interualli ex hoc & in illo impleatur Tonus; nihilominus hæc duo non sunt partes illius; sed immò Semitonium minus, quia facit Notam, stat per se, eo modo quo stat Tonus; & est ultima vox quadrifidi Systematis Antiquorum, sub *Melopeia Diateffaron*. Semitonium verò maius non facit Notam consonam, redditque vocem dissonam, arte inuentam ad distorquendum animos; & insciendum mores. Sed hæc speculationes sunt, quæ, ni aëu practico comprobentur, subsistere nequeunt, tantò minus intelligi. Namque, ut rectè monet Boethius de *Musica lib. 3. cap. 10.* has omnes consonantias ritè esse animo, atque auribus notas: frustra enim hæc ratione, & scientia colliguntur, nisi fuerint usu atque exercitatione notissima. Quocirca hic sisto, & amantem veritatis Lectorem, ad practicos Artis Professores amando.

74 SEPARATIO apud Astronomos, est species quædam defluxus pla-

planetæ ab alterius habita coniunctione: quando videlicet planetæ leuior, post congressum partilem cum ponderoso; discedit ab eo, & tantumdem elongatur, quantum importat aggregatum semidiametrorum vtriusque. Et ea quidem in duplici differentia est: vna simplex, quando ambo sunt directi, sed leuior cursu suo remouetur in pluribus partibus: altera, quæ dicitur mutua; quando nimirum planeta, qui in pluribus partibus est, directè graditur, & is qui in paucioribus, adeoque ponderosior, sit retrogradus.

SEPTENTRIONES absolutè dicuntur septem stellæ existentes 75
propè Polum Mundi Arcticum, adunatæ in imaginem, & constellationem Vrsæ minoris. Quamquam communi vsu, sub eo nomine veniunt aliquando aliæ septem stellæ in simili positione constitutæ in Vrsa maiore, & se solis, vt illæ efformant Plaustrum cum quatuor rotis ac temone, altero ad alterum obuerso: vnde ob similitudinem formæ, & quia ad Polum vtræque adstant, & propius circumuoluntur, *Triones septem* vocitatæ sunt, steritque nomen ijs potissimum, quæ lucidiores sunt, & plaustrum maius repræsentant, & ideò Virgilius Aeneid. 1. *Geminosque Triones* appellat: Triones autem sunt dictæ, per respondentiam ad Arcturum, qui Plaustrum veluti dirigit, vt bubulcus triones, hoc est, boues arantes, seu terram scindentes, quales olim hæ nominabantur, quasi *Teriones*. Hinc, à plaga, vbi hæ plaustra consistunt

SEPTENTRIONALE denominatur omne id, quod quodammodo 76
ad septem triones relationem habet, & ad Polum Arcticum vergit; vt septentrionalis plaga Mundi, quæ citrà æquatorem ad polum vsque extenditur, atque ex parte à nobis Europæis inhabitatur, Septentrionalis Zodiaci semicirculus, ab initio Arietis vsque ad finem Virginis per Tropicum Cancri procedens, extensus; Septentrionalis Latitudo, Declinatio, &c.

SEPTIZONIVM antonomasticè denominatum fuit nobile Aedificium, & excelsa moles toto orbe celebratissima, Romæ à Seuero Principe magnificentissimè ædificata iuxta viam Appiam, quod esset sibi mortuo Conditorium, ac Mausoleum Romani intrantibus admirandum, Africanis popularibus suis, terroris incitamentum, & cum Carix Mausoleo ab Regina Artemisia suo coniugi posito, de primatu, & præstantia Operis, inter septem Orbis Miracula, computandum. Septodium, & Septifolium Plinius, Iuliusque Capitolinus appellauere; sed Septizonium communiter, Aelius Spartiata, Suetonius

nius, Ammianus Marcellinus, alijq; vetustiores Scriptores nominant, deriuato vocabulo à septē zonis siue solijs, & ordinibus columnarum sublime assurgentibus. Alij dictum volunt à septem vijs regalibus, quæ in ipsum terminabant. Sed enim duo Septizonia in Vrbe, & Orbi celebria extitisse, omnes ferè Scriptores commemorant: Vnum dictum Antiquum, cuius vix nomen, & locus superest in hominum memoria vbi extructum fuit, de quo perhibetur, quod iuxta illud natus fuerit Titus, in paruo, & obscuro cubiculo: vbi nunc extructa est Basilica SS. Mart. Nerei, & Achillei, titulo Fasciolæ, eoquod ibi excidisse ferunt B. Petro Principi Apostolorum fasciolam, quæ circumligatam tenebat tibiam, ob acceptam plagam à vinculis, quibus constrictus fuit in custodia Mamertini; quod alij fabulam deprædicant. Vt ut sit, qualis illa moles fuerit, & à quo primùm posita, in obscuro est. Alterum recentius, ædificatum (vt dixi) à Seuero Imperatore, in valle, quæ interposita est, Palatinum inter, & Cælium Collem: cuius adhuc extabat pars ruinam minitans, tripartio ordine columnarum, altero alteri superimposito, tempore Sixti V. quæ operis amplitudinem, & magnificentiam declarabat; quæque ne de repente cum vicinarum ædium damno rueret, ab eodem Pont. ad terram deiecta est, & materia ad alia vtiliter applicata. Sed audiamus Marlianum testem de visu, qui sic de ea parte, quæ suo tempore superstes erat, discurret lib. 4. cap. 16. *Est Septizonium magna quadam Moles quadrata, quæ septem cingulis, idest Columnarum ordinibus inuicem superimpositis, in modum quatuor porticum, ambitur: itant columnæ, quanto altiores, eò minores, breuiioresque disponantur; in cuius medio quatuor parietes loculos quosdam facientes, surgunt; & in summo, Regum vel Imperatorum condebantur cineres.* Hanc sibi, vt memorauimus, Seuerus posuit pro sepulchro, eo potissimum fine, vt qui ex Africa, (quos vtique, etsi comprouinciales suos, summè oderat, & affligerat) Romam aduentitarent; magnitudinem suam in opere admirarentur; vel, vt alij volunt, suis se Africanis hostem insensissimum (subacta prouincia deletaque Patria Lepti) memoria refricaret, atque, etiam mortuus terrorem incuteret, hoc illis obiecto ad oculos ac mentem, odiosissimi monumiento. Certè Aelius Spartianus, hæc de eo profatus est. *Cum septizonium faceret, nihil aliud cogitauit, quam vt ex Africâ venientibus, suum opus occurreret:* Cæterum opus hoc, quoad Architecturam, & structuræ maiestatem, magnificentissimum erat, ad Corinthianæ rationem totum è quadrato marmore, septem ordinibus fornicum, & columnarum in sublime surgentibus; vt non tam mortuorum conditorium, ac funerale spectaculum, quam Triumphatoris trophæum ex ho-

sibus reportatum, viuorumque incitamentum ad admirationem, & ad captandam ex ascensu, diuerforum aspectuum iucunditatem. Scio equidem nonnullos exitisse, qui crederent Septizonium dictum, non à septem Zonis, seu ordinibus columnarum, sed constitutis in plano, in amplitudine septem fornices cum suis columnationibus complectens: id quod probant ex interioris ædificij è quadrato lapide (cuius vestigia etiamnum visuntur) effossis fundamentis: inter quos Philander in notis ad cap.9. lib. 5. Vitruu. Nam *ultrà quartam columnationem sursum versus*, non puto, inquit, antiquos esse progressos. Nec credibilis reliqua altitudo, fastigium ad cacumen aestimantibus. At contrà facit singularitas operis, quod ideo fuit mirandum, & peculiari nomine insignitum; facit communis æstimatio, quâ, vt clariùs indicaretur, Septisolum, quasi septem solarijs erectum dixere: facit non diutina subsistentia, ob nimiam altitudinem, vnde breui corrui, remanente adhuc triplici ordine, quod indicio est, quatuor reliquos ordines suprâ se habuisse: neque enim tanta moles, admirationi, ac tot laudibus decantata fuisset, si æquè in plano, in latitudinem directâ esset, nec tam citò temporis iniurijs cecidisset, vti videmus alia minora, & longè vetustiora ædificia adhuc extantia. Fauet huic coniecturæ Philippus Beroaldus in notis ad Sueton, vbi dicit: *Septizonium dimidiatum adhuc Roma inuifitur: & nos proximo anno curiosis oculis sumus contemplati: supersunt tres operis ambitiosi, veluti zona, columnarum pulchritudine magnificentia, altitudine, spectabiles*: Et Baptista Egnatius in notis ad Suetonium: *Septizonium*, inquit, *opus Seueri maximè memorabile, à septem fortassè columnarum ordine*. Quamquam, vt verum fatear, non ab ordinibus columnarum, sed verè à septem zonis, hoc est epistilijs, seu trabeationibus suprâ singulos ordines columnarum extantibus, dictum septizonium credo, quæ circumcîrca, ædificium constringebant: ita tamen vt in metam assurgeret, & quò editior ordo, eò breuior, & contractior. Vt vt sit, certè sepulchrale monumentum erat, adeoque credibile, vt in morem reliquorum eiusmodi Polliandriion, atque in speciem eius quod Arthemisia Cariz Regina Mausolo viro suo posuit, factum. Neque hic audiendus Famianus Nardinus, qui in sua Roma antiqua, deridet eos, qui existimant non ad hoc Septimium Seuerum, molem hanc posuisse, vt aliquando sibi pro conditorio foret, sed ad nominis immortalitatem captandam apud suos Africanos, eoquod Spartianus, vt supra, dicat, nullam aliam cogitationem illum in eius ædificatione habuisse, quam vt ex Africa venientibus, non cineres, sed suum Opus occurreret: quandoquidem non negat Aelius, id fuisse sepulchrum: & poterat

vetrumque esse, nempe quod ideò tam magnificum excitasset, ut simul & spectabile Africanis de longe venientibus foret, ab operis magnificentia; & sui memoriam illis ingereret ob conditos inibi eius cineres. Sed adhuc ab ipso Spartiano euincitur Nardinus, Septizonium hoc fuisse Seueri Sepulchrum. Nam in Geta Seueri filio ab Antonino fratre Imperij cohærede occiso, aperte dicitur, totius vrbis luctu curatum funus, illatumque eius corpus Maiorum sepulchro, *bocest Seueri, quod est in Appia via, euntibus ad portam, dextra, specie Septizonij extructum; quod sibi ille viuus ornauerat.*

- 79 SERPENS, Sidus in Cælo ad borealem plagam, constans stellis decem & octo, iuxta Ptolemæi, & Antiquorum recensionem: At Bayero sunt 37. adunatis nimirum, & relictis in ipsum alijs 17. (quæ prius erant informes) computatisque in eo aliquibus, quæ potius ad Ophiucum pertinent, quocum est alligatum; interque eas; quæ in manu sinistra fulget, tertiæ magnitudinis, arabicè dicta *Yed*. Est Constellatio satis ampla in latum producta, & completens tria ferè signa, Scorpionem, Sagittarium, & Capricornum, variè discurrens, ut serpens spiris, & flexuosis nexibus obuolutus. Eius qualitates noxiæ sunt, & humorum corruptrices; quippe omnes ferè stellæ in ea consistentes, participant de natura Veneris, & Saturni, pugnantium porro qualitatum mixtione pollutæ; & ideò in venenatam Serpentis figuram collectæ sunt, quòd humorum intempericni, & corruptionem adducant. Quamquam Petr. Io: Faber in suo *Panchymico*, lib. 2. cap. 29. Saturni, & Martis naturæ participes facit. *Vnde* (subinfert) *ferocitatem cum crudelitate, labores ingentes, & insanos, pestilentiam, luem, morbos infundunt. Vnde homines, quibus hæc Constellatio præest, feroces sunt & crudeles, infatigabiles, sitim, & famem patientes, bellicosi admodum, sed tardi ingenij, & rudes & agrestes, brutorum potius mores imitantes, ac emulantes, quam hominum.* Sed contrà sentiunt Maternus, & Pontanus; qui potius hominem sub serpente natum faciunt ingeniosum, Naturæ arcanorum perscrutatorem, quique supra serpentes intelligentiam, & potestatem habeat, antidotisquæ eorum ictibus, venenatisque rebus occurrat. En Pontani testimonium in *Vrania*.

Hic Marfos dabit exorians, qui vulnera cantu

Qui sanent morsus, nigro qui sorte veneno

Vngvine pæonio, & succis medicentur, & herbis;

Qui ferro, atque igni, referantque Macheona dextra.

Oritur autem Serpens Romæ cum extremis partibus Scorpij mense Nouembri, ac signatè *Yed*. Die 6. vbi vtrplurimum adducit copio-

piofos imbres , ac nebulas , & si Mars consenserit , nives .

SERPENTARIVS aliud sidus Serpentem gestans , Vide *Ophiucus* .

SERRA vulgare instrumentum , Mechanicis , & Fabris omnibus obuium , sed non vulgare Organum , ex pericia Mathematicarum , scientiarum comparatum , atque à Dædalo in ijs versatissimo , vt ferunt , primum inuentum , ad secanda facillimè , & æquabiliter ligna & lapides , magno cum operæ fanore factum . Est enim denticulis seriatim obductum ad modum Cunei , prominentibus ; cuius profectò vim , & operationem participat , & imitatur : de quo satis dictum , in loco . 80

SERRA etiam apud Polemicos , ob quandam similitudinem , & analogiam , vocitari solet in Acie militari , certus equitum ordo non sibi constans , & vno loco consistens , sed ab reliquis copijs seiunctus , ac vagus , huc illucque discurrens , & inspectans vbi magis periculum incurrat acies sese turbandi , & ab hostibus dissipandi : nam tunc acutissimè istos adoritur , incerto & inæquali cursu , & modo accedit , modò recedit , modò subsilit , modò in eorum cuneos se immittit , & penetrat , ac tandiù eos quaquaversum impetit , obtunditque , donec socij locum habeant sese colligendi , & prælium animosius reparandi . Quare Festus , *Serrà* inquit , *præliari dicitur , cum assidue acceditur , recediturque , neque ullo consistitur tempore* . Id quod tunc fieri notat acutissimus Lipsius , *Quando Manipuli primæ aciei , modò inuadebant , modò resiliabant , & reddebatur dentata quasi serra* . Sed aliter rem explicat Vegetius præliandi artis expertissimus , & Magister , lib. 3. cap. 19. *Quæ , ait , à strenuis directæ , ante faciem opponitur hostibus , vt acies turbata reparetur* . Et in hoc eodem sensu accipitur à Sallustio in Iugurth. cum dicit : *Non vi equestri prælio solet sequi , diù cadere , sed aduersis equis concurrere , implicare , ac perturbare aciem &c.* Quamquam ex Liuiο lib. 31. Histor. Roman. colligi potest ; hunc morem hostem insectandi , barbararum nationum peculiarem fuisse , ab Romanis verò æquis belli æstimatoribus , nec probatum , nec in quouis discrimine in vsu positum : quin etiam contrà Philippi Macedonis aciem , insidiosè , modo in orbem modò in Serram sese explicantem , vt illos circumuenirent ; immotos impressionem sustinuisse : mox de equis descendentes , immiscentesque se peditibus , animosè , facie ad faciem , fixo pede , scuto tantum protectos , gnauiter depugnasse . 81

SER-

- 82 **SERRATILE CORPVS** appellant Geometræ (quâ ratione nescimus) quod vndique, quinque superficiebus dispartibus, continetur & clauditur : quas inter, duæ diametraliter oppositæ in longum sunt, triangulares, & æquilateræ; reliquæ tres in latum abeuntes, quadrilateræ, & quadrangulæ: adeovt, si collocetur iacens supra basim longam, & quadrilateram, referat speciem quandam feretri emortualis: si verò erigatur, & assurgat supra basim trilateram, gerat vicem pyramidis æqualiter procedentis, & substitui queat in locum columnæ, seu parastadis, in ædificijs. Id quod in Architectura, cum laude, & commodo receptum est, vbi matetia non suppetit, aut sitis arcitudo non patitur columnas rotundatas admittere, ac multò minus, amplas, & quadratas parastadas. Et porro sæpè non tam defectum supplet, quàm operi adijcit decorum, ac venustatem, præsertim in angulis, & in aditis ostiorum, loco Antarum, & parastatum: quemadmodum non ita pridem factitatum Romæ vidimus in plerisque ædificijs.

SESQUIQVADRATVS *Aspectus*. Vide in V. *Semiquadratus*.

- 83 **SEXAGENARIA** *diuisio* celeberrima est apud omnes Astronomos. per eam enim diuiduntur partes Signorum, & gradus Acquatoris in sexagenas minutias, & harum singulæ iterum in alias sexagenas vsque (si placet,) in infinitum, quod partibus proportionalibus auspiciandis commodissimum venit. Extat apud omnes ferè Ephemeridum Calculatores, Tabula Sexagenaria protracta per longum, vsque ad grad. seu scrupula 60. & per latum vsque ad 180. & amplius si placuerit: vbi facillimè & ad ictum oculi, inuenitur peractus calculus astronomicus, & pars proportionalis quesita, adeoque leuantur rytones à fastidiosa numerorum multiplicatione, ac diuisione, necessitati per regulam auræam faciendâ; cum accepto in fronte tabule numero multiplicando, vel in minutias diuidendo, atque à latere dextrorsum in primâ columna, multiplicatore, vel diuifore; statim in area laterali vtrique communis, habetur numerus quotiens diuisionis, aut productus per multiplicationem. Sed enim res meliùs intelligetur ex præxi, quam per quancumque nostram descriptionem. Ideò superuacaneum est, in ea explicanda diutius immorari.

- 84 **SEXTANS ASTRONOMICVS**, seu *Trigonius Geometricus*, nobile instrumentum est à Tychone subtiliter excogitatum, atque ad vsum feliciter deductum; quo medio, stellarum positus, altitudines, longitudes, ac latitudes vsque ad vltimas minutias excipiuntur.

Et

Et quidem ei acceptam habemus, factam ab eius inuentore stellarum recognitionem, & vniuersam Astronomiæ instaurationem. Cuius pars & vsum fusè explicat ipse Tycho 10. 2. de noua Stella Cas-
siepæ.

SEXTERADA, seu *Sexteriata* apud Agrimensores, est species 85
quædam mensuræ agrariæ, & modus Campi seminabilis, respondens
in capacitate seminis iacti, ad mensuram sextarij: eo modo quo nunc
apud nos, appellatur modius terræ, tantum spacij seminabilis, quan-
tum seminis intrat in capacitatem modij frumentarij. Quamquam
Sexterada nomen inuenio aliquantò latius vsurpatum pro agris
etiam incultis, ac Syluis. Sic in Tabulario S. Ioannis Angeriac.
apud Du-Cange in Glossario, ad ann. 1031. scriptum habetur.
Reddo modium inunctum de prato, & quatuor sexteras terre arabilis.
Et in Epist. Gaufridi de Medunna, quæ extat in Spicilegio Atheria-
ni, 10. 2. dicitur. *Dedi ducentos modios terræ ad opus rusticorum vestro-
rum, quos Sextariatas dicitis.* Plura etiam testimonia, secundum di-
uersas alias acceptiones affert, ipse Du-Cange in hoc Verbo. Hinc
Sextaneus limes, apud Rigaltium in Glossa ad *Agrimens*.

SEXTILIS RADIVS, græcè *Hexagonus*, est familiaritas à sideribus 86
adinuicem contracta per sextam Circuli partem, seu in distantia,
duorum Signorum. Est eiusdem naturæ & conditionis cum Trino,
licet imperfectior. Vide quæ fusius dicta sunt in V. *Familiaritas*, &
alibi sæpè.

SIDVS, siuè (vt alij scribunt) *Sydus*; propriè denotat plurimum, 87
singularium Astrorum, seu stellarum colligantiam in certam quan-
dam Imaginem, quales sunt omnes 48. quas Antiqui affinxerunt in
Firmamento, seu Cælo Fixarum, vbi omnes variè dispersitæ sunt,
& in formam redactæ, paucis tantummodò relictis informibus, quæ
tùm haud concinnè potuerunt in vnam eandemque Imaginè aduna-
ri: quod postea à recentioribus Astronomis, magna ex parte factum
est. Atque in primis, alias 12. Imagines ad veteres addidere, for-
matas ex stellis in parte Australi, circa Polum, & Circulum Antar-
cticum detectis. Differt autem Sidus à Signo, quod licet hoc figu-
ram ac denominationem habuerit olim à fidere, & stellis fixis, quæ
sub eo erant, (quandoquidem non erat adhuc compertum, quod
Primum Mobile esset orbis distinctus à Cælo stellato) attamen ri-
gorosè acceptum, abstractum est à sideribus, & appellat duodeci-
mam quamque partem Zodiaci in æquas partes disiecti, quarum
quæ-

quælibet comprehendit 30. gradus, & habent relationem ad quatuor puncta Cardinalia, vnde intenduntur, remittunt, & variantur combinationes primarum qualitatum in anni temporibus, ex propè, & longè fieri Astrorum ad dicta puncta: Sidus autem, vt innai, dicit certum stellarum fixarum numerum, in prædictas imagines collectarum, siue ex in Zodiaco sint, siue extrà Zodiacum, per totum Cæli expansum, quæ neque in magnitudine, neque in stellarum numero pares sunt, sed aliz alijs maiores, luminibusque locupletiores. Quocirca nullatenus considerantur in Primo Mobili, sed in Firmamento, vt aliàs de singulis, suis in locis dictum est; quæ motu suo, quamuis lentissimo, successiue permutant loca in Zodiaco: vnde, sidus, & Constellatio Arietis, & signatè stella, quæ est in dextro eius cornu, quæ olim tempore Ptolemæi, erat in ipsa sectione verna, & incidebat directè in Aequatorem, nunc recessit ad 29. fere gradus, declinetque ab Aequatore ad boream, grad. 17. 40. Vt totum ferè sidus abierit in Signum Tauri, subintrantibus in eius locum, stellis quæ sunt in Piscibus, & sic de singulis, vt suo loco dictum. Cæterum vulgò etiam ipsorum Astronomorum, sæpè sidera & signa confunduntur, ac promiscuè vsurpantur. Quinimò apud alios Scriptores non rarò inuenies, siderum nomine, venire nedum singulares stellas fixas, sed & ipsas erraticas, seu planetas. Vti sæpè apud magnos auctores purgatissimi alioqui sermonis, inuenies; Plinium, Ciceroem, Quintilianum, & alios.

88 SIDERA DISCVRRENTIA abusiue, & per quandam similitudinem, nominantur pseudo-quædam stellæ, seu ignitæ exalationes in aere accensæ, & inordinato quodam motu ac velocissimo, hinc illucque sese ferentes, ad modum pyrobolarum, donec accensa materia absumatur. Hæc autem, cum apparent, ventos vt plurimum portendere, docet Aristoteles in Meteor. lib. 1. cap. 7. De quibus fusè alibi dictum est.

89 SIGNA apud Astronomos (vt paulò antè tactum fuit) sunt notæ quædam, & certæ Zodiaci diuisiones in duodenas æquas partes tributi: quarum singulæ ad 30. gr. in longum extenduntur, ita ut omnes simul nu. 360. grad. expleant, in quos totus Zodiacus, (vt & omnis Circulus Maximus) dispescitur; atque in latum, sex, aut nouem, hinc inde ad Eclipticam gradibus, concluduntur, quantum videlicet planetæ extrà Eclipticam diuagantur; suntque à sideribus, seu Asterismis qui directè sub ipsis cadunt, denominata, quæ incipiunt à sectione verna, & pergunt successiue ad solstitium æstiuale, Aequi-

noctium autumnale, Brumam, & solstitium hyemale. Primum ergo est Aries; Secundus, Taurus; Tertius, Gemini; Quartus, Cancer &c. Quæ nihilominus totum Cæli expansum sibi appropriant, ac ductis à polo ad polum circulis maximis per tricenæ Eclipticæ partes transeuntibus, vnumquodque suam sibi partem regendam assumit, sideraque omnia, etiam extra Zodiacum diagentia, sed intra dictos circulos, seu semicirculos (quantum sibi omne signum vendicat,) comprehensa, sub tali, & tali signo esse dicuntur.

Porro hæc Signorum distinctio, & ordinatio, etsi ad hominum placitum facta, non fuit sine magno consilio, & fundamento in re, introducta: nam habet respectum ad realem Astrorum influxum per ordinem ad loca, vnde emittunt radios proportionales, quibus intenditur, aut remittitur eorum vis, qua agunt, & alterant isthæc inferiora. Vnde merito aliqua dicuntur mobilia, quia ex ijs fit transitus in aliam primarum qualitatum combinationem; alia fixa, quia in accepta combinatione adhuc permanent; alia communia, quia de vtraque & precedente, & subsequente combinatione participant. Præterea à singularum initijs acquirunt proportionales gradus talium qualitatum, prout sunt in proportionalibus distantijs à punctis, vnde hæc qualitates incipiunt intendi, aut minui. Quandoquidem initium Tauri est in triuo radio ad initium Capricorni, & in sextili ad initium Cancræ, ex quibus incipiunt Planetæ influere qualitates passivas; & econtrà initium Geminorum est in Trino ad initium Libræ, & in sextili ad initium Arietis, vnde incipiunt influere qualitates actiuas, & sic discurrendo per reliqua signa. Igitur non ab re fuerunt illis & figuræ, & nomina attributa, quæ eorum naturam, & affectiones exprimerent. Vti etiam & aliæ distinctiones, & agnomina, quibus variè denominantur; Nocturna, Diurna, Masculina, Feminina, Pulchra, Deformia &c. namque omnia sunt per aliquem respectum, & analogiam ad ea, quæ suo nomina, aut figura præferunt. Sic etiam ratione situs singula dicuntur præsidere supra certas regiones, & Ciuitates; vel quia ipsis sint verticalia, vel sanè quod in earum adificatione fuerint ascendentia. Similiter ex membris humanis habent, singula singulis dominari, quod vel ratione, vel sanè ab experimentis nunquam fallentibus, comparatum est, ac paucis expressit Manilius in Astronom. lib. 1. his versibus.

*Namque Aries capiti; Taurus cervicibus hæret;
Brachia sub Geminis; censentur pectora Cancro;
Te Scapula Nemæe vocant; teque ilia Virgo;
Libra colit clunes; & Scorpius inguine regnat:*

M m m m m

Et

*Et semur Arciteuens; genua, & Capricornus amant,
Cruvaque defendit Inuenis; Vestigia Pisces.*

90 Sic etiam habent relationem ad plantas, diuersasque animalium species, saxa, gemmas, humores, prout in loco sæpius diximus, & ratione simul, & experiencijs comprobauius. Denique in singula, Planatarum dominatus est distributus, itaut Luminaria, quæ Principatum tenent, & validiora in influendo sunt; potiora, & aptiora sibi signa, pro domicilio vendicant; ea minirum, quæ eorum naturæ magis assimilantur, & in quibus existentes, manifestos intensioresque effectus producant; Sol videlicet in Leone, Luna in Cancro: quibus vnice sunt contenti. At reliqui Planetæ bina pro singulis sibi assumunt, pro duplici habitudine ad ipse Luminaria, necnon ad eorum domus, prout fusè alibi explicatum est. Hinc etiam

91 SIGNIFER appellatur ipse Zodiacus in quo prædicta signa æqualiter dispertita sunt, & quem Planetæ per sua, vel aliorum domicilia permeando, suis proprijs enique motibus, statis temporibus percurrunt, & suam circulationem perficiunt. Sed magis communi acceptione.

92 SIGNIFER appellatur in re militari, qui signa militaria ante Copias gestat, & sub ijs milites cogit, dirigit in prælijs, animat ad pugnandum, & colligit ad receptum. Apud quem profectò stat summa belli, atque ab eius dexteritate, fortitudine, aut ignauia, pendet sæpissimè salus totius Exercitus, accepta clades, aut Victoria. Quare strenuissimi olim ad hoc opus assumebantur: qui ex signis quos deferebant, Aquilani, Draconarij, & vniuersaliter Antesignani audiebant. Et à signis quidem deperditis, aut ab hostibus reportatis, plusquam à bellatorum casu aut iactura, deducebatur apud quem stetit bellicum robur, prælij alea, & hostilium copiarum fusio. Vnde valde probrosum Signifero erat, & capitale delictum, signum deperdere, vt ex Polybio, Liuius, & Ammiano ostendit Stevvechius, & econtrà gloriosissimum, hostilia reportare: id quod in magnam Cæsaris gloriam vertit Plinius lib. 7. cap. 25. quod *Signis collatis, quinquagies dimicauit*. Hinc *Signa conferre*, idem est, ac manus conferere, præliari, ac de signis, cui cedere debeant, contendere, & fortitudine comprobare. Plura in hanc rem habet idem Stevvechius ad cap. 6. lib. 2. Vegetij.

93 SIGNIFEX viceuersà in pace dicitur, (quasi *Signorum Artifex*) qui

qui signa, hoc est hominum, animantium, aliorumque rerum figuras, manu czlat, & efformat; quales sunt vniuersim Sculptores, Plastræ, Figuli, quique demùm in marmore, æro, argilla, aut cera, quodlibet opus effingunt. Quo tamen nomine non veniunt Pictores, qui in tabula, tela, aut parietis superficie, coloribus aliquid expriment; benè tamen Incisores, qui in laminis cupreis, aut argenteis stylo, perinde ac calamo & penicillis, figuras efformant ad imprimendum. Vnde Sidonius Apollinaris de Artificibus verba faciens lib. 6. ep. 12. Græciam summè commendat, quod sit *Significibus illustris*, hoc est, omnis Signatorix vtcumque artis Professoribus, abundans, & præcellens; & Minutius Felix, Statuarios æquè, ac funditores, Significes appellauit lib. 1. de Nupt. *Cum viuos, inquit, etiam vultus æris aut marmoris Signifex animator inspirat.* Hos Signarios nominat Iur. Conf. in l. 1. Cod. de excusat. Attif. & aliæ leges passim.

SILENOGRAPHIA ad Picturam, & Architecturam pertinet, & 94
documenta capit ex Optica; quatenus tradit modum contrahendi, aut enormiter ampliandi species obiectorum ad potentiam visuam transmissas, ratione cuius illa diuersimodè repræsentantur, & plerumque aliter ac reapse sunt. Siue id fiat per artem specillariam, attemperando vitra, per quæ species transcant; siuè directè & permènèter per adiectiones, vel retractiones factas in opere, ad corrigendas deuiationes radiorum visualium, qua atenus ob distantiam, inæqualitatem situs, alterationem mediij, aut aliud quid obfistens, non faciant videre obiectum, quale & quantum in se est. *Venusstatem enim persequitur visus* (inquit Vitruuius lib. 3.) *cuius, si non blandimur voluptati, proportionem, modulorum adiectionibus, vti id in quo fallitur temperatione adaugeatur: vastus, & inuenustus conspicientibus reddetur adspectus.* Quocircà Silenographiæ ope, deuiationes hæc, siue ex parte mediij, siue ex nimia distantia, siue alio quouis accidente prominent, corrigere opus est, per diuersas linearum rectarum ductiones in planum cadentium factas. De qua re fuse Kircherus in *Arte Magna Lucis, & Umbra*; & Scottus in *Magia Captotica* part. 2. lib. 6.

SILENS LVNA appellari per metonymiam solet, cum otiosa est, 95
hoc est, cum lumine & viribus destituitur; toto videlicet tempore, quo est in congressu, aut sub radijs Solis; eo quod tunc torpere, ac silere quodammodò videatur. Vnde Columella lib. 2. de Re Rust. cap. 10. *Silente, inquit, Luna, fabam vellio ante lucem.* Et Plin. lib. 18. cap. 3 1. docet, quid Luna silente ferendum sit, quidque in-

termittendum : & ideo Formicæ (vt idem perhibet) eo tempore otiantur in suis cauis, & à colligendis frugibus abstinere. Durat autem in eo statu, ad duos vel tres dies, ante & post coitum, donec sensim se minusculam, & corniculatam ostendit, quæ est prima phasis, & luminis recuperatio, quam Græci *Menoidem* nuncupant.

- 96 SIMA in opere architectonico dicta est aliquando pars illa hebetior, & sinuosa, quæ claudit ac desuper terminat trabecationem, seu coronicem, & æquè in omnibus Architecturæ ordinibus reperitur. Hæc autem, etsi varijs etiam nominibus, compellatur, vti *Gula*, *Vnda*, *Cymatium*, propriè tamen conuenit extremæ, quæ Coronæ superimponitur, quam Gulam rectam alij nominant ad distinctionem inuersæ, quæ subtrus statuitur. Vnde benè Græci, singulari, & magis expressiuo vocabulo *Ἰνδύμα* eam appellant, quod latine sonat *superimpositum*. A Nostreis verò ideo Sima dicitur, quia refert quodammodo simas caprarum nares. Satis de nomine. Quoad rem, ea in duplici differentia est; Vna simplex & plana, quæ semper inalterabiliter in Opere Tuscano, ac Dorico adhibetur, neque tamen excluditur à Ionico, & Corinthio ordine: Altera sculpturis ornata, cùm maiestas operis coniuncta cum venustate, ad complementum & symmetriam partium, id postulare videtur. Notat verò Serlius, lib. 4. cap. 6. Si quando eiusmodi sculpturæ in Simis admitti debeant, eas leuissimas debere esse, nec multum prominentes, vt in Astragalis, & Echinis: aliàs offenderent visum, & confusionem parerent, si perinde atque alia membra procutrerent, quando aliàs Sima ad finimentum ponitur, atque adeo grauitate sua, & libera excursionem, debet visum complere.

- 97 SIMILITUDO in Mathematicis attenditur non in substantia, sed in qualitate, hoc est, respondentia duarum vel plurimum quantitatum in ad inuicem; quæ tunc inesse in eis dicitur, cùm seruant eandem habitudinis rationem. Vnde quotiescumque in vna quadam ratione, de qua sermo est, conuenire noscuntur, etiamsi aliàs in materia, magnitudine, situ, alijsque affectionibus discrepent, similes appellantur. Id quod, suo modo, in alijs etiam rebus, atque in primis in moralibus locum habet: vt similia dicantur, quæ eundem ordinem, & habitudinem seruant. Sic Tullius in Offic. lib. 1. *Nihil amabilius, nec copulatius, quam morum similitudo bonorum: in quibus enim eadem studia sunt, eadem voluntates; in ijs fit, vt æquè quisque altero delectetur, ac seipso. Congruentia igitur, quæ facit inueniri in vno alterius qualitates, ratio est vnica similitudinis. Quare benè potest quis alteri*

alteri similis esse in externa figura, & lineamentis corporis, non, item in ingenio, moribus &c. & econtrà. Ita planè in quantitativibus. Aether simile est aëri in perspicuitate, fluiditate, rotunditate, non in grauedine, & corruptibilitate. Terra Cælo similis in descriptionibus circularum, zonis, & plagis; non in motu, & alijs. Quæ enim in omnibus sibi congruunt, non similia, sed æqualia sunt. Potissimè verò in Geometricis; hæc similitudo consideratur in figuris, & quantitativibus, quæ eandem mensuræ rationem habeant, eandem angulorum, & laterum constitutionem, & positum: vt si duo rectilinea æquales angulos habeant, & latera, numero, & proportionè sibi respondentia, dicuntur profectò similia; alio nomine *Homologa*, vt suo loco diximus, exhibitio etiam schemate.


SINVS præcisè indicat amplitudinem quandam, intra certos terminos constitutam. Quare diuersimodè à diuersis Scientiarum Professoribus, ad suas res explicandas, vsurpant, & coarctari solet. Geographi sinus appellant omnia littora curua, quæ duobus continentis veluti brachijs, in mare excurrentibus includuntur. *Golfi*, à nostris vernaculè nuncupantur. Porro eadem ratione in Geometria lineæ rectæ, quæ alicui arcui subtenduntur, & eius cavitatem definiunt, & claudunt, Sinus vocantur. Et quidem, quæ omnium maxima, toti quadranti subtenditur, estque ipsa semidiameter Circuli, Radius, seu Sinus totus dicitur, lineæ parallelæ, ad hanc, quæ ad singulos quadrantis gradus terminant, alij sinus minores, suis arcubus respondentes. Item perpendiculares cadentes ab vno extremo arcus in, diametrum circuli ab altero extremo eiusdem arcus protensam, dicuntur *Sinus versi*, ab antiquis *Sagittæ*, quia perinde sunt, ac sagittæ chordæ arcus insistentes, atque ad emissionem paratæ: simili ratione chordæ etiam appellantur *Sinus resti*, quibus illi perpendiculariter insistent. Qui proinde si arcus, vel angulus cui subtenditur sinus rectus, minor est quadrante, & gradib. 90. subtrahitur ab integro radio, & residuū dabit sinum versum. Si verò angulus sit obtusus, vel arcus maior quadrante, minor autem semicirculo; tunc accipiendus est sinus supplementi, vel sinus excessus suprâ quadrantem, cui addendus integer radius; & quod resultat, erit sinus versus illius arcus, vel anguli.

Porro Sinus huiusmodi deseruiunt ad venandam quantitatem cuiusvis arcus vel anguli, cui subtenduntur, ad quam rem concurrunt etiam duæ aliæ, lineæ, altera perpendicularis extrâ circuli cadens ad extremitatem radij, seu ipsius quadrantis, quæ idcò dicitur *Tangens*, quia tangit arcum in extremo puncto; altera per medium arcum, pro-

procedens ab angulo ad singulos quadrantis gradus, & ultra progreditur usque ad congressum cum Tangente, ubi efformat angulum

acutum, & dicitur *Secans*, quia scindit & secat partem arcus ab toto quadrante. Atque his quatuor lineis absolvitur omnis ratio dimensionis triangularum, quæ ex lateribus cognitis agnoscuntur ignoti anguli, & econtrà vel mixtim, quæ communiter vocatur *Trigonometria*. Id totum expressum vides in adiecta figura.

Habes apud omnes fere auctores, Tabulas Sinuum, Tangentium, & Secantium, per numeros digestarum ad Radium 100000., & eo amplius; ex cuius ratione desumitur proportio angularum ad latera, è recto basi proximo, ad ultimum & acutissimum,



num, respondentem ad ultimum gradum totius quadrantis; uti in explicatione ipsarum tabularum videre poteris.

99

SIPARVM, seu SIPARIUM in Nauigatoria, veli species est, sic dictum, quasi *supparum*, eo quod est supranumerarium & adiectitium: nam ceteris omnibus iam explicatis, tunc tantum Nauigio adiungitur, quando vis venti languescit, ac remittitur; ideoque illud admittitur, quando vis venti languescit, ac remittitur; ideoque illud admittitur; & in alto ponitur, ad totum, quantus est, ventum, qui tunc exsufflat, comprehendendum; atque in arcto positum, magis magisque intendendum. Quale autem id sit, & quem signatè locum in Navi occupet, non conueniunt Onomastici. Isidorus lib. 19. per partes, singula vela recensens, de eo sic ait: *Siparum genus veli unum habens pedem, quo iuuari nauigia solent in nauigatione, quoties vis venit languescit*. At Sextus Pompeius in schedis, Siparum cum Dolone confundit ex aliorum sententia, quem etiam supparum nominat. *Supparum*, inquit, *Dolonem, quod est velum minus in navi; ut Acacium, maius*. Sic etiam minuscule appellat Lipsius, quod in venti fauentia nautæ solent extendere. Verumtamen quotsunt minuscule dici potest, quod ad supplendum sufficit, id in quo maiora vela deficiunt? Certè de eius minoritate nè verbum quidem antiqui Scriptores; quin in plurali nominant, & ea altius in summis malis (quod ad rem facit) explicari supponunt. Sic Lucanus de bello Pharsal. lib. 5.

Summaque pandens

Suppara velorum, perituras colligit anras.

Sic Papinius, 3. Syluar.

Vos summis annectite suppara velis;

Vos Zephyris aperite sinus.

Sed nemo clariùs ac luculentius Seneca, qui eius inuentionem, & vsum tribuit Alexandrinis; & rem ita explicat in Epist. 77. ad Lucilium. *Solis enim licet, supparum intendere, quod in alto omnes habent naues. Nulla enim res aequè adiuuat cursum, quam summa veli pars: illinc maximè nauis vrgetur. Itaque quoties ventus increbuit, maiorque est quam expedit, antennà submituntur; minùs habet virium status ex humili. Igitur non in humili, & in prora, non minuscule, sed ea conduplicata sunt, & in summis malis: vt propterea ea non speciale, ac distinctum velum fuisse, coniectari licet; sed illa eadem, quæ priùs expansa erant, veròni altiùs erecta, & contractius explicata. Fauet coniecturæ acutissimus Turnebus, qui de ijs hæc habet lib. 21. cap. 4. *Suppara non tam vela fuisse videntur, quàm velorum quadam supplementa, & summa partes, quæ suprâ ipsa vela, & antennam extendebantur. Quocirca id aliud planè non erat, nisi maior, quàm fieri potuisset, eiusdem, siue omnium quæ in naui erant, velorum expansio, ad totum ventum, qui aliàs latè spatiabatur in se, colligendum. Et hinc fortè Siparij vsum, & nomen deriuatum, pro amplo velo, quod adhibetur in Scenis, quod vsquequaque diductum proscenium totum obregeret, antequam fabula haberetur; ne interim auditores, quæ intus fierent, prospicere possent: quod ità aptatum, erat vt momentò obduci, mox retrahi, & complicari posset: vt est illud Apulei lib. 1. *Oro te, aulaum tragicum dimoueto, & siparium complicato. Porro ad hanc rem comprobendam, testatur Philander, Romæ adhuc extare in summo Vespasiani Theatro, vestigia & foramina, per quæ traiciebatur antenna, ad vela ista & Siparia sustinenda, vt inde facili nifu possent expandi, & iterum contrahi: ad quæ erant affixi mutuli, supra quos tota machina voluebatur.***

SIRIUS, non SIRYVS, (vt contentiosè nonnulli volunt esse scribendum, quasi ab Syria, quæ nihil ad rem, denominatum; sed verius à græca notione Σείρ, vel Σείρ, quod est hiare) dictus est Canis maior sidereus, seu stella fixa primæ magnitudinis, in ore canis fulgens, de natura Iouis & Martis, eo quod tellus sub hoc, astro, præ siccitate reddatur arida, & hiulca. Et quidem non est in toto firmamento stella, quæ sit istà grandior, & viribus præpotentior: quandoquidem videmus, ea exoriente, totam penè Naturam concuti,

ti, ac turbari; Canes aguntur in rabiem; fluctuant in dolijs vina; febres ardentes insurgunt, & alia mira, quæ refert Plinius, lib. 2. cap. 4. Sed & illud præclarum, quod lib. 11. cap. 14. scribit de melle sub Sirio elaborato. Ait enim: *Alterum genus est mellis æstivi, quod idèd vocatur Horèum à tempestiuitate, ipso Sirio explendescente post solstitium, diebus triginta ferè. Immensa circà hoc subtilitas naturæ, hominibus patefacta est, nisi fraus hominum cuncta perniciè corrumpet. Namque ab exortu Sideris cuiuscumque, sed nobilium maxime, aut celestis arcus, si non sequantur imbres, sed ros tepescat Solis radijs, medicamenta, non mella gignuntur, oculis, ulceribus, internisq; visceribus dona celestia. Quodsi seruetur hoc Sirio exoriente; casuque congruat in eum diem, ut sæpè, Veneris aut Iouis, Mercurijque ortus; non alia suauitas, vsusque mortalium malis à morte vocandis, quam diuini nectaris fiat. Hucusque magnus hic Naturæ arcanorum scrutator ac Secretarius. Ergò (bene hic infert Ricciolus lib. 6. Almagesti noui cap. 5.) Salina Canis, celestis, tunc suavis ac vitalis est, cum terrestrium canum in rabiem versorum salina, venenum est. Ex quo habes, in quo commendare poteris diuinam Numinis prouidentiam, quæ non in terrestribus modò (vt sæpè videmus) sed & in Cælestibus, eadem sidera, vno eodemque influxu, & deleterium exhibent, & antidotum. Plura de hoc sidere in V. Alhabor, & alibi passim.*

IOI SISTROIDES in Geometricis nominatur Figura triangularis tribus æqualibus lateribus constans, totidemque angulis, iidemque eodem modo acutis; at latera non rectilinea sunt, sed recurua, & introrsum conuexa, itaut Sistris formam referat, à quo nomen accepit: eiusdem prorsus conditionis ac paritatis arcuum, ac Cissoïdes, sed non eiusdem positus, & capacitatis: quare in vno similes, & homologæ dici possunt, in alio directè oppositæ ac dissimiles. Namque Cissoïdes (vt in loco diximus) æqualia cum Sistroidè habet latera, seu arcus, sed contrario ritu posita, intus quidem concaua, foris conuexa. Quò fit, vt aribz Trianguli rectilinei & æquilateri aboritiones, & monstra (vt ita dicam) sint; & quod in vna detrahitur à rectilineo, in altera superabundet; sicque ad concordiam, & communem ab Euclide traditam trianguli æquilateri dimensionem, reuocari queant: nam si in vtrisque, ab angulo in angulum rectæ lineæ ducantur, illic duo triangula plana & æquilatera, omninò æqualia resultabunt. Nisi quod alterum Cissoïdi inscriptum, in altero erit Sistroides circumscripta: & quantum areæ ista à rectilineo detrahit, tantundem eidem Cissoïdes adijcit, & refundit. Quamobrem eadem via, quâ triangula rectilinea dimetri possunt, per pro-

portionem angulorum ad latera, & e contra. Et quæ de his dicimus, intelligenda sunt vniuersim de omnibus alijs figuris Isoperimetricis, non in rectum, sed in arcum ductis. Reponimus hic vtriusque Trianguli specimen in Cissoide iam exhibitum, Quò lector eorum differentiam, & nihilominus habitudinem eandem ad Triangulum rectilincum, contemplari queat.

Sistroides:



Cissoides:



SM

SMALTVM, communi iam ab Hispanis, Gallis, & Italis, recepto vocabulo, appellata est species quædam incrustationis in opere architectonico facta, è solidiori & nobiliori materia, siue in ædificijs, siue in vasis æreis: Quæ quidem apud Græcos vsitatissima erat, præsertim in pauimentis, parietibus, ac fornicibus: fiebatque ex contusis lapillis aut marmore, viua calce atque albumine ouorum simul con-temperatis, & admixtis; ex quo, materia tempore exsiccata, abibat in crustam, in duritie, & splendore, cum leuigato marmore comparanda: eo prorsus pacto, quo nunc nostri Plastræ, & Artifices, è macerato, & in liquorcm reducto gypso, & diuerforum colorum puluere in loculis quique suis arte paratis, disposito, effingunt picturatas, ac tessellatas tabulas è pretiosis lapillis compactas, quas si non vincunt soliditate, ac speciositate, certè ad viuum imitantur, adeo ut sensibus sæpe imponant. Sed iam smalti nomine hodiè strictius venit Encaustica picturatio, quæ supra metallum fiat, medio igne exsiccante, ac tenaciter simul necente colorum mixturam, quo vtuntur aurifices, & argentarij in vasis splendide exornandis, & illustrandis. Erat quidem hoc picturandi genus encausticè, apud Vere-

102

N n n n a

res

res vſitatum, ſed tamen valdè groſſum; ac rude; quod Romæ primùm introduxiſſe Agrippam, refert Plinius, lib. 35. cap. 11. in quo illud ad finem miratur, quod pingit dum coquit; & aduſtæ veſtes firmiores ſiunt, quàm ſi non creverentur. Vnde eſt lepida iſta obſervatio Martialis argentiſſimi poetæ, in fabula, quæ habebat Phaſtonem encauſtice figuratum: ex quo ſic artificem interpellat:

Encauſtus Phaſton tabula depictus in hac eſt:

Quid tibi vis, Dypiron, qui Phaſtonta facis?

Ac ſi dicet: Iniquè, ac nimis inclerſcitet porro facis, o Picior, qui Phaſtonem igne ſemel aduſtum, iterum igni excruciantum tradis: Dypiron quippe græcè igni bis traditum ſonat. Tranſijt & ad figuloſ hoc picturandi, & incruſtandi genus, quo vaſa ſicilia varijs coloribus, & imaginibus ornant; inde macerato vitro illita ad ignem excoquunt, & obfirmant: quod, ſiglinum opus appellat Plinius eod. libro cap. 12. Nos *Inuitriata vaſa* vocamus.

SO

- 103 Sol, quaſi *ſolus*, dictus eſt Planeta omnium Maximus, & nobiliſſimus, vel brutis animantibus ad ſpectandum, & admirandum datus: in Aetherea vaſtiſſima regione medius inter erraticas, tanquam Rex in Solio conſtitutus, & illis cœu ſatellitibus ad officium conſtitutus. Rectè Plinius lib. 2. cap. 6. de errantibus ſideribus loquens; *Eorum medius*, inquit, *Sol fertur ampliſſima magnitudine, & poteſtate, nec temporum modò terrarumque, ſed ſiderum etiam ipſorum, Cœlique reſtor.* Hunc Mundi eſſe totius animum, ac planius mentem: hunc principale Naturæ regimen, ac numen credere decet, opera eius aſtman-tes. Quæ, etſi ſophiſticè, & per hyperbolam dicta eſſe, notet hic Dalechampius; Sapientibus tamen non adeò intolerabile, vt non, quandoque iſdem ferè nominibus, etiam ex SS. Patribus, ipſum ex- tollere non abhorreant. Quin & ipſa ſacra Eloquia, *Vas admirabile opus excelsi*, appellare non dedignantur, Eccli. 43. vbi etiam multas eius virtutes enumerant; & in laudem ſui Creatoris exaggerans. Hebræicæ quoque vox à שֶׁשֶׁשׁ, & שֶׁשֶׁשׁ; *Harofeh*, & *Schemefeh*, à miniſtrando deduſta, ſatis omnia comprehendit, & exprimit, quaſi ipſe ſit Dei, & Naturæ, primus miniſter, omnia regens, & ſua luce viuificans.

- 104 Cæterùm vt Solis potentia, claritas, acſiuitas & ſecunditas, om-nibus perſpecta eſt; ita & ſubſtantia omnibus occulta, & obſcuriſſima. Ariſtoteles, 2. de Cœlo cap. 7. alijsque veteres Philoſophi, indi-gnum exiſtimantes, Cœli lumina eandem cum ſublunaribus hiſce participare naturam; quintam quandam ſubſtantiam conſpicati ſunt, qua Cœlos, ſideraque prædita eſſe contendunt: adeoque Sol in-qui-

inquiunt, non re, sed virtute calidus est, eo quod lumine suo calorem in inferioribus istis producat, cum ipse cæteroqui (vt pote causa equiuoca & vniuersalis) pro diuersitate subiecti, æque frigus, & humores aptus sit procreare. Sed enim cælestibus luminibus haud improprium vel indignum, reputari à Sapienribus debet, ea parum cunctis, retribus conditionem sortita ab initio esse, vt consent ex eadem materia, iisdem qualitatibus polleant (licet sublimioribus) alterationibus inmutationibus, & corruptionibus subiecta esse, &c. cum id manifestè probent effectus, qualitatū intensio & remissio, passio à contrarijs, connexio, & sympathia, quæ satis indicant, esse aliquid in corporibus cælestibus, cum terrestribus cōmune, quō mediante influxus inmitteantur, atque excipiantur; ac rerum generatio, corruptioque fiat. Neque enim absolute dixerim, Cælestia corpora participare de materia hac subluuari; sed potius inferiora isthac cælestis substantiæ partus, & effluxus esse, eiusdem substantiæ: cum semper effectus similis esse & participare debeat de sua causa, vnde primas qualitates saltem, earumque mixtiones inde hauriunt, & participant.

101



Hactenus cum Philosophis. Nunc autem mathematicè, quod Instrumētum institutum est, de Sole discutiendum. Copernicus ad saluandas suas hypothesas, & apparentias ipsum statuit immobilem, & Mundi Centrum: sed hoc systema vt pote Sacris Paginis non concordans, & veræ Philosophiæ, ac Mathesis principijs repugnans, iam Ecclesiæ calculo damnatum est, & à Sapientionibus Astronomis satis reiectum. Verosimilius, & quod obseruationibus, & apparentijs apprinhē congruit, est quod statuit, vel potius instaurauit Tycho Brahe, nempe tellurem esse vniuersitatis centrum immobile, ac Solem & Lunam, & fixarum Orbem circa illam rotari, ipsum verò centrum esse reliquarum quinque Erraticarum, quæ circa illum voluantur in suis Orbibus: ex quo passionēs illæ promanant, vt modò cursu veloces sint, modò Stationarij, modò retrogradi: idque respectu nostri, & Eclipticæ, iuxta quam, modò percurrent in consequentia signa, modò in antecedentia, vt clarè videre est in schemate, quod exhibuimus in V. *Retrogradus*; in reliquo, nec ipsi minores Planetæ, nec Sol, aut Luna, vnquam morantur, aut descedunt ab instituto itinere. Et Sol quidem (vt de istis in præsentī filiam) motu suo proprio in consequentia, quem absoluit in anno, seu diebus 365. & sex ferè horis. Id quod manifestè continetur ex parallaxi, cum in Apogeo, eleuatiō sit & longè à terra distantiō, quam in Perigeo: quod in alijs etiam locum habet.

105

103

Eius formam orbicularem, ac rotundam, nemo est, qui oculos

106

N n n n 2

habe-

habeat, & in dubium vertat: nihilominus tamen aliquando circa horizontem, tam in ortu, quam in occasu, apparet Ellypticus. Quæ res multam dedit recentioribus Astronomis philosophandi materiam, præsertim Christophoro Scheinero, qui peculiarem libellum de hoc argumento edidit, inscriptum, *Sol Ellypticus*; quam visus varietatem, refert ad solarium specierum refractiones causatas à vaporibus crassis horizonti proximis. Sed hoc adhuc multis non plenè satisfacit; nec vacat in ea re examinanda diutius immorari.

107

Denique, quod ad magnitudinem attinet; veram ex asse definire, impossibile est, ob nimium eius fulgorem, & variantes phases; apparentem, difficile. Keplerus suis repetitis observationibus collegisse, se ait Solis diametrum in Apogeo constituti, esse minutor. 30. in Perigeo, 31. sed cum refutat, ac deridet Ricciolus in *Almagesto*, lib. 3. cap. 10. Et verò, id difficile admodum est, exploratum habere, tum ob instrumentorum fallaciam, tum ob penumbræ interpositionem, quæ semper eius apparentem figuram variat, & conturbat. Communiter autem statuitur minutor. 31. nec quicquam ei, saltem, sensibiliter, adijci in Perigeo, aut adimi in Apogeo, unde cõsequenter deducitur, illum superare terræ magnitudinē 166. vicibus cum duabus tertijs; & ita concludit Clavius, in *Sphæram de Sacroboscho*. Cæterum quoad naturam, Sol, est Planeta masculinus, calidus, & siccus. In fortuna per coniunctionem, Fortuna per aspectum. Significat caritatem ingenij, animi magnitudinem, potentiam, maiestatem, ac liberalitatem. Fræst Regibus, Principibus, alijsque auctoritate, pollentibus &c. Ex membris humanis, habet infundere viales spiritus, fouere calorem innatum, & præsidet oculo dextro.

108

SOLIDVM ex Euclide definitur esse *Corpus quod longitudinem, latitudinem, & crassitiem habet*, hoc est, quantitas quæ, it capax trius dimensionis, secundum quas Geometria omnes quantitates dimetiatur: per quod contradistinguitur à linea, quæ solam dimensionem secundum longitudinem habet, necnon à superficie, quæ habet longitudinem, & latitudinem, sed profunditate caret: at solidum, & longum, & latum, & crassum seu profundum, petiit esse. Quare, ut ritè ipsum concipiamus, imaginari oportet, vel lineam quandam cum il latum, tum in altum extendi, vel sanè superficiem sursum, atrolli, seu potiùs explicari. Et hoc dicitur Corpus quantum, ac solidum. Porro omnia corpora solida, aut sunt angularia, aut sphærica; si angularia, aut sunt prismata, quæ habent latera parallela, & angulos sibi inuicem oppositos æquales; aut Trapezia, quæ sunt figuræ quævis irregulares, quæ, neque angulos, neque latera sibi habent

habent respondentia, & æqualia. Si verò sint curua, seu flexa, aut erunt perfectè Sphærica, æqualiter à centro distensa; aut Ellyptica, vel penè Ellyptica: De quibus singillatim suis in locis. Angulus quoque dicitur solidus, qui pluribus, quàm duobus angulis planis eiusdem generis constituitur, qui non cadant in planum. Egit de solidorum dimensione Euclides totis sex posterioribus libris, quamquam non desunt, qui tres tantum priores illi attribuant, reliquos verò alijs. De qua re videri potest Clauius in *Commentar.* & Virgilius Iordanus in *Euclide Restituto*.

SOLIDVS etiam *numerus*, per analogiam dicitur ab Arithmeticijs, qui ex tribus numeris in se ductis fuerit efformatus: in qua re, numeri ipsi se inuicem multiplicantes, latera appellantur: vt sunt 2.3.4. respectu 24.&c. Quemadmodum inter solidos numeros connumerantur, suo modo Quadrati, & Cubi, necnon & alijs, de quibus fusè agit Euclides toto lib.7. Est autem Quadratus, qui æqualiter æqualis est, vel qui sub tribus æqualibus numeris continetur. Cubus autem, qui sub tribus quadratis. Sic num.27. ex.gr. Cubus est, quia ex multiplicatione 9. in 3. confurgit: è contra numerus 25. dicitur quadratus, quia æqualiter æqualis confurgit ex 5.in seipsum ducto. Et sic de alijs.

109

SOLSTITIVM communiter appellatur tempus, quo Sol puncta tropicalia ingressus, maximè ab Aequatore descendit, ac proinde tunc maximè reddit dies noctibus inæquales, quasi *Solis statio*, quod ultra Aequatorem plus declinare non habeat, sed in Tropicis stet, hæreatque. Porro duo sunt Solstitia; Hyemale, quando initium Capricorni ingressus Sol, efficit noctem longissimam, ac diem brevissimam; & Aestiuale, quando ingressus initium Cancris, facit diem longissimam, & noctem brevissimam. Hoc autem intelligendum, est de nostris regionibus borealibus, & eò magis, quò maior fuerit eleuatio Poli; nam sub Aequatore nulla fit variatio, & semper dies noctibus sunt æquales. In regionibus autem trans Aequatorem contrarium accidit, vt contemplari licet in Sphæra materiali. Vbi notandum, quod quandocumque apud veteres scriptores nominatur Solstitium absolutè, semper intelligitur hyemale, quod alias Bruma dicitur, vt in loco meminimus. Sic Varro, Plinius, Virgilius, Lucretius, Cicero, & alijs; non quòd æstiuum reiecerint, & vnicum tantum admiserint (vt contendit Petrus Victorius in Notis ad Varronem, qui propterea reprehendit Columellam, & Seruium duo Solstitia agnoscences) sed quòd illud principalius est, & ad rem,

110

de

de qua illis sermo erat, vnicè considerandum veniebat, aliter interrim non negato. Et quidem si res ipsa, & nominis etymon perpendatur, in utroque Solis statio est in tropicis, & æqualiter inibi terminus fixus est maximæ eius declinationis ab æquatore: nec maior ratio est, cur Solstitium dici debeat punctum accessus Solis ad tropicum Capricorni, in quo bruma viget, & initium sumit; quàm punctum aduentus ad tropicum Cancræ, in quo incipit æstas. Vnde ineptum foret, vnum, & alterum eadem vi pollens, licet effectû contrariò, æqualiter non admittere. Enimuerò, vti duo similiter Aequinoctia, alterum Vernum, alterum Autumnale, in quibus Sol æquatorem tenens, efficit noctes diebus æquales, nemo sanæ mentis est, qui non videat, & vtrò confiteatur; nihilominus Vernum est, quod maximè attenditur, quod in omnium ore, & obseruatione est, eo quod ipsum nobilius, & dignum speciali consideratione sit, quod annum aperit, naturam viuificat; cuncta renouat, & mundum hilaritate replet, ex eo felicitatis omen, & anni vbertatem, vel penuriam accipientem; quando autumnale, in quo annus ad senectam vergens sterilefcit, squalore completur: & marcet, in nullo pretio est. Ità planè, è duobus Solstitijs, brumale tantum attenditur, & laudatur, in quo sensim dies augescunt, annus Iulianus incipit, Sol ad nos reuertitur, natura excusso hyemis torpore, reuiuiscit, & in florente tunc temporis origano, alijsque excisis fruticibus germinans, quodammodò hilarescit.

- III** SPALTVM, siue SPALDVM, militari vocabulo, dictum est promurale quoddam, & aggestitia moles in genere prætenturarum, in munitionibus, & arcibus vltra fossam erecta, ad instar propugnaculi, ex parte, quâ hostilem campum respicit; quæ tandem sensim in accliuè vergens, in campi planitiem desinit. Ea ad id ponitur, vt protegat, ac tueatur ambulacrum valli, per quod milites liber discurrant, obseruatque hostium molimenta, vt destruat, ac subinde in scabellum eidem adiectum insiliens, vt eius altitudinem superet, illos missilibus, & sclopis impetit, & disturbat. Fit vt plurimum è cespice fascibus interiectis, & aggestitia terra, vt possit consistere, nec facile dissipari. Altitudo eius, qua parte munitionem spectat, & vallum tegit, regulariter præcipitur à militaribus Architectis, ad octo circiter pedes: latitudo extenditur ad quinquaginta, ita ut euadat insensibiliter complanata; ex quo nomen Spaldi deriuatum crediderim. Eius mentio sub hoc vocabulo, habetur (quod meminerim) in Chronico Rolandini lib. 5. cap. 18. vbi dicitur de quodam Oppido, quod tentorijs, & fossis, & spaldis taliter circumdederunt locum, quod nemo
- in-

ingredi poterat. Cæterum Latini cultiores, uti barbaram aspernantur hanc vocem, & malunt hoc genus munimenti, vniuersalibus verbis describere, ac propterea nominant vel *Loricam valli*, vel *Aggerem via testæ*, vel aliàs, prout cuique libitum est. Vide eius constitutionem in sectione orthographica munimenti in V. *Arx*.

SPALIONES in re militari sunt species quædam operimenti, ac regiminis temporarii in genere Vinearum; de quibus ita loquitur Agathias lib. 3. *Histor. Roman.* *Romani verò Spaliones parauerunt, & magnorum saxorum iacularia tormenta. Spalion autem est quoddam textum ex viminibus ad formam testæ confectum, & densitate solidum, & utrinque testum; utrinque latera deorsum sunt extensa, & repellunt omne telum quod incidit, ac ferit illam machinam: pelles autem & coria supernè iniicientes undique circumtegunt, ut sit firminus munimentum, & excutiat repellatque tela.* Eorum quoque meminit Menander apud Lipsium, atque ad quem usum sint hæc machinamenta, sic explicat. *Ea armati milites subeunt, atque ipsis muris appropinquant, & fabrorum ac lapicidarum instrumenta suffodiendis muris ferentes, ita sub terra specus faciunt, terram ipsam egerunt, & muri partem prosterunt.* Cur autem spaliones vocitentur, curiosè inquit ipse eruditissimus Lipsius, & hæret: *An quasi, inquit, Papiliones, quia tentorijs assident? Ita essent Italarum aut Gallorum Pauilliones. An ab eorundem spallis, siue humeris? quia nempe subibant & protrudent ijs, aut & portabant: nisi Orientalis aliqua vox sit, quod eorum lingua periti nos docebunt.* Tandem sese ab ijs extricat, subdens: *Sed hæc igitur inferioris æui nomina: res, & finis haud nimis diuersa: omnes enim de suffodiendis muris dicunt.* Id quod & Lesis & Pluteis conuenire, ex eo aliàs diximus. Ut propterea diuersis temporibus, & pro vario Nationum usu, eadem res diuersis nominibus sint appellata. Neque enim alijs verbis Cedrenus machinas à Sultano aduersus Romanos describit, quas vocat Lesas, ad subruenda mœnia factas. Ipse, ait, *tabernacula quedam habens ex vimine texta, & supernè bouillis corijs operta, quibus & rota erant subiecta basibus columnarum (vocant enim id genus machinas, Lesas) has inquam machinas habens, impleuit eas copia militum, quos iussit bidentes, dolabras, aliq; agrestia instrumenta ferre, existimans scilicet paulatim admonere muris lesas, atque ita suffodere assidue & sicurè ipsa fundamenta.* Similia habent Cæsar de Musculo, Hirtius de Vineis, Polybius de Testudine. De quibus suo loco.

SPARAE apud aliquos sequioris æui scriptores, nominatos inuenio, ligneos obices & repagula, quæ in aggressionem hostili solent milites

lites praefidarij opponere, & erigere intermedia, postquam hostes muri, vel propugnaculi partem ceperint, & ibi pedem fixerint, ut saltem ijs, tanquam lorica se protegant, & quā licet in angustia temporis, vltiores progressus impedian. Sic legitur in Vita S. Ioannis Tragurienſis. *Cum Ciuitas, nec murorum esset freta circuitis, nec munitione vallata turrium, nec bellicis armis fulta, sed solis sparīs & quibusdam macerijs circumsepta &c.* Verum, quoad hanc rem, vide quæ diximus in V. *Lorica*

- 114** SPARI, in re etiam militari, sunt minimi generis iacula (inquit Festus) à spargendo dicta, quod passim pugnando iacerentur. Ea ruralia potius instrumenta sunt, quàm bellica; ac tantum in tumultuaria pugna adhiberi solita: vnde agrestes sparos appellat Virgilius II. Aeneid. cum de Camillæ ac Rutulorum comitibus ad pugnandum contrā aduentantes Troianos, tumultuariè insurgentibus loquitur,

A greſſisq; manus armat sparus.

Est enim reuerà sparus, telum rusticum breue, ad falcis morem aduncum, quo vtuntur Agricolaë in putandis arboribus: attamen in necessitate, & subita hostis aggressione, quando alia arma non suppetunt, à collectio milite ad praelia adportantur. Quod bene notauit Sallustius in Catilinaria, eos à militaribus armis secernens. *Sed ex omni copia, inquit, circiter quarta pars erat militaribus armis instructa: ceteri, ut quemque casus armauerat, sparos, lanceas, alij praecutatas fudes portabant.* Hos sparrones vocat Eckerdus apud Du-Cange, forte, ut discernat à rusticanis sparīs, qui breuiore erant, & recurui putandis tantum vitibus facti; Illi autem, ut praedictus auctor loquitur, *acuti, & foci praedurati.*

- 115** SPECVLA in opere architectonico, est pars illa in ædibus exurgens extrâ ordinem, cæteris editior, & vnde quaque spectabilis, à speculando, siue passiuè, siue actiuè dicta: eo quod ex ea, aperto liberoque intuitu speculamur, ac distinctè videmus per gyrum, quæ circum subiecta sunt, quæque aliàs, interiectu vicinarum ædium vel extrâ urbem, arborum & collium obiectu, occultarentur. Ea & venustatem, & magnum commodum affert ædificio cui imponitur, & tam in pace, quam belli tempore, ad magnos vsus seruatur. Propterea, vbi commodè fieri potest, in quouis ædificio non omittebam consulit Leo Albertus, de re ædificatoria lib. 8. cap. 5. vbi inter alia, hæc habet. *Præcipuum ornamentum adferunt Specule, vbi aptis locis posita, & lineamentis commodis educita sint. Quod si erunt etiam non rarissima, illa quidem sese procul visendas præstabunt cum dignitate.* In his memoria-

morabilis erat, quam refert Herodotus, Babilone, in medio Templi toti circum regioni prædominantem, excelsam, & adspectu incundam: cuius basis (si fides auctori) occupabat integrum stadium: Altitudo verò complebatur octo ordinibus structurarum, seu arcuum, alijs super alias insidentibus, cui propius accedebat Septizonium Romanum, à Seuero extructum siue relictum. Verum in his & similibus speculis extruendis, id cauere maturè debet, ne exiles admodum sint, neque continuata parietum excursionem porrectæ, in quibus ventorum vis præualeat, & ad terram prosterneat. Sed huic periculo facile occurrere posse, docet idem Albertus; si videlicet ordinum continuatio, præsertim in angulis abruptatur; itaut alternis vicibus quadratæ structuræ, rotundæ; rotundæ, quadratæ superimponatur; interimque assurgens fabrica in latitudinem minuatur, & sensim gracilescat. Sic enim & aspectu gratissima accedet, ex varietate; & à turbine tempestate tutissima, supra firmata basim statuta, æternum consistet.

Est præterea Specula generaliter quouis alius locus cæteris eminentior, vnde aliquid à longè prospicere possimus, & ipse vicissim, prospici possit, siue mons, siue turris, siue Pyramis, siue præcella, arbor, in cuius summitate de noctu ignes accendatur, vt hostis adueniens, aut aliud quid, quod citam prouisionem requirat, ignis indicio momentò temporis pateat. Quorum vsum perbellè describit Barclaius in Argenide lib. 1. ex occasione accensorum ignium ad conquirendum Poliarchum, à Meleandro proclamatum. Specula etiam dicitur cistula in summo nauium malo collocata ad eundem finem, in qua speculator consistat ad obseruandum, si qua hostium classis, aut piratarum biremis adueniat. De qua re alibi.

SPECVLVM notissimum instrumentum, è Catoptrica penu depromptum, sed natura duce comparatum, quæ in animantium oculis non obscurum eius specimen dedit: siquidem humori chrySTALLINO nigrorem quandam supposuit, à quo reiectæ species in nos resiliunt, & nobis nostri imaginem sistunt: itaut rectè dici possit, quod naturæ speculum sit oculus, ac speculum sit artis opus, naturæ opificium, in oculo, imitantis. Sed non in oculo solum, verùm in residente aqua, & in quouis obscuro corpore, sed nitido & probè leuigato, specula efformandi, clarissima reliquit documenta: in ijs enim quæ ipsa exhibuit, apertè demonstrat, ad speculi efformationem duo requiri, & diaphaneitatem, quæ species in se recipiat; & opacitatem, quæ obsterne ulterius transeat, sed mox reflexas remittat: id quod in aqua conspicitur, & in nigro maxime marmore nullam scabritiem admittente,

tente, sed in regulari superficie vsquaquaque plano, & polito: ex quo facile fuit ediscere artificialis speculi confectionem ex plano vitro, stamno, plumbo, aliaue obscura materia à tergo opposita, & firmiter adhærente. Causa autem cur Natura tam liberalis in speculorum linearum nobis multifariam suppeditandis, est quam acutè teregit Seneca in *Quæst. natural. lib. 1. cap. 17.* vt videlicet homo seipsum sibi obiectans in speculo, mores componeret, ac vitia declinaret. *vt si formosus, vitaret infamiam; deformis, vt sciret remedium esse virtutibus quidquid corpori deesset; iuuenis, vt flore ætatis admoneretur, illud tempus esse discendi; senex vt indecora canis deponeret, & de morte aliud cogitaret.* Ad hoc verum natura facultatem nobis dedit nosmetipsos videndi. Verum quod natura in morum normam, & hominum disciplinam concessit, hoc effræna posterorum libido in vitiorum fomitem vertit; vt specula ad luxum, & muliebrem ornatum deseruirent, atque in ijs naturæ defectus & nũuos non ab re in facie impressos, nouacula abraderemus, aut stibio, cerussa, alijsque linimentis occultaremus, & quod propudiosum est, non modo feminae, (quibus innata vanitas, mollities, & placendi studiũ in naturam cessit) sed & viri essent ætate nostra, feminis comptiores. *I nunc* (exclamat indignabundus Stoicus cap. præcedenti) *I nunc, & dic speculum munditiarum causa repertum.*

- 118** Sed iam ad speculorum naturam, & mirabilem compositionem reuertamur. Ea non tantum veram obiectorum imaginem reddunt, sed aliquando monstrosam & enormiter alteratam, à vero longissimè aberrantem. Vidi ego specula quæ os deforme, venustum referrent, & econtra, quod liberale natura indulxit, mirum in modum corrumperent, ac deturparent; itaut aliqua, labra aliàs compressa, ad aurium fines diducerent; alia quæ nasum sinum strumosumque representarent; alia, quæ longissimum, & præacutum; & id genus ludibria non sine risu, ac stupore spectanda, quæ artificum excogitauit ingenium; idque ex solis regulis perspectiuæ, variè visuales radios emittentis siue à qualitate situs, siue ab ipsa conformatione speculorum: nam quæ planam habent superficiem, suntque orthogonaliter posita, reddunt obiectum vt in se est, quæ verò concavam, aut conuexam, vel aliquantulum inclinaram, & in sectionem conicam incidentem; multiformiter alteratam. Sed de hac re fusè aliàs dictum. Nunc autem aliquid de speculis vstorijis non minus stupendis, atque ad vsum bellicum valde conducibilibus, discurrendum. Itaque

- 119** SPECVLA VSTORIA dicuntur, quæ ita confecta sunt, vt radijs
So-

Solaribus exposita, concipiunt ignem, & adportant quò directè per lineam reflexam obuertuntur, & terminant. Horum inuentio tribuitur Geometrz famigeratissimo Archimedi, qui ijs primùm vsus est in obsidione Syracusana, quam Marcellus Romanorum Dux adornauerat cum ingenti classe, quam ipse speculorum istorum obiectu incendit. De quo ita Leo Sanctius in suo Floridum sermo cecinit.

Tale Syracusius mirus iaculator, in Arce

Finxit opus, quo fertur aquis aluisse fanillas

Chrystallo genitas, Classẽqu liquasse Latinam;

Marcello mirante rogos volitare per undas.

Quamquam alij, eorum Auctorem longo post tempore, faciunt Proclum quendam Bizantinum, qui floruit tempore Anastasij Imperatoris, atque cum, dum Vitalianus Thrax, bello Græcis indicto, Bizantium tertà marique obsidione cingeret, eiusmodi vltotia specula hostili classi opposuisse, præ cæteris, tradunt Euagrius, Zonaras, & ex Latinis Paulus Diaconus; compositis nempe ex ære magnis speculis concauis Parabolicis, quæ ad solem obuersa, atque librata in ostium classẽ, exceptos radios parabolicè expansos collegissent atque in naues in debita distantia positas, transmisissent, moxque illas concepto igne, illicò conflagrasse. Id quod vt Historicorũ commentum exsiblat, ac deridet eruditissimus Naudæus in Syntagmate do Studio Militari lib. 2. cap. 9. Nam si vera hæc fuisse aliquando admittimus, ait, aut effectũ probata; haud credibile est, artem cum authoribus suis deperijsse, & non posterioribus sæculis in tanta bellorum sæuitia, & militarium machinamentorum, quæ inuenta, postmodum sunt, multitudine ac perfectione, hæc inter alia fuisse excusitata, atque in praxim adducta, cum longè subtiliora & abstrusiora, quæ prius omninò incognita erant, & in Naturæ maiestate occultabantur, fuerint excogitata, & iam facta communia omni genti. At fides tantæ auctoritatis historicis, qui de facto testantur, deneganda non est. Certè Cardanus lib. 4. de subtilit., nimis asseueranter ait, se modum detexisse huiusmodi machinas fabricandi: & Porta in Magia naturali lib. 17. hauc materiam fusè discutit, ac tandem concludit, sibi animum esse, & peritiã, talia specula componendi, quæ valeant in infinitam distantiam incendium importare. Sed aliud est in conceptis, aliud in factis: & scimus authorem istum ventosum, multa in suo opere polliceri, multa iam facta iactare, quæ tamen ab alijs eius documenta sequutis factitata, optatis haud respondent. Non negauerim tamen, quamplurima curiosa, mira, & oculos oblectantia, in dies ab huiusmodi Speculorum archi-

chitectonibus deponit, qualia sunt triangularia prismata, supradicta specula, obiecta in contrarium alterantia; laternas magicas, microscopia, & his similia, ut videre est apud eruditos Scriptores, qui de Magia Catroptica agunt, & ad praxim confectiōemque eorum deueniunt; uti Kircherus, Betti⁹nus, Mercennius, Maignanus, & Scottus; sed quæ, præter visus oblectamentum, vlllo commodo & solido emolumento Reip. sint, vsque modò, nullus.

120 SPECVS, *Antra, Spelunca*, Synonima sunt, & appellant montium cavitates, & subterranea loca, quæ olim in Mundi cunabulis hominum habitationes erant, (ut notat Plin. lib. 7. cap. 56. & Ouid. rudis illius sæculi simplicitatem commendans, ait: *Domus, Antra fuerunt.*) nunc autem ferarum latebræ, & cubilia sunt: vtrisque tamen, magno bono à Natura prouisa, ut & his receptui forent ac tutæ ab insidijs hominum stationi; & illis non tam confugia ab insequentibus, ac temporaria testa noctis tempore, & ingruentibus imbribus; quàm prima veluti Architecturæ lineamenta, quibus ediscerent, domos sibi culti⁹s fabricare, & illis fornices diu durabiles superstruere. Hæc enim non haberemus, nisi Natura suo exemplo eadem arte prosequi, nos docuisset. Quemadmodum etiam columnarum formam, & ruderationem, vbique in antris, nulla arte efformatarum, quæ arcus, & cameras sustinerent. De quarum productione hæc habet Plin. lib. 31. cap. 12. *Distillantes quoque gutta in lapides durescunt in Antris Corycijs, nam & Mæze in Macedonia, etiam pendentes in ipsis cameris, at in Coryco cum decidere. In quibusdam speluncis utroque modo, columnasque faciunt; ut Phæsia Chersonesi Rhodiorum in antro magno etiam discolori aspectu.* Ecce quomodo omnis Architectura, Natura magistra prouecta est, & non tam ad necessitatem, quàm ad luxum, & elegantiam, eam à specubus comparauerit, teretes etiam columnas, & discolori aspectu variegatas, magnificis ædibus addere.

121 Sunt igitur speluncæ, naturales domus & habitacula, quæ hominibus Natura suppeditauit, non solum, ut essent corporum diuersorium & receptus, sed & quidam animi recessus ad studia, & non tam naturæ, quam Diuinæ gratiæ opera contemplanda; siquidem solitudo, quæ in antris est, & segregatio à tumultibus sæculi, maxime scientijs, & virtutibus comparandis, plurimum sanctitati, ac diuinis illustrationibus obtinendis, conducit: vnde est illud Prophetæ Ose. 2. *Ducam eam in solitudinem, & loquar ad cor eius.* Adeo ut Dominus ipse, orandi nobis exemplum præbiturus, in desertum locum abierit, memorant non semel Euangelistæ, è quibus Ioannes de semetipso

tipsò testatur Apoc. 17. quòd Diuinorum Myſteriorum, vt particeps fieret, ab Angelo abſtractus fuerit in ſpiritu, in deſertum. Quòd idem nil mirum, ſi ſacratiora ſemper, vel apud Ethnicos habitata fuerint antra, & ſpeluncæ: in quibus celebriora fuere Antrum Sybillæ, propè Cumas, & Trophonium in Bœotia, Oraculis illuſtrata: Si apud fideles, eos quibus dignus non erat mundus, aſſerat Apoſt. ad Hebr. ſcribens, vitam duxiſſe in ſolitudinibus errantes, in montibus, ſpeluncis, & in cauernis terræ, cap. 11. Si demùm ex cultu iam Orbe, & Urbibus, Oppidiſque ad commodè habitandum abundè repleto; nihilominus Nirriæ ſolitudines, ac Thebaidis antra incolere, ſat habuerint Sanctiſſimi Viri, Antonius, Paulus, Hilarion, aliique innumeri Anachoretæ; quòd intelligerent, ea eſſe vnica Innocentiæ præſidia, veraque Diuinitatis Lycæa; itaut vel in ipſa Roma, Fidei Chriſtianæ cultores, Cælo expoſitam negligenter Ciuitatem, & aliam, ſibi ſuffoderent ſubtus terram, ſpecubus architectonicè diſpoſitis, atque in ſpeciem magnæ Urbis, Sacellis, in quibus ſacra facerent; cubiculis in quibus quieſcerent; foris, in quibus negotiationes agerent, ac vijs innumeris, per quas abſque conſuſione, quò quis opus haberet, commodè ſe ferre poſſet, iuxta Architecturæ præcepta (vt hodieque mirari licet) aptiſſimè diſtributis. Tanta erat horum reſeſſum æſtimatio, & ſpeluncarum amor, vt vbi Natura negauerit, ſibi manu, & arte ſufficerent.

Sed, vt ad propoſitum reuertamur. Non ad domos tantùm edificandas, ſpecuum obiecto exemplo, natura nos manu duxit, atque edocuit, ſed & ad ſacras ædes Deo, & Cœlitibus erigendas accendit, vt in ijs Sacra peragere, diuinoque cultui locum dare, longè à ſecularibus negotijs diſceremus. Id quod illuſtri ſpecimine præſtitit in Gargani montis ſpelunca, in Templi cuiuſdam ſimilitudinem conſormata, vbi celebris illa fuit Archangeli Michaelis apparitio, admonentis, (vt habent acta) in ſui tuſela eſſe eum locum, eoque indicio demonſtrare, velle ibi cultum Deo, in ſui & Angelorum memoriam adhiberi. Antrum, ſiue mauis dicam, Templum, tot poſtea miraculis illuſtratum, vt meritò ex toto terrarum Orbe, peregrinos ad ſe conſeplendum, ad venerandam accerſat, ipſumque Othonem Imperatorem (vt reſert B. Petrus Damianus) impulerit, vt Roma nudis pedibus proficiſceretur ad locum viſendum, ſuæque vota exſoluentum. Oterque quaterque (dicam hic cum Maiolo) commemorandum Antrum, in quo diuina gratia tanta elucet maiestas! Sed & de alio longè ampliore Specu, licet non æquè prodigijs inclito, in Aethyopia ſito, tradit Franciſcus Aluarez apud eundem Maiolum, colloq. 25. in quo ingens extat Eccleſia, integrumque Cœnobitarum Mona-



Monasterium: Cæterum de miris, & celebribus antris, ac speluncis, tam naturâ educis, quàm manufactis, toto Orbe apertis, seu potius publico hominum cætui occultatis; videndus est Strabo, Plinius, Mela, Olaus magnus, & ex ijs citatus Maiolus. Sed non silentio prætereunda sacrosanctæ Romanæ Catacumbæ ad S. Laurentij extrâ muros; ad S. Pancratij, alixque permultæ, ad multa millia passuum, infinitis recessibus, ac latebris excavatæ, quæ fuerunt olim SS. Confessorum subterraneæ Vrbes, & domicilia; nunc autem sacratiora, & pretiosiora SS. Martyrum conditoria.

123 SPHAENISCVS apud Geometras, audit corpus solidum inæqualem habens longitudini latitudinem, atque vtrique haud æqualem, altitudinem, seu profunditatem: cuius figuram passim habes apud ipsos. Sunt qui illum appellent *Caneolum*, alij *Bomiscum*, vt præ cæteris, Pappus illum examinans, & obtutibus exhibens, de quo nonnihil diximus in hoc verbo.

124 SPHAERA græcè, latinè *Globus*, qui definitur ex Euclide, quod sit corpus solidum vnica superficie contentum; in cuius medio punctum concipiatur, ad quod quacumque lineæ à superficie ductæ, inueniantur æquales. Seu, vt habet Theodosius, *Est transitus circumferentiæ dimidij circuli, quæ fixa diametro, eousque circumducantur, quousque ad locum suum redeat*. Itaut totum id, quod ab arcu semicirculi circumducto describitur, Sphæræ nomine veniat. Et per hoc manifestum fit, in quo Sphæra contradistinguat a Circulo, qui (vt in loco diximus) est figura plana sub vnica simplici linea comprehensa: vt proinde terminus circuli sit linea circâ centrum æqualiter ducta: terminus vtrò Sphæræ sit superficies, nullis terminis conclusa.

125 SPHAERA etiam ab Astronomis, in concreto accipitur pro tota Cælesti machina, seu Actheræ regionis expanso in sphericam formam abeunte; maximè verò pro primo mobili, in quo circuli omnes, ac Poli circâ quos voluitur: ac *Sphæra materialis*, quæ ipsum cum suis circulis, & affectionibus ad Cardines Mundi, prout diuersimodè alter polorum suprâ horizontem attollitur, oculis repræsentat. Quæ duplex est; altera dicta *Arathea*, ex globo vndequeque solido, & vnica superficie terminato, in qua per lineas descripti circuli, in gradus distincti, necnon & stellæ fixæ sub suis imaginibus suo ordine, magnitudine, & situ, in loco dispositis: Altera dicta *Armilaris*, quod ex armillis confecta est, repræsentantibus circulos maiores, & minores, ad iustam distantiam positos, & axem mundi medium

medium, à Polo ad Polū extensum, sub duobus alijs circulis maiori-
bus Meridiano, & Horizonte, qui repræsentant situm, & Cardines
Mundi. Quam vltius describere, profectò inutile, & superuacaneum
foret, cum nemo fere sit, qui illam assidue in manibus non habeat,
& oculis non contempletur.

SPHAERAE etiam nuncupantur discriminatim Cælestes Orbes
singulorum secundorum Mobilium, seu Planetarum, & Firmamen-
tum, in quo omnes stellæ sunt fixæ, & cum eo peculiari motu mo-
uentur, licet lentissimè, in consequentia. Vnde dicitur communiter
Sphæra Saturni, Sphæra Iouis &c. De quibus, & earum amplitudi-
ne, & crassitie, satis dictum in V. Orbis. 126

SPHAERISTERIVM, meritò aliquando dubitatnm fuit, quid rei
propriè esset in Gymnasijs, Balneis, ac Palæstris, & ad quem vsum
singulariter reservatum. Nam, neque de eo mentionem vllam facit
Vitruuius, accuratissimus alioqui locorum istorum censor, & archi-
tectationis descriptor, neque ex Plinio Iuniore, qui eius semel, &
iterum, cum fastu meminit, in descriptione balnearum suarum, quic-
quam certi expiscari potest quod mentem adæquet, & textus con-
nectat. Quandoquidem primò in epist. ad Gallum lib. 2. de eo hæc
habet: *Non procul Sphæristerium, quod calidissimo Soli, inclinato iam
die occurrit.* Secundò in epist. ad Apollinarem lib. 5. *Apoditerio in-
quit, suppositum est Sphæristerium, quod plura genera exercitationis,
pluresque circulos capit.* Ex quibus nil aliud colligi potest, nisi quod
esset locus varijs exercitationibus deputatus, & commodè positus.
In quo autem genere istæ fuerint; vti, & loci ipsius amplitudo, &
forma, quidquid dicatur, diuinare est. Eius quoque mentio fit in
Pandectis l. si quis, lib. 17. tit. 1. vbi Glossa hæc addit *Locus amœnus
herbis.* Et ad marginem scriptum est, *Locus est in primis, ad exerci-
tium pile deputatus; est & locus in balneis, in quo veteres frisiones suas,
& varia exercitationum genera faciebant.* Consonat Lampridius in
Alexandro, de quo memorat, quod post lectionem, operam Palæstræ,
aut Sphæristerio, aut cursui operam dabat. Sed si locus amœnus herbis,
& ad decursationes idoneus, cur illum suppositum Apoditerio facit
Plinius? Sed fortassis non ineptè quis dixerit, æquiuocum esse vo-
cabulum, & aliquando vsurpari pro conclauis vndique clauso in bal-
neis, cui fuerit hypocaustum adiectum, & Apoditerium desuper
positum pro fricationibus, & sordibus corporis deponendis, de quo
loquitur Plin. & Vlpian. in l. si quis mihi ff. mandat. vbi Aurelius
mandat hospiti suo, vt paret sibi Rauennæ in hortis suis sphæriste-
rium, 127

rium, & hypocaustum valetudinis gratia, & de quo mentionem facit etiam Suetonius in Vespasiano. Aliquando supponere pro amplissima subdiali arca, vbi athleticæ exercitationes haberentur, atque in primis pilæ lusus, ex quo nomen accepit, vel sanè à citulari forma, qua vterque constructus erat, vt explicat Alexand. ab Alex. lib. 3. cap. 15. addēs id esse moris summis viris, eiusmodi loca in suis ædibus, aliquando etiam in Theatris extruere. Vterque autem erat circularis, & gradibus ad sedendum in gyrum dispositis, vt propterea vtrique Sphæristerij appellatio merito manserit. Lege etiam Hieron. Mercurialem in Arte Gymnast. lib. 1. cap. 9. vbi ad hanc rem multa eruditè congerit.

128

SPHAEROIDES in Geometricis dicitur quidquid in sphæræ formam, seu similitudinem incuruatur; siue omninò circulari sit, siue ad ellipsim, siue ad hyperbolam vergat. Accipitur autem præcisè pro linea, aut superficie aream aliquam concludenter. In hoc sensu, Sphæroidis nomine vsus est Vitruu. agens de libratione aquæ medijs instrumentis ad hanc rem factis. *Fortasse* (inquit lib. 8. cap. 6.) *qui Archimedis libros legit, dicit non posse fieri veram ex aqua librationem, quòd ei placet, aquam non esse libratam, sed sphaeroides habere schema, & ibi habere centrum, quo loci habet Orbis terrarum. Hoc autem, siue plana est aqua, seu sphaeroides, necessè est extrema capita canalisi regulæ pariter sustinere aquam.* Cæterùm de Sphæroidum natura, & passionibus, quas primus agnouit, & considerauit Archimedes, agit subtiliter, & accuratè idem subtilissimus Geometra, in libello de Conoidib. & Sphæroidibus.

129

SPHAEROMA dicit, Aristotelis in Mechanicis, quod alij Græci scriptores communiter *Sà coma* nominant: versatile scilicet pondus, quod in statera adhibetur ad faciendum æquipondium. Romanum nos Itali dicimus, de quo alibi scriptum.

130

SPHAEROPEIA facultas est Geometriæ subalterna, quæ peculiariter agit de motibus sphæricorum corporum circa centrum, adeoque de centro granitatis, ac de naturali singulorum propensione, quæ ad ipsum feruntur: de qua re fusè scripsit Goldinus, & Canones habes apud Pappum in Collect. Mathem. lib. 7.

131

SPINOIDES in re militari dicta est acies in rhombi figuram instructa: qualem accuratè describit Aelianus, cum loquitur de equestri acie ordinanda; refertque, Thessalos illam inuenisse, ac primò
in

in prælijs incundis, in talem formam ordinem disposuisse. En eius verba. *Aciebus in rhombi similitudinem formatis, Theffalos primos vsos comperimus, qui plurimum equitatu valuerunt, Iafone, vs ferunt, authore generis huius aciei, vsque ad omnes vsus accommodatoris. Equites enim constituti in hac forma, vertere se in quemvis prospectum possunt, minimèque vel à tergo, vel à latere capientur, quippe cum præstantiores, rhombi latera teneant, & principes, angulos regant. Stat enim in priore angulo turmæ ipsius præfectus; in dextro autem & sinistro, quæ custodes vocantur lateris, statuntur. In reliquo verò angulo Ducem, seu ductorem tergi locari solitum est. Verùm id incommodi subire in hanc formam aciem ordinatam, ex praxi compertum est, quòd minus expedita sit, ac difficulter iugare simul, & versare equites queant, id quod aliàs liberum foret, & peditatus summa laus, & præuentio est. Lege Aelianum infra, ubi inuenies, quid iugare sit, quidue versare, & quomodo aliquando expediat iugare solum, aliquando, neglecta iugatione, tantum versare; aliquando ubi necessitas urgeat, oporteat iugare simul, & identidem sine intermissione, versare. Quod exemplis comprobatur ex Polybio, & alijs.*

SPICA VIRGINIS, Arabicè *Azimech*: Stella est fulgentissima æquæ, ac benignissima, primæ magnitudinis, de natura Veneris, & Mercurij, existens in manu sinistra Constellationis Virginis, atque in Zodiaco nunc temporis in gr. 20: Libræ, cum grad. ferè 2. latitudinis Australis. De hac notauit Argolus in *Pandoso Spherico*, quòd semper in locis idoneis reperta, siue se sola, siue cum Luminaribus reperta, adducat bonorum affluentiam, atque felicitatem: præsertim autem habet significare diuitias: vnde in secunda, vel in Cardinibus cum parte Fortunæ, maxime si Luminaria astiterint, aut affuissent: e contra cum Saturno, bonorum dilapidationem, ac mendicitatem: tribuit etiam in horoscopo morum grauitatem (vt notat idem Argolus de *Diebus Criticis lib. 1. cap. 6.*) prudentiam, profundumque iudicium, ac naturali quodam genio inclinatur ad religionem, ac pietatem: quòd ideo inter stellas regias computatur, ac portò primatum (me iudice) tenet, quòd non sicut aliæ, plus minus, participant de natura Maleficarum, & ideo æquæ bonis, ac malis afferendis indifferenter dispositæ sunt: At ista tota benigna est, nil violentum, nullum excessum primarum qualitatum admittit, Sed solum fecundare tellurem, fouereque vitam stirpium, & animalium, nata. Vnde de ea non hyperbolicè, nec poetice, vt aliàs as-

132

Aduersos mores, & pectora dura per ortum

Spica dabit: frumenta seret, graue figet aratrum;

Mella fauis expressa liquet, nihil ultra remittens

Ad vita varios usus. Maria alta secabit

Piscator; nunc casse cibum, nunc comparat hamo.

Attamen quoad aëris vicissitudines, ac temperiem, non ita propitia est, & facile à Planetis, quibuscum congregitur, ad eorum significata concurrit, & complet: vnde cum Saturno adducit imbres, & nebulas; cum Mercurio, tam oriens, quam occidens, facit ventos cum nubilo, & aliquando pluuias, & est infida nauigantibus, perinde ac stellæ Orionis, Delphinus, Hyades, ac Vergiliæ. Oritur autem Romæ cum gr. 19, Libræ circa vndecimam diem Octobris; occidit verò paulò antè, cum gr. 14. eiusdem signi, die sexta.

133 SPICARVM MANIPVLVS dicta est etiam Coma Berenicis, si-
 dus in Cælo à Ptolemæo in peculiarem Asterismum non colligatum,
 sed in extremum caudæ Leonis reiectum, aut sanè inter sporades de-
 relictum; constat stellis vndecim infimæ notæ ad Colurum Aequino-
 ctiorum adiacentibus, de natura Veneris, & Lunæ, & ideò non se-
 cùs ac Nebulosæ, cum Luminaribus solet esse oculis semper infensum.
 Ptolemæus tres tantum ex ijs considerat in formam trianguli abeun-
 tes, quas tamen, vt dixi, reliquit informes, & appellauit *Triche*.
 Proclus, & Stephlerinus, septem in eo enumerant, & Cincinnos
 vocant, & Crines.

134 SPICATVM OPVS in opere architectonico adhiberi solet pas-
 sim in pauimentis sternendis: & dicitur illud, quod ex coëtilibus la-
 terculis ad cultrum (vt dicitur) erectis, & in angulum coëuntibus ad
 spicarum similitudinem dispositis, contexitur, & constratur, *Spica-*
cam testaceam dixit Vitruu. lib. 7. cap. 1. ad quod Philander: *Spicato-*
rum testaceorum (inquit) meminit Plinius lib. 36. cap. 25. nec tamen ex-
 plicat, quomodo facere oporteat. Ex Veterum operibus didici, fieri pa-
 uimentum spicatum testaceum lateribus coëtilibus iunctis, & in latus pro-
 eliuatis ad spicarum similitudinem. Verùm duo sunt modi huiusmodi
 lateres in spinam disponendi: alter, vt in planum iaceant, & ad la-
 tera se contingant, est pauimenti genus vti delicatius, ita debilius
 multam pressuram non patitur, sed iugi teritione finduntur lateres,
 & loco dimouentur, vt videmus quotidie; & ideò nonnisi in cubicu-
 lis secretioribus adhibentur. Alterū solidius, quo (vt suprâ tetigi) la-
 teres erecti ad cultrum, vnus alteri inhærens, & calce fortiter con-
 glutinatus atque alternatim in duos ordines, in spinâ piscis formam

omnes cadentes; atque hæc est optima pauimentorum construendorum ratio solidissima, vbi pro altitudine, & spissitudine erectorum laterculorum, non est periculum, ne vlla vnquam pressione rumpan-
tur, aut discompaginentur, & venustam alioqui speciem referunt. Vnde non in tectis solum areis, sed & sub dio, in vestibulo domo-
rum, in atrijs, & in vijs, ac plateis, vbi frequens hominum, in-
umentorum, vehiculorumque est itio, passim ad hunc modum pa-
uimenta constriantur, quæ continua pressione magis, magisque ob-
durefcunt, & solidantur; & ratione cunei in quem bini, & bini la-
teres abeunt, inuicem sibi obsistunt, ac dilocari non possunt.

SPICVLVM Grammaticorum vulgus appellat omne telorum
genus, siue missile, siue manu adactum, quod ferream cuspidem
in extremo habeat, quæ vulnus infligit: quo nomine comprehen-
duntur hastæ, pila, lanceæ, sagittæ, obeli, venabula; denique omne
id quod, siue in prælijs ad hostes emius feriendos, siue in venatio-
ne, ad feras detinendas, mastrandæque immittitur, absque vilo disci-
mine. Et verò multi Scriptores antiquiores, ac præsertim Poëtæ, ea
confundunt, in quibus etiam Vegetius lib. 2. cap. 15. refert pilum
Romanum, quo milites ad iactum exercebantur, suo tempore spi-
culum vocitari. At non ita loquebantur æqui rerum æstimator-
es, qui stantes in rigore, & proprietate verborum, in ipsis iaculis,
ac sagittis spicula distinguebant, & pro his tantum præfixum fer-
rum, seu cuspidem, & aculeum; intelligebant. Sic non semel Cur-
tius de Gestis Alexandri, lib. 7. c. 6. quem sagitta iectum à latroni-
bus refert, aitque eam, in medio crure, infixum reliquisse spiculum.
Similiter lib. 8. cap. 10. scribit, quòd dum is bellum in Indias adpor-
tans, nescio quam Urbem sita, & opere munitissimam obsidione,
capere volens, propius accederet, eius munimenta contemplaturus,
miles quidam è muro sagitta eum percussit. Tum fortè (Curtij verba
sunt) in sura incidit telum: cuius spiculo emulso, admoneri equum iussit
Græc. Ecce quomodo aliud dicit telum, aliud spiculum, quod telo præ-
figitur, & auulso telo, nunc illud spiculum sequitur, nunc ferrum.
manet nihilominus infixum vulneri. Tuilius quoque ad Luceium
lib. 5. ep. 11. scribit, laudans fortitudinem Epaminondæ, qui moriens
apud Mantiacam, tum denique sibi auelli iubet spiculum, postea quam
ei percontanti dictum est, clypeum esse saluum. Et orat. in L. Pisonem,
ei obiectat, quòd L. Crassus eius auus, triumphum (quòd ipse nullo
dato de se fortitudinis exēplo, turpiter ambiebat) iuste poterat, quia
vbi hostis nullus erat, spiculis scrutatus est alpes. Atqui non hastis, &
sagittis alijsue telis perfodiendæ erant alpes, sed cuneis, quos Per-

spicula intellexit. Et mille ad id euincendum exempla passim inuenies apud alios primæ notæ Scriptores. Quare meritò concludit La-Cerda in illud Virgilij Aeneid. 11. *Protendunt hastas, & spicula vibrant. Nescias, inquit, quo malo indultum à pædotribis, ut spicula explicent sagittas: cum spiculum dicatur à spica, & propriè est ferrum, aut hasta, aut sagitta, aut iaculi, ut hic Virgilius.*

136 SPINGARDA vulgò dicitur tormenti genus in bombardæ speciem, sed amplissimo aluo & orificio, in se admittens saxa, plumbeas pilas, catenarum fragmenta, & id genus: quòd idèò explosum vastationem & ruinas per circuitum infert. Profectam crediderim vocem è veteri illa *Springalla*, seu *Biblia Petraria*, de qua Lipsius in Poliorcet. Machina videlicet eiaculatoria, Ballistæ non multum ab-
similis. Vide quæ in *Biblia Petraria* diximus.

137 SPIRA originariè græca vox est, & appellat generaliter quidquid in orbem voluitur & reuoluitur, nunquam tamen in idipsum redit, sed contracto, aut ampliato gyro, aliquantulum à perfectò circulo discedit, acrescit. Ex quo anguium conuolutiones, quibus se in orbem colligunt, & nautici rudentes, longioresque funes, qui in agendis machinis adhibentur, cum ab opere cessant, & in gyrum complicantur, quasi proprio sibi arrepto nomine, spiræ iam dictæ sunt. Hinc etiam Architectones columnarum torulos, qui immediatè imò scapo in basis partem submittuntur, & foras profiliunt; ad horum similitudinem, spiras appellant. Sed spiras frequentius nominant Geometræ, lineas curuas in gyrum actas, & ad se non reuer-
tentes; atque Astronomi circula rem planetarum motû circà tellurem, quo raptu primi mobilis in dies singulos agitantur, adeoque ratione proprii motus, à puncto, quod pridè, tenuerunt, postero die inueniuntur abscedere, sicque spiralem quandam lineam efformare. Quò fit
6 ut spiralis hæc linea, ob miras & insignes proprietates, quibus pollet, in magna sit consideratione tum apud eos, tum apud reliquos mathematicos, & mechanicos: ut propterea Archimedes Geometrarum Phænix, totus in ea fuerit contemplanda, & librum super ea scripserit. Ea etenim coalescit ex infinitis propemodum circulorum, segmentis, seu circulis circà centrum productis, ab eò initium summentibus, & sensim succrescentibus, itaut unusquisque, completo gyro, non redeat ad idem punctum vnde discesserat, sed aliquantò altius, & altius insurgat in infinitum, geometrica progressionem, quæ arithmeticam imitatur. Nam datò primo, & secundo termino, numeroque intervallo, statim inuenitur vltimus terminus, si multipli-

plicetur secundus per tertium, & ex productio prius terminus abscindatur per numerum interuallorum vno minus, assumptum; productio ex omnium summa habebitur exacta lineæ spiralis productio. Ex qua, vt dixi, plurima proueniunt commoda, & multa deteguntur arcana in geometricis, & mechanicis. Sed potissimum Astronomis singulare lumen præstat in auspicando motu directionis, qui resultat ex concurrentia duorum illorum motuum raptus, & proprii, quibus ad æquatorem iugi vertigine, sensim accedunt, aut recedunt, per lineam spiralem, quam sua circumuolutione describunt. Quod quomodo fiat, dictum est abundè in V. *Directio*.

SPLENDOR in seipso rigorosè consideratus, lux est secundaria, 138
seu potius fulgor egrediens è corpore illuminato, & longè lateque diffusus. In quo sane differt à lumine, & à radio; nam illud est effectus lucis, seu luminis primarij in corpore luminoso existentis, & diffunditur in obiectum diaphanum, aut aliàs capax luminis secundarij, seu, mauis dicam, participati, atque reflexi: Radius autem immediate procedit, ac directè fertur à corpore ex se luminoso in alia obiecta illuminanda, & capacia luminis secundarij. At splendor emanat, vt dixi, à corpore aliunde illuminato, ac terminat vbi ratione obsistentiæ & opacitatis, non potest vltra transmitti: quare, eo modo quo potest, recipit, & mox reflectit, vt accidit in Speculo lapidibus pretiosis, & leuigatis, ac similibus. Hinc est, vt Radius propriè comperat Soli, qui est fons, & thesaurus indeficiens lucis, à qua promanat lumen primarium siderum; splendor autem corpori illuminato, atque adeo ipsis sideribus, quæ per reflexionem cuibrant medio splendore, lumen acceptum. Vide etiam quæ ad hanc rem diximus in V. V. *Lumen*, & *Lux*.

SPORADES, communi Geographorum notione, vocantur Insula 139
quædam parui circuitus, huc illucque dispersæ in Mari Carpathio propè Cretam, quæ à Ptolemæo, in descriptione Orbis neglectæ sunt, nec cum alijs comprehensæ. Hinc Astronomi ex similitudine, arrepta occasione, sporades nominarunt in Cælestibus Stellæ, quas Ptolemæus ipse in recensione reliquit informes, cuiusmodi sunt Arcturus existens solitarius inter crura Bootis; quinque quartæ magnitudinis circà Pegasum, & aliæ multæ circà alia Sidera, quarum plurimæ à recentioribus Astronomis in formam redactæ sunt: de quibus sapius fuit sermo, cum singillatim de ipsis sideribus egimus.

- 140** SPRANGA apud Theutonicos, teste D-Cange in Glossar. com-
muni, & populari vocabulo dicitur, quæ à politionis linguæ Latinis
Scriptoribus vocatur *Anteris*: Ligneū videlicet fulcimentum seu, trabs
ruinā minantibus ædificijs exterius applicata, quæ parietes continent,
ne labantur, & corruant. Sic habetur in lege Bauar. tit. 9. cap. 7.
*Trabes verò singulæ cum tribus sol. componantur: exteriores verò, quas
sprangas vocamus, eoquod ordinem continent parietum cum tribus, sol.
componant.* Ni potius velis, eas significari, quas euerganeas appellat
Vitruu. lib. 5. cap. 1. quæ tanquam fibulæ exterius applicantur an-
gulis parietum, ad illos fortiter connectendos: de quibus diximus
iuo loco.


SPRINGALLA machina bellica. Vide *Spingarda*.

- 141** SQVADRA, fabrorum vocabulo, nominatur *Libella*, seu *Norma*,
qua lapides, & alia quæ in structuris, & operibus fabrilibus compo-
nendis admoventur, in plānum ad perpendicularum statuunt, vt fir-
miter hæreant. Constat autem duabus regulis, quæ iunguntur ad
angulum rectum, cruribus diuaticatis, quæ vt immota semper
permaneant, firmantur aliâ regula transversa, itaut A figuram effor-
ment, ac triangulum rectangulum, è cuius vertice plumbum è filo
pendet; quod, vbi (statuto orthogonaliter super libranda materiam
instrumento) perpendiculariter cadit in medium transversæ regulæ,
seu lineæ mente conceptæ in æqua distantia, indicabit illam esse li-
bratam. Sed de hoc instrumento satis dictum est in vestibulo operis,
& in V. V. *Gnomon*, *Libella* & alibi.

- 142** STADIUM antiquitus certa erat mensura, & definitus cursus ad
metam: quod ideò in Palæstris tantummodò signabatur, in quo
athletæ exercerentur. Nomen accepit à statione, quod Hercules lu-
dorum Olympicorum inuentor, tantum spatij, vno spiritu cum confe-
cisset, tandem pedem fixit, & stetit, ibique metam locauit, & cursus
terminum. Hinc in omni Palæstra, ad eius exemplar stadia consti-
tuta sunt, ad athletarum decursionem: quæ & subdialia, & tecta
erant, pro varia temporum condicione. Quod ideò de Palæstrarum
ædificatione agens Vitruu. lib. 5. cap. 11. monet, vt extrâ disponan-
tur porticus tres, una ex peristyllo exeuntibus, dua dextrâ atque sinistrâ
stadiate: Et subdialia quidem appellat *Hypetras ambulationes*; operta
verò sub porticibus, *Xysta*. Quod *Athleta*, ait, per hyberna tempora
in tectis stadij exercentur. Cæterum Stadij nomen non iam ampliùs
cursus terminum, & stationem indicat, sed ad ipsam cursitationem
signi-

significandam deflexum est; adeo ut denotet, non tam mensuram itineris, quod Hercules suis pedibus metatus est, quam omne simile spatium quod in longitudinem computatur in extensione itinerum viarum, & agrorum, appellans spatium centum vigintiquinque passuum, (quod videlicet vno cursu confecit Hercules) itaut octo stadia compleant vnum millare ex nostris, hoc est mille passus. Hinc à stadio, itinerum mensura exorta est, & à numero, & multiplicitate stadiorum, diuersæ itinerum mensuræ sunt appellatæ: ut *Diaulon* quod duo stadia comprehendit, *Dolichon*, quod sex stadia continebat, &c. quæ à duplicato, vel pluries replicato cursu ad metam, denominata sunt, de qua re videndus est Plinius, & Censorinus. Postea indefinitè ad omnem mensuram itinerum secundum diuersarum nationum usum, ac definitionem traducta. Vnde apud Persas introducta est *Parasangæ*, quæ teste Herodoto est spatium triginta stadiorum, Aegyptij habent *Schennum* quadraginta stadiorum, si fidem Plinio habere volumus, vel sexaginta, si Herodoto. Sed vsitatio & communis omnium erat *Stathmos*, quæ iusta mensura erat itineris vnius diei, quam commodè homo pedibus suis conficere poterat, continebatque stadia 224. hoc est milliar. nostra 28. Quæ mensura potissimum attendebatur in progressu militari, itaut ea perfecta, sisteret exercitus, & mansiones ad quietem haberet: quæ ratione ipsæ demùm mansiones sub stathmi nomine veniebant; vti habetur in Cod. Iustiniano, & alibi, quo cautum erat, ut vbi semel miles in stathmo pedem fixerit, inde digredi, aut vltius excurrere crimen erat: atque ex eo transit in prouerbiū *Stathmum transilire*, de omni re, quæ modum, & terminum in rebus agendis definitum, transcendit. Similiter *Excursiones* dictæ militares velitationes, quæ milites in acie militari suos ordines tenentes, Ducum nutu aliquantulum defleunt, hostes prouocant, leuiores pugnas incunt, & iustam auspiciantur. Has nostri vulgò *Scaramuccias* nuncupant, Antiqui excursiones, & velitationes. De quibus sæpè Mauritius Imperator, & Ammianus.

STATERA notissimum instrumentum ad pondera examinanda, factum, non multum distans à bilance, & libra, nisi quod hoc operosius, vniuersalius, & mirabilius, quod non æquis ponderibus, & pari à centro brachiorum distantia, operationem suam libratione perficiat, & assequatur. A Statica facultate profectum, atque inde denominatum (de qua mox infra) Habet enim effectum vestræ primi generis, quem refert scapus oblongus, habens ex vna parte dependens pondus; ex altera longiore, atque indefinita, æquipondium

utro, citroque excurrrens, illud quidem ex se inæqualis ponderositas, & ut plurimum minoris, quam ipsum pondus examinandum, sed constitutum in æquidistantia ab ansa, quæ gerit vicem hypomochlij, vel in æqualibus momentis sistit, & facit æquilibrium, itaut ex eo noscatur terminus ponderationis, & quanti res pendat, per signa & lineolas in scapi dorso signatas. Tria igitur concurrunt ad constituendam stateram vniuersalem, atque indefinitam quorumcumque ponderum trutinatricem: Scapus, seu vectis teres, aut quadrangularis ex ferro, pendens ex ansa seu trutina, quæ referat centrum, & hypomochlium, ad cuius respectum fit comparatio ponderis cum potentia, & ideo inæqualibus spatijs eius brachia hincinde à centro distantia, definiuntur, Secundò lanx vna, seu vncus, hinc à contraciore brachio dependens, & cui res ponderanda ad examen imponitur, vel affigitur: tertio æquipondium, siue appendiculum certæ ad libitum ponderositatis, quod gerit vicem potentia, quæ quantoplus ab hypomochlio distat, plus acquirit momenti (vt suo loco dicemus) adeoque vbi sistit in æquilibrio, indicat paritatem virium, & quanti res pensitet. Hoc nos *Romanum* dicimus; Græci *Sacom* Aristoteles autem in *Mechanicis Spheroma*. Et hæc est constitutio Stateræ vulgaris, quæ communiter vtimur in rebus ponderandis, ac tantæ utilitatis est in humanis commercijs. De alijs peregrinis, & mirabilium effectuum productricibus, videndus est Scottus in sua *Magia Statica*. Hoc vnum addo, quod in nostra communi Statera addi possunt, & solent ad maiorem commoditatem, & pro duplici vsu, duæ trutinæ seu ansæ, inter se aliquantum distantes, quæ referant diuersam positionem centri; quarum vna sursum erecta minutiora pendat, vtputa libras, & uncias; altera inuerso scapo, ac data maiori distantia eius ab vnco, variet æquilibrium, & ad grauiora, atque excessiua pondera examinanda deferuiat: vti omnibus notum est. Atque ex hoc dignior atque vniuersalior est, qualibet vel magna  balance, statera; cum illa ad certum tantum terminum se extendat, & per æqualia pondera; hæc autem, indeterminata sit, & per longitudinem scapi procedat in infinitum. Sed vide quæ dicimus in *V Trutina*, & figuram operationis eius in *Veste*.

144

STATICA dicta est facultas, quæ ex Geometriæ principijs practicè agit de corporum grauitate, ac tendentia ad suum centrum; atque adeò attendit in ijs grauitatis centrum, lineam directionis: tum ea inter se comparat, singulorum naturam passiones considerans, cum intrinsecè secundum propriam cuiusque conditionem, tum extrinsecè ex accidenti aduenientibus, vtputa, situ, motu, impressio-

ne,

ne, obnitentia, & obstantia contrariorum, quæ ipsorum naturalem exigentiam aut retardant, aut omnino impediunt. Quod ideo singulorum momenta perpendens, vnâque conferens, multa assequitur, & opere complet, quæ mira quidem videntur, & supra naturam patrata; attamen vnice à natura prodeunt, arte manum subministrante, atque impedimenta, iuxtà operis exigentiam, vel subiuouente, vel sanè interponente. Magna equidem & mira est huius facultatis potentia, & actiuitas; & per vniuersa transcendit, quæ humano vsui sunt accommodata, magnæque arcana per eam in lucem prodeunt: quæ pro sui amplitudine, in varias minores artes dispecscitur; ac diuersa accipit nomina, pro diuersitate obiectorum, quæ considerat, & qualitate accidentium quæ concurrunt.

Igitur, vel in corporibus considerat naturam, consistentiam, situm, tendentiam, grauitatem sibi naturaliter inditam; & tunc tota est in attendendo grauitatis centro; vocaturque proinde proprio nomine *Centrobaryca*, quæ centrum grauitatis vnice inquit, & examinat, non in corporibus tantum, sed & in ipsis superficiebus, ac lineis; atque exinde, variationem centri ad variationem situs, formæ, aut superuenientis circumstantiæ, rerum ordinem alterantis. Vel transit ad collationem inter se duorum vel plurium corporum æquè aut non æquè grauitantium; & tunc dicitur *Isorropostatica*, quæ ad hoc vtitur Trutina, Statera, Libra, aut alio consimili instrumento ad hoc venandum idoneo; agitque propterea de discretione, & analogia ponderum, & ponderantium, de quiete, motu, aut impetu, quo se libra restituit; de centro librationis, ac de æquiponderantium figurarum transmutatione, retento nihilominus æquilibrio.

Quoad motum etiam corporum, considerari possunt ejus causæ, media adiuantia, aut impediencia, &c. Causæ motus, vt dixi, alix sunt intrinsecæ à natura ipsa subiecti, de se tendentis ad centrum; aut ex naturali affectione se voluentis ad polos mundi; & de his agit *Stathmica*, quæ tota est in contemplanda linea directionis; qua virtute grauiæ deorsum ferantur, aut leuia sursum ascendant, aut sympathica, ad sui principium aduolent: perpendit etiam circumstantias, & qualitatem figuræ, impetum, quo se grauiæ ad motum perpendicularem determinant; nec præterit affectiones secundarij motus ex impulsu accelerantis, aut ex obnitentia retardantis: vt etiam proportionem adaçti ictus ad naturalem impetum, impetus ad tempus; temporis ad momenta; quibus mobilia permeant, fiunt, decurrunt, &c. Vel considerat adhuc pressius causas extrinsecas motus, quæ proueniunt à qualitate impulsus inditi per varia instrumenta, & motiones mechanicas, quæ ad vnâ ex quinque po-

tentijis reducuntur, & sunt Vectis, Trochlea, Ergata, Cuneus, & Cochlea, & suas peculiare denominaciones habent, vt *Mochlostatica*, *Trochleostatica*, *Onostatica*, *Sphanostatica*, & *Cochleostatica*.

- 147 Præterea listi potest in medio, per quod fit motus grauium, aut leuium; & hæc consideratio generali nomine gaudet, quod est *Meostatica*. Quæ insuper à qualitate medij, subdiuiditur in *Aërostaticam*, quæ agit de libratione corporum in aëre libero, *Hydrostaticam* de motu qui fit per aquam, vtputa in superficie Maris, lacuum aut fluminum; vel in eiusdem crassitudine deorsum, aut sursum; & *Pyrostaticam*, quæ attendit librationem ignitorum per aerem, aquam, locos subterraneos, aliaque impedimenta motui obsistentia: adeoque agit de virtute pulueris tormentarij, pondere & forma missilium, machinæ emittentis, indeque desumit regulas collimandi rectâ ad scopum, per iter rectum aut arcuatum, ad rationem impressæ virtutis, atque ipsius missilis grauitatis, vel leuitatis, vnde etiam ars *Cunicularia*, & *Pyrotechnica*.

- 148 Tandem considerari possunt vnice impedimenta, quæ nata sunt sistere, aut retardare motum: vnde emergit *Loxobaryca*, quæ agit de planis directis, & inclinatis, per quæ contingit transire mobile, de sua natura tendens sursum, deorsum, aut lateraliter, vbi illud trahit impulsus; comparatque hæc plana cum orthogonio, & cum vtrisque insitam mobilis grauitatem, aut leuitatem. Tum *Anatamptica*, quæ pertractat de angulo incidentiæ, & reflexionis, de causa & mensura vtriusque motus, de eius variatione ex occurso corporis impacti, ac reflectentis, de resultu globorum parium, & imparium si fortè in se mutuo impingant, de altitudine aquæ subfiliantis cum in planum cadit, &c. Denique *Sparthostatica*, quæ singulariter agit de motu circulari, eiusque impedimentis: ex quibus omnibus magna suppellex obuenit Ingenarijs, & machinatoribus, varia opera perficiendi, tam in pace, quam in bello, Reip. profutura: ac de his magna pars mechanicorum, & artificum viciat.

- 149 STATIO in remilitari dicitur locus, vbi miles dum acû non pugnat, pedem figit, ac pro tempore moram trahit, siue vigil ad custodiam, siue propugnator ad loci præsidium, siue mansionarius ad inhabitandum. Et hæc quidem promiscuè appellantur Statia, hyberna autem vel æstiuæ, pro conditione temporum; ac Statarij, seu Stationarij audiunt milites inibi commorantes: illa autem propriè Statio, & Excubiæ, Nostri autem huiusmodi stationes vocant *Corpi di Guardia*. De vtrisque fit mentio in Iure l. 1. §. Quod ait Præter & l. 2. C. de Præf. Prætorij, & in Institut. §. Illis autem De milit. testam.

testam. vbi huiusmodi vigiles, & præsidarij dicuntur Ordinarij, ac Stationarij, quòd in locis limitarijs stationes & vigilias agere debeant ad subitas hostium incurfiones, vel infidiosas molitiones, præcepto tranfeuntibus factò, dari tesserae signum. Mansiones quoque vocat Iustinianus in Cod. quas transilire, vel deferere militi crimen erat; & in Institutis appellantur Sedes, de quibus item cauetur: Citrà expeditionum necessitatem, in suis sedibus degant.

At in re nauali, Classaria Statio appellat portum in quem Classis 150 se recipit, aut naues vtrumque consistunt, promptæ ad soluendum opportuno tempore, & interim se reficiunt ab iniurijs tempestatum, quas passæ sunt, mare prætermeantes. Ad cuius loci tutam, & fidam mansionem, præcipit Vitruu. lib. 8. cap. 12. *Si erit ex vna parte Statio, tunc ex altera parte, strutiuris siue aggeribus expediantur progressus, & ita conformandæ sunt portuum conclusiones.* Vnde vniuersaliter Statio dicit tutam ac fidam nauium, aut copiarum militarium permanentium, ad sui, locorumque, aut Castrorum custodiam; atque inde præstò esse possint ad accurrendum, aut fortiter obfistendum, vbi opus est, in casu hostilis inuasionis.

STATIO locum habet etiam, suo modo, inter planetas, nempe 151 quinque Errones, (namque Luminaribus haud competit:) & est, cum sese rotantes circà Solem, quem habent pro centro, feruntur hinc inde, in maxima elongatione ab eo, ad terminos primæ & secundæ Stationis sui cuiusque Epicycli; vbi neutiquam, aut sanè insensibiliter videntur moueri, permutareque loca in Zodiaco: quibus transactis incipiunt fieri, aut directi, descendentes ad Perigeum, aut retrogradi ascendentes ad Apogeu, vt videre est in figura quam exposuimus in V. *Retrogradus*. Vnde & ipsi in eo casu

STATIONARIJ denominantur: quippe etsi nihilò secius, indefesso, & æquali semper motu rotentur circà Solem in suis Orbitis; attamen, cum rectà meant ascendentes ac descendentes, quoad partes Zodiaci videntur stare immoti: & reuerà aut nullas aut certè pauculas, & insensibiles transeunt.

STATVARIA. Vide in V. *Sculptura*.

STATVMEN in opere architectonico dicitur imum pauimentum, 152 quod pro basi, & fulcimento immediate substernitur nucleo, vel medio corio, quod nostri, Architecti Animam nuncupant. Ad cuius rei intelligentiam, sciendum est ex præceptis Vitruuij lib. 7. cap. 1. Pauimentum, quod iugi pedum calcationi exponitur, estque susten-

ta culum rerum plerumque grauitantium, quæ in ædificium promiscuè inferuntur, & sæpè de loco in locum asportantur, ibi continenter mansuræ; ita debere solidari simul, & exæquari, vt nullo vnquam tempore, aut cuiusuis rei impositione, ponderi cedat, rimas contrahat, ac subsidat. Quapropter omni studio ac sedulitate sternendum venit, ac probè consolidandum. Ad quod nil aptius, & experientia magis probatum inuenere Architecti, quam illud tribus diuersi generis superimpositis corijs stringere, & coagmentare, quæ sibi mutuò adhæreant, & cuiusque impactæ vi resistent, oblucentur, infractaque permaneant. Quod ideo supra terram vel asseres contignationis benè exæquatos & complanatos, inducitur primum corium, quod idcirco *Statumen* dicitur ex quauis materia, seu lapidea, seu cæmentitia, modò coadunabilis sit, fortis, ad resistendum, sibi que adhæreat, & in vnum cuire sit apta: ita tamen aduertit Vitruu., vt fragmenta, & saxa, quæ in ruderationem intrant, non minora sint quàm quod singula possint manum implere. Hac ita statuminatione peracta, quam valdè appositè *Pedamentum* vocat Budæus, superinducitur rudus, seu nouum, seu rediuuium, calce ad eius rationem admixta, & *velibus ligneis* (verba sunt Vitruuij) *decursijs indulsis, crebriter pensatione solidetur.* *Insuper ex testa nucleus inducatur*, hoc est, secundum corium ex testaceis fragmentis minutionibus, calce admixtis, quod dicitur Nucleus, quia ad nucleï, rationem durefcit, & animam interiorem protegit, atque intaminatam custodit. Tandem (concludit Vitruuius) supra nucleum, ad regulam & libellam exacta pauimenta struantur, siue scætilibus, siue tesseris. Et hæc est tertia crusta, quæ pauimentum complet, & firmat, vt iam cuiusque pressioni posset obfistere, & æternum durare.

- 153** STEGA in re ædificatoria, ex græca notione tabulatum indicat, seu contignationem diuisam in plures partes, quæ diuersa loculamenta constituent, atque vnum ab altero segreget. Id quod in Lethyridis, aliorumque leguminum folliculis, obseruauit & hac voce expresseit Dioscorides lib. 4. cap. 161. vnde, & *Distega*, & *Tristega* deriuarunt, quæ duplicem aut triplicem contignationem denotant. De quibus fufius suo loco.

- 154** STELAE, ex græco *στῆλαι*, propriè, signatèquæ appellant pilas quadratas, quæ è structili materia sunt, siue solitariè, & per se stantes monumenti loco, vbi ad posterorum memoriam inscribi solet aliquid notatu dignum, vti olim passim fiebat, annotando in

ijs nomina, & tempora magistratuum, quos gerebant: siue duplices, loco anteridum, & antarum, quæ constitui solent in faucibus portuum, vt obstant fluctibus maris cum impetu intrantibus, ac proinde fidam nantium stationem continua agitatione turbantibus: & de his agit Vitruuius lib. 5. cap. 12. docens ex qua materia & qualiter firmari debeant. Hinc stelare & oppilare portum apud antiquos perinde est, ac portus aditum firmissimis stelis, ac pilis obducere: vnde est illud Lucretij lib. 6. de Natura rerum.

Fluctibus aduersis oppilare ostia contra,

Cum Mare permotum ventis ruit intus arenam.

Has, *Vngulas*, alia ratione vocat Thucydides, vt videbimus in hoc Verbo.

STELLA in Astronomicis audit Corpus sphericum in æthereæ regione consistens lumine præditum, siue sua, siue mutuata luce à Sole, perfulgens, ac mirè intuentium oculos sua claritate oblectans, ac simul præstingens. Ex quo *Astri* nomen, apud Græcos deriuatum, existimat Plato in *Cratilo*. Dicitur autem promiscuè tam de quinque erraticis, quam de Fixis in Firmamento existentibus, quæ in in varios Asterismos sunt dispersitæ. Et hæc potissimum Stellarum nomen sibi vendicat, nam illæ ad distinctionem, Planetæ communiter appellantur. Cuius porro substantiæ, tam istæ quam illæ sint, nihil certi definiri potest: Hoc sanè indubitatum, eas neque propriè igneas esse, vt volebat Plotinus; neque aeræ ex densiori aëre constipatas, vt Anaximander; neque terreas, puta de gemmarum natura, quarum ramenta, nostras has genimas esse dicebat Anaxagoras, & non abnuunt plerique Peripatetici; sed purioris, & sublimioris esse substantiæ, fortasse incorruptibilis, ab elementari specie diuersæ.

Sed earum numerum innumerabilem esse, nemo ibit inficias, quas Sacræ Paginæ testantur numerari non posse. Quamquam Ptolemæus, & Antiquiores Astronomi enumerarunt & recensuerunt, quæ clarè essent visibiles, solummodò 1022. easque, nec plures nec pauciores esse contendit Clavius, & si quando hyeme præsertim longè plures apparent, ait in his porro visum hallucinari. At Recentiores ferè omnes perspicaciores fuere, & alias, etiam nudo oculo clarè visibiles, & à se visas astruunt. Keplerus in Catalogo 1395. recenset; Schiccardus, 1692. Bayerus in Vranometria, 1709. Nos in nostro nouo Catalogo ad Tabulas Primi Mobilis adiecto, ex his selegimus, & calculauimus omnes 1570. desumptas vt plurimum, ex Bayero. At si omnes, quæ medio Telescopio detectæ sunt pridem

dem à Galilæo , & successiue ab alijs accuratissimis Astronomis, perfectioribus instrumentis , quæ nostra ætate ad summam perfectionem venire , deficiet animus , & semper nouæ ac nouæ suppetent. Sanè in sola Nebulosa Præsepis, distinctè omnino 36. se obseruasse, restatur Galilæus in *Nuncio siderio*; in Pleiadibus plusquam 40. atque in Orione intrâ vnius alterius fere gradus spatiû, numerasse plusquâ 500. adeoû confusus, ac labore fractus, manum subduxerit : at verò Ant. Maria Reita Capuccinus, lentibus à se fabricatis, prouinciam recalcasse se dicit, atque in Orione stellas bis mille, distinctissimè numerasse. Quibus omnibus perpenfis ità rem concludit Ricciolus in *Almagesto* lib. 6. cap. 6. *Itaque, si quis stellas ultra vicies centena millia putet, mihi quidem nihil inopinabile finxerit.* De stellarum scintillatione, abundè diximus suo loco : vti de singularum efficientia, & influxibus particularibus, cùm de ijs per ordinem recurrit consideratio.

- 157 STELLA IUNIOR apud antiquos Agrimensores (nescimus quâ ratione) appellitari solebat ager, vel campus in decussim conducatum. Vnde penes Caium, ac Theodosium I.C. habes : *Stellam iuniorem super picatos palos consecrauimus, & alibi: Et signatim, vt inueniantur pali ipsi, Stellam consecrauimus; & ipsa Stella iunior nomine vocatur.* Fortasse (ita coniectari licet) quod ipsa decussatio conductata, radiantem quodammodo stellam referat, vti stellas notare solemus. Iuniorem verò, eo fine appellauere, quòd post cælestes utique antiquiores, & genuinas stellas, hæc iunior, & efficitia ex Agrimensores cerebro sit educta.

- 158 STENTEROPHONICA Tuba, (quam simpliciore, & expressiore vocabulo, satis appositè *Vocalem* dixeris) est quæ non ità pridem, è principijs Mathematicis inuenta est, quâ vox mirum in modum intenditur & fit elatior, adeò vt pluribus vocibus in vnum confluentibus æquiualeat, & in multam distantiam, ac si propè esset, clarè ac distinctissimè exaudiatur. Huius inuenti speculator, & artifex in praxi, fuisse traditur nobilis quidam Anglus, nomine Morland; cui & placuit Stenterophonicam agnominare, alludendo ad factum, ac tribuendo ei nomen famosissimi illius Stentonis apud Homerum, de quo refert, quod quinquaginta planè hominum coadunatum clamore, vocis sua claritate & magnitudine exæquasset. Sed mirum est, hætenus intentatum extitisse artificium mirabilis huius organi, cuius virtus & efficacia, tum istius exemplo, tum ratione philosophica, ac paritate intensionis visus in compositione & vsu
Tubo-

Tuberum opticorum , à solerti quouis Artificè facile detegi poterat , quando eadem ferè in vrisque procedit ratio , & constructionis similitudo : nisi forte quis diceret , longè disparem esse rationem auditus , & visionis ; cum hæc fiat in instanti , per traductas species visualium obiectorum in potentiam visuam aptè dispositam ; ille colligat species successiue aduenientes , quæ non prius ad aures perueniant quàm metiri habeant itineris intervallum , quod obstat , & interponitur inter sonum edentem , & audientem ; vt proinde quò è longinquiore loco editur sonus , eò remissius , ac tardius exauditur .

Sed enim non obscura eius rei perficiendi dedit rudimenta , & præcepta conduplicandæ vocis , iandudum Vitruuius in simili , de Theatri confomatione . Is enim lib. 5. cap. 3. vbi agit de apta vatorum circà Theatrum dispositione , adhoc vt vox edita resonantiùs excipiat , ita Philosophus magis quam Architectus , rem altiùs exorditur . Hoc vero fieri ita poterit , si locus electus fuerit , vbi non impediatur resonantia . Vox autem est spiritus fluens , & aëris icflu sensibilibus auditui . Ea mouetur circuloꝝ rotundationibus infinitis : vt si in flantem aquam lapide immisso , nascantur innumerabiles vndarum circuli crescentes à centro , & quàm latissimè possint vagantes , nisi angustia loci interpellauerit , aut aliqua offensio , quæ non patiatur designationes earum vndarum ad exitus peruenire . Itaque cum interpellentur offensionibus , prima redundantes insequentium disturbant designationes , eadem ratione vox ita ad circinum efficit motiones . Quo fundamento iacto , ad rem suam reuertens , concludit . Igitur , vt in aqua vndarum designationibus , ita in voce , cum offensio nulla primam vndam interpellauerit , non distorbat secundam nec insequentes , sed omnes sua resonantia perueniunt ad imorum & summorum aures .

Porro his principijs innixum , & hac penitior edoctum philosophia , crediderim Dominum de Morland , haud ægrè peruenisse ad huius arcani detectionem , & felicissimam praxim : quandoquidem vox ipsa ab ore , quasi à centro procedens , in conum circulariter spargitur ac dilatatur : vnde quò arctiùs per instrumentum conicè efformatum colligitur , eò intensior , & vigorosior transmittitur per arctiores circulos diffusa , sese potentius , & longinquiùs extrudentes eamque integram , & infractam , foras amandantes . Quare id præstat tuba vocalis , & in eo tota eius virtus consistit , vt in se colligat vocis radios , qui alias in ampliorem conum per liberum aërem dispersi , protinùs euanescent . Quemadmodum experiri quotidie licet in oblonga , & nulla carie interpolata trabe , quæ ab vna extremitate acceptam vocè , aut leuem icflu , qui vix ab inde percipi potest ; mox ab altera extremitate

ce integrum reddit. & viuudum, nequicquam obstante trabis longitudine: quia proinde per trabis arcitudinem transiens non habet vnde ab extrinseco eius impetus infringatur. Sic perfectio vocis articulatae radios per fistulam exceptos, atque in circulos procedentes fortius reddit tuba per orificium, vtpote collectos, & integros. Atqui hæc eadem est ratio tubi optici, qui visibilium species longius protrahit, vt mirum non sit, si post huius inuentionem, tubæ vocalis inuentio subsequuta sit, cum pari passu procedant, vt acutè obseruauit P. Franciscus Eschinardus è Soc. Iesu in rebus opticis experientissimus, in opusculo de hoc argumento specialiter edito, cuius argumentationis summam hic inserere operæ pretium erit. Ait enim.

„ Conueniunt Tubæ, & Tubi in hoc, quod status humanus
 „ instar arcus compressi dum dilatatur acquirit semper maiorem
 „ impetum: quod & proportionaliter accidit in Colubrinis res-
 „ pectu pulueris pyrii rarefacti. Sed figura conica dictæ tubæ habet
 „ hoc amplius, quod sicut dictus status successiue dilatatus exigit
 „ ampliorem locum; ita dicta tuba, quasi conica, etiam successiue
 „ fit latior. Quamobrem eò magis fauet motui, & dilationi dicti
 „ flatus. Est quidem verum, quod successiue mouenda est maior
 „ aëris moles, adeoque ex hoc capite minus intenditur impetus:
 „ sed tamen si consideretur tota collectio partium, obtrinetur sim-
 „ pliciter plus impetus: sicut videmus magnam nauem, etsi ex se
 „ tardio rem nauicula; tamen, si occurrat cimbula, maiorem illi ve-
 „ locitatem communicare, quam si à nauicula, quamquam velo-
 „ ciores communicaretur. Fatendum tamen, quod sicut in colubri-
 „ nis officit nimia longitudo, ita eadem ratione in tubo optico, &
 „ in vocali tuba. Lahrum verò latè expansum in orificio tubæ, iu-
 „ uat vniuersaliter ad suauiores sonum: per illam enim dilatatio-
 „ nem orificij sic concursus minus vehemens cum aëre libero, & ex-
 „ terno: adeoque non fit strepitus asper, & insuauis. Eo pacto ac-
 „ in ostijs fluuiorum ver. gra. Tiberis, fiunt latera diuergentia, vt
 „ minuat occursum, & pugna cum aquis liberioribus maris.
 „ Aduerto hic, similitudinem magnam, quam habet Tuba hæc
 „ cum Telescopio, in quo veluti superadditur oculo maior quædam
 „ pupilla, quæ intensius recipiat obiectorum species: ita planè in
 „ casu nostro, per dictam tubam additur ori humano aliud quodam-
 „ modò os eo maior, & grandior: tametsi aliqua disparitas inter-
 „ ueniat; quod in Telescopio admittuntur linee visuales, at in Tu-
 „ ba emittuntur ex ea lineæ sonoræ. Hinc videtur auditori sonum
 „ eius excipienti, fieri vox valde proxima, per dictam tubam transi-
 „ ens. Sicut etiam accidit oculo in ordine ad obiectum visum.

„ Me-

„ medio Telescopio . Hoc autem debetur huic potissimum rationi,
 „ quod , cū simus assueti audire vocem humanam ē longinquo ,
 „ quasi , & apparenter valdē debilem ; cū fiat , vt per tubam appa-
 „ reat valdē fortis , imaginamur eam esse viciniorē , quā reuerā
 „ est . Hæc ingeniosissimē Eschinardus .

Sed aliter , & non minus ingeniosē rem explicat , ab ouo exor-
 diens, Pater Emmanuel Maignan ē Minimorum familia : qui in cal-
 ce suæ Philosophiæ integrum tractatum adnecit, *de Tuba vocali*. Vbi
 duodecim propositionibus, ac duobus exinde deductis scholijs, quæ
 physicis argumentis , & mathematicis demonstrationibus probare
 assumit ; ita huius Tubæ naturam , originem , operandi modum ,
 & procedentes inde experientias discutit , vt nil amplius desiderari
 possit . Primò enim ostendit , vsum & artificium eius olim non om-
 ninò ignotum fuisse : quod probat autoritate vetustissimi codicis
 in Bibliotheca Vaticana asservati , ferentis in fronte Aristorelis no-
 men , cum titulo *de Secretis ad Alexandrum*, cuius videndi optio
 data est Athanasio Kircherò : ex quo hæc ad propositum ei notare
 licuit , ac publici iuris fecit , in libro *Artis Magna lucis , & umbra*
 lib. 3. cap. 7. *Alexandrum Magnum habuisse certum cornu tam intensi*
soni , vt illo totum exercitum , quantumvis dispersum , conuocatum , ita
presentem susterit , ac si singulis presens loqueretur . Additque ortum
 traxisse ex Monochordo, ex ratione resonantis Echo , & experientia
 fistulæ . Sequitur postea Maignanus propof. 2. & 3. ex fundamen-
 tis physicis modum exponere , quo sonus accrescat : aitque , *sonum*
vocis , non sine impetu spargi ab ore loquentis , velut centro quaquaversum
spharicè . Quartò ostendit , vocalem vndam , & impetum articulatæ
 vocis, intendi vt in Echo, per lineas rectas, non autem per circulariter
 expansas : benè verò dum vox editur , sphæricam dispersionem affe-
 ctans, beneficio tubæ reflectentis coliigi, & in directum duci . Vt pro-
 inde vocis augmentum à tuba proueniens, fiat vnice ex collecta copia
 radorum , qui alias, seclusa tuba, quaquaversum spargerentur : id
 quod tribus propositionibus peragit . Octauò demonstrat , & euin-
 cit , vt quò maior de se futura sit sphæra soni circà os loquentis , eò
 posse vocem, cæteris paribus, longiùs per tubam ferri . Similiter
 in nona , & decima propositione aduertit , plurimùm ad id conferre
 longitudinem tubæ , ac teretem eius figuram . In propositione vn-
 decima edicit , quod etsi Monochordum (quod nostris *Sordinam*
 designat) auditum fortè dedit ad huius tubæ inuentionem (idemque
 præstat membrana secundariò ori tubæ obtenta, circà elationem vo-
 cis , ita aërem suis vibratiunculis verberando, sicut ponticuli in mo-
 nochordo pes tremulus in puluini tessella suis percussionibus) ta-

men quoad vim propagandi longius sonum, cum eo non convenit. Nam monochordum, inquit, motu suo crispulo verberans aërem, (& idem proportionaliter dic de campanis) edit sonum proportionatum, & convenientem suæ, tam magnitudini, quam figuræ; namque figura definit qualitatem vitium, magnitudo earum intensiorem: at in tuba diuerso modo proceditur: quippe non ipsa est quæ edit sonum, sed editum ab organo vitali hominis, colligit in se, atque in directum transmittit. Igitur ex eo colligendum videtur, ipsam, collectam tantum vocem eò longius aptam esse vibrare, quò ad eam colligendam melius est conformata, magisque dispersionem, radiorum impediatur, id quod magis assequitur, si longior sit, & in finem terminet in basim conicam. Quæ enim percussione sonant, vibrationes agunt, & his cohibitis, illico conticescunt. Econtrà tuba etsi percussa non transmittat vocem; tamen aliunde acceptam, eò fortius reddit, quò plurimis inundationibus sibi succedentibus adimpletur.

162

Tandem Duodecima, & vltima propositione concludit, quod in hac tuba nil opus est lingula per modum valulæ intorsus adaper-tilis, vt in tibijs, ad dandum respirandi locum tibicini: nam vox immissa per tubum, extemplo exit in aërem liberum; quò, sit vt commotiones eius nullatenus minuantur. Quare non est periculum, exinanitionis virium, si lingula excludatur: quinimò, si adderetur, officeret claritudini & liberæ prolationi vocis, vt constat experientia, quippe semper habet aliquatenus alterare liberum, & genuinum exitum vocis, cum viam obstruat aut interturbet, vnde primum excipitur, & per quam liberè propagatur. Atque ità ex tubi optici ratiocinio, processit Tubæ Stenterophonicæ artificium; & iustè quidem nam non æquum erat, vt nostra ætas auditu aurium priuaretur, adiumento, quod ijsdem argumentis, oculis obrigisset.

163

STEREOBATA sonat Græcis Architectonibus quod Latini *Fo-dium*, Nostri autem grossiore, sed valdè expressiuo vocabulo *Basamentum* dicunt. Intelligitur autem, prima quæ è fundamentis exurgit structuræ locatio, & veluti firma basis, cui totum ædificium inniti debeat, & sustentari: & ità Græci Stereobata appellauere, quod apud eos *Στήβα*, firmum solidumque significat: namque eam ædificij partem præ cæteris, quam solidissimam esse oportet, quæ cæteras in se recipit, & sustentat. Quod ideò de ea benè aduertit Vitruu-lib. 3. cap. 3. *Structura per totum solum quam solidissima fiat: supræque terram parietes extruantur sub columnis dimidio crassiores quam columnæ sunt futuræ, vti firmiora sint inferiora superioribus, quæ Stereobata ap-
pel.*

pellantur, nam excipiunt onera. Porro Interpretes nonnulli ex hoc Vitruuij textu pessimè hallucinantur, & confundunt stereobata cum Stylobatis, ex eo decepti, quod paulò inferius Vitruuius dicat: *Extructis autem fundamentis, ad libramentum Stylobata sunt collocandi.* Ergò exinde colligunt; idem Vitruuius est, Stereobata, ac Stylobata. In quibus Barbarus, nihil interesse ait inter vtrumque, nisi quod Stylobata genus est, Stereobata species: quicquid enim (subdit) circa ædes insurgit basis in modum; siue podium, siue firmamentum sit, stylobatæ nomine vocari potest, atqui stereobata idem quoque sonat, ac columnæ pes, quod stylobatæ conuenit. Verùm oppositum rectius dicere debuisset, vt bene notat Baldus: etenim ex etymo nominis, stylobata columnæ pedem seu basim signatè appellat: at, quæ non, columnæ substernitur, sed puta, parietibus, & paraastadis, à columna denominationem sumere non potest, adeoque non stylobata, dicenda, quod nomen genericum est, & à *στυλο*, vt dixi, quod solidum sonat deductum. Itaque tam stylobata, quàm ceteræ partes surgentis ædificij, stereobatæ inniuntur, vt bene ex Vitruu. colligit Laurentius, in Amalthea Onomastica. Sic etiam



STEREOMETRIA audit facultas, cuius obiectum est corporum vtrunque solidorum dimensio, per linearum projectionem. Noster autem Guarinus, Stereographiâ nominat, quam dicit specialiter versari circa circularum sphaeræ projectionem, ideòque concursum linearum proiicientium in superficie ipsius sphaeræ, imprimis attendere. Quæ de re, talis projectionis naturam, & condiciones subtiliter expendit, multaque vtilissima Theoremata exponit tract. 26. par. 2.

164

STRATAGEMA militare vocabulum, astum, occultum consilium, solertiamque ducum, in bello gerendo significans: quando rebus in ancipiti positis, & hostibus alioqui, situ condicione & numero, prævalentibus, nouo quodam inuento imponunt, eorumque consilia antevertunt, arte plusquam ostentatione virium dimicantes. *Α' τὸ στρατήγιον* deriuatum, quod Græcis exercitus ductorem sonat: quippe solius ductoris, bellique moderatoris, militaris hæc prudentia est, & singularis virtus. Virtus, inquam, etsi dolis, & in sidijs comparata. Namque iure gentium introductum est, quoquo modo hostes circumuenire, & magnorum virorum exemplo firmatum; vt ex historijs liquet, & Sacrarum Paginarum testimonio comprobatur. Quin & matura ipsa, quæ dedit leonibus, vrsis, apris, alijsque feris, arma, & virium prævalentiam, quibus in nos insurgerent, dedit & imbellibus animantibus astutiani, dedit homini ingenium,

165



& dilcursum, quò se tueretur, eorumque violentiam superaret; dictitans, cum hoste infenso & sine lege nos perdere intentante, non solum armis, & fortitudine, sed etiam solertia, & ratione agendum, & quando vires non suppetunt, ingenio, ac dotibus animi depugnandum. Vnde celebre est illud Xenophontis effatum. *Bono duci operam dandam, ut, cum suis paratis hostem non instructum deprehendat, cum armatis inermem, cum vigilantibus dormientem conspectum ab se, cum is illum non videret: denique ut locorum difficultatibus impeditum ipse in loco commodo adoriatur.* Similiter D. Augustinus quaest. 10. in Iosue, exemplo magni illius bellatoris notat, fidenterque pronunciat: *Cum bellum instum suscipitur, ut aperte quis pugnet, aut ex insidijs, ad iustitiam nihil interest.* Hinc Vegetius militaris artis magister, virtutisque promotor, *Ars*, inquit, *belli non minùs in aperto conflictu, quam in oculis frandibus, adiuvat eruditos.* Eapropter clarissimi in bello Duces, Agesilaus, Cæsar, Annibal, Scipio, Fabius maximus, & nostro ævo, Alexâder Farnesius, Co: Mauritius, Ambrosius Spinula, & alij militiæ scientissimi, non tam à fortitudine bellica quam à stratagemmatum usu, & prævalentia, celebres evasere. In quo autem hæc ars sita sit, non est nostri instituti decernere. Sat erit indicare, quod ea plurimum valet ad victoriam de hostibus reportandam, atque à peritia mathematicarum scientiarum accedente experientia, feliciter comparari: practicaturque potissimum in munitionibus, cum respectu ad hostium bellandi morem ponendis, in acie ritè & in tempore explicanda; in loco pugnae eligendo, ac bellicis machinis expediendis. Qui plura volet, legat Frontinum, & Pollicenum, qui ex professo de hac re erudite scripserunt, necnon illustria exempla apud Cæsarem, Polybium, & Curtium ex antiquis, & ex modernis vnicè Farnianum Stradam.

166

STRATAGEVM similiter, ut modo tactum est, à Ductore exercitus denominationem sumpsit. At nescio, qua ratione, à Vitruvio applicatum sit nomen ad opus architectonicum: & (quod magis mirere) ad Theatri partem, & vltimum complementum, quo nil disparatius, nil magis abhorrens à belli prosecutione, & apparatu. Air enim, cum de porticibus agit, post scenam constituendis, lib. 5. cap. 9. *Rex Ariobarzanes restituit Smirna Stratagem.* Sed neque Philander eius illustrator satisfacit, cum dicit: *Stratagem, siue Strategeum, Armamentarium dici potuit, ubi reponerentur hostium spolia, aut Prætorium, quò convenirent milites.* Sed quid Theatro cum hostium spolijs? quid militibus ad Prætorium venientibus cum spectaculis? Sequitur, aliorum sententiam referens, minùs absonam. *Her-*

molaus, Castigationum Pliny lib. 36. cap. 25. & in eundem locum scribens Stephanus Aquæus longe ad adificij, quod interpretantur natura: vii & Raphaël Valaterranus commentarior. vrbātor. lib. 27. Asaraton æcuna videntur legisse. Magis placet coniectatio. Alexandri ab Alexandro, qui Stratagei nomen ad Geographiam reducit, ac per illud regiones, & prouincias, in quas Regnum aliquod sit diuisum, intelligit, quæ postea belli ducibus, parta victoria, pro præmio ad moderandum datæ sint. Id quod ex Sexto Rufo & Plinio confirmat Tiraquellus. Sed vtrumque, cum Vitruuio non concordant. Quare Oedipo opus est, vt obscurissimi huius authoris mentem assequaris.

STRIAE in Architectura dicuntur scalpura quædam, & ornamenta columnis adiecta, quæ mira varietate, & alternantibus modulis, magnam operi præsertim Iouio, & Corinthio, venustatem præstant. Concurrent enim, & alternantur cum strigibus, (de quibus mox infra) itaut efforment quosdam veluti canaliculos & plicaturas in longum protensas, quibus figuratur habitus Matronarum, & Virginum (ad quarum ideam, & similitudinem diuersi generis columnas prinitus esse architectatas, alibi diximus) quemadmodum earundem capitula, quæ capita referunt, ad eundem finem ornantur folijs, floribus, encarpijs, & volutis, tanquam cincinnis, & vittis hincinde dispositis. Hinc Plinius sæpe striatas vocat conchas, & canlinum fustes, ac folia, quæ eiusmodi resultationibus venustantur. Nunc, quod ad Strias columnis applicitas attinet; sunt ex partes prominentiores in longum productæ, quæ canaliculos formant, & claudunt, ac de his rationem reddit Vitruu. ad quem finem in columnis sint introductæ, tradens subinde modum eas ritè dispartienti, & efformandi. Sic enim ait lib. 4. cap. 4. circa apparentiam columnarum, quæ visus æquationem debent implere. In concluso enim aëre, si quæ extenuata erunt, non discernentur: sin autem videbuntur graciliores cum exterioribus fuerint stria vigintiquatuor, in his faciendæ erunt vigintiostio, aut trigintaduo: ita quod detrahatur de corpore scapi, striarum numero adiecto, adaugebitur ratione quo minus videbitur, & ita exaquabitur dispari ratione columnarum crassitudo. Hoc autem efficit ea ratio, quod oculus plura, & crebriora signa tangendo, maiore visus circuitione perueniatur. Hæc igitur est ratio adiectionis plurium, vel pauciorum striarum in columnis, vt compleatur visus in eo quod deficit: id quod clariùs ostendit infra, cum subdit. Namque si duæ aquæ crassæ lineis circummetiantur, è quibus una sit non striata, & altera striata; & circa strigium cana & angulos striarum, lineæ corpora tangat; tametsi columna aquæ crassæ fuerint, lineæ quæ circumdatæ erunt,

non

non erunt æquales quod striarum, & strigium circuitus maiorem efficiet linea longitudinem. Sin autem hoc ita videbitur, non est alienum in angustis locis, & in concluso spatio, graciliores columnarum symmetrias in opere constituere, cum habeamus adiutricem striarum temperaturam. Porro, quomodo conformandæ sint, & quo numero alternandæ eiusmodi striæ cum strigibus in vnoquoque genere; abundè dixerat lib. 3. cap. ult. ita ut, quàm magnum erit intervallum strigium, tam magnis striaturæ paribus lateribus, quadratum describi debeat, atque in medio quadrato circini centrum collocetur, & agatur linea rotationis, quæ quadrationis angulos tangat, & efformet adequatam strigium excavationem. Cuius schema videre est apud Philandrum ad finem huius capituli. Nunc autem de Strigibus signatè aliquid adijciendum.

168

STRIGAE, vel STRIGES, ut modò dictum est, sunt cana, quæ inter strias interponuntur, ut ex præfatis Vitruvii verbis constat. Consonat Hermolaus Barbarus, *Stria*, inquit, *sunt in columnis partes, & ut ita dicam, fœdera, quæ prominent; sicut ipsa cana, hoc est, canaliculi, strigiles ab eodem Vitruvio dicuntur.* Sed fallitur in hoc sapientissimus vir, strigiles cum strigis confundens, cum toto cælo discrepent. Etenim, ut observat Philander, aut mendum in Vitruvii textu obrepit, aut planè in constructione nominis differentiam non advertit, & strigiles posuit pro strigis: quemadmodum aliàs scripsit, tetrantorum pro tetrantum, & calefaciebantur pro calefiebant, ut Grammaticæ regulæ statuunt. Constat namque apud omnes emendatæ naris Scriptores, Strigiles, instrumenta esse recurva, vel pectinata, quibus, aut equi ab immunditijs repurgantur, aut homines olim utebantur in balneis, ad abstergendas post sudationem, corporis sordes: quarum formam ex duabus in ruinis Thermanarum Traiani repperitis, expromptam exhibet Hieron. Mercurialis, in arte Gymnast. lib. 1. cap. 8. Vnde & Persius in Satyra 5. dixit

I. Puer, & strigiles Crispini ad balnea defer.

Et quidem, si attenditur vis, & proprietates nominis, Strigile à strigando dicitur: strigare autem, idem est ac fricare, ac sordes abraderè: uti striare econtra est sulcos facere, & strias componere. Quare benè hic quadrat quod acutissimus Turnebus lib. 24. cap. 1. notat in Plinio ubi lib. 18. cap. 19. in communibus exemplaribus habetur: *In arando versum peragi, nec striare in actu sapiens* (loquitur enim ibi, de sulcis ducendis, ad quod improprium est striare) notat inquam aliquorum audaciam, qui omnia, quæ in auctoribus non assequuntur, expungunt, nonasque scripturas, veteribus damnatis instituunt: ac

sa-

sanè (subiungit) *strigare* vetustæ editiones habebant: postea noua, quæ prodierunt, *striare* commutarunt. Id quod facillè accidere potuit in Vitruuio. Sed quicquid in facto sit; certè (vt dixi) strigiles multum differunt à strigis, seu strigibus, de quibus hic loquimur. Et Festus quidem, in huius nominis interpretatione, sic ait: *Striga* est ordo rerum continuatè collatarum, quod vnà sint constrictæ. Clarius Sospater, & ad rem nostram. *Striga*, inquit, *Castrense* est vocabulum interuallum turmarum significans, in quo equi stringuntur. Id ipsum confirmat Hygenus in libello de Castrametatione, sic inquit: *Ordo* est, & *series* equorum in castris tendentium.

Nunc autem optimo iure, verbum translatum est ad significandum in opere architectonico, partes illas in columnis striatis, quæ à strijs exuberant, prominentes; yti & in Agricultura elatos sulcos in campis arando dispositos, atque in re militari bellatorum series sibi continuè succedentes, quas *filas* nostri appellant. Vnde est strigatus ager, strigata castra, sæpius apud scriptores reperies, & vniuersaliter, quidquid in longum seriatim disponitur, strigæ nomine denotatur. Hinc Polybius in libello de Castrametatione. Rom. ubi de castrorum ampliatione necessariò faciendâ loquitur, ob militum superuenientium numerum, quorum priora fortè non sint capacia, sic ait. Quodsi aliquando maior sit sociorum multitudo, vel ab initio comitantium, vel postea fortè superuenientium; strigam vnâ parte altera legionum addat versus vallum. Ad quæ eruditissimus Lipsius. *Castra* scilicet (explicat) in latitudine augens, & ad socios alios socios ponunt forma prorsus, & ordine dicto. Stat igitur strigam & in ciuili, & in militari Architectura, vel etiam in Agricultura, id ipsum significare; ordinatam nempe illam partium scriem, quæ in longum excurrunt, & interuallis, ab inuicem discernuntur.

STROBILVS in Meteorologicis Ventus est verticosus, violentus, 170 & subito ingruens, turbini non absimilis: de quo Arist. in lib. de Mundo, cap. 3. & nos alibi. Est etiam apud Athenæum, saltationis species, de qua satis dictum in V. Saltatio.

STRUCTURA generaliter dicitur quidquid in altum architectonicè compositum exsurgit, & fundamentis innititur, siue lapidibus in vnum congestis & colligatis, id fiat; siue lignis, ac tabulis compingatur. Circâ quam tota versatur Architectura: quinimò omnes ferè mathematicæ disciplinæ defudant, vnaquæque ad eam ritè efformandam, sua præcepta subministrando: & ideo Vitruuius initio sui operis, monet Architectum debere, in omnibus aliquam peritiam habere. 171

habere, & probè esse exercitatum; præsertim verò in Geometria, in Arithmetica, in Astronomia, in Optica, & sic discurrendo de singulis; vt fusè demonstrat lib. 1. c. 1. Porro plurima sunt structurarum genera pro diuersa ædificiorum ratione, & vsu, ad quem deputantur: publicorum, priuatorum, humilium, sublimiorum, vrbano-
rum, ruralium &c. de quibus singulis agit Vitruu. in decursu operis: communiter autem fiunt è quadrato lapide, aut cæmentis sibi inuicem insidentibus, & calce coagularis: & ex his duo potissimum genera structurarum proponit Vitruu. lib. 2. cap. 8. *Reticulatum*, inquit, quo nunc omnes vtuntur, & antiquum, quod incertum dicitur. Sed hoc illi anteponit, vt potè magis durabile, & propè æternum: & probat Græcorum antiquum struendi morem, ab incerto non discedentem. *Non enim, ait vtuntur è molli cæmento polita, sed cum discefferunt à quadrato, ponunt de silice, seu lapide duro, ordinariam, & ita, vti lateritia struentes alligant eorum alternis corijs coagmenta, & sic maximè ad æternitatem perficiunt virtutes.* Quales autem sint huiusmodi structuræ, & quâ ratione conueniant, ac differant inter se, satis dictum est, suis in locis, vbi de ijs occurrit sermo, & peculiari consideratione in V. *Fabrica*, & in V. *Farctura*.

172

STVCCVM vocitamus in Italia, testorij genus ex marmorato, gypso, calce pura, & ouorum albumine compositum, quod molli-
ter inductum, & faciliè quibuscumque formularum impressionibus cedens, varias figuras hominum, pecudum, altitium, encarpiorum, aliarumque rerum visum oblectantium repræsentat, mira cum operis venustate, atque in humili materia splendore, ac magnificentia. De hoc Philander in Notis ad cap. 1. lib. 1. Vitruu. sic loquitur. *Nostre ætatis artifices, quod in antiquorum ruinis reperiunt, Stucchum appellant; illosque imitati, marmoreas nonnulli assulas pilis ferreis contusas, cribris excernunt: subtilissimaque serobe admixtas, purissima calce in lacu macerata vtuntur, effinguntque quodlibet.* Mal-
tham alij dicunt: Communi, & vniuersali vocabulo, Vitruuius, alijque scriptores Latini, *Albarium opus*. De quo abundantius dictum est suo loco.

173

STYLOBATA in opere architectonico, propriè ex græca notione appellat omnis, & solius columnæ basim subiectam, & (vt dicam) pedem, supra quem erigitur, & fundatur; idem præstans in columnis, quod in reliquo ædificio Podium, seu Stereobata, quod genericum est, & præscindens, à re, cui pro fulcimento supponitur. Stylobata igitur quasi *styli*, idest columnæ *Batis*, seu basis, & fundamen-
tum,

rum. Ex quo bene Palladius eum nominat *Pedestillum*, & nos corrupto vocabulo *Pedestallo*. Porro Stylobatarum tot sunt differentiarum, quot columnarum species, Tuscana, Dorica, Ionica, Corinthia, atque Composita: & vnaquæque conuenientem, & proprium stylobatam postulat. Tuscani Stylobatæ mensura est, auctore Philandro in Digressione, *Vt quam lata futura est spiræ plinthus, tam magnum quaquaueersum constituatur quadratum: cui postea pro basi, & coronice, addantur tertiæ duæ, superior, & inferior aliquantùm proiecta.* Dorici Stylobatæ diagonicæ proportionis ordinem seruat, vt quantum est ab angulo plinchi basis (quæ parium est laterum) in aduersum angulum, tantundem sit altus; latus verò ad perpendicularum dictæ plinchi. Ionici, ad plinchi proportionem sesquialteram habere debet, hoc est, quadrati parium laterum, ac dimidiæ eiusdem partis: veruntamen vtrique sextæ partes adiungendæ sunt pro coronice, & basi. Corinthio conuenit proportio superbipartientis, tertiæ nempe perfecti quadrati, & insuper duarum tertiarum: cui itidem adiicienda est septima pars pro coronice, tantundemque pro basi. Tandem Stylobatæ Compositæ requirit proportionem duplam; atque vtrinque addenda venit octaua pars, pro coronice & basi; & hæc quidem sumitur vnicè à Corinthia, illa verò ad libitum, prout magis exquirere videtur maiestas Operis, vel à Ionica, vel à Corinthia. Quæ omnia ex Philandro desumpta sunt ad mentem Vitruuij, vt ipse profitetur, mensuras dipertiente, licet alij aliter sentiant.

S V

SVBCONFERTA AEDES commodè, & magis intelligibiliter dici potest, ex obseruatione Baptistæ Alberti, quæ apud Græcos, referente Vitruuio, vocatur *Systylos*; hoc est, quæ non ita spissis columnis cingitur, vt *Pycnostylos*, seu quam Confertam aliàs diximus, sed paulò remissioribus, vti &

174

SVBDISPANSA ex alio capite, quæ latiora admittit intercolumnia, sed non exorbitanter, vti Dispansa, quam Vitruuius nuncupauit *Areostylos*, sed moderatam habeat intercapedinem: itaut hæc duo genera corrigant excessum extremorum, in vno nimium columnarum, atque adeo contractionum intercolumniorum; in altero e contra raritatis columnarum, & vastitatis intercolumniorum; sintque proinde mediæ inter vtrumque extremum, ac proximè accedat ad *Eustylos*, quæ est omnium perfectior, & elegantior seruans iustam partium distributionem. De quibus latè diximus in V. *Areostylos*.

SVBCVNEATI POSTES in ædificijs collocandis, dicuntur à Vitruu. lib. 6. cap. 11. qui adaptas habent ad limina, antas in cuneos

175

S s s s s

abeun-

abeuntes, ad sustinendum fortiter in vacuo pendens desuper inieci fastigij onus, totanique trabearionem. Nam si in pendentibus, inquit, onera fuerint parietum, & columnarum, non poterunt habere perpetuam firmitatem. Præterea inter limina secundum pilas, & antas, si postes supponantur, erunt non vitiosa: limina enim, & trabes structuris cum sint ornata, medio spatio pandantes, frangunt sua lyfi structuras. Cum autem subiecti fuerint, & subcuneati postes, non patiuntur insidere, trabes, atque eas ledere. Subcuneatos autem ideo vocat, quia sub cuneorum coitione, cum necessariò arcum efforment, proindeque omnes in centrum respiciant, id efficiunt, ut alter alteri ad cadendum obstitat, simulque pro fulcimento sit, adeoque pendens structura ex se subsistat, ac dissolui minimè possit.

SVBGRVNDÆ. Vide *Suggrundia*.

- 176 SVBLICAE propriè sunt in Architectonica, pali ad terram defixi, & fistucatione ad pacti, ad foundationem constabiliendam in locis stagnantibus, & paludosis, ut sit Venerijs in ardijs ponendis supra lacunas illas interminatas, in quibus non aliter fundamenta iaci possunt, nisi palis istis inhæreant, qui in solido insiguntur. Similiter fit in alueis fluminum, ad constringendas fauces, atque ad pontes desuper imponendos. Hinc datum est nomen celebri illi Ponti *Sublicio* dicto, qui primus Romæ visus est supra Tiberini iactus tanto cum Urbis commodo, & forti propugnatione Coclitis, memorabili. Eiusmodi etiam fuit Pons à Cæsare super Rhenum, Gallias à Germania discriminantem, positus; per quem suum exercitum traduxit, de quo alibi diximus. Nunc autem huiusmodi structurae in aquis, ut hinc sint, & æternæ, præcipit Vitruv. lib. 3. cap. 3. ut locus exinaniatur, & palis alneis, aut oleagineis, aut robusteis vstulatis, configatur, sublicæque machinis adigantur quam creberrimæ, carbonibusq; expleantur intervalla palorum, & tunc structuris solidissimis fundamenta impleantur. Dictæ autem sunt *Sublicæ* lingua volsca, quæ sic trabes oblongas, & acuminatas nominat: ex quo postea peculiariter his palationibus, in lubrico factis, tale nomen adhæsit.

- 177 SVBLVNARIA nuncupantur vniuersim omnia corpora infra Orbem Lunæ consistentia; qualia sunt Elementa, mixta omnia tam perfecta, quam imperfecta; siue sint animata, siue inanimata, quia perfectò (ut habet Scotus in 2. distinct. 14.) omnia subsunt celestium corporum, præsertim verò Lunæ impressiõibus, ut proinde vel ab eo nomen acceperint. Namque Luna habet prædominium, & actio-

nem

nem in omnes humores, eos identidem alterando; augendo, dum crescit lumine, minuendo dum decrescit. Præterea habent quoque alia sidera actionem in isthæc inferiora, promouendo aliquorum productionem, aliorum corruptionem; una, simpliciter educendo; alia in alia transmutando, tum ex virtute ipsis ignata, tum maxime iuncta cum luminaribus, quæ sunt causæ æquiuocæ, & vniuersales. Habent actionem in mixta perfecta, vt sunt animantia, plantæ, metalla, quæ in visceribus terræ generantur, necnon in imperfecta, vt sunt fossilia, lapides pretiosi, sales, sulphures, &c. vel quæ in aere, qualia sunt omnia meteora, quæ non vbiq; nec semper, sed in certis regionibus, & statis temporibus educuntur, ex certo, & peculiari congressu syderum fixorum cum Planetis, horumque accessu, & recessu ad pnncta cardinalia, tum in Zodiaco, tum in Mundo; vti videmus in anni temporibus, in quibus terra germinat, aut sterilefcit: in selenite, quæ ad motus Lunæ mutat speciem: in Helitropio, quod sequitur motum Solis in Mundo; & in alijs flosculis, qui contrâ, oriente Sole, & ad culmen properante, languescunt, ad occasum vergente, aperiuntur & reuiuiscunt, &c. quæ latè prosequitur Scotus suprâ citatus, & alij Philosophi, & Astro-nomi communiter. Vnde ab his alijsque effectibus, qui è syderibus originariè promanant, sed à Luna potissimum (vtpotè communi syderalium influxuum vehiculo) actuantur, perficiuntur, & vltimantur, iure, vniuersali nomine omnia complectente, Sublunaria dicta sunt.

SVBSCVDES in Mechanicis, in quibus frequentem vsum habent, atque etiam in re ædificatoria, dictæ sunt cuneatæ taleolæ ad angulos sibi innexæ, quibus duo asseres, aut trabes inter se connectuntur, quò longius protrahantur, firmiter hæreant, & operi quod molimur, accommodæ fiant. Quod ideo harum extremitatibus eadem forma, & amplitudine, excauationes fiunt, quæ eas capere satis sint, & in planam continuationem abire queant, quæ non ita facile abrumpatur. Vnde Vitruu. cum de trabibus compactilibus loquitur lib. 4. cap. 7. prudens aduertit: *Vt ita sint compacta subscudibus, ac sericulis, vt compactura duorum digitorum habeat laxationem.* Nostri hyrundinum caudam nominant, quòd duplicis caudæ sibi obuersæ formam referant. Est etiam alia subscus ferrea, simili modo, & forma confecta, nisi quod in angulorum coitione foramen extat, in quod axiculus ferreus intrat infixus in inferiore mola in molendinis ad terenda frumenta adhibitis. Hæc igitur subscus inditur superiori molæ, quæ faciat illam inferiori congruere, & super illam rotari,

medijs machinis versatorijs, de quibus idem Vitruvius lib. 10. cap. 15.

- 179** SVBSECIVVM, seu SVBCESIVVM, propriè, & ab initio de agris dictum est: de ea videlicet parte, quæ in eorum limitibus non comprehendebatur, vel potius non comprehendi poterat, eo quod à normali linea transliebat: nihilominus in partem eiusdem fundi computabatur ex lege. Dicta pars, inquit Frontinus de limitum constit. à *subsecante linea nomen accepit*. Id quod duplici ex capite euenire poterat: Vel quod in extremis assignatorum finium, integra Centuria ad plenum expleri nequibat; vel quia interiectum à medijs assignationibus aliquod spatium ex integris centurijs reperiebatur, & ideo extra designatum limitem erat, & lineam subsecantem. Potrò hæc resecta, & minimè considerata pars, olim tanquam relictia, & sub nullius possessione existens, ipso iure, & quadam facta præscriptione, in Agrimenforum, vel eorum ad quos pertinebat huiusmodi dimensiones per actus, & centurias facere, potestatem cadebat, ut testis est Hygenus, & Siculus Flaccus de re agrar. postea verò ad evitandas fraudes, factum est, ut ea pars illi territorio accedat, cui centuriæ deficientes sunt, aut sanè (si integræ) est propinquior. Cuius facti æquissimam rationem reddit Varro, quia aliàs inquit, *ab hoc principio mensores nonnunquam dicunt in subsecivum esse unciam agri, aut sextantem*. Et hæc est origo, vera ratio, & etymon Subsecivi. Sed rescissa postmodum lege, & consuetudine abrogata, agros per centurias diuertiendi, subsecivi nomen transfatum est ad momenta illa temporum, quæ suffurantur vel superfluunt alicui, certis & statarijs occupationibus iugiter applicato, & ex vi muneris semper addito. Hinc horas subseciuas dicimus, quas furtim negotijs detrahimus, ut nobis ipsis, ac domesticis curis, à publicis, & grauioribus paululum respirantes, attendere valeamus. Ad quod respiciens Tullius magnus vacantum temporum æstimator, primo de Legibus, de se protestatur dicens: *Subsecina quedam tempora incurrunt, quæ ego perire non patior*.

- 180** SVBSIDIA in re militari, communiter vocitantur auxiliares copie, quæ ab socijs & fæderatis populis immittuntur ad roborandum, & augendum exercitum cladibus imminutum, vel ad arcem obsessam, præsidariò milite, comæatu, & bellicis instrumentis egentem, atque in angustijs positam, reparandam. Id quod duplici modo fieri potest: vel enim fit in ipso actuali conflictu, ubi aperto Marte duo exercitus congregiuntur, agmina quædam, data opera, seponuntur,

&

& extrâ reliquas copias seruantur ad ferendam opem; & illi tempore aduolandum, cuni suorum res viderint periclitari; & hæc propriè, & stricto iure vocantur *subsidia*: vel aliunde aduocantur ad succurrendum, & appellantur *suppetia*, de quibus mox infra. De primis frequens erat Romanis id facere, atque ita ordines explicare, & ad pugnam exire. Vnde de Petilio Cònsule refert Liuius lib. 9. quod *Subsidiarias cohortes, quæ integra ad longioris pugna cásus reseruantur, in primam aciem extemplò emisit. Quæ in re, aduertit Veget. lib. 3. cap. 17. Optima ratio est, & ad victoriam plurimùm confert, ut leuissimos de peditibus, & equitibus cum vicarijs comitibus tribunisque vacantibus, habeat dux post aciem in subsidijs preparamos: alios circa cornua, alios circa medium; ut ubi hostis vehementius insistit, ne rumpatur acies præuolent subito, & suppleant loca, additaque virtute, inimicorum audaciam frangant. Nec nostro æuo, ubi copiam suppetunt mos iste, ac salutare monitum præteritur, quin tempore, & loco opportunè id practicatur, & sæpè cū fructu, conuersa ad penè victos, & animo consternatos, fortunæ alea: ut videre est in Historijs belgicis Cardinalis Bentiuoli, & Famiani Stradæ. Hanc sepositam turmam, Agmen prouolans vocitant. Nostri Squadron volante.*

SVBSTRVCTIO in Architectura (ut ex ipsa compositione nominis indicatur) Structio est & ædificatio, quæ sub terra fit. Etenim quæ in medio surgentis ædificij, appellatur *Instructio*: quæ deforis, *Constructio*: Quæ in supernis, *Superstructio*: Quæ demùm in imo latet, & sub terra, *Substructio*. His differentiis distinguunt, & sæpè nominant Vitruuius, alijque ædificatoriæ artis Scriptores, diuersas struendi, & prosequendi ædificij rationes, quò meliùs intelligantur. Audi, præ cæteris Daniele Barbarum, qui paucis, ac dilucidè, rem completitur. *Instruimus*, inquit, *medias, construimus extimas, substruimus infimas partes*. Sola igitur Structura genericè dicitur, & appellat totum ædificium, eiusque collectas partes, aut saltem, quæ actu apparent.

SVBTENSA in Geometricis agnominatur chorda arcus, seu linea, quæ in latum protensa, segmentum circuli abscindit ab reliquis partibus: alio nomine dicitur *Sinus*, de quo satis dictum suo loco. Econtrâ in triangulis, non latus angulo oppositus dicitur subtensum, sed ipse angulus; latusque respectu eius denominatur subtendens: quod si angulus subtensus, fuerint rectus, tunc latus illum, subtendens, speciali nomine appellatur *Hypothensusa*, de qua suo loco.

- 183 SVBVLA notum, & vulgare sutorum instrumentum est, sed non vulgaris apparationis eius consideratio, è sacratione mathematicarum disciplinarum penu petenda. Namque illius agendi vis, reuocatur ad cuneum, qui quò acutior extiterit, eò, experientia teste, agilior, & potentior inuenitur ad penetrandum, quandoquidem è duobus triangulis inter se collatis, illud acutiorè præditum est angulo seu cuspide basi opposita, consequenter longiora petit habere latera, adeoque maiorem potentiam habet ad inuadendum. Atqui eiusmodi est Subula, quæ triquetra, & acutiorè cuspide sese insinuans, nulla penè adacta vi, dissilit, perforat, & inuadit omne id, cui centraliter admonetur. Sed de eius actiuitate, & mira operatione dicetur fusè in V. *Terebra*, cui est valdè affinis.

- 184 SVBVLO aliquandò tibicinem denotat, aliquando ipsum instrumentum, quod statu à subulone animatum, personat & audientium animos ad varios affectus mouet. In re militari potissimum adhibetur, non quidem ad plagas inferendas, aut muros labefactandos, sed ad militum audaciam excitandam, ignauiam & pusillanimitatem abijciendam, & plagas, & vulnera hostibus alacriter infligenda; mirè enim animos releuat suo sonitu, & alternantibus modulis cum buccina & typano in prælijs exauditur, magno cum bellicè fructus fœnore: quippe qui cum alia instrumenta vel ad hostes terrificandos, vel ad suorum ordines dirigendos iramque & furorem exacuendum, inseruiant; ipse suo modulamine subolsuro & graui; illorum fructum temperat, & auribus insonans generosos spiritus mulcet simul, at prorit. Cum Lituo antiquorum, breuitate exilitate, vocis conuenit & officio, nisi quod ille incuruus erat & signum, primò insonans, pugna dabat, terribile & insuaue, nescio quid edens, ac stridens, unde Lucanus cecinit: *Stridor lituum, clangorque tubarum*; hic autem teres & rectus, ad modum cylindri, atque ad instar tibie cauus, & foraminibus ad latera interstinctus, dulce sonat, & varium atque remissum, blandè aures titillans. Quod ideo nomen à sonitus qualitate apud Etruscos accepisse reor, quasi obuersum sibilo, uti apud nos, ab exsufflando obtusa voce, *Zuffolo* est appellatus.

- 185 SVCCEDENS dicitur in Cælesti Figura, ab Astronomis, *Domus*, quæ immediate Angulum quemcumque sequitur, procedendo ad dexteram, secundum successionem signorum, quæ in ijs reperiuntur. Sic succedens appellatur Vndecima, quæ proximè angulum Medij Cæli sequitur. Talis est etiam secunda respectu Ascendentis; Quinta ad Irum Cæli, Octaua ad Cardinem Occidentis. Hæ, inquam omnes, succedentes agnominantur, non tam ordine, quam dignitate:

In ijs enim reſpectu Planetæ, reputantur mediocriter fortes, vires ſumere collapſas ex Cadentibus, ex quibus aſſurgunt, præcedentes motu Primi Mobilis contrâ ſucceſſionem, ſignorunt. Porro de præſtantia inter eas diſcrepant Profeſſores, vt nos alibi adnotauimus: ſed id dependet à ſitu, ac maiore dignitate Cardinis ad quem vadunt, & cui in ordine ſuccedunt. Certè generalis regula dari non poteſt: & alioqui nulli dubium, quin ratione ſicis, & vicinitatis ad Culmen, dignior & potentior ſit Nona domus, quàm Octaua, quantumuis hæc ſuccedens Angulo ſit, illa Cadens: & ſic de reliquis dijudicandum.

SVCVLA in Mechanicis notiſſimum organum, ac paſſim uſitatum ad trahenda ponderoſa corpora, Ergata non abſimile; niſi quod hæc erectum orthogonaliter habet cylindrum, circâ quem funis ductarius volutatur, illa autem eundem ſupinum, horizontique parallelum, aliquantum ſupra terram eleuatum, atque innixum hinc inde duobus ſtipitibus, circâ quorum extrema, veluti polos, axis cylindro infixus voluitur, & illa vertigine impoſitum ſinem attrahit, & circumagit, ſimulque applicitum pondus ſurſum eleuat, & in præſentia ſiſtit. Frequentiſſimus eius uſus eſt in puteis ad hauriendam aquam, necnon fabris, & cæmentarijs, ad fabricandi materiam in altum ferendam. De ea ſubtiliter philoſophatur Ariſtoteles in Mechanicis quæſt. 13. reducitque ad operationem veſtis in primo genere, quo ſit vt quantò potentia remotior fuerit ab axe, tantò agilius pondus trahat, & eleuet. Ad quem finem ad alterum extremum cylindri, ſeu tympani, vel vtrinque, applicitur ampliôr rota radijs, ſiue ſcytalis, ac veſtibus circumſerta, qui manu preſſi tympanum agunt, interim onus extremo funis tympano obuoluti adnexus attrahitur. Hinc ratio elucet, cur veſtis attrahens, etſi non ſemper congruat cum eodem plano, in quo pondus trahendum inuenitur, nihilominus eadem facilitate trahit, ac ſi exiſteret in eodem plano; quia profeſſo ſemper & vtrobiq; agitatione rotæ, æqualem circulum deſcribit, atque ad eò varietate plani non augetur, neque minuitur potentia, quæ eadem ſemper eſt, idemque momentum obtinet: ſicque eius operatio intrat in rationem veſtis primi generis, vt quantò remotior ab hypomochlio fuerit potentia, tantò ampliorem circulum veſtium agitatione facit, proindeque tantundem virium reſundit potentiz, vt agilius operetur. Etenim quandoque potentia ita ſe habet ad pondus, vt motus ponderis ad motum potentiz, tunc æquales circulos deſcribunt, ac ſit æquilibrium: & potentia valebit quidem pondus ſuſtinere, ſed non attol-

attollere: Econtrà si longitudo scytalæ, aut amplitudo semidiametri rotæ (quæ sumitur ab extremitate scytalæ seu puncti, cui applicatur potentia ad centrum axis) inuenitur superare longitudinem semidiametri ipsius tympani, quò maior erit excessus, eò fortior erit potentia, & vires multiplicabuntur; adeoque, si potentia, exempli gratia, sistat in æquilibrio cum centum libris ponderis, & ex alia parte, tympani semidiameter decies contineatur in scytala, seu radio rotæ trahentis, tunc rotam impellens poterit quicquam pondus mille librarum sustinere, sed non eleuare: si ab hoc numero defecerit, ne sustinere quidem; sed protinus pondus in præceps ruit: si verò excesserit, & sustinere, & sursum leuare.



Hinc etiam innotescit, quæ ratione in horologijs automatis, quæ non manu, aut applicitis ponderibus agitantur, sed compressis laminis ferreis; fultis circa quem voluitur chorda: non sit cylindricus, sed conicus, & spiralis; quia niuiriùm elateria sunt magis tensa circa centrum & initium fultis, quàm in fine, ab eo magis, ac magis se elongantia: ac propterea, cæteris paribus, maiorem impetum habent ab initio, quàm in fine; quia tunc modica distantia est à centro ac breuior semidiameter circuli: in fine verò agunt in maiori distantia ab axe, & accedunt ad basim con: vnde maior potentia requiritur ad mouendum. Quare, vt æquabilis euadat motus ad momenta temporum æqualiter distinguenda, virtus potentia ita debet attemperari, vt maior quæ exseritur in fine correspondeat, & æquiualeat minori, quæ debilis, ac diminuta proditur initio motus à centro. Plura de hoc argumento habes apud P. De-Chales in Cursu Mathem. to. 1. tract. 6. lib. 3. ex quo hæc carptim excerpimus.

- 187 SVCVLAE etiam latinè, audiunt quas Græci *Hyadas* nominant: Stellæ videlicet septem, in Capite Tauri Sideris consistentes, quarum præcipua est *Palilitium*, primæ magnitudinis, quæ locum tenet Oculi australis, dicta arabicè *Aldebaran*. Sicularum autem nomen idcirco ijs inditum est, quoniam pluuiosæ sunt nimis, quasi fues, qui luto & humoribus delectari, in ijsque volutari congaudeant: vnde Plinius lib. 2. cap. 39. *Sicularum*, ait, nomen pluuium & Ouid. Fastor. 6.

*Postera lux Hyadas, taurinæ cornua frontis,
Euocat, & multà terra madescit aquà.*

- Præcipuè verò cum Saturno, ærem complent nubibus, adducunt copiosos imbres, cum ventis impetuosissimis ac tonitruis. Idipsum præstant cum Sole exorientes: occidentes autem matutinò, mouent Austrum,

strum, & pluuias. Cum Marte autem faciunt calorem maximum. Incipiunt autem oriri Romæ circa festum S. Eleutherij, cum gr. 6. Geminorum, & perdurant vsque ad diem 2. Iunij in qua oritur Palitium. Occasus verò matutinus accidit die 17. Nouembris, & sequitur vsque ad diem 22. De significatis in Horoscopo, alibi dictum.

SVDATIONES in balneis, ac palæstris, erant loca sudationibus, 188 ac fricationibus deputata, accommodoque ad opus constructa, vtpote Laconicum concameratum, & vndique clausum ex vna parte, introitus in balneas, in quo, communicato è subiecto hypocausto calore, sudor siccus eliciebatur, & ex aduerso constituta calida lautio dicta, seu conclaue cum piscina aquis calidis iugiter excurrentibus plena: in quam intrabant ad corpora humectanda, qui luctæ, & alij exercitationibus operam dedissent, vt postea strigilibus sordes ex vnctione, pulueris conspersione, ac sudore accedente contractas probè abstergerent, & deponerent. De huiusmodi locorum locatione, & respondentia, hæc habet Vitruu. lib. 5. cap. 10. *Laconicum Sudationesque sunt coniungenda tepidario: eaque quam late fuerint, tantam altitudinem habeant ad imam curuaturam hemisphærij, mediumque lumen in hemisphærio relinquatur, ex eoque clypeum æneum catenis pendeat, per cuius reductiones, & demissiones perficietur sudoris temperatura.* Tanta cura veteribus erat corpora curandi ad sanitatem tuendam, vt penè in mollietiem, & luxum abiret. Vtriusque sudationis meminit Cornelius Celsus lib. 3. cap. 27. earum bona recensens, ac tempus definiens, quo quisque in eis morari deberet, vt citrà virium exinanitionem, sudoris emittendi beneficium sumeret: & eam, quæ in Laconico fieret, assam nominat, ad eius differentiam, quæ teniperatior haberetur in aqua. Columella etiam earum beneficium recenset dicens: *cruditatem, laconicis excoquimus, & exucto sudore suum quarimus.* Habes horum locorum ratam distributionem apud Caporalem, & Hieron. Mercurialem lib. 1. cap. 6. *Artis Gymnasticæ.*

SVGGRVNDÆ, seu SVBGRVNDIA vocantur communiter 189 partes tecti in ædificijs, vltra murorum latitudinem exporrectæ, & procumbentes, ad id prouidenter adiectæ, vt exterior parietum trunsta à stillicidijs è tecto cadentibus immunis conseruaretur, neque, frons, fenestrarum coronices & ornamenta, eorum conspersione deturparentur. Quoniam autem huiusmodi exporrectiones vt plurimum sunt ex assulis ac tigillis ligneis, quæ sustinere debeant partem

T t t t

pen-

pendulam recti, atque adeò in se ipsis expositz, & intutz, ne, quæ aliàs datæ sunt ad defendendam domum ab inclementia imbrium, in materia facile combustibili, ignis voracitati atque incendijs obnoxie forent, sicque cum illis tota domus conflagraret, ideò sapienter monet Vitruu. non è quocumque ligno compingi debere; sed è larice, aut alio quouis, quod igni resisteret, qualis est latrix, aut lapis ansbestinus, qui ignem non concipit, vel si concipit, ab eo non læditur, sed magis durefcit, & purgatur à sordibus. Ita enim loquitur lib. 3. cap. 9. postquam aliorum lignorum naturam expendit: *Larix verò non solum ob succi vehementi amaritate ab carie, aut à tineis non nocetur, sed etiam flammam ex igne non concipit, nec ipse potest per se ardere, nisi uti saxum in fornace ad calcem coquendam, alijs lignis vratur: nec tamen tunc flammam recipit, nec carbonem remittit, sed longo spatio tardè comburitur, quod est minima ignis & aëris è principijs temperatura.* Ideò ad subgrundia veniens, concludit. *Et si non in omnibus, certè tabule in subgrandijs circum insulas, si essent ex ea collocatæ, ab traiectionibus incendiorum adificia periculo liberarentur, quod ex, nec flammam, nec carbonem possunt recipere, nec facere per se.* Quod tamen tanquam fabulosum derident Matthiolus, & alij, ab experientia facta, non obstante quod id ipsum testatur Plin. lib. 16. cap. 10. & in eandem sententiam veniat Palladius lib. 11. cap. 15. Sed attigisse iuuat, ut quisque possit eius rei periculum facere. Cæterùm subgrundia suggrundas vocat Budeus in Pandect. quasi subgrundis, *Grunda* enim græcè, ut placet Interpreti Aristotelis, imbrium decidentiam sonat. Hinc quorundam animantium aures ad modum suggrundarum patulæ, suggrundatas dixit Philosophus, in lib. de Animal. *Quippe quæ (notat idem Interpres) motum emittunt exicipientes ad censuriam verunt.*

190

SVPERCILIVM à frontis humanæ extensione vsque ad cilia, sumpta analogia, dicitur vniuersaliter iam recepto vocabulo, de quacumque re, quæ alteri supereminet, & aliquantum foras projicitur. Vnde supercilium montis, vocatur rupes in montis cacumine exporrecta, & veluti abscissa. In Architectura verò sumitur pro superliminari ostij, seu limine superiori, quod antis incumbit, & siue lapideum sit, siue ligneum, ostij aperitionem in pariete factam ad modum iugi militaris definit, & claudit. De quo ita Vitruu. lib. 4. cap. 6. *Supercilij altitudo, quanta antepagmetorum in summa parte erit crassitudo.* Idque iure optimo, eoquod supercilium in structuris aliud non est, quam complementum antepagmetorum, & pagmentum supernum, quod cum reliquis facit quid vnum, & ideo eisdem

cras-

crassities in altum considerara, debet conuenire cum crassitie reliqua-
rum partium in latum protensa; vti & structuræ species, & reliqua
ornamenta. Porro cum omne ædificium, vltra ostium per quod
in illud intratur, necessariò habere debeat alias aperitiones ad lu-
men intus recipiendum, quæ ad similitudinem ostij conformantur
in longum & latum, quales sunt fenestræ, ad eiusdem ostij rationem
expendi, & exornari debent, atque adeo habent & ipsæ sua ante-
pagmenta & supercilium, sed hæc ad libitum, cum in fenestris ne-
cessarium non sit, vt extrema promineant.

Aliam significationem habet supercilium in Architectura, sed cum
addito, & in subiecta materia, nempe in basi columnæ Ionicæ:
estque membrum illud quod Scotiæ immediatè imminet, facitque
eam separari à torulo quod ei superimpositum iacet, & aliquantò
amplius turget, & prominet. Hanc nostri Architecti communiter
Littellum vocant: dicitur autem & supercilium, quod supercilij vi-
cem gerit, protegit enim cauum illud introrsum abiens, ac veluti à
toruli compressione defendit. De hoc ita habet Vitruu. lib. 3. cap. ult.
cùm de basis Ionicæ partibus agit. *Vna pars fiat cum suis Astragalis,
& supercilio, superior trochilus; altera pars inferiori trochilo relinquatur.*
Ita quod (subinfert Daniel Barbarus) *trochilus superior clauditur dua-
bus regulis, quarum superior appellatur supercilium, inferior verò Qua-
dra.* Vide rotius Basis Ionicæ constitutionem ac distinctionem par-
tium cum suis nominibus apud eundem Barbarum, Philandrum,
& Serlium.

SVPERFICIES, quasi *superna facies*, dicta est à Geometris, exti- 191
ma pars alicuius corporis, quæ oculis excipitur, pedibus calcatur,
ac manu tangitur; quæque in se (vt eam describit Euclides) *longi-
tudinem, & latitudinem habet, minime vero profunditatem.* In quo dif-
fert à puncto, quod nullam prorsus admittit dimensionem: à Soli-
do quod omnem, hoc est, longitudinem, latitudinem, & profun-
ditatem obtinet: & à linea, quæ latitudinis, & profunditatis expers,
sola contenta est longitudine: itaut superficiei extrema sint lineæ,
quibus ipsa clauditur; & superficies extremum sit corporis solidi,
quod vnâ vel pluribus superficiebus circumambitur: vti globus, &
corpora tum regularia, tum irregularia quæcumque, quæ pluribus
angulis planis, & lateribus constant. De quibus satis diximus in
V. Corpora Regularia, & alibi sæpe.

SVPERIORES cum videris absolutè prolatos ab Astronomis, in- 192
tellige tres Planetas, qui in Mundi Systemate, suprà Solem constituun-
tur,
T t t t 2

tar; nimirum Saturnus, Iupiter, & Mars; eorum enim Orbes magis quam Solis Orbita à terra remoti sunt, & utique ampliores, qui ceteros inferiores, nempe ipsius Solis, Veneris, Mercurij, & Lunæ, circumplectuntur: Quamquam in Systemate Tychonico, (ut mox videbimus, Mars aliquando fiat achronicus, & constituitur infra Solem, propior terræ. Eadem ratione Venus, Mercurius, & Luna, Inferiores dicuntur, quia sunt infra Solem. Res ipsa in se clara est, & maiore non indiget explicatione.

193 SUPERLIMINARE, ut modò dictum est, conuenit in opere architectonico cum supercilio: nisi quod illud dicitur vnice de Ostio per quod in ædem intramus, Supercilium autem ampliùs extenditur ad omnes apertiones, quæ in domo sunt & desuper per aliquod fastigium prominens clauditur. Græci magis determinatè, & singulariter, superliminare Hyperthyron dicunt. Philander superliminare, & hyperthyrum discretum à supercilio facit, atque, Supercilium appellatur quod statim super ostiorum antepagmenta ponitur, non quidem hyperthyrum, sed quod sub ipso est. Sed quoad hæc, vide quæ diximus in V. Hyperthyrum.

194 SUPPETIAE, militare vocabulum est, & significat auxiliares subuentiones, quæ ad exercitum cladibus imminutum mittuntur, siue ad urbem obsessam introducuntur à socijs, ad illam reparandam & complendam, in his quæ longo tempore & vñu perdidit, utpote milite prædiario, armis, re cibaria, puluere pyrio, & vniuersè omni eo quod ad repellendum hostem, & sustinendam diutiùs obsecionem iuuat. Quare differunt propriè ab Auxilijs, ac subsidijs militaribus, quæ ad alium finem mittuntur. Nam subsidia ab eodem exercitu ad prælium parato comparantur, dictaque sunt, (inquit Festus) à subsidientibus Triarijs, qui ab alijs cohortibus separati, in ipso ardore conflictus superueniebant, ad subueniendum laborantibus, & periclitantibus Socijs; Auxilia verò mittuntur ab exteris confederatis, ad augendas copias & iustum exercitum complendum, & quidem manente re integra, ut plurimum antequàm bellum initietur: Vnde Varro, Auxilia ab auctu deriuasse ait. Cum accesserint qui adiumento essent alienigenæ. Suppetias verò dictas à Suppetendo, quod suppetantur alij milites, & alia armamenta, & com meatus, in defectum eorum, quæ in decursu belli consumpta sunt vel imminuta. Nam, quæ aliunde veniunt, aut abundant, suppetere non dicuntur, ut acutè notauit Lyricus cum dixit:

Pauper enim non est, cui rerum suppetit usus.

Item


Item Suppetiæ adunantur ex nostris; Auxilia aduentant ab alienigenis: Suppetiæ sunt ad reparationem rei deperditæ; Auxilia ad conformationem rei manentis adhuc integræ. Denique auxiliorum nomine veniunt solæ Copiæ militares, quæ ad pugnandum nobiscum veniunt, vti & Subsidia, quæ de nostris, ac de toto exercitu seliguntur, ac seponuntur ad tempus, mox afuturi cum alijs & prælium redintegraturi. Suppetiæ autem subuenire habent periculo præsentaneo, & supplere in eo quod exercitui, seu vrbi obsessæ penuria laboranti deficit, siue milite, siue annona. Id quod celeriter, & sine delectu fit ex ijs quæ in promptu sunt, & valeant opem utcumque ferre, ac damnum reparare: vti ex Livio, Cæsare, Polybio, & alijs colligit Alexander ab Alexandro dier. genial. lib. 4. cap. 2. vbi notanter ait. *Milites, si quid subitum ingrueret in re præcipiti, non iusto delectu, sed tumultuaria manu una expedire, & iustitio indito, nomina dare, saga sumi, & inter se coniurare, legiones conscribi, delectum festinanter haberi, arma apparari oportere &c.* Ex quibus clarè liquet, quid intersit inter Auxilia, Subsidia, & Suppetias. Cæterum non nie latet, à plerisque hæc nomina sæpè confundi, & vnum pro alio adhiberi. Sed in rigore loquendi, & à diuersa rerum proprietate, ab se dissita sunt, ac toto cælo differunt; vti multi emunctæ naris Scriptores observant: nihilominus alij etiam primæ notæ auctores subsidia pro suppetijs accipiunt, & econtra: vt Cæsar lib. 2. Commentar. *Nunciabantur auxilia magna equitatus Oppidanis suppetias venire.* Cicero 6. Philipp. *C. Cæsar cum exercitu subsidio profectus est.* Idem de gettis in Italia. *Ad eum mittit, nisi subsidium sibi submittebatur, sese diutiùs sustinere non posse, & alibi passim.* Plautus quoque pro eodem accipit auxilia & suppetias, præsertim, in Epidico scena 13. vbi ait: *Dum mecum militans-Auxilia mihi, & suppetia sunt domi.* Quanquam aliqui, vel ex eo colligunt diuersitatem, quod aliàs alterutrum omisit. Sed hoc Poëtarum est, & ex contextu patet ene synonyma.

S Y

SYMMETRIA græcè idem sonat, ac latinè Proportio. Defin-
tur autem à Vitruuiolib. 1. cap. 2. esse partium ad se coherentiam,
& ad totum, conuenientem responsum. Quæ quidem vt notat acutè
Philander, potius descriptio est, quam definitio, nam verè non om-
nia, quæ symmetriæ ratio inuoluit, complectitur. Etenim Symme-
tria inquit, *auctore Plinio, non habet latinum nomen, cui expressè co-
hæreat.* Vitruuius autem, eam vt potuit descripsit, quantum ad rem
suam faciebat, per proportionalem partium commensurationem.
Atqui symmetria propriè dicit talem responsum, qui iurè appellari
possit

possit Eurythmia, hoc est, ut ita partes conveniant, & loco sibi convenienti apte positæ sint, ut si quid addas, si quid detrahas, si quid immutes, iam non servient Eurythmiam, quæ appellat simul in opere & cuiusque partis officia, & iustam commensurationem, & venustatem. Quare Geometriæ, genuinus & primus partus est, adoptivius autem Architecturæ, quæ iuxta naturæ ordinem, & Geometriæ leges, in Structuris id præstat, ut partes singulæ conspirent ad perfectionem totius, atque ex totius ædificij concepta idea, statuatur quanta esse debent altitudo, & altitudo operis, quanta amplitudo cubiculorum, numerus apertionum, columnarum &c. uti videmus à Natura præstitum in humani corporis fabrica, & symmetria, quemadmodum non satis miratur, & per partes examinat idem Vitruvius lib. 2. cap. 1. observans, quod tanta est latitudo in brachijs extensis ab extremis manuum digitis computanda, quanta longitudo corporis à planta pedis usque ad summum verticem: & in partibus ipsis, pedem esse sextam partem longitudinis ipsius corporis, cubitus quarta, uti & tota altitudo pectoris; caput à mento ad summum verticem, octava: os à mento ad frontem, seu ad imas capilorum radices, decima: ipsius autem oris tertiam partem esse ab inio mento ad imas nates; tantundem nasum ab imis naribus ad medium superciliorum, atque à supercilijs ad radicem capillorum reliquam tertiam partem, &c. Idque per respondentiam, & analogiam ad uniuersum Orbem, (ratione cuius homo iure dicitur) *Microcosmus*, hoc est, *parvus Mundus*: Namque in *Macrocosmo* videmus tantundem distare unum Polum ab altero, quantum ab invicem puncta solstitialia, & æquinoctialia; tanta est distantia tropicorum ab æquatore, quanta interest inter Polos mundi, & Polos Zodiaci: Calor innatus in homine in corde sedem suam tenet, quod est totius corporis centrum; ut ignis infernus in terræ mediullio est, atque uniuersi totius centro: neque enim aliam sphaeram ignis sub concavo Lunæ cum antiquis Philosophis admittit, ratio vlla suadet aut experientia comprobatur: cum alias de fide certò sciamus, in inferno verum ignem esse, ibique non violentè, sed in propria, ac perpetua mansionè, adeoque ad naturæ exigentiam, à summo Opifice constitutum, omnia in pondere & mensura symmetriarum dimetiente, affirmare, non equidem à fide abhorret, neque ab humana Philosophia. Sed hæc à calamo ad aliud intentò, obiter exciderunt. Reuertamur ad institutum. Igitur ex his omnibus perspicuum est, aliam, & aliam symmetriæ rationem postulare quæ in prospectu sunt, ac quæ ab oculis longe remota: aliam excelsa, aliam quæ in imo: aliam obscura, & humilia, alia ad magnificentiam, & ostentatio-

rationem posita, &c. Quapropter ad eam ritè habendam, necessitæ sunt Mathematicarum facultatum directiones, maxime verò Geometrix, & Arithmetix, vt in Architectura luculenter demonstrat Vitruu. lib. 1. & frequenter in toto opere.

SYMPTOMA in Mathematicis demonstrationibus dicitur omne 196
id quod præter naturam propositæ rei assumitur in prædicatum, ad
texendam constructionem, cum aliàs ex accidenti adueniat, nec
per se primariò intendatur. Symptoma id, primis Geometris pla-
cuit appellare, ex similitudine ad symptomata, quæ in morbis ex im-
prouiso occurrunt præter morbi naturam, ex ingenito tamen,
non ab vlla externa causa originata; vnde nullam per se admittunt
curationem, vt habet Galenus de method. meden. lib. 12. cap. 1. 
Symptoma igitur mathematicum, propositioni soluendæ præter in-
tentum accidit, ac transcendit per omne genus demonstrationis,
siue Theorema soluendum sit, siue Problema. Sed præstat Procli
verbis id clarius, & per exempla dilucidare. Is enim lib. 2. cap. 8.
in Euclidem hæc habet, Omne quidem Problema, aiunt, vnum-
quodque eorum quæ de eius prædicantur materia, suumque oppo-
situm suscipere. Omne verò Theorema prædicatum suscipere sym-
ptoma, non autem oppositum. Ipsorum autem materiam quidem
dico genus, symptoma verò prædicatum; id quod per se se accidens
vocatur. Vtputa æqualitatem vel sectionum vel positionum, vel
aliquid huiusmodi. Cum igitur quispiam proposuerit: In circulum,
intendere triangulum æquilaterum, problema dicit; posses namque
in ipsum, & non æquilaterum intendere. Rursumque super datam li-
neam rectam terminatam, triangulum æquilaterum constituere, fieri
enim potest, vt & non æquilaterum constituatur. Cum autem, Angu-
los ad basim æquicrurium æquales esse quispiam proposuerit, Theore-
ma eum proponere dicendum; fieri enim non potest, vt non æquales sint
etiam anguli, qui ad basim sunt æquicrurium. Quibus prædictis, rem-
tandem sic concludit. In quibus ergò symptoma vniuersale est, to-
tamque materiam comitatur, hæc Theoremata dicenda sunt. In quibus
verò non vniuersale, nec subiectum prorsus consequitur, id problema po-
nendum est. Zenodorus autem sic distinguit problema à Theorema-
te. Quatenus, inquit, Theorema quidem petit quid sit symptoma quod
de ea quæ in ipso est, materia prædicatur: problema autem, quo existen-
te sit quod sit. Patet igitur quam aptè hanc constructionis materiam
Symptomatis appellatione Mathematici insigniuerint, quàmque
apprimè morborum vocatis à Medicis symptomatibus respondeat;
liquidem, vt docet Galenus super aphor. 12. lib. 1. Symptoma est
quid-

quidquid animali morbo laboranti incidit, præter morbum ipsum & causam, nihilominus ab intrinseco, non autem extrâ proneniens. Vnde aliquoties vnâ cum morbo inuadunt, aliquando supra ipsum obueniunt; nunquam tamen neque omninò accidunt, neque sunt inseparabilia ab ipso morbo, itaut eius veluti naturam constituent, & participant: sed proprias peculiare obrinent differentias. Quæ omnia mathematicis symptomatibus per analogiam optimè congruunt.

- 197 SYNODVS græcè idem sonat, ac latinè conuentio, & congressus: ideo in sensu valdè apposito vsurpatur ab Astronomis vox absolute prolata, ad significandum congressum duorum, vel plurium planetarum existentium in eodem gradu Ecliptico, vel Circulo positionis in Mundo; vel saltem, quod ibi sint plasticè vnita, intra sphaeram suæ cuiusque lucis, vbi simul communicent, & vnde radios, & mixtos ex vtriusque natura influxus immittant: nam si extrâ sphaeram suæ lucis sint, quamquam in eodem gradu per longum consistant; nullo modo dicentur adinuicem copulari, vti dictum est in V. *Platicus*,

- 198 SYSTEMA ex græca notione, nil aliud indicat, quàm harmonicam partium commensurationem, & positam, sibi mutuò respondentium. Hinc non incongruè ab Astronomis vsurpatur ad significandam cælestium corporum constitutionem, & harmoniam, quam seruant inter se, & ergâ tellurem. Vnde bene Ricciolus lib. 9. sect. 3. cap. 2. *Systema mundi*, ait, nihil aliud est, quam coordinatio, seu compositio magnarum mundi partium, videlicet Elementorum, ac Calorum; cuius veluti materia est numerus calorum, atque elementorum, tum totalium, tum partialium; forma autem est situs eorum inter se, ac relatiuè ad centrum Vniuersi. Et quia Diuina isthæc Architectatio, præ vastitate, Cælorum altitudine, perspicuitate, directè ac per se ab humanis sensibus teneri non potest; ideo antiqui Philosophi, & Astronomi, ab effectibus, & apparentijs eam colligere conati sunt, sicque Mundi Systema ex hypothesi constituere. Celeberrimum olim fuit, quod concinnaui Mercurius Trismegistus, probauere postea Timochares, Epimenides, Hipparchus, & Archimedes, ac tandem communi plausu receptum est, atque à Ptolemæo digestum, explicatum, & schemate oculis exhibitum in Almagesto. In eo statuitur globus terreus vniuersitatis centrum in medio situm, immobile: tum succederet aër circumambiens, qui utpote Elementum leuius igne, secundum locum teneret, atque à superficie terræ extendere-

tur

tur vsque ad sphaeram ignis : inde hic succederet per orbem expansus, cuius sphaera terminus esset ad superficiem concavam Orbis Lunæ, ad quam terminaretur etiam regio elementaris, successura, mox ætherea cum suis cuiusque Orbibus Planetarum per ordinem, nempe Lunæ, Mercurij, Veneris, Solis, Martis, Iouis & Saturni, post quos esset Firmamentum, seu Orbis Stellarum, & ultimo loco ac remotissime omnium, Primum Mobile, quod omnes secum simul raperet ab Oriente in Occidentem spatio 24. horarum, cum interim quisque contraniteretur, peragrans integrum Zodiacum stasis cuique temporibus : qui omnes essent homocentrici ad tellurem.

Inueterata hæc Mundialis Machinæ constitutio perdurauit vsque ad Nicolai Copernici, ingeniosissimi alioqui Astronomi, tempora : qui tamen videns, ex nouis obseruationibus, non posse subsistere prædictum Systema Ptolemaicum, aliud excogitauit, sed potius exsusceperat, à paucis olim antiquis Philosophis conceptum, sed cum ipsis emortuum. In quo constituitur Sol immobilis in Vniuersi centro : Post Orbis Mercurij, qui diebus 80. suam integram reuolutionem perficeret : Secundo loco succederet Venus, nouem mensium, spatio, suam periodum complens : Tercio loco terræ globus cum Luna, quæ item continuè circa terram voluatur : atque huic triplicem motum assignat ; diurnum, quo ab Occidente in Orientem pergit spatio 24. horarum (quem motum nos raptui primi mobilis damus :) annum, quem nos Soli : ac tertium, quem vocat librationis, quo inæqualitas æquinoctiorum ostenditur, & Eclipticæ deviatio ab Aequatore. Sequitur postea Mars, reuolutionem suam erga Solem absoluens in duobus annis : inde Iupiter in 12. tandem Saturnus in annis 30. Fixarum autem Orbis perinde ac Sol, consistit immobilis.

Et hæc est Vniuersi constitutio ex Philolai primum, mox è Copernici placitis stabilita, in quam, mirum quam multi ex Neotericis conspirarint. Et verò si ordinè, ac modum spectemus, optime congruunt apparentiæ, & calculus Astronomicus apprimè respondet. At enim ex alia parte intolerabilem admittit errorem ; terram nimirum moueri, ac Solem stare, quod & communi assertioni, & sensibus, & (quod magis interest) Sacra Scripturæ testimonio aduersatur. Quare iure merito hoc Systema Coperniceum, tanquam falsum, Sacris Paginis repugnans, atque à veræ Philosophiæ principijs alienum, à pijs ac sapientibus viris exploditur, atque ab Ecclesiâ nigro theta notatum.

Tandem Tycho Brahe nobilis Danus, post longam quadraginta circiter annorum obseruationes habitas, adiutus in hoc ab expertis

finis totius Orbis Astronomis, primus omnium Cælum liquauit, omnem ætheream regionem fluidam ac permeabilem astruens, perinde ac ætheri, sed longè ipso puriorem, & leuiorem: in cuius expanso & crassitie, omnia coelestia corpora collocauit, suo vnumquodque loco & ordine, & motu proprio, vt in systemate Ptolemaico dictum est: verumtamen, in diuerso posito singulos mobiles sistit. Nam, orbes Luminarium, & fixarum sunt concentrici, & habent pro centro terram, quinque alij erronei sunt eccentrici, & habent pro centro Solem, circa quem in vastissima illa ætheris regione, perpetuò gyran-
 tur, & æquabili motu. Id quod rationi valdè consonum est, & euincunt apparentiæ, & parallaxes nouissimè obseruatæ. Nam, Mars, cum est in perigeo sui Orbis, est sub Sole, & sit terræ proximior, itaut aliquando ipso Tychoni, priusquam hoc systema firmaret, inposuisset, & habitus pro Venere, quam granditate disci, parallaxi, & vmbra quam proiiciebat, ferè exæquabat: ac tandem, ex motu; & colore igneo quem præseferbat, compertus error: cum tamen constitutus in Apogeo vix par stellis quintæ magnitudinis appareret. Sicque nouum hoc Systema, Sacræ Scripturæ consonum, Ecclesiæque constitutis inhærens, magno cum plausu, & vnanimi omnium ferè sequentium Astronomorum consensu, receptum fuit: cum omnes apparentias saluet, omnes difficultates soluat, nouis Phænomenis in Aethere genitis, liberèque & irregulariter discurrentibus, haud ægrè locum, & materiam tribuat, ac denum calculo Astronomico apprimè respondeat. Vt melius, aut verius excogitari non possit.

200

SYSTEMATA MUSICA (neque enim vocabulum magis proprium ijs, qui verè consonantiam, & harmoniam faciunt) dicti sunt varij vocum sonorumque complexus, exurgentes ex varijs diastematibus, hoc est, tonorum interpolationibus, & interuallis, modò depresso-
 ribus, modò elatio-
 ribus, quibus vox ex acutà sit grauis, atque grauis transit illicò in acutam. Itaque Modulatio latine, & in propriissima significatione, Systema Musicum verti potest. Namque, vt acutè discurret Vitruuius lib. 5. cap. 4. Continuata vox neque in finitionibus consistit, neque in loco vllò, efficitque terminationes non apparentes, internalla autem media patentia, vti sermone cum dicimus, Sol, Lux, flos, nox. Sic enim nec vnde incipit, nec vbi desinit, intelligitur. Sed neque ex acuta facta est grauis, nec ex graui acuta apparet auribus; per distantiam autem e contrario. Nam cum fleuit in mutatione vox, statim se in alicuius sonitus finitionem; deinde in alterius; & id vtrò, citròque faciendo crebrò, inconstans apparet sensibus

vti in cantionibus, cum flectentes voces, varietatem facimus modulationis. Stat igitur, in crebra vocum versatione, atque in vltro citroque, quasi per gradus, ascensu ac descensu, plurimumque in vnum, conuenientium collisione, positam esse omnem consonantiarum rationem, ac diuersa Syltemata. Porro tria Cantionum genera, seu modulationum varietates, constituere Veteres Musicz inuenerunt. *Diatonicum, Chromaticum, & Enharmonicum*: quæ in hoc conueniunt, quod omnia vnam, aut plures chordas habent communes, vt in Monochordo; ac præterea in Tetrachordis, primam, secundam, quintam, octauam, nonam, duodecimam, quatuordecimam, quæ idcirco stabiles nuncupantur. Ad hæc Diatonicum, & Chromaticum aliquas habent, quæ dicuntur Neutrales; in reliquis ab inuicem discrepant: hæ sunt Tertia, Decima, & Decimatertia; & ideo dicuntur Nobiles. Ex his Enharmonicum procedit per tonum maiorem, diesim maiorem, ac Ditonum, à graui ascendendo ad acutum, & econtrâ. Ditonum per duos tonos, & hemitonium; & rursus per tres tonos, & hemitonium: & hoc alternatim, inferens tonum minorem inter duos maiores. Chromaticum tandem incedit per tonum maiorem, hemitonium minus (quæ duo faciunt tonum minorem) ac semiditonum, & sic deinceps. Verum de his abundè dictum suis in locis, & in genere in V. V. *Monochordum*, ac *Tetrachordum*.

208

SYSTYLOS dictum est in Architectura ædificium moderatè columnnationibus exornatum, ita ut præferat intercolumnia, nec nimis lata, nec nimis arcta, vt alibi dictum est. Cuius commensurationis terminus in eo positus est (inquit, Vitruv. lib. 3. cap. 2.) vt duarum columnnarum crassitudo intercolumnium compleat, & spirarum plinthes æquæ magnæ fiat, ac spatium quod fuerit inter duas plinthes. Sic enim (subdit) habebit & figurationis aspectum venustum, & aditus vsus sine impeditionibus, & circa cellam ambulatione amanitatem. Quamquam hanc cautionem in Sacris potissimum Aedibus, continentur hodie nostri Architecti, ac nihili faciunt: quin potius se accommodant ad rationem Operis, atque ad materiæ, quam præ manibus habent. Et quidem, meo iudicio, rectè, nec vltà generalia præcepta Architecturæ. Nam certum est, & rationi consonum, quod in Tuscanico, ac Dorico Ordine, maior intercolumniorum amplitudo seruari debeat, quàm in Ionico, & Corinthio: quippe in ijs, (vt in tota structura) longe crassiores columnæ, & parastades adhibenda sunt ad operis consistentiam, & firmitatem, quam vnice sibi figunt, adeoque non ijs officit maior intercolumnij laxitudo. Contrâ, cum structura Ionica, & Corinthia delicatior sit, & co-

201



lumnis gracilioribus componatur ad elegantiam, requirunt ambæ spissitudinem columnarum, vt constant. Quare in Genere Turcanico benè cadit Areostylos: Dorico, Diastylos; Corinthio, Systylos; Ionico, Picrostylos; Composito Eustylos. Hæc mea Sententia Romanarum ædium exemplis compluribus comprobata.

- 202** SYZIGIAE græcè appellantur cælestium siderum copulationes, non modò per corporalem coniunctionem, vt aliqui rigorosè nimis intelligunt, sed etiam per aspectum, & quamcumque familiaritatem: quà videlicet fit radiorum commixtio, ac virtutis, in vnum coadunatio. Et ità rem, è radice explicat
 Valentinus Nalboda in Alchabitum, & fert vsus
 & praxis omnium Ephemeridum Calcula-
 torum, in tabulis horum aspectum,
 quas in fronte sub Sygiziarum
 vniuersali nomine præsi-
 gnant.



TA



ABLINVM locus erat antiquitus in magnis ædificijs
 exitatus ponē Atrium, non tam ad commodum ad-
 ventantium, ut illic tantisper sisterent, donec ad-
 mitterentur, quàm ad pompam & ostentationem,
 uti & alia similia loca, Pinacotheca, Exedra, Por-
 ticus, &c. de quibus suo loco. Et quidem Tabli-
 num, ut author est Plin. lib. 35. cap. 2. erat specialiter deputatum
 ad continendos, & servandos codices, & monumenta rerum in-
 magistratu gestarum. Unde non omnium promiscuè erat, huiusmo-
 di diuerticula in suis ædibus ponere, sed tantum nobiliorum homi-
 num, aut Domus rationis, & publicæ, in quam negotiationis causa
 vel ad iudicia, multitudo civium conveniret. Sic etiam non omni-
 bus licebat diutius immorari, sed ijs qui ad negotia venirent, quo-
 adusque aduocarentur. Dictum est autem latine à Tabulis, ut pla-
 cet Bulengero, quod tabulis, hoc est publicis monumentis instru-
 ctum erat, uti & græcè Grammatophilacion, ex Scripturis, & publi-
 cis instrumentis, quæ circumquaque in plateis disposita erant. De
 eo ad atrij rationem conformari debere, docet Vitruv. lib. 6. cap. 4.
*Ut, si atrij latitudo, inquit, erit pedum viginti, dempta tertia parte, Ta-
 blino reliquum tribuatur. Si erit ab pedibus triginta ad quadraginta; ex
 atrij latitudine Tablino dimidium tribuatur. Cum autem ab quadragin-
 ta ad sexaginta, latitudo diuidatur in partes quinque, & ex his due Ta-
 blino tribuantur. Non enim atria minora cum maioribus easdem possunt
 habere symmetriarum rationes. Alioquin, subdit, si hæc membra
 maiora fuerint, quàm ipsum atrium, immania erunt, & aspectui
 iniucunda; si verò minora fuerint, neque tablina neque alæ utilita-
 tem poterunt habere: debent itaque suam proportionem habere, ut
 partes reliquo operi respondeant.*

2 TABULA simplex quidem & vulgarissimum nomen est, ligneum, asserem denotans, amplum oblongum, modicè altum, & aliqua latitudine complanatum. Sed mirum est, quàm variè, quàm frequenter, quàm rebus toto cælo diuersis, sibi que contrarijs identidem significandis aptetur, vt iam penè à sua primaria notione de- scisse videatur. De qua re, si quis curiosus est, consulendi sunt Latinz linguæ illustratores, præsertim Du-Cange in Glossario ad Scrip- tores medix, & infimæ Latinitatis. Nobis sat erit ea tantummodò explicare, quæ ad Mathesim pertinet, eique subordinatas atque ancil- lares artes. Ergò Tabula passim pro serie numerorum ad certum, ordinem dispositorum, quo alter ad alterum respondeat, accipitur ab Arithmeticiis. Hinc *Tabula Pythagorica* ab vnitate ad nouena- rium numerum in longum, & latum procedens; cuius ope additio- nes, subductiones, multiplicationes, ac diuisiones numerorum, facillimè eruuntur. Sic etiam *Tabula accepti, & expensi* apud Com- putistas dicitur Liber, in quo censentur introitus, & exitus prouen- tum, & expensarum, quò fieri queat comparatio, & vnus ab al- tero subductio, & in quo depositarius creditor restet, aut debitor. Est etiam Tabula apud Agrimensores, mensuræ agrariæ species: vn- de Vetus Agrimenfor eam definit, quod vna tabula habet quadra- ras perticas septuagintaduas, sed tamen nostri hortulani diuisiones horti per sulcos in plures areas capaces certæ alicuius seminationis, Tabulas nuncupant. Et sic de reliquis: itaut Tabulæ nomen gene- ricum sit, & eo vtantur Geometræ, Astronomi, Geographi, Archi- tecti, ad res suas significandas. Nos quoque partium primi mobilis re- spondentias, quas nuper edidimus, quibus ad istum oculi venari possimus, quis gradus Eclipticæ, Aequatoris partibus competat, quæ huius Ascensio Medio Cæli, aut cuius horizonti conueniat, &c. Tabulâs indigitauimus.

3 TACTICA est facultas in re militari, ordinandi ex Geometrix principijs militares copias, tam in Castris ad considendum suò quæ- que loco, & rata distributione; quàm in acie, ad prælium ineun- dum, & vtrò citroque cum ordine procedendum. Et prima quidem dicitur Castramentatio; Altera verò Acierum Instructio. De qui- bus varia præcepta traduntur, & integros libros Scriptores, ex anti- quis Polybius, & Aelianus; ex modernis Lipsius, & Bellajus in- Discipl. Militari. Nosque in V.V. *Acies, & Castramentatio* non nihil tetigimus.

TAENIA, seu *Tenia*, inquit Festus, *proprie dicitur Fascia*, ex græca notione: per translationem tamen, & in plurali accipiuntur 4
Tæniæ pro vittarum extremitatibus, quæ ab infulis pendent: vnde in opere architectonico per quandam similitudinem, vsurpari solent pro duplici, vel triplici illa, ad modum fasciæ, explicata proiectione quæ in Epistylijs ponitur, plana & procurrente, quæ impositis triglyphis perpetuam quodammodo basim efficit, vti & Zophoro. Fascias absolutè nominare placet Philandro in digressionem, vbi agit de vniuersa trabeatione, quamquam Tænias appellat Vitruu. & fascias promiscuè. Has nullas admittit Vitruuius in opere Dorico, & Tuscanico, benè verò, easque omni nò tres in Ionico, & Corinthio. At Palladius, & Barocius antiquorum monumenta speculati, atque à ratione architectonica, & venustate nequiquam abhorrentes, etiam in Dorico probant, & duas admittunt, cum quibus Philander à suo magistro desciscens: & alteram quidem supra triglyphos, alteram infra, itaut bellè Zophorum claudant, maiestatemque eius adaugeant. Videsis apud Barbarum, & Palladium in diuersi ordinis Epistylijs eiusmodi tænias graphicè deformatas. Has nostri Architecti *Currentes* nominant.

TALEAE in Architectura, inquit Baldus, sunt trabeculæ illæ graciliores, quibus parietum compages nectuntur, & obfirmantur. In 5
his tota ædificij consistentia, & perennitas sita est, quippe in longum proiectæ, lapides, & cæmenta in structuram alligant, & constringunt, neque hiscere patiuntur, etiam si vetustate dissiliant. Eapropter non è quocumque ligno, sed oleagineas, & vsulatas probat Vitruu. lib. 1. cap. 5. in crassitudine parietis quam creberrimè traiectas; vti vtrique muri frontes, inquit, inter se, quemadmodum fibulis, his taleis colligata, æternam habeant firmitatem. Namque ei materia nec tempestas, nec caries, nec vetustas potest nocere. Quod ideo meliores, ac diuturniores reputantur istæ, quam ferreæ, quæ tandem rubigine dissoluntur. Alium autem talarum vsus, & formam in munimentorum propugnatione habet Architectura militaris. De qua re consulendus est Stevvech. in notis ad cap. 3. lib. 4. Vegetij.

TANGENS linea in Geometricis, vide iam dicta in V. Sinus.

T E

TECTVM in ædificijs, celsior & præcipua pars à tegendo dicta, 6
quod illud tegat & compleat, atque ab iniurijs tempestatum, imbriumi, aut ardoris Solis, nimirificè protegat, ac defendat. *Tolle te-*
ctum

Æm (inquit Lco Albertus) *putrescet materia, labescet paries, fatiscunt latera, omnis denique structura sensim dissoluetur: Ipsa etiam fundamenta, testorum proiectione, quod vix credas, corroborantur.* Etenim etsi in regionibus meridionalibus, vbi nec rigidus aër, nec glacies pauimenta corrumpens, nec ingruentes pluuiæ sunt, non testæ propriè dictæ, sed hypetræ anibulationes pro testæ sternantur, quæ multum commodi præstant, noctu præsertim, ad frigidam auram captandam: tamen hic & vbiquè infirmiores sunt ædes, & faciliè dilabuntur; vt propterea testum, idque fastigiatum vniuersaliter in ædificijs præcipuum locum habeat, vt sit bene formatum, ac diuturnum. Quod idè eorum semper maxima habita fuit ratio ab Architectis, & cura peculiaris intenta ad eadem benè formanda. Et quidem ea prima fuit, vt, & quoad materiam, & quoad formam, ita compingantur, vt & Solis ardori resistent, vel obuersentur, & cadentes imbres non exsugant, aut diù retineant, sed protinùs remittant, & expellant. Propterea nusquam aut rarò plana videbis, sed in accliuè posita, vt faciliè possint exceptam pluuiam reijcere, & aliò deriuare. Tum è tegulis, & imbricibus, meliùs quam scandulis ligneis, quibus olim Roma contacta fuit, ac durauit vsque ad bellum Pyrrhicum, conformantur; sic enim & sumptibus parçitur, & operi optimè prouidetur, cum materia vbique suppetat, & humiditati resistat, & si quam contrahunt, statim absumant, quod non facit lignum. Consueuere antiqui in ædificijs quæ erigebant ad æternitatem, testæ laminis æreis operire, vti videmus factum in celebri templo Pantheon: alij, præsertim in Gallia, lapideis laterastris: verùm experientia conpertum est, ea non diuturniora esse quam imbricata: quippe & magnas requirebant impensas, & nimio pondere fatiscabant, nec ita eiusmodi laminæ, aut laterastræ connecti poterant, vt non per rimas, & commissuras aqua penetraret, & interiora corrumperet. Idcirco ijs sublatis, plumbeas bractæas submisere, quæ exiliores, & flexibiles, magis ad opus idoneæ sunt inuentæ, de quibus agit, & commoda refert Iabolenus l. c. in Pandect. lib. 50. de verbor. signif. Et harum quidem vsum videmus magno cum commodo introductum in Basilicis, ac præsertim in Tholis ac Tribunis; quæ non fastigiata sed orbiculari forma ad maiestatem eriguntur. Cæterum à forma, testæ Testudinata, disfluuiata, deliciata, &c. denominationem sumunt, de quorum differentiis diximus suo loco.

- 7 TELAMONES in ædificijs substituuntur, magna cum operis venustate, mutulorum loco, aut columnarum parietibus adhærentium, qui

qui sustinere videantur, (& reapse maximo fulcro sunt) arcus, & fornices superiectos. Referunt enim speciem seu integram, seu dimidiatam quasi hominis, satyri, aut bellux, humeris fastigium excipientis, vel lacertis, & curuis dorsis sustentantis. Quæ quidem opera in Theatris, Laquearibus, Ostiorum antepagmentis maxime adhibentur, quippe locum valde exornant, & columnarum vicem subeunt, magno cum impensarum compendio. Athlautes primum appellauere Græci, apud quos sumpserunt initium, sumpta ex fabulis similitudine, quod Athlantem referunt, quem Poëtæ fingunt, supposuisse Cælo humeros, ac sustentasse: sed ab hominibus potissimum nomen hausisse perhibent, quod à captiuis hominibus originem traxere. At, qua ratione à Latinis Telamones dicantur, obscurum, & nemo hæcenus, quem viderim, inquisiuit. Cæterùm rei historiam perbellè describit Vitruu. initio sui operis: vbi à Laconibus Inuentionem profectam tradit, post insignem victoriam, quam de Persis inferentis hostibus, retulere. Quippe pauca manu, inquit, infinitum numerum Persarum exercitus cum superauissent; æsto cum gloria triumpho spoliolum, & præda, porticum Persicam ex manubijs, laudis, & virtutis cinium indicem victoriæ, posteris pro trophæo constituerunt; ibique captinorum simulacra barbarico vestis ornatu, superbia meritis consumelys punita, sustinentia tectum collocauerunt: Idque ad imitationem, & similitudinem Caryatidum Matronarum, quarum simulacra, post denictam, ac deletam Caryam earum Patriam, ad facti memoriam, Græcos victores oneri ferendo collocauisse, paulo antè dixerat idem Vitruuius. A Telamonibus postea, & Caryatidis facilis fuit transitus ad Satyros, Leones, tigrides, elefantos, alias que id genus feras & monstra, in opere architectonico præfulcris substituenda, prout res in commodum veniebat, aut Opifex in idea nouum, peregrinum, aut singulare, quod ad maiestatem simul ac venustatem conduceret, sibi præfigurabat.


TELESCOPIVM vide infra *Tubus Opticus*:

TELVM genericè dicitur omne missile, quod manu in ordine ad feriendum iactatur: ex græco (inquit Festus) translato eorum nomine, quoniam illi Τηλιδειν missa dicunt, quæ nos eminūs. Quamquam reuerà Telum, hastile ferro armatum appellat, & vti tela propriè dici nequeunt saxa, neque glandes plumbeæ, quæ è tormentis eminūs emittuntur; ità econtra, quæ manu adiguntur, siuè cominūs siuè eminūs plagam inferentia, modò aliquatenūs oblonga sint, & hastile habeant, tela promiscuè appellantur, quæ aliq. communi, &

X x x x x

satis

fatīs expressiuo nomine, iacula vocitantur. Eorum species breuiter & accurate recenset Gellius lib. 10. cap. 25. *Hæc sunt*, inquit, *Hæsta, pilum, phalarica, semiphalarica, soliferrea, gesa, lancea, spari, rumices, trifaces tragula, frameæ, mesangula, cateia, rampia, scorpij, sibynæ, sicilices*. Inter hæc, partim nomine tenus differunt, vt obseruat Alex. ab Alexandro, quatenus eadem diuersimodè à diuersis populis agnominata sunt; partim reipsa discrepant, & à forma, vsu, & iaculandi peculiari modo, sunt appellata. De quibus singulis vbi recurrit sermo nonnihil, dictum est.

- 9 **TEMPLVM** in Architectura, non tam sacræ ædes (ad quas postea vocabulum translatum est) quàm in propria significatione, appellat tignorum seriem, quæ in summitate ædificij supra canterios ordinatur, & compingitur ad sustinendum tectum, à contuendo cælum, siue à contemplando, vt placet Donato, dictum. In quo sensu Vitruu. lib. 4. cap. 7. de tecti conformatione dixit: *Suprà fastigium columen, canterijs templa ita sunt collocanda, vt stillicidium tecti absolui tertiaro respondeat*. Quò postea factum, vt omnia septa quæ cælum spectarent, & eiusmodi tignorum dispositionem haberent, templa subinde appellarentur. Hinc Curiam Hostiliam in quam Senatus, & populus ad ius dicendum, vel audiendum conueniebant, templum Romani dixere: vnde Tullius in orat. pro domo sua, *Curia est*, inquit, *sedes, ac templum publici consilij*. Et quia locus hic cunctis dignior, & sacratior habebatur, inde sensim postea factum est, vt sacræ ædes, & Curia, vbi siue ad pietatis officia, siue ad Senatus consulta excipienda populus colligebatur, Templa pronisus nominarentur.
-  Quare antiquitus omnes ferè inanium Deorum ædes subdiales erant, vt de prima, quæ Romæ in Capitolio, Ioui Statori à Romulo constituta fuit, referunt Liuius, & Valerius Maximus: ac de templo Iouis Olympij, Pausanias in Atticis, quò supplicum preces rectè ad Cælum tenderent, eorumque vora Numen respiceret. Quod ideo notauit Vitruuius lib. 1. cap. 2. *Statione cum Ioui, fulguri, & Cælo & Soli, & Lunæ ædificia sub diuo, hypatraque constituuntur: horum enim Deorum & species, & effectus in aperto mundo, atque lucenti præsentibus videmus*. Sic ex ijs, quæ adhuc Romæ aduersus temporis iniurias videmus extantia, vti Pantheon Ioui vltori, vel vt alij volunt, Matri Deum ab Agrippa dicatum, Fanum Herculis in Monte Cælio, quod nunc à Diuo Stephano, cui postea sacratum fuit, dicimus Templum S. Stephani ad rotundum, & alia sunt, vel erant supernè aperta ad eundem finem, quasi quæ occulto & sub tecto fierent, Deus non exaudiret. Obseruat tamen Gellius ex Varrone, lib. 14. cap.
- 10

cap. 7. olim non omnia loca siue ad Deorum cultum, siue ad Senatusconsulta celebranda pro templis habita esse, sed ea tantum, quæ per augures fuissent solemniter designata: propterea, subdit, & in Curia Hostilia, & in Pompeia, & post in Iulia, quàm profana ea loca fuissent, templa esse per augures constituta, ut in ijs Senatus Consulta more Maiorum, iusta fieri possent. Inter quæ, illud scriptum reliquit (Varro) Non omnes sacras ædes templa esse, ac ne ædem quidem Vesta templum esse. At hæc missa faciamus. Veniamus ad nostræ verè Templa, verè sacra, in quibus Deus noster verus Deus, inhabitare, cultumque sibi à fidelibus præstari complacet, eorumque orationes excipere. Equidem tantò ea magnificentiùs cæteris ædificijs erigi concedens est, quantò dignior hospes est, & quæ inibi tractari debent negotia ad animarum expiationem spectantia, humanis, & corporalibus supereminet. Id quod & Ethnici in suis Deorum templis exædificandis, & identidem conueniendis, intellexerunt: Nimirum, ut obseruat Leo Albertus lib. 7. de re ædificator. cap. 3. Pietatem Veteres tum demùm coli assueverant, cum templa Deorum frequentarentur. Atqui (subdit mox de Christianis Templis) his de rebus velim quidem templo tantum esse pulchritudinis, ut nulla species ne cogitari vspiam possit ornatio; & omni ex parte ita esse paratum opto, ut qui ingrediantur stupefacti exhorrescant, rerum dignarum admiratione; vixque se contineant, quin clamore profiteantur, dignum profectò esse locum Deo, quòd intueantur. Itaque quoad structuram, & situm, conuenit Deo erectam Domum, omnibus esse conspicuam, per amplam, eminentem, ac saltem, quæ frontem, & aditum spectat, contemplabilem, & venerandam, ut qui de foris eam aspiciunt, religionem concipiant, mentem colligant, & ad ingressum alluciantur. Quoad aspectum, ad Occidentem vergere Gentilium templa consueuisse, narrat Vitruv. lib. 4. cap. 5. Nempe Signum, ait, quod erit in cella collocatum spectet ad vespertinam celi regionem; ut qui adierint ad aram immolantes aut sacrificia facientes, spectent ad partem celi orientis, & simulacrum quod erit in æde. Quem ritum haud improbasse in suis templis ponendis, Sanctam Catholicam Ecclesiam constat ex Iure Canon. Cap. Ecclesiar. distinct. 11. Verum id, uti cum commodè fieri potest, prætereundum non est; ita cum situs aut loci qualitas aliter fieri postulat, non multum prouidum Architectum angere debet, ac sanè temporibus nostris in usu non est, ubi videmus amplissimas Basilicas quaquauersum spectare. Id quod magis attenditur, (& quidem non tam ad pietatem, quam maiestatem) est, ut quæ à fundamentis eriguntur, si commodum venit in crucis formam abeant, videlicet, ut in capite constituatur Odeum.

feu Ara maxima cum Tribuna; ad latera hinc inde grandiora sacella, quæ suis areis totam brachiorum, (sic vocant) amplitudinem occupent, itaut in medio & in ipsa crucis, vt ita dicam, decussatione sistatur ara maxima paulò altior, & recessior, vt æquè omni ex parte conspicua sit, & patens: Reliquum vero templi corpus, (quam Nauem mediam dicimus,) oblongum sit & amplum, ac rectà positum, quò adeuntibus tota mox Sacræ ædis dispositio, & architectatio obijciatur; collocatis interim si locus erit, ad latera minoribus sacellis, ad sacra ibidem habenda, atque à populo exaudienda è media naui, vbi maior est confluentia, & occursum. Atque hæc prorsus est forma, quam seruant hodie nostræ Ecclesiæ, præcipuè Romæ quas splendore, ac magnificentia videmus cæteris anteire: vtpote Vaticana Principis Apostolorum verè Basilicarum omnia Idea, & Princeps, Lateranensis nuper ab Innocentio X. restituta, ac magnificentissimè exornata; Vallicellana; Iesuitarum duplex, altera Farnesiana, à Iesu, altera Ludouisiana à S. Ignatio nuncupata: nostra S. Andræ de Valle, & aliæ à summis viris, & Religiosis S. R. E. Cardinalibus penè ad æmulationè, pietatis non minus quam manifestiæ, excitatæ, quarum Catalogum hic referre, longum, ac tediousum foret. Solum id addere non otiosum erit, Romam, in Sacris ædibus ponendis (vti in alijs) toti fere Orbi, ac præcipuè Italiæ præluxisse, & calcar quodammodò addidisse, ad similia magnificè extruenda, vt nullum iam penè templum sumptuosius erigatur præsertim in Germania, & in Gallia, quod non Romana studeat imitari, & magnificentia, & maiestate, si non superare, saltem exquare. Restat hic ad operis complementum, vt aliquid breuiter de tecto, ac pavimento, quæ sacras ædes deceant, attingamus. Pavimentum, si sumptus suppetunt, lithostroton, seu quadratarium, & variato marmore esse conuenit: quod dispositione sui aliquid representet ad virtutem, ac pietatem accendens, ac simul visum oblectet & mores informet, qualia sunt sepulchralia monumenta, varijs emblematis, atque inscriptionibus ornata, quæ nos vltimi finis admoneant. Addit Albertus, *Maximè pavimentum refertum velim esse lineis & figuris quæ ad res musicas & geometricas pertineant, vt omni ex parte ad animi cultum excitentur.* Sic Bononiæ in celebri S. Petronij Templo, inter alia, pavimentum est mira varietate constrictum, atque in eius medio per longum lineam meridiana signata, quæ quouis tempore, Sole medium Cæli teneute, eius radius per foramen traductus lineam istam tangit; denotatque proinde tempus meridiei ad horas canonicas missarumque celebrandarum, quoadusque protrahi queant, terminum præsignandum, atque ad æquinoctia, &

solstitia prænoscenda . Et alia huiusmodi, de quibus late ipse Albert.
cap. 11. Serlius, Vignola, & alij .

TENTORIVM, militare vocabulum significans temporariam mi-
litum stationem , seu receptum ad quietem; in Castris, aut vbi 12
dùm aliquam expeditionem adornant, pedem figere , & pernoctare
contigerit. Tabernacula nuncupavit Cæsar, & ex eo alij Scriptores
passim , eoquod in tabernarum similitudinem ex tabulatis compin-
gerentur. Vnde Isidor. *Tabernacula*, inquit, *tentoria sunt militum*,
quibus in itinere solis ardores, tempestateque imbrium, frigorisque iniurias
vitant. Distia autem tabernacula, quod cortina distenta funibus tabulis
interstantibus appendentur, quæ tentoria sustinerent: Tentorium di-
ctum, quod tendatur funibus & palis. Ex quibus clare inducitur, Ten-
torij nomen latius patere quam Tabernaculum: siquidem hoc ap-
pellat amplius quoddam, & commodius receptaculum, ad cuiusdam
fixæ domus similitudinem architectatum, solum belli ducibus posi-
tum: tentoria verò simpliciora, pro gregarijs militibus erecta ad so-
lum tegimen, & receptum ab iniurijs tempestatum, quæ olim vix
ex arborum ramis, & pellibus utcumque super expansis fiebant: vnde
frequens est illud apud historicos: *sub pellibus esse, sub pellibus*
hybernare; ad quod respexit Ouid. cum dixit *Fastor*. 3.

Pauci Tentoria ponunt

Sub quibus è ramis frondea casa facta est.

Quinimò in Romana militia tantus erat primitus disciplinæ ri-
gor, vt ne id quidem hyemis tempore permitteretur, sed quauis 13
suborta aëris inclementia, humi iacere, & cubare compellebantur
sub dio: vnde processit acris ila quærela Tribunorum plebis ad Se-
natus Consultum, quam refert Liuius lib. 5. ab vrbe condita. *Mili-*
tem Romanum in opere & labore, niuibus, pruiniisque obrutum sub pelli-
bis durare, ne hyemis quidem spatium, quæ omnium bellorum, terra mari-
que sit quies, arma deponentem. Ex quo, conuiiente Senatu, emol-
lita sensim hac veterum disciplina, luxus inualuit ac militaris ille
ardor, qui in forti malorum perpeffione vigeat, tandem deferbuit,
vt iam hyberno tempore, non sub pellibus, non in tentorijs durare
sustinent, sed in pagis omni commoditate refectis, statua quæ rat,
& quarteria sibi deputari contendat. Vt hic præteream luxum,
qui in tentorijs ipsis ponendis, cum vel in castris vbi figitur alicuius
vrbs obsidio, vel in itineribus, sumptuosissimi operis ex auro
gemmisque intextis, nec pro ducibus modò, sed pro ipsis gregarijs,
ad fastus, & superbix ostentationem, vti & Turcarum mos est, &
aliquando fecisse etiã nostros, perhibent passim historici, vt de Fran-
cisco

cisco I. Galliarum Rege, refert Iouius lib. 20. Ad eò à primæua illa feueritate defciuit hodierna militia, vt cùm ad bellum itur, non ad pugnandum, sed ad Theatrales ludos, vel ad nuptias, exercitum diceres proficisci.

- 14** **TEPIDARIUM** locus erat olim in Balneis ab alijs segregatus, vbi tepidæ lauaciones, aut sudationes, prout cuique opus erat, fiebant, eòque vel aqua, vel calor attemperatus aliunde deriuandus ad certam mensuram, pro cuiusque indigentia, apportabatur, atque in distinctis cellis, vnusquisq; loci beneficio fruebatur. Quod ideo tria potissimū receptacula ad lauantiū cōmoditatē balneæ continebant, *Frigidarium* dictum, in summo collocatum, recipiens è fonte proximo frigidam aquam, *Caldarium* in imo immediatè super hypocaustum exstructum, à quo calorem hauriebat aqua, vel aër inclusus, ac *Tepidarium* in medio consistens, de vtroque participans, adeoque immit-tens calorem temperatum. In his autem locis, vt sibi inuicem communicarent, erecta erant, ac dispersita in proportionali distantia, vasa, quæ aquam, teporemque reciperent singulis appositum, & constitutum. De quibus hæc habet Vitruu. lib. 5. cap. 10. *Athena super hypocaustum tria sunt componenda: Vnum Caldarium, alterum Tepidarium, Tertium Frigidarium; & collocanda, vti ex tepidario in caldarium, quantum aqua calida exierit, insuat. De frigidario in tepidarium ad eundem modum; testudinesque alueolorum ex communi hypocausto calefiant.* Ex his igitur vasis in medio constitutis (namque hinc inde mansiones erant distinctæ, aliæ pro viris, aliæ pro feminis, ob modestiam, & honestatem, certis repagulis, & interiectis murulis separatæ) vnusquisque congruam sibi, per parata infundibula, parabat aquam, atque in alueolum in quem ipse lauaturus intrabat, infundebat summa cum libertate, parique omnium commodo, citrà aliorum obseruationem, aut impedimentum: vti probè delineatum cum omnibus suis loculis, & partitionibus, exhibet Caporalis in suis ad Vitruuium Commentarijs. Sed vide quæ diximus in sudationibus, & vniuersim, in balneis.

- 15** **TEREBRA** machina erant olim bellica, in genere tormentorum, ad labefactandos muros vrbs obsessæ, forma non multum distans à testudine atietaria, sed vsu valde diuerso, quippeq; non impetu mœnia peruadebat, sed propius accedens, ferreo stipite trifulco in capite, muròs perfodiebat perpetua circumuoluatione, intus in machina quæ illum circumferebat, disposita: cuius imaginem & modum agendi exhibent Hero Mechanicus, & Lipsius in Poliorcet. lib.

lib. 3. Hodie post inuentas bombardas, cessit in bellicis huiusmodi machinamentum, vti. & Aries; sed mansit in operibus pacis, estque non tam vulgare, quod omnium Mechanicorum, ac fabrorum manibus teritur, instrumentum; quàm nobile omnium ferè mathematicarum disciplinarum subiectum, in quod singulæ suas partes conferunt, miroscque effectus, conditionesque expendunt. Quas demirans Pappus in Collectan. Mathemat. lib. 8. hæc habet, dum in ea cochleæ simul, & vectis, & cunei, complexas simul operationes considerat. *Terebra*, inquit, *habet nescio quid cochlea*. Dum enim mouet pondus, scilicet dum perforat, ex sua ferè natura semper ulterius progreditur; habet enim belices tamquam circa conum descriptas. Quoniam autem verticem habet acutum, ad cunei quoque rationem commodè referri potest. Eius inuentionem Dædalo tribuit Plin. lib. 7. cap. 56. vti & ferræ, & ascis, quibus ligna finduntur, aut dedolantur, quæ quidem cognatæ sunt, & ex eodem principio procedunt; verum terebra longè mirabilior & operosior. Verum tamen est, quod eius actiuitas vsu magis, quam ratione comperta est; nam antiqua terebra, quam adhibebant, & solum nouerant veteres agricolæ in scrobibus fodiendis, & surculis insitandis, præuia adustione adigebatur, vt testis est Columella lib. 4. cap. 29. vt iam eius vis ignis corrosioni tribueretur, ac proinde non magni fieret instrumentum. Ex quo Baldus in Lexico Vitruuiano deridet, & fictitiam proclamat terebram bellicam, quæ vim haberet muros ex se simpliciter perfodiendi. At enim vsu, & ratione postea compertum est, totam vim instrumento inesse, in se vno continente actionem, vectis, & cunei. Cæterum tota virtus in versatione consistit, vt notat Aristoteles in Mechanicis, quæ æquali, & constanti ductu partes quas tangit excindit, ac detrahit: vnde à versatione *ῥῥανον* à Græcis dicitur: à quibus nos vocem mutuantes *Trapanum* appellamus. Quod signatè est instrumentum illud, quo potissimum vtuntur Chirurgi ad perfodienda ossa & crania perfracta, ad sanien, & corruptum sanguinem excernendum, illæis cæteris partibus: nec non tornitores & fabri, ad sua opera polienda. Hæc autem, vt supra dicebam, tereti ligno vel ferro bifidam, vel trifidam cuspidem habet ex chalibe, aliquando acutam, aliquando obrusorem, quæ in perforandum opus immittitur, tum plumbeus orbis ad librandum motum traiectionis in medio constitutus, per traiectam regulam ad cuius extremitates funiculus alligatus est, qui transit per styli verticem perforatum, qui interim agitatione instrumenti quæ manu fit pressione, & eleuatione, per styli longitudinem circumuoluitur, & illum aptat sua cuspidè ad subiectam materiam perforandam.

Altera est terebra simplicior & vsualis, solo ferreo veru terminante, in cuspidem contortam ad modum spiræ, & acuminatam; & ligneo manubrio ad commodiorem versationem, ad alterum extremum constans, qua ligna traiciuntur & erasâ ad singulos ductus materia ad iustam eius mensurâ foramina efformantur; hancque nos Terebellam, (Italicè *Triuelino*) vocamus. Vtramque ortum duxisse ab Heronis Terebra bellica murorum expugnatoria, tradit Barocius in scholijs: quamquam verosimilius hæc ab illis processit, cum longè antiquiores, & ad manum promptiores extiterint, cum vel ab ipso mundi exordio vsus tibiarum in tripudijs; & cantionibus habeamus, quæ profectò non nisi per terebram elaborari queunt, vt notat Ouidius. Fastor. 6. vbi facit Mineruam tibiz inuentricem.

Prima terebrato per rara foramina buxo,

Vt daret effeci tibia longa sonos.

Et alioqui terebræ, & tibiz mentionem facit Plinius lib. 7. cap. 56. earum vsus antiquissimum astruens, & illius inuentorem pethibet Dedalum, huius autem Midam in Phrygia.

16

TERMINI, seu FINES (sic dicti) *Planetarum*, apud Astronomos, sunt certi quidam, ac limitati gradus, intra quos, vsu probauit Antiquitas, & ratione postmodum euicerunt acutissimi nostri temporis Astronomicarum rerum, è vero Philosophiæ penu indagatores, repertos aliquando, hos & illos planetas, fortiores euadere, ac perinde in loco sui iuris, dignitatem aliquam obtinere, quæ quidem computatur vna ex quinque essentialibus, Domicilio nempe, Exaltatione, Trigono, Terminis, & Facie, seu configuratione ad Luminaria, quarum Tabella apud omnes in Isagogicis prostat. Circumferuntur autem in duplici differentia: alij, quorum distributio Ptolemæo tribuitur, quam ipse Chaldaicam vocat, accommodatam ad triangulorû gubernationem: alij ab Aegyptijs instituti per ordinem & respectum ad Domicilia; & vtriusq; distributionis Tabellâ affert ipse Ptolemæus lib. 1. cap. 18. & 19. quas & examinat, & in finem concludit, *Chaldaicam rationem simpliciore esse ac probabiliorem, Quamquam*, subdit nec hæc quidem concinna est, cum in serie, quem sumit à triangulorum dominjs, cum in numero, vt sine annotatione sua cuique regio attribui possit. Attamen Aegyptiorum ratio, utpote rationi magis consona, & (quod hac in re maximè attenditur) plurimis, raròque fallentibus experimentis fulta est, communiter recipitur ab Astronomis, in hoc vno à Ptolemæi Canonibus discedere non dubitantibus. Porro ab hac prærogatiua excluduntur Luminaria, quoniam ipsa sunt potius ratio eius in reliquis erraticis statuen-

tuenda, per respectum quem istæ habent ad eorum domicilia; & illa suis lationibus habent generare primas qualitates, ac sua luce gradus maioris intensiõis constituunt, qui in coloribus, quos Planetis inferioribus communicant, patefiunt. Quamquam Campanella lib. 1. cap. 7. aliam rationem assignat, cur Luminaria hanc prærogatiuam assumere dedignentur. Quia profectò inquit, termini est specificare effectum, Luminaria autem genericè se habent, & generaliter operantur: quod ideo omnia signa à Leone in Capricornum sunt fines vniuersales Solis, quemadmodum à Cancro in Aquarium, Lunæ. Sed non vacat in hac re discutienda (de quâ fusè aliàs pertractauimus) diutius immorari.

TERRA Vniuersi istius Centrum ac basis, suprâ quam reliqua elementa insident, & circâ quam Cælestes Orbes rotantur: vnde ait Poeta. 17

Ponderibus librata suis, immobilis hæret.

Efformat cum Elemento Aquæ vnum corpus sphericum: cuius rotunditati non plûs officiant montium altitudines, valliumque profunditates, quam in Aurantij pomo, tuberculi. Id quod magno Diuinæ prouidentię consilio factum putandum est; quò homines ibi, & animantia commodè sistere possent, & omnem plagam, regionemque inhabitare: quandoquidem cum primùm creata fuit, ex se vnum globum efficiebat, vndique mari circumdata (quòd aquæ naturaliter suprâ terram feruntur) atque adeo non erat, vbi homo, & animantes figerent pedem: vnde summus Opifex, vt habetur Genes. 1. imperauit, & dixit: *Congregentur aquæ in locum vnum, & appareat arida.* Ex quo, illic plurimæ eius partes auulsæ sunt, & amplissimos sinus aperuere, in quos aqua diffunderet, ac reslueret; itaut, quantum terræ in montes abiit, & elenata est, tantumdem cessit in cauitates, quæ aquarum receptaculum, & alueus essent, vti Nautæ, & Geographi, factò sæpius per Hydrometrû examine, experti sunt. Nec proinde Terram in hoc statu quiescere visâ est, ostendens, se quodâmodò in statu violento reperiri, proindeq; semper niti ad suam primigeniâ constitutionem redire, non leuiter indicant continuæ montium corrosiones, locorumque humilium repletiones sensim factæ, quibus manifestè euincitur, terram omnimodam complanationem suam affectare. Testantur id Vesiuius, aliquique igniuomi montes exesi, nec adeò excelsi quantum erant priscis temporibus; & signatè, cum illuc Plinius eius cauitatem exploraturns accessit; tùm aquarum è cælo cadentium alluiones, quæ eorum altitudines semper imminuunt, ac torrentes qui saxa, &

arenam comminutam in valles importat: Testantur Oceani, & Maris superi repletiones; præsertim, vbi Aquileia, Adria, Patavium, Rauenna &c. olim ad mare erant, quæ tamen vrbes hodie, ob multam terræ aggestionem, valdè ab eo distant: & econtrà in mari Balthico, Danico, & Hollandico, vbi terra depressa est, illudque ex repletionem sui alui impotenter assurgere, & quandoque integras videmus prouincias assorbere. Sed ne longius euagèmur, probant hic Romæ ædificiorum fundamenta in summis collibus superextantia, ac denudata; atque in eorum radicibus, solum enormiter elatum: vt proinde clarissima ibi ædificia, Colossæum, Arcus Septimij, vetustiora templa, ex illorum attritione penè obruta, ac sepulta. Vt proinde vel ex eo manifestè appareat, terram non semper hunc positum, & figuram, quam nunc temporis obtinet, habuisse, nec olim in fine sæculorum habituram, sed eò tandem reductum iri, vt tota ad pristinum statum complanetur, marique operiatur, fiatque ideò inhabitabilis, vnde vastatio instet, & Mundi finis.

18

Est ergò Mundi centrum Terra, nouissimo loco, & abiectissimo posita, vt pote cæteris partibus crassior, ac despectior; nullo motu, nulla in alias partes actiuitate prædita, sed subiectum prorsus passiuum, in se recipiens cæterorum agentium ac potissimum Cælestium luminum operationes, & influentias. Nec ideò quod suprà, cum Tychone statuimus, Solem esse Planetarum, qui sunt nobiliores, & ampliores Vniuersi partes, fixum centrum, circa quem omnes rotantur in suis Orbitis; ab hoc situ, & centri conditione, terra deturbanda est: quandoquidem in diuerso longe ordine & ipsa nihilo secius centrum est. Nam, vel ratio Centri sumitur, quod sit partium, quæ circa sunt, meditullium, fixum immobile, quod nil habeat operari extra se, sed omnium operationes in ipsum confluant, ac dirigantur: vel pars potissima quæ omnium actiones regat, in medio sita, ex quo cunctis præstò sit, & æquè viuificet, motus attemperet, modereturque. Si primum, terra id utiq; est, & rationabiliter dicitur: si secundum; nulli dubium, quin Soli hæc prærogatiua computat, quando ipse (vt in loco diximus) Mundi, velut Anima est, omnia viuificans, omnia regens. Quod quidem ex analogia Microcosmi ad Macrocosmum colligi potest. Etenim in homine, si centrum sumamus pro nobilissima parte, quæ sit fons vitæ, & initium ac regula omnium motuum; eiusmodi est Cor, totius corporis principatum tenens, atque in situ, non quidem omnino medio, vt centrum ad peripheriam, sed excelso, & congruo; è quo possit cunctis membris vitam infundere, motusque regere, & moderari: si partem abiectissimam intelligere velis, in meditullio collocatam, in quam omnium

opc-

operationes terminent, & quæ passiuè tantùm se habeat, atque in se recipiat aliorum membrorum motus, & ministeria; is est vmbilicus, & venter, ex se immobilis, piger, & segnis, cuius est solum ingesta alinienta concoquere, digestaque per sanguinem in alia deriuare, ceterà immunditiarum sentina, & parui istius Mundi Cloaca. Atque adeo Sol vicem Cordis tenet in Mundo, Terra ventris, & Vmbilici, vbi Infernus est omnium centrum vilissimum, & abiectissimum, impijs ad luendam malorum vindictam, pœnitentibus ad purganda crimina deputatum. Sed hæc ex occasione obiter dicta sint, nou tamen omninò à Mathescos diducto tramite exerrantia.

Credibile est, terrestrem globum illuminari à Sole, non secùs ac Cœlestia corpora, quæ item in seipsis opaca sunt & densa, sed à Solis radijs ad ea terminantibus, illuminari. Quamobrem, si quis extrà telluris superficiem, aliquantò remotiùs sisteretur, vtpote in Orbe Lunæ, eam perinde ac ipsum Lunæ corpus spectaret, suo lumine plenam, corniculatam, & orbam: vt, præ cæteris astruit Galilæus, qui siderum affectiones, ita rimatus est, vt exinde nil nobis imperuium, nil inopinabile relictum fuerit. Notauit enim inter alia, Lunam in nouilunijs non nihil habere luminis, ea parte, quæ Soli obuerfa est, atque idè ab eo lumen illud mutuari nullatenùs potest, igitur aliunde prouenire non potest, quam ex reflexa luminis secundarij, sibi à terra, in Solis oppositione illustris, communicati.

Cæterùm terreni globi magnitudo non æquè ab omnibus traditur, imò quot capita, tot sententiæ; vt videre est apud Ricciolum in Almagesto lib. 2. cap. 7. Causa tantæ diuersitatis, tum ex diuersitate assumptarum mensurarum prouenit, tum à terræ ipsius inconstantia & inæquabilitate. Equidem, vt notat Blancanus in Sphæra lib. 4. tr. 3. cap. 5. cum terra non semper in eodem statu permanferit, sed successu temporis aquarum alluione decreuerit, seù magis ad complanationem montium accesserit, hinc factum fortè est, vt eius mensura semper minor, & minor inuenta sit. De qua re videndus est ipse Ricciolus in Scholijs, qui fusè eam examinat, & ad finem concludit, globi terraquei diametrum esse Milliar. Ital. 10348. Circumferentiam, 32512.

TERREA SIGNA appellantur in Astronomicis, quæ terreis qualitatibus pollent, nempe frigiditate, & siccitate, quas proinde promouent in sublunaribus hisce. Talia sunt Taurus, Virgo, & Capricornus, quæ constituunt Trigonum terreum. Ex quo fit, vt dicantur

tur etiam Feminina, quia in ijs præualet siccitas frigiditati. Ob idque Planetis femininis dantur in regimen, Veneri nimirum & Lunæ, huic trigono præfidentibus: & quidem Lunæ de nocte, Veneri verò de die. Obseruat autem Ptolemæus lib. 1. Quadrip. cap. 16. hunc trigonum esse præceteris australiorem, ob dominatum Veneris; quæ proinde ex ea parte ciet ventos calidos, & humidos; sed propter Saturnum, & Mercurium, qui habent domicilia in Capricorno, & Virgine, admittit etiam Subsolanum. Quæ verò regiones, prouinciæ, & Ciuitatis subsint huic trigono terreo, docet Ptolemæus lib. 2. cap. 2. & earum Catalogum habes apud omnes ferè Cosmographos, & eos quæ de Cælestibus agunt.

22

TERTIARIVM, obscurum satis vocabulum apud Vitruuium, nec facile ab Expositoribus intellectum, quippe quod, nec facile ab alijs Scriptoribus inuenies vsurpatum, nisi adiectiuè in ponderibus, & mensuris; vbi, teste Budæo, tertiam partem alicuius quantitatis siue continuæ siue discretæ significat. At substantiuè acceptum quid signatè in opere architectonico denotet, non satis constat: de eo enim ita loquitur Vitruu. lib. 4. c. 7. cū de tecti contignatione agit: *Supra fastigium columnen, cantherij templa ita sunt collocanda, vt stillicidium tecti absoluti tertiariorum respondeas.* Eruditissimus Turnebus ita rem accipit lib. 11. aduersarior. cap. 4. vt existimet proiecturam stillicidij consue deduci debere, vt in eam, tertiam tecti partem infumas. *Vt si, verbi gratia,* inquit, *latus tecti totius duodecim pedum sit, quatuor stillicidio tribuantur, vt procul à structura, & parietibus imber cadat: Tertiarium enim tertiam partem significat, & Quartarium quartam partem.* Verum non satisfacit, & (vt bene aduertit Bernard. Baldus) contrà symmetriæ leges id fieret, & valde exorbitans, atque aspectu ingratum euaderet stillicidium, siue subgrundium, si totius tecti (maximè in amplissimis ædificijs) tertiam partem sibi assumeret, & profectò incommoda & valde periculosa foret ista proiectio. Non igitur hoc intellexit Vitruu. sed potius (vt ex contextu colligi potest) vt totius tecti contignatio ita conformetur, vt fastigij columnen quod in fronte est, & cantherij qui ad latera, respondeant tertiariorum, hoc est, omnia simul abeant in trigonam figuram, itant tigna cum transtris, quæ à tecti culmine, vbi à media & culminari columna, seu erecto tigno sustententur, ducta hincinde in vtrumque latus ad frontem ædificij vsque ad cantherios, repræsentent triangulum æquicrurum per mediam columnam in duo scalena diuisum. Et ita locum interpretantur Cæsarianus, Barbarus, & Philander, apud quem postremum, in hunc modum ipsum Tertiarium delineatum videbis.

TES-

TESSERA, alia militaris est, alia ciuilis. Ciuilis in Geometricis intelligitur Cubus, hoc est figura omni ex parte quadrata, quales sunt, & specialiter hoc nomine insigniuntur, officuli, vulgò *Dadi*, quibus in alucolo luditur, singulis lateribus per ordinem numeralibus punctis notati, itaut duo aduersa latera vnita, semper septenarium in numerum compleant, & in quacumque partem incubuerint, immoti consistant, & numerum fortuito in ijs incidentem proferrant: quibus patentibus cum subiectis latentibus collatis, ex plurimorum iactu circulatorum plebi imponunt, & numerum ex tota summa collectum, quasi quoddam arcanum diuinant. Sed in Architectura, tesserae & tessellulae audiunt quadrati lapilli, qui in stratis pauimentorum, & in opere musiuo adhibentur versicolores ad gratam, quandam, cū picturati alicuius operis speciem, oculis exhibendam. De his praecipit Vitruu. lib. 7. cap. 1. *ut ad regulam, & libellam exacta pauimenta struantur, siue scetilibus, seu tesseriis.* Duo quippe genera proponit superinducendi in pauimentis, supra nucleum vltimam Crustam: aut ex lato, & complanato lapide, aut ex tesseriis, & scetilibus. Et quoad hæc quidem, ait: *Si Scetilia sint, nulli gradus in scutulis, aut trigonis, aut quadratis, seu fauis extant, sed coagmentorum compositio planam habeant inter se directionem.* Tum de Tessellatis subdit. *Si tesseriis structum erit, ut ea omnes angulos habeant aequales, nullibique à fricatura extantes. Cum enim anguli non fuerint omnes aequalis plani, non erit exacta, ut oportet, fricatura.* Ex quibus clare deducitur, ipsum Lithostrota pauimenta ab Asarotis, ac tessellatis distinguere. Quod fortè non intellexit Philander, qui in notis, ita rem explicat. *Pauimenta à principio picta fuerunt; postea facta sunt lithostrota, id est tessellatis lapillis strata, quorum fit mentio apud Varro-nem, & Plinium.* Per scetilia, intelligo scetas paruas marmoreas crustas in varios interdum colores, id est opus amusseatum, siue musium. At contrà, lithostrota ex scetis marmoribus fiunt, siue grandibus, siue minutis, in quacumque formam veniant & operi congruant, crustulis. Musium verò fit ex quadratis tesserulis versicoloribus, ut plurimum vitreis, & inauratis, ita dispositis, ut aliquam figuram quasi picturam referant, ut passim videmus in antiquorum pauimentis, quorum reliquiae adhuc extant. Melius, ergò, meo iudicio, Baldus: *Ego contrà, inquit, tesseras puto ad opus musium pertinere; scetilia verò marmoris, esse quadrata grandia. Certè Latinis, Tessera est forma cubica, (Dadum dicimus) unde & opus tessellatum dicitur quod eiusmodi forma lapillis sit compactum, hoc est ex paruis tessellis quadratis in varios colores tinctis.* Hæc Baldus. Sed de hac controuerfia aliàs fusè egimus, & vide quæ diximus in V. *Lithostrotos*, in V. *Musium opus*,
in

in V. *Quadrataria*, & alibi, cùm de pavimentis sermo incidit.

25

At verò *Tessera militaris* longè celebrior est, & denotat signum à Duce militibus datum, quo socij, præsertim de nocte, tutò inter se communicare possent, & ab hostibus eorumque exploratoribus scernerentur. Tria quippe sunt signa militaria, ad quorum directionem, & nutum totus movetur exercitus, & omnia militaria acta complentur; videlicet Vocalia (vt aiunt) & Muta. Muta præcipuè sunt Vexilla, quæ etiam publica, & patentia vel ipsis hostibus, vel sericeo, & aliquo symbolo connotata, quæ copias præeunt, & quo pergeudum sit, innotescunt: de quibus in loco dicemus. Horum loco, Turcæ modò caudam equinam erigunt, præsertim quando Sultanus, aut Magnus Visirus expeditioni præest: modò vela sericea, & cidaris pennata, turcicisque characteribus, sententiam aliquam ad rem appositam referentibus, exarata: in quorum hastis corniculata Luna, Imperij insigne præfixa est. Nostri contrà vexilla, Crucis salutari signo in apice fixo, sacrata, in prælium portant, ijsque amplissima vela sericea in aëra expandenda affixa, in quibus Regium stemma, ductorumque simul expressa, cum aliquo symbolo militibus ad fortiter pugnandum erigente, quale erat quod in vexillo regio, Ioannes Austriacus Supremus Belgij gubernator, cuni ad Gemblacum primum prælium cum fœderatis Belgis commissurus erat, expressit in hæc verba, sub Crucis signo descripta. *In hoc Signo vici Turcas; in hoc hæreticos vincam.* Sunt & alia muta signa non ita publica, & patentia, quæ Exercitus moderator, aut Arcis gubernator suis assignat ad aliquid significandum, quod ipsis tantummodò innotescat, aut in armis, aut in vestibus, aut in gestu aliquo, in quibus intelligi vult, & suos dignosci, atque ab hostium exploratoribus intermixtis secerni, & insidias patefieri. Signa verò Semiuvocalia sunt, quæ per buccinam, tubam, aut tympana dantur, quæ iteni publica sunt, ac vel ad classicum concinunt, vel ad receptum, de quibus alibi similiter dictum. At verò signa vocalia, tesserae propriè sunt, quæ occultæ, & solis socijs dantur in symbolum, & humana voce exprimuntur; idque vt probè & cum totius exercitus, urbis aut castrorum tuta custodia, munus suum obeant excubitores, & vigiles, sedulo incumbendo, ne hostes quoquo modo irrumpant, aut insidias moliantur, atque ideò non admonitos, & imparatos inuadant. Huiusmodi autem tesserae, data nomina quædam celebria, vt Iesus, Maria, S. Michaël, Victoria, Fortuna, &c. quæ singulis diebus variari debent, ne ex usu, ac frequentia, ad hostes, eorumque exploratores (fortè inter nostros dolose versantes) penetrent; sicque excubitores decipiant. Olim huiusmodi tesserae dabantur à duce,

vel

veleius Vicario, singulis vespertis, & erat tabella in qua is scribebat mandatum, notabatque symbolum nouum, quod sequenti nocte volebat haberi pro tessera, vt habetur in l. 2. de orig. iur. ac Tessera-rij vocabantur, quibus primò credita erat tabella tali notâ signata, qui debebat illam militibus per singula contubernia nunciare. Et Romani quidem, vt refert Polybius, eligebant vnum ad hoc munus ex decimo quoque manipulo, siue Cohorte, tam peditatus, quam equitatus, qui proinde ab agendis vigilijs & excubijs in stationibus immunis erat. Is igitur, Sole iam ad occasum vergente, adibat Tribunitentorium, ab eoque accipiebat signum ab Imperatore, propositum, ferebatque ad proprium Centurionem, qui subinde illud proximo Centurioni communicabat, hieque alteri sequenti per ordinem, donec perueniretur ad primum manipulum, vnde Tesseraarius excerptus fuit. Tùm expleta die, ante Solis occasum, illius manipuli Centurio obligatus erat referre tesseram ad Tribunum. Quodsi omnes tesserae distributæ, à Centurionibus ad Tribunum reportatæ fuissent, benè erat Tesseraario, Centurionibus, & excubitoribus ad custodiam destinatis; signum quippe erat, iam tesseram, & mandatum ducis ad omnes peruenisse: sin secus, rigorosa fiebat inquisitio penes quem culpa stetitisset; & tunc in eum seuerè animaduertebatur. Hæc omnia ex Polybio, qui loquitur de Romanorum more. Cæterum apud alias nationes, id iuris erat supremo duci reservatum, aut Principi, quando præfens erat: & de ipsis Romanis refert Appianus, quod *Lucius Tribunus misit, vt Tesseram à Casare acciperent*. Quin & ipse Cæsar pluries affirmat, hæc & similia munia immediatè per se obiisse, & lib. 2. de bello Gall. de se ait, quod in subitaria pugna in Neruios suscepta, & Tessera-rij munus, & Tubicinis, & Vexilliferi, omnia videlicet militaria signa simul, & semel, vnico penè actu, & eodem tempore, in se, commilitonibus danda assumpsit. *Cæsari, inquit, omnia vno tempore erant agenda: vexillum proponendum, quod erat insigne; cùm ad arma concurrere deberet, signum tuba dandum; acies instruenda, signum dandum*. Ad hæc vide Lipsium de militia Rom. lib. 4. dial. 12.

TESTUDO, communi architectorum vocabulo, dicitur in re ædificatoria, Opus concameratum, quod structis, ac dispositis in orbem lateribus, si se mutuò sustentibus assurgit, ac finit structura in fornicatum tectum, non absimile chelonio, seu tegmini Testudinis animalantis, vnde hoc ei nomen est inditum. De cuius ratione struendi, fuse agit Vitruu. Eam paucis describit Budæus penè ad oculum. *Testudo, inquit, duobus arcibus constat, in centro se secantibus: Quatuor enim*

enim arcuate pila inuicem transuersa, & crucem adfigurantes, testudinem absolunt.

Porro ab huius forma, vel à variagati, pluribus quasi scutulis, prædicti animantis integumentis, similitudine, Testudo etiam in militari appellata est celebris illa scutorum connexio, quæ se milites in vnum conuenientes contegebant, & tutabantur à missilibus, saxis, & oneribus desuper ab obsessis iactis, cum ad murum suffodiendum, vel inscendendum appropinquabant. De qua Isidorus, *Est, inquit, Testudo Scutorum connexio curuata in testudinis morem.* Et quidem tam bene respondebat operi effectus, tantaque scutorum firmitas surgebat, ut sæpe alios subinde bellatorum cuneos, & ipsos scutis similiter super capita exertis, supra se recipere, & sustinerent, & aliquando muri altitudinem, æquarent, facerentque, (nequicquam prædiariis obstantibus) excensionem. Quin & iuuentutis Romanæ mos erat, in Circo maximo ad sese in aggressionibus exercendum, huiusmodi Testudines efformare, tam firmas, ut equites, & currus desuper discurrentes fortiter sustinerent; ut referunt Stevvechius & Lipsius, qui utriusque Testudinis formam probè delineatam spectandam oculis exhibent: authorque est Liuius lib. 52. hanc scutorum in Testudinem connexionem, inuentum Romanorum fuisse, & primò ad praxim reductam in ludis Circensibus, ad robur & fortitudinem ostentandam; At, cum postea viderent bene rem cedere, constituerunt in bellicis ac serijs certaminibus esse experiendam: sicque vnâ simpliciorem formam protulerunt in campis patentibus, ubi circumfusi ab hostium numero, consilium ex necessitate arripere coacti sunt. Quare, receptis in medio impedimentis, & genu humi inhærentes, atque in vnum constipati, sese probè huiusmodi intentis scutis comunierunt, quod cum stupori hosti esset ob rei nouitatem, & paululum subsisterent expectantes videre, in quid fabula conuerteretur; illi, cum modicum respirassent, illicò surgentes, & animosè arma vibrantes, in attonitos barbaros irruerunt, & astu magis quam fortitudine profligauere. Factum bellè describit Luc. Florus lib. 4. cap. 10. de Romanorum acie loquens. *Deletæ, inquit, relique copię forent, nisi urgentibus telis ad modum grandinis, quadam fortè docti procubuissent in genna milites, & elatis super capita sentis, casorum speciem præbuisent: tùm Parthus arcus inhibuit. Deinde Romani, cum se rursus extulissent, adeò res miraculo fuit, ut vnus ex Barbaris miserit vocem. Ite, & bene valete Romani: meritò vox victores fama gentium loquitur, qui Parthorum tela ferris. Modum verò constructionis ad ictum oculi factæ, ac duplicem in bellis vsum, tradit Dio apud eundem Lipsium. Impedimentis inquit, &*
leni

Leui armatura, & Equite omni in medium acceptis, Grauis armatura pedes illi, qui oblongis, & in cubi dimidiati modum, factis scutis utuntur; & extremis partibus tanquam in latericio opere, pro muro ponuntur, & reliquos omnes ipsi contraspectantes ambiunt. Cateri qui latiora senta gerunt, in medio densi locantur, & scuta cum supra se, tum super alios attollunt, ut in tota phalange non aliud sit quam scuta cernere, & a telorum iactu omnes tutos esse, ob densitatem instructionis. Aded enim valide firman, ut & super eam homines aliquot ingredi possint, immo etiam equi, & currus agi, quoties in cauo & angusto aliquo loco constipantur. Hec est forma eius instructionis; & nomen a testudine capis, ob firmitatem, & quia optime tegit. Vfus autem duplex est: Nam & in oppugnanda munitione aliqua subeunt, & saepe in ipsum murum quosdam attollunt: Aut circumuenti forte a sagittarijs, inclinant se omnes simul (nam & equi docti sunt in genua submittere se, & inflectere) & sic opinionem hostibus defatigationis suae praebentes, ijs appropinquantibus, terrore iniecto, consurgunt, atque incurrunt. Hucusque Dio de Testudine temporaria, per inilites scutatos, ad se ab hoste contutandum, momento temporis efformata.

Aliam Testudinem militarem, dictam Arietariam habebant Antiqui 28
ad oppugnandum factam, longe a praefata, & forma & usu diuersam, sed ab incesu, & exteriori figura, qua tantum illud animal imitabatur, & identidem caput exerebat, & retrahebat, & sub tegmine occultabat, hoc nomine appellatam. Erat enim machina ad currus modum compacta, quatuor subiectis rotis, veluti pedibus incedens, crudis animalium corijs vndique tecta, quae intus, & militem, & pendentem arietem haberet; quo exferro, muros impeteret, & ubi opus esset, fossores educeret ad suffodiendum paratos, & si hostium telis ingruerentur, illico intus se in tutum reciperent. Videtis multiplicem eius formam apud Heronem, & Stevechium.

TESTUDO quoque dicta est ab Astronomis, quae alias Lyra, Fidi- 29
cula, Vultur cadens, &c. Sidus in Caelo ad borealem plagam, iuxta Aquilam, & Cygnum, idque proprio vocabulo, & antiquo, quo primitius appellata est Lyra, instrumentum musicum ab Apolline inuentum. Ferunt enim, cum aliquando casu incidisse in emortuam testudinem, cuius carne iam consumpta, soli nervi tensi, & exsiccati intra chelonium remanserunt, quare manibus prehensam, cum nervi digitis tacti non indecorum ederent sonum, in usum musicum vertit, & testudinem appellavit; quae postea in rei memoriam, Caelo affixa est, stellis pro nervis ornata, quarum naturam alibi sub V.V. Lyra, & Fidicula, examinauimus.

30

TETRACHORDVM Instrumentum est Musicum, à quatuor chordis quibus constat, agnominatum: vti Pentachordum, & Exachordum, &c. vsque ad Pentatechordum, quod quindecim chordis constituitur, & omnes tonos, & gradus musicos comprehendit, in quos Monochordum Veteres diuiserunt. Tetrachordum igitur prima radix, & fundamentum musicæ rationis olim fuit apud Græcos, qui in quatuor chordis, seu nervis variè tensis, ac remissis, attentæ etiam earum crassitudine, & extensione in longum, omnes consonantiarum differentias se comprehendisse arbitrati sunt. Namque collatis ad inuicem numeris, prima cum quarta, Diapason resonabat: mediæ verò ad extremas hinc inde relatæ, constituebant Diatasseron, & Diapente: Atque ita, ex multiplici, aut superparticulari proportionem, vsque ad quartam inclusiue, secundum grauitatem, & acumen, nunc ascendendo, nunc descendendo, in his per maiora, in illis per minora interualla, varièque collata ac dispartita, omnia modulationum genera sunt comprehensa. Etenim, vt alibi diximus, radices modulationum omnium ad tria genera reducuntur. Diatonicum, Chromaticum, & Enharmonicum. *Diatonicum* est quod per duos tonos, & semitonium procedit in ascensu; in descensu verò contraria ratione. *Chromaticum*, quod incedit per duo semitonia, & semiditonus. At *Enharmonicum*, quod per per duo semitonia minora, & ditonus. Itaque, super his Musicæ fundamentis iactis à Græcis, postea Latini, ac moderni Musicæ professores construxerunt Scalam musicam quindecim graduum interuallis distinctam, quibus dehinc alios tres phytongos addiderunt; adeoque in quinque Tetrachorda vniuersam modulationum rationem, & varietatem contraxerunt. Primum Tetrachordum dictum Hypaton, à grauitate sonus, continet quatuor grauissimas, & principales chordas. Secundum Meson, hoc est medium, constans ex medijs. Tertium Synnemmenon ex coniunctis (dicuntur autem coniunctæ, quando vnus tonus communis inuenitur ad duo Tetrachorda extensus, atque participatus in simili figura. Quartum Diezeugmenon conflatum ex seiunctis, hoc est, cum prima chorda cum vltima tertij non communicat, sed quando inter duo continuata Tetrachorda in figura similia, interponitur tonus, vnam ab altera separans. Quintum denique quod dicitur Hyperboleon, seu excedentium, constans ex chordis acutissimum sonum edentibus. Quare omnes istæ coitiones in coordinatione, quæ est inuariabilis, reducuntur ad grauem, & acutum. Graue reperitur in duobus Tetrachordis Hypaton, & Meson; Acutum in Diezeugmenon, & Hyperboleon, seu Diuisarum, & Excellentium.

31

Quoniam autem inter acutas est Nete, quæ participat de vtroque ideo

ideò naturam mutat, & variat subinde nomen: sicque ad quinde-
cim antiquos phtongos, adiecti sunt alij tres, Tritē, Paranetē, &
Netē Diezeugmenon: itaut in Summa, inueniantur decem & octo
phtongi; quandoquidem Proslambanomenos, quod est basis, &
primum fundamentum grauissimarum, à Tetrachordis communiter
reijcitur.

Hæc igitur est coordinatio, & respondentia quinque Tetrachor-
dorum quamcum suis terminis, & vniuscuiusque valore dedimus ex-
pansam in V. Monochordum. Nunc autem præstat eam repetere per
singula Tetrachorda dispartitam.

I. Hypaton.	II. Meson.	III. Synnemmenon.	IV. Diezeugmenon.	V. Hyperboleon.
Hypate Hypa- ton	Hypate Meson.	TriteSynneug- menon.	Paramese.	Nete Diezeug- menon.
ParhypateHypa- ton.	Parhypate Me- son.	Paranete Syn- nemmenon.	TriteDiezeug- menon.	Trite Hyper- boleon.
Lieanos Hypa- ton	Lieanos Meson.		Paranete Die- zeug.	Paranete Hy- perboleon.
Hypate Meson.	Meson.	Nete Synnem- menon.	Nete Diezeug- menon.	NeteHyperbo- leon.
Coniunctar. Inconiunctar. Inconiunctar. Coniunctar.				

TETRADORON, *Pentadoron*, *Diadoron*, Græcanica sunt voca-
bula, quibus vititur Vitruu. ad indicandas diuersas species laterum
coctilium, qui in structuris adhibentur; à palmorum numero quan-
tū eorum laticudinis aut altitudinis, definita mensura extenditur,
denominatas, in ordine ad iustam mensuram erigendorum parie-
tum, & firmandorum angulorum, in quos illi concurrunt, consti-
tuendam. Siquidem *Doron* græcè, palmum significat. Adeò exacta,
diligensque fuit, vel in minimis, Architectura Veterum, vt in ipsa ma-
teria, quæ in structuram adhiberetur, exteriorem formam attende-
ret, & numerorum conuenientiam; ne posteaquam operi applicita
esset, in Villo deficeret, aut excederet. Igitur de his Vitruu. lib. 2.
cap. 3. *Fiunt autem, inquit, laterum genera tria: vnum, quod græcè*
Didoron appellatur, id est, quo nostri vtuntur, longum pede, latum semi-
pede, cæteris duobus, Græcorum adificia struuntur. Verū obseruat hic
Philander, se Romæ, & etiam extrà urbem, vidisse in ruderibus, &
adhuc extantibus veterum monumentis, Romanos non modò nou
solo Didoro fuisse contentos, & duo reliqua Græcorum propria-

vsurpasse; sed etiam pro comoditate, aut gratia; maioribus, minoribusque esse vsos: atque, ne gratis eum quis hæc dicere suspicaretur, addit in indiuiduo, se extrâ portam Latinam, in quadam vinea inuenisse refossas tegulas, latas quaquauersum pedes duos, & sexuncem, altas uncias duas, & trientem. Sed redeamus ad Vitruuium, qui ita rem explicat. *Quod est quoque uersus quinque palmorum, Pentadoron: quod quatuor, Tetradoron dicitur: & quæ sunt publica opera Pentadoro; quæ priuata Tetradoro statuantur.* Didoron uero iam dixerat esse longum pede, latum semis. At Plinius contrâ, vult Didoron in longitudine extendi, & ab ea nomen accipere: atque adeo, esse latum pede, longum autem pede, & semis: siquidem sesquipedes duorum palmorum extensionem adæquat. Ab utroque discedit Palladius expertissimus viciniorum temporum Architectus, qui docet, lateres eiusmodi, æquali mensura in formulis debere extendi, ita ut in longitudine, duos integros pedes habeant, in latitudine vnum, atque, in crassitie, seu altitudine, ne superent, neque quid deficient ab uncis quatuor: sicque defacto videmus nunc in communibus laterculis præficari. Cæterum obseruat Barbarus, extrâ duo Græcorum genera, quæ iam abolita sunt, cuique liberum fuisse, mensuram longitudinis, & latitudinis alterare, prout materię qualitas, & operis ad quod adhibendi huiusmodi lateres erunt, ratio postulabit: Non enim id officit ordini Architecturæ.

TETRAEDRVM, Vide *Cubus*.

- 33 TETRANS græcè, idem quod Quadrans, quartam videlicet partem rei cuiusvis in quadruplum dispartitæ, significans: vnde communiter in diuisione Assis seu Libræ in duodecim partes æquales, quas dicimus Uncias; ex ijs tres in vnum collectæ, Tetrans, & Quadrans nuncupantur, idest quarta pars totius assis. Verùm Tetrans Vocabulum pressius accipitur à Vitruuio, & ceteris Architectis, & coarctatur ad significandum cathetum, seu lineam perpendicularem, quæ in Volutæ deformatione, in capitulis columnarum ordinis Ionici, à summo ad imum demissa, transiensque per centrum, secat diametrum ad angulos rectos, totamque circinationem volutæ in quatuor partes dispescit. Eas igitur lineas sic decussatas, quæ in quatuor angulis totam circinationem in quatuor æquas partes, seu quadrantes circuli diuidunt, ad distinctionem, & maiorem specificationem, Tetrantes appellat Vitruu. Sic enim habet lib. 3. cap. 3. modum tradens, quo per circinationem veniat describenda Voluta. *Ducatur ex centro rotunda circinatio, tunc magna in diametro, quam una*
pars

pars ex octo partibus, est. Ea erit oculi magnitudine, & in ea catheto respondens diametros agatur. Tùm ab summo, sub abaco incipit in singulis tetrantorum actionibus dimidiatum oculi spatium minuat, donec in eundem tetrantem, qui est sub abaco, veniat. Quæ doctrina aliquantò obscuriuscula, & quæ demonstratione, quam aliàs dare promiserat, destituta est, sic à Philandro dilucidatur. Per centrum perpendenti lineæ respondens, transversa linea agatur. Eas lineas vocat Tetrantes, quod efficiant quatuor lineas paribus intervallis distinctas. Collocato igitur pede circini immobili in oculi centro, duc pedem mobilem à tetrante, qui sub abaco est, in proximum tetrantem extrinsecum. Prima linea longa erit partes quatuor, & dimidiam: sequens erit longa quatuor; à qua agetur linea in tertium tetrantem, cuius linea non amplius demittitur, quam sunt partes tres, & semis: à qua in quartum tetrantem circumacta linea non longior erit, quam sint partes tres. Rursus agitur linea in primum tetrantem, ubi ab abaco distat partes duas: deinde in secundum tetrantem, ubi à centro oculi distat partes duas: postea in tertium tetrantem, ubi intervallum est partis unius, & semis: inde in quartum tetrantem, ubi distat à centro partem unam. Postremo in primum tetrantem, ubi convenit cum oculi circumcurrente linea. Vides de tetrante in tetrantem minui quantum est mediæ oculi spatium? idest quanta est media pars unius earum, in quas diuisa est perpendicularis linea. Et hæc est rata, & fidissima Volutæ circinatio à Vitruvio tradita: quæ, quia exemplo caruit, diu torfit Architectorum ingenia in hac tetrantium distributione: quæque reuerà nequit intelligi, nisi per praxim. Id quod suo loco præstabimus in Voluta, hanc quadrantum diuisionem, & inde circinationem per partes actam, oculis exhibendo.

TEXTRINA, inter artes mechanicas, quæ manu, & ingenio exercetur, primas tenet, omnium ingeniosissima, nobilissima, ac reipublicæ utilissima: quippe quæ sui varietate, commodo, ac venustate, cæteras omnes sub se complectitur, ac veluti vestigales habet, quia & superiores sublimioresque mathematicas facultates, Geometriam, Arithmeticam, Staticam, Musicam, agnoscit magistras ac directrices; inferiores verò, & quæ ad praxim tendunt, Graphicen, Picturam, Architecturam, cæterasque artes his subalternas, in sui adiutorium aduocat, ancillaresque ac ministras habere, non inaniter gloriatur. Ut proinde de eius dignitate, id mihi assumere commodum venit, quod de Architecturæ præstantia pronunciauit eloquentissimus, atque grauissimus Senator Cassiodorus, lib. 7. Varior.

34

tes

res mittere, unde te debeat posteritas admirata, laudare. Quidquid enim aut instructor parietum, aut sculptor marmorum, aut aris fusor, aut camerarum rotator, aut gypsoplastes, aut musuarius ignorat, te prudenter interrogat; & tam magnus ille fabrilis exercitus, ad tuum recurrit iudicium, ne possit aliquid habere confusum. Quippe hæc suis muneribus, ac diuitijs gloriosior; si stamina subtegmine vincit, & insulibus subsultantibus arctius premit ac stringit; quasi choreas ducens, aut liciorum aciem instruens, telas artificiose componit, humano vsui tam necessarias. Si peristromata exornandis magnatum aulis (vnde & aulea audiunt) varijs imaginibus cōfigurata textit, palmam picturæ proripit, & Geographiæ æquæ, atque Historiæ vices subintrat, montes, maria, sylvas, locorum situs, distantias, præliares conficiens, ad vitum oculis repræsentat. Si pauimenta catactomatæ, ac tapetis conuestit, nunc viridaria exhibet, varijs florum loculamentis distincta; nunc musuariam, & quadratariam, exercebat, fauis, scutulis, tessellis, geometrica ratione positit, variegata, vt Asarota vel Lithostrota videantur. Si acu pingit, scalpturam & incisoriam imitatur, cō nitidius, & innocentius, quò materiam, quam leui manu punctiōibus versat, non lædit, sed ornat. Si demum vestes, & stragula ad miraculum concinnat ac rexit, non tam regis cultui maiestatem addit, quam Diuino numini litat; Templis & Aris, & Sacrorum vsui, sua opera dedicando: vt vel ex eo, solum regijs manibus digna sit attrahari, vt quæ à Regibus ac Dijs excogitata, maneat vsque adhuc Reginarum & principum feminarum in gynæceis, nobile exercitium. Minervam eius inuentricem fabulantur Poetæ: reuerà tamen humanæ Sapientiæ partus extitit, & acumen ingenij, illam ex intimis Naturæ operatricis penetralibus educendo: de cuius multiplici ratione, fusè agit Plinius lib. 8. cap. 48. ac nedum primos authores, sed & diuersas nationes, apud quas per partes ortum habuit, & maximè excelluit, laudat. Nam pexis, ait, aliena vestibus, & quam sola ars scutulato textu commendat, in Lusitania. Est & hirtæ pilo crasso, in tapetis antiquissima gratia: iam certè præscos ijs vsos, Homerus auctor est: aliter hæc Galli pingunt, aliter Parthorum gentes. Undulata vestis primò è lautissimis fuit (quam Cæciam Cæciliam Romæ inuenisse, suprâ ex Varrone dixerat, & in æde Fortunæ in anathema locatam) Togas rasas, Phrygianasque D. Augusti nouissimis temporibus capisse, scribit Fenestella. Prætextæ apud Hetruscos originem inuenere. Trabeis vsos accipio Reges. Acu facere, id Phryges, ideoque Phrygiones appellati sunt. Aurum intexere in eadem Asia inuenit Attalus Rex, unde nomen Attalicis. Colores diuersos pictura intexere, Babylon maximè celebravit, & nomen imposuit.

Plu-

Plurimis verò licijs texere quæ polymita appellant, Alexandria instituit. Schutulis diuidere, Gallia &c. Porro, etsi virorum vt plurimum Textrium opus inuentum fuit; feminarum tamen (nec immeritò) laus, & proprium exercitium est; quod plurimum accuratioris, & studij, minimùm laboris, & operæ, summam autem munditiem, & concinnitatem requireret, vtrò delicatulo sexui amandarunt, sibi laboriosiorum, & grossiorum vsu retento. Id quod eleganter expressit Lucretius lib. 5. de Natura rerum, cum cecinit.

*Nexilis ante fuit vestis, quam textile tegmen:
Textile post ferrum est, quia ferro tela paratur,
Nec ratione alia possunt tam lenia gigni
Insilia, ac fusi radij, scapique sonantes.
Et facere ante viros lanam Natura cõgèit,
Quàm muliebre genus: nam longè præstat in arte
Et Sollertius est multò genus omne virile.
Agricola, donec vitio vertere seueri:
Vt muliebris id manibus concedere vellent,
Atque ipsi potiùs durum sufferre laborem,
Atque opere in duro durarunt membra manusque.*

Cæterùm ex hoc Lucretiano testimonio luculenter euincitur, Textrinam, etsi à virum solertia primùm profecta sit, dehinc femineo sexui, vtpote leuioris operæ, mollioribusq; manibus exercenda, fuerit demandata, ipsis ad alias duriores, & laboriosiores tantummodò intentis; non tamen inde vilem, ac despicabilem euasisse, nec minus Reipublicæ necessariam, cunctisque proficuum: quippe vel in eo, quod per otium & sine strepitu exercetur, summam applicationem mentis, diligentiam ac manuum dexteritatem, vt opus concinnum prodeat, & feminea sedulitate dignum, vt propterea non nisi in gynæceis à puellis, principibus feminis, ac matribus familiarum exerceatur: atque inde patet eius nobilitas, ac præstantia, quæ supra omnes artes, cum seruiles tum liberales, erigitur, & sublimioribus scientijs, dignitate ingenijque acumine æquiparatur. Ea secrete, & solitudine gaudet, quò rectior, cò innocentior ac fructuosior: modestiam venustati copulat, lucrum iucunditati, vestes texendo, & consuendo, pudori æquè consulit, & corporum incolumitati: quippe & nuditatem (tantopere honestis animis odiosam) operis, & ab inclementia frigoris & ardoris, membra contegit, ne lædantur. Sed & pluribus varijsque operibus intenta, omnium nedum necessitatibus, sed & commodis, ac delicijs præstò est, variaque bona suppeditat, quæ iucundam faciunt hominum societatem: nam & vestes pro qualitate locorum, temporum, & conditione tegendorum, componit,

ponit, tenues, crassas, villosas, lineas, lanceas, gossypinas, holosericas, quin & argento, auro, margaritisque intextas, ad speciem, variegatas, versicolorisque texturæ staminibus, ita inter se connexis, ut picturatum campum referant, miramque rerum varietatem. Hæc Sacris Altaribus litat, venerationem, & maiestatem conciliat; & purpuram texit, regalis dignitatis insigne, propriumque integumentum. Hæc stragula ad commodè splendideque cubandum parat; aulæis palatia diuitum vestit, ac diuersi generis linreamina operatur, abstergendis sordibus opportuna: Denique (quod maximum Reip. emolumentum est, & humanæ societatis vinculum) ex ijs vela conficiuntur, pro nauibus vtrò citroque ducendis, sine quibus Orbis ignotus esset, imperiis, desertus, incultus, cessante negotiatorum commercio, quo vita ciuilis alitur, populi sociantur, terræ ab se vasto Oceano distitæ vniuntur, & peregrinæ merces hæc illac, ad publicum commodum asportantur. Sed quis valeat huius operosissimæ æquæ, ac nobilissimæ artis vtilitates referre? quæ destitutæ reliquæ omnes, torperent & in sua desidia manentes, conficerentur. Quare non immeritò, omnium gentium calculo, tot præconijs extollitur, tot laudibus, vel ab ipsis Sacris Paginis, oneratur. Nil mirum, si eius inuentionem Poetæ, Mineræ Iouis filiz (verius Diuinæ sapientiæ, quæ ex ore Altissimi primogenita prodiit,) attribuant. Si veteres Historici, eam Reginarum pensum faciant, quæ suis manibus, regijs filijs ac maritis, vestes construerent; si nulla tam celebris Natio aut Prouincia quæ non eius exercitio gloriatur, & ab ea nominis claritatem, questum, diuitias non comparauerit. Id quod vitio vertit Verri, & lucri auiditati, eloquentissimus declamator Tullius, quod *Nulla domus in Sicilia locuples fuit, ubi non textinam instituerit*. Et initio Orationis, eius auaritiæ carpens, *Nego, inquit, in Sicilia tota, tam locuplete, tam vetere prouincia, tot oppidis, tot familijs tam copiosis, vllam picturam, neque in tabulis textilem fuisse, quin quæsierit; quin inquisierit, quod placidum sit, abstulerit*. Adeò in lucro, & æstimatione fuit textile opus, vt ex eo ditescere, negotiationi incumbere, artē propagare, Romani proceres non erubesceret. Stat igitur, Artem textrinam esse omnium nobilissimam, celeberrimam, fructuosissimam, quam frustra eleuare nititur in Eutropio, Claudianus, dum ei Consulatum inuidens, à Reip. administratione ac belli artibus auocat, atque, vt Eunuchum, ad muliebria exercitia, ac pensa inter puellas trahenda destinat, & emandat.

*Quid te, turpissime bellis
Ingeris; aut sæuis periculis Pallada campis?
Tu potes alterius studijs hæere Minervæ:*

*Tu telas, non tela pati; tu flamina nescire;
Tu segnes operam sollers urgere puellas,
Et nunc Domina pensis inuoluere lanam.*

Nimirum non tam Regium est, in belli instantia militem cogere, & acies ordinare; quam in pacis otio, subtegmina voluere, & fila torquere: quod perinde est, ac Sciomachiz genus, atque administrandæ, cum summa prudentiæ laude, Reipublicæ, adumbratio.

THALAMVS in magnificis ædibus, & amplioribus Magnatum Palatijs, audit secretior illa pars, siue conclaue, in quod Sponsi, post absolutam cœnam, ac relicto Triclinio, vel Gynæceo, recedunt, & cubitum vadunt. Etenim in his, pro maiestate loci, conuenit vt diuersi sint recessus, & cubicula, in quibus, hic publica negotia peragantur; illic priuata, & semotis arbitris: hæc ampliora sint, ac decentius ornata ad excipiendos externos; illa familiaria pro domesticis: hæc pro viris, illa pro feminis; alia pro famulitio, alius locus pro educandis liberis destinatus, vbi liberè suis exercitijs vacare queant. Quod ideo, magna sedulitate Vitruuius singulas partes censet, lib. 6. cap. 10. exponitque quid singulis competat, & in quibus nostræ Italiz ædificia cum Græcorum cœcis conueniant, in quibus discrepent. Et quidem, quod ad Thalamum attinet, sic loquitur. *Constituuntur Oeci magni, in quibus matres familiarum cum lanificijs habent sessiones. In Prostradis autem, dextrâ ac sinistrâ, cubicula sunt collocata, quorum vnum Thalamus, alterum Amphithalamus dicitur: circum autem in porticibus triclinia quotidiana, cubicula etiam, & cellæ familiaricæ constituuntur.* Porro Thalamus (vti dicebamus) sponsis, & coniugibus ad cubandum destinatus erat: Amphithalamus non, longè positus, ancillis, & famulitio. *Neque enim (addit Philander) longius esse oportet, quàm, vt vocata, extemplò audire possint, & præstò esse, ad iubentis imperia.* Hoc Plinius Iunior, Proction vocat: nos vulgari, sed satis expressiuo vocabulo, *Anticamera*. Sed de his alijsque Magni ædificij partibus ritè dispositis, vide quæ diximus in V. Oeci.

THEATRVM, inter publica, ædificia, ad totius populi concursum, oblectationem & hilaritatem ab spectaculis capiendam, apud omnes ferè Nationes, principem semper locum habuit, & à Græcis primum, mox à Romanis in Capitali Vrbe, atque in Colonijs celebrioribus, magnis sumptibus studiosissimè excitatum. Structura est amplissima, in hemicycli formam abiens, sedilibus circumquaque instructa, facili aditu, aspectu iucunda, commoratione grata, &

A a a a a

com-

commoda ratione architectata; ut quæ inibi ageretur, æquè ad omnium aures, & obtutus peruenire possent, nec facillè vox, loci apertura, atque affluentium confusione, disperderetur. Quocirca non leuis est Architectonum cura & studium, in eo ritè ponendo, ac laus inde insurgens in Opere. Et Vitruuius quidem eorum Princeps, lib. 5. suæ Architecturæ, ubi de locis publicis agit, totum ferè insumit in præceptis tradendis circa Theatri aptum situm eligendum, de vasis in eo, ad vocis resonatiam ex rationibus musicis disponendis, de conformatione, & symmetria partium, de scenis in eo aptandis, de tecto ac porticibus amplis circa constituendis, &c. id quod sex integris capitibus accuratissimè exequitur: ut non tantam diligentiam adhibuerit in Aedibus Sacris, in Balneis, & Palestris; à quibus breuiter se expedit. Ergò Partes Theatri sunt, Scena, Proscenium, Pulpitum, Orchestra, Podium, Gradationes, & commodæ itiones ad cuneum respondentes. Sed antequam ad singula deueniamus, præstat eius originem, nominis etymon, & finem ad quem institutum est, ex aureo Cassiodori calamo, tradere. Is enim in Epist. ad Symmachum, lib. 4. Varior. hæc de Theatro habet. *Cum agricultores feriatis diebus, sacra diuersis Numinibus, per lucos vicofque celebrarent, Athenienses primùm agreste principium in Vrbanum spectaculum collegerunt, Theatrum, græco vocabulo, Visorium nominantes; quod eminūs astantibus, turba conueniens, sine aliquo impedimento videatur. Frons autem Theatri Scena dicitur, ab umbra luci densissima, ubi à pastoribus inchoante verno, diuersis sonis carmina cantabantur. Ibi ætus musicus, & prudentissimi sæculi dicta floruerunt. Igitur Scena est potior pars Theatri, ad quam auidè contemplandam, illud in hemicycli formam erectum est, itaut eius cornua extremam scenæ frontem contingant, hæcque ab vno ad alterum, antequam fabula ageretur, amplo velo à summo ad imum, quod Siparium dictum est, obtegeretur. Proscenium autem, locus est ante scenam expansum, in quem actores prodibant: Orchestra, adhuc antè proscenium, intrà Theatri ambitum continebatur, infra quidem proscenium, sed à terra elatior, ut locus conspicuus foret, & prospectum scenæ non impediret: In hanc, ex Græcorum institutione, gesticulatores, & mimi consueti erant descendere, saltationibus, & symphonijs populum detinendo, antequam fabulæ daretur initium, vnde & nomen accepit; postea vrò in Romanorum Theatris, is locus, qui inter scenam, & cuneos erigebatur, Senatorum subsellijs destinatus fuit, utpote situ dignior, & ad spectandum aptior; Pulpitum autem suprà positum, in quod actores fabularum, & ipsi demum gesticulatores prodirent. Quod ideo notat Vitruu. cap. 6. quod eo loci, ubi scenæ frons*

frons terminat, & præcidit Theatri curuaturam circinationis, du-
cenda est parallela, qua disiungat, inquit, proscenij pulpitem, & Or-
chestra regionem: ita latius factum fuerit pulpitem, quam Græcorum,
quod omnes artifices in scenam dant operam; in orchestra autem senatorum
sunt sedibus loca destinata. Sed de his, latius ac distinctius suis in-
locis actum, & alioqui melius intelliguntur inspectione, quam quo-
uis verborum apparatus: vnde qui exactam Theatri conformatio-
nem, & singulas eius partes contemplari curiosus extiterit, voti
compos fiet in Commentar. Barbari, & Caporalis, vbi elegantissi-
mas Theatri delineationes inueniet, tam ad Græcorum, quam ad Ro-
manorum ritum.

Porro ab Theatro, Amphitheatrum & Circus, ad eiusmodi actio-
nes, & alia ampliora exhibenda spectacula, diuersimodè emanarunt.
Et Circus quidem (inquit Leo Albertus lib. 8. cap. 8.) nil aliud fere
est, quam Theatrum productis cornibus, in extensum lineis aquè distan-
tibus, sed porticus adiunctas non habet natura sui. Idque ex eo quod
apertus erat, & vnice ad curulia certamina, digladiationes, ac de-
cursiones ad metam, factus: vnde Ludi Circenses denominati, cele-
bres apud Romanos historicos: ad quos, plurimi olim Romæ, facere
excitati, quorum adhuc vestigia extant, vt Circus Maximus inter
Montem Palatinum, & Auentinum; Circus Flaminius, & alij, de
quibus suo loco.

AMPHITHEATRVM autem (sic dictum, quasi duplex Theatrum) 38
erat vndeque completum, hoc est, quod iunctis gradationum
cornibus, in perfectum circulum amplissimè extendebatur; in cuius
arëa, spectacula edebantur, ab omnibus commodè per sedilia, &
gradus circum dispositos, inspicienda. Et hoc perinde patens, &
apertum erat, ac Circus; sed longè magnificentius, ac sublimius,
quippe quod, vltra gradationes continuas ex marmore, ab imo vsque
ad summum, in quibus reciperet ad septuaginta, & octoginta
millia spectatorium; subtilis gradus habebat fornices, & arcus am-
plissimos, in varios ordines, & receptacula distinctos, ad detinendas
bestias, statis temporibus in medium ad pugnas, & spectacula pro-
ducendas. Et extrà ambitum aræ, duplicatas, ac triplicatas porticus,
aliasque super alias eleuatas, ad exteriorem prospectum, cum suis
recessibus & itionibus, vt nil amplius ad magnificentiam, commo-
ditatem & luxum, desiderari posset, prout contemplari licet, (nec
sine lacrymis) in Amphitheatro Romani, & Capuani corrosis scele-
tis, ac iucundiùs in Veronensi, magna ex parte adhuc integro, seu
à ciuibus, vbi ruinam minari posset, identidem reparato, magna

cum ipsorum munificentiae commendatione, vrbisque, aliàs splendidiſſimæ) nominis celebritate, ac commodo.

- 39 Sed, quoniam de Capuano Amphitheatro mentio facta eſt, nã mihi incuriæ, inuidiæ, aut inobſervantiæ ergã dulciſſimam Patriam dabitur, ſi illud obiter tetigiffe tantum, & non in eius confideratione, tantisper immorari, ſatis habuero. Eò maxime, quod diligentiſſimus Lipſius, ſedulus antiquitatum inueſtigator, de Amphitheatro integrum Tractatum agens, vbi de Romano, Veronenſi, ac Polano, aliſque inferioris xui ac notæ, latè diſſerit, de Capuano vix ei de ſamã noto, hæc paucula curſim addit. *Capua, Magnificum & è ſolido marmore*. Enimverò non indiligentiæ hic eum arguere animus eſt, ſed temporum calamitatem deplorare, quod ſua maiestate iam deformatum, qualidum ac deiectum, vix in poſteriorum memoria viuat, & in exterorum notiã vix nomine tenùs perueniret. Vbi liceat mihi, quæ ſimiliter de Romano Amphitheatro grauiffimus Senator Caſſiodorus, ex mente Theodorici Regis, habet, ingerere, & exclamare. *Quid non ſoluas ò Senectus, quæ tam robuſta quaſſaſti! Montes faciliùs cedere putarentur, quam ſoliditas illa quateretur: quando & moles ipſa, ſic tota de cauitibus fuit, vt præter artem additam, & ipſa quoque naturalis eſſe crederetur. Hæc potuiſſemus forſe negligere, ſi non contigiffet talia non videre. Quare opẽ prætium me facturum reor, & Patriæ ſimul dignitati conſulere, & maxime gratificari ſtudioſis antiquitatis, politiorisque Architecturæ; ſi illud è ſuis ruderibus, quantum licuit, erutum, in mediũ ſiſtani, atque ad priſtinam formam exſuſcitari.*

- 40 Ergò Amphitheatrum Capuanum, celiſtutine, circuitu, & inſeſſorum capacitate, paulò minus Romano erat (vt crectæ adhuc eius alæ comunionſtrant) ſed eo longè magnificentiùs, & ornatiùs; cum fuerit interiùs, & exteriùs pario marmore, columnis exertis, & ſtatuſ multiplicitibus, ad ſingulas arcuum coitiones appoſitis, incurſtatum: quando Romanum, è rudi tantum lapide Tiburtino, Dorico opere videmus aſſurgere. Aliàs vtrumque, vt teſtantur hiſtoriæ, & ipſe ambitus, capax erat octoginta ferè millium ſpectatorum. Porro eius, quod modò deſcribimus exterior facies, erat omnium deitatum (quibus à Tiberio Cæſare ſacratum fuit) efficiebus & ſimulacris ornata: itã videlicet, vt ſuperioris ordinis arcus, vultus tantummodò prominentes in vertice continerent; medijs, atque infimi, ſemibuſta ad umbilicum: at in Periſtilijs, medijsque ſpatijs inter aſſurgentes arcus, Telamones, & integræ ſtatue ſubiectæ ordinibus fenestrarum. Quod ideo appellata eſt MAGNA DEVM HABITATIO. Sed & inſus extructis cameris, diductiſque deſuper celi-

cellulis, commodum habitationi hominum locum dabat; in ijsque militiæ emeriti, & exantlati pro rep. laboribus laſſi, de publico alebantur: à quibus acceptum nomen *Virilaſſi*, etiamnum apud vulgus durat. Ponè verò, & circum, erant Catabula beſtiarum, quæ ſubinde ad certamina, in mediam aream amphitheatri educebantur: è quibus adhuc vnum perſtat integrum, ad reliquorum ſpecimen, ad locum, vbi dicitur *Alli Catauoli*. Hæc ex ipſius Ortographia, quæ in magna aula Archiepiſcopalis Palatij Capuæ nouæ, deſcripta eſt, quamque ære inciſam, nuper publici iuris fecit Io: Petrus Paſchalis è Soc. Ieſu, quondam meus Magiſter, deſumpta ſunt: & planè reſpondent diſſectis, ac ſparſis vndique ruderibus ac monumentis, quorum maior pars exornandis ædificijs, ac Templis nouæ Capuæ applicata eſt. O, ſi noſtris progenitoribus, & concuiibus, qui poſt exciſam Capuam veterem ſucceſſerunt, ea incidiſſet gloriæ cupido, & in Patriam charitas, quæ Veronenſes inceſſit! proſectò æternum ſtaret nobile Antiquitatis, & Capuanæ ſuperbiæ (quam tamtoperè criminatur Tullius,) Monumentum.

THEOREMA græcè idem ſonat, ac latine Speculatio. Vox, quæ 41
iam facta eſt Mathematicis omnibus propria, & vſualis; atque apud ipſos audit certa demonſtrationum ineundarum methodus, quæ in ſola ſpeculatione, ac veritatis, è ſuis firmis principijs indagatione conſiſtens. Etenim ipſi, diuerſa ac ſeliciore via ad ſuas concluſiones deducendas procedunt, longè quàm Philoſophi, aliarumque ſcientiarum profeſſores, entimenatis & ſyllogiſmis, quæ obſcura, nimis, incerta, tantummodo probabilia, & plures argumentandi modos, longæque circuitiones, ſæpè ſophiſtinatibus obnoxias, requirunt; vt ex Logicis manifeſtum eſt, & quotidiana probat experientia. At Mathematicæ diſciplinæ, via regali, plana, & ſimplici, veſtigioque nunquam fallente incedunt; & duplici veluti firmiſſimo ſcipienti innixa; gradiuntur ad rerum, quæ propoſitæ fuerint, euidentiæ oſtendendam. Altero nimirum, de quo modò ſermo eſt, Theoremate, quod in ſola ſpeculatione verſatur, examinando, & erundo ex principijs per ſe notis, quantitatis alicuius paſſiones, & proprietates, quæ ad rem faciant, & aliter eſſe nequeunt; ex quo euidenter deducitur id quod demonſtrandum eſt. Altero, quo proceditur ad ſolutionem alicuius quæſiti, practicè oſtendendo, illud eſſe factibile & modum exhibendo, quonam paſſo id aſſequi poſſit: Et hoc appellant Problema: quòd eius naturæ eſt, vt non tollat, quin eadem propoſitio, aliter atque aliter reſolui, ac demonſtrari queat, quemadmodum diximus in loco, vbi de Problemate incidit ſer-

sermo. Sic Theorema discurret, & suam constructionem facit super data quadam hypothesi. Vt si dicas: *In quocumque triangulo rectilineo, duo, quicumque assumantur, anguli, duobus rectis semper minores sunt.* Vel si quis ostendere audeat, *quamlibet figuram rectilineam bis continere tot angulos rectos, quota ipsa est inter figuras rectilineas.* Hæc portò, & his similes propositiones, Theoremata sunt; quia fiunt in sola speculatione naturæ angulorum; qua spectata, propositionis resolutio non aliter iniri potest, quam partes simul confutando, earumque proprietates, ac passiones à radice examinando. Quare benè Pappus utrumque demonstrandi modum, ex antiquorum communi acceptione definit, quod *Theorema sit quod proponitur in alicuius rei demonstrationem; Problema quod assertur in eiusdem propositi constructionem.* Vide adhuc quæ diximus in V. Symptoma.

- 42 THERMAE, ex græca notione nil aliud indicant, quàm naturales quasdam aquarum calentium scaturigines, à fodiis per quas transeunt, varijs qualitatibus infectarum, quas Natura optima parens, & sapientissima Architectrix, toto Orbe diuersis in locis aperuit, quæ forent tamquam publica viuientium valetudinaria, ad morbos pellendos, & sanitatem gratis, & leui opera, consequendam: unde & Thermae, & Xenia dictæ sunt, vt obseruat Tullius pro Cælio, quasi gratuita, & publica infirmantium Xenodochia. Has miræ virtutis plurimas habemus in nostra Italia (vt celeberrimas Spahannas, Mattiacas, Badenias, Burmienses in Germania, Sextias in Gallia; Quintianas, Leas, Calagurritanas, dictas de Molgyus in Hispania, Thermopylas in Græcia, aliasque innumeras toto orbe dispersitas præteream; de quibus fusè Solinus, Strabo, Plinius, alijque Scriptores;) sed certè Italia eiusmodi Thermarum copia, varietate, atque præstantia, cæteris omnibus regionibus antecellit. Earum indicem necit Andreas Baccius, in absolutissimo Opere quod scripsit de *Thermis*, atque ante ipsum, pressius, sed non minis accuratè Bartholomæus Viotti à Cliuolo, Medicus Taurinensis, singularum naturam examinans, tradensque, ad quem morbum curandum quæque sint aptæ. In his liberalior quodammodò, & benignior extitisse videtur (vt & in soli fertilitate, & in reliquis) Natura, ergà nostram Campaniam, idcirco dictam felicem, alias *Terram laboris*, in Regno Neapolitano, vbi & Ager Putcolanus, & Aenaria Insula tota, his calentibus aquis scatet, suntque præterea mira virtute præditæ ad leuandas quascunque prauas corporis affectiones, vt quotidiana probat experientia. Sed his tam largis Naturæ donis

donis, haud contenta humana ambitio, & luxus cupiditas; has, vel additis sumptuosis operibus ad delicias & voluptates, impiè temeravit; vel alias factitias excogitavit, omnibus illecebris plenas: vt iam non ad corporis salubritatem, atque munditiem, ac necessitatem factæ videantur, sed ad laxandas vires, & animum vitij inquinandum: vnde est illud Homeri, Odiss. 7.

*Vt semper cordi nobis, epulaque, chorique;
Cantusque & varia vestes, & balnea calda,
Concubitusque &c.*

Enimuerò Thermarum occasione, introductæ sunt Crapulae, commestationes, ioci, lasciuiæ, ad quæ loci commoditas, & licentia inuitarent; nam & piscinas amplissimas ad natandum, & vnguentarias cellas, ad inungendum corpus post lauationem, & luctam, & xystos, & palæstras, & platanones, & stadia ad cursum aliasque exercitationes, legimus Thermis additas, apud Vitruuium, & Leonem Bapt. Albertum, in lib. de Architect. Quin & alicubi ad gulæ irritamentum, confertissimæ diætæ, & propinaria, & lectisternia ex auro, argento, gemmisque ornata, & ponè ipsa lauacra (si Senecæ fides, in his quæ ad Lucillum scribit) specularia vndique disposita, ad pudoris exitium, vt nuda lauantium corpora, conspectantibus iuuenibus & puellis, essent ad libidinem incentiua. Id quod suis quoque temporibus viguisse, testantur, atque impensè deplorant D. Hieronym. & Clemens Alexandrinus, atque ante illos ex Ethnicis, Plutarchus in Symposijs, Macrobius in Saturnalibus, & quæ in luxuriæ complementum ponit Valer. Maximus, in pensilibus balneis à Caio Sergio institutis, lib. 9. commemorat: vt quæ ad corporis incolumitatem & cultum, priùs constituta fuere; postmodum ad ingluuiem, ebrietates, lasciuias, aliorumque vitiorum fomitem, laxationemque abierint: id quod amaro sarcasmate notauit Satyricus, cum dixit,

Turgidus hic epulis, atque albo ventre lauitur.

Et Oratius,

Crudi tumidique lauamur,

vt profectò dissentio, nimio cibo potuque, corpore, cruditates curarent aquarum calidarum fomento, vel siccis sudationibus excoquere, vt sitim & famem quærerent, indeque ad nouas ingurgitationes redirent. Quod etiam in Cæsare carpit Cicero, in Epist. ad Atticum: *Ambulauit, inquit in litore; post horam octauam in balneum, vnctus est, accubuit, edit, bibitque opiparè.*

Porro ab Syris, Medis, ac Persis, mollibus ac deliciarijs populis, transisse ad Romanos hanc Thermarum magnificentiam ac detestata-

stabilem vsum, tradunt Thucydides, & Plutarchus: Ac de Persis quidem, addit Athenæus, eos adeò in hoc genere effusos perditosque fuisse, vt lege lata, præmia constituerent ijs qui nouum aliquod illecebrarum genus in Thermis, ad alliciendos populos excogitassent. Sed iam ad Romanarum Thermarum numerum, & magnificentiam redeamus. Eas, tanto luxu, amplitudine ac splendore fuisse à Cæsaribus Romanis exædificatas, restantur Aurelius Victor, & Ammianus, vt non iam magni alicuius ædificij formam, sed potius integræ vrbis, quin (& citrà vllum Architecturæ terminum ac mensuram) instar alicuius amplæ prouinciæ speciem exhiberent: & in earum quidem censu, quæ circà Romam, & intrà urbem extarent, duodecim Imperatorias numerat; priuatas autem, quas sibi quisque ad vsum proprium comparasset, aut publicas, & gratuitas ad publicum vsum à priuatis extructas, ascendisse ait Victor, ad DCCCIX. inter quas refert, M. Agrippam, ad publicum vsum, CLXX. balnea erexisse: magnum Romanæ magnificentiæ, luxus, & procacitatis indicium. Nam, vt non minùs eleganter, quam verè Pontanus,

Quid Thermae, nisi lene, molle, mite?

Pudet hîc, quæ in his facitari consueuissè scribit, exscribere; ne lectione, castæ mentes offendantur: sed præstat adjicere, quod ex ijs tamquam colophonem colligit.

Hanc legem sibi balnea addidere.

- 45 Atqui edax tempus ceterâ malignus, in his prouidus, ac beneficus, breui omnes solo æquauit, vt vix earum memoria apud Scriptores extet. Solùm de Thermis Diocletiani, quas amplissimò ordine, cum omnibus ad singula exercitia partitionibus, extruxit in Viminali, ad quas extruendas quadraginta Christianorum millia addixisse legimus; non contemnenda pars adhuc visitur, & vel è ruderibus, magnificentiam operis arguimus, & admiramur. Nec sine Diuini numinis prouidentia id factum reor: quandoquidem, & hoc quaecumque, tor martyrum felicissimi agonis, monumentum est, & in sacrum vsum translatum, è totius illecebræ, ac deliciarum sede, atque compendio, Carthusianorum Patrum seuerioris vitæ Anachoreticæ professorum, nobile Canobium factum est; in eoque pars integrior, quæ superstes fuit, in amplissimam ædem ad Dei cultum, sub titulo S. Mariz Angelorum conuersa, & nuper magnificentissimè exornata: vt quæ prius delicijs ac voluptatibus captandis destinata fuerant; postea Dei genitrici, Angelicæ puritatis principibus, & exemplari, detergo pristinae impuritatis nomine, consecrarentur: ac locus frequentationi, populi ludis, ac delicijs datus; macerationi corporis

poris, ieiunijs, vigilijs ac solitudini, optimæ innocentiz custodia deferuiret. Vt iure in eius loci vestibulo hæc inscriptio, ad perpetuam posterorum memoriam, exarata sit:

*Quæ fuerant Therma, nunc Templum est Virginis: Auctor
Est Pius ipse Pater. Cedite deliciae.*

Namque Pius IV. Pontifex is fuit, qui purgandum locum edixit, ac PP. Carthusiensibus ad inhabitandum donauit.

THERMOMETRVM, seu *Thermoscopium* (vetroque enim nomine appellatur) nobile instrumentum, & organum non ita pridem inuentum, ad auspicandum in æstate, quolibet recurrente die, immo, & horarum momentis æstus, & e contra in hyeme, frigoris prævalentis intensiorem, aut remissionem, per humoris in eo inclusi rarefactionem, vel condensationem, ex cuius excresecntia, aut diminutione, in angusto, & oblongo phiaæ collo, per descriptos inibi gradus contemplanda, venamur, ac metimur gradus caloris aut frigoris prædominantis. Pulchrum sanè opus & periucundum, ex additionis Philosophiæ principijs erutum, ac mathematicis postea obseruationibus consummatum. Cuius inuentionem Sanctoro de Sanctorijs Medico celebri Patauino, tribuit Blancanus; Kircherus autem in Arte Magnetica explicat ac dilaudat, duplicemque methodum tradit illud allaborandi. Sed longe expeditius est quod nuper prodijt ex ingeniosa Florentinorum Academia; consistitque in simplici ampulla vitrea corporis orbicularis, & colli angusti simi teretis, & oblongi, per cuius extensionem extrinsecis signati sunt visibilibus notis, gradus ascendentes intensiorem, aut remissionis. Corpus autem ampullæ repletum est ad duas ferè e tribus partibus spiritus vini, aut puri, aut spectabili aliquo colore infecti, ita ut minima eius pars, ac totum collum, omninò vacuum, hocque demum desuper in orificio probè obturatum, vt nulla via aëri ad subintrandum, aut foras prodeundum relicta sit. Hinc exposita circumambienti externo aëri ampulla, ex retractione, aut exuberantia inclusi humoris ad collum, indicat gradus intensiorem frigoris vel caloris, temperiemque dici. Porro varias eiusmodi Thermometrorum species in dies succrescentes, & feliciter excogitatas, enumerat P. Franciscus Eschinardus in suo Microcosmo Phyllo-Mathematico; & alibi hæc addit. *Florentiæ institutum deinde fuit nouum Thermometrum annis abhinc plusquam triginta, hermeticè clausum, per commodum, & minus fallax. Cum primò veni Florentiam, vidi hoc nouum Thermometrum paulò ante inuentum; suspicatusque id quod verè erat, curavi, vt fierent similia etiam in magna mole (tum ex per-*

B b b b b b

festis-

46

47

feſſiſſimo ſpiritu vini, tùm etiam ex oleo ſaxi, quæ duo maxime fluida ſunt, calida, & ſpirituofa) Peruſij, ac deinde etiam Roma. Ex quo deinde factum eſt, ut ſuccedentibus artiſcibus, vno poſt alium, adhuc perſeueraueris in præſens hæc ars Roma. Quod idem curavi de phialis vitreis, pro examinanda gravitate liquorum, quas etiam debemus Florentia. Interim iuſſu Magni Ducis Ferdinandi II. ſcripſi epistolam circularem ad omnes fere Mundi regiones, hoc eſt, ad ſingula primaria Collegia noſtræ Societatis, cum adiuncta capsula continente bina huiusmodi Thermometra aqualia, admonens Patres, ut notarent gradus caloris & frigoris, ſtatim temporibus, &c. Sed neſcio qua de cauſa, non ſine damno reip. litteraria, deperdita ſunt reſponſa circa hanc materiam. Fecerunt aliqui tubum, cuius extremitates hincinde rotundabantur in globos; ſed hoc Thermometrum ſive ſit rectum, ſive curvum eſt ineptum, & fallax.

Florentia item exhibitum eſt Thermometrum huiusmodi. Nempe intra phialam hermeticè clauſam includuntur globuli vitrei immerſi intra ſpiritum vini: quorum gravitas ſpecifica ſerè æquatur gravitati ſpecificæ dicti liquoris. Hinc in æſtate liquor rareſcit, globulus aliquis (nam ſiunt inæquales) deſcendet. Contra ſit dum liquor ex frigore denſatur.

Hoc idem ſit intra aquam vulgarem: ita tamen, ut globuli admittant per parvum foramen aqua particulam, ex qua ſiant grauiores; vel emittant, & hinc ſiant minus graues. Admittitur autem aqua, cum ær ſuperſtans aquæ, rareſcit à calore; remittitur verdò, cùm dictus ær à frigore denſatur.

Denique anno 1659. inſtitui pro Alexandro VII. P. M. qui aliquid eiufmodi à me expetierat, Machinam, in qua ex vi caloris, & frigoris vertabatur rotula: & inde indicabatur in circulo gradus caloris. Hanc machinam eodem anno typis mandavi, atque iterum nuper in Tractatu de Impetu, anno 1684.

Hæc prædictus P. Eſchinardus; qui idipſum, & alia quamplura, (pro ea qua præditus eſt humanitate) è ſua locuplete Mathematicorum experimenterum penu, ad noſtrum Lexicon ditandum, mihi oretenùs communicauit.

- 48 THERMOPILAE in Geographia, & ſitu, & fama, & nomine celeberrimæ ſunt: ac propterea dignæ ſunt, quæ hic ſpecialiùs commemorentur: quales illæ ſint, ubi locorum poſitæ, & vnde demùm tantam nominis celebritatem apud Scriptores, nedum Geographos, ſed & Hiſtoricos obtinuerint. Sunt autem immenſæ cautes, & rupes abſciſſæ, montiumque abrupta iuga, anguſtam viam in græciam apten-

rientia, cæterum continuata à Leucade vsque ad Aegæum mare, ad Callidromum: vbi autem discontinuantur, & aditum aperiunt, maior latitudo est sexaginta pedum, minor coarctatur ad triginta, eaque sinuosa, aspera & præaltis saxis interpositis impedita, vt terrorem spectantibus incutiant, ruinasque & præcipitia ea superare tentantibus minitentur. Hæc transmittere in Græciam suum exercitum, constantem equitibus quadringentis millibus, peditibus septingentis item millibus (neque enim alius ei patebat aditus) parabat Xerxes Persarum Rex, sua potentia, & bellatorum numero tumidus, iamque viam securus tenebat; cùm ecce tibi Leonidas Spartano- rum Dux, cum pauca suorum manu, ad fances hæsit, transitumque non modò impedijt, sed in confertos hostes sese explicare armaque tractare haud valètes, animosè insurgens; cū trecentis illis Spartanis, immensos hostium cunctos partim cæcidit, partim disperfit, & ægrè pedem ferre valentes fugauit, adeoque Xersis tumorem, ac superbiam fregit, vt rubore suffusus abscesserit, postliminiò rediturus iam non arnuis, ac fortitudini fidens, sed in proditione, ac, dolosis artibus spem reponens, quibus & sui Ephialtis perfidia circumuentus tandem Leonidas, gloriøsè occubuit, nunquam in posterorum memoria moriturus. Rem fuscè narrat Herodotus lib. 7. at paucis sed grauissimis verbis claudit, & celebrat Claudianus, in hunc modum.

*Ipsæ, quæ durius olim
Resisterant Medis, primo certamine ruptæ
Thermopila.*

Exinde famosissimæ redditæ sunt, nec fuit bellator, qui non eas videndi cupiditate exarserit, non Geographus, qui non accuratè descripserit, & summis laudibus commendarit. In his Strabo, & Ptolemæus, qui postremus de Græcia verba faciens, hæc habet. *Extremos montes ab Oriente ad Occasum extentos Oëtham vocant, quorum montium verticem Callidromum, per cuius vallem, in Malliacum sinum iter angustum est: cætera loca adeo ardua, & perplexa, vt ne expeditis sint peruia. Ideo Pila quasi Porta dicta; & à calidis aquis ibi nascentibus, Thermopila.*

THESMOPHORIA apud Athenienses, (vt testes sunt Herodotus ac Dioscorides) erant solennia, & sacrationa quædam lætisternia, quæ Virginibus, & Matronis castitatem colentibus, siue adfectantibus, parabantur in ædibus ponè Templū Mineræ, ad hoc specialiter constitutis, vbi Sacra Cæteri fiebant, Palladique litabant, cubabantque propterea in lætis Vitice, seu Agni casti folijs conspersis.

Manet tamen obscurum, an vocabulum ipsis Sacrificiorum legibus datum sit, an locis ad hæc sacrificia deputatis. En Dioscoridis verba, ex occasione id referentis, dum de viticis frutice ageret, eiusque naturam examinaret, lib. 1. cap. 120. in Append. *Agnos autem idest castum, frutex hic à Græcis dictus est, quoniam in Thesmophorijs castitatem custodientes mulieres, folijs eius cubitum sibi sternebat.* Herodotus autem lib. 2. hæc habet. *Apud Saim in Templo Minervæ post totum delubrum, propè Minervæ parietem, atque in Fano, stant ingentes obeli, idest verua lapidea, lacusque contiguus lapidea crepidine adornatus, & circumquaque probè elaboratus, magnitudine (quanta mihi videtur) quanta in Delo, qui dicitur Trochoides. In hoc Lacu imagines suorum quisque affectuum noctu faciunt, quæ vocant Aegyptij, Mystéria. De Cereris quoque initiatione, quam fieri, Thesmophoria vocant, hoc est legum lationes, absit, ut eloquar, nisi quatenus sanctum est de illa dicere, Danaï filias extitisse, quæ ritum hunc ex Aegypto attulerunt, eoque Pelasgicas imbuerunt.* Hucusque Herodotus de huiusmodi Thesmopheriorum institutione. Ex quibus profectò liquet, turpia utique, & infanda hæc sacra fuisse, quæque prudens historicus enarrare, placulum duxit: & iure quidem, nam propudiosa erant: quandoquidem (ut coniectari licet,) sub specioso castitatis velamine, quo, se Palladis Cererisque sacris addictos de die, & in palam simulabant pietatem sanctius custodire, ad aucupandam populi æstimationem; de nocte, & in occulto, suorum quisque affectuum imaginibus impune litantes, genio effusissimè indulgebant, quò plebi, prætextu religionis, imponderent, incautasque animas suis impudicijs irretirent. Et ò, non hodieque nostri temporis impudentissimi sicophantæ, nefanda hæc mysteria sub altioris contemplationis nomine, simpliciores animas decipiendo, ultroque habenas ad omnia vitia laxando, in Christianos cætus impiè traduxissent!

- 50 THOLVS in ædificijs est pars illa excelsior, in quam tota tecti contignatio terminat, siue in quadrum, siue in rotundum, estque veluti centrum, & umbilicus operis testudinati, aut contignationis, in quem trabes in culmen conveniunt, aut testudo resoluitur in speciem conij, vel metæ. Hanc sacrationem habebant in templis inanium Deorum, Antiqui; proindeque inibi donaria in anathema appendere consueverunt. Iuxta quem ritum perbellè introducit Poëta Aencid. 9. Nisum de Euryali salute sollicitum, ac propterea Dianæ sua vota sic nuncupantem.

Tu Dea, tu præsens nostro succurre labori.

Si qua ipse meis venatibus auxi.

Suspendiue Tholo, aut sacra ad fastigia fixi.

Nostri Architecti aliquantò latius verbum accipiunt, & eo indicant adiectitium opus & foras exiliens, & assurgens ad modum speculæ supra concameratum hemisphærium, in cuiusdam cylindri formam, fenestellis per gyrum apertis ad necessarium lumen subiectæ areæ impertiendum. *Laterninum* vulgò nominant, eo quod laternæ vsualis speciem habeat, & fungatur officio: vti ipsam concamerationem, & hemisphærium, *Cuppolam*. Hanc profectò partem, quamquam nonnulli in hemisphærijs improbant, quod, vt aiunt, mutuum concamerationem debilitet, soluens continuatam cuneorum successionem, & pondere suo subiectum hemisphærium grauans; nihilominus hodie omnes admittunt; quippe quæ, vltra necessitatem luminis inde excipiendî, vbi alijs apertionibus non est locus; mirum in modum totam structuram exornat, & interius exteriusque addit operi decorem, & maiestatem, vt alias de speculis diximus.

THORACIVM in nauibus atque in oppugnatorijs machinis, id 51
commodi, & vtilitatis præstat, quod specula in fixis, & publicis ædificijs; ad speculandum enim est factum, & circumspectandum, siue aduentantes è longinquo classes, aliaque nauigia; siue in hostium munitionibus, quæ in nos moliuntur. Proprie tamen Thoracium appellat caueam, seu ligneum vas in cistæ similitudinem, vnus hominis capax, quod in summitate mali affixum est, è quo speculator liberum mare spectare queat, & ligna quæ ipsum enauigant, eorumque conditionem noscere, ac numerum socijs infra constitutis indicare, vt se (si opus sit) parent, aut ad amicos cum honore excipiendos, aut si inimici, ad eorum occursum effugiendum, vel sanè fortiter opperiendos, cuni iisque pugnandum. In Arietaria quoque machina, Thoracium appellat. Hero Mechanicus, partem illam in tutriculæ formam sese attollentem, vbi duz, tresue speculatores probe recti consisterent, sociosque docerent, quo tempore aries propellendus, ad murum, vel retrahendus. Sic enim ait cap. 11. de primis eius machinæ architectonibus. *In suprema autem Arietaria machinæ parte, Thoracium tamquam sepimentum struebant, vt in eo autè stare possent spectantes ea, quæ aduersus Arietem ab aduersarijs mittuntur.* Refert Appianus duas eiusmodi machinas vastitate incredibiles fuisse ad motas nicenijs, in Carthaginis obsidione, quarum altera, speculatorum è thoracio inspectantium monitu, quæ in tempore agenda essent, oppugnatores agnoscerent; altera à militibus, & remigibus quam expeditissime ad opus impelleretur. Vtriusque
ima-

imaginem cum Thoracio in summitate constituto, habes apud Barocium in Notis ad Heronem, & Stevvechiū in cap. 14. lib. 4. Vegetij, sed non minus ad vivum verbis eloquentissimè delineatam, ab eruditissimo Turnebo lib. 23. aduersarior. cap. 21.

- 52 THORACOMACHVS à Thorace (de quo mox infra) originem trahit, & nomen. Est enim quoddam operimenti genus, quo pectus bellatoris protegitur aduersus hostiles ictus, incaisum cadentes ob mollitudinem, & artificiosam texturam operis, olim à militibus armorum ferreorum pondus ferre non sustinentibus introductum, & idem fortè quod apud nostros rixatores in vsu est, & communiter *Giaccio à maglia* appellatur. Id quod non obscuris verbis indicat Vegetius lib. 1. cap. 20. vbi hæc habet. *Ab urbe enim condita vsque ad tempus D. Gratiani, & Cataphracti, & Galeis muniebatur pedestris exercitus. Sed cum campestris exercitatio, internueniente negligentia, desidiaque cessaret, grauiam videri arma caperunt, quæ raro milites induebant. Itaque ab Imperatore postulant primò Cataphractas, dein Cassides deponere. Quod ideo loco lorice durioris, & ferreæ, nimium ponderantis, aliud integumentum, quod leuius esset, & corpori magis adhæresceret inuenerunt; Thoracomachus, quasi Thoracis abolitio, vel supplementum, dictum est. Quale autem fuerit, Godescalchus Stevvechius summa inquisitione, ac diligentia expiscavit; cui profectò debemus huius armamenti agnitionem, quam eruisse se ait ex quodam libello de rebus bellicis, quem reperit adnexum Libro cui titulus *Notitia vtriusque Imperij*, vbi hæc inter alia, de Thoracomacho, scripta erant. Inter omnia, quæ aduersum bellicum prouida posteritatis, cogitauit Antiquitas, Thoracomachum, mira utilitate ad leuamen corporis, armorum ponderi, & asperitati subiecit. Non enim vestimenti genus, quod de coactili ad mensuram, & tutelam humani pectoris conficitur, de mollibus lanis timoris sollicitudo, solertia magistra composuit: ut hoc induto, primum Lorica, vel Clinanus, aut his similia, fragilitatem corporis ponderis asperitate non laderent, membra quoque vestientis inter armorum, hyemisque discrimen, tali solatio adiuta labori sufficiant. Sane, ne idem Thoracomachus pluuijs verberatus ingrauescente pondere afficiat vestientem; de Libycis bene confectis pellibus ad instar eiusdem Thoracomachi faciem, conueniet superinduere. Hoc igitur, ut diximus, Thoracomacho induto; cui græca appellatio ex imitatione corporis, nomen assumpsit. Hæc ille. Credibile est, militem Romanum hoc genus integumenti superinduisse, ex quo arma grauiora deposuit, eoque vsus, quoad experimento edocti duces, illum nequicquam sagittarum ictibus oblectari, edicto cauerunt ut loricas*

& galeas ferreas reassumerent, vt loco cit. notat Vegetius. Ex quo factum est, vt sub ijs etiam Thoracomachum retinerent, vt saltem thoracis asperitatem, ne membra sui obiectu, contunderet, interposita mollitudine mitigaret. Sic itaque concludit Stevvechius. *Quæ primum inuenta vestis sustinendo, aut lenando armorum ponderi, eodem post illa armaturæ loco fuit.*

THORAX in re militari dicitur Corporis armamentum ex ferro, 53
aut solidiore materia, quo pectus tegitur, ac munitur aduersus inflictos ab hoste ictus, deriuata ab Thorace nomenclatura, quæ propriè Anathomici significant illam humani corporis partem, quæ à bifurcatura colli vsque ad diaphragma, supra costas extenditur, & veluti indumentum, viscera contegit, ac defendit. Alias *Cataphracta* à Græcis dicta, à nostris *Lorica*, & grauis armatura. Quamuis *Cataphractæ*, & grauis armaturæ nomine, reuerà veniat non tam pectorale ferreum, quam brachialia, cassis, ocreæ, & quidquid ferreis è laminibus, vniuersaliter, & completè totum militis corpus tegit: vnde & *Cataphracti*, & *Cataphractarii* audiebat ille bellatorum ordo, qui vndique ferro tecti ad prælium incedebant, vt testatur Ammianus, & confirmat Seruius in *Aeneid.* 11. qui ita scribit. *Cataphracti sunt Equites, qui & ipsi muniti ferro sunt, & equos similiter munitos habent.* Hoc autem armaturæ genus inductum est ad resistendum gladiatorum, ac telorum ictibus, quos impunè excipiebant: quia in leuigatam & obduratam ex optimo chalybe planitiem, incidens gladiatorum acies obrundebatur. Quo factum est, vt concertarent exinde, & conniterentur artifices qui melius sua arma attemperarent: hi, vt thoracas impenetrabiles conficerent; illi vt gladios ex acuerent, quibus nulla soliditas armorum resisteret. Quæ res, quoniam iucunda est, & ex mathematicarum scientiarum penu deprompta, non equidem vanum, & ab instituto alienum erit, vt ex probatis authoribus in medium afferatur, ac modus tradatur, quo ita arma tum offensiuæ, tum defensivæ curari possint, vt adamantinam propè duritiem contrahant. Refert Diodorus Siculus, Hispanos quosdam populos, ferri laminas terrâ operire consuevisse, ad hoc vt humiditate; & calore insito fermentatæ quidquid terreum in eis inest, foras expellerent in rubiginem adunatæ: quæ postmodum detergenda, omniq; fæculenta materia excreta, quod reliquum est igne ac tunitionibus solidatur, atque ita benè purgatum, in tantam duritiem coit, vt nulla vi discindi, aut penetrari queat. Id quod ex parte in peruetustis ensibus & cultris videmus, quæ penè rubigine consumpta, cum primum hæc probè discutitur, & ad cotem expoliuntur,

mi-

miramini in incidendo, ac perfodiendo, vim contrahunt; atque inde edocui nostri fabri ferrarii, ferrum, chalybemque ex quo gladios fortices, & alia incisoria instrumenta procudunt, primum fimo equino operire solent, tùm cum satis rubiginis excreuerit, ad ignem incendunt, atque mox in herbarum quarundam succis extinguunt, ac sic temperant, vt summam duritiem obtineat. Sed Asiatici, ac præsertim qui Damascum incolunt, aliam viam perpoliendi, atque obdurandi chalybis incunt: accipiunt enim ferri nucleum bene excoctum (quem *stomoma* nuncupant) ac limis, & tunsionibus minutissimum pollinem reducant; deinde puluerem illum farinz commiscunt, ex eaque massa, turundulas atque ossas conficiunt, quas anseribus vorandas tradunt; postea ex eorum fimo scoriã extrahunt, ac repurgando secernunt; hæcque in fornace liquecere faciunt, iterumque repugant, ac *stomoma* inde conticiunt perfecte diffusum, ac durissimum, quo tandem vtuntur ad enses, & cultros formandos, toto orbe celebres, quos ab loco, Damascenos nominamus, ferrum, silicesque durissimos, perinde ac fragile lignum scindentes, ac perforantes; & econtrà laminas & thoraces cudunt omni ferro impenetrabiles. Author est Hieronymus Maggus in Miscellan. lib. 2. cap. 8.

- 54 THRONVM, *Carpentum, Solium*, apud Astrologos est quædam insignis prærogatiua & fortitudo in Planetis considerata, cum repèriantur in loco, vbi plures obtinent dignitates, præsertim ex quinque essentialibus: vnde dicunt, Saturnum habere Thronum in Aquario, quia in eo signo obtinet Domicilium & Trigonum, præter terminos in quinque extremis eius signi partibus: Iouem in Sagittario ex eadem ratione: Martem in Scorpione; Solem in Leone; Venerem in Tauro; Mercurium in Virgine; Lunam in Cancro. Quod si adhuc sint adinuicem in signis permutatis cum ijs qui amici sunt, & eiusdem consortes naturæ, vt si Sol v. g. reperiatur in domibus Iouis, & viceuersa Iupiter in Leone; Saturnus in Domibus Mercurij, Venus in Domo Lunæ, aut econtrà: aut in situ Mundi occupent locum naturæ suæ valde congruentem, vt foret, si Sol in Nona, Iupiter in Undecima, (nam eo nomine non veniunt Cardines, qui utique omnibus æquè vires adaugent) Saturnus in Duodecima, Mars in Sexta, Venus in Quinta, &c. Cuius rei conuenientissimam rationem reddit Cardanus. Tunc omnibus numeris aucti esse dicuntur, & in suo Gaudio, quia profectò nihil ijs deest, quod sibi ad fortitudinem, & augmentum virium non concurrat. Et in hoc maximè oculati sunt Professores, vt quem repererint cæteris alijs in his dignitatibus an-

anteire; hunc dicant *Almuthen*, & constituent vniuersalem disposi-
torem totius celestis figuræ.

THORAX etiam, ex similitudine operis, dicitur in Architectura,
militari murulus, seu lorica e laterculis, siue aggestitia terra cre- 55
tus, velut agger, ante quodcumque munimenti genus, ad altitudinem
hominis; cuius proprium est milites sub eo versantes, ac discurren-
tes obtegere, atque ambulacro inferiori tutum incessum parare; quò
incommodandi hostis ansam arripiant, consensu interim suppedi-
taneo scabello ad imum posito, atque inde sclopiis eum impetere, ac
rursus sub thorace sese occultere, ac tutari. Quod ideò Nostri *Para-*
petum dicunt. Solet etiam huiusmodi thorax adijci regalibus, &
perpetuò mansuris mœnibus, ac propugnaculis, aperto intrinsecus
ambulacro: & tunc constructur e cocto latere, aut etiam lapide
quadrato, ad perpendicularum supra murorum accliuatatem, iniec-
to extrinsecus thoro. Quam profectò adiectionem, *Camisciam*, seu *Inca-*
misciatam vocamus.

THYROMATA propriè apud Græcos, ostiorum postes signifi- 56
cant: Apud Architecturæ verò Scriptores indiscriminatim pro omni
eo, quod ad ostiorum ornatum & stabilimentum attinet, assumuntur;
siue e ligno fiat, siue ex lapide, aut quauis apta materia. Vnde Vi-
truu. lib. 4. cap. 6. de ijs hæc habet. *Genera Thyromatum hæc sunt*,
Doricum, *Ionicum*, *Atticurgæ* &c. Vbi Philander obiter aduertit,
ea antiquos nusquam nisi quadrangula fecisse, vti, & fenestras; por-
tas verò vrbium fuisse semper arcuatas. Spatium verò inter duas ia-
nuas relictum, vnde est introitus in peristylum, idem Vitruu. lib. 6.
cap. 10. Thyrorion vocat, pro quo quid intelligat, ignoratur. Bar-
barus nil aliud fuisse suspicatur, quam breuem ibi excitatam Iani-
toris cellam, vbi posset consistere, & præstò esse ad aperiendum,
aduentantesque excipiendos, aut repellendos: quod apud Græ-
cos in vsu erat, eoquod nulla in ædibus atria admittebant.
Ego ex contextu Vitruuij, existimarem in Græcorum ædibus duo
fuisse ostia constituta, alterum exterius semper apertum, & obuium;
alterum interius e regione respondens, semper clausum & ex
occasione ab ostiario aperiendum, quo modo videmus nunc pra-
dicari in cænobijs Religiosorum, atque in interiecto spatio morari
ianitorem ad respondendum pulsantibus.

TI

TIBIA instrumentum musicum satis notum quod vento, aut flatu 57
humano percussum personat, & ad varios symphoniz modos apta-
tur:

C c c c c

tur: à tibijs, seu crurum ossibus cauis, teretibus, & oblongis, qualia potissimum grues habent, aprissima ad id genus sonum edendum, nomine deriuato; etenim è gruum tibijs, canoras tibias effluxisse, earumque inuentores fuisse Midam, & Marsiam apud Phryges, author est Plin. lib. 7. cap. 56. Porro Tibia diuersis foraminibus obterebrata, quibus inter pulsandum obductis, aut reductis digitis, sonus è graui in acutum attollitur, perinde est ac in Monochordo chorda ad certam mensuræ proportionem tensa, aut laxata, omnia modulationum genera in se complectitur, & virtute continet omnes tonos. Quare de ipsa idipsum dicendum, ac de Monochordo, de quo fusè in loco egimus. Verum

- 58 TIBIALIA, quæ communiter tibiæ operimenta sunt, in re militari coarctantur ad significandas ferreas ocreas, quibus milites ca raphraei armati incedunt, & in genere cataphractarum veniunt, vti & thorax, & humerale: vnde est lex apud Paulum Iure Consulto de huiusmodi minime alienandis. *Si Tibiale, aut humerale quis alienauit &c.*

- 59 TIBICEN item appellatur, qui tibia canit. At apud Architectos accipitur pro tigno, quod parieti inclinato alioquin ruituro supponitur per fulcro ad sustinendum, ne cadat; vnde Iuuenalis Saryra 5.

Nos urbem colimus tenui tibicine fultam

Magna parte sui.

Græci, Anterides, & Erisnata huiusmodi fulturas nominant: Quamquam propriè hæc firmiora sunt, & appellant structuras, & pilas adiecitias; Tibicen autem solum & vnicum tignum ad tempus appositum. Quinimò Tibicines (addit Io: de Ianua) sunt *fulcra bifurca*, quibus *Domus sustentatur*, quæ aliter *Destines*, dicuntur. Alij tibicinem dixerunt vestem ligneum, seu ferrum oblongum teretem, cui appenditur velum ante ostium apertum, vt sit in Magnatum Domibus ad contegendum potius quam aditum impediendum, quod certis orbiculis per ferrum commeantibus facillè obducitur, & retrahitur: quo sensu loquutus est Ouid. fastor. 4. cum ait

Hac modo versabat stantem tibicine telam.

- 60 TICHODRIFVS, ex græca notione (inquit Du-Cange) Genus est machinæ bellicæ oppugnatorix; inde dictæ, quod per eam facillior in murum paretur ascensus, ideoque ante ballistam semper incedens, quò protectior illa queat suas ei aculationes emittere. Cæterum

terum peregrinum nomen, & adhuc magis ignotum, quid reuera significat, cuius formæ sit, & ad quem usum res per illud significata adhibeatur; cum apud nullum scriptorem rei militaris, ac præcipue eos, qui de machinis bellicis assatim scripserunt, Heronem, & Lipsium, nulla eius mentio fiat.

TIGILLVS, & TIGNVM in re ædificatoria sunt frequentiora vocabula, quibus vtuntur Architecti, & Materiarij ad significandum, omne id quod intrat in recti conformationem, & sustentaculum; itaut tigna denotent trabes maiores, quæ per longum, aut fastigiatim disponuntur suprâ parietes ad recipiendam in se totâ recti structuram, & materiam superimpositam, vnde & cardinata, & transuersalia, & compacta, & euerganea tigna, passim inuenies apud Vitruvium: tigilli verò sunt trabeculæ minores quæ tignis inniuntur, & asseres, & tegulas in se immediate recipiunt, quibus tota contignatio compingitur & completur: vnde benè Philander sub nomine contignationis omnia generaliter comprehendit lib. 4. c. 2. *Reuera, inquit, contignatio speciem tecti habet, vt dici possit non absurdè tectum esse fastigiatam contignationem, rursus contignationem esse subtensum tectum: indicio fuerint quibus constant partes. Tectum habet transtra cæterios, templa, asseres, tegulas: contignatio habet trabes tigna, asses, tegulas. Quæ omnia à tecto sua quæque nomina auspicata sunt, & ad tectum conformandum, & componendum vnice ordinantur. Quamquam apud alios scriptores hæc cautio non attenditur: quod ideo, & sublicas, & trabes, quibus pons super Rhenum instruebatur, tigna serquipedalia appellat Cæsar: & omnia ligna, quæ ad ædificium construendum quoquo modo adhibentur, sub tigni nomine intellexit Vlpian. lib. 1. de tigno iuncto, & Caius de Verbor. signif.*

TIRANNI quoque peculiari, ac specifico nomine, nuncupantur apud aliquos mediæ ætatis Scriptores, transversariæ trabes, quæ in contignationibus per latum diriguntur à pariete in parietem protensæ, vt eos simul nectens, firmet & erectos detineat, altero alteri nutanti opem præbente. A Gallis nomen profectum aliqui autumant, à quibus eiusmodi trabs *Tirans* dicitur. Ego verò potius à nostris Italis crediderim deriuatum, qui vocabulo satis expressiuo eas *Tirantes* nominant, quasi tendentes, & conligantes. Vt vt sit, certè apud Gallos latinè scribentes, frequens est huius vocis usurpatio, vt videre est apud Du-Cange in Glossario. E quo vnum testimonium seligam, desumptum ex Historia Veziliacensi, quod satis clarè explicat nominis etymon, ac tyrannorum usum. Vbi

enim agitur de subita conflagratione insignis templi, quod propè Massiliam, supra sepulchrum D. Mariz Magdalene extructum erat, in quadam crypta repositum, postea magnificentius restitutum, hzc habentur. *In crypta qua supra Beata Dilectricis Magdalene sepulchrum exiat, tantus ignis casu erupit, ut etiam Tirannos (quos Francigena tribes appellant) qui erant in superiori parte, combusserit.*

TO

- 63 TOLLENO, vel Tollenon, *Est genus machina (inquit Sextus) quo trahitur aqua, altera partem pręgravante pondere: dictus à tollendo.* Notissimum machinamentum est, & citò parabile, quo potissimum vtuntur agricolę ad hauriendam ē puteis aquam pro irrigandis agris, & hortis. Figitur enim, & benè firmatur ponè locum vnde aqua exhaurienda est, magnum & oblongum tignum perpendiculariter erectum; seu etiam vt nostri assolent, lapidea, vel cæmentitia columna, supra quam in fixo axe constituitur librata in media distantia, facilè mobilis altera longior trabs ad omnem impressionem inclinabilis: tum ad huius alteram extēmitatem, quę aquę imminet, alligatur situla in puteum inmergenda: ad alteram partem applicatur saxum, non magni ponderis, ac funis, quo medio trabs superimposita agitur, sicque altero capite eleuato, oppositum inclinetur ad accipiendam intra cadum aquam; qua accepta, rursus eleuetur per depressionem alterius, funibus attrahendi, ac facile inclinandi, impositi saxi pręgravante pondere, quò aqua sursum eleuata effundatur tandem in sulcos ad irrigandam totius campi planitiem. *Trabuchum* Ruricolę appellant; cultiores Etrusci, *Altalenum*, Vtrique satis expressiuo vocabulo, indicante eius effectum, & vetis primi generis operationem, quę in huiusmodi machinis inuenitur: in quibus aduertit acutè Philosophus in mechanicis, sit vt minora superent maiora, & quacumque momentum paruum habent, id per motum augeant, & valeant magna mouere pondera. Sed de hac re fusè in Veste. Nunc autem Tellenonem machinam triuialeni, in pacis otio inter rusticos ad ciuiles vsus inuentam, Ingeniarij militares summo opere nobilitarunt, ac paucis adiectis ad vsum bellicum euexerunt. Eo enim vtuntur in obsidionibus, siue ad subleuandum speculatorem supra obsessę vrbis mœnia, ad obseruandum quidquid obsessi contrà moliantur; siue pro ascensoria machina, qua strenua bellatorum manus sursum euecta, muros vrbis transcendat, in hostium mansiones insiliat, imparatosque ac territos circumueniat. Id quod Antiquis vsitatissimum erat, & pro vario vsu, varijs etiani ijsdemque magnificis nominibus insignierunt: nunc *Gruis* aut *Ciconia*, nunc *Corui demolitoris*, nunc *Epibatæ*, seu *Ascendentis machinæ*, &c. prout cuique

cuique appellare placuit, vt ex Liuiio, Cæfare, Hirtio, & alijs, colligunt Vitruuius, Vegetius, & nouissimè Lipsius. Neque enim multum à Tollenone distasse crediderim, tantopere decantatas Vetterum Acrobaticas machinas, de quibus fusè Vitruu. lib. 10. cap. 1. & 19. addens, eas non arte, sed audacia gloriari. Etenim in omnibus eadem vctis operatio interueniebat, & pro basi, & fundamento erat fixum in terra tignum, cui mobilis machina, tamquam hypomochlio insidebat. Quod totum expressissimis verbis tradit Veget. lib. 4. cap. 21. tantum non Tollenonem nominans. Quoties, inquit, una trabs in terram præaltè defigitur, cui in summo vertice alia transversa trabs longior dimensa medietate connectitur, & libramento, vt si unum caput deprefferis, aliud erigatur. In vno ergo capite cratibus, siue tabulis contextitur machina, in qua pauci collocantur armati; tunc per funes vno depresso attrahitque capite, alio eleuati imponuntur in murum. Videtis harum similiumque machinarum, quas antiqui tanti fecerunt, artificium in solo Tollenone consistere? quarum diuersas figuras probè delineatas habes in Stevvechio, & Lipsio. Vt proinde non magni negotij; nec magni sumptus fuerit, eas extemplo parare in operibus bellicis, cum occasio tulerit. Quin etiam prodigiosam illam Manum ferream, adeò Romanis inensam, qua dicitur Archimedes eorum naues propius ad Syracusarum mœnia accedere audentes, fortiter arreptasse, & aliquantisper in aere agitando, ad muri angulos allisisse, existimat eruditissimus Naudæus, arcanam illam vim, ac modum agendi, in vnica Tollenonis actione, ac dexteritate agendi sitam fuisse. Etenim Manum illam ferream non aliud fuisse credendum est, quam complexum plurium harpagonum veluti digitorum ad præhendendum, ac fortiter sustinendum quod arreptauerint, accommodatissimum, ideoque manum ferream dictam. Quæ proinde propendens ab altero capite transversariæ trabis nostræ machinæ, per viam, aut duplicem firmissimam catenam, eadem felicitate ac prospero effectu agitari potuerit, qua simplex Tolleno, aut vctis in subleuando onere quantumuis maximo, aucta numeris, ac momentis potentia. Vide ad hæc quæ eruditè habet Raderus in *Curtij lib. 4. cap. 2.*

TONSILLAE, propriè verbum anatomicum est, & appellant extremas faucium partes, vbi lingua iungitur gutturi, & exferi incipit, quæ sunt glandulæ quædam strumosæ à cæteris partibus seiunctæ, coalescentes in giobulos concretos ex humore pituitoso, vnde & sæpius inflammantur, & anginam generant. De quibus passim Medici, & Anatomici. At nescio qua ratione, aut similitudine, vox

ad

ad Nauigatoriā, seu nauium detensionem in littore, trāslata est: *Tonsilla* (inquit Verrius apud Festum) est palus dolatus in acumen, & cuspide praeferratus, qui nauis religandae gratia in littore figitur. Vnde cum de portuum constructione agunt Architecti, eas sparsim in littore praefigi monent, lapidesque, & puteolanum puluerem circa eas congeri. Sic Vitruu. lib. 5. cap. 12. eas, alterato nomine, transtrillas nuncupans. Sed & Leo Albertus lib. 5. de re aedificator. cap. item 12. clarè eas describit, vsum, & vtilitatem explicat, vocarique ait Tonsillas. Sic enim habet. *Pali praefigantur, lapidum impedimenta iacentur; tum ex tabulis atque viminibus formae, & vacua grauibz completa demergantur. Sin autem loci natura, aut impense magnitudo ista fieri probibuerit; puta, si fluida limositas, aut nimium profunda altitudo sit, sic facito. Dolijs substratis ordine, & iunctis, trabes, &igna directæ, atque in transversum alia ex alijs collocata, & compacta coaptato; adijcitoque ut ex rate in hostem emineant rostra ardua praecuta, & pali, quos Tonsillas nuncupant, ferrataque cuspide, ne quid lenigata ostium nauis plenis velis audeat opus impetere, aut translabi.* Hæc Albertus. Fortè à Tonsis diminuto vocabulo deriuarunt. Sed quid illis commune, aut consimile cum remorum palmulis? Nolim in ignoti nominis etymo hære, aut quid è proprio cerebro diuinare.

- 65 TONVS, iuxta varias considerationes atque respectus, quibus vagè nimis hanc vocem vsurpamus, diuersas significationes obtinet; semper tamen reductiue ad musicem, siue moderationem vocis, vnde ex græca ratione originem traxit. Primò igitur vniuersalissimè sumitur pro quacumque vocis tensione, insistentia, ac prosodia, ut vocant grammatici, qua longæ syllabæ à breuibz discernuntur. Sic Nigidius apud Gellium lib. 13. cap. 25. dixit, aliqua nomina diuersimodè pronuciari in medio, ac in obliquo casu, ut in græcānicis vocibus, vbi à pronuciatione sola accentus ratio habetur, *Antropos, Paralipomenon, Sicómorus, &c.* si in recto accipiuntur, longam habent antepenultimam, & penultimam breuem, in obliquo econtrā. Et in exemplo, quod affert ipse Nigidius. *Vocalatio*, inquit, qui poterit seruari, si non sciemus in nominibus, ut *Valeri*, utrum interrogandi, an vocandi sint. Nam interrogandi, secunda syllaba superiore tono est quam prima; deinde gradatim descendit. Vbi Gellius. *Summum autem tonum prosodiam acutam dicit, quem & accentum nos dicimus.* Secundò. Tonus magis propriè sumitur pro certa specie modulationis, quam in triplici differentia agnoscit Plutarchus *Doriam, Phrygiam, & Lydiam.* At grauiissimus censor Casiodorus, earum naturam accuratè perpendens, vltra praefatos tres, duos

duos alios tonos intimius conspicatus est, Aeolium, & Iastium, lib. 2. varior. ep. 40. Et *DORIVS* quidem, ait, pudicitia largitor, & castitatis effector est. *PHRYGIVS* pugnas excitat, & votum furoris inflamat. *AEOLIVS* animi tempestates tranquillat, somnumque iam placatis attribuit. *IASTIVS* intellectum obtusis acuit, & terreno desiderio grauat, caelestium appetentiam bonorum operator indulget. *LYDIVS*, contra nimias curas, animaque tadia repertus, remissione reparat, & oblectatione corroborat. Ad quorum normam Ecclesia olim, in psallendo, pro diuersitate temporum, & mysterij, quod celebrabatur, diuersos modos tenuit intonandi, & prosequendi initia psalmodum, & antiphonarum in cantu Ecclesiastico, qui vsque ad tempora D. Gregorij Magni, fuisse quatuor, quorum nomina hæc erant: Protus, Deuterus, Tritus, & Tetrardus. At verò, sicut in Monochordo apparet, in ijs tantus erat descensus, atque ascensus, vt nimium qui caneant in templis, defatigarentur. Quare dictus D. Gregorius sic rem temperauit, vt quatuor illos tonos in octo partitus sit, & ita quidem ascensum illum atque descensum veterum, canentibus adeò laboriosum, atque difficilem, moderatus est, vt sustineri potuerit diutius in Choro, cum decore, & grauitate. Quod ideò relictis illis quatuor, qui respondent Primo hodierno, Tertio, Quinto, & Septimo, alios quatuor intermedios adiunxit, qui ascensus, descensusque asperitatem lenirent. Namque vt obseruauit suprà laudatus Cassiodorus, *Omnis tonus habet summum, & imum; hæc autem dicuntur ad medium. Et quoniam sine se esse non possunt quæ alterna sibi vicissitudine referuntur, vtiliter inuentum est, artificialem musicam modis quindecim contineri.* Hinc Tonus, qui in consonantijs est primus terminus confurgens ex proportionem sesquioctaua, constat necessario ex duobus semitonij, & commate. Nam si Diapason (arguit acutè Boethius ex Philolao) quinque tonis, ac duobus semitonij minoribus continetur, superantque sex toni, Diapason consonantiam vno commate; non est dubium, quin tonis quin ab utroque spatio sublatis, fiant reliqua ex Diapason quidem duo semitonia minora; de sex verò tonis, tonus. Atque hic tonus hæc duo semitonia, quæ relinquuntur, vincit commate. Quod si duobus eisdem semitonij comma reponatur, aequalibunt tonum. Hæc Boethius. Vnde emerfit partitio totius Monochordi, ac Tetrachordorum, in Tonos, Ditonos, Trisemitonios, Dieses, & Semitonia, prout videre est suo loco, in eiusdem designatione. Sed vide etiam, quæ eruditè habet ad hanc rem Petrus Aaron lib. 1. de Institut. Harmonica cap. 26. & seqq. atque additiones Ioann. Ant. Flaminij, ad finem adiectas.

66
✍

TOPIARIA, Agricolarum, Hortorumque cultorum ars est. Habent enim ager, & hortus, & viridaria Architecturam suam, quæ docemur plantas ritè disponere, quæ umbram, quæ Soles amant, apto loco locare, interualla constituere, vias itionescque sternere, easque arbusculis, fruticibusque natura flexibilibus claudere, ramis, & frondibus parietes conuestire, iisdemque tectoria pro fornicibus texere, cæteraque ædificatoriæ, & scenofactoriæ artis opera ad visus oblectamentum, & captandas æstiuo tempore umbras, leuesque auras, imitari. Vnde & Stibadia, & recessus, & labyrinthi quin & arcus, & columnæ, & tholi, & variorum animantium simulacra è buxo, & myrto, & Scenæ pro repræsentandis satyricis fabulis, & alia ad quencumque usum, videmus in hortis mirabiliter efformari. Quæ quidem opera & ipsa, communi vocabulo, ex græco Topiaria appellantur, quasi loca diuersimodè contexta, & exornata. De quibus sæpè mentio fit in Pandectis ab Vlpiano, & Africano; ac de ijs à Vitruu. lib. 7. cap. 5. varia præcepta tradantur, ex Antiquorum usu. De quibus sic discurret. *Postea ingressi sunt, ut etiam ædificiorum figuras, columnarumque & fastigiorum eminentes proiecturas imitarentur. Patentibus autem locis, uti exedris propter amplitudinem parietum, scenarum frontes, tragico more, aut comico, seu satyrico designarent. Ambulationibus propter spatia longitudinis varietatibus topiorum ornarent, ab certis locorum proprietatibus imagines exprimentes &c.* Turnebus autem lib. 18. cap. 25. aliunde Topiarij nomen deriuat, sicquerem elegantar describit. *Topiarium opus à topijs, quæ à funiculis nomen obtinuerunt, quibus frutices, & arbusculæ consiles in animalium, aut rerum historias, luculenta varietate assimilata, religata, & multis hincinde distinentur locis, torquentur, flectunturque ad effigianda quæ luduntur, rerum, & animalium argumenta.* Sed & labyrinthi, & stibadia, magis propriè Architecturæ opera sunt, quæ ad eiusdem leges architectari debent: illi ex buxo, aut myrto ad consistentiam, & oculorum oblectamentum; hæc ex molliori herba, & virrenti, ad luxum simul & commodum; vnde & nomen obtinuerunt. Sunt enim Stibadia, leuuli, mensæ, ac sedilia ex herbis contexta ad molliter accumbendum, & conuiuandum in ruralibus prædijs de quorum artificio, & eloquentia, hæc habet Cæcilius Plinius in epist. 6. lib. 5. *Ex Stibadio aqua velut expressu cubantium pondere syphunculis effluit.* Cætera opera magis sculpturam, & Geometriæ peritiâ sapiunt, quam architecturam; vtpote animalium formæ, & viridarium strata, diuersis distincta loculamentis, pro floribus disponendis. Ea quippè non minorem artem, & geometricam partium commensurationem requirunt, quam Quadrataria, & Litostro-

ta p̄auimenta, quæ diuerſas figuras è ſectili, & verſicolore marinoꝝ re aptè diſpoſito, repræſentant. De his fuſe agit Ferrarius in ſua Flora. Vbi varias hortorum diſpoſitiones, & loculamentorum partitiones, ex ære eleganter expreſſas, oculis ſpectandas exponit.

TOPOGRAPHIA facultas eſt Geometriæ filia (Ptolemæo *Chorographia*, quod in idem recidit, vtrumque enim vocabulum ex græco, particularium locorum deſcriptionem ſignificat.) Nam quod illa vniuerſaliter præſtat, totius terrarum Orbis deſcriptionem aſſumens, partes omnes in vnum complectens, conſiderans earum coordinationem, & cohærentiam, ſub quo Cælo ſitæ ſint, quibuſque Zonis, & circulis per vniuerſum ductis ſingula ſubiaceant; hoc iſta in partibus exequitur, conſideratque peculiaris alicuius regionis, aut Ciuitatis ſitum ſub cælo, ambitum, magnitudinem, commenſurationem, cæterasque minutiffimas proprietates; id quod Geographus non attendit. Etenim, vt ait Ptolemæus in primo aditu ſuæ Geographiæ. *Finis Chorographicus, connexionem particulari continetur, veluti ſi quis autem tantum, aut oculum imitetur: Geographicus autem contemplatione totius, proportionaliter ijs, qui integrum caput deſcribunt.* Quare Geographiæ munus eſt, deſcribere totum Orbem, aut ſaltem maximas, & vniuerſaliores eius partes, ſecundum rectam iuſtanique earum poſitionem, ac ſymmetriam, tam illas ad ſe inuicem, quam ad totum terrarum ambitum conferendo; Chorographia autem deſcribit ſingulas partes ſeorſim, magis diſtinctè eas conſiderando, & ſuis lineamentis, & coloribus expendendo: & ideo addit Ptolemæus, quod Chorographus debet eſſe picturæ non ignarus, ad hoc vt ſingulorum locorum faciem, & qualitatem adamuſſim exprimere poſſit: quia in opere contendit qualitatem magis, quam quantitatem: Geographia verò hac non indiget, ſed potiùs ſublimioribus ſcientiarum Mathematicarum præceptis, & adminiculis; & ſolum habet loca principalia deſignare per æquas diſtantias, circularum interſectiões, punctationes, & lineas; quod non eſt neceſſarium Chorographiæ, aut Topographiæ: quæ tamen comuni acceptione adhuc inter ſe diſtare videntur; & hæc ad minutiora deſcendere, aſſumendo videlicet deſcriptionem accuratiſſimam totius alicuius territorij, aut Ciuitatis, exprimendo ſitum, & formam, potiora ædificia, aſpectus, portas, & vias: Chorographia autem latiùs ſe extendit, & complectitur omnes Ciuitates, villas, arces, portus, lacus, montes, ſyluas, flumina, &c. quæ in tota aliqua ditione, Prouincia, aut Regno ſunt. Vnde dicimus Topographiã vrbis Romæ, Venetiarum, Pariſiorum &c. Chorographiam autem totius Status Eccleſiaſtici,

Dominij Veneti, Regni Galliarum, aut alienius eius determinatæ Prouinciæ, quanquam in verbo, idem reapse sonant.

68

TORMENTA in re bellica, generaliter audiunt machinæ oppugnatoriæ, quæ in hostes saxa, tela, pilas ferreas, & alia eiusmodi violenter acta contorquent. Vnde Catapultas, Ballistas, Angones, & similia, sub hoc vniuersali vocabulo, passim apud Cæsarem, Liuium, Ammianum, aliosque scriptores antiquos, comprehensa reperies. At posteriore æuo, cum iam illa cessere, & adhiberi capit ferale illud Arcium, & Munimentorum fulmen, quo minore opera, sed maiore impetu, ac violentia, missilia quæque explodunt; ænea, nimirum vasa, ac tubi longiores, qui nitrato puluere, & ferreis pilis longius emittendis facti, artificiosè stipantur, moxque admoto igne, ex eo accenso puluere, ac dilatari gestiente, quidquid ad exitum interponitur, magno cum fragore, & impetu extrudunt, & quò collimara fuerint immittunt, obuia quæque impetendo, iactando, ac prosternendo; iam tormenti nomine fulminaria isthæ igne grauida, & pestem hanc euomentia, singulariter intelliguntur. De quorum inuentione, initijs, & incremento, varia circumferuntur, quæ nos tetigimus, & examinauimus in V. *Bombarda*. Non est tamen, quin ab initio, ut eorum effectus exprimeretur, & similitudo operis, Ballistæ nomen aliquandiu ijs steterit, ut ex Maffeo lib. 1. histor. Indicæ colligi potest. Is enim primum earum usum, & notitiam apud Orientales populos habitam, & suo malo expertos, atq; à Vasco Gama Lusitanæ Classis Præfecto, ad retundendam eorum perfidiam adhibita, elegantissimo stylo describens, non refugit ea ballistæ nomine indicare. Sic enim habet. *Nondum apparuerat gentibus ijs nomine subtilitatis, & operis admirandi, Ballistæ, oblongum in tubum, & æqualiter teretem ex are fusili figuratæ: quæ nec funibus, aut nervis intentæ, singula mittunt spicula; sed inexcogitata priscis ratione, ad applicitos tenui ab tergo foramine igniculos, cum incremento multiplici rapiendos, certo primum nitrati, & sulphurei pulueris modulo temperatæ: insertos dein ore patente ferreos ex arte globos, catenasque & alia obturamenta, fulminis instar flammis eluctantibus cum horrendo fragore contorquent. Mox descendens ad explicandum effectum, & animorum consternationem in efferatis illis Mazambique accolis, explosa ista tormenta pepererunt, subiungit. Eiusmodi tormenta Lusitanus de more disposita, & collibrata ad nauium fenestellas habebat; sed ab ijs exercendis, ne perterritos metu incolas abalienaret à se, consultò abstinnerat. Verum ubi frandem, ac vim, & suos penè circumuentos animaduertitis indignatione commotus, exemplò exploderent, magistris indixit. Illi*
sine

sine mora exequantur imperium. Ac primò videlicet fumus ater, & fumo intermicantia fulgura, & crebra tonitrua, sereno calo, attonitos defixosque barbaros tenuere. Ast ubi ante pedes Prætoris ipsius, momentò laceri, & exanimis quatuor simul viri conspelli sunt: enimverò tunc quasi haud dubiè, infenso, infestoque numine correptis, undique ac penè depressis turba nauigijs, limphati, amentesque, in proximam continentem ex Insula sese cuncti proripiunt. Adeò nouum, terribile, inexpectatum eis accidit infortunium: quandoquidem nil truculentiùs, nil terribiliùs, nihil nocentiùs excogitare potuisse videtur humanum ingenium, (ui fortè ex inferis veriùs ei facta fuerit hæc feralis suggestio) quàm cæli fulmina edocti fumus imitari, componere, & quodammodo superare: namque ista nitiora sunt, vt plurimum innocua, & in incertum cadunt; atque aut montium solummodò cacumina tangunt, aut magno edito strepitu, ac fringore, è mille vix vnum hominem feriunt, contenta cæteros territos admouere, vt Diuini numinis iustam iram declinent, dantis metuentibus se significati-
nem, vt fugiant à facie arcus, vt liberentur electi; hæc vero cæco furore directæ, certiores stragem important, ad scopum collimant, obuios quosque promiscuè, noxios, & innoxios; amicos pariter, & inimicos, ineluctabili casu dilacerant, & prosternunt. Quò respexisse videtur Iulius Cæsar Scaliger in quadam Oratione funebri, quam habuit Viennæ, super eos, qui in eius Urbis obsidione à Solimano II. intentata, hincinde ex his fulminatibus occubuerè, oratorio more, in hoc Epiphomena prorupit, teste Naudæo lib. 2. cap. 11. Pace tua dicam, Iupiter, fulmina nostra sunt terribiliora tuis. Age coge nubes, vt tonare queas: nos, etiam te tranquillo, iratum regnum tuum faciemus. Andax quidem dictum, sed ex parte verum: at ita indefinitè, & contemptim pronunciatum, atheo dignum, & à Chrtistiano ore effluens impium, & blasphemum. Quippè non tam in Iouem falsum numen, delusoriè cadit, quam in ipsum verum eorum authorem Deum, quasi in fabricaudis fulminibus, aut dirigendis, ab soletti hominum sæuitia superetur.

At non hic stetit inexplibilis hamani ingenij crudelitas, noua semper ad sui generis perniciem, ac deletionem excogitantis, quin etiam his non contenta, noua in dies speculatur inuenta, quibus veteribus, & adhuc practicatis, aliquid acuminis superaddens, noua. cudit tormenta truculentiora primis, nullo alio operæ pretio aut fructu, quam vt certius, & ingeniosius furat, ac diabolico saltu de Creatoris imagine deformata, Urbium excidio, & ruina, ac totius Orbis desolatione, per se inita glorietur. Etenim ad hoc tendunt excogitata ad modum Organi Musici plurium fistularum dispositarum

in orbem, speciosa simul & dolosa machinamenta, intra arcani clausa, in idem centrum conuenientium: vbi applicito filice prope cuiusque spiraculum, referataque clauē, commenticia arca, impingens impetu in silicem chalybe, ignem elicit, omnes mox cannas inuadentem, pilarumque grandinem circumquaque explodentem, obuios quosque mactando, aut feriendo: propterea non immerito dictum *Organum diaboli*; quale me vidisse memini Venetijs, in secretiore Senatus Armamentario, nescio vnde hūc apportatum. Feralis etiā est hoc tempore, bombarum in Carcassis, vt vocant, abusus, ad excidium ruinam, & incendium integrarum urbium, vt diximus suo loco. Sed non hic finis: quin etiā, dū hęc scribo, audio inuentas, & alibi adhibitas pestilentes bombas, quę nimirum, vbi ceciderint, & conflagrauerint, pestilenti fumo, & halitu aëreni inficiant, ac pestilentiam generent, nullo munimine reparabilem. Hęc enim uerò verē tormenta, nec iusta bellorum arma, quę non ad capiendas vrbes dilatandumque dominium facta sunt, sed purē ad vastationem, vindictam explendam, Orbemque desertandum.

70 Sed hęc declamatoribus relinquantur: atque ad institutum reuerens id astruo, hęc & similia machinamenta, non nisi ex summa disciplinarum mathematicarum peritia posse prodire. Quare cum bellandi necessitatem ius gentium, & sua cuique tuendi studium, alienaque occupandi auiditas induxerit; profectō ars militaris, quę hodie plus ingenio, & arte, quam fortitudine exercetur, tum in pręlijs incundis, tum in arcibus construendis, propugnandis atque oppugnandis, noua indiget Architectura, & ordine instruendi acies, fabricandi machinas, aliaque instrumenta bellica offensiuā, & defensiuā, longē ab antiquis diuersa, & à penitioris Geometriz, Opticę, Staticę, Geodęsicę, &c. pręceptis petita, & experientia comprobata. Et verō antiquorum tam decantatę machinę bellicę, Arietes, Catapultę, Ballistę, Phalaricę, & si quę bellorum neruus æstimabantur, nunc vix puerorum terreculamenta sunt, & anatum aucupio aptę. Arces olim creditę inexpugnabiles, nunc forticum nidi sunt, & belluarum catabula, quas in antiquo statu manentes, dedignatur hostis obsidione cingere, ac tormentis impetere: neue impunē occupet suis defensionibus destitutas, eligit propugnator potius demoliri, quam ad mox sequuturam deditionem seruare, frustra pręsidio commendatas &c. Adeo inuentis fulminaribus tormentis, nescio, an à sua laude, & virtute exciderit Ars militaris, vel perfectior, & instructior facta sit.

71

TORNEAMENTA, ab forma, & ordine quo injuntur, dicta sunt eque-

equestres ludicræ decursiones, atque armorum Innocens contrectatio in pacis otio assumpta, ad corporis exercitationem, animi remissionem, atque ad spectaculum simul iucundum, ac bellandi peritiam, citrà periculum comparandum. *Sciomachiam* Græci dixerunt, quasi umbratilem pugnam; Quamvis reipsa Sciomachia latius pateat, & transcendat per omne fictæ concertationis genus, quod disponat ad seriam, ac sit veluti artis militaris, distincta in diuersas classes schola, & rudimentum; Torneamenta verò peculiariter assumentur ad virium ostentationem, equorumque ad cursum gyrationesque, assuefactionem magis, quam ad militiam directè, & per se addiscendam. Affimilatur enim Venationi, in qua fructus operis sequitur hilaritatem, quæ ex illa capitur; & cum animus à curis liber, honestæ remissioni vacat, corpus agitatione solidatur, & in optima valetudine conseruatur. Namque experientia compertum est, & acutè obseruauit Galenus, *Ex omnibus corporis exercitationibus, eam procul dubio utilissimam videri, quæ nedum corpus fatigare, verum etiam animum oblectare valeat.* Cui subscribit Vegetius lib. 2. cap. 2. vbi ait. Plùs armorum exercitia ad sanitatē militum prodesse, quam Medicos: Ea propter laudabiliter, magno Reipublicæ bono, introducta sunt in bacchanalibus, & publicæ hilaritatis diebus, huiusmodi torneamenta, vt dùm animus à serijs tantisper diuertit, bellandi peritiam comparet, & firmam corporis valetudinem. Sed de huius aliarumque similium exercitationum utilitatibus, vide quæ diximus in V. *Sciomachia*, & alibi passim.

TORQVETVM, apud Astronomos, & Geographos, appellatum 72
est Instrumentum Mathematicum repræsentans gyrationem Aequatoris supra Horizontem, quem refert circulus suprâ basin consistens immobilis, circâ quem voluitur tabula æquatorem designans; ac proinde ab hac volutatione, quâ in se ipsum torquetur, Torqueti nomen accepit. Eius fabricam, & vsum luculenter exponit Abbas Maurolycus, & figuram exhibet Io: Paulus Galluccius, cum alijs Instrumentis Mathematicis, de quibus speciale opus edidit sub hoc titulo, lib. 9. cap. 1.

TORVS propriè dicitur illa terræ prominentia, quæ molliter as-
surgit, & suprâ reliquâ eius planitiem se spectabilem facit. Pul-
num appellant Plinius, & Columella, quod ex coadunato inibi pul-
uere tumet, atque in flexuosam decliuitatem descendit. Hinc le-
gum iure dixerunt Torum Veteres, eo quia instar monticuli è pau-
mento insurgit, & ad cubandum inuitat. Quamquam idem Plinius
aliam

aliâ rationem adducit, & confirmat Tacitus lib. 19. cap. 4. quia nimirum veteres Romani summo opere delectabantur in agris, atque in hortis iucundam ducere vitam, atque adeò humi cubare assueverunt, & ad hoc, ex consertis, & intortis straminibus, mollibusque herbis, sibi cubilia adornare. Ex quo dehinc absolute lectis, & pulvinaribus ad cubandum factis, Tori vocabulum mansit. Similiter Torus; & Torosum per translationem postea dici cepit quidquid in quacumque re, supra reliquas partes assurgit & molliter turget: ac signatè in Architectura membrum illud in basi columnarum, quod immediatè insidet plintho, & subternitur apophygi, aut etiam scotiz si duplex est, Torus, & Torulus dicitur, aliàs Spira & rudens, quod etiam in speciem rudentis in spiram conuoluti, & foras à regulis ipsum continentibus abit. Hic in Opere Tuscanico, & Ionico vnus est, in reliquis verò duplex, hinc inde complens, & custodiens Scotiam cum suis regulis intermediam. De eius commensuratione ad reliquas partes, vide quæ habet Vitruv. lib. 3. cap. vlt. formam autem, & scorsim, & collectim cum alijs membris ad integrationem basis, habes apud Philandrum, & Barbarum.

TRABS, & TRABEATIO. Vide in V. *Epistylum*.

- 74 TRABVCVS, seu, vt alij scribunt, *Trabutium*, dicebatur olim, (& etiam nûm manet in ore nostrorum olitorum) Machina simplex tractoria, quæ per transversariam trabem in æquilibrio positam, pondus eleuat, altero capite depresso ex prægranante onere. Tolleno communiter apud Latinos dicitur, de quo paulò ante. Quod autem ad Trabuchi vocabulum attinet, inuenitur à Scriptoribus Teutonicis fræquentissimè vsurpatum pro alijs generis machina lithobola, cuius vsus est in bellicis, quæ lapides prægrandes longè felicius, & directius iaciebat, quam Antiquorum Onagri, & ballistæ. Eius vsus, & rationem certius ad scopum lapides collimandi, adducit Aegydius Columna, in tractatu de Regim. Principum, lib. 3. cap. 18. Eoquod, inquit, contrapondus semper uniformiter trahat; ideo semper eodem modo impellit (cum hac enim machina quasi acus percuti posset) Nam cum aliquod signum percutiendum est per ipsam, si nimis projicit ad dextram, vel ad sinistram, vertenda est ad locum erga quem iaciendus est lapis. Si verò nimis altè projicit, vel elonganda est machina à signo, vel in funda apponendus est lapis grauior, quem non tantum eleuare poterit: Si verò nimis imè; appropinquanda est machina, vel allenandus est lapis. Semper enim ponderandi sunt lapides ipsarum machinarum, si determinatè projiciendum sit ad aliquod certum signum.

Hæc

Hæc Aegydius. Ex quibus noscitur prævalentia huius machinæ supra ballistam, aliàs & forma, & effectû similis, sed longe validiore, ictû, & nunquam fallibili. Nam illa operatur ad rationem impressæ virtutis per potentiam, & contrapondus incertum, & variabile, secundum quod magis, ac magis impellitur, in quo certus terminus ac mensura præfiniri nequit. At hæc machina, de qua modò loquimur, habet contrapondus semper idem stabile & fixum, quod consistit in quodam vase vel capsula, extremo virgæ applicita, & ei immobiliter inhærente, quæ capsula impletur anticipatè ad certam mensuram, lapillis, arena, plumbo, vel alia æquabili materia, quæ simul coëat, & pro ratione motus, se accommodet ad faciendum, semper prægrauans pondus. Et ideo non mirum, si habeat virtutem semper æqualem, & maximam, ad proijciendos in longa distantia immensos molares lapides, integras columnas, cylindros, & ipsa equorum aliorumque animalium cadauera, vt narrant Historici: quam ad vsque suorum aëurum tempora viguissè, & in magna æstimatione in bellis extitissè, testatur Hieronymus Maggius *lib. 1. Miscellaneor.* nempe vsque ad ann. 1450. hoc est, ducentis fere annis post inuentas, & vñ introductas curules bombardas ad labefactanda, mœnia. Additque Mahomedem II. Imperatorem Turcarum vnâ cum bombardis adhibuissè in expugnatione Eubæ Insulæ, & munitissimæ Atcis in Aegæo mari, nunc *Negroponte*. Namque tormentis utebatur ad diruenda mœnia; trabuchis verò ad immittenda intrâ urbem ingentes lapides, & saxa, quæ in altum vibrata, postea maiore impetu ruentia, decidebant supra domorum tecta, quæ sindebant, concutiebant, quassabant, domosque ipsas ad terram prosternebant. Sed & aliud malum omninò pessimum, & inenitabile, identidem importabant huiusmodi machinæ, quippe pro saxis integra equorum in bello occisorum cadauera substituebantur, quæ in urbem in magna copia illata, & sensim putrescentia, aërem inficerent, ciues non oppressione, aut armis, sed pestilenti halitu interficerent. Quamobrem à Turcis ob rem bene ipsis cedentem, non ideo post vñ tormentorum, ad accelerandam deditionem in obsessione magnarum Urbium intermissæ fuisse: vt refert idem Maggius ex attestatone oculati testis omni exceptione maioris, Thomæ Contareni Venetæ Classis Præfecti, qui in regressu post captam Cyprum, & pacem cum Turca ictam, Alexandriæ Aegypti portum tenuit, ibique per aliquot dies moratus, eas in publico Armamentario asseruari, & se vidissè eidem Magio oretenus retulit. His affines sunt *Briccola, Tripanti, Bisse* &c. De quibus suo loco.

TRACTORIAE MACHINAE. V. *Acrobatica*?

75

TRANSITVS in Astronomicis est species quædam familiaritatis, & occurfus, quam acquirunt successiue loca prorogatoria Natalis, aut radice alicuius inceptions, per realem aduentum, & positionem in ijs, siderum occurfantium, qui suis lationibus quotidianis in mundo, aut proprijs in Zodiaco, feruntur ad significatores, seu ad loca vbi fuerunt significatores in radice: & ij quidem, si fuerint beneficarum, profunt ad ea, quæ significator nactus est decernere, & moderari; si verò maleficarum, obsunt in ijs quæ indicantur. Sit exemplum in Decubitu, seu initio alicuius ægitudinis: reperiatur v. g. Luna, vel Sol, aut etiam Ascendens (naturales significatores constitutionis corporalis, humorum, ac temperamenti) in grad. 15. Arietis; tunc obseruandum est in progressu illius ægitudinis, quinam ex planetis cursum suum in Zodiaco iniens, feratur & pertranseat per dictum gradum, nam tunc per suam realem præsentiam, suis qualitatibus illum afficiet, atque adeo alterabit in bonum, aut malum significata illius significatoris circa releuationem, aut deprefionem ægri, super malo quod patitur, & poterit prudens medicus opportunis medicamentis pro illo tempore exhibendis, bonam siderum constitutionem promouere, aut malam contrarijs anteuertere, & superare. Cùm enim locus radicalis moderatorum initio morbi, referat qualitatem mixtionis humorum in corpore, & vniùs suprabundantiam & excessum super alium; inde fit, vt Astra transeuntia per dicta loca, alterent & afficiant quodammodo temperamentum, in ijs dispositum, ipsumque subiectum, in quo fuit priùs præordinatum. Quoniam (vt ait Ptolemæus lib. 4. cap. vlt.) *Transitus stellarum, vel augmentantur, vel relaxant, & minuant accidentia; etenim generaliter prorogatoris locus, & generalium temporum dominus, accidentium qualitatem & durationem significant. Retinent enim singula stella conuenientiam cum illis locis, quorum dominium initio acquisierunt.* Idcirco stellæ transeunt per dicta loca, qualificant, actuant, & proximè disponunt ipsos moderatores, ad eliciendos illos effectus, qui in radice fuerunt in potentia præordinati, si quidem sint in natura conformes; sin minus, eos retardant, aut imminuunt. Quare duplex est transitus siderum occurfantium, per loca radicalia prorogatorum; vnus in Zodiaco, quo, motu suo proprio (vt habetur in Ephemeridibus) ad partes Zodiaci feruntur, in quibus fuerunt in radice Moderatores; alter est quotidianus, quo raptu primi mobilis

bilis circa mundum feruntur cosmeticè ad Cardines, seu Circulos positionum Moderatorum, in quibus erant in radice; & hi quidem transitus, utpote frequentiores, & citò euanescentes, leuissimum etiam effectum habent, & citò transeuntem, non ita tamen ut non aliquantulum elucescat, præsertim in morbis, in accessione, vel declinatione febris &c. At illi, eoquod rariores sunt & diutius morantur; durabiliore, & validiore effectus important, perinde ac ipsæ directiones, seu reales deuolutiones siderum ad loca radicalia prorogatorum: quæ ideò nunquam fallunt, aut certè rarò effectui vacui abeunt: idque non nisi quando concurrunt aliæ directiones, vel transitus promissorum, contraria decernentium, quæ quidem æquè validæ sint, aut illis præponderent. Quemadmodum etiam dantur transitus actiui, qui sunt modò explicati: & passiu; cum videlicet moderatores ipsi (qui in hoc casu sunt tantummodo Luminaria) motu suo feruntur ad loca siderum occurrentium, quæ tunc concipiuntur immobilia. Et per hoc differunt *Transitus* ab *Ingressibus*, qui sunt accessus eorundem siderum, occurrentium ad loca Moderatorum & econtrà, qui fiunt singulis annis in locis figuræ annuæ reuolutionis, & eosdem quidem, aut consimiles effectus parturiunt; sed ingressus respiciunt præcisè loca in Zodiaco astrorum mobilium; transitus autem loca fixa radices, per quæ realiter transeunt, & fiunt corpore præsentia, sidera occurrentia. Caterùm ambo sunt veluti pedissequi, & accedentes ad motum directionis, quem qualificant, præueniunt, determinant, aut disponunt, prout conformes fuerint, ac diffomes ab qualitate effectuum, qui in potentia fuerint in motu directionis præordinati, prout alibi diximus.

TRANSLATIO LUMINIS, & consequenter *Naturæ*, apud Astrologos dicitur, cum natura, & lumen vnius Planetæ per aliquod accidens, aut impedimentum superueniens, transfertur in alium. Et est, cum ex. gr. tres Planetæ inueniuntur platice iuncti, aut quouis modo configurati, attamen medius ipsorum, qui sit fortè cæteris leuior, motu suo separatur à ponderoso, cui proprius accedebat, & iungitur ei, qui est posterior, sed illo morosior: tunc enim ab isto dicitur transferri lumen anterioris ad posteriorem, communicarique natura.

TRANSTRA, Etsi communiter audiant in nauigatoria, sedilia remigum per ordinem disposita in triremibus, & per transuersum, ut agere remos possint; originariè tamen & propriè, architectoni-

eum vocabulum est, & significat transversa tigna tectorum, super quibus inhiuntur canterij, & tota tecti contigatio insidet & quiescit; ipsa verò locantur immediatè supra parastatas, & columnas. Ita expressè Vitruu. lib. 4. cap. 2. Sextus verò Pompeius ait simpliciter, ea esse *tigna oblonga quæ à pariete in parietem porriguntur*, quæ magis latè patent, & ad firmandos potius parietes, quam ad sustinendum tectum facta sunt, ut paulò ante diximus in V. *Tiranni*. Igitur transtra propriè ad tecti conformationem pertinent, cuius coordinatio ad trianguli æquicuriæ formam compacta est, in qua transtrum basim refert, crura canterij, cathetus est ipsum arrectarium tignum (sicubi ad maiorem firmitatem, & consistentiam addi necessum sit) quod columen sustinet. In qua re explicanda falsum fuisse Philandrum, aduertit Baldus in Lexico Vitruu. eo quod dixerit, transtra esse trabes sustinentes capreolos. Si enim, inquit, hi transtris insiderent, ea vtrique multùm defatigarent & ad vltimum frangerent. At non ad hoc facta sunt transtra, ut capreolos immediatè recipiant, sed ut eosdem canterijs insistentes sustineant à lateribus: neque enim periculum est, ea quouis graui pondere prægruari, quia tota eorum pressio in extremis tantum habetur, ubi alioqui benè, subiecto pariete, aut parastata fulta sunt, cæterà liberè omni procul pondere per transversum imposito, excurrunt: nisi quod aliquando in medio, arrectarijs colligantur, quæ tantùm abest, ut grauent, quin potius maiorem firmitudinem addunt: uti diximus in V. *Tertiarius*. Hæc transtra Nostates *Planas* appellant, & quidem satis accommodè, nam & officium explicant, & per hoc nomen à canterijs, atque arrectarijs trabibus contradistinguntur.

- 79 TRANSVERSA antonomasticè audiunt in Architectura militari, opera transversaria, quæ siue in munitionibus intra recinctum, siue in finibus regionum excitari solent, & hostibus opponi, ut iter impediant, aut ne, in obsidionibus, capto vno propugnaculo, maiores progressus faciant. Gallis *Travers*. Hæc, quietis rebus, apponi ut plurimum solent ad viarum angustias, ad pontes, ad Sylvarum aditus, ad paludes, & loca aquis stagnantia, ad fluuiorum ostia, & his similia. At in ardore belli, & hoste iam ad oppugnationem intento, tumultuariè & raptim, ubi res periclitatur excitari debent, uti dicebam, vel in vltimis arcis recessibus, & munitionibus, ut ijs ex parte ab hostibus occupatis, suppetat nouum perfugium, quò se præsidarij recipiant, & contutentur, hostemque distineant, & quâ possint incommodent. Sæpè enim experientia compertum est, rebus iam penè deperditis, hoc secundarios recessus, & scissuras partium amiss-

amissarum, multum tūm animorum tūm virium propugnatoribus, ad hostium impetum fortiter sustinendum, vel etiā retundendum, addidisse, quoad auxilium extrinsecus aduentaret, aut aliunde fors tuleric, vt exemplis tūm antiquis, tūm modernis plenē sunt Historiz. Verum

TRANSVERSARIA vt sic, in opere architectonico dicuntur lapides, & ligna transversa, quæ in structuris, à capite ad caput diriguntur, vt extrema in officio teneant, nec nutent, aut vacillent. Quod idē Vitruu. lib. 10. cap. 11. de cochlea agens, monet, tignum in planum in ea collocandum esse ad libellam, utque utriusque capituli lineas, inter se respondeant ad perpendicularum. Quanquam inferius pro transversarijs intelligere videtur tigilla, & instrumenta, quæ vtrinq; prædicta tigna decinent extremis infixā: ait enim. Capita tigni ferreis clavis continentur, usque insiguntur styli ferrei: dextra autem ac sinistra cochleam tigna collocantur in capitibus utraque parte habentia transversaria confixa. Idipsum confirmat, & magis explicat in Choroborate, de quo agit lib. 8. cap. 6. vbi ait: Chorobates autem est regula longa circiter pedum viginti. Ea habet ancones in capitibus extremis aquali modo perfectos: inque regule capitibus ad normam coagmentatos; & inter regulam, & ancones à cardinibus compacta transversaria, quæ habent lineas ad perpendicularum rectē descriptas. Verum id non tollit, quin ipsa tigna in planum à capite ad caput directā, verē arctæaria, & transversaria sint, ac iure dici possint; tametsi & ipsa, vt contineantur, alijs transversarijs in summis capitibus ad perpendicularum positis, opus habeant, sicque omnia simul concurrant colligata, ad parietes connectendos, & continendos.

TRAPANVM. Vide Terebra.

TRAPEZIA, generali vocabulo, vocantur à Geometris figuræ omnes irregulares, quæ pluribus constent angulis, & lateribus, sed non sibi paribus, neque adinuicem respondentibus, saltem quoad omnia, sed vagæ, sine ordine, & certa lege vagantur. Quamquam enim Euclides lib. 1. defin. 33. sub hoc nomine comprehendit tantum figuras quadrilateras, vt contradistingant tum à triangularibus (quæ omnes regulares sunt, & ad tres tantum species reducuntur, Aequilateras, Isocelesias, & Scalenas) tum à quadrilateris regularibus, qualia sunt omnia Parallelogramma, nempe Quadratum perfectum, Rectangulum, seu Quadratum altera parte longius, Rhombus, & Rhomboides; atramen, quia adhuc ininitæ dari, &

Eeeee 2 con-

conciipi possunt figuræ multilateræ, quæ pluribus, quàm quatuor rectis lineis comprehendantur, prout infinitus est numerus progressus, ex quibus aliæ sunt rationales, uti pentagonus, & vniuersim omnes figuræ Isoperimetrix, aliæ irrationales; ideò omnes irrationales, quæ sibi in angulis, & lateribus non respondent, vniuersaliter sub Trapeziorum nomine veniunt. Inter quas dari possunt quæ duo aut tria latera, vel angulos habeant æquales, in cæteris sint inæquales; quæque in omnibus omninò discordent, & nullum latus, nullum angulum habent, qui alteri conformetur: etsi in hoc conuenire possunt, quod omnes angulos habeant obtusos aut acutos, sed non omnes eiusdem commensurationis, & quantitatis, ut cuique experiri liberum est: De quibus, earumque arcibus commensurandis, non eadem præcepta locum habent, quæ de triangulis, & quadrangulis, & vniuersim de omnibus figuris isoperimetris, tradit Euclides totis libris, primo, secundo, quinto, & sexto; nihilominus aliunde habere possunt suam commensurationem, si dispescantur, & reducantur ad triangula; quemadmodum de figuris regularibus supra dictum est in V. *Angulus num. 69.* & exemplis demonstrat Serlius lib. 1. ubi agit de *Geometria*. Hinc

- 82 TRAPEZOIDES denominantur trapeziorum species, quæ comprehendunt omnes figuras solidas multilateras, & irregulares, prout contradistinguuntur à Prismatibus, & parallelopipedis; inter quas connumerantur etiam Parallelopeura, quæ sunt parallelopipedum abortiones, participantia de aliqua regularitate, & correspondentia aliquorum angulorum, & laterum, in reliquis discordantia, vnde sub trapeziorum vniuersali nomine comprehenduntur.

- 83 TRAVACHA barbarum, & valdè obscurum verbum: cuius etymon, & multò magis, quid rei per tale vocabulum significatæ, fuerit olim, qualisue usus, ignoratur. Hocvnum confusè, ex scriptorum modo loquendi, collatione, & contextu elici potest, quod fuerit machina bellica prægrandis, quæ apud Gallos cisalpinos, valdè erat in usu, in obsidionibus. An autem fuerit ad propugnandum, vel oppugnandum, non satis constat. Nam ex vna parte, à forma, & constructione, videtur colligi, fuisse in genere vinearum, aut pluteorum muris approximantium, ad suffossionem: erat enim compacta ex pluribus lignis in quadrum erectis, & operta desuper aggestitiâ terra: ex altera, Annales Laudensium apud Du-Cange, apertè tradunt fuisse erectam loco propugnaculi, citrà murum labantem. Sic enim habent. Cremonenses cognoscentes, se non posse defendere murum Castris,

stri, quin destrueretur, Trauacham magnam ex lignis, & terra insimul compositam, ibi intus in ea parte in qua ipsi murum destrui videbant, iuxta eam constituerunt. Sed mox eam, tanquam oppugnatoriam statuunt. Ipse Du Cange in explicatione nutat, ac tandem ad idiotismum Gallicum reducit Trauail, qua notione omne munimentum ad propulsandos hostes factum, venit.

TRIANGVLVS, siue TRIANGVLVM (in vtroque enim genere usurpatum inuenio) Figura est Geometrica, vt nomen ipsum indicat, tribus angulis constans; vti etiam necessariò tribus lateribus; vnde etiam iuxta eorum considerationem præcisam, appellatur Trilaterum. Ea inter omnes figuras Geometricas princeps est, cardo, ac tetminus, à quo omnes profluunt, mensurantur, pendent, & in quem vltimò resoluuntur. Nanique duorum tantùm laterum, conuenientia, figura nulla est, nec subsistere potest, vt ostendit Euclides: si tria latera in angulos concurrant, figuram constituunt triangulatam, de qua nunc scitò est: si plura; in tot figuras abeunt quot ab numero angulorum, quos comprehendunt, specificantur: vt Tetragona, Pentagona, Exagona, Eptagona, &c. & genericè Poligona denominantur. Quæ tandem, vt commensurari queant, earumque affectiones dignosci, in triangula discesci, & commutati necesse est. Id quod fit, ductis lineis ab vno angulo ad angulum, tertium, immediatè post secundum sequentem, illo præterito, ad quem dirigi noua linea nequit, quin cum latere intermedio confundatur, atque coincidat. Igitur ducta præfata linea emergit primum triangulum, conflatum ex prædictis duobus angulis lineam terminantibus, & tertio prætermisso. Rursus ducuntur eodem modo lineæ ad reliquos angulos figuræ, quoad eorum numerus expleatur, & sic ea inuenitur in triangulos resoluta, à quorum omnium simul aggregatorum, natura, & commensuratione totius figuræ polygonæ natura, & quantitas expiscatur. Sed & singulorum triangulorum, seorsim consideratio inita, magnas & insignes eorum aperit proprietates, vt demonstrat, & expendit acutè Clavius in Geometria, præfata lib. 6. à propof. 6. & seqq. & nos alibi examinauimus.

Nunc autem ad varias triangulorum species descendamus. Omne Triangulum, aut planum est, aut sphericum, aut mixtum. Planum dicitur, quod tribus rectis lineis continetur. Sphericum, quod in spheræ superficie à tribus maximorum circulorum atque conclusitur & finitur: Mixtum, quod de vtroque participat, habens aut duo latera recta, & vnum curuum; aut duo curua, & vnum rectum; vt videre est in figuris in vestibulo operis positis. Similiter om-

84



85

omne triangulum denominatur aut Rectangulum, aut Obliquangulum. Ad rectangulum sufficit, si vnus tantum angulus sit rectus, etiam si reliqui duo (quod necessario sequitur) sint obliqui. Obliquangulum est, quod omnes omnino angulos habet obliquos; siue omnes acutos, siue vnum obtusum, & reliquos acutos: itaque ex tribus, vnus tantum obtusus prodire possit, ceteri necessario sint acuti; non enim dari potest triangulum constans ex duobus angulis obtusis.

86

Ex his insuper, alia sunt æquilatera (Nouitijs loquor) quæ omnia latera habent æqualia, sicque etiam anguli ipsi erunt necessario æquales, & acuti. Alia, quæ duo tantum latera habent æqualia, tertium vagum, quod dicitur basis, duo verò latera æqualia, crura; ac proinde tota figura denominatur æquicrura: & siue duo, siue omnia latera habeant paria (cuiusvis generis triangula sint) semper vocantur *Isoceles*: ac si in omnibus, anguli & latera abinuicem discordauerint, Triangulum appellabitur *Scalenum*. Hoc posito, cuiuscumque trianguli quantitas faciliè indagatur, si è sex terminis, tribus videlicet lateribus, totidemque angulis, tres promiscuè noti sint, nam ex his reliqui colliguntur, & area ipsius ab illis comprehensæ amplitudo, & quantitas internoscitur. Et quidem omnis cuiusque anguli quantitas eadem est, ac arcus circuli, ab angulari puncto ad quoduis intervallum descripti, adeoque inter duo latera comprehensi. Vnde, si arcus angulum subtendens fuerit integri quadrans, angulus subtensus necessario erit rectus: si fuerit minor quadrante, angulus oppositus erit acutus; si maior quadrante, angulus subtensus erit obtusus. Et in his principijs fundatur Trigonometria, potissima inter Mathematicas disciplinas facultas, quæ peragit vniuersam triangulorum dimensionem, certam & infallibilem, per comparisonem partium cum tribus terminis notis. Quorum primum fundamentum est, quod omnis trianguli maior latus, similem maiorem angulum subtendit, & contra minus minorem. Quò fit vt necessario cuiuscumque trianguli duo anguli simul sumpti, minores semper inveniuntur duobus rectis, & omnes simul sumpti duos rectos non excedant, sed illis adamusim exæquentur. Cum enim duo anguli recti semicirculo subtendantur, & chorda interiecta diametrum representet; consequenter adiacens exterior angulus supplet, & addit ex integro, quod alteri deest, vt subtendi dicatur toti diametro, adducendo simul duos angulos rectos. Et insuper, si ab vno angulo ad basim (si opus est) prolongatâ, cadat perpendicularis, semper efficiet duos angulos rectos, vel simul sumptos duobus rectis æquales: & si quidem dicta perpendicularis cadat intra triangulum, sciudet illud in duos sca-

scalenos: sin autem extra triangulum ad basim prolongatam, tunc ex angulis quos efformat, vnus erit acutus, alter obtusus; ambo simul duobus rectis æquales, vt demonstrat, per singula discurrens Regiomontanus lib. 4. propos. 8. At in Triangulis sphæricis omnes tres anguli simul sumpti superant duos rectos, & excessus supra duos rectos, est quadruplum superficiæ trianguli sphærici ad superficiem sphæræ, in qua creatur ipsum triangulum: quæ est proprietas singularis triangulorum sphæricorum, in qua absconsa sunt mira, & insignia arcana, quæ ex dimensione triangulorum sphæricorum prodeunt, vt acutè obseruauit Theodosius, qui proinde absolutissimum opus edidit de Sphæricorum natura. Sed infinita sunt, quæ ex multiplici triangulorum adinpicem comparatione, ac dimensione emergunt, vt hic breuiter præstringi possint: Siquidem in hoc tota Geometriæ amplitudo versatur. Hosque ex parte, vbi locus exegit, examinauimus.

TRIARII in veteri militia dicebantur, qui in acie postremi erant, & post alios ordines locabantur, milites expertæ virtutis & veterani, quique ad id reseruati erant, vt malè cedente belli alea, turbatisque hastatorum, ac principum ordinibus, postliminiò insurgerent, & prælium, integris adhuc viribus, repararent. Etenim tunc temporis inos erant, vt Pilani primi omnium concertationem inirent, mox Principes insequerentur; ac tandem Triarii, qui tertio loco erant, in ipso ardore pugnæ, fessis ac declinantibus illis superuenirent; quo fiebat, vt inopinato validoque subsidio, socij animos resumerent, abiectoque metu, alacriores, res planè perditas repararent. Sic disertis verbis, Liuius lib. 8. *Vbi Triarii, inquit, consurrexerant integri, resurgentibus armis, noua ex improviso exorta acies, receptis in intervallo ordinum antepilanis, principia Latinorum perturbant. Quomodo autem loco subsisterent, seque interim suosque protegerent, luculenter exponit Vegetius lib. 1. cap. 20. in hunc modum. Triarij genibus positis solebant intra scuta subsidere, ne stantes vulnerarentur, venientibus telis: & cum necessitas postulasset, tamquam requieti vehementius inuaderent hostes; à quibus, constat sæpe factam esse victoriam, cum hastati illi, & qui priores steterant, interiscent. Hinc factus fuit prouerbio locus: Res redit ad Triarios; cum eò infelicitatis adducta erat, vt ad extremos conatus recurrendum foret. Porro eo nomine, Triarios dictos autumat Varro, quod in acie tertio loco & ordine ponerentur, vt subsidio, & reparandis rebus perdisis starent. Horum, quandam speciem & vsum habemus in moderna militia; cum instructa acie, antequam ad prælium descendatur, semper selecta quædam equi-*

equitum turma seponitur, quæ liberè extra ordinem diuagetur; & ubi suos periclitari conspexerint, præstò sint ad opem ferendam; eamque nos *Squadronem volantem* vocitamus.

88

TRIBVCETA, bellica sunt instrumenta apud veteres Scriptores; Alijs *Tribak*, quorum meminit Lipsius in Poliorcet. Quid tamen rei fuerint, & ad quem usum facta, ipse se ignorare fateatur. Aestimauerim, ea ipsissimos esse Trabucos, de quibus paulò antè loquuti sumus. Vide etiam in V. *Angon*.

89

TRIBVLI etiam in re militari, sunt ferrea quædam instrumenta; acuminata, quadrangulari cuspide (Murices alij nominant) quæ per campum sparsa, dum ingruit prælium, equitatu sunt infensa, & hostium ordines turbant, dum equis temerè accedentibus, aculeis suis occurrunt, & ungulis adhærentia, sistunt, ac vltra progredi vetant: quippe ea arte sunt fabricata, vt in quemcumque situm cadant, semper aliquem stimulum habeant terræ infixum, alios erectos ad feriendum promptos. Eos sic describit Budæus: *Tribuli*, ait, sunt *machinula ferrea dolosa, trigona, aut tetragona forma, quæ in quamcumque partem incubuerint, vnum aut plures aculeos infestos protendunt.* Frequens eorum vsus erat apud antiquos, nec tamen omninò nostro tempore obsoleuit. Sed ijs, tempore & loco vtuntur, maximè Galli, ubi locum aliquem propugnant ab hoste obsessum, solent enim eos spargere per murorum ruinas, vt cum aggressores ascensum parant ipsis sub terra & ruderibus latentibus, præpediantur, vulnerentur, & cadant. *Chause Trappes* appellant. Videtis ipsorum formam apud Mallet in libro quem inscripsit, *Le Travaux de Mars*. Hos sed ampliori forma adhibuisse Romanos aduersus falcatas Græcorum quadrigas cum impetu discurrentes, refert Veget. lib. 3. cap. 24. *In quos*, inquit, *currentes quadrigæ cum incidissent delata sunt.* Alios minores contrà camelos, per campos aliquando sparsisse, testatur Herodianus, his verbis lib. 4. *Postea vero quia ab equitatu & camelorum multitudine premebantur, fuga simulata, tribulos aliaque machinamenta ferrea acuminata proieciabantur, quæ sub arenis latentia, neque cuiquam conspecta, perniciem equitibus, & camelorum sessoribus afferebant: quippe illis calcatis equi, potissimum verò cameli, quoniam huic generi mollissima sunt ungula, succidue claudicabant, excussis tergo insectoribus.* Alium quoque usum habuisse in castris ponendis, ex Leone Græcorum Imperatore, notat Stevvechius in notis ad Vegetium. Nempe, si quando locus saxosus fuerit, vt non facile fodi posset, neue tempus fodiendi suppeteret, valli, & fossæ vicem optime

me supplent eiusmodi tribuli grandiores circum castra infixi, qui pro vallo starent, hostiumque irruptiones impedirent. Verum hi longè à memoratis & forma, & materia discrepant; sunt enim ut plurimum lignei simul conferti, & longiores, quos potius Blindas dixeris, de quibus suo loco.

In alia significatione usurpatum inuenio Tribuli nomen apud Tacitum de Vitriaco lib. 3. Histor. Oriental. nimirum pro Machina eiacularia, quæ in obsidione urbium ad concutienda, repetitis ictibus mœnia adhiberetur. Sic enim habet. *Nos verò considerantes, Turrim capi non posse petrariarum, vel tribulorum ictibus &c.* Neque verò de ijs, quos modo memorauimus, exponi potest locus. Sed & mox eandem Machinam *Tribuculum* nominat. *Quæ omnes* (subdit, de testudinibus loquens, alijsque machinamentis) *remanferunt integra, præter unam, quæ crebris tribuculis, Templariorum ictibus concussa fuit aliquantùm.* Et in expugnatione Damiatæ, paulò post, addit. *Inuenti sunt in Damiatæ Tribuculi quatuor cum petrarijs & manganellis.* Erat igitur hæc machina species Catapultæ, quam alij Trabuchetum, alij Bissam, alij Briccolam appellant, de quibus suo loco dictum.

TRIBUNA, communi, & recepto ab Italis nomine, dicitur extrema Templorum ablis, digniorque pars, in hemicycli formam abiens, ac desuper testudinata, ubi ut plurimum Ara maxima collocata est, & circum Clerus ad occinendas Diuinas laudes solet consistere; fortè à Veterum Tribunali, deriuato vocabulo, quod adhuc apud nos de loco, in quo ius dicitur, usurpatur: qui proinde augustior, semiotiorque à cæteris ædificij partibus, iuxta Vitruuij, omniumque Architectorum præcepta, esse debet. Is enim de Foro ad publica negotia, & iudicia factò, eiusque dispositione differens, hæc habet, lib. 5. cap. 1. *Tribunal est in ea ade hemicycli schematis minore curuatura formatum. Eius autem hemicycli in fronte est interuallum pedum XLVI. introrsus curuatura pedum XV. ut eos, qui ad magistratus starent, negotiantes in Basilica, ne impedirent.* Porro id ipsum procedit, & spectare licet hodie in Sacris Tribunis, ubi Aram, & Sacris inseruientes consistere conuenit, à reliquo populo segregatos; ita tamen, ut locus conspectui sit, & cancellis, aut balaustricis repagulis, circum septus, ad hoc ut sacræ actioni assistere quidem populus queat, simul orationes fundere, & de sacrificio participare; minime autem intus accedere, & quoquo modo intentas Diuino operi mentes interturbare.

- 91 TRIBUNI audiunt in re militari, Secundarij Copiarum Duces, quorum curæ incumbit milites cogere, in campum ad pugnandum, educere, ordinare, præceptis adigere, atque eorum necessitatibus providere. Quod ideo magna erat olim apud Romanos Tribunorum dignitas, & potestas; adeo ut æquipararentur Consulibus, atque etiam inter eos esset, qui, rebus in pace compositis, suprema auctoritate, ius populo diceret, ac *Tribunus* plebis appellaretur. Qui vero militiæ præerant, Tribuni militum absolute dicerentur, apud quos summa belli erat, milites legebant, exercitum comparabant, acies instruebant, expeditiones adornabant, stationes figebant; denique de inducijs, de bello inferendo, aut de pace cum hostibus percutienda, dijudicabant. Magna equidem, & absoluta potestas, cui Senatus populusque Rom. annuebant, & quod ab ipsis fieret, ratum habebant.



Postea verò successu temporis, dignitas Tribunitia imminuta est, seu potius crescente Tribunorum numero, in partes secta, ac per Legiones diuisa: ita ut singulis legionibus seni, & aliquando deni præficerentur Tribuni, & unusquisque sub se, arbitrato Principis, summi Ducis, aut Castrorum præfecti, certas Centurias numeraret. Qui profecto apud diuersas nationes diuersimodè appellantur, & modò ampliorem, modò satis arctatam, ac dependentem à summo duce auctoritatem habent. Apud Gallos, teste Budæo, *Marescalli* titulo insigniuntur. Germani *Colonnellos* nominant, Hispani *Sargentes Maiores*; vniuersi, cum latine scribunt, *Chiliarchas* vocant: quamquam multoties Tribuni nomen retinent, & aliquam in ipsis diuersitatem agnoscunt. Quæ de re unusquisque prout rem apprehendit & iuxta ritum, quem seruat gens sua, vel de qua qui texit historiam loquitur. Certè hic mos regulariter ab omnibus seruari, compertum est, & per hos gradus, militiæ ordines distinguuntur; ut miles gregarius Centurioni pareat, Centuriones sint sub Tribuno, Tribunus præfecto Castrorum subiectus est, præfectus Castrorum Legato, Legatus tandem Principi, aut Supremo militarium Copiarum Moderatori. Apud hunc stat summum imperium armorum, & totius belli dirigendi summa auctoritas; vnde & Imperator dictus est: ab hoc mandata exeunt, ab hoc munia dispensantur, ab hoc poenæ insontes, præmia emeritis decernuntur. Tribunorum est, Imperatoris iussa capessere, militarem tesseram quotidie nouam accipere, alijs ordinibus significare. Quæ omnia ex Polybio, Cæsare, Liviò, & alijs Scriptoribus collecta, latè persequitur Alexand. ab Alexandro *Dier. Genial. lib. 6. cap. 18.*

- 92 Erant etiam apud Romanos in pacis otio Tribuni, quos vocabant, Acra-

Acrarios, (*Aeratos* appellat Cicero) quorum cura erat, alieno ære gra-
uatos inquirere, infelicesque, impotentesque soluere, autoritare,
Principis relaxare, creditoribus satisfaciendo, vel de suo, vel de
ærario fisci: vel etiam (vt *Asconius* opiatur) ea munera in Repub.
obibant, quæ nunc generales Receptores exequuntur, attributam
pecuniam ex publico ærario depromptam, Quæstoribus prouinciâli-
bus enumerando. Erant, & Tribuni Plebis, quorum intererat ad-
uersus Patritios plebem tueri: commoda quærere, illatamque iniu-
riam propulsare: & horum quidem magna erat autoritas, quam-
quam, vt author est *Gellius* lib. 13. cap. 12. neque uocationem ha-
bebant, neque pensionem. Eo quod, inquit, *Tribuni Plebis anti-*
quitus creati videntur non iuri dicundo, nec causis querelisque de absen-
tibus noscendis, sed intercessionibus faciendis quibus præsentibus fuissent, vt
iniuria qua coram fieret, arceretur: ac propterea ius abnuolandi ademp-
tum; quoniam, vt vim fieri vetarent, assiduitate eorum, & præsentium
oculis opus erat. Cæterum, vt dixi, neque Patritios aduocabant,
neque ad eos referre, vlla de re poterant.

TRICHES nominantur à *Ptolemæo* in *Almagesto*, tres stellæ, vna
quartæ, reliquæ duæ quintæ magnitudinis de natura Martis, & Sa- 93
turni, circa caudam Leonis existentes, quas tamen reliquit infor-
mus: posteritas autem adunauit in Comam Berenicis cum alijs octo,
quas *Keplerus* detexit, & vocauit Cincinnos. Vide in *Coma Be-*
renicis.

TRICHORVS, seu TRICORIVM, & TRICORVM erat apud 94
antiquos ædificium; siue conclaue vnū tribus contignationibus con-
formatum, ex græca notatione *Τριμεγν*, quæ tres loculos in vna
eademque re dispersitos significat. Vnde variè, & pro suo quisque
capto, & vsurpatur à Scriptoribus, & à Glossarijs intelligitur; de
qua re magnam quæstionem instituunt eruditissimi viri, *Cæsar. Rodigi-*
nus, Caufabonus, Domitius, Geuartius, & alij, vt mox videbinus.
Alij enim accipiunt pro tribus ordinibus absidum, seu tabulætorum
sibi inuicem insidentium: alij pro tribus cameris, iuxta positis in
eodem plano, sibi que mutuo correspondentibus: alij pro loco aper-
to, tribus accessibus peruio. Difficultatem facessunt diuersæ lectio-
nes, quas non ita facili conciliare in vnum, concessum est. Nam
primò *Spartianus* in *Pescennio*, ita loquitur, vt non triplicem con-
camerationem, aut contignationem, siue in altitudinem, siue in
eandem planitiem distinguam, intelligere videatur. Ait enim de eo:
Domus eius hodie visitur in Campo Ionis, quæ appellatur Pescenniana,

in qua simulacrum eius in Trichoro constituit. Atqui simulacrum vnum in tripartito loco, vtcumque sumas, esse non potest, sed in vno simplici, determinato, atque indiuisibili. Econtrâ Papinius in Tiburtino Vopisci, inter alia magnifica, quæ describit, sunt splendida testâ trichoris distincta. Sic enim loquitur Syluar. 1.

Quid nunc ingentia mirer,

Aut quid partitis distantia testâ trichoris?

Domitius hic existimat, Statium intellexisse testâ magnifica tribus pinnis surgentia; sed non satisfacit; etenim & magnificentiam, & partitionem, & testorum distantiam in eo miratur Papinius. Auger difficultatem Dioscorides, qui de Acacia loquens lib. 1. vtitur hac voce, pro explicandis folliculis, in quibus semen enascitur, & continetur. *Semen educit*, inquit, *in folliculis Trichoris, seu Tetrachoris*, Quare Trichori nomen generale est, & promiscuum, aptabile, siue adibus, siue aris, siue quibusuis rebus tribus loculamentis, aut sanè aspectibus peruijs. Etenim, Altaria Trichora dixit etiam D. Paulinus, à tribus locis spectabilia. & Lapideum Trichorum inuenio apud Ordericum Vitalem lib. 6. Et in quadam inscriptione vetustissima Tolentini reperta, quæ affertur à Grutero, hæc habentur: *Septima Seuerina C. E. marito dulcissimo, ac sibi Sarcophagum, & Pantem cum Tricoro disposuit, & perfecit.* Benè Rhodiginus lib. 18. cap. 11. ab distributione triplici, trichorum posse deduci arbitror; *Chori-æ* in namque disparare indicat. Concordat locus Spartiani vbi supra: nam Atrium domus intelligit, in quo simulacrû suum locauit Niger, triplici ex parte spectabile, ita tamen, vt æquè principaliter omnibus partibus responderet. Id quod itâ explicat Casaubonus. *Magnatum ades*, inquit, *tribus distinctis partibus constare solent; quarum vna ingredienti aduersa occurrit, duæ sunt ad latera: has tripartitas domos Architecti appellabant Trichora.* Architecti nostri hodie vocant papiliones (ædificij corpora vulgò dicimus.) Diuersa testâ sic consurgunt, vt in metatúra Castrorum, separata totidem papilionum fastigia. Pari ratione procedunt Tristega, & Tetraстega, ex numero tabulatorum; vti & Tricinctum, Triforium, & Triclinium, de quibus mox infra. Hæc tamen clariora sunt, & nulla Scriptorum contrarietate, aut caligine offunduntur.

- 95 TRICINCTVM, dicitur ab Architectis militaribus, munimentum triplici murorum ambitu, vel etiam fossæ excauatione vallatum, vt non itâ faciliè, superato ab hoste vno ordine, perrumpi in illud possit, sed adhuc ei multum sudoris, & sanguinis infumendum sit, vt illo potiatur. Sic inter alios, eius rei meminit Vvillhelm. Brito in Philipp. lib. 1.

Puer

Puer impiger illo

*Tempore Tricinctum Castrî, qui continet in se
Iugera multa soli, signis obcinxit, & armis.*

Id frequens erat Antiquis ad maiorem locorum securitatem; quoniam cominus vi, & armis inuadenda erant, & alioqui non multum difficile erat murum deijcere ariete, & alijs machinis impetentibus: quo semel obtento, acta res erat, & nullum restabat obsessis effugium, siue recessus, quo se tutarentur. At postquam inuecta sunt in militiam tormenta ænea, quæ de longè obuia quæque quaterent; & multiplicata murorum recinctus, parum nihilominus obstaret excis bombardarum ictibus, qui sæpius repetiti (nec præcaueri possunt) simul & semel interiores recinctus incommodarent, & vnius ruinæ alijs impedimento essent, & damno, fossisque implendis materiam subministrarent; alia incunda erat munimentorum obfirmatorum ratio, quæ esset expeditior, & ictus euanidos, aut saltem non, tam perniciosos redderet. Quapropter vnus sat fuit murus, sed vallo interius ex aggestitia terra, & propugnaculis exterius in angulum positus, & latiore fossa, & prætuturis, incassum ictus excipientibus, probè munitus. At non ideò neglecta fuit nostris temporibus hæc recinctorum multiplicatio, vt non alicubi, præcipuè in amplissimis, & regalibus munimentis necessaria, saltem ad famam, apud hostes, vt omittant aggressionem incertam, constituram multo sudore, & sanguine, conciliandâ. Quemadmodum non itâ pridem vidimus factum in verè regali, & planè inexpugnabili Arce (Cittadellam dicunt) in Messanæ portu ab Hispanis, magnis sumptibus, maioribusque animis excitata, ad continendos in officio ciues ad rebellandum pronos, & ad excutiendum durissimum iugum, intentos. Vidimus, & mirati sumus amplissimam Molem in medio excursionis brachio, quod portum claudit, & ipsi portui clauso ex vna parte, & aperto exteriori mari, prædominantem, vt nusquam commeatus intercludi possit, neque obsidione arctari. Hæc enim uerò, extructione ad artem, depressa, reliquarum arcium, (quæ plurimæ in continenti sunt) si quâdo in ciuium potestatem veniant; ictus eludit, & fallit. Cæterum, ita triplici muro ad modernam formam, totidemque amplissimis, & altissimis fossis aqua oppletis cincta, vt vel vnum recinctum sufficeret ad locum stabiliendum, itaque omnia tam probè sibi respondentia, & ordinata, vt si vnum fortè intercipi contingat, nil detrimenti patiatur Arx, sed suo munimine sit secunda: quippe vnum, recinctum ab alio sic separatur, vt extrâ sclopi ictum (illos diuidente fossa) nulum incommodum, hinc ab vno ad alterum, possit inferri; & viceversa, ita sibi communicant, vt per arctissimam viam, & pontes declinato-

natorios, solis præfidiarijs, ex vno in alium sit accessus. Egregium sanè opus, & quod fortè plus terroris habet in hostibus, vt animos despondeant, ac desperent, se posse illo aliquando potiri, quam in facto, vtilitatis: sæpè enim magnæ spes fallunt, & magnificæ idèz ad praxim reductæ, multoties à conceptis deficiunt. Et verò de hac instructissima Messanenſi Arce, intelligo fuisse nonnullos expertissimos in ponendis propugnandis & obſidendis munitionibus, viros, benè perpendentes, & obseruantes huius tam celebratæ Arcis situm, formam, fossas, ac Trincintorum ordines, ac dispositionem; improbas consilium, & exclamasse, sparsas in ventos curas, ac tantas opes; ac proinde nullum aliud operæ pretium suos structores relatuſos, si fortè bellum ingruat, quam callidissimi architectoris laudem, & Regiæ profusionis superbi ostentationem.

- 96 TRICLINIVM (vt nomen ipsum præfert) nil aliud denotat, quam Cænaculum triplici lectorum ordine instructum, ad commodè conuiuandum; vti biclinium à duobus stratis inibi lectis, est dictum. Etenim veteres ad maiorem luxum, acclines in lectis circa mensam dispositis, conuiniari solebant: vnde, magnificum ad hoc conclauè in ædibus habebant. Et quia solemne illis erat non plures, nec pauciores, quam tres lectos in eo sternere, ac stratos perpetuò detinere, qui numerus excipiendis quibusuis conuinis sat erat, & mysterium in his agnoscebant; inde factum, vt triclinij nomen absolute huiusmodi discubitorijs stare, etiam postquam vsus discumbendi in mensis ablatuſus est, & sellarum vsus introductus, quæ absque alia consideratione, tot ponuntur, quot ad recipiendos conuiuantes satis sunt: ex quo Triclinij nomen in Refectorium, vtique generalius, ac magis expressiuum commutatum est: quæ præsertim voce vtuntur Religiosi ad designandum locum vbi communiter, & ex instituto, cibum sumunt: ita tamen, vt locus iste à cultioris linguæ scriptoribus non raro Triclinij nomine insigniatur. Et quoniam ea loca publica sunt, atque, non tam ad corpus cibis reficiendum, quam ad animos iucunda conuersatione, & grato aspectu exhilarandos, facta sunt; idèz monet consultò Vitruu. lib. 5. cap. 5. in ijs amplitudinem, speciositatem, abundantiam luminis, & situs opportunitatem, maxime attendendam: Et cap. 7. vult, tria ad minus triclinia in ædibus poni, pro qualitate temporum, & diuersitate aspectuum: & hybernũ vnum, aliud Vernũ, tertium Aestiuũ. Et hybernũ quidem, versum ad occidentem; ideo quod, inquit, *vespertino lumine opus est vti*. Verna verò, & autumnalia, quæ eandem induuentionem, ad Orientem. Cum enim, subdit, *præsentia luminibus aduersus Solis impetus* pro-

progrediens ad occidentem, efficit ea temperata ad id tempus, quo opus solitum est uti. De Aestiuis autem, vult ea parati ad Septentrionem. Quod ea regio, ait, eo quod est auersa à Solis cursu; semper refrigerata, & salubritatem, & voluptatem in usu præstat. At in cubiculis ad secessum, & nocturnam quietem factis, diuersam expetit rationem; nam quo magis arcta, & minus exposita sunt, eò ad consistendum, & somnum capiendum magis idonea, ut consideranti patet.

TRIFORIVM (non *Trisorum*, ut malè aliqui confundunt, quod 97 longè aliud sonat.) Est species quædam Porticus breuioris, quæ sacris ædibus adjici solet, immediatè incumbens exteriori ædificij muro, suprà inferiorem ordinem columnarum, totam ædem circumambiens ad modum claustrum; ad hoc posita, ad liberam deambulationem, pro ijs, qui citrà turbam, & loci sacri incommodationem, illum propius perlustrare, & subiectam aream circumspicere percuperent. At Trisorum nil aliud indicat, quam tres fores in vno eodemque aspectu ad maiorem intrantium commoditatem dispositas. Hæc ex Du-Cante in suo Glossario, qui id comprobat exemplo Ecclesiæ Cathedralis Ambianensis, vbi duplex eiusmodi prospectus circumquaque proiectus inspicitur suprà amplissimam porticum constitutus. Id quod magis explicat, & confirmat autoritate Geruasij Dorobernensis, in Monasterio Anglicano. Vbi inter alia, hæc obseruat in magnifica extruptione Ecclesiæ Cantuariensis. *Hic murus, inquit, Chorum circuiens in circinatione illa piliariorum in capite Ecclesiæ, in vnum conueniebat. Supra quem murum viæ erat, quæ Trisorium appellatur, ac fenestræ superiores, in quibus appositis clauibus, & fornice facta, à turre maiori vsque ad pilarios prædictos, idest vsque ad Crucem, trisorium inferius multis intexuit columnis marmoreis. Mox addit: Super pilarios verò inferius Trisorium, & superius cum fenestris, & fornice maiori. Dictum est autem Trisorium, quod eiusmodi strictioris ambulationis aperturæ intra ipsam ædem duabus columnulis distinctæ, trisorum quodammodo præferunt. Simile quid habemus in multis Italiæ nostræ Basilicis, ac præcipuè Romæ in Basilica Sancti Petri, Sanctæ Mariæ de Pace, S. Agnetis in agone, &c. Veruntamen, quia non eandem formam seruant, sed subdiales sunt huiusmodi ambulationes, ac magis apertæ, non ijs absolute Trisorij nomen applicari potest, sed absolute itiones sunt, ac communiter audiunt Loggiette scouerte.*

TRIGLYPHVS, in opere architectonico notissima pars est, & 98
no-

mobile ornamentum in Epistyllo Dorici ordinis constitutum, respondens ad singula columnarum capitula, in quadrum exurgens, & aliquantulum foras prominens: repræsentat enim tignorum exacta capita in tres sulcos, seu canali culos erectos, aquam è tectis redundantem colligens, & foras emittens, in senas sub se pendulas guttulas, quæ & effectum stillicidij inferunt, & mirum in modum ædificij frontem exornant. Porro inter Epistylia, nullum augustius, & propius ad similitudinem veri accedit, quam Doricum, rata partium distributione dispositum, & mira varietate exornatum: quas inter principem locum sibi vendicat triglyphus, cuius additionis rationem ab origine reuocat Vitruv. lib. 4. cap. 2. *Artifices*, inquit, *quodam in loco ædificantes, cum ita ab anterioribus parietibus ad extremas partes tigna prominentia habuissent collocata, intertignia struxerunt, supraque coronas, & fastigia, venustiore specie fabrilibus operibus ornauerunt. Tum proiecturas tignorum quantum eminebant ad lineam, & perpendicularum parietum, persecuerunt: quæ species, cum inuenuista ijs visa esset, tabellas ita formatas, uti nunc sunt triglyphi, contra tignorum præcisiones in fronte fixerunt, & eas cera cerulea depinxerunt, ut præcisiones tignorum non offenderent visum. Ità diuisiones tignorum tectæ triglyphorum dispositione, intertignum, & opam habere in Doricis operibus cæpere. Postea alij in alijs operibus ad perpendicularum triglyphorum, canterios prominentes proiecerunt, eorumque proiecturas sinuauerunt. Ex eo, uti è tignorum dispositionibus, triglyphi; ità è canteriorum proiecturis, mutulorum sub Coronis ratio est inuenta. Hucusque Vitruuius, omnem triglyphorum in Doricis; canteriorum, mutulorumque in reliquis operibus adiectionem expendens, rationem reddit, cur ea postmodum in opus architectonicum inuenta sint.*

Itraque Triglyphi inter Coronam, ac trabeationem inferiorem, in opere Dorico constituti sunt intra Zophorum, liberam eius excursionem interpellantes, quò venustatem operi adderent, ac maiestatem: atque ideo Triglyphi dicti sunt, quasi *tribus glyphis* constantes; nempe duobus integris in medio, inter tres planas regulas (quas ideo femora dicunt) in formam cuiusdam canalis perpendiculariter excavatis; ac tertio mediũ scindendo, in angulis constituto. Ad cuius pedes regula latior tanquam basis exprorecta est, subtus quam cadentes è triglyphis guttulæ sex effinguntur, quæ opus bellissimè claudunt. Sed id melius intelligetur inspectione schematis, quod exhibuimus in V. *Epistylum*.

99 TRIGONVM, idem sonat græcè, ac Figura triangularis. Ab Astronomis autem pressius accipitur pro aggregato trium signorum, quæ

quæ participant de eadem natura, & qualitate, seseque inuicem de trino radio, per tertiam Cæli partem respicientium. Hinc pro diuersa qualitarum commixtione, quatuor constituuntur Trigona: Ignæ, calidum, & siccum, complectens Arietem, Leonem, & Sagittarium: Terreum, hoc est frigidum & siccum, conflatum ex Tauro, Virgine, & Capricorno: Aëreum, calidum nempe, & humidum, constans ex Geminiis, Libra, & Aquario: ac tandem Aqueum, frigidum, & humidum, in quod confluunt reliqua tria signa, Cancer videlicet, Scorpium, & Pisces. Horum singulis (quas & Triplicitates nominant) binos, aut ternos planetas præficiunt, in prænaturarum conformitatem: cuius conuenientis distributionis haud aspernabilem affert rationem Ptolemæus in Quadripart. lib. 1. cap. 16. estque hæc præsentia vna ex quinque essentialibus dignitatibus quas Planetæ obtinent in signis, & secundum aliquos, potior quam Domicilium. Vocatur etiam Trigonus, tadius per tertiam Cæli partem porrectus, qui & Trius, de quo mox infra. Hinc

TRIGONOCRATOR communiter appellatur, præsertim ab Arabibus & Chaldeis, Planeta, qui est dispositio vnus ex hisce Trigonis, cui videlicet ob naturæ conformitatem hæc dispositio conuenit, qui & alios in sui consortium ex eadem ratione admittit: vt trigoni ignei dispositores sunt Sol, & Iupiter, quia masculi sunt, quia vincunt in caliditate, & quia demum ius domicilij obtinent super duo signa, Leonem, & Sagittarium. Excluditur autem Mars, quamuis alioqui summè calidus, & siccus, quia in eo abundat, & præualeat siccitas, qualitas passiva, vnde Planeta nocturnus est, & aliqui eum faciunt femininum. Aliam rationem affert Ptolemæus, quia nimirum aduersatur conditioni Solis, & ideo illum præficit Trigono aqueo cum Venere, & Luna. Sic Aëreo præfunt Saturnus, & Mercurius; ac Terreo Venus, & Luna: vt videre est in Tabella, quæ communiter circumfertur. 100

TRIGONOMETRIA scientia est Geometriæ subalterna, quæ versatur circa analysin, & naturam triangulorum, traditque modum resoluedi omnia triangula tam plana, quam spherica; quo videlicet, datis lateribus dignoscuntur anguli, aut e contra, vel datis tribus terminis, vno scilicet angulo, & duobus lateribus, vel vno latere, & duobus angulis, dimetiuntur reliqui. Pro quorum resolutione, aptissima venit Tabula Sinuum, Tangentium, & Secantium, quæ ostenditur respondentia chordarum ad circumferentiam, 101

& lineas tangentes, & secantes, quæ omne genus triangulorum efformant, & in seipsis includunt.

102 TRINVS RADIVS est familiaritas, & conuenientia inter duos Planetas, qui in distantia quatuor signorum Zodiaci, seu tertie partis cæli, hoc est gr. 120. sese respexerint. Et quoniam huiusmodi radij in Cælestibus correspondent interuallis Musicis, quæ faciunt consonantiam, vt alibi ex Keplero notatum est; hic radius habet proportionem ad quintam, vt chorda in Monochordo in tres partes æquales diuisa, consonat quintæ, ad aliam similem ex toto protensam, vbi facit gratam, & dulcisonam melodiam; ita hic radius de sua natura est felix, & valdè efficax, atque in signifero vt Planetæ apti sunt illum contrahere maximè attenditur, adducitque effectus bonos, & satis patentes in ijs, quæ naturaliter significantur ab illis. Cuius bonitatis, & amicitie causam acceptam fert Ptolemæus ad similitudinem sexus, eo quod, inquit, omnia sunt masculina, vel feminina. Sed hæc ratio iure videtur Magino, in Primo Mobili Can. 39. valdè debilis, & infirma: nam, vt ipse aduertit, oppositio sit in magna distantia, quæ respondet tonis musicis, ad octauam, estque inter duo signa sexu similia, & nihilominus hostilis est, immò & nequior ipso Tetragono, vt proinde vocetur aspectus perfectæ inimicitie, vt trius perfectæ amicitie. Quapropter benignitas huius radij consistit potius in conformitate naturæ ob similem omnino mixturam qualitatum; quod in alijs aspectibus reperiri non est, nisi in sextili, ob conuenientiam in vna saltem qualitate, quæ in ambobus signis præualet, necnon in conditione temporis, & sexus. Quid ideo dicitur participare de trino, & æstimatur radius amicitie imperfectæ. Vide quæ diximus in V. *Familiaritas*.

103 TRIPANTVM Machina bellica est in genere Lithobolarum, quæ maximè erat in vsu, tribus ab hinc sæculis; sed postea sensim succedentibus bombardis, in desuetudinem abiit. Qualis formæ, & vsus fuerit, satis diligenter describit Aegidius Romanus par. 3. de Regim. Princip. cap. 18. & nos nonnihil de ea annotauimus in V. *Briccola*, cum quibus aut confunditur, aut valde conuenit.

104 TRIPORTICVS, vt nomen ipsum indicat, in genere archætonico audit amplissimum ædificium, seu Porticus ante illud extracta triplici columnarum ordine, seu potius fornice, supra duos
in

in medio consistentes columnarum ordines, superstructo, magnificentissime ornata: quæ olim maiestatis, & conciliandæ religionis ergo, ante sacras ædes ædificari solebat ad commodum splendidumque conuentarum receptum. Cuius potissimum mentionem facit Sidorius Apollinaris, vt nos alibi adnotauimus. Sed non in totum exoleuit hic mos apponendi Triporticum ante Sacras Basilicas. Videmus nos, paucis ab hinc annis, pientissime simul, ac magnificentissime renouatum ab Alexandro VII. magnorum spirituum Pontifice, ante Basilicam Vaticanam, amplissima extructa Triportico, quæ totam aream, perinde ac nobile Theatrum, stringit: vt nescias an magnificentia, ac maiestate contendat cum nobili ædificio, cui posita est, an dignior tanto ædificio poni poterat.

TRIQUETRVM, latinè Triangulum: ab Astronomis applicatum est nomen tribus stellis in Australi plaga, non ita pridem detectis prope Circulum Antarcticum, in trianguli ferè æquilateri formam abeuntibus, de natura Veneris, & Saturni. De quibus hæc fatur Petr. Io. Faber lib. 2. cap. 3. *Inter omnes stellas Trianguli nostri, efficacior est illa secunde magnitud. in cuspide Trianguli collocata, & est Veneris proprietatis, & efficacia: reliquæ sunt omnes Saturni virtutis, quæ Veneream virtutem coarctat, & cohibet. Et harum proprietate, & efficacia, qui Polum antarcticum habitant, tristes admodum sunt, & melancholici; sed Veneris virtute subleuantur ab illa insigni tristitia; & genio indulgent, & rebus Venereis: à qua etiam germinatio, & fertilitas in hac terra polari dependet, quod humidum pingue calido naturali permixtum terræ infundat, & impertiat, è quo soli fertilitas, & germinatio ortum habet. Ab hac etiam stella producitur cuprum, Vitriolum, & Marcasitarum genus, quo polus hic antarcticus abundat. Hæc Faber. Sed eius fides apud me nutat, quia sæpè falsus, & facilis ad pronunciandū de his quæ non nouit, inuentus est. Certè de his stellis, quæ suprâ nos sunt, atque adeo earum naturam, & influxus particulares, non ab ipso edoceri opus habemus, idipsū facit: vnde & cautiùs scribere operæpretium erat: nihilominùs, cum de ijs loquitur turpissimè labitur, & mille ineptias nectit, vt alibi notatum est.*

TRISPASTVM in Mechanicis dicta est machina tractoria tribus trochleis ad trahendum instructa. Vt *Polispastum*, vt nomen indicat (de quo suo loco) constat ex pluribus indefinitè, & ad tempus adhibitis. Sed in hac machina, quæ in præsentī occurrit, terni orbiculorum ordines in latitudinem disponuntur, qui communicata inuicem potentia, mirum in modum virtutem impulsuam intendunt,

& augent; vnde fit, vt grauissima alioqui pondera, quæ plures potentia simul vnitz loco dimouere haud possent, hac machina, leui opera subleuantur. Eiusmodi fama est, fuisse eam, quæ vsus est Archimedes, quum mille frumenti modios è naui ad terram attraxisset, adhibita tantummodò læua manu, ferunt Plutarchus, & Oribasius. Et Vitruuius quidem lib. 10. cap. 5. & 5. à numero orbiculorum denominatam censet: vti si in ima trochlea (verba ipsius sunt) *duo orbiculi; in superiori tres versantur, id Pentastrapton dicitur*. Verum Oribasius in lib. de *Machinam*. cap. 24. Vult potius, à tribus funibus, qui eam agitant, orbiculosque ducunt, appellationem sumpsisse, qui ad eam agendam necessarij omninò sunt, vnus exterius ambiens, qui motum toti artificio præstat; alij duo intrinsecus appliciti ad trochleas. Quorum vsum ita describit Vitruuius loc. cit. *Ita tres ductarij fines in summo machine religantur: deinde referuntur ad imam trocleam, & traiciuntur ex inferiori parte per eius orbiculos summos: deinde referuntur ad superiorem trochleam, & traiciuntur ab exteriori parte in interiorem per orbiculos imos. Cum descenderint ad imum ex interiori parte, & per secundos orbiculos traducuntur in exteriorem, & referuntur ad summum, ad orbiculos secundos traiectione, redeunt ad imum. Ex imo referuntur ad caput, & traiectione per summos redeunt ad machinam imam*. Hæc Vitruui. ex cuius contextu porro deducitur, totam machinæ actionem fundari in triplicato necessario fune per orbiculos ducto, ac circumducto, facilitatem verò agendi haberi à versatilibus rotulis, quæ quò plures sunt, eò expeditiores euadunt ductarij fines, qui totam machinam agitant, proindeque ex seipsis denominant. Rationem verò maioris agilitatis in machina, absolutè referendā esse plurimis orbiculorum conduplicationibus, funibus attrahendi vim adaugentibus, disertè tradit Leo Albertus de re ædificator. lib. 6. cap. 7: dicens. *Quot erunt istiusmodi conduplicationes, tot erunt ponderis dispersiones. Ex quo illud sequitur, vt quò plus adhibeantur orbiculi, eò pondus quasi concisum, & in partes disgregatum commodius traestetur*. Sed vide quæ ad hanc rem, diximus generaliter in V. *Polistrapton*. Hinc

107

TROCHLEA quid sit, & quod munus obtineat in machinis traçoirijs, manifestè deducitur. Est enim notissimum, & simplicissimum organum, quo per innixam axiculo rotulam, ductarius funis in cauam ipsius peripheriam receptus, vltro citroque fertur ac volutatur, adeoque apprimè conducit ad subleuanda, vel demittenda pondera, quemadmodum vsitatum quotidie videmus in puteis, ad hauriendam aquam. Quod ideo ab vno fune ductario & vna rotula Mo-

nos-

noſpaſſum appellant Græci , & in proprietate verborum ſiſtentes cultiores è Latinis Machanici . Sed trochlea vox magis recepta , & vulgarior , qua vtuntur paſſim Scriptotes Claſſici , & emundæ nariſ, in quibus Budæus, cæteroqui lubenter græcizans , aſſerens, *Trochleam* ſignificare totam illam machinam , qua continet rotulam , & axiculum per rotulam traiectum , circa quam rotula verſatur ; & propterea duſtarium funem , qui circa orbiculum currit, quales in puteis videmus. *Rechamum* nonnulli cum Ariſtotele appellant, vt diximus ſuo loco .

TROCHILVS in Architeſtura audit cauum illud, ſiue ſimplex, ſiue **108** duplex , quod efforniat in baſi columnæ Doricæ , Ionicæ , & Corinthiæ, inter torum , & aſtragalum . Quam forte appellationem, deſumpſit à trochlea modò dicta , ſeu rotula ſtriata in planum poſita & reſupinata , cui ſuperpoſitus ſit torus, vel aſtragalus , vt profeſſo ex ea nil aliud perſpicuum ſit, quam pars extrema in cauum ducta. Hæc enim pars intrâ recedens inter duas exuperantes , cum ſuis regulis diſtinguentibus, mirum in modum auget aſpectus venuſtatem, ſua illa interciſione & varietate , quæ in Dorica baſi vnica eſt , in Ionica , & Corinthia duplex, interieſtis regulis . De quarum proportionem hæc habet Vitruu. lib. 3. cap. 3. *Dempta plintho , reliquum* (baſis) diuidatur in partes quatuor : fiatque ſuperior totus quarta : reliqua tres aqualiter diuidantur , & vna ſit inferior torus, altera pars cum ſui : quadriſ, Scotia, quam Græci *Trochilon* dicunt . Et hæc in Dorica, quæ vnum trochilum inter duos toros admittit . Pergit poſtea tradere præcepta de ijs, quæ duos trochilos habent . Sin autem Ionica ſint faciendæ, ſymmetriæ earum ſic erunt conſtituendæ , vt latitudo ſpiræ quoque verſus ſit columna craſſitudinis , adieſta craſſitudine quarta , & octaua altitudo vt i atticurgis : ita eius plinthos , reliquumque præter plinthon , quod erit tertia pars craſſitudinis columnæ, diuidatur in partes ſeptem : inde trium partium torus qui eſt in ſummo , reliquæ quatuor partes diuidendæ ſunt aqualiter , & vna pars fiat cum ſuis aſtragaliſ, & ſupercilio, ſuperior trochilus ; altera pars interiori trochilo relinquatur : ſed inferior maior apparebit , idè quod habebit ad extremam plinſbum proiecturam . De Corinthia nullam expreſſam mentionem facit, vt aduertit Philander , quia eadem ratio de illa eſt . Quam (ſubdit) *Architeſti*, vt efficerent *Vitruuiana* Ionica, inferior emtorum addiderunt. Vtriuſq; autem deformationem , & per partes explicationem, vide apud Philandrum in Digreſſione, quam ad hanc rem facit, ad citatum locum Vitruuij . Vide etiam quæ diximus in V. Scotia.

TROIA communiter dicta est, quæ ab Græcis, generali vocabulo, *Sciomachia*, hoc est ludrica concertatio, & umbratilis pugna, ex quo, ab Troiæ extorribus adolescentibus, qui Aeneam in Italiam, transmigrantem sequuti sunt, primò instituta est in Sicilia, ipso promotore, in celebrando Anchisæ parenti funere. Quæ postea ab Ascanio Aeneæ filio, post Albam conditam, instaurata, & melius ordinata fuit: ac tandem à Romanis ad militiam natis, ac totius Orbis Imperium affectantibus, magno cum plausu recepta, vti militaris virtutis exercitatio, ac documentum, inque Circenses ludos translata. Id quod eleganter expressit Poeta, *Aeneid. 5. cum dixit.*

*Tunc morem cursus, atque hæc certamina, primus
Ascanius, longam muris cum cingeret Albam,
Rettulit, & priscos docuit celebrare Latinos:
Quo puer ipse modo secum, quo Troia pubes
Albani docuere suos. Hinc maxima porro
Accepit Roma, & patrium seruauit honorem;
Troiaque nunc pueri, Troianum dicitur Agmen.*

Idque adeò apud omnes Latinos Scriptores inualuit, vt iam non alio nomine quatumque equestres decursiones, hastiludia, torneamenta, aliasque huiusmodi exercitationes, exprimerent, quam Troiæ, vnde originem traxerunt, & omen,

109 TROIA etiam appellata est Machina bellica ad suffodiendos muros facta, cuius meminit Turpinus in Vita Caroli magni, & formam & vsum diligenter examinat Lipsius in *Poliorecticis*.

910 TROPÆOPHORI, authore Bulengero to. 2. cap. 2. dicti sunt Arcus Triumphales tumultuario erecti, & ab initio informes, & rudes, sine vllò ordine Architecturæ &c. qualis speciem videre adhuc licet in ruderibus arcus Romuli in Capitolio excitati, dum de Vientibus triumphum ageret. Qui mos antiquissimus fuit, vt apparet ex sacra Regum Historia, non vno in loco, vbi in ingressu Victoris in urbem, post victoriam reportatam; huiusmodi arcus ex imposito lapide erigebantur, atque in ijs spolia ex hostibus relata in trophæum, & æternam rei memoriam, appendebantur, aut exculpebantur. Ex quo fortè, vt ipse Bulengerus coniectatur, Tropæophori denominatio ipsis applicita, à Trophæis, facili conimutatione deriuata fuit.

III TROPICI in Primo Mobili, & in Sphæra armillari, (quæ illud cum

cum omnibus suis affectionibus, ad viuum representat dicuntur duo Circuli non maximi, æquè hinc ab æquatore distantes per intervallum gr. 32. cum dimidio, alter ad Polum arcticum vergens; alter ad Antarcticum; denominatus ille Tropicus Canceri, iste Tropicus Capricorni, eoquod ab his terminis, seu punctis, initia habent ea Signa. Dicti sunt autem Tropici à græca notione *ἑρως*, quæ regressum, & conuersionem significat: eoquod Sol ea puncta attingens, vltra non progreditur, sed quodammodò sistit (vnde Solstitia) & ad æquatorem conuertit iter. Porro in his punctis Sol efficit dies noctibus maximè inæquales, itaut in nostris regionibus septentrionalibus citrà æquatorem, faciat dies longissimos, & noctes breuissimas, cum est in Cancro; contrà cum in Capricorno. At in Australibus trans æquatorem, contrarium accidit: arcus enim diurnus consistentiæ Solis suprâ terram, in his amplior est, quam nocturnus suis in regionibus, vt videre est in sphaera materiali. Aliud etiam munus præstant Tropici, nempe dispescere Zonam temperatam, à Torrida, quæ completitur totum id spatium, quod est inter Tropicos. Ipsi autem hinc inde definiunt Zonas temperatas, quæ extenduntur vsque ad Circulos minores, Arcticum, & Antarcticum; intra quos constitutæ sunt Zonæ frigida. Vnde in vniuersum, quinque sunt Zonæ intra quatuor circulos minores comprehensæ, quas elegantissimè describunt duo Poætæ, principatum tenentes inter Latinos, nempe Virgilius in Georgicis, & Ouidius in Metamorphos. Sed de his, & earum qualitate recurret sermo, suo loco.

TRVLLVS in Sacris olim Græcorum ædificijs audiebat amplius, I I 2
& sublimis Testudo, erecta in sphaeræ similitudinem, vti videre est Constantinopoli in insigni Templo S. Sophiæ, quam magnam templi sphaeram appellat Zonaras, à Iustiniano Imperatore positam, & suo tempore collapsam, sed mox ab eodem magnificentius restitutam; ac postea à Iustino successore, substratis in quatuor angulis, quæ arcus sustinerent, magnis columnis, firmissimè stabilitam. Celebrior factus est locus à Synodo Oecumenica sexta inibi celebratus, seu potius in Secretario Sacri Palatii, quod cognominatum est Trullus, inde dicta Trullana. De qua re vide Cu-Cange in descript. Templi S. Sophiæ. Cæterum omne ædificium rotundum concameratum in formam oui, dictum est Trullus, vnde etiam Romæ, Anastas. Bibliothecar. refert in Sergio Papa, quod Trullum Ecclesia suscecharis plumbeis cooperuit, atque vniuit. Et alibi sæpè. Nos Cupulam vocamus.

TRUNCVS communiter appellatur crassior, & potissima arboris pars, quæ è radice exurgit, ac postea in ramos spargitur, & dilatatur, itaut quæ inter ramos, & radices mediat, truncus dicatur. Per translationem verò, sumitur ab Architectis pro illa parte Columnæ, aut Stylobatæ, quæ inter basim, & supremam coronicem, seu veriùs capitulum, intercipitur. Certè Vitruu. ipsum scapum, & fustem columnarum, absolute truncum appellat. At Palladius & alij recentiores (nescio quæ ratione) Dadum, & Zocum nominant, resque inter se confundunt. Nam Dadum, vt alias diximus, appellat, & signat propriè plinthus, quæ in ima basi spiræ, subleuatur aut capitulis superimponitur, quæ alio nomine *Abacus* nuncupatur. Quibus oninibus Trunci nomen haud conuenit, ex quo ab arboribus ortum traxit.

- 113** TRUTINA crassiusculè accipitur pro libratorio quouis organo, & instrumento: cuiusmodi sunt Libra, Statera, Libella &c. vti Trutinæ nomen vlturpasse videtur Vitruu. lib. 10. cap. 8. cum in descriptione Vectis: vbi explicat miram eius vim, ait: *Id autem ex trutinis, quæ Statera dicuntur, licet considerare.* At veriùs, & in germano sensu, Trutina signat ipsam exauiem, seu locum fixum in Statera, & eiusmodi libratorijs instrumentis, qui refert centrum ad quod dirigitur æquipondium; vbi videlicet innixa est ansa seu spartum, in axiculo, qui stat pro hypomochlio; cui in scapo respondeat lingua hincinde, pro variatione momentorum, in appositis ponderibus inclinans; quæ proinde verè, & propriè sibi trutinæ nomen, & officium vendicat, ad quam fit examinatio. Quocirca in vno eodemque instrumento, plurinæ, & variatæ subinde considerari possunt Trutinæ, & centra, secundum quod variè constituitur æquilibrium. Id quod acutè obseruauit Philander prædictum Vitruuij locum expendens. *Examen, inquit, cum summo medio ansa puncto respondet, nec in hanc, aut illam partem inclinatur, fit æquilibrium, siue æquamentum dicas cum Sexto Pompeio.* Et infra: *Scapus fit vectis. Puncta in scapo esse pro hypomochlio, sunt qui dicant: nos verò axiculum, quo in ansa versatur scapus, intelligimus.* Sed quid opus ad stipulatorem in re conpertissima? Cùm Aristoteles, in reductione Stateræ ad rationem vectis, id manifestè dicat, & plura centra, quæ hypomochlium referant, vnde trutinatio exurgit, admittat? Is enim in Mechanicis quæst. 20. sic loquitur. *Libram quidem vbi spartorum quodcumque sit centrum. In altera enim parte lancem, in altera autem pro lance æquipondij appendiculum habet, quod libræ incumbit, ceù si quis alteram apponeret lancem, & illi pondus imponeret.* Manifestum enim, quod tan-

enndem trahit ponderis ei quod in altera iacet lance. Quemadmodum autem, si una libra multa sint libra, sic talia insunt sparta multa in eiusmodi libra; quorum uniuscuiusque quod intrinsecus est ad appendiculum, statera est dimidium, & omnino isthuc libra est: unam quidem habens lancem, in qua pondus appenditur, alteram verò, ubi in statera equipondium. Quamobrem appendiculum ad alteram sui partem est statera. Huinsmodi autem existens, multe sunt libra, totque, quot fuerint sparta. Ergo Philosopho aliud Trutina, seu examen (quod libræ nomine denotat, quia id vnice est, quod pondera simul confert, & librat) aliud statera, seu quodlibet aliud ponderatorium instrumentum, itaut hoc, veluti sui partem, eamque potissimam quæ toti instrumento ponderandi virtutem communicet, trutinam librantem includat: quin & plures in eo concipi possint, & pro varia spartorum collo- catione, & centri variatione aptari ad æquilibrium obtinendum. Hæc pro rei veritate, & propria verborum significatione. Cæterum non melatet, alios Scriptores indiscriminatim, omne instrumen- tum ponderatorium Trutinam vocitasse; sed qui non æqua lance, verba ad rerum significatarum ratione expendere, serioque truti- narentur. Cornutus autem optimè eius differentiam nouit, scri- bens, Trutinam esse foramen intrà quod est lingua bilancis, ad quod est examinatio; quod alij Aequamentum, alij Librammentum, alij Aequili- brium vocant. Quò nihil aptius nihil preffius, nihil expressius ad supraactam Philosophi explicationem.

TV

TVBA bellicum instrumentum sonorum ex ære, argentoue incur- uum, vnum præcipuumque è tribus militaribus signis, dans copijs ad præliandum, dispositis agendorum directionem, animumque ad fortiter dimicandum. Differt à Buccina, tum forma, tum munere, nam buccina omnino recurua est, & in circulum abiens, ab initio exilis, & sensim dilatur adusque extremum orificium: Tuba dire- cta, & eodem semper tenore procedens, quoad seniel & iterum re- curuata, in tres veluti canales dispescitur, per quos transiens vox acuitur, attenuatur, & in varios sonos intenditur, & aptatur: vnde Veget. lib. 3. cap. 5. Tuba, inquit, quæ directæ est, appellatur, buc- tina, quæ in semetipsam æreo circulo flectitur. Differt etiam usu, & offi- cio; etenim buccina classicum occinebat, & tantummodò prælij incundi signum dabat; Tuba autem in ipso prælij ardore adhibeba- tur vt directrix armorum, quid faciendum, quò progrediendum, ubi maximè insistendum, pluribus alternantibus motibus, veluti articu- latis vocibus exprimens, & alioqui decertantibus alacritatem inge- nerans, nūneque equos militumque animos extimulans, accendens-

H h h h h h

que

que ad pugnam: id quod acutè expressit Poëta Aeneid. 6.

Aere ciere viros, Martemque accendere cantu.

Sed nullibi expressior Tubæ descriptio, atque ab reliquis statu personantibus organis, in affectibus commouendis diuersitas, quam apud Florid. Apulei, lib. 3. *Siquidem, inquit, vox hominis, & tuba ruidiore toruior, & tibia questu delectabilior, & fistula susurro iucundior, & buccina significatu longinquior.* Quandoquidem buccina grandiore sonitu prædita sit necesse est, vt ad totius exercitus aures peruadat; tuba viuidiore, vario, & terribili, quò bellatorum animos ad conferendas manus accendat. Hinc Cicero ad Herenn. liber. 4. exprobrat. *In concione de virtute loqueris; in pralio tuba sonitum perferre non potes.* Ad hæc vide, quæ in Buccina diximus.

115

TVBVS OPTICVS ab eius forma, & officio, expressiuo satis vocabulo, statim ab eius inuentione nominari cæpit instrumentum, visorium tubo constans, ac duobus spicillis ad extrema in certa ab se distantia collocatis, quò mirum in modum, species obiectorum, per illud transeuntes intenduntur, ac dilatantur, pro diuersa eiusdem positione; quò sic alteratæ ad oculum terminant, redduntque obiectum in suo naturali statu visibile, ac veluti indistans, & præsens. Præclarum sanè inuentum, & artis miraculum; quod sibi arrogant Batavi, ex quodam Io: Lipperlain Zelando, conditione humili, optica prorsus ignaro, & professione, simplici spicillario; quem ferunt, casu quodam die, ex fortuito duorum spicillorum concursu, quorum alterum conuexum erat, alterum concauum, haud sine admiratione animaduertisse obiecta mirum in modum augeri, & cæcè proximè oculo adnota constitui. Quo viso, vt rei periculum faceret, vtrumque vitruum in tubum seu canalem vndique tectum, quò species non diuergerent, ita disposuit, tandiùmque oculis admo- uit, retractis, atque approximatis ab inuicem vitris, quoad voti compos, alios in diuersa proportionem compositos obseruauit, ac tubos opticos conficere tandem edoctus est. Qui postea nouis obseruationibus, & ab intimis Opticæ penetrabilibus, petitis rationibus, sapientiùs concinnati in varias species abiere, pro diuersimoda radiorum visualium proiectione, vt nunc videmus, non sine magno Reipub. bono, ac mathematicarum artium incremento, variisque nominibus dignitati operis respondentibus insigniti, ex græcæ notione depromptis, vt mox dicemus. Sed vt ad tubi optici primordia reuertamur, non equidem sua laude defraudandus est Io: Bapt. Porta Neapolitanus, felicissimus eiusmodi Naturæ arcano-
rum

rum rimator, qui longè ante Zelandum, arcanum hoc penetravit, & in sua Magia naturali lib. 17. cap. 2. ante annos circiter 50. eius conficiendi artificium docuit, sed mysterio, non nisi doctis viris intelligendo. Quod postea in eiusdem recognitione magis explicuit cap. 10. sed typis vulgò committere superedit, vt testatur Scottus in Magia Telescopica, cap. 1. qui tamen illam se vidisse refert, & hæc inde ad propositum excerptisse. *Concava lentes quæ longè sunt, clarissimè cernere faciunt; convexa, propinqua. Vnde ex visus commoditate his fuerit poteris. Concauo longe parua vides, sed perspicue: convexo, propinqua maiora, sed turbida. Si utrumque rectè componere noveris. Et longinqua, Et proxima, maiora, Et clara videbis.* En tibi paucis exhibita Theoria, eius quod casu accidit Batauo, si tamen verè ipse arcanum tenuit. Id quod probe intellectum ab ingeniosis viris, qui subsequuti sunt, felicissimè eius diuersimode componendi noticiam compararunt. Ac primò Lincæus ille Astrorum detector, Galilæus Florentinus in *Telescopio*, quod concinavit ad sidera contemplanda, adeoque tali nomine decoravit, cuius vberimos fructus, quos retulit, expressit in *Nuncio Sidereo*, nos subinde suo exemplo docens & artem per æthera nauigandi, & oculis assequi, quæ Veteres, summa caligine offusi, ne suspicione quidem attingere valuerunt. Sequuti sunt alij, alia *Telescopia*, multiplicatis lentibus compingentes, non sine magno operæ fœnore. Quos inter, Eustachius de Divinis Romanus, nostris diebus, aliam tubuli optici parandi viam iniit, *Telescopio* prorsus aduersam, quo nimirum, non distantia obiecta oculis spectanda sistuntur, sed præsentia, tenuitate sua, vix oculo puro discernibilia, ita augentur, vt exigua arenularum granula magnos lapides, eosque gemmeos referant, & minutissima animalcula, tanquam ingentia, & horrenda monstra appareant, suis (nec utique fictis) ricibus, vnguibus, cornibus, cuteque pilis obducta distinctissimè conformata, vt horrorem simul, & iucunditatem aspicientibus incutiant. Quod ideo *Microscopium*, apto ad rem significanti nomine, placuit appellare. Dicitur est etiam *Engiscopium*, quasi præsentium, & vicinarum rerum introspectio, quod intimas earum fibras, latebras acumine suo penetrat, & attingit. Quæ quidem cum *Telescopijs* in genere, representandi obiecta, alteratis speciebus conueniunt, sed in modo representandi, toto cælo discrepant: Nec minori deinde laude celebrandus est Ioseph Campana.

Quorum in assignanda ratione conuenientiæ, ac disconuenientiæ totus est P. De-Cales in *Cursu Mathem.* tom. 2. tr. 13. lib. 2. Diopt. vbi etiam modum tradit, quo *Telescopium* in *Engiscopium* verti possit, sed meo captui satis obscure, & alioqui fusè ninitis

vsque ad nauseam. Sed quoniam in hoc sumus, præstat rem breuiter, ac dilucide definire ex sententia P. Eschinardi ex eadem Societ. Matheseos olim Professoris in Collegio Romano, qui profundissimam eius doctrinam iamdudum explicauerat in sua Optica, ac nouissimè in Epilogum redactam, prælegit in celebri Academia Physiomathematica aperta in commune bonum in ædibus Illustrissimi Domini Ciampini Romæ: quam ex integro hic apponere non grauior. Sic enim discurret. Primò dico, Microscopium compositum extendi posse ad videnda obiecta in distantia etiam maiore, quam fieri soleat, nec dari terminum alium, quam peritiam ipsius Artificis, aut arbitrium: quod valet etiam in Telescopio. Disparitas formalis inter Microscopium ac Telescopium, est in ipso modo, quo eo utimur: nempe ut Microscopium tantumdem distet ab obiecto visibili, quanta est semidiameter sui obiectiui vtriusque conuexi, si conuexitates sunt æquales, prout solet fieri: Telescopij autem distantia ab obiecto est omninò indeterminata.

I 17

Quod autem vitrum obiectiuum in Microscopio, sit ut plurimum minoris sphaeræ, quam oculare, contrà verò sit in Telescopio; hoc fit per accidens, eoquod obiectiuum minoris sphaeræ, potest ac debet vtiliter magis approximari ad obiectum: & ideò sortitur angulum visorium in vertice incidentiæ maiorem; vnde fit, ut exinde augeatur imago: non est autem adeò vtile oculare minimæ sphaeræ. At contrà in Telescopio, eoquod supponatur non posse approximari ad obiectum; quantò obiectum erit maioris sphaeræ, tantò magis amplificabit apparentiam posita eadem obiecti distantia. Cum igitur oculare debeat esse paræ sphaeræ, contingit, ut in Telescopio oculare sit semper minoris sphaeræ, quam obiectiuum ipsum. Immo, si oculare esset maioris sphaeræ, quam obiectiuum in Telescopio, (hoc est ad obiecta remota multò plùs, quam sit semidiameter obiectiui) minueretur potius apparentia, quam augetur. Cuius rei experientiam sumes, si vtaris Telescopio inuerso. Atqui in mea Optica demonstraui, tantumdem minui apparentiam infra visionem naturalem, adhibito Telescopio inuerso, quàm augetur suprà naturalem, si vtaris Telescopio rectè, prout solet fieri.

I 18

Aduerto etiam vniuersaliter procurari, ut tam Telescopium, quam Microscopium sit breue, ut melius ac facilius rem assequamur. Cæterum si non curet quis de breuitate, ac longitudine; poterit, seruata proportionem, idem obtinere in Microscopio composito longiori; quod erit etiam aptius ad videndas minimas partes obiecti, inæqualiter distantes, ad quod obiectiua minora non sunt apta. Idque procedit solum in Microscopio composito, de quo ser-

fermo est, non de simplici. Nam si vtaris Microscopio simplici; hoc est, vna tantum lente formato, aliter experieris. Quò enim lens erit minoris sphaeræ, eò maior fiet apparentia ob maiorem obiecti approximationem, & inde maiorem etiam angulum visorium. Quæ doctrina vniuersaliter attendenda est pro omnibus ocularibus. Hæc Eschinardus.

Hactenus de Tubo optico monoculo; cuius vsus iam frequentissimus, & vsualis est, data proportionem in quacumque distantia; Cæterum eius occasione quari potest, An simili ratione parari queat tubus lator, & binoculus, hoc est, qui minore fastidio, & labore, det conspici posse obiectum longinquum ambobus apertis oculis. Quæstionem proponit, & feliciter terminat P. Antonius Maria Reyta Capuccinus, asserens id eadem felicitate perfici posse, circa obiecta tamen non multum distantia. Nec quidem eius compositio valdè operosa est, cum eadem via procedat, ac Telescopij monoculi artificium, modò binæ oculares lentes omnino pares adhibeantur, totidemque obiectiua; atque in canali ita aptentur, vt sibi ad idem punctum respondentes, radium visualem terminent, ac nihilominus binis oculis probè admoti inseruiant; in quo tota difficultas constructionis consistit. Id autem, quonam pacto obtineri possit, his verbis docet apud eundem Scottum loc. cit. cap. 4.

Fiat, inquit, Canalis figuræ oblongæ, itaut oculis applicatus ambos obtegat, & comprehendat; ex cuius porro orificij superiori margine oculis admoenda, tantus arcus excindatur, vt frontem capiat; infernè verò similiter ex medio marginis particula excauetur pro nasi eminentia immittenda, itaut hoc modo oculi, respectu conuexorum ocularium perpetuò firmum statum, & situm suum retineant, quod omninò fieri necesse est. Muniatur deinde tubi quilibet canalis suo assario oblongo, vt in tubo monoculo fieri assolet. Quibus factis, necesse est, te habere duo conuexa obiectiua ex eadem patina elaborata, omninò eiusdem æqualitatis, latitudinis, & crassitie; & alia duo ocularia prorsus æqualia, atque iisdem scutellis parata: quæ ita in canalem disponantur, vt ocularium vitrorum centra, pupillas vtriusque oculi tui diametraliter semper respiciant; hoc est, vt tantum centra eorum ab inuicem distent, quantum vna pupilla oculi tui ab altera remota est. (quam quidem distantiam beneficio circini & speculi, non ægrè habere poteris.) Vitrà verò duo obiectiua paulò sint tibi viciniora, prout obiectum longius, aut propinquius erit à videntis loco. Quò magis enim fuerit remotum, eò oportet ea iam dicta obiectiua conuexa esse in tubo magis ab inuicem diducta, & remota: & viceuersà, quò minus,

nus, tantò magis etiam opus est ea sibi inuicem approximare. Et ita profectum erit artificium.

- 121 Subiungit deinde modum, quo duo vitra obiectiua in dicto tubo binoculo, magis minusue contrahi, aut diduci possint, inuariata, partium ad se respondentia, & artificij textura. Si nimirum rotula aliqua dentata inter vtrumque vitrum, assarijs, vt vocant, aut laminis ex aurichalco, aut alia solidiore materia factis inclusum, posita, eadem modò lente, ac leniter astringat, modò relaxet. Tali profectò tubo binoculo hac methodo à se fabricato, & ad experimentum adhibito, testatur idem author, se obiecta triplo maiora, imò & quadruplo, quem nudis oculis ad datam distantiam aspicerentur, eaque clariora, & in partibus distinctiora, sæpius conspexisse. Quod etiam à se in praxim deductum, asserit Scottus, optimè, & feliciter contigisse,

- 122 TVRMA, quasi *Terma* (inquit Varro) in re militari dicta est selecta bellatorum collectio ex ternis decurijs constituta, quæ olim auctore Romulo, è triplici Tatientium, Ramnium, & Lucerum Tribu colligebatur. Propriè de Equitibus dicitur, vt notat Vegetius, & singulæ trigintares equites numerabant, hoc est tres decurias cum suis Decurionibus, quorum vnus vexillum gerebat, alij duo suis centurijs præerant, & præbant, vti pedites in Centurias diuisi, quæ à singulis Centurionibus regebantur, Inde nomen hæsit non modo cuicumque equitum collectioni, quæ sub vno vexillo, & ductore adunarentur, nulla certi numeri habita ratione, qui propterea Turmarcha vocabatur (apud nos *Capitan de Canalli*) sed etiam ad regiones transijt, è quibus Turmæ colligebantur, vt habetur in Epist. Ioannis Papa VIII. & in quodam fragmento Histor. Longobardor. edito ab eruditissimo concine meo, Camillo Peregrino, vbi dicitur. *His diebus Theodorus Turmarcha Beneuento præerat.* Quorum autem erat tyrones ad turmas adlegere; Turmarij audiebant, vt dicitur in l. 7. Cod. Theodos. tit. de Tyron. vbi etiam præscribuntur conditiones eorum, qui adlegendi erant. *Inter optimas leuissimorum militum turmas, neminem è numero seruorum dandum esse decernimus.* At verò in ipsis Turmarijs seu turmarum conductoribus, quos Tribunos suo tempore nominant Veget. artem probè equitandi, armaque expeditè tractandi in primis requirit lib. 2. cap. 14. vt sciat turmales suos tyrones edocere, quomodo in bello se gerere debeant. *Vt sit habili corpore, vt loricated, & armis circumdatus omnibus, cum summa admiratione quam possit, ascendere, equitare fortissimè, conto scienter uti, sagittas doctissimè mittere, turmales*

les suos, idest, sub cura sua equites positos erudire ad omnia, quæ equestri pugna deposcit. De Turmis militaribus est frequens memoria in Veterum Inscriptionibus, quæ videri possunt apud Gruterum, vti de Turmarum ordinibus varias obseruationes reperies lib. 6. cap. 18. Dier. genial. Alexand. ab Alexandro. Cæterum Turmæ nomen indiscriminatim adhibetur etiam in ciuilibus, pro denotando quocumque hominum selecto concursu, vt notat Du-Cange in Glossario, & habetur præsertim in Capitul. Caroli Magni lib. 7. cap. 160. vbi de Episcopis & presbyteris ad Concilium accedentibus, dicitur. *Vt de vniuersis Episcopis, vel duas, vel tresturmas faciant, ac de singulis turmis vicissim quotquot electi fuerint ad diem Concilij occurrant.* Et cap. 163. idem præscribitur de presbyteris parochiarum, ad Ciuitatatem, discendi gratia, conuenientibus.

TVRRES olim in mœnibus, ad vrbium, arciumque tuitionem, ac securitatem, primas partes obtinuisse, nulli dubium est. Etenim eæ, & maximum ornamentum murorum erant, & firmissimum prædicatorum confugium, & fixa statio, è quibus aliquantulum è cætero murorum circuitu prominentibus, in hostili aggressione interiecta latera tutabantur, & contis, ballistis, alijsque missilibus hostes ne propius ad impetendos suffodiendosque muros accederent, distinebant. Propterea ambitum muri, inquit Veget. lib. 4. cap. 2. *Directum Veteres duci noluerunt, ne ad ictus arietum esset dispositus, sed sinuosus anfractibus ictis fundamentis clausere vrbes, crebrioresque turres in ipsis angulis edidere.* Quo autem ordine ac numero, quibusue ab se constitutis medijs interuallis locari debant, docet fusè architectus Vitruu. lib. 1. cap. 5. *Turres aut, sunt proyicienda in exteriorem partem, vti quum ad murum hostis impetu velit appropinquare, à turribus dextrâ ac sinistra lateribus apertis, telis vulneretur.* Et post pauca, subdit: *Interualla autem turrium ita facienda, vt ne longius sit alia ab alia, sagitta emissionem: vti si qua oppugnetur, tum à turribus, quæ erunt dextrâ ac sinistra, scorpionibus, reliquisque telorum missionibus, hostes reijciantur.* Verim nunc temporis huiusmodi turres parum, aut nihil opismunimento præstant, cum de longe & ipsæ, & murus interiectus impunè impeti possint æneis tormentis eminens, & frequentius pilas ferreas explodentibus, quæ in earum frontes patientes directè libræ multò, validius quatere possunt, & ad terram deicere. Quare earum loco substituta sunt propugnacula triangulari forma foras amplius exposita, & in hostilem campum conuersa, è quibus hostis liberè impeti possit, & viceuersa hostiles ictus in obliquum cadentes facillimè eludantur, euadantque innoxij. Sed

Sed de hac re suo loco . Nunc autem, quod ad turres attinet , et primitus rotundæ , aut quadratæ erant , postea , cum compertum esset , tali forma nimium arietum percussionibus esse obnoxias , fecere polygonas , atque in summitate pinnis contexuere , ut exinde milites recti possint impune in hostes , saxa , ignes , tela , aliaque incommodantia ciacularè .

- 124** Sed contra aggressores etiam , turres ambulatorias excogitarunt , quibus muris accedentibus eadem rependere possent , quæ in eos obsessi , è turribus stabilibus . Harum primus inuentor fuisse traditur Polydus quidam origine Thessalus , easque primum adhibuisse Philippum Aminthæ filium in oppugnatione Byzantiæ , magno cum operis fructu . Postea Diades Alexandro militans , earum usum liberiorè fecit , adiectis subtilibus rotis , quibus faciliè agerentur , & in quamvis partem , leui opera apportari , & exportari , quò fuisset opus . In his non solum bistega , & tristega ad varios militum ordines recipiendos , compingebantur ; sed & pontes peniles in superiori tabulato adiungebantur , quibus possent hostium muris vniri , & ascensionem facere . Harum specimen habes apud Stevvechium in cap. 17. lib. 4. Vegetij .

- 125** Quia , & turres compactiles postmodum inuenerunt , quas in partes solutas , in exercitu circumuectare solebant , ac cum , ad opus adhibendæ erant , ad ictum oculi illicò redintegrabant . Has in bello navali potissimum adhibuisse Romanos , author est Cæsar , qui lib. 1. de bello Ciuili , hæc de se habet . *Aliàs deinceps pari magnitudine rates iungebat . Has terra atque aggere contegebat , ne aditus atque cursus ad defendendum impediretur : à fronte , atque ab utroque latere eratibus , ac pluteis protegebat . In quarta quoque earum turres binorum tabulatum excitabat , quò commodius ab impetu nauium incendijsque defenderet . Contra hæc Pompeius naues magnas onerarias , quas in portu Brundisino deprehenderat , adornabat . Ibi turres cum ternis tabulatis erigebat , easque multis tormentis , & omni genere telorum completas , ad opera Cæsaris adpellebat .* Hactenus Cæsar , huiusmodi compactilium turtium usum , & formam describens . Sed porro futilia , & inania Classium adiumenta hæc modo sunt , quando vno Hispanico Gualone , aut Veneta Triremi , ex maioribus , quas Galeatas nominant , non turris modo portatilis sed integrum Castellum , & Arx suis propugnaculis , & multâ tormentorum vi instructa , per mare palabunda discurret , vastationem , & ruinam vndique , terreis etiam munimentis adportans , ac terrorem regnis incutiens : de quibus satis suo loco dictum .

- 126** At non prætercundæ hic subitaria , & animata , ut ita dicam , Turres ,

res, quas de se formabant in tempore milites in acie ab hostibus circumuienti, quibus & se, & suos ab oppressione tegebant, vt refert Veget. lib. 2. cap. 17. Quod quo modo fieret, sic explicat. *Excipiebat autem praelium grauis Armatura, quæ tanquam murus, vt ita dicam, ferreus stabat, & non solum missilibus, sed & gladijs cominus dimicabat. Et si hostes fugasset, non sequebatur, ne aciem suam, ordinemque turbaret.* De qua re, vide Liuium lib. 54. Luc. Flor. lib. 4. cap. 10. & Ammian. lib. 26. Hæc autem ordinatio non absimilis erat Testudini è scutis compactæ, de qua suo loco.

TVSCANVM OPVS. Vide *Antiquum*.

TY

TYLVM, seu TYLVS in Cochlea est quod super helicam vertitur spirali canaliculo excavatum, quò ea ad vsum verti queat, & circumuolui. *Feminam Cochleam communiter appellant, Nostri vernaculè Madriuitem.* De hac parte eiusque vsum, fusè nimis, sed tamen obscuriusculè discurret Pappus in Collect. Mathem. lib. 8. *Vocetur autem, inquit, semel sumpta helix Monostrofos, uellicet linea, quæ sit circa singulas partes. In ipsa igitur linea canalem incidentes in profunditate cylindri, & exidentes, itaut tylus solidus aptetur in canali.* Cochled sic videntur. *Extrema ipsius rotunda facientes aptent in quedam diapegmata in rotundi foraminibus, itaut facillè conuertatur.* Suprà cochleam verò accommodantes regulam, quæ canalem ipsi parallelum habeat medium in superiori superficie. *In hoc canali aptent supra dictum tylum, itaut alterum quidem ipsius sibi extremum in canali cochleæ aptetur; alterum verò in dicto canali, qui est regula.* Quando igitur volunt per hoc instrumentum onus mouere, sumentes funem vnum, ipsius caput à pondere religetur: alterum verò à prædicto tylo; & cum foramina sint in parte cochleæ, scitalas iniicientes eam versant: atque ita ab helice tylus deductus in canalis funem, & per funem onus attrahit. Hæc Pappus. Sed breuiùs, ac dilucidius, meo iudicio, quid tylus sit, & quid muneris habeat, exponit Budæus in Pandect. in hæc verba. *Lignum est, inquit, rectum claniculatim, idest spirulatim, & capreolatim striatum; quod per medium prælum, & ipsum transactum, vertigine sua, tollendo, demittendoque prælo, inuentum est.* Est igitur Tylus perforata illa pars cochleæ, quæ intra strias suas recipiendo helicam seu strigatum vectem, alterutrius circumductione sit prælum, & onus aut assurgit, aut deprimitur.

TYMPANVM diuersas significationes, variosque, prout accipitur, vsum habet in Mathematicis. Primò enim in re militari denotat

rat instrumentum illud cauum, atque rotundum, quod membrana, ex vna, vel vtraque parte obductum, artissimèque tensum bacillis ad numeros tunditur, suoque graui & obtruso sonitu, militem ad classicum vocat, varijsque alternantibus modulis, modò ad capestendam pugnam incendit, modo ad receptum sonat, modò victoriam canit, ac militem exhilarando dirigit, quidque in præsenti faciendum iniungit. *Tamburum* Nostrates nominant, à graui sonitu: quod etiam in pacis orio adhiberi solet alternatim, cum cymbalis rubis, & crotalis, ad festiuos ludos, & lætitiæ signum, atque in Musicis organis computatur. Simili ratione, atque ab forma Tympanum dicitur in Mechanicis amplior rota ad modum cylindri, assarijs communita, quæ in Ergata, aut Sacula, scitalis, & vectibus acta, onera trahit, & subleuat per funes ductarios, quibus obducitur. Sic Vitruu. lib. 10. cap. 4. agens de machinis tractorijs, ait: *Quemadmodum sacula chelonij retinetur, ita (in prædictis machinis) axis includatur habens in medio tympanum amplum, quod nonnulli Rotam appellant.* Et paulò post: *Tum autem circa tympanum inuolutus alter funis referatur ad ergatam; & is circumactus tympanum, & axem inuoluendo, funes qui in axe religati sunt, pariter se extendunt, & ita leniter leuant onera sine periculo.* Ad quæ Philander: *Tympanum, quod Græci Τύμπανον appellant, est rota genus ambitus magni, cuius circumactæ calcantibus hominibus affixas pro gradibus regulas, axis fune obvoluitur, atque ita onera extolluntur, aut sublata deprimuntur.*

- 129 TYMPANA etiam dicuntur in Architectura quæcumque plana, quæ introrsum recedunt, atque extrinsecus aliquo ornamento, instar cuiusdam coronicis, & sepius, circumplectuntur: vnde in ostiorum valuis, plana illa superficies, quæ in medio relinquitur inter impages, & regulas quæ fores conpingunt, estque modo duplex, modo quadruplex, pro diuersa constitutione forium, Tympanum appellat Vitruu. lib. 4. cap. 6. *Inter duos scapos, inquit, tympana ex duodecim partibus habeant ternas partes.* Vbi, quid per tympana intelligat, explicat Barbarus in Comment. nempe. *Lignum planum, quod clauderebat ostium, diuidebatur in quadras, quas tympana vocat.* Nostri autem & Quadras, & Planellos nominant. Similiter in Planisphærijs, & Astrolabijs quæ intra Matrem (vt vocant) constituuntur planæ tabulæ, continentes circulos verticales, & altitudinum, subiiciunturque reti, quod super illas voluitur, ostenduntque ortus, & occasus siderum, cæli mediationes, poli eleuationes, & alia; tympana appellantur, vt videre est apud Stephelinum, & Clauium. Denique in ipsa ædificij structura, ea pars frontis, quæ introrsus in fastigio profun-

fundatur; ceterum plana, & coronice nunc arcuata, nunc triangula-
ri cingitur, & completur, nosque vulgò *Lo Sfondato del Frontispicio*,
vocitamus, Tympanum dixit idem Vitruu. lib. 3. cap. 3. & ratio-
nem reddit Philander, inquit: *Tympanum hoc loco vocatur, quod*
porrecta, & suffigata coronicibus clauditur. Et vniuersè, Quæ in tym-
pani bellici supra explicati morem abeunt, æqua planitie certis ter-
minis clauia, in quouis genere; tympana nonnauantur.

TYRSIS apud Veteres quosdam Scriptores, in genere architecto- 130
nico, inuenitur aliquando denominatus perpetuus quidam, rudis,
& sine vilo architecturæ ordine murus, oim ad vicos, & oppi-
da circumædificari solitus, maceriei porius, & cuiusdam sepiæ spe-
ciem habens, quam mœnium, & iustæ custodiæ, ex quo postea ad
hæc, cultiore æuo aditus est apertus, & locus exinde ampliore mu-
rorum circuitu, mœniumque interpositione clausus. Rationem
talis appellationis, à primis eius rei inuentoribus deducit Cæl. Rho-
diginus lib. 6. cap. 18. Sedulus antiquitatum scrutator. Nam &
mœnia, inquit, *sustruere exogitasse omnium primi feruntur Tyrrheni,*
quod scribit Lycophanis interpret. Unde factum est, *ut pro muro dica-*
tur Tyrsis. Quin inquit Dionysius, *Ab Tyrrhenis densius extru-*
ta domus vocantur Tyrses. Quod obseruarunt Græci quoque.



Sed, & hinc conciliatum Tyrrhenis nomen, produnt
nonnulli ab *Tyrsum monumentis.* Verùm quod
ab posterioris ætatis Scriptoribus nus-

quam hoc vocabulum usurpatum,
inuenerim, indicium mihi
fabulæ est, & bar-
baræ affixio-
nis.





V A

- I**  ACVVVM, quamquam, ceu communem hostem Philosophi, ac Natura ipsa, vti suorum operum destructiuum, summopere oderunt, & fugiunt, proptereaque, vnanimi consensu, extra naturæ, atque adeo Vniuersi totius ambitum extrudunt, ac vix in spatia imaginaria, vt vocant, extorrem, & ablegatum impunè consistere patiuntur; Nihilominus Mathematici intrâ suos fines admittunt, ac fouent, quemadmodum & puncta, & lineas, & indiuisibilia, quorum essentiam, & passiones scrutantur admirabili illa sua abstractione ab omni materia, ad omne quantum commensurandum, benignè amplecti, & à Philosophia explosa suscipere non dedignantur. Enimuerò tanta est Mathematicarum, disciplinarum dignitas & amplitudo, vt suprâ omnes humanas scientias, in concludendo, certitudinis felicitatem, & euidentiæ palmam obtineant, atque æmulando propemodum Diuinæ Sapientiæ munificentiam, vocantis *ea quæ non sunt, tamquam ea quæ sunt* & ex nihilo aliquid faciunt, dum à negationibus, rerum essentias eruunt, atque à falsis, & impossibilibus principijs, quæ supponit; veras, &
- 2**  infallibiles conclusiones educunt, atque demonstrant. Sed de hac re satis ex occasione alibi philosophatum est. Nunc autem quod ad vacuum attinet, illud (siue detur in rerum natura, siue non detur, siue aliquo subtili, penetrabili, & insensibili corpore repleatur, siue meram dicat inanitatem) supponit tamen Mathematicus & in abstracto considerat tamquam realem interapedinem, seu spatium intrâ duos terminos constitutum; itaut alterum in mensuram assumat alterius, atque ita per nota principia, à spatio interposito, certa notitia terminorum, & à terminis aliunde notis, quantitas interapedinis euidentissime deducatur. In quo etiam sensu Philosophus 4.
- Phy-

Physicor. definit Vacuum esse locum corpore carentem, hoc est inter-
capedinem loco additam, ac suis terminis circumscriptum. Quod
ideo in Geometricis, Vacuum est quod in figuris planis intercipitur
inter tria, vel plura latera in angulos coeuntia, aut certe intra peri-
pheriam circuli, & dicitur communiter Area; in corporibus solidis,
quod eorum concluditur extrema superficie. Sic ad auspicandam
quantitatem areæ, quæ intrâ circulum comprehenditur, utimur eius
semidiametro, & per eam multiplicatur eiusdem semicircumferen-
tia, & quod inde resultat dat noscere quantitatem areæ, seu vacui
interpositi. Sic notis lateribus trianguli, quadrati, pentagoni,
&c. colligitur extensio superficiæ, & quantitas angulorum interie-
ctorum: uti etiam ex collatione angulorum, & laterum vnus figu-
ræ iam nota, cognoscitur quantitas tum angulorum, tum laterum,
cæterarum, siue similium, siue dissimilium, & quæ æqualem arcum
habent, faciliè in alias dissimiles commutantur, ut circulus in qua-
dratum; quadratum in circulum, vel in rectangulum: ac similiter
corpora regularia, & irregularia in alia similia, vel similia tran-
sformantur. In quo speculando versatur vnice Geometria, ac totus
est Euclides in primis quinque potissimum Elementis.

VACVVS cursu apud Astronomus dicitur Planeta, qui motu suo 3
ab alterius corpore, vel radio separatus, alteri non applicat vlla
configuratione; vnde solitarius manet & aliorum consortio destitu-
tus: quod debilitatis genus, per quandam similitudinem, ab alijs
Feralitas dicitur. Quæ potissimum in Luna attenditur.

VALLVM OBSIDIONALE in re militari dicitur sepes castro- 4
rum, qua ipsa castra cinguntur, vel circa urbem obfessam firmatur
ut ei omnis ingressus, & egressus prohibeantur, sicque in arcto po-
sitam victor obtineat; A vallis, seu palis & stipitibus solo affixis
vocabulo deriuato. Vnde Isidorus lib. 31. originum, Vallum est,
inquit, quod mole terra erigitur, ut custodia pratendatur: distum
est autem à vallis; nam valli fustes sunt, super quibus vallum mu-
nitur. Hinc Circumuallatio dicta est ipsa sepis obsidionalis ductio,
& actualis obsidio; atque Interualla, spatia quæ sunt interuallorum
capita, quibusque aperitur, & clauditur accessus, & recessus intrâ
vel extra ipsam septem obsidionalium operum. Communiter autem
appellatur Agger, & Linea circumuallationis constans alternatim
ex planis loriculis, propugnaculis, in angulos prominentibus, ac-
que excitatis in variam formam. prout petit ratio offensionis loci
obfessi, aut defensionis, ac munitionis castrorum, sicut dictum
est

est in V.V. *Obsidio. Agger*, & alibi. Quod ideo nil aliud planè importat Vallum obsidionale, quam aggregationem vniuersorum operum, quæ ducuntur in perpetuam veluti coronam, & loricam suis defensionibus obfirmatam, in ordine ad tuitionem castrorum, atque ad Urbis validam obsidionem. Vnde est quod plerumque in diuturnis obsidionibus, duplex erigi solet; alterum dictum externum, auxiliariis hostium copijs oppositum, vt illis obstant castrorum inualionem affectantibus, & obsidium soluere adnitentibus; alterum interius, respiciens urbem obsessam, positum ad frangendas prædicatorum irruptiones; quod idcirco militari circumlocutione vocatur *Vallum communicationis*.

S ne vocatur *Vallum communicationis*. Vtriusque præclarum specimen & memoria dignum, posteris exemplum dedere Bataui in obsidione Siluedugensi & Bremensi, postquam ab Hispano Rege suo naturali Principe, rebellant, munitissimas vrbes adhuc in fide manentes, ei eripere, omni qua possent via, solliciti attentantes. Cum enim illas arcta obsidione cinxisset, & per exploratores nunciatum foret exercitum Regium magnis cum copijs aduentare ad obsidium soluendum, vtrumque vallum constituerunt, & obfirmarunt in hunc modum. Primò internum more solito erexerunt altum pedes duodecim, exemplo Cesaris; ea forma, quam ipse describit lib. 7. de bello Gallico, additis congruis fossis, & suo loco recessibus, & reductis. Secundò ad vallum exterius auxerunt lorice basim ad pedes nouem, cui apposuerunt tria scabella, quorum altitudo collectum sumpta complebat ipsos pedes nouem, itaut supremi insurgeret ad pedes quatuor cum dimidio; medij, atque infimi vnum & semis pro singulis, reliqui duo pedes relinquerentur basi. Decliuities exterior erat pedes quatuor cum dimidio, interior non excedebat quartam partem vnus pedis. Fossæ circumiectæ latitudo ped. quindecim; cius decliuities exterior ped. quinque interior ped. tres, altitudo quinque. Porro lineæ totius interualla ab se distantia septingentis minimum, & quinquaginta pedibus, diuersis castellis munierunt, varijsque operibus utpote forcipulis, propugnaculis dimidiatis, &c. de quibus alibi. Atque ita Hispanorum operam, & consilium frustrare. Describunt elegantissimè hæc memorabiles obsidiones & vtriusque valli ordinatissimam dispositionem, Card. Bentiuolus, & Famjanus Strada; atque eorum accuratam orthographiam exhibent Fritachus in sua militari Architectura, & Mallet, Gallo in libro, cui epigraphen apposuit, *les Trauauz de Mars*. hoc est, *de Agonibus Martis*, ad quos curiosum Lectorem remitto.

6 VALVAE in ædificijs, sunt ostiorum fores, seu ianuæ, vt plurimum ligneæ

lignæ bipartitæ, à *voluendo* dictæ, vt placet Festo, quod *sefe introrsum aperiendo voluantur*. In quo differunt à postibus, foribus, ianua, & ipso ostio. Nam Ianua (linquo alias Grammaticorum explicationes, quæ nihil ad rem nostram) Ianua, inquam, vna est; quæ se sola, totum aditum oppleat, & obducatur, in reliquis, à valuarum conformatione, ornamentisque ad libitum, & pro ædificij qualitate adijciendis, in nihilo discrepans. Fores in re, idem quod Valux, nisi quod istæ introrsum, illæ deorsum aperiuntur, vt nomen ipsum indicat. Ostium ipsam apertionem, seu hiatum denotat, per quam patefactis foribus, aut valuis, intramus. Postes denique, (quas Græci Parastadas dicunt) sunt antæ, seu latera bina hincinde disposita, vt plurimum è quadrato lapide, & aliquantulum interius exteriusque prominentia, quæ ostium ornant simul & muniunt, foresque ipsas, & valuas cardinibus innixas sustinent, ac suspensas detinent, ad facilem ductum, & apertionem. Hæc Architectonici ex arte, veri rerum æstimatores; nam cæteri Scriptores hæc vocabula sæpè confundunt, & aut contrahunt, aut ad alias significationes deriuant. Cæterum Valux & fores, suas commensurationes & ornamentorum æquam adiectionem, vt dixi, pro ædificij qualitate, magnificentia, aut simplicitate: in iisque, cum structuræ dignitas non patitur apponi rudēs & simplices, vtpote parti magis spectabili totius ædificij, summus decor & elegantia inesse debet, membrorum distinctio, proportio, & respondentia ad antas, prothyrides, & supercilium ostij: itaut singulæ valux habeant duo ad minus tympana, vnum supernè, alterum infernè, distincta, & ornata suis replis, impagibus, & coronicibus, ad rationem suscepti operis, siue Dorici, siue Ionici, siue Corinthij, de quorum ordine, & symmetria, pro singulis ostiorum generibus, latè discurret Vitruu. lib. 4. cap. 6. loquens, & singularia præcepta tradens de Ianuis, quæ vnica habent aperturam, de foribus biforis, & quadriforis (& idem procedit in valuis (quæ videlicet sectæ sint in binas vel quatuor partes pliabiles, ne extensæ multum spatij occupent, & liberum aditum, aut prospectum impediunt: in quibus omnibus, in primis id monet, vt ipsa forium ornamenta non fiant ceroscota, neque bifora, sed valuatorum, & aperturas habeant in exteriores partes, hoc est, vt explicat Philander, ex ramentis, & tessellis pictorum varijs coloribus & vermiculatim ligno insertorum, ea enim ex motu & tactu facile dissoluuntur & discompaginantur; sed quantum fieri potest, integrè, & ex continuata materia. Cæterum quoad membrorum proportionem, ac discretionem, hæc habet. Fores ita compingantur, uti scapi cardinales sint ex altitudine luminis totius, duodecima parte. Inter duos scapos, tympana

ex duodecim partibus habeant ternas partes. Impagibus distributiones ita fient, ut diuifis altitudinibus in partes quinque; dua superiori, tres inferiori designentur. Super medium medij impages collocantur: ex reliquis, alij in summo, alij in imo compingantur. Latitudo Impagis fiat tympani tertia parte: item repletum de impage dimidia & sexta parte. Et sic de reliquis. Verum de singulis valuarum membris ac partibus, satis abunde, ac distincte dictum est in loco, vbi eorum nomina propria in considerationem venerunt.

- 8 VALVARVM, seu PORTARVM APERITIONES (sic enim placuit appellare) sunt apud Sideralis scientiæ Professores, patentes quædam, vniuersales, & nunquam fallantes aëris immutationes, quas iugi experientia compertum est, in ceris constitutionibus, & ingressibus Planetarum, aut irradiationibus, manifestos, eisdemque semper effectus sortiri. Sed potissimum id obseruatum est in planetis dominis oppositorum signorum, vt Saturni, & Solis; Saturni, & Lunæ; Iouis, & Mercurij, Martis, & Veneris: Hi enim omnes dominantur signis oppositis. Quodcumque igitur isti planetæ corpore copulantur; aut de Quadrato, vel Opposito se respiciunt; magni quidam, & extemplo confurgentes effectus expectandi sunt circa tempestates, & aëris mutationes: maxime si Luna his se immisceat, & ab vno in alterum defluat. Et Saturni quidem congressus cum Sole, adducit aëris turbulentiam, frigus maximum, si temporis conditio id petat: & vniuersaliter in Signis terreis, nebulas; in aqueis pluuias, & congruenti tempore, niues: præsertim, si Saturnus extiterit dispositor præcedentis Luminarium coitionis, aut oppositionis. Iouis, & Mercurij congressus, aut Quadratus, aut Oppositio exsuscitat ventos magnos, terramotus, eradicationes arborum, concussionem ædificiorum, & similia, à ventis impetuosissimis ortum habentia: Tandem Martis, & Veneris coniunctio, aut hostilis radius generat imbres subitos, & impetuosos, grandines, coruscationes, ac conitrua. Hæc, inquam, tria genera aperitionis valuarum, perinde ac si aperirentur cataractæ Cæli (vti Sacra Pagina loquitur sunt in diluuio vniuersali) semper, plus minus, huiusmodi effectus adportant, leuem quidem in coniunctionibus, grauiorem in oppositionibus, & maximum, ac manifestissimum, si Venus, Mercurius, ac Luna partes suas admouerint; si videlicet, eorum aliquis, à leui ad ponderosum deflueret: vt esset, si Luna à Sole ad Saturnum applicaret, aut Mercurius à Venere ad Martem; tunc enim magna imbrum copia, vel turbinum vis expectanda erit, præsertim, si eorum aliquis fiet retrogradus; aut si planeta retrogradus alteri, valuas aperienti corpore copuletur.

Ve-

Verùm in hoc negotio, non oscitanter, & cæco ductu procedendum est, vt passim faciunt (si modo faciunt) hodierni annui Kalendarij compositores, qui nihil in Astronomicis instructi (è cerebro temporũ qualitates pronunciant) sed diligenti scrutiniũ, tũ siderum inerrantium coorientium concursus, eorumque natura significatis conueniens aut obstat, examinanda est; tũ dispositio subiecti passibilis, quod sit capax talis impressionis; Frustrà enim quis & ineptè denunciaret in Aestate niues, & gelu ex aperitione portarum Saturni cum Sole, aut in Aegypto, ac Lybico tractu, pluuias; cum anni quadrans, aut soli ariditas obstat, quæ vapores humidos pluuiarum materiam non emittere patitur. Præterea oportet considerare qualitates Signorum, in quibus hæc valuarum aperitiones fiunt, nam in signis aqueis, benè imbres edices; in aëreis Iouis, & Mercurij congressus, aut Martis, & Veneris, probabiliter insurgent venti impetuosius, & procellæ; in Igneis venti meridionales, æstus, & maxima siccitas: In Terreis, terræmotus, & ædificiorum ruinæ.

Denique non prætereundæ sunt aliæ configurationes, aut conuenientes, aut disparatæ, aliorum siderum, quæ habeant importare, aut similes, aut contrarios effectus, in quo casu præualentia vnus super aliam est attendenda. Similiter in duratione effectuum: Nam Saturni, & Iouis congressus, quia ponderosi sunt, diũque simul consistunt, indicat effectum in aëris mutationibus per portarum aperitionem inductum, ad plures dies duraturum: vti etiam Saturni, & Martis, violentiam, & anticipationem; Saturni, & Lunæ, aut Veneris in signis humidis, semper tempus nubilum, humiditates, & pluuias, etiam in Aestate; sed erunt inconstantes, & breues &c. Quapropter circumstantiæ omnes perpendendæ sunt, indeque, ex concursu plurium causarum, in vnum & eundem effectum, aut si contrariis qualitatibus pugnent, vnus configurationis, super aliam præualentia, dijudicandum quid denum futurum sit: & tunc certè iudicium vniuersale de Valuarum aperitionibus, à vero non aberrabit. Porro particularia significata siderum, præsertim inerrantium circa aëris mutationes, tempestates &c. passim habes apud Ephemeridum calculatores, in Ifagogicis, præsertim Argolum lib. 2. cap. 4.

VAPOR est halitus quidam, seu aqueus humor, è terra emissus, atque a Sole sursum sua potentiui, in mediam aëris regionem elatus, vbi ex aliorum siderum concurrentia diuersimodè æquatus, in uaria meteora concrefcit, ex quibus varia humano generi subsidia, à natura, prouidè ac benignè suppeditantur. Vnde Ouid. Metamorph. 1.

*Vapor humidus omnes
Res creat &c.*

Hinc pluuiz, niues, grandines, & si terreæ exhalatiores sunt, in ventos abeunt, aut condensantur in Cometas, faculas, ignitas impressiones, & alia, pro qualitate, & natura siderum, quæ ad ea specialiter concurrunt, prout paulò ante dictum est: quod ideò & omnia, quæ ex vapore exurgente, aut exhalatione terreæ, tanquam materia à sideribus actuantur, & educuntur, meritò *Fructus siderum* Paracelsus appellat.

- 12** Principiò igitur ex vapore isto sursùm elato formatur Ros, à quo omne bonum in vegetabilibus, & terræ fecunditas emanat, quod ideò in his duobus benedictionem suam restrinxit Isaac Patriarcha cùm filiis suis benè precatus est, Iacob quidem amplissimam: *Dei tibi, Deus de rore calì, & de pinguedine terræ abundantiam*: Esau autem parcè nimis: *In pinguedine terræ, & in rore celi desuper, erit benedictio tua*. Est autem ros primus fructus siderum, cuius efformationem ita describit Philosophus 1. Meteor. cap. 11. *Cùm vapor tam modico igne afficiatur, ut non ascendat ad mediam regionem, sed propè terram consistat in imo; accedente noctis frigore, expulsoque igniculo sustentante, deorsum relabitur*. In hunc autem præcipuè influit Luna, utpotè humorum altrix, ex quo, *Lunam largam roris*, asserit Ambros. in Hexam. lib. 4. cap. 7, potissimè verò in plenilunio, maiorem eius copiam facit, & abundantius in Vere, & Autumno, in quibus, nec nimius calor absorbeat, nec nimium frigus in pruina conuertat.

- 13** Secundò ex rore diuersimodè ab alijs sideribus concocto, & actuatò, formatur Manna, & Mel, suauissimi liquores, & humani generis, non tam alimenta, quam salutaria medicamenta; quæ quidem ex eodem illo vapore tenui, quo ros producitur, educuntur; & prout Sol, Venus, & Iupiter ad illum spissandum concurrunt, diuersam formam, & dulcedinem contrahunt. Hæc, dona cælestia appellat Plin. lib. 11. cap. 24. aitque, mel optimum, explendescente post Solstitium Sirio, generari: siluestre autem Autumno, ad exortum Arcturi. *Quodsi* (addit) *seruatur hoc, Sirio exoriente, casuque congruat in eandem diem, ut sæpè, Veneris, aut Iouis, Mercurijque exortus; non alia suauitas, visque mortalium malis à morte vocandis, quam diuini nectaris fiat*. Ad quæ notat Dalechampius: *Sirij, Canicula, Arcturi, quæ magnam in Cælo, & vniuerso rerum statu, mutationem efficiunt*. Et horum omnium materia, & veluti basis, est vapor, circa quem (subdit idem Plin.) *immensa Naturæ subtilitas mortalibus patefacta est*. Vide etiam, quæ in Sirio de mellis formatione retulimus.



VAPORARIVM in Opere architectonico, dicitur locus in balneis, aut in priuatis ædibus sepositus, & adiectus, ad euaporandam vehementiam ignis, vel sanè ad eius calorem attemperandum, quò innoxie contiguus cellulis, & cubiculis, ad certam mensuram valeat impertiri. Ad vtrumque enim factum, ait Vitruuius lib. 5. cap. 10. quod alio nomine *Tepidarium* vocat. Aliqui Interpretes idem cum Laconico esse dicunt, sed falluntur: nam hoc erat vnice ad siccas sudationes; atque adeo non moderatum, sed intensum calorem, ad eliciendum vi sudorem, admittebat; Vaporarium autem ad consistentiam; cui propterea hypocaustum subiectum erat, & testudines alucorum (inquit Vitruu.) ex communi hypocausti calefierent, atque inde calor attemperatus per interiectam concamerationem immitteretur. Id quod magis expressit, & id cõfirmat lib. 6. cap. 4. vbi ad corrigendam locorum humiditatem, simili modo præcipit, vt per interpositos canales, attemperatus calor cubiculis inducatur. Sic autem loquitur: *Sin autem aliquis paries perpetuos habuerit humores, paululum ab eo recedatur, & struatur alter tenuis, distans ab eo quantum res patietur, & inter duos parietes canalis ducatur, inferior, quam libramentum conclauis fuerit, habens nares ad locum patentem.* Itaque Vaporarium aliud planè non erat, quam locus vndique concameratus, qui è subiecto hypocausto calorem acciperet, & per canales, ac tubos, eius vehementiam tunderet, atque ità attemperatum, in Conclauē, vel contigua cubicula adportaret. Quò respexisse videtur Papius Syluar. 1. vbi agit de Etrusci Balneo, de quo dicit:

Vbi languidus ignis inerrat

Aedibus, & tenuem voluunt hypocausta vaporem.

Vt sit, libenter aliorum explicationibus morem geram; Sed vide, quæ diximus in Laconico.

VE

VECTIS Mathematicè consideratus, vt instrumentum leuandis, 15
locoque dimouendis saxis magnisque oneribus, aptissimum, vna est ex quinque potentijs, quas maximè Philosophus demiratur in Quæst. Mechan. quæque summorum Geometrarum, Archimedis, Pofidonij, Cleomedis, Pappi, aliorumque, tam veterum, quam recentiorum Mathematicorum, in miranda earum vi discutienda, diu defatigauerunt ingenia. Quas inter, vectis vsu vilior, aspectu despiciabilior: conditione abiectior, primas tenet, cæteras regit, moderatur, eleuat, eisque robur impertit. Is enim aliud non est, quam simplicissimus fustis oblongus, seu palus, siue ligneus, siue ferreus (ne aliàs ad immodicum onus sustinendum impar sit, ac deficiens,) nulla alia arte paratus, quam quod sit altero extremo acutus, ac

modicè inflexus, vt faciliè possit adigi, demitti, seseque insinuare, tantisper sub onere:quo semel obtento, leuique substatulo erectus, & innixus, illud quantumuis intolerandum, & grauissimum, ex templò loco dimouet, alleuat, & facili nifu, aliò transuehit, & adportat. *Leuam* ex effectu, nos Itali vocitamus, leuando labori operæque complendæ, Architectis Fabris, Mechanicis, vnicè factum.

Ei^{us} ope, terrarum Orbein loco se dimoturum, non vana iactatione, spondebat magnus ille Archimedes, modò daretur extrà, vbi pedem figeret, ad protrudendum, vt testatur Pappus in Collect. lib. 8. propos. 10. Cuius arcanæ virtutis, primum inuentorem ferunt fuisse Cyniram Agrippæ filium: *Quidam enim* (rem prosequitur idem Pappus) *statuentes magna pondera mouere; quoniam primum à terra attollere oportet; ansas autem non habebant, quòd omnes partes basis ipsius ponderis solo incumberent; paulùm suffodientes, & ligni longi extremitatem subyicientes sub onus adducebant; ex altera extremitate supponentes ligno propè ipsum onus, lapidem, qui hypomochlium appellatur: cumque illis visus esset hic motus valdè facilis, existimauerunt fieri posse, vt hoc pacto magna pondera mouerentur.* Itaque, casu potiùs, quàm vllò Philosophiæ, aut Mathesis principio, hanc noticiam compararunt. Sed Aristoteles, vt summus Philosophus erat, & in Mathematicis non mediocriter versatus, rem altius à fundo effodit, & scrutinatus est in proæmio ad *Quæst. Mechanic. Absurdum enim esse videtur* (inquit) *magnum moueri pondus ab exigua virtute, cum pluri præfertim pondere: quòd enim siue vestrè quispiam mouere non potest, id ipsum ponderis citius mouet vestris ad illud pondus adiungens. Ac tandem diù iactatus, ad Circuli prodigiosam naturam refert miræ huius motionis ortum, & causam. Omnium autem* (subdit) *huiusmodi causæ principium habet Circulus: istud verò ratione contingit. Ex admirabili etenim mirandum accidere quidpiam, non est absurdum: maximè autem admirandum est, contraria fieri. Quare demonstrat hic omnia, quæ suprà captum hominum, in vestrè complentur, & iure miramur, à Circuli, quem suà motione efformat, conditione proficisci. Atque in Circulo, duo, eodem tempore, aliàs sibi mutuò repugnantia, conuenire conspicimus, quietem, inquam, & motum. Id quod paucis expressit idem Philosophus, inquiens: *Exstante enim, & moto, factus est Circulus.* Naniq; in Circuli efformatione per circinum, alter eius pes sistit immotus in centro, alter circumducitur ad formandam arcualem lineam. Rursus duo contrarij effectus ex ea motionè resultant, alterum quidem extremum, quod in ante monetur; alterum, quod obsistit, & retrocedit. Hoc autem fieri in rotæ, seu cuiusuis circuli motionè manifestum est. Fac vt in Circulo*

HOLPQ:

110LPQ: sequentis figuræ præcisè sumpto, & circumuoluto, L. extremum diametri H.L. moueatur versus P. utique alterum extremum H. consequenter agatur in Q. ac simul & semel in eodem actu motionis, centrum I. perstat immotum. En simul in eodem actu, duæ motiones contrariæ, atque insuper motus, & quies. Addo, quod linea illa, quæ circinatur in orbem, & circulum conficit, concaua simul est, & conuexa: concaua quidem per curuitatem, quam habet ad intrâ, conuexa per gibbositatem, quam habet ad extrâ. Nec dicas, id partibus distinctis imputari posse; nam, ut supponitur, linea est, omnino in diuisibilis in latum, & tantummodò admittit partes in longitudine, ut proinde semper verum sit, quod ea in se indiuisibilis manens, & concaua sit, & conuexa, quæ sibi inuicem aduersantur. Hinc fit, ut si duæ rotæ contigant, ex quibus altera alteri, alternantibus denticulis sit inserta, sequitur necessariò, ut dum vna motu suo fertur deorsum, altera feratur sursum, idque vnico actu, & vno motu.

Et hæc est arcana vis vestis dum agitur innixus hypomochlio, seu fulcro subtus posito ad illum aliquantulum è terra releuatum, 17
retinendum: cuius agitatio nil aliud est, quam circularis ratio, & efformatio circuli super hypomochlium, quod stat pro centro, uti clariùs videre est in bilance, ac statera sese mouentibus super axiculum, qui gerit vicem centri, & hypomochlij; & reuera earum operatio eadem est, ac nudi, & simplicis vestis, qui profectò comparat, & committit simul potentiam motricem, & pondus, utraque in pari virtute librans, & aliquando constituens in æquipondio, non obest ante, quod in statera pondus ipsum affixum sæpè grauius sit, quam sacoma potentiam referens. Ea igitur (concludit Arist. supra) quæ circa libra sunt, ad circulum referuntur: quæ verò circa vestem, ad ipsam libram. Alia autem ferè omnia, quæ circa Mechanicas sunt mutationes, ad vestem. En quomodo omnia, quæ in veste accidunt, ad libram reducuntur, seu potiùs in libra manifesta sunt, cum libra reipsa nil aliud sit, quam vestis ad opus applicatus, & vestis in opere exequitur officium libræ: uti videre est in subiecto schemate. Vbi hypomochlium I. coincidit cum centro, & axiculo libræ, cui scapus innititur; ipseque scapus in libra, & in statera, gerit officium vestis. Si quis igitur veste supra hypomochlium applicato, vnum, eius extremum (quod rostrum vocant) ponderi submittat, ac postea manu alterum extremum deprimat, faciliè ei erit illud quantumvis graue, dimouere, & viribus quantumvis imparibus, eleuare; tantòque faciliùs quantò ipse motor extremum vestis premens, ab hypomochlio. fiat remotior: ut hic expressum conspicitur in statera, per elongationem magis, ac magis sacomatis à centro I, seu axiculo, cui

sitione vectis suprà hypomochlium, concipi & practicari potest circa concursum, & variationem momentorum ponderis, ac potentia. Et sæpè contingit, omnes simul hos vectis positus conuenire, & ingredi in vnus machinæ tractoriæ constructione, vt à nobis aliàs vbi occasio dedit, ostensum est. Cæterum, vt simul cum rebus, verborum etiam compendia fiant, quibus tota earum ratio exprimat; Vectis primi generis à Græcis vnico verbo *Antimochlion* appellatur, quasi contrà Mochlion, hoc est, subintellige, vectem constitutum in hypomochlio, in contrario nisu ponderis, & potentia. *Simmochlion*, hoc est concursus, & conuentio in vnum, ponderis, & potentia, in vecte. Et *Loxomochlion*, seu vectis flexuosus, in quo potentia se tenet, modò ex parte hypomochlij, modò ponderis, De quibus, mirisque eorum effectibus, vide Scotenm in *Magia Statica*, & in *Cursu Mathem.* lib. 15. cap. 4. Itaque in vecte fundatur omnis motio, quæ arte, & nisu fit: & vecte, ceu Regio, & vniuersali instrumento, vtuntur omnes artes mechanicæ; imò & ipsa omnium parens Architectonica in constructione ædificiorum tam stabilium, quam mobilium, vtputa Nauigiorum, & currum, quæ arte, & nisu mouentur, aut rotis, ac temone, aut remigio, & velis: hæc enim omnia inrant in rationem vectis primi, secundi, aut tertij generis, vt mox in velis videbimus. Itaque

VELA in Nauigatoria sunt potissima artis instrumenta, ac media ad omnia genera Nauigiorum, præsertim verò oneraria huc illucque pro humanis commercijs in lubrico impellenda, quò in incerto, tutum, & rectum iter instituat eò loci, quò fuerint destinata, pluribus in id conconcurrentibus, vtputa, malo, antennis, velis, carina, & potissimè gubernaculo, seu temone, singulis suo modo in aliquam rationem vectis inrantibus. Id quod acutè obseruauit Vitruuius lib. 10. cap. 8. *Quemadmodum, ait, etiam Nautis oneraria gubernator ansam gubernaculi tenens, vna manu momento per centri rationem pressionibus artis agitans, versat eam amplissimis, & immanibus mercis, & penus, ponderibus oneratam; eiusque vela, cum sint per altitudinem mediam mali pendentia, non potest habere nauis celere cursum: cum autem in summo cacumine antennæ subductæ sunt; tunc vehementiore progreditur impetu, quòd non proximè calcem mali, quòd est loco centri, sed in summo longius; & ab eo progressa recipiunt in se vela, ventum. Itaque, vt i vectis sub onere subiectus, si per medium premitur anterior est, neque incumbit; cum autem caput eius summum deducitur, facilliter onus extollit: similiter vela, cum sunt per medium temperata, minorem habent virtutem; quæ autem in capite mali summo collocantur,*
di-

discedentia longius à centro, non acriore; sed eodem flatu; pressione, cacuminis, vehementius cogunt progredi nauem. Quo testimonio nihil expressius, nihil acutius.

20 Porro nauigandi artem, gubernaculi directionem, & velorum
 6 ratam expansionem, è sacratiore Mathesis penu profectam, & acqui-
 sitam, primos ingenio suo excogitasse, & exemplo cæteris prælu-
 xisse Tyrios, refert Tibullus lib. 1. eleg. 7.

Prima ratem ventis credere docta Tyros.

Sic malum, & antennam inuenisse Dædalum, ac demum vela in
 ventos explicasse Icarum, author est Plin. & Polid. Virgilius. Quam-
 quam velificationis inuentricem facit Ism Hyginus, fab. 277. *Velifi-*
cia, inquit, primùm inuenit Isis; nam dum quærit Harpocratem filium,
rate velificauit: & Cassiodorus lib. 5. varior. ep. 17. ex mente Theodo-
rici Regis scribens Abundantio Præfecto Prætorij, vt quamprimum
profectionem Dromorum adornet, ita eum, Isis exemplo, proposi-
to, ad id accelerandum inanimat. Prædictis rebus armamenta pro-
cura: vela præcipuè alas nauium facientia, linum volatile, prænuncia
mercium, auxilia quieta nautarum, quorum beneficio conficiunt otiosi,
quod à celerrimis auihus vix probatur impleri. Hoc Isis rati prima su-
spondit, cùm per maria Apocren filium suum, audaci femina pietate per-
quireret. Ità, dùm materna charitas suum desiderium festinat explorare,
Mundo visa est ignota referare. Vt vt sit, certè, vt inquit ille: Au-
dax facinus, periculisque plenum. Quod impensè execratur Plinius
in præm. ad lib. 19. suæ naturalis Historiæ, lini rationem detestans,
ad conficienda vela: quin, & paucis immutatis addit: Audax vita,
scelerumque plena! aliquid feri, vt ventos, procellasque recipiat, & pa-
rum esse fluctibus solis vehi. Iam vero, nec vela satis esse maiora nau-
gijs. Et post pauca, grandi supercilio aduersus velorum inuentorem
ita inuehitur. Naturæ iniuria, ac summa audacia, & quò peruenire
nulla execratio sufficit, contrà inuentorem dictum suo loco à nobis, cui sa-
tis non fuit, hominem in terra mori, nisi periret & insepultus.

21 At, pace tanti declamatoris, dixerim, non esse naturæ iniurium,
 6 qui naturæ muneribus utitur, & arte opera eius promouet, complet,
 & imitatur. Naturæ opus est ventos producere, ac summa eius be-
 neficentia, eos per aëra dispertiri, ad commune bonum, & viuere-
 tium commodum. Namque vt acutè aduertit, & eleganter expli-
 cat Seneca Stoicus, non minor humani luxus, & cupidigiæ critica-
 tor, in QQ. Natural. lib. 5. cap. 18. Inter cætera prouidentia opera,
 quæ in ventis miratur, illud summopere commendat. *Quod omni-*
bus inter se populis commercium dedit, & gentes dissipatas locis miscuit;
ingens naturæ beneficium, si illud in iniuriam suam non vertat hominum
furor.

furor . Igitur (excepta hominum malitia, quod in malum vertuntur naturæ dona) si non ad furorem, non ad rapacitatem, non ad inferenda alijs populis bella; sed ad commercia ineunda, communicationemque cum diffitis gentibus aperiendam, nauigationem instituerint, velaque ad hanc commodè habendam inuenerint; non vtique naturæ iniuriam parant, sed subsidia, & Artis, Scientiarumque Mathematicarum additamenta, quæ illam magnificè ornant, & complent. Etenim, vt pulchrè notauit Claudianus lib. 1. de raptu Proserpinæ.

Qyas Natura negat, præbuit Arte vias.

Ars, & Mathematicæ facultates docuerunt fabricare nauigia, & velis instruere, quod possimus facili ductu, hæc illacque per mare discurrere, ampliusque quod tendimus prouenire. Hinc tot velorum genera pro diuersitate ventorum, qui in eis accipiendi sunt, quæ ferè omnia recensent Pollux, & Isid. lib. 19. cap. 3. atque in ijs Artemon, qui dirigendæ potiùs nauis gratia, quam ad colligendum ventus; cui opponitur Acacion, quod est velum maximum in medio nauis captatum ad captandum vnice ventum, quando secundus stat: & alia, de quibus, eorumque vsu, diximus suo loco. Solùm hic addere placet pro colophone, & Mathetis commendatione; velorum vsu prædicari etiam in rhedis, & curribus, terrestri itinere apud Sinas, minore quidem frequentia, sed meliore consilio, vbi planum est solum, in quo velificare iucundissimum, ac tutissimum est, licet non a quæ, ac mare frequens, apertum, ac liberum. Sed præstat hic celeberrima illam vsurpare Paræmiam, quâ nos Itali dicimus: *Mare dilauda, tu verò terram teneto.*

VELAMEN in Architectura militari, audit lorica, seu munimentum genus è vimine contextum, & ex arborum ramis erectum, ac firmis stipitibus infixum, quod firmum non est, ac stabile, sed huc illucque manibus asportatur, vbi opus ad tegumentum fuerit aduersus hostes; idque tum ad eorum ictus fallendos, tum ad nostra opera occultanda, ne quis ex aduersarijs curiosus inspiciat. Galli Candelabra nominant, ipsorum lingua *Candeliers*, eo quod speciem quandam referant eorum candelabrorum, quæ in media aula ad illuminandum de nocte locum, oblongo pedi infixæ constituuntur. Horum formam diuersimodè tradunt, pro diuerso nationum vsu; nam, aliqui non distinguunt à vineis, sed à Gallis fiunt per modum fascium erectorum ad altitudinem hominis, & vbi ad opus assumuntur singuli milites singulos ex his fasces assumunt, & vnum iuxta alium collocant & disponunt, perinde ac lorica terrestri, vel structi-

lem. Vide diuerſas eorum formas in *Architeſtura militari* Adam Fritach, & in ſæpè citatis *Agonibus Martis*.

- 43** VELITES in ordine militari, apud Romanos olim erant expediſſima quædam peditum cohors, nullis ad tegimen corporis, aut ſanè leuibus armis proteſti, ita à velocitate hinc illucque accurrendi, agnominati; quaſi *volites*, iaculis tantum, ac fundis inſtructi, ad hoſtes eminens incommoſandos, atque ad ineundum prælium laceſſendos: unde etſi poſteriores in acie, primi tamen erant, qui poſt datum ſignum, bellum miſſilibus adorirentur; mox recrudescere pugna, equitibus ſe iungebant, & inſilientes in equos, poſt eorum terga, ex vna parte teſti, ex altera liberis manibus, tela in hoſtes vibrabant. Horum introductionem, & primum uſum in Acie Quinto Næuio Centurioni tribuit Valerius Maximus, occasione belli Campani à Romanis ſuſcepti: ſic enim ſcribit lib.4.cap.3. *Velitum uſus eo bello primum reſertus eſt, quo Capuam Fluius Flaccus Imperator obſedit. Nam cum equitatui Campanorum crebris excuſſionibus equites noſtri, quia numero pauciores erant, reſiſtere non poſſent; Q. Næuius Centurio, è peditibus lectos expediſti corporis, breuibus, & incuruis, ſeptenis, armatis baſtis, paruo tegmine munitos, veloci ſaltu iungere ſe equitibus, & rursus celeri motu dilabi inſtituit; quò facilius equeſtri prælio ſubiecti pedites, viros pariter, atque equos hoſtium telis inceſſerent. Eos tamen inter equites adnumerat Vegetius lib. cap.24. quorum vnica laus erat præ corporis agilitate, miſſilia nunquam fallente icſtu, ad ſcopum iacere. At reipſa pedites erant fundibulatores, & ſagittarij, qui tamen in ipſo ardore prælij, fiebant ad tempus equites, ſeu potiùs Anippi, hoc eſt Equitibus iuncti, id quod dilucidè explicat Liuius lib.26. ſic de equitatu loquens. *Eos ſingulos in equos ſuos accipientes equites aſſueſcerunt, & vehi poſt ſe, & deſilire**
- 44** *perniciter, ubi ſignum datum eſſet. Ex quo habes, ſupinè hallucinari ſcriptores aliquos noſtri temporis, qui eos cum hodiernis Gallorum, & Germanorum Draconarijs confundere, & eiùſdem ordinis exiſtiſſe, contendunt: nam longè diuerſa erat ab his, pugnandi ratio, & bellatorum conditio. Illi quippè abſolutè pedites erant, & leuibus armis inſtructi, etſi quandoque ad redintegrandum bellum, aliorum equos aſcenderent; iſti proprijs equis veſtantur, gladijs, & ſclopo maiore armati, quantumuis ex accidenti, cum natus expectat hoſtis, ex equis deſiliunt, & flexo genu, vnusquiſque poſt ſui vectoris tergum, quò pro agere, & operimento vitur, ſclopo in illud innixo, aduerſarios impetit, vt ſuo loco diximus. Sed quid.*

quidquid olim de illis fuerit, hodie certè Velitum nomine, veniunt leuis armaturæ equites, nobilioris conditionis, quos *Caval Legieri* Nostrates appellant, ad distinctionem Cataphractorum: & vt plurimum honoratij, longas hastas in equis gestantes, & galeis ad decorem armati, qui Principem in comitatu præcedunt, & ubi opus est, primi prælium adoriuntur. Hinc

VELITATIO dicta est primum concertationis periculum, seu 25
leuis pugna ab his excursoribus suscitata, antequam collatis signis iustum prælium iniatur. *Scaramucciam* vulgò dicimus, & est veluti futuri mox prælij experimentum, ac dispositio. Hinc prudens consilium suggerit Vegetius lib. 3. c. 9. Copiarum Duci ad præliandum accincto, vt prius eiusmodi velitationibus rem aggrediatur, & ex euentu, omen accipiat. *Et, si multis rebus,* inquit, *superior inuenitur, opportunum sibi ne differat inire consilium: si verò aduersarium intelligit potiozem, certamen publicum vitet.* Hac arte, & præcautione, vfos fuisse Scipionem & Maximum, refert Appianus, cum videbant res in ancipiti positas, ac deliberandi locus non erat. *Maximus*, ait, *in iustam pugnam progredi intutum ratus, exercendi militibus operam dabat, permittebatque milites velitationibus uti; vt eadem opera & hostium, & suorum militum virtutis periculum faceret.* Quoniam autem hæc pugna adumbratio, futura statariæ rudimentum erat, vt si quando malè cessisset, mox pedem retrahere, & ad suos statim in tutum se recipere, & aduolare milites possent, *Velitatio*, quasi *Volitatio* appellata est.

VELOX cursu dicitur ab Astronomis Planeta, qui fuerit im- 26
primis directus, atque in Zodiaco, motu suo proprio incedens, in dies singulos conficiat tantum itineris, quod superet motum medium, singulis attributum. Cum enim singuli sua spontè, & insita virtute moueantur constanter in suis Orbitis circà centrum, eccentricè respectu telluris; inde fit, vt modò veloces, modò se-
gniores appareant ferri in partibus Zodiaci, secundum successionem Signorum, modò etiam contraniti, & retrocedere, cum alias in suis orbitis semper æqualiter moueantur. Hinc tardí, aut veloces denominantur respectu medij motus, qui singulis assignatur pro regula. Si enim verus, & realis eorum motus fuerit medio maior, dicuntur veloces; si minor, tardí. Motus autem medij singulorum sunt, in Saturno, minut. 2. In Ioue, 4. secun. 59. in Marte, 31. sec. 27. In Sole 59. sec. 8. qui est etiam Veneris, & Mercurij. In Luna tandem (quæ est omnium velocissima) grad. 13. min. 10. sec. 35. Et hæc

motus velocitas computatur illis ad fortitudinem, & fortunam, quemadmodum tarditas, & retrogradatio in detrimentum.

- 27 Causa autem, cur Planeta cursu velox reputetur fortis, & viribus prævalens, uti tardus, debilis ac imminutus est, quam supra tetigi in V. *Retrogradus*. Quia nimirum, cum motu suo proprio velociter incedit, contrarietur motui Primi Mobilis, à quo simul omnes rapiuntur ab Oriente in Occidentem, arque adeò plùs temporis habent ad inferiora hæc suis qualitatibus imbuenda; diutius quippè consistunt supra superius hemispharium, & ideò plùs agere possunt: Contrà est, cum fiunt retrogradi, nam tunc, non modò sequuntur adamussim ductum primi mobilis, ut faciunt cum sunt Stationarij, sed insuper illum antevertunt, ac citiùs quàm spatio 24. horarum se in inferiùs hemispharium mergunt. Id quod manifestè, ac sensibilibiter conspicitur in Luna, quæ, ut dixi, velocissima est, & fere ad 25. horas supra terram, singulis diebus consistit: quæ idcirco tam potens est, inferiora hæc alterare, suisque afficere qualitatibus, ut vel inde ab ea, *Sublunarium* nomen sortita sint. Hæc prærogatiua ab alijs numerorum accessio dicitur, & Planeta cursu velox, simpliciter *Auctus numero*, nuncupatur.

- 28 VENTER vocabulum frequens in ore Architectorum, ac pluribus subindè rebus applicitum; semper tamen ex aliqua similitudine, & analogia ad animantis ventrem, eo quod in medio corpore constituitur, & supra reliqua niembra, molli flexu attollitur: & intumescit. Et primò quidem Vitruvius lib.3. cap.2. hoc verbo exprimit adiectionem illam, quæ fieri solet in medio columnarum scapo; quam vult conformari debere ad rationem altitudinis eademem; ut oculus illam de longè, aut ab inio aspiciens, totam teneat, & ex deviante aspectu deceptus, imminutam non credat. *Venustatem*, ait, *persequitur visus*; cuius, si non blandimur voluptati, *proportione, & modulorum adiectionibus*, uti id in quo fallimur, *temperatone adaugeatur*; *vastus, & inuenustus* conspicientibus reddatur *aspectus*. Huius adiectionis præcepta, & exempla ad praxim, quomodo mollis, blandè accrescens, & rata ad rationem totius columnæ, aut ædificij, esse debeat; daturum se pollicetur in extremo libro, quod tamen non præstitit, sed posthàc id optime prosequuti sunt Serlius, & Scamozzius, ut aliàs diximus. Secundò, adiectionis huius, & ventis consideratio attendi solet in aquæductis, in quibus vult idem Vitruv. lib.8. cap.7. parari laxationem quandam in medijs vallibus, per quas fistulæ transire debeant, ad exequendum cursum aquæ; nè aliàs ex violentia motus, fistulæ abrumpantur. En eius verba. *Quùm vent-*

vis in aduersum cliuū, quia in longo spatio ventris leniter tumescit, tunc exprimitur in altitudinem summi cliui: quod si non venter in vallibus factus fuerit, nec substructum ad libram factum, sed geniculus erit, erumpet, & dissoluet fistularum commissuras. Ac, ne in ventre isto aër inclusus præpediat aquæ motum, præcipit insuper, in eo æstuaria aperiri, per quæ (subdit) vis spiritus relaxetur. Quibus adiumentis, & cautionibus obseruatis, concludit tandem. Qui aquam per fistulas plumbeas ducent, bellissimè poterunt efficere, & decursus, & circumductiones, & ventres: Id quod in delineato ad viuam rei expressio, nem schemate, manifestat Barbarus in Commentar. ad hoc caput. Tertiò, gibbositas illa, & curuatura in opere architectonico, quam contrahere solent parietes ex nimio superadictò pondere, aut vetustate; venter communiter ab Architectis, & cœmentarijs nuncupatur: A nostris vulgò: *Far panza*.

VENTER etiam apud Astronomos dicitur, pari similitudine, 92 maxima latitudo Planetarum, seu deuiatio ab Ecliptica (per quam Sol solus, in neutram partem inflectens, incedit) & quia mouentur per orbem, atque eorum orbitæ cum Ecliptica in duobus punctis diametraliter oppositis se intersecant, in duobus etiam intermedijs ab eâ maximè recedunt: quo positu videntur speciem quandam Draconis in orbem voluti, caudamque suam ore præhendere, efformare; ideo hisce intersectionibus, in quibus latitudo attenuatur Capitis, & Caudæ Draconis nomen, & vbi maximè dilatatur, vti Dracones in ventre, ventris Draconis appellationem placuit applicare. Porro hic duplex est; alter Boreus, alter Austrinus: Boreus, vbi planetæ obtinent maximam latitudinem borealem: Austrinus, vbi habent australem. Et hi quidem singulis planetis latitudinè præditis competunt, quemadmodum Caput, & Cauda Draconis; verumtamen absolutè prolati, de Luna intelliguntur, quòd in eâ maximè accidat, & singulis eius lationibus hæc duplex, & maior ab Ecliptica deuiatio; cæteris autem, quam rarissimè, & longè minor: quamquam Tycho aliquando maiorem comperiit in Venere, & in Marte, in illa quidem ad 9.grad. hinc inde; in isto latitudo maxima meridiana obseruata est excedere grad.6.& semis, borealis extendi ad quatuor cum dimidio. Luna autem grad. 5.min.17. hinc inde: Mercur. gr. 3.min. 33. Saturn. gr. 2.min. 49. meridian. gr. 2.43. boreal. ac Iupiter hinc inde gr. 1.min. 40. Id quod Ephemeridum calculatoribus pro regula est. Vocantur etiam isti flexuræ, limites, &c. vt illi Nodi, vt aliàs dictum est.

- 30 VENTVS ex Aristotile 3. Meteor. cap. 5. est *Exhalatio sicca è terra ad superiora transcendens, & aërem vehementer percutiendo impellens*. Consonat Albertus Magnus lib. 3. tract. 1. cap. 3. & omnes ferè Peripatetici. Verùm hac definitione, non tam venti ipsius quidditas traditur, quàm causa eius effectiua, & proxima, in quam non, exhalatio sola concurrit, sed & Sol, aliaque sidera, sua vi educenda è terra, & aëquantia, talem & talem exhalationem. Venti autem nomine, communi acceptione, venit aër commotus ex se simul refrigerans, & exsiccans; siue id à natura fiat, siue arte, medio aliquo instrumento aerem comprimente, & repellente; vnde ventum facere dicimus, cum flabello aerem ambientem impellimus, & nouum refrigerantem captamus: aliàs exhalatio ipsa in se calida est, & vt plurimum sicca, nec valet frigiditatem inducere. Et quidem nulli dubium esse potest, ipsam ventorum materiam, seu subiectum, aliud planè non esse, quam aërem, formam proximam eius impulsam, & agitationem, itaut ipsa actualis commotio aëris, ventus sit. Vnde Augustinus in lib. de Quantit. Animæ: *Nihil aliud, inquit, quam istum aërem commotum, & agitatam, Ventum esse sentimus; quod in loco tranquillissimo, & ab omnibus ventis quietissimo, vel breui flabello approbari potest; quo etiam muscas abigentes, aërem commouemus, flatumque sentimus. Apuleius de Mundo, sic ventum describit: Nec enim aliud est, nisi multum ac vehemens, in vnum coacti aëris flamen.*
- 31 Id quod in artificiosa venti efformatione per Chymicos facta, manifestum sit. parant enim cupream phialam, seu globum aqua plenum (vt auctor est Ionslonus de Admirand. Meteor. cap. 6.) hunc ita obfirmant, & claudunt, vt nulla ex parte, ne minima quidem, aqua guttula effluere possit: tùm ci paruum foramen, vix perceptibile, in eo relinquitur, aut aperitur, in quod fistula item cuprea subtilissima adigitur, & hermetice sigillatur: mox admouetur igni. Vbi globus incalcescit, aqua attenuatur, & rarefit, itaut tenuiores partes in aërem conuertantur, qui calore dilatatus, foràs exire gestiat, & non ci datum sit, nisi per angustissimam fistulam; quod ideo magno impetu foras exire contendit: & ventum illum excitat, producitque; qui durat, quoad vsque vniuersa aqua, quæ in globo est euaporet, aut certè ignis ab eo remoueatur.
- 32 Stat igitur, Ventum in se aliud planè non esse, quam impetum impulsu aëris, atque ad vnani partem violenter detrusi. At, quoniam pacto naturæ id fiat, & vnde tam violentus exeat flatus, qui tantam aeris partem commoueat, & impellat, præsertim in aperto; ac dilatatione sui, & in progressu, non modo non languescat, ac dissipetur, sed potius augeat, & vires acquirat cundo; adeò difficile est intel-

intellectu, vt iure ponatur in exemplum admirabilium operum, Dei, in sacris Paginis, Eccle. 11. *Quomodo ignoras, qua sit via spiritus, sic nescis opera Dei, qui fabricator est omnium.* in Psalm. 134. *Qui educit ventos de Thesauris suis.* ac Io: 3. *Spiritus ubi vult spirat, & vocem eius audis, sed nescis vnde veniat, aut quis vadat, &c.* Vbi sapientissimè Augustinus: *Ab occultis, inquit, causis, vnde nescis. Quà enim fiat ventus, sentis; qua causa fiat, vel de quo thesauro rationis educitus sit, nescis.* Scio, multos Philosophos Anaximandrum sequutos, attingere quidem, sed non assequi veram, & genuinam, causam ventorum; asserentes, id fieri à subtilissimis, atque humidioribus particulis aeris à Sole motis, & eleuatis. At quorsum tantus impetus, & violentia? vnde motus ille obliquus, & in aduersum, & non potius sursum directus? cum aliàs videamus vapores è terra, aut aqua emergentes, calore Solis attenuatos, sursum euchi, & eleuari.

Quapropter (id quod verosimilius est) vera ventorum causa, tan- 33
raque eorum diuersitas, est ab exhalationibus calidis è terra profi-
lientibus, quæ sensim attenuatæ, atque ad mediam aeris regionem
perductæ, ex vario siderum concursu, non ex quidem omnes accen-
duntur, & in ignes, coruscationesque vertuntur, sed modico calo-
re concepto rarefiunt, ac dilatantur in aerem. Quò fit, vt amplio-
rem locum occupare gestiant, & aerem contiguum magno nisu pro-
trudant: qui successiue aliàs partes sibi proximas impellat, ac mo-
tu ipso, & calore succrescente, magis ac magis semper augeatur
impulsus, ac violentia, vnde ventus tandem exfurgat. Hinc est,
vt qua parte ventus spirat, ibi multam exhalationum eiusmodi co-
piam innasci compertum sit, eademque loca, istque lateraliter suc-
cedentia, varijs, & violentis ventorum flatibus sint obnoxia. Cau-
sa autem, cur venti, vt plurimum lateraliter spirent, & excitentur, est
quia exhalatio illa sursum attracta; ibique attenuata, mox ab fri-
gida aeris regione deorsum truditur, eaque sua lenitate sursum,
nihilominus ascendere conante, in ista contrarietate fit, vt tandem
eius impetus, & aeris agitatio vertatur ad latera, vbi minùs ob-
sistentiæ inuenit, nã agisque se dilatandi quaquauersum habeat locum.
Præterquamquod non est à ratione alienum, vt ea sidera, quæ exha-
lationem istam attrahunt, atque in flatum attenuant, eam iam re-
solutam, siue ad se, siue ad plagas illas terræ, quæ sibi subiectæ sunt
attrahant, aut impellant, cumque plura, ac diuersimodè in hoc
concurrant, inde pugna illa, contrarietas, & diuersa ratio vento-
rum. Ex quidem vniuersaliter atque indifferenter, Mercurius credi-
tur esse primus motor ventorum. Venus autem specialiter Meri-
diona-

dionalium; vti Iuppiter borealium; Saturnus orientalium; Mars occidentalium. Simili modo concurrunt etiam stellæ fixæ, prout cuiusque planetæ naturam participant.

- 34 Vbi animaduertendum, omnes ventos, ex sui intrinseca natura, esse eiusdem conditionis, & qualitatis; extrinsecus autem habere, quod iste sit calidus, ille frigidus; hic humidus, ille siccus; hic lenis, ille impetuosus; hic tabificus, ille salubris. Etenim cum ventus formaliter aliud non sit, quam aër commotus, consequenter pro qualitate aëris, & regionis vnde spirat, aut per quam transit, illam induit, & aliò transfert. Sic venti Septentrionalis in nostris regionibus cis Aequatorem, quoniam à frigidissimo climate, atque ab altissimis montium iugis perpetua niue contextis, ortum habent, indeque ad nos adueniant; frigidissimi sunt, & sicci. Meridionales e contra, qui ab locis trans æquatorem spirant, atque ad nos, torridam zonam, & mare traicientes, perueniunt, calidi sunt, & humidi magis, aut minus, pro locorum varietate. Vnde Syroculus magis humidus est Genæ quam Neapoli, eo quia ibi amplior est sinus maris, & sic maiorem humorum copiam illinc habet attrahere, & secum ferre. In Sicilia verò calidus quidem est, sed perpetuò siccus; quia ad eam Insulam non per mare, sed per continentem amplissimum Africæ tractum, habet transire, atque adeò Africanum aërem ardore Solis exsuccum, & inflammatum, illuc apportat: & sic de alijs: vnde alia est, & contraria prorsus natura eorundem ventorum à Regionibus Meridionalibus, ac Septentrionalibus spirantium: vti Orientalium, & Occidentalium, pro ratione locorum vnde veniunt, aut per quæ transeunt,

- 35 Porro quatuor sunt venti præcipui, & Cardinales dicti, qui à quatuor Mundi plagis, seu Cardinibus proueniunt, & ortum habent: Septentrio à Septentrione, siue de sub Polo arctico: Auster à Meridie, hoc est, de sub Polo Antartico: Subsolanus, seu Apeliotes, ab ortu æquinoctiali: Zephyrus, siue Fauonius, ab occasu item æquinoctiali. Quibus totidem intermedios assignant Geographi, qui dici possunt neutrales, aut æque de extremis participant: Borrbolybicum, vulgò Magistrale, inter Occasum, & Arcton: Borrhapeliotem, seu Græcum, inter Septentrionem, & Ortum: Notapeliotem, siue Syroccum, inter Ortum, & Meridiem: ac Notolibicum, seu Garbinum, vulgò Libeccio, inter Meridiem, & Occasum. His addiderunt postea quatuor alios, dictos Laterales, adiacentes Fauonio, & Subsolano, hincinde ad distantiam grad. 23. & semis, qui videlicet spirant à quatuor punctis ortus & occasus, vtriusque Solstitij. Hi sunt, Cæcias, spirans ab ortu æstiuiali; Eurus, ab hyemali; Corus,

ab Occasu Aestiuāli; Africus ab Occasu Hyemali. Pari etiam ratione deprehenderunt quatuor alios laterales adiacentes hincinde, in eadem distantia, Septentrioni, & Austro: & Circium, ac Boream dederunt Septentrioni; illum ad occasum, conterminum Borrhaphelico; istum ad ortum, conterminum Borrhapheliori: Phœnice m. autem, & Lybanoton adiacentes Austro; illum conterminum Syrocco; istum Garbino. Ac tandem, singulis Lateralibus, hincinde duos minores dederunt: Nempe Coro, YpoCorum, & MesoCorum: Circio, YpoCircium, & MesoCircium: Aquiloni, YpoAquilon, & MesAquilon: Cæciæ, YpoCæciam, & MesoCæciam: Euro, YpEurum, & MesEurum: Phœnici YpoPhœnicem, & MesoPhœnicem: Libanoto, MesoLibanoton, & YpoLibanoton: atque Africo, MesAfricum, & YpAfricum. Qui tamen Venti minores, reipsa venti speciales non sunt, sed Lateralium deuiationes, & vt ita dicam, abortiones, naturam, & qualitates suorum principalium sequentes, atque ex parte de adiacentibus participant.

Ergo à primo ad vltimum, Venti, qui olim numerabantur, erant octo principales iam dicti; postea accesserunt alij octo ipsis Collaterales; ac tandem singulis lateralibus suæ Quartæ: Qui omnes in vniuersum complent numerum XXXII. Ventorum; vt videre est in subiecto schemate. Quod, etsi apud omnes ferè Geographos, profstat, & in Mappis Mundi, Tabulisque Geographicis, delineatum est; placuit tamen hic oculis exhibere, tum ad complementum Operis, tum ad explicandam eorum omnium, & singulorum naturam, conuenientiam, & discrepantiam inter se; relationem ad Planetas singulis Quadrantibus dominantes: & qui sub singulis quadrantibus comprehendantur: vt vnico intuitu, & ictu oculi, omnes discerni, & prospectari queant, cum suis nomenclaturis, ac sitibus determinatis, unde originantur. Quod non est ab alijs, tam clarè, ac distinctè præstitum.

SCHEMA VENTO:

RVMOMNIVM



THE UNIVERSITY OF CHICAGO

CHICAGO, ILL. 60637

CHICAGO, ILL. 60637

CHICAGO, ILL. 60637

CHICAGO, ILL. 60637

CHICAGO, ILL. 60637

CHICAGO, ILL. 60637

CHICAGO, ILL. 60637

CHICAGO, ILL. 60637

CHICAGO, ILL. 60637

CHICAGO, ILL. 60637

CHICAGO, ILL. 60637

CHICAGO, ILL. 60637

CHICAGO, ILL. 60637

CHICAGO, ILL. 60637

CHICAGO, ILL. 60637

CHICAGO, ILL. 60637

CHICAGO, ILL. 60637

CHICAGO, ILL. 60637

CHICAGO, ILL. 60637

CHICAGO, ILL. 60637

CHICAGO, ILL. 60637

RVM OMNIVM SYNTAXIS

n Naturam, successionem, & locum :
suis appellationibus, Græcè,
Latine, & Italicè .

Septentrionales .

Græcè *Thrascias* . Collateralis Septentrioni versùs Occasum .
Circius eius Naturam participans , eique adiacens ad Septentr.) *Quartæ* .
Circius item adiacens , ponè Magistralem .

Latin. *Septentrio* , Ventus Cardinalis , spirans directè à Polo Ar-
tico , Frig. & Sicc.

Græcè *Boreas* . Ital. *Græco-Tramont* . eidem Collateralis , tendens
Ortum .

quilo ei adiacet ad dextr.)
lo adiacens ad finitrl.) *Quartæ* .

Interp. ptes . Latin. *Gracus* , in media distantia inter Septentr. & Ortum .

Latin. *Hellefontius* . Ital. *Greco-Leuante* . Collateral. *Borex* ,
rans ab ortu Aestivali , cui adiacent .
cias ad Ortum .) *Quartæ* .
ias ad Græcum .)

Latin. *Subsolanus* . Ital. *Leuante* . Vnus ex Cardinalib. spirans ab
tu Aequinoctiali , moderatè Calidus , & Siccus .

Latin. *Vulturnus* . Ital. *Sirocco-Leuante* . Alter Collateral. spirans ab
tu hyemali , natura turbid. & vorricofus . Cui adiacent .
ad Ortum .) *Quartæ* .
ad Siroccum .)

Interp. . Latin. *Syrus* . Ital. *Sirocco* , in media distant. inter Ortum ,
Meridiem , natura cal. & humid. Morbosus , intemperans .

Collateral. Austro , versùs Eurum . Lat. *Euro-Auster* . Cui
acent .

ix ad Siroccum .) *Quartæ* .
ix ad Austrium .)

urus . Græcè *Argestes* . Ital. *Ponente-Maestro* . spirans
estivali . Cui adiacent .

ad Fauonium ,) *Quartæ* .
ad Magistralem .)

Intermes . Latin. *Magistralis* , Ital. *Maestro* , spirans à media d.
ater Occasum , & Septentrionem . Natura frig. sed maxi
nimbosus , & procellosus .
Circius &c.

VENUS, Stellarum omnium in Cælestibus, tam errantium, quam fixarum pulcherrima, ac fulgentissima, quæ blanda sua, & enusitata luce, intuentium oculos mirè allicit, & exhilarat: à *Veniendo* dicta, ut placet Tullio lib. 2. de *Natura Deor.* non à venustate; quòd ad res omnes venit, & ex ea potius Venustas deriuata est, quam Venus à Venustate: quippe nil propè est in rerum natura ad vitæ iucunditatem, prorogationemque conducent, quod non ex ea, magna ex parte veniat: propterea, & illius nomine decorata est, quæ Dearum omnium pulcherrima, & amabilissima, atque Amoris Mater à Poëtis astringitur: quanquam non ei æquè nobiles, & expressius appellaciones desunt, quæ singulares eius prærogatiuas atque officia denotant: Lucifer, Hesperus, Solis prænuncia, Stella matutina, Vesperugo, &c. de qua ita Plinius, lib. 2. cap. 2. *Infrà Solem ambit ingens Sidus, appellatum Veneris, alterno meatu vagum, ipsisque cognominibus amulum Solis, & Luna: præueniens quippe, & ante matutinum exoritur, Luciferi nomen accipit, ut Sol alter diem maturans; contrà ab occasu resurgens, nuncupatur Vesper, ut prorogans lucem, vicemque Lunæ reddens. Magnitudine extrà cuncta alia sidera est; claritatis quidem tanta, ut vnica stella umbra reddatur: itaque & magno nominum ambitu est.* Porro, quod de magnitudine fatur, intellige de apparente: nam aliàs omnium planetarum (si modò Mercurium excipias) minima est, quin & ipsa terra minor, quæ eius diametrum continet tricies, & septies: at quia terræ valde proxima est, uti & Luna, apparet grandior, estque (exceptis Luminaribus) actiuitate potentior. Habet cum Mercurio Solem pro centro, in cuius Orbis crassitie vterque immergitur, & volutatur concentricè: quare in magna recessione, cum est in prima, & secunda statione, non elongatur ab eo, nisi ad grad. 48. ex quo, & ex vario ad eum positu, apparet modò luminibus plena modò corniculata, perinde ac Luna; cum hac tamen differentia, quod quando corniculata est, discus eius conspicitur quadraginta vicibus plenitudinem eius excedens (ut Telescopio plures obseruauere) quod aliunde prouenire non potest quam à dispersione lucis, quæ impediri in corpore, diffundatur ac dilatetur in extrema. Cæterum periodum suam, cum ipso Sole, non ramen æquè incedens, absoluit spatio vnus circiter anni, quemadmodum & Mercurius, qui est alter Solis satelles, sed vicinior, & fere semper sub radijs, ita ut in maxima elongatione, vix conspicuus fiat, distans ab eo grad. 28. Porro natura huius planetæ humida est, ac temperate calida: quod ideo rerum præsertim viuientium generationi aptissima, educationem maturans, & conseruationi conducent: sed quia in ea præualer humiditas, qualitas passiva, dicitur Fortuna minor, & Planeta femi-

neus. Præstet femineo sexui, animantibus, & plantis pulchris, atque odoratis, ut puta myrto, rosæ, &c. dominaturque vasis seminalibus atque ex sensibus, fouet gustum, odoratum, & tactum: unde est Aphorismus Ptolemæi in Centiloquio num. 27. *Venus affert voluptatem in membro, cui signum in quo ipsa est, dominatur*: quod potissimum præstat in proprijs domicilijs, atque in Piscibus, ubi obtinet Exaltationem, & Trigonum. Eapropter est naturalis voluptatum, significatrix, luxus, deliciarum, amorum &c. ut ex doctrina Platonis colligit Marfil. Ficinus in *Commentar. ad Timæum cap. 19.*

36



De hoc Astro notat D. Augustinus lib. 21. de *Ciuit. Dei cap. 8.* ex Varrone, aliquandò mutasse magnitudinem, figuram, colorem, & situm, quod pro portento habitum fuit (etiam tunc, cum nulla essent Telescopia, neque instrumenta, quæ nunc sunt exactissima ad sidera obseruanda; eius natura, habitus ad Solem, & irregularis motus, probe perspecta non erant.) Verum ex eo id conficit acutissimè Augustinus, mirum non esse, nec nouum in Natura, id quod de nouo innotescit, fieri ab eo quod ab initio notum fuit, aliquando discrepans, ac diuersum. Et sanè ante Tychonem multæ siderum affectiones prorsus incompertæ erant, & tunc demùm apertæ, quando ipse. post multos labores, ac repetitas obseruationes, liquata calorum substantia, agnouit in motibus Martis, & Veneris, esse magnam inconstantiam, & varietatem; itaut aliquando Venus ab Ecliptica remoueatur ad grad. 9. hincinde; & Mars circa Solem & ipse se voluens, in Perigeo constitutus, prouideque terræ proximior, videatur infra Solem, & in magnitudinè talis, ut ferè Veneris apparenti magnitudini æquiparetur: id quod antequam Tychoni pateret, in causa fuit, ut vel ipse in eo ante deciperetur, ac scripserit Veneris astrum mutasse suas sedes, colorem & magnitudinem, quando pro Venere, Martem accepit, & in eius locum supposuit. Sed tandem verum comperiit, & sua deceptione doctior factus est, & hoc arcanum mundo detexit.

37

VERGILIAE latinè dictæ sunt, quæ à Græcis Pleiades nominantur, eo quod orto suo, conditionem temporis ad nauigandum suè prosperum, siue aduersum ostendunt: sunt enim septem stellæ in dorso Tauri sideris consistentes, simul conglomeratæ, adeò ut vnum astrum referant, & ferè semper ventos excitant, præsertim si Mercurio copulentur, ut fusè dictum est in V. *Pleiades*. A Latinis ideo Vergiliæ sunt appellatæ quod olim extremo vere oriebantur. Arabicè *Athoraiè*. A nostris autem *Le Gallinelle*, quia assimilantur Gallinæ, pullis suis incubanti; in quo conuenimus cum Germanis

&

& Anglis, idiomate suo idipsum exprimente. Cætera pete ex V. Pleiades.

VERSURA generaliter ex etymo nominis, indicat conuersionem, 38
& deflexum alicuius rei, quæ cum prius in rectum iret, postea mutato tramite, in transuersum, siue aduersum tendit. Hinc Columella ex quorundam foliorum versura & complicatione, anni tempora colligi posse, ait lib. 1. de Re Rust. cap. 46. Et lib. 2. cap. 2. Versuram nuncupat, terminum directionis aratri. Cum ventum erit, ait, ad versuram, in priorem partem ingum propelle. Simili modo in Architectura, Versuræ appellantur flexus angulorum in parietibus, siue in antis Ostiorum, quæ antèrius patent; vnde Vitruuius lib. 3. cap. 1. de Prostilo agens, *Omnia, inquit, habet; (quæ nimirum, aliæ species ædium) columnas autem contra antas angulares, duas, supraque epistylia; quemadmodum & in antis, ac dextra & sinistra in versuris singula.* At enim aliter accipit in conformatione Theatri, ubi pro versuris intelligit angulares occurfus porticum, quæ à Scena ad Theatri cornua expediri solent: sic enim habet lib. 5. cap. 7. *Secundum ea loca versuræ sunt procurrentes, quæ efficiunt, una à foro, altera à peregrè aditus in Scenam.* & cap. 6. de dirigendis spectaculorum cuneis agens, *Qui erunt, inquit, dextra ac sinistra, hospitalium designabunt compositionem, extremi duo spectabunt itinera versurarum.* Similiter statuit de Palæstris, cap. 11. *In duplici autem porticu collocentur hæc membra . . . sub dextro Coricem, deinde proximè Connisterium; & à Connisterio in versura porticus, frigida lauatio.* Et infrà: *E regione frigidarij collocetetur concamerata sudatio, quæ habeat in versuris, ex vna parte Laconicum ad eundem modum compositum.* &c. Ex quibus liquet, pro Versura hic accipere absolutè porticus aditum, seu finimentum.

VERTEX propriè appellat in homine summam, & extimam, 39
capitis partem, in quam ejus altitudo terminat, & è qua qualitas statum dignoscitur. Hinc in Mathematicis ad diuersa, per analogiam applicatur vocabulum. Et primò Geometrà in Triangulis, Verticem seu angulum verticalem nominant, qui cæteris eminet, basique subtenditur: similiter in Conicis, apex seu coni, seu manens punctum, è quo educuntur lineæ seu superficies terminantes ad basim, dicitur vertex Coni: & in Sectionibus, (quæcumque ex sint) extremum diametri interceptæ intrâ sectionem, dicitur vertex. At enim in Astronomicis, punctum in Cælo, quod perpendiculariter imminet capiti nostro, dicitur Vertex, arabicè autem Zenith: & sidera, quæ ali-

aliquando punctum istud occupant, dicuntur Verticalia: id quod maximè attenditur; nam ibi plusquam alibi, directis radijs subiecta loca feriendo, sunt potentissima, vt dicetur in V. Zenith.

40 VESPERTINVS dicitur Planeta Occidentalis, cum videlicet Vespere, post Solis occasum, supra horizontem conspicitur, caditque post ipsum Solem. Sicut e contra, Orientalis, qui mane præcedit Solis ortum, & supra horizontem videtur; Matutinus. Qua autem ratione, ista qualitas accidens Planetæ, illum afficiat, & aut in viribus robores, aut debilitet, dictum est in V. Occidentalitas.

41 VESTIBVLVM in Architectura est pars illa aræ ante ædificium strata, quæ immediatè adiacet Ostio, & sub iure venit eius, qui Dominus, aut pro tempore, conductor est domicilij, Quamquam enim id in ædificij partem non venit, nihilominus ipsum consequitur, & ad eius rationem, amplum, aut arcum, magnificum, aut humile constituitur; vnde ab Architectis in magna consideratione habetur. Et aduertit Gellius lib. 2. cap. 5. solum ante magnificas ædes antiquitus sterni solitum. *Qui Domus amplas, inquit, antiquitus faciebant, locum ante ianuam relinquebant, qui inter fores domus & viam, medius esset.* Id quod confirmat Macrobius lib. 6. Saturnal. cap. 8. Porro à standi consuetudine dictum existimat Nonnius Marcellus. *Quod in his locis ad salutandos dominos domorum quicumque venissent, stare soleant, cùm introeundi daretur copia.* Nunc autem, quod ad rem attinet, ea (vti dicebam) amplitudini, & magnificentia domorum, ante quas iacent correspondere ex architecturæ legibus, debent. Nam vt bene Vitruu. lib. 1. cap. 2. *Ad consuetudinem decor exprimitur, cum ædificijs interioribus magnificis, item vestibula convenientia & elegantia erunt facta.* Si enim interiora (mox subdit) *prospetus habuerint elegantes, aditus autem humiles, & inhonestos, non erunt cum decore.* Quare ad decorem, & maiestatem loco adiiciendam, laudatissimum erit, (subiungit Albertus) ad Basilicas, & sacras ædes, necnon ad magnatum palatia, sterniere latas ambulationes, easque aliquando porticibus circumornare ac tegere, vt decor & veneratio loco accrescat; quemadmodum videmus factum vniuersaliter in plerisque Italiæ urbibus, ac nouissimè Romæ, ad Basilicam S. Petri, quæ ob magnificentiam, amplitudinem, & Principatum super omnes Ecclesias, Orbis miraculum, & architectandarum ad proportionem aliarum sacrarum ædium, idea dici & haberi, iure optimo potest. In ea quippe, vltra amplissimam aream, quæ primum strata erat ante Basilicam, extructa est ad atrij latera magnificen-

ſcientiſſima Porticus ab Alexandro VII. P. M. quæ benè tanta molis magnificentiæ reſponderet, itaut totam aream ad Amphitheatri formâ complecteretur, quadruplici columnarum ordine interſtinctâ, ac ſui maiestate adeuntium oculos præſtingeret, artonitoſque in ſui admiratione teneret: adeò cuncta ad ſymmetriam cadunt, & tantæ Baſilicæ tantum veſtibulum ſiſtitur, in Veſtibulo, porticus Atrio; & vtrique area apprimè reſponder, magnificentia ſimul cum venuſtate pugnantibus. Vt iam non de Baſilicæ Lugdunenſis exteriori ornatu ac præſtructâ porticu, loquutum dixeris Sidonium Apollinare. ep. 10. lib. 2. quàm de triplici hac Vaticana porticu, quaſi diuinans præfiguraret, cum cecinit.

*Huic eſt Porticus applicata triplex
Fulmentis Aquitanicis ſuperba,
Ad cuius ſpeciem remotiora
Claudent Atria porticus ſecunda:
Et campum medium procul locata
Veſtit Saxeæ Syluæ per columnas.*

Acceſſit ad complementum, & coronam operis vere regi, quod in media area Obeliſcus olim à Sixto V. erectus, hincinde duplici vberimo fonte condecoratus viſitur, & in ſummo Theatro ad ſingula porticus arcuum interſticia, conſtituta diuerſa, & quampluriſſima Diuorum Simulacra, quæ non tam ad pietatem accedentes excitant, quam locum mirè protegunt, & exornant.

VESTIGIVM. Vide *Planta, Icnographia*, &c.

VEXILLVM communiter audit militare ſignum, ſub quo bellatrices Copiæ colliguntur, ad prælium incedunt, ductum ſequuntur, & quo mediante, Imperatoris voluntatem intelligunt, atque in ſymbolo venerantur: etenim eo non erecto in ſignum profectionis, neſas erat militi latum pedem ex ſuis ordinibus præterire, ante hoſtilem aciem conſtituto eam adoriri, manus conſerere, & pugnæ initium dare; ſed tempus, locus, ac ratio ineundi prælij à Duce, dato per vexillum ſigno, indicebatur; vt teſtis eſt Dio lib. 47. Caſar in pugna Pharſalica lib. 3. ſcribit, à ſe ita faciari ſolitum: etenim toti exercitui imperauit (de ſe loquitur) ne inſu ſuo concurrerent: cum id fieri vellet, vexillo ſe ſignum daturum. Erat autem Vexillum ab initio, velum haſtæ infixum, ſeu flammeolum in ſummitate volitans & conſpicuum; itaut à toto exercitu probè videri poſſet: non illud quidem magni ambitus, ſed expeditum, & breue; vnde Feſius Vexilli etymon deriuat, quaſi exile velum; nunc autem apud Europros

propter amplum est, & oblongum quod à Vexillifero in aera expansum, & variè agitatum, militibus indicit quid faciendum sit, & quo ordine incedendum; quanquam Turcæ solent arctius & crassius expandere, auro & gemmis intextum, in quo nõ Imperatoris insigne, (vt apud nos,) sed aliquod hieroglyphicum, & Turcicas notas videas exaratas. Et primò quidem vnicum erat & vniuersale omnibus copijs prætextum: postmodum vltra præcipuum, singulis cohortibus proprium datum, quò vitaretur confusio, & singula ab alijs secretæ, sua signa attenderent & sequerentur. Id quod expressis verbis tradit Veget. lib. 2. cap. 13. in hunc modum. Primum signum totius Legionis est Aquila, quam Aquilifer portat: Dracones etiam per singulas cohortes à Draconarijs feruntur ad prælium. Sed Antiqui, quia sciebant. in acie commisso bello, celeriter ordinas aciesque turbari, atque confundi: ne hoc posset accidere, cohortes in Centurias diuiserunt, & singulis Centurijs singula vexilla constituerunt: itaut ex qua cohorte, vel quota esset Centuria, in illo vexillo, litteris esset expressum, *quod intuentes, vel legentes milites in quantonis tumultu, à contubernalijs suis aberrare non possent.* Loquitur autem de antiquo Romanorum ritu, à quo suo tempore recessum erat, & vexillorum numerus ex parte auctus, ex parte moderatus, ac symbola notæque identidem variata. Enimvero primi Romani ab initio, vtpote pecuarij & inter pastores educati, militiæ rudes erant, quoad indicto eis à Sabinis, atrociſſimo bello, illis obuiam, nullo ordine, nullo præcedente signo, sub nullo certo Duce tumultuariè & confertim iuerunt; qui tamen belli scientes, aduersus eos, elato vexillo cum hac tumida inscriptione, S. P. Q. R. (hoc est Sabinis Populis *Quis Resistit?*) in cohortes distincti, & in ordines explicati, in prælium perrexere. Et primò quidem benè eis res cessit: vnde Romani & suorum clade, & hostium exemplo edocti, postminuò cautiùs in aleam descendere; & erecto simili vexillo cum eadem epigraphe, S. P. Q. R. quæ ediceret, Senatam Populumque Romanum, non modò restitutum, sed eos funditus deleturum. Votis stetit euentus, & omen cessit in gloriam, Sabinis sæpè fufis, & ignominiosam pacem exorare coactis. Quare mansit ex tunc, Romanis illud idem insigne, & non tam in prælijs, illud in Labaro præferebant, quàm in pace, Romanorum tessera fuit S. P. Q. R. eaque vsi sunt ad hanc vsque diem, in figuandis publicis monumentis, atque in omni inscriptione. Sed, quod ad militare vexillum attinet, id vnicum, singulare & constans suis Exercitibus fuit in omnibus bellis per vniuersum susceptis, atque hic ritus perdurauit vsque ad Cæsares. Quo tempore, conuersa in Principatum Republica, illi

Impe-

Imperij symbolum Aquilam, militari vexillo (quod eos in expeditionibus susceptis, cum vniuerso exercitu præcederet,) præfixere: mox Copijs in Cohortes, & Centurias dispertitis, singulis ad agnitionem sua vexilla data sunt, draconibus, (vt dictum est) alijsque notis, ac symbolis contradistincta. Semper tamen primæ Cohorti, honoris, ac dignationis causa, tributum fuit Imperatorij vexillum, quod Labarum vocabatur, eratque Aquilæ præsignatum, quod vniuersus exercitus sequebatur, cui reliqua vexilla subordinata erant, & morem gerebant. Donec sub Constantino Magno, accepto cælitis signo, portari cæpit antè omnes Copias Imperatoriũ signum ac Labarum Cruce, loco Aquilæ, desuper imposita, & in pendente velo, auro gemmisque intexto Christi nomine, in primis literis X. P. simul iunctis, mysticè exarato, vt in loco diximus. Cæterum exinde tantus honos vexillis est habitus, tanta cura seruandi, vel in summo discrimine præliorum; idque nedum inter Christianos, sed etiam apud omnes quascumque barbaras nationes, vt eo saluo quod quisque ordo portaret, salua res, & gloria sub eo militantium reputaretur; & contrâ, deperdito, ignominia, & irritus prælij fructus consequeretur. Hinc factum, vt qui vexillum sibi concreditum gestaret in acie, omni studio, omni conatu illud sacrum tectum custodire supra ipsam vitam adniteretur; quique è contrario ab hoste eriperet, summam laudem, ac si omnes hostes fudisset, ipsumque in præmium, reportaret, vt passim legimus in Historijs. Quo in genere refert Iouius, quod, cum in conspectu apud Atellam inito inter Gallos & Aragonios, cuidã vexillifero detruncata esset ab aduersario dextera, sinistraque altè sauciata; ipse, ne vexillum hosti prodigeret, ore mordicus arceptum, tandiũ tenuit, quoad vitam prius daret, quam concreditum Signum. De alio, simile quid narrat Fulgosiũ, quod cũ utrâq; manum in prælio perdidisset, truncis brachijs vexillum ante pectus strinxit, inlamaratãque interim *Olea* (ea erat sociorum testera) illos admonuit, vt præliũ essent, ac vexillum, deficiente sibi vita, seruarent. Tanta in prælijs vexillorum habetur ratio, tẽ quorum sorte felix aut infelix belli euentus dignoscitur, ac retracto pede, non iã de cæforum numero, & qualitate, sed de vexillis partis, aut deperditis agitur, ex ijsque clades accepta ab vnũ, victoriæ decus & præstantia penes alios stans, dijudicatur. Vt mirum non sit, si ea plusquam opima spolia, in triumphum gloriosè aguntur, atque ad æternam facti memoriam, ac trophæum contrâ hostes, in templorum aditis appenduntur.

nomis, totus ille tractus, seu spatium in Zodiaco, quod extenditur in longum ab initio Libræ, vsque ad medietatem Scorpij: seu vt nunc computant Recentiores ex recessione octauæ Sphæræ à sedibus suis sub Primo mobili, à medietate Libræ ad totum Signum Scorpij. Fortasse ob stellas fixas constitutas in Lancibus, Chelis, & Fronte, Scorpionis sideris, & Antarem, omnes malignantis naturæ, participantes de Saturno, & Marte, vel sanè Mercurialibus, quæ cum Mercurio habent esse bonas cum bonis, malas cum malis; aut quod vniuersim sint adurentis naturæ. Vnde totum hoc spatium pro planetis in eo repertis, reputatur maximè infortunatum, & illic virtutem eorum infringi, maximè si sint benefici, & contrariæ conditionis. Id quod potissimum attenditur in Luna, quæ ibi perinde infortunatur, ac si passa foret Eclipsim. Et ideo tunc temporis Medici peritiores cauent ab exhibendis potionibus, aut laxanda vena, & causticis, quia malè cedunt infirmo. Qua de re videndus est Galenus in 3. de dieb. decretor. cap. 6. Argolus de Dieb. Crit. & carptim tangunt Calculatores Ephemeridum in *Isagogicis*.

- 45 VIA LACTEA communiter ab Astronomis & Poëtis, appellatur Circulus magnus & latus ad instar fasciæ, in Cælo clarè visibilis, illud in duas partes inæqualiter dissepescens, ac per transversum discurrens, comprehendendo intra se Constellationes Cassiopeæ, Cygni, Aquilæ volantis, Persei, Andromedæ, & partem Ophiuci, ac Geminorum in plaga Boreali: in Australi verò partem Scorpij, & Sagittarij, Centaurum, Argonaum, & Aram, vt videre est in Mappis. Sed nemo accuratior fuit in ea describenda, Principe Ptolemæo, quod facit in *Magesto* lib. 8. toto cap. 2. Hic Circulus, seu Zona, sola non imaginaria, sed realis ac spectabilis est in Cælo, quippe quæ non in Primo mobili concipitur, vt aliæ Zonæ, & Circuli, sed in Firmamento realiter exhibetur, & fixa semper in loco est, ac noctu clarissimè apparet instar obductæ cuiusdam nubis subalbidæ inter tenebras, & sparsi lactis speciem præferens, vnde traxit & nomen etiam apud Græcos *Galaxie*, quod *Orbem lacteum* significat; vt eam appellat etiam Cicero, in *Somnio Scipionis*. De hac multa fabulantur Poëtæ, quæ recensere nostri instituti non est, sed solum de eius substantia, situ, qualitatibus, & fecunditate inquirere, ac Philosophicè simul, & Mathematicè pertractare. Olim inter Philosophos multa fuit de miro hoc (dicam) Ostento fixo & stabili, disceptatio. Aliqui Antiquiores, quos inter fuit Metrodorus, & nonnulli è schola Pythagoræorum, dixerunt, hanc esse semitam, per quam olim incedebat Sol, quæ proinde adhuc retineat impressa suæ lucis vestigia,

gia: quasi verò idipsum non præstiturus modò esset in Zodiaco, per quem iugiter, & constanter incedit. Aristoteles existimauit, esse aggregatum exhalationum accensarum, in suprema aeris regione consistentium, & ibi fixas, & immobiles permanere. Id quod, tanquam puerile dictum, & indignum tanto Philosopho, ab omnibus exploditur, & falsitatis euincitur; quippe si id esset, aut tandem extinguerentur, aut non semper à quacumque Orbis terræ parte conspiceretur, easdem tenere cæli partes, easdemque stellas intra se completi inuariato positu, atque à Polis & Aequatore distantia. Quanquam non desunt, tum ex antiquis, tum ex neothericis Philosophis, qui eum defendere, aut in sanio rem sensum explicare conentur, ut præ cæteris, acrius Cremoninus in Apologia pro Aristotele, Ant. Polus in digress. de Circulo lacteo, & Licetus lib. 2. de nouis Astris cap. 56.

46

Sed iam res extrâ controuersiam est, & nostro æuo communi omnium assertionem receptam, Viam lacteam aliud planè non esse, quàm congeriem infinitarum propemodum stellarum simul collucentium, quæ ob multitudinem, exilitatem, & ad inuicem vicinitatem, ac remotionem à nostris oculis, discerni ac spectari distinctè non possunt, sed veluti massa quædam candicantis cuiusdam materici, velut nubes in obscuro conspecta, sese oculis præbet, quemadmodum lippis oculis apparent Pleiades, & sub circulo antarctico habitantibus, duæ nabeculæ ibi perpetuo visæ, atque in nostro hemispherio stellæ quas vocant Obscuras, & Nebulosas, quæ iam ope Telescopij detectæ sunt, esse plures minutiones stellas in vnum colligatas, vnde in sola, quæ appellatur Præsepe, testatur Galilæus in Nuncio Sidereo, se obseruasse stellas omnino 36. ut de alijs taceam. Roboratur id ex eo, quod Via lactea sit fecundus ager nouorum, Phænomenon in Cælo apparentium, quæ semper in ea generantur, aut de nouo conspiciuntur: ut erat illa, quæ in sede Cassiopeæ visa est anno 1572. & durauit in sua claritate ad duos annos: quæ in pectore Cygni; in Genu Serpentarij, & aliæ quæ nostris temporibus fulxerunt, & post longam euagationem irregularem, euanuerunt. Neque enim omnes omnino stellas in Firmamento fixas, & loco immotas stare crediderim; neque ætheream substantiam prorsus ingenerabilem & incorruptibilem, aut saltem inalterabilem, cum antiquis Philosophis astruam, quando Tychone duce, tenuissimam, & fluidissimam agnouimus: vnde verosimiliter credi potest, hanc nouam stellarum emersionem in Via Lactea, fuisse vel minuscularum stellarum in vnum coitionem, per verum motum localem, loco, & tempore, ex varijs accidentibus occurrentem; vel per veram productionem,

ex materia illa cœlesti, ex planetarum diuersorum congressibus, fermentata: causaque hac deficiente, illis etiam deficientibus, & corruptis.

47 **VIGILES** in re militari appellantur excubitores, qui de nocte ad castrorum custodiam deputantur, vel ad portas, & mœnia Ciuitatis, vt inuigilent, & obseruent sollicitè hostium molitiones, & quæ inopinè, ac de nouo socijs, & à socijs accidunt, vt res in tuto permaneant: quandoquidem non minus eorum fidei commissæ est reipublicæ salus, quam cæterorum militum armis: vnde olim aut nullis armis protecti ad excubias ibant, (vt Paulum Aemilium constituisse, tradit Liuius lib.44.) aut solis scutis, & hasta, & galea tantùm capita tecti, vt fulgentibus armis procul conspici ab hoste possent. Non enim, inquit, in pugnam vigilem ire, vt armis utatur, sed ad vigilandum, vt cum senserit hostium aduentum recipiat se, excitetque ad arma alios. Porro ex his, alij sunt stationarij, qui stantes in loco, vigilias habent, & ipsi aliquando *vigilia* à Sallustio nuncupati; alij, qui circumirent, tesseram darent, ac ducum mandata referrent; & hi Circitores dicuntur. Quorum delectum, & ordinem procedendi, sic describit Vegetius lib.3. cap.8. *A tubicine omnes vigilie committuntur, & finitis horis, à cornicine renocantur. Idoncos tamen Tribuni, & probatissimos eligunt, qui vigilias circumeant, & renuncient, si qua emergerit culpa, quos circuitores appellabant: nunc militia factus est gradus, & Circitores vocantur. Nostri Rondas nuncupant. Illos autem Custodes, & Sentinellas.*

48 Ipsa autem Statio in fixo loco, ad excubandum, vigilandum, & sentiendum quid rerum esset; de nocte *Vigilia* dictæ sunt: cum alijs indifferenter, & quæ de die potissimum agebantur, absolutè *Excubia* dicerentur: vnde Isidorus: *Excubie*, inquit, diurnæ sunt, *Vigilia nocturna*. Quæ integram noctem quadrifariam partiebantur, itaut singulis vigilijs, ternæ horæ assignarentur, & ijs exactis, noui vigiles ad stationem venirent, quique iam suam vigiliam excubassent, ad somnum, & quietem se reciperent. Quod ideo totum tempus nocturnum in quatuor vigilias, æquè per quædam aquaria vascula, seu clepsydras, aqua guttatim stillante, ad tres horas singulas mensuratas dispertiebatur, & cuiusque vigilie initium & finis, tuba significabatur apud Romanos, quia impossibile videbatur (subdit Veget.) in speculis per totam noctem vigilantes singulos permanere; ideo in quatuor partes ad clepsydram sunt diuisa vigilie, vt non amplius quam tribus horis nocturnis, necesse sit vigilare. Vnde Lucanus lib. 5.

Iam castra filebant,

Tertia iam vigiles commouerat hora secundos .

Quarta autem & vltima vigilia , ad Auroram terminabatur . Sed ex his, tertia iniquissima habebatur (ait Lipsius ,) quia turbaret totam quietem : reliquis, bonam partem prima aut sequentis noctis , dormire licebat . Et in his, quatuor vigiles in singulis erant , vt melius ac tutius res ageretur . Multò melior (subdit Lipsius) hac ratio , quam nostrorum Sentinellarum , qui prorsus solitarij , & certè à suis abiuncti ; Itaque facile intercipiuntur , imò & occiduntur sine aliorum sensu . Sed quò in officio starent , dati sunt eis alij vigiles circitores , vt per stationes discurrerent , & si quos segnes , aut somno oppressos comperrissent , ad tribunos deferrent , à quibus debitam pœnam luebant . Id quod luculenter exponit Polybius apud eundem Lipsium . Qui verò , inquit , ordinati ab Tergiductoribus fuerint ex prima Turma quatuor , postquam sortiti fuerint vigilias, eunt ad Tribunal , & scriptum accipiunt quòtam , & quot debeant obire . Post qua illi quatuor accubant ad primum manipulum Triariorum , siue primum pilum . Cum verò tempus appetierit , primam vigiliam circuit is , qui eam sortitus est , habens apud se testes aliquos ex amicis . Perlustrat verò dictos locos , non solum circà vallum & portas , sed etiam circà manipulos , & turmas . Quod si reperit qui primam agunt vigilantes , capit ab ijs tesseram , sin aliquem dormientem , aut loci desertorem , testificatus proximos , abit . Idem fit & ab ijs qui sequentes vigilias lustrant . Quisque autem Circitorum vnà cum luce ad Tribunal defert tesseram : & si omnes redditæ sunt , sine culpa abeunt . Quod si quis pauciores fert quàm pro numero Vigiliarum , inquirunt ex charactere quænam Vigilia defecerit . Quo cognito , vocat Centurionem , qui ducit eos quorum vigilia fuerat : ij disceptant cum circitore , & si vigilum delictum est , statim ostendit Circitor , adhibitis testibus è proximis , id enim facere tenetur . Si nihil horum ; in ipsum cadit culpa . Statimque consilio aduocato , Tribunus indicat , & si damnatus fuerit , fuste percutitur . Hucusque Polybius . Optima equidem ratio disciplinæ custodiendæ , & vigilias cum totius Exercitus , aut Ciuitatis securitate agendi . Verùm aliter possulat temporum , & locorum condicio , aliter immutata belligerandi ratio , aliter militum probata aut suspecta fides , aliter cum timeatur ab hoste, palam aut insidiosè superueniente ; aliter cum à fluxæ fidei socijs , mercenarijs proditoribus, lucri gratia facilè in hostium, partes, occultis conuentionibus rapiendis . Qua de re vide quæ doctè , prudenterque nimis , tradit Simon Strauolcius, in suis militari-
bus Institutionibus lib. 3. cap. 18.

49 VIGILES etiam, ex quadam analogia ad militares excubias; & Circitores, appellantur ab Astronomis duæ stellæ secundæ magnitudinis, ad polum arcticum in extremo plaustrî minoris constitutæ, quæ polum circumcunt, & veluti custodiunt, semper vigiles, nunquam nobis occidunt, ac proinde non secus ac milites stipatores, Cynosuræ seu suo Principi adstant, non tam custodes, quàm honorarij comites: unde etiam Choreutas, & Circitores à plerisque dici, ali-
bi adnotauimus.

50 VINDEMIATOR, seu *Vindematrix*, dicta est ab Astronomis stella fixa tertie magnitudinis, de natura Saturni & Mercurij, in ala septentrionali Constellationis Virginis constituta, famosa apud Antiquos, eo quia, inquit Plinius lib. 18. cap. 31. exortu suo *Vindemia maturitatem indicat, cuius argumentum erunt acini colore mutati*: oriebatur autem tunc temporis circa diem 22. Augusti; nunc autem nîm ob præcessionem octauæ spheræ, tum ob correctionem Gregorianam, oritur Romæ die 20. Septembris cum grad. 28. signi Virginis, occidit cum gr. 8. Scorpij die 30. Octob. quo tempore, testatur Ptolemæus, quod suscitare solet Aquilonem. Hanc ipse vocat Pro-
tigetîm, quasi Ante-Vindemiam, vt alibi diximus.

51 VINEAE in bellico apparatu sunt testoria quædam opera, ad modum cratis, è viminibus lignisque contexta, lorice portatilis vicem subeuntia, quibus milites, ac fossores urbem aliquam obsidentes, se contegunt, cum ad murorum oppugnationem procedunt. Quæ quoniam ad vitium morem & texturam, cum ad palos alligantur accedunt, militari appellatione, Vineæ dictæ sunt. Harum vsus frequentissimus fuit apud antiquos, quarum magna vis cogebatur in impedimentis, opportuneque cedebant ad suffossiones peragendas, arietesque, & falces propè, mœnibus adinouendos. Sed non ideo nostris temporibus, quando alia bellandi ratio inita est, alius oppugnandi modus, omninò sunt prætermisse: quin potius experientia compertum est, multum opis præstare in subita aggerum erectione, in suppleendis loricarum defectibus, atque in accessibus alijsque operibus feliciter consummandis, quandoquidem multum valent, non modò ad operarios contutandos, quò strenuè opera exequantur; verum etiam ad hostiam obrutus fallendos, quò minis ea quæ aduersus ipsos sunt, obseruare queant, & impedire. *Gallerias* Nostri cum Gallis, & Hispanis vocitant. De quibus insignis est contestatio in Cæsare lib. 3. de bello ciuili vel in hoste militarem solertiam, & præcautionem dilaudante. *Pompeius*, ait *noctu, additis magnis muni-*

munitionibus, reliquis diebus turres extruxit, & in altitudinem pedum quindecim effectis operibus, vineis eam partem castrorum obtexit. Quod ab se faciatum magno cum fructu tradit circa Nouiodunum, lib. 2. de bello Gallico, celeriter vineis ad oppidum altis, aggere iacto, turribusque consiliatis, magnitudine operum, quæ neque viderant ante Galli, neque audierant, & celeritate Romanorum permoti, legatos ad Casarem de deditione mittunt. Earum usum multiplicem latè describit Lipsius in Poliorcet. Sed & constructionem, & probū effectum, Vegetius lib. 4. cap. 15. E lignis, inquit, leuioribus machina colligatur, alta pedibus septem, longa pedibus sexdecim. Illius tectum munitione duplici, tabulatis, cratibusque contextitur: latera quoque vimine sepianitur, ne saxorum, telorumque impetu penetrentur. Extrinsecus autem, ne immisso concrementur incendio, crudis ac recentibus corijs, vel centonibus operitur. Ista cum plures factæ fuerint, iunguntur in ordinem sub quibus subsidentes tuti, ad subruenda murorum penetrant fundamenta. Tantaque erat tectorij huius securitas cum operæ pretio, ac felicitate, vt in prouerbiū icrit: *præliari sub vite*. Sub vitem præliari dicebantur milites (notat Festus) cum sub vinea militari pugnabant; quandoquidem sub hoc tegumento, velut in propria domo, milites consistebant, deambulantes, sedentes, cibum sumentes, ad oppugnationem, tanquam ad fructum operis capiendum, alacriter procedebant. Propterea, *Vineas dixerunt Veteres* (notat consulto Veget.) *quas nunc Causias vocant*. At Vulpes quoque, eodem plane sensu huiusmodi machinas nominatas inuenio apud authorem Histor. Hierosolym. lib. 2. cap. 30. vbi sic eas describit. *Vulpem quercinis trabibus composuerunt, cuius in gyro tutos contexuerunt parietes, vt grauissimos Turcorum sufferret ictus armorum, omniaque iaculorum genera: ac sic in ea manentes tuti, & illæsi urbem fortiter impugnando perforarent*. Vide quæ adhuc habet Stevvech. in Notis ad citatum locum Vegetij.

VIOLENTA SIGNA apud Astronomos denominari solent, in quibus Planetæ malignantis naturæ, nempe Mars, & Saturnus, insignem aliquam prærogatiuam obtinent, aut Domicilij, aut Exaltationis; qualia sunt Aries, Libra, Scorpius, Capricornus, & Aquarius. Item ea, in quibus stellæ fixæ insigniores de eorum mixta natura incidunt, intra totam Zodiaci latitudinem: cuiusmodi sunt Taurus ob Palitium; Leo ob Regulum; Scorpio ob Antarem; quare duplici nomine hoc Signum inter violenta computatur: & vniuersim Stellæ, ac Sidera, quæ aliàs ex effectibus compertum est, siue se solis, siue cum Luminaribus ac maleficis, impotenter agere

agere in omnibus, præsertim in aëris mutationibus. Sed potissimum, & absolutè violentæ sunt: Palilitium de natura Martis, existens nunc temporis in gr. 5. Geminorum; Caput Medusæ de natura Iouis, & Saturni, in gr. 21. Tauri: Hercules, seu Caput Pollucis, alterius Geminorum, in gr. 19. Cancræ: & Cor Scorpij existens in gr. 5. Sagittarij, diametraliter opposita Palilitio, unde maleficam virtutem duplicant, & violentiores inducunt effectus.

V M

- 53 VMBILICVS propriè, & principaliter eam corporis partem signat in animante, quæ ferè in medio constituta, est veluti centrum ad quod cætera membra referuntur, & cuius ope Natura, in fœtu adhuc in vtero matris degente, transmittit alimentum in ventriculum, ubi digestum, atque concoctum, dispersit postea ac deriuat per aliquot meatus & fibras, in reliquum corpus. Hinc per translationem sumitur generaliter pro eo, quod in vnaquaque re est veluti centrum & meditullium, ad quod reliquæ partes respectum habent. Sed Mathematicis præsertim solemne est, id vmbilicum vocare, quod statuunt suarum operationum centrum; & est punctum illud, ad cuius rationem omnia expendunt, assumentque sibi vnican, proportionum, & mensuræ Regulam. Sic Cosmographi terræ meditullium, vel alicuius regni, aut prouinciæ medium situm, vmbilicum dicunt, vt notauit Plinius de agro Reatino, quem *Italia Vmbilicum* nominat: & Cicero de Enna vrbe in Sicilia, actione 6. in Verrem, qui locus, inquit, quod in media Insula est situs, *Sicilia vmbilicus nominatur*. Sic in Gnomonicis, paruulus Circulus in plano descriptus; in cuius centro figitur stylus ad colligendas Solis umbras, & per cuius traiectiones lineæ diriguntur ad mundi plagas, regionisque ventorum, vmbilicus appellatur. Sic in Conicis, ipsius conici apex aliquando vmbilicus dicitur: Sed potissimum eo nomine insigniunt in Conicis sectionibus, punctum illud axis, ad quod omnes radij circumquaque proiecti conueniunt, ac terminantur, vt in loco diximus: qui etiam focus ab alijs nuncupatur, eo quod inibi concurrentes solares radij, iutenduntur, & constipati ignem eliciunt. Stat igitur, quod Vmbilicus semper relatiuè dicitur ad partes circumambientes, & quæ ad ipsum terminant, & reducuntur: unde, etiam in opere architectonico, centrum Volutæ in Capitulis Ionicis, quod alij oculum appellant, & summus apex tholi, aut testudinatæ cameræ, in quo arcus fornici decussantur, vmbilicus audit. Quibus positis, magnam nobis facessit difficultatem, (adeoque omnibus eruditis, in quorum gratiam negotium hoc dirimendum suscipimus) locus alioqui obscurissimus Q. Curtij, qui lib. 4. de gestis Alexandri

cap. 7. vbi de Iouis Ammonis Fano, ad quod profectum Alexandrum refert eius oraculum expetiturum, verba facit; postquam locum accuratè descripsit, ad numinis tandem effigiem, seu simulacrum veniens, hæc addit. *Id quod pro Deo colitur, non eandem effigiem habet quam vulgò Dii artifices adcommodauerunt: Vmbilico maxime similis est habitus, smaragdo, & gemmis coagmentatus.* Atqui quænam signata species vmbilici, per se stantis, quæ Iouem referre queat, quando vmbilicus vagus est, & coarctatur ad medietatem cuiusque operis? Scio vmbilicos etiam vocitari osseos quosdam orbes, vel etiam ligneos, benè tornatos in similitudinem coni, vmbilici nostri formam imitantes, qui olim voluminibus, seu libris in orbem plicatis, ad ornatum ad extrema capita apponebantur tanquam clauiculi concludentes; ac similiter lapillos pellucidos, ac rotundos, qui passim ad litus maris coadunantur, vmbilicos aliquando dictos à Tullio 2. de Oratore, cum ait, Lentulum, Scipionem, aliosque magnos viros ad animi remissionem, & curarum feriarum leuamen, *Conchas, & Vmbilicos ad Caietam, & Lucrinum legere consueuisse.* Sed quid reculis istis ad maiestatem Numinum, representandam? eò præsertim, quod nedum Curtium, sed & Pausaniam, & Strabonem, & Tacitum habemus, aliorum numinum simulacra in vmbilici formam abeuntia, referentes. Locus difficillimus est, & varij variè illum interpretantur; inter quos nonnemo inuentus est, qui, ut se expediret, textum alterare, & duo verba addere ausus est, ut legat, *Vmbilico tenus arieti similis.* Sed infelix effugium, & ridicula immutatio, quando nihil euincit, & nouam correctionem ab antiquis codicibus discrepantem obtrudit. Quapropter non recedendum à veteri lectione, & vis sententiæ absolute in vmbilico simanda. Placet in hac re sensum castigatissimi Interpretis Andreæ Scotti, cui adplaudunt Raderus, & Blancardus in Notis ad Curtium, adferre. Sic itaque habet. *Vmbilicum hic interpretor rem aliquam eminentem, meta instar, velut conum aut quadratum, aut rotundum; quemadmodum voluminibus iam ferè absolutis, teste Porphyrio, ornamento, & vsui apponi solent, atque etiamnum hodie extrinsecus globi dimidiati formæ apponuntur.* Priscæ enim gentilitatis homines hac informi forma non rarò Deos suos indicasse potius, quam effigiasse, documenta sunt multa. In Templo Delphico, ut refert Strabo, lib. 6. *Vmbilicus conseruabatur fascis velatus, ad demonstrandum, quod hic locus in vmbilico, hoc est, medio terrarum esset.* Eratque, ut Pausanias, lib. 10. refert, ex candido marmore. Veneris enim Deæ signum apud Cypri Paphum, auctore Tacito, continuus erat orbis, latiore initio tenuem in ambitum, meta modo, exurgens. De eadem ferè idem Maximus

Tyrinus orat. 38. nisi quod alba pyramidi similem fuisse dicit. Idem ibidem scribit, Arabes Deum suum tetragono lapide significare. De Solis, siue Helio gabali figura, Herodianus ferè idem quod Curtius, de Amnone. (en eius verba ex versione Politiani) Simulacrum nullum Græco, aut Romano more manufactum ad eius Dei similitudinem, sed lapis est maximus ab imo rotundus, & sensim fastigiatus ad coniformam.

- 56 Ergò non ab re, Prisca gentilitas suarum Deitatum imagines non effingebant humanà aliàue forniam spectabiles, sed tantum per umbilicum, seu metam orbicularem, & conicam, quæ stabilitatis est nota, ac proprium Diuinitatis symbolum, exprimere eorum præcellentiam supra homines intenderunt, quod ideo benè stat Curtij dictum de Iouis Ammonis Idolo. *Umbilico maxime similis est habitus, smaragdo, & gemmis coagmentatus.* Simili ratione crediderim, herbulam crassiuunculam parietibus, ac rudibus innascentem, cuius folia non in cæterarum morem oblonga, sed rotunda, ac turbinata instar conie, à radice prosiliunt, & clauiculis innectuntur, umbilicum Veneris dictam à Dioscoride, alijsque veteribus herbariz rei scriptoribus; eoquod præfatæ Veneris apud Paphum signo, congrueret, umbellatis folijs conis speciem, seu fictilis operculi, quo in culinis vitmur, referentibus; quemadmodum eam ob rem, talis herba à Græcis *Cotylidon* dicitur, à nostris autem vernaculè, *Coperbinolo*.

- 57 **UMBILICVS ANDROMADAE** dicta est in Cælestibus, stella fixa secundæ magnitudinis, de natura Veneris, cuius naturam, & qualitates in effectibus ad quos concurrit, mirè participat, consistens in umbilico, seu medio cingulo huius imaginis, & sub primo mobili in grad. 26. Arietis cum latit. boreali gr. 26. Arabicè *Mirach*, siue *Mizar*. De hac in Horoscopo reperta aiunt Astrologi, quod facit effeminatum, & mirè inclinac ad luxus, & impudicitias, unde infamia, & pericula. Hoc certiùs, & confirmatum iugi experientia, quod cum Sole exoriens, inducit tempus nubilum, & replet aërem obscura caligine; Idipsuni, sed impensius præstat cum Saturno: & si Venus, aut Luna affulserit, copiosos imbres immittit, & nives, pro temporum qualitate. Oritur autem Romæ 7. Februar. cum gr. 19. Aquarij.

- 58 **VMBO** idem ferè, quod umbilicus significat, nisi quod umbilici nomen Vmbonis fortè diminutiuum, ad rerum centrum, atque, ad singularia coarctatur: complectitur enim Ambo, & promiscuè denotat quidquid extumidum est, & aliquatenus prominens. Neque

que enim (vt bene obseruat la Cerda in Virgilium) vlla est ratio, cur hæc vox coarctetur ad Clypeum, seu mediam, & exporreccionem clypei partem, vt volunt Calepinus, & alij. Namque indifferenter vsurpatam inuenio apud omnes scriptores, per parte aliqua rei, cæteris alijs prominentiore. Sic præ alijs Statius sapè, ac diuersimodè hoc vocabulo vtitur: nunc pro præfata clypei parte.

Iam clypeus clypeo, vmbone repellitur vmbro.
nunc pro montis cacumine,

Stant iuga, & obiectus geminis ambonibus ager.
& in Hercule Surrentino.

Quod solidus contra riget vmbro maligni.

Montis, & immenso non vnquam exesus ab auo.

Nunc pro lacerto, quod clypeum sustinet, vt in Thebaid. 2. vbi de Tydeo dicit.

Clypeum non sustinet vmbro.

Nunc pro saxo, quod inter duos agros ponitur pro termino limitatio vt ibid. lib. 6.

. . . . hinc saxus vmbro.

Arbiter agricolis finem iacet inter vtrumque.

Similiter Plin. lib. 37. cap. 5. Vmbonem, & vmbilicum dixit in annulo, palam, seu partem illam latiore, & cauam cui gemma inseritur. Quin & vestem ipsam, qua parte ad pectus excurrit, & in tumorem surgit, vmbonem dixit Persius, Satyra 5. ac Tertullianus de Pallio. Non ergò singulare vocabulum vmbro est, sed vagum, & promiscuè applicabile ad onne id, quod in coni formam aliquatenus turget, & eminet. Vide ad hæc, quæ eruditè habet Ianus Lauerbergius in suo Antiquario.

59
VMBRA quid in se sit, & in quo verè consistat, in reali nè entitate, & aliquo positiuo, an in negatione lucis, seu potius priuatiuo, perinde ac tenebræ; iure ambigi potest, & nobilissimam controuersiam inter Physiomathematicos, eruditissimosque viros, suscitare. Etenim, si quod sub nomine latet, intimius perscruteris, nescis si tenebras aliquantò rariores dicas, an subobscuram lucem. Certè Mathematici, qui quantitatem in abstracto considerant, quique per vmbas potissimum omnem dimensionis terminum, ac differentias auspicantur, de ea non secus ac de luce sui diffusiuæ, radijsque solaribus in orbem diffusis, philosophantur. Sic enim habetur in prima parte Perspectiuæ apud Ioannem Episcopum Cantuariensem, conclus. 25. *Vmbra* videlicet, nil aliud esse quam *lumen diminutum*. Quod idem profectò est, ac si diceres, Medium quid inter lucem,

& tenebras. At hic insurgunt Philosophi, ac iure redarguunt, si medium inter lucem, & tenebras, ergò in seipsa neque lux, neque tenebræ, sed utriusque negatio, quod stare non potest, nam priuatio formam tollit; negatio priuationis, formam realem inducit. Si verò lux est, sed diminuta; ut diminuta, priuationem potius appellat, quam ipsam lucem, in hoc enim à clara luce distinguitur. Sed si quæ talis, priuatio, quomodo suos effectus reales habet omnino diuersos ab his, quæ lux ex se parit, & id præstat, quod neque lux sola, neque tenebris mixta (quod utique contradictionem inuoluit) neque absolutissimæ tenebræ? Non loquor, & prudens prætereo umbram illam famosam, ac salutarem Principis Apostolorum, quæ, ut in actis Apostolorum habetur, in se continebat virtutem curationum; quia dici posset, & verè dici, id non physicè, & secundum naturam factum esse, sed virtute diuina, miraculosè realiter ad opus concurrente, nil de suo umbræ, seu maius dicam, mixtione illa lucis, ac tenebrarum subministrante. Id quod in vacua corporis inanitate demirans D. Augustinus, transit ad exaggerandam veram, & positiuam virtutem contactus in mirabilibus perpetrandis, hæc inferens. *Si inanis quædam species vacua imaginis habere potuit in se vim salutis, quando plùs de corpore meruerunt attrahere salubritatem, ferreo pondere sacris impressa membris, vincula passionis?* Verùm hæc suprâ nos sunt: ut Philosophi naturales, de naturali, ac physica umbræ adiuuitate (si vlla est) inquiramus. Quoniam pacto, inquit, si umbra, inanis quædam imago est, & profusæ lucis priuatio, in iuglande noxia est (quod neque lux Solis, neque obscurissimæ noctis tenebræ illi participant, sed ut pura puta umbra, iuxta satis exitialis est, & hominibus temerè sub ea dormientibus facit dolere caput, & econtrâ umbra Platani, iucunda, proficua, & salubris, ut auctor est Plinius lib. 17. cap. 12. & quotidiana probat experientia?

60

Sed enim satis in umbra lusimus, & plùs fortè, quàm instituti ratio permilisset: dirimamus seriò litem, cum citato Episcopo Cantuariensi, & ad nostra tandem vela tendamus. Ergò Umbra, quatenus à corpore quouis denso, & opaco projicitur in aliquod spatium vacuitatis, seu terminatiuum diffusionis lucis, dicit quidem in se priuationem, & impedimentum liberi transitus lucis primariæ immediatè à corpore lucido dimanantis, & circumquaque ad omnia sibi obuia, & aperta se extendentis; quæ verò (magis ac minus de illa sibi obliquè communicata, siue per consensum, siue per reflexionem participat, (quæ lux secundaria dicitur, eoquod aër interiectus de se fluidus, tenuis, ac diaphanus, facilè à contigua illa diffusionem lucis primariæ illustratur) utique quid positivum est, æ-

rem


rem ipsum denotans, & præhendens, ac lucem illam secundariò participatam. *In hoc autem* (concludit acutissimè Cantuariensis) *differt umbra à tenebra, quia umbra est lux diminuta, ubi est priuatio lucis primaria, & derivatio secundaria. Tenebra verò est, ubi nihil est luminis.*

Itaque definitio illa, & circumscriptio umbræ, quæ separatur ab reliquo ambiente, per lucem primariam defluentem immediate ab ipso fonte, & scaturigine luminis illustrato, fit à corpore opaco, quod interponitur, & impedit liberam diffusionem lucis primariæ, quod profectò imprimat illi suam imaginem, formam, magnitudinem, variationem situs, & motum, cuius ritum per omnia sequitur, & imitatur. Vnde, ut sapienter obseruat Theodoretus in Genes. cap. 1. *Tria concurrere oportet in umbra, Lumen, Corpus, & locum minimè lucidum.* Vnum quod desit, umbra emergere, & conformati neutiquam potest: propius tamen proficiscitur, & esse suum acceptum habet à corpore opaco interposito, quod à luminoso minimè illustratur; quò fit, ut eius formam induat, motum sequatur, & ad partem semper aduersam inclinet, ac pro qualitate situs, motu, maiore propinquitate, aut distantia à corpore luminoso, augeatur, aut minuat, sit intensior, aut remissior, & quò magis distiterit, eò à diffusa vndique primaria luce in aëre contiguo expatiente circumueniatur, attenuetur, ac tandem in nihilum reducat. Ex quo effluxisse artem picturæ, seu prima picturæ lineamenta in tabula designandi, ex Plinio, notat Clemens Alexandrinus.

Quoniam autem ex comparatione, & obiectu corporis opaci ad luminoso, triplex potest umbra procedere, aut quæ maior sit ipso corpore opaco, diuersa in ampliorem basim; aut, quæ minor, seu minus decrescens, desinensque tandem in conum; aut omnino æqualis, quæ abeat per lineas parallelas, quoad à superfusa primaria luce dissipetur, & evanescat; idè tres umbrarum species communiter assignantur à Perspectiuis, in hanc conclusionem, quæ est 13. primæ partis. *Umbrosi minoris luminoso minorem umbram, sicut æqualis æqualem, & maioris esse maiorem.* Hoc est, quando luminosum immitens lumen, maius est quam ipsum corpus opacum, in quod illud terminat; tunc umbra, quæ ab hoc in aduersam partem projicitur, necessariò minor erit, & ultra procedens sensim attenuatur, & finit in conum, vnde *Conoides* appellatur. Quando corpus obiectum superat magnitudine ipsum luminosum, seu locum unde lumen immittitur; tunc umbra ab eo procedens, semper amplius, & amplius dilatur, usquequò ab ambiente primario lumine disperdatur: & tunc, quia figuram accipit calathi, cuius basis ipsi cor-
pori

pori opaco infistat, & reliquum eius in amplitudinem in orbem distendatur; propterea dicta est *Calathoides*, quasi calatho similis. Si demum corpus interiectum fuerit æquale corpori luminoso, aut loco, vnde lumen transmittitur, tunc umbra erit æqualis, procedens ad modum Cylindri; vnde *Cylindroidis* nomen sortita est; id quod in sequenti figura expressum est.

*Vmbrarum à Corpore opaco procedentium
diuersa proiectio.*



63 Porro umbrarum usus magnus est in omnibus ferè Mathematicis Disciplinis. Earum beneficio habent Astronomi res suas eruere, atque dilucidare: Eclipses, magnitudines, distantias corporum celestium, tum ab se, tum à terra; generationes, motus, & magnitudines nouorum Phænomenon, & alia huiusmodi, quæ alibi explicuimus. Habent Gnomonici horas distinguere, & sciotheria delineare, lineam meridianam statuere, quantitatem diei artificialis venari, quantumue temporis in nostro hemisphærio Sol immoretur, maiorem eius altitudinem supra terram, atque accessum ad nostrum ver-

verticem : ingressus eiusdem ad puncta solstitialia , & recessu ad æquatorem , &c. Tandem Perpectiui , & Altimetræ per umbras, locorum distantias, montium celitatem, valliumque & puteorum profunditates dimetiuntur : nisi enim eis in solitudinibus , & in subitis casibus , deficientibus alijs instrumentis ad hoc factis , umbra in promptu esset , quicquam in sua professione venari , ac dimetiri haud possent : cum cæteroqui , ipsa solum opitulante , infinita prope modum spatia dimetiamur , & ad Cælum ipsum pugno tenendum audeamus attolli . Sed operæ pretium est , prædicte communem eius usum tradere in indagandis locorum distantijs , altitudinibus , & profunditatibus nobis ignotis , ad rationem umbræ ab se proiectæ . Sic Thales Milesius mensus est Aegypti pyramides : sic nostri Architecti facili iure arbores , turres , montes , valles , fluuiorum latitudines , & alia eiusmodi metiuntur per umbras , siue ab ipsis , siue à locis conterminis emissas , proportionalibus terminis , per vulgatam regulam trium . Quodsi talis conditionis locus sit , qui umbram non faciat , aut ex se emittere , quomodolibet maneat impeditus , tunc tali artificio rem assequuntur . Infigunt baculum communi plano perpendiculariter erectum , & eius vertici adinouent oculum , ut radius opticus per illum , & summmitatem rei mensurandæ directè transeat : inde captata longitudine baculi , ac distantia oculi à plano , reliquum perficiunt per regulam auream supradictam .

Sic in subiecta figura , oculus sit in angulo A. Baculus terræ infixus esto B.C. Arbor , seu altitudo turris sit D. E. cuius sublimitas dimetienda est . Ponamus nunc , quod distantia oculi à baculo sit ped. quatuor ; distantia baculi à radice turris sit ped. triginta ; ipse verò baculus orthogonaliter erectus sit ped. sex . Sic discurre . Si distantia oculi à baculo dat illius altitudinem ped. sex , quam distantiam dabit eius elongatio à radice turris in linea recta , quæ transit per verticem turris , & ad oculum terminat ? & prouenient ped. 45. & sic de reliquis .



Umbræ etiam beneficio in Astronomicis , & Geographicis doce- 64
mur, Lunam esse minorem Sole , ac terra ; maiorem Venere , & Mercurio ; altitudinem eius à terra , eiusque ac Solis accessum ad Apogæum , & Perigæum ; & alia eiusmodi , quæ videri possunt apud Gem-

Geminam Frisium, Albertum Durerum, Egnatium Dantes, & alios.

VMBRAGO. Vide *Penumbra*.

- 65 VNDAM, & VNDVLAM appellant sæpissimè Architecti, quam Græci Cymation, Latini Simam, nos Itali Gulam vocamus: sed, ut notat Albertus, Vndæ appropriatio magis expressè denotat sinuositatem illam, quæ singularis est huius membri architectonici. Vide quæ alibi diximus.

V N

- 66 VNGVLA ex animantium quadrupedum calce, ex quadam similitudine, ad opus Architectonicum translata est: significat enim informes, & rudes illas pilas, quæ in portibus, fluminibus, aliisque ædificijs in aqua excitatis, tanquam obices opponuntur ad fluctuum impetum retundendum: de quibus, ac de materia è qua struendæ, & solidandæ sunt, tuse agit Vitruu. lib. 5. cap. 12. Nunc autem Vngulæ, signatè & magis specificè appellant illas pilas, quæ in ædificijs secus litus maris, ex eadem ferè materia, & informibus saxis congeruntur ante frontes, ad tutelam parietum, & ostiorum, ne fluctuum iactatione, ac farsedine, erodantur aut nocumentum vllum incurrant. *Chelas* propriè nominant Græci, quod apud uos idem valet, quod vngulæ, eoquod sui humilitate, forma, & exportectione ante ædificium, vngulæ animalium corneam soliditatem, & speciem quandam referunt. In hunc sensum exponit Io: Ludou. la Cerda locum illum Virgil. *Aeneid.* 9.

*Qualis in Euboicis Bætarum litore quondam
Saxea pila cadit, magnis, quam molibus ante
Constructam iaciunt ponto.*

Confirmat autoritate Xenophontis, ac Thucydidis, *Chelas* vocantium, quas interpretes vertunt *Vngulas*, & clariùs Thucydidis Scoliaſtes *Vngula*, inquit, est proiecti lapidis strues ad mare ante murum, propter violentiam fluctuum, ne nocumentum patiatur. Has *Stelas* vocat Homerus lib. 12. *Iliad.*

- 67 Simili ratione, VNGVLAM nominant Geometræ ab vngulæ equinæ similitudine, superficiem secti obliquè Cylindri, cuius figuram exponit noster Guerinus in Euclide adaucto tract. 31. expen. 2. definitque eam, quod sit *Portio cylindri, a plano aliquo abscissa, semicirculo, semiellipsi, & parte superficiei cylindrica contenta*. Cuius quadrationem ait, inuentam fuisse ab Ambrosio à Sancto Vincentio: ipseque subinde subtiliter, ut assolat, eius miram naturam, & passiones

nes examinat integra illa expensione, quam totis octo Theorematibus, ac totidem scholijs complet.

VNGULA TAVRI, in Astronomicis signat stellam fixam insensissimam in vngula Tauri sideris existentem, eam quidem conditione minimam, & vix observabilem, utpote quintæ (alii dicunt sextæ magnitudinis) de natura solius Saturni, sed malignitate satis claram, & celebrem, itaut tot præclarissimis astris, quæ in eodem sidere enumerantur, si vnum Pallilicium excipias, anteponat; & eius specialis mentio habeatur à Ptolemæo, & alijs siderum observatoribus. De qua exoriente, vel occidente, dira enunciat Pontanus in Vrania, hoc vnum advertens boni, quod facit excellentem Pictorem.

68

VO

VOCIFERATOR dictus est ab Astronomis, Plaustrum ductor Bootes, sidus in Cælo ad Boream vergens, ac representans rusticum hominem erectum, atque ad Vrsam maiorem, seu plaustrum maius conuersum, dextrâ venabulum tenentem, ac sinistram extensam ad remonem, illum eleuare, ac dirigere gestientem, qui alijs etiam nominibus nuncupatur; Arctophylax, idest Vrsarum Custos, Bubulcus, arabicè *Alramech*, quasi plorans, & exclamans, Bootes, &c. Habet stellas 23. iuxta Ptolemæi recensionem: at iuxta Keplerum 28. & insuper ex Bayero 34. intrâ quas tamen comprehendunt aliquas à Ptolemæo relictas informes. Inter eas præcipua est, quæ speciali nomine appellatur *Arcturus*, & ipsa informis inter crura constituta, postea ad fimbriam alligata, primæ magnitudinis, de natura Iouis cum participatione Martis: cuius nomen celebre est apud Scriptores, etiam in Sacris Paginis decantatum, quod nimis manifestos, constantes, ac violentos effectus, significationesque, in aëris mutationibus habet, de quo ita Plinius lib. 2. cap. 39. *Arcturifidus non semel sine procellosa grandine emergit.* Et Plautus in Rudente, ipsum introducit, de se, suæque natura sic gloriantem.

69



*Arcturus Signum sum omnium quàm acerrimum;
Vehemens sum exoriente; occidens vehementior.*

Quippe non solum cum Sole mane exoriente decernit imbres, ventos ac tempestates; sed etiam in occasu vespertino, adducit procellas in mari, facitque certa naufragia, & insuper cum Saturno, largas pluuias; cum Mercurio ventos; cum Marte verò, ventos vehementiores, coruscationes, grandines, fulmina, & tonitrua. At id habet boni, quod matutino serenè occidens, signum est futuræ mox ad multum temporis durabilis aëris temperiei. In Genethliacis autem me-

P p p p p

lius

lius omen edicit, nisi à maleficis, præsentia aut hostili radio malignetur: vnde de eo canit Pontanus.

Arcturus mundo exorients idem æquora linquens

Exorientsque homini, & primis natalibus adstans,

Ipse fidem rellumque, & honestas edocet arteis.

Mox demirans effectuum diuersam conditionem, pro diuerso ad horizontem positu, sic exclamat.

Cur, ò cur superi tantum fors leua locorum?

Cur tantum occasus cladis vehis? æquus ab ortu

Arcturus?

Similia in bonis fortunæ obseruat Stadius: Nam cum Ioue, magnas diuitias cum dignitate pollicetur: sicut econtrà cum Saturno earum profligationem portendit. Oritur cum Sole Arcturus Romæ, die 29. Septemb. vti & dextrum femur Bootis, altera stella ei proximè in dignitate, ac præpollentia accedens, tertix magnitudinis; eiusque decreta adaugens, & firmans: occidit verò die 4. Decembris.

- 70 VOLUTA apud Architecturæ ciuilibis Scriptores, & professores, tristissimum vocabulum est, & passim obuium. Significat enim membrum illud, quod siue in prothyridibus ostiorum, siue in capitulis columnarum, præsertim ordinis Ionici, in se conuoluitur, & reuertitur, eo modo, quo chartæ folium in orbem conuoluitur, & complicatur: vnde meritò à nostris vulgò, *scartoccio* nuncupatur. In Capitulis autem, est pars illa quæ immediatè plintho subternitur, suprà Echinum extensa, & illum quodammodo premit, instar puluini molliter incumbentis, ac modificantis pressuram superimpositæ plinthis, seu Abaci, vnde ab ea puluinatæ columnæ, & capitula denominata sunt. Et quanquam iuxrà hanc considerationem, volutæ nomen prædicto membro minimè congruit, cum cætera planum sit, & oblongum; attamen quia excrefcit in longitudine, & cum ad angulos peruenit, sese hincinde contorquet, & in spiram inflectitur, at subiectum echinum, velut inter duo brachia, intrà sinum suum stringit, & quodammodo amplexatur, benè ei Volutæ appellatio stetit. Alijs, vtriusque partis conuolutiones placuit nuncupare clauiculos, & capreolos, quod ad morem clauiculorum, seu coliculorum palmitum vitis, intorta sint, & vtriusque serpunt, & adherent stipitibus ad vitem sustentandam; sic & volutæ in opere architectonico factæ esse videntur, ad partem aliquam principalem firmandam, & veluti complectendam. Has nedum in opere Ionico, cuius propriæ sunt, sed & in Corinthio admittit, & valde commendat

Vitruu. lib. 4. cap. 1. appellaus maiores cauliculos. Ait enim: *Claviculi eandem habeant altitudinem*, (quam videlicet præmisit in Capitulo Ionico) *è quibus folia nascuntur proiecta, vti abacum excipiant; quæ ex claviculorum folijs nata, procurrant ad extremos angulos voluta.* Et addit, post Dorici ordinis inuentionem, Veteres architectos volentes constituere Dianæ Fanum, ad muliebrem gracilitatem Doricas columnas transtulisse: proindeque basim supposuisse, pro calceo; capitulo verò tanquam capiti, pro capillitio, & crispatis cincinnis, addidisse volutas, dextrâ læuæque propendentes, ac tandem encarpjis cœu crinibus, & flosculis sparsim dispositis, frontes exornasse.

Cæterùm qua lege & methodo, voluta sit circinanda, vt ad verum pertingar, & venustatem addat operi cum decore; diù latuit, & Architectorum ingenia multùm defatigauit. Quandoquidem id Vitruuius hic theoricè tantum tradit, & modum obscure niniis insinuat, pollicitus ad finem operis practicè, efformatæ ritè volutæ exemplar exponere. Sed postea, aut non præstitit, aut temporum iniuria deperditum est. Quod tandem studio, & industria Nicolai Golmandi factum esse dicitur, omniuò ad mentem Vitruuij, atque in nouissima Vitruuiani codicis Amstelodamensi editione habetur. At quamuis satis concinna, & aspectui oppidò grata reddatur delineatio, modus tamen illam ducendi est intricatus, nec facile ad praxim reduci potest. Quapropter plausibilior, certior, & ducta facilius est, quem docet Barbarus, & exhibet in fine operis, tanquam inuentum Iosephi Saluiati, insignis sui temporis Pictoris, & Mathematici: idque bene intelligendo, & ad amussim seruando verba Vitruuij lib. 3. cap. 3. vbi sermonem instituit de constitutione Volutæ, de qua hæc habet. *Tunc in eo loco, qui diuidit quatuor, & dimidium, ac tres, & dimidium partes (nempe supra, & infra oculum) centrum oculi signetur; ducaturque ex eo centro rotunda circinatio, tam magno in diametro, quam vna pars ex octo partibus est; ea erit oculi magnitudo, & in ea catheto respondens diametros agatur. Tum ab summo sub abaco inceptum in singulis tetrantorum ætionibus dimidiatum oculi spatium minuat, donec in eundem tetrantem, qui est sub abaco veniat.* Et clara satis traditur methodus circinationis peragendæ per singulos tetrantes in exteriori, & ampliori gyro volutæ à linea catheti ad diametrum, & à diametro ad cathetam. Quod ideo tetrantes vocat, hoc est singulas quatuor partes circinationis per cathetum, & diametrum dissectas. Tum id ipsum in secunda circinatione faciendum est, vt spira æquali diminutione procedat, & sensim quasi insensibiliter coarctetur, constitutis circinationum singulis centris in


ipſius oculi angulis, ex æquo factis ab quadrante, ſub lateribus æquè diſtantiſſimis à centro, & circumferentia oculi. Inde ductis diagonalibus, quæ per centrum tranſeant, & terminent ad angulos oppoſitos; hæc, hinc inde à centro, diuidantur in tres partes æquales, & in duobus ſingularum diuiſionum punctis conſtituantur centra reliquorum tetrantum; & ſic perfectæ erit Volutæ delineatio. Sed ad pleniorẽ intelligentiam demus ipſam circinationem, per partes factam.

72

Sit in ſequenti figura, volutæ diameter B. D. cui orthogonaſiter inſiſtat Cathetus A. C. in octo partes tributus ab imo abaco A., unde incipere debeat circinatio. Tùm fixo in centro altero circini pede, ducatur circulus ambiens totam quintam diuiſionis partem; in eoque conſtituatur quadratum, vt vides, ex lateribus in media diſtantiâ à centro, & à circumferentia circuli, qui ſit oculus; atque ab vno angulo ad centrum, in diagonali ſue mente concepta, ſiue viſibiliter exarata, ſiant duo puncta æquè diſtantiâ. Quibus perfectis, expeditè proceditur ad circinationem volutæ. Nam conſtituto altero circini pede in primo angulo ſuperiore à dextris, altero diducto ad punctum A. ducatur quadrans circuli ab A. uſque ad B. contingens diametrum: deinde fixo circini pede in ſecundo ſuperiore angulo à ſiniſtris notato, diducto altero ad punctum B. deſcribatur circuli quadrans terminandus ad C. Similiter operandum circa tertium angulum quadrati ſubtūs diametrum à ſiniſtris, ducendo arcum ab C. in D. ac denum poſito circini pede in quarto, & ultimo angulo prædicti quadrati, ducatur extremus arcus à D. in E. & ſic completa, & perfectæ erit prima, & exterior ſpira volutæ. Id ipſum ſecundum, & tertio fiat, ſumptis eodem ordine in ſingulorum tetrantum centris quæ primum ſuccedunt punctis, mox alijs quæ propiora ſunt oculi centro, & ſic habebis peractam totam circinationem volutæ, vt factum vides

in ſubieſta figura volutæ, & puncta ipſa
ſeoriſim diſtinſta, & ſibi per ordinem ſuccedentia in oculo extra figuram delineato.

Quæ



Volutæ Ionicæ Descriptio

B. Sculp.

Quæ hucusque demonstrata sunt, pertinent ad primam exterior- 73
rem circinationem, seu directionem totius excursionis spiralis qua se
ad oculum tandem contrahit, & illic terminat ipsa voluta. Quo-
niam autem ipsum volutæ corpus latum est, & latitudo illius, seu
altitudo, qua substernitur abaco, sibi vendicat dimidiam partem
earum octo, in quas diuisa est linea catheta, hoc est dimidium octa-
uæ partis; consequens est, vt eadem amplitudo excurrat, & pro-
portionaliter inueniatur in eadem cum inflectit, atque in spiram
volutatur, quæ sensim cum contrahitur imminuenda videtur. Bar-
barus id contemnendum existimat, eo quod voluta debet cum tota
sua amplitudine, ac maiestate procedere vsque ad finem, & aliis
gratior aspectui euadit, si pari semper incessu procedas: ideoque ad
alteram circinationem docet, eandem prorsus methodum seruandam
esse, & assumi pro centris eadem puncta, sicque fieri circinationem à
retrante in terrantem, constituto altero circini pede in extremo pun-
cto vbi singulæ arcuationes terminant. At Joseph Zaninus Viola-
Archi-

Architectus Parauinus, rigidus symmetriarum exactor, in sua Architectura, hanc proportionalem imminutionem vult omnino esse seruandam, proindeque docet modum, quo id facile perfici queat. Si videlicet in ipso oculo intra quadratum iam factum, alter circulus minor inscribatur, & in eo rursus aliud quadratum minus, ex quo noua centra secundæ huius circinationis, eodem modo ac in prima, notentur, vt videre est in ampliore oculo seorsim delineato; & in delineatione alterius Volutæ, ad Violæ mentem, præstitimus. Eligat sibi quisque eam, quæ sibi magis arridet.

- 74 VRANISCOS, teste Kircherō in Oedipo Aegyptiaco, dicitur à quibusdam Rota Ixionis, seu Corona Australis, hoc est paruum Cælum Stellis irradiatum; sidus nempe ad Australem plagam constitutum, ab genu Centauri, constans stellis tredecim, de quo hæc pronunciat Faber in suo Panchimico lib. 2. cap. 28. *Hoc astrum Corona malorum est, & plus infundit mali, quam boni.*

- 75 VRANISCVS etiam, ex quadam analogia, & simili forma, ac maiestate, dicitur in re militari à quibusdam, Tentorium regium, seu Imperatorium, in Castris erectum ad mansionem supremi Ducis, quod omnibus alijs præminet, & veluti Cælum minus, in suo genere gemmatis sideribus fulget, estque concauum, & rotundum. Author mihi est huius nouæ appellationis Iul. Cæsar Bulergetus, & Iosephus Laurentius in Amalthea Onomastica. Cæterum præfatum Tentorium ab alijs tum vetustis, tum modernis scriptoribus, communiter nuncupatur Prætorium, quod in Castris ante portam decumanam in medio figi consueuerat è regione Prætoriz, quæ hostium Castra, aut inimicam Urbem respiciebat: ex eo quod, inquit Festus, initio Prætores erant, qui nunc Consules, & ij bella administrabant; quorum tabernaculum quoque dicebatur Prætorium. Nostro autem tempore, quo plus præualeat luxus in Castris, quam fortitudo, potiori iure, Tentoria Principum Vranisci dici poterunt, quando forma, amplitudine, micantibus gemmis, auroque intextarum, cortinarum, coruscatione, cælo sunt perquam similia. Eiusmodi erat quale Attila Hunnorum Rex, Aquileiam biennali obsidione cingens, sibi figi curauit Cæli faciem, luminibus circumquaque ornata repræsentans: de quo ita Bonfinius lib. 7. decad. 1. *Tentoria habebat varia ex more Regnorum, quæ antea subegerat, mira arte contexta. Id quo ipsemet utebatur, ex serico, auro, gemmis intextum ornatumque erat, pretiosis interiectis lapillis.* Nec valde absimilia huic sunt tentoria, seu papiliones, quæ Turcarum Imperatores, eorumque primi
- Visi-

Vifires, in fuis expeditionibus superbè ſibi explicare ſolent ante ob-
 feſſas vrbes: quæ non tentoria militaria, ſed portatiles Vrbes, &
 Regias veriùs diceres; tantas diuitias, commoditates, luxus, reſeſſus
 ampliſſimos in ſe continent. Eiufmodi fuit, quod nuper ad ſubi-
 gendam Viennam Auriæ Metropolim, & Germanici Imperij ſeden,
 tetendit in obſidione, Muſtaſus Carà primus Viſirus, animo repu-
 rans hoſtem fulgore maieltatis præſtrictum terrere, quàm fortitudi-
 ne debellare. Sed malè ei ceſſit conſilium, & ſuperbia ſua ſibi ma-
 lum, & ignominiam importauit; actus in fugam non tàm cæleſti
 virtute, quàm Ioannis III. inuictiſſimi Poloniæ Regis in tempore,
 accurrentis, nominis celebritate, non minùs quam fortitudine, &
 armis percuſſus; habens in lucro, opima ſpolia, ipſumque ſuperbiſ-
 ſimum papilionem in victoris poteſtare, in trophæum, & certum
 ſpecimen ſuæ ignauiæ, panicique terroris, relinquere.

VRNA, Crater, Vas, Patera. His nominibus inſignitur ab Astro- 76
 nomis ſidus in cælo ad Australem plagam ſuprà corpus Hydræ con-
 ſtitutum, ab Arabibus dictum *Pharmaz*, ſeu etiam *Eluard*, con-
 ſtans ſtellis ſeptem ſecundum Ptolemæum, cum quibus alteram,
 paruulam notauit Tycho in medio vaſis ſitam, & tres adhuc Bayce-
 rus, quæ tamen ſunt communes Hydræ; & omnes ſunt de natura
 Veneris, & parum Mercurij, ſub ſigno Virginis. Ex his octo ſunt
 quartæ magnitudinis, quarum præcipua eſt, quæ in fundo vaſis, Ara-
 bicè *Alches*, de qua horoſcopante ait Firmicus, quod inclinât ad
 agrorum, & vinearum culturam, dexteritatem dabit ad ſurculos ſec-
 undos arboribus inferendos, ad fontes, & riuiulos deducendos:

Inde meri genialis amor, ſtadiumque bibendi,

Subdit perbellè Pontanus. Sed & in Meteorologicis, fundus vaſis
 cum Sole exoriens, aſſert humiditatem; cum Venere autem, aut Lu-
 na, copioſas pluuias. Oritur autem nunc temporis Romæ die 19.
 Septemb. cum gr. 27. Virginis.

VRSA duplex in cælo ſidus eſt, altera dicta minor, *Arctos*, 77
Cynosura, proximè ad Polum boreum adiacens, & circà eum bre-
 uibus ſe circulis circumuoluens, conſtans ſeptem tantummodò ſtel-
 lis, quæ etiam currum quatuor rotis, & temone erecto inſtructum
 refert, vnde & Plauſtum minus dicitur, quarum quæ in extrema
 cauda, ſeu in apice temonis eſt, dicta Polaris arabice *Alrukaha* ſec-
 undæ magnitudinis, ſatis conſpicua, nunc temporis non diſtat à
 Polo, niſi gr. 2. & min. 26. & aliquando fortè in ipſum Polum re-
 cidet (de qua re fuſè aliàs diſceptauimus,) aliæ duæ in extremis ro-
 tis

tis constitutæ aliquantò plùs distant, & *Circitores* vocantur, quia cæteris ampliozem circulum faciunt; Hyginus *Choreutas* dixit, quasi Choros circà Polum ducentes. Hoc sidus septem tantùm stellas satis conspicuas à Prolemæo enumeratas complectitur, omnes secundæ magnitudinis, præter eam quæ est in educatione caudæ, fingiturque esse secunda rota in plaustrò, quæ est quartæ, ac de natura Saturni, & Mercurij; cum aliæ sex sint de natura Martis, licet Bayerus cæteris oculatior, eas faciat Venereas cum participatione Martis. Qui etiam, uti & Tycho, aliàs tredecim in eo detexit, vtrà octauam à Prolemæo recensitam, sed relictam informem. Potrò sidus hoc dictum est etiam *Nautarum director*, eo quod semper de nocte spectabile est, & breui gyro cursum absoluit, nunquam occidens, vnde à Sidonijs, ac Phœnicibus, pro certa suæ nauigatione regula acceptum est, cum Græci ad hoc vterentur Vrsa maiore magis conspicua, quæque illis nusquam erat occidua, id quod versibus expressit Germanicus Cæsar ex Arato.


Dat Graijs Helice cursus maioribus astris;

Phænicas Cynosura regit.

Certior est Cynosura tamen sulcantibus æquor;

Quippè breui giro totam se cardine vertit,

Sidoniamque ratem nunquam spectata fefellit.

 Quandoquidem temporibus illis ignota erat virtus magnetica, nec inuenta acus nautica, quæ magnete illita, naturali impetu ad polum se vertit. Nunc autem

VRSA MAIOR dicitur aliud sidus, præfato simile in positione, septem stellarum, quæ plaustrum efformant, sed in aduersum: vnde Manilius de ijs notat, quod

Nec paribus posita sunt frontibus; utraque caudam

Vergit in alterius rostrum, sequiturque sequentem.

Hæc item *Arctos* appellata est ob viciniam, sed absolutè id nominis priori conuenit, huic *Helice*, *Callisto*, *Plaustrum maius*, &c. quæ in maiori amplitudine Polum circumambit cum *Cassiopea* in eadem ferè distantia, sed illi directè opposita. Continet sidus hoc stellas 35. hoc est, 27. intra imaginem, & octo à Prolemæo relictas informes; quamquam Keplerus in eo enumerat omninò 56. ex quibus septem, ut dixi clariores sunt, quæ abeunt in formam plaustri. In reliquis quatuor obscuræ sunt, constitutæ inter pedes anteriores Vrsæ, & pedes Geminorum, vnaque paruula sextæ magnitudinis vix spectabilis iuxtà mediam in cauda, ab Arabibus dicta *Alcor*, quæ apud eos in prouerbiū inuit, ut refert Appianus, *Vidisti*, inquit, *Alcor. sed non Lunam plenam*, de ijs videlicet, qui scrutantur minima, inte-

Interim, maiora, & quæ magis ad rem pertinent, negligentes, Aliæ stellæ sunt in diuersa magnitudine; quinque tertix, quarum vna intrat in plaustrum, & est superior in educatione caudæ; Quartæ vndeiginti; Quintæ nouem; reliquæ sextæ; vt videre est in nostro Fixarum Catalogo. Omnes sunt vnicè de natura Martis, præter Nebulosas, quæ participant de Luna. De hoc sidere horoscopante, hæc canit Pontanus in Vrania.

Hinc quibus effulsit nascentibus Arcadis Vrsa

Sidus, & è summo prospexit cardine Virgo.

His captos domitare vrsos, immania corda,

His sauum genus indomitos frenare Leones

Cura sit, & socios canibus coniungere Pardos,

Per nemus, infrenemque manu trahere Elephantum.

In Occasu verò, subdit, minari dilacerationem ab Vrsò, vel alijs feris, præsertim si Mars malè astiterit. Verùm hæc (si non poëticæ obseruationes sunt) de stellis in Vrsa positis, in Italia nequeunt experientijs comprobari, cum hic ferè omnes præsertim insigniores, quæ in plastro sunt, semper suprà superius hemisphærium sint, & sola postrema in cauda dicta Equus primus, Arabicè Elkerd Bennenatz habet radere tantummodò horizontem: Ni velis, tunc in ortu esse dici, cum sunt in parte cæli ascendente; tunc in Occasu, cum sunt in descendente, & vergere ad occasum, adeoque eosdem aut consimiles effectus parere, ac si forent in cardinibus Orientis, & Occidentis. Sed enim cum sidera ex Ptolemæi sententia non agant in hæc inferiora, nisi per longè, & propè fieri, quo diffunditur, aut enervatur eorum vis, quæ per variam luminis transmissionem exseritur; coipso, quod semper in loco maneant pari virtute prædita, nil habent, quod saltem notabiliter possit diuersos effectus producere, & influentias variare.

V V

VVLPE, & VVLPECVLAE apud Scriptores sequioris æui passim inueniuntur denominatæ, machinæ quædam militares in genere Vinearum, ad protegendum, & oppugnandum factæ; quas etiam suo tempore, Causias, seu Cautias, militari, barbaroque usu dictas, testatur Veget. lib. 4. cap. 5. illas describens; nisi quod hæc longè grandiores, firmitiores erant, & pluribus bellatoribus instructiores; quippe quæ longè agilius mouebantur, & sub ijs milites tecti, cautè, & subdolè procedebant, seseque illicò retrahebant, cum hostis impetum ferre non poterant, rursusque inopinatò insiliebant, vnde à similitudine operis accepta à vulpe

Qq q q q q

calli-

callido, & expeditissimo animalculo, desumptum nomen crediderim. Ijs potissimum vsos fuisse Germanos, habemus ex Lipsio in Poliorcet. lib. 1. dialog. 7. qui diuersas earum nomenclaturas ex animalibus deriuatas, refert ex Radeuico Continuatore Operis Othonis Frisingensis, de gestis Friderici Oenobardi, quibus Imperatorem vsum fuisse, ait, in expugnatione Cremæ. *Casar*, inquit, *omnem reliquum apparatus, quem ad oppugnationem Ciuitatis fecerat, Talpas, Vulpeculas, Ericios, Cattos*, (talibus enim censentur nominibus) *inssit exuri*. Qualis autem formæ fuerint, & ad quem vsum, destinatæ, habemus accuratè descriptum in Historia Hierosolymit. lib. 2. cap. 30. vbi de obsidione Sanctæ Urbis à Teutonicis intentata aduersus Turcas eam tenentes, agitur. Sic enim ibi. *Nonnulli de Maioribus Alemannis, Vulpem ex proprio sumptu querquis trabibus composuerunt: cuius in gyro ternos intexuerunt parietes, ut grauissimos Turcorum sufferrent ictus armorum, omniumque telorum genera: ac sic in ea manentes tuti, & illasi, Urbem fortiter impugnamdam perforarunt*. Hoc tandem *Vulpis instrumentum*, dum ad vnguem operæ, & ligaturis produceretur, milites pradielorum Principum locicati ad viginti, in eadem vulpis protectione sunt constituti. Sed magna virorum inundatione, & certamine iuxta muros applicata, non aquo subsedit agger. His etiam in propugnatione suæ Urbis vsos fuisse Cremenenses aduersus machinas applicatas à Friderico Imperatore, narrat Rodeuicus lib. 2. cap. 59. *Erant*, (inquit, ex parte Germanorum) *turres ipsæ nimia proceritate mirabiles, supra centum pedes in altum erectæ, multorum hominum per singula diuersoria capaces*. - - - *Tunc Cremenenses callidè se intra suas machinas (quas Gattas suprâ dixerat appellari) primos quidem, ac de subius, & supra grauitè accipiunt: posteriores autem tormentorum ictibus deterrent; acies pro muris pugnantium dissipant; & qui scalis, alijsque instrumentis accedere nitebantur, impulsu deuoluebantur è muro*. Vides *Vulpium calliditatem, dexteritatem, latibula, diuertimenta*? Ut non incongruè earam, uti & felium, & talparum nomine eiusmodi machinis inditum fuerit à militaribus viris arma tractare, magis, quàm latinè loqui scientibus. Vide quæ simili ratione diximus in V. *Catti*.

- 80 VULTUR CADENS dictum est latine appellatione, ab Astro-nomis sidus in Cælo ad Septentrionalem plagam constitutum, medium inter Engonasin, & Cignum, quod & *Lyra*: namque est duplici imagine figuratum: altera referente alitem (scilicet Aquila)

ea sit, siue Vultur,) supinè cadentem, cuius è collo pendet supra pectus Testudo, siue Decachordum decem chordis, in quas decem stellæ dispertitæ sint, quod ideò à Græcis dicitur *Chelis*; ab Arabibus autem *Albégala*, vel *Alahorre*. Continet, vt dixi ex Ptolemæi, & Antiquorum recensione, decem stellas diuersæ magnitudinis, quibus Keplerus vnani addidit ad imam alam sinistram, & adhuc duas alias Bayerus in summitate alæ dextræ obseruatas, omnes de natura Veneris, & Mercurij. Inter eas autem splendore, actiuitate, ac magnitudine, speciali nomine dicta Fidicula, seu Lucida Lyre in medio alæ dextræ præfulgens, quæ claritate, & pulchritudine, Veneris Astro maximè assimilatur, Arabice *Vvega*, vel *Vagich*. De hac in horoscopo reperta, ita cecinit Pontanus:

*Ciet ecce nouem cum pectine chordas
Emodulans, mulcetque nouo vaga sidera cantu:
Quo capte nascentum animæ, concordia ducunt
Pectora, concordisque animos: sunt Ciuica cura
Iura, placent leges, pacto stant, aqua probantur.*

De eadem in specie obseruatum est, quod si in Secunda, paritè in cuspide fuerit, aut in medio Cæli cum Ioue, Venere, aut Parte fortunæ reperta fuerit, magnas diuitias, & fortunam in honoribus, administrationibus, aut Opificio pollicetur, & vt plurimum assert. Quoad meteora verò, cum Sole exoriens facit aërem frigidum, & humidum: cum Saturno apporiat niues, & pluuias, pro conditione temporum: cum Mercurio autem ciet ventos, & aëris mutationem è calido in frigidum, è serenitate ad nubilum. Oritur Romæ cum grad. 9. Scorpionis, circà vltimum diem Octobris. Sed illud valde notandum est in hac stella, quod est toti ferè Italiæ verticalis, id quod magnam honorum, ac diuitiarum accessionem generaliter indicat.

VULTVR VOLANS similiter appellatum est aliud sidus à prædicto non longè distans, medium inter Delphinum, & Cignum, & ipsum duplici figura characterizarum, representans Aquilam elatis alis volantem, ac sagitta transfixam ad alam superiorem sinistram. Constat se sola stellis nouem secundum Antiquos; quibus Bayerus addidit alias octo, pariter eas, quæ in Antinous coadunatæ sunt, & insuper aliàs octo, quæ assignantur telo. Quæ in Aquila sunt, omnes participant naturam

Martis, & parum Iouis, excepta principali dicta *Lucida Aquila*, secundæ magnitudinis, Arabicè *Alkair*, quæ tota est Iouia, & ita quoad speciem & nitidum fulgorem Ioui assimilatur, ut aliquando pro ipso Ioue accepta sit. Quæ in celo verò, sunt de natura Martis, & Veneris. Omnes ferè sitæ sunt sub Capricorno in longitudine, cum magna latitudine boreali plùs minùs ad 30. grad. De hoc sidere, præsertim *Lucida* horoscopante, ait Pontanus, quod facit Natos animo feros, bellicosos, mortis contemptores, hostium spolijs inhiantes; sic enim de ijs cecinit id Vrania.

*Bella placent, & præda subacta ex hoste petita,
Et spolijs vitam, & violentà agitare rapina:
Nec dubitent etiam armatos incurrere in hostes
Nudi armis, mortemque velint pro laude pacisci.
Tantum animi feret Idæus nascentibus Ales,
Cui si felicitis radios Iouis addidit ignis,
Hi Patriam decorent armis, & ab hoste tuantur.*

Idipsum confirmat Stadius in *Isagog.* ad *Ephemerides*. Sed in Meteoris, & æris mutationibus, magnam vim habet pro vario cum Planetis congressu. Nam manè exorients, producit nives; vespere suscitatur tempestates, præsertim si Mars, & Mercurius accesserint. Occidens verò mane generat Austrum, & facit calorem magnum; id quod Romæ accidit circà diem 6. Augusti; cum Sole autem mane oritur die 15. Decembris; & oritur vespere, dum Sol ad occasum delabatur, circà Idus Iunij. Id quod per otium cuique experiri licebit.

82

WACTAE, Germanorum vocabulo ad sequioris ævi Latinos crassiusculè scribentes, deriuato, audiunt *Excubiæ*, & *Vigiles* ad Castrorum, Arcis, aut Regni limitum custodiam deputatæ, qui inibi stationem fixam teneant, & aduigilent, tesseramque petant ab intrare volentibus, aut illac pertranseuntibus, ac nimium appropiantibus, nè frans vlla ab hostibus se amicos simulantibus, paretur. Nostis vulgò, *Corpi di Guardia*. Ità hoc nomine, Circitores appellatos inuenio, apud quosdam Scriptores Francos, ac præsertim in quodam privilegio Hispanis factò à Ludouico Pio, quod haberetur extensum in Tomo II. *Historiæ Gallicanæ* pag. 321. ubi dicitur: *Explorationes, & excubias, quod vsitato vocabulo wactas dicunt, facere non negligent.* Quamquam in consimili concessione, quam fecit Carolus Barcinonensis, ferè in eadem verba concepta,

non

non *Wallas*, sed *Gaytas* testatur Du-Cange in Glossario, se reperisse scriptum. Qui fusè de his vocibus agit, & plura testimonia, assert in utramque partem. Sed & infra sub verbo *Warda* notat idipsum significare, & voces simul misceri in quodam Capitulari, ubi dicitur: *Si quis Wallam, aut Wardam dimiserit; &c.* Et certè *Wardæ* nomen magis accedit ad rationem custodiæ, quæ apud nos *Guardia* nuncupatur, & à Gallis *Gardè* facili; & apud ipsos frequenti, commutatione litteræ G. in W.

WEGA Arabicè nominatur *Lucida Lyræ*, *Fidicula*, *Stella fixa* primæ magnitudinis, de natura *Veneris*, & *Mercurij*, de qua fusè paulò superiùs dictum in *V. Vultur Cadens*.





XI



IPHIAS dictum est à nostris sidus in Cælo ad australem plagam adiacens Polo Antartico; quod ab Indigenis, propria lingua, appellatur *Dorado*, quoniam ab eius detectione, quæ cum terris polo antartico subiectis facta fuit cum alijs vndecim Constellationibus, illum circumambientibus, à Mercatoribus Hollandis illuc appulsis, affixa est illi imago piscis illis maribus frequentissimi, quem Indi *Dorado* nuncupat, estque idem fortè, cuius in nostro Mediterraneo prope Messanâ quotannis certò tēpore celebris est piscatio, & vulgò *Pesce Spada* dicitur, eoquod rostrum habet prædurum, & oblongum adinstar gladij, vnde ex græco, *Xiphias* nomen ei inditum est, quo Græci gladium nominant. Nunc autem Sidus hoc, *Xiphias*, vel *Dorado* dictum, constat Stellis vndecim (computatis informibus,) de natura Saturni, quarum tres sunt insigniores quartæ magnitudinis, vna in capite ad oculum, altera in dorso, tertia in extrema cauda: duæ item informes eiusdem magnitudinis, positæ inter pinnas, & nubeculam maiorem: duæ etiam quintæ, & quatuor sextæ, quæ omnes in longitudine complectuntur totum fere Zodiacum. In his quæ in medio ventre, vicinissima polo Zodiaci est, quæ verò in oculo, magis accedit ad Polum mundi, vt videre est in nostro nouo Catalogo, ad calem Tabularum Primi Mobilis.

- 2 Est etiam *Xiphias* Cometæ species, cuius meminit Plin. lib. 2. cap. 25. adinstar mucronis oblongi, & colore pallenti, qui cum apparuerit, portendere solet impetuosissimos ventos, adeò vt quandoque domos subuertant, & arbores eradicent, post quos sequitur magna terræ sterilitas. Talem fuisse aiunt, quæ apparuit anno 1532.

- 3 XYSTVS olim apud Græcos, in Palæstris amplissima porticus erat, ambulationibus Athletarumque consuetis exercitationibus corporis
hy-

hyberno tempore peragendis destinata: ex quo fortè locus nomen accepisse credendus est, nam Xystus ex græca notione, inquit Budæus, propriè hastam significat: & hastis quidem, ad ludos, & ludicras concertationes in Palæstris potissimum utebantur: aliàs *Paradromis* communiter dictus à cursu, qui in eo frequens erat, derivato vocabulo. Quamquam reuera aliud indicat *Paradromis*, ut in loco diximus, aliud *Xystus*. Etenim, Vitruvius auctore, *Xystus* propriè signat porticum amplam, & probè tectam, ubi Athletæ pluvio tempore per diem subsistentes, morabantur parentes ludis, & alijs exercitationibus. *Paradromis* autem erat locus subdualis cælo libero, expositus, & cursui destinatus, unde ait, lib. 5. cap. 11. *Facienda autem Xysta sic videntur, ut sint inter duas porticus sylvarum, aut platanones, & in his perficiantur inter arbores ambulationes; ibique ex opere signino stationes. Proxime autem Xystum, & duplicem porticum designentur hypætræ ambulationes, quas Græci Peridromidas, nostri Xysta appellant. In quas per hyemem (nota) sereno cælo Athleta procedentes exercentur. Ergo Vitruvius aliud Xystus, aliud Xystum. Id quod non benè perpensum, pluribus architectis, scriptoribusque imposuit, ut acutè aduertit Philander. Et quidem Xystus, & Xystum, inquit, cum apud Græcos idem significent, apud Latinos nonnihil habent discriminis. Nam Xystos vocant porticus tectas, ubi Athletæ per hyemem exercebantur: Xysta autem subdualis ambulationes, ubi sudo cælo, suas exercebant palæstras. Rationem etiam, quam ob rem facta sit hæc locorum distinctio, comminiscitur ex Celso, Leo Albertus lib. 8. cap. 8. Sub dino, aiebat Celsus Physicus, inquit, commodius exercemur, quam in umbra: sed quò commodius etiam umbra id possent, porticus adiungebantur, quibus aream circumcluderent: areamque ipsam alij marmoribus, & tessellato insternebant; alij viridantia obijciebant aspectui, complebantque myrto, iuniparo, & cyparisso. Huic operi porticus à tribus lateribus erant simplices, & admodum amplæ. Quapropter in vtriusque generis Xystis, & firmi consistebant Athletæ, & procedebant ad solitas exercitationes: Hyeme, & pluvio tempore sub porticibus tectis: Aestate verò, aut aliàs sereno cælo, sub dino in proximè positis ambulationibus hypætræ, quas *Paradromidas* Græci, ad distinctionem appellauere: de quibus loquitur Vitruvius, cum signate dicit, eas debere complanari inter*

duas porticus, arborum hinc inde, platanorum, & viridantium foliorum varietate, iucundas, atque conspicuas.



Y

1 **Y** POLIPSIS, græcè, idem sonat, ac cunctatio Lunæ: Sic enim vocant Astronomi interuallum illud, quod intercipitur inter locum Solis, & locum Lunæ in zodiaco, quando Luna, facta integra peragratione totius Zodiaci, reuertitur ad locum suum, in quo cum Sole congre- diens, facit nouilunium; non enim illuc reuerfa iterum cum Sole coniungitur, sed aliquantulum moratur, & ferè duos adhuc dies insumit ad illum assequendum: id quod accidit ex præcessionem Solis in antecedentia signa: dum enim celeritate sua Solem præuertit, & singulis mensibus id conficit, quod sol semel in anno; fit, ut Sol interim prætergrediatur; & dum aliàs se- gnior est in motu, in Zodiaco tamen facit hæc tarditas, ut post se Lunam relinquat singulis annis, ferè dimidium signi, quod illa excurrere debet, ut cum eo conueniat. Hinc excrefcentia anni solaris suprâ lunarem in diebus vndecim singulis annis: vnde inuenta est ratio Epactarum, ad inueniendas nouas Lunationes, & diem congreffus Lunæ cum Sole, Periodus Callippica, & aliæ æquationes, de quibus fusè diximus suo loco.

2 **Y** PSOMETRIA facultas est Geometriæ subalterna, quæ habet dimetiri locorum altitudines per optica instrumenta ad hoc facta, qualis est Scala altimetra, Quadrans Geometricus &c. de quibus fusè in loco. Hæc autem si ad dimetiendas profunditates tantummodò coarctatur, speciali nomine gaudet, ex græca notatione desumpto, & dicitur *Batheometria*.



Z E



ENITH arabicè dicitur punctum Cæli verticale, quod perpendiculariter imminet capitibus nostris, vnde, & Verticis nomen per metonymiam, ei à nostris tributum est: de quo satis in loco dictum. Huic ea aduerso, de sub terra respondet aliud punctum dictum, *Nadir*: quæ duo sunt veluti Poli horizontis, qui in medio constituitur, ac distare vndeque ab illis debet grad. 90. Porro huius loci magnam considerationem habent Astronomi, quippe qui est omnium sublimissimus, & efficacissimus: vnde stellæ in eo positæ sunt validissimæ, & totas suas vires exerunt in subiecta loca, vt experientia quotidiana videmus. Circa quæ videri quæ diximus in V. *Vertex*.

ZETA, vel vt alij scribunt, *Zeita*, seu *Zieta*, celebre erat olim, & maximè decantatum in nobiliorum hominum ædificijs diuerticulum, ac recessus; quasi auctarium operis, non illud quidem ad speciem, & diuturnam moram factum, sed ad solitudinem potius, & recipiendam aliquam animi remissionem, corporisque curationem. Frequens, & varia est apud præcos scriptores huius loci mentio; sed qualis præcisè fuerit, & ad quid potissimum destinatus, non satis constat, neque ex contextu quidquam elici potest, quod mentem adæquet. Nam Lampridius in Heliogabalo, manifestè ait, *Zetam*, esse dormitorium cubiculum, quod diem, clamorem, & sonum excludit. Et alio in loco dicit, quod Odores Indicos, sine carbonibus ad vaporandas Zetas iussit incendi. Similiter Vlpianus, *Zetas* igne calefieri consuevisse memorat. l. . . ff. 32.

At Plinius Cæcilius lib. 2. epist. 7. *Zetam*, expressè dicit locum angustum propè triclinium, probè illustratum, & omnibus cæli faciebus expositum, quivnus tantum lectuli capax foret, & duplicis

Rrrrr

fel-

3 sellæ: sic enim loquitur. *Quà mare contrà parietem medium; Zeta perquam eleganter recedit, quæ specularibus; & velis adductis, redu-
 Elisue, modo adjicitur cubiculo, modò aufertur: lectum, & duas cathe-
 dras capit. E pedibus mare, à tergo villa; capite sylva: tot facies lo-
 corum totidem fenestris & distinguit, & miscet. Sunt qui vocabula
 confundunt, & idem faciunt cum Diætâ, loco videlicet parvæ cœna-
 tiunculæ deputato, ut in loco monuimus, in quibus est etiam do-
 ctissimus Turnebus lib. 24. cap. 4. & Salmasius, qui etiam audet
 corrigere, Zeta, existimantes more antiquorum sæpè Z, commutari
 in Di, ut in Zabulo, Diabolo, &c. non aduertentes enormem fore
 transmutationem; nam efficeret Diætâ, diurni itineris mensuram,
 quæ vox latina est, non Diætâ, quæ ex græca notione procedit, & si-
 gnificat locum cœnationi deputatum, in quo omnes conveniunt.
 Et ipse quidem Plinius diuersam facit à Zeta, quæ ad omnem alium
 usum erat, & amœno recessui, quam proinde *delicias, & amores*
suos vocat. Diætâ verò locum longe ampliorem, quæ in se plura
 cubicula capiat, ponè Triclinium posita, pro diuersa ratione captandi
 Solis vel umbræ. Ita in Epist. ad Apollinarem, quæ est sexta lib. 5.
*Vbi Triclinium desinit, ait, incipit Porticus ante medium diem hyber-
 na, inclinata die astina. Hæc adueniunt Diætæ duæ, quarum in altera*
*cubicula quatuor, altera tria, ut circuit Sol, aut Sole utuntur, aut um-
 bra. Similiter Sidonius Apollinaris ep. 2. lib. 2. E Trilinio, inquit,*
fit in Diætâ seu Cœnationem, transitus. Ast in Zeta nullus cœnationi
 locus, quin potius post actam cœnâ, opportunitatē quieti, & animi
 remissioni, ex secessu, qui diem, clamorem, & sonum excluderet, ac
 silentium custodiret; ut ex Lanipridio suprà vidimus. Quare ex his,
 alijsque coniecturis, alij, Zetam vaporarium quoddam fuisse dixe-
 runt, quod pro temporum varietate, & iuxta diuersam velorum ap-
 pationem, nunc auram lenem, & frigidam, nunc Solis radios, &
 calorem reciperet: aut certè esset cubiculum ligneum versatile ad
 omnem aspectum. Quæ in re, placet admodum interpretatio, & usus
 huiusmodi Vaporarij, quem affert Ianus Laurembergius in suo Anti-
 quario. Zeta, inquit, quæ in usu nostra tempestate non sunt, Veteres
 autem frequentissimas in domibus habebant; loca erant in varijs partibus
 domus, ad quæ per meatus quosdam intra parietem relictos, qui Tubuli
 dicuntur, ascendentes ex imo spiritus frigide, aut calida aqua in pani-
 mento inferiore sparsa, locum ipsum aut tepesciebant, aut refrigera-
 bant, prout ratio temporum exigere videbatur. Neque enim (subdit)
 tunc ignis erat usus in cubiculis, nec ades spiracula habebant, unde fu-
 mus exiret, quæ nunc vulgus alieno nomine, Caminos vocat: dici autem
 latine infundibula possunt. Hæc Laurembergius satis appositè, & ad
 mentem veterum scriptorum, de Zeta.*

Cæ-

Cæterum zetas, & zetulas inuenio loca fuisse omni ornatu, & gemmarum luxu, & splendore parata in Cœnaculis, ad hilaritatem, & iucundam conuerſationem conducentia. Sic Iulius Africanus in Hiſtor. Apoſtol. lib. 5. ait: *Iam regnum paratum vobis, & ex coruſcantibus gemmis Zetas inſtruitas, plenas gaudijs, plenas epulis &c.* Et in actis S. Sebaſtiani compilatis à S. Ambroſio, quæ habentur apud Bollandum; inter alia, quibus ipſe ipſe S. ſiſſimus Martyr recentèr à ſe baptizatos animare, & confirmare conabatur in fide, ac ſpe regni Cæleſtis, hæc habentur, illis in memoriam reuocata. *Quodſi vos domus veſtra ex lapidibus facta, delectant; quaniò magis illarum vos debet pulchritudo inuitare domorum, ubi ſunt triclinia auro puro radiantia, quæ ex gemmis, & margaritis habent zetas inſtruitas?*

Tandem in re militari, obſeruat DuCange, Zetæ nomine, ſæpè appellari pinnas murorum, & ſpeculas in angulis manſionum poſitas ad earum cuſtodiam. Id quod probat ex Erkemperto in Hiſtor. Longobardor. & Orderico Vitali, qui ſæpè minora eiufmodi propugnacula, ſub zetarum nomine comprehendit. Sic lib. 8. pag. 674. de quodam Caſtello, quod neſcio quis, in ſui poteſtatem redegit, ait: *Caſtellum poſtmodum tenuit, muris, & vallis zetisſque muniuit, & lib. 10. pag. 770. Copioſos pecunie ſumptus erogauit, vnde municipia eius vallis, & muris, ac multiplicibus zetis undique clauderentur.* Pro pinnis vero expreſſius loquitur pag. 775. ubi ait: *Quidam ad illum de ſublimi lapidem proiecit, &c.* & pro verisſque pag. 800. *Arcem, & regiam, & murum in gyro, zetasque minores, atque maiores iam munite, ſolliciteque perſcrutamini, aditusque ſeruate, ne quis exeat, vel ingreditur ſine veſtra conſideratione.* Ex quibus omnibus, tam recentibus, quàm veterum ſcriptorum teſtimonijs, manifeſtum eſt, falli, ac toto cælo errare eos, qui pro eodem Zetas, ac Diztas accipiunt, cum diuerſa ſit ſcribendi ratio, & illæ nuſpiam pro Cœnaculis ſupponantur.

ZETEMA, Algebricorum vocabulum, apud quos ſolos inuenias, ſed in ſuis rebus frequentiffimè uſurpatum. Id enim aſſumunt ad ſignificandum peculiarem ſuum modum procedendi in his, quæ concludere intendunt. Enimvero, cum ea quæ docet Algebra, argumentis, & nouis demonſtrationibus opus non habeant, vt manifeſta fiant, ſed ipſa operatione actuali ſe prodant, & innotefcant, adeò vt vltiore probatione non egeant; propterea, nec Theorematis, nec Problematis commune nomen, nec aliud quid, quod cæteris Mathematicis diſciplinis conueniret, ipſis aptari poterat, ſed aliud excogitandum, quod ipſis eſſet proprium, & quò à communibus demonſtrationum methodis diſcernerentur.

ZODIACVS, in Astronomicis intelligitur esse Circulus maximus in Primo Mobili, intersecans Aequatorem in duobus punctis oppositis, illumque, ac proinde totum Cæli ambitum diuidens in duas partes æquales, quarum altera ad Septentrionem vergit, altera ad Austrum: vnde & Circulus obliquus dicitur, & via Solis, ac Planetarum; quia per eum Sol, & Planetae constanter, & continuò discurrunt, & motus suos perficiunt; Sol quidem exactius per ipsum Circulum, à quo nunquam deflectit, sed per mediam lineam discurret, quæ concipitur in latum indiuisibilis, appellaturque ideò Ecliptica, quia in eam incidens aliquando Luna in congressu, & oppositione cum Sole fit Eclipsis alterutrius, & defectus lucis: Planetae verò reliqui circa eam feruntur, sed per suas particulares orbitas, quæ deflectunt à via Solis, & modò ad Austrum, modò ad Septentrionem inclinant, vsque ad certos limites, vt alibi dictum est: vnde concipiuntur hincinde ad Eclipticam, duo alij circuli minores, qui ambitu suo has omnes Orbitas includant, & claudant, & quandam veluti fasciam constituent, latam hinc inde secundum antiquos ad gr.6. secundum autem recentiores, gr.9. eoquòd Venus eousque progredi visa est, alijque etiam transilire veteres limites graduum sex. Et hic propriè, & magis latè vocatur Zodiacus *Ζῳδιὸς ὅριον*, quod græcè animal sonat; quia in longum diuiditur æqualiter in duodecim signa, quæ, vt plurimum animalium figuris, & noninibus insigniuntur: vnde & Signifer à Latinis dictus est. Alij nomen deriuatum volunt *Ζῳδιὸς τῆς ζωῆς*, quod vitam significat: eoquòd Sol, & sidera per eum discurrentia, ex accessu, & recessu à punctis cardinalibus, causæ sunt ortus, & interitus rerum, vt notauit Philosophus.

Porro duplex Zodiacus concipi potest, & communiter assignatur: alter Rationalis, seu imaginarius, qui mente concipitur, cum nil visibile in se habeat, etsi realis sit, & suis terminis definitus: alter sensibilis, & suis Asterismis, seu stellarum imaginibus insignitus. Prius à secundo signorum nomen, & partitiones desumpsit quamquam nil commune cum eo habet, sed is concipitur in Primo Mobili absolutè, seu in Nona Sphæra: Secundus autem in octaua, seu in Firmamento, & Orbe Fixarum, in quo stellæ in certas imagines sunt complicatæ. Quoniam verò antiquitus ob tarditatem motus Octauæ Sphæræ, non reputabatur Orbis reipsa à Primo Mobili distinctus, ac diuersus, Primi Cælestium rerum observatores, Primi Mobilis signa ab suppositis sideribus, seu Imaginibus, quæ tunc temporis in ea incidebant, denominarunt; quæ tamen nunc ob recessum Octauæ Sphæræ, non sibi congruunt, & reuerà in multis differunt:

runt: nam præterquam quod latitudinis terminos sidera hæc non seruant, neque in longum æqualiter sunt disposita, vt Signa in primo mobili considerata, neque eandem habitudinem habent, quam prius, ad puncta cardinalia, ad quorum rationem facta est diuisio Zodiaci primi mobilis, in quatuor quadrantes, quorum quodlibet continet tria signa, & gradus 90, à sectione verna ad Tropicum Canceri, vbi maxima est Solis declinatio ad polum boreum; ab hoc ad Aequinoctium Autumnale, vbi Sol reuertitur ad Aequatorem: ab Aequatore iterum desceat ad Tropicum Capricorni, hoc est ad maximam declinationem Australem; atque ab hinc discedens, redit ad sectionem vernam: quâ periodo perficit suum cursum, & reuolutionem annuam, cuius initium est ipsa sectio verna. Proindeque prima stella in cornu Arietis dicta Arabicè *Mesarthim*, quæ tempore Ptolemæi incidebat in ipsam sectionem vernam, nullam obtinens declinationem (adeoque ab ea incipiebat Zodiacus, & prius gradus Arietis; nunc inuenitur distare ab ea in longum grad. ferè 28. habereque declinationis borealis grad. propè 18. ex quo compertum est, stellarum Orbem suo motu peculiari, licet tardissimo ferri in consequentia, atque adeò omnia sidera sub primo mobili sedes suas mutasse. Præterea signa Zodiaci primi mobilis, vt dictum est, æqualiter sunt distributa, itaut singula tricenos gradus occupent; sidera verò subiecta non sic, sed inæqualiter tam in longum, quam in latum, prout amplitudo imaginis, & stellarum numerus, quæ in eam complicatæ sunt, petit extendi. Quinimò antiquitus Libra, & Scorpio vnus, & idem Asterismus erat, propter quod etiamnum duæ stellæ in Lancibus constitutæ, Chelæ Scorpii ab aliquibus nuncupantur. Cæterum signa Zodiaci primi mobilis, seu signiferi, qui ab ijs sic denominatus est, sunt duodecim Aries, Taurus, Gemini, Cancer, Leo, Virgo, Libra, Scorpio, Sagittarius, Capricornus, Aquarius, Pisces. Quorum imagines, & nomenclatio non ab re ab hominibus, animalibus, alijsque rebus desumpta sunt, quoniam ex forma, officio, qualitatibus, quibus pollent, & analogia, quàm habent ad illas res, quæ per ipsa representantur, in ordine ad particulares influxus, prædominium, & vim ad alterandos, disponendos, & commouendos humores; longa experientia compertum est, ijs valde assimilari. Id quod breuiter insinuare non otiosum, nec superuacaneum erit.

Itaque Primum Signum incipiens à sectione verna est *Aries*, vnde incipit Sol calorem intendere, ac tellus hyberno corpore excusso, reuiuiscere, & germinare, præualereque noctibus dies: & ideo dicitur Signum mobile, calidum, & siccum, domicilium Martis, & exal-

9



10

Exaltatio Solis. Constellatio verò, quæ, vt dixi, iam recessit à situ primi mobilis, & abiit ferè tota sub Tauro, continent stellas 13. secundum Ptolemæum, quas aliæ quinque comitantur informes, omnes ferè de natura Martis, aut Saturni, nempe quæ ad Boream vergunt sunt calidiores; & participant de natura Martis, & Mercurij; quæ verò ad Austrum sunt frigidiores, & sequuntur naturam Saturni.

- I I** Sequitur *Taurus*, signum fixum Terreum, hoc est frigidum, & siccum, domicilium Veneris, & exaltatio Lunæ, in quo, vtpotè principe signo sui trigoni, primum apparet post congressum cum Sole, in Ariete, Solis itidem exaltatione; Arabicè *Ataur*. Constellatio representat Taurum prioribus tantum partibus conspicuum, posterioribus latentem, vel mutilum, ideòque inter mutilata signa computatur. Constat stellis 33. & præterea 11. circa informibus. Quamquam Bayerus in vniuersum enunierat 48. & adhuc Keplerus 52. inter quas celeberrimæ sunt Pleiades, & Hyades, atque inter has, Pailitium, primæ magnitudinis, de qua suo loco dictum. In longitudine incipit Sidus à grad. 17. Tauri primi mobilis, ac protenditur vsque ad gr. 25. Geminorum. Natura eius varia est, ob diuersitatem stellarum, quæ in eo sunt: vnde primæ eius partes sunt frigida, & humida, procellosæ, ac violentæ; mediæ temperatæ, & aliquantò humidiores; Postremæ calidæ, propter oculum Tauri, & alias de natura Martis, & Mercurij: ex quò, excitant ventos impetuosos, fulgura, coruscationes, & similia. Præst ex membris humanis, collo ceruici, & gutturi, (vti Aries Capiti) ideoque Tauri potissimè (præter alias congruentias) figura ei affixa est, quod Taurus in collo robu omne, & fortitudinem habet: præterea signum hoc specialiter boues, & eius generis animantes afficit, & eò signo ab infortuniis occupato; mala in pecudibus expectanda esse. Ad quam rem narrant Pontanus, & Niphus, in *Commenr. ad Apotelesmi. Ptolemæi*, congressum Martis, & Saturni, suo tempore in Tauro celebratum, rigidissimam hyemem apportasse, magnamque bobus impressionem, ac stragem induxisse; & quamquam oves, & aliæ pecudes sint bobus delicatiores; nihilominus in boues pestis dissiuit, quia his, occulta quadam vi, Taurus Cælestis præst. Contrà, si in Ariete coniunctio celebrata fuisset, Ouibus, & Arictibus malum, hoc accidisset. Sed hæc obiter.

- I 2** Tertium Signum sunt *Gemini*, signum commune, aëreum, calidum, & humidum, licet ob vicinitatem Tropici, eius extremæ partes ad siccitatem vergant: est sub dominatu Mercurij, cuius naturæ maxime assimilatur. Ferunt eos, qui sub hoc signo nascuntur, eua-

euadere calidos, bifrontes, duplices animo, tenaces, rixosos atque avaros. Alterisimvs Geminorum nunc temporis incipit à gr. 25. eiusdem signi, & terminat ad gr. 24. Cancrì. Habet stellas secundum Antiquos 18. vltra septem, quæ circa sunt, informes; At Keplerus enumerat in eo 30. & Bayerus, 33. inter quas, tres præcipue sunt, duæ secundæ magnitudinis in capitibus Geminorum existentes, altera dicta *Apollo*, seu *Castor* in capite præcedentis, Arab. *Ras Algenze*, altera in sequente subrufa, de natura Martis dicta *Hercules*, Arab. *Abrachaleus*: ac tertia dicta *Propus*, quartæ magnitudinis, de natura Veneris, & Mercurij, de quibus specialiter suo loco.

Quantum signum est *Cancer*, sub dominio Lunæ, in quo exaltatur Iupiter, Signum mobile, aqueum, de natura sua frigidum, & humidum, sic dictum, quod Sol ad eius initium perueniens quasi retrocedit (vt cancer fluuiatilis) & ad Aequatorem conuertit iter. Ex membris humanis præest pectori, pulmmoni, hepatis, & costis: Constellatio eius, iam nunc tota est in Leone, & constat Stellis 9. præter quatuor informes; cui tamen Keplerus assignat in totum, 17. & Bayerus 35. Inter quas, tres infensissimæ in pectore consistentes, vna, Nebulosa, dicta *Præsepe*, duæ dictæ *Aselli*, quartæ magnitudinis, de natura Martis, & Lunæ: & quarta, præ omnibus fulgentior tertiæ magnitud. in Chelis posita, dicta arabicè *Azubenè*. Quas suo loco examinauimus.

Quintum Signum *Leo*, arabice *Eleced*, igneum, fixum, calidum, & siccum, sic dictum, eoquod Leones specialiter afficit, qui Sole in ipso existente, continuis febribus aduruntur. Ei dominatur Sol; ac præest cordi, stomacho, lateribus, ac diaphragmati: propterea noxium est sumere potiones, vel sanguinem mittere, Sole vel Luna ipsum occupante. Constellatio eius incipit à grad. 11. signi Leonis, & extenditur vsque ad grad. 21. Virginis. Habet Stellas 27. vltra quatuor informes, sed ex Keplero, 40. & adhuc Bayero 45. Inter quas primæ magnitudinis duas, alteram in corde, dictam *Regulum*, alteram in Cauda, arab. *Deneb Eleced*, ac præterea secundæ magnitudinis vnâ in collo, dictam *Lucida colli* de natura Saturni, & Martis, & quinque tertiæ, ac 13. quartæ, quare fidus est potentissimum, ac varium pro varia ipsarum natura. De quibus alibi.

Sextum signum *Virgo* claudens medietatem Zodiaci borealem, & proximè adiacens æquinoctio autumnali, proindeque commune, alioqui triplicitatis terreæ, natura frigidum, & siccum: Domus simul, & exaltatio Mercurij, Præest ventri superiori, intestinis & illis,

lijs; vnde malè affectum atque à maleficis possessum, ciet *Hypocordia*, suscitatur mentis ægritudines, & deliria, inducit tormina, *dysenteriam*, aliasque ventris affectiones. Eius Asterismus longissimus est, quippe qui amplectitur totum signum *Libræ*, ac participat de signo *Virginis* secundam medietatem, & de *Scorpio* sex primos gradus in longum: intrâ quam amplitudinem comprehendit stellas omnino 42. iuxta recensitionem *Bayeri*, quamquam *Ptolemeus* 26. tantum in imaginem colligauit, sex vltra relictis informibus. Ex illis duæ potissimæ sunt, & ab Astronomis in magna consideratione: Vna primæ magnitudinis de natura *Veneris*, & *Mercurij*, existens nunc in grad. 19. *Libræ* cum grad. 2. latitud. australis, dicta *Spica Virginis*, Arab. *Azimech*, de qua suo loco dictum: altera tertij honoris posita in Ala dextra, de natura *Martis*, & *Mercurij* dicta *Vindemiatrix*, eoquod ortu suo indicat maturitatem vindemiz. De qua pariter suo loco dictum. Cæterum primæ partes huius sideris, propter stellas de natura *Martis*, vel *Veneris*, sunt calidæ, & humidæ, vnde, & morbosæ; mediæ temperatæ; postremæ, propter naturam *Saturni*, & *Mercurij* frigidæ.

- 16 *Libra*, septimum signum, & primum meridionale, directè oppositum *Arietis*; sic dictum, quod in ipsum incidit æquinoctium autumnale, & Sol in eius initio manet quasi in æquilibrio; proindeque est signum mobile, triplicitatis æthereæ; Domus *Veneris*, & exaltatio *Saturni*. Præest ventri inferiori, & renibus, vnde habet significare morbos prouenientes ex intemperantia. Eius Constellatio breuissima est, & olim confundebantur cum *Scorpio*; & nunc initium sumit à grad. 7. huius signi, ac terminat ad grad. 27. intrâ se habet stellas 8. non computatis informibus, quas *Bayerus* in formam collegit, suntque in totum 17. Ex his. duæ sunt illustriores secundæ magnitud. in lancibus constitutæ, vna in boreali de natura *Saturni*, & *Martis*; altera in australi, dicta *Lucida Lancis austral.* de natura *Iouis*, & *Martis*, siue *Mercurij*, quæ inter Regias computatur: & ambæ cum Sole vel *Mercurio* exorientes, inducunt ventos, & pluuias. De reliquo totum Astrum siccitate præualet, nisi quod in extremis aliquantò humidum est, ac morbosum.

- 17 *Scorpio*, Octauum signum, fixum, triplicitatis aqueæ, manens sub dominatu *Martis*, qui habet in eo etiam Trigonum cum Luna, & Venere. Nec ab re tributum est ei nomen *Scorpij*, eoquod turpe est, falsum, morbificum, ac venenosum; vnde benè ei stat *Scorpionis* nomen, & figura; eò maximè, quod cum *Scorpionibus* terrestribus miram quandam habet connexionem, & analogiam: namque obseruatum est, Luminaribus in eo positis, *Scorpio-*

pionibus aliàs torpentes excitari, furere, & perniciores euadere: & sunt qui dicane, quod si domus ædificari cæperit ascendente hoc signo, illa posthac erit Scorpionum nidus. Ex membris humanis habet regere vasa seminaria, vesicam, & pudenda, vnde causat morbos in his partibus, & vniuersaliter qui procedunt ex qualitate venefica, & humorum putredine. Eius Asterismus extenditur in longum à grad. 27. eiusdem signi, vsque ad grad. 26. Sagittarij, & comprehendit Stellas 21. cum tribus informibus; quamquam Keplerus ponit in eo 28. & Bayerus 29. omnes ferè de natura Martis, aut Saturni cum participatione Veneris. Quas inter, insignis est quæ in corde, siue medio corpore est, dicta *Antares*, primæ magnitud. de natura Iouis, & Martis, & altera Nebulosa insensibilissima sequens aculeum, de natura Martis, & Lunæ: quæ cum Sole, Luna, vel Marte, morbos generant, & aërem turbant nebulis, pluuijs, & aliquando generant etiam niues.

Sagittarius Nonum Signum, Domus Iouis, Ignæ triplicitatis, commune, bicorporeum, & in prima sui medietate, humanum: Præst coxis, & natibus; & malè à planetis possessum generat morbos duplices, & mixtos, ac difficilis cognitionis, qui modò spem salutis faciant, modò in peius degenerent. Eius Constellatio tota ferè incidit in Galaxiam, incipiens à gr. 26. huius Signi, & pergens vsque ad gr. 28. Capricorni. Habet Stellas omnino 32. ac secundum Keplerum, 35. qui tamen tres additas, decerpit & auulsi à Corona Australi, ac transtulit in hoc sidus: eæque sunt omnes discordis naturæ partim Saturni, & Iouis, partim Martis, & Solis, nonnullæ etiam de natura Veneris, & Saturni, in quibus, quod mirum est, nullum locum habet Mercurius. In his, duæ nebulosæ, vna in oculo Sagittarij, altera præcedens in iaculo: vnde varios effectus gignunt, & parum prosperos, & salubres.

Capricornus Decimum Signum Mobile, terreæ triplicitatis frigidum, & siccum. Domicilium Saturni, & Exaltatio Martis: ex quo signum violentum dicitur. Præst genibus, & ob frigiditatem, disponit valde ad Hydropem, recidivas, ac morborum diuturnitatem; assert etià membrorum inferiorum contorsiones, vt podagram, luxationes, claudicationem, &c. Asterismus incipit à gr. 28. eiusdem signi, ac terminat ad Aquarij grad. 21. Comprehendit Stellas 28. quæ sunt de natura Martis, & Mercurij, præter duas splendidiores tertix magnitud. in educatione Caudæ existentes, quæ sunt de natura Saturni, & Iouis. Hæ cum Sole exorientes, niues adportant; occidentes frigus intendunt, & generaliter cum Saturno,

Sssff

Marte,

Marte, & Mercurio, ventos frigidos, nebulas, imbres copiosos, & niues, si temporum ratio id permiserit.

- 20 *Aquarius* undecimum Signum, fixum, triplicitatis aëreæ, altera Domus Saturni, ideoque frigidissimum, & humidum: Præst tibijs, & generat morbos pituitosos, & frigidaë qualitatis, sanguinem vt plurimum contaminantes, & in aquam, pusque vertentes. Asterismus incipit à grad. 7. eius signi ac desinit ad grad. 15. Piscium. Formatur è 45. Stellis, quas inter, annumerantur tres informes quartæ magnitud. de natura Saturni, & Iouis. In reliquis quinque sunt insigniores, vna fulgentissima primæ magnitudinis, quæ est postrema in effusione aquæ, dicta *Fomahand*. aliæ quatuor tertie magnitud. vna in Tibia dextrâ fulgens, nomine *Scheat*: duæ in scapulis dextrâ, & sinistrâ; de natura Saturni, & Mercurij; & quarta in brachio dextrò ad ansam vasis, de natura Saturni, Veneris, & Mercurij. Hæ omnes cum Mercurio, præsertim *Scheat*, faciunt ventos cum nebulis, & intenso frigore; cum Venere pluuias: & Sol porriusimum cum *Fomahand* exoriens, inducit tempus turbidum valdè, & humidum. At Stella hæc Romæ nec oritur, neque occidit, sed vix horizontem radit.

- 21 *Pisces* duodecimum, & postremum Signum Zodiaci, triplicitatis aqueæ, Commune, & conterminum Arieti, ac sectioni Vernæ: Domus est Iouis, & exaltatio Veneris. Dominatur pedibus, atque à maleficis possessum causat morbos ex humiditate prouenientes. Edemata, podagram frigidam, claudicationem &c. Item significat morbos ex corrupta vt plurimum pituita, & in specie, diarrhæam, & fluxum ventris; & cum sit Signum bicorporeum, sæpè miscet plures morbos in vnum. Porro Asterismus eius totus penè abiit in Arietem, & constatur ex Stellis 34. infimæ notæ, præter vnâ tertij fulgoris satis lucidam, quæ est in flexura lini ambos pisces necientis, de natura Iouis & Mercurij; quæ cum Sole exoriens, inducit tempus turbidum cum aliqua humiditate: cum Mercurio autem illud exasperat, commouendo ventos impetuosos, & ni obstat temporis qualitas, causant magnum frigus.

- 22 Et hæc demùm est solènis partitio Zodiaci in duodecim Signa: quæ magne consilio, in tot præcisè partes, nec plures, nec pauciores ab antiquis illis Astronomis facta est, quoniam referuntur medum ad menses, in quorum singulis Sol vnum percurrit; sed potissimum ad temporum notabiles variationes, quæ in his sunt. Etenim in toto anno quatuor sunt præcipuæ, & satis notæ partes: Ver, Aestas, Autumnus, & Hyems. Quæ in qualitatum complexibus non eodem

dem modo se habent; nam Ver humidum est, & calidum; Aestas calida, & sicca: Autumnus siccus, & frigidus: & Hyems frigida, & humida; vt omnes agnoscunt, & sensu tenent: Cum igitur motus Solis in Zodiaco, quo efficit quatuor anni tempora, non sit æqualis, sed obliquus, itaut modò nobis imminet, modo longius absit; modò medium locum teneat: hinc fit vt in primo quadrante, ab Ariete ad finem Geminorum inducat ver, & calorem supra humiditatem successiuà magis ac magis intendat, ac proinde in ipsa qualitatù cõplexione tres notabiles variationes deprehendantur; principii nempe in quo præualet humiditas calori; medium in quo penè æquiparantur; & finis, in quo cedit humiditas, ac disponitur tempus ad siccitatem, quæ cum calore subintrat in æstate; & sic discurrendo per singulos anni quadrantes; necessum fuit, vt hæc variatio per signa id efficientia, distingueretur per totidem quadrantes in Zodiaco consideratos, quorum vnumquodque tria signa complecteretur: quorum primum, transitum denotaret ex vna combinatione qualitatum in aliam, appellarenturque signa illa mobilia; secundum signaret æquiparantiam, & stabilitatem illarum duarum qualitatum, & sic signa intermedia vocarentur fixa, seu stabilia; Tertium, cessionem vnius qualitatis, & dispositionem ad aliam mox subintrantem in alio quadrante, & hæc postrema signa dicerentur communia; quæ proinde in quatuor classes distributa, constituerent quatuor Trigona singulis cõbinationibus respondentia, atque ab Elementis, quæ in illis præualet, denominarentur Aërea, Ignea, Aquea, Terrea. Quare satis appositè facta est dicta diuisio totius Zodiaci in duodecim signa, quæ maximè rationi, & naturæ est consentanea. Linquo alias rationes non minus concludentes, & efficaces, quas alij Astro-nomi afferunt, ac præcipuè Clavius in Sphæram Io: de Sacrobosco. Quibus addiderim ego respectus ad Cardines mundi, atque omnium configurationum complexus, & habitus ad inuicem è locis idoneis.

Verùm, vnum hic præterire, haud equidem sine supinitate foret: nempe mirum non esse, si quæ de signis Zodiaci Antiqui scripsere, iam nunc veritati minùs respondeant. Etenim cum illi Signorum naturam ab stellarum fixarum in ijs comprehensarum qualitibus, & virtutibus sæpius obseruatis auspicati fuerint, existimantes illas esse fixas, & immobiles sub dictis signis, atque adeo vnientes significata pura signorum, accepta à longè, & propè fieri ad puncta Cardinalia, cum Stellarum ex se præcisè consideratarum natura; consequenter in recessu octauæ sphæræ à Primo Mobili, multoties non concordant amborum significationes, nec sibi respondent effecta;



quæ iam variantibus causis, variari necesse est. Quare prudens Astronomus antequam super cælesti quadam configuratione ex Ptolemaei, & Antiquorum datis præceptis, & aphorismis iudicium proferat, attendere debet Stellarum præsentis positus sub talibus, & talibus signis, num in significatis conueniant, aut discrepent; ac factò diligenti scrutinio, de resultantibus inde effectibus pronunciare.

24. ZONAE à Geographis pariter, ac Astronomis, dictæ sunt partitiones quædam & spatia in primo mobili; & in terrestri globo concepta, ac circulis minoribus definita, quæ à Polo ad Polum vniuersum cæli ambitum, proindeque terræ directè illi suppositæ, veluti fasciæ equaliter extensæ complectuntur, & in quinque plagas dispescunt. *Maculas* appellat Cicero in *Somnio Scipionis*: Alij *Oras*, & *Cingulos*, sed communiter, *Zonas*. Hæ autem, vt dixi, formantur, ac distinguuntur à quatuor Circulis minoribus conceptis in Sphæra, parallelis ad Aequatorem, quorum duo maiores formantur à Tropici equidistantibus hincinde ab illo, grad. 23. cum dimidio, quanta videlicet est maxima Solis declinatio; duo alij his adhuc minores à polis Zodiaci hincinde, per idem spatium distantes à Polis Mundi, qui Circuli Polares dicti sunt: itaut quælibet Zona sit semper eiusdem latitudinis à Borea ad Austrum, vnde cumque illam concipias, sed non paris longitudinis, seu amplitudinis ab ortu in occasum, cumque intra circulos polares comprehenduntur, omnium minimæ sint, & intra spatium prædictorum 23. 30. graduum conclusæ, quæ à tropicis definiuntur maxime, & ampliores, utpotè quæ duplum continent, & grad. 47. circulisque maioribus concluduntur: reliquæ verò duæ, quæ intermediant, singulæ continent grad. 43. ac proinde omnes simul hincinde ad Aequatorem compleant totum, quadrantem grad. 90. Ex his duæ polares sunt minimæ, & frigidissimæ, ob magnam solis distantiam, & radiorum eius obliquitatem: duæ item maiores, ac temperatæ, quæ interponuntur inter alterum tropicum, & circulum arcticum, vel antarcticum, & quintæ amplissima, & exæstians, ob continuam solis præsentiam incedentis à Tropico ad tropicum, ac proinde complectens etiã circulum maximum æquinoctialem, quæ idcirco dicta est *Torrida*, & tractus terræ illi subiectus creditus ab Antiquis inhabitabilis ob nimium æstum. Vnde Virgilius l. Georgic.

*Quinque tenent Cælum Zona; quarum una corusca
Semper Sole rubens, & torrida semper ab igne:
Quam circum extrema dextrâ laudæque trahitur*

CARU-

*Cerulea glacie concreta, atque imbris atris.
Has inter, mediamque dua Mortalibus ægris
Munere concessit Diuûm.*

Verûm experientia postmodum patefecit, omnem terræ tractum, 25
omnemque Zonam esse probè habitabilem, & æquè ab hominibus
cultam: cùm & Zona, quam dicunt torridam, magnam partem am-
plissimas, & cultissimas Asiæ, Africæ, & Americæ provincias com-
plectatur, in quibus frequentissimæ vrbes, & oppida, & infinita
ptopemodum hominum multitudo commoratur, & vitam trahunt
nedum commodam, sed & iucundam, maximè sub Aequatore. Do
quibus locis mira referunt Mercatores, & Missionarij nostri, qui illuc
quotidiè vadunt, vel mercimonij causa, vel ad compatandum lu-
crum Animarum, atque ad nos remeant cum magno fœnore.

Similiter quoad regiones Polis subiectas refert Plinius lib. 4. cap. 26
12. esse inibi summam aëris temperiem, solique vbertatem. Nam
*non alibi, inquit, quam in semestri luce constituere eos; ferere matutinis,
meridie metere, occidente Sole fatus arborum decerpere, noctibus in spe-
cus condi tradiderunt.* Quod tamen, siue per iocum (vt existimat
Dalechampius) siue per hyperbolam, ab homine satis credulo, ac
dubie vplurimum fidei, dictum crediderim; cùm Bataui ad eas
oras, transactio sæculo, nauigantes, nonnisi ad vsque 75. grad. eleua-
tionis Poli peruenire potuerint, & horrenda tetulerint de eorum lo-
corum frigiditate, quâ concretum gelu mare, vltius progredi non
permiserit. Attamen, si res benè perpendatur, ratione colligi po-
test, non esse inibi frigus adeò intolerandum, vt, si non commo-
dè, saltem vteumque, homines aliàs climati assuetos, benè morari,
& longam vitam trahere possint. Etenim, etsi in ijs locis, duorum,
trium, vel etiam plurium mensum, (quò magis ad Polum acce-
dunt) spatio, Sol delitescat, nihilominus, totidem, & eò amplius
in æstare suprâ terram consistit, nunquam occidens, sed in gyrum
se ferens, vnde & Periscij, quasi contra-umbres, accolæ audiunt,
quod ijs vmbra corporis per gyrum voluatur. Quò fit, vt ex diutur-
na Solis consistentia in superiore hemisphærio, eius radijs etsi obli-
quis, continuis tamen, & nunquam intermittentibus, fota tellus, &
aër, non ita intensum toto anno concipiant frigus, cum & in æsta-
te ob iugem solis moram suprâ terram caleat, & in hyeme ob ni-
miam horizontis obliquitatem, Solem habeat horizonti propin-
quum, & ferè semper in crepusculis commorantem: vnde nusquam
obscuram noctem, nusquam intolerabile frigus, quod non iugi so-
lis consistentia temperetur.

Vbi quidem magnum nobis Diuinæ Sapientiæ ac Providentiæ in 27

vniversi Orbis architectatione commendandæ, argumentum suppedit, cum nulla sit eius pars, quæ non sit providè instituta, & ad commodè inhabitandum facta. Nam in Zona torrida æstus immoderantiam refringunt aquæ, vel è cælo cadentes ubi sol sit verticalis, vel è terra scaturientes, quæ in amplissimos amnes adunantur, universam eius superficiem irrigantes, tum aqua dierum, ac noctium vicissitudo, quæ fit, ut sol non plus suprà terram stet, quam sub terra; atque adeò non valeat illam diù suis radijs percutere, & inflammare, sed cursim permeet, & quantum caloris immittit in die, tantumdem remittat in nocte per frigus insurgens; quod ut superet, & aërem excalefaciat, multum temporis insumi debet, (ut in simili observamus in clibano) nec prius vires acquirat calor, Sole culmen tenente, quin mox languescat, ipso ad occasum vergente: unde, perhibent, sub Aequatore magnam temperiem esse, & homines inibi nasci albos, cum aliàs sub tropicis, nigros.

In frigidis verò regionibus eadem ratio, sed sub contrarijs considerationibus militat; enimverò iugis Solis consistentia suprà terram multum adimit innatæ frigiditatis, & noctu in specubus habitantes teporem experiuntur, ob antiperistasis ab intenso frigore circumambiente, uti nos probamus contraria vice in æstate, in magnis caloribus, in locis subterraneis tantumdem frigoris sentientes. Quocirca nulla est provincia, nullus terræ angulus adeò natura inhospitus, & remotus, quin possint in eo homines commodè habitare; ac Divina munificentia frui.

- 28 ZOPHORVS in opere Architectonico est pars illa in Trabeatione, seu suprema Coronice alicuius nobilis ædificij, quæ principem in ea locum occupat, & cæteris amplior ac patentior, vniversi operis maiestatem, auget & complet. Etenim cum tota Trabeatio in sublimi sit, & satis conspicua, finem operi imponat, & tectis immediatè subiaceat; æquum erat, ut omnis Archirecturæ conatus in ea probè constituenda insumeretur; ac propterea non tam firmitudinis, & consistentiæ ratio potissimè haberetur, quam decoris, & venustatis. Idcirco in omni structuræ ordine vel simplici, & Tuscanico admixta est, & in suo genere cæteris partibus cultior, & ornatio. Nunc autem tota coronix, ut perfectæ sit, tribus membris constare debet, Epistylío strictè sumpto, quod signatè illam partem appellat, quæ immediate columnis seu arcibus columnationum insistit, quam nostri Architrabem nominant; Coronà, quæ opus claudit, ac tectum sustinet, exceptamque pluuiam foris proijcit; & Zophoro his intermedio, qui latius, & liberius excurrens, totius trabeationis

nis est regula, dignior pars, & complementum; utique huic is debebatur locus, qui dignitati & officio responderet, eiusque praeeminentiam ostentare. Vnde perinde est in aedificij fronte, ac Rex in suo throno magnifice constitutus, habens hinc subtus architrabem quasi scabellum, duabus vel tribus tenijs foras profluentibus, veluti gradibus interstinctum; inde desuper coronam portectam quasi umbellam illum ab iniurijs contegentem, ac thronum simul maiestate complentem, venerationemque (ut ita dicam) conciliantem, ut propterea non immerito hanc praecipuam Coronae partem, Leo Albertus Fasciam Regiam appellavit. Nostrates communiter *Fregium* vocant, quod ornamentum sonat. At Graeci ampliore vocabulo Zophoron, ex insculptarum imaginum varietate. Sed non inepte Terrestrem Zodiacum, quis diceret, ad Caelestis normam exactum, & sideribus insignitum: quandoquidem reipsa, omnis terrena constructio, ut auctor est Vitruvius, ad Caelestis machinae similitudinem consurgere debet, atque Architecturae prototypum imitari. Ne quaeſo, me quis nimium in Zophori laudibus dixerit, atque hyperbolicis exaggerationibus velle finem Operis coronare. Audiat quae gravissimus aliqui Scriptor & ad alia intentus, utpote sacri Eloquij Commentator, de Zophori dignitate protulerit, in eum obiter incidens. Is est Io: Bapt. Villalpandus in Ezechielem Prophetam, qui tomo 2. cap. 18. Templi Hierosolymitani à Salomone crecti mirabilem architecturam expendens, ubi ad Zophorum venit, haec habet: *Ecce nunc aggredimur tractationem de mirabili Zophori symmetria: quae in re cupere quidem Rethorum omnium in dicendo peritiam, orationis vim, verborum efficacitatem, sententiarum copiam, & affluentiam; quae vel aliqua parte studioſo cuique, tot tantaeque operis huius admirabilis ornamenta significarem; ex quibus pateret quam perfectam inieritrationem Salomon architectandi, & quam haec infinitis penè partibus omne aliud architectandi genus excellat, quod unum Dei Opt. Max. sapientiam aliqua ex parte significare posset. Et post pauca, quibus illum, tanquam unicum, ac singulare architecturae ornamentum commendare nititur, haec addit. Sed frustra conor assequi dicendo, quod exercitatissimus quisque non posset. Expedire magis censui ab omni abstinere; ut ipsa veritatis, & artificij pulchritudo ab omni ornamentorum colore destituta, seipsam prodatur. Haec Villalpandus. Ergo eius exemplo, relictis eloquentiae phaleris, rem simpliciter, uti in se est, architectonicè prosequamur. Itaque Zophorus est pars illa media trabeationis, quae illam animat, & ut dixi, in omni architecturae Ordine reperitur, Tuscanico nempe seu antiquo, Dorico, Ionico, Corinthio, & Composito; sed pro cuiusque ordinis conditio-*

30

ditione, & qualitate magis, aut minus conspicua, & ornata. In Tuscano, utpote solidiore, & rudiore, simplex & plana. In Ionico, molliter tumens, modò simplex, modò laureis folijs simul colligatis, intexta. In Dorico latius incedens, ac metopis, & triglyphis alternatim positis interstincta; & hi quidem representare, habent tignorum capita prominentia, quæ tectum, & stillicidia sustinent; illæ verò referunt spatia interiecta, quæ tabulis operiebantur, in quibus, ne omnino vacua relinquerentur, ab initio ex Ethnicorum more, depicta vel insculpta erant alternatim taurorum crania, disci, vrceoli, & alia quæ sacrificijs celebrandis inseruire poterant; at in Templo Hierosolymitano, horum loco effingebantur Cherubinatorum capita, vel quatuor Animalium mysticorum, quorum visio Ezechieli facta fuit. In reliquis duobus ordinibus, quoniam in ornatu, & varietate omnis ratio insisteret; omnia sculpturarum genera, quæ aspectui grata forent, absque discrimine ad mittebantur, animalia excurrentia, flores, poma, encarpia, vestes, instrumenta bellica, denique quidquid in mentem architectoris veniret, & operi, quod moliebatur congrueret; ut patet in antiquorum monumentis, quorum pretiosa quæque è toto fere Orbe collecta sunt, & à Constantino Magno pijsimo Imperatore exedificandarum sacrarum Basilicarum studiojsimo, ad celerem earum structuram religiosissimè applicata, quibus potissimum adornatur Basilica S. Laurentij extrà muros, vbi non ordine quidem, & symmetria, sed magnificentia, singularitate, ac perfectione artis, congestum videas quidquid vnquam Græcorum, Latinorumve vetus Architectura enixa fuerit, & edax tempus ad imitandum reliquerit: ut proinde in hoc vno Templo instructissimum vetustatis Musæum Pictores, Sculptores, & Architecti, vnde suorum operum lineamenta desumant, & in sua quisque facultate perficiatur. Ex his, regulas partiumque proportionem auspicati sunt, qui Architecturæ vniuersalis præcepta tradidere, Vitruuius, Philander, Barbarus, ac præsertim Vignola: qui modo, quod ad Zophorum attinet, dixere, eius altitudinem debere sibi assumere decem, & octo partes è quadraginta quinque, quæ totam trabeationem complent: latitudinem posuerunt tantam, quanta est Epistylj substrati crassitudo, quæ in Corinthijs, & Compositis fit aliquantò latior quotiescunque ornatur, ut ampliorem campum habent exspatiando. Benè verò obseruatum est, in operibus maximis, antiquos consueuisse relinquere Zophorum planum, & simplicem absque vlla sculptura, vbi multa simul, & diuersa ornamenta in coronam refuderunt, utputa mutulos, cymatium lesbium, denticulos, verticillos, &c. ut videre est Romæ in par-

parte Architravis adhuc stantis erecti supra tres columnas ad Forum Boarium iuxta Templum S. Mariæ Liberatricis, quæ sunt reliquæ Templi Iouis Statoris, ex quibus licet conijcere magnificentiam illius operis in quod omnes compositi ordinis lepores, & venustates coadunavit Architectus seu sculptor; at Zophorum ex industria planum, & liberè excurrentem reliquit; idque meo iudicio, ne multitudo ornamentorum ex alto aspectum confunderet, turbaretque quando Zophori interposita simplex excursio partes probè dispiceret, & vnam ab altera segregaret. Id quod videmus etiam in magnis fragmentis Palatii Neroniani in Columnensium hortis Quirinalibus extantibus, quæ iure dixeris artis miracula, licet abiecta, & à paucis tantummodo intellecta. Sed præstat hic singulorum ordinum trabeationis specimen reddere; vbi quæ hæcenus, & alibi sparsim de partibus illam componentibus diximus, possit curiosus Lector oculis inspicere, & mente iucundiùs contemplari.

Epistilium Ionicum



Epistilium Doricum



Epistilium Tuscanum



Epistilium Compositum



Epistilium Ionicum cum peltino



Epistilium Corinthium



Cdb. Sc.

Atque

Atque hic sistat calamus ; & Zophorus ; qui , ut totius Trabeationis nobilior pars est , ipsaque Trabeatio ædificij laus , & complementum ; sit etiam susceptæ à nobis operæ terminus , & Coronis . Etenim cuique solemne est , laboris finem attendere , & à Fine , Operis pretium auspicari , iuxta illud : *FINIS CORONAT OPVS* .

Ast mihi auspicatius erit , *CORONA* Operi finem imponere , metamque assequi optato fine condignam . Ut proinde meritò Zophorus

Architectonici Operis summum

Decus , & Honor , sit totius

Mathematicæ

istius Excursionis .

META

CORONAMENTVM ;

Et

F I N I S .



Præmonitio ad Lectorem.

SUmma adhibitâ diligentia, euitari haud potuit, quin aliquot sphalmata irrepserint, quæ oculatissimi alioqui Correctoris aciem effugerunt; sed æquo animo ferendum, quòd pauca admodum sint, eaque leuissima; quæ sensum non immutant, nec turbant, si vnum, aut alterum excipias. Hæc calamus emendabit: Cætera, præsertim interpunctionum, aut vnius literulæ in aliam consimilem transmutationis, Lectoris discretio excusabit. Neque enim vacat eorum indicem hîc attexere.



